



परमेश्वरला बचन
छार कबुल

Eastern Tamang New Testament

Contents

मत्ती	1
मर्कूस	55
लूका	87
यूहन्ना	140
मुल चेतगदेला गे	181
रोमी	233
१ कोरिन्थी	257
२ कोरिन्थी	280
गलाती	294
एफिसी	302
फिलिप्पी	310
कलस्सी	316
१ थसलोनिकी	322
२ थसलोनिकी	327
१ तिमार्थी	330
२ तिमार्थी	336
तीतस	341
फिलेमान	344
हिब्रू	346
याकूब	364
१ पत्रूस	370
२ पत्रूस	377
१ यूहन्ना	381
२ यूहन्ना	388
३ यूहन्ना	390
यहूदा	392
यूहन्नादा उन्ना ताम	394



परमेश्वरला बचन छार कबुल

New Testament in Tamang, Eastern

Language: Eastern Tamang (Tamang, Eastern)

Provided by: Wycliffe Bible Translators

Contributor: Eastern Tamang Language Team

This print-on-demand edition of Scripture is produced and provided at cost by the Digital Bible Society in partnership with the Bible League of Canada, Open Doors International, and other missions and translation agencies. To order additional copies of this or other Bibles, please visit www.dbs.org (USA), www.bibleleague.ca (Canada), and www.opendoors.org (Europe).

Copyright and Permission to Copy

Copyright © 2011 Wycliffe Bible Translators, Inc.

This translation is made available to you under the terms of the Creative Commons Attribution-No Derivatives license 4.0. You may share and redistribute this Bible translation or excerpts from it in any format, provided that:

You include the above copyright information.

You do not make any derivative works that change any of the actual words or punctuation of the Scriptures.

Pictures included with Scriptures and other documents are licensed just for use with those Scriptures and documents. For other uses, please contact the respective copyright owners.

© 2011, Wycliffe Bible Translators, Inc. and Eastern Tamang Language Team.

PDF, ePub, and MOBI Bible covers and design are copyrighted 2017 by the Digital Bible Society (www.dbs.org).

PDF generated on 2017-08-24 from source files dated 2017-08-24.

75fec6d5-7473-5018-a7c0-dd9740a83748

ISBN: 978-1-5313-0616-8

मत्तीसे भिरबा थार्बा पिन्बा समाचार

चु किताबला बाररी पाङ्गतोःमा

भिरबा म्हेः येशूला मुल चला मत्तीसे भिरबा मुबा। थंदा लवीएनोन भिमुबा (मर्कूस २:१४)।

भिरबा ग्लाः एन्टीओखिया शहररी भिरबा मुबा।

भिरबा सालः ओस्पन ईश्वी संवत ७० (विक्रम संवत १२७) सालरी भिरबा मुबा। बाइबलला कोइ कोइ विद्वानगदसे ईश्वी संवत ८० (विक्रम संवत १३५) साल भन्दा लिच्छा भिरबा हिन्ना भिसी पाङ्गमुला। चु मिति मर्कूसला किताब भिरबा भन्दा लिच्छाला हिन्ना। मत्तीला किताब भिरबा धुइरी यरूशलेमरी मुबा परमेश्वरला मन्दिरदा रोमीगदसे नाश लबा मुबा।

खाल्दा भिरबाः येशू थार्बा पिन्बा ग्ले हिन्ना भिसी उन्बाला लागिरी यहूदीगददा भिरबा मुबा।

चु थार्बा पिन्बा समाचाररी डाच्छान पुइखला भिसी कबुल लबा थार्बा पिन्बा म्हे चा येशू हिन्ना भिसी पाङ्गबा मुला। ल्हानान डाच्छा परमेश्वरसे हराङ्गला म्हे यहूदीगददा थार्बा पिन्बा म्हे पुइखला भिसी कबुल लबा मुबा। थं कबुल चा परमेश्वरसे येशूदा जम्बुलिङ्गी पुइखसी पूरा लजी। चु थार्बा पिन्बा समाचार यहूदी यहुलला म्हेगदला लागिरी जे आहिन, जम्बुलिङ्ग नाङ्गलान म्हेगदला लागिरीएनोन हिन्ना।

चु थार्बा पिन्बा समाचाररी मत्तीसे जम्मान तामगददे मलोसन भिरबा मुला। चु किताबरी येशू खरीष्ट न्हाहन्से सिबाग्याम सोबाधोनाला तामगदला बाररी पाङ्गबा मुला। चुरी येशू न्हाबा ताम ओच्छे येशूला बप्तिस्मादेन शेतानसे येशूला सेम च्याबाला बाररी पाङ्गबा मुला। थंहरङ्ग लसीन गालील अञ्चलरी येशूसे परमेश्वरला यहुल्साला समाचार थंःना लबादेन तोप्या ओच्छे आसम्बा म्हेगददा खम्ना लबा तामगदला बाररीनोन पाङ्गबा मुला। थंहरङ्ग लसीन येशू जम्मान म्हेला पापला सय फाबारी करूसरी सिबादेन सिबाग्याम सोबा तामला बाररीनोन पाङ्गबा मुला।

चु थार्बा पिन्बा समाचारग्याम येशूदा परमेश्वरसे मोशादा पिन्बा ठिमंदेन परमेश्वरला

यहुल्साला बाररी म्हेसे आघोबा तामगददे घोना लबा अधिकार याङ्गबा जम्मान भन्दा घेरन गुरु हिन्ना भिसी उन्बा मुला।

मुल तामगद

येशूला आसे म्हेमगदला मिनदेन येशू खरीष्ट न्हाबा १:१-२:२३

बप्तिस्मा पिन्बा यहून्नासे लबा गे ३:१-१२

येशूसे बप्तिस्मा किन्बादेन शेतानसे येशूदा फसब लबारी म्हाइबा ३:१३-४:११

येशूसे गालील अञ्चलरी लबा गे ४:१२-१८:३५

येशू गालील अञ्चलहेन्से यरूशलेम शहरधोना फेप्या १९:१-२०:३४

यरूशलेम शहररी येशूला गे थुम्बा धुइ २१:१-२७:६६

येशूदा सिबाग्याम सोना लबादेन हराङ्गला चलागददेन छ्याम हरुप तबा २८:१-२०

मत्तीसे भिरबा थार्बा पिन्बा समाचार

येशूला आसे म्हेमे

लूका ३:२३-३८

१ चुरी भिरबा म्हेला मिनगद येशू खरीष्टला वंशला हिन्ना। येशू खरीष्ट दाऊदला वंशरी न्हाबा हिन्ना, ओच्छे दाऊद अब्राहामला वंशरी न्हाबा हिन्ना।

२ अब्राहामला झा इसहाक मुबा,

इसहाकला झा याकूब,

याकूबला झा यहूदादेन थेला ज्योज्यो आलेगदे मुबा।

३ यहूदाला झा फारेसदेन जाहेर मुबा।

थेनीगदला आमा तामार मुबा,

फारेसला झा हेसरोन,

हेसरोनला झा आराम,

४ आरामला झा अम्मीनादाब,

अम्मीनादाबला झा नहशोन,

नहशोनला झा सल्मोन,

५ सल्मोनला झा बोअज मुबा, थेला आमा राहाब मुबा,

बोअजला झा ओबेद मुबा, थेला आमा रूथ मुबा,

ओबेदला झा यिषे,

६ यिषेला झा दाऊद ग्ले मुबा,

दाऊद ग्लेला सन्तान सोलोमन मुबा,

सोलोमनला आमा चा डाच्छा उरियाहला मिरङ्ग मुबा।

७ सोलोमनला झा रहबाम,
 रहबामला झा अबिया,
 अबियाला झा आश,
 ८ आशला झा यहोशापात,
 यहोशापातला झा यहोराम,
 यहोरामला झा उज्जियाह,
 ९ उज्जियाहला झा योताम,
 योतामला झा आहाज,
 आहाजला झा हिजकिया,
 १० हिजकियाला झा मनश्श,
 मनश्शला झा आमोन,
 आमोनला झा योशियाह,
 ११ योशियाहला झा यकोनियासदेन थला
 आलेगदेला आबा मुबा। थनीगदे
 यहूदीगदेदा चुडूसी बेबिलोन भिबा ग्लारी
 मोर्बा भन्दा डाच्छान न्हवा मुबा।^a
 १२ बेबिलोनरी मोर्माहन्से
 यकोनियासला झा शालतिएल न्हजी,
 ओच्छे शालतिएलला झा यरुबाबल,
 १३ यरुबाबलला झा अबिउद,
 अबिउदला झा एत्याकीम,
 एत्याकीमला झा आजोर,
 १४ आजोरला झा सादोक,
 सादोकला झा आसिम,
 आसिमला झा एलिउद,
 १५ एलिउदला झा एलाजार,
 एलाजारला झा मत्तान,
 मत्तानला झा याकूब,
 १६ याकूबला झा योसफ मुबा, योसफसे मरियमदा
 ब्याह लजी।
 थेनोन मरियमग्याम येशू न्हजी, थेदा जम्मासेन
 थार्बा पिन्वा खरीष्ट भिसी भिला।
 १७ चुहरङ लसी अब्राहामहन्से दाऊदधोना
 च्युक बिन पुस्ता मुबा, थहरङ लसीन
 दाऊदहन्से यहूदीगदे बेबिलोनरी मोर्बा धुइधोना
 च्युक बिन पुस्ता मुबा, ओच्छे बेबिलोनरी
 मोर्बा धुइहन्से थार्बा पिन्वा खरीष्ट न्हवा
 धुइधोना च्युक बिन पुस्ता मुबा।

येशू खरीष्ट न्हवा

लूका २:१-७

१८ येशू खरीष्ट चुहरङ लसी न्हजी, योसफसे
 येशूला आमादा ब्याह लबारी हरीबा मुबा। तर
 थनीगदेला ब्याह तबा भन्दा डाच्छान मरियम
 परमेश्वरला आत्माग्याम न्हसेला तबा मुबा।
 १९ तर थला हरम्बो योसफ परमेश्वरला डाच्छा
 ज्यबा म्हा तबास लमा थेदा म्हाला आन्डाडरी
 पेःना थालगै भिसी खालेस था आयाङना लसी
 खलाबा सम लजी।

२० चु ताम म्हन्बान लमा योसफ छुप निजी,
 जमाहन्से म्हाडरी थ मुबा ग्लारी परमपरमुला
 दूत खसी थेदा “दाऊद ग्लेला सन्तान योसफ,
 ए मरियमदेन ब्याह लबारी थालोङगो। तिगदा
 भिसम थ परमेश्वरला आत्माग्याम न्हसेला
 तबा हिन्ना। २१ थसे झा गिक न्हला, एस थला
 मिन येशू थान्ना। तिगदा भिसम थसे हराङला
 म्हागदेदा थनीगदेला पापग्याम थार्ना लला”
 भिसी भिजी।^c

२२ परमपरमुसे अगमवक्ताग्याम सुडबा बचन
 पूरा तगै भिसीन चु जम्मान तबा हिन्ना।
 २३ “च्यागो, ब्याह आलबा मिरङकोला गिक
 न्हसेला तला ओच्छे थसे झा न्हला, थला मिन
 इम्मानुएल भिसी थान्ना,” इम्मानुएल भिबा चा
 “परमेश्वर ग्हाङदेन छुयाम” भिबा हिन्ना।^d

२४ योसफ छामाहन्से परमपरमुला दूतसे
 पाङबा हरङ थसे मरियमदा ब्याह लजी। २५ तर
 मरियमसे कोला आन्हतधोना योसफ मरियमदेन
 छुयाम आन्हनी। मरियमसे कोला न्हमाहन्से
 योसफसे कोलाला मिन येशू थान्नी।^e

ज्यातिषीगदे येशूदा झ्याल्वारी खबा

१ हरोद ग्लेला धुइरी यहूदिया अञ्चलला
 २ बेथलेहम भिबा नाम्सारी येशू न्हजी।
 जमाहन्से स्यारला ज्यातिषीगदे यरुशलमरी
 खजी, ओच्छे थनीगदेसे, २ “यहूदीगदेला ग्ले
 दोसी न्हवा कोला खानङ मुला ? तिगदा भिसम
 डन्से स्याररी थ न्हजी भिसी उन्वा सार
 मराङ्जी। थेतबासेलमा डनी थेदा झ्याल्वारी
 खबा हिन्ना” भिसी भिजी।

१:२१ “येशू” भिबाला अर्थ चा परमपरमुसे थार्ना लला भिबा हिन्ना।

७:११ २ राजा २४:१५ ; २ इति ३६:१० ; यर्मि २७:२० ७:१८ लूका १:२७

७:२१ लूका १:३१ ७:२३ यशै ७:१४ ७:२५ लूका २:२१

३ चु ताम थेःमाहेन्स हरोद ग्लेदेन यरूशलेमरी मुबा जम्मान म्हिगदेदा ल्हानान सुर्दा तजी। ४ जमाहेन्स हरोद ग्लेसे परमश्वरला मन्दिररी पूजा लबा मुल म्हिगदेदेन यहूदी धर्मगुरुगदे जम्मादान ग्ला गिकरी ड्याइसी “थाबा पिन्बा खरीष्ट खानड न्हला भिसी पाडबा मुला?” भिसी ड्याइबा छार्बा लजी। ५ थनीगदेस हरोद ग्लेदा “यहूदियाला बेथलेहेम भिबा नाम्सारी न्हला भिसी पाडबा मुला, तिग्दा भिसम अगमवक्तासे चुहरड लसी भिरबा मुला,

६ यहूदिया अञ्चलरी मुबा बेथलेहेम नाम्सा जजा मुसेनोन घरेन तला, तिग्दा भिसम बेथलेहेमग्याम शासन लबा म्हि गिक थोन्ना,

थेसे डाला म्हि इसराएलीगदेदा वास्ता लला भिसी भिजी।”^f

७ जमाहेन्स हरोदसे थे ज्योतिषीगदेदा जे सुदृक्क ड्योइसी सार साइमा मराडबा हिन्ना, भिसी ड्याइबा छार्बा लजी। ओच्छे थनीगदेग्याम सार मराडबा धुइ था याडजी। ८ जमाहेन्स थेसे थनीगदेदा “निउ, ओच्छे थे कोलादा ज्यना लसी म्हाइगो। थदा स्याप्मेच्छायाम डादा पाडगो, डाएनोन थदा झ्याल्बारी निला” भिसी बेथलेहेमरी पुइजी।

९ ग्लेला ताम थेःसी थनीगदे थग्याम निजी। थनीगदेस डाच्छा स्याररी मराडबा सार दोःसी थनीगदेला डाच्छा डाच्छा निजी, ओच्छे लैनु येशू मुबा ग्लारी थोमाहेन्स थे सार अडब तजी। १० थे सार मराडमाहेन्स थनीगदे ल्हानान ताडजी। ११ दिम न्हडरी वाडमा थनीगदेस लैनु येशूदा थेला आमा मरियमदेन छ्याम मराडजी, जमाहेन्स थनीगदेस येशूदा फया लसी हराड हराडला बाकस ठोडसी म्हर, ज्यवा बास्ना खबा धूपदेन मूर भिबा महंगो अतर भसी फुलजी। १२ ओच्छे म्हाडरी परमश्वरसे थनीगदेदा हरोद मुबा ग्लारी थानिउ भिबासे लमा थनीगदे अर्गुन ग्यामसे हराडला य्हुत्सारी निजी।

लैनु येशूदा मिशर य्हुत्सारी भोर्बा

१३ ज्योतिषीगदे निमाहेन्से, परमपरभुला दूत गिक म्हाडरी योसेफ मुबा ग्लारी खजी, ओच्छे थेसे योसेफदा “योसेफ, ए रेःसी लैनु कोलादेन थेला आमादा भोर्सी मिशर य्हुत्सारी

निउ। ओच्छे डाइ एदा दोःसी खउ भिसी आपाडतेधोना एनीगदे थरीन चिउ। तिग्दा भिसम हरोदसे लैनु कोलादा साइबारी म्हाइबा मुला” भिसी भिजी। १४ जमाकुनु म्हनडनोन रेःसी थेसे लैनु कोलादेन थेला आमादा भोर्सी मिशर य्हुत्सारी निजी। १५ ओच्छे हरोद आसितेधोना थनीगदे थरीन चिजी। चुहरड लसी परमपरभुसे अगमवक्ताग्याम “डाइ डाला डादा मिशर य्हुत्साग्याम ड्योइबा मुला” भिसी सुडबा बचन पूरा तबारी हिन्ना।^g

हरोद ग्लेसे जजा कोलागदेदा साइपुडबा

१६ जमाहेन्से हराडदा ज्योतिषीगदेसे झुक्याब लजीम भिबा था याडसी हरोद ल्हानान बामो खजी। ओच्छे थेसे ज्योतिषीगदेग्याम था याडबा धुइ अन्धार बेथलेहेम नाम्सादेन क्यारक्युर मुबा न्ही दिडधोनाला जम्मान कोलागदेदा साइपुडजी। १७ जमाहेन्से यर्मिया अगमवक्तासे पाडबा ताम पूरा तजी,

१८ “रामा भिबा ग्लारी कराबा किरडबा लबा थेःजी,

राहेल हराडला कोलागदेला लागिरी कराबान मुबा।

थेदा जम्मासेन सम्झब लसेनोन कराबा आरूतानी।

तिग्दा भिसम थेला कोलागदे साइसी जिन्बा मुबा।”^h

योसेफदेन मरियम मिशर य्हुत्साग्याम दोःबा

१९ ओच्छे हरोद सिमाहेन्से, मिशर य्हुत्सारी परमपरभुला दूत गिक म्हाडरी योसेफ मुबा ग्लारी खजी, ओच्छे थदा स्वर्गदूतसे, २० “योसेफ, ए रेःसी लैनु कोलादेन थेला आमादा इसराएल य्हुत्सारी भोर्सी निउ। तिग्दा भिसम लैनु कोलादा साइबारी म्हाइबा म्हिगदे जम्मान सिसी जिन्बा मुला” भिसी भिजी।

२१ जमाहेन्से थे रेःसी लैनु कोलादेन थेला आमादा इसराएल य्हुत्सारी भोर्सी निजी। २२-२३ तर यहूदियारी हरोदला झा अर्खिलाउस ग्ले दोबा मुला भिबा थेःसी थनीगदे थरी निबारी लोडजी। थेतबासलमा दोःसी परमेश्वरसे थेदा म्हाडरी पाडबा अन्धार गालील अञ्चलला नासरत भिबा नाम्सारी निसी

चिजी। चुहरङ् लसी “थेदा नासरी भिला” भिसी अगमवक्तागदेग्याम पाङ्बा ताम पूरा तजी।।

बत्तिस्मा पिन्बा यूहन्नासे थे:ना
लबा परमेश्वरला य्हुत्साला समाचार

मर्कूस १:१-८; लूका ३:१-१८; यूहन्ना १:१९-२८

३ ल्हानान दिङ् लिच्छा बत्तिस्मा पिन्बा यूहन्ना यहूदिया अञ्चलला तोडतोडबा ग्लारी खसी चुहरङ् भिसी पाङ्बारी छ्याइजी, २ “हराङ् हराङ्ला पाप ख्लासी परमेश्वरपट्टि दो:गा, तिग्दा भिसम स्वर्गला य्हुत्सा खसी जिन्बा मुला।” ३ यशैया अगमवक्तासे चुनोन यूहन्नाला बाररी चुहरङ् भिसी पाङ्बा मुला, “तोडतोडबा ग्लारीक्यार परमप्रभुला ग्याम तयार लउ,

ओच्छे ‘परमप्रभु भरबाला लागिरी थेला ग्याम साजो स्होउ,’

भिसी म्हि गिक किरङ्बा मुला।”^k

४ यूहन्नासे ऊँटला कराला क्वान क्वान्मुबा, ओच्छे ढिला पेटी सीमुबा। थेस तिरीदेन हिर सिङ्सोरला सुदु चमुबा। ५ यरूशलेम शहरदेन यहूदिया अञ्चल ओच्छे यर्देन स्योङ्ला क्यारक्युरला जम्मान ग्लाला म्हिगदे थे मुबा ग्लारी खजी। ६ ओच्छे हराङ् हराङ्ला पाप ख्लासी थग्याम यर्देन स्योङ्री बत्तिस्मा किन्जी।

७ तर फरिसीगदेदेन सदुकीगदे न्हङ्ला ल्हानान म्हिगदे बत्तिस्मा किन्बारी खबान लबा मराङ्सी थेस थेनीगदेदा “पुखरीला कोलागदे, एनीगदेदा परमेश्वरला बोमोग्याम स्योरम्याङ्ला भिसी खाल्से भिजी? ८ थेतबासलमा हराङ् हराङ्ला पाप ख्लासी परमेश्वरपट्टि दो:बा अन्छारला गे लउ। ९ एनीगदेसे डाला ताम ड्यान्गो, एनीगदेसे ‘डनी अब्राहामला सन्तान हिन्ना’ भिदमा परमेश्वरला सजायग्याम स्योरम्याङ्ला भिसी थाम्हन्गो। तिग्दा भिसम परमेश्वरसे अब्राहामला लागिरी चु युङ्बागदेग्यामसेनोन कोलागदे स्होबारी खम्ता। १० च्यागो, दोङ् थाबारी तरी थीसी जिन्बा मुला। थेतबासलमा ज्यबा रो आरोबा जम्मान दोङ् टाहन्सेन थासी मेरी म्याङ्ला। ०

११ “डाइ चा एनीगदेसे हराङ् हराङ्ला पाप ख्लासी परमेश्वरपट्टि दो:जी भिसी क्युइसे बत्तिस्मा पिन्ना। तर डा भन्दा लिच्छा फेखबासे एनीगदेदा परमेश्वरला आत्मादेन मसे बत्तिस्मा पिन्ना। थे डा भन्दा शक्तिशाली मुला। ओच्छे डा थेला लखम पुइबाधानाला सुत्ते आंर। १२ ग्वा य्हाप्बा नाख्ते थलान छ्यारी मुला, दाहन्से ग्वा ज्यना लसी य्हाप्सी ग्वा जति भकारीरी थान्ना ओच्छे पालोवा जति साइमे आसिबा मेरी सराङ्ला।”

येशूस बत्तिस्मा किन्बा

मर्कूस १:९-११; लूका ३:२१-२२

१३ जमाहेन्से येशूएनोन यूहन्ना ग्याम बत्तिस्मा किन्बारी गालील अञ्चलग्याम यर्देन स्योङ्री फेखजी। १४ तर यूहन्नासे थेदा “डाइ चा हराङ्ग्याम बत्तिस्मा किन्तो:बा मुला, तिग्दा हराङ् चा डा मुबा ग्लारी फेखबा?” भिसी रोकब लबारी म्हाइजी।

१५ तर येशूस थेदा “दानेदा चुहरङ्गोन तगे। तिग्दा भिसम परमेश्वरसे म्हन्बा ताम पूरा लबारी य्हाङ्से चुहरङ्गोन लतो:ला” भिसी सुङ्जी। जमाहेन्से यूहन्नासे येशूदा बत्तिस्मा पिन्जी। १६ ओच्छे येशूस बत्तिस्मा किन्सी क्युइग्याम पाखारी थोन्मैछ्याम थेस स्वर्ग टाङ्सी परमेश्वरला आत्मा ढुकुर हरङ् लसी फाप्सी हराङ्थारी फेखबान लबा मराङ्जी। १७ जमाहेन्से स्वर्गग्याम “चु डाइ सेमहेन्सेन माया लबा डाला झा हिन्ना, चुदा मराङ्सी डा ल्हानान ताङ्बा मुला” भिबा काइ खजी। १८

येशूदा फेख लबारी म्हाइबा

मर्कूस १:१२-१३; लूका ४:१-१३

१९ जमाहेन्से परमेश्वरला आत्मासे ४ शैतानग्याम सेम च्याबारी येशूदा तोडतोडबा ग्लारी भोजी। २० थेरी बोगल न्ही धिनधाना येशूस धिन म्हुननोन तिगे आसोल्नी। थेतबासलमा थेदा ल्हानान फोखरेन्जी। २१ जमाहेन्से शैतान येशू मुबा ग्लारी खसी “हराङ् परमेश्वरला झा हिन्सम चु युङ्बागदेदा गेङ् दोगो भिसी सुङ्गो” भिसी भिजी।

१२:२२-२३ लूका २:३९; यूह १:४५ ३:२ मत्ती ४:१७; मर्कू १:१५ १३:३ यशै ४०:३

१३:४ २ राजा १:८ म३:१७ मत्ती १२:३४; २३:३३ म३:९ यूह ८:३३ ०३:१० मत्ती ७:१९

०३:१७ मजन २:१७; यशै ४२:१; मत्ती १२:१८; १७:५ १४:१ हिवरू २:१८; ४:१५

४तर येशूस “गडसे जे म्हि आसो, तर परमेश्वरला सुडग्याम थोन्बा जम्मान बचनसे सोबारी खम्ला भिसी परमेश्वरला बचनरी भिरबा मुला” भिसी सुड्ज्जी। ॥

५जमाहेन्स शेतानसे येशूदा परमेश्वरला शहर यरूशलेमरी भोर्सी परमेश्वरला मन्दिरला थोबारी राप्पुड्ज्जी। ६ओच्छे थस येशूदा “हराड परमेश्वरला झा हिन्सम चुग्याम मार छ्याड्गो। तिगदा भिसम बचनरी चुहरड भिसी भिरबा मुला,

“परमेश्वरसे हराडदा चुडबाला लागिरी हराडला स्वर्गदूतगदेदा कुल्ला।

ओच्छे एला काड युडबारी थोठोक्यो भिसी एदा थनीगदेस या यारीन ताला” भिसी भिजी। ॥ ९

७येशूस थदा “बचनरी चुहरड लसी भिरबा मुला, ‘एसे हराडला परमपरभु परमेश्वरला सम च्याबा ग तिगे थालउ” भिसी सुड्ज्जी। ॥

८दोःसी शेतानसे येशूदा नोबा गड गिकरी भोर्सी जम्बुलिडला जम्मान यहुल्सागदेदेन जम्मान ज्यबा स्हेगदे उन्जी। ९ओच्छे “हराडसे डादा फ्या लसी तेन्जी भिसम चु जम्मान यहुल्सा डाइ हराडदा पिन्ना” भिसी भिजी।

१०जमाहेन्स येशूस थदा “शेतान, ए चुग्याम तुरुन्तन निउ! तिगदा भिसम बचनरी ‘एसे हराडला परमपरभु परमेश्वरदा फ्या लउ, ओच्छे थदा जे तेन्गो’ भिसी भिरबा मुला” भिसी सुड्ज्जी। ॥

११जमाहेन्स शेतानसे येशूदा ख्लासी निजी ओच्छे स्वर्गदूतगदे खसी येशूदा क्योड्ज्जी।

येशूस परमेश्वरला यहुल्साला समाचार थःना लबा

मर्कस १:१४-१५ ; लूका ४:१४-१५

१२यहन्ना झ्याल्खानरी परब तजी भिबा थःसी येशू दोःसी गालील अञ्चलरी फेप्जी।

१३ओच्छे नासरत भिबा ग्लारी ओफेन्ना कफर्नहुम शहररी धन्छ्याबारी फेप्जी। चु शहर गालील समुन्दरला कुनीरी मुबा, चु शहर चा जबूलूनदेन नप्ताली भिबा यहुलला म्हिगदे चिबा जिल्लारी परब तमुबा। १४चुहरड लसी यशेया अगमवक्तासे पाड्बा ताम पूरा तजी,

१५ “जबूलूनदेन नप्तालीला जिल्लारी यर्दन क्याम्सड,

समुन्दरला कुनीरी, यर्दन क्याम्सड, गालीलरी चिबा अर्गु यहुलला म्हिगदे

१६ओच्छे धोपधोपरी चिबा म्हिगदेसे घरेन य्हालदा मराड्बा मुला। ४

थहरड लसीन कालला धोपधोपरी मुबा म्हिगदेला गुडरी थ य्हाल फःबा मुला। ॥”

१७थ धुइहेन्स येशूस “एनीगदेसे हराड हराडला पाप ख्लासी परमेश्वरपट्टि दोःगो, तिगदा भिसम स्वर्गला यहुल्सा खसी जिन्बा मुला” भिसी म्हिगदेदा सुड्बारी छ्याड्ज्जी।

येशूस डाच्छा स्होबा चेलागदे

मर्कस १:१६-२० ; लूका ५:१-११

१८येशू गालील समुन्दरला कुनीन कुनी फेप्बान लमा पतरुस भिबा सिमानदेन थला आले अन्दिरयासदा तार्डा साइबारी समुन्दररी घ्याड क्लाड्बान लबा मराड्ज्जी। तिगदा भिसम थनीगदे तार्डा साइबा म्हिगदे मुबा।

१९येशूस थनीगदेदा “डादेन छ्याम भरउ, दाहेन्स डाइ एनीगदेदा तार्डा चुडबा म्हि आहिन, तर म्हिगदेदा परमेश्वर मुबा ग्लारी मबा म्हि स्होला” भिसी सुड्ज्जी। २०येशूस थहरड सुड्मैछ्याम, हराडला घ्याड ख्लासी थनीगदे येशूदेन छ्याम भरजी।

२१थग्याम फेप्बान लमा येशूस जब्दियाला झागदे याकूबदेन थला आले यहन्नादा मराड्ज्जी। थनीगदे हराडला आबादेन छ्याम दांगारी घ्याड राबान मुबा। येशूस थनीगदेदा एनोन ड्योड्ज्जी। २२येशूस चुहरड सुड्मैछ्याम थनीगदे दांगदेन आबादा ख्लासी येशूदेन छ्याम भरजी।

येशूस आखम्बा म्हिगदेदा खम्ना लबा

लूका ६:१७-१९

२३येशू गालील अञ्चलला जम्मान ग्लारी फेप्सी यहूदीगदे हरूप तबा दिमरी म्हिगदेदा लोप्बान परमेश्वरला यहुल्साला समाचार थःना लजी। ओच्छे ल्हानान थरीला रोगसे स्याप्बादेन आखम्बा म्हिगदेदा खम्ना लजी। २४जमाहेन्स सिरिया यहुल्सा नाडनोन येशूला

१४ :४ व्यव ८ :३

१४ :६ भजन ११:११-१२

१४ :७ व्यव ६ :१६

१४ :१० व्यव ६ :१३

१४ :१२ मत्ती १४ :३ ; मर्क ६ :१७ ; लूका ३ :१९-२०

१४ :१३ यहू २ :१२

१४ :१६ यशै ९ :१-२

१४ :२३ मत्ती ९ :३५ ; मर्क १ :३९

बारेरी थे:जी। ओच्छे म्हिगदेसे ल्हानान थरीला रोगसे स्याप्सी दुख याडबागदे, म्हडसे स्याप्बागदे, म्ह म्हडसे स्याप्बागदेदेन काड या चलब आतबा कुज्या म्हिगदेदा येशू मुबा ग्लारी भजी। जमाहेन्स येशूस थनीगदेदा खम्ना लजी। २५ ओच्छे गालील, डेकापोलिस, यरूशलेम, यहूदियादेन यर्देन क्याम्सडहेन्सला ल्हानान म्हिगदे येशूदेन छुयाम भरजी।

येशूस म्हिगदेदा लोप्बा

लूका ६:२०-२३

५ ल्हानान म्हिगदे खबा मराडसी येशू गडरी फर्सी धन्छुयाजी। जमाहेन्स चेलागदेएनोन येशूला क्युसीन चिजी। २ ओच्छे येशूस थनीगदेदा चुहरड् भिसी लोप्बारी छुयाडजी,

३ “परमेश्वरथोरी जे आश लबागदेसे परमेश्वरग्याम मोलम याडला, तिगदा भिसम स्वर्गला य्हुल्सा थनीगदेदान हिन्ना।

४ सेम कराबागदेसे परमेश्वरग्याम मोलम याडला तिगदा भिसम थनीगदेदा परमेश्वरसे ताडना लला। ५

६ सोजो म्हिगदेसे परमेश्वरग्याम मोलम याडला, तिगदा भिसम थनीगदेसे जम्बुलिडला अधिकार याडला। ६

७ परमेश्वरसे म्हन्बा अन्छार भरबारी म्हाडबागदेसे परमेश्वरग्याम मोलम याडला,

तिगदा भिसम परमेश्वरसे थनीगदेदा भड पिन्ना। ७

८ स्थान्दोदा दया लबागदेसे परमेश्वरग्याम मोलम याडला,

तिगदा भिसम थनीगदेसे दया याडला।

९ ज्यबा सेम थोबागदेसे परमेश्वरग्याम मोलम याडला,

तिगदा भिसम थनीगदेसे परमेश्वरदा मराडला। ८

१ स्थान्दोदा दिक्ना लबागदेसे परमेश्वरग्याम मोलम याडला,

तिगदा भिसम थनीगदे परमेश्वरला झा दोला।

१० म्हिगदेसे दुख पिन्सेनोन परमेश्वरसे म्हन्बा अन्छार भरबागदेसे परमेश्वरग्याम मोलम याडला,

तिगदा भिसम स्वर्गला य्हुल्सा थनीगदेदान हिन्ना। १०

११ “डादा विश्वास लबासे लमा म्हिगदेसे एनीगदेदा खिसी लला, दुख पिन्ना, ओच्छे लुसीला ताम पाडसी एनीगदेला बिरोधरी जम्मान नडबा ताम लमैनोन एनीगदेसे परमेश्वरग्याम मोलम याडला। १२ तसेनोन एनीगदे ल्हानान ताडगो, तिगदा भिसम स्वर्गरी एनीगदेसे घरेन इनाम याडला। एनीगदे भन्दा डाच्छाला अगमवक्तागदेदाएनोन थनीगदेसे चुहरड् लसीन दुख पिन्मुबा। ११

चजा हरड् तबा

मर्कूस ९:५०; लूका १४:३४-३५

१३ “एनीगदे जम्बुलिडला चजा हरड्बाव हिन्ना, तर चजाला डम्बा स्हे म्हाजी भिसम दो:सी तिगसे डम्ना लबा? गे आखेल्बासे लमा म्हिसे थंदा म्याडला, जमाहेन्स म्हिसे नाडसी भरला। १३

१४ “गडरी मुबा शहरदा जम्मासेन मराडबा हरड् लसी एनीगदेएनोन जम्बुलिडला नाडसल तबासे लमा जम्मासेन मराडला। १५ म्हिगदेसे नाडसल मरासी फामसे घर्पी आथान, तर दिमरी मुबा जम्मान म्हिगदेसे मराडगे भिसी नोबा ग्लारी थान्ना। १६ चुहरड् लसी नाडसलसे य्हाल तना लबा हरड् लसी एनीगदेसे ज्यबा गे लसी उन्गो। एनीगदेला गे मराडसी थनीगदेसे स्वर्गरी धन्छुयाबा एनीगदेला परमेश्वर आबाला जयजयकार लगे। १४

परमेश्वरसे मोशादा पिन्बा ठिम अन्छार भरबा

१७ “डा परमेश्वरसे मोशादा पिन्बा ठिमदेन अगमवक्तागदेसे पाडबा ताम म्याडबारी

१५:३ “परमेश्वरथोरी जे आश लबागदेसे” भिवा तामदा ग्रीक बाइबलरी आत्तारी पराडबो भिसी भिरबा मुला।

५५:४ यशै ६१:२-३ ५५:५ भजन ३७:११ ५५:६ यशै ५५:१-२ ५५:७ भजन २४:३-४

५५:१० १ पतरु ३:१४ ५५:११ १ पतरु ४:१४ ५५:१२ २ इति ३६:१६; मुल ७:५२

५५:१३ मर्कू ९:५० ५५:१४ य्हू ८:१२; ९:५ ५५:१५ मर्कू ४:२१; लूका ८:१६; ११:३३

५५:१६ १ पतरु २:१२

आहिन, तर थै पूरा लबारी खबा हिन्ना। १८ एनीगदसे डाला ताम ड्यान्गो, तिग्दा भिसम मुदेन जम्बुलिङ नाश आततेधोना परमेश्वरसे मोशादा पिन्बा ठिमरी मुबा हिगी गिकनोन आम्हा। १९ थतबासलमा जुन म्हिसे ठिमरी मुबा तामगदे न्हङला जम्मान भन्दा जजा तामदा आड्यान्ना म्हिगदेदाएनोन थेहरङनोन लपुङ्जी भिसम थै म्हि स्वर्गला य्हुत्सारी जम्मान भन्दा जजा तला। तर जुन म्हिसे ठिमरी मुबा तामगदे ड्यान्सी म्हिगदेदा थेहरङनोन लपुङ्गला थै म्हि स्वर्गला य्हुत्सारी जम्मान भन्दा घरेन म्हि तला। २० एनीगदसे डाला ताम ड्यान्गो, तिग्दा भिसम एनीगदसे यहूदी धर्मगुरुगदेदेन फरिसीगदसे भन्दा ज्यना लसी परमेश्वरसे म्हन्बा अन्धार आलनी भिसम तिगे लसीन एनीगदे स्वर्गला य्हुत्सारी वाङ्आम्प्याङ्।

बोमो लबारी आत भिसी लोण्बा

२१ “एसे म्हि थासाङ्गो, जुन म्हिसे म्हि साइला थसे सजाय याङ्गला” भिसी परमेश्वरसे मोशादा पिन्बा ठिमरी भिरबा ताम एनीगदसे थै:बा मुला। २२ तर एनीगदसे डाला ताम ड्यान्गो, जुन म्हिसे खालेदा बोमो लला, थै म्हिसे सजाय याङ्गला, ओच्छे खालेसे स्थान्दोदा हला लजी भिसम थदा अदालतरी भोर्ला। तर जुन म्हिसे स्थान्दोदा ‘ए गे आखल्बा मूर्ख’ भिसी भिला थदा नर्गला लोङ्बा खबा मरी युला।

२३ “थतबासलमा परमेश्वरदा भेटी फुल्बा धुइरी एदेन छ्याम खाले म्हि बोमो खबा मुला भिबा ताम एसे दन्जी भिसम, २४ एला भेटी परमेश्वरला मन्दिररी भेटी फुल्बा गलाला डाच्छापट्टि ख्तासी डाच्छा थै म्हिदेन छ्याम दिक्गो, ओच्छे एसे हराङ्गला भेटी फुल्गो।

२५ “एदा मुद्रा युबा म्हिदेन छ्याम अदालतरी निबान लबा धुइरी ग्यामरीन दिक्गो। आहिन्सम थसे एदा न्यायाधीशला यारी जिम्मा पिन्ना, ओच्छे न्यायाधीशसे सिपाहीगदेला यारी जिम्मा पिन्ना। जमाहेन्से ए ड्याल्खानरी परब तला। २६ एसे डाला सत्य ताम ड्यान्गो, एसे

जम्मान टाङ्गा आफातेधोना थैग्याम थोन्बारी आम्प्याङ्।

सेमरी म्हन्बा नइबा ताम

२७ “परमेश्वरसे मोशादा पिन्बा ठिमरी चुहरङ् भिसी भिरबा तामएनोन एनीगदसे थै:बा मुला, ‘ए स्थान्दोला मिरङ्देन छ्याम बरत्सी थाभरड’ २८ तर एनीगदसे डाला ताम ड्यान्गो, जुन म्हिसे खाले मिरङ्ग्मेदेन नइबा समसे च्याला थसे सेमरी थै मिरङ्ग्मेदेन छ्याम बरत्सी जिन्बा तला। २९ चुदे एला दाहिने मीसे पाप लपुङ्जी भिसम थै मी ते:सी भ्याङ्गो। तिग्दा भिसम एला पूरान ल्हुइ नर्गरी निबा भन्दा मी गिक ते:सी भ्याङ्गबान एला लागिरी ज्यबा तला। ३० थेहरङ् लसीन एदा दाहिने यासे पाप लपुङ्जी भिसम थै या थासी भ्याङ्गो। तिग्दा भिसम एला पूरान ल्हुइ नर्गरी निबा भन्दा एला या गिक थासी भ्याङ्गबान एला लागिरी ज्यबा तला। ३१

छोडपतर

मर्कूस १०:११-१२; लूका १६:१८

३२ “परमेश्वरसे मोशादा पिन्बा ठिमरी चुहरङ् भिसी भिरबा तामएनोन एनीगदसे थै:बा मुला, ‘जुन म्हिसे मिरङ्ग् ख्ताला थै म्हिसे छोडपतरला कागज भिरसी पिन्गे’ ३३ तर एनीगदसे डाला ताम ड्यान्गो, जुन म्हिसे हराङ्गला मिरङ्ग्दा स्थान्दोदेन छ्याम बरत्सी आभरसेनोन ख्ताला, थसे हराङ्गला मिरङ्ग्दा स्थान्दोदेन छ्याम बरत्सी भिरबा मिरङ्ग्मेदेन ख्ताला। ओच्छे थै मिरङ्ग्मेदेन छ्याम जुन म्हिसे ब्याह लला थैएनोन बरत्सी भिरबा तला। ३४

घरान थाफागो

३३ “परमेश्वरसे मोशादा पिन्बा ठिमरी चुहरङ् भिसी भिरबा तामएनोन एनीगदसे थै:बा मुला, ‘एसे लुसीला ताम लसी घरान थाफागो, ओच्छे परमेश्वरदेन छ्याम लबा कबुल पूरा लज’ ३४-३५ तर एनीगदसे डाला ताम ड्यान्गो, एनीगदसे घरान भिबा फानोन थाफागो, स्वर्गला

१५:१८ लूका १६:१७ १५:२१ परस्य्या २०:१३; व्यव ५:१७

१५:२७ परस्य्या २०:१४; व्यव ५:१८ १५:२९ मत्ती १८:९; मर्कू ९:४७

१५:३० मत्ती १८:८; मर्कू ९:४३ १५:३१ व्यव २४:१-४; मत्ती १९:७; मर्कू १०:४

१५:३२ मत्ती १९:९; १ कोर ७:१०-११ १५:३३ लेवी १९:१२; गन्ती ३०:२; व्यव २३:२१

मिनरी तसे, जम्बुलिङ्गला मिनरी तसे एनीगदसे घरान थाफागो। तिगदा भिसम स्वर्ग परमेश्वर धन्छ्याबा ग्ला हिन्ना ओच्छे जम्बुलिङ्ग परमेश्वरला स्थाप न्हेःबा ग्ला हिन्ना, ओच्छे यरुशलैम शहर चा जम्मालान ग्ले परमेश्वरला शहर हिन्ना। ३६ ओच्छे हराङ्गला थोबारी या थान्सी घरान थाफागो। तिगदा भिसम एसे करा गिकदाएनोन म्नाङ्ग अथवा तार तना लबारी आसम। ३७ थेतबासलमा एनीगदसे पाङ्गबा ताम चा 'हिन्ना' भिसम 'हिन्ना,' 'आहिन' भिसम 'आहिन' जे तगै। थे भन्दा ल्हाना ताम चा शैतानग्याम सबा हिन्ना।

बदला थाकिन्गो

लूका ६ :२७-३६

३६ "परमेश्वरसे मोशादा पिन्वा ठिमरी चुहरङ्ग भिसी भिरबा तामएनोन एनीगदसे थेःबा मुला, 'मीला बदला मी, ओच्छे स्वाला बदला स्वा किन्गो।' ३७ तर एनीगदसे डाला ताम इयान्गो, एनीगददा बिरोध लबागददा एनीगदसे बदला थाकिन्गो। बरु सालेस एला दाहिन गरम्बारी तोजी भिसम अर्गुपट्टिला गरम्बाएनोन तासी पिन्गो। ३८ साले म्हिसे एदा बिरोध लसी मुद्दा लमा अदालतसे थदा एला स्तुर्दम पिन्गो भिजी भिसम थदा एसे घएनोन पिन्गो। ३९ चुद साले म्हिसे एदा कोस गिकधाना भरउ भिसी कर लजी भिसम थदन छ्याम कोस न्हीधाना निउ। ४० सालेस एदा हरीजी भिसम पिन्गो ओच्छे एदा छे हरीबा म्हिदाएनोन छे पिन्गो।

शत्रुदाएनोन माया लतोःबा

लूका ६ :२७-२८, ३२-३६

४३ "परमेश्वरसे मोशादा पिन्वा ठिमरी चुहरङ्ग भिसी भिरबा तामएनोन एनीगदसे थेःबा मुला, 'एसे हराङ्गला खिम्जेमदा माया लउ, ओच्छे शत्रुदा हेला लउ।' ४४ तर एनीगदसे डाला ताम इयान्गो, एनीगदसे हराङ्गला शत्रुगददा माया लउ, ओच्छे एनीगददा दुस पिन्बागदला लागिरी परार्थना लउ। ४५ चुहरङ्ग लजी भिसम एनीगद स्वर्गरी धन्छ्याबा परमेश्वर आबाला कोलागद दोला। परमेश्वरसे ज्यबा सम थोबादेन नडबा सम थोबा न्हीलान लागिरी

धिनी फेना लबा मुला। ओच्छे परमेश्वरला डाच्छेपट्टि ज्यबा गे लबा म्हिदेन आज्यबा गे लबा म्हि न्हीलान लागिरी नाम ताङ्गना लबा मुला। ४६ चुद एनीगददा माया लबादा जे एनीगदसे माया लजी भिसम एनीगदसे साहरङ्ग लसी इनाम याङ्गला? थहरङ्ग मी तिरो दुड्वा म्हिगदसेनोन आल? लमुला। ४७ एनीगदसे हराङ्गला ज्योज्यो आलगेददा जे मान लजी भिसम स्थान्दोगदसे भन्दा ज्यबा तिग लजी? थहरङ्ग मी अर्गु य्हुलला म्हिगदसेनोन आल? लमुला। ४८ थेतबासलमा एनीगदला स्वर्गरी धन्छ्याबा परमेश्वर आबा साहरङ्गबा मुला, एनीगदएनोन थहरङ्गबान दोगो।" v

एसे सुट्टक पिन्गो

१ "एनीगदसे लबा ज्यबा गेगदे म्हिगददा ड उन्बाला लागिरी भिसी थालउ। थहरङ्ग लजी भिसम स्वर्गरी धन्छ्याबा एनीगदला परमेश्वर आबासे एनीगददा तिगे इनाम आपिन। थेतबासलमा होशियार तसी चिउ। w

२ "एनीगदसे पराङ्गबोगददा पिन्वा धुइरी कप्टीगदसे हरङ्ग लसी म्हिगददा थेःना लसी थाभरउ। तिगदा भिसम थेनीगद म्हिगदसे मान लगे भिसी यहदीगद हरुप तबा दिमगददेन ग्यामरीक्यार निसी स्थान्दोदा थेःना लसी भरमुला। च्यागो, एनीगदसे डाला ताम इयान्गो, थेनीगदसे याङ्गतोःबा इनाम याङ्गसी जिन्बा मुला। ३ तर एसे पराङ्गबोगददा पिन्वा धुइरी एला दाहिन यासे तिग लबान मुला थे ताम एला देबर यासेनोन था थायाङ्गे। ४ थेतबासलमा एसे पराङ्गबोगददा पिन्वा स्तु सालेदा था आतगे। थहरङ्ग लजी भिसम सालेस था आयाङ्गबा तामएनोन था याङ्गबा परमेश्वर आबासे एदा इनाम पिन्ना।

येशूसे परार्थनाला बाररी लोप्रा

लूका ११ :२-४

५ "थेतबासलमा एसे परार्थना लबा धुइरी कप्टीगदसे हरङ्ग लसी थालउ। तिगदा भिसम थहरङ्गबा म्हिगदसे म्हिगददा उन्बाला लागिरी यहदीगद हरुप तबा दिमगददेन ग्यामला कुनीरीक्यार राप्सी परार्थना लबारी

५५ :३४-३५ याकू ५ :१२ ; यशै ६६ :१ ; मती २३ :२२ ; मजन ४८ :२

५६ :३८ परस्था २१ :२४ ; लेवी २४ :२० ; व्यव १९ :२१ ५७ :४३ लेवी १९ :३८

५८ :४८ लेवी १९ :२ ; व्यव १८ :३३ ५६ :१ मती २३ :५

सेम लमुला। च्यागो, एनीगदसे डाला ताम ड्यान्गो, थहरडबा म्हिगदसे याडतोःबा इनाम याडसी जिन्बा मुला। २६ तर ए परार्थना लबा धुइरी कोठा न्हडरी वाडसी मराप दुङ्गो, ओच्छ खालेस आमराडबा ग्लारी धन्छ्याबा परमेश्वर आबादेन छ्याम परार्थना लउ। जमाहन्से खालेस आमराडबा तामएनोन मराडबा परमेश्वर आबास एदा इनाम पिन्ना। ७ ओच्छ परार्थना लमा अर्गु य्हलला म्हिगदसे हरड लसी ओहरडनोन थाकिरडगो। तिग्दा भिसम हरडबा हरडबा परार्थना लजी भिसम परमेश्वरस थःमुला भिसी थनीगदसे म्हन्मुला। ८ थतबासलमा एनीगद थनीगद हरडबा थादोगो। तिग्दा भिसम एनीगदसे हरीबा भन्दा डाच्छान एनीगदेदा तिग तिग स्हे तोःबा मुला, थ एनीगदेला परमेश्वर आबादा था मुला।

९ “तर एनीगदसे चा चुहरड लसी परार्थना लउ, स्वर्गरी धन्छ्याबा डन्ना परमेश्वर आबा, हराडदा ज्ञम्मासेन मान लगे।

१० ओच्छ जम्मानथोरी हराडला शासन सगे, ओच्छ हराडसे म्हन्बा ताम स्वर्गरी पूरा तबा हरडनोन चु जम्बुलिडरीनोन पूरा तगे।

११ डन्से धिन धिननोन चतोःबा स्हे डन्दा तिनी पिन्गो।

१२ डन्से डन्दा विरोध लसी पाप लबागदेदा माफ लबा हरड लसी हराडसेनोन डन्ना पाप माफ लसी पिन्गो।

१३ ओच्छ डन्दा पापरी फसब तबा ग्यामरी भरआपुङ्गो,

तर शैतानग्याम फसी थान्गो।

हराडला य्हुत्सादेन शक्ति ओच्छ हराडला मान सदनना लागिरी हराडलान हिन्ना, आमन। १४

१४ “एनीगदेदा विरोध लसी पाप लबागदेदा एनीगदसे माफ लजी भिसम स्वर्गरी धन्छ्याबा परमेश्वर आबासेनोन एनीगदेदा माफ लला। १५ तर एनीगदसे म्हिगदेदा माफ आलनी भिसम परमेश्वर आबासेनोन एनीगदेदा माफ आल।

फोइथान चिसी परार्थना लबा

१६ “एनीगदसे फोइथान चिसी परार्थना लबा धुइरी कप्टी म्हिगदसे हरड लसी ली धोपधोप लसी थाभरउ। तिग्दा भिसम थनीगदसे फोइथान चिसी परार्थना लबा म्हिगदसे मराडगे भिसी ली धोपधोप लसी भरमुला। थतबासलमा एनीगदसे डाला ताम ड्यान्गो, थनीगदसे याडतोःबा इनाम याडसी जिन्बा मुला। १७ तर एनीगदसे चा फोइथान चिसी परार्थना लबा धुइरी ली खरसी थोबोरी छ्युगु फोर्गो। १८ ओच्छ ए फोइथान चिसी परार्थना लबा म्हिगदसे आहिन, तर खालेस आमराडबा ग्लारी धन्छ्याबा परमेश्वर आबास मराडगे। ओच्छ खालेस आमराडबा तामएनोन मराडबा परमेश्वर आबास एदा इनाम पिन्ना।

हराडला लागिरी स्वर्गरी धन सम्पत्ति सोसी थान्गो

लूका ११:३४-३६; १२:३३-३४; १६:१३

११ “हराडला लागिरी जम्बुलिडरी धन सम्पत्ति सोसी थाथान्गो, तिग्दा भिसम जम्बुलिडला धन सम्पत्तिगदे बुलुडदेन खियासे चला, ओच्छ दिम फोसी य्होगदसे य्हो लसी भोर्ला। १२ बरु हराडला लागिरी स्वर्गरी धन सम्पत्ति सोसी थान्गो। तिग्दा भिसम थरी बुलुडसेएनोन आच खियासेएनोन आच, ओच्छ य्होसएनोन वाडसी य्हो आल। १३ तिग्दा भिसम जुन ग्लारी एनीगदेला धन सम्पत्ति मुला, एनीगदेला सेमएनोन थरीन तला।

१२ “मी ल्हुइला लागिरी नाडसल हरडबान हिन्ना। थतबासलमा एला मी ज्यबा मुसम एस ज्यना लसी मराडला, १३ तर एला मी न्होडजी भिसम एस तिगे आमराड। थहरड लसीन एला सेमला नाडसल सिजी भिसम एला लागिरी जम्मान धोपधोप तला। १४ “खालेसेनोन मालिक न्होला गे लबारी आखम। तिग्दा भिसम थसे गिकदा हेला लला, ओच्छ स्थान्दोदा माया लला। अथवा थसे गिकसे भिबा ताम ड्यान्ना, ओच्छ स्थान्दोदा वास्तान आल।

३६:९ चु पदरी गरीक बाइबलरी “हराडला छानदा मान लगे” भिसी भिरबा मुला। तर मुल अर्थ चा परमेश्वरदा मान तगे भिबा हिन्ना।

१६:१३ “हराडला य्हुत्सादेन शक्ति ओच्छ हराडला मान सदनना लागिरी हराडलान हिन्ना, आमन।” चु पदला ताम चा ल्हानान हरडबा गरीक बाइबलरी भिरबा आर।

२६:५ लूका १८:१०-१४ १६:१४ मर्कू ११:२५-२६ २६:१९ याकू ५:२-३

थंहरङ्क लसीन एनीगदसनोन परमेश्वरदेन धन सम्पत्ति न्हीलान गे लबारी आसम।

धन्दा सुर्दा थालउ

लूका १२ :२२-३१

२५ “थेतबासलमा एनीगदस डाला ताम ड्यान्गा, सोबाला लागिरी तिग चस तिग थुङ्स ओच्छे तिग क्वान्स भिसी धन्दा सुर्दा थालउ। तिगदा भिसम चबा थुङ्बादेन क्वान्बा भन्दा एनीगदला पराणदेन ल्हुइ घरेन आहिन ? २६ मुरी चरागदेदा च्यागो, थनीगदस न्हं प्लु दवला, न्हं बाली दुइसी पोप लला, तर स्वर्गरी धन्च्छयाबा एनीगदला परमेश्वर आबासन थनीगदेदा स्वामुला। चरागदे भन्दा मी एनीगदे घरेन आहिन ? २७ एनीगदे न्हं डला खालेस धन्दा सुर्दा लसी छिन्नडला लागिरी आयू काप्सम्ला ?

२६ “तिगदा एनीगदसे क्वान्ना लागिरी धन्दा सुर्दा लबा ? हिररी सार्बा म्हेन्दोदा च्यागो, थस गएनोन आलमुला, क्वानएनोन आरामुला। तसेनोन थं साहरङ्क लसी ल्हमुला ! २९ एनीगदसे डाला ताम ड्यान्गा, सोलोमन ग्लेदेन ल्हानान धन सम्पत्ति मुसेनोन थंसे क्वान्बा क्वान थं म्हेन्दोगदे न्हं डला गिक तेबै जेबा आरमुबा। ३० तिनी ल्हबान निसी न्हं डगर खर्माहन्स मरी फर्बा छेदा मी परमेश्वरसे चुहरङ्क लसी जेना लमुला भिसम झन एनीगदेदा परमेश्वरसे जेना आल ? साइ एनीगदेला विश्वास ? ३१ थेतबासलमा तिग चस ? तिग थुङ्स ? ओच्छे तिग क्वान्स ?” भिसी धन्दा सुर्दा थालउ। ३२ तिगदा भिसम परमेश्वरदा डोआसबा अर्गु य्हुलला म्हिगदसे चा चु जम्मान स्हे म्हाइमुला। तर स्वर्गरी धन्च्छयाबा परमेश्वर आबास एनीगदेदा चु जम्मान स्हे तोःला भिसी था मुला। ३३ थेतबासलमा डाच्छा एनीगदसे परमेश्वरला य्हुल्सा म्हाइगो ओच्छे थंसे म्हेन्बा अन्छार गे लउ। जमाहन्स परमेश्वरसे एनीगदेदा चु जम्मान स्हे पिन्ना। ३४ थेतबासलमा न्हं डगरला लागिरी धन्दा सुर्दा थालउ। तिगदा भिसम न्हं डगरदा तोःबा

स्हे न्हं डगरनोन याडला। तिनीला लागिरी तिनीलान दुख मुला।

स्थान्दोदा दोष थालउ

लूका ६ :३७-३८, ४१-४२

१ “स्थान्दोदा दोष लसी थामरउ ओच्छे ७ परमेश्वरसनोन एनीगदेदा दोष आल। २ तिगदा भिसम एनीगदसे साहरङ्क लसी स्थान्दोदा दोष लला, थंहरङ्क लसीन एनीगदेदा एनोन दोष लला। ओच्छे एनीगदसे जुन दप्पा स्हेस दप्पी पिन्ना, परमेश्वरसनोन एनीगदेदा थनोन दप्पा स्हेस दप्पी पिन्ना।^b

३ “स्थान्दोला गारी सः भर्बा मराड्बा म्हेस हराडला गारी मुइ भर्बा तिगदा आमराड्बा ? ४ हराडला गारी म्हुइ भर्बा आमराड्बासे साहरङ्क लसी आलेदा ‘साइ एला गोला सः तेःसी पिन्ना भिसी भिसम्ला ?’ ५ कप्टी, डाच्छा हराडला गोला मुइ तेःगो, ओच्छे जे एसे आलेला गारी भर्बा सः तेःबारी सम्ला।

६ “परमेश्वरदा फुल्लोःबा स्हे नगीदा थापिन्ना, तिगदा भिसम थंसे एदा खराप्वारी खला। ओच्छे हराडला मोती दवला डाच्छापटटि थाम्याडगो। तिगदा भिसम थंसे मोती नाड्सी भरला।

प्राथर्ना लबारी आँट पिन्ना

लूका ११ :९-१३

७ “एनीगदसे हरीसम पिन्ना म्हाइसम स्याप्ला ओच्छे मरापरी दवक दवक लसम एनीगदेला लागिरी मराप ठोड्सी पिन्ना। ८ तिगदा भिसम जुन म्हेस हरीला थंदा पिन्ना, ओच्छे जुन म्हेस म्हाइला थंसे स्याप्ला ओच्छे जुन म्हेस मरापरी दवाक दवाक लला थंदा मराप ठोड्सी पिन्ना।

९ “एनीगदे न्हं डला खालेस हराडला कोलासे गेड हरीमा थंदा युड्बा पिन्ना ? १० साइमै तार्डा हरीमा थंदा पुखरी पिन्ना ? ११ एनीगदे पापी तसीनोन हराडला कोलागदेदा ज्यबा स्हे पिन्बारी सेमुला भिसम स्वर्गरी मुबा एनीगदेला परमेश्वर आबास गाते ल्हाना ज्यबा स्हे पिन्ना। १२ एनीगदेदा स्थान्दो म्हिगदसे

१७ :४ “हराडला गारी भर्बा मुइ भिबादेन आलेला गारी मुबा सः” भिबा तामदा गरीक बाइबलरी “हराडला मीरी मुबा म्हाइदा वास्ता आलेला हराडला आलेला मीरी मुबा धुलु तेःसी पिन्ना भिसी” भिर्बा मुला।

जस्तो व्यवहार लगै भिसी म्हन्वा मुला एनीगदसेनोन थनीगदेदा थहरडबान व्यवहार लेउ। तिग्दा भिसम परमेश्वरसे मोशादा पिन्वा ठिमरी मुबादेन अगमवक्तासे लोप्रा मुल ताम चुनोन हिन्ना।^८

साडरो मरापदेन घरेन मराप

लूका १३:२४

१३ “एनीगदे साडरो मरापग्याम वाङ्गो। तिग्दा भिसम घरेन मरापग्याम वाङ्गारी सजिलो मी मुला तसेनोन थ मरापग्याम नाश तबा ग्लारी धामुला। चु मरापग्याम वाङ्गबा म्हिगदे चा ल्हानान मुला। १४ तर साडरो मरापदेन जजाबा ग्यामसे भरमा जुकजुकधेनाला जुनी याङ्गमुला। तसेनोन चु ग्यामरी भरबा म्हिगदे ल्हाना आरे।

ज्यबा दोडदेन आज्यबा दोडला रो

लूका ६:४३-४४; १३:२५-२७

१४ “फटटा अगमवक्तागदे मराडसी होशियार तसी चिउ, थनीगदे एनीगदे मुबा ग्लारी ग्यु हरड लसी खमुला, तर थनीगदेला सम चा लोडबा सबा फाबा हरडबान तमुला। १५ एनीगदेसे रो च्यासी दोड डोसेबा हरड लसी थनीगदे साहरडबा म्हि हिन्ना भिबा ताम थनीगदेला गेग्यामसेन डोसेला। पुजुला दोडग्याम अङ्गुर आथु ओच्छे देस्यला दोडग्यामनोन अञ्जीर आथु। १७ थहरड लसीन जम्मान ज्यबा दोडरी ज्यबान रो रोला। ओच्छे आज्यबा दोडरी आज्यबान रो रोला। १८ ओच्छे ज्यबा दोडरी आज्यबा रो आरो ओच्छे आज्यबा दोडरीनोन ज्यबा रो आरो। १९ आज्यबा रो रोबा जम्मान दोड थासी मेरी फर्ला। २० चुहरड लसीन थ अगमवक्तागदे साहरडबा म्हि हिन्ना भिबा ताम एनीगदेसे थनीगदेला गेग्यामसेन डोसेसम्ला।^९

२१ “डादा ‘परमु, परमु’ जे भिबा म्हिगदे स्वर्गला म्ह्युत्सारी वाङ्गारी आम्याङ्। तर स्वर्गरी धन्छ्याबा डाला आबासे कुल्वा ताम ड्यान्वा म्हि जे वाङ्ग्याङ्ला। २२ जमा धुइरी ल्हानान म्हिसे डादा ‘परमु, डन्से हराङ्गला अधिकारग्याम परमेश्वरला ताम पाङ्गबा आहिन? ओच्छे हराङ्गला अधिकारग्याम डन्से

म्हङ्गदे ताप्रा आहिन? थहरड लसीन डन्से हराङ्गला अधिकारग्याम ल्हानान उदेकला गेगदे लबा आहिन? भिसी भिला। २३ जमा डाइ थनीगदेदा ‘एनीगदेदा डाइ साइमे डोसेबा आरे। पाप गे लबा म्हिगदे, एनीगदे डा मुबा ग्लाग्याम निउ’ भिसी पाङ्गला।^{१०}

बुदधि मुबा म्हिदेन मूर्ख म्हिसे स्होबा दिम

लूका ६:४७-४९

२४ “थतबासेलमा जुन म्हिसे डाइ पाङ्गबा ताम ड्यान्सी थ अन्छार भरला, थ म्हि चा दिम स्होमा नुन्ना जग स्वसी स्होबा बुदधि मुबा म्हि हरडबान हिन्ना। २५ बुदधि मुबा म्हिसे दिम स्होमा नुन्ना जग स्वसी स्होबासे लमा लाबालुङ्गसरदेन भाल बादी खसी थ दिमरी टसेनोन थ दिम आफुनी। २६ तर जुन म्हिसे डाइ पाङ्गबा ताम थःसी थ अन्छार गे आल, थ म्हि चा दिम स्होमा नुन्ना जग आख्खना स्होबा बुदधि आरेबा मूर्ख म्हि हरडबान हिन्ना। २७ बुदधि आरेबा मूर्ख म्हिसे दिम स्होमा नुन्ना जग आख्खना स्होला। तर लाबालुङ्गसरदेन भाल बादी खसी थ दिमरी टजी भिसम थ दिम फुप्सी ल्हानान नोक्सान तला।^{११}

२८ येशूसे चु ताम सुङ्गसी जिन्माहेन्से थरी मुबा म्हिगदे येशूसे लोप्रा मराडसी उदेक तजी। २९ तिग्दा भिसम येशूसे थनीगदेला यहूदी धर्मगुरुगदसे लोप्रा हरड लसी आहिन, तर अधिकार मुबा म्हिसे हरड लसी लोप्रा मुबा।^{१२}

येशूसे कोरे सबा म्हिदा सम्ना लबा

मर्कूस १:४०-४५; लूका ५:१२-१६

१ येशू गडग्याम मार फख्स्माहेन्से ल्हानान म्हिगदे येशूदेन छ्याम भरबारी छ्याइजी। २ थनोन धुइरी कोरे सबा म्हि गिक येशूला डामरी खसी येशूदा पया लजी। ओच्छे “परमु, हराङ्गला सेम मुसम हराङ्गसे डादा सम्ना लखम्ला” भिसी भिजी।

३ जमाहेन्से येशूसे थदा थुर्सी “ए सम्मो भिबा डाला सेम मुला, ए सम्मो” भिसी सुङ्गमेछ्याम थला कोरे म्हाजी। ४ ओच्छे येशूसे थदा “एसे चु ताम खालेदा थापाङ्गो। बरु ए निसी परमेश्वरला मन्दिररी पूजा लबा म्हिदा उन्गो। ओच्छे मोशासे कुल्वा अन्छार बलि फुल्गो। थहरड

९७:१२ लूका ६:३१

९७:१९ मत्ती ३:१०; लूका ३:९

९७:२० मत्ती १२:३३

१७:२३ मज्जन ६:८

९७:२९ मर्कूस १:२२; लूका ४:३२

लजी भिसम म्हिगदसे ए खम्जी भिसी था याडला” भिसी सुडजी।^h

येशूस कप्तानना नोकरदा खम्ना लबा

लूका ७ :१-१०

५ येशू कफर्नहुम शहररी फख्खमा रोमी कप्तान गिक खसी, ६ “परभु, डाला नोकर काड या चलब आतना रहू खसी थलारी मुला” भिसी बिन्ती लजी।

७ जमाहेन्से येशूस कप्तानदा “डा खसी थेदा खम्ना लला” भिसी सुडजी।

८ तर कप्तानसे येशूदा “परभु, हराड डाला दिमरी फख्खबाधोनाला डा आर। थतबासेलमा हराडसे चुग्यामसन खम्नौ भिसी सुडजे सुडसेनोन डाला नोकर खम्ना। ९ तिगदा भिसम डाएनोन डाला हाकिमला तहरी चिबा म्हि हिन्ना। डाला तहरीनोन सिपाहीगदे मुला। डाइ कोइदा निउ भिमा निमुला, कोइदा खउ भिमा खमुला। ओच्छे डाला नोकरदा डाइ चुहरड लउ भिमा थसे थहरडनोन लमुला” भिसी भिजी।

१० चु ताम थःसी येशू उदेक तसी हराडदेन छुयाम भरबा म्हिगदेदा चुहरड भिसी सुडजी, “च्यागो, एनीगदसे डाला ताम डयान्गो, इसराएल खुल्साला म्हिगदे न्हडरीनोन डाइ चुहरडबा धरन विश्वास मुबा म्हि आस्यानी। ११ च्यागो, एनीगदसे डाला ताम डयान्गो, स्यारदेन ल्हो जम्मान ग्लाग्याम अर्गु खुलला ल्हानान म्हिगदे खला। ओच्छे अब्राहाम, इसहाक, याकूबदेन छुयामनोन स्वर्गला खुल्सारी भाज चबारी चिला। १२ तर स्वर्गला खुल्सारी चितोःबा ल्हानान इसराएल खुल्साला म्हिगदे चा मडग्यार धोपधोष्वा ग्लारी भ्याडला। थरी कराबा किरडबा लसी स्वा करेला।” १३ जमाहेन्से येशूस थ कप्तानदा “ए निउ, एसे विश्वास लबा हरडनोन तगे” भिसी सुडजी। चुहरड सुडबा धुइरीन थ नोकर खम्जी।

येशूस आखम्बा म्हिगदेदा खम्ना लबा

मर्कुस १ :२९-३४ ; लूका ४ :३८-४१

१४ येशू पतरुसला दिमरी धोखमाहेन्से पतरुसला स्युमी छुवा खसी म्हेसी चिबा मराडजी। १५ चु मराडसी येशूस थला यारी

थुर्जी, ओच्छे थला छुवा म्हाजी। जमाहेन्से थ रःसी येशूदा क्योडबारी छुयाडजी।

१६ धिनी घल्माहेन्से म्हिगदसे म्हडसे स्याष्वा म्हिगदेदा येशू मुबा ग्लारी भजी। जमाहेन्से येशूस म्हडदा बडसी थ म्हिगदेला ल्हुइयाम ताप्जी। ओच्छे थरी मुबा जम्मान आखम्बा म्हिगदेदा खम्ना लजी। १७ येशूस चुहरड लबासे लमा यशैया अगमवक्तासे पाडबा ताम पूरा तजी। यशैया अगमवक्तासे, “म्हाडसे नातोःबा दुख थसेन नाजी ओच्छे म्हाडला आखम्बागदेएनोन खम्ना लजी” भिसी पाडबा मुबा।^k

येशूला लागिरी नातोःबा दुख

लूका ९ :५७-६२

१८ येशूस हराडला क्युसीन ल्हानान म्हिगदे मराडसी “म्हाड समुन्दरला क्याम्सडपट्टि निड” भिसी सुडजी। १९ थ धुइरी यहुदी धर्मगुरु गिक खसी येशूदा “गुरु, हराड खानडदमान फप्से डाएनोन हराडदेन छुयाम निला” भिसी भिजी। २० जमाहेन्से येशूस थदा “च्यागो, ल्हुन्दीगदे चिबारी ऊ मुला, ओच्छे चरागदे चिबारीनोन जड मुला। तर परमेश्वरसे पुडखबा म्हेला मी बलष्वा न्हवा ग्ला सुत्ते आर” भिसी सुडजी।

२१ म्हेनदो चला गिकसे येशूदा “परभु, डाच्छा डाला सिबा आबादा ल्हुसी हराडदेन छुयाम भरला” भिसी भिमा, २२ येशूस थदा “सिबागदेदा सिबागदे हरडबासेन ल्हुगे, तर ए चा डादेन छुयाम भरउ” भिसी सुडजी।

येशूस धरन लाबालुडसर म्हाना लबा

मर्कुस ४ :३५-४१ ; लूका ८ :२२-२५

२३ जमाहेन्से येशू दौंगारी करःजी, ओच्छे थला चलागदेएनोन थदेन छुयामनोन निजी। २४ निबान लमा तिवसुरीन समुन्दररी धरन लाबालुडसर खजी। ओच्छे समुन्दररी छाल रःसी छालसे दौंगा प्लिडबारी छुयाडजी। तर थ धुइरी येशू चा स्थिम्बा मुबा। २५ जमाहेन्से चलागदे खसी “परभु, म्हाड सिबारी छुयाडजी, जोगब लउ” भिसी येशूदा छिडजी।

२६ जमाहेन्से येशूस थनीगदेदा “एनीगदे तिगदा लोडबा? खाइ एनीगदेला विश्वास?” भिसी सुडजी। ओच्छे येशू रःसी

h: ४ लेवी १४ :१-३२

i: ११ लूका १३ :२९

j: १२ मती २२ :१३ ; २५ :३० ; लूका १३ :२८

k: १७ यशै ५३ :४

लाबालुङ्गसरदेन समुन्दरला छालदा बड्जी। जमाहेन्स लाबालुङ्गसर म्हासी शान्त तर्जी। २७ चुहरङ्ग तबा मराङ्गी थनीगदे उदेक तर्जी। ओच्छे थनीगदेस “चु खाहरङ्गबा म्हि? चुस कुल्बा ताम मी लाबालुङ्गसरदेन समुन्दरला छालसेनोन ड्यान्बा चीम” भिसी हराङ्ग हराङ्ग न्हङ्गी ताम लर्जी।

येशूस म्हाङ्गसे स्याप्वा म्हि न्हीदा खम्ना लबा

मर्कूस ५ :१-२०; लूका ८ :२६-३१

२८ येशू समुन्दरला क्याम्सडपट्टि गदरा **भिबा ग्लारी धोखमा म्हाङ्गसे स्याप्वा म्हि न्ही धुसाग्याम खवान लबा स्याप्जी। थ म्हि न्ही ल्हानान लोङ्गबा खबा खाल्ला मुबास लमा थ ग्याम खाले म्हि आभरमुबा। २९ थनीगदेसे येशूदा मराङ्गी किरङ्गबान, “परमेश्वरला झा, हराङ्गसे इन्दा तिग लबारी म्हाइबा? इन्दा धुइ आतमान हराङ्ग इन्दा नाश लबारी फेख्खबा हिन्ना ?” भिसी भिजी।

३० थनीगदे मुबा ग्लायाम जजाकी क्याथाङ्ग द्वागदे छवान मुबा। ३१ थतबासलमा म्हाङ्गदेसे येशूदा “चुदे हराङ्गसे इन्दा चुरी चिआपुङ्गबा हिन्सम इन्दा द्वागदे न्हङ्गी वाङ्गपुङ्गो” भिसी बिन्ती लर्जी।

३२ जमाहेन्स येशूस थनीगदेदा “निउ” भिसी सुङ्गमाहेन्स थनीगदे थोन्सी द्वागदे न्हङ्गी वाङ्गजी। जमाहेन्स जम्मान द्वागदे गङ्गयाम समुन्दररी छुयोङ्गी सिजी। ३३ चुहरङ्ग तबा मराङ्गी द्वा छुबा म्हिगदे यासी नाम्सारी निजी। ओच्छे म्हाङ्गसे स्याप्वा म्हि न्हीदा तिग तिग तर्जी भिबा ताम जम्मादान थःना लर्जी। ३४ जमाहेन्स नाम्साला मुबा जति जम्मान म्हिगदे यशूदा स्याप्वारी खजी। ओच्छे येशूदा मराङ्गी थ म्हिगदेस “चु ग्लायाम फेप्वा” भिसी बिन्ती लर्जी।

येशूस कुज्या म्हिदा खम्ना लबा

मर्कूस २ :१-१२; लूका ५ :१७-२६

१ जमाहेन्स येशू दौंगारी करेःसी क्यामसडपट्टि फेप्जी, ओच्छे हराङ्गलान शहररी ††देःसी फेख्खजी। २ म्हिगदेस काङ्ग

या चलब आतबा कुज्या तसी म्हेसी चिबा म्हि गिकदा येशू मुबा ग्लारी भजी। येशूस थनीगदेला विश्वास मराङ्गी थ कुज्या म्हिदा “कोला, मङ्ग लउ, डाइ एला पाप माफ लबा मुला” भिसी सुङ्गजी।

३ थरी मुबा यहदी धर्मगुरुगदे न्हङ्गला कोइ कोइस “चुस मी हराङ्गसे हराङ्गदान परमेश्वर म्हासी ताम लवान मुला” भिसी हराङ्ग हराङ्ग न्हङ्गी ताम लर्जी। ४ येशूस थनीगदेला समला ताम था याङ्गी “एनीगदेस तिगदा चुहरङ्गबा नइबा ताम म्हेन्बा? ५ एला पाप माफ तबा मुला” भिबादेन “रेःसी भरउ” भिबारी खजिबा चा खजिलो मुला? ६ तर परमेश्वरसे पुइखबा म्हिदा चु जम्बुलिङ्गी म्हिगदेला पापला दोष मेटब लबा अधिकार मुला भिसी डाइ एनीगदेदा उन्ना” भिसी सुङ्गजी। जमाहेन्स येशूस थ कुज्या म्हिदा “ए रेःगो, ओच्छे एला तीबा नान्बा पुइसी दिमरी निउ” भिसी सुङ्गजी। ७ जमाहेन्स थ रेःसी हराङ्गला दिमरी निजी। ८ चु मराङ्गी थरी मुबा म्हिगदे उदेक तर्जी। ओच्छे थनीगदेसे म्हिगदेदा चुहरङ्गबा शक्ति पिन्बा परमेश्वरला जयजयकार लर्जी।

येशूस मत्तीदा ड्याइबा

मर्कूस २ :१३-१७; लूका ५ :२७-३२

९ येशू थग्याम फेख्खान लबा धुइरी मत्ती भिबा म्हिदा तिरा दुइबा ग्लारी चिबान लबा मराङ्गी, ओच्छे येशूस थदा “डादेन छुयाम भरउ” भिसी सुङ्गजी। जमाहेन्स थ रेःसी येशूदेन छुयाम भरजी। १० येशू मत्तीला दिमरी सोल छुयोइबान लबा धुइरी तिरा दुइबा म्हिगदेदेन पापीगदेएनोन खसी येशूदेन येशूला चलागदेदेन छुयाम चिसी चबान मुबा। ११ चु मराङ्गी फरिसीगदेसे येशूला चलागदेदा “एनीगदेला गुरु तिगदा तिरा दुइबा म्हिगदे ओच्छे पापीगदेदेन छुयाम चिसी चबा ?” भिसी ड्याइजी। १२ चु ताम थःसी येशूस “खम्बा म्हिगदेदा डाक्टर आतोः, तर आखम्बा म्हिगदेदा जे डाक्टर तोःला। १३ दाहेन्स एनीगदे निसी चु तामला अर्थ तिग हिन्ना घोबारी म्हाइगो, च्यागो, डाइ म्हाइबा चा बलिदान आहिन, तर एनीगदेसे स्थान्दोदा

**८ :२६ कोइ कोइ गरीक बाइबलरी “गेरासेनस” भिसी भिरबा मुला। “गदरा” भिबादेन “गेरासेनस” भिबा ग्ला गिकनोन हिन्ना।

††१ :१ “हराङ्गलान शहर” चा कफर्नहुम शहर हिन्ना।

१९ :११ लूका १५ :१-२

लबा दया हिन्ना।' थेतबासेलमा परमेश्वरला डाच्छा ज्यबा मुबा म्हिगदेदा आहिन, तर पापीगदेदा इयोइबारी डा सबा हिन्ना" भिसी सुङ्गी।¹¹

येशूसे फोइथान चिसी

परार्थना लबात्ता लागिरी लोप्रा

मर्कूस २ :१६-२२ ; लूका ५ :३३-३९

१४ जमाहेन्से यहुन्नाला चलागदे येशू मुबा ग्तारी खसी "इन्देन फरिसीगदे फोइथान चिसी परार्थना लमुला, तर हराडला चलागदे चा तिगदा फोइथान चिसी परार्थना आलबा?" भिसी इयोइजी। १५ येशूसे थनीगदेदा चुहरङ्ग भिसी सुङ्गी, "म्हाच्छार जन्तीगदेदेन छयाम मुतेधोना थरी मुबागदेसे सुर्दा आल। तर म्हाच्छार थनीगदेग्याम फसी भोर्माहेन्से जे थनीगदे सुर्दा तसी फोइथान चिला। १६ सालेसे बोक्टो क्वानरी छार क्वानगेनसे आख्या, छार क्वानगेनसे बोक्टो क्वान ख्याजी भिसम बोक्टो क्वान झन देला। १७ ओच्छे खाले म्हिसेनोन दिला बोक्टो ताडरी अडगुरला कलिलो निङ्गु आयु, चुदे युजी भिसम थे ताड देसी अडगुरला निङ्गु डला। ओच्छे थे ताडएनोन गे आसल्बा तला। तर अडगुरला कलिलो निङ्गु दिला छार ताडरी युला ओच्छे न्हीनोन जोगब तला।"

येशूसे याइरसला झामेदा खम्ना लबा

मर्कूस ५ :२१-४३ ; लूका ८ :४०-५६

१५ येशूसे थनीगदेदा चुहरङ्ग सुङ्गबान लबा धुइरी यहूदीगदे हरूप तबा दिमला नेता गिक खजी। ओच्छे येशूदा फया लसी "दान्दे भर्खर डाता झामे सिजी, तर हराड फेखसी थेदा हराडसे थुर्जी भिसम थे सोला" भिसी भिजी। १६ जमाहेन्से येशू स्हङ्गी थे म्हिदेन छयाम फेजी, ओच्छे येशूला चलागदेएनोन येशूदेन छयामनोन निजी।

२० थनोन धुइरी का निबा बेथासे स्याप्सी च्युक न्ही दिड तबा मिरडम्हेमे गिक ग्यापग्याम खसी येशूला क्वानला जोरी थुर्जी। २१ तिगदा भिसम "डाइ येशूला क्वान थुर्बारी जे म्याडसम

डा खम्ला" भिसी थसे सम समरी म्हेन्बा मुबा। २२ फिलक दोःसी च्यामा येशूसे थे मिरडम्हेमदा मराङ्गी। ओच्छे येशूसे थेदा "भड लउ, माइ! एला विश्वाससे लमा ए खम्बा मुला" भिसी सुङ्गेछयाम थे मिरडम्हेम खम्जी।

२३ येशू थे नताला दिमरी धाखमा थरी बाँसुरी हराप्रा म्हिगदेदेन हल्ली खल्ली लसी चिबा म्हिगदे मराङ्गी। २४ चु मराङ्गी येशूसे जम्मादान "एनीगदे जम्मान मडग्यार थोन्गो। तिगदा भिसम माइ सिबा आर, तर म्हेसी चिबा मुला" भिसी सुङ्गी। चु ताम थेःसी थरी मुबा म्हिगदेसे खिसी लसी डेःजी। २५ थरी मुबा म्हिगदे मडग्यार थोन्माहेन्से येशू दिम न्हङ्गी वाङ्गी। ओच्छे थे माइला यारी चुङ्गी थीजी। थीमैछयाम थे माइ डोड रेःजी। २६ जमाहेन्से चु ताम थे थ्हुत्साला जम्मान ग्तारी थेःजी।

येशूसे मी आमराडबा म्हि न्हीदेन

ताइ दोबा म्हिदा खम्ना लबा

२७ येशू थयाम फेखान लबा धुइरी मी आमराडबा म्हि म्हिसे "दाऊद गलेला सन्तान, इन्दा दया लउ" भिसी किरडबान येशूला लिच्छा लिच्छा खजी।

२८ येशू दिम न्हङ्गी वाङ्माहेन्से थे मी आमराडबा म्हि न्हीएनोन येशू मुबा ग्तारी खजी। जमाहेन्से येशूसे थन्नीदा "डाइ खम्ना लबारी खम्ला भिसी एनीगदेदा विश्वास मुला?" भिसी इयोइमा थन्नीसे "मुला, परभु" भिसी भिजी।

२९ जमाहेन्से येशूसे थन्नीला मीरी थुर्सी "एनीगदेसे विश्वास लबासे लमा एनीगदे खम्बा मुला" भिसी सुङ्गी। ३० येशूसे चुहरङ्ग सुङ्गेछयाम थन्नीसे मराङ्गी। जमाहेन्से येशूसे थन्नीदा "च्यागो, चु ताम खालेदान थापाङ्गो" भिसी सुङ्गी। ३१ तसेनोन थनीगदे निसी जम्मान ग्तारी येशूला बारेरी थेःना लजी।

३२ थे म्हि न्ही निबारी छयाइमा म्हिगदेसे म्हङ्से स्याप्सी ताइ दोबा म्हि गिकदा येशू मुबा ग्तारी भजी। ३३ येशूसे म्हङ्दा तापेछयाम

३१ :२३ यहूदीगदेला ठिम अन्छार म्हि सिबा धुइरी बाँसुरी हराप्रा म्हि भसी बाँसुरी हरापुङ्गमुबा।

३२ :२७ मी आमराडबा म्हिगदेसे येशूदा दाऊद गलेला सन्तान भिसी इयोइमा थनीगदेदा डाच्छाहेन्सेन था मुबा थाबा पिन्बा मसीहे भिसी धोमुबा। तिगदा भिसम यहूदीगदेसे येशू आखम्बा म्हिदा खम्ना लबारीदेन शासन लबारी दाऊदला सन्तानग्याम थोन्ना भिसी विश्वास लमुबा।

३३ :१३ मत्ती १२ :७ ; होशे ६ :६

थे ताइ दोबा म्हिसे ताम पाडबारी छ्याइजी।
 चु मराड्सी थरी मुबा म्हिगदे उदेक तसी
 “चुहरडबाम डन्से इसराएल यहुत्साला म्हिगदे
 \$\$\$न्हडरी खाइमे मराड्बा आरबा” भिसी भिजी।
 ३४तर फरिसीगदसे चा “चु म्हिसे मी
 म्हडगदला ग्लेला शक्तिग्याम म्हड ताप्बा
 हिन्ना” भिसी भिवारी छ्याइजी। ॥

म्हिगदेदा मराड्सी येशूदा दया रे:बा

३५जमाहेन्से येशूस यहूदीगदे हरुप तबा
 दिमरी लाप्बादेन परमेश्वरला यहुत्साला
 समाचार थे:ना लजी। ओच्छे जम्मान थरीला
 रोगसे स्याप्बादेन आसम्बा म्हिगदेदा सम्ना
 लबान शहरदेन नाम्सा नाम्सारी फेप्जी।
 ३६म्हिला हुल मराड्सी येशूदा ल्हानान
 दया रे:जी, तिगदा भिसम थेनीगदे खालेसे
 आच्याना दुख याड्बा गोठालो आरबा ग्युगदे
 हरडबान मुबा। ३७जमाहेन्से येशूस हराडला
 चेलागदेदा “च्यागो, बाली मी ल्हानान मिन्बा
 मुला, तर बाली दुइबा म्हिगदे ल्हाना आरे।
 ३८थतबासलमा बाली दुइबा म्हिगदे पुइखउ
 भिसी बालीला दोप्ता परमुदेन छ्याम परार्थना
 लउ” भिसी सुड्जी। ॥

येशूला मुल चेलागदे

मर्कूस ३:१३-१९; लूका ६:१२-१६

१० येशूस हराडला च्युक न्ही चेलागदेदा
 इयाइसी जम्मान थरीला रोगसे स्याप्सी
 आसम्बागदेदा सम्ना लबादेन म्हडगदेदा
 ताप्बा अधिकार पिन्जी। २येशूला मुल चेलागदे
 चुनोन हिन्ना, जम्मान भन्दा डाच्छा पतरुस
 भिबा सिमोनदेन थेला आले अन्दिरयास,
 जब्दियाला झा याकूबदेन याकूबला आले
 यूहन्ना, ३ओच्छे फिलिपदेन बारथोलोमाइ,
 थोमादेन तिरा दुइबा मत्ती, अल्फयसला झा
 याकूबदेन थदियस, ४ओच्छे सिमोन चु सिमोनदा
 हराडला यहुत्साला माया लसी हराडला
 यहुत्साला लागिरी ज्याननोन पिन्सम्बा म्हि

भिसी भिमुबा। ओच्छे यहूदा इस्करियोत,
 चुनोन यहूदा इस्करियोतसे लिच्छा येशूदा
 चुडसी म्हिगदेला यारी जिम्मा पिन्जी।

मुल चेलागदेला गे

मर्कूस ६:७-१३; लूका ९:१-६

५येशूस हराडला च्युक न्ही मुल चेलागदेदा
 चुहरड भिसी कुल्सी पुइजी, “एनीगदे अर्गु
 यहुलला म्हिगदेदेन सामरीगदला शहररी
 थानिउ। ६बरु एनीगदे गोठालो आरबा ग्युगदे
 हरड तसी भखा इसराएलीगदे मुबा ग्लारी
 निउ। ७ओच्छे स्वर्गला यहुत्सा खसी जिन्बा
 मुला” भिसी पाड्गो। ८ओच्छे आसम्बा
 म्हिगदेदा सम्ना लबादेन सिबा म्हिगदेदा
 सोना लउ। थेहरड लसीन कोर खबागदेदा
 सम्ना लबादेन म्हडगदे ताप्पो। एनीगदेसे
 ओहरडनोन याड्बा स्हे एनीगदेसेएनोन
 ओहरडनोन पिन्गो। ९एनीगदेसे म्हर म्हडदेन
 टाड्गा तिगे थामोर्गा। १०ओच्छे एनीगदेसे
 ग्यामला लागिरी पोबा क्वानदेन झाला ओच्छे
 लखमदेन कडी तिगे थामोर्गा। तिगदा भिसम गे
 लबा म्हिसे ज्याला याड्तो:मुला। ९

११“एनीगदे शहररी निसै नाम्सारी निसै
 डाच्छा थरी एनीगदेदा मान लबा म्हि
 खाल चीम थे म्हाइगो। ओच्छे एनीगदे
 थग्याम आनितधोना थरीन चिउ। १२ओच्छे
 थ दिमरी वाड्मा एनीगदेसे थ दिमला म्हिदा
 “परमेश्वरला शान्ति एनीगदेदेन छ्याम तगे”
 भिसी पाड्गो। १३थ दिमला म्हिसे एनीगदेदा
 मान लजी भिसम थे दिमला म्हिसे शान्ति
 याड्गो। चुदे थ दिमला म्हिसे एनीगदेदा
 मान आलनी भिसम थे दिमला म्हिसे शान्ति
 थायाड्गो। १४ओच्छे खालेसे एनीगदेला ताम
 आड्यान्ना मान आलनी भिसम थे दिमदेन
 शहरग्याम थोन्बा धुइरी हराडला काडला धुलु
 खसी पिन्गो। १५थ च्यागो, एनीगदेसे डाला
 ताम ड्यान्गो, परमेश्वरसे निसाफ लबा धिनकुनु
 थे शहरला म्हिगदेला गति भन्दा मी सदोमदेन

\$\$\$ १:३३ याकूबला सन्तानदा इसराएली भिसी भिमुबा भिसम येशूला धुइला यहूदीगदे चा यहूदा
 अञ्चलला बन्ध्यामीनदेन लेवीला सन्तानगदे मुबा।

*१०:१४ यहूदीला ठिम अन्धार काडला धुलु खर्बा चा परमेश्वरसे सजाय पिन्ना भिसी उन्बा हिन्ना।

१९:३४ मत्ती १०:२५; १२:२४; मर्कूस ३:२२; लूका ११:१५ १९:३५ मत्ती ४:२३; मर्कूस १:३९; लूका

४:४४ १९:३६ गन्ती २७:१७; १ राजा २२:१७; २ इति १६:३६; इज ३४:५; मर्कूस ६:३४

१९:३६ लूका १०:२ १०:७ लूका १०:४-१२ १०:१० १ कोर ९:१४; १ तिमो ५:१६

१०:१४ मुल १३:५१

गमोरा शहरला म्हिगदला गति नासम्बा तला ।

u

विश्वासीगदसे नातो:बा दुस

मर्कूस १३ :९-१३ ; लूका २१ :१२-१७

१६ “च्यागो, डाइ एनीगददा फार्बागदला गुडरी ग्युदा पुइबा हरड लसी पुइला । थेतबासलमा एनीगद पुखरी हरडबा चलाक ओच्छे दुकुर हरड सोजा तसी भरउ । १७ तर एनीगद म्हिगद मराडसी होशियार तउ, तिगदा भिसम थेनीगदसे एनीगददा चुडसी अदाततरी भोर्ला । ओच्छे यहूदीगद हरुप तबा दिमरी भोर्सी एनीगददा कोरस तोबा ग्याडबा लला । १८ डादा विश्वास लबास लमा थेनीगदसे एनीगददा अञ्चलाधोशदन ग्लेला डाच्छापट्टि भोर्ला । एनीगद थेनीगददेन अर्गु य्हूलला म्हिगदला लागिरी डाला साक्षी दोला । १९ थेनीगदसे चुडसी भोर्सेनोन खाहरड लसी जोहाव पिन्से भिसी एनीगदसे धन्दा सुर्दा लआतो: । तिगदा भिसम थे धुडरी खाहरड लसी पाडतो:बा थे ताम एनीगददा लोप्सी पिन्ना । २० तिगदा भिसम थे धुडरी एनीगदसे पाडबा आहिन, तर परमेश्वर आबाला आत्मासेन एनीगदग्याम पाडला ।

२१ “हराडलान ज्याज्यो आलसे हराडलान ज्याज्यो आलदा साइपुडला । थहरड लसीन आबासे कोलागददा साइपुडला, ओच्छे कोलागदसे आबा आमाला विरोध लसी साइपुडला । २२ ओच्छे डादा विश्वास लबास लमा एनीगददा जम्मासेन हेला लला । तर जुन म्हिसे जस्तान दुस तसेनोन हराड आसितधोना डादा विश्वास लबा आरुला थसे थार्बा याडला । २३ म्हिगदसे एनीगददा नाम्सा गिकरी दुस पिन्जी भिसम एनीगद अर्गु नाम्सारी यागी । च्यागो, एनीगदसे डाला ताम ड्यान्गो, परमेश्वरसे पुइसबा म्हि खबा भन्दा डाच्छा एनीगद इस्राएलला जम्मान नाम्सारी धोआसम ।

२४ “च्यागो, गुरु भन्दा चेला धरेन आत, ओच्छे मालिक भन्दा नोकरएनोन धरेन आत ।

२२ चेला हराडला गुरु हरडबा दोबादेन नोकर हराडला मालिक हरडबा दोबान ठीक मुला । तिगदा भिसम थेनीगदसे डा दिमला मुल म्हिदाम म्हडला ग्ले बालजिबुल भिला भिसम झन डाला म्हेमगददा मी तिग भिला ? y

खाल मराडसी लोडतो:बा ?

लूका १२ :२-९

२६ “थेतबासलमा थहरडबा म्हिगददेन छुयाम थालोडगो । तिगदा भिसम धप्सी आमराडबा स्हे तिगे आर, ओच्छे छुम्सी था आयाडबा स्हे तिगे आर । २७ जुन ताम डाइ एनीगददा धोपधोपरी पाडबा मुला, थे ताम एनीगदसे य्हालरी पाडगो, ओच्छे जुन ताम एनीगदसे थे:ला, थे ताम एनीगदसे दिमला धुरीग्याम थे:ना लउ । २८ ओच्छे एनीगदला ल्हुइदा साइसी आत्मादा चा तिगे लबारी आसम्बा म्हिगददेन छुयाम थालोडगो । तर ल्हुइदेन आत्मा न्हीदान साइसी नर्गरी धोना लसम्बा परमेश्वरदेन छुयाम जे लोडगो । २९ डवल गिकरी च्युर्गन न्ही याडमुला । तसेनोन एनीगदला परमेश्वर आबास सेम आलनी भिसम थे च्युर्गनगद न्हडला गिकएनोन आसि । ३० एनीगदला थोबारी करा गाते मुला भिबा ताम सुत्ते परमेश्वरदा था मुला । ३१ थेतबासलमा एनीगद थालोडगो । तिगदा भिसम थे ल्हानान च्युर्गनगद भन्दा मी एनीगद ल्हानान धरेन मुला ।

स्थान्दोगददा खरीष्टला बाररी पाडबा

लूका १२ :८-९

३२ “थेतबासलमा जुन म्हिसे डादा म्हिला ओन्छाडरी समहन्स परभु भिसी पाडला, डाएनोन स्वर्गरी धन्छुयाबा आबाला डाच्छा थेदा डाला म्हि भिसी भिला । ३३ तर जुन म्हिसे म्हिगदला ओन्छाडरी डादा डाइ थेदा डोसबा आर भिसी भिला, डाइएनोन थेदा स्वर्गरी धन्छुयाबा डाला आबाला डाच्छा डोसबा आर भिसी भिला । a

१७० :१५ उत्पत्ति १९ :२३-२९ सदोमदेन गमोरा भिबा चा शहर न्ही हिन्ना । थेदा परमेश्वरसे नाश लजी । तिगदा भिसम थे शहररी ल्हानान नडबा गगद लमुबा । चु ताम, मत्ती ११ :२३-२४ ; लूका १० :१२, १७ :२९ ; रोमी ९ :२९ ; २ पतरुस २ :६ ; यहूदा १ :७ ; उन्बा ११ :८ पदरीएनोन मुला ।

१७० :१५ मत्ती ११ :२४ ; उत्पत्ति १९ :२४-२८ १७० :१६ लूका १० :३

१७० :२२ मत्ती २४ :९-१३ १७० :२४ लूका ६ :४० ; यहू १३ :१६ ; १५ :२० १७० :२५ मत्ती ९ :३४ ;

१२ :२४ ; मर्कू ३ :२२ ; लूका ११ :१५ १७० :२६ मर्कू ४ :२२ ; लूका ८ :१७ १७० :३३ २ तिमो २ :१२

सुरीष्टदा विश्वास लबादेन आलबा

लूका १२ :५१-५३ ; १४ :२६-२७

३४ “डा जम्बुलिङ्गरी म्हिगददा ढिकना लबारी खबा हिन्ना भिसी थाम्हन्गो। तिगदा भिसम डा म्हिगददा ढिकना लबारी आहिन, तर थनीगद न्हङ्गरी छेना लबारी खबा हिन्ना। ३५ तिगदा भिसम

‘डा आबाला विरोधरी झा,
आमाला विरोधरी झामे

ओच्छे स्युमीला विरोधरी चाङ्गेःना लबारी खबा हिन्ना।

३६ म्हिला शतरु चा हराङ्गलान म्हेमेगदे न्हङ्गयाम थोन्ना।’^b

३७ “जुन म्हिसे डादा भन्दा हराङ्गला आबा आमामेन कोलागदेदा माया लला, थे म्हि डाला चेला दोबारी आखम। ३८ ओच्छे जुन म्हिसे आसितेधोना हराङ्गला दुख हराङ्गसेन नासी इडादेन छयाम आभर, थे म्हि डाला चेला दोबाधोनाला आर। ३९ जुन म्हिसे हराङ्गला ज्यान जोगब लबारी म्हाइला थे म्हिसे जुकजुकधोनाला जुनी आयाङ्। तर डाला लागिरी ज्याननोन पिन्खम्बा म्हिसे जुकजुकधोनाला जुनी याङ्गला।^d

४० “एनीगददेदा मान लबा म्हिगदसे डादा एनोन मान लला। ओच्छे डादा मान लबागदसे डादा पुइखबादा एनोन मान लला। ४१ जुन म्हिसे अगमवक्तादा ‘अगमवक्ता’ भिसी मान लला, थेसनोन अगमवक्तासे याङ्गबा हरङ्गबान इनाम याङ्गला। थेहरङ्ग लसीन जुन म्हिसे परमेश्वरदा सम निबा म्हिदा ‘परमेश्वरदा सम निबा म्हि’ भिसी मान लला, थेसनोन थे परमेश्वरदा सम निबा म्हिसे याङ्गबा हरङ्गबान इनाम याङ्गला। ४२ च्यागो, खालेसे चुगदे न्हङ्गला गिकदा डाला चेला भिसी सिम्बा क्युइ ॥ज थुङ्गबारी पिन्सेनोन थेसे याङ्गतोःबा इनाम याङ्गला।”

बत्तिस्मा पिन्बा यूहन्नासे इयोइबा ताम

१ येशूसे हराङ्गला च्युक न्ही चेलादा चुहरङ्ग ११ सुङ्गसी जिन्माहेन्से गालील अञ्चलला नाम्सागदरी परमेश्वरला य्हुत्साला समाचार लोप्वारीदेन थेःना लबारी फपजी।

२-३ थे धुङ्गरी बत्तिस्मा पिन्बा यूहन्ना इयात्स्वानरी मुबा। थाबां पिन्बा सुरीष्टसे लबा गला बाररी थेःसी यूहन्नासे हराङ्गला चेलागदेदा “डन्से फेखला भिसी आश लसी चिबा थाबां पिन्बा ग्ले हराङ्गनोन हिन्ना कि स्थान्दो खालेदा भरान्तोःबा हिन्ना?” भिसी इयोइबारी थाबां पिन्बा सुरीष्ट मुबा ग्तारी पुइजी।

४ जमाहेन्से येशूसे थनीगदेदा चुहरङ्ग भिसी सुङ्गजी, “एनीगदसे थेःबादेन मराङ्गबा ताम निसी यूहन्नादा पाङ्गसी पिन्गो। ५ मी आमराङ्गबागदेला मी मराङ्गना लबा मुला, कुज्यादेन कोर खबा म्हिगदेदा खम्ना लबा मुला, नाब्यङ्ग आथेःबागदेदा थेःना लबा मुला, सिबागदेदा सोना लबा मुला, ओच्छे पराङ्गबागदेदा परमेश्वरला य्हुत्साला समाचार थेःना लबान मुला। ६ जुन म्हिसे शङ्का आलना विश्वास लला, थे म्हिसे परमेश्वरग्याम मालम याङ्गला।”

७ थनीगदे निमाहेन्से येशूसे थरी मुबा म्हिगददा यूहन्नाला बाररी सुङ्गबारी छयाइजी, “एनीगद तोङ्गतोःबा ग्तारी तिग च्याबारी निबा मुबा? तिग लाबासे य्हाङ्गबा मा दोङ्ग च्याबारी निबा हिन्ना? ८ ओच्छे एनीगद तिग च्याबारी थोन्बा मुबा? ज्यबा ज्यबा क्वान क्वान्बा म्हिदा च्याबारी? च्यागो, ज्यबा ज्यबा क्वान क्वान्बा म्हिगदे मी ग्लेखाङ्गरी जे चिमुला। ९ एनीगद तिग च्याबारी निमुबा? तिग अगमवक्तादा च्याबारी निबा आहिन? हिन्ना, डाइ पाङ्गला एनीगदसे स्थान्दो अगमवक्तागदे भन्दा घरेन म्हि गिक मराङ्गबा मुला। १० चुनोन यूहन्नाला बाररी परमेश्वरला बचनरी चुहरङ्ग भिसी भिरबा मुला,

३१० :३८ ग्रीक बाइबलरी चा हराङ्गला करुस हराङ्गसेन पुइतोःला भिसी भिरबा मुला।

३१० :४२ “सिम्बा क्युइ” नेपाली बाइबलदेन ग्रीक बाइबलरी चा “कचौर नाङ्ग क्युइ” भिसी भिरबा मुला।

३१० :३६ मीका ७ :६ १० :३८ मत्ती १६ :२४ ; मर्कू ८ :३४ ; लूका ९ :२३

३१० :३९ मत्ती १६ :२५ ; मर्कू ८ :३५ ; लूका ९ :२४ ; १७ :३३ ; यूह १२ :२५

३१० :४० मर्कू ९ :३७ ; लूका ९ :४८ ; १० :१६ ; यूह १३ :२० ३११ :५ यशे ३५ :५, ६ ; ६१ :१

‘च्यागो, डाइ डाला समाचार भोर्बा म्हिदा एला डाच्छा डाच्छा पुइला।

थेसे एला लागिरी ग्याम स्होला।’ §8

११ “च्यागो, दान्दधोना बप्तिस्मा पिन्बा यूहन्ना भन्दा घरेन म्हि खालैनान न्हवा आर। तसेनान जुन म्हि स्वर्गला म्हल्सारी जम्मान भन्दा जजा मुला, थे बप्तिस्मा पिन्बा यूहन्ना भन्दा घरेन हिन्ना। **१२ बप्तिस्मा पिन्बा यूहन्नाला धुइहेन्स दान्दधोना थे:ना लबा स्वर्गला म्हल्साला बाररी ल्हानान गे तबा मुला। तर हराडसे हराडदान शक्तिशाली म्हन्बा म्हिगदे चा हराडलान भडसे स्वर्गला म्हल्सारी वाड्बारी म्हाडबा मुला। †१३ तिगदा भिसम यूहन्नाला धुइधोना परमेश्वरसे मोशादा पिन्बा ठिमदेन जम्मान अगमवक्तागदेसे परमेश्वरला म्हल्साला बाररी पाड्बा मुला। †१४ एनीगदेसे अगमवक्तागदेसे पाड्बा ताम विश्वास लबा हिन्सम थेनीगदेसे खाल भिसी पाड्बा एलिया चा चुनोन यूहन्ना हिन्ना। †१५ जुन म्हिदा ड्यान्बा सम मुला, थेसे ड्यान्सी घोड।

†१६ “दान्देलला म्हिगदेदा डाइ साहरड लसी घोना लसे? थेनीगदे मी ग्यामरीक्यार क्लाडबा कोलागदे हरडबान हिन्ना। थेनीगदेसे हराडला हरोगदेदा ड्याडसी चुहरड भिमुला,

†१७ “डन्स एनीगदेलला लागिरी बाँसुरी हराप्सी पिन्जी, तर एनीगदे आस्व्हनी।

ओच्छं डन्स दुसतला व्हाइ गाजी, तर एनीगदे आकरानी।’

†१८ चुहरड लसीन यूहन्नासे अडगुरला निडगु आथुडना फाडथान चिसी परार्थना लमुबा, जमा म्हिगदेसे थेदा म्हडसे स्याप्वा म्हि’ भिसी भिबा मुबा। †१९ परमेश्वरसे पुइसबा म्हि चा चबा थुड्बा लसी भरजी। थतबासेलमा म्हिगदेसे डादा ‘च्यागो, ल्हानान चबा स्हेदेन ल्हानान निडगु कासी ड्य्होडसी भरबा, तिरो दुइबादेन पापीगदेलला हरो’ भिसी भिमुला! तर परमेश्वरला बुद्धिग्याम गे लबा म्हिदा थेसे

लबा गेगदेग्यामसेन थे ठीक हिन्ना भिसी था याड्बला।”

येशूस विश्वास आलबा शहरला म्हिगदेदा बड्बा लूका १०:१३-१५

२० जमाहेन्स जुन जुन नाम्सारी येशूस ल्हानान उदकला गेगदे लबा मुबा, थे नाम्साला म्हिगदेदा दाहेन्स ज्यबा तसला आर भिसी सुड्बारी छुयाड्जी, तिगदा भिसम थेनीगदेसे हराड हराडला पाप ख्लासी परमेश्वरपट्टि आदा:नी। †२१ “खोराजीनदेन बेथसेदाला म्हिगदे, एनीगदेसे परमेश्वरग्याम सजाय याड्बला। तिगदा भिसम एनीगदेलला नाम्सारी लबा हरड्बा उदकला गेगदे टुरोसदेन सीदोन शहररी लबा हिन्सम ओन्मान थेनीगदेसे बोरा क्वान्सी मेफरा फोर्सी हराड हराडला पाप ख्लासी परमेश्वरपट्टि दो:सेला मुबा। †२२ तर एनीगदेसे डाला ताम ड्यान्गो, परमेश्वरसे निसाफ लबा धुइरी एनीगदेलला दुख भन्दा टुरोसदेन सीदोनला म्हिगदेलला दुख नाखम्बा तला †२३ कफर्नुहुमला म्हिगदे, तिग एनीगदे स्वर्गरीन धोला भिसी म्हन्मुला? आधो! एनीगदेदा मी नर्गरी भ्याड्बला। तिगदा भिसम एनीगदेलला गुडरी लबा उदकला गेगदे सदोमरी लबा हिन्सम थे नामसा तिनीधोना चिसला मुबा। †२४ च्यागो, परमेश्वरसे निसाफ लबा धुइरी सदोमला म्हिगदेसे भन्दा एनीगदेसे ल्हानान सजाय याड्बला?!”

†२५ थे धुइरी येशूस चुहरड भिसी परार्थना लजी, “मुदेन जम्बुलिडला परभु आबा, हराडदा धन्यवाद मुला, तिगदा भिसम हराडसे ज्ञान बुद्धि मुबा म्हिगदेदेन सेबा घोबा म्हिगदेग्याम छुम्सी थान्बा ताम तिगे आसेबा म्हिगदेदा उन्सी पिन्जी। †२६ हिन्ना आबा, चुहरड लमान हराड ताड्बजी।

†२७ “डाला आबासे डादा जम्मान स्हे जिम्मा पिन्बा मुला। थेतबासेलमा झा खाल हिन्ना भिसी आबादा बाहेक स्थान्दो खालैदान था

§११:१० चु ताम चा परमेश्वरसे थार्बा पिन्बा खरीष्टदा सुड्बा ताम हिन्ना।

**११:११ यूहन्नासे थार्बा पिन्बा खरीष्ट योना फख्लला भिबा ताम थे:ना लसी घरेन गे लबा मुबा, तसेनोन यशुला चलागदेसे यशुदा थार्बा पिन्बा खरीष्टदा डोसजी भिसी थे:ना लजी। थे ताम यूहन्नासे लबा गे भन्दा घरेन मुबा।

§११:१० मला ३:१ †११:१२ लूका १६:१६ †११:१४ मला ४:२; मत्ती १७:१०-१३; मर्कू ९:११-१३

†११:२१ यशे २३:१-१८; इज २६:१-२८:२६; योए ३:४-८; आमो १:९-१०; जक ९:२-४

§११:२३ यशे १४:१३-१५; उत्प १९:२४-२८ †११:२४ मत्ती १०:१५; लूका १०:१२

अगमवक्ताग्याम परमेश्वरसे चुहरङ्ग भिसी सुङ्गबा मुला,

१८ “डाइ धम्बा डादा तेन्बा म्हि मराङ्गी डा ताङ्गबा मुला ।

ओच्छे थंदा डाइ माया लसी डाला आत्मा थंथारी थान्सी पिन्बा मुला,

थेसं डाइ लबा निसाफला बाररी जम्मान य्हूलला म्हिगदेदा पाङ्गला ।

१९ थं छेबा बङ्गबा लसी आभूर

ओच्छे ल्हानान किरङ्गीएनोन आभूर ।

थेतबासलमा थं ग्यामरीक्यार किरङ्गी भूबा खालैसं आथः ।

२० थिबा मादा आक्युइना जोगब लसी थान्बा हरङ्ग लसी दुखरी मुबा म्हिगदेदा थेसं जोगब लसी थान्ना ।

थेहरङ्ग लसीन छ्यगु जिन्सी सिबारी छ्याइबा नाङ्गसलदा सिआपुङ्गबा हरङ्ग लसी थेसं विश्वासरी कमजोर तबा म्हिगदेदाएनोन जोगब लसी थान्ना ।

ओच्छे जम्मादान ठीक निसाफ लसी थाना लला ।

२१ थेतबासलमा जम्मान य्हूलला म्हिगदेसं थंथारी आश लला ।” ॥

येशूदेन म्हङ्गला ग्ले बालजिबुल

मर्कूस ३ :२०-३० ; लूका ११ :१४-२३

२२ जमाहेन्से म्हिगदेसं म्हङ्गसे स्याप्सी ताइ दोबादेन मी आमराङ्गबा म्हि गिकदा येशू मुबा ग्लारी भजी । येशूसं थंदा खम्ना लजी, जमाहेन्से थेसं मराङ्गसम्जी तामएनोन पाङ्गसम्जी । २३ चु मराङ्गी थरी मुबा जम्मान म्हिगदे उदेक तसी “चु दाऊद ग्लेला सन्ताननोन हिन्ना ?” भिसी भिजी । ॥

२४ तर चुहरङ्गबा ताम थंसी फरिसीगदेसे येशूदा “चु म्हिसे मी म्हङ्गदेला ग्ले बालजिबुलला ##शक्तिग्याम जे म्हङ्गदे ताप्बा हिन्ना” भिसी भिजी । ॥

२५ तर थनीगदेला सेमला ताम था याङ्गी येशूसं थनीगदेदा चुहरङ्ग भिसी सुङ्गी, “च्यागो, जुन य्हूत्साला म्हिगदे हराङ्ग हराङ्ग न्हङ्गी तोबा छेबा लला थं य्हूत्सा नाश तला,

##१२ :२४ “बालजिबुल” भिबा शेतानना अर्गुं मिन हिन्ना ।

###१२ :२९ येशूसं चु कथा थेसं भङ्गबा म्हि हरङ्गबा शेतानना ग्लेदा दाजी भिसी घोना लबारी सुङ्गबा हिन्ना । तिगदा भिसम थंसे म्हङ्गदा म्हिला ल्हङ्ग्याम ताप्बा मुबा ।

७१२ :३१ येशू ४२ :१-४

७१२ :२३ मत्ती ९ :२७

७१२ :२४ मत्ती ९ :३४ ; १० :२५

७१२ :३० मर्कू ९ :३९

७१२ :३२ लूका १२ :१०

७१२ :३३ मत्ती ७ :२०

ओच्छे दिम गिकलान म्हिएनोन हराङ्ग हराङ्ग न्हङ्गी आदिकनी भिसम थं दिमएनोन फुप्ला । २६ थेतबासलमा शेतानसे शेतानदान ताप्जी भिसम थनीगदे हराङ्ग हराङ्ग न्हङ्गी फेला । थहरङ्ग लजी भिसम थनीगदेला य्हूत्सा खाहरङ्ग लसी टुला ? २७ डाइ बालजिबुलला शक्तिग्याम म्हङ्ग ताप्मुला भिसम एनीगदेला चेलागदेसं चा खाल्ला शक्तिग्याम म्हङ्ग ताप्बा हिन्ना ? थेतबासलमा एनीगदेला गलती थनीगदेसन उन्ना । २८ तर डाइ परमेश्वरला आत्माग्याम म्हङ्ग ताप्बा मुला भिसम एनीगदेला गुडरी परमेश्वरला य्हूत्सा खसी जिन्बा मुला ।

२९ “भङ्गबा म्हिला दिमरी वाङ्गी डाच्छा थं म्हिदा आखीना खालैसं थेला धन सम्पत्ति य्हो लखम्ता ? थं भङ्गबा म्हिदा ###खीमाहेन्से जे थेसं थेला धन सम्पत्ति मोखम्ता ।

३० “जुन म्हि डादेन छ्याम आदिक, थं म्हि डाला विरोधी तला । ओच्छे जुन म्हिसे डा मुबा ग्लारी म्हिगदे आभ, थं म्हिसे डाला विरोधी गे लला । ##थेतबासलमा म्हिगदेसं जस्तोन पाप गेदेन पाप तामगदे लसेनोन थनीगदेदा माफ लला । तर परमेश्वरला आत्मादा विरोध लसी पाप ताम लबा म्हिसे साइमे माफ आयाङ्ग । ३१ थहरङ्ग लसीन खालै म्हिसे परमेश्वरसे पुइखबा म्हिदा विरोध लसी ताम पाङ्गसे थेसं माफ याङ्गला । तर परमेश्वरला आत्मादा विरोध लसी ताम पाङ्गी भिसम थंदा दान्देल्ला धुइरी माफ आल, लिच्छाला जुनीरीनोन माफ आयाङ्ग । ॥

दोड खाहरङ्ग लसी डोसेबा

लूका ६ :४३-४५

३३ “ज्यना लसी सयार लबा दोङ्गी ज्यना लसीन रोला । ओच्छे ज्यना लसी सयार आलबा दोङ्गी ज्यना लसी आरो । थेतबासलमा सयार लजीम कि आलजीम भिबा ताम रोग्यामसेन था तला । ३४ पुखरीला कोलागदे, एनीगदेला सेमरीन पाप मुला भिसम खाहरङ्ग लसी ज्यबा ताम पाङ्गखम्ता ? तिगदा भिसम सेमरी जुन ताम मुला, थेनोन ताम एनीगदेसं पाङ्गबा हिन्ना ।

३३५ ज्यवा सेम मुबा म्हिला सेम न्हङ्गयाम ज्यवान ताम थोन्मुला ओच्छे नइबा सेम मुबा म्हिला सेम न्हङ्गयाम नइवान ताम थोन्मुला । ३३६ थतबासलमा एनीगदसे डाला ताम ड्यान्गो, परमेश्वरसे निसाफ लबा धिनकुनु आतोःबा ताम पाङ्बा म्हिगदसे हराङ् हराङ्गला हिसाब उन्तोःला । ३७ तिगदा भिसम एला दोष मुला कि आर भिबा एला तामग्यामसेन था तला ।”

म्हिगदसे उदकला चिनु म्हाइबा

मर्कूस ८ :११-१२ ; लूका ११ :२९-३२

३८ जमाहेन्से यहूदी धर्मगुरुगददेन फरिसीगद न्हङ्गला कोइ कोइसे यशूदा “गुरु, उन्दा हराङ्से लबा उदकला गे च्याबा सेम मुला” भिसी पाङ्मा,

३९ येशूसे थनीगददा चुहरङ् भिसी जोहाब पिन्जी, “नइबा बानिवहोर थोसी स्थान्दादेन छ्याम बरेल्सी भरबा म्हिगदसे उदकला चिनु ज म्हाइमुला । तर दान्दला म्हिगददा चा योना अगमवक्ताला चिनु बाहेक अर्गु चिनु आउन । ४० तिगदा भिसम धिन सोम म्हुन सोमधोना योना घरेन तार्डाला फोरी चिबा हरङ् लसी परमेश्वरसे पुइखबा म्हिगददेन धिन सोम म्हुन सोमधोना धुसारी तला । ४१ च्यागो, परमेश्वरसे निसाफ लबा धुइरी निनवे शहरला म्हिगद रेःसी दान्दला म्हिगदला दोष उन्ना । तिगदा भिसम योना अगमवक्तासे पाङ्बा परमेश्वरला ग्हुल्सा समाचार थःसी, थनीगद हराङ् हराङ्गला पाप ख्तासी परमेश्वरपट्टि दोःबा मुबा । तर चुरी योना अगमवक्ता भन्दा घरेन म्हि गिक मुला । तसेनोन एनीगदसे थला ताम आङ्ग्यान्नी । ४२ निसाफ लबा धुइरी ल्होग्याम सबा ग्लेस्यासे दान्दला म्हिगदला दोष उन्ना, तिगदा भिसम थ सोलोमन ग्लेला ज्ञान बुद्धिला ताम ड्यान्बारी ल्हानान थारङ्गयाम सबा मुबा । तर च्यागो, चुरी सोलोमन ग्ले भन्दा घरेन म्हि मुसैनोन थला ताम आङ्ग्यान्नी । ४

डाच्छे थोन्सी निबा म्हुङ् दोःसी समाहेन्से

४३ “म्हुङ् म्हिला ल्हुङ्गयाम थोन्सी निमाहेन्से थसे ब्रत्वा न्हबारी तोङ्तोङ्गला ग्लारीक्यार ग्ला म्हाइसी भरला ।

ओच्छे खानङ्गएनोन ब्रत्वा न्हबा ग्ला आयाङ्माहेन्से, ४४ ‘डा जुन म्हिला ल्हुङ्गयाम थोन्सी खजी थनोन म्हिला ल्हुइरी चिबारी निइ’ भिसी दोःसी निला । दोःसी समा थसे डाच्छे हराङ् चिबा ग्ला खाले आरबा साङ्साङ्गला मराङ्गला । ४५ जमाहेन्से थ म्हुङ् निसी हराङ् भन्दा नइबा अर्गु गार निस म्हुङ्गद भसी थ म्हि न्हङ्गी वाङ्गी चिमुला । थतबासलमा थ म्हिला गति डाच्छेला भन्दा लिच्छेला गति झन नइबा तला । दान्दला म्हिगददाएनोन थहरङ्गवान तला ।”

येशूला आमामेन आलेगदे

मर्कूस ३ :३१-३५ ; लूका ८ :१९-२१

४६ येशू म्हिगददेन छ्याम ताम लवान लबा धुइरी येशूदेन छ्याम ताम लबारी भिसी थला आमामेन आलेगदे मङ्गयार खसी चिबा मुबा । ४७ जमाहेन्से म्हि गिकसे “हराङ्गदेन छ्याम ताम लबारी भिसी हराङ्गला आमामेन आलेगदे मङ्गयार खसी चिमुला” भिसी यशूदा पाङ्गजी ।

४८ तर येशूसे थ म्हिदा “डाला आमा खाल ? डाला आलेगदे खाल ?” ४९ ओच्छे येशूसे हराङ्गला चेलागददा उन्वान चुहरङ् भिसी सुङ्गी, “च्यागो, चुरी मुबा जम्मान डाला आमामेन आलेगदे हिन्ना । ५० तिगदा भिसम जुन म्हि स्वर्गरी धन्छ्याबा डाला आबासे म्हुन्वा अन्धार भरला थनोन डाला आमा, डाला आडा ओच्छे डाला आले हिन्ना ।”

ब्लु दवबाला उखान

मर्कूस ४ :१-९ ; लूका ८ :४-८

१ जमाकुनु येशू दिमग्याम फेप्सी समुन्दरला कुनीरी धन्छ्याजी । २ ओच्छे थरी म्हिला हुल मुबासेलमा येशू दौंगारी धन्छ्याजी । ओच्छे म्हिला हुल चा समुन्दरला कुनीरीक्यार राप्सी चिजी । ३ जमाहेन्से थरी मुबा म्हिगददा येशूसे उखानग्याम ल्हानान ताम लोप्वान चुहरङ् भिसी सुङ्गी, “च्यागो, ब्लु दवबा म्हि गिक ब्लु दवबारी भरजी । ४ थ म्हिसे ब्लु दवमा कोइ ब्लु ग्यामरी परब तजी, थ ब्लु चरागदे खसी चजी । ५ कोइ ब्लु चा युङ्गबाला घहरङ्ग मुबा सरी परब तजी, ओच्छे

३२ :३४ मत्ती ३ :७ ; २३ :३३ ; १५ :१८ ; लूका ३ :७

३२ :३५ मत्ती १५ :१८

३२ :३८ मत्ती १६ :१ ; मर्कू ८ :११ ३२ :३९ मत्ती १६ :४ ; मर्कू ८ :१२ ३२ :४० जोना १ :१७

३२ :४१ जोना ३ :५ ३२ :४२ १ राजा १० :१-१० ; २ इति ९ :१-१२ ३२ :४३ लूका ५ :१-३

थेरी सापरा ल्हाना आरेबासे लमा योनान फुडजी। ६तर सापरा ल्हाना आरेबासे लमा थला टा नुप्ना निआम्याङनी। थेतबासेलमा धिनीसे करासी थे दोङ सिजी। ७कोइ व्तु चा पुजु झाङरी परब तजी, ओच्छे थे व्तुदेन पुजु दोङ छुयाम छुयामनोन फुडजी। तर पुजु दोङ ल्हबान निबासे लमा थे दोङदा हाप तजी। ८कोइ व्तु चा ज्यबा सरी परब तसी फुडजी, ओच्छे कोइ दोङरी दोब्बर, कोइ दोङरी तेब्बर, कोइ दोङरी चौबरधाना रोजी। ९जुन म्हिदा इयान्बा सेम मुला थेसे इयान्सी घोड।”

येशूसे तिग्दा उखान सुङ्बा ?

मर्कुस ४ :१०-१२ ; लूका ८ :९-१०

१०जमाहेन्से चेलागदेसे येशूदा “हराङसे थेनीगदेदा तिग्दा उखानग्यामसे जे लोप्या?” भिसी इयोडमा, ११येशूसे थेनीगदेदा चुहरङ् भिसी जोहाब पिन्जी, “म्हिसे था आयाङ्बा स्वर्गला म्हत्साला ताम डाइ एनीगदेदा घोसम्बा ज्ञान बुदधि पिन्बा मुला। तर थेनीगदेदा चु ज्ञान बुदधि पिन्बा आरे। १२तिग्दा भिसम जुन म्हिसे डाइ लोप्या तामदा सेम लसी इयान्ना, थदा डाइ अझन घोना लला। तर डाइ लोप्या ताम आइयान्बादा चा थसे जुन घोबा मुला थे तामएनोन म्हाना लला। १३थेनीगदेसे डाइ लबा गे च्याबाम च्यामुला तर आम्राङ्मुला, ओच्छे डाइ पाङ्बा ताम इयान्बाम इयान्मुला तर आघोमुला। थेतबासेलमान डाइ थेनीगदेदा उखानग्याम पाङ्बा हिन्ना।

१४ “परमेश्वरसे यशैया अगमवक्ताग्याम सुङ्बा ताम चुहरङ् लसी पूरा तबा मुला, थेनीगदेसे इयान्बाम इयान्मुला तर साइमै आघोमुला, च्याबाम च्यामुला तर साइमै आम्राङ्मुला, १५ तिग्दा भिसम चु म्हिगदेला सेम कोङ्बा मुला, थेनीगदेला नाब्यङ्से आथे:मुला, ओच्छे थेनीगदेसे मी च्युम्बा मुला। आहिन्सम थेनीगदेसे मराङ्सेला मुबा, थे:सेला मुबा, सेमहेन्सेन घोसेला मुबा, डापटटि दो:सेला मुबा, ओच्छे थेनीगदेदा डाइ सन्ना लसेला मुबा।” j

१६जमाहेन्से येशूसे हराङ्गला चेलागदेदा चुहरङ् भिसी सुङ्जी, “एनीगदेसे परमेश्वरग्याम मालम याङ्गला, तिग्दा भिसम एनीगदेसे मराङ्बाएनोन मुला थे:बाएनोन मुला। १७च्यागो, एनीगदेसे डाला ताम इयान्गो, ल्हानान अगमवक्तादेन परमेश्वरसे म्हेन्बा अन्छार मरबा म्हिगदेसे एनीगदेसे मराङ्बा चु तामगदे च्याबारी म्हाइमुबा। तर थेनीगदेसे आम्राङ्नी, ओच्छे एनीगदेसे थे:बा ताम थेनीगदेसे थे:बारी म्हाइजी, तर थे:बारी आम्याङ्नी। k

व्तु दवबा उखानना अर्थ

मर्कुस ४ :१३-२० ; लूका ८ :११-१५

१५ “लु, व्तु दवबा उखानना अर्थ इयान्गो। १६ ग्यामरीक्यार परब तबा व्तुला अर्थ चुनोन हिन्ना, जुन म्हिसे परमेश्वरला बचन इयान्ना, तर थसे घोबा मन्दा डाच्छान शैतान ससी थेनीगदेला सेमग्याम थे ताम ब्यन्सी मोर्ला। २० युङ्बाला घहरङ् मुबा सरीक्यार परब तबा व्तुला अर्थ चुनोन हिन्ना, जुन म्हिसे परमेश्वरला बचन इयान्सी तुरुन्तन विश्वास लला। २१ तर थेनीगदेला विश्वासला टा आरेबासे लमा, थे छिन्नङ् जे चिला। ओच्छे परमेश्वरला बचनदा विश्वास लबासे लमा थेनीगदेदा आपत विपत समाहेन्से थेनीगदेसे विश्वास लबा ख्ताला। २२ पुजु झाङ् न्हङ्री परब तबा व्तुला अर्थ चा जुन म्हिसे परमेश्वरला बचन इयान्ना, तर चु जम्बुलिङ्गला धन्दा सुदादेन धन सम्पत्तिला लोभसे लमा परमेश्वरला बचनदा गे लआपुङ्। थेतबासेलमा थेला विश्वासग्याम तिगे आरो। २३ तर ज्यबा सरी परब तबा व्तुला अर्थ चा जुन म्हिसे परमेश्वरला बचन इयान्सी हराङ्गला सेमरी थान्ना, ओच्छे थेला विश्वासग्याम दोब्बर, तेब्बर, चौबरधानाता रो रोला।”

कोडोङ मराला उखान

२४ दो:सी येशूसे थेनीगदेदा उखान गिक सुङ्जी, “च्यागो, स्वर्गला म्हत्सा हराङ्गला बुरी ज्यबा व्तु दवबा म्हि हरङ्बान हिन्ना। २५ तर जम्मान म्हिगदे म्हेर्बा धुइरी थेला शतरु

ससी ग्वा न्हडरी कोडोड §§द्वसी निजी। २६ थं ग्वा ल्हबान निसी रोबा धुइरी चा ग्वा न्हडरी कोडोडला दोडएनोन मराङ्गी।

२७ “थेतबासलमा नोकरगदं दिमला मालिक मुबा ग्वाली ससी ‘बुरी हराडसं ग्वा जे दवबा आहिन? थरीम कोडोडएनोन फुइजीम’ भिसी भिजी।

२८ “जमाहेन्स दिमला मालिकसं थनीगदेदा ‘खाले शतरुसं चुहरङ लबा हिन्ना’ भिसी भिमा, नोकरगदसं थहरङ भिसम डनी निसी थ कोडोड स्योइसी भ्याङ्गो?’ भिसी भिजी।

२९ “तर थं मालिकसं नोकरगदेदा चुहरङ भिसी पाङ्गी, ‘दान्दन थास्योइगो, तिग्दा भिसम एनीगदसं कोडोड भिसी स्योइमा ग्वाएनोन स्योइसी भ्याङ्गला। ३० बरु ग्वा खन्बा धुइ आततेधोना थहरङबान मुगै। ग्वा खन्बा धुइरी खन्बागदेदा डाच्छा कोडोड स्योइसी खराडबाला लागिरी ग्ला गिकरी थान्गो। तर एनीगदसं ग्वा जे भसी डाला भकारीरी थान्गो भिसी पाङ्गला।”

पच्छे व्तुला उखानदेन समीरला उखान

मर्कूस ४ :३०-३४ ; लूका १३ :१५-२१

३१ दोःसी येशूसं थनीगदेदा अर्गु उखान गिक सुङ्गी, “च्यागो, स्वर्गला य्हुत्सा म्हि गिकसं घुयानरी दवबा पच्छे व्तुला गडा गिक हरङबान हिन्ना। ३२ पच्छेला गडा दापदुपगदं न्हडरी जम्मान भन्दा जजा तसेनोन थं फुइसी ल्हबान निसी दोडनोन दोला। ओच्छे थं पच्छे दोडला हाँगारी चरागदं ससी जड स्हासी चिला।”

३३ दोःसीनोन येशूसं थनीगदेदा अर्गु उखान गिक सुङ्गी, “च्यागो, स्वर्गला य्हुत्सा चा गडरी युबा समीर हरङबान हिन्ना। थं समीर मिरडम्हम गिकसे फाम सोम बरारी युसी ज्याप्ता। ओच्छे थं ब्रा आभोतेधोना थसं घप्सी थान्ना।”

३४ येशूसं म्हिला हुलदा जम्मान ताम उखानग्यामसं जे लोप्ती। उखान आसुडतेधोना थनीगदेदा येशूसं तिगै ताम आलोप्ती।

३५ परमेश्वरसं अगमवक्ताग्याम सुङ्बा ताम चुहरङ लसी पूरा तजी,

“डाइ ताम लमा उखानग्यामसं जे लला, ओच्छे जम्बुलिङ टुङ्माहेन्सं दान्दधोना था आरंबा ताम डाइ धोना लला।”।

कोडोड मराला उखानना अर्थ

३६ जमाहेन्सं थं म्हिला हुलदा ख्वासी येशू दिम न्हडरी फप्ती। ओच्छे थला चलागदेनोन दिम न्हडरी ससी, “बुरी फुइबा कोडोड मराला उखानना अर्थ धोना लसी पिन्गो” भिसी ड्योइमा, ३७ येशूसं थनीगदेदा चुहरङ भिसी सुङ्गी, “ज्यबा व्तु दवबा म्हि चा परमेश्वरसं पुइखबा म्हि हिन्ना। ३८ बु भिबा चा चु जम्बुलिङ हिन्ना ओच्छे ज्यबा व्तु भिबा चा परमेश्वरला य्हुत्साला म्हिगदे हिन्ना, कोडोड मरा भिबा चा परमेश्वरदा विरोध लबागदे हिन्ना। ३९ ओच्छे कोडोड दवबा शतरु चा शैतान हिन्ना, बाली खन्बा धुइ भिबा चा परमेश्वरसं जम्बुलिङला जम्मान म्हिगदेला निसाफ लबा धुइ हिन्ना। ४० ओच्छे बाली खन्बागदे चा स्वर्गदूतगदे हिन्ना। ४१ कोडोड स्योइसी म्हिगदसं साहरङ लसी मरी फर्मुला थहरङ लसीन परमेश्वरसं जम्बुलिङला जम्मान म्हिगदेला निसाफ लबा धुइरीनोन थहरङनोन लला। ४२ जमा धुइरी परमेश्वरसं पुइखबा म्हिसनोन डाला स्वर्गदूतगदेदा पुइखला। थनीगदसं म्हिगदेदा पाप लपुङ्बा जम्मान स्हेदन पाप गे लबा जम्मान म्हिगदेदा डाला य्हुत्साग्याम हरुप लला। ४३ ओच्छे थनीगदेदा मरी युला, थरी थनीगदे स्वा करसी करसी कराबा किरडबा लला। ४४ जमाहेन्सं परमेश्वरसं म्हन्बा अन्धार भरबा म्हिगदे हराडला परमेश्वर आबाला य्हुत्सारी धिनी हराङनोन य्हाल य्हाल तसी चिला। जुन म्हिदा घोबा सेम मुला थसं ज्यना लसी ड्यान्सी घोड।

ल्हसी थान्बा धनना उखानदेन मोतीला उखान

४५ “च्यागो, स्वर्गला य्हुत्सा वारीरी ल्हसी थान्बा धन हरङबान हिन्ना। थं धन म्हि गिकसं स्याप्ती। जमाहेन्सं थं ल्हानान ताङ्गी थं धन

§§१३ :२५ “कोडोड” भिबा चा सुन हरङबान मराङ्बा मरा हिन्ना।

*१३ :३९ “निसाफ लबा धुइ” चा गरीक बाइबलरी जम्बुलिङ जिन्बा धुइ भिसी भिरबा मुला। पद ४० देन ४९ पदरीनोन चुहरङ लसीन भिरबा मुला।

१३ :३५ भजन ७५ :२

थरीन ल्हूसी थान्सी दिमरी निजी। ओच्छे थसे हराडदेन छ्याम मुबा जति जम्मान चुडसी थ वारी ग्लुजी।

१५ “चुहरड लसीन स्वर्गला यहुत्सा ज्यबा खाल्ला माती म्हाइसी भरबा व्यापारी हरडबान हिन्ना। १६ थसे ज्यबा खाल्ला माती स्याप्माहेन्स हराडदेन छ्याम मुबा जति जम्मान चुडसी थ माती ग्लुजी।

तार्डा चुडबा घ्याडला उखान

१७ “थहरड लसीन स्वर्गला यहुत्सा समुन्दररी रोष्वा घ्याड हरडबान हिन्ना। थ घ्याडरी ल्हानान थरीला तार्डागदे परब तला। १८ ओच्छे घ्याड नाडनोन तार्डा परब तमाहेन्से म्हिगदेसे समुन्दरला कुनीरी भसी गे खेल्वा तार्डागदे तार्डरी थान्ना, गे आखेल्वा तार्डागदे पाखारी म्याडला। १९ चुहरडनोन लसी परमेश्वरसे जम्बुलिडला जम्मान म्हिगदेला निसाफ लबा धुइरीनोन स्वर्गदूतगदे खसी ज्यबा गे लबा म्हिगदेन नडबा गे लबा म्हिगदेला फला। २० ओच्छे परमेश्वरसे कुल्बा ताम आडयान्बागदेदा चा मेरी युला। थरी म्हिगदे स्वा करेसी करेसी कराबा किरडबा लला।”

छारदेन पुरानो धन

२१ जमाहेन्से येशूस थनीगदेदा “एनीगदेसे चु ताम जम्मान घोजी?” भिसी ड्याइमा, “घोजी” भिसी थनीगदेसे येशूदा जाहाब पिन्जी। २२ थतबासलमा येशूस चलागदेदा “ज्यागो, स्वर्गला यहुत्साला बाररी था याडबा यहूदी धर्मगुरुगदे दिमला दोप्ता हरडबान हिन्ना। तिगदा भिसम थसे हराडला दुकुटीग्याम छारदेन पुरानो धनगदे ते:ला” भिसी सुडजी।

नासरतला म्हिगदेसे येशूदा मान आलबा

मर्कूस ६:१-६; लूका ४:१६-३०

२३ चु उखानगदे सुडसी जिन्माहेन्से येशू थग्याम हराडला नाम्सारी फण्जी। २४ ओच्छे हराडला नाम्सारी धोखमाहेन्से यहूदीगदे हरुप तबा दिमरी फासी थरी मुबा म्हिगदेदा लोण्जी। येशूस लोष्वा मराडसी थरी मुबा म्हिगदे उदेक तसी चुहरड भिजी, “चु म्हिसे चुहरडबा उदेकला गे लबा शक्तिदेन बुदधि

खानडग्याम याडजी? २५ चु सिकर्माला झा आहिन? चुला आमा मरियम ओच्छे आलेगदे याकूब, यासफ, सिमोनदेन यहूदा आहिन? २६ चुला जम्मान आडागदे म्हाडदेन छ्यामनोन आर? तसेनोन चुस चु जम्मान ज्ञान बुदधिदेन शक्ति खानडग्याम याडजी?” २७ जमाहेन्से थनीगदेदा येशूदेन छ्याम बामो सर्जी।

तर येशूस थनीगदेदा “ज्यागो, अगमवक्तादा हराडला नाम्सारीदेन हराडला दिमरी बाहक अर्गु खजिबै ग्लारी निसैनोन मान लला” भिसी सुडजी। २८ थनीगदेसे विश्वास आलबा मराडसी येशूस थरी ल्हाना उदेकला गे आलनी।

बप्तिस्मा पिन्बा यूहन्नादा साइबा

मर्कूस ६:१४-२९; लूका ९:७-९

१ थ धुइरी गालील अन्वेलरी शासन लबा १४ हेरोदसे येशूस लबा उदेकला गेला बाररी थ:जी। २ जमाहेन्से थसे हराडला गे लबागदेदा “थ म्हि बप्तिस्मा पिन्बा यूहन्ना हिन्ना। थ सिबाग्याम सोसी खबा हिन्ना। थतबासलमान थसे चुहरडबा उदेकला गेगदे लबा हिन्ना” भिसी भिजी।

३ हेरोदसे हराडला आले फिलिपला मिरड हेरोदियाससे लमा डाच्छा यूहन्नादा झ्याल्खानरी झाडमुबा। ४ तिगदा भिसम हेरोदसे हराडला आले चाडदा थान्बासे लमा यूहन्नासे हेरोददा “हराडसे आले चाडदेन छ्याम ब्याह लबा ठीक आहिन” भिसी पाडमुबा। ५ थतबासलमा हेरोदसे यूहन्नादा साइबारी म्हाइमुबा। तर हेरोद म्हिगदे मराडसी लोडमुबा। तिगदा भिसम म्हिगदेसे बप्तिस्मा पिन्बा यूहन्नादा अगमवक्ता हिन्ना भिसी भिमुबा।

६ हेरोदसे हराड न्हा धिनदा ढन्सी घरेन भोज लजी। जमाकुनु हेरोदियासला ज्ञामे जम्मान म्हिगदेला डाच्छापट्टि स्पहसी हेरोददा ल्हानान ताडना लजी। ७ थतबासलमा हेरोदसे थदा “एसे जे हरीबा थेनोन पिन्ना” भिसी कबुल लजी।

८ तर थेला आमासे थदा बप्तिस्मा पिन्बा यूहन्नाला थोबो हरीगो भिसी पाडबासे लमा थसे “डादा दान्देन बप्तिस्मा पिन्बा यूहन्नाला थोबो खार्वारी भउ” भिसी भिजी।

१ जमाहेन्से हेरोद ग्लेदा ल्हानान दुख इहम्जी। तसेनोन हराडला डोन्बोगदला ओन्छाडरी जे हरीसे पिन्ना भिसी घरान फाबास लमा थस भिबा हरडनोन लउ भिसी सिपाहीगददा कुल्जी। १० ओच्छे थनीगद झ्याल्खानरी निसी यूहन्नाला थोबा थाजी। ११ जमाहेन्से यूहन्नाला थोबा खाबारी भसी थ माइदा पिन्जी। ओच्छे थ माइस भोसी हराडला आमादा पिन्जी। १२ यूहन्नादा साइजी भिबा ताम थःमाहेन्से यूहन्नाला चेलागद खसी लास भोसी ल्हुजी। जमाहेन्से यूहन्नाला चेलागद येशू मुबा ग्लारी खसी थ जम्मान ताम पाड्जी।

येशूस हजार डा म्हिदा चबा स्हे पिन्बा

मर्कूस ६ : ३०-४४ ; लूका

१ : १०-१७ ; यूहन्ना ६ : १-१५

१३ बप्तिस्मा पिन्बा यूहन्नादा साइजी भिबा ताम थःमाहेन्से येशू हराड गिक जे दोंगारी करःसी सुनसान ग्लारी फप्जी। तर येशू थ्रग्याम सुनसान ग्लारी फप्जी भिबा ताम थःसी शहर शहरग्याम म्हिला हुल भरसीन येशू मुबा ग्लारी निजी। १४ येशू समुन्दरला कुनीरी धोमा ल्हानान म्हिला हुलदा मराडसी थदा दया रःजी। थतबासलमा येशूस थनीगदला आखम्बा म्हिगददा खम्ना लजी।

१५ ओच्छे डयस तमाहेन्से येशूला चेलागद थ मुबा ग्लारी खसी “दाहेन्से डयस तसी जिन्जी, चु सुनसान ग्लारी तिगे आर। थतबासलमा चु म्हिगददा पुडगो। ओच्छे थनीगद नाम्सा नाम्सारी निसी हराड हराडला लागिरी चबा स्हे ग्लुसी चगे” भिसी येशूदा पाड्जी।

१६ तर येशूस थनीगददा “चु म्हिगददा तिगदा पुडस? एनीगदसेन चुगददा चबा स्हे पिन्गो” भिसी सुड्जी।

१७ जमाहेन्से थनीगदसे येशूदा “डन्दन छयाम गोर डा गेडदेन गोर न्ही तार्डा भन्दा अर्गु तिगे आर” भिसी भिजी।

१८ येशूस थनीगददा “थ गेडदेन तार्डा डादा भउ” भिसी सुड्जी। १९ जमाहेन्से येशूस म्हिगददा पाडरी चिपूड्जी। ओच्छे गेडदेन तार्डा यारी थोसी स्वर्गपट्टि स्हीबान परमेश्वरदा धन्यवाद पिन्जी। ओच्छे गेड क्युडसी म्हिगददा भो लसी पिन्गो भिसी चेलागददा पिन्जी। जमाहेन्से चेलागदसे भो लसी म्हिगददा पिन्जी। २० जम्मान म्हिगदसे मरन्ना चसीनोन लेड्बा गेडदेन तार्डा

चेलागदसे च्युक न्ही सोली दुड्जी। २१ थरी गेड चबा म्हिगद मिरडम्हमेदन कोलागद बाहेकनोन हजार डा हरम्फबगद मुबा।

येशू समुन्दरथारी भरबा

मर्कूस ६ : ४५-५२ ; यूहन्ना ६ : १६-२१

२२ जमाहेन्से येशूस तुरुन्तन हराडला चेलागददा दोंगारी करःसी क्यामसडपट्टि हराड भन्दा डाच्छा पुड्जी। थ धुडरी येशूस चा म्हिला हुलदा पुडबान लजी। २३ म्हिगद पुडसी जिन्माहेन्से येशू हराड गिक जे परार्थना लबारी गडरी फप्जी। थरी डयसधोनान येशू गिक जे मुबा। २४ थ धुडरी चेलागद करःसी निबा दोंगा समुन्दरला कुनीग्याम ल्हानान थोरड धोसी जिन्बा मुबा। तसेनोन लाबा उल्दोग्याम खबास लमा समुन्दररी छाल रःसी थनीगददा क्यामसडपट्टि निबारी गाहूरो तबा मुबा।

२५ स्थाला तीन बजेरीक्यार येशू समुन्दरथारी भरबान थनीगदपट्टि फप्खजी। २६ चेलागदसे येशू समुन्दरथारी भरसी फप्खबान लबा मराडसी “चु मी म्हडनोन हिन्ना!” भिसी थनीगद लोडसी किरड्जी। २७ तर तुरुन्तन येशूस थनीगददा “भड लउ, डानोन हिन्ना, थालोडगो” भिसी सुड्जी।

२८ जमाहेन्से पतरुससे येशूदा “परभु, हराडनोन हिन्सम डादाएनोन समुन्दरथारी भरसी हराड मुबा ग्लारी खउ भिसी सुड्गो” भिसी भिजी।

२९ येशूस “लु, खउ!” भिसी सुड्माहेन्से पतरुस दोंगाग्याम फार्सी येशू मुबा ग्लारी निबारी समुन्दरथारी भरबारी छयाइजी। ३० तर घरन लाबा खबा मराडसी थ लोड्जी। लोडबास लमा थ समुन्दररी डुबब तबारी छयाइजी। जमाहेन्से थस “परभु, डादा जोगब लउ” भिसी किरड्जी।

३१ येशूस तुरुन्तन पतरुसला या चुड्सी “खाइ एला विश्वास, एसे तिगदा शड्का लबा?” भिसी सुड्जी। ३२ येशूदेन पतरुस दोंगारी करःमाहेन्से लाबा म्हाजी। ३३ जमाहेन्से दोंगारी मुबा चेलागदसे येशूदा फ्या लसी, “हराड पक्कान परमेश्वरला झा हिन्ना” भिसी भिजी।

येशूस आखम्बा ल्हानान म्हिगददा खम्ना लबा

मर्कूस ६ : ५३-५६

३४ थनीगद समुन्दर थासी गनेसरत भिबा ग्लारी धोखजी। ३५ थ ग्लाला म्हिगदसे येशूदा डोसमाहेन्से क्यारमारला नाम्साला म्हिगददा

येशू फारसीजो भिसी पाङ्गसी पिन्जी। जमाहेन्से म्हिगदसे आसम्बा म्हिगदे जम्मादान येशू मुबा ग्लारी भसी, ३६ “चुगदेदा हराङ्गला क्वान्ना जो जे भिसे थुपुङ्गो” भिसी बिन्ती लजी, ओच्छे येशूला क्वान थुर्बा जति जम्मान खम्जी।

रिमठिमला बाररी लोष्वा

मर्कूस ७ :१-२३

१५ येशूशलेमग्याम खबा फरिसीगदेदेन यहूदी धर्मगुखगदे येशू मुबा ग्लारी खसी, २ “हराङ्गला चलागदसे तिगदा आख म्हेमला रिमठिमदा खलाबा? तिगदा चबा भन्दा डाच्छा या आखरुबा?” भिसी डयोइमा, ३ येशूसे थनीगदेदा चुहरङ्ग भिसी सुङ्गी, “एनीगदसे चा तिगदा परमेश्वरसे कुल्बा ताम आङ्गयान्ना आख म्हेमला रिमठिम तेन्बा? ४ तिगदा भिसम परमेश्वरसे ‘एसे हराङ्गला आबा आमादा मान लउ,’ ओच्छे ‘जुन म्हिसे हराङ्गला आबा आमादा बिरोध लसी नइबा ताम लला थदा चा साइनोन तोःला’ भिसी सुङ्गबा मुला। ५ तर एनीगदसे चा ‘जुन म्हिसे हराङ्गला आबा आमादा पिन्तोःबा स्हे परमेश्वरदा फुल्बा मुला, थसे हराङ्गला आबा आमादा मान लआतोः’ भिसी लोप्मुला। ६ चुहरङ्ग लसी एनीगदसे हराङ्गला रिमठिम अन्छार भरगै भिसी परमेश्वरसे कुल्बा ताम चा गे आखल्बा स्होबा मुला। ७ थतबासलमा कर्तीगद, परमेश्वरसे यशेया अगमवक्ताग्याम सुङ्गबा ताम एनीगदला गे अन्छार दिक्बा मुला। ८ चु म्हिगदसे सुङ्गसे जे डादा मान लमुला, तर समहेन्से चा मान आलमुला।

१ ओच्छे थनीगदसे डादा तेन्बाम तेन्मुला, तसैनोन परमेश्वरसे कुल्बा तामदा भन्दा म्हिसे स्होबा रिमठिमदा धरेन म्हेन्मुला।” १

१० जमाहेन्से येशूसे म्हिला हुलदा हराङ्ग मुबा ग्लारी डयोइसी, “डाइ पाङ्गबा ताम तिग चीम भिसी एनीगदसे घोबारी म्हाइगो। ११ परमेश्वरदा तेन्बारी म्हिदा खजिबै चबा स्हेसे न्हाङ्गना आल। तर म्हिला समग्याम थान्बा नइबा तामसे चा म्हिदा न्हाङ्गना लमुला” भिसी सुङ्गी। †

१२ जमाहेन्से चलागद येशू मुबा ग्लारी खसी “हराङ्गला ताम थःसी फरिसीगदे हराङ्गदेन छुयाम बोमो खबा ताम हराङ्गदा था मुला?” भिसी पाङ्गी।

१३ तर येशूसे चलागददा चुहरङ्ग भिसी सुङ्गी, “स्वर्गरी धन्छुयाबा डाला आबासे आसुबा दोङ्गदे ड्योइसी भ्याङ्गला। १४ थतबासलमा थनीगददा तिगे पाङ्गआतोः। थनीगदे मी आमराङ्गबा म्हिगदेदा लोष्वा मी आमराङ्गबा म्हिगदे हिन्ना। थतबासलमा मी आमराङ्गबा म्हिसे मी आमराङ्गबादान चुङ्गी भोसम न्हीनोन व्हाङ्गी ताङ्गला।” १५

१५ जमाहेन्से पतरुससे येशूदा “म्हिगदेदा चबा स्हेसे न्हाङ्गना आलमुला भिसी हराङ्गसे सुङ्गबा ताम इन्दा घाना लसी पिन्गो” भिसी भिमा, १६ येशूसे थनीगददा चुहरङ्ग भिसी सुङ्गी, “दान्दधोना अझ एनीगदसे घोबा आर? १७ चबा स्हे चमाहेन्से फोरी धोमुला। ओच्छे फोग्यामसेनोन मङ्गयार थान्मुला भिबा ताम एनीगददा था आर? १८ तर म्हिला समरी जुन ताम मुला थनोन ताम सुङ्गयाम थान्मुला, ओच्छे थनोन तामसे म्हिदा न्हाङ्गना लमुला। १९ तिगदा भिसम म्हिला समग्याम थान्बा नइबा तामगदे चा म्हि साइबा, म्हिला मिरङ्गदेन छुयाम बरल्सी भरबा, खालेदेन छुयाम बरल्सी भरबा, य्हो लबा, लुसीला ताम पाङ्गबा ओच्छे म्हिला तामगन लबा हिन्ना। २० चु जम्मान तामसे चा म्हिदा न्हाङ्गना

१५ :११ यहूदीगदला ठिम अन्छार खालेसे स्हान्दोदेन छुयाम दिक्सी परमेश्वरदा तेन्बारी थे चोखो ततोःबा मुबा। थे परमेश्वरसे कुल्बा खजिबै ताम अन्छार आभरनी भिसम थदा अशुद्ध भिसी पाङ्गमुबा ओच्छे थे दोःसी शुद्ध दोबारी थसे बलि फुल्लोःबा मुबा।

१५ :१३ थे फरिसीगदे चा परमेश्वरसे आसुबा दोङ्गदे हरङ्गवान हिन्ना। ओच्छे परमेश्वरसे थनीगदे जम्मादान दोङ्ग स्याइबा हरङ्ग लसी लेःला, तिगदा भिसम थनीगदसे परमेश्वरसे म्हेन्बा हरङ्ग लसी आलापनी।

१५ :१४ चुदे खाले म्हि सत्य ताम आसेबा म्हिसे लोष्वा अन्छार भरजी भिसम तिरकुनु थे नाश तसी निला।

१५ :४ परस्था २० :१२ ; २१ :१७ ; व्यव ५ :१६ ; लेवी २० :१ १५ :९ यशै २९ :३३

१५ :१४ लूका ६ :३९

लमुला। तर या आखरुना चर्सी म्हिदा न्होडना आलमुला।”

अर्गुं य्हुलला मिरडम्हेमला विश्वास

मर्कूस ७:२४-३०

२१ जमाहेन्से येशू थ शहर ख्तासी टुरासदेन सीदान भिबा ग्लारीक्यार फप्जी। २२ थ शहरला अर्गुं य्हुलला कनानी मिरडम्हेम गिक किरडबान खर्सी येशूदा “परभु, दाऊद ग्लेला सन्तान, डादा दया लउ। डादा झामेदा म्हडस ल्हानान दुख पिन्बा मुला” भिसी भिजी। २३ तर येशूस तिगे जोहाब आपिन्नी। जमाहेन्से चेलागदेस येशूदा “चु मिरडम्हेमेदा चुग्याम पुडगो। तिगदा भिसम चु किरडबान य्हाडला लिच्छा लिच्छा भरसी छर्ना लजी” भिसी बिन्ती लजी।

२४ जमाहेन्से येशूस थ मिरडम्हेमेदा “च्यागो, परमेश्वरसे डादा म्हाबा ग्यु हरड तसी चिबा इसराएलला म्हिगदेला लागिरी जे पुडखबा हिन्ना” भिसी सुडजी।

२५ तर थ मिरडम्हेमसे येशूदा प्या लबान, “परभु, डादा हरो लउ” भिसी भिजी।

२६ जमाहेन्से येशूस थ मिरडम्हेमेदा “च्यागो, कोलागदेदा पिन्तोःबा गेड नगीदा षपिन्बा ठीक आहिन” भिसी सुडमा, २७ थ मिरडम्हेमसे “हिन्ना परभु, तर नगीसेनोन थला दोप्तासे चमा सरी ताडबा भराडभरुड मी चम्याडमुला” भिसी भिजी।

२८ जमाहेन्से येशूस थ मिरडम्हेमेदा “भाइ, एला विश्वास घरेन चीम। एला विश्वाससे लमा एसे म्हन्बा हरडनोन तबा मुला” भिसी सुडजी। थेनोन धुइरी थला झाम खम्जी।

येशूस ल्हानान थरीला रोगसे

स्याप्वा म्हिदा खम्ना लबा

२९ जमाहेन्से येशू थ ग्ला ख्तासी गालील समुन्दरला कुनीग्याम गडरी फप्सी धन्छुयाजी। ३० ओच्छे म्हिला हुल येशू मुबा ग्लारी खजी। थनीगदेसे कुज्या तबा, मी आमराडबादेन ताड दोबा ओच्छे ल्हानान थरीला रोगसे स्याप्वा म्हिगदेदा भजी। जमाहेन्से येशूस थ आखम्बा म्हिगदेदा खम्ना लजी। ३१ येशूस ताड दोबा म्हि, कुज्या म्हि, मी आमराडबा म्हिदेन जम्मान आखम्बा

म्हिगदेदा खम्ना लबा मराडसी थरी मुबा जम्मान म्हिगदे उदेक म्हन्सी इसराएलला म्हिगदेसे तन्बा परमेश्वरला जयजयकार लजी।

येशूस हजार बित्त म्हिदा चबा स्हे पिन्बा

मर्कूस ८:१-१०

३१ जमाहेन्से येशूस चेलागदेदा हराड मुबा ग्लारी ड्योइसी, “चु म्हिगदे मराडसी डादा दया रेःजी। तिगदा भिसम चुगदे डादेन छ्याम भरबा तिनी सोमर तजी। ओच्छे चुगदेदेन छ्याम तिगे चबा स्हे आर। थेतबासलमा चुगदेदा फोडथाननोन पुडबारी आत। फोडथाननोन दिमरी पुडजी भिसम चुगदे ग्यामरीन बिहोस तला” भिसी सुडजी।

३२ जमाहेन्से चेलागदेसे येशूदा “चुहरडबा तिगे आयाडबा ग्लारी चुदेला म्हिला हुलदा ख्वाबारी डन्से खानडग्याम गेड भसे?” भिसी भिजी।

३३ येशूस थनीगदेदा “एनीगदेदेन छ्याम गेड गाते मुला?” भिसी ड्योइमा, थनीगदेसे “डन्देन छ्याम गोर निस गेडदेन जजाबा तार्डागदे जजाकी मुला” भिसी भिजी।

३४ जमाहेन्से येशूस थरी मुबा म्हिला हुलदा पाडरी चिपुडजी। ३५ येशूस गोर निस गेडदेन तार्डा थोसी परमेश्वरदा धन्यवाद पिन्जी। ओच्छे गेड वयोइसी चेलागदेदा पिन्जी। जमाहेन्से चेलागदेसे म्हिगदेदा भो लसी पिन्जी। ३६ ओच्छे जम्मान म्हिगदेसे मरन्ना चजी। जमाहेन्से चेलागदेसे लडबा गेडदेन तार्डा दुइमा सोली निस तजी। ३७ थरी चबागदे न्हडरी कोलागदेदेन मिरडम्हेम बाहेकनोन हरम्फेबगदे जे हजार बित्त मुबा। ३८ जमाहेन्से येशूस जम्मान म्हिगदेदा पुडजी। ओच्छे येशू हराडला चेलागदेदेन छ्याम दौगारी करःसी मगादान भिबा नाम्सायीक्यार फप्जी।

यहूदी धर्मगुरुगदेसे येशूदा स्वर्गला चिनु उन्गो भिसी पाडबा

मर्कूस ८:११-१३; लुका १२:५४-५६

१६ कोड कोड फरिसीगदेदेन सदुकीगदे येशूला सेम च्याबाला लागिरी येशू मुबा ग्लारी खजी। ओच्छे “चुदे हराड

१५:२६ यहूदीगदेसे अर्गुं य्हुलला म्हिगदेदा हेला लसी हिर नगी भिसी पाडमुबा। तर येशूस चा यहूदीगदेदा कोलागदेदेन छ्याम ओच्छे अर्गुं य्हुलला म्हिगदेदा चा दिमला नगीदेन दाजब लसी घोना लसी सुडबा मुबा।

परमेश्वरग्याम फख्खबा हिन्सम डन्दा स्वर्गला चिनु उन्गो” भिसी पाड्ढमा, १२ येशूसे थनीगददेदा चुहरङ्क भिसी सुङ्गी, “एनीगददेदे इयसे मु वाला तबा मराड्ढसम न्हङ्गर धिन ज्यबा तला” भिसी भिमुला। ३ ओच्छ्ठ स्हारी चा खसुदन मु वाला तबा मराड्ढसम “तिनी लाबालुडसर खनम” भिसी मु च्यासी एनीगददेदे धिन फबारी खम्मुला। तर एनीगददेदा ज्यना लसी उन्बा चु धुइला चिनु चा एनीगददेदे घोखम्बा आरं। ४ नइबा बानिबहोर थोसी स्हान्दादेन छ्याम बरत्सी मरबा म्हिगददेदे उदकला चिनु जे म्हाइमुला। तर दान्दला म्हिगददेदा चा योना अगमवक्ताला चिनु बाहेक अर्गु चिनु आउन” जमाहेन्से येशू थे ग्लाग्याम फेप्जी।

येशूसे फरिसीदेन सदुकीगददेला
समीरला बाररी सुङ्गा

मर्कूस ८ : १४-२१

५ समुन्दरला क्यामसडपट्टि धोखमाहेन्से गेड भबारी म्तेःजीम भिसी चेलागददेदे था याङ्गी। ६ थनोन धुइरी येशूसे थनीगददेदा “च्यागो, एनीगदे फरिसीदेन सदुकीगददेला समीरग्याम होशियार तसी चिउ” भिसी सुङ्गी।

॥

७ तर चेलागददेदे चा “म्हाड्ढसे गेड भबारी म्तेःबासे लमा येशूसे चुहरङ्क सुङ्गा हिन्ना” भिसी हराङ्क हराङ्क न्हङ्गरी ताम लबारी छ्याइजी।

८ येशूसे चु ताम था याङ्गी, “एनीगदेदे खाहरङ्कबा विश्वास आरबा म्हिगददेदे! एनीगददेदेदे हराङ्कदेन छ्याम गेड आर भिसी तिगदा ताम लसी चिबा? ९ एनीगददेदे अझ घोबा आर? डाइ गोर डा गेडसे हजार डा म्हिगददेदा ख्यामा एनीगददेदे गाते सोली गेड दुइबा मुबा? थ ताम म्तेःसी जिन्जी? १० ओच्छ्ठ डाइ गोर निस गेडसे हजार बिन म्हिगददेदा ख्यामा एनीगददेदे गाते सोली दुइमुबा? ११ एनीगददेदे अझ तिगदा आघोबा? डाइ एनीगददेदा गेडला बाररी पाड्ढबा आहिन। तर फरिसीदेन सदुकीगददेला समीर

हरङ्कबान तामग्याम होशियार तसी चिउ” भिसी पाड्ढबा हिन्ना।

१२ जमाहेन्से थनीगददेदेदे येशूसे गेडरी युबा खमीरग्याम आहिन, तर फरिसीदेन सदुकीगददेदेदे लोन्बा तामग्याम होशियार तसी चिउ भिसी सुङ्गा चीम भिसी घोजी।

येशू परमेश्वरला म्हि खरीष्ट हिन्ना

मर्कूस ८ : २७-३० ; लूका ९ : १८-२१

१३ कैसरिया फिलिप्पी भिबा ग्लारी धोखमाहेन्से येशूसे हराङ्कला चेलागददेदे “म्हिगददेदे परमेश्वरसे पुइखबा म्हिदा खाल भिसी भिमुला?” भिसी इयोइमा, १४ चेलागददेदेदे “खालेसे बप्तिस्मा पिन्बा युहन्ना, खालेसे एलिया अगमवक्ता, खालेसे यर्मिया अगमवक्ता थहरङ्क लसीन खालेसे अगमवक्तागदेदे न्हङ्कला गिक हिन्ना भिसी भिमुला” भिसी येशूदा जोहाब पिन्जी।^x

१५ दोःसी येशूसे थनीगददेदा “तर एनीगददेदे चा डा खाल भिसी म्हुन्मुला?” भिसी इयोइमा, १६ सिमोन पतरुससे “हराङ्क परमेश्वरला झा थार्वी पिन्बा खरीष्ट हिन्ना” भिसी भिजी।^y

१७ जमाहेन्से येशूसे थेदा “योनाला झा सिमोन, एसे परमेश्वरग्याम मोलम याङ्गा मुला। तिगदा भिसम चु ताम एदा म्हिगददेदे पाङ्गी था तबा आहिन। तर स्वर्गरी धन्छ्याबा डाला आबासे सुङ्गी था याङ्गा हिन्ना। १८ च्यागो, एसे डाला ताम इयान्गो, एला भिन पतरुस **हिन्ना। चु युङ्कबाला पहाराथरी डाइ डाला मण्डली स्होला। चु मण्डलीदा कालला शक्तिगददेदेदे खाइमे दाबारी आखम। १९ थेतबासेलमा डाइ एदा स्वर्गला म्हुत्साला साँचोगदेदे पिन्ना। एसे जम्बुलिङ्गरी जुन स्हे दुङ्कला, थे स्हे स्वर्गरीनोन दुङ्कला। ओच्छ्ठ एसे जम्बुलिङ्गरी जुन स्हे ठाङ्कला, थे स्हे स्वर्गरीनोन ठाङ्कला” भिसी सुङ्गी।^z २० तर चेलागददेदा येशूसे “डा थार्वी पिन्बा खरीष्ट हिन्ना भिसी खालेदा थापाङ्गो” भिसी सुङ्गी।

**१६ : १८ “पतरुस” भिबाला अर्थ चा युङ्कबा हिन्ना।

††१६ : १९ चु पदरी येशूसे पतरुसदा मण्डलीरी तिगे ताम लपुङ्कबादेन लआपुङ्कबा अधिकार पिन्ना भिसी सुङ्गी।

१६ : १ मत्ती १२ : ३८ ; लूका ११ : १६ १६ : ४ मत्ती १२ : ४० ; लूका ११ : २९ १६ : ६ लूका १२ : १

१६ : ९ मत्ती १४ : १७-२१ १६ : १० मत्ती १५ : ३४-३८ १६ : १४ मत्ती १४ : १-२ ; मर्कू ६ : १४-१५ ;

लूका ९ : ७-८ १६ : १६ यूह ६ : ६८-६९ १६ : १९ मत्ती १८ : १८ ; यूह २० : २३

येशूस हराड् साहरड् लसी सिला
भिबा ताम चलागदेदा सुड्बा

मर्कूस ८ : ३१-९ : १ ; लूका ९ : २२-२७

२१ जमाहेन्स येशूस हराड्ला चलागदेदा
“थरुशलेमरी निसी डाइ यहूदी गन्वागद,
परमेश्वरला मन्दिररी पूजा लबा मुल
म्हिगदेदन यहूदी धर्मगुरुगदग्याम ल्हानान
दुख नातोःला। थनीगदेस डादा दुख पिन्सी
पिन्सीन साइला। तसैनोन डादा सिबाग्याम
सोमरमाकुनु सोना लला” भिसी सुड्जी।

२२ चु ताम थःमाहेन्स पतरुसस येशूदा जजाकी
क्याथाड् भोर्सी “परमु, हराड्दा परमेश्वरसे
खाइमे चुहरड् तआपुड्गे, हराड्दा चुहरड् खाइमे
आत!” भिसी बड्जी।

२३ तर येशु फिलक दोःसी पतरुसदा “डादा
कोल्ना लबारी म्हाइबा शैतान, ए चुग्याम
थोन्सी निड! तिग्दा भिसम एस परमेश्वरसे
सुड्बा तामदा भन्दा म्हिगदेला तामदा सम
लमुला” भिसी सुड्जी।

२४ जमाहेन्स येशूस हराड्ला चलागदेदा
चुहरड् भिसी सुड्जी, “खालै म्हि डाला चेला
दाबा सम मुसम थसे हराड्ला ज्याननोन
माया मारब लसी हराड्ला करुस हराड्सेन
पुइसी डादेन छ्याम भरगे। २२ तिग्दा
भिसम जुन म्हिसे हराड्ला ज्यान जोगब
लबारी म्हाइला, थ म्हिसे जुकजुकधोनाला
जुनी आयाड्। तर डाला लागिरी ज्याननोन
पिन्खम्बा म्हिसे चा जुकजुकधोनाला जुनी
याड्ला। २५ म्हिसे जम्बुलिङ्गनोन यारी किन्सी
हराड्ला ज्यान चा निजी भिसम थंदा तिग
ज्यबा तला? जम्बुलिङ्गरी म्हिला ज्यान भन्दा
घरेन अर्गु तिगै स्हे मुला? २७ तिग्दा भिसम
लिच्छा परमेश्वरसे पुइसबा म्हि हराड्ला
आबाला घरेन म्हालदेन शक्तिरी स्वर्गदूतदेन
छ्याम खला। ओच्छे थसे जम्मान म्हिदा
थनीगदेसे लबा गे अन्छारला इनाम पिन्ना।
२८ च्यागो, एनीगदेसे डाला ताम ड्यान्गो,
चुरी मुबा म्हिगदे न्हडला कोइ कोइ म्हि चा

परमेश्वरसे पुइसबा म्हि हराड्ला म्हुल्सारी
सबा आमराड्तेधोना आसि।”

येशूला म्हाल पोबा

मर्कूस ९ : २-१३ ; लूका ९ : २८-३६

१७

१७ तर लिच्छा येशूस पतरुस, याकूबदेन
याकूबला आले यहन्नादा जे हराड्देन
छ्याम नाबा गड्डी भोर्सी फप्जी। २ चलागदेस
च्याना च्यानान येशूला म्हाल पोसी धिनी
हरड् म्हाल म्हाल तजी। ओच्छे थला
क्वानएनोन धिनीला स्हेर हरड्बान तजी।
३ थनोन धुइरी थनीगदेस थरी मोशादेन
एलिया, येशूदेन छ्याम ताम लबान लबा
मराड्जी। ४ चु मराड्सी पतरुससे येशूदा
“परमु, म्हाड् चुरी मुबा ज्यबा तजीम। हराड्दा
ज्यबा छोर्सम चुरी डाइ छापरो सोम म्हाला,
गिक हराड्ला लागिरी, गिक मोशाला लागिरी
ओच्छे गिक एलियाला लागिरी” भिसी भिजी।
५ थसे थहरड् पाडना पाडनान तार तारवा खसु
खसी थनीगदेदा घप्जी। थ खसु न्हडग्याम
“चु डाइ समहेन्स माया लबा डाला झा
हिन्ना, थंदा मराड्सी डा ल्हानान ताड्बा
मुला। थतबासलमा एनीगदेसे चुसे भिबा ताम
ड्यान्गो” भिबा काइ थःजी। ६

६ थ ताम थःमाहेन्स चलागदे लोड्सी
सरी स्तुप तजी। ७ तर येशु थनीगदे मुबा
ग्लारी खसी थनीगदेदा थुर्सी “रःगो, एनीगदे
थालोड्गो” भिसी सुड्जी। ८ जमाहेन्स थनीगदे
रःसी च्यामा थरी येशू बाहेक म्हान्दो खालेदा
आमराड्नी।

९ जमाहेन्स येशू हराड्ला चलागदेदेन छ्याम
गड्ग्याम फाप्बान लबा धुइरी येशूस चलागदेदा
“च्यागो, परमेश्वरसे पुइसबा म्हि सिबाग्याम
आसातेधोना एनीगदेसे तिनी मराड्बा चु ताम
खालेदा थापाड्गो” भिसी सुड्जी।

१० जमाहेन्स चलागदेसे येशूदा “यहूदी
धर्मगुरुगदेसे तिग्दा एलिया अगमवक्ता
डाच्छा खतोःला भिबा?” भिसी ड्योइमा,
११ येशूस चलागदेदा चुहरड् भिसी सुड्जी,

११७ : २ “क्वानएनोन धिनीला स्हेर हरड्बान तजी” कोइ कोइ बाइबलरी चा तार तार तजी भिसी भिरबा
मुला। तर गरीक बाइबल अन्छार चु पदला मुल अर्थ चा धिनीला स्हेर हरड्बान म्हाल म्हाल तजी
भिसी पाड्बा हिन्ना (मर्कूस ९ : ३ ; लूका ९ : २९)।

१६ : २४ मत्ती १० : ३८ ; लूका १४ : २७ १७ : २५ मत्ती १० : ३९ ; लूका १७ : ३३ ; यहू १२ : २५

१६ : २७ मत्ती २५ : ३१ ; मजन ६२ : १२ ; रोमी २ : ५ १७ : ५ व्यव १८ : १५ ; मजन २ : ७ ; यशै ४२ : १ ;

मत्ती ३ : १७ ; मर्कू १ : ११ ; लूका ३ : २२ ; २ पतरु १ : १७-१८ १७ : ३० मला ४ : ५

“हिन्ना, डाच्छा एलिया खला ओच्छे थेस जम्मान ताम द्विकना लला। १२तर एनीगदसे डाला ताम ड्यान्गो, तिगदा भिसम एलिया खसी जिन्बा मुला। तसेनोन थदा डोआसेना म्हिगदसे जे लइ म्हन्बा थनोन लजी। थहरड लसीन परमश्वरसे पुइखबा म्हिसेनोन थनीगदला याग्याम ल्हानान दुख नातोःबा मुला।” १३जमाहेन्से येशूस बप्तिस्मा पिन्बा यूहन्नाला बाररी सुङ्गीम भिबा ताम चेलागदसे धाजी।

येशूस म्हडसे स्याप्त्वा कोलादा खम्ना लबा

मर्कूस ९ :१४-२९ ; लूका ९ :३७-४३

१४थनीगदे म्हिला हुल मुबा ग्लारी धोखमाहेन्से म्हि गिक येशूला डाच्छापट्टि पुइ जूसी, १५“परमु, डाला झादा दया लउ, तिगदा भिसम थदा स्ह म्हडसे ल्हानान दुख पिन्बा मुला। थदा खाइमाम मरी, खाइमाम क्युडरी भ्याङ्मुला। १६थदा खम्ना लसी पिन्गो भिसी डाइ हराडला चेलागदे मुबा ग्लारी भमुबा। तर थनीगदसे खम्ना लबारी आखम्नी” भिसी भिजी।

१७जमाहेन्से येशूस थनीगददा “विश्वास आलबादेन नइबा सेम थावा म्हिगद, खाइमाधोना डा एनीगददेन छ्याम तला? खाइमाधोना डाइ एनीगददा नासे? थदा चुरी भउ” भिसी सुङ्गी। १८ओच्छे येशूस थ म्हडदा बङ्गी। बङ्माहेन्से थ कोलाला ल्हुइग्याम म्हड थान्सी यार्जी। जमाहेन्से थ कोला तुरुन्तन खम्जी।

१९ओच्छे चेलागदे सुट्टक येशू मुबा ग्लारी खसी “तिगदा डन्से थ म्हडदा ताप्बारी आखम्नी” भिसी ड्योइमा, २०येशूस थनीगददा “एनीगदला विश्वास आयोबासे लमा हिन्ना। थेतबासेलमा एनीगदसे डाला ताम ड्यान्गो, चुदे एनीगददेन छ्याम पच्छेला ब्नु गिक तेःबा जे विश्वास मुसेनोन चु गडदा ‘चुग्याम लेःउ’ भिसम थे लेःला। एनीगदला लागिरी आतबा गे

तिगे आर। १११ २१तसेनोन चुहरडबा म्हड चा फोइथान चिसी परार्थना आलतेधोना थान्सी आयामुला” भिसी सुङ्गी। १११

येशूस हराड खाहरड लसी सिला
भिबा ताम दोःसी सुङ्बा

मर्कूस ९ :३०-३२ ; लूका ९ :४३-४५

२२थनीगदे गालील अञ्चलरी हरुप तबा धुडरी येशूस चेलागददा “परमश्वरसे पुइखबा म्हिदा म्हिगदला यारी जिम्मा पिन्ना। २३थनीगदसे थदा साइला। तसेनोन सिसी सोमरेमाकुनु थदा सिबाग्याम सोना लला” भिसी सुङ्गी। चु ताम थःसी चेलागददा ल्हानान दुख ड्हम्जी।

परमश्वरला मन्दिरला तिरो

२४येशू हराडला चेलागददेन छ्याम कफर्नहुम नाम्सारी फख्खा धुडरी परमश्वरला मन्दिरला तिरो दुइबा म्हिगद पतरुस मुबा ग्लारी खसी, “एनीगदला गुरुसे परमश्वरला मन्दिरला तिरो फामुला कि आफामुला?” भिसी ड्योइमा, २५पतरुससे “फामुला” भिसी भिजी। जमाहेन्से पतरुस दिम न्हडरी वाङ्सी येशूदा पाडबारी छ्याइमा येशूसेन, “सिमोन, एला तिग सेम मुला? जम्बुलिडला ग्लेगदसे हराडलान म्हिगदग्याम तिरो दुइमुला कि स्हान्दो म्हिगदग्याम दुइमुला?” भिसी ड्योइजी।

२६पतरुससे “स्हान्दो म्हिगदग्याम दुइमुला” भिसी जोहाब पिन्जी।

जमाहेन्से येशूस चुहरड भिसी सुङ्गी, “थहरड भिसम हराडला म्हिगदसे चा आफासे तबा चीम। २७तसेनोन ए समुन्दरी निसी बल्छीसे तार्डा साइसी भउ। एसे जम्मान मन्दा डाच्छा साइबा तार्डाला सुडरी च्यागो, एसे थला सुडरी म्हुइला डबल गिक स्याप्त्वा। थ डबल भोसी य्हाड न्हीला तिरो फागो। थनीगदे य्हाडदेन छ्याम बोमो थाखगे।”

१११७ :२० म्हिसे गाते विश्वास लबा मुला भिबा चा धरेन ताम आदिन, तर थला जजाबा विश्वासेरी परमश्वरला शक्ति गाते धरेन मुला भिबा ताम चा धरेन ताम हिन्ना।

१११७ :२१ चु पदला ताम ल्हाना हरडबा ग्रीक बाइबलरी भिखा आर। मर्कूस ९ :२९ स्हीगो।

१७ :१२ मती ११ :१४ १७ :२० मती २१ :२१ ; मर्कू ११ :२३ ; १ कोर १३ :२

१७ :२४ परस्था २० :१३ ; २८ :२६

परमेश्वरला म्हत्सारी खाल घरेन तला

मर्कुस ९ :३३-३७, ४२-४८ ;

लूका ९ :४६-४८ ; १७ :१-२

१८ थ धुइरी चलागद येशू मुबा ग्लारी
१८ खसी, "स्वर्गला म्हत्सारी जम्मान भन्दा
 घरेन खाल तला ?" भिसी इयोइमा, इयेशूस
 कोला गिकदा इयोइजी। आच्छ थनीगदला
 गुडरी राप्पुइसी, चुरहरड भिसी सुडबारी
 छ्याइजी, "च्यागो, एनीगदस डाला ताम
 इयान्गो, एनीगदस हराड हराडला सेम पोसी
 चु कोलागद हरडबा आतनी भिसम साइमे
 स्वर्गला म्हत्सारी वाड्आम्पाड। ४ जुन म्हि
 चु कोला हरडबान सोजो तला थनोन स्वर्गला
 म्हत्सारी जम्मान भन्दा घरेन तला। ५ जुन
 म्हिसे चुरहरडबा कोलादा डाला मिनरी वास्ता
 लला, थस डादाएनोन वास्ता लला।

६ "तर जुन म्हिसे डादा विश्वास लबा चु
 कोलागद न्हडला गिकदा पाप लपुडला,
 थहरडबा म्हिदा मी खारेरी हरान्दा च्यासी
 समुन्दररी डुबब लबान ज्यबा तला। ७ चु
 जम्बुलिडरी म्हिगददा पाप लपुडबा स्हेगद
 मुला। थतबासलमा चु जम्बुलिडला म्हिगदस
 परमेश्वरग्याम सजाय याडला। पाप लपुडबा
 स्हेगद मी मुनोन मुला, तसेनोन जुन म्हिसं
 स्थान्दोदा पाप लपुडला थ परमेश्वरग्याम
 सजाय याडबा म्हि हिन्ना।

८ "एला यादन काडरी खजिबासं चा एदा पाप
 लपुडला थ थारी म्याङ्गो। तिगदा भिसम या
 काड मुसी साइमे आसिबा मेरी निबा भन्दा मी
 बरु टुड तसी चुकचुकधोनाला जुनी याडबा चा
 एला लागिरी ज्यबा तला। ९ एला मीसं एदा पाप
 लपुडजी भिसम तःसी म्याङ्गो। तिगदा भिसम
 मी न्हीनोन मुसी नर्गरी साइमे आसिबा मेरी निबा
 भन्दा मी बरु काना तसी चुकचुकधोनाला जुनी
 याडबा चा एदा ज्यबा तला। १

म्हाबा ग्युला उखान

लूका १५ :३-७

१० "च्यागो, एनीगदसं चु कोलागद न्हडरी
 खालैदान हेला थालउ। तिगदा भिसम चु
 कोलागददा च्याबा स्वर्गदूतगदं स्वर्गरी
 धन्छ्याबा डाला आबादन छ्याम सदन तला।
 थतबासलमा एनीगद हाशियार तसी चिउ।
 ११ तिगदा भिसम परमेश्वरसं पुइखबा म्हि
 म्हाबागददा म्हाइबारीदेन थार्वी पिन्बारी सबा
 हिन्ना। १

१२ "च्यागो, खाले म्हिला ग्यार्जा गिक ग्यु
 न्हडरी गिक म्हाजी भिसम थसं तिग लला ?
 तिग थसं बोगल ब्रिसं च्युक कु ग्युदा गडरीन
 ख्तासी म्हाबा ग्यु म्हाइबारी आनि ? १३ च्यागो,
 डाला ताम इयान्गो, चुदे थ म्हिसे म्हाबा ग्यु
 स्याप्जी भिसम थ आम्हवा बोगल ब्रिसं च्युक
 कु ग्युगदला लागिरी भन्दा थ स्याप्वा ग्यु
 गिकला लागिरी ल्हानान ताडला। १४ थहरड
 लसीन स्वर्गरी धन्छ्याबा एनीगदला परमेश्वर
 आबालाएनोन चु कोलागद न्हडरी खालैनोन
 नाश थातगे भिबा सम मुला।

बिरोध लबा म्हि

१५ "चुदे परमेश्वरदा विश्वास लबा खाले
 म्हिसं एला बिरोध तसी आज्यबा गे लजी
 भिसम ए गिक जे थ मुबा ग्लारी निसी थदा
 धोना लउ। चुदे एला ताम इयान्सी थसं हराडसं
 लबा आज्यबा गे ख्ताजी भिसम थ एला हरो
 तला। १६ तर थसं एला ताम आइयान्नी भिसम
 एसं हराडदन छ्याम स्थान्दो म्हि गिक
 अथवा न्ही भोर्सी निउ। आच्छ परमेश्वरला
 बचनसं पाडबा हरड म्हि न्ही अथवा सोम
 साक्षी थान्सी जम्मान ताम पक्का लउ। १७ थ
 म्हिसं थनीगदला तामएनोन आइयान्नी भिसम
 एसं मण्डलीदा पाङ्गो। मण्डलीला तामएनोन
 आइयान्नी भिसम एसं थदा परमेश्वरदा
 आतन्बा म्हिदेन तिरो दुडबा म्हि हरडबान
 म्हन्सी ख्तापिन्गो। १८ एनीगदसे डाला ताम
 इयान्गो, एनीगदसे जम्बुलिडरी जुन स्हे

१८ :१० येशूदा विश्वास लबा कोलागद च्याबा स्वर्गदूतगदसं कोलागदला वास्ता लसी सदन
 थनीगदला बोररी परमेश्वरदा पाडमुला।

१८ :११ चु पदला ताम ल्हाना हरडबा ग्रीक बाइबलरी भिरबा आर (लूका १९ :१० स्हीगो)।

१८ :१ लूका २२ :२४ १८ :३ मर्कु १० :१५ ; लूका १८ :१७ १८ :८ मत्ती ५ :३०

१८ :९ मत्ती ५ :२९ १८ :१५ लूका १७ :३ १८ :१६ व्यव १९ :१५

ढुङ्गला थं स्हे स्वर्गरीनोन ढुङ्गला। ओच्छे एनीगदेस जम्बुलिङ्गरी जुन स्हे ठोङ्गला, थं स्हे स्वर्गरीनोन ठोङ्गला।^{१०}

११ “दोःसी डाइ एनीगदेदा पाङ्गला, जम्बुलिङ्गरी एनीगदे न्हङ्गला म्हे न्ही दिक्सी तिगे ताम हरीजी भिसम स्वर्गरी धन्नुयाबा डाला आबास एनीगदेदा पिन्ना। २० तिगदा भिसम डाला मिनरी म्हे न्ही सोम दिक्सी खजिबे ग्तारी हरूप तजी भिसम डा थनीगदेदन छुयाम तला।”

माफ आपिन्बा नोकरला उखान

२१ जमाहेन्से पतरुससे येशूदा “परमु, परमेश्वरदा विश्वास लबा म्हेस डादा आज्यना लजी भिसम डाइ थदा गाते रमधोना माफ लतोःबा? निसरमधोना?” भिसी ड्योडमा, २२ येशूस थदा चुहरङ्ग भिसी जोहाब पिन्जी, “निसरमधोना जे आहिन, एस थदा सदन माफ लउ! ॥ २३ तिगदा भिसम स्वर्गला ऱ्हुल्सा मी गले गिक हरङ्गबान हिन्ना। थसे हराङ्गला नोकरगदेदन छुयाम हिसाब किताब किन्बारी म्हाङ्गजी। २४ थं गलेस हिसाब किताब किन्बारी छुयाडमा हजार च्युइ म्हरला डबल ष्छे किन्बा नोकरदा गले मुबा ग्तारी भजी। २५ तर थं नोकरसे छे फाबारी आखम्बासे लमा गलेस थदा, थला मिरङ्ग, झा झामदेन थदेन छुयाम मुबा जम्मान स्हे चूङ्गसी जम्मान टाङ्गला किन्ना” भिसी कुल्जी।

२६ जमाहेन्से थं नोकरसे गलेदा फया लबान, “हराङ्गसे तिगे रधोना भरान्ना। डाइ हराङ्गला जम्मान टाङ्गला फाला” भिसी बिन्ती लजी। २७ थं नोकरदा मराङ्गसी गलेदा दया रोःजी। ओच्छे गलेस थदा दाहेन्से तजी, एस चु छे फाआतोः” भिसी ख्तापिन्जी।

२८ “जमाहेन्से थं नोकर निजी। निबान लमा थसे डाच्छा ग्यार्जा गिक म्हुङ्गला डबल पिन्बा हरोदा स्यापजी। जमाहेन्से थसे हरोला खाररी न्हप्सी ‘डाला टाङ्गला दान्देन भउ’ भिसी भिजी। २९ जमाहेन्से थं हरोसे थदा फया लबान, ‘तिगे

रे भरान्ना डाइ एला जम्मान टाङ्गला पिन्ना’ भिसी बिन्ती लजी। ३० तर थसे आङ्गयान्ना हरोदा टाङ्गला आपिन्तधोना झ्याल्खानरी झाङ्गजी।

३१ “थं नोकरसे थहरङ्ग लबा मराङ्गसी स्हान्दो हरोगदेदा ल्हानान दुख डहम्सी थसे लबा जम्मान ताम गलेदा पाङ्गजी। ३२ थहरङ्गला ताम थःसी गलेस थं नोकरदा हराङ्ग मुबा ग्तारी ड्योडजी। ओच्छे थदा ‘पापी नोकर, एला ताम थःसी डाइ दया लसी एस फातोःबा जम्मान टाङ्गला ख्तापिन्जी। ३३ डाइ एदा दया लमाहेन्से एसनोन एला हरोदा दया लआतोःबा?’ भिसी भिजी। ३४ थं नोकरला बेहार मराङ्गसी गलेदा ल्हानान बोमो सजी। जमाहेन्से थदा एनोन जम्मान छे आपातेधोना सजाय पिन्बा म्हेगदला यारी जिम्मा पिन्जी।

३५ “थहरङ्ग लसीन एनीगदेसेनोन परमेश्वरदा विश्वास लबा खाले म्हेदा सेमहेन्सेन माफ आलनी भिसम स्वर्गरी धन्नुयाबा डाला आबासेनोन एनीगदेदा थहरङ्गनोन लला।”

येशूस छोडपतर लबारी आत भिसी लोप्रा

मर्कस १०:१-१२

१९ १ चु ताम सुङ्गसी जिन्माहेन्से येशू गालील अञ्चल ग्याम यदेन स्योङ्गला क्याम्सडपटटि यहूदिया अञ्चलरी फपजी। २ येशूला लिच्छा लिच्छा म्हेला हुल खजी। ओच्छे येशूस थनीगदेदा खम्ना लजी।

३ ओच्छे कोइ कोइ फरिसीगदेस येशूला सेम च्याबाला लागिरी, “खाले म्हेस हराङ्गला मिरङ्गदा तिगे दोष उन्सी छोडपतर लबा ठीक हिन्ना कि आहिन” भिसी ड्योडजी।

४ जमाहेन्से येशूस थनीगदेदा चुहरङ्ग भिसी सुङ्गजी, “परमेश्वरसे जम्बुलिङ्ग छुयामाहेन्सेन ‘हरम्कोलादेन मिरङ्गकोला स्हाबा हिन्ना’ भिबा ताम एनीगदेस पढब लबा आर? ५ थतबासेलमा म्हेसे हराङ्गला आबादेन आमामा ख्तासी हराङ्गला मिरङ्गदेन छुयाम दिक्सी चिमुला। ओच्छे थन्नी ल्हुइ गिक हरङ्गबान तला’ ६ दाहेन्से थन्नी ल्हुइ न्ही आहिन, तर ल्हुइ

१९:२० डाला मिनरी हरूप तबा भिबा चा येशूदा विश्वास लबा म्हेगदे हिन्ना।

१९:२२ “सदन माफ लउ” भिबादा गरीक बाइबलरी चा सात गुण सत्तरी पल्ट माफ लउ भिसी भिरबा मुला।

१९:२४ “हजार च्युइ म्हरला डबल” भिबा चा करोडों करोड टाङ्गला हिन्ना।

०९:३६ मती १६:१९; यहू २०:२३

१९:२२ लूका १७:३-४

०९:४ उत्प १:२७; ५:२

१९:५ उत्प २:२४

गिकनोन हिन्ना। थतबासेलमा परमेश्वरसे स्होबा जोडीदा सालेसन थाफगे।”

७थनीगदसे दोःसी येशूदा “थहरड भिसम मोशास तिग्दा छ्वाडपतर भिरसी मिरडदा स्हान्दो भिसी कुल्बा ?” भिसी इयोइजी। ४

५जमाहेन्से येशूस थनीगददा “मोशास मी एनीगदला सम कोडबास मिरडदा स्लाबारी तला भिसी पाडबा हिन्ना। तर डाच्छाहेन्से चा चुहरडबा ठिम आरबा। १थतबासेलमा एनीगदसे डाला ताम इयान्गो, जुन म्हिसे हराडला मिरड स्हान्दोदेन छ्याम बरत्सी आभरसे स्लासी स्हान्दो मिरडम्हेमदेन छ्याम ब्याह लला थसे चा डाच्छाला मिरडला बिराधरी बरत्सी भरबा हिन्ना। ओच्छे स्हान्दोसे स्लाबा मिरडम्हेमदेन छ्याम ब्याह लबा म्हिणोन बरत्सी भरबा हिन्ना” **भिसी सुडजी। १

१०जमाहेन्से चेलागदसे येशूदा “मिरड हरम्बो न्हडरी चुहरड तसम ब्याह आलबान ज्यबा हिन्ना” भिसी भिजी।

११येशूस थनीगददा चुहरड भिसी सुडजी, “तर जम्मान म्हि ब्याह आलना चिबारी आखम। जुन म्हिदा परमेश्वरसे ब्याह आलना चिखम्बा शक्ति पिन्ना थ जे चिखम्ता। १२तिग्दा भिसम कोइ न्हमान नपुंसक न्हमुला, कोइ म्हिदा चा स्हान्दो म्हिसे नपुंसक स्होसी थान्मुला। ओच्छे कोइ म्हि चा स्वर्गला यहुत्साला गे लबारी नपुंसक हरड लसीन ब्याह आलना चिमुला। जुन म्हि चुहरड लसी चिखम्ता, थ म्हि जे चुहरड लसी चिउ” भिसी सुडजी।

येशूस कोलागदेदा मोलम पिन्बा

मर्कुस १० :१३-१६ ; लूका १८ :१५-१७

१३येशूस हराडला छ्या कोलागदेथारी थान्सी मोलम पिन्ने भिसी म्हिगदसे हराडला कोलागदेदा येशू मुबा ग्लारी भजी। चु मराडसी येशूला चेलागदसे थ कोलागदे भबा म्हिगदेदा बडजी। १४तर येशूस चेलागदेदा “कोलागदेदा डा मुबा ग्लारी खपुडगो, थनीगदेला ग्याम थाकागो। तिग्दा भिसम स्वर्गला यहुत्सा चु कोलागदे हरडबालान हिन्ना” भिसी सुडजी।

१५जमाहेन्से येशूस कोलागदेथारी हराडला छ्या थान्सी मोलम पिन्जी। ओच्छे येशू थ ग्याम फन्जी।

परमेश्वरला यहुत्सादेन फ्युकपो म्हि

मर्कुस १० :१७-३१ ; लूका १८ :१८-३०

१६फ्युकपो म्हि गिक येशू मुबा ग्लारी खसी, “गुरु, जुकजुकधोनाला जुनी याडबारी डाइ ज्यबा ग तिग लतोःला ?” भिसी इयोइजी। १७जमाहेन्से येशूस थदा “एसे डादा ज्यबा तिग हिन्ना भिसी तिग्दा इयोइबा ? च्यागो, ज्यबा मी परमेश्वर जे मुला। थतबासेलमा एदा जुकजुकधोनाला जुनी याडबा सम मुसम परमेश्वरसे कुल्बा अन्छार भरउ” भिसी सुडजी।

१८थे म्हिसे येशूदा “परमेश्वरसे कुल्बा खजिबा ताम ?” भिसी भिमा, येशूस थदा चुहरड भिसी सुडजी, “एसे म्हि थासाडगो, स्हान्दोदेन छ्याम बरत्सी थाभरउ, य्हो थालउ, लुसीला ताम पाडसी थाभरउ, १९हराडला आबा आमदा मान लउ, ओच्छे एसे हराडला खिम्जेमदा हराडदा हरडनोन माया लउ।” १०

२०जमाहेन्से थे म्हिसे येशूदा “चु जम्मान ताम मी डाइ लसीन चिबा मुला। दाहेन्से डाइ लतोःबा तिग मुला ?” भिसी भिजी।

२१जमाहेन्से येशूस थदा “चुदे ए परमेश्वरदा सम निबा म्हि दोबा हिन्सम एदेन छ्याम मुबा जम्मान धन सम्पत्ति चूडसी प्राडबोगदेदा भो लसी पिन्ना। एसे स्वर्गी धन सम्पत्ति याडला, ओच्छे डादेन छ्याम भरउ।” भिसी सुडजी। २२येशूला ताम थःसी थे म्हि ल्हानान दुख इहम्सी निजी। तिग्दा भिसम थदेन छ्याम ल्हानान धन सम्पत्ति मुबा।

२३ओच्छे येशूस हराडला चेलागदेदा चुहरड भिसी सुडजी, “च्यागो, एनीगदसे डाला ताम इयान्गो, फ्युकपो म्हिदा स्वर्गला यहुत्सारी वाडबारी ल्हानान गाहरो मुला। २४दोःसी डाइ एनीगदेदा पाडला, फ्युकपो म्हिदा परमेश्वरला यहुत्सारी वाडबारी भन्दा ऊँददा दापला मीग्याम वाडबारी सजिलो मुला।”

**१९ :१ चु ताम “स्हान्दोसे स्लाबा मिरडम्हेमदेन छ्याम ब्याह लबा म्हिणोन बरत्सी भरबा हिन्ना” भिसी ल्हाना हरडबा गरीक बाइबलरी भरबा आर।

१९ :७ व्यव २४ :१-४ ; मत्ती ५ :३१ १९ :१ मत्ती ५ :३२ ; १ कोर ७ :१०-११

१९ :१८ प्रस्था २० :१३-१६ ; व्यव ५ :१७-२० १९ :१९ प्रस्था २० :३२ ; व्यव ५ :१६ ; लेवी १९ :१८

२५ चुहरडबा ताम थें:सी चलागदे उदेक म्हन्वान, “थहरड भिसम खाल्से थार्बा याडला ?” भिसी येशूदा डयोइजी । ††

२६ जमाहन्से येशूसं थनीगदेदा स्हीवान, “चु गे म्हिसं लबारीन आखम्बा गे हिन्ना । तर परमेश्वरसं चु जम्मान गे लखम्ता” भिसी सुडजी ।

२७ जमाहन्से पतरुससं येशूदा “डन्से मी जम्मान स्हे ख्तासी हराडदेन छयाम भरबा मुला । दाहन्से डन्से चा तिग याडला ?” भिसी भिजी ।

२८ येशूसं थनीगदेदा चुहरड भिसी सुडजी, “एनीगदेसं डाला ताम डयान्ना, परमेश्वरसं छार जम्बुलिङ स्होमा परमेश्वरसं पुइखवा म्हि य्हाल य्हाल्वा शक्तिशाली ठिरी चिबा धुइरी एनीगदे डानेन छयाम भरबागदेएनोन हराडला च्युक न्ही ठिरी चिला । ओच्छे इस्राएलला च्युक न्ही वंशला निसाफ लला । ††† थहरड लसीन जुन म्हिसे डाला लागिरी हराडला दिमनाम, ज्योज्या आले, नाना आडा, आबा आमादेन झा झाम ख्ताला, थेंसं थेंसं मन्दा दोब्बर, तेब्बर, चौबरधोना याडला । ओच्छे जुकजुकधोनाला जुनी याडबा अधिकार याडला” भिसी सुडजी । ३० तर दान्दे डाच्छा मुबागदे न्हडला ल्हानान म्हि लिच्छा तला । ओच्छे दान्दे लिच्छा मुबागदे चा डाच्छा तला । x

अडगुरला वारीरी गे लबागदेला उखान

१ “च्यागो, स्वर्गला य्हुल्सा अडगुर वारीरीला दोप्ता गिक हरडवान हिन्ना । थं म्हि स्हारीन हराडला वारीरी गे लबारी म्हि म्हाइबारी निजी । २ थेंसं म्हि स्याप्माहन्से धिन गिकला ज्याला तोगब लसी थनीगदेदा अडगुर वारीरी गे लउ भिसी पुइजी ।

३ “दो:सी थें दोप्ता नौ बजेरीक्यार बजाररी निमा गे आयाडना चिबा म्हि मराडजी । ४ जमाहन्से थेंसं थें म्हिगदेदा ‘एनीगदेएनोन डाला अडगुर वारीरी गे लबारी निउ । डाइ एनीगदेदा ठोक ज्याला पिन्ना’ भिसी भिमाहन्से, ५ थनीगदे गे लबारी निजी ।

“थहरड लसीन दो:सी थें दोप्तासं बाहर बजेदेन तीन बजेरीक्यारएनोन स्हान्दो म्हिगदे मसी गे लपुडजी ।

६ “पांच बजेरीक्यार दो:सी थें दोप्ता बजाररी निमा गे आयाडना चिबा म्हिगदे स्याप्जी । थंतबासलमा थेंसं थें म्हिगदेदा ‘एनीगदे तिगदा गे आलना धिन गिक य्हाडसी चिबा ?’ भिसी भिमा, ७ थनीगदेसं ‘खाइ डन्दा खालेसनं गे आपिन्नी’ भिसी भिजी । जमाहन्से थें दोप्तासं ‘थहरड भिसम एनीगदे डाला अडगुर वारीरी निसी गे लउ’ भिसी भिजी ।

८ “डयसं तमाहन्से थें अडगुर वारीला दोप्तासं नाइकेदा गे लबागदे जम्मानान डयोइसी थनीगदेदा ज्याला पिन्ना । ज्याला पिन्वा धुइरी जम्मान मन्दा लिच्छा गे लबारी खबा म्हिगदेदा डाच्छा पिन्ना, ओच्छे डाच्छा गे लबारी खबा म्हिगदेदा चा लिच्छा पिन्ना” भिसी कुल्जी । ९ जमाहन्से पांच बजेरी गे लबारी खबा म्हि खजी । थनीगदेदा धिन गिकलान ज्याला पिन्जी । १० पांच बजेरी खबागदेदा धिन गिकला ज्याला पिन्वा मराडसी स्हारी जम्मान मन्दा डाच्छा खसी गे लबागदेसं चा य्हाडसे मी थें मन्दा ल्हानान याडला तला भिसी म्हन्जी । तर थनीगदेसंनोन धिन गिकला ज्याला जे याडजी । ११ ज्याला याडमाहन्से थनीगदेसं थें अडगुर वारीला दोप्ताला बिरोध लबान ताम लबारी छयाइजी । १२ ‘लिच्छा खसी घण्टा गिक जे गे लबा चुगदेदा डनी स्होहन्से धिन गिकनान छेप्वा छेबा नासी गे लबागदेदा तेनोन तिगदा हराडसे ज्याला पिन्वा’ भिसी थनीगदेसं भिजी,

१३ “तर थें अडगुर मराडला दोप्तासं थनीगदे न्हडला म्हि गिकदा चुहरड भिसी जोहाब पिन्जी, च्यागो, एनीगदेदा डाइ तिगे अन्याय लबा आर । डाइ धिन गिकला ज्याला पिन्ना भिमा एसन तला भिसी गे लबा आहिन ? १४ थंतबासलमा एला ज्याला भोर्सी निउ । लिच्छा खसे चुगदेदा एदा तेनोन पिन्वा डाला संम मुला । १५ डानेन मुबा स्हे डाइ म्हन्वा अन्धार पिन्नाम्याड ? डाइ ताडसी पिन्वा ग्लारी एसे तिगदा डाइ लबा ?”

††१९:२५ यहूदीगदेसं पयुक्को म्हिगदेदा चा परमेश्वरसं मोलम पिन्मुला भिसी म्हन्मुवा ।

††१९:२८ मती २५:३१

१९९:३० मती २०:३६ ; लूका १३:३०

१२०:३८ लेवी १९:३३ ; व्यव २४:३५

१६ “चुहरड लसी लिच्छाला म्हि डाच्छा, डाच्छाला म्हि लिच्छा तला !” ##

डादा साइला भिसी येशूस दोःसीनोन सुडबा

मर्कूस १० :३२-३४ ; लूका १८ :३१-३४

१७ यरूशलेमपट्टि फण्वान लबा धुइरी येशूस हराडला च्युक न्ही चलागददा कुनी गिकरी भोसी चुहरड भिसी सुडजी, १८ “च्यागा, दान्द य्हाड यरूशलेमपट्टि निबान मुला। दाहेन्से परमेश्वरसे पुइखबा म्हिदा परमेश्वरला मन्दिररी पूजा लबा मुल म्हिगददेन यहूदी धर्मगुरुगदला यारी जिम्मा पिन्ना। जमाहेन्से थनीगदसे थदा “चुदा साइनोन तोःला” भिसी पाडला। १९ ओच्छे थदा अर्गु य्हुलला म्हिगदला यारी जिम्मा पिन्ना। जमाहेन्से थनीगदसे थदा खिसी लबान कोरसि तोबा गयाडबा लसी करुसरी टांगब लसी साइला। तर थदा सोमरमाकुनु सिवाग्याम सोना लला !”

जब्दियाला मिरडसे लबा बिन्ती

मर्कूस १० :३५-४५

२० जमाहेन्से जब्दियाला मिरडसे हराडला झा न्हीदा छ्यामनोन येशू मुबा ग्लारी भसी खजी। ओच्छे थस येशूदा फ्या लबान बिन्ती लजी।

२१ जमाहेन्से येशूस थदा “एदा तिग तोःबा ?” भिसी सुडमा, थस येशूदा “हराडसे शासन लबा धुइरी डाला झा न्हीदा गिकदा हराडला दाहिनेपट्टि गिकदा देबरपट्टि चिपुडला भिसी सुडगा” भिसी भिजी।

२२ तर येशूस थनीगददा “तिग हरीदोबा भिसी एनीगददा थानोन आरे। डाइ नाबा दुख एनीगदसे नाबारी खम्ला ?” भिसी सुडजी।

थनीगदसे “खम्ला” भिसी भिजी।

२३ जमाहेन्से येशूस थनीगददा “एनीगदसे डाइ नाबा दुख मी नाला। तर डाला दाहिने देबर चिपुडबा अधिकार डाला यारी आरे। चु ग्ला डाला आबासे जुन म्हिला लागिरी स्होबा हिन्ना थे जे चिम्याडला” भिसी सुडजी।

२४ चु ताम थेःसी स्थान्दो चला च्युइदा चा थन्ना ज्याज्यो आले न्हीदेन छ्याम

बोमो रेःजी। २५ तर येशूस थनीगददा हराड मुबा ग्लारी डयोइसी चुहरड भिसी सुडजी, “च्यागा, एनीगददा चु ताम थानोन मुला, अर्गु य्हुलला शासन लबा म्हिगदसे हराडला समसे म्हन्बा अन्धार म्हिगदथोरी शासन लमुला। ओच्छे धरन धरन पदरी मुबा म्हिगदसे हराड भन्दा थिरी मुबा म्हिगदथोरी शासन लमुला। २६ तर एनीगद चा थहरड तबारी आत। जुन म्हि जम्मान भन्दा धरन दोबारी म्हाइला थस चा एनीगदला सेवा लतोःला। २७ ओच्छे एनीगद न्हडरी जुन म्हि डाच्छा तबारी म्हाइला थ चा एनीगदला नोकर दोतोःला। २८ थहरड लसीन परमेश्वरसे पुइखबा म्हि एनोन स्थान्दोगदग्याम सेवा किन्बारी आहिन, तर स्थान्दोगदला सेवा लबारी ओच्छे हराडलान ज्यान पिन्सी ल्हानान म्हिगदला पापला सय फाबारी खबा हिन्ना।”

येशूस मी आमराडबा म्हि न्हीदा खम्ला लबा

मर्कूस १० :४६-५२ ; लूका १८ :३५-४३

२९ येशू हराडला चलागददेन छ्याम यरीहो भिबा शहरग्याम फण्वान लबा धुइरी म्हिला हुलएनोन थनीगददेन छ्याम छ्याम खजी। ३० ग्यामला कुनीरी चिबा मी आमराडबा म्हि न्हीसे येशू थनोन ग्याम फण्वान लबा ताम था याडसी “परभु, दाऊद ग्लेला सन्तान! डन्दा दया लउ” भिसी किरडबान भिजी।

३१ थे म्हि न्हीदा येशूदेन छ्यामनोन सबा म्हिगदसे “कुटिसी चिउ” भिसी बडजी। तर थन्नी झन किरडबान, “परभु, दाऊद ग्लेला सन्तान डन्दा दया लउ” भिसी भिजी।

३२ जमाहेन्से थन तसी येशूस थनीगददा “डाइ एनीगदला लागिरी तिग लगे भिसी म्हन्बा मुला ?” भिसी डयोइजी।

३३ थनीगदसे येशूदा “परभु हराडसे डन्ना मी मराडना लपिनो” भिसी भिजी।

३४ थनीगदला ताम थेःसी येशूदा दया रेःसी येशूस थनीगदला मीरी थुर्जी। थुमैछ्याम थनीगदसे मराडजी। ओच्छे थनीगद येशूदेन छ्याम भरजी।

##२०:३६ चु उखानग्याम येशूस लोष्वा ताम चा डाच्छाहेन्से विश्वास लबा म्हिदेन लिच्छा विश्वास लबा म्हि न्हीसन च्याच्यो इनाम याडला भिबा हिन्ना। तिगदा भिसम इनाम चा परमेश्वरला दयामायाग्याम ओहरडनोन पिन्बा मालम हिन्ना।

२२० :३६ मत्ती १९ :३० ; मर्कू १० :३१ ; लूका १३ :३०

२२० :२६ लूका २२ :२५-२६

२२० :२७ मत्ती २३ :११ ; लूका २२ :२६

येशू यरूशलेमरी फावा

मर्कुस ११:१-११; लूका

११:२८-४०; यूहन्ना १२:१२-१६

११ येशू हराडला चलागददेन छयाम फावान लमा यरूशलेम डामला जेतून भिबा गडला बथफाग नाम्सारी धोखजी। ओच्छे येशूस हराडला चेला न्हीदा पुडजी। २ पुडबा धुडरी चुहरड् भिसी सुड्जी, “एनी जजाकी क्याथाडला नाम्सारी निड। एनी थरी धोमैछयाम च्युन्सी थान्वा गधाला मामादेन कोला मराडला। जमाहेन्स एनीस थ गधाला मामादेन कोलादा प्लसी डा मुबा ग्लारी भड। ३ थरी एनीदा सालेस तिगै भिजी भिसम ‘चु परमुदा तो:बा मुला’ भिसी भिड। जमाहेन्स थनीगदेस एनीदा पुडखला।”

४ अगमवक्ताग्याम पाड्बा बचन पूरा तगै भिसी चु तबा हिन्ना।

५ “सियोनना ॥॥ म्हिगदेदा चुहरड् भिसी पाड्गो, ‘च्यागो, एनीगदेला ग्ले एनीगदे मुबा ग्लारी गधाला कोलाथारी करे:सी फाखबान मुला। थ ल्हानान सोजो मुला।” ८

६ जमाहेन्स चेला न्ही निसी येशूस कुल्बा अन्धार लजी। ७ थनीगदेस गधाला मामादेन कोला भजी। ओच्छे थ गधाला मामादेन कोलाथारी हराड हराडला घ तीजी। जमाहेन्स येशू थथारी धन्ड्याजी। ८ ओच्छे थरी मुबा ल्हानान म्हिगदेस ग्यामरी हराड हराडला घगद तीजी, कोइस स्याउला थारी ग्यामरी तीजी, ९ जमाहेन्स येशूला लिच्छा डाच्छा भरबा जम्मान म्हिला हुलस चुहरड् भिसी किरडबान जयजयकार लजी,

“दाऊद ग्लेला सन्तानला जयजयकार तगै।

परमपरमुला मिनरी फाखबास परमेश्वरग्याम मोलम याड्गै।

थहरड् लसीन स्वर्गरी धन्ड्याबा परमेश्वरदा जयजयकार तगै।”

१० येशू यरूशलेमरी धोमाहेन्स शहर नाडनोन हल्ली खल्ली तजी। ओच्छे म्हिगदेस “चु खाल हिन्ना?” भिसी ड्योडजी। ८

११ येशूदेन छयाम सबा म्हिला हुलस “चु गालीलला नासरत भिबा नाम्साग्याम फाखबा अगमवक्ता येशू हिन्ना” भिसी भिजी।

येशू परमेश्वरला मन्दिररी फावा

मर्कुस ११:१५-१९; लूका

११:४५-४८; यूहन्ना २:१३-२२

१२ येशूस परमेश्वरला मन्दिर न्हाडरी चूडबादेन ग्लुबागदेदा ताप्जी। ओच्छे टाडगा देव्वारी चिबागदेला टबुलदेन दुकुर चूडबारी चिबागदे जम्मालान चिबा ग्लागदे प्लाड प्लिड लसी भ्याड्जी। १३ ओच्छे येशूस थनीगदेदा चुहरड् भिसी सुड्जी, “च्यागो, ‘डाला दिम खूल खूलला म्हिगदेस परार्थना लबा दिम दोला’ भिसी परमेश्वरला बचनरी भिरबा मुला। तर एनीगदेस मी डाला दिमदा ख्हागदे चिबा ग्ला स्हाबा मुला।” ९

१४ येशू परमेश्वरला मन्दिररी मुबा धुडरी मी आमराड्बा म्हिदेन कुज्या म्हिगदे येशू मुबा ग्लारी सजी। जमाहेन्स येशूस थनीगदेदा सन्ना लजी। १५ तर येशूस लबा उदकला गदेन परमेश्वरला मन्दिररी कोलागदेस “दाऊद ग्लेला सन्तानना जयजयकार तगै” भिसी किरड्बा मराडसी परमेश्वरला मन्दिररी पूजा लबा मुल म्हिगदेदेन यहूदी धर्मगुरुगदे बामो सजी। १६ थनीगदेस येशूदा “चु कोलागदेस तिग भिबान मुला हराडस थ:बा आर?” भिसी भिमा, येशूस थनीगदेदा चुहरड् भिसी सुड्जी, “थ:बा मुला। तर परमेश्वरला बचनरी चुहरड् भिसी भिरबा मुला,

“परमु, हराडस लैनु कोलागदेदेन जजा कोलागदेदा एनोन जयजयकार लतो:ला भिसी लोप्वा मुला”

तिग एनीगदेस चु ताम पढब लबा आर?” १

॥२१:५ “सियोन” भिबा चा यरूशलेम शहरदा पाड्बा हिन्ना।

॥२१:१५ यहूदी धर्मगुरुगदेस येशूदा खरीष्ट हिन्ना भिसी विश्वास आलमुबा। ओच्छे स्थान्दो म्हिगदेस येशूदा खरीष्ट भिबास लमा थनीगदेदा बामो र:जी। चुदे स्थान्दो म्हिगदेस येशूदा ल्हानान सम निजी भिसम येशूस स्थान्दो म्हिगदेदा थनीगदेला बिराधरी र:पुडला भिसी थनीगदे लोड्मुबा।

८२१:३ जक ९:२

८२१:१० मज्ज ११८:२६-२७

८२१:१३ यशे ५६:७; यर्मि ७:११

१२१:१६ मज्ज ८:२

१७ जमाहेन्से थनीगदेदा थरी ख्तासी येशू बथानिया भिबा नाम्सारी फेप्सी जमाकुनु म्हनुड थरीन धन्छ्याजी।

तिगै आरोबा अञ्जीरला दोड

मर्कूस ११:१२-१४, २०-२४

१८ न्हडगरदड स्थारी यरूशलेमपट्टि दोःसी फेप्सवान लबा धुइरी येशूदा फोखरन्जी। १९ ग्यामरी फेप्सवान लबा धुइरी येशूस ग्यामला कुनीरी अञ्जीरला दोड गिक मराडजी। थ दोडरी अञ्जीर मुजी वा भिसी स्हीबारी फेप्मा भा जे मराडसी “दाहेन्से चु दोडरी खाइमे अञ्जीर थारोगे” भिसी येशूस सुड्जी। थहरड सुड्मेछ्यायाम थ अञ्जीर दोड सर्जी।*

२० अञ्जीर दोड खर्सी निबा मराडसी उदेक म्हन्वान येशूला चेलागदेसे “दान्देलो दान्देन खाहरड लसी चु अञ्जीर दोड सर्जी?” भिसी भिमा, २१ येशूस थनीगदेदा चुहरड भिसी सुड्जी, “च्यागो, एनीगदेसे डाला ताम ड्यान्गो, एनीगदेला संमरी शडका आलना विश्वास लजी भिसम चु अञ्जीर दोडदा लबा हरड जे आहिन, तर चु गडदाएनोन ‘ए होक निसी समुन्दररी ताडगो’ भिसम थहरडनोन तला। २२ ओच्छे, एनीगदेसे विश्वास लसी परार्थना लमा जुन ताम हरीला थनोन एनीगदेसे याडला।”

येशूला अधिकारला बाररी ड्योडबा

मर्कूस ११:२७-३३; लूका २०:१-८

२३ परमेश्वरला मन्दिररी फेप्सी येशूसे म्हिगदेदा लोप्पान लबा धुइरी परमेश्वरला मन्दिररी पूजा लबा मुल म्हिगदेदेन यहूदी गन्बागदे येशू मुबा ग्तारी खसी “हराडसे खानडग्याम अधिकार याडसी चु ग लबा हिन्ना? हराडदा चु अधिकार खात्से पिन्बा हिन्ना?” भिसी ड्योडमा, २४ येशूस थनीगदेदा चुहरड भिसी सुड्जी, “एनीगदेदाएनोन डाइ ताम गिक ड्योडला। थ तामला जोहाब पिन्जी भिसम डादा चु गेगदे लबारी खात्से अधिकार पिन्जी थ एनीगदेदा पाडला। २५ यहून्नादा बप्तिस्मा पिन्बा अधिकार खात्से पिन्जी? परमेश्वरसे कि म्हिगदेसे?”

जमाहेन्से थनीगदे हराड हराड न्हडरी सल्लाह लवान, “परमेश्वरग्याम भिजी

भिसम थसे य्हाडदा थहरड भिसम एनीगदेसे तिगदा यहून्नादा विश्वास आलबा? भिसी भिला। २६ तर म्हिगदेग्याम भिजी भिसम म्हिला हुलसे साइला भिसी य्हाड लाडमुला। तिगदा भिसम जम्मासेन यहून्नादा अगमवक्ता हिन्ना भिसी भिमुला।” २७ थतबासलमा थनीगदेसे “डन्दा था ओर” भिसी येशूदा जोहाब पिन्जी।

येशूस थनीगदेदा “थहरड भिसम डाइएनोन चु गेगदे खाल्ला अधिकारग्याम लबा हिन्ना, थ एनीगदेदा आपाड” भिसी सुड्जी।

झा न्ही मुबा म्हिला उखान

२८ येशूस अझ चुहरड भिसी सुड्जी, “डाइ एनीगदेदा झा न्ही मुबा म्हिला उखान पाडला। एनीगदेसे चुग्याम तिग घोला? थे म्हि थेबा झा मुबा ग्तारी निसी ‘ए तिनी अडगुर वारीरी निसी ग लउ झा’ भिसी कुल्मा, २९ थसे ‘डा आनि आबा’ भिसी जोहाब पिन्जी। तर लिच्छा सम दोःसी थे गे लबारी निजी।

३० “थहरड लसीन थे झा च्याडबा मुबा ग्तारी निसी थदाएनोन थहरडनोन भिसी कुल्मा, थसे ‘तला आबा डा निला’ भिसी भिजी। तर थ आनिनी।”

३१ जमाहेन्से येशूस परमेश्वरला मन्दिररी पूजा लबा मुल म्हिगदेदेन यहूदी गन्बागदेदा “चु न्ही न्हडरी खत्रिबास चा आबासे कुल्मा ताम ड्यान्जी” भिसी ड्योडमा, थनीगदेसे “थेबा झासे” भिसी जोहाब पिन्जी।

ओच्छे येशूस थनीगदेदा चुहरड भिसी सुड्जी, “च्यागो, एनीगदेसे डाला ताम ड्यान्गो, एनीगदेसे मन्दा डाच्छा तिरो दुडबा म्हिगदेदेन बेश्यागदे परमेश्वरला य्हुल्सारी निला। ३२ तिगदा भिसम बप्तिस्मा पिन्बा यहून्नासे एनीगदेदा परमेश्वरसे म्हन्वा अन्छारला ग्याम उन्बारी खमाएनोन एनीगदेसे थेदा विश्वास आलनी। बरु तिरो दुडबा म्हिगदेदेन बेश्यागदेसे चा थेदा विश्वास लजी। थनीगदेसे विश्वास लबा मराडसीनोन एनीगदेसे हराड हराडला

*२१:१९ येशूस यहूदी धर्मगुरुगदेदा परमेश्वरसे सजाय पिन्ना भिबा ताम उन्बाला लागिरी अञ्जीरला दोड खनी लबा हिन्ना।

पाप ख्तासी परमेश्वरपट्टि आदोःनी।
ओच्छे थला ताम विश्वास आलनी।

अधियाँ स्होबा म्हिगदेला उखान
मर्कूस १२ :१-१२ ; लूका २० :९-१९

३३ “अर्गु उखानएनोन इयान्गो, फ्युकपो म्हि गिकस वारीरी अडगुर सूसी क्यूसीन पखाँल लजी। ओच्छे अडगुर म्हबारी कोल स्होसी अडगुर वारी खरुडबारी नोबा छापरो गिक स्होजी। जमाहेन्स अधियाँरो पिन्सी थ अर्गु म्हल्सारी निजी। ४

३४ “अडगुर मिन्बा धुइ तमाहेन्स थ फ्युकपो म्हिसे हराडला भा किन्बाला लागिरी अधियाँ लबागदे मुबा ग्लारी हराडला नोकरगदेदा पुइजी। ३५ ओच्छे अधियाँ लबागदेसे थ फ्युकपो म्हिला नोकर गिकदा चुइसी तोबा ग्याडबा लजी, गिकदा साइजी तर स्हान्दो गिकदा चा युडबासे तोजी। ३६ थ फ्युकपो म्हिसे दोःसी डाच्छाला मन्दा ल्हानान नोकरगदे पुइजी, तर थनीगदेसे थ नोकरगदेदाएनोन थहरडनोन लजी। ३७ “जमाहेन्स थ फ्युकपो म्हिसे जम्मान मन्दा लिच्छा थनीगदेसे डाला झादा मी मान लला तला” भिसी थसे हराडला झादान थनीगदे मुबा ग्लारी पुइजी। ३८ तर थदा खबान लबा मराडसी अधियाँ लबागदेसे ‘चु मी य्हाडला धनीला झा हिन्ना, य्हाडसे थदा साइगे। जमाहेन्स थला सम्पत्ति य्हाडलान तला’ भिसी हराड हराड न्हडरी ताम लजी। ३९ जमाहेन्स थनीगदेसे थ फ्युकपो म्हिला झादा चुइसी अडगुर वारीग्याम क्याथाड भासी साइजी।

४० जमाहेन्स परमेश्वरला मन्दररी पूजा लबा मुल म्हिगदेदेन यहूदी गन्बागदेदा येशूस “दाहेन्स अडगुर वारीला धनी खसी थ अधियाँ लबा म्हिगदेदा तिग लला?” भिसी इयोइमा, ४१ थनीगदेसे “थ अडगुर वारीला धनीसे थहरडबा नइबा गे लबा म्हिगदेदा नाश लला। ओच्छे जुन म्हिसे अडगुर मिन्माहेन्से हराडला भा पिन्ना थहरडबा म्हिगदेदा अधियाँ पिन्ना” भिसी येशूदा जोहाब पिन्जी। †

४२ जमाहेन्स येशूस थनीगदेदा चुहरड भिसी सुइजी, “एनीगदेसे परमेश्वरला बचन खाइमै पढब लबा आर ?

‘जुन युडबादा दिम स्होबा कर्मीगदेसे गे आखेल भिसी म्याडबा मुबा

थनोन युडबा दिमला सुर युडबा दोजी।
चु परमपरभुग्याम तबास लमा
य्हाडला लागिरी उदकला ताम हिन्ना’
भिसी भिरबा मुला। †

४३ “थतबासेलमा एनीगदेसे डाला ताम इयान्गो, च्यागो, दाहेन्स परमेश्वरला म्हल्सा एनीगदेग्याम ब्यन्सी परमेश्वरसे कुल्बा अन्छार भरबा म्हलला म्हिगदेदा पिन्ना। ४४ थ युडबाथोरी ताइबा म्हि चा जम्मान छारछिर निला, ओच्छे थ युडबा खालेथोरी ताइजी भिसम थोरी मुबा म्हि फलातफलेत निला।” †

४५ येशूस सुइबा उखान थेःमाहेन्से परमेश्वरला मन्दररी पूजा लबा मुल म्हिगदेदेन फरिसीगदेसे “चु ताम येशूस य्हाडलान बाररी पाडबा ताम हिन्ना” भिसी घोजी। ४६ थतबासेलमा थनीगदेसे येशूदा चुइबारी म्हाइजी, तर थनीगदे म्हिला हुल मराडसी लोडजी। तिगदा भिसम म्हिगदेसे येशूदा अगमवक्ता भिसी म्हन्मुबा।

ब्याह भोजला उखान

लूका १४ :१५-२४

१ दोःसीनोन येशूस थनीगदेदा
२२ उखानग्याम चुहरड भिसी सुइजी,
२ “स्वर्गला म्हल्सा चुहरडबान हिन्ना, ग्ल गिकस हराडला झाला ब्याहला भोज ठीक लजी। ३ ओच्छे निम्तो याडबा म्हिगदेदा इयोइबारी हराडला नोकरगदे पुइजी। तर निम्तो याडबा म्हिगदेसे सबा सेम आलनी।

४ “दोःसी ग्लसे निम्तो याडबा म्हिगदेदा ‘डाइ छोबा छोबा म्हे बहर साइसी ब्याहला भोज ठीक लसी जिन्बा मुला। दाहेन्से हराडनी फाखुड भिउ’ भिसी स्हान्दो नोकरगदेदा पुइजी।

५ “तर थे निम्तो याडबा म्हिगदेसे नोकरगदेला तामदा थगोन आलना कोइ

†२१:४१ थे वारीला धनीला झा चा परमेश्वरला झा येशू हरडबान हिन्ना।

†२१:४४ लूका २० :१८ स्हीगो, चु पदला ताम कोइ कोइ ग्रीक बाइबलरी भिरबा आर।

४२१ :३३ यशै ५ :१-२

४२१ :४२ भजन ११८ :२२-२३

ह्राडला बु वारीरीक्यार निजी, कोड व्यापार लबारी निजी, ६ओच्छे स्थान्दोगदंस चा थ नोकरगददा चुडसी तोबा ग्याडबा लसी साइजी। ७ चु ताम थःसी ग्ले ल्हानान बोमो खजी। जमाहन्स ग्लेस सिपाहीगददा पुइसी ह्राडला नोकरगद साइबागददा साइजी। ओच्छे थनीगदला शहरएनोन खराडजी।

८ “जमाहन्स ग्लेस ह्राडला नोकरगददा चुहरड् मिसी कुल्जी, ब्याहला भोज ठीक लसी जिन्बा मुला। तसेनोन निम्तो याडबा म्हिगद व्हाडला भोजरी खबाधोनाला आरम। ९ थतबासलमा दाहन्स एनीगद ग्याम ग्यामरी निउ। ओच्छे स्याप्वागद जम्मादान ब्याहला भोज चबारी खउ मिसी निम्तो पिन्गो। १० ओच्छे नोकरगद ग्याम ग्यामरी निसी ज्यबा गे लबा तसे आज्यबा गे लबा तसे स्याप्तेबा जम्मादान निम्तो पिन्जी। चुहरड् लसी ब्याह दिम नाडनोन डोन्बोगद तजी।

११ “डोन्बोगददा च्याबारी मिसी ग्ले दिम न्हडरी समा थरी ब्याहरी खबा धुइरी क्वान्तोःबा क्वान आक्वान्ना खबा म्हि गिकदा मराडजी। १२ थदा मराडसी, ‘ओहो, हरो!, ए मी ब्याहरी क्वान्तोःबा क्वान आक्वान्ना चुरी साहरड् लसी खजी? मिसी ड्योइमा, थ म्हिसे तिगे जोहाब पिन्आखन्नी। १३ जमाहन्स ग्लेस ह्राडला नोकरगददा ‘चुला या काड खीसी मडग्यार धोपधोपवा ग्लारी म्याडगो। थरी म्हिगद स्वा करसी कराबा किरडबा लला’ मिसी कुल्जी।।

१४ “तिगदा मिसम ड्योइबागद ल्हानान मुला, तर धम्बागद चा ल्हाना आर।”

तिरो फाबा ठीक हिन्ना कि आहिन ?

मर्कस १२ :१३-१७ ; लूका २० :२०-२६

१५ जमाहन्स फरिसीगद येशू मुबा ग्लाग्याम निजी। ओच्छे दाहन्स येशूदा थलान तामग्याम साहरड् लसी फसब लसे मिसी ह्राड ह्राड न्हडरी सल्लाह लजी। १६ थनीगदस ह्राडला चलागददा हेरोद ग्लेला म्हिगददेन छुयाम येशू मुबा ग्लारी पुइजी। थ म्हिगद येशू मुबा ग्लारी निसी चुहरड् मिसी भिजी, “गुरु, ह्राड सत्य म्हि हिन्ना, ओच्छे ह्राडस सालेदा वास्ता

आलमुला मिसी डन्दा था मुला। तिगदा मिसम ह्राडस म्हिला ली च्यासी ग आलमुला, तर ह्राडस म्हिगददा लोपवा धुइरी परमश्वरला ग्याम ज्यना लसी उन्मुला। १७ थतबासलमा रोमी ग्याल्बो कैसरदा तिरो फाबा ठीक हिन्ना कि आहिन ? डन्दा सुडगो।” ॥

१८ तर येशूस थनीगदला संमला नइबा ताम था याडसी “कप्टीगद, तिगदा एनीगदस डादा फसब लबारी म्हाइबा ? १९ एनीगदस तिरो फाबा डबल डादा उन्गो” मिसी सुडमा, थनीगदस डबल गिक मसी येशूदा पिन्जी। २० जमाहन्स येशूस थनीगददा “चु डबलरी मुबा छापदेन मिन खाल्ला हिन्ना ?” मिसी सुडमा, २१ थनीगदस “रोमी ग्याल्बो कैसरला” मिसी जोहाब पिन्जी।

जमाहन्स येशूस थनीगददा “दाहन्स एनीगदस रोमी ग्लेला जति रोमी ग्लेदा फागो। ओच्छे परमश्वरला जति परमश्वरदान फागो” मिसी सुडजी। २२ चुहरडबा ताम थःसी थनीगद उदेक तजी। जमाहन्स थनीगदस येशूदा ख्लासी निजी।

सिबाग्याम सोना लबाला बारी ड्योइबा

मर्कस १२ :१८-२७ ; लूका २० :२७-४०

२३ म्हि सिमाहन्स दोःसी आसो मिसी विश्वास लबा सदुकीगद थनोन धिनकुनु येशू मुबा ग्लारी खसी येशूदा चुहरड् मिसी ड्योइवारी छुयाइजी। २४ “गुरु, मोशास व्हाडदा पिन्बा ठिम अन्ड्यार सालेला ज्योज्योस ब्याह लसी कोलागद आतनान सिजी मिसम ज्योज्योला लागिरी कोलागद तगे मिसी आलेस चाडदा ब्याह लतोःला मिसी पाडबा मुला। २५ डन्ना गुडरी ज्योज्यो आले निस मुबा। थनीगद न्हडरी थबास ब्याह लजी। तर कोलागद आतनान थ सिजी। जमाहन्स पाराडस थनोन चाडदेन छुयाम ब्याह लजी। २६ थहरड् लसीन पाराड साँजी लसी च्याडबाधोनासेन थनोन चाडदेन छुयाम ब्याह लजी। २७ थनीगद जम्मान सिमाहन्स थ मिरडम्हेमनोन सिजी। २८ थतबासलमा डन्दा सुडगो, सिबाग्याम सोना लजी मिसम थ मिरडम्हेम खजिबाला मिरड तला ? तिगदा मिसम थनीगद जम्मासेन थ मिरडम्हेमदेन छुयाम ब्याह लबा मुला।”

१२२ :१७ हेरोदला म्हिगददेन फरिसीगदसे स्थान्दो म्हिगदसे येशूदा विश्वास लबा ख्लागै मिसी म्हन्मुबा।

१२२ :१३ मती ८ :१२ ; २५ :३० ; लूका १३ :२८ १२२ :२३ मुल २३ :८ १२२ :२४ व्यव २५ :५

२९ जमाहेन्से येशूसे थनीगदेदा चुहरङ्क भिसी जोहाब पिन्जी, “एनीगदे अन्दोलरीन चीम, तिग्दा भिसम एनीगदेसे परमेश्वरला बचनदेन परमेश्वरला शक्तिला बाररी घोबान आरम। ३० तिग्दा भिसम सिबाग्याम सोना लबा धुइरी न्ह ब्याह लला न्ह ब्याह तला। तर थनीगदे स्वर्गरी मुबा स्वर्गदूतगदे हरङ्कबान तला। ३१ सिबाग्याम सोना लबाला बाररी परमेश्वरसे एनीगदेदा तिग सुङ्बा मुला, थ ताम एनीगदेसे पढब लबा आर ? ३२ डा अब्राहाम, इसहाकदेन याकूबला परमेश्वर हिन्ना” भिसी परमेश्वरसे मोशादा सुङ्बा मुबा। परमेश्वर सिबागदेला परमेश्वर आहिन, तर सोबागदेला परमेश्वर हिन्ना।”

३३ येशूसे चुहरङ्क लसी लोप्या मराङ्सी थरी मुबा म्हिला हुल उदेक तजी।

परमेश्वरसे कुल्बा मुल ताम

मर्कूस १२:२८-३४; लूका १०:२५-२८

३४ येशूसे सदुकीगदेदा जोहाबनोन पिन्आखम्बा तना लजी भिबा ताम थःसी फरिसीगदे दिक्सी सल्लाह लबारी गला गिकरी पोप तजी। ३५ जमाहेन्से थनीगदे न्हडला यहूदी धर्मगुरु गिकसे येशूला सेम च्याबाला लागिरी चुहरङ्क भिसी डयोइजी, ३६ “गुरु, परमेश्वरसे मोशादा पिन्बा ठिमरी जम्मान भन्दा मुल ताम चा खजिबा हिन्ना ?”

३७-३८ येशूसे थदा चुहरङ्क भिसी सुङ्जी, “च्यागो, परमेश्वरसे कुल्बा जम्मान भन्दा मुल ताम चा चुनोन हिन्ना। एसे हराङ्कला परमपरभु परमेश्वरदा हराङ्कला जम्मान सेमहेन्से, जम्मान प्राणसे, जम्मान बुदधिसे माया लउ। ३९ ओच्छे अर्गु मुल ताम चा एसे हराङ्कला सिम्जेमदा हराङ्कदा हरङ्कनोन माया लउ। ४० अगमवक्तागदेसे लोप्या तामदेन मोशाला ठिमरी मुबा जम्मान तामगदे चा परमेश्वरसे कुल्बा चु मुल ताम न्होग्यामनोन खबा हिन्ना।”

खरीष्ट खाल्ला झा हिन्ना ?

मर्कूस १२:३५-३७; लूका २०:४१-४४

४१ जमाहेन्से येशूसे थरी पोप तसी चिबा फरिसीगदेदा चुहरङ्क भिसी डयोइजी, ४२ “थार्वी पिन्बा खरीष्टला बाररी एनीगदेसे तिग म्हन्बा मुला ? थ खाल्ला झा हिन्ना ?”

थनीगदेसे येशूदा “दाऊद ग्लेला सन्तान हिन्ना” भिसी जोहाब पिन्जी।

४३ दोःसी येशूसे थनीगदेदा चुहरङ्क भिसी सुङ्जी, “थहरङ्क भिसम दाऊददा परमेश्वरला आत्माला शक्तिग्याम तिग्दा खरीष्टदा “परभु” भिपुङ्जी ? दाऊदसेन चुहरङ्क भिसी भिमुला,

४४ “परमपरभुसे डाला परभुदा, “डाइ एला शतरुगदेदा एला काङ्क धिरी आथान्तेधोना

ए डाला दाहिनेपट्टि चिउ भिसी सुङ्जी।” §p

४५ दाऊद ग्लेसेन खरीष्टदा परभु भिला भिसम खाहरङ्क लसी खरीष्ट दाऊद ग्लेला सन्तान तला ?” *** ४६ जमाहेन्से खालेसेन येशूदा जोहाब गिकनोन लआखम्नी। जमाकुनुहेन्से खालेसेन येशूदा तिगे ताम डयोइबा आट आलनी।

येशूसे यहूदी धर्मगुरुदेन फरिसीगदेला दोष उन्वा

मर्कूस १२:३८-४०; लूका

११:३९-४२; २०:४५-४७

२३ १ जमाहेन्से येशूसे हराङ्कला चेलागदेदेन थरी मुबा म्हिला हुलदा चुहरङ्क भिसी सुङ्जी, २ “च्यागो, यहूदी धर्मगुरुदेन फरिसीगदेसे मोशाला ठिम लोप्या अधिकार याङ्बा मुला। ३ थेतबासलमा थनीगदेसे पाङ्बा ताम एनीगदेसे डयान्ना, तर थनीगदेसे लबा हरङ्कबान गे चा थालउ। तिग्दा भिसम थनीगदेसे एनीगदेदा लोप्याम लोप्युला, तर लोप्या अन्धारला गे चा आलमुला। ४ ओच्छे म्हिगदेदा थनीगदेसे पुइनोन आखम्बा धोइ काप्सी पिन्मुला। तर थनीगदेसे भिसम थ धोइ थीबाला लागिरी या जुम्बीसेनोन आथुर्मुला।

§२२:४४ परमेश्वरसे परभुदा स्वर्गरी हराङ्कदेन छ्याम चिबारी ग्ले स्होबा मुला।

***२२:४५ म्हिगदेसे दाऊद ग्लेला सन्तानदा दाऊद ग्ले भन्दा जजा भिसी म्हन्मुबा, तसेनोन दाऊद ग्लेसेनोन हराङ्कला सन्तानदा परभु भिबास लमा थनीगदे उदेक तजी।

१२२:३२ परस्था ३:६

१२२:३६ लूका १०:२५-२८

१२२:३७-३८ व्यव ६:५

०२२:३९ लेवी १९:१८

१२२:४४ मजन ११०:१

५ “थनीगदसे जम्मान गे म्हिदा उन्बाला लागिरी लमुला। तिग्दा भिसम थनीगदसे परमेश्वरसे मोशादा पिन्बा ठिम कागजरी भिरसी घरेन घरेन जन्तर स्होसी डोदेन नारीरी खीमुला। ओच्छे थनीगदसे क्वान्बा क्वान्बा जारी हरड्बा हरड्बा फुर्गा कार्मुला। ६ थनीगदसे भोजरीदेन यहूदीगद हरुप तबा दिमला मुल ठिरी चिबारी सम लमुला। ७ बजाररी निमाएनोन म्हिगदसे फ्या लगे भिसी म्हनुमुला, ओच्छे ‘गुरु’ भिसी एनोन पाङ्गे भिसी म्हनुमुला। ८ तर एनीगददा खालेसेन ‘गुरु’ भिसी थाभिगे। तिग्दा भिसम एनीगद ज्योज्यो आले हिन्ना। एनीगदला गुरु चा गिक जे मुला। ९ जम्बुलिडरी एनीगदसे खालेदान आबा थापाङ्गो। तिग्दा भिसम स्वर्गरी एनीगद जम्मालान आबा गिक जे मुला। १० ओच्छे एनीगददा खालेसेन ‘मालिक’ थाभिगे। तिग्दा भिसम एनीगद जम्मालान मालिक थार्बा पिन्बा खरीष्ट जे हिन्ना। ११ एनीगद न्हडला जुन म्हि घरेन मुला, थेस चा एनीगद जम्मालान सवा लतोःला। १२ ओच्छे जुन म्हिसे हराडसे हराडदान घरेन स्होला, थे म्हि चा जजा दोला। तर हराडसे हराडदान जजा स्होबा म्हि चा घरेन दोला। १३

१३ “परमेश्वरग्याम सजाय याङ्तोःबा यहूदी धर्मगुरुदेन फरिसीगद, एनीगद मी कप्टीगद हिन्ना। तिग्दा भिसम एनीगदसे म्हिगदला डाच्छा स्वर्ग यहुत्साला मराप दुडमुला। ओच्छे एनीगद हराडएनोन आनिमुला निबारी म्हाइबा म्हिदा एनोन निआपुङ्मुला।

१४ “परमेश्वरग्याम सजाय याङ्तोःबा यहूदी धर्मगुरुदेन फरिसीगद, एनीगद मी कप्टीगद हिन्ना। तिग्दा भिसम एनीगदसे हरम्बो सिबा मिरडम्हेमगदला दिमनाम ब्यन्मुला। ओच्छे म्हिदा उन्बाला लागिरी हरड्बा हरड्बा प्रार्थना लबा स्होमुला। थेतबासलमा

स्हान्दोगदसे भन्दा एनीगदसे ल्हाना सजाय याङ्गला। १५

१५ “परमेश्वरग्याम सजाय याङ्तोःबा यहूदी धर्मगुरुदेन फरिसीगद, एनीगद मी कप्टीगद हिन्ना। तिग्दा भिसम एनीगद गड स्याड थासी भरसे कोर्सी कोर्सी स्हान्दो म्हिदा हराडलान ग्यामरी भरपुङ्मुला। ओच्छे तिगे लसी स्हान्दो म्हि गिक एनीगददेन छ्याम द्विकजी भिसम एनीगदसे थे म्हिदा हराड भन्दा आज्यबा स्होसी नर्गरी नितोःबा म्हि स्होमुला।

१६ “स्हान्दोदा लोप्बा काना म्हिगद, एनीगदसे परमेश्वरग्याम गाते सजाय याङ्गला। एनीगदसे म्हिगददा लोप्बा धुडरी ‘परमेश्वरला मन्दिरला मिन किन्सी घरान फासेनोन तिगे आतमुला। तर परमेश्वरला मन्दिररी मुबा म्हरला मिन किन्सी घरान फाजी भिसम चा थे घरानसेन चमुला’ भिसी लोप्मुला। १७ मूर्ख कानागद, खजिबा चा घरेन? म्हरदा चोखो तना लबा परमेश्वरला मन्दिर घरेन कि म्हर घरेन? १८ ओच्छे ‘खाले म्हिसे बलि फुल्बा ग्गाला मिन किन्सी घरान फाजी भिसम तिगे आतमुला, तर थरी फुल्बा भेटीला मिन किन्सी घरान फाजी भिसम चा थे घरानसेन चमुला’ भिसीनोन एनीगदसे लोप्मुला। १९ कानागद, खजिबा चा घरेन हिन्ना। भेटीदा चोखो तना लबा ग्ला घरेन कि भेटी घरेन? २० थेतबासलमा च्यागो, परमेश्वरला मन्दिररी बलि फुल्बा ग्गाला मिन किन्सी घरान फाबा म्हिसे थथारी मुबा जम्मान स्होला मिन किन्सी घरान फाबा तला। २१ ओच्छे परमेश्वरला मन्दिरला मिन किन्सी घरान फाबासे थरी धन्छुयाबाला मिन किन्सी घरान फाबा तला। २२ थहरड लसीन स्वर्गला मिन किन्सी घरान फाबासे परमेश्वरला ठिदेन थथारी धन्छुयाबाला मिन किन्सी घरान फाबा तला। २३

११२३:८ खरीष्टियानगद न्हडरीनोन गुरुगद तखम्ता (याकूब ३:१; एफिसी ४:११)। तर खरीष्ट चा जम्मालान मुल गुरु हिन्ना।

११२३:९ येथुसे हराडला आबादा मान थालउ भिसी सुङ्बा आहिन। तर परमेश्वरदा पिन्तोःबा मान जम्बुलिडरी स्हान्दो म्हिदा थालउ भिबा हिन्ना।

११२३:१४ चु पदला ताम ल्हाना हरड्बा गरीक बाइबलरी भिरबा आर, कोइ कोइ बाइबलरी जे भिरबा मुला। चु ताम मर्कूस १२:४० स्होगा।

१२३:५ मत्ती ६:१; गन्ती १५:३८; व्यव ६:८

१२३:११ मत्ती २०:२६-२७; मर्कू ९:३५; लूका २२:२६

१२३:१२ लूका १४:११; १८:१४

१२३:२२ यशे ६६:१; मत्ती ५:३४

२३ “परमेश्वरग्याम सजाय याङ्तोःबा यहूदी धर्मगुरुदेन फरिसीगदे, एनीगदे मी कन्टीगदे हिन्ना। तिग्दा भिसम एनीगदेस बाबरीदेन साँप ओच्छे जिखला मो च्युइला मो गिक चा पिन्मुला। तर ठीक निसाफ, दयादेन विश्वासला बाररी परमेश्वरस मोशादा पिन्बा ठिमला मुल तामदा चा आङ्यान्मुला। तर एनीगदेस चु गे न्हीनोन लतोःबा मुबा। २२४ तर एनीगदेस भुसुना हरङ्बा जजा स्हे चा मराङ्बा, तर कँट हरङ्बा घरेन स्हेदा चा आम्राङ्बा, एनीगदे मी कानान हिन्ना। २२

२४ “परमेश्वरग्याम सजाय याङ्तोःबा यहूदी धर्मगुरुदेन फरिसीगदे, एनीगदे मी कन्टीगदे हिन्ना। एनीगदेस खोरदेन खार्बाला पाखापट्टि जे म्याप्मुला। तर न्हङ्पट्टि चा चीबुन थान्बा हरङ् लसी एनीगदेस हराङ्गला सेमरी लोभदेन म्हिदा ठगब लबा हरङ्बा नइबा ताम थान्मुला। २६ काना फरिसीगदे, डाच्छा खार्बादेन खोर न्हङ्पट्टि ज्यना लसी म्याप्गो। जमाहेन्से जे थे खार्बादेन खोर पाखापट्टि ज्यना लसी धाला।

२७ “परमेश्वरग्याम सजाय याङ्तोःबा यहूदी धर्मगुरुदेन फरिसीगदे, एनीगदे मी कन्टीगदे हिन्ना। एनीगदे तार सापरासे च्युर्सी थान्बा धुर्सा हरङ्बान मुला। थे धुर्साला पाखापट्टि च्यामा चा जेबा मराङ्मुला। तर न्हङ्गरी भिसम सिबा म्हिला नखरुदेन नइबा स्हेगदेस प्लिङ्बा मुला। २९ थहरङ् लसीन एनीगदे म्हिला आन्छाङ्गरी ‘ङनी परमेश्वरला डाच्छा ज्यबा म्हि हिन्ना’ भिसी भस्मुला। तर एनीगदेला सम चा छलकपट्टेन पापस प्लिङ्बा मुला।

२९ “परमेश्वरग्याम सजाय याङ्तोःबा यहूदी धर्मगुरुदेन फरिसीगदे, एनीगदे मी कन्टीगदे हिन्ना। तिग्दा भिसम एनीगदेस अगमवक्तागदेला धुर्सा स्होमुला, ओच्छे परमेश्वरला डाच्छा ज्यबा म्हिगदेला धुर्सा जेना लसी थान्मुला। ३० ओच्छे ‘ङन्ना आखे म्हेमेसे अगमवक्तागदेला साइबा धुइरी ङनीएनोन थेनीगदेदेन छ्याम मुबा हिन्सम थेनीगदेसे हरङ् चा ङन्से आलसला मुबा’ भिसी एनीगदेसे पाङ्मुला। ३१ एनीगदेसे

पाङ्बा चुहरङ्बा तामग्यामसेन एनीगदे अगमवक्तागदेला साइबागदेला सन्तान हिन्ना भिसी था तना लबा मुला। ३२ दाहेन्से एनीगदेला आखे म्हेमेसे शुरु लबा पाप गे एनीगदेसे पूरा लउ।

३३ “पुखरीदेन पुखरीला कोलागदे, नर्गरी नातोःबा दुखग्याम एनीगदे खाहरङ् लसी जागब तला? ३३४ थेतबासेलमा एनीगदेसे ङाला ताम ङ्यान्गो, दाहेन्से ङाइ अगमवक्तागदेदेन बुद्धि मुबा म्हिगदेला ओच्छे सत्य ताम लोप्बा धर्मगुरुगदे एनीगदे मुबा ग्तारी पुइखला। थेनीगदेला एनीगदेसे कोइदा साइला, कोइदा करूसरी टाँगब लसी साइला, कोइदा एनीगदे हरूप तबा दिमगदेरी भोर्सी कोर्से तोःला ओच्छे कोइदा शहर शहरग्याम ताप्ला। ३४ थेतबासेलमा परमेश्वरला डाच्छा ज्यबा म्हि हाबिलदा साइबा धुइहेन्से बेरक्याहला झा जकरियादा साइबा धुइधोना जम्बुलिङ्गरी मुबा जम्मान ज्यबा म्हिगदेला साइबा पापला दोष एनीगदेसेन नातोःला। एनीगदेसे बेरक्याहला झा जकरियादाएनोन परमेश्वरला मन्दिरदेन बलि फुल्बा ग्ताला गुङ्गरी साइजी। ३५ च्यागो, एनीगदेसे ङाला ताम ङ्यान्गो, चु जम्मान पापला सजाय दान्देलला म्हिगदेथोरीन खला।

यरुशलेमला म्हिगदे
मराङ्गी येशूदा दुख इहम्बा
लूका १३ :३४, ३५

३७ “यरुशलेमला म्हिगदे, एनीगदेसे अगमवक्तागदेला साइला ओच्छे परमेश्वरसे एनीगदे मुबा ग्तारी पुइखबागदेला युङ्बासे ताला। ङाइ एनीगदेला कोलागदेला नागा मामासे हराङ्गला कोलागदेला म्याप्से घप्पा हरङ् लसी पोप लबारी म्हाइमा एनीगदेसे आङ्यान्नी। ३८ थेतबासेलमा दाहेन्से परमेश्वरसे एनीगदेला शहर ख्दाला। ३९ ङाला ताम ङ्यान्गो, एनीगदेसे ‘परमपरमुला मिनरी फेखबादा मोलम याङ्बा म्हि’ आभितेधोना ङादा आम्राङ्ग।” ५

२३:२३ चु पदरी येशूसे चुहरङ्ग भिसी लोप्बारी छ्याइजी, फरिसीगदेसे जजाबा भुसुना हरङ्बा तामदा चा वास्ता लमुला, तर थेनीगदेसे परमेश्वरसे मोशादा पिन्बा ठिमरी मुबा घरेन तामदा चा तिगे वास्ता आलमुला।

२३:२३ लेवी २७ :३०

२३:२७ मुल २३ :३

२३:३३ मत्ती ३ :७ ; १२ :३४ ; लूका ३ :७

२३:३८ यर्मि २२ :५

२३:३९ मजन ११८ :२६

परमेश्वरला मन्दिर नाश तला

मर्कूस १३ :१-२ ; लूका २१ :५-६

१जमाहेन्स येशू परमेश्वरला
२४ मन्दिरग्याम थोन्सी फप्पारी छ्याइमा
थेला चेलागदे परमेश्वरला मन्दिरला दिमगदे
उन्बारी भिसी येशूला डामरी खजी। २तर येशूस
थनीगदेदा चुहरङ्ग भिसी सुङ्गी, “एनीगदेस
चु जम्मान मराड्बा मुला आहिन? च्यागो,
एनीगदेस डाला ताम ड्यान्गो, चु मन्दिरला
युड्बा गिकनोन बाँकी आचिना जम्मान फुप्ता”
भिसी सुङ्गी।

जम्बुलिङ नाश तबा धुइला चिनुगदे

मर्कूस १३ :३-१३ ; लूका २१ :७-१९

३जमाहेन्स येशू जैतून भिबा गडरी
धन्छ्याबा धुइरी, थला चेलागदे सुटुक्क खसी
“हराडसे सुड्बा चु तामगदे खाइमा तला?
ओच्छे हराड फप्सबा धुइदेन परमेश्वरसे
जम्बुलिङला जम्मान म्हिगदला निसाफ लबा
धुइरी साहरङ्गबा चिनु मराड्गला? डन्दा सुङ्गो”
भिसी भिजी।

४येशूस थनीगदेदा चुहरङ्ग भिसी सुङ्गी,
“एनीगदे हाशियार तसी चिउ, एनीगदेदा
खालेसेन झुक्याब थालगे। ५तिगदा भिसम
ल्हानान म्हिगदे डाला भिन किन्सी ‘डानोन
थार्बा पिन्बा खरीष्ट हिन्ना’ भिसी खला।
ओच्छे ल्हानान म्हिदा झुक्याब लला।
६एनीगदेस लडाइदेन लडाइला हल्लागदे
थेःला। तसेनोन एनीगदे थालोङ्गो, तिगदा
भिसम चु तनोन तोःबा हिन्ना। तर थनोन धुइरी
चा चु जम्बुलिङ नाश आत। ७तिगदा भिसम
म्हि झुलला बिरोधरी म्हि झुलनोन ओच्छे
झुल्साला बिरोधरी झुल्सा रेःला। चुहरङ्ग
तसी ग्ला ग्लारी अनिकाल तबादेन सङ्गुल
निला। ८चु जम्मान ताम मी कोला न्हसेला
मिरडम्हेमदा बेथासे थुर्बा हरङ्गबा जे हिन्ना।

९“थे धुइरी एनीगदेदा म्हिगदेस चुड्सी
दुख पिन्ना, ओच्छे साइला। थेहरङ्ग लसीन
डादा विश्वास लबास लमा एनीगदेदा जम्मान

झुलला म्हिगदेस हेला लला। १०थे धुइरी
ल्हानान म्हिगदेस डादा विश्वास लबा
खलाला। ओच्छे गिकसे स्थान्दादा चुड्सी
म्हिगदेला यारी जिम्मा पिन्बादेन हेला लला।
११थे धुइरी ल्हानान फटटा अगमवक्तागदे
थोन्सी ल्हानान म्हिगदेदा झुक्याब लला।
१२थेहरङ्ग लसीन पाप गे ल्हानान तसी निबास
लमा ल्हानान म्हिसे स्थान्दादा माया लबा
खलाबान निला। १३तर जस्तोन दुख तसेनोन
जुन म्हिसे हराड आसितधोना डादा विश्वास
लसीन चिला थसे थार्बा याङ्गला। १४ओच्छे
जम्बुलिङला जम्मान झुलला म्हिगदेस
परमेश्वरला झुल्साला समाचार थेःसी
जिन्माहेन्स जे नाश तबा धुइ खला।

लोड्बा खबा धुइ

मर्कूस १३ :१४-२३ ; लूका २१ :२०-२४

१५“थेतबासेलमा दानिएल अगमवक्तासे
पाड्बा हरङ्गनोन एनीगदेस परमेश्वरला
मन्दिरला चोखो ग्लारी नइबा खबा स्हे
मराड्गला।” चुला अर्थ पढब लबा म्हिसे धोगे।
१६“थे धुइरी यहदिया अञ्चलरी मुबा म्हिगदे
गडरीक्यार यार्गे। १७ओच्छे तलाथारी मुबा
म्हिगदे हराडला सामान किन्बारी मार फाप्सी
दिम न्हङ्गी थावाङ्गो। १८बु वारीरी मुबागदे
हराडला घ किन्बारी दोःसी दिमरी थानिउ।
१९थे धुइरी जिउ न्होला मिरडम्हेमदेन
कोलादा इहे खाबा आमागदेदा झन गाते
ल्हानान दुख तला! २०थेतबासेलमा खड्बा
लादेन बल्लबा न्हबा धिनकुनु यारआतोःगे
भिसी एनीगदेस प्रार्थना लउ। २१तिगदा भिसम
थे धुइरी तबा घरेन दुख जम्बुलिङ छ्यामाहेन्से
दान्दधोना तबा आर ओच्छे लिच्छ्याएनोन
खाइमे तसेला आर। २२थेहरङ्गबा दुखला धिन
परमेश्वरसे तुन्ना आलबा हिन्सम खालेसेन
थार्बा आयाङ्गसेला मुबा। तर परमेश्वरसे हराडसे
धम्बा म्हिगदेला लागिरी थे धिन तुन्ना लसी
पिन्ना।

२३“खालेसे एनीगदेदा ‘च्यागो, थार्बा
पिन्बा खरीष्ट चुरी मुला,’ अथवा थरी

*२४ :१६ ईश्वी संवत् ७० सालरी रोमी सिपाहीगदेस यरूशलेम शहर हराडला यारी किन्बा मन्दा
डाच्छे ल्हानान खरीष्टियानगदेदा येशूस हाशियार तना लबारी चु ताम सुड्बा हिन्ना। थे धुइरी
ल्हानान म्हिगदे यदेन स्याङ्गला स्यार झ्याङ्गपटटिला डकापालिस भिबा अञ्चलरी यार्जी।

२४ :९ मती १० :२२

२४ :१३ मती १० :२२

२४ :१५ दानि ९ :२७ ; ११ :३१ ; १२ :११

२४ :१८ लूका १७ :३१

२४ :२१ दानि १२ :१ ; उन्बा ७ :१४

मुला,' भिजी भिसम थनीगदेला ताम विश्वास थालउ। २४ तिग्दा भिसम फटटा खरीष्टगदेदन फटटा अगमवक्तागदे थोन्ना। ओच्छे थनीगदेसं खन्तधोना परमेश्वरसे धम्बा म्हिगदेदा झुक्याब लबाला लागिरी उदकला घरेन चिनुगदेदन उदकला गगदे लसी उन्ना। २५ च्यागो, चु ताम डाइ एनीगदेदा डाच्छेहन्सेन पाइसी पिन्बा मुला।

२६ "थेतबासलमा म्हिगदेस एनीगदेदा 'येशू तोडतोडबा ग्लारी मुला' भिजी भिसम, एनीगदे थरी थानिउ। ओच्छे च्यागो, येशू मी कोठा न्हडरी मुला' भिजी भिसैनोन एनीगदेसे थनीगदेला ताम विश्वास थालउ। २७ तिग्दा भिसम स्यारपट्टि तिप्तीड समा न्हुपधोना य्हाल तबा हरङ् लसी परमेश्वरसे पुइखबा म्हिणोन थहरङ् लसीन सला।^e

२८ "जुन ग्लारी सिबा जन्तु मुला थरी गिद्दागदे पोप तमुला।^f

परमेश्वरसे पुइखबा म्हि फेखबा धुइ

२९ "थहरङ्बा दुखला धिन खमैछ्याम, 'धिनीसे य्हाल पिन्बा ख्वाला ओच्छे लनीला य्हाल म्हाला। जमाहन्से मुला शक्तिगदे याड्योड तसी सुकर सार जम्मान ताइला।'^g

३० चुहरङ् तमाहन्से मुरी परमेश्वरसे पुइखबा म्हि खबान लबा चिनु गिक मराङ्गला। ओच्छे परमेश्वरसे पुइखबा म्हिदा स्वर्गला खसुरी शक्तिदन घरेन य्हाल य्हालरी खबा मराङ्गी जम्बुलिङरी मुबा जम्मान य्हालला म्हिगदे कराबा किरङ्बा लला।^h ३१ बिगुलला घरेन काइदेन छ्याम थेसे स्वर्गदूतगदेदा जम्बुलिङदेन मुला जम्मान ग्लारी पुइला। जमाहन्से थे स्वर्गदूतगदेसे परमेश्वरसे धम्बा जम्मान म्हिगदेदा ग्ला गिकरी पोप लला।

अञ्जीरला दोड च्यासी लोप्तो:बा ताम

मर्कूस १३:२८-३१; लूका २१:२९-३३

३२ "एनीगदेसे अञ्जीरला दोडदा च्यासी थंग्याम तिगे ताम लोप्पो। थला हाँगागदेरी

भा भुमैछ्याम छेप्बा छेबा ला वाङ्गी भिसी एनीगदेसे था याङ्मुला।ⁱ ३३ थहरङ् लसीन डाइ पाङ्बा जम्मान तामगदे तबा मराङ्माहन्से परमेश्वरसे पुइखबा म्हि खबा धिन खसी जिन्जी भिबा ताम एनीगदेसे था याङ्गो। ३४ च्यागो, एनीगदेसे डाला ताम ड्यान्गो, चु जम्मान ताम पूरा आतधोना दान्दला म्हिगदे आसि। ३५ मुदेन जम्बुलिङ म्हासी निसैनोन डाला बचन खाइमे आम्हा।

सदन होशियार तसी चिउ

मर्कूस १३:३२-३५; लूका

१२:३९-४०; १७:२६-२७, ३४-३५

३६ "थे दुखला धिनदेन धुइ खाइमा सला भिसी स्वर्गदूतदाएनोन था आरे ओच्छे डा परमेश्वरला झादाएनोन था आरे। थे ताम परमेश्वर आबादा जे था मुला। ३७ ओन्मा नोआला धुइरी तबा हरङ्गोन परमेश्वरसे पुइखबा म्हि दो:सी खबा धुइरीनोन तला। ३८ तिग्दा भिसम नाम खसी भाल बाढी खबा भन्दा डाच्छा नोआ पानी जहाजरी वाङ्बा धिनकुनुधोना म्हिगदे चबा थुङ्बादेन ब्याह लबान मुबा। ३९ ओच्छे नाम खसी भाल बाढीसे आभोर्तधोना थनीगदेसे तिग तला भिसी था आयाङ्नी। परमेश्वरसे पुइखबा म्हि समाएनोन थहरङ् तला। ४० थे धुइरी बु वारीरी ग लसी चिबा म्हि न्ही न्हडरी गिकदा भोर्ला गिकदा थरीन ख्वाला। ४१ थहरङ् लसीन हरान्दारी बरा स्याङ्सी चिबा मिरङ्महमे न्ही न्हडरी गिकदा भोर्ला, गिकदा थरी ख्वाला।

४२ "थेतबासलमा एनीगदे होशियार तसी छोर्सी चिउ। तिग्दा भिसम एनीगदेला परभु खाइमा सला भिबा ताम एनीगदेदा था आरे। ४३ तर एनीगदेसे चु तामएनोन था याङ्गो, दिमला म्हिसे य्हा खबा धुइ था याङ्गसम थे छोर्सी चिता, ओच्छे थेसे हराङ्गला दिम न्हडरी य्हा वाङ्आपुङ्। ४४ थेतबासलमा एनीगदेएनोन होशियार तसी छोर्सी चिउ। तिग्दा भिसम परमेश्वरसे पुइखबा म्हिणोन एनीगदेसे आम्हन्बा धुइरी सला।^k

२२४:२७ लूका १७:२३-२४ २२४:२८ लूका १७:३७

२२४:२९ येशू १३:१०; ३४:४; इज ३२:७; योए २:१०-३१; ३:१५; उन्बा ६:१२-१३

२२४:३० दानि ७:१३; जक १२:१०-१४; उन्बा १:७ २२४:३७ उत्प ६:५-८

२२४:३९ उत्प ७:६-२४ २२४:४४ लूका १२:३९-४०

ज्यबा गे लबा नोकरदेन नइबा गे लबा नोकर

लूका १२:४२-४६

४५ “दिमरी गे लबा बुदधि मुबादेन भर्तुंप्या म्हि खाल हिन्ना ? मालिकसे दिमला स्हान्दो नोकरगदेदा ठीक ठीक धुइरी चबा थुइबा ढिकना लसी पिन्बारी जिम्मा पिन्थान्जी।”
४६ मालिक दोःसी खबा धुइरीनोन थसे मालिकसे कुल्सी थान्बा हरइ लसी गे लबा मराइजी भिसम इनाम याइबा नोकर थेनोन हिन्ना।
४७ च्यागो, एनीगदेस डाला ताम ड्यान्गो, मालिकसे थेहरइबा नोकरदा हराइला जम्मान धन सम्पत्ति जिम्मा पिन्ना। ४८ तर थ नइबा नोकरसे ‘डाला मालिक योनान आख’ भिसी म्हन्सी, ४९ इहोइबा म्हिगदेदेन छुयाम चिसी चबा थुइबा लसी हराइदेन छुयामनोन गे लबा नोकरगदेदा तोबा ग्याइबा लजी भिसम, ५० थेला मालिक थसे आम्हन्बा धिनदेन धुइरी धोखला। ५१ जमाहेन्स मालिकसे थेदा ल्हानान सजाय पिन्सी कट्टी म्हिगदे मुबा ग्लारी भ्याइला। थरी चा जम्मान म्हिगदे स्वा करसी करसी कराबा किरइबा लसी चिला।”

मिरइकोला गोर च्युइ

१ येथसे अझ चुहरइ भिसी सुइजी,
२५ “स्वर्गला यहुत्सा चा गोर च्युइ मिरइकोलागदेला ताम हरइबान तला। थ गोर च्युइ मिरइकोलागदे हराइ हराइला नाइसल थोसी म्हाछारदा हरुप तबारी निजी। २ थ गोर च्युइ मिरइकोला न्हइरी गोर डा बुदधि मुबा, गोर डा बुदधि आरबा मुबा। ३-४ तिगदा भिसम बुदधि मुबागदेस चा नाइसलदेन छुयुगुएनोन भोर्सी निजी, तर बुदधि आरबास चा नाइसल जे भोर्सी निजी। ५ म्हाछार घइसी खबासे लमा थेनीगदे जम्मान छुप निजी।

६ “तर म्हुन गडसलरी म्हाछारदा स्याप्वारी खउ’ भिबा काइ थेःजी। ७ जमाहेन्से थेनीगदे जम्मान रेःसी हराइ हराइला नाइसल ठीक लजी। ८ ओच्छे बुदधि आरबा मिरइकोलागदेसे बुदधि मुबा मिरइकोलागदेदा ‘डन्ना नाइसल सिबारी छुयाइजी, एनीगदेला छुयुगु डन्दाएनोन जजाकी जजाकी पिन्तोःजी’ भिसी हरीजी। ९ तर बुदधि मुबा मिरइकोलागदेसे ‘डन्देन छुयाम मुबा छुयुगुसे य्हाइ जम्मादान आछ्यो तला।

बरु एनीगदे पसलरी निसी ग्लुसी भउ’ भिसी भिजी।

१० “तर थेनीगदे छुयुगु ग्लुबारी निमा म्हाछार धोखजी। ओच्छे डाच्छान ठीक तसी चिबागदे म्हाछारदेन छुयाम भोज चबारी दिम न्हइरी वाइजी। ओच्छे मराप दुइजी।

११ “छिन्नइ लिच्छा थ बुदधि आरबा मिरइकोलागदे खसी ‘परभु, परभु डन्दाएनोन मराप ठोइसी पिन्गो’ भिसी भिमा, १२ म्हाछारसे थेनीगदेदा ‘च्यागो, एनीगदेस डाला ताम ड्यान्गो, डाइ एनीगदेदा डांसबा आर’ भिसी जोहाब पिन्जी।”

१३ “थेतबासेलमा एनीगदे होशियार तसी चिउ। तिगदा भिसम डा खजिबा धिनदेन धुइरी खला भिबा ताम एनीगदेदा था आरे।

म्हरला डबलला उखान

लूका १९:११-२७

१४ “थे धुइरी परमेश्वरला यहुत्सा चुहरइबान तला, च्यागो, फ्युकपो म्हि गिक अर्गु यहुत्सारी निबा धुइरी हराइला नोकरगदेदा ड्याइसी हराइला धन सम्पत्तिगदे जिम्मा पिन्जी। १५ अर्गु यहुत्सारी निबा धुइरी थे फ्युकपो म्हिसे हराइला नोकरगदेसे तिग तिग गे लखम्मुला थे अन्छार गिकदा म्हरला डबल डा, गिकदा डबल न्ही, गिकदा डबल गिक पिन्सी निजी।

१६ “जमाहेन्से म्हरला डबल डा याइबा चा तुरुन्तन निजी। ओच्छे व्यापार लसी अर्गु म्हरला डबल डा स्हाजी। १७ थेहरइ लसीन म्हरला डबल न्ही याइबासेनोन अर्गु म्हरला डबल न्ही स्हाजी। १८ तर म्हरला डबल गिक याइबासे चा थे डबल भोर्सी स न्हइरी ल्हुसी थान्जी।

१९ “ल्हानान धिन लिच्छा थे नोकरगदेला मालिक खसी थेनीगदेदेन छुयाम हिसाब किताब म्हाइजी। २० जमाहेन्से म्हरला डबल डा याइबा नोकर खसी ‘मालिक, हराइसे डादा पिन्बा डबल डाग्याम डाइ अर्गु डबल डा स्होबा मुला, चु किन्गो’ भिसी भिमा, २१ मालिकसे थेदा ‘स्याबास ज्यबा नोकर, एसे जजा तामरी विश्वास उन्जी। थेतबासेलमा दाहेन्से डाइ एदा ल्हानान तामगदे जिम्मा पिन्ना। दाहेन्से ए डादेन छुयाम ताइसी गे लउ’ भिसी भिजी।

२२ “जमाहेन्से म्हरला डबल न्ही याडबा नोकरएनोन खसी भालिक, हराडसे डादा पिन्बा म्हरला डबल न्हीग्याम डाइ अर्गु म्हरला डबल न्ही स्होबा मुला, चु किन्ना” भिसी भिमा, २३ थदाएनोन मालिकसे स्याबास ज्यबा नोकर, एसनोन जजा तामरी विश्वास उन्जी। थतबासलमा एदाएनोन डाइ ल्हानान तामगद जिम्मा पिन्ना। दाहेन्से एएनोन डादेन छ्याम ताड्सी ग लउ” भिसी भिजी।

२४ “थहरड लसीन म्हरला डबल गिक याडबा नोकरएनोन खसी भालिक, हराड तिगे आदवबा ग्ताग्याम बाली दुइबारी म्हाइबादेन तिगे आह्याप्रा ग्लारी पोप लबारी म्हाइबा खरो म्हि हिन्ना भिबा ताम डादा था मुबा। २५ थतबासलमा लोड्सी हराडसे डादा पिन्बा म्हरला डबल डाइ स न्हडरी ल्हूसी थान्जी। दाहेन्से हराडला चु डबल किन्ना” भिसी भिजी।

२६ “जमाहेन्से मालिकसे थदा ब्लेगु गे आखेल्बा नोकर, डाइ तिगे आदवना बाली दुइबारी म्हाइबादेन तिगे आह्याप्रा ग्ताग्याम पोप लबारी म्हाइमुला भिबा ताम एदा था मुबा हिन्सम, २७ एस डाइ पिन्बा डबल बैकरी थान्तोःबा मुबा, एस बैकरी थान्बा हिन्सम डाइ दोःसी ब्याजदेन थ डबल किन्म्याडसला” भिसी भिजी।

२८ “जमाहेन्से मालिकसे थ म्हरला डबल थग्याम व्यन्सी डबल च्युइ मुबा म्हिदा पिन्ना। २९ तिगदा भिसम जुन म्हिदेन छ्याम मुला थदा अर्गुएनोन पिन्ना। जमाहेन्से थदेन छ्याम झन ल्हानान तला। तर जुन म्हिदेन छ्याम आर थदेन छ्याम मुबा जजाकीएनोन थग्याम व्यन्ना। ३० दाहेन्से थ गे आखेल्बा नोकरदा मडग्यार धोपधोप्रा ग्लारी भ्याड्यो। थरी म्हिगदे स्वा करसी कराबा किरड्बा लला।”

निसाफ लबा धिन

३१ “परमेश्वरसे पुइखबा म्हि य्हाल य्हाल्बा शक्तिरी स्वर्गदूतगदेन छ्याम खसी हराडला ठिरी शक्तिशाली ग्ले दोसी धन्छ्याला। ३२ थ

धुइरी जम्बुलिडरी मुबा जम्मान य्हुलला म्हिगदे डा मुबा ग्लारी पोप तला। जमाहेन्से गाठालोसे रादेन ग्युदा फबा हरड लसी थसोन थ म्हिगदेदा फला। ३३ थहरड लसी फमाहेन्से डाइ रादा देबरपट्टि थान्ना। ओच्छे ग्युदा चा दाहिनपट्टि थान्ना।

३४ “जमाहेन्से डाइ हराडला दाहिनपट्टि मुबा म्हिगदेदा चुहरड भिसी भिला, डाला आबा परमेश्वरग्याम मोलम याड्बा म्हिगदे! जम्बुलिड छ्यामाहेन्सेन एनीगदेला लागिरी स्होसी थान्बा य्हुत्सारी खसी चिउ। ३५ तिगदा भिसम डा खरेन्बा फुइबा धुइरी एनीगदेसे डादा चबा थुड्बा पिन्जी। डा विदेशी तसेनोन एनीगदेसे डादा हराडला दिमरी चिपुड्जी। ३६ ओच्छे डाइ क्वान क्वानआम्याड्बा धुइरी एनीगदेसे डादा क्वान पिन्जी। डा आखम्बा धुइरी एनीगदेसे डादा च्याजी, डा झ्यात्सानरी परब तमा एनीगदे डादा स्याप्यारी खजी।”

३७ “चुहरड्बा ताम थेःसी परमेश्वरसे कुल्बा ताम झ्यान्बा म्हिगदेसे थदा चुहरड भिसी झयोइला, “परमु, डन्से हराडदा खाइमा खरेन्बा फुइबा मराड्सी चबा थुड्बा पिन्जी? ३८ ओच्छे डन्से हराडदा खाइमा विदेशी भिसी डन्ना दिमरी स्हूपुड्जी, ओच्छे खाइमा हराडसे क्वानआम्याड्बा मराड्सी डन्से हराडदा क्वान पिन्जी। ३९ हराड आखम्बा खाइमा मराड्सी डन्से हराडदा च्याजी? खाइमा हराड झ्यात्सानरी परब तबा मराड्सी डनी हराडदा स्याप्यारी खजी?”

४० “जमाहेन्से डाइ थनीगदेदा एनीगदेसे डाला ताम झ्यान्ना, चु डाला आलेगदे न्हडला जम्मान भन्दा जजा आले गिकदा एनीगदेसे जे लबा मुबा थ डालान लागिरी लबा हिन्ना” भिसी भिला।

४१ “दोःसी डाइ हराडला देबरपट्टि मुबा म्हिगदेदा चा चुहरड भिसी भिला, “नाश तसी निबा म्हिगदे, दाहेन्से एनीगदे शैतानदेन थेला दूतगदेला लागिरी स्होबा खाइमे आसिबा मेरी निउ! ४२ तिगदा भिसम डा खरेन्बा फुइबा धुइरी एनीगदेसे डादा चबा थुड्बा आपिन्नी। ४३ डा

१२५ :२९ चु उखानान अर्थ चा खाले म्हिसे परमेश्वरग्याम तिगे मोलम याड्बा मुसम थदा पुरान चलब लतोःला, चुहरड लसी चलब लमा थदेन छ्याम मुबा मोलम बढब तबान निला। तर थस थ मोलम चलब आलनी भिसम याड्बा मोलमएनोन म्हासी निला।

१२५ :२९ मत्ती १३ :१२ ; मर्कू ४ :२५ ; लूका ८ :१८

०२५ :३० मत्ती ८ :३२ ; २२ :३३ ; लूका १३ :२८ १२५ :३१ मत्ती १६ :२७ ; १९ :२८

विदेशी मुमा एनीगदसे डादा एनीगदला दिमरी चिआपुङ्गनी। डाइ क्वान क्वान्आम्याडमा एनीगदसे डादा क्वान आपिन्नी। डा आखम्बा धुइरी एनीगदसे डादा आच्यानी। ओच्छे डा झ्याल्खानरी परब तबा धुइरी एनीगद डादा स्याप्वारी आखनी।

४४ “जमाहन्स थनीगदसेनोन परभु, खाइमा डन्स हराड खरन्बा फुइबादेन विदेशी, क्वान क्वान्आम्याडबा, आखम्बा ओच्छे झ्याल्खानरी परब तबा मराडसीनोन हराडला वास्ता आलनी ?” भिसी इयाइला।

४५ “जमाहन्स डाइ थनीगददा एनीगदसे डाला ताम इयान्गो, चु डाला आलेगद न्हडला जम्मान मन्दा जजा आलेदा एनीगदसे वास्ता आलवान डादा वास्ता आलवा हिन्ना” भिसी भिला।

४६ “थतबासेलमा परमेश्वरसे कुल्बा ताम आइयान्बा म्हिगदसे चा जुकजुकधोनान सजाय याडला। तर परमेश्वरसे कुल्बा ताम इयान्बा म्हिगदसे चा जुकजुकधोनाला जुनी याडला।” ५

येशूदा साइबारी म्हाइबा

मर्कूस १४ :१-२ ; लूका

२२ :१-२ ; यूहन्ना ११ :४५-५३

१ चु जम्मान ताम सुडसी जिन्माहेन्स
२६ येशूस हराडला चेलागददा चुहरड भिसी सुङ्गी, २ “मिशर ग्हुत्साग्याम फसी खबा धिनदा ढन्सी धडबा चाड खबारी न्हीर जे मुला भिबा ताम एनीगददा थानोन मुला। थनोन धुइरी परमेश्वरसे पुइखबा म्हिदा करुसरी टांगब लबारी चुडसी म्हिगददा जिम्मा पिन्ना।” १

३ थनोन धुइरी परमेश्वरला मन्दिररी पूजा लबा मुल म्हि कैयाफाला दिमरी यहूदो गन्बागददेन परमेश्वरला मन्दिररी पूजा लबा मुल म्हिगद हारुप तजी। ४ ओच्छे थनीगदसे येशूदा साहरड लसी सालेदा था आयाङ्ना साइबा भिसी हराड हराड न्हडरी सल्लाह लजी। ५ तर थनीगदसे “ग्हाडला चाडला धुइरी चा चुडबारी आत। चाडला धुइरी चुङ्गी भिसम म्हिगदसे हुल दडगा लला” भिसी भिजी।

मिरडम्हेम गिकसे येशूला थोबारी अत्तर फोर्बा
मर्कूस १४ :३-९ ; यूहन्ना १२ :१-८

६ येशू बथानिया भिबा नाम्साला कोर खबा सिमानला दिमरी फस्खजी। ७ सोल छुयोइवान लबा धुइरी मिरडम्हेम गिक सिङ्गमरमरला ताडरी ल्हानान महंगो अत्तर भसी येशू मुबा ग्लारी खजी। ओच्छे थस थ अत्तर येशूला थोबारी युजी। ८

९ चुहरड लबा मराडसी येशूला चेलागद बोमा खसी “चुहरडबा महंगो अत्तर तिग्दा ओहरडनोन खरो म्याडबा ? १ बरु चु अत्तर चुडसी खबा टाडगा पराडबोगददा पिन्बा हिन्सै तस मुबा” भिसी हराड हराड न्हडरी ताम लजी।

१० येशूसे चु ताम था याडसी थनीगददा चुहरड भिसी सुङ्गी, “एनीगदसे तिग्दा चु मिरडम्हेमेदा कचकच लबा ? चुसे मी डाला लागिरी ज्यबा गे लबा मुला। ११ तिग्दा भिसम पराडबोगद मी सदन एनीगददेन छुयाम तला। तर डा मी एनीगददेन छुयाम सदन आत। १२ चुसे डाला सिबा ल्हुइ धुसारी थान्बाला लागिरी डा सिबा मन्दा डाच्छान डाला थोबारी चु अत्तर युसी ठीक लबा मुला। १३ च्यागो, एनीगदसे डाला ताम इयान्गो, जम्बुलिडला जुन जुन ग्लारी थोर्बा पिन्बा समाचार थःना लला, थ, थ ग्लारी चु मिरडम्हेमसे लबा गे ढन्बाला लागिरी थला ताम लला।”

येशूदा धोका पिन्बा

मर्कूस १४ :१०-११ ; लूका २२ :३-६

१४ जमाहेन्स येशूला च्युक न्ही चेलागद न्हडला यहूदा इस्करियोत भिबा चेला गिक परमेश्वरला मन्दिररी पूजा लबा मुल म्हिगद मुबा ग्लारी निजी। १५ ओच्छे थस थनीगददा “चुदे डाइ येशूदा चुडसी हराडनीदा जिम्मा पिन्सम हराडनीसे डादा तिग पिन्ना ?” भिसी इयोइमा, थनीगदसे यहूदा इस्करियोतदा बोगल गिकसे च्युइ म्हुइला डबल पिन्ना भिसी पिन्जी। १६ जमाकुनुहेन्स यहूदा इस्करियोतसे येशूदा चुडसी पिन्बाला लागिरी दाउ च्यासी भरजी।

येशूस भोज तयार लउ भिसी कुल्बा

मर्कुस १४ :१२-२५ ; लूका

२२ :७-१३ ; यूहन्ना १३ :२१-३०

१७ खमीर आयुना गड चसी धडबा चाडला शुर्ला धिनकुनु चलागदे यशु मुबा ग्लारी खसी "हराडला लागिरी डन्स मिशर यहुत्साग्याम फसी खबा धिनदा दन्सी धडबा चाडला भोज खानड ठीक लउ ?" भिसी ड्योइजी ।

१८ येशूस चलागदेदा चुहरड भिसी कुल्जी, "एनीगदे शहरी म्हि गिक मुबा ग्लारी निसी थे म्हिदा 'डा सिबा धुइ तसी जिन्बा मुला । थेतबासलमा डाइ हराडला चलागदेदेन छ्याम चिसी एला दिमरी मिशर यहुत्साग्याम फसी खबा धिनदा दन्सी धडबा चाड धडबा सम मुला, भिसी गुरुसे सुडबा मुला' भिसी पाङ्गो ।" १९ जमाहेन्स येशूस कुल्बा अन्छारनोन चलागदेसे मिशर यहुत्साग्याम फसी खबा धिनदा दन्सी धडबा चाडला भोज ठीक लजी ।

२० ड्यसे तमाहेन्स येशु हराडला च्युक न्ही चलागदेदेन छ्यामनोन भोज छ्योइबारी धन्छयाजी । २१ जमाहेन्स भोज छ्योइबान लबा धुइरी येशूस चलागदेदा "च्यागो, एनीगदेसे डाला ताम डयान्गो, एनीगदे न्हडलान गिकसे डादा म्हिगदला यारी जिम्मा पिन्ना" भिसी सुङ्गी ।

२२ जमाहेन्स ल्हानान दुख डहम्सी चलागदे जम्मासेन येशुदा "परभु, थे म्हि डानोन हिन्ना ?" भिसी पाला पाला लसी ड्योइबारी छ्याइजी ।

२३ ओच्छे येशूस थेनीगदेदा चुहरड भिसी सुङ्गी, "च्यागो, जुन म्हिसे साबारी डादेन छ्याम गड तुइसी चमुला, थनोन म्हिसे डादा चुङ्गी पिन्ना । २४ परमेश्वरला बचनरी भिरबा हरडनोन परमेश्वरसे पुइखबा म्हि मी सिनोन तोःला । तर जुन म्हिसे परमेश्वरसे पुइखबा म्हिदा चुङ्गी म्हिला यारी जिम्मा पिन्ना, थेसे परमेश्वरग्याम साहरडबा लोडबा खबा सजाय याडला । वरु थे मी न्हनोन आन्हवा हिन्सम ज्यबा तसेला मुबा" भिसी सुङ्गी ।

२५ येशुदा चुङ्गी पिन्बारी म्हाइबा यहूदासेनोन येशुदा "गुरु, थे म्हि डानोन हिन्ना ?" भिसी ड्योइजी ।

जमाहेन्स येशूस थेदा "थे ताम मी ऐसन पाङ्गी" भिसी सुङ्गी ।

परभु भोजला शुरु

मर्कुस १४ :२२-२६ ; लूका

२२ :१४-२३ ; १ कोरिन्थी ११ :२३-२५

२६ थेनीगदे भोज चबान लबा धुइरी येशूस गड थोसी परमेश्वरदा धन्यवाद पिन्जी । ओच्छे थे गड क्युइसी चलागदेदा "ना ! चु चउ, चु डाला ल्हुइ हिन्ना" भिसी सुङ्गी ।

२७ जमाहेन्स येशूस खोरी मुबा अङ्गुरला निङ्गु थोसी परमेश्वरदा धन्यवाद पिन्सी, चलागदेदा चुहरड भिसी सुङ्गी, "ना ! एनीगदे जम्मासेन चु थुङ्गो । २८ तिगदा भिसम एनीगदेसे थुडबा चु निङ्गु डाला का हिन्ना । चु का एनीगदेदेन छ्याम लबा छार ऋबुल हिन्ना । चुनोन का ल्हानान म्हिला पापला दोष मेटव लबाला लागिरी बगव तला । २९ तर एनीगदेसे डाला ताम डयान्गो, एनीगदेदेन छ्याम डाला आबाला यहुत्सारी छार अङ्गुरला निङ्गु थुडबा धिन आखतधोना डाइ चु निङ्गु आथुङ्ग ।"

३० जमाहेन्स परमेश्वरदा धन्यवादला व्हाइ गिक गोसी येशु हराडला चलागदेदेन छ्याम थे ग्लाग्याम जेतून भिबा गडरीक्यार फर्जी ।

पतरुससे येशुदा खताला भिसी पाङ्गा ताम

मर्कुस १४ :२७-३१ ; लूका

२२ :३१-३४ ; यूहन्ना १३ :३६-३८

३१ जमाहेन्स येशूस हराडला चलागदेदा चुहरड भिसी सुङ्गी, "तिनी म्हुनड एनीगदे जम्मासेन डादा खतासी याला । तिगदा भिसम परमेश्वरला बचनरी 'डाइ गोठालोदा साइला । ओच्छे ग्युगदे ससा बडबड तसी याला' भिसी भिरबा मुला । ३२ तर डादा सिबाग्याम सोना लमाहेन्स एनीगदे भन्दा डाच्छा डा गालीलरी निला ।" x

३२६ :२८ ल्हानान हरडबा बाइबलरी "छार" भिसी भिरबा ओर ।

२२६ :२३ भजन ४१ :९

१२६ :२८ परस्थी २४ :८ ; यर्मि ३१ :३४

२२६ :३१ जक १३ :७

२२६ :३२ मती २६ :१६

३३ थनोन धुइरी पतरुससे येशूदा “हराडदा थहरड लमा जम्मासन रूनासी यासैनोन डाइ हराडदा खाइमै आरूला” भिसी भिजी।

३४ जमाहेन्से येशूसे पतरुसदा “च्यागो, एसे डाला ताम ड्यान्गो। तिनी म्हुनड नागा कराबा भन्दा डाच्छा एसे सोमरमधाना ‘डाइ येशूदा डोसबान आर’ भिसी पाडूला” भिसी सुडूजी।

३५ दोःसी पतरुससे येशूदा “डा हराडदेन छुयाम सितोःसेनोन डाइ हराडदा आरूला” भिसी भिजी। ओच्छे स्थान्दो चलागदेसनोन थहरडनोन भिजी।

गेतसमनी भिबा ग्लारी येशूसे लबा प्रार्थना

मर्कुस १४ :३२-४२; लूका २२ :३९-४६

३६ जमाहेन्से येशू हराडला चलागदेदेन छुयाम गेतसमनी भिबा ग्लारी फेप्जी। ओच्छे चलागदेदा “एनीगदे चुरीन चिउ, डा चा जजाकी क्याथाड निसी प्रार्थना लला” भिसी सुडूसी।
३७ येशूसे पतरुसदेन जब्दियाला झा न्हीदा हराडदेन छुयामनोन भोर्सी फेप्जी। ओच्छे थदा ल्हानान सुर्दा तसी समरी दुख तबारी छुयाइजी।
३८ जमाहेन्से येशूसे थनीगदेदा “डाला सम करोसी डा सिबा तबान तबा मुला। थतबासेलमा एनीगदे चुरीन डा हरड लसी छोर्सी चिउ” भिसी सुडूजी।

३९ ओच्छे येशू चा जजाकी क्याथाड फेप्सी सरी रूतुप तसी “आबा डथारी खबारी छुयाइबा चु दुख तसम डादा नाआपुडगो। तर डाइ म्हुन्बा अन्डार आहिन, हराडसे म्हुन्बा अन्डार तगे” भिसी प्रार्थना लजी।

४० जमाहेन्से येशू चेला सोम मुबा ग्लारी दोःसी फेप्समा थनीगदे म्हेर्सी चिबा मराडसी येशूसे पतरुसदा चुहरड भिसी सुडूजी, “एनीगदे डादेन छुयाम घण्टा गिक सुते छोर्सी चिआखम्नी? ४१ दाहेन्से एनीगदे पापरी फसब आतबाला लागिरी छोर्सी प्रार्थना लसी चिउ। च्यागो, एनीगदेला आत्मा मी तयार मुला, तर ल्हुइ चा कमजोर मुला।”

४२ दोःसीनोन येशू डाच्छाला ग्लारीन फेप्सी “आबा चु दुख डाइ नानोन तोःबा हिन्सम हराडसे म्हुन्बा हरडनोन तगे” भिसी प्रार्थना लजी।

४३ ओच्छे चलागदे मुबा ग्लारी दोःसी फेप्समा चलागदे म्हेर्सी चिबा स्याप्जी। म्हेर्बा खबासे लमा थनीगदेसे मीनोन ठोडआखम्नी।
४४ थतबासेलमा येशूसे थनीगदेदा थरीन रूनासी

सोमरेमला पालोरी डाच्छाला ग्लारीन फेप्सी डाच्छाला हरड लसीन प्रार्थना लजी।

४५ जमाहेन्से येशू चलागदे मुबा ग्लारी फेप्ससी थनीगदेदा चुहरड भिसी सुडूजी, “अझन एनीगदे म्हेर्सी ब्रतप्पा न्हबान मुला? च्यागो, परमेश्वरसे पुइखबा म्हुइदा चुडूसी पापीगदला यारी जिम्मा पिन्बा धुइ खसी जिन्बा मुला। ४६ रेःगो, निइ! च्यागो, डादा स्थान्दोला यारी जिम्मा पिन्बा म्हु खसी जिन्बा मुला।”

येशूदा चुडूबा

मर्कुस १४ :४३-५०; लूका

२२ :४७-५३; य्हन्ना १८ :३-१२

४७ येशूसे चु ताम सुडूबान लबा धुइरी च्युक न्ही चेला न्हडला यहूदा इस्करियात भिबा चेलादेन छुयाम कडीदेन तरवार थोबा म्हुइला हुल धोखजी। थनीगदेदा परमेश्वरला मन्दररी पूजा लबा मुल म्हुइदेन यहूदी गन्बागदेसे पुइखमुबा।
४८ येशूदा चुडूबारी खबा म्हुइगदेदा यहूदासे “जुन म्हुइदा डाइ च्योक लला थनोन येशू हिन्ना, थदान चुडूगो” भिसी डाच्छान पाडूबा मुबा।

४९ येशू मुबा ग्लारी धोमैछुयाम यहूदासे “लास्सो, फ्याफुल्ला गुरु” भिसी येशूदा च्योक लजी।

५० जमाहेन्से येशूसे थदा “यहूदा, ए तिग लबारी खबा लउ” भिसी सुडूमाहेन्से कडी तरवार पुइसी खबा म्हुइगदेसे येशूदा चुडूसी खोसी भोर्जी। ५१ येशूदेन छुयाम मुबा चलागदे न्हडला गिकसे हराडला तरवार तेःसी परमेश्वरला मन्दररी पूजा लबा मुल म्हुइला नोकरला नाब्यड चाटटन थोर्जी।

५२ थ चेलादा येशूसे चुहरड भिसी सुडूजी, “एला तरवार स्युबारी झाडूगो। तिगदा भिसम तरवार थोबा जम्मान म्हुइदा तरवारसन ताम्सी नाश लला। ५३ चुदे डाइ डाला आबादा पाडूबा हिन्सम डादा जागब लबारी डाला आबासे च्युक न्ही भन्दा ल्हानान स्वर्गदूतगदेला हुल तुरुन्तन पुइखसे मुबा। चु ताम दान्देधोना एसे थोबा आर? ५४ तर डाइ चुहरड लबा हिन्सम परमेश्वरला बचनरी चुहरड तनोन तला भिसी भिरबा ताम खाहरड लसी पूरा तला?”

५५ जमाहेन्से येशूसे हराडदा चुडूबारी खबा म्हुइला हुलदा चुहरड भिसी सुडूजी, “एनीगदे तिगदा यहूदा चुडूबारी खबा हरड लसी कडी तरवार थोसी खबा? खाइ, डाइ म्हुइगदेदा

धिन धिननोन परमेश्वरला मन्दिररी लोप्सी चिबा धुइरी एनीगदसे डादा आचुडनी। ५६तर अगमवक्तागदसे परमेश्वरला बचनरी भिरबा अन्धार पूरा तगै भिसीन चुहरड तबा हिन्ना।” जमाहेन्से जम्मान चेलागदसे यशूदा ख्लासी यार्जी।

येशूदा यहूदीगदला सभारी भोर्बा

मर्कूस १४ :५३-६५ ; लूका २२ :५४-५५,

६३-७१ ; यूहन्ना १८ :१३-१४, १९-२४

५७ जमाहेन्से येशूदा चुडबा म्हिगदसे येशूदा परमेश्वरला मन्दिररी पूजा लबा मुल म्हि कैयाफाला दिमरी भोर्जी। थरी यहूदी गन्बागददेन यहूदी धर्मगुरुगदेएनोन पोप तसी चिबा मुबा। ५८तर पतरूस चा थोरडग्यामसेन येशूदा च्याबान च्याबान थ पूजा लबा मुल म्हिला दिमला खराडगाधोनान निजी। जमाहेन्से येशूदा तिग लबा चीम भिसी पालेगददेन छ्याम चिसी च्याबारी छ्याइजी।

५९ परमेश्वरला मन्दिररी पूजा लबा मुल म्हिगददेन यहूदी सभाला जम्मान म्हिगदसे येशूदा साइबाला सजाय पिन्बाला लागिरी येशूला विरोधरी लुसीला ताम पाडबा म्हिगदे म्हाइजी। ६० चुहरड लसी ल्हानान म्हिगदसे येशूदा विरोध लबान लुसीला ताम पाडजी। तसेनोन थनीगदसे पाडबा ताम गिकनोन आदिकनी। जम्मान भन्दा लिच्छाला म्हिन्ही डाच्छापट्टि खसी, ६१ “च्यागा, चु म्हिसे ‘डाइ परमेश्वरला मन्दिरदा फुर्सी सामररीन स्होखम्ला’ भिसी पाडबा मुला” भिसी दोष लजी। ४

६२ जमाहेन्से परमेश्वरला मन्दिररी पूजा लबा मुल म्हि रःसी येशूदा “एसे तिगदा जोहाब आपिन्बा ? चु म्हिगदसे एला विरोधरी पाडबा तामला बाररी एदा तिगै पाडसेला आर ?” भिसी इयोइजी।

६३ तर येशूस तिगै जोहाब आलमाहेन्से परमेश्वरला मन्दिररी पूजा लबा मुल म्हिसे दोःसीनोन येशूदा “छोन्बो परमेश्वरला मिनरी घरान फासी इन्दा पाडगो। तिग ए परमेश्वरला झा थार्बा पिन्बा खरीष्टनोन हिन्ना ?” भिसी पाडमा,

६४ येशूस थदा “थे ताम मी हराडसेन सुडजी। तसेनोन दाहेन्से हराडनीसे परमेश्वरसे पुइखबा म्हिदा शक्तिशाली परमेश्वरला दाहिने छ्यापट्टि चिबादेन स्वर्गयाम खसुरी खबान लबा मराडला” भिसी सुडजी। १

६५ जमाहेन्से परमेश्वरला मन्दिररी पूजा लबा मुल म्हिसे हराडला वदान देबान, “चु म्हिसे परमेश्वरला विरोध लसी ताम पाडबा मुला। दाहेन्से य्हाडदा अर्गु परमाण तिगदा तोःजी ? हराडनीसे दान्दे चुसे हराडसे हराडदान परमेश्वर स्होसी पाडबा ताम य्हाडसे थःनोन थःजी। ६६ दाहेन्से हराडनीला तिग विचार मुला ?” भिसी इयोइमा, स्हान्दोगदसे “चु म्हि साइनोन तोःबा म्हि हिन्ना” भिसी भिजी। ७

६७ जमाहेन्से थ म्हिगदसे येशूला लीरी थो स्वाबा तोबा ग्याडबा लजी। ओच्छु कोइ कोइसे चा तोबान, ६८ “ए थार्बा पिन्बा खरीष्ट हिन्सम, लु, अगमवार्णी पाडगो। एदा खाल्से तोबा हिन्ना ?” भिसी पाडजी।

पतरूससे डाइ येशूदा डोसेबान आर भिसी पाडबा

मर्कूस १४ :६६-७२ ; लूका २२ :५६-६२ ;

यूहन्ना १८ :१५-१८, २५-२७

६९ थ धुइरी पतरूस खराडगारी मुबा। थदा मराडसी नोकरस्या गिक थ मुबा ग्लारी खसी, “एएनोन गालीलला येशूदेन छ्यामनोन मुबा आहिन ?” भिसी इयोइजी।

७० तर पतरूससे जम्मालान ओन्ध्राडरी “एसे खाल्ला ताम लबा, डादा तिगै था आर” भिसी, ७१ थ खराडगाला मरापरी निजी। थरीनोन थदा स्हान्दो नोकरस्या गिकसे मराडसी जम्मान म्हिगददा “चु म्हिएनोन नासरतला येशूदेन छ्यामनोन मुबा” भिसी पाडजी।

७२ दोःसी पतरूससे घरान फाबान, “डाइ थ म्हिदा डोसेबान आर” भिसी पाडजी।

७३ जजाकी लिच्छा थरी मुबा म्हिगदे पतरूसला डामरी खसी थदा “पक्कान एएनोन थनीगदे न्हडला गिक हिन्ना भिबा एला तामग्यामनोन था तजी” भिसी भिजी।

७४ जमाहेन्से पतरूससे “डाइ लुसीला ताम पाडबा हिन्सम परमेश्वरला सजाय डाथोरी खगे भिसी घरान फाबान डाइ थ म्हिदा डोसेबान आर” भिसी भिजी।

५२६ :५५ लूका १९ :४७ ; २१ :३७ २२६ :६१ यूह २ :१९ ३२६ :६४ दानि ७ :३३

७२६ :६६ लेवी २४ :१६ ७२६ :६७ यशै ५० :६

थेस थहरड् भिमैच्छायाम नागा कराजी।
७२ जमाहेन्स येशूस “च्यागो, नागा कराबा
मन्दा डाच्छा सोमरमधोना एस डादा
डासबान आर भिला” भिसी सुड्बा ताम
पतरुससं ढन्जी। थतबासलमा थ मड्ग्यार
निसी घ्याँ घ्याँ कराजी।

येशूदा पिलातसला डाच्छापट्टि भोर्बा

मर्कूस १५ : १ ; लूका २३ : १-२ ; यूहन्ना १८ : २८-३२

१२७ १स्व्होरीन परमेश्वरला मन्दिररी पूजा
लबा जम्मान मुल म्हिगदेदेन यहूदी
गन्बागदेस येशूदा साइनोन तोःला भिसी
सल्लाह लजी। २जमाहेन्स थनीगदेस येशूदा
खीसी पिलातस भिबा रोमी अञ्चलाधीश मुबा
ग्लारी भोर्सी जिम्मा पिन्जी।

यहूदा इस्करियोत च्योसी सिबा

मुल चेला १ : १८-१९

३येशूदा साइनोन तोःला भिसी पाड्बा ताम
येशूदा चुड्सी पिन्बा यहूदास थःजी। जमाहेन्स
थदा ल्हानान दुख डहम्सी थेस किन्बा बोगल
गिकसं च्युइ म्हड्इला डबल परमेश्वरला
मन्दिररी पूजा लबा मुल म्हिगदेदेन यहूदी
गन्बागदेदा दोःसी पिन्बारी सजी। ४ओच्छे
यहूदास थनीगदेदा “तिगे दोष आरबा म्हिदा
साइबाला लागिरी चुड्सी पिन्सी डाइ पाप गे
लबा मुला” भिसी भिमा, थनीगदेस यहूदादा
“डन्दा तिग मतलब ? एनोन सला” भिसी भिजी।
५जमाहेन्स यहूदास थ म्हड्इला डबल
परमेश्वरला मन्दिररीन म्याड्सी निजी, ओच्छे
थे च्योसी सिजी।

६तर परमेश्वरला मन्दिररी पूजा लबा
मुल म्हिगदेस चा थ डबल दुड्डी “चु डबल
परमेश्वरला मन्दिरला ढुकुटीरी थान्बा ठीक
आत। तिग्दा भिसम चु काला सय हिन्ना”
भिसी भिजी। ७थेतबासलमा थनीगदे हराड्
हराड् न्हड्डी सल्लाह लसी थे टाड्गासं अर्गु
य्हुल्साला सिबा म्हि ल्हुबारी कुमालेला वारी
ग्लुजी। ८थेतबासलमा दान्देधोनाएनोन थे
वारीदा काला वारी भिसी भिमुला। ९यर्मिया
अगमवक्तासं पाड्बा ताम चुहरड् लसी पूरा
तजी,

“थ म्हड्इला बोगल गिकसं च्युइ डबल परमेश्वरला
मन्दिररी पूजा लबा म्हिगदेस किन्जी।

थे डबल चा थेला सय हिन्ना भिसी इसराएलला
म्हिगदेस तोगब लबा मुबा। ८

१०जमाहेन्स परमेश्वरसं डादा कुल्बा अन्धार
थनीगदेस थनोन टाड्गासं कुमालेला बुग्लुजी। १”

येशूदा पिलातसला डाच्छापट्टि राप्पुड्बा

मर्कूस १५ : २-१५ ; लूका २३ : ३-५,

१३-२५ ; यूहन्ना १८ : ३३-१९ : ३६

११येशू अञ्चलाधीशला डाच्छापट्टि
राप्पाहेन्स अञ्चलाधीशसं “तिग ए
यहूदीगदला ग्ले हिन्ना ?” भिसी ड्योइमा,
येशूस थदा “थ मी हराड्सेन सुड्बा मुला” भिसी
जोहाब पिन्जी।

१२परमेश्वरला मन्दिररी पूजा लबा मुल
म्हिगदेदेन यहूदी गन्बागदेस येशूदा ल्हानान
दोष लजी। तसेनोन येशूस तिगे जोहाब आलनी।
१३जमाहेन्स पिलातस भिबा अञ्चलाधीशसं
येशूदा “थनीगदेस एला बिरोध लसी एदा
ल्हानान दोष लबान मुला, तिग एस थेःबा
आर ?” भिसी भिजी। १४तर येशूस थदा ताम
गिकलान जोहाब आपिन्नी। थेतबासलमा
अञ्चलाधीशएनोन उदेक तजी।

१५अञ्चलाधीशसं मिशर य्हुल्साग्याम
फेसी खबा धिनदा ढन्सी धड्बा चाड्ला धुड्डी
म्हिला हुलसं धम्बा ड्याल्सानरी मुबा म्हि
गिकदा पुइमुबा। १६थे धुड्डी जम्मान म्हिसं
डासबा बारब्बा भिबा आज्यबा गे लबा म्हि
गिक ड्याल्सानरी मुबा। १७थरी म्हिगद पोप
तमाहेन्स पिलातससं थनीगदेदा “डाइ खाल्दा
पुइगे भिबा एनीगदला संम मुला ? बारब्बादा
पुइगो कि थोर्बा पिन्बा खरीष्ट भिबा येशूदा
पुइगो ?” भिसी ड्योइजी। १८तिग्दा भिसम
थनीगदेस येशूला डाह लसी हराड् मुबा ग्लारी
भबा हिन्ना भिबा ताम पिलातसदा था मुबा।

१९पिलातस निसाफ लबा ग्लारीन मुबा धुड्डी
पिलातसला मिरड्सेसं “थ तिगे दोष आरबा म्हिदा
तिगे थालउ। तिग्दा भिसम तिनी म्हुनड् डाइ
थेला बाररी म्हड् मराड्डी डादा ल्हानान दुख
तबा मुला” भिसी खबर पुइजी।

२०तर परमेश्वरला मन्दिररी पूजा लबा मुल
म्हिगदेदेन यहूदी गन्बागदेस थरी मुबा म्हिला
हुलदा “बारब्बादा खलासी पिन्गो। ओच्छे
येशूदा चा साड्गो भिउ” भिसी पाड्पुड्जी।

२१ थेतबासलमा दोःसी अञ्जलाधीशसे थनीगदेदा “डाइ चु न्ही न्हङ्करी सजिबादा पुइगौ भिबा एनीगदेला सम मुला?” भिसी ड्योइमा, थनीगदेस “बारब्बादा पुइगो” भिसी भिजी।

२२ जमाहेन्स पिलातससे थनीगदेदा “थहरङ्क भिसम थाबा पिन्बा खरीष्ट भिबा येशूदा डाइ तिग लउ?” भिसी ड्योइमा, थनीगदे जम्मानस “चुदा करूसरी टाँगब लसी साइगो!” भिसी भिजी।

२३ पिलातससे “तिगदा? चुस थहरङ्कबा आञ्जबा गे तिग लबा मुला?” भिसी ड्योइजी।

तर थनीगदेस झन किरडबान, “चुदा करूसरी टाँगब लसी साइगो” भिसी भिजी।

२४ तिगै लसीन आसम्बा मराङ्कसी दाहेन्से झन हल्लनी खल्लनी तला भिसी पिलातस लोङ्गी। ओच्छे थसे जम्मान म्हेला डाच्छा या खरूसी “वु म्हेदा साइबासे लमा डाइ तिगै सजाय नाआतोःगे, थे सजाय एनीगदेसेन नागो” भिसी भिमा, २५ थरी मुबा जम्मान म्हेगदेस “चुदा साइबाला सजाय डन्देन डन्ना सन्तानसन नाला” भिसी जोहाब पिन्जी।

२६ जमाहेन्से पिलातससे बारब्बादा पुइजी। तर येशूदा चा कोरास तोसी करूसरी टाँगब लसी साइबाला लागिरी रोमी सिपाहीगदेदा जिम्मा पिन्जी।

सिपाहीगदेस येशूदा खिसी लबा

मर्कूस १५:३६-२०; यूहन्ना १९:२-३

२७ जमाहेन्स येशूदा सिपाहीगदेस अञ्जलाधीश चिबा दिमरी भोजी। ओच्छे जम्मान सिपाहीगदे येशूला क्युसीन पोप तजी। २८ जमाहेन्स येशूला क्वान स्युसी वाला क्वान क्वान्सी पिन्जी। २९ थनीगदेस पुजुला फटा स्होसी येशूदा थोइसी पिन्जी। ओच्छे येशूदा दाहिन छ्यारी माला कडी पिन्सी “लास्सा यहूदीगदेला ग्ले, फयाफुल्ला” भिसी फया लबा स्होसी येशूदा खिसी लजी। ३० ओच्छे थनीगदेस येशूदा थो स्वाबान थे माला कडीसे थोबारी तोजी। ३१ थहरङ्क लसी खिसी लमाहेन्से थनीगदेसे थे क्वान स्युसी पिन्जी। ओच्छे येशूदा थेलान क्वान क्वान्सी करूसरी टाँगब लसी साइबारी भोजी।

येशूदा करूसरी टाँगब लबा

मर्कूस १५:२१-३२; लूका

२३:२६-४३; यूहन्ना १९:१७-२४

३२ ग्यामरी निबान लमा थनीगदेस कुरनी भिबा ग्लाला सिमानदा खबान लबा स्याप्जी। जमाहेन्स थनीगदेस थे म्हेदा कर लसी येशूला करूस पुइपुइजी। ३३ ओच्छे थनीगदे गलगथा भिबा ग्लारी धोखजी। गलगथा भिबा चा “खप्परला ग्ला” हिन्ना। ३४ थरी धोखमाहेन्से थनीगदेस येशूदा अङ्गुरला निङ्गुरी कम्बा मान युसी पिन्जी। तर येशूसे थ निङ्गु म्हेदाइमाहेन्से आसोल्नी।^h

३५ थनीगदेस येशूदा करूसरी टाँगब लमाहेन्से चिट्ठा युसी हराङ्क हराङ्क न्हङ्करी येशूला क्वान भो लजी। ३६ जमाहेन्से थनीगदे थरीन चिसी येशूदा खरुङ्गी। ३७ ओच्छे थनीगदेसे “येशू यहूदीगदेला ग्ले” भिसी दोष उन्वा ताम भिरसी येशूला थोबोथारी करूसरी थान्जी। ३८ थनीगदेस येशूदा करूसरी टाँगब लबा धुइरी य्हो न्हीदाएनोन गिकदा दाहिनपट्टि गिकदा देबरपट्टि करूसरी टाँगब लजी।

३९ थे ग्याम निबा खबा म्हेगदेसनोन हराङ्क हराङ्कला थोबो य्होडबान येशूदा खिसी लबान, ४० “लु, परमेश्वरला मन्दिर फुप्सी दोःसी सोमररीन स्होला भिबा म्हे दान्द एसे हराङ्कसे हराङ्कदान जोगब लउ। ए परमेश्वरलान झा हिन्सम करूसग्याम मार फाप्पो” भिसी भिजी।^k

४१ जमाहेन्से परमेश्वरला मन्दिररी पूजा लबा मुल म्हेगदे, यहूदी धर्मगुरुदेन यहूदी गन्बागदेसनोन येशूदा खिसी लबान चुहरङ्क भिसी भिजी, ४२ “चुसे स्हान्दा म्हेदा चा जोगब लजी, तर हराङ्कसे हराङ्कदान चा जोगब लबारी आसम्नी। चु इसराएलीगदेला ग्ले आहिन! थे दान्देन करूसग्याम मार फाप्सी खगै। जमाहेन्से डन्से थदा विश्वास लला। ४३ चुसे परमेश्वरदा विश्वास लमुबा। ओच्छे ‘डा परमेश्वरलान झा हिन्ना’ भिसी भिमुबा। चुदे परमेश्वर चुदा मराङ्कसी ताङ्कबा मुसम परमेश्वरसेन चुदा जोगब लगे।”^l

१२७:२४ पिलातससे या खरुबाला अर्थ चा डाला तिगै दोष आर भिसी उन्बाला लागिरी हिन्ना।

१२७:२४ व्यव २१:६-९ १२७:३४ मजन ६९:२१ १२७:३५ मजन २२:१८

१२७:३९ मजन २२:१७; १०९:२५ १२७:४० मत्ती २६:६१; यूह २:१९ १२७:४३ मजन २२:८

४४ थेहरङ लसीन येशूदेन छ्यामनोन करूसरी टांगब लबा य्हागदसनोन येशूदा खिसी लजी।

येशू सिबा

मर्कूस १५ : ३३-४१ ; लूका

२३ : ४४-४९ ; यूहन्ना १९ : २८-३०

४५ जमाहेन्स धिनना बाहर बजेहेन्स तीन बजेधोना य्हुत्सा नाङनोन धोपधोप तजी। ४६ ओच्छे तीन बजेरीक्यार येशूस घरेन काइरी किरडबान, “इलोइ इलोइ लामा सबसथनी?” भिसी सुङ्जी। चुहरङ भिबा चा “डाता परमेश्वर, डाता परमेश्वर हराङसे डादा तिग्दा ख्लाबा?” भिबा हिन्ना।^१

४७ येशूला ताम थे:सी थरी राप्सी चिबागदे न्हङला कोइ कोइसे चा “चुसे मी एलियादा गा डयोइवा चीम” भिसी भिजी। ४८ जमाहेन्से थनीगदे न्हङला गिक चा तुरुन्तन यार्बान निसी अङगुरला कम्बा निङगुरी क्वानगेन ब्रुम्सी माला कडीरी खीसी येशूदा ख्वाजी। ४९ तर स्थान्दोगदसे चा “भरान्गो, भरान्गो, चुदा एलिया खसी जोगब लला वा? च्यागे” भिसी भिजी।

५० दो:सी येशू घरेन काइरी किरडङ्जी, जमाहेन्से येशूला सा निजी।

५१ थनीग धुइरी परमेश्वरला मन्दिररी मुबा पर्दा तोरहेन्स मारधोना हराङनोन देसी परख्त न्ही तजी। ओच्छे जम्बुलिङनान याङयोङ तसी पहरागदे फुङ्जी। ५२ जमाहेन्से धुसांगदे टोङ्जी, ओच्छे परमेश्वरला ल्हानान म्हिगदेदा सिबाग्याम सोना लजी। ५३ येशू सिबाग्याम सोना लमाहेन्से थनीगदे धुसांग्याम थान्सी परमेश्वरला शहर यरूशलमरी निजी। थनीगदेदा थरी ल्हानान म्हिगदेसे मराङ्जी।

५४ सङगुल खबादेन थरी तबा जम्मान ताम मराङ्सी येशूदा खरुङ्सी चिबा रोमी सिपाहीगदेदेन कप्तान ल्हानान लोङ्सी “पक्कान चु मी परमेश्वरला झानोन चीम” भिसी भिजी।

५५ थरी येशूदा गालीलहेन्सेन हरो लबान येशूदेन छ्याम छ्यामनोन खबा ल्हानान मिरडम्हेमगदसनोन थारङग्यामसेन च्यासी

चिबा मुबा। ५६ थनीगदे न्हङरी मरियम मग्दलिनी, याकूबदेन योसफला आमा मरियमदेन जब्दियाला मिरङएनोन मुबा।^२

येशूदा धुसारी थान्बा

मर्कूस १५ : ४२-४७ ; लूका

२३ : ५०-५६ ; यूहन्ना १९ : ३८-४२

५७ ड्यसे तमाहेन्से अरिमाथिया भिबा शहरला योसफ भिबा फ्युकपो म्हे गिक पिलातसे मुबा ग्लारी निजी। थेनोन येशूला चेला मुबा। ५८ पिलातसे मुबा ग्लारी धोमाहेन्से थेसे येशूला लास हरीजी। जमाहेन्से पिलातसेसे थदा येशूला लास भोर्पुङ्जी। ५९ जमाहेन्से योसफसे मलमलला सफा छार क्वानरी येशूला लास रिल्सी, ६० थेसे हराङलान लागिरी पहरारी ठवाइसी स्होबा छार धुसारी थान्जी। ओच्छे धुसाला मरापरी घरेन युङ्बा ब्जिङबान भसी थान्सी थे निजी। ६१ थे धुसाला डाच्छापट्टि मरियम मग्दलिनीदेन अगु मरियमएनोन चिबा मुबा।

सिपाहीगदेसे येशूला धुसा खरुङ्बा

६२ न्हङगरदङसे ब्रुत्पा न्हबा धिनकुनु परमेश्वरला मन्दिररी पूजा लबा मुल म्हिगदेदेन फरिसीगदे पिलातसे मुबा ग्लारी निजी। ६३ ओच्छे थनीगदेसे चुहरङ भिसी भिजी, “थ ठगसे सोबा धुइरी ‘डादा सिबाग्याम सोमरमाकुनु सोना लला’ भिसी भरबा ताम इन्दा था मुला। ६४ थतबासलमा सोमरमाधोना सिपाहीगदेदा धुसा खरुङपुङ्गो। आहिन्सम थला चेलागदे खसी थला लास य्हा लसी भोर्लो। ओच्छे ‘येशूदा सिबाग्याम सोना लजी’ भिसी म्हिगदेदा डाच्छाला भन्दा झन झुक्याब लसी भरला।”

६५ लु, थेहरङ भिसम “सिपाहीगदे भोर्सी ज्यना लसी धुसा खरुङपुङ्गो” भिसी पिलातसेसे थनीगदेदा भिजी।

६६ जमाहेन्से थनीगदे धुसारी निसी धुसाला मरापरी थान्बा युङ्बारी लाहा छाप लसी सिपाहीगदेदा खरुङपुङ्गी।

१२७ : ४६ भजन २२ : १

१२७ : ४८ भजन ६८ : २१

०२७ : ५१ प्रस्था २६ : ३१-३३

१२७ : ५६ लूका ८ : २-३

१२७ : ६३ मत्ती १६ : २१ ; १७ : २३ ; २० : १९ ; मर्कू ८ : ३१ ; ९ : ३१ ; लूका ९ : २२ ; १८ : ३१-३३

येशूदा सिबाग्याम सोना लबा

मर्कूस १६ :१-१० ; लूका

२४ :१-१२ ; यूहन्ना २० :१-१०

१५५. न्हा धिनना न्हङ्गरदङ्
२८ स्थानीन मरियम मग्दलिनीदेन
 स्थान्दा मरियम भिबा मिरडम्हेम न्ही येशूदा
 थान्बा धुर्सा च्याबारी निजी। २थेनोन धुडरी
 सङ्गुल सजी। तिग्दा भिसम स्वर्गग्याम
 परमपरभुला दूत गिक मार फार्सी धुर्साला
 मरापरी थान्बा युड्बा ब्लिङ्सी थेनोन
 युड्बाथोरी चिजी। ३थे स्वर्गदूतला ली धिनोला
 स्हर हरङ्बान थ्याल थ्याल्बा मुबा। ओच्छे
 थेला क्वान ग्लिङ् तेबान तार मुबा। ४थेदा
 मराङ्सी धुर्सा खरुङ्सी चिबा सिपाहीगदे
 लोङ्सी फितफित धर्सी सिबा तेबान तजी।

५तर स्वर्गदूतसे थे मिरडम्हेमगदेदा चुहरङ्
 भिसी भिजी, “एनीगदे थालोङ्गो, तिग्दा भिसम
 करुसरी टांगब लसी साइबा येशूदा एनीगदेसे
 म्हाइबान मुला भिबा ताम डादा था मुला।
 ६येशू चुरी आर, थेस सुड्बा हरङ्गोन थदा
 सिबाग्याम सोना लसी जिन्बा मुला। एनीगदेन
 खसी थेदा थान्बा ग्ला च्यागो। ७दाहेन्से
 एनीगदे याना निसी थेला चेलागदेदा येशूदा
 सिबाग्याम सोना लसी जिन्बा मुला। ओच्छे
 येशू एनीगदे भन्दा डाच्छा गालील अञ्चलरी
 फन्वान मुला। एनीगदेसे येशूदा थेरीन मराङ्गला
 भिसी पाङ्सी पिन्गो।”

८चुहरङ् तबा मराङ्सी थे मिरडम्हेमगदे
 लोङ्गी। तसेनोन स्वर्गदूतला ताम थेसी
 थेनीगदे ल्हानान ताङ्सी येशूला चेलागदेदा थे
 ताम पाङ्बारी धुर्साग्याम थोन्सी यार्बान निजी।

९थे मिरडम्हेमगदे ग्यामरी निबान लमा
 तिकसुरीन येशूस स्याप्सी “एनीगदेदा शान्ति
 तगे” भिसी सुड्माहेन्से थेनीगदेसे येशूला
 स्थाप चुङ्सी फया लजी। १०जमाहेन्से येशूस
 थेनीगदेदा “एनीगदे थालोङ्गो, डाला आलेगदे
 मुबा ग्लारी निसी थेनीगदेदा गालील अञ्चलरी
 निउ भिउ, थेनीगदेसे डादा थेरीन स्याप्ला भिसी
 पाङ्सी पिन्गो” भिसी सुङ्गी।

धुर्सा खरुङ्बा सिपाहीगदेसे पाङ्बा ताम

११थे मिरडम्हेमगदे धुर्साग्याम निमाहेन्से
 धुर्सा खरुङ्सी चिबा सिपाहीगदे न्हङ्गला कोइ

कोइ सिपाहीगदे शहररी निसी परमेश्वरला
 मन्दिररी पूजा लबा मुल म्हिगदेदा थे धुर्सारी
 तिग तिग तबा मुबा, थे ताम पाङ्सी पिन्गी।
 १२जमाहेन्से पूजा लबा मुल म्हिगदेदेन यहूदी
 गन्बागदे हरुप तसी थेनीगदे न्हङ्गी सल्लाह
 लसी सिपाहीगदेदा ल्हानान टाङ्गा पिन्सी
 चुहरङ् भिसी भिजी, १३ “एनीगदेसे ‘डनी म्हुनङ्
 म्हुर्बा धुडरी थेला चेलागदे खसी थेला लास थ्यो
 लसी भार्जीम’ भिसी पाङ्गो। १४तिगे लसी चु
 ताम अञ्चलाधोशसे था याङ्गी भिसे डन्से
 थेदा ताङ्ना लसी एनीगदेदा तिगे लआपुङ्।”

१५जमाहेन्से सिपाहीगदेसे थे टाङ्गा
 किन्गी, ओच्छे थेनीगदेदा लोप्रा अन्धारोन
 म्हिगदेदा पाङ्गी। दान्देधानाएनोन
 यहूदीगदेला गुडरी चुनोन ताम लसी चिमुला।

येशूसे पिन्बा थुमला अर्ती

मर्कूस १६ :१४-१८ ; लूका २४ :३६-४९ ;

यूहन्ना २० :१९-२३ ; मुल चला १ :६-८

१६येशूसे हराङ्गला च्युक गिक चेलागदेदा
 “गालील अञ्चलला गडरी निउ” भिसी कुल्बासे
 लमा थेनीगदे थेरी निजी। १७थेरी थेनीगदेसे
 येशूदा मराङ्सी फया लजी। तर थेनीगदे
 न्हङ्गला कोइ कोइसे चा येशू हिन्ना कि आहिन
 भिसी शङ्का लजी। १८जमाहेन्से येशू थेनीगदे
 मुबा ग्लारी फेखसी चुहरङ् भिसी सुङ्गी,
 “च्यागो, परमेश्वरसे स्वर्गदेन जम्बुलिङ्गला
 जम्मान अधिकार डादा पिन्बा मुला।
 १९थेतबासेलमा एनीगदे थ्युल्सा थ्युल्सारी निसी
 जम्मान थ्युलला म्हिगदेदा डाला चेला स्होउ।
 ओच्छे थेनीगदेदा परमेश्वर आबा, परमेश्वरला
 डादेन परमेश्वरला आत्माला भिनरी बप्तिस्मा
 पिन्गो, २०ओच्छे डाइ एनीगदेदा लोप्रादेन
 कुल्बा जम्मान ताम थेनीगदेदाएनोन लउ भिसी
 लोप्रा। च्यागो, परमेश्वरसे जम्बुलिङ्गला
 जम्मान म्हिगदेला निसाफ लबा धिनधानाएनोन
 डा एनीगदेदेन छ्यामनोन तला।”

मर्कूससे भिरबा थार्बा पिन्बा समाचार

चु किताबला बाररी पाङ्गतोःमा

भिरबा म्हिः मर्कूस भिबा यूहन्नासे भिरबा मुबा । थ यशूला मुल चला सिमान पतरुसला हरो मुबा (१ पतरुस ५ :१३) । थ बारनाबास ओच्छ्र पावलदेन छुयाम थार्बा पिन्बा समाचार थःना लबारी निबा मुबा (मुल चला १२ :२५) ।

भिरबा ग्ला : रोम शहररी भिरबा मुबा ।

भिरबा साल : ओस्पन ईश्वी संवत् ६०-६५ (विकरम संवत् ११७-१२३) सालला गुडरी भिरबा हिन्ना । थ धुइरी खरीष्टियानगदेदा रोमीगदेस ल्हानान दुस पिन्बा मुबा । चु थार्बा पिन्बा समाचार जम्मान भन्दा डाच्छा भिरबा मुबा ।

खाल्दा भिरबा : येशू परमेश्वरला झा हिन्ना भिसी उन्बाला लागिरी अर्गु य्हुलला म्हिगदेदा भिरबा मुबा ।

चु थार्बा पिन्बा समाचाररी येशूस लबा गेदेन थेला अधिकारला बाररी भिरबा मुला । येशूस लोप्रा तामगदेग्याम, म्हुङ म्हुङ ताप्रा तामगदेग्याम, म्हिगदेला पाप माफ लबा तामगदेग्याम येशू चा अधिकार याङ्बा म्हि हिन्ना भिसी था याङ्खम्ता । ओच्छ्र येशूस म्हिगदेदा पापग्याम सोना लबारी हराङ्गला ज्याननान पिन्बारी सबा “परमेश्वरसे पुइसबा म्हि” हिन्ना भिसी सुङ्बा मुला ।

चुरी येशूस पिन्बा अर्तीला तामदेन लोप्रा तामगदे भन्दा थसे लबा गेगदेला बाररी ल्हानान भिरबा मुला । बप्तिस्मा पिन्बा यूहन्नाला बाररीदेन येशूस किन्बा बप्तिस्माला बाररी ओच्छ्र शैतानसे येशूला सेम च्याबा तामला बाररी तिगे ताम पाङ्गमाहेन्से तुरुन्तन येशूस म्हिगदेदा खम्ना लबादेन लोप्रा तामला बाररी घोना लबा मुला । थेहरङ लसीन लिच्छा येशूला चेलागदेसे येशूदा ज्याना लसी डोसजी । तर येशूदा बिरोध लबागदेसे चा येशूदा झन बिरोध लबारी छुयाङ्जी । चु किताबला थुमरी येशूला ल्हुइरी तबा लिच्छाला साताला तामगदेदेन करुसरी टांगब लसी साइबा ओच्छ्र सिबाग्याम दोःसी सोबा तामला बाररी भिरबा मुला ।

मुल तामगदे

थार्बा पिन्बा समाचार थःना लबा १ :१-१३
येशूस गालील अञ्चलरी लबा गे १ :१४-१ :२०
येशू गालील अञ्चलहेन्से यरूशलम शहरघोना फेप्रा १० :१-५२

यरूशलम शहररी येशूला गे थुम्बा धुइ ११ :१-१५ :४७

येशू सिबाग्याम सोबा १६ :१-८

येशू सिबाग्याम सोमाहेन्से चेलागदे मुबा ग्लारी फेखबादेन येशू स्वर्गरी फेप्रा १६ :१-२०

मर्कूससे भिरबा थार्बा पिन्बा समाचार

बप्तिस्मा पिन्बा यूहन्नासे थःना
लबा थार्बा पिन्बा समाचार

मत्ती ३ :१-१२ ; लूका ३ :१-९,

१५-१७ ; यूहन्ना १ :१९-२८

१ परमेश्वरला झा येशू खरीष्टला बारला थार्बा पिन्बा समाचार चुहरङ लसी शुरु तजी । २ यशैया भिबा अगमवक्ताला किताबरी परमेश्वरसे चुहरङ भिसी सुङ्बा मुला, “च्यागो, डाइ डाला समाचार भोर्बा म्हिदा एला डाच्छा डाच्छा पुइसला ।

थसे एला ग्याम स्होला ।।

३ तोडतोडबा ग्लारीक्यार म्हि गिक किरडबान, “परमपरभुला ग्याम तयार लउ, ओच्छ्र परमपरभु म्खबाला लागिरी थेला ग्याम साजो स्होउ ।” ॥

४ चु म्हि बप्तिस्मा पिन्बा यूहन्ना हिन्ना । थसे तोडतोडबा ग्लारीक्यार खसी म्हिगदेदा “दाहेन्से एनीगदे हराङ हराङला पाप ख्तासी परमेश्वरपट्टि दोःसी बप्तिस्मा किन्गो । परमेश्वरसे एनीगदेला पापला दोष मेटब लला ।” भिबान थार्बा पिन्बा समाचार थःना लजी । ५ यरूशलमेदेन यहूदिया य्हुल्साला जम्मान म्हिगदे यूहन्ना मुबा ग्लारी खसी, दाहेन्से डनी हराङ हराङला पाप ख्तासी परमेश्वरपट्टि दोःला भिसी यदेन स्योडरी यूहन्नाग्याम बप्तिस्मा किन्जी । ६ यूहन्नासे ऊटला कराला क्वान क्वान्मुबा ओच्छ्र दिला पटी सीमुबा । थसे तिरीदेन हिर सिङसारला खुदु चमुबा । ७ थसे म्हिगदेदा चुहरङ भिसी पाङ्गजी, “डा भन्दा लिच्छा फेखबान लबा

चा डा भन्दान शक्तिशाली मुला। डा कू तसी थला लखमला तुना ब्लबाधोनाला आरे। ८ डाइ एनीगदेदा क्युइग्याम बप्तिस्मा पिन्बा मुला, तर थस एनीगदेदा परमेश्वरला आत्मास बप्तिस्मा पिन्ना।”

येशूस यूहन्नाग्याम बप्तिस्मा किन्बा

मत्ती ३ :१३-१७ ; लूका ३ :२१-२२

११थेनोन धुइरी येशू गालील अञ्चलला नासरत नाम्साग्याम फप्सजी, ओच्छे यर्दन स्याडरी यूहन्नाग्याम बप्तिस्मा किन्जी। १० यूहन्नाग्याम बप्तिस्मा किन्सी क्युइग्याम थोन्मेछ्याम येशूस स्वर्ग टोड्बा मराड्जी ओच्छे परमेश्वरला आत्मा ढुकुर हरड लसी हराड्थारी फाप्सबान लबा मराड्जी। ११ ओच्छे स्वर्गग्याम “ए डाइ सेमहेन्से माया लबा डाला झा हिन्ना, थतबासलमा डा एदा मराड्सी ल्हानान ताड्बा मुला” भिबा काइ खजी। १२

शैतानसे येशूदा फसब लबारी म्हाइबा

मत्ती ४ :१-११ ; लूका ४ :१-१३

१२ जमाहेन्से परमेश्वरला आत्मासे येशूदा तोडतोडबा ग्लारी भोजी। १३ येशू बोगल न्ही धिनधोना थरीन धन्छयाजी। थेनोन धुइरी शैतानसे थदा फसब लबारी थला सेम च्याजी। थ हरीला जन्तुगदेदेन छ्याम मुबा ओच्छे स्वर्गदूतगदेसे थदा क्योड्जी।

येशूस डाच्छा धम्बा चेलागदे

मत्ती ४ :१२-२२ ; लूका ४ :१४-१५ ; ५ :१-११

१४ बप्तिस्मा पिन्बा यूहन्नादा झ्याल्सानरी थान्माहेन्से येशूस परमेश्वरला य्हुल्साला समाचार थःना लबान गालील अञ्चलरी फप्जी। १५ “दाहेन्से धुइ योसी जिन्बा मुला, ओच्छे परमेश्वरला य्हुल्सा सबा धुइ तसी जिन्बा मुला। थतबासलमा एनीगदे हराड हराडला पाप ख्तासी परमेश्वरपटटि दोःगो। ओच्छे थाबा पिन्बा समाचाररी विश्वास लउ” भिसी येशूस सुड्जी। १६

१६ येशू गालील समुन्दरला कुनीन कुनी फप्बान लमा थस सिमानदेन थला आले अन्दिरयासदा तार्डा साइबारी समुन्दररी घ्याड क्लाडबान लबा मराड्जी। तिगदा

भिसम थनीगदे तार्डा साइबा म्हिगदे मुबा। १७ येशूस थनीगदेदा “डादेन छ्याम भरउ, दाहेन्से डाइ एनीगदेदा तार्डा चुडबा म्हि आहिन, तर म्हिगदेदा परमेश्वर मुबा ग्लारी भबा म्हि स्हाला” भिसी सुड्जी। १८ येशूस थहरड सुड्मेछ्याम हराडला घ्याड ख्तासी थनीगदे येशूदेन छ्याम भरजी। १९ जजाकी क्यथाड धोमाहेन्से येशूस जब्दियाला झा न्ही, याकूबदेन थला आले यूहन्नादा दोंगारी चिसी घ्याड राबान लबा मराड्जी। २० येशूस थनीगदेदा मराड्मेछ्याम “डादेन छ्याम खउ” भिसी डयोइजी, ओच्छे थनीगदेसे हराडला आबा जब्दियादा दोंगारी मुबा कुल्लोगदेदेन छ्याम ख्तासी येशूदेन छ्याम भरजी।

येशूसे म्हडसे स्याप्बा म्हिदा खम्ना लबा

लूका ४ :३१-३७

२१ जमाहेन्से थनीगदे कफर्नुहम भिबा शहररी फप्जी। ओच्छे ब्लप्बा न्हाबा धिनकुनु येशू यहूदीगदे हरुप तबा दिमरी फप्सी परमेश्वरला बचनग्याम लोप्बारी छ्याइजी। २२ येशूस लोप्बा मराड्सी म्हिगदे उदेक तजी। तिगदा भिसम येशूस यहूदी धर्मगुरुगदेसे लोप्बा हरड लसी आहिन, तर अधिकार मुबा म्हिसे हरड लसी लोप्बा मुबा। २३ थेनोन धुइरी यहूदीगदे हरुप तबा दिम न्हडग्याम म्हडसे स्याप्बा म्हि गिक चुहरड भिबान किरड्जी, २४ “नासरतला येशू, हराडसे इन्दा तिग लबारी म्हाइबा ? तिग हराड इन्दा साइबारी फप्सबा हिन्ना ? हराड परमेश्वरसे पुइसबा परमेश्वरला म्हि भिसी डादा था मुला।” २५ येशूस थ म्हडदा बड्सी, “कुटिसी चिउ ! थ म्हिग्याम थोन्सी निउ !” भिसी २६ सुड्मेछ्याम थ म्हिदा लछार पछार लसी किरड्बान थ म्हिग्याम म्हड थोन्सी निजी। २७ चु मराड्सी थरी मुबा जम्मान म्हिगदे उदेक म्हन्जी। ओच्छे हराड हराड न्हडरी चुहरड भिबारी छ्याइजी, “आहिन, चु तिग ? चु मी अधिकार लसी लोप्बा छार ताम गा चीम। थसे कुल्बा ताम म्हडगदेसे एनोन डयान्बा चीम।” २८ चुहरड तामेछ्याम येशूस लबा उदेकला गेला बाररी गालील अञ्चलला जम्मान ग्लारी थःजी।

येशूसे ल्हानान म्हिगदेदा खम्ना लबा

मत्ती ८ : १४-१७ ; लूका ४ : ३८-४१

२९ ओच्छे येशू यहूदीगदे हरूप तबा दिमग्याम थान्सी याकूब, यहून्नादेन छ्याम सिमानदेन अन्दरयासला दिमरी फप्जी। ३० थ धुइरी सिमानना स्युमी छ्वा खसी म्हर्सी चिबा मुबा। ओच्छे थनीगदेस थ ताम येशूदा पाङ्जी। ३१ थतबासलमा येशू सिमानना स्युमी मुबा ग्तारी फप्सी थला यारी चुङ्सी थीजी। जमाहेन्स थला छ्वा म्हाजी। ओच्छे थसे थनीगदेदा क्याङ्बारी छ्याइजी। ३२ जमाकुनु इयसे धिनी धल्माहेन्स म्हिगदेसे ल्हानान आखम्बा म्हिदेन म्हङसे स्याप्वा म्हिगदेदा येशू मुबा ग्तारी भजी। ३३ ओच्छे नाम्साला जम्मान म्हिगदे दिमला खराङ्गारी हरूप तजी। ३४ येशूसे ल्हानान खाल्ला रोगसे आखम्बा म्हिगदेदा खम्ना लजी। ओच्छे ल्हानान म्हिला ल्हुइग्याम म्हङ ताप्जी। येशू खाल भिबा ताम थ म्हङगदेस डोसबासे लमा येशूसे थनीगदेदा ताम पाङ्आपुङ्नी।

सुनसान ग्तारी येशूसे लबा परार्थना

लूका ४ : ४२-४४

३५ स्ह्दारीन मी मराङ्बा मन्दा डाच्छान येशू स्हङ्सी सुनसान ग्तारी परार्थना लबारी फप्जी। ३६ सिमान ओच्छे थदेन छ्याम मुबागदे जम्मासेन येशूदा म्हाइवान निजी। ३७ थनीगदेस येशूदा स्याम्माहेन्स “हराङ्दा जम्मासेन म्हाइवान मुला” भिसी भिजी। ३८ येशूसे थनीगदेदा “लु, य्हाङ् अर्गु नाम्सारीक्यार निइ, थरीनोन डाइ थार्बा पिन्बा समाचार थःना लतोःबा मुला। तिग्दा भिसम डा चुलान लागिरी खबा हिन्ना” भिसी सुङ्जी। ३९ ओच्छे येशू गालील अञ्चलता जम्मान ग्तारी यहूदीगदे हरूप तबा दिमगदेरी थार्बा पिन्बा समाचार थःना लबान म्हिगदेला ल्हुइग्याम म्हङगदे ताप्बान भर्जी। ४

येशूसे कोर खबा म्हिदा खम्ना लबा

मत्ती ८ : १-४ ; लूका ५ : १२-१६

४० ओच्छे कोर खबा म्हि गिक येशू मुबा ग्तारी खसी पुइ ज्वान, “हराङ्गला सेम मुसम हराङ्से डादा खम्ना लखम्ना” भिसी भिजी।

४१ चु ताम थःमाहेन्से येशूदा दया रेःसी हराङ्गला यास थदा थुर्बान, “ए खम्मे भिबा डाला सेम मुला, ए खम्मे” भिसी सुङ्जी। ४२ थनोन धुइरी थ कोर खबा म्हि खम्जी। ४३-४४ ओच्छे येशूसे थदा “एसे चु ताम खालेदा थापाङ्गो, बरु निसी परमेश्वरला मन्दिररी पुजा लबा म्हिदा उन्गो। ओच्छे ए खम्मे भिसी म्हिगदेदा उन्बाला लागिरी मोशास कुल्बा अन्धार परमेश्वरदा बलि फुल्वा” भिसी कुल्जी। ४५ तर थ म्हि निसी चु ताम जम्मान म्हिदा पाङ्जी। जमाहेन्स येशू दाःसी नाम्सारी डाच्छाला हरङ् लसी फप्वारी आखम्नी। थतबासलमा येशू सुनसान ग्तारी धन्छयाजी। तर थरीनोन जम्मान ग्ताग्यामसे म्हिगदे येशू मुबा ग्तारी खजी।

येशूसे कुज्या म्हिदा खम्ना लबा

मत्ती ९ : १-८ ; लूका ५ : १७-२६

१ तिगै धिन लिच्छा दोःसी येशू कफर्नहूम भिबा शहररी फप्जी। ओच्छे येशू दिमरीन मुला भिबा ताम म्हिगदेस थःजी। २ जमाहेन्से म्हिला हुल खसी मङ्ग्यारहेन्से दिम न्हङ्धाना चिबा ग्ला आतनी। थरी येशूसे परमेश्वरला बचन सुङ्बान मुबा। ३ थनोन धुइरी गोर ब्जि म्हिसे काङ् या चलब आतबा कुज्या म्हि गिकदा पुइसी येशू मुबा ग्तारी भजी। ४ तर म्हिला हुलसे लमा थनीगदेस थ कुज्या म्हिदा येशू मुबा ग्तारी धाना लबारी आखम्नी। थतबासलमा थनीगदेस थ दिमला छाना होक्सी थ कुज्या म्हिदा थला तीबा नान्बादेन छ्यामनोन येशूला डाच्छापट्टि धाना लजी। ५ येशूसे थ म्हिगदेला विश्वास मराङ्सी कुज्या म्हिदा “कोला, एला पाप माफ तबा मुला” भिसी सुङ्जी।

६-७ येशूसे चुहरङ् सुङ्बा मराङ्सी थरी मुबा यहूदी धमंगुरुगदेसे “तिग्दा चु म्हिसे चुहरङ्बा ताम लबा ? चुसे मी हराङ्से हराङ्दान परमेश्वर स्होसी गा ताम लबा चीम, म्हिगदेला पापला दोष परमेश्वरसे जे मेटब लखम्मुला” भिसी सेम न्हङ् न्हङ्री म्हन्जी। ८ येशूसे थनीगदेला सेमला ताम था याङ्सी थनीगदेदा चुहरङ् भिसी सुङ्जी, “एनीगदेला सेमरी तिग्दा चुहरङ्बा म्हन्बा ?” ९ चु कुज्या म्हिदा “एला पाप माफ तबा मुला” भिबादेन ‘रेःसी भरउ, एला तीबा नान्बा पुइसी निउ’ भिबा खजिबा चा सजिलो मुला ? १०-११ तर च्यागो, परमेश्वरसे पुइखबा

म्हिदा चु जम्बुलिङ्गरी म्हिगदेला पापला दोष मेटब लबा अधिकार मुला भिबा ताम डाइ एनीगदेदा उन्ना। जमाहेन्से येशूस थ कुज्या म्हिदा “ए रःगो, ओच्छ एला तीबा नान्बा पुइसी दिमरी निउ” भिसी सुङ्गी। १२ येशूस थहरङ्ग सुङ्गमेछुयाम थ कुज्या म्हि जम्मासन च्याना च्यानान डाङ्ग रःसी हराङ्गला तीबा नान्बा पुइसी निजी। चु मराङ्गी म्हिगदे उदक म्हेन्सी परमेश्वरदा जयजयकार लवान, “चुहरङ्गबाम म्हाङ्गसे साइमे मराङ्गबा ओर” भिसी भिजी।

येशूस लेवीदा ड्योइबा

मत्ती ९:१-१३; लूका ५:२७-३२

१३ दोःसी तिरम येशू समुन्दरला कुनीरी फेप्ली। थरी येशूदा मराङ्गी म्हिदा हुल खजी ओच्छे येशूस थनीगदेदा लोप्वारी छुयाङ्गी। १४ येशू थग्याम फेप्ला धुइरी अल्फयसला झा लेवीदा तिरा दुइबा ग्लारी चिवान लबा मराङ्गी ओच्छे थदा “डादेन छुयाम भरउ” भिसी सुङ्गी। जमाहेन्से थ रःसी येशूदेन छुयाम भरजी।

१५ येशू लेवीला दिमरी सोल छुयोइवान लबा धुइरी तिरा दुइबा म्हिगदे, पापीगदे ओच्छे थला चेलागदे थदेन छुयामनोन चिसी चवान मुबा। तिगदा भिसम येशूदेन छुयाम भरबा म्हिगदे ल्हानान मुबा। १६ फरिसीदेन यहूदी धर्मगुरुगदेसे येशू पापीगदेदेन तिरा दुइबा म्हिगदेदेन छुयामनोन धन्छुयासी चबा मराङ्गी थनीगदेसे थला चेलागदेदा “तिगदा चुसे पापीगदेदेन तिरा दुइबा म्हिगदेदेन छुयाम चिसी चबा?” भिसी ड्योइजी।

१७ चुहरङ्ग भिबा ताम थःसी येशूस थनीगदेदा “खम्बा म्हिगदेला लागिरी डाक्टर आतोः, तर आखम्बा म्हिगदेला लागिरी जे तोःला। थेतबासेलमा परमेश्वरला डाच्छा ज्यबा मुबा म्हिगदेदा आहिन तर पापीगदेदा ड्योइबारी डा खबा हिन्ना” भिसी सुङ्गी।

येशूस फोइथान चिसी

परार्थना लबाला लागिरी लोप्वारी

मत्ती ९:१४-१७; लूका ५:३३-३९

१५ यहून्नाला चेलागदेदेन फरिसीगदे फोइथान चिसी परार्थना लवान लमुबा। थेतबासेलमा कोइ कोइ म्हिगदे खसी येशूदा “यहून्नाला

चेलागदेदेन फरिसीला चेलागदे फोइथान चिसी परार्थना लमुला तर हराङ्गला चेलागदेसे चा तिगदा चुहरङ्ग आलबा?” भिसी ड्योइजी। १६ येशूस थनीगदेदा चुहरङ्ग भिसी सुङ्गी, “म्हाछार जन्तीगदेदेन छुयाम मुतधोना खाहरङ्ग लसी थनीगदे फोइथान चिला? दान्दधोना म्हाछार थनीगदेदेन छुयाम मुला, थेतबासेलमा थनीगदे फोइथान आचि। २० तर म्हाछार जन्तीगदेदेन फसी भोर्वा धुइ खला। थ धुइरी थनीगदे फोइथान चिला।

२१ “खालेसे बाकटो क्वानरी छार क्वानगेनसे आख्या, छार क्वानगेनसे बाकटो क्वान ख्याजी भिसम बाकटो क्वान झन देला। २२ ओच्छे खाले म्हेसेनोन दिला बाकटो ताङ्गी अङ्गुरला कलिलो निङ्गु आयु, युजी भिसम थ दिला बाकटो ताङ्ग मोसी देला, ओच्छे अङ्गुरला निङ्गु जति डेला। जमाहेन्से दिला ताङ्गएनोन गे आखल्वा तला। थेतबासेलमा अङ्गुरला कलिलो निङ्गु दिला छार ताङ्गी युतोःला।”

येशू ब्रप्ला न्हा धिननाएनोन परभु हिन्ना

मत्ती १२:१-८; लूका ६:१-५

२३ ब्रप्ला न्हा धिनकुनु येशू बुग्याम फेप्लान मुबा। थ धुइरी थला चेलागदेसे ग्वाला नम थुवारी छुयाङ्गी। २४ चु मराङ्गी फरिसीगदेसे येशूदा “च्यागो, ब्रप्ला न्हा धिनकुनु लबारी आतबा गे थनीगदेसे तिगदा लबा?” भिसी ड्योइजी। २५ ओच्छे येशूस थनीगदेदा “दाऊदसे थदेन छुयाम मुबा म्हिगदे फोखरन्बा धुइरी थनीगदेसे तिग लजी? एनीगदेसे साइमे परमेश्वरला बचन पढब लबा ओर? २६ थसे परमेश्वरला मन्दिररी पूजा लबा मुल म्हि अबियाथारला पालरी परमेश्वरला दिमरी वाङ्गी, परमेश्वरदा फुल्बा गेङ्ग चजी, ओच्छे थसे थदेन छुयाम मुबा म्हिगदेदाएनोन पिन्जी। तर थ गेङ्ग परमेश्वरला मन्दिररी पूजा लबा म्हिगदेदा जे चपुङ्गुमुबा” भिसी सुङ्गी। ८

२७ दोःसी येशूस फरिसीगदेदा “ब्रप्ला न्हा धिन म्हिदा लागिरी स्होबा हिन्ना, तर म्हि ब्रप्ला न्हा धिनना लागिरी स्होबा आहिन। २८ थेतबासेलमा परमेश्वरसे पुइखबा म्हि ब्रप्ला न्हा धिननाएनोन परभु हिन्ना” भिसी सुङ्गी।

३ दोःसी येशू यहूदीगदे हरुप तबा दिमरी वाङ्गी। थरी या सर्वा म्हि गिक मुबा।

२ ब्रतप्या न्हवा धिनकुनु येशूस थं म्हिला सर्वा या खम्ना लला वा भिसी कोइ कोइ म्हिगदसे दोष लबाला लागिरी चिवा लसी चिवा मुबा। ३ येशूस थं या सर्वा मुबा म्हिदा “जम्मालान डाच्छापट्टि राणा” भिसी सुड्जी। ४ थसं थनीगददा “ब्रतप्या न्हवा धिनकुनु ज्यबा गे लबा कि नइबा गे लबा, म्हि साना लबा कि सिना लबा सजिबा चा ज्यबा हिन्ना?” भिसी ड्योइजी। तर थनीगदे कुटिसी चिजी। ५ येशूस हराडला वयुर्सनि मुबा म्हिगददा स्हीसी येशूस थनीगदला सम काडबा था याडसी समरी ल्हानान दुख तसी येशूदा बोमो र:जी। ओच्छे येशूस थं या सर्वा मुबा म्हिदा “एला या तन्गब लउ” भिसी सुड्जी। ओच्छे थं म्हिसे थला या तन्गब लमेच्छयाम या सम्जी। ६ जमाहेन्से फरिसीगदे थंग्याम थोन्सी निसी येशूदा साहूरड लसी साइबा भिसी हेरोद गलेला म्हिगददेन छयाम सल्लाह लजी।

येशूला लिच्छा म्हिला हुल भरबा

मत्ती १२ : १५-१६ ; लूका ६ : १७-१९

७ जमाहेन्से येशू हराडला चेलागदेदेन छयाम समुन्दरपट्टि फेजी, ओच्छे गालील अञ्चलंग्यामसे म्हिला हुल थला लिच्छा भरजी। ८ येशूस लबा उदकला गला बाररी थं:सी यहूदिया, यरूशलेम, इदुमिआ, यर्दन क्याम्सडला ओच्छे टुरोसदेन सीदान नाम्माला क्यारमारला म्हिगदे येशू मुबा ग्लारी खजी। ९ थतबासलमा म्हिगदसे हराडदा थानाडगे भिसी येशूस हराडला चेलागददा दांगा गिक ठीक लपुड्जी। १० तिगदा भिसम येशूस ल्हानान आसम्बा म्हिगददा खम्ना लबास लमा रोगसे स्याप्या म्हिगदे येशूदा थुर्बारी तोर हुइ मार हुइ लवान मुबा। ११ ओच्छे म्हडसे स्याप्या म्हिगदसे येशूदा मराड्मेच्छयाम स्तुप तसी, “हराड परमेश्वरला झा हिन्ना” भिसी किरडमुबा। १२ तर येशूस थं म्हिला ल्हुइरी मुबा म्हडदा “च्यागो, डा परमेश्वरला झा हिन्ना भिसी खालेदा थापाडगो” भिसी बड्जी।

येशूसे च्युक न्ही चेलादा धम्बा

मत्ती १० : १-४ ; लूका ६ : १२-१६

१३ येशू गडरी फेसी हराडला सेमसे चबा जतिदा ड्योइजी, ओच्छे थनीगदे थं मुबा

ग्लारी खजी। १४ जमाहेन्से हराडदेन छयाम भरबारी ओच्छे म्हिगददा परमेश्वरला म्हुल्साला समाचार थं:ना लबारी च्युक न्ही म्हि धम्जी, ओच्छे थनीगददा मुल चेला भिसी सुड्जी। १५ ओच्छे म्हिगदला ल्हुइंग्याम म्हड ताप्या अधिकार पिन्जी। १६ येशूस धम्बा च्युक न्ही मुल चेलागदे चुगदेन हिन्ना, सिमान भिबादा येशूस पतरुस मिन थान्जी। १७ जब्दियाला झा याकूबदेन याकूबला आले यहून्नादा थंसे बोअनर्गसे भिसी मिन थान्जी। बोअनर्गसे भिबा चा मु धुर्बा हरडबाला झागदे भिबा हिन्ना। १८ ओच्छे अन्दर्यास, फिलिप, बारथोलोमाइ, मत्ती, थोमा, अल्फयसला झा याकूब, ओच्छे थदियस, सिमान मुबा। चु सिमानदा चा हराडला म्हुल्सादा माया लबा म्हि भिसी भिमुबा। १९ ओच्छे यहूदा इस्करियोत चुनोन यहूदा इस्करियोतसे लिच्छा येशूदा चुड्सी म्हिगदला यारी जिम्मा पिन्जी।

येशूदेन म्हडला गले बालजिबुल

मत्ती १२ : २२-३२ ; लूका ११ : १४-२३ ; १२ : १०

२० ओच्छे येशू दिमरी फेबा धुइरी दा:सी म्हिगदे हरूप तजी। थतबासलमा येशूदेन थला चेलागदसे सोल छयोइबारी सुत्ते आम्याडनी। २१ चु ताम येशूला दिमला म्हिगदसे थं:सी थदा भोर्बारी भिसी दिमंग्याम थान्जी, तिगदा भिसम येशूला सम ठेगानरी आर भिसी थनीगदसे म्हन्मुबा।

२२ यरूशलेमंग्याम सबा यहूदी धर्मगुखादसे, “चुला ल्हुइरी म्हडगदला गले बालजिबुल मुला, चु म्हिसे मी म्हडगदला गलेला शक्तिंग्याम म्हड ताप्या हिन्ना” भिसी भिजी।

२३ तर येशूस थनीगददा हराड मुबा ग्लारी ड्योइसी उखानंग्याम चुहरड भिसी सुड्जी, “शैतानसे शैतानदा साहूरड लसी ताप्सम्ला? २४ म्हुल्सा गिकलान म्हि हराड हराड न्हडरी आदिकसम थं म्हुल्सा न्होडला। २५ ओच्छे दिम गिकला म्हि एनोन हराड हराड न्हडरी आदिकनी भिसम थं दिमनाम एनोन फुपला। २६ थहरड लसी शैतान शैतान न्हडरी आदिकनी भिसम थला म्हुल्सा नाश तला। २७ खालेसे भडबा म्हिला दिमरी वाडसी थला धन सम्पत्ति म्हो लतो:जी भिसम थंसे डाच्छा थं भडबा

म्हिदा चुडसी खीतोःला। थे भड्बा म्हिदा खीमाहेन्स जे थेस थला धन सम्पत्ति भोर्ख्म्ला।

२८ “एनीगदसे डाला ताम ड्यान्गो, म्हिगदसे लबा जम्मान पाप गंदेन परमेश्वरदा विरोध लसी पाप लसेनोन माफ याडला। २९ तर जुन म्हिसे परमेश्वरला आत्माला विरोध लसी पाप गंदेन पाप ताम लला, थेस खाइमे माफ आयाड। थे जुकजुकधाना पापरी चितोःला।” ३० तिगदा भिसम थनीगदसे येशूला ल्हडरी म्हड मुला भिसी भिवान मुबा।

येशूला आमामेदेन आलेगदे

मत्ती १२:४६-५०; लूका ८:१९-२१

३१ ओच्छे येशूला आमामेदेन आलेगदे थरी धोखजी। थनीगद मडग्यार राप्सी येशूदा ड्याडबारी कोड म्हिदा पुडजी। ३२ येशूला क्युनोन म्हिला हुल मुबा ओच्छे थनीगदसे येशूदा “मडग्यार हराडला आमामेदेन आलेगदे हराडदा म्हाडबान मुला” भिसी भिजी।

३३ येशूसे थनीगददा “डाला आमामेदेन आलेगदे साल हिन्ना?” भिसी सुडजी। ३४ ओच्छे येशूसे हराडला क्युनोन चिबा म्हिगददा स्हीबान, “च्यागो, चुरी मुबा जम्मान डाला आमामेदेन आलेगदे हिन्ना। ३५ तिगदा भिसम जुन म्हि परमेश्वरसे म्हन्बा अन्डार भरला थनोन डाला आमा, डाला आडा ओच्छे डाला आले हिन्ना” भिसी सुडजी।

ब्लु दवबाला उखान

मत्ती १३:१-२३; लूका ८:४-१५

४ येशूसे दोःसी समुन्दरला कुनीरी फेप्सी लोप्वारी छ्याडजी। थरी म्हिला हुल मुबासे लमा येशू समुन्दररी मुबा दोगा गिकरी धन्ड्यासी लोप्वारी छ्याडजी। ओच्छे म्हिला हुल चा समुन्दरला कुनीरीक्यार चिजी। ४२ येशूसे थरी मुबा म्हिगददा उखानग्याम ल्हानान ताम लोप्वान चुहरड सुडजी, ३ “च्यागो, ब्लु दवबा म्हि गिक ब्लु दववारी भरजी। ४ थे म्हिसे ब्लु दवबा धुडरी कोड ब्लु ग्यामरी परब तजी, ओच्छे थे ब्लु चरा ससी चजी। ५ कोड ब्लु चा युडबाला घहरड मुबा सरी परब तजी, थरी ल्हानान सापरा आरबासे लमा थे ब्लु योनान फुडजी। ६ थेतबासेलमा थला टा नुन्ना निआम्याडनी। ओच्छे धिनीसे करोसी थे दोड सिजी। ७ कोड ब्लु

चा पुजु झाडरी परब तजी, ओच्छे थे ब्लु फुडसी ल्हबान निजी। ल्हसी निसे थे पुजु झाडला हापसे लमा थे दोडला नमरी गडा आवाडनी। ८ कोड ब्लु चा ज्यबा सरी परब तसी फुडजी, ओच्छे थे दोड ल्हसी निमा थे दोडला नमरी चा दोब्वर, तब्वर, चौबरधाना गडा रोजी। ९ जुन म्हिदा ड्यान्बा सम मुला थेस ड्यान्सी घोड।”

१० म्हिला हुल निमाहेन्स येशूला क्युनोन मुबा म्हिगददेन च्युक न्ही चलागदसे थ उखानना अर्थ ड्याडजी। ११ ओच्छे येशूसे थनीगददा चुहरड भिसी सुडजी, “एनीगददा डाइ म्हिसे था आयाडबा परमेश्वरला य्हुत्साला ताम धोखम्बा ज्ञान बुदधि पिन्बा मुला। तर स्प्हान्दोगददा चा डाइ उखानग्याम जे पाडबा मुला। १२ तिगदा भिसम थनीगदसे च्याबाम च्यामुला तर आमराडमुला ओच्छे ड्यान्बाम ड्यान्मुला तर आधोमुला। आहिन्सम हराड हराडला पाप ख्नासी परमेश्वरपट्टि दोःसला मुबा, ओच्छे परमेश्वरसे थनीगदला पाप माफ लसेला मुबा।” h

ब्लु दवबा उखानना अर्थ

मत्ती १३:१८-२३; लूका ८:११-१५

१३ येशूसे थनीगददा “एनीगदसे चु उखानला अर्थ आधोसम अर्गु उखानना अर्थ खाहरड लसी घाला?” भिसी सुडजी। १४ ब्लु दवबा म्हि चा परमेश्वरला बचन थेःना लबा म्हि हिन्ना। १५ ग्यामरीक्यार परब तबा ब्लुला अर्थ चा चुनोन हिन्ना, जुन म्हिसे परमेश्वरला बचन ड्यान्ना तर तुरुन्तन शेतान ससी थनीगददा थेःना लबा ताम भोर्ला। १६ युडबाला घहरडरी परब तबा ब्लुला अर्थ चा चुनोन हिन्ना, जुन म्हिसे परमेश्वरला बचन थेःमैड्याम ताडसी हराडला समरी थान्ना, १७ तर थनीगदला विश्वासला टा आरबासे लमा, थे छिन्नड जे चित्ला। ओच्छे परमेश्वरला बचनदा विश्वास लबासे लमा थनीगददा आपत विपत खमाहेन्से थनीगदसे विश्वास लबा ख्ताला। १८ पुजु झाड न्हडरी परब तबा ब्लुला अर्थ चा जुन म्हिसे बचन ड्यान्ना १९ तर थला समरी जम्बुलिडला धन्दा सुर्दादेन धन सम्पत्तिला लोभसे लमा परमेश्वरला बचनदा गे लआपुड, ओच्छे थला विश्वासग्याम तिगे आरो २० तर ज्यबा सरी परब

तवा बलुला अर्थ चा जुन म्हिसे बचन इयान्सी हराडला समरी थान्ना, थेला विश्वाससे दोब्बर, तब्बर, चौबरघोना गे लला ।

नाडसलला अर्थ

लूका ८ :१६-१८

२१ येशूस थनीगददा चुहरड भिसी सुङ्गी, “खालेस नाडसल मरासी खाट धिरीनोन आथान ओच्छे फामसे घप्सीनोन आथान । बरु य्हाल तगे भिसी नोबा ग्लारी थान्ना । २२ थतबासलमा ल्हूसैनोन आमराडबा स्हे तिगे आर । ओच्छे छुम्सी थान्सेनोन आघोबा स्हे तिगे आर । २३ खालेदा इयान्बा सम मुसम थसे इयान्सी घोड ।

२४ “एनीगदसे जुन ताम थःबा मुला, थ तामरी सम लड । तिग्दा भिसम जुन दप्बा स्हेसे एनीगदसे दप्ता, थेनोन दप्बा स्हेग्यामसे एनीगदसे याडला । ओच्छे एनीगददा झन ल्हाना पिन्ना । २५ जुन म्हिसे डाइ लोप्बा तामदा सम लसी इयान्ना, थदा डाइ अझ घोना लला । तर डाइ लोप्बा ताम आइयान्बादा चा थसे जुन घोबा मुला थ तामएनोन म्हाना लला ।” १

ल्हेबान निबा बलुला उखान

२६ येशूस चुहरड भिसी सुङ्गी, “परमेश्वरला य्हुल्सा चा म्हि गिकस बुरी दववा बलु हरडबान हिन्ना । २७ ओच्छे थ म्हि म्हैसी चिसे आम्हेर्ना चिसे धिन म्हुननान थ बलु फुइसी ल्हबान निला, तर खाहरड लसी ल्हैजी भिबा ताम थ म्हिसे था आयाड । २८ तिग्दा भिसम बुरी बलु हराडनोन फुइसी ल्हबान निमाहेन्से दोड दोला, ओच्छे थ दोडरी नम थोन्ना, जमाहेन्से थ नमरी गेडा वाडला । २९ बाली दुइबा धुइ तमेछुयाम थ म्हि ससी बाली सन्ना ।” ३

पच्छे बलुला उखान

मत्ती १३ :३१-३२, ३४-३५ ; लूका १३ :१८-१९

३० येशूस दोःसी चुहरड भिसी सुङ्गी, “डाइ परमेश्वरला य्हुल्सादा तिगदेन छुयाम दोजब लसे ? ओच्छे एनीगददा खाहरड लसी घोना लसे ? ३१ चु मी घुयानरी दववा पच्छेला बलु हरडबान हिन्ना । जम्बुलिडरी जम्मान भन्दा जजाबा

बलु तसेनोन, ३२ थ गेडा दवमाहेन्से दापदुप न्हडरी जम्मान भन्दा हांगा मुबा घरन दोड तला । ओच्छे थ दोडला हांगारी चरागद ससी जड स्होसी चिला ।”

३३ थनीगदसे घोसन्तेधोना येशूस चुहरडबान उखानगदग्याम परमेश्वरला बचन लोप्जी । ३४ उखान आसुडेतेधोना थनीगददा येशूस तिगे ताम आलोप्नी । तर हराडला चेलागद जे तवा धुइरी चा जम्मान उखानना अर्थ घोना लमुबा ।

येशूस लाबालुडसरदा म्हाना लबा

मत्ती ८ :१८, २३-२७ ; लूका ८ :२२-२५

३५ जमाकुनु इयसे येशूस हराडला चेलागददा “लु, य्हाड समुन्दरला क्याम्सडपटटि निड” भिसी सुङ्गी । ३६ येशूस चुहरड सुङ्माहेन्से चेलागद म्हिला हुलदा खतासी येशू मुबा दोगारी करेःजी । ओच्छे दोगा चलब लबान क्याम्सडपटटि भोजी । थनीगदला दोगादेन छुयाम छुयाम अर्गु दोगागदएनोन निजी । ३७ निबान लमा समुन्दररी लाबालुडसर सजी । थ लाबालुडसरसे लमा समुन्दरला छाल रेःसी दोगा डुबब तवारी छुयाइजी । ३८ थ धुइरी येशू दोगाला ग्यापपटटि सुम लसी स्हिम्बान मुबा । ओच्छे चेलागदसे “परभु, य्हाड सिबारी छुयाइजी, हराडदा तिगे वास्ता आर ?” भिसी छिङ्गी ।

३९ जमाहेन्से येशूस स्हेडसी लाबालुडसरदेन समुन्दरला छालदा “कुटिसी चिउ” भिसी सुङ्मेछुयाम लाबालुडसर म्हाजी ओच्छे शान्त तजी ।

४० येशूस “एनीगद तिग्दा लोडबा ? दान्देधोना एनीगददा डाला विश्वास आर ?” भिसी हराडला चेलागददा सुङ्गी ।

४१ ओच्छे चेलागदे उदेक म्हन्सी लोडबान, “चु खाल ? लाबालुडसरदेन समुन्दरला छालसेएनोन थसे कुल्बा ताम इयान्बा चीम !” भिसी थनीगदे हराड हराड न्हडरी ताम लवारी छुयाइजी ।

येशूस म्हडसे स्याप्बा म्हिदा सन्ना लबा

मत्ती ८ :२८-३४ ; लूका ८ :२६-३९

४२ ओच्छे येशूदेन थनीगदे गालील समुन्दरला क्याम्सडपटटि गेरासेनस

४ :२१ मत्ती ५ :१५ ; लूका ११ :३३

४ :२२ मत्ती १० :२६ ; लूका १२ :२

४ :२४ मत्ती ७ :२ ; लूका

६ :३८

४ :२५ मत्ती १३ :१२ ; २५ :२९ ; लूका १९ :२६

४ :२९ योए ३ :३३

४ :२९ योए ३ :३३

१॥ भिबा ग्लारी धोखजी। २ येशू दौंगायाम फामेछ्याम म्हडस स्याप्रा म्हि गिक धुसांग्याम यार्बान खसी येशूदा स्याप्राजी। ३ थ म्हि धुसांरीक्यार चिमुबा। थंदा तिगै लसीन चुडबारी आखम्मुबा थंदा च्याल्दास खोसेनोन वनसी यामुबा। ४ तिगदा भिसम थंदा ल्हानान रम च्याल्दास खोसी थान्सेनोन थस थ च्याल्दागद फराटफरट टाडमुबा। थतबासलमा थंदा खालेस तहरी थान्बारी आखम्मुबा। ५ थ धिन म्हनोनोन हराडस हराडदान युडबास तोसी धुसां गडरीक्यार किरडबान भरमुबा।

६ थस थारडग्यामसन येशूदा मराडमेछ्याम यार्बान खसी येशूदा फया लजी। ७ ओच्छे थस “जम्मान भन्दा घरेन परमेश्वरला झा येशू, हराडसे डादा तिग लबारी छ्याइबा? डाइ हराडदा परमेश्वरला मिनरी घरान फासी भिला, डादा दुख थापिन्गो” भिसी किरडबान भिजी। ८ तिगदा भिसम येशूस डाच्छान थ म्हिला ल्हडरी मुबा म्हडदा “ए थोन्सी निउ” भिसी सुडबा मुबा। ९ ओच्छे येशूस थंदा “एला मिन तिग?” भिसी डयोइमा, थ म्हडसे “डाला मिन हल हिन्ना, तिगदा भिसम डनी ल्हानान मुला” भिसी भिजी। १० थ म्हडसे येशूदा “डन्दा चु ग्लायाम थातःगो!” भिसी बिन्ती लजी।

११ थरी गडरीक्यार दवला बथान छबान मुबा। १२ ओच्छे म्हडगदसे येशूदा “डन्दा दवागद न्हडरी वाडपुडगा” भिसी बिन्ती लजी १३ येशूस वाडपुडमाहेन्स म्हडगद म्हिला ल्हडग्याम थोन्सी दवागद न्हडरी वाडजी। वाडमेछ्याम ओस्पन, हजार न्ही दवला बथान गडग्याम समुन्दरी छयोडसी सिजी।

१४ जमाहेन्स दवा छुबा म्हिगदे यासी शहरदेन नाम्सा नाम्सांरी निसी चु ताम थःना लजी। ओच्छे जम्मान म्हिगदे तिग तजीम भिसी च्याबारी खजी। १५ जमाहेन्स थनीगदे येशू मुबा ग्लारी खजी, ओच्छे थ म्हडला हुलस स्याप्रा म्हि खम्सी ज्यना लसी क्वान क्वान्सी चिबा मराडसी थनीगदे लोडजी। १६ म्हडसे स्याप्रा म्हिदेन दवागदेदा तिग तिग तजी भिबा ताम मराडबा म्हिगदसे थरी च्याबारी खबा म्हिगदेदा पाडजी। १७ जमाहेन्स थनीगदसे येशूदा “चु ग्लायाम फप्रा” भिसी बिन्ती लबारी छ्याइजी।

१८ येशू दौंगारी करःबारी छ्याइमा थ म्हडसे स्याप्रा म्हिसे “डाएनोन हराडदेन छ्याम निसे” भिसी बिन्ती लजी। १९ तर येशूस हराडदेन छ्याम खआपुडना “ए हराडला दिमरी निसी एदा परमेश्वरस उन्बा दयादेन परमेश्वरस एला लागिरी तिग तिग लजी, थ तामगद एस हराडला हरागददा थःना लउ” भिसी सुडजी। २० ओच्छे थ निसी डकापोलिस भिबा गला नाडनोन येशूस हराडला लागिरी लबा उदकला गला बाररी पाडसी भरजी, चु ताम थःसी नाम्साला म्हिगद उदक म्हन्जी।

याइरसला जामेदेन का निबा बेथासे स्याप्रा मिरडम्हेम खम्बा

मत्ती ९:१६-२६; लूका ८:४०-५६

२१ दोःसी येशू दौंगारी करःसी समुन्दरला क्याम्सडपटटि फप्राजी। ओच्छे थला क्युर्सान म्हिला हुल पोप तजी। २२ थेनोन धुडरी यहूदोगदे हरुप तबा दिमला याइरस मिन लबा नेता गिक थरी धोखजी। थसे येशूदा मराडमेछ्याम येशूदा फया लसी, २३ “डाला जामे आखम्ना सिबारी छ्याइबा मुला, हराड फेखसी थंदा धुसां पिन्गो। ओच्छे थ खम्मे” भिसी बिन्ती लजी।

२४ थतबासलमा येशू याइरसदेन छ्याम फप्राजी ओच्छे म्हिला हुलएनोन येशूला लिच्छा भरजी, म्हिला हुलस लमा येशूदा तोर हुइ मार हुइ लजी। २५ थ म्हिला हुल न्हडरी का निबा बेथास स्याप्रा च्युक न्ही दिड तबा मिरडम्हेम गिक मुबा। २६ थसे हराडला मुदेबा धन सम्पत्ति खर्च लसी डाक्टरगदेदा च्यापुडजी। तर खम्ता भिमाम झन डाच्छाला भन्दा सारो तसी निजी। २७ थसे येशूला बाररी थःमाहेन्स थ म्हिला हुल न्हडरी वाडसी ग्यापग्याम खसी येशूला क्वान थुर्जा। २८ तिगदा भिसम थसे “डाइ येशूला क्वान थुर्बारी जे म्याडसम डा खम्ता” भिसी म्हन्बा मुबा। २९ थसे येशूला क्वान थुर्मेछ्याम थला का निबा बेथा म्हाजी भिसी थसे तुरुन्तन था याडजी। ३० ओच्छे येशूस हराडला ल्हडग्याम तुरुन्तन शक्ति थोन्बा था याडसी म्हिला हुलपटटि दोःसी, “खालेस डाला क्वान थुर्जा?” भिसी डयोइजी।

१५:१ “गेरासनस” भिबादा कोइ कोइ गरीक बाइबलरी गदरा भिसी भिरबा मुला। गेरासनस भिबादेन गदरा भिबा गला गिकनोन हिन्ना।

३१ चलागदेस येशूदा भिजी, “चुदेला म्हिला हुलसे तोर हुइ मार हुइ लबा स्हीना स्हीनान दाःसी हराड डादा खाल्स थुर्जी भिसी सुडवान मुला” ३२ डादा थुर्बा खाल भिसी येशूसे क्युर्सनि च्याबारी छुयाइजी। ३३ ओच्छे थं का निबा बथास स्याप्या मिरडम्हमस येशूला क्वान थुर्मा हराडदा तिग तर्जी भिबा था तर्सी लाडसी फितफित धर्बान येशूला डाच्छापट्टि फया लजी। ३४ ओच्छे येशूदा जम्मान सत्य ताम पाडजी। ३५ येशूसे थदा “झामे, एला विश्वाससे लमा ए खम्बा मुला। दाहेन्से ए दुक्क तर्सी निउ, एला रोग म्हाजी” भिसी सुडजी।

३६ येशूसे ताम लवान लबा धुइरी याइरसला दिमग्याम म्हिगदे खसी, “हराडला झामे सिजी, दाहेन्से गुरुदा दुख थापिन्ना” भिसी भिजी।

३७ तर येशूसे थनीगदेला तामदा थेगो आलना, याइरसदा “थालोडगो, एसे विश्वास जे लउ” भिसी सुडजी। ३८ ओच्छे येशूसे पतरूस, याकूबदेन याकूबला आले यूहन्नादा बाहेक स्थान्दोदा हराडदेन छुयाम खआपुडनी। ३९ थनीगदे याइरसला दिमरी फप्समा येशूसे थरी मुबा म्हिगदे कराबा किरडबादेन हल्ली खल्ली लसी चिबा मराडजी। ४० येशू दिम न्हडरी वाडसी, थनीगदेदा “तिगदा एनीगदे चुहरड लसी कराबा किरडबादेन हल्ली खल्ली लसी चिबा ? माइ सिबा आरे, म्हर्सी चिबा मुला” भिसी सुडजी।

४१ तर थनीगदेस येशूला तामदा खिसी लसी डेःजी। ओच्छे येशूसे थनीगदे जम्मादान मडग्यार तेःसी माइला आबादेन आमा ओच्छे हराडला चलागदेदा छुयाम भासी माइ मुबा ग्लारी फप्जी। ४२ ओच्छे येशूसे थं माइला या चुडसी, “तालिता कुम,” भिसी सुडजी। चु भिबा चा “माइ रेःगो” भिबा हिन्ना। ४३ येशूसे चुहरड सुडमेछुयाम थं माइ डाड रेःसी क्यारमार भर्बारी छुयाइजी। थं माइ च्युक न्ही दिडला मुबा। चु मराडसी थनीगदे उदेक म्हन्जी। ४४ येशूसे थनीगदेदा “च्यागो, चु ताम खालेसे था थायाडगो।” ओच्छे थं माइदा चा “तिगे चबा रहे पिन्गो” भिसी सुडजी।

नासरतरी येशूदा पत्याब आतबा

मत्ती १३:५३-५८ ; लूका ४:१६-३०

१ येशू थं ग्याम थोन्सी हराडलान नाम्सारी फप्जी। ओच्छे थला चलागदेएनोन थंदन छुयाम निजी। २ ब्रतप्या न्हाबा धिनकुनु येशूसे यहूदीगदे हरूप तबा दिमरी लाप्यारी छुयाइजी। थंसे लाप्या मराडसी ल्हानान म्हिगदे उदेक तर्जी, “चु म्हिसे चु जम्मान खानडग्याम याडजी ? चुदा पिन्बा चु ज्ञान बुदधि साहरडबा हिन्ना ? चुला याग्यामसे साहरडबा उदेकला गे तबा ? ३ तिग चु मरियमला झा, याकूब, योसफ, यहूदादेन सिमानला ज्योज्या सिकर्मा आहिन ? तिग चुला आडागदेएनोन य्हाडदेन छुयाम आरे ?” भिसी येशूला ताम पत्याब आतनी।

४ येशूसे थनीगदेदा “अगमवक्तादा जम्मान ग्लारी मान लला, तर हराडला नाम्सारीदेन हराडला म्हिगदे ओच्छे हराडला दिमरी बाहेक अर्गु खजिबे ग्लारी निसैनान मान लला” भिसी सुडजी। ५ थरी येशूसे कोइ कोइ आखम्बा म्हिगदेथारी हराडला या थान्सी थनीगदेदा खम्ना लजी। तर थनीगदेला विश्वास आरेबा मराडसी अर्गु उदेकला गे आलनी। ६ येशू थनीगदेस विश्वास आलबा मराडसी उदेक म्हन्जी। थंतबासलमा नामसा नाम्सारी लाप्यारी फप्जी।

येशूसे हराडला च्युक न्ही चलागदेदा पुइबा

मत्ती १०:१, ५-१५ ; लूका ९:१-६

७ थं धुइरी येशूसे हराडला च्युक न्ही चलागदेदा डयाइसी थनीगदेदा म्हड ताप्या अधिकार पिन्सी गोर न्ही न्ही लसी पुइजी। ८ येशूसे थनीगदेदा चुहरड भिसी कुलजी, “एनीगदेस ग्यामला लागिरी कडी बाहेक तिगे चबा रहे, टाडगा, झोला थापुइगो। ९ तर लखम क्वान्गा, ओच्छे हराडला लागिरी पोबा क्वान थापुइगो। १० दाःसी येशूसे थनीगदेदा चुहरड भिसी सुडजी, “एनीगदे खजिबे दिमरी वाडमाहेन्से थं नाम्साग्याम थोन्सी आनितधोना एनीगदे थं दिमरीन चिउ। ११ चुदे खजिबे ग्लारी एनीगदेदा मान आलनी। ओच्छे एनीगदेस पाडबा ताम आड्यान्नी भिसम, एनीगदे थं ग्लायाम थोन्बा धुइरी दाहेन्से डन्से लतोःबा गे लसी जिन्जी। एनीगदेस तिग

लतोःबा लउ भिसी काडला धुलु खसी पिन्गो ।”
०

१२ जमाहेन्से थला चेलागदे थग्याम थोन्सी निसी ग्हिगदेदा “हराड हराडला पाप ख्तासी परमेश्वरपट्टि दोःगो” भिसी पाड्जी । १३ थनीगदसे ल्हानान ग्हिला ल्हुङ्ग्याम म्हड ताप्जी । ओच्छे ल्हानान आखम्बा ग्हिगदेदा छुयुगु फोर्सी परार्थना लसी खम्ना लजी । १

बप्तिस्मा पिन्बा यूहन्ना सिबा

मत्ती १४ : १-१२ ; लूका १ : ७-९

१४ येशूस लबा उदेकला गेला बाररी हरोद ग्लसे थःजी, तिग्दा भिसम जम्मान ग्लारी येशूला मिन थःमुबा । गाते म्हिसे मी “बप्तिस्मा पिन्बा यूहन्ना सिबाग्याम सोसी खजीम, थेतबासेलमान थसे चुहरडबा उदेकला गेगदे लबा हिन्ना” भिसी भिमुबा । १५ तर स्थान्दोगदेसे, “चु एलिया हिन्ना” भिसी भिजी । ओच्छे अन्न स्थान्दोगदेसे, “चु ग्हि मी ओन्माला अगमवक्तागदे हरडबान अगमवक्ता गिक हिन्ना” भिसी भिजी । १६

१६ तर हरोदसे चु ताम थःसी, “चु ग्हि डाइ साइपुडबा यूहन्ना हिन्ना, थनोन सिबाग्यामसे सोसी खजीम” भिसी भिजी । १७ तिग्दा भिसम डाच्छा हरोद हराडसेन यूहन्नादा चुडपुड्जी थदा झ्याल्वानरी थान्बा मुबा । हरोदसे हराडला आले फिलिपला मिरड हरोदियासदेन छुयाम ब्याह लबासे लमा थसे यूहन्नादा झ्याल्वानरी थान्बा मुबा । १८ तिग्दा भिसम यूहन्नासे हरोददा “हराडसे आले चाडदेन छुयाम ब्याह लबा ठीक आहिन” भिसी भिमुबा । १९ थेतबासेलमा हरोदियाससे यूहन्नाथारी ईख थान्सी थदा साइबारी म्हाइमुबा तर खम्बा आरेबा । २० तिग्दा भिसम यूहन्ना परमेश्वरसे म्हन्बा अन्छार मरबा ग्हिदेन परमेश्वरला लागिरी फसी थान्बा ग्हि भिसी हरोददा था मुबा । थेतबासेलमा यूहन्नादेन छुयाम लोड्सी थदा जोगब लसी थान्मुबा । यूहन्नासे लोप्बा मराड्सी थला सेम करामुबा । तसेनोन सेम लसी झयान्मुबा ।

२१ हरोदियाससे हरोद न्हा धिनदा दन्सी लबा भोजकुनु ज्यबा मौका याड्जी । हरोदसे हराड न्हा धिनदा दन्सी घरेन पदरी मुबा ग्हिगदे, सिपाहीला कप्तानगदेदेन गालील

नाम्साला गन्बा ग्हिगदेदा झयोइसी भोज पिन्जी । २२ थे धुइरी हरोदियासला हराडलान झामे थरी खसी ग्हिजी । थे ग्हिबा मराड्सी हरोद ग्लेदेन थला डोन्बोगदे ल्हानान ताड्जी । हरोद ग्लेसे थे माइदा “एदा तिग तोःबा डादा हरीगो, थे डाइ एदा पिन्ना” भिसी भिजी । २३ ओच्छे हरोद ग्लेसे घरान फासी, “एदा डाला गडसल ग्हुल्सा भिसे पिन्ना” भिसी भिजी ।

२४ ओच्छे थे मडग्यार थोन्सी हराडला आमदा डाइ तिग हरीगो भिसी, झयोइमा, “बप्तिस्मा पिन्बा यूहन्नाला थोबा हरीगो” भिसी थला आमसे भिजी । २५ चुहरड भिमैछुयाम थे माइ ग्ले मुबा ग्लारी निसी, “दान्दे डादा हराडसे बप्तिस्मा पिन्बा यूहन्नाला थोबा खार्बारी भउ” भिसी भिजी । २६ थहरड भिमाहेन्से ग्लेला सेमरी दुख डहम्जी, तर ओतला डोन्बोला ओन्छाडरी घरान फासी पाड्बा तामदा थाबारी आखम्नी । २७ थेतबासेलमा थसे तुरुन्तन हराडला सिपाही गिकदा “बप्तिस्मा पिन्बा यूहन्नाला थोबा थोसी भउ” भिसी कुल्जी । ओच्छे थे सिपाही झ्याल्वानरी निसी यूहन्नाला थोबा थान्जी । २८ थोसी भसी थे माइदा खार्बारी युसी पिन्जी । ओच्छे थे माइसे थला आमदा पिन्जी । २९ चु ताम थःसी यूहन्नाला चेलागदे खसी थला लास भोर्सी धुसरी थान्जी ।

येशूस हजार डा ग्हिगदेदा चबा ग्हि पिन्बा

मत्ती १४ : १३-२१ ; लूका

९ : १०-१७ ; यूहन्ना ६ : १-१३

३० येशूस पुडबा जम्मान मुल चेलागदे दोःसी खसी येशू मुबा ग्लारी पोप तजी । थनीगदसे लबा गदेन लोप्सी पिन्बा तामगदे येशूदा पाड्जी । ३१ येशूस थनीगदेदा “एनीगदेएनोन सुनसान ग्लारी खसी ब्रन्बा न्हउ” भिसी सुड्जी । तिग्दा भिसम थरी खबा निबा ग्हिगदे ल्हानान मुबासे लमा थनीगदेदा चबारी सुत्तै फुसत आरेबा । ३२ थेतबासेलमा थनीगदे दौंगारी करःसी सुट्टकक सुनसान ग्लारी फेप्जी । ३३ तर ल्हानान ग्हिगदेसे थनीगदे निबान लबा मराड्जी । थेतबासेलमा थनीगदे फेप्गे लबा ग्ले था याड्सी, नाम्सा नाम्साला ग्हिगदे यार्बान थनीगदे फेप्बा ग्लापट्टि निजी ।

०६ : ११ लूका १० : ४-११ ; मुल १३ : २१ १६ : १३ याकू ५ : १४

०६ : १५ मत्ती १६ : १४ ; मर्क ८ : २८ ; लूका ९ : १९ १६ : १८ लूका ३ : १९-२०

ओच्छेथनीगदेद मन्दा डाच्छा धोजी। ३४ येशू दौंगाग्याम फाप्वा धुइरी ल्हानान म्हेला हुल मराडसी थदा दया रःजी। तिग्दा भिसम थ म्हेगदे गोठालो आरबा ग्युगदे हरडबा मुबा। येशूस थ म्हेगदेदा ल्हानान ताम लोप्बारी छ्याइजी।^१

३५ ड्यस तमाहेन्स थला चेलागदे थ मुबा ग्लारी ससी थदा “दाहेन्स ड्यस तसी जिन्जी, चु सुनसान ग्लारी तिगे आर। ३६ थतबासलमा चु म्हेगदेदा पुइगो। थनीगदे चु क्यारमारला नाम्सारी निसी चबा स्हेगदे ग्लुसी चगे” भिसी भिजी। ३७ तर येशूस थनीगदेदा “एनीगदेसन चुगदेदा चबा स्हे पिन्गो” भिसी सुड्जी। तर थनीगदेस येशूदा “डन्स ग्यार्जा न्ही म्हुइला डबतस गेड ग्लुसी थनीगदेदा चबारी छ्योला ?” भिसी भिजी।

३८ येशूस थनीगदेदा “एनीगदेदेन छ्याम गेड गाते मुला? निसी च्यागो” भिसी सुड्जी। जमाहेन्स थनीगदेस च्यासी, “गोर डा गडेदेन गोर न्ही तार्डा मुला” भिसी भिजी।

३९ जमाहेन्स येशूस म्हेगदेदा पाडरी लाम लसी चिउ भिसी कुल्जी। ४० ओच्छे म्हेगदे ग्यार्जा ग्यार्जादेन बोगल न्हीसे च्युइ च्युइला लाम लसी पाडरी चिजी। ४१ येशूस थ गोर डा गेडेदेन गोर न्ही तार्डा थोसी स्वर्गपट्टि स्हीसी परमेश्वरदा धन्यवाद पिन्जी। ओच्छे थ गोर डा गेडे क्युइसी म्हेगदेदा भो लसी पिन्गो भिसी चेलागदेदा पिन्जी। ओच्छे गोर न्ही तार्डाएनोन जम्मान म्हेगदेदा भो लसी पिन्जी। ४२ ओच्छे जम्मान म्हेगदेस मरेन्ना चजी। ४३ जमाहेन्स चेलागदेस लेडबा गेडेदेन तार्डा दुइमा च्युक न्ही सोली तजी। ४४ थरी चबा हरम्फबगदे हजार डा मुबा।

येशू समुन्दरथोरी भरबा

मत्ती १४ :२२-३६ ; यहन्ना ६ :१५-२१

४५ ओच्छे येशूस तुरुन्तन हराडला चेलागदेदा दौंगारी करःसी क्यामसड बथसेदा नाम्सारी हराड मन्दा डाच्छा पुइजी। थ धुइरी येशूस चा म्हेला हुलदा पुइबान लजी। ४६ ओच्छे थनीगदेदा पुइमाहेन्स येशू गडपट्टि परार्थना लबारी फप्जी। ४७ ड्यस तमा दौंगा समुन्दरला गुडरी मुबा, ओच्छे येशू चा गिकजेन समुन्दरला कुनीरी मुबा। ४८ थस

चेलागदेदा दौंगा चलब लबारी गाहरो तबा मराड्जी। तिग्दा भिसम लाबा उल्लोग्यामसे खबा मुबा। स्होला तीन बजेरीक्यार येशू समुन्दरथोरी भरबान थनीगदेपट्टि फप्खजी, ओच्छे थनीगदेदा ख्तासी डाच्छा फप्ग लमा, ४९ थनीगदेस येशूदा समुन्दरथोरी भरबान लबा मराड्सी म्हेड मुनम भिसी थनीगदे लाड्सी किरड्जी। ५० तिग्दा भिसम येशूदा मराड्सी जम्मान लोड्बा मुबा। तर तुरुन्तन येशूस थनीगदेदा “भड लउ, डानोन हिन्ना, थालाड्गो” भिसी सुड्जी। ५१ ओच्छे हराडला चेलागदेदेन छ्याम दौंगारी करःजी। जमाहेन्स लाबालुडसर म्हाजी। ओच्छे थनीगदे ल्हानान उदेक तजी। ५२ तिग्दा भिसम थनीगदेला सम कोडबास लमा येशूस हजार डा म्हेगदेदा गेड पिन्वा मराड्सीएनोन थला अर्थ घोबा आरबा।

५३ थनीगदे समुन्दर थासी गनेसरत भिबा ग्लारी धोखमाहेन्स दौंगा समुन्दरला कुनीरी थान्सी, ५४ दौंगाग्याम फाप्पेछ्याम म्हेगदेस येशूदा डोसेजी। ५५ ओच्छे थनीगदे क्यारमारला नाम्सारी निसी येशू फप्खजी भिसी थःना लजी। जमाहेन्स म्हेगदेस आखम्बा म्हेगदेदा तीबा नान्बादेन छ्यामनोन येशू मुबा ग्लारी भबारी छ्याइजी। ५६ जुन जुन ग्लारी येशू फप्जी, थ ग्लारी म्हेगदेस आखम्बा म्हेगदेदा येशूला क्वान जे भिसे, थुपुंङ्गो भिसी बिन्ती लजी। ओच्छे येशूला क्वान थुर्बा जति जम्मान सप्जी।

रिमठिमला बारी लोप्वा ताम

मत्ती १५ :१-२०

१ येशूसलेमग्याम खबा फरिसीदेन यहूदी ७ धर्मगुरुगदे येशूला क्युर्नान पोप तजी। २ थनीगदेस येशूला कोड कोड चेलागदेस या आखरुना चबा मराड्जी। ३ फरिसीगदेदेन यहूदीगदला आखे म्हेमला रिमठिम अन्ड्यार या आखरुतेधोना चबारी आतबा मुबा। ४ चुदे जे आहिन बजारग्याम समाहेन्स नुहाब आलतेधोना आचमुबा। आखे म्हेमला चु मन्दा ल्हानान रिमठिम तेन्मुबा ओच्छे सारगदे, ताडगदेदेन कांसला ताडगदे म्याप्वा रिमठिम मुबा।

५ ओच्छे फरिसीगदेदेन यहूदी धर्मगुरुसे येशूदा “हराडला चेलागदे तिग्दा आखे म्हेमला रिमठिम

अन्छार आभरबा ? ओच्छ या आखरुनान चबा ?”
मिसी इयोइजी ।

६थतबासलमा थनीगददा चुहरङ्ग मिसी
सुङ्गी, “एनीगद हराङ्गला कन्टी म्हिगदला
लागिरी यशेया अगमवक्तास भिरबा ताम
ढिक्वा मुला,

‘चु म्हिगदसं सुङ्गसं जे डादा मान लमुला,
तर समहन्सं चा मान आलमुला ।

७ओच्छ एनीगदसं डादा तेन्बाम तेन्मुला
तसेनोन परमेश्वरसं कुल्बा तामदा भन्दा म्हिसे
स्हाबा रिमठिमदा धरन म्हेन्मुला ।’

८एनीगदसं परमेश्वरसं कुल्बा ताम ख्नासी
म्हिगदला रिमठिम तेन्बा मुला ।”

९दोःसी येशूसं थनीगददा चुहरङ्ग मिसी
सुङ्गी, “एनीगद हराङ्गला रिमठिम तेन्बाला
लागिरी परमेश्वरसं कुल्बा ताम ख्नाबा
एनीगद साहरङ्गला छट्टट्टु ? १०तिगदा भिसम
माशासं भिबा मुला, ‘एस हराङ्गला आबा
आमादा मान लउ,’ ओच्छ ‘जुन म्हिसे हराङ्गला
आबा आमादा बिरोध लसी नइबा ताम लला
थदा चा साइनोन तोःला’ मिसी सुङ्गला मुला ।

११तर एनीगदसं चा ‘जुन म्हिसे हराङ्गला
आबा आमादा पिन्तोःबा स्हे परमेश्वरदा
फुल्बा मुला, थसं हराङ्गला आबा आमादा मान
लआतोः’ मिसी पाङ्गमुला । १२थतबासलमा
एनीगदला तामग्यामसेन म्हिगददा थन्ना
आबा आमादा तिगे पिनआपुङ्गला हरङ्गबान
हिन्ना । १३चुहरङ्ग लसी एनीगद हराङ्गला
रिमठिम अन्छार चा भरमुला । तर परमेश्वरला
बचनदा चा तिगे गे आखल्बा मिसी म्हेन्मुला ।
चुहरङ्गला गे एनीगदसं ल्हानान लमुला ।”

म्हिदा चोखो तना लबा स्हेगदे

मत्ती १५ :१०-२०

१४दोःसी येशूसं म्हिदा हुलदा हराङ्ग मुबा
ग्लारी इयोइसी चुहरङ्ग मिसी सुङ्गी, “डाइ
पाङ्गला ताम तिग चीम मिसी एनीगदसं घोबारी
म्हाइगो । १५खजिबे चबा स्हेसे म्हिदा न्होङ्गना
लबारी आखम । तर म्हिदा सेमग्याम थोन्बा
तामसं जे म्हिदा न्होङ्गना लमुला । १६जुन म्हिदा
इयान्बा सेम मुला थसं इयान्सी घाउ ।”**

१७येशू म्हिगददा ख्नासी दिम न्हङ्गरी
वाङ्गमाहन्सं थला चेलागदसं “हराङ्गसं सुङ्गला
ताम इन्दा घाना लसी पिन्गो” मिसी मिजी ।
१८जमाहन्सं येशूसं हराङ्गला चेलागददा चुहरङ्ग
मिसी सुङ्गी, “दान्दघाना अझ एनीगदसं घोबा
आर ? एनीगददा था आर ? म्हिदा सुङ्ग्याम
न्हङ्गरी वाङ्गला स्हेसं म्हिदा न्होङ्गना आल ।
१९तिगदा भिसम चबा स्हे मी सेम न्हङ्गरी
आवाङ्गना फो न्हङ्गरी वाङ्गला ओच्छ फो
न्हङ्गसेनोन मङ्गयार थोन्ना ।” चुहरङ्ग लसी
येशूसं जम्मान चबा स्हे चबारी तला मिसी
हराङ्गला चेलागददा घाना लसी पिन्गी ।

२०येशूसं दोःसी चुहरङ्ग मिसी सुङ्गी,
“म्हिदा सेम न्हङ्ग्याम मङ्गयार थोन्बा
तामसं म्हिदा न्होङ्गना लमुला । २१तिगदा
भिसम म्हिदा सेमग्यामसेन नइबा म्हेन्बा,
बरेल्सी भरबा, य्दो लबा, म्हि साइबा,
२२म्हिदा मिरङ्गदेन छ्याम बरेल्सी भरबा,
लोभ लबा, नइबा गे लबा, ठगब लबा, सुङ्गरी
जे ताम खजी थनोन पाङ्गसी भरबा, डाह लबा,
म्हिदा तामगन लबा, डा हरङ्गला खाले आर
मिसी भरबा, मूर्ख गे लबा चु जम्मान तामगद
थोन्मुला । २३म्हिदा सेमग्याम थोन्बा चु
जम्मान नइबा तामसेन म्हिगददा न्होङ्गना
लमुला ।”

अर्गु य्हुलला मिरङ्गम्हेमला विश्वास

मत्ती १५ :२१-२८

२४जमाहन्सं येशू थग्याम टुरोस भिबा
ग्लापट्टि फन्गी । ओच्छ खालेसं था थायाङ्गे
मिसी दिम गिकरी वाङ्गी तसेनोन म्हिगदसं था
याङ्गी । २५थेनोन धुइरी मिरङ्गम्हेम गिकसं
येशूला बोररी थःमैछ्याम येशू मुबा ग्लारी
खसी येशूदा फया लजी । थ मिरङ्गम्हेमला
झामेदा म्हेङ्गसं स्यान्बा मुबा । २६थ मिरङ्गम्हेम
सिरिया य्हुल्साला फोनिके भिबा नाम्सारो
न्हबा मुबा । थ अर्गु य्हुलला मिरङ्गम्हेम
मुबा । थसं “डाला झामला ल्हुइग्यामसं म्हेङ्ग
ताप्सी पिन्गो” मिसी येशूदा बिन्ती लजी ।
२७तर येशूसं “डाच्छा हराङ्गला कोलागददा
मरेन्ना लतोःला, हराङ्गला कोलागदला गेङ

**७ :१६ चु पदला ताम चा ल्हानान हरङ्गला गरीक बाइबलरी भिरबा आर ।

††७ :२४ कोइ कोइ गरीक बाइबलरी “टुरोसदेन सीदोन” मिसी भिरबा मुला ।

७७ :७ यशै २९ :३३

७७ :१० परस्था २० :३२ ; २१ :१७ ; व्यव ५ :१६ ; लेवी २० :१

ब्यन्सी नगीदा पिन्बा ठीक आहिन” भिसी सुङ्गी। २८ ओच्छे थं मिरडम्हमेस “हिन्ना परमु, तसेनोन कोलागदसे चवान लमा ताइबा मराइभरुइ नगीसोनोन चम्याङमुला” भिसी भिजी। २९ येशूस थं मिरडम्हमेदा “एस चुहरङ् भिबास लमा एला झामेला ल्हुङ्ग्याम म्हङ् थोन्सी निसी जिन्बा मुला। दाहन्स ए दिमरी निउ” भिसी सुङ्गी। ३० थं मिरडम्हमे दिमरी थोमा झामेला ल्हुङ्ग्याम म्हङ् थोन्सी निसी जिन्बा मुबा, ओच्छे झामे चा खाटरी म्हर्सी चिबा मुबा।

नाब्यङ् आथे:बा सागले म्हि सम्बा

३१ येशू टुरोस भिबा ग्लाग्याम थोन्सी सीदान ओच्छे डेकापोलिस तवान गालील समुन्दररी फेप्जी। ३२ थरी म्हिगदसे नाब्यङ् आथे:बा सागले म्हिदा येशू मुबा ग्लारी भसी, “थेदा थुर्सी सम्ना लपिन्गो” भिसी बिन्ती लजी। ३३ येशूस थं म्हिदा म्हिदा हुलग्याम जजाकी क्याथाङ् भोर्सी थला नाब्यङ् न्हीरी या जुम्बी झाङ्गी। ओच्छे सरी थो स्वासी यास थला लेरी थुर्जी। ३४ जमाहेन्से येशूस स्वर्गपट्टि स्हीबान सा न्हीसी, “इफफाता” भिसी सुङ्गी। चु भिबा चा “ठोङ्गो” भिबा हिन्ना। ३५ चुहरङ् भिमैळ्याम थं म्हिदा नाब्यङ् थं:जी ओच्छे थंस ज्यना लसी ताम पाङ्बारी छ्याइजी। ३६ येशूस थनीगद जम्मादान “चु ताम खालेदा थापाङ्गो” भिसी कुल्जी। तर जति जति चु ताम खालेदा थापाङ्गो भिसी कुल्जी, झन ओतन म्हिगदसे पाङ्बान भुरजी। ३७ चु ताम थं:बागदसे उदक म्हन्सी, “येशूस लबा जम्मान गे ज्यबा मुला। थंस नाब्यङ् आथे:बा सागले म्हिदाएनोन सम्ना लमुला” भिसी भिबारी छ्याइजी।

येशूस हजार ब्रित म्हिदा चबा स्हे पिन्बा

मत्ती १५ :३२-३९

१ तिगे धिन लिच्छा दो:सी म्हिदा हुल पोप तजी। थनीगददेन छ्याम चबा स्हे तिगे आरेबास लमा येशूस हराङ्गला चेलागदेदा ड्याइसी, २ “चु म्हिगदेदा मराङ्गी डादा दया रे:जी। तिगदा भिसम चुगदे डादेन छ्याम भुरबा तिनी सोमर तजी। ओच्छे चुगदेदेन छ्याम चबा स्हे तिगे आर। ३ चु म्हिगदेदा फोइथाननोन दिमरी पुइजी भिसम ग्यामरी बिहोस तला।

तिगदा भिसम कोइ कोइ म्हिगदे ल्हानान थारङ्ग्याम खबा मुला” भिसी सुङ्गी।

४ जमाहेन्से चेलागदसे येशूदा “चुहरङ्बा तिगे आयाङ्बा ग्लारी चु म्हिगदेदा खानङ्ग्याम गेङ् भसी ख्वास?” भिसी भिजी। ५ येशूस थनीगदेदा “एनीगदेदेन छ्याम गेङ् गाते मुला?” भिसी ड्याइमा, थनीगदसे “डन्देन छ्याम गोर निस गेङ् मुला” भिसी भिजी।

६ जमाहेन्से येशूस थरी मुबा म्हिदा हुलदा पाङ्गी चिपुङ्गी। ओच्छे थंस गोर निस गेङ् थोसी परमेश्वरदा धन्यवाद पिन्सी गेङ् क्युइसी चेलागदेदा भो लसी पिन्गो भिसी सुङ्गी, ओच्छे चेलागदसे म्हिगदेदा भो लसी पिन्जी। ७ थनीगदेदेन छ्याम जजाबा तार्डागदेएनोन मुबा। येशूस तार्डाला लागिरीनोन धन्यवाद पिन्सी चेलागदेदा भो लपुङ्गी। ८ ओच्छे म्हिगदेसे मरेन्ना चजी। जमाहेन्से चेलागदसे लेङ्बा गेङ्देन तार्डा दुइमा सोली निस तजी। ९ थरी गेङ् चबा म्हिगदे हजार ब्रित ते मुबा। येशूस म्हिदा हुलदा पुइसी, १० हराङ्गला चेलागदेदेन छ्याम दोगारी कर:सी दलमनुथा भिबा ग्लारीक्यार फेप्जी।

फरिसीगदसे उदकला चिनु म्हाइबा

मत्ती १६ :१-४

११ फरिसीगद येशू मुबा ग्लारी खसी चुहरङ् भिसी ताम लबारी छ्याइजी। ओच्छे येशूला सम च्याबान, “डन्दा स्वर्गला चिनु गिक उन्गो” भिसी भिजी। १२ चु ताम थं:सी येशूस सा न्हीसी, “एनीगदेसे डाता ताम ड्यान्गो, दान्दला म्हिगदेसे तिगदा चिनु म्हाइबा? तर डाइ दान्दला म्हिगदेदा तिगे चिनु आउन” भिसी सुङ्गी। १३ ओच्छे थनीगदेदा ख्वासी दोगारी कर:सी येशू क्याम्सडपट्टि फेप्जी।

येशूस फरिसीदेन हेरोदसे लबा लुसीला तामला बाररी लोम्बा

मत्ती १६ :५-१२

१४ दोगारी कर:सी समुन्दरला क्याम्सडपट्टि निबा पुइरी चेलागदसे गेङ् भोर्बारी म्ते:बा मुबा। थनीगदेदेन छ्याम गेङ् गिक जे मुबा। १५ ओच्छे येशूस थनीगदेदा “च्यागो, एनीगदे फरिसीदेन हेरोद ग्लेला खमीरग्याम हाशियार तसी चिउ” भिसी सुङ्गी।

१६ तर चेलागदेसे चा “म्ह्गददेन छ्याम गेड आरेबास लमा येशूस चुहरड भिसी सुडबा हिन्ना” भिसी हराड हराड न्हडरी ताम लबारी छ्याइजी।

१७ चेलागदेसे चुहरड लसी ताम लबा था याडसी येशूस थनीगदेदा चुहरड भिसी सुडजी, “एनीगदे गेड आर भिसी तिग्दा ताम लसी चिबा? एनीगदेसे अझ घोबा आर? एनीगदेला सम कोडबान मुला? १८ मी मुसेनोन एनीगदेसे तिग्दा आमराडबा? नाब्यड मुसेनोन तिग्दा आथे:बा? अझ एनीगदेसे ढन्बा आर? १९ डाइ गोर डा गेडसे हजार डा म्हिगदेदा स्वामा एनीगदेसे लेडबा गेड गाते सोली दुडबा मुबा?” थनीगदेसे “च्युक न्ही सोली” भिसी भिजी। २० ओच्छे “डाइ गोर निस गेडसे हजार ब्वि म्हिगदेदा स्वामा एनीगदेसे लेडबा गेड गाते सोली दुडमुबा?” भिसी येशूस इयोइमा, थनीगदेसे “सोली निस” भिसी भिजी। २१ जमाहेन्से येशूस थनीगदेदा “थहरड भिसम अझ एनीगदेसे तिग्दा आघाबा?” भिसी सुडजी।

येशूस मी आमराडबा म्हिला मी मराडना लबा

२२ येशू हराडला चेलागदेदेन छ्याम बेथसेदा भिबा ग्लारी थोखमा म्हिगदेसे मी आमराडबा म्हि गिकदा येशू मुबा ग्लारी भसी, “चुदा थुसी पिन्ना” भिसी बिन्ती लजी। २३ येशूस थ मी आमराडबा म्हिदा नाम्साग्याम क्याथाड भोसी थ मी आमराडबा म्हिला मीरी थो स्वाजी ओच्छे यास थुसी, “एस तिगे मराडजी?” भिसी इयोइमा, २४ थ मी आमराडबा म्हिस ओसा च्यासी, “डाइ म्हिगदेदा दोड भरबा हरड लसी क्युर्सान भरबा मराडबा मुला” भिसी भिजी। २५ येशूस दो:सी थ मी आमराडबा म्हिला मीरी हराडला यास थुजी। जमाहेन्से थसे मराडजी। २६ जमाहेन्से थ म्हिदा येशूस नाम्सारी आवाडना दिमरी निड भिसी पुडजी।

येशू परमेश्वरला म्हि खरीष्ट हिन्ना

मत्ती १६ :३३-२० ; लूका ९ :३८-२१

२७ जमाहेन्से येशू हराडला चेलागदेदेन छ्याम कैसरिया फिलिप्पी भिबा ग्लाला नाम्सारीक्यार फपजी। थनीगदे ग्यामरी फबान लमा येशूस हराडला चेलागदेदा

“म्हिगदेसे डादा खाल भिमुला?” भिसी इयोइजी।

२८ थनीगदेसे “खालेसे बन्तिस्मा पिन्बा ग्रहन्ना, खालेसे एलिया, ओच्छे गाते म्हिसे चा अगमवक्तागदे न्हडला गिक हिन्ना भिमुला” भिसी भिजी। २

२९ “तर एनीगदेसे चा डा खाल भिसी म्हन्मुला?” भिसी येशूस इयोइमा, पतरुससे “हराड परमेश्वरला म्हि थार्वा पिन्बा खरीष्ट हिन्ना” भिसी भिजी। ३

३० येशूस थनीगदेदा “च्यागो, एनीगदेसे चु ताम खालेदा थापाडगो” भिसी कुल्जी।

येशूस हराड साहरड लसी सिला
भिबा ताम चेलागदेदा सुडबा

मत्ती १६ :२१-२८ ; लूका ९ :२२-२७

३१ जमाहेन्से येशूस हराडला चेलागदेदा “परमेश्वरसे पुडखबा म्हिस ल्हानान दुख नातो:ला। थदा यहूदी गन्बागदेसे, परमेश्वरला मन्दिररी पूजा लबा मुल म्हिगदेसे ओच्छे यहूदी धर्मगुरुगदेसे बिराध लसी साडला। तसेनोन थ सिबाग्याम सोमरमाकुनु सोला” भिसी सुडजी। ३२ येशूस चुहरड भिसी हराडला चेलागदेदा घाना लमाहेन्से पतरुससे येशूदा जजाकी क्याथाड भोसी, “चुहरड थासुडगो” भिसी बडजी। ३३ तर येशू स्थान्दो चेलागदेपट्टि फिलक दो:सी थनीगदेदा स्हीबान पतरुसदा “शेतान ए चुग्याम थोन्सी निड! एस म्हन्बा ताम परमेश्वरला आहिन, म्हिला हिन्ना” भिसी बडजी।

चेलागदेसे नातो:बा दुख

मत्ती १६ :२४-२८ ; लूका ९ :२३-२७

३४ जमाहेन्से येशूस हराडला चेलागदेदेन थरी मुबा म्हिगदेदा इयोइसी, “खाले म्हि डाला चेला दोबा सेम मुसम थसे हराडला ज्याननोन माया मारब लसी हराडला करुस हराडसेन पुडसी डादेन छ्याम भर्गे” भिसी सुडजी। ३५ तिग्दा भिसम जुन म्हिस हराडला ज्यान जोगब लबारी म्हाडला थ म्हिसे जुकजुकघोनाला जुनी आयाड, तर डादेन थार्वा पिन्बा समाचारला लागिरी ज्याननोन पिन्खम्बा म्हिसे चा जुकजुकघोनाला जुनी याडला।

३६ म्हिसे जम्बुलिङ्गनोन यारी किन्सी हराङ्गला ज्यान चा निजी भिसम थंदा तिग ज्यबा तला ? ३७ जम्बुलिङ्गरी म्हिला ज्यान भन्दा घरन अर्गु तिगे स्हे मुला ? ३८ ओच्छे दान्दे पापीदेन नइबा बानीबहार थोसी भरबा म्हिगदला ओन्छाङ्गरी जुन म्हि डादेन डाला तामरी पःला लिच्छा परमेश्वरला स्वर्गदूतगददेन छ्याम परमेश्वरस पुइसबा म्हि हराङ्गला आबा परमेश्वरला य्हुल्सा शक्तिरी सबा थंदा हराङ्गला भिबारी पःला ।

१ ओच्छे येशूस थनीगददा “च्यागो, १ एनीगदसे डाला ताम ड्यान्गो, चुरी मुबा म्हिगदे न्हङ्गला कोइ कोइ म्हि चा परमेश्वरला य्हुल्सा शक्तिरी सबा आमराङ्गतेधोना आसि” भिसी सुङ्गजी ।

येशूला स्थाल पोबा

मत्ती १७ :१-१३ ; लूका ९ :२८-३६

२दुरे लिच्छा येशूस पतरूस, याकूबदेन य्हुन्नादा जे हराङ्गदेन छ्याम नोबा गङ्गरी भोसी फण्जी । ओच्छे चलागदसे च्याना च्याना येशूला स्थाल पोजी । ३ येशूला क्वान धिनीला स्हेर हरङ्गबान य्हाल य्हाल तसी चुदे य्हाल य्हाल तजी कि ओत तार मी जम्बुलिङ्गला खजिबे म्हिसे खरुसेनोन तना लआखम । ४ थं धुइरी थनीगदसे एलियादेन मोशा, येशूदेन छ्याम ताम लबान लबा मराङ्गजी । ५ चु मराङ्गसी पतरूससे येशूदा “गुरु, डनीएनोन चुरी मुबा ज्यबा तजी । दाहन्से डन्से चुरी छ्यापरो सोम स्होइ, गिक हराङ्गला लागिरी, गिक मोशांला लागिरी ओच्छे गिक एलियांला लागिरी” भिसी भिजी । ६ थनीगदे लोङ्गबासे लमा पतरूसदा तिग भितोःबा था आरबा ।

७ थं धुइरी ससु ससी थनीगददा घण्जी । ओच्छे ससु न्हङ्गयाम चुहरङ्गबा कोइ थःजी, “चु डाइ समहेन्से माया लबा डाला डा हिन्ना, चुस भिबा ताम एनीगदसे ड्यान्गो ।” ८ चुहरङ्ग भिबा थःसी थनीगदसे क्यारमार च्यामा थरी येशू बाहेक खालेदा आमराङ्गनी ।

९ जमाहन्से येशू हराङ्गला चलागददेन छ्याम गङ्गयाम फाण्वान लबा धुइरी येशूस चलागददा “परमेश्वरसे पुइसबा म्हि

सिबाग्याम आसोतेधोना एनीगदसे तिनी मराङ्गबा चु ताम खालेदा थापाङ्गो” भिसी सुङ्गजी । १० थनीगदसे येशूस सुङ्गबा ताम सेमरी थान्जी । तर थनीगदसे चु सिबा ग्याम सोबा भिबा चा तिग हिन्ना भिसी हराङ्ग हराङ्ग न्हङ्गरी ताम लजी ।

११ थनीगदसे येशूदा “यहूदी धर्मगुरुदसे तिगदा एलिया अगमवक्ता डाच्छा सतोःला भिबा ?” भिसी ड्योइजी । १२ येशूस थनीगददा चुहरङ्ग भिसी सुङ्गजी, “हिन्ना, डाच्छा एलिया खला ओच्छे थंसे जम्मान ताम दिवना लला । तर परमेश्वरसे पुइसबा म्हिसे ल्हानान दुख नातोःला ओच्छे जम्मान म्हिगदसे थंदा खलाला भिसी तिगदा भिरबा ? १३ तर च्यागो, एलिया मी ससी जिन्बा मुला । ओच्छे परमेश्वरला बचनरी भिरबा अन्छार थंदा म्हिगदसे जे लइ म्हेन्बा थेनोन लजी ।”

येशूस म्हेङ्गसे स्याप्वा कोलादा खम्ना लबा

मत्ती १७ :१४-२० ; लूका ९ :३७-४३

१४ थनीगदे स्थान्दो चलागदे मुबा ग्लारी धोखमा क्युनान म्हिला हुल मुबा । ओच्छे यहूदी धर्मगुरुद थरी चलागददेन छ्याम छलफल लबान मुबा । १५ म्हिगदसे येशूदा मराङ्गमेछ्याम उदक म्हेन्सी याबान निसी येशूदा फया लजी । १६ येशूस थनीगददा “एनीगदे तिग ताम लबान मुला ?” भिसी ड्योइमा, १७ म्हिला हुल न्हङ्गयाम म्हि गिकसे बिन्ती लबान येशूदा “गुरु, डाइ डाला डा हराङ्ग मुबा ग्लारी भबा मुला । म्हेङ्गसे स्याप्वास लमा थंसे ताम पाङ्गआखम्बा मुला । १८ थंदा म्हेङ्गसे म्याङ्गबा धुइरी थंसे सुङ्गयाम बोप्प्या तेःमुला । ओच्छे स्वा करसी कवरक कुवरक तमुला । डाइ हराङ्गला चलागददा थला ल्हुइग्याम म्हेङ्ग ताप्सी पिन्गो भिसी बिन्ती लजी, तर थनीगदसे आखम्नी” भिसी भिजी ।

१९ येशूस थनीगददा “विश्वास आलबा म्हिगदे, खाइमाधोना डा एनीगददेन छ्याम तला ? खाइमाधोना डाइ एनीगददा नासे ? थंदा डा मुबा ग्लारी भउ” भिसी सुङ्गजी ।

२० थनीगदसे थं म्हेङ्गसे स्याप्वा कोलादा येशू मुबा ग्लारी भजी । येशूदा मराङ्गमेछ्याम थं म्हेङ्गसे थं कोलादा लछार पछार लसी सरी

हिरल्ला लजी। ओच्छ सुङ्ग्याम बोप्प्या तःवान कक्क कुक्क तना लजी। २१ओच्छ येशूस थं म्हडस स्याप्वा कोलाला आबादा “स्वाइमाहेन्स चुहरड तबा?” भिसी इयोइजी। थंला आबास येशूदा चुहरड भिसी भिजी, “चुदा जजाहेन्सन चुहरड तबा हिन्ना। २२थंदा साइबारी म्हडस घरिघरि मरी, क्युइरी म्याड्बा मुला। गुरु, हराडस स्वस्सम इन्दा दया लसी स्वम्ना लपिन्गो।” २३येशूस थंदा “स्वस्सम भिसी तिग्दा भिबा? विश्वास लबादा जम्मान तस्सम्ता” भिसी सुङ्गी। २४येशूस चुहरड सुङ्गमाहेन्स थं म्हडस स्याप्वा कोलाला आबास किरड्बान भिजी, “गुरु, डाइ विश्वास लला। विश्वास लबारी डादा हरो लउ।”

२५म्हिला हुल हराड मुबापट्टि यार्बान स्वबा मराडसी येशूस म्हड्दा “ताइधोना लबादेन नाव्यड थेःना आलबा म्हड ए थं कोलाला ल्हुइग्याम थोन्सी निउ! दोःसी स्वाइमै चु कोलाला ल्हुइरी थावाड्गो” भिसी बड्गी। २६जमाहेन्स थं म्हड किरड्सी थं कोलादा लच्छार पच्छार लबान थोन्सी निजी। म्हड थोन्सी निबा धुइरी थं कोला सिबा तेबान तजी। ओच्छ थरी मुबा ल्हानान म्हिगदेस सिजीम भिसी म्हन्जी। २७तर येशूस थंला यारी चुडसी थोमाहेन्स थं डोड रेःजी।

२८दिम न्हडरी वाड्माहेन्स खाले आरबा धुइरी येशूदा चेलागदेस “तिग्दा इन्स थं म्हड्दा ताप्वारी आस्वम्नी” भिसी इयोइजी।

२९येशूस हराडला चेलागदेदा “चुहरड्बा म्हड्दा चा परार्थनाग्यामसं जे ताप्सम्ता, तर अर्गु तिगे लसी ताप्आस्वम” भिसी सुङ्गी।

दोःसी येशूसे हराड साहरड
लसी सिला भिसी सुङ्गा

मत्ती १७:२२-२३; लूका १:४३-४५

३०येशूदेन थंला चेलागदे थं ग्ला ख्लासी गालील अञ्चलग्याम तबान फेप्जी। हराड खानड मुला भिसी म्हिगदेस था थायाड्गे भिबा येशूला सम मुबा। ३१तिग्दा भिसम येशूस हराडला चेलागदेदा लोप्वान मुबा। थं

धुइरी येशूस थनीगदेदा “परमेश्वरसे पुइस्वबा म्हिदा चुड्सी म्हिगदेला यारी जिम्मा पिन्ना। थनीगदेस थंदा साइला, तसेनोन सोमरमाकुनु थं सिबाग्याम सोला” भिसी सुङ्गी ३२तर चेलागदेस चु ताम आघोनी, ओच्छ दोःसी येशूदेन छ्याम चु ताम इयोइबारी थनीगद लोङ्गी।

जम्मान भन्दा घरेन खाल ?

मत्ती १८:१-५; लूका १:४६-५०

३३थनीगदे कफर्नुहुम नाम्सारी थोमाहेन्स जम्मान दिमरी मुबा धुइरी येशूस चेलागदेदा “दोलो एनीगदे ग्यामरी तिग ताम लबान मुबा?” भिसी इयोइजी। ३४तर थनीगदे कुटिसी किजी। तिग्दा भिसम थनीगदेस “य्हाड न्हडला खाल घरेन हिन्ना” भिसी हराड हराड न्हडरी ताम लबा मुबा। ३५ओच्छ येशू धन्छयासी हराडला च्युक न्ही चेलागदेदा इयोइसी, “खाले घरेन दोबा सम मुसम थं जम्मान भन्दा जजा तसी जम्मान लन सवा लतोःला” भिसी सुङ्गी। ३६

३६जमाहेन्स येशूस थनीगदेला गुडरी कोला गिकदा भजी। ओच्छ थं कोलादा हराडला कुरी किन्सी चेलागदेदा, ३७“डाला मिनरी चुहरड्बा कोलागदेदा वास्ता लबासं डादा वास्ता लला, ओच्छ डादा वास्ता लबासं डादा जे आहिन, डादा पुइस्वबा डाला आबादा एनोन वास्ता लला” भिसी सुङ्गी। ३८

३९जमाहेन्स य्हुन्नासं येशूदा “गुरु, इन्स हराडला मिनरी म्हि गिकस म्हड ताप्वा मराड्गी। तर इन्स थंदा थंहरड लआपुङ्गी तिग्दा भिसम थं म्हि य्हाड्देन छ्याम भूबा म्हि आहिन” भिसी भिजी। ४०येशूस थनीगदेदा चुहरड् भिसी सुङ्गी, “एनीगदेस थंदा थंहरड थालउ। तिग्दा भिसम डाला मिनरी उदेकला गे लबासं साइमै डाला विरोध आल। ४१य्हाड्दा विरोध आलबा म्हि चा य्हाडपट्टित्ता हिन्ना। ४२च्यागो, खालेस एनीगदेदा थार्बा पिन्वा खरीष्टदा विश्वास लबा म्हि भिसी क्युइ ३३जे थुडबारी पिन्सेनोन थं म्हिस याडतोःवा इनाम याड्ता।”^k

३९:४१ “क्युइ” नेपाली बाइबलदेन ग्रीक बाइबलरी चा “कचौर नाड क्युइ” भिसी भिरबा मुला।

३९:३४ लूका २२:२४ ३९:३५ मत्ती २०:२६-२७; २३:११; मर्क १०:४३-४४; लूका २२:२६

३९:३७ मत्ती १०:४०; लूका १०:१६; यूह १३:२०

३९:४० मत्ती १२:३०; लूका ११:२३

४९:४१ मत्ती १०:४२

स्थान्दोदा पाप लपुङ्बा
मिहस याङ्ताःबा सजाय

मत्ती १८ : ६-९ ; लूका १७ : १-२

४२ दोःसी येशूस थनीगददा चुहरङ् मिसी सुङ्गी, “जुन मिहस डादा विश्वास लबा चु कोलागद न्हङला गिकदा पाप लपुङ्ला, थहरङ्बा मिहदा मी खारी ह्रान्दा च्यासी समुन्दरी भ्याङ्बा ज्यबा तला। ४३ चुदे एला यास पाप लपुङ्गी भिसम थ थासी भ्याङ्गो। या न्ही मुसी नर्गरी खाइमे आसिबा मरी निबा भन्दा बरु टुड तसी जुकजुकधोनाला जुनी याङ्बा चा एला लागिरी ज्यबा हिन्ना। ४४ नर्गरी न्ह च्योलोङ सिला न्ह मनोन सिला। ४५ ओच्छे एला काङसे एदा पाप लपुङ्गी भिसम थ थासी भ्याङ्गो। काङ न्ही मुसी नर्गरी निबा भन्दा बरु कुज्या तसी जुकजुकधोनाला जुनी याङ्बा चा एला लागिरी ज्यबा हिन्ना। ४६ नर्गरी न्ह च्योलोङ सिला, न्ह मनोन सिला। ४७ एला मीस एदा पाप लपुङ्गी भिसम तेःसी भ्याङ्गो मी न्ही मुसी नर्गरी निबा भन्दा मी गिक तेःसी भ्याङ्सी परमेश्वरला यहुत्सारी वाङ्बा एदा ज्यबा तला। ४८ नर्गरी न्ह च्योलोङ सिला, न्ह मनोन सिला। ४९ जम्मान मिहगददा मस खारब लसी चजा डम्बा हरङ्बा दोना लला। ५० चजा ज्यबा स्हे हिन्ना, तर चजाला डम्बा म्हाजी भिसम थ दोःसी तिगस डम्ना लबा ? थतबासलमा एनीगदसनोन हराङ् हराङ् न्हङरी चजा थान्ना ओच्छे हराङ् हराङ् न्हङरी दिक्सी चिउ।” ०

छोडपतरला बाररी लोप्बा ताम

मत्ती १९ : १-१२ ; लूका १६ : १८

१० येशू थ ग्ला ख्तासी यदन स्याङला क्याम्सडपट्टि यहूदिया अज्वलरी फेप्जी। थरीनोन मिहला हुल पोप तजी, ओच्छे येशूस दोःसी डाच्छाला हरङ् लसी थनीगददा लोप्जी। २ फरिसीगदस येशूला सम च्याबाला लागिरी येशूदा “खाले मिहस

हराङ्ला मिरङ्देन छोडपतर लबारी तला कि आत ?” भिसी डयोङ्जी। ३ येशूस थनीगददा “एनीगददा मोशास तिग भिसी कुल्बा मुला ?” भिसी सुङ्गी।

४ थनीगदस, “खालेस हराङ्ला मिरङ्दा ख्तातोःसम छोडपतर भिरसी ख्ताबारी तला भिसी मोशास पाङ्बा मुला” भिसी भिजी। ५

५ येशूस थनीगददा चुहरङ् मिसी सुङ्गी, “एनीगदला सम कोङ्बास लमा मोशास चुहरङ् मिसी कुल्बा हिन्ना। ६ तर परमेश्वरस जम्बुलिङ छ्यामाहन्सन थनीगददा हरम्कोलादेन मिरङ्कोला लसी स्होबा हिन्ना। ७ थतबासलमा मिहस हराङ्ला आबादेन आमादा ख्तासी हराङ्ला मिरङ्देन छ्याम दिक्सी चिमुला। ८ ओच्छे थन्नी ल्हुइ गिक हरङ्बान तला” दाहन्स थन्नी न्ही आहिन, तर गिक हरङ्बान हिन्ना। ९ थतबासलमा परमेश्वरस स्होबा जाडीदा खाले मिहस थाफगे।”

१० येशू हराङ्ला चेलागददेन छ्याम दिमरी धन्छ्याबा धुडरी चेलागदस येशूदा थ तामला बाररी डयोङ्जी। ११ येशूस थनीगददा चुहरङ् मिसी सुङ्गी, “खाले मिहस हराङ्ला मिरङ्देन छ्याम छोडपतर लसी स्थान्दो मिरङ्महमेदेन छ्याम ब्याह लजी भिसम डाच्छाला मिरङ्ला विराधरी थ बरत्सी भरबा हिन्ना। १२ ओच्छे थहरङ् लसी हराङ्ला हरम्बादेन छ्याम छोडपतर लसी स्थान्दो हरम्फबदेन छ्याम ब्याह लजी भिसम थ एनोन हराङ्ला डाच्छाला हरम्बाला विराधरी बरत्सी भरबा हिन्ना।” ९

येशूस कोलागददा मोलम पिन्बा

मत्ती १९ : १३-१५ ; लूका १८ : १५-१७

१३ येशूस हराङ्ला छ्या कोलागदथारी थान्सी मोलम पिन्ने भिसी मिहगदसे हराङ्ला कोलागददा येशू मुबा ग्लारी भजी। तर येशूला चेलागदसे थ कोलागद मबा मिहगददा बङ्गी। १४ चेलागदसे चुहरङ् लबा मराङ्सी येशूदा बामो रःजी। ओच्छे थनीगददा चुहरङ् मिसी

११९ : ४४ चु पदगदला ताम ल्हानान हरङ्बा गरीक बाइबलरी भिरबा आर।

११९ : ४९ गरीक बाइबलरी मग्याम चजा डम्बा दोना लला भिसी भिरबा मुला।

१९ : ४३ मत्ती ५ : ३० ११९ : ४७ मत्ती ५ : २९ ११९ : ४८ येशू ६६ : २४

०९ : ५० मत्ती ५ : ३३ ; लूका १४ : ३४-३५ ११० : ४ व्यव २४ : १-४ ; मत्ती ५ : ३१

११० : ६ उत्प १ : २७ ; ५ : २ ११० : ८ उत्प २ : २४ ११० : १२ मत्ती ५ : ३२ ; १ कोर ७ : १०-११

सुड्जी, “कोलागदेदा डा मुबा ग्लारी स्वपुड्गो, थनीगदेला ग्याम थाकागो। तिगदा भिसम परमेश्वरला यहुत्सा चु कोलागदे हरड्बालान हिन्ना। ११ एनीगदेस डाला ताम ड्यान्गो, जुन म्हिंस चु कोलागदेस हरड् लसी परमेश्वरला यहुत्सादा विश्वास आल थ म्हि परमेश्वरला यहुत्सारी खाइमे वाड्आम्याड्। १६ जमाहन्स येशूस कोलागदेदा हराड्ला कुरी किन्सी थनीगदेथारी हराड्ला छ्या थान्सी मोलम पिन्जी।

परमेश्वरला यहुत्सादेन फ्युकपो म्हि
मत्ती १९ :१६-३० ; लूका १८ :१८-३०

१७ येशू ग्यामरी फेन्बान लबा धुइरी म्हि गिक यार्बान ससी पुइ ज्बान येशूदा “ज्यबा गुरु, जुकजुकधोनाला जुनी याड्बाला लागिरी डाइ तिग लतोःला ?” भिसी ड्याइजी।

१८ येशूस थदा चुहरड् भिसी सुड्जी, “एसे डादा तिगदा ज्यबा भिबा ? परमेश्वर बाहक खाले ज्यबा आर। १९ परमेश्वरस कुल्बा ताम एदा थानोन मुला। म्हि थासाइगो, स्थान्दोदेन छ्याम बरल्सी थाभरउ, य्हा थालउ, लुसीला ताम पाड्सी थाभरउ, ठगब थालउ, ओच्छे हराड्ला आबा आमादा मान लउ।” ॥

२० थस येशूदा “परमु, चु गे मी डाइ जल्थुगुहन्सन लबान मुला” भिसी भिजी। २१ येशूस थदा स्हीबान माया लसी चुहरड् भिसी सुड्जी, “अझन एस गे गिक लतोःबा मुला। दाहन्स ए निसी एला जम्मान धन सम्पत्ति चूड्सी प्राड्बागदेदा भो लसी पिन्गो। एस स्वर्गरी धन सम्पत्ति याड्ला, ओच्छे डादेन छ्याम भरउ।”

२२ चु तामसे थला ली धोपधोप तजी। ओच्छे दुख इहम्सी निजी। तिगदा भिसम थदेन छ्याम ल्हानान धन सम्पत्ति मुबा।

२३ येशूस क्युनोन स्हीसी हराड्ला चेलागदेदा “फ्युकपो म्हिदा परमेश्वरला यहुत्सारी वाड्बारी गाते गाहरो मुला” भिसी सुड्जी। २४ चुहरड्बा तामसे चेलागदे उदेक म्हन्जी। तर येशूस अझ थनीगदेदा चुहरड् भिसी सुड्जी, “च्यागो कोलागदे, धन सम्पत्तिथारी भर लबा म्हिगदेदा परमेश्वरला यहुत्सारी वाड्बारी गाते गाहरो मुला ? २५ फ्युकपो म्हिदा परमेश्वरला

यहुत्सारी वाड्बारी भन्दा बरु ऊँटदा दापला मीग्याम वाड्बारी सजिलो तला।” २६ चु ताम थःसी चेलागदे झन उदेक म्हन्सी, “थहरड् भिसम खाल्स थार्वा याड्ला ?” भिसी भिजी। २७ येशूस थनीगदेदा स्हीबान, “चु गे म्हिंस लबारीन आसम्बा गे हिन्ना, तर परमेश्वरस खम्ला, तिगदा भिसम परमेश्वरस लआसम्बा गे तिगे आर” भिसी सुड्जी।

२८ जमाहन्स पतरुसस येशूदा “डन्स डन्ना जम्मान स्ह खतासी हराडेन छ्याम भरबा मुला” भिसी भिमा, २९ येशूस चुहरड् भिसी सुड्जी, “च्यागो, एनीगदेस डाला ताम ड्यान्गो, खालेस डादेन थार्वा पिन्बा समाचारला लागिरी हराड्ला आबा आमा, डा डांमे, ज्योज्यो आले, नाना आडा, दिमनाम खताला, ३० थस नाबा दुखदेन छ्यामनोन दान्देन थे भन्दा ल्हाना दिमनाम, आबा आमा, डा डांमे, ज्योज्यो आले, नाना आडा याड्ला। ओच्छे खबा धुइरी थस जुकजुकधोनाला जुनी याड्ला। ३१ तर दान्द डाच्छा मुबागदे न्हड्ला ल्हानान म्हि लिच्छा तला, दान्द लिच्छा मुबागदे चा डाच्छा तला।” १

दोःसी येशूस हराड् साहरड्
लसी सिला भिबा ताम सुड्बा

मत्ती २० :१७-१९ ; लूका १८ :३१-३४

३२ थनीगदे यरुशलमपट्टि फेन्बान लबा धुइरी येशू चेलागदे भन्दा डाच्छा डाच्छा भरबान मुबा। ओच्छे चेलागदे उदेक तजी, तर स्थान्दो लिच्छा भरबा म्हिगदे चा लोड्जी। दोःसीनोन येशूस हराड्ला च्युक न्ही चेलागदेदा कुनी गिकरी भासी हराड्थारी तिग तला भिबा तामला बाररी चुहरड् भिसी सुड्जी। ३३-३४ “च्यागो, दान्द य्हाड् यरुशलमपट्टि निबान मुला। परमेश्वरस पुइखबा म्हिदा परमेश्वरला मन्दररी पूजा लबा मुल म्हिगदेदेन यहूदी धर्मगुरुगदेला यारी जिम्मा पिन्ना। जमाहन्स थनीगदेस साइनोन तोःला भिसी अर्गु यहुलला म्हिगदेला यारी जिम्मा लला। ओच्छे थनीगदेस थदा थो स्वासी खिसी लला ओच्छे कोरस तोसी साइला। तसेनोन थे सोमरमाकुनु सिबाग्याम सोला।”

१० :१५ मत्ती १८ :३ ॥ १० :१९ परस्था २० :१२-१६ ; व्यव ५ :१६-२०

१० :३१ मत्ती २० :१६ ; लूका १३ :३०

याकूबदेन यूहन्नासे लबा बिन्ती

मती २० :२०-२८

३५ जमाहेन्से जब्दियाला झा याकूबदेन यूहन्ना येशू मुबा ग्लारी खसी, “गुरु, इन्से हरीबा स्हे पूरा लसी पिन्गो भिबा इन्ना सम मुला” भिसी थनीगदसे बिन्ती लजी ।

३६ “डाइ एनीगदला लागिरी तिग लतो:जी ?” भिसी येशूस थनीगददा इयोइजी ।

३७ “हराड स्वर्गला य्हाल य्हाल्वा मान याइबा ठिरी धन्छुयामा इनी ज्योज्यो आलेदा हराडला दाहिनपट्टिदेन देबरपट्टि चिपुडगो” भिसी थनीगदसे भिजी ।

३८ “तिग हरीदोबा भिसी एनीगददा थानोन आरे । डाइ नाबा दुख एनीगदसे नाबारी खम्ला ? डाइ किन्वा बप्तिस्मा एनीगदसे किन्खम्ला ?” भिसी येशूस थनीगददा सुडजी । w

३९ जमाहेन्से थनीगदसे येशूदा “खम्ला” भिसी भिजी ।

जमाहेन्से येशूसे चुहरड भिसी सुडजी, “एनीगदसे डाइ नाबा दुख मी नाला, ओच्छे डाइ किन्वा बप्तिस्मा एनीगदसे किन्ना । ४० तर डाला दाहिन देबर चिपुडबा अधिकार डाला यारी आरे । चु ग्ला परमेश्वरसे जुन म्हेला लागिरी स्हाबा हिन्ना थ जे चिम्याडला ।”

४१ चु ताम थ:सी चेला च्युइदा चा याकूब, यूहन्ना मराडसी बोमा र:जी । ४२ तर येशूस थनीगददा हराड मुबा ग्लारी इयोइसी चुहरड भिसी सुडजी, “च्यागो, एनीगददा चु ताम थानोन मुला, अर्गु य्हुलला शासन लबा म्हेगदसे हराडला समसे म्हेन्वा अन्छार म्हेगदथारी शासन लमुला । ओच्छे घरेन घरेन पदरी मुबा म्हेगदसे हराड मन्दा धिरी मुबा म्हेगदथारी शासन लमुला । ४३ तर एनीगद चा थहरड तबारी आत । जुन म्हे जम्मान मन्दा घरेन दोबारी म्हाइला थसे चा एनीगदला सेवा लतो:ला । ४४ जुन म्हे जम्मान मन्दा डाच्छा तबारी म्हाइला थ म्हे चा जम्मालान नोकर दोतो:ला । ४५ तिगदा भिसम परमेश्वरसे पुइखबा म्हे एनीगद सेहान्दोगदेग्याम सेवा किन्बारी आहिन, तर सेहान्दोगदला सेवा लबारी ओच्छे हराडलान ज्यान पिन्सी

ल्हानान म्हेगदला पापला सय फाबारी सबा हिन्ना” भिसी सुडजी ।

मी आमराडबा बारतिमे

मती २० :२९-३४ ; लूका १८ :३५-४३

४६ येशू हराडला चेलागददेन छुयाम यरीहो नाम्सारी धोखजी । थ नामसा ख्तासी निबा धुइरी ल्हानान म्हेला हुल थनीगददेन छुयाम ख्ता सजी । ग्यामला कुनीरी तिमैला झा बारतिमे भिबा मी आमराडबा म्हे गिक हरीसी चिबा मुबा । ४७ नासरतला येशू सबा थ:सी थसे “दाऊद ग्लेला सन्तान येशू, डादा दया लउ !” भिसी किरडबारी छुयोइजी ।

४८ ल्हानान म्हेगदसे थदा “कुटिसी चिउ” भिसी बडजी । तर झन थसे “दाऊद ग्लेला सन्तान येशू, डादा दया लउ !” भिसी किरडबान भिजी ।

४९ येशू थन तसी, “थदा चुरी इयोइगो !” भिसी सुडजी । ओच्छे थनीगदसे थ मी आमराडबा म्हेदा इयोइसी, “भड लउ, एदा येशूसे इयोइबान मुला, योनान र:सी खउ ।” भिसी भिजी । ५० जमाहेन्से थ मी आमराडबा म्हे हराडला घ म्याडसी छुयोइबान येशू मुबा ग्लारी खजी ।

५१ येशूसे थदा “डाइ एला लागिरी तिग लगे भिसी म्हेन्वा मुला ?” भिसी इयोइजी, थ मी आमराडबा म्हेसे “गुरु, डाला मी मराडना लसी पिन्गो” भिसी बिन्ती लजी । ५२ येशूसे थदा “एस विश्वास लबासे लमा ए खम्बा मुला । दाहन्से ए निउ” भिसी सुडजी । येशूसे थहरड सुडमेछुयाम थसे मराडजी ओच्छे येशूदेन छुयाम भरजी ।

येशू यरुशलेमरी फेन्वा

मती २१ :१-११ ; लूका

११ :२८-३८ ; यूहन्ना १२ :१२-१५

१ येशूदेन थला चेलागदे यरुशलेम डामला जैतून गडला बेथफागदेन बेथानिया भिबा नाम्सारी धोखमा येशूसे हराडला चेलागदे न्हडला न्हीदा पुइजी । २ पुइबा धुइरी चुहरड भिसी सुडजी, “एनी जजाकी क्याथाडला नाम्सारी निउ । नाम्सारी धोमेछुयाम एनीसे दान्देधोना खाले आकर:बा गधाला कोला गिक स्याप्ला । थदा ब्नसी चुरी भसी खउ । ३ थरी एनीदा खालेसे चु तिग लबा ? भिसी इयोइसम,

चु परभुदा तोःबा मुला, परभुसे योनान दोःसी पिन्ना भिउ” भिसी पुइजी।

४थनी निमा ग्याम डामला दिमला खराडगारी गधाला कोला च्युन्सी थान्वा स्यापन्जी। थनीस थ गधाला कोलादा ब्रबारी छुयाइमा, ५थरी राप्सी चिबा म्हिगदसे “एनीस थ गधाला कोलादा ब्रसी तिग लबारी छुयाइबा?” भिसी ड्योइजी। ६थशूस सुडबा हरडनोन चेला न्हीस थरी मुबा म्हिगददा भिजी, जमाहेन्स थ म्हिगदसे गधाला कोला भोर्पुइजी।

७थ गधाला कोलादा चेला न्हीस येशू मुबा ग्लारी भसी हराड हराडला घ गधाला कोलाथारी तीसी पिन्जी, ओच्छे येशू गधाला कोलाथारी करःजी। ८ल्हानान म्हिगदसे ग्यामरी हराड हराडला घगदे तीजी, ओच्छे स्थान्दोगदसे चा भ्लेग्याम स्याउला भसी तीजी। ९येशूला लिच्छा डाच्छा भरबा म्हिगदसे चुहरड भिसी किरडबारी छुयाइजी “परमेश्वरदा जयजयकार तगे, परमपरभुला मिनरी फप्सबासे परमेश्वरग्याम मोलम याइगे।”

१०ग्लाडला आसे म्हेम दाऊद ग्लेला खबा चु ग्लुत्सादा परमेश्वरसे मोलम पिन्ने। ओच्छे स्वर्गरी धन्छुयाबा परमेश्वरला जयजयकार तगे।”

११येशूलेमरी धोसमाहेन्स येशू परमेश्वरला मन्दिर न्हडरी वाइजी। ओच्छे थस परमेश्वरला मन्दिरला क्युर्सान स्हीजी। तर घइबासे लमा येशू हराडला च्युक न्ही चेलागददेन छुयाम बेथानिया नाम्सारी फपन्जी।

तिगे आरोबा अञ्जीरला दोड

मत्ती २१:१८-१९

१२न्हडगरदडसे थनीगदे बेथानियाग्याम यरुशलमपट्टि फेवा धुइरी येशूदा फोस्वेन्जी। १३येशूस जजाकी क्याथाड अञ्जीरला दोड गिक मराडजी। थरी अञ्जीर मुजी वा भिसी येशूस स्हीबारी फपन्जी। तर थ दोडरी भानोन भा जे मुबा। तिगदा भिसम थ धुइरी अञ्जीर रोबा धुइ तबा आरबा। १४जमाहेन्स येशूस “दाहेन्स एग्याम रोबा अञ्जीर खाइमे खालैसे थाचगे” भिसी सुडजी। चु ताम थला चेलागदसे थःजी।

येशू परमेश्वरला मन्दिररी फेवा

मत्ती २१:१२-१७; लूका

१९:४५-४७; यूहन्ना २:१३-२२

१५येशू हराडला चेलागददेन छुयाम यरुशलमरी धोमाहेन्स परमेश्वरला मन्दिर न्हडरी चूडबादेन ग्लुबागदेदा तापन्जी। थस थरी चुडबा ग्लुबा लबा जम्मान व्यापारीगदेदा तापन्जी। ओच्छे टाडगा देप्वारी चिबागदेला टेबुलदेन द्दुकुर चूडबारी चिबागदे जम्मान चिबा ग्लागदे प्लाड प्लिड लसी भ्याडजी। १६जमाहेन्स येशूस परमेश्वरला मन्दिरग्याम खालेदा तिगे स्ह भोर्बारी आपिन्नी भबारीएनोन आपिन्नी। १७ओच्छे येशूस जम्मान म्हिगददा लोप्वान, “तिग परमेश्वरला बचनरी चुहरड भिबा आरे? ‘डाला दिमदा ग्लुल ग्लुलला म्हिगदसे परार्थना लबा दिम भिसी भिला।’ तर एनीगदसे मी डाला दिमदा ग्लोगदे चिबा ग्ला स्होबा मुला” भिसी सुडजी।”

१८चु ताम परमेश्वरला मन्दिररी पूजा लबा मुल म्हिगददेन यहूदी धर्मगुरुगदसे थःसी येशूदा खाहरड लसी साइबा भिसी दाउ च्यासी भरबारी छुयाइजी। तिगदा भिसम येशूस लोप्वाम तामरी जम्मान म्हिगदे उदेक म्हेन्मुबा। थतबासेलमा थनीगदे येशूदेन छुयाम लोडमुबा। १९ड्यसे तमाहेन्स येशू हराडला चेलागददेन छुयाम यरुशलम शहरग्याम फपन्जी।

विश्वासग्याम उदेकला गे तबा

मत्ती २१:२०-२२

२०न्हडगरदड स्होरी थनीगदे डाच्छालाग्यामसे निबान लमा थनीगदसे थ अञ्जीर दोड टाहेन्सेन खर्बा मराडजी। २१येशूस थ अञ्जीर दोडदा केःबा ताम दन्सी पतरुससे “रब्बी, हराडसे केःबा थ अञ्जीरला दोड मी सिजीम” भिसी भिमा, २२येशूस हराडला चेलागददेदा “परमेश्वरथारी विश्वास लउ” भिसी सुडजी। २३दोःसी येशूस थनीगदेदा चुहरड भिसी सुडजी, “एनीगदसे डाला ताम डयान्गो, चुदे एनीगदसे समरी तिगे शडका आलना हराडला समरी म्हेन्वा ताम पूरा तला भिसी विश्वास लसी चु गडदा ‘ए होक निसी समुन्दररी ताइगो’ भिजी भिसम एनीगदेला

लागिरी थहरडनोन तला। ७२४ थतबासेलमा एनीगदेसे परार्थना लमा तिग हरीबा मुला, थं डाइ याङ्गी भिसी विश्वास लजी भिसम एनीगदेसे याङ्गला। २५ तर एनीगदेसे परार्थना लबारी छयाइबा धुइरी खालेला बिराधरी तिगे आज्यबा ताम मुसम थदा माफ लउ। स्वर्गरी मुबा एनीगदला परमेश्वर आबासेनान एनीगदला पाप माफ लला। २६ तर एनीगदेसे माफ आलनी भिसम स्वर्गरी मुबा एनीगदला परमेश्वर आबासेनान एनीगदला पाप माफ आत। *०

येशूला अधिकारला वारेरी डयोइबा

मत्ती २१ :२३-२७ ; लूका २० :१-५

२७ दोःसी येशू हराङ्गला चेलागदेदेन छयाम यरूशलेम शहररी फखजी। मन्दिररी भ्रवान लमा परमेश्वरला मन्दिररी पूजा लबा मुल म्हिगदे, यहूदी गन्बागदे ओच्छे, यहूदी धर्मगुरुगदे येशू मुबा ग्लारी खसी, २८ “हराङ्गसे खानङ्गयाम अधिकार याङ्गी चु गे लबा हिन्ना? हराङ्गदा चु अधिकार खाल्से पिन्बा हिन्ना?” भिसी डयोइजी।

२९ येशूसे थनीगदेदा चुहरङ्ग भिसी डयोइजी, “एनीगदेदा एनोन डाइ ताम गिक डयोइला। थं तामला जोहाब पिन्जी भिसम डादा चु गेगदे लबारी खाल्से अधिकार पिन्जी थं एनीगदेदा पाङ्गला। ३० यहून्नासे पिन्बा बन्तिस्मा परमेश्वरगयाम मुबा कि म्हिगयाम मुबा? डादा पाङ्गो।” ३१ जमाहेन्से थनीगदे हराङ्ग हराङ्ग न्हङ्गरी ताम लसी, “चुदे य्हाङ्गसे परमेश्वरगयाम भिजी भिसम थसे य्हाङ्गदा थहरङ्ग भिसम एनीगदेसे तिगदा यहून्नादा विश्वास आलबा?” भिसी भित्ता। ३२ तर म्हिगदेगयाम भिवारीनोन आत।” थनीगदे म्हिला हुल मराङ्गी लोङ्गी। तिगदा भिसम जम्मान म्हिगदेसे यहून्नादा अगमवक्ता हिन्ना भिसी भिमुला।

३३ थतबासेलमा थनीगदेसे “डन्दा था आरे” भिसी येशूदा जोहाब पिन्जी। येशूसे थनीगदेदा “थहरङ्ग भिसम डाइ एनोन चु गेगदे खाल्ला अधिकारगयाम लबा हिन्ना, थं एनीगदेदा आपाङ्ग” भिसी सुङ्गी।

अधियाँ स्होबा म्हिगदला उखान

मत्ती २१ :३३-४६ ; लूका २० :९-१९

१२ येशूसे थनीगदेदा उखानगयाम चुहरङ्ग भिसी सुङ्गबारी छयाइजी, “म्हि गिकसे वारीरी अङ्गुर सूसी क्युर्सान पर्खाल लजी। ओच्छे अङ्गुर म्हवारी कोल स्हासी अङ्गुर वारी खरूङ्गबारी नोबा छापरी गिक स्हाजी। जमाहेन्से अधियाँरी पिन्सी थ अगुं य्हुत्सारी निजी। ७ अङ्गुर मिन्बा धुइ तमाहेन्से थं पयुक्पा म्हिसे हराङ्गला भो किन्बाला लागिरी अधियाँ लबागदे मुबा ग्लारी हराङ्गला नोकरगदेदा पुइजी। ३ तर थ अधियाँ लबागदेसे थदा चुङ्गी तोबा ग्याङ्गबा लसी तिगे आपिन्ना पुइजी। ४ ओच्छे थसे स्थान्दो नोकरदा पुइजी, तर थनीगदेसे थला थोवारी तोसी बेडज्जत लसी पुइजी। ५ थसे अझ स्थान्दो नोकरदा पुइजी। थनीगदेसे थदा एनोन साइजी। चुहरङ्ग लसी थनीगदेसे कोइदा साइबा कोइदा तोबा लजी।

६ “दाहेन्से थदेन छयाम थसे समहेन्सेन माया लबा झा गिक जे बाँकी मुबा। जम्मान पुइसी जिन्माहेन्से थनीगदेसे डाला झादा मी मान लला तला” भिसी थसे हराङ्गला झादा थनीगदे मुबा ग्लारी पुइजी। ७ तर अधियाँ लबागदेसे ‘चु मी य्हाङ्गला धनीला झा हिन्ना, य्हाङ्गसे थदा साइग। जमाहेन्से थला सम्पत्ति य्हाङ्गलान तला’ भिसी हराङ्ग हराङ्ग न्हङ्गरी ताम लजी। ८ ओच्छे थनीगदेसे थदा चुङ्गी साइसी थदा वारीगयाम पाखारी म्याङ्गी।

९ “दाहेन्से थं अङ्गुर वारीला धनीसे तिग लला? थं खसी अधियाँ लबा म्हिगदेदा साइला ओच्छे थं अङ्गुरला वारी स्थान्दोगदेदा स्हावारी पिन्ना। १० एनीगदेसे परमेश्वरला बचन साइमे पढब लबा आरे?

‘जुन युङ्गबादा दिम स्होबा कर्मागदेसे गे आखेल भिसी म्याङ्गबा मुबा, थनोन युङ्गबा दिमला सुर युङ्गबा दोजी। ११ चु परमपरभुगयाम तबासे लमा य्हाङ्गला लागिरी उदेकला ताम हिन्ना’ भिसी भिरबा मुला।” ०

१२ येशूसे सुङ्गबा ताम य्हाङ्गला बिराधरी चीम भिसी यहूदी धर्मगुरुगदेसे था याङ्गी थनीगदेसे

*११ :२६ चु पदला ताम ल्हानान गरीक बाइबलरी भिरबा आरे।

७११ :२३ मत्ती १७ :२० ; १ कोर १३ :२

७११ :२६ मत्ती ६ :१४-१५

७१२ :१ यशै ५ :१-२

७२२ :११ भजन ११८ :२२-२३

येशूदा चुड़बारी म्हाइजी। तिगदा भिसम चु उखान येशूस थनीगदेलान बिरोधरी सुडबा हिन्ना भिबा ताम थनीगदेदा था मुबा। तर म्हेला हलसे लमा थनीगदे लोडसी येशूदा चुड़बारी आखम्नी। थतबासलमा थनीगदेस येशूदा ख्तासी निजी।

रोमी ग्याल्बोदा तिरो फातो:बा कि फाआतो:बा भिसी येशूदा ड्योइबा
मत्ती २२:१५-२२; लूका २०:२०-२६

१३जमाहेन्स तामनोन तामरी येशूदा फसब लइ भिसी यहूदी धर्मगुरूगदेस फरिसीदेन हेरोदीगदेला कोइ कोइ म्हेगदेदा येशू मुबा ग्तारी पुइजी। १४थनीगदे येशू मुबा ग्तारी खसी, “गुरु, हराड सत्यला म्हे हिन्ना, ओच्छे खालेदा वास्ता आलमुला भिसी इन्दा था मुला। तिगदा भिसम हराडसे म्हेला ली च्यासी गे आलमुला। तर परमेश्वरला ग्याम ज्यना लसी लोप्सुला। थतबासलमा इन्से रोमी ग्याल्बो कैसरदा तिरो फाबा ठीक हिन्ना कि आहिन? सुडगा। १५इन्से तिरो फागो कि थाफागो?” भिसी ड्योइमा, येशूस थनीगदेला कन्दी सेम था याडसी, “तिगदा एनीगदेस डादा फसब लबारी म्हाइबा? खाइ डबल गिक भउ च्यागे” भिसी सुडजी। १६थनीगदेस येशूदा डबल गिक पिन्जी, ओच्छे येशूस थनीगदेदा “चु डबलरी मुबा छापदेन मिन खाल्ता हिन्ना?” भिसी सुडमा, थनीगदेस “रोमी ग्याल्बो कैसरला” भिसी जोहाब पिन्जी। १७जमाहेन्स येशूस थनीगदेदा “थहरड भिसम रोमी ग्याल्बो कैसरला जति रोमी ग्याल्बो कैसरदा पिन्गो ओच्छे परमेश्वरला जति परमेश्वरदा पिन्गो” भिसी सुडजी। चुहरडबा ताम थ:सी थनीगदे उदेक तजी।

सिबाग्याम सोना लबाला बाररी ड्योइबा

मत्ती २२:२३-३३; लूका २०:२७-३६

१८सिबा म्हे दो:सी आसो भिसी विश्वास लबा सदुकीगदे येशू मुबा ग्तारी खसी चुहरड भिसी ड्योइजी, १९“गुरु, मोशासे ख्हाडदा पिन्बा ठिम अन्छार खालेला ज्योज्योसे ब्याह लसी कोलागदे आतनान सिजी भिसम ज्योज्योला लागिरी कोलागदे तगे भिसी आलेसे चाडदा ब्याह लतो:ला भिसी भिरबा मुला।

२०म्हे गिकला ज्योज्यो आले निस मुबा। थबासे ब्याह लजी तर कोलागदे आतनान थ सिजी। २१ओच्छे पाराडसे चाडदा ब्याह लजी थएनोन कोलागदे आतनान सिजी, साँजीएनोन थहरड तसीन सिजी। २२चुहरड लसी जम्मासेन पालान पालो चाडदा ब्याह लजी। ओच्छे कोलागदे आतनान थनीगदे सिजी। ओच्छे थ मिरडम्हेमएनोन सिजी। २३थतबासलमा इन्दा सुडगा, सिबाग्याम सोना लजी भिसम थ मिरडम्हेम सजिबाला मिरड तला? तिगदा भिसम थनीगदे जम्मासेन थ मिरडम्हेमदेन छ्याम ब्याह लबा मुला।” २४येशूस थनीगदेदा “एनीगदे अन्दोलरीन चीम, तिगदा भिसम एनीगदेस परमेश्वरला बचनदेन परमेश्वरला शक्तिला बाररी घोबान ओरम। २५तिगदा भिसम सिबाग्याम सोना लबा धुइरी न्ह ब्याह लला न्ह ब्याह तला। तर थनीगदे स्वर्गरी मुबा स्वर्गदूतगदे हरडबान तला। २६सिबाग्याम सोना लबाला बाररी अझ भिगे भिसम परमेश्वरसे मोशादा लुडबा मला झाडग्याम ‘डा अबराहाम, इसहाकदेन याकूबला परमेश्वर हिन्ना’ भिसी सुडजी। २७परमेश्वर मी सिबागदेला परमेश्वर आहिन, तर सोबागदेला परमेश्वर हिन्ना। थतबासलमा एनीगदेस घोबा जम्मान ताम गल्ती मुला” भिसी सुडजी।

येशूस लोप्बा जम्मान भन्दा मुल ताम

मत्ती २२:३४-४०; लूका १०:२५-२६

२८येशूस म्हेगदेदा ज्यना लसी जोहाब पिन्बा मराडसी यहूदी धर्मगुरूगदे न्हडला गिकसे, “गुरु, परमेश्वरसे मोशादा पिन्बा ठिमरी जम्मान भन्दा मुल ताम चा सजिबा हिन्ना?” भिसी ड्योइजी। २९येशूस थदा चुहरड भिसी सुडजी, “इसराएलीगदे च्यागो, जम्मान भन्दा मुल ताम चा परमपरमु ख्हाडला परमेश्वर गिक जे परमु हिन्ना। ३०एसे हराडला परमपरमु परमेश्वरदा समहेन्से, जम्मान पराणसे, जम्मान बुद्धिसे, जम्मान शक्तिसे माया लउ।” ३१ओच्छे परमेश्वरसे कुल्बा अर्गु मुल ताम चा एसे हराडला सिम्जमदा हराडदा हरडनोन माया लउ। परमेश्वरसे कुल्बा मुल ताम चु भन्दा अर्गु आर।”

३२ चु ताम थःसी यहूदी धर्मगुरुस यशूदा “गुरु, हराडस सुडबा ताम ठीक हिन्ना। परमेश्वर गिक जे मुला, ओच्छ परमेश्वर बाहेक स्थान्दो खाले आर। ३३ ओच्छ, परमेश्वरदान समहन्सन, जम्मान पराणस, जम्मान बुदधिस, जम्मान शक्तिस माया लबा, ओच्छ हराडदा हरडनोन हराडला खिम्जेमदाएनोन माया लबा चा मरी खराडसी पिन्बा जम्मान बलिदन बलिदानगद मन्दा मुल ताम हिन्ना” भिसी भिजी। ३४ थस होशियार तसी जोहाब पिन्बा मराडसी यशूस थदा “ए परमेश्वरला यहूत्साग्याम थारड आर” भिसी सुडजी। जमाकुनुहन्से खालेस यशूदा तिगे ताम इयाडबारी आँट आलनी। ॥

येशू खरीष्ट खाल्ला झा हिन्ना ?

मत्ती २२ : ४१-४६ ; २३ : १-३६ ; लूका २० : ४१-४७

३५ येशूस परमेश्वरला मन्दिररी लोखान लबा धुइरी चुहरड भिसी सुडजी, “यहूदी धर्मगुरुगदसे तिगदा थारबा पिन्बा खरीष्टदा दाऊद गलेला सन्तान भिसी भिबा ? ३६ तिगदा भिसम दाऊदसेन परमेश्वरला आत्माग्याम चुहरड भिबा मुबा, ‘परमपरमुस डाला परमुदा डाइ एला शतरुगदेदा एला काड धिरी आथान्तधोना ए डाला दाहिनेपट्टि चिउ’ भिसी सुडजी। ॥ ३७ “दाऊद हराडसेन मी खरीष्टदा ‘परमु’ भिमाहन्से खाहरड लसी खरीष्ट दाऊद गलेला सन्तान तला ?” ओच्छ येशूस लाखा ताम म्हिगदसे सम लसी इयान्जी।

येशूस यहूदी धर्मगुरुगदे मराडसी
होशियार तउ भसी सुडबा

मत्ती २३ : १-३६ ; लूका २० : ४५-४७

३८ येशूस लोखान लबा धुइरी चुहरड भिसी सुडजी, “यहूदी धर्मगुरुगदे मराडसी होशियार तउ। तिगदा भिसम थनीगदे ज्यबा ज्यबा क्वान क्वान्सी कोर्बारी निबादेन बजाररी निबा धुइरी म्हिगदसे मान लगे भिसी म्हन्मुला। ३९ ओच्छ यहूदीगदे हरूप तबा दिमरीदेन भोज लबा ग्लारीनोन मुल ठि म्हाइमुला। ४० थहरड लसीन थनीगदसे हरम्बा सिबा मिरडम्हेमगदला दिमनाम व्यन्मुला। ओच्छ म्हिगददा उन्बाला लागिरी हरडबा हरडबा परार्थना लमुला थहरडबा म्हिगदसे झन ल्हानान सजाय याडला।”

हरम्बा सिबा मिरडम्हेमसे पिन्बा भटी

लूका २१ : १-४

४१ येशू परमेश्वरला मन्दिररी भटी युबा ग्लाला डाच्छपट्टि धन्ड्यासी म्हिगदसे भटी युबा बाकसरी भटी युबान लबा स्हीबान मुबा। थरी फयुकपा म्हिगदसे ल्हानान टाडगा युजी। ४२ ओच्छ हरम्बा सिबा पराडबा मिरडम्हेम गिक खसी साडबाला सिगा गिकला डबल न्ही युजी। ४३ जमाहन्से येशूस चलागदेदा हराड मुबा ग्लारी इयाडसी, “व्यागो, डाला ताम इयान्गो। भटी युबा बाकसरी चु हरम्बा सिबा पराडबा मिरडम्हेमसे स्थान्दो म्हिगदसे मन्दा ल्हाना भटी युबा मुला। ४४ तिगदा भिसम स्थान्दो म्हिगदसे हराडदेन छयाम मुबा ल्हानान सम्पतिग्याम युजी। तर चु मिरडम्हेम पराडबा तसीनोन हराडदेन छयाम मुबा जति जम्मान युबा मुला” भिसी सुडजी।

परमेश्वरला मन्दिर नाश तला

मत्ती २४ : १-२ ; लूका २१ : ५-६

१३ येशू परमेश्वरला मन्दिरग्याम थान्सी फेखान लबा धुइरी चलागदे न्हडला गिकसे “गुरु स्हीगो, चुरी गाते घरेन घरेन युडबासे स्हाबा गाते जेबा दिमगदे” भिसी भिमा, २ येशूस थदा “चु घरेन दिमगदला युडबा गिकनोन बाँकी आचिना जम्मान फुपला” भिसी सुडजी।

जम्बुलिङ नाश तबा धुइला चिनुगदे

मत्ती २४ : ३-१४ ; लूका २१ : ७-१९

३ येशू परमेश्वरला मन्दिरला क्याम्सडपट्टिला जैतून गडरी धन्ड्याबा धुइरी पतरुस, याकूब, यहून्नादेन अन्दिरयास येशू मुबा ग्लारी खसी चुहरड भिसी सुटक्क इयाडजी, ४ “हराडसे सुडबा चु तामगदे खाइमा तला ? ओच्छ चु तामगदे तबा धुइरी खाहरडबा चिनु मराडला ? इन्दा सुडगो।”

५ येशूस थनीगदेदा चुहरड भिसी सुडजी, “एनीगदे होशियार तउ। खालेस एनीगदेदा झुक्याब थालगे। ६ तिगदा भिसम ल्हानान म्हिगदे डाला मिन किन्सी ‘डानोन थारबा पिन्बा खरीष्ट हिन्ना’ भिसी खला। ओच्छ ल्हानान

म्हिदा झुक्याब लला। ७ एनीगदेसे लडाइदेन लडाइला हल्लागदे थेःला। तसेनोन एनीगदे थालोङ्गो, तिग्दा भिसम चु तनोन तोःबा हिन्ना। तर थनोन धुइरी चा चु जम्बुलिङ नाश आत। ८ तिग्दा भिसम म्हिह् य्हलला बिराधरी म्हिह् य्हलनोन ओच्छे य्हल्लाला बिराधरी य्हल्ला रःला। खानडदमान सङ्गुल निला ओच्छे अनिकाल तला। चु चा कोला न्हसला मिरडम्हमेदा कोला न्हबा धुइरी स्हु खबारी छुयाइबा दुस हरडबान दुस तबारी छुयाइबा हिन्ना।

१० “तर थे धुइरी एनीगदे होशियार तउ। तिग्दा भिसम म्हिगदेस एनीगदेदा अदालतरी ओच्छे यहदीगदे हरुप तबा दिमरी भोर्सी तोबा ग्याड्बा लला। ओच्छे थनीगदेसे एनीगदेदा डादा विश्वास लबा ताम उन्बाला लागिरी अञ्चलाधीशदेन ग्लेला डाच्छापट्टि राप्पुङ्गला। १०थे भन्दा डाच्छा जम्मान य्हलदा थार्बा पिन्बा समाचार थेःना लतोःबा मुला। ११ म्हिगदेसे एनीगदेदा चुड्सी भोर्सी मुद्दा युबा धुइरी एनीगदेसे तिग पाङ्गोःला भिसी धन्दा सुर्दा थालउ। तर थे धुइरी परमेश्वरसे तिग पाङ्गो भिबा चीम थनोन पाङ्गो। तिग्दा भिसम थे धुइरी पाङ्गो एनीगदेसे आहिन तर परमेश्वरला आत्मासे हिन्ना। ०

१२ “हराङ्गलान ज्याज्यो आलेसे हराङ्गलान ज्याज्यो आलेदा साइपुङ्गला। थहरङ् लसीन आबासे कोलागदेदा साइपुङ्गला ओच्छे कोलागदेसे आबा आमादा बिराधरी लसी साइपुङ्गला। १३ ओच्छे डादा विश्वास लबासे लमा एनीगदेदा जम्मान म्हिगदेसे हला लला। तर जुन म्हिसे जस्तोन दुस तसेनोन हराङ् आसितधोना डादा विश्वास लबा आस्ला थेसे थार्बा याङ्गला। ०

लोड्बा खबा धुइ

मत्ती २४ : १५-२८ ; लूका २१ : २०-२४

१४ “परमेश्वरला मन्दिरला चोखो ग्लारी नड्बा खबा स्हे मराङ्गला।” चुला अर्थ चा पढब लबा म्हिसे धोगे। “थे धुइरी यहूदिया अञ्चलरी मुबा म्हिगदे गडरीक्यार योगे। १५ ओच्छे

तलाथोरी मुबा म्हिगदे हराङ्गला सामान किन्बारी मार फाप्सी दिम न्हडरी थावाङ्गो। १६ बु वारीरी मुबागदे हराङ्गला घ किन्बारी दोःसी दिमरी थानिउ। १७थे धुइरी जिउ न्हीला मिरडम्हमेदेन कोलादा ड्हे ख्वाबा आमागदेदा झन गाते ल्हानान दुस तला! १८ चु ताम खड्बा लारी आतगे भिसी परार्थेना लउ। १९ तिग्दा भिसम थे धुइरी तबा घरेन दुस परमेश्वरसे चु जम्बुलिङ स्होमाहन्से दान्दधोना तबा आर ओच्छे लिच्छाएना खाइमे तसेला आर। २० चुद परमेश्वरसे थे धुइ तुन्ना आलबा हिन्सम खाले म्हिसेन थार्बा आयाङ्गसेला मुबा। तर हराङ्गसे धम्बा म्हिगदेला लागिरी परमेश्वरसे थे धुइ तुन्ना लबा मुला।

२१ “थे धुइरी खालेसे एनीगदेदा ‘च्यागो, थार्बा पिन्बा खरीष्ट चुरी मुला,’ अथवा ‘थेरी मुला,’ भिजी भिसम एनीगदेसे थनीगदेला ताम पत्याब थाचउ। २२ तिग्दा भिसम फट्टा खरीष्टगदेदेन फट्टा अगमवक्तागदे थोन्ना। ओच्छे थनीगदेसे खमतेधोना परमेश्वरसे धम्बा म्हिगदेदा झुक्याब लबाला लागिरी उदेकला चिनुगदेदेन उदेकला गेगदे लसी उन्ना। २३ तर एनीगदे चा होशियार लसी चिउ। डाइ एनीगदेदा जम्मान ताम डाच्छाहन्सेन पाङ्गो पिन्बा मुला।

परमु येशू फख्खबा धुइ

मत्ती २४ : २९-३१ ; लूका २१ : २५-२८

२४ “थे दुसला धुइ जिन्माहन्से धिनीसे य्हाल पिन्बा ख्वाला ओच्छे लनीला य्हाल म्हाला। १ २५ जमाहन्से मुला शक्तिगदे याङ्गोङ्ग तसी सुकर सार जम्मान ताइला। ०

२६ जमाहन्से म्हिगदेसे परमेश्वरसे पुइखबा म्हिदा घरेन शक्तिदेन य्हाल य्हालरी खसुरी खबान लबा मराङ्गला। २७ ओच्छे थेसे स्वर्गदूतगदेदा जम्बुलिङ्गदेन मुला जम्मान ग्लारी पुइला। जमाहन्से थे स्वर्गदूतगदेसे परमेश्वरसे धम्बा जम्मान म्हिगदेदा ग्ला गिकरी पोप लला।”

१३ : ११ मत्ती १० : १७-२० ; लूका १२ : ११-१२ १३ : १३ मत्ती १० : २२

१३ : १४ दानि ९ : २७ ; ११ : ३१ ; १२ : ११ १३ : १५ लूका १७ : ३१ १३ : १९ दानि १२ : १ ; उन्बा ७ : १४

१३ : २४ यशे १३ : १० ; इज ३२ : १७ ; योए २ : १०, ३१ ; ३ : १५ ; उन्बा ६ : १२

१३ : २५ यशे ३४ : ४ ; योए २ : १० ; उन्बा ६ : १३ १३ : २६ दानि ७ : १३ ; उन्बा १ : १७

अञ्जीरला दोड च्यासी लोप्तो:बा ताम

मत्ती २४ :३२-३५ ; लूका २१ :२९-३३

२८ येशूसे थनीगदेदा दो:सी चुहरड् मिसी सुड्जी, “एनीगदसे अञ्जीरला दोडदा च्यासी थग्याम तिगे ताम लोप्ता। थला हाँगागदरी भा भुमैछ्याम छ्वा छ्वा ला वाड्जी मिसी एनीगदसे था याड्मुला। २९ थहरड् लसीन डाइ पाड्बा तामगदे तबा मराड्माहन्से परमेश्वरसे पुइखबा म्हे खबा धिन खसी जिन्जी भिबा ताम एनीगदसे था याड्गो। ३० च्यागो, एनीगदसे डाला ताम ड्यान्गो, चु जम्मान ताम पूरा आततेधोना दान्देला म्हेगदे आसि। ३१ मुदेन जम्बुलिड म्हासी निसैनोन डाला बचन साइमै आम्हा।

होशियार तसी चितो:बा

मत्ती २४ :३६-४४

३२ “थ दुखला धिनदेन धुइ साइमा खला मिसी स्वर्गदत्तदाएनोन था आर ओच्छे डा परमेश्वरला झादाएनोन था आर। थ ताम परमेश्वर आबादा जे था मुला। ३३ थेतबासलमा एनीगदे होशियार तसी छोर्सी चिउ। ओच्छे परार्थना लउ, तिग्दा भिसम थ धुइ साइमा खला मिसी एनीगदेदा था आर।

३४ “चु ताम चा मालिकसे हराडला दिम च्याबा म्हेदा क्यारमार ज्यना लसी च्यागो, ओच्छे नोकरगदेदाएनोन हराड हराडला गे ज्यना लसी लउ मिसी कुल्सी हराड चा विदेशरी निबा हरडबान हिन्ना। ३५ थेतबासलमा एनीगदे छोर्सी चिउ, तिग्दा भिसम मालिक साइमा खला मिसी एनीगदेदा था आर। थ ड्यसे खखम्ता, म्हुन गुडरी खखम्ता, नागा कराबा धुइरी खखम्ता, स्हारीनोन खखम्ता खजिबै धुइरीनोन थ खखम्ता। ३६ तर एनीगदेदा था आपिन्ना तिक्खुरीन समा एनीगदेदा म्हेर्सी चिबा स्याप्ता। ३७ थेतबासलमा एनीगदे छोर्सी चिउ, डाइ एनीगदेदा पाड्बा चु ताम जम्मादान पाड्बा मुला।”

येशूदा साइबारी सल्लाह लबा

मत्ती २६ :१-५ ; लूका

२२ :१-२ ; यूहन्ना ११ :४५-५३

१४ १ मिसर यहुत्साग्याम फसी खबा धिनदा ढन्सी धड्बा चाडदेन समीर आयुना गड चसी धड्बा चाडला न्हीर डाच्छाकुनु परमेश्वरला मन्दिररी पूजा लबा मुल म्हेगददेन यहूदी धर्मगुरुगदसे येशूदा चुड्सी साइबारी दाउ च्यासी भरमुबा। २२ तिग्दा भिसम “य्हाडला चाडला धुइरी चा चुड्बारी आत। चाडला धुइरी चुड्जी भिसम म्हेगदसे हुल दडगा लला” मिसी थनीगदे हराड हराड न्हडरी ताम लजी।

येशूदा अत्तर फोर्बा

मत्ती २६ :६-१३ ; यूहन्ना १२ :१-८

३ येशू बेथानिया भिबा नाम्साला कोर खबा सिमोनला दिमरी सोल छ्योडवान लबा धुइरी मिरडम्हेमे गिकसे सिडगमरमरला ताडरी ल्हानान महंगो साल्ला अत्तर भसी सर्जी। थ अत्तर जटामसी भिबा दोडला टाग्याम स्होबा मुबा। थसे थ ताडनोन थिसी येशूला थोबारी युजी। ४ थसे चुहरड लबा मराड्सी स्हान्दो म्हेगदसे नाआखम्ना “चुदे महंगो अत्तर ओहरडनोन तिग्दा खरो म्याडबा” मिसी हराड हराड न्हडरी ताम लजी। ५ बरु चु चुड्सी खबा टाडगा पराड्बागदेदा पिन्से तसला। चु चूडसम ग्यार्जा सोम म्हुइला डबल खसला मुबा” चुहरड लसी थ मिरडम्हेमेदा थनीगदसे बड्जी।

६ तर येशूसे थनीगदेदा चुहरड मिसी सुड्जी, “थालउ, एनीगदसे तिग्दा चुदा कचकच लबा? चुसे मी डाला लागिरी ज्यबा गे लबा मुला। ७ च्यागो, पराड्बागदे मी सदन एनीगददेन छ्याम तला। ओच्छे एनीगदसे थनीगदेदा खजिबै धुइरी हरो लखम्ता। तर डा मी सदन एनीगददेन छ्याम आत। ८ चु मिरडम्हेमेसे जे लखम्जी, थनोन थसे लजी। डाला ल्हुइ धुसारी थान्बाला लागिरी चुसे अत्तर फोर्सी डाच्छान ठीक लबा मुला। ९ च्यागो, एनीगदसे डाला ताम ड्यान्गो, जम्बुलिडला जुन जुन ग्लारी थार्वा पिन्बा समाचार थे:ना लला, थ, थ ग्लारी चु

मिरडम्हमेस लबा गे ढन्बाला लागिरी थेला ताम लला।”

यहूदा इस्करियोतस लबा सल्लाह

मत्ती २६ :१४-१६ ; लूका २२ :३-६

१० जमाहेन्स येशूला च्युक न्ही चेलागदे न्हडला यहूदा इस्करियोत भिबा चेला गिक परमेश्वरला मन्दिररी पूजा लबा मुल म्हिगदे मुबा ग्लारी निसी येशूदा चुड्सी पिन्ना भिसी सल्लाह लजी। ११ चु ताम थेःसी परमेश्वरला मन्दिररी पूजा लबा मुल म्हिगदे ल्हानान ताड्सी यहूदा इस्करियोतदा टाडगा पिन्ना भिसी कबुल लजी। थे धुइहेन्स थेस येशूदा चुड्सी पिन्बाला लागिरी दाउ च्यासी भरजी।

येशूस भोज तयार लउ भिसी कुल्बा

मत्ती २६ :१७-२५ ; लूका २२ :१७-१४,

२१-२३ ; यहून्ना १३ :२१-३०

१२ खमीर आयुना गेड चसी धडबा चाडला शुरुला धिनकुनु यहूदीगदसे ग्यु बोगो फुल्लोःमुबा। येशूला चेलागदसे येशूदा “हराडला लागिरी डन्से मिशर यहूत्साग्याम फेसी खबा धिनदा ढन्सी धडबा चाडला भोज खानड ठीक लउ?” भिसी इयोइजी।

१३ येशूस हराडला चेला न्हीदा “एनीगदे शहररी निउ, एनीगदसे थेरी दबुडरी क्युइ पुइसी निबा म्हि गिकदा स्याप्ला। थनोन म्हिला लिच्छा लिच्छा निउ। १४ ओच्छे थे म्हि जुन दिमरी वाडला, थनोन दिमला धनीदा ‘डाइ डाला चेलागदेदेन छ्याम चिसी मिशर यहूत्साग्याम फेसी खबा धिनदा ढन्सी धडबा चाडला भोज चबा कोठा खानड मुला?’ भिसी गुरुसे इयोइबा मुला भिउ। १५ एनीगदेदा थेसे डाच्छान जेना लसी थान्बा तलाथोला धरन कोठा उन्सी पिन्ना। एनीगदसे थेरीन यहूडला लागिरी भोज ठीक लउ” भिसी कुल्जी।

१६ जमाहेन्से चेलागदे शहररी निबान लबा धुइरी येशूस सुडबा हरडनोन स्याप्ली। ओच्छे थनीगदसे थेरीन मिशर यहूत्साग्याम फेसी खबा धिनदा ढन्सी धडबा चाडला भोज ठीक लजी। १७ ओच्छे इयसे तमाहेन्से येशू हराडला च्युक न्ही चेलागदेदेन छ्याम फेखजी। १८ भोज सोल्बान लबा धुइरी येशूस हराडला चेलागदेदा “च्यागो, एनीगदसे डाला ताम इयान्गो, एनीगदे

न्हडला डानेन छ्यामनोन चबा गिकसे डाना म्हिगदेला यारी जिम्मा पिन्ना” भिसी सुड्जी।

a

१९ चु ताम थेःमाहेन्से चेलागदेदा दुख इहम्सी, “थे म्हि डानोन हिन्ना?” भिसी पालो पालो लसी येशूदा इयोइजी।

२० येशूस थनीगदेदा “एनीगदे च्युक न्ही न्हडला गिकसे खाबारी डानेन छ्यामनोन गेड तुइसी चबान मुला। २१ परमेश्वरला बचनरी भिखा हरडनोन परमेश्वरसे पुइखबा म्हि मी सिनोन तोःला। तर जुन म्हिसे परमेश्वरसे पुइखबा म्हिदा चुड्सी म्हिला यारी जिम्मा पिन्ना, थेसे परमेश्वरग्याम खाहरडबा लोड्बा खबा सजाय याडला। बरु थे मी न्हनोन आन्हवा हिन्सम ज्यवा तसेला मुबा” भिसी सुड्जी।

परभु भोज

मत्ती २६ :२६-३० ; लूका २२ :१५-२० ; १

कोरिन्थी ११ :२३-२५

२२ थनीगदसे चबान लबा धुइरी येशूस यारी गेड किन्सी परमेश्वरदा धन्यवाद पिन्बान परार्थना लजी। ओच्छे गेड क्युइसी चेलागदेदा पिन्बान, “ना! चु डाला ल्हूइ हिन्ना” भिसी सुड्जी। २३ जमाहेन्से येशूस खाररी मुबा अडगुरला निडगु थोसी परमेश्वरदा धन्यवाद पिन्सी चेलागदेदा पिन्जी। ओच्छे थनीगदसे थे खारग्याम थुड्जी। २४ जमाहेन्से येशूस थनीगदेदा “चु ल्हानान म्हिगदेला लागिरी बगब तबा डाला का हिन्ना। डाला कानोन परमेश्वरसे म्हिगदेदा लबा छार कबुल हिन्ना। २५ च्यागो, एनीगदसे डाला ताम इयान्गो, परमेश्वरला यहूत्सारी अडगुरला छार निडगु थुड्बा धुइ आखतेधोना डाइ चु अडगुरला निडगु आथुड” भिसी सुड्जी। २६ ओच्छे थनीगदे परमेश्वरदा धन्यवादला व्हाइ गिक गोसी जैतून भिबा गडरीक्यार भरजी।

पतरुसे येशूदा खूताला भिसी पाड्बा ताम

मत्ती २६ :३१-३५ ; लूका

२२ :३१-३४ ; यहून्ना १३ :२६-३८

२७ येशूस हराडला चेलागदेदा चुहरड भिसी सुड्जी, “एनीगदे जम्मासेन डाना खूतासी यार्लो। तिग्दा भिसम परमेश्वरला बचनरी ‘डाइ गोठालोदा साडला

ओच्छे ग्युगदे ससा बडबड तसी यार्ला' भिसी भिरबा मुला।^c

२८ तर डादा सिबाग्याम सोना लमाहेन्से एनीगदे भन्दा डाच्छा डा गालीलरी निला।"^d

२९ येशूस चुहरड सुडमेछ्याम पतरुससे येशूदा "जम्मासेन हराडदा ख्तासी यार्सेनोन डाइ हराडदा खाइमे आख्ता" भिसी भिजी।

३० येशूस पतरुसदा "च्यागो, एस डाला ताम ड्यान्गो, न्हडगर स्थारी न्हीरम नागा कराबा भन्दा डाच्छा एस सोमरमधोना डा येशूदेन छ्याम भरबा म्हे हिन्नोन आहिन भिसी भिला" भिसी सुड्जी।

३१ तर पतरुससे, "आहिन, डा हराडदेन छ्याम सितो:सैनोन डाइ हराडदा आख्ता" भिसी भिजी। ओच्छे स्थान्दो चलागदेसनोन थहरडनोन भिजी।

गेतसमनी भिबा ग्लारी येशूस लबा परार्थना

मत्ती २६:३६-४६; लूका २२:३९-४६

३२ जमाहेन्से थनीगदे गेतसमनी भिबा ग्लारी फर्जी। ओच्छे येशूस हराडला चलागदेदा "डाइ परार्थना लतधोना एनीगदे चुरीन चिउ" भिसी सुड्जी। ३३ येशूस पतरुस, याकूबदेन यृहन्नादा हराडदेन छ्याम भोर्जी। ओच्छे येशूला सम भोल्सी ल्हानान दुख तबारी छ्याइजी। ३४ ओच्छे येशूस थनीगदेदा "डाला सम करासी डा सिबा तबान तबा मुला। थतबासलमा एनीगदे चुरीन डा हरड लसी छोर्सी चिउ" भिसी सुड्जी। ३५ जमाहेन्से येशू जजाकी क्याथाड फर्सी सरी खुतुप तसी, "डाथारी खबारी छ्याइबा चु दुख तसम डाइ नाआतो:गे" भिसी परार्थना लबारी छ्याइजी। ३६ येशूस चुहरड भिसी परार्थना लजी, "आबा, हराडसे लआखम्बा ताम तिगे आर, थतबासलमा तसम डादा चु दुखग्याम फसी पिन्गो। तर डाइ म्हन्बा अन्धार आहिन, हराडसे म्हन्बा अन्धार तगे।"

३७ जमाहेन्से येशू हराडला चेला सोम मुबा ग्लारी दो:सी फखमा थनीगदे म्हेर्सी चिबा स्याप्जी। येशूस पतरुसदा चुहरड भिसी सुड्जी, "सिमोन, तिग ए म्हेर्सी चिबा? ए घण्टा गिक सुत्ते छोर्सी चिआखम्नी? ३८ दाहेन्से एनीगदे पापरी फसब आतबाला लागिरी छोर्सी परार्थना लसी

चिउ। च्यागो, एनीगदेला आत्मा मी तयार मुला, तर ल्हुइ चा कमजोर मुला।"

३९ येशू दो:सी तिरम थ ग्लारी फर्सी डाच्छाला हरड लसीन परार्थना लजी। ४० ओच्छे चलागदे मुबा ग्लारी दो:सी फखमा चलागदे म्हेर्सी चिबा स्याप्जी। म्हेर्बा खबास लमा थनीगदेस मीनोन ठाडआखम्नी, ओच्छे तिग भितो:बा थ थनीगदेदा था आतनी।

४१ येशू सोमरमला पालोरी फखसी चलागदेदा चुहरड भिसी सुड्जी, "अन्न एनीगदे म्हेर्सी बलप्या न्हबान मुला? दाहेन्से म्हेर्बा धुइ निजी। च्यागो, परमेश्वरसे पुइखबा म्हेदा चुड्सी पापीगदेला यारी जिम्मा पिन्बा धुइ तसी जिन्बा मुला। ४२ र:गो, निइ! च्यागो, डादा स्थान्दोला यारी जिम्मा पिन्बा म्हे खसी जिन्बा मुला।"

येशूदा चुड्बा

मत्ती २६:४७-५६; लूका

२२:४७-५३; यृहन्ना १८:३-१२

४३ येशूस चु ताम सुडमेछ्याम च्युक न्ही चलागदे न्हडला यहूदा भिबा चेलादेन छ्याम कडीदेन तरवार थोबा म्हेला हुल धोखजी। थनीगदेदा परमेश्वरला मन्दिररी पूजा लबा मुल म्हेगदेदेन यहूदी धर्मगुरुगदे ओच्छे यहूदी गन्वागदेस पुइखबा मुबा। ४४ येशूदा चुड्बारी खबा म्हेगदेदा यहूदास "जुन म्हेदा डाइ च्याक लला, थनोन येशू हिन्ना, थदा चुड्सी क्युर लसी भोर्गा" भिसी पाड्बा मुबा। ४५ ओच्छे यहूदा येशू मुबा ग्लारी सरासर निसी, "गुरु" भिसी येशूदा च्याक लजी। ४६ जमाहेन्से थनीगदेस येशूदा चुड्सी खोसी भोर्जी। ४७ तर थरी राप्सी चिबा गिकसे तरवार ते:सी परमेश्वरला मन्दिररी पूजा लबा मुल म्हेला नोकरला नाब्यड च्याट्टन थोजी।

४८ येशूस थनीगदेदा "एनीगदे तिगदा यहूदा चुड्बारी खबा हरड लसी कडी तरवार थोसी खबा? ४९ खाड, डाइ एनीगदेला गुडरी म्हेगदेदा धिन धिननोन परमेश्वरला मन्दिररी लोप्सी चिबा धुइरी एनीगदेस डादा आचुड्नी। तर परमेश्वरला बचनरी भिरबा अन्धार पूरा तगे भिसीन चुहरड तबा हिन्ना" भिसी सुड्जी। ५० जमाहेन्से चलागदे जम्मासेन येशूदा ख्तासी यार्जी।

५१तर सुतिला क्वान क्वान्वा भ्योन गिक येशूला लिच्छा लिच्छा भरवान मुबा। थनीगदसे थदा एनोन चुडजी। ५२ओच्छे थनीगदसे थदा चुडमा थला क्वान जे स्याप्जी। तर थ म्हि हराडला क्वाननोन रूलासी लिगन्डीन यार्जी।

येशूदा यहूदीगदला सभारी भोर्बा

मत्ती २६:५७-६८; लूका २२:५४-५५,

६३-७१; यूहन्ना १८:१३-१४, १९-२४

५३जमाहेन्से येशूदा परमेश्वरला मन्दिररी पूजा लबा मुल म्हि मुबा ग्लारी भोर्जी। थरी पूजा लबा म्हिगददेन यहूदी गन्वागद ओच्छे यहूदी धर्मगुरुगदएनोन पोप तबा मुबा। ५४ओच्छे पतरुस चा येशूला जजाकी लिच्छा लिच्छा निसी परमेश्वरला मन्दिररी पूजा लबा मुल म्हिला दिमला खराडगाधोना निजी, ओच्छे पालेगददेन छयाम मे दूसी चिजी।

५५जमाहेन्से परमेश्वरला मन्दिररी पूजा लबा मुल म्हिगददेन यहूदी सभाला जम्मान म्हिगदसे येशूदा साडबाला लागिरी परमाण म्हाडबारी छयाइजी। तर थनीगदसे तिगे परमाण आस्याप्नी। ५६थरी ल्हानान म्हिगदसे येशूला विरोध लसी लुसीला ताम लजी। तर खालेला ताम आदिकनी।

५७जमाहेन्से कोइ कोइ म्हिगदे र:सी येशूला विरोध लवान चुहरड् भिसी लुसीला ताम पाडबारी छयाइजी, ५८“चु म्हिसे डाइ म्हिसे स्हाबा चु परमेश्वरला मन्दिरदा फुप्सी सोमररीन म्हिसे आस्हाबा परमेश्वरला मन्दिर स्हाला भिसी चुसे भिबा डन्से थ:बा मुला।” ५९ओते लसेनोन थनीगदला ताम आदिकनी।

६०परमेश्वरला मन्दिररी पूजा लबा मुल म्हिगदे जम्मान म्हिगदला डाच्छापट्टि राप्सी येशूदा “एसे तिग्दा जोहाब आपिन्वा? चु म्हिगदसे एला विरोधरी पाडबा तामला बाररी एदा तिगे पाडसेला आरे?” भिसी डयोइजी। ६१तर येशूस तिगे जोहाब आपिन्वा कुटिसी स्पूजी। परमेश्वरला मन्दिररी पूजा लबा मुल म्हिसे येशूदा दो:सी, “तिग ए परमेश्वरला डा थार्बा पिन्वा खरीष्ट हिन्ना?” भिसी डयोइमा, ६२“डा हिन्ना, परमेश्वरसे पुडखबा म्हिदा हराडनीसे शक्तिशाली परमेश्वरला दाहिने

छयापट्टि चिबादेन स्वर्गयाम खसुरी खवान लबा मराडला” भिसी येशूस सुडजी। ६

६३चु ताम थ:सी परमेश्वरला मन्दिररी पूजा लबा मुल म्हिसे हराडला क्वान देवान, “दाहेन्से य्हाडदा अर्गु परमाण तिग्दा तो:जी?” भिसी भिजी। ६४“चुसे हराडसे हराडदान परमेश्वर स्हासी पाडबा ताम य्हाडसे थ:नोन थ:जी, दाहेन्से एनीगदला तिग विचार मुला।” भिमा, थरी मुबा जम्मान म्हिगदसे “चु म्हि साइनोन तो:बा म्हि हिन्ना” भिसी भिजी। ६

६५थरी मुबा म्हिगदे न्हडला कोइ कोइ म्हिगदसे येशूदा थो स्वाबारी छयाइजी। ओच्छे येशूला मी घप्सी तोवान, “लु, अगमवाणी पाडगो” भिसी डयोइजी। जमाहेन्से थरी मुबा स्हान्दा सिपाहीगदसेनोन येशूदा तोवारी छयाइजी।

पतरुससे डा येशूला चेला आहिन भिसी पाडबा

मत्ती २६:६९-७५; लूका २२:५६-६२;

यूहन्ना १८:१५-१८, २५-२७

६६पतरुस खराडगारी चिबान लमा परमेश्वरला मन्दिररी पूजा लबा मुल म्हिला नोकरस्या गिक पतरुस मुबा ग्लारी खजी। ६७ओच्छे पतरुसदा मे दूबान लबा मराडसी थ नोकरस्यासे “एएनोन नासरतला येशूदेन छयामनोन मुबा आहिन?” भिसी डयोइमा, ६८“एसे खाल्ला ताम लबा, डादा तिगे था आरे” भिसी पतरुस खराडगाला मरापरीक्यार निजी। थ धुइरी नागा कराजी।

६९पतरुसदा मरापरी चिबान लबा मराडसी दो:सी थ नोकरस्यासे स्हान्दा म्हिगददा “चु म्हि मी येशूला चेला हिन्ना” भिसी भिजी। ७०पतरुससे दो:सी आहिन भिसी भिजी। जजाकी लिच्छा दो:सी थरी राप्सी चिबा म्हिगदसे पतरुसदा “पक्कान, ए येशूला चेला हिन्ना। तिग्दा भिसम ए गालीलला म्हि हिन्ना” भिसी भिजी।

७१पतरुससे दो:सी, “डाइ लुसीला ताम पाडबा हिन्सेम परमेश्वरला सजाय डाथरी खइ भिसी घरान फाबान हराडसे भिबा म्हिदा डाइ डोसबा आरे” भिसी भिजी।

७२पतरुससे थहरड् भिमेछयाम दो:सी नागा कराजी। “न्हीरम नागा कराबा मन्दा डाच्छा सोमरमधोना एसे डादा डोसबान आरे भिला”

मिसी येशूसु सुडबा ताम ढन्सी पतरुस च्याँ च्याँ करानी।

येशूदा पितातसला डाच्छापटटि भोर्बा

मत्ती २७:१-२, ११-२६; लूका २३:१-३,

१६-२५; यूहन्ना १६:२६-४०; १९:१६

१५ स्थहरीन परमेश्वरला मन्दररी पूजा लबा मुल म्हिगदेदन यहूदी गन्बागद ओच्छे थरी मुबा यहूदी धर्मगुरुगदेदन छुयाम जम्मान म्हिगद सल्लाह लजी। ओच्छे थनीगदेस येशूदा सीसी पितातस भिबा रोमी अञ्चलाधोश मुबा ग्लारी भोर्सा जिम्मा पिन्जी।

२ जमाहेन्से पितातससे येशूदा “तिग ए यहूदीगदेला ग्ले हिन्ना?” मिसी डयोइमा, येशूसे “थे मी हराडसेन सुडबा मुला” मिसी जोहाब पिन्जी। ३ परमेश्वरला मन्दररी पूजा लबा मुल म्हिगदेसे येशूदा ल्हानान तामरी दोष लबाला लबान लजी। ४ थतबासलमा पितातससे येशूदा दोःसी, “एला तिगे जोहाब आर? च्यागो, थनीगदेस एला बिरोध लसी एदा ल्हानान दोष लबान मुला” मिसी भिजी। ५ तर येशूसे तिगे जोहाब आपिन्नी। चु मराडसी पितातस उदेक लजी।

६ मिशर यहूत्साग्याम फेसी खबा धिनदा ढन्सी धडबा चाडला धुइरी पितातससे म्हिगदेस धम्बा झ्याल्लानरी मुबा म्हि गिकदा पुइमुबा। ७ थ धुइरी बारब्बा भिबा आज्यबा ग लबा म्हि गिक झ्याल्लानरी मुबा। थस आन्दोलनरी म्हि साइबा मुबा। ८ ओच्छे म्हिला हुल खसी पितातसदा “निबा दिडरी हरड चु पालसनोन झ्याल्लानरी मुबा म्हि गिकदा पुइसी पिन्गो” मिसी भिजी। ९ म्हिगदेस चुहरड भिमाहेन्से पितातससे “डाइ चु यहूदीगदेला ग्लेदा ख्तासी पिन्गे मिसी एनीगदेस म्हन्बा मुला?” मिसी डयोइजी। १० तिगदा भिसम परमेश्वरला मन्दररी पूजा लबा मुल म्हिगदेसे डाह लसी येशूदा डा मुबा ग्लारी भबा हिन्ना भिबा ताम पितातसदा था मुबा।

११ तर परमेश्वरला मन्दररी पूजा लबा मुल म्हिगदेसे स्थान्दो म्हिगदेदा थोसी, “येशूदा आहिन, बारब्बादा ख्तासी पिन्गो!” भिपुडजी। १२ ओच्छे पितातससे “चु यहूदीगदेला ग्ले भिबा

म्हिदा डाइ तिग लउ?” मिसी डयोइमा, १३ “चुदा करुसरी टाँगब लसी साइगो!” मिसी यहूदीगदे किरडबारी छुयाइजी।

१४ पितातससे “तिगदा? चुसे थेहरडबा आज्यबा ग तिग लबा मुला?” मिसी डयोइजी।

तर थनीगदेस इन किरडबान, “चुदा करुसरी टाँगब लसी साइगो” मिसी भिजी।

१५ पितातसदा थे म्हिला हुलदा ताडना लबा सम मुबा। थतबासलमा थस बारब्बादा पुइजी। तर येशूदा चा कोरोस तोसी करुसरी टाँगब लसी साइबाला लागिरी रोमी सिपाहीगदेदा जिम्मा पिन्जी।

सिपाहीगदेसे येशूदा खिसी लबा

मत्ती २७:२७-३१; यूहन्ना १९:२-३

१६ जमाहेन्से सिपाहीगदेसे येशूदा सिपाहीगदेला हाकिम चिबा परटोरियन भिबा दिम न्हडरी भोर्जी। ओच्छे जम्मान सिपाहीगदेदा डयोइजी। १७ ओच्छे थनीगदेसे ग्लेला हरडबान वाला वाला पिडगे छोनना क्वान क्वान्सी पिन्जी। ओच्छे थनीगदेसे पुजुला फटा स्हासी येशूदा थोइसी पिन्जी। १८ जमाहेन्से थनीगदेसे येशूदा “लास्सो यहूदीगदेला ग्ले, फ्याफुल्ला” भिबान सलाम लजी। १९ ओच्छे थनीगदेसे येशूदा थो स्वाबान माला कडीसे थोबारी तोसी फ्या लजी। २० थेहरड लसी येशूदा खिसी लमाहेन्से थनीगदेस थे वाला वाला पिडगे छोनना क्वान स्युसी पिन्जी। ओच्छे येशूदा थतान क्वान क्वान्सी करुसरी टाँगब लसी साइबारी भोर्जी।

येशूदा करुसरी टाँगब लबा

मत्ती २७:३२-४४; लूका

२३:२६-४३; यूहन्ना १९:१७-२७

२१ थनीगदेसे येशूदा भोर्बान लबा धुइरी कुरेनी भिबा ग्लाला सिमानदा खबान लबा स्यापजी। थे अलेकजेन्डरदेन रूफसला आबा मुबा। जमाहेन्से सिपाहीगदेसे थदा कर लसी येशूला करुस पुइपुइजी। २२ ओच्छे थनीगदेसे येशूदा गलगथा भिबा ग्लारी भोर्जी। गलगथा भिबा चा “खप्परला ग्ला” हिन्ना। २३ गलगथारी धोमाहेन्से थनीगदेसे येशूदा अडगुरला

निङ्गुरी लठेब तबा मन ंयुसी पिन्जी। तर येशूस थ आसोल्नी। २४ जमाहेन्स थनीगदसे येशूदा करुसरी टाँगब लजी। ओच्छे थनीगदसे येशूला क्वान भो लसी खाल्दा खजिबा परब तबा चीम भिसी ह्राड ह्राड न्हडरी चिटठा युजी।।

२५ येशूदा करुसरी टाँगब लबा धुइरी स्होला नो बजेब तमुबा। २६ येशूदा दोष लबा तामरी “चु यहूदीगदला ग्ले” भिसी भिरबा मुबा। २७ थनीगदसे येशूदा करुसरी टाँगब लबा धुइरी स्हो न्होदाएनोन गिकदा दाहिनपटटि गिकदा देवरपटटि करुसरी टाँगब लजी। २८ परमेश्वरला बचनरी भिरबा ताम चुहरड लसी पूरा तजी, “थदा अपराधीगददा हरडनोन लजी।” ३१

२९-३० थंग्याम भरबा म्हिगदसे थोबो स्होडबान, “लु, परमेश्वरला मन्दिर फुप्सी सोमररीन दोःसी स्होला भिबा म्हि दान्दे एसे ह्राडसे ह्राडदान जोगब लउ, ओच्छे करुसग्याम मार फाप्पो” भिसी येशूदा खिसी लजी। ३१-३२ थेहरड लसीन परमेश्वरला मन्दिररी पूजा लबा मुल म्हिगददेन यहूदी धर्मगुरुगदसेएनोन थनीगदे ह्राड ह्राड न्हडरी, “चुस स्हान्दोदा चा जोगब लखम्जी। तर ह्राडसे ह्राडदा चा जोगब लआखम्नी। चु इसराएलीगदला ग्ले थार्वी पिन्बा खरीष्ट करुसग्याम मार फाप्सी खगे, ओच्छे जे स्होडसे थदा विश्वास लला!” भिसी ठटटा लजी। ओच्छे येशूदेन छुयाम करुसरी टाँगब लबा म्हिगदसनोन येशूदा खिसी लजी।

येशू सिबा

मत्ती २७:४५-५६; लूका

२३:४४-४९; यूहन्ना १९:२८-३०

३३ धिनना बाहर बजेहन्से तीन बजेधोना स्होल्सा नाडनोन धोपधोप तजी। ३४ ड्यसे तीन बजेरीक्यार येशूस घरेन काइरी किरडबान, “इलोइ इलोइ लामा सबखथनी?” भिसी सुडजी। चु भिबा चा “डाला परमेश्वर, डाला परमेश्वर, ह्राडसे डाला तिगदा ख्ताबा?” भिबा हिन्ना।

३५ चुहरड लसी किरडबा मराडसी थरी राप्सी चिबागदे न्हडरी कोइ कोइसे “च्यागो, चुसे मी एलियादा गा ड्योइबा चीम” भिसी भिजी। ३६ ओच्छे थनीगदे न्हडरी गिकसे चा यासी निसी अडगुरला कम्बा निङ्गुरी क्वानगेन ब्रुम्सी माला कडीरी खीसी येशूदा ख्वामा, “भरान्गो, भरान्गो, चुदा एलिया खसी करुसग्याम मार तेःला वा ? च्याग” भिसी भिजी। ३७

३७ जमाहेन्से घरेन काइरी किरडसी येशूला सा निजी। ३८ थनोन धुइरी परमेश्वरला मन्दिर न्हडरी मुबा पर्दा ह्राडनोन तोरहेन्से मारधोना परखे न्हो तसी देजी। ३९ चुहरड लसी येशूला सा निबा मराडसी थरी करुसला डाच्छापटटि राप्सी चिबा रोमी कप्तानसे “चु मी साँच्चिन परमेश्वरला ज्ञानोन चीम” भिसी भिजी।

४० थरी कोइ कोइ मिरडम्हेगदसे थोरडग्याम च्यासी चिबा मुबा। थनीगदे न्हडरी मरियम मग्दलिनी, जेजा याकूबदेन योसफला आमा मरियम ओच्छे सलोमी मुबा। ४१ येशू गालीलरी मुबा धुइरी थनीगदे येशूला लिच्छा लिच्छा भरसी येशूला सेवा लमुबा। ओच्छे थरी यरुशलमधोना येशूदेन छुयाम सबा ल्हानान मिरडम्हेगदेएनोन मुबा। ४२

येशूदा धुसारी थान्बा

मत्ती २७:५७-६१; लूका

२३:५०-५६; यूहन्ना १९:३८-४२

४२ चु धिन ब्रुत्वा न्हवा धिनना डाच्छाकुनु मुबा। ४३ थे धिनकुनु ड्यसे अरिमाथिया भिबा शहरला योसफ भिबा म्हि आलाडनान पितातस मुबा ग्लारी निसी येशूला लास हरीजी। थे योसफ यहूदी सभाला मुल सदस्या मुबा। थेएनोन परमेश्वरसे शासन लबा धुइ सला भिसी भरान्सी चिबा मुबा।

४४ येशू सिजी भिबा ताम थेःसी पितातस उदेक तजी। ओच्छे थेसे रोमी कप्तानदा ह्राड मुबा ग्लारी ड्योइसी येशू साँच्चिन सिबा हिन्ना कि आहिन भिसी ड्योइबा छार्वी लजी। ४५ रोमी कप्तानसे येशू साँच्चिन सिबा

११५:२३ “लठेब तबा मन” गरीक बाइबलरी चुदा मूर भिसी भिरबा मुला।

११५:२८ चु पदला ताम ल्हानान हरडबा गरीक बाइबलरी भिरबा आर।

११५:२४ भजन २२:१८ ११५:२८ यशै ५३:१२

११५:२९-३० भजन २२:७; १०९:२५; मकँ १४:५८; यूह २:१९ ११५:३४ भजन २२:१

११५:३६ भजन ६९:२१ ११५:३८ परस्था २६:३१-३३ ११५:४१ लूका ८:२-३

हिन्ना भिमाहेन्से पिलातससे येशूला लास योसफदा भोर्बारी पिन्जी। १६ योसफसे ज्यबा खाल्ला सुतिला क्वान ग्लुसी भजी। ओच्छे येशूला लास करुसग्याम मार तेःसी थ सुतिला क्वानरी रिन्जी। थग्याम येशूला लासदा भोर्सी युडबाला पहारी ठवाइसी स्हाबा धुर्सा न्हडरी भोर्सी थान्जी। जमाहेन्से युडबा ब्रित्इबान भर्सी धुर्साला मरापरी थान्जी। १७ मरियम मग्दलिनीदेन योसफला आमा मरियमसे येशूला लास थान्बा ग्ला च्यासी चिमुबा।

येशू सिबाग्याम सोबा

मत्ती २८ : १-८ ; लूका २४ : १-१२ ; यहन्ना २० : १-१०

१६ धिनकुनु इयसे मरियम मग्दलिनी, याकूबला आमा मरियमदेन सलोमीसे येशूला लासरी फोर्बाला लागिरी ज्यबा बास्ना खबा छुयुगु ग्लुजी। २ न्हडगरदड आइतवार स्होरी धिनी फेबा धुइरी थनीगदे येशूदा थान्बा धुर्सारी निजी। ३ “स्हाडदा थ धुर्साला मरापरी मुबा युडबा खाल्से ब्रित्इसी पिन्ना?” भिसी थनीगदे ग्यामरीक्यार ताम लबान निजी। ४ तर धुर्साला डाच्छापटटि धोसी च्यामा, थ घरेन युडबा डाच्छान ब्रित्इसी थान्बा मराड्जी। ५ थनीगदे धुर्सा न्हडरी वाड्सी च्यामा, धुर्साला दाहिनपटटि तार क्वान क्वान्सी चिबा भ्यान म्हि गिकदा मराड्जी। ६ तर थ भ्यान म्हिसे थनीगदेदा “थालोङ्गो! करुसरी साइबा नासरतला येशूदा एनीगदेसे म्हाइबान मुला भिबा ताम डादा था मुला। थदा सिबाग्याम सोना लसी जिन्बा मुला। येशू चुरी ओर। एनीगदेन खसी थदा थान्बा ग्ला च्यागा। ७ दाहेन्से निसी थला चलागदेदा ओच्छे खास लसी पतरुसदा एनीगदे मन्दा डाच्छा येशू गालील अन्वलेरी फन्वान मुला। थसे सुडबा हरडनोन एनीगदेसे थरी थदा मराड्ता भिसी पाड्सी पिन्ना” भिसी भिजी। ८ जमाहेन्से थनीगदे लोड्सी फितफित धर्सी धुर्साग्याम थान्सी निजी। ओच्छे थनीगदेसे चु ताम खालेदा आपाड्नी। तिग्दा भिसम थनीगदे ल्हानान लोड्बा मुबा।

येशू चलागदे मुबा ग्लारी फेक्सबा

मत्ती २८ : १-२० ; लूका २४ : १३-५३ ;

यहन्ना २० : ११-२३ ; मुल चला १ : ४-११

१ आइतवार स्होरीन येशू सिबाग्याम सोमाहेन्से जम्मान मन्दा डाच्छा मरियम मग्दलिनी मुबा ग्लारी फेज्जी। थ मरियमला ल्हुइग्याम येशूस गोर निस म्हड ताप्ता मुबा। ११ जमाहेन्से मरियम मग्दलिनी येशूला चलागदे मुबा ग्लारी निसी चु ताम थःना लजी। सेमरी ल्हानान दुख तसी थनीगदे करासी चिबा मुबा। १२ येशू सोसी हराड् मुबा ग्लारी फेक्सजी भिबा ताम मरियमसे थनीगदेदा भिजी। तर थनीगदेसे चु ताम पत्याब आतनी।

१३ जमाहेन्से चला न्ही नाम्सारीक्यार निबान लबा धुइरी हराड्ता डाच्छापटटि येशूदा अर्गुन रूपरी मराड्जी। १४ ओच्छे थनीगदे स्हान्दा चलागदे मुबा ग्लारी निसी चु ताम थःना लजी। तर स्हान्दा चलागदेसे थनीगदेला ताम पत्याब आतनी।

१५ जमाहेन्से येशू च्युक गिक चलागदे चबान लबा धुइरी थनीगदे मुबा ग्लारी फेक्सजी। ओच्छे थनीगदेला सेम कोडबादेन म्हिगदेसे येशू सिबाग्याम सोजी भिसी पाड्बा ताम विश्वास आलबास लमा येशूस थनीगदेदा बड्जी।

१६ येशूस हराड्ता चलागदेदा “एनीगदे जम्बुलिडला जम्मान ग्लारी निसी जम्मान म्हिगदेदा परमेश्वरला खुल्साला समाचार थःना लज। १६ विश्वास लसी ब्रित्स्मा किन्बागदेसे थोर्बा याड्ता। तर विश्वास आलबा जतिस चा परमेश्वरग्याम सजाय याड्ता। १७ ओच्छे विश्वास लबा म्हिगदेदेन छुयाम चुहरड्बा चिनुगदे तला थनीगदेसे डाता मिनरी म्हडगदे ताप्ता, ओच्छे छार छार ग्योइरी ताम लला। १८ ओच्छे थनीगदेसे पुखरी चुड्सेनोन, बिख थुड्सेनोन थनीगदेदा तिगै आत। थनीगदेसे आखम्बा म्हिगदेथोरी या थान्सी परार्थना लमाहेन्से थ म्हिगदे खम्ता” भिसी सुड्जी।

११६ : १ चु पदला ताम कोइ कोइ ग्रीक बाइबलरी ओर।

११६ : १५ मुल १ : ८

येशू स्वर्गरी फेखा

लूका २४ :२०-२३ ; मुल चेला १ :९-११

१९ चुहरळ लसी चेलागदेंदेन छयाम ताम लमाहेन्स परभु येशूदा स्वर्गरी भोजी। ओच्छे येशू परमेश्वरला दाहिने छयापट्टि मुल ठिरी

धन्छयाजी। १९० जमाहेन्से चेलागदे जम्मान ग्लारी निसी येशूला बारेरी पाङ्सी भरजी। थनीगदेंदेन छयाम तसी परभुसे गे लजी। ओच्छे थनीगदेंसे थःना लबा तामदा परभुसे उदकला गयाम चु हिन्ना चीम भिसी विश्वास तना लजी।

लूकासे भिरबा थाबा पिन्बा समाचार

चु किताबला बाररी पाङ्क्तोःमा

भिरबा म्हिः येशूला मुल चला पावलला हरो लूकास भिरबा मुबा (२ तिमोथी ४ :११)। थं अर्गुं य्हलला म्हि हिन्ना ओच्छे थं डाक्टर मुबा (कलस्सी ४ :१४)। थस मुल चलागदला गेला बाररीनोन भिरबा मुला (मुल चला १ :१-२)।

भिरबा गला : रोम शहररी भिरबा मुबा।

भिरबा साल : ओस्पन ईश्वी संवत् ६०-७० (विक्रम संवत् ११७-१२७) सालला गुडरी भिरबा मुबा।

खाल्दा भिरबा : येशूला बाररी तबा तामगदे घोना लबाला लागिरी थियोफिलस भिबा म्हिदा भिरबा हिन्ना।

चु थाबा पिन्बा समाचाररी येशूला बाररी चुहरङ्क लसी भिरबा मुला, इसराएलीगदला गुडरी फखला भिसी कबुल लबा थाबा पिन्बा गलेदेन जम्मान य्हलला म्हिगदेदा सोना लबा येशू खरीष्ट हिन्ना। थं दुख याडबा म्हिगदेदेन पराडबा म्हिगदे ओच्छे जम्मान म्हिगदेदा थाबा पिन्बा समाचार थंःना लगै भिसी परमेश्वरला आत्माग्याम जम्बुलिडरी पुइखबा हिन्ना। चु थाबा पिन्बा समाचाररी जम्मान खाल्ला दुखरी परब तबा म्हिगदेदा वास्ता लसी भिरबा हिन्ना। चुरी ताङ्क्तोःबा तामगदे परस्टन मराडमुला। पाङ्क्तोन तोःमा चुरी डाच्छाला अध्यायगदेरी येशू जम्बुलिडरी फखबा ताम ओच्छे लिच्छापटटिला अध्यायगदेरी चा येशू स्वर्गरी फखा तामला बाररी भिरबा मुला।

येशू स्वर्गरी फखाहेन्स येशूदा विश्वास लबागदे ल्हानान बढब तबान निजी ओच्छे येशूला बाररी ल्हानान ग्लारी थंःबान निबा तामगदे लूकासे “मुल चलागदला गे” भिबा किताबरी भिरबा मुला।

मुल तामगदे

शुरूला ताम १ :१-४

बप्तिस्मा पिन्बा यूहन्नादेन येशू न्हाबा ओच्छे येशू जजा मुबा धुइला ताम १ :५-२ :५२

बप्तिस्मा पिन्बा यूहन्नासे लबा गे ३ :१-२०

येशूसे बप्तिस्मा किन्बादेन शैतानसे येशूदा फसब लबारी म्हाइबा ३ :२१-४ :१३

येशूसे गालील अञ्चलरी लबा गे ४ :१४-९ :५०

येशू गालील अञ्चलहेन्स यरूशलम शहरधोना फखा ९ :५१-१९ :२७

यरूशलम शहररी येशूला गे थुम्बा धुइ १९ :२८-२३ :५६

येशू सिबाग्याम सोबादेन स्वर्गरी फखा २४ :१-५३

लूकासे भिरबा थाबा पिन्बा समाचार

लूकासे येशूला बाररी भिरबा

१ परमेश्वरसे डन्ना गुडरी लबा गेला बाररी ल्हानान म्हिगदेसे भिरबारी छ्याइबा मुला। २ डाच्छाहेन्सेन येशूस लबा गेदेन लाप्या ताम मराडबा म्हिगदेसे डन्दा थंःना लजी। ३ थेतबासलमा माननीय थियोफिलस, डाइएनोन डाच्छाहेन्सेन जम्मान ताम म्हाइसी घोबासे लमा हराडला लागिरी मेलोसेन भिरमा ज्यबा तला भिसी म्हेन्जी। ४ तिगदा भिसम हराडदा पाडबा तामगदेरी सत्य ताम घोगै भिसी डाइ चु हराडला लागिरी भिरबा हिन्ना।

बप्तिस्मा पिन्बा यूहन्ना न्हाला भिसी पाडबा ताम

५ यहूदिया य्हल्लाला हरोद गेला धुइरी अबिया भिबा समूहरी परमेश्वरला मन्दिररी पूजा लबा जकरिया भिबा म्हि मुबा। थला मिरड एलीशिबाएनोन परमेश्वरला मन्दिररी पूजा लबा हारूनना वंशरी न्हाबा मुबा। ६ परमेश्वरसे कुल्बा जम्मान ताम ड्यान्बास लमा थं न्हीनोन परमेश्वरला डाच्छा ज्यबा म्हि मुबा। ७ तर एलीशिबाग्याम कोला आतबास लमा थं न्हीला कोलागदे आरबा मुबा। थं न्हीला दिडएनोन निसी जिन्बा मुबा। ८ तिरकुनु जकरिया हराडला समूहला पालोरी परमेश्वरला मन्दिररी पूजा लबान मुबा। ९ परमेश्वरला मन्दिररी पूजा लबा समूहला टिम अन्धार चिटठा युमा, परमपरमुला मन्दिर न्हाडरी वाडसी धूप मराबा गे जकरियाला मिनरी थोन्जी। १० परमेश्वरला मन्दिर न्हाडरी धूप मराबा धुइरी म्हिला हुल मडग्यार परार्थना लसी चिबा मुबा। ११ धूप मराबान लबा धुइरी जकरियासे धूप मराबा

ग्लाला दाहिनेपट्टि स्वर्गदूत खसी राप्सी चिबा मराड्जी। १२ स्वर्गदूतदा मराड्सी जकरिया आत्तेव तसी लोड्जी। १३ तर स्वर्गदूतसे थंदा “थालोड्गो जकरिया, तिग्दा भिसम परमेश्वरसे एला परार्थना सान्बा मुला। दाहन्स एला मिरड् एलीशिबास झा गिक न्हला। एस थला मिन यूहन्ना थान्गो। १४ थं न्हवा धुइरी ए ल्हानान ताड्ला, ओच्छे स्थान्दा ल्हानान म्हिग्देएनोन ताड्ला। १५ तिग्दा भिसम थं परमपरमुला डाच्छापट्टि घरेन म्हि दोला। ओच्छे थंसे अड्गुरला निड्गुदेन सजिबै अर्गु ड्य्हाइबा स्हे आथुड्। थं आमाला फोरी खमाहन्सन परमेश्वरला आत्मा थंदेन छयाम तला। १६ थंसे ल्हानान इसराएलीगदेदा परमपरमु परमेश्वरला ग्यामरी दोःसी भला। १७ आबागदेला सेम कोलागदेपट्टि तना लबारी ओच्छे परमेश्वरसे कुल्बा ताम आड्यानबागदेदा परमेश्वरसे कुल्बा ताम ड्यानबा म्हिग्दे हरड्बा स्होसी परमुला ग्याम च्यासी चिबा य्हल स्होबाला लागिरी थं परमुला डाच्छा एलियाला आत्मादेन शक्तिरी भरला। १८

१८ जमाहेन्से जकरियासे स्वर्गदूतदा “डाइ चु ताम साहरड् लसी विश्वास लसे? तिग्दा भिसम डा संप्वा दोसी जिन्जी ओच्छे डाला मिरड्लाएनोन दिड् निसी जिन्बा मुला” भिसी भिमा, १९ स्वर्गदूतसे जकरियादा “डा परमेश्वरला डाच्छा राप्सी चिबा गब्रिएल हिन्ना। डादा परमेश्वरसे एदेन छयाम ताम लबारी ओच्छे चु ज्यबा समाचार पाड्बारी पुइखबा हिन्ना। २० एस डाइ पाड्बा ताम विश्वास आलबासे लमा चु ताम पूरा आततेधोना एस ताम पाड्आखम। तर चु ताम ततोःबा धुइरी तनोन तला” भिसी भिजी।

२१ जकरिया परमेश्वरला मन्दिर न्हड्डी घड्ना चिबासे लमा मड्ग्यार जकरियादा मरान्सी चिबा म्हिग्देदा सुर्दा तजी। २२ थं परमेश्वरला मन्दिर न्हड्ग्याम मड्ग्यार थोन्सी खमा थंसे तिगे ताम पाड्आखम्नी। थेतबासेलमा मड्ग्यार मुबा म्हिग्देसे थंसे तिगे मराड्जीनम भिसी म्हन्जी। जकरियासे थं म्हिग्देदा या लिप्वान ताम लबारी छ्याइजी।

ओच्छे थं ताम पाड्आखम्बाला आखम्बान तजी।

२३ परमेश्वरला मन्दिर न्हड्डी पूजा लतोःबा हराड्ला पालो जिन्माहेन्स जकरिया दिमरी निजी। २४ तिगे धिन लिच्छा थला मिरड् एलीशिबा न्हसेला तजी। जमाहेन्स एलीशिबा ला डाधाना दिम ख्लासी खानड्एनोन आनिनी। २५ ओच्छे थंसे “दाहन्स खालेस डादा हेला थालगे भिसी परमेश्वरसे डादा दया लसी चु लबा हिन्ना” भिसी भिजी।

येशू न्हला भिसी पाड्बा ताम

२६-२७ गालील अञ्चलला नासरत भिबा नाम्सारी मरियम भिबा कन्याकेटी गिक मुबा। थंदा दाऊद ग्लेला वंशला योसेफ भिबा म्हिसे ब्याह लबारी हरीबा मुबा। एलीशिबा न्हसेला तबा ला दु तमा परमेश्वरसे गब्रिएल स्वर्गदूतदा मरियम मुबा ग्लारी पुइखजी। २८ जमाहेन्से स्वर्गदूत थं कन्याकेटी मुबा ग्लारी निसी, “लास्सो माइ, एदा परमेश्वरसे ल्हानान दयामाया लबा मुला। थेतबासेलमा एदेन छयाम परमपरमु मुला” भिसी भिजी।

२९ स्वर्गदूतला ताम थंसे मरियम उदेक तजी। ओच्छे “आहिन, चु तिग भिबा?” भिसी सेमरी म्हन्जी। ३० तर स्वर्गदूतसे थंदा “थालोड्गो मरियम, तिग्दा भिसम परमेश्वरसे एदा ल्हानान मालम पिन्बा मुला। ३१ दाहन्स ए न्हसेला तला ओच्छे एस झा गिक न्हला। एस थला मिन येशू थान्गो। ३२ थं घरेन म्हि दोला ओच्छे थंदा जम्मान भन्दा घरेन परमेश्वरला झा भिला। परमपरमु परमेश्वरसे थंदा दाऊदला य्हत्सारी शासन लबारी ग्ले स्होला। ३३ थंसे सदनना लागिरी याकूबला वंशथोरी शासन लला। ओच्छे थंला शासन साइमे आजिन” भिसी भिजी। ३४

३४ स्वर्गदूतला चुहरड्बा ताम थंसे मरियमसे “चु साहरड् लसी तला? तिग्दा भिसम डाइ ब्याह लबान ओरे” भिसी भिजी।

३५ स्वर्गदूतसे मरियमदा “एथोरी परमेश्वरला आत्मा फेखला। ओच्छे एस जम्मान भन्दा घरेन परमेश्वरला आत्माला शक्तिस कोला न्हला। थेतबासेलमा थं कोलादा परमेश्वरला झा भिला। ३६ च्यागो, एला हराड्ला म्हि एलीशिबादाएनोन दिड् निबासे लमा कोला आन्ह

११:१५ गन्ती ६:३ ११:१७ मला ४:३-६ ११:१९ दानि ८:१६; ९:२१

११:२६-२७ मत्ती १:१८ ११:३१ मत्ती १:२१ ११:३३ २ शमू ७:१२; १३:१६; यशै ९:७

मिसी भिमुबा। तर दान्दे थे न्हसेला तबा ला दु तबा मुला। ३७ थतबासलमा परमेश्वरसे लआस्मबा गे तिगे आरे” मिसी मरियमदा जोहाब पिन्जी। ४

३८ ओच्छे मरियमसे स्वर्गदूतदा “डा परमेश्वरदा तेन्बा म्हि हिन्ना, डादा हराडसे भिबा हरडनोन तगे” मिसी भिमाहन्से स्वर्गदूत निजी।

मरियम एलीशिबादा हरूप तबारी निबा

३९ तिगे धिन लिच्छा मरियम योना योना लसी यहदिया अञ्चलला गडपटदिला नाम्सा गिकरी निजी। ४० ओच्छे जकरियाला दिमरी वाडसी एलीशिबादा “लास्सो फ्याफुल्ला” भिजी। ४१ मरियमसे लास्सो फ्याफुल्ला भिबा एलीशिबासे थे:माहन्से एलीशिबाला फोरी मुबा कोला मोल्जी। ओच्छे एलीशिबाथोरी परमेश्वरला आत्मा फेस्वजी। ४२ जमाहन्से एलीशिबासे घरेन काइ लसी, “मिरडम्हेमगदे न्हडरी ए परमेश्वरग्याम मोलम याडबा म्हि हिन्ना। ओच्छे एला फोरी मुबा कोलादाएनोन ल्हानान मोलम पिन्बा मुला। ४३ खाल्ला दयासे लमा डा हरडबाला दिमरी डाला परमुला आमा खजी? ४४ च्यागो, एसे लास्सो फ्याफुल्ला भिबा डाइ थे:मेच्छयाम डाला फोरी मुबा कोला ताडसी मोल्जी। ४५ परमपरमुसे सुडबा ताम पूरा तला मिसी विश्वास लबासे लमा एसे परमेश्वरग्याम मोलम याडबा मुला।” मिसी भिजी।

मरियमसे परमेश्वरदा धन्यवाद पिन्बा

४६ ओच्छे मरियमसे चुहरड मिसी व्हाइ गोबारी छ्याइजी,

“डाला परमपरमु परमेश्वरदा जयजयकार तगे। a

४७ डादा थार्बा पिन्बा परमेश्वरदेन छ्याम डा समहेन्सेन ताडबा मुला।

४८ तिगदा भिसम परमेश्वरदा तेन्बा डा हरडबा जजा म्हिदाएनोन वास्ता लबा मुला।

दाहेन्से जम्मान म्हिगदसे डादा परमेश्वरग्याम मोलम याडबा म्हि मिसी भिला। b

४९ तिगदा भिसम जम्मान भन्दा घरेन परमपरमु परमेश्वरसे डाला लागिरी घरेन गे लसी पिन्बा मुला।

परमपरमुन परमेश्वर ऽहिन्ना।

५० परमेश्वरदा मान लबा म्हिगददा परमेश्वरसे जुकजुकधोनान दया लला।

५१ ओच्छे समरी डा हरडबा खाले आरे मिसी भरबा म्हिगददा परमेश्वरसे हराडला शक्तिस ससा बडबड तना लबा मुला।

५२ शासन लबा म्हिगददा परमेश्वरसे थला गलाग्याम ते:बा मुला।

ओच्छे पूराडबोगददा परमेश्वरसे घरेन म्हि स्होबा मुला। c

५३ ओच्छे फोस्खरेन्बागददा परमेश्वरसे सदन ज्यबा ज्यबा स्हे पिन्सी मरेन्ना लबा मुला।

तर फ्युकपो म्हिगददा तिगे आपिन्ना या थान्थान पुडबा मुला।

५४ परमेश्वरसे हराडसे लबा दया ढन्सी हराडदा तेन्बा इसराएलीगददा हरो लबा मुला।

५५ ओच्छे ग्हाडला आसे म्हेमदा सुडबा हरड अबराहामदेन थला सन्तानगददा जुकजुकधोनाला लागिरी दया लबा मुला।” d

५६ मरियम ला सोमधोना एलीशिबादेन छ्यामनोन चिसी हराडला दिमरी निजी।

बत्तिस्मा पिन्बा यूहन्ना न्हवा

५७ ओच्छे एलीशिबासे कोला न्हवा धुइ तसी थसे झा न्हजी। ५८ जमाहन्से परमपरमु परमेश्वरसे एलीशिबादा दया लबा मुला भिबा थे:सी थला हराडला म्हिदेन खिम्जेमगदे ल्हानान ताडजी।

५९ कोला न्हसी भरे:रे तमाहन्से थनीगदे थे कोलाला खतना लबारी खजी। ओच्छे थनीगदसे थे कोलाला मिन थला आबाला हरडबान जकरिया थान्वारी छ्याइजी, ६० तर थला आमासे “आहिन, थला मिन यूहन्ना थान्तो:ला” मिसी भिमा, ६१ थनीगदसे “थहरडबा मिन एला

५९:४९ चु पदरी “परमपरमु परमेश्वर” मिसी पाडबा ताम गरीक बाइबलरी “थला छान चोखो मुला” मिसी पाडबा मुला। चुला मुल अर्थ चा थ जम्मान भन्दा घरेन हिन्ना ओच्छे थे हरडबा स्थान्दा खाले आरे भिबा हिन्ना। थतबासलमा जम्मासन थदा तन्तो:ला।

५९:३७ उत्प १८:३४ ५९:४६ १ शमू २:३-१० ६९:४८ १ शमू १:३१

६९:५२ अय्यूब ५:३१; १२:३९ ६९:५५ उत्प १७:७ ६९:५९ लेवी १२:३

हराडला म्हि न्हडरी सालेला आरे” भिसी भिजी।

६२ जमाहेन्से थनीगदसे थला आबादा झाला मिन तिग थान्बा भिसी या लिप्सी झ्याडमा, ६३ जकरियास पाटी गिक हरीसी थ पाटीरी थला मिन यूहन्ना हिन्ना भिसी भिरजी। चुहरडबा मराडसी थनीगद जम्मान उदक तजी। ६४ थनोन धुडरी जकरियास ताम पाडबारी छ्याडजी। ओच्छे थस परमेश्वरदा धन्यवाद पिन्जी। ६५ चुहरड तबा मराडसी थला खिम्जमगद जम्मान उदक तसी लोडबा सजी। ओच्छे यहूदियाला गडरीक्यारला नाम्सा नाडनोन चु ताम थःजी। ६६ चु ताम थःबा जति जम्मासेन “लिच्छे चु कोला साहरडबा तला” भिसी हराड हराडला सेमरी म्हन्जी। तिगदा भिसम थ कोलादेन छ्याम परमेश्वर मुबा।

जकरियासे गोबा व्हाड

६७ यूहन्नाला आबा जकरियाथारी परमेश्वरला आत्मा फखजी। ओच्छे परमेश्वरला आत्मास कुल्बा हरडनोन थस पाडबारी छ्याडजी।

६८ “इसराएलीगदला परमपरभु परमेश्वरला जयजयकार तगै

तिगदा भिसम परमेश्वर फखसी हराडला म्हिगददा हरो लसी पापग्याम फबा मुला!

६९ परमेश्वरसे थदा तेन्बा दाऊदला वंशरी व्हाडदा थार्बा पिन्बा शक्तिशाली म्हि गिक पुडसबा मुला।

७०-७१ व्हाडला शतरुगददेन व्हाडदा हेला लबागदग्याम

थार्बा पिन्ना भिबा ताम दडबारीन परमेश्वरसे हराडला

अगमवक्तागदग्याम सुडसी जिन्बा मुबा।

७२ ओच्छे परमेश्वरसे व्हाडला आसे म्हमेदेन छ्याम लबा हराडला कबुल ढन्सी

व्हाडदा दया लबा मुला।

७३ थ कबुल परमेश्वरसे व्हाडला म्हमे अबराहामदेन छ्याम लबा मुबा।

७४-७५ थतबासलमा शतरुगदग्याम थार्बा याडबाला लागिरी आलोडना

व्हाड सातेधोना परमेश्वरला डाच्छापट्टि ज्यबा म्हि दोसी व्हाडसे ज्यबा गे लसी परमेश्वरदा तेन्त्याडगै।

७६ डाला झा,

दाहेन्से एदा जम्मासेन जम्मान भन्दा घरेन परमेश्वरला अगमवक्ता भिसी भिला।

तिगदा भिसम ए परभुला डाच्छा डाच्छा निसी थला ग्याम व्हाला।

७७ ओच्छे पापला दोष मटब तमाहेन्से थार्बा याडला भिसी एस परमेश्वरला म्हिगददा लोपला। ७८ तिगदा भिसम व्हाडला

परमेश्वर दया लबा परमेश्वर हिन्ना।

थतबासलमा परमेश्वरसे व्हाड मुबा ग्तारी स्वर्गग्याम व्हाल पुडसला।

७९ परमेश्वरसे धोपधोपरी भरबादेन सिला भिसी लोडबा म्हिगददा व्हाल पिन्ना।

ओच्छे थनोन व्हालसे व्हाडदा शान्तिला ग्यामरी भरपुडला।” १

८० यूहन्ना परमेश्वरला आत्माग्याम ज्ञान बुद्धि याडबान घरेन तबान निजी। ओच्छे इसराएलीगदला गुडरी परमेश्वरला व्हुल्साला समाचार थःना लबा धुड आततेधोना यूहन्ना तोडतोडबा ग्तारी चिजी।

येशू न्हावा

मती १:१८-२५

१ थ धुडरी रोमी ग्याल्बो कैसर अगस्टसे २ जम्मान व्हुल्साला म्हि झ्याबाला लागिरी जम्मालान मिन भिरड भिसी कुल्जी। २ सिरिया भिबा ग्ताला हाकिम कुरनियस मुबा धुडरी चुहरड लसी म्हिगद झ्याबा डाच्छा रम तबा मुबा। ३ जमाहेन्से जम्मान म्हिगद मिन भिरबारी हराड हराडला आसे म्हमेला नाम्सारी निजी।

४ थ धुडरी योसेफ गालील अञ्चलला नासरत भिबा ग्तारी चिबा मुबा। थेनोन हराडला मिन भिरबारी यहूदिया अञ्चलला बेथलेहेम भिबा दाऊदला शहरी निजी। तिगदा भिसम थ दाऊद गलेला वंशला मुबा। ५ ओच्छे योसेफसे हराडसे ब्याह लबारी छ्याडबा मरियमदाएनोन छ्यामनोन भासी बेथलेहेमरी मिन भिरबारी निजी। थ धुडरी मरियम न्हसेला मुबा। ६ थनीगदे बेथलेहेमरी मुमान मरियमसे कोला न्हावा धुड तजी। ७ जमाहेन्से मरियमसे बेथलेहेमरीन हराडला थेबा झा न्हजी। थ झादा त्हेथानरी रिल लसी म्ह मुडदा खाले पिन्बा डूडरी नाडजी।

तिग्दा भिसम थनीगदेसे सजिबै दिमरी चिबा ग्ला आयाङ्गीनी।

गोठालोगदेसे लैनु येशूदा स्याप्वा

८थे ग्लाला डामला पाङ्ग्यालरी गोठालोगदे म्हुनङ्ग ग्युगदे खरुङ्गी चिबा मुबा। १थेनोन धुडरी थनीगदेसे स्वर्गदूत गिक म्राङ्गीनी। ओच्छे थनीगदेला क्युनांन परमेश्वरला स्हेरसे य्हाल य्हाल तजी। चुहरङ्ग तबा म्राङ्गी थनीगदे लोङ्गी। १०तर स्वर्गदूतसे थनीगदेदा “थालोङ्गी! तिग्दा भिसम डाइ एनीगदेला लागिरी थार्बा पिन्बा समाचार भसी खबा मुला। चु समाचार जम्मान म्हिगदेला लागिरी हिन्ना। ११तिनी दाऊदला शहररी एनीगदेदा पापग्याम थार्बा पिन्बा म्हि गिक न्हेबा मुला। थेनोन थार्बा पिन्बा खरीष्ट परमु हिन्ना। १२ओच्छे एनीगदेला लागिरी चिनु चा चु तला, एनीगदेसे कोला गिकदा ल्हेथानसे रिल लसी म्हे मुइदा खोल पिन्बा डूडरी नाइसी थान्बा स्याप्ता।”

१३थेनोन धुडरी स्थान्दो स्वर्गदूतला हुल म्राङ्गीनी। ओच्छे थे स्वर्गदूतगदेसे परमेश्वरदा धन्यवादला व्हाइ गोबारी ल्हायाङ्गीनी, १४ “स्वर्गरी धन्छयाबा परमेश्वरला जयजयकार, जम्बुलिङ्गी जुन म्हिदा परमेश्वरसे धम्बा मुला थनीगदेदा शान्ति तगे!”

१५स्वर्गदूतगदे स्वर्गरी निमाहेन्से गोठालोगदेसे हराङ्ग हराङ्ग न्हेङ्गी “तु, भरउ, य्हाङ्गदा परमेश्वरसे सुङ्गा चु ल्हेङ्गमा च्याबारी बेथलेहमरी निङ्ग” भिसी भिजी।

१६जमाहेन्से थनीगदे योना योना लसी बेथलेहमरी निजी। थरी थनीगदेसे मरियमदेन योसेफ ओच्छे लैनु कोलादा चा म्हे मुइदा खोल पिन्बा डूडरी नाइसी थान्बा म्राङ्गीनी। १७जमाहेन्से थे कोलाला बाररी थनीगदेदा स्वर्गदूतसे पाङ्गा ताम थनीगदेसे जम्मान म्हिगदेदा थेना लजी। १८ओच्छे गोठालोगदेसे पाङ्गा ताम थेबा म्हिगदे जम्मान उदेक तजी। १९तर मरियमसे चा चु जम्मान ताम म्हुन्सी समरीन थान्जी। २०ओच्छे स्वर्गदूतसे भिबा हरङ्गनोन म्राङ्गासे लमा गोठालोगदेसे परमेश्वरदा घरेन मानदेन जयजयकार लसी धन्यवादला व्हाइ गोबान निजी।

येशूदा परमेश्वरला मन्दिररी भोर्सी अर्पण लबा

२१थे कोला न्हेसी भरेरे तमा खतना लबा धुडरी थला मिन येशू थान्जी। थला लिन आमाला फोरी खबा भन्दा डाच्छान स्वर्गदूतसे पाङ्गा मुबा। २२ओच्छे मोशादा ठिम अन्छार थनीगदे चोर्याव लबा धुइ तमाहेन्से येशूदा थला आबादेन आमासे परमपरमुला डाच्छा अर्पण लबाला लागिरी यरुशलेमरी परमेश्वरला मन्दिररी भजी। २३परमपरमुसे मोशादा पिन्बा ठिमरी भिखा अन्छार जम्मान भन्दा डाच्छा न्हेबा डा परमपरमुला लागिरी फसी थान्तो:बा मुबा। २४ओच्छे परमेश्वरसे मोशादा पिन्बा ठिमरी मुबा अन्छार जोर गिक दुकुर तसे जोर गिक परवा तसे परमपरमुदा फुल्लो:बासे लमा थनीगदे बलि फुल्लारी सजी।

२५थे धुडरी यरुशलेमरी शिमियोन भिबा म्हि गिक मुबा। थे परमेश्वरसे म्हुन्बा अन्छार भरबादेन परमेश्वरदा तेन्बा म्हि मुबा। थेदा परमेश्वरसे इसराएलीगदेदा थार्बा पिन्बा म्हि पुइखला भिसी सुङ्गा ताम पूरा लला भिसी भरान्सी चिबा मुबा। २६ओच्छे “थार्बा पिन्बा खरीष्टदा आमराङ्गतेधोना ए आसि” भिसी परमेश्वरला आत्मासे डाच्छान थेदा पाङ्गा मुबा। २७परमेश्वरला आत्मासे कुल्बा हरङ्ग शिमियोन परमेश्वरला मन्दिररी निजी। थे धुडरी येशूला आबादेन आमासे परमेश्वरसे मोशादा पिन्बा ठिम अन्छार तिग लतो:बा मुबा, थे लबारी येशूदा परमेश्वरला मन्दिररी भसी सजी। २८जमाहेन्से शिमियोनसे लैनु येशूदा कुरी किन्सी परमेश्वरदा धन्यवाद पिन्सी चुहरङ्ग भिजी,

२९ “परमपरमु हराङ्गसे सुङ्गा ताम पूरा तबा मुला। दाहेन्से हराङ्गदा तेन्बा म्हि डा सिसै दुक्क मुला।

३०तिग्दा भिसम हराङ्गसे कबुल लबा हरङ्गनोन थार्बा पिन्बा खरीष्टदा डाइ म्राङ्गी जिन्बा मुला।

३१चु कोलादा हराङ्गसे जम्मान म्हिगदेला लागिरी पुइखला हिन्ना।

३२अगु य्हुलला म्हिगदेदा खरीष्टसेन हराङ्गला ग्याम उन्ना,

ओच्छे चुसे लमा इसराएलीगदसे मान याडला।”

k

३३ ओच्छे शिमियानसे लैनु येशूला बाररी पाडबा ताम थे:सी येशूला आबादेन आमा उदेक तजी। ३४ जमाहेन्से शिमियानसे मरियमदा मोलम पिन्बान भिजी, “च्यागो, चु लैनु इसराएलीगदेदा थार्वी पिन्बादेन नाश लबात्ता लागिरी परमेश्वरसे पिन्बा चिनु हिन्ना। थंदा ल्हानान म्हिगदसे बिरोध लला। ३५ थंतबासेलमा ल्हानान म्हिंला समरी म्हन्बा तामगद परमेश्वरसे उन्ना। ओच्छे एला समरी ल्हानान दुख तला।”

३६-३७ थरी आशेर वंशला फनुएलला ज्ञामे हन्ना भिबा बोगल ब्रितसे ब्रित दिड तबा मिरडम्हेमे गिक मुबा। थे अगमवक्तास्या मुबा, ब्याह तसी निस दिड तमा थंला हरेम्बो सिजी। ओच्छे थे फोडथान चिसी धिन म्हूननोन परमेश्वरला मन्दररी परार्थना लबान परमेश्वरदा तेन्मुबा। ३८ थनोन धुडरी हन्ना खसी परमेश्वरदा धन्यवाद पिन्जी। ओच्छे थेसे परमेश्वरसे यरूशलेमदा पापग्याम फेबा धुडदा भरान्सी चिबा म्हिगदेदा थे कोलाला बाररी पाडसी पिन्जी। ३९ जमाहेन्से थनीगदसे परमेश्वरसे मोशादा पिन्बा ठिम अन्धार लतो:बा जम्मान गे जिन्ना लसी गालील अञ्चलला हराडलान नासरत शहररी निजी। ४० लैनु येशू घरेन घरेन तबान खमाहेन्से थंला बुदधिणोन खजी। तिगदा भिसम परमेश्वरला मोलम थंदेन छयाम मुबा।

येशूसे यहूदी धर्मगुरुगदेदेन छयाम ताम लबा

४१-४२ मिशर म्हुल्साग्याम फेसी खबा धिनदा दन्सी धडबा चाडरी चाडला ठिम अन्धार येशूला आबा आमा दिडएदडसे यरूशलेमरी निबा लमुबा। थंतबासेलमा येशू च्युक न्ही दिड तमाएनोन येशूला आबादेन आमासे येशूदा छयामनोन भोसी यरूशलेमरी निजी। ४३ चाड धडसी जिन्नाहेन्से थनीगदे दिमरी निजी। तर येशू चा यरूशलेमरीन धन्छयाजी। चु ताम थंला आबादेन आमासे था आयाडनी। ४४ येशूला आबादेन आमासे येशू म्हिंला हुलरी मुला तला भिसी म्हन्सी तिरला ग्याम भरसी निजी। ओच्छे थनीगदसे येशूदा हराडला म्हिंदेन

डोसेबा म्हिगदे मुबा ग्लारी निसी म्हाडजी, ४५ तर आस्यान्बासे लमा थनीगदे थंदा म्हाडबान यरूशलेमरी दो:सी खजी। ४६ थनीगदसे सोमररी येशूदा परमेश्वरला मन्दररी स्यान्जी। थरी थं यहूदी धर्मगुरुगदेदेन छयाम धन्छयासी थनीगदसे पाडबा ताम ड्यान्सी, ड्याडबा छाव्वा लसी धन्छयाबा मुबा। ४७ थरी येशूला ताम ड्यान्सी चिबागद येशूसे ताम घोसी जोहाब पिन्बा मराडसी उदेक तबा मुबा। ४८ येशूला आबादेन आमासे थंदा मराडसी उदेक म्हन्सी थंला आमासे “च्यागो झा, एला आबादेन डा एदा म्हाडमा म्हाडमा हैरान तजी, एसे चुहरड तिग लबा?” भिमा, ४९ येशूसे थनीगदेदा “हराडनीसे डादा तिगदा म्हाडबा? डा डाला आबाला दिमरी चितो:बा भिसी हराडनीदा था ओर?” भिसी सुडजी। ५० तर थंला आबादेन आमासे चु ताम आघोनी।

५१ जमाहेन्से येशू हराडला आबा आमादेन छयामनोन नासरतरी फन्जी। ओच्छे हराडला आबा आमासे पाडबा ताम ड्यान्सी धन्छयाजी। तर थंला आमासे चु जम्मान ताम हराडला समरीन थान्जी। ५२ ओच्छे येशू परमेश्वरदेन म्हिगदेला दयामायारी घरेन घरेन तमाहेन्से बुदधिणोन बढब तबान निजी। ॥

बन्तिस्मा पिन्बा यूहन्ना

मत्ती ३ :१-१२; मर्कूस १ :१-८; यूहन्ना १ :१९-२८

३ १ रोमी ग्याल्बा कैसर तिबरियाससे शासन लबा च्युक डा दिड तमा पन्तियस पिलातस भिबा म्हिं यहूदिया अञ्चलला हाकिम मुबा। जमा धुडरी हरोद गालील अञ्चलला ग्ले मुबा, ओच्छे थंला आले फिलिप इतुरियादेन तरासोनितिस भिबा ग्लाला ग्ले मुबा, थंहरड लसीन लुसानियास अबिलेन अञ्चलला ग्ले मुबा। २ ओच्छे हन्नासदेन कैयाफा परमेश्वरला मन्दररी पूजा लबा मुल म्हिं मुबा। थनोन धुडरी परमेश्वरसे जकरियाला झा तोडतोडबा ग्लारी चिबा यूहन्ना मुबा ग्लारी हराडला बचन पुडखजी। ३ यूहन्नासे म्हिगदेदा हराड हराडला पाप ख्लासी परमेश्वरपटटि दो:गो, ओच्छे बन्तिस्मा किन्गो। जमाहेन्से परमेश्वरसे एनीगदेला पापला दोष मेटब लला भिबान थार्वी पिन्बा समाचार थे:ना लबान यदेन स्योडला

४२ :३२ यशै ४२ :६; ४९ :६; ५२ :१० ॥२ :३९ मत्ती २ :२३

॥२ :४१-४२ पूरस्था १२ :१-२७; व्यव १६ :१-८ ॥२ :५२ १ शमू २ :२६; हितो ३ :४

क्यारमारला जिल्लारीक्यार खजी। ४ चु ताम यशैया भिबा अगमवक्तास चुहरङ लसी भिरबा मुबा,

“तोडतोडबा ग्लारीक्यार म्हि गिक किरडबान चुहरङ भिसी भरला,

“परमपरमुला ग्याम तयार लउ,

ओच्छे परमपरमु भरबाला लागिरी थला ग्याम सोजो स्होउ,

५ मुबा जे गडदन होपगदे सम्म स्होला,

ओच्छे काडलाड कुडलीडबा ग्यामगदे सोजो तला

ओच्छे पगल पोगल मुबा ग्लाएनोन सम्म तला।

६ जमाहेन्से जम्मान म्हिगदेसे परमेश्वरसे पिन्बा थारबा मराडला।” ०

७ थतबासलमा यूहन्नासे बप्तिस्मा किन्बारी खबा म्हिगदेदा चुहरङ भिसी पाङ्जी, “पुखरीला कोलागदे, एनीगदेदा परमेश्वरला बोमोग्याम स्योरम्याडला भिसी खाल्से भिजी? १८ चुदे एनीगदे हराड हराडला पाप ख्लासी परमेश्वरपटटि दोःबान हिन्सम परमेश्वरदा सेम निबा गे लउ, ओच्छे एनीगदे हराड हराड न्हडरी डनी अबराहामला कोलागदे भिसी पाङ्बारी थाम्हाडगो। तिगदा भिसम परमेश्वरसे अबराहामला लागिरी चु युडबागदेग्यामसेनोन कोलागदे स्होबारी खम्ला। १ च्यागो, दोड थाबारी तरी थीसी जिन्बा मुला। थतबासलमा ज्यबा रो आरोबा जम्मान दोड टाहेन्सेन थारी मेरी फर्ला।” १

१० जमाहेन्से म्हिगदेसे यूहन्नादा “थहरङ भिसम दोहेन्से डन्से तिग लउ?” भिसी ड्योडमा, ११ यूहन्नासे थनीगदेदा “जुन म्हिदन छयाम स्हुदम न्ही मुला थसे आरबा म्हिदा पिन्वै, ओच्छे जुन म्हिदेन छयाम चबा स्हे मुला थसे आरबागदेदा भो लसी पिन्वै” भिसी जोहाब पिन्जी।

१२ ओच्छे तिरो दुडबा म्हिगदेएनोन यूहन्ना मुबा ग्लारी बप्तिस्मा किन्बारी खसी, “गुरु, डन्से चा तिग लउ?” भिसी ड्योडजी। १

१३ यूहन्नासे थनीगदेदा “एनीगदेसे तिरो दुडमा सरकारसे तोगब लबा भन्दा ल्हाना थाकिन्गो” भिसी भिजी।

१४ ओच्छे सिपाहीगदेएनोन खसी, “डन्से चा तिग लउ?” भिसी ड्योडजी। यूहन्नासे थनीगदेदा “खालेदा अत्याचार लसी आहिन्बा तामदा हिन्ना भिसी टाडगा थाकिन्गो, हराडला खतोःबा जे टाडगा किन्सी सन्ताक लसी चिउ” भिसी भिजी।

१५ जमा धुइरी म्हिगदेसे थारबा पिन्बा खरीष्ट फखला भिसी आश लसी चिबा मुबा। थतबासलमा थनीगदेसे यूहन्नादा मराडसी चुनोन खरीष्ट हिन्ना वा भिसी सेमरी म्हन्सी चिबा मुबा। १६ तर यूहन्नासे थनीगदेदा “डाइ एनीगदेदा क्युडसे बप्तिस्मा पिन्ना। तर डा भन्दा शक्तिशाली फखबान मुला डा थला लखमला तुना बतबाधोनाला आरे। थसे एनीगदेदा परमेश्वरला आत्मादेन मेसे बप्तिस्मा पिन्ना। १७ गवा य्हाप्या नाख्ते थलान छयारी मुला। थसे खलारी गवा ज्यना लसी य्हाप्सी गवा जति भकारीरी युला। ओच्छे पोलोवा जति खाडमे आसिबा मेरी खराडला” भिसी भिजी। १८ चुहरङ लसी यूहन्नासे अर्गु ल्हानान अर्ती पिन्सी, लोप्सी म्हिगदेदा परमेश्वरला य्हुल्साला समाचार थःना लजी। १९ तर हरोद ग्लेसे हराडला आले चाड हरोदियास भिबादा थान्बासे लमा थला जम्मान पाप गे मराडसी यूहन्नासे थदा बडबा मुबा। २० थतबासलमा थसे यूहन्नादा ड्याल्खनारी झाडसी पापथारी झन पाप गे लजी। ४

येशूसे बप्तिस्मा किन्बा

मर्ती ३:१३-१७; मर्कुस

१:१-११; यूहन्ना १:३२-३४

२१ म्हिगदेसे बप्तिस्मा किन्बान लबा धुइरी येशूसेनोन बप्तिस्मा किन्जी। थसे परार्थना लबान लबा धुइरी स्वर्ग टोडबा मराडजी। २२ ओच्छे परमेश्वरला आत्मा थथारी दुकुर हरङ लसी फाखजी। ओच्छे स्वर्गग्याम “ए डाइ सेमहेन्से माया लबा डाला झा हिन्ना, ए मराडसी डा ल्हानान ताड्वा मुला” भिबा काइ खजी। ५

येशूला आस्रे म्हमे

मत्ती १:१-१७

२३ येशूसे हराडला गे लबारी छ्याइबा धुडरी
येशू बोगल गिकस च्युइ दिङ्क तबा मुबा ।

जम्मान म्हिगदस येशू यासफलान झा भिसी
म्हन्बा मुबा ।

योसेफ एलीला झा मुबा ।

२४ एली मत्तातला झा,

मत्तात लेवीला झा,

लेवी मल्कीला झा,

मल्की यान्नाला झा,

यान्ना योसेफला झा,

२५ योसेफ मत्ताथियासला झा,

मत्ताथियस आमोसला झा,

आमोस नहूमला झा,

नहूम इसलीला झा,

इसली नग्वेला झा,

२६ नग्वे माथला झा,

माथ मत्ताथियासला झा,

मत्ताथियस समैनला झा,

समैन योसेखला झा,

योसेख योदाला झा,

२७ योदा योआननला झा,

योआनन रसाला झा,

रसा यरुबाबलला झा,

यरुबाबल शालतिएलला झा,

शालतिएल नेरीला झा,

२८ नेरी मल्कीला झा,

मल्की अद्दीला झा,

अद्दी कोसामला झा,

कोसाम एलमादमला झा,

एलमादम एरला झा,

२९ एर यहोशूला झा,

यहोशू एलीएजरला झा,

एलीएजर योरोमला झा,

योरोम मत्तातला झा,

मत्तात लेवीला झा,

३० लेवी शिमियोनला झा,

शिमियोन यहूदाला झा,

यहूदा योसेफला झा,

योसेफ योनानला झा,

योनान एल्याकीमला झा,

३१ एल्याकीम मलेआला झा,

मलेआ मिन्नाला झा,

मिन्ना मत्ताथाला झा,

मत्ताथा नातानला झा,
नातान दाऊद ग्लेला सन्तान,

३२ दाऊद यिशैला झा,

यिशै ओबदला झा,

ओबद बोअजला झा,

बोअज सल्मानला झा,

सल्मान नहशोनला झा,

३३ नहशोन अम्मीनादाबला झा,

अम्मीनादाब आरामला झा,

आराम हेसरोनला झा,

हेसरोन फारसला झा,

फारस यहूदाला झा,

३४ यहूदा याकूबला झा,

याकूब इसहाकला झा,

इसहाक अब्राहामला झा,

अब्राहाम तेरहला झा,

तेरह नाहोरला झा,

३५ नाहोर सरुगला झा,

सरुग रऊला झा,

रऊ पलेगला झा,

पलेग एबरला झा,

एबर शलहला झा,

३६ शलह केनानला झा,

केनान अर्पक्षदला झा,

अर्पक्षद शमला झा,

शम नोआला झा,

नोआ लेमखला झा,

३७ लेमख मतूशलहला झा,

मतूशलह हनोकला झा,

हनोक यरदला झा,

यरद महलाललला झा,

महलालल केनानला झा,

३८ केनान एनोशला झा,

एनोश शतला झा,

शत आदमला झा,

आदम परमेश्वरला झा मुबा ।

शैतानसे येशूदा सेम फसब लबारी म्हाइबा

मत्ती ४:१-११; मर्कूस १:१२-१३

४ परमेश्वरला आत्मा येशूथोरी
फस्वमाहेन्से येशू यर्दन स्योङ्गयाम
दोःजी। ओच्छे परमेश्वरला आत्मासे थदा
तोडतोडबा ग्लारी भोजी। २थरी शैतानसे
येशूदा बोगल न्ही धिनधोना फसब लबारी
म्हाइजी। ओच्छे बोगल न्ही धिनधोना येशूसे
तिगे आसोल्नी। थतबासलमा येशूदा ल्हानान

फोखेरन्जी। ३थेनोन धुइरी शैतानस येशूदा “हराड परमेश्वरला झा हिन्बान हिन्सम चु युडबादा गेड स्हाउ” भिसी भिजी। ४ओच्छे येशूस शैतानदा “गेडसे जे म्हे आसो भिसी बचनरी भिरबा मुला” भिसी सुडजी। ॥

५-६जमाहेन्से शैतानस येशूदा नोबा गडरी भोर्सी जम्बुलिङला जम्मान यहुत्सागद उबान, “डाइ हराडदा चु जम्मान यहुत्साला ग्लेदन चु जम्मान धन सम्पत्तिला मालिक स्हाला, तिग्दा भिसम चु जम्मान डादा पिन्बा मुला। ओच्छे डाला सेमसे म्हेन्बादा डाइ पिन्ना। ७थेतबासलमा हराडसे डादा फ्या लजी भिसम चु जम्मान हराडला तला” भिसी भिसा, ८येशूस थेदा “बचनरी चुहरड भिसी भिरबा मुला, ‘एसे हराडला परमपरभु परमेश्वरदा फ्या लउ, ओच्छे थेदा जे तेन्ना’” भिसी सुडजी। १

९दोःसी शैतानस येशूदा यरुशलेमरी भोर्सी परमेश्वरला मन्दिरला थोबोरी राप्पुडजी। ओच्छे थेसे येशूदा चुहरड भिसी भिजी, “हराड पक्कान परमेश्वरला झा हिन्सम चु ग्याम मार छुयोडगो, १०तिग्दा भिसम बचनरी चुहरड भिसी भिरबा मुला,

‘परमेश्वरसे हराडदा जोगब लबाला लागिरी हराडला स्वर्गदूतगदेदा कुल्ला। ११

ओच्छे एला काड युडबारी थाठोको भिसी थनीगदेसे एदा या यारीन ताला’ भिसी भिरबा मुला।” १२

१२तर येशूस थेदा “बचनरी चुहरडबाएनोन भिरबा मुला, ‘एसे हराडला परमपरभु परमेश्वरला सेम च्याबा गे तिगे थालउ’” भिसी सुडजी। १३जमाहेन्से शैतानस येशूदा तिगे लसी फसब लबारी आखम्बासे लमा दोःसी मौका आयाडतेधोना थेसे येशूदा ख्तासी निजी।

येशूस म्हेगदेदा लोप्वारी छुयाइबा

मत्ती ४ :१२-१७ ; मर्कूस १ :१४-१५

१४जमाहेन्से परमेश्वरला आत्माला शक्तिरी येशू गालील अञ्चलरी दोःसी फेखजी। ओच्छे थेला बाररी क्यारमारला जम्मान ग्लारी थेजी। १५येशू यहूदीगदे हरुप तबा दिम दिमरी फेसी म्हेगदेदा लोप्वारी छुयाइजी।

जमाहेन्से जम्मान म्हेगदेसे थेला जयजयकार लजी।

नासरतरी येशूला ताम पत्याब आतबा

मत्ती १३ :२३-२८ ; मर्कूस ६ :१-६

१६जमाहेन्से येशू हराड छुर्वा नासरत नाम्सारी फेखजी। ओच्छे थे सदन हरड लसी ब्रनप्रा न्हेबा धिनकुनु यहूदीगदे हरुप तबा दिमरी फेसी परमेश्वरला बचनग्याम पदब लबारी छुयाइजी। १७ओच्छे थेदा यशेया अगमवक्तासे भिरबा किताब पदब लबाला लागिरी पिन्जी। जमाहेन्से थे ठोडसी चुहरड भिसी भिरबा ग्ला तेःसी पदब लजी।

१८“परमपरभु परमेश्वरला आत्मा डादेन छुयाम मुला।

तिग्दा भिसम पराडबोगदेदा परमेश्वरला यहुत्साला समाचार थेःना लबारी

ओच्छे ज्यात्खानरी मुबागदेदा परमेश्वरला यहुत्साला समाचार थेःना लसी ज्यात्खानग्याम तेःबारी,

मी आमराडबागदेदा मी मराडना लबारी

ओच्छे दुसरी मुबागदेदा दुसग्याम फेबारी, २

१९थहरड लसीन हराडला म्हेगदेदा परमेश्वरसे थोर्वा पिन्बा धुइ खसी जिन्बा मुला भिसी थेःना लबारी परमेश्वरसे डादा धम्सी पुइखबा हिन्ना।”

२०जमाहेन्से येशूस किताब बन्द लसी थेरी मुबा म्हेदा पिन्सी धन्छुयाजी। यहूदीगदे हरुप तबा दिमरी मुबा जम्मान म्हेगदेसे येशूदा च्यासी चिबा मुबा। २१ओच्छे येशूस थनीगदेदा “परमेश्वरला बचनरी भिरबा चु ताम तिनी एनीगदेसे ड्यान्ना ड्यान्नान पूरा तबा मुला” भिसी सुडजी। २२येशूस सुडबा दयामायाला ताम थेःसी थनीगदे उदक म्हेन्सी जम्मासेन थेला तामदा ज्यबा भिजी। ओच्छे “चु योसेफला झा आहिन ?” भिसी थनीगदेसे भिजी।

२३येशूस थनीगदेदा “एनीगदेसे डादा पक्कान चु उखान भिला ‘डाक्टर, हराडसे हराडदान खम्ना लउ। एसे कफनेहुमरी उदकला गे लजी भिसी डन्से थेःमुबा थे गे एसे हराडला नाम्सारीनोन लउ’ भिसी पाडला” भिसी सुडजी। २४दोःसी येशूस थनीगदेदा चुहरड भिसी सुडजी, “च्यागो,

सजिवै अगमवक्तादा हराडलान नाम्सारी मान आल। २५ तर ड्यान्गो, चु सत्य हिन्ना। तिग्दा भिसम एलियाला धुइरी इसराएलरी हरम्बो सिबा मिरडम्हमगदे ल्हानान मुबा। थं धुइरी सोम दिडसं ला दुधाना नाम आसबासं लमा य्हत्सा नाडनोन अनिकाल तबा मुबा। २६ तर परमेश्वरसं एलियादा स्थान्दो खाले मुबा ग्लारी आपुइना सीदोनला सारपत भिबा नाम्सारी मुबा हरम्बो सिबा मिरडम्हम मुबा ग्लारी जे पुइजी। २७ थंहरड लसीन एलोशा अगमवक्ताला धुइरीएनोन इसराएलरी कोर खबा म्हिगदे ल्हानान मुबा। तर थनीगदे न्हडरी सिरिया य्हत्साला नामान भिबा कोरला जे कोर म्हाजी। तर स्थान्दो म्हिगदे खालेलान आम्हानी।^d

२८ चु ताम थःसी यहूदीगदे हरुप तबा दिमरी मुबा जम्मान म्हिगदेदा बोमो खजी। २९ जमाहेन्से थरी मुबा म्हिगदेसे येशूदा शहरग्याम मडग्यार तःजी। थं शहर गडरी मुबा, थतबासंलमा थनीगदेसे येशूदा गडला जारी भोर्सी हिरल्ला लबारी छ्याइजी। ३० तर येशू थं म्हिगदेला गुडग्याम थान्सी फप्जी।

येशूसं म्हड ताप्वा

मर्कूस १:२१-२८

३१ जमाहेन्से येशू गालीलला कफर्नहुम भिबा शहररी फप्जी। ओच्छे ब्रतप्वा न्हवा धिनकुनु म्हिगदेदा परमेश्वरला बचनग्याम लोप्बारी छ्याइजी। ३२ येशूसं लोप्वा मराडसी थनीगदे उदेक तजी। तिग्दा भिसम येशूसं अधिकार लसी म्हिगदेदा लोप्वा मुबा। ३३ यहूदीगदे हरुप तबा दिम न्हडरी म्हडसं स्याप्वा म्हि गिक मुबा। थं म्हडसे स्याप्वा म्हिसे किरडबान, ३४ “नासरतला येशू, हराडसं डन्दा तिग लबारी छ्याइबा? तिग हराड डन्दा साइबारी फेस्वबा हिन्ना? हराड परमेश्वरसे पुइखबा परमेश्वरला म्हि भिसी डादा था मुला” भिसी भिजी।

३५ चुहरड भिबा थःसी येशूसं थं म्हडदा बडबान, “कुटिसी चिउ! थं म्हिग्याम थान्सी निउ!” सुडमेछ्याम थं म्हिदा जम्मान म्हिला ओन्छाडरी लछार पछार लसी थान्सी निजी, तर थं म्हिदा तिगे आतनी। ३६ चु मराडसी जम्मान म्हिगदे उदेक म्हन्सी, “चु म्हिला बोली बचनरी

खाहरडबा अधिकार चीम, थला अधिकारदेन शक्तिसं कुल्लेछ्याम म्हडगदे थान्सी यार्बा चीम!” भिसी भिजी। ३७ ओच्छे येशूसं लबा गे कफर्नहुम शहरला क्यामारला जम्मान ग्लारी थःजी।

येशूसं ल्हानान म्हिगदेदा खम्ना लबा

मत्ती ८:१४-१७; मर्कूस १:२९-३४

३८ येशू यहूदीगदे हरुप तबा दिमग्याम थान्सी सिमोनना दिमरी फप्जी। थरी सिमोनना स्युमी छुवा ससी आसम्बा मुबा। ओच्छे दिमरी मुबागदेसं “थदा खम्ना लसी पिन्गो” भिसी बिन्ती लजी। ३९ जमाहेन्से येशू सिमोनना स्युमीला डामरी फप्सी छुवादा म्हासी निउ भिसी सुडमा थला छुवा म्हाजी। ओच्छे सिमोनना स्युमी तुरुन्तन रेःसी थनीगदेदा क्याडबारी छ्याइजी।

४० ओच्छे धिनी घल्माहेन्से म्हिगदेसे ल्हानान थरीला रोगसं स्याप्वा म्हिगदेदा येशू मुबा ग्लारी भजी। जमाहेन्से येशूसं थनीगदेथारी हराडला या थान्सी थनीगदे जम्मादान खम्ना लजी। ४१ जमाहेन्से ल्हानान म्हिगदेला ल्हुडग्याम म्हडगदे चुहरड भिबान किरडसी थान्जी, “हराड परमेश्वरला झा हिन्ना!” तर येशूसं थं म्हडगदेदा बडबान दोःसी तिगे ताम पाडआपुडनी। तिग्दा भिसम येशू थार्बा पिन्वा खरीष्ट हिन्ना भिसी थं म्हडगदेसं डांसबा मुबा।

येशूसं परमेश्वरला य्हत्साला समाचार थःना लबा

मर्कूस १:३५-३९

४२ स्थो तमाहेन्से येशू सुनसान ग्लारी फप्जी। जमाहेन्से म्हिला हुलसे म्हाइबान येशू मुबा ग्लारी धोखजी। ओच्छे थनीगदेसे येशूदा “डन्दा खतासी थाफेपो” भिसी रोकब लबारी म्हाइजी। ४३ तर येशूसं थनीगदेदा “डाइ अर्गु ग्लागदेरीएनोन परमेश्वरला य्हत्साला समाचार थःना लतोःबा मुला। तिग्दा भिसम परमेश्वरसे डादा चुलान लागिरी पुइखबा हिन्ना” भिसी सुडजी। ४४ जमाहेन्से येशू यहूदियाला यहूदीगदे हरुप तबा दिमगदेरी फप्सी थार्बा पिन्वा समाचार थःना लजी।

४४ :२४ यूह ४:४४

४४ :२५ १ राजा १७:१

४४ :२६ १ राजा १७:८-१६

४४ :२७ २ राजा ५:१-१४

४४ :३२ मत्ती ७:२८-२९

येशूस डाच्छा धम्बा चेलागंदे

मत्ती ४:१८-२२; मर्कूस

१:१६-२०; यूहन्ना १:४०-४२

५ परमेश्वरला बचन ड्यान्बाला लागिरी
 ल्हानान म्हिगंदे येशूला क्युर्सनि तोर हुइ
 मार हुइ लबान मुबा। थेतबासलमा येशू गनसरत
 भिबा घ्योइला कुनीरी राप्सी धन्छ्याबा मुबा।
 २ओच्छे येशूस घ्योइला कुनीरी दोंगा न्ही
 मराड्जी। थं धुइरी माझीगंदे दोंगा ख्लासी
 हराड हराडला घ्याड खरुबान मुबा। ३थेरी मुबा
 दोंगा गिक चा सिमानना मुबा। येशू सिमानना
 दोंगारी कर:सी, “दोंगा जजाकी क्याथाड भोगां”
 भिसी सिमानदा सुड्जी। थं दोंगारी धन्छ्यासी
 म्हिगंदेदा लोप्वारी छ्याइजी। ४

५लोप्सी जिन्माहन्से येशूस सिमानदा
 “दोंगा नुप्रा ग्लारीक्यार भोगां, ओच्छे तार्डा
 चुडबारी घ्याड रोप्पो” भिसी सुड्जी। ५चु
 थे:सी सिमानसे येशूदा “गुरु, डन्से म्हुन
 गिक घ्याड क्ताडसेनोन तार्डा गिकनोन
 आस्याप्नी। तर हराडसे कुल्बासे लमा डाइ
 घ्याड रोप्ला” भिसी भिजी। ६ओच्छे
 थेनीगंदेसे घ्याड रोप्माहन्से तार्डा ल्हानान
 स्याप्वसे लमा घ्याडनोन देवारी छ्याइजी।
 ७थेतबासलमा थेनीगंदेसे अर्गु दोंगारी मुबा
 हराडला हरागंदेदा गुहार हरीजी। जमाहन्से
 थेनीगंदे खसी तार्डा ते:वारी छ्याइजी। तार्डा
 ते:मा ते:मा दोंगा न्हीरीन तार्डा ल्हानान तबासं
 लमा दोंगा न्हीनोन डुबब तवारी छ्याइजी।

८चु मराड्सी सिमान पतरुससे येशूला
 स्थापरी फ्या लसी, “परभु, डा पापी म्हि
 हिन्ना। थेतबासलमा हराड डा मुबाग्याम
 फपपो” भिसी भिजी। ९तिगदा भिसम ल्हानान
 तार्डा स्याप्वसे लमा सिमानदेन थला हरागंदे
 उदक तजी। १०ओच्छे सिमानदेन छ्याम
 दिक्सी गे लबा जब्दियाला झागंदे याकूबदेन
 यूहन्नादाएनोन ल्हानान उदक तजी। जमाहन्से
 येशूस सिमानदा “थालोडगो, दाहन्से ए
 तार्डा चुडबा म्हि आहिन, तर एस म्हिगंदेदा
 परमेश्वर मुबा ग्लारी भला” भिसी सुड्जी।
 ११जमाहन्से थेनीगंदेसे दोंगा घ्योइला कुनीरी
 भसी हराडदेन छ्याम मुबा जम्मान स्हगंदे
 ख्लासी येशूदेन छ्याम भरजी।

येशूस कोर खबा म्हिदा खम्ना लबा

मत्ती ८:१-४; मर्कूस १:४०-४५

१२तिरेकुनु येशू शहर गिकरी मुबा। ओच्छे
 थनोन शहररी मुबा कोर खबा म्हि गिकसे येशूदा
 मराड्जी। जमाहन्से थं येशूला डामरी खसी
 फ्या लबान, “परभु, हराडला सम मुसम हराडसे
 डादा खम्ना लखम्ला” भिसी भिमा, १३येशूस
 थेदा हराडला छ्यासे थुसी, “ए खम्पो भिबा
 डाला सम मुला, ए खम्पो” भिसी सुड्मेछ्याम
 थला कोर म्हाजी। १४जमाहन्से येशूस थेदा
 “च्यागो, एस चु ताम खालेदा थापाडगो! बरु ए
 निसी परमेश्वरला मन्दिररी पूजा लबा म्हिदा
 उन्नो। ओच्छे एला कोर म्हाजी भिसी म्हिगंदेसे
 था याडबाला लागिरी परमेश्वरसे माशादा
 पिन्बा ठिमसे कुल्बा अन्छार बलि फुल्पो”
 भिसी कुल्जी। १५

१५जमाकुनुहन्से झन जम्मान ग्लारी येशूस
 लबा गेला बाररी थे:जी। थेतबासलमा म्हिगंदे
 येशूला ताम ड्यान्बारीदेन हराडला रोग म्हागे
 भिसी येशू मुबा ग्लारी खजी। १६तर येशू चा
 सुनसान ग्लारी फप्सी परार्थना लबा मुबा।

येशूस कुज्या म्हिदा खम्ना लबा

मत्ती ९:१-८; मर्कूस २:१-१२

१७तिरेकुनु येशूस म्हिगंदेदा लोप्वान लबा
 धुइरी गालील अञ्चलदेन यहूदिया अञ्चलला
 नाम्सा नाम्साग्यामसे ओच्छे यरुशलमग्याम
 खबा फरिसीगंदेदेन यहूदी धर्मगुरुगंदेनोन थरी
 मुबा। येशूदेन छ्याम आखम्बा म्हिगंदेदा
 खम्ना लबा परमपरमुला शक्ति मुबा। १८थेनोन
 धुइरी म्हिगंदेसे कुज्या म्हि गिकदा साटरीन
 पुइसी भजी। ओच्छे थेनीगंदेसे थं कुज्या म्हिदा
 दिम न्हडरी येशूला डाच्छापट्टि भोर्बारी
 म्हाइजी। १९तर म्हिदा हुलसे लमा थेनीगंदेसे
 थं कुज्या म्हिदा येशूला डाच्छापट्टि भोर्बाला
 लागिरी ग्याम आयाडनी। थेतबासलमा
 थेनीगंदेसे थं कुज्या म्हिदा मडग्यारग्यामसे
 छानारी भोजी। ओच्छे छाना होक्सी थेदा तीबा
 नान्बादेन छ्यामनोन येशूला डाच्छापट्टि
 धोना लजी। २०थं म्हिगंदेला विश्वास मराड्सी
 येशूस थं कुज्या म्हिदा “डाइ एला पापला
 दोष मेटब लबा मुला” भिसी सुड्जी। २१येशूस

५:३ मत्ती १३:१-२; मर्कूस २:१-१०; ४:१

५:५ यूह २१:३

५:६ यूह २१:६

५:१४ लेवी १४:१-२२

चुहरङ्ग सुड्बा मराङ्गी यहुदी धर्मगुरुगदेदेन फरिसीगदेस “हराङ्गस हराङ्गदान परमेश्वर स्हासी ताम लबा चु म्हि खाल हिन्ना? म्हिगदेला पापला दोष मी परमेश्वरस जे मटब लखम्मुला” भिसी हराङ्ग हराङ्ग न्हङ्गी पाङ्बारी छ्याइजी।

२२ येशूस थनीगदेला सेमला ताम था याङ्गी चुहरङ्ग भिसी सुङ्गी, “एनीगदेला सेमरी तिग्दा चुहरङ्गबा म्हन्बा? २३ चु कुज्या म्हिदा एला पाप माफ तबा मुला” भिबादेन ‘रे:सी भरउ’ भिबारी सजिबा चा सजिलो मुला? २४ तर ज्यागो, परमेश्वरस पुइसबा म्हिदा चु जम्बुलिङ्गी म्हिगदेला पापला दोष मटब लबा अधिकार मुला भिबा तामला प्रमाण डाइ एनीगदेदा उन्ना।” जमाहेन्स येशूस थ कुज्या म्हिदा “ए रे:गो, ओच्छे, एला तीबा नान्बा पुइसी दिमरी निउ।” २५ येशूस थहरङ्ग सुङ्गैछ्याम थ कुज्या म्हि डोङ रे:सी हराङ्गला तीबा नान्बा पुइसी परमेश्वरला जयजयकार लबान दिमरी निजी। २६ जमाहेन्स थरी मुबा जम्मान म्हिगदे लोङ्गी उदेक म्हन्जी। ओच्छे, परमेश्वरला जयजयकार लबान, “तिनी य्हाङ्गसे ल्हानान उदेकला गे मराङ्गी” भिसी भिजी।

येशूस लेवीदा इयोइबा

मती ९ :९-१३ ; मर्कुस २ :१३-१७

२७ थग्याम फखान लबा धुइरी येशूस लेवी भिबा तिरो दुइबा म्हिदा तिरो दुइबा ग्तारी चिबान लबा मराङ्गी। ओच्छे, येशूस थदा “डांदेन छ्याम भरउ” भिसी सुङ्गी। २८ जमाहेन्स लेवीस जम्मान स्हे ख्लासी रे:जी ओच्छे, येशूदेन छ्याम भरजी।

२९ ओच्छे, लेवीस येशूदा हराङ्गला दिमरी भोज सोल्बारी इयोइजी। थरी येशूदेन छ्याम भोज चबारी चिबा म्हिगदे न्हङ्गी तिरो दुइबा म्हिगदेदेन ल्हानान स्थान्दो म्हिगदेएनोन मुबा। ३० जमाहेन्स फरिसीगदेदेन थनीगदेला धर्मगुरुगदेस येशूला चेलागदेदा बिरोध लबान, “तिग्दा एनीगदे तिरो दुइबा म्हिगदे ओच्छे, स्थान्दो पापीगदेदेन छ्याम चिसी चबा थुङ्बा लबा?” भिसी इयोइमा, ३१ येशूस थनीगदेदा “खम्बा म्हिदा डाक्टर आतो:, तर आसम्बा म्हिदा जे डाक्टर तो:ला! ३२ थतबासेलमा परमेश्वरला डाच्छा ज्यबा मुबा म्हिगदेदा

आहिन, तर डनी पापी हिन्ना भिसी भरबा म्हिगदेस हराङ्गला पाप ख्लासी परमेश्वरपट्टि दो:गै भिसी इयोइबारी डा खबा हिन्ना” भिसी सुङ्गी।

येशूस फोइथान चिसी

प्रार्थना लबाला लागिरी लोप्बा

मती ९ :१४-१७ ; मर्कुस २ :१८-२२

३३ जमाहेन्स थनीगदेस येशूदा “यहन्नाला चेलागदे सदन फोइथान चिसी प्रार्थना लमुला। ओच्छे, फरिसीगदेला चेलागदेसेनोन थहरङ्गनोन लमुला। तर हराङ्गला चेलागदेस चा तिग्दा फोइथान चिसी प्रार्थना आलबा?” भिसी इयोइमा, ३४ येशूस थनीगदेदा “म्हाछार जन्तीगदेदेन छ्याम मुतेधोना थनीगदेदा खाहरङ्ग लसी फोइथान चिउ भिसम्ला? ३५ तर म्हाछार थनीगदेग्याम फेसी भाबा धुइरी जे थनीगदे फोइथान चिला” भिसी सुङ्गी।

३६ ओच्छे, येशूस थनीगदेदा उखान गिकएनोन सुड्बान, “खाले म्हिसे बोक्टो क्वानरी छार क्वानगेन्स आख्या। थहरङ्ग लसी ख्याजी भिसम छार क्वानएनोन न्हाङ्गला ओच्छे, छार क्वानगेन बोक्टो क्वानदेन छ्याम दिकएनोन आदिक। ३७ ओच्छे, खाले म्हिसे दिला बोक्टो ताङ्गी अङ्गुरला कलिलो निङ्गु आयु, युजी भिसम कलिलो निङ्गुसे दिला बोक्टो ताङ्ग भासी देला। जमाहेन्स निङ्गु डंला ओच्छे, दिला ताङ्गएनोन गे आखेल्बा तला। ३८ थतबासेलमा कलिलो निङ्गु छार दिला ताङ्गी युसी थान्तो:बा मुला। ३९ खालेस चिप्बा निङ्गु थुङ्गी कलिलो निङ्गु थुङ्गबा सेम आत, तिग्दा भिसम थसे चिप्बा निङ्गुन ज्यबा भिला।”

येशू ब्रतप्बा न्हबा धिननाएनोन परमु हिन्ना

मती १२ :१-८ ; मर्कुस २ :२३-२८

६ १ ब्रतप्बा न्हबा धिनकुनु येशू बुग्याम फखान मुबा। थ धुइरी थेला चेलागदेसे ग्वाला नम थुसी यारी न्हइसी चबारी छ्याइजी। २ तर फरिसीगदे न्हङ्गी कोइ कोइसे “थनीगदेदा ब्रतप्बा न्हबा धिनकुनु लबारी आलबा गे एनीगदेसे तिग्दा लबा?” भिसी भिमा, ३ येशूस थनीगदेदा चुहरङ्ग भिसी सुङ्गी, “एनीगदेसे परमेश्वरला बचन पढब लबा आर? दाऊदसे थदेन छ्याम मुबागदे फोखेरन्बा

धुइरी थेसे तिग लजी? १४ थेसे परमेश्वरला मन्दिररी पूजा लबा म्हिगदे बाहेक स्थान्दोसे चबारी आतबा गेड परमेश्वरला दिमरी वाडसी तेःसी चजी। ओच्छे थेसे हराडदन छुयाम मुबागदेदाएनोन पिन्मा खालेसन तिगे भिजी?"
m

५ जमाहेन्से येशूसे थेनीगदेदा "परमेश्वरसे पुइखबा म्हि ब्रतप्या न्हवा धिनना परभु हिन्ना" भिसी सुइजी।

येशूसे या सर्वा म्हिला या खम्ना लबा

मती १२ :१-१४ ; मर्कुस ३ :३-६

६ ब्रतप्या न्हवा अर्गु धिनकुनु येशूसे यहूदोगदे हरुप तबा दिम न्हडरी परमेश्वरला यहुत्साला बाररी लोप्यारी छुयाइजी। थेरी दाहिने या सर्वा म्हि गिक मुबा। ७ ब्रतप्या न्हवा धिनकुनु येशूसे थे म्हिला सर्वा या खम्ना लला वा भिसी यहूदी धर्मगुरुगदेदेन फरिसीगदेसे दोष लबाला लागिरी चिवा लसी चिवा मुबा। ८ तर येशूसे थेनीगदेला समला ताम था याडसी थे या सर्वा मुबा म्हिदा "ए रेःसी चुरी राप्पो" भिसी सुइजी। ओच्छे थे म्हि राप्पी। ९ जमाहेन्से येशूसे थेनीगदेदा "थहरड भिसम चु तामला जोहाव पिन्गो, ब्रतप्या न्हवा धिनकुनु ज्यबा लबादेन नइबा लबा, अथवा म्हि सोना लबादेन सिना लबा खजिबा चा ज्यबा हिन्ना" भिसी सुइजी। १० ओच्छे येशूसे हराडला क्युर्सनि मुबा म्हिगदेदा स्हीसी थे या सर्वा मुबा म्हिदा "एला या तन्गब लउ!" भिसी सुइजी। ओच्छे थेसे या तन्गब लमेछुयाम थला या खम्नी। ११ चु मराडसी फरिसीगदेदा बोमो रेःसी दाहेन्से येशूदा तिग लबा भिसी हराड हराड न्हडरी सल्लाह लजी।

येशूसे च्युक न्ही चेलागदेदा धम्बा

मती १० :१-४ ; मर्कुस ३ :१३-१९

१२ तिरकुनु येशू गडरी फप्सी म्हुन गिकनोन परमेश्वरदेन छुयाम परार्थना लजी। १३ ओच्छे स्थो तमाहेन्से येशूसे हराडला चेलागदेदा इयाइसी थेनीगदे न्हडरी च्युक न्ही चेलादा धम्नी। ओच्छे थेनीगदेदा मुल चेला भिसी मिन थान्जी। १४ सिमोनदा येशूसे पतरुस भिसी सुइजी, थला आले अन्दिरयास ओच्छे याकूब,

यूहन्ना, फिलिप, बारथालोमाइ, १५ मती, थोमा, अल्फयसला झा याकूब ओच्छे सिमोन। चु सिमोनदा हराडला यहुत्साला माया लबा म्हि भिसी भिमुबा। १६ ओच्छे याकूबला झा यहूदा, ओच्छे यहूदा इस्करियात चुनोन यहूदा इस्करियातसे लिच्छे येशूदा चुइसी म्हिगदेला यारी जिम्मा पिन्जी।

येशूसे ल्हानान म्हिगदेदा खम्ना लबा

मती ४ :२३-२५ ; मर्कुस ३ :१७-१२

१७ येशू हराडसे धम्बा चेलागदेदेन छुयाम गडगयाम मार फाप्सी सम्म ग्लारी फास्वसी राप्सी धन्छुयाजी। जमाहेन्से येशूदेन छुयाम भरबा म्हिला हुल ओच्छे यहूदिया अञ्चलला जम्मान ग्लादेन यरुशलम, ओच्छे टुरोसदेन सीदोन भिवा गलागयाम म्हिला हुल १८ येशूसे लोप्या ताम इयान्बारी ओच्छे हराड हराडला रोगगदे म्हाना लबारी खजी। थेरी म्हडसे स्याप्सी आखम्बा म्हिगदेएनोन खम्नी। १९ थतबासेलमा जम्मान म्हिगदेसे येशूदा थुबारी म्हाइमुबा। तिगदा भिसम येशूदेन छुयाम म्हिगदेदा खम्ना लबा शक्ति मुबा। थे शक्तिगयाम रोगसे स्याप्या जम्मान म्हिगदे खम्नी।

दुखदेन सुख

मती ५ :१-१२

२० जमाहेन्से येशूसे हराडला चेलागदेदा स्हीबान चुहरड भिसी सुइजी, "दुख याडबा म्हिगदे **", एनीगदेसे परमेश्वरगयाम मोलम याडला। तिगदा भिसम परमेश्वरला यहुत्सा एनीगदेलान हिन्ना। २१ फोखरन्बा म्हिगदे, एनीगदेसे परमेश्वरगयाम मोलम याडला। तिगदा भिसम एनीगदेदा परमेश्वरसे मरेन्ना लला। ओच्छे कराबा म्हिगदे, एनीगदेसे परमेश्वरगयाम मोलम याडला। तिगदा भिसम परमेश्वरसे एनीगदे ताडसी डःम्याडला।

**६ :२० "दुख याडबा म्हिगदे" भिवा तामदा गरीक बाइबलरी प्राडबोगदे भिसी भिरबा मुला।

२२ “परमेश्वरसे पुइसबा म्हिदा विश्वास लबासे लमा म्हिगदसे एनीगदेदा हेला लसी नाम्साग्यामसे तःला ओच्छे जम्मासेन एनीगदेदा खिसी लमाएनोन एनीगदसे परमेश्वरग्याम मोलम याडला ।”

२३ “थ धुइरी एनीगदे फुरफुर ताडगो । तिग्दा भिसम स्वर्गरी एनीगदसे धरेन इनाम याडला । एनीगदेदा दुख पिन्बागदेला आखे म्हेमगदेसनोन अगमवक्तागदेदा चुहरडनोन लमुबा ।”

२४ फयुकपोगदे, एनीगदसे परमेश्वरग्याम सजाय याडला ।

तिग्दा भिसम एनीगदसे मोजमजा लसी जिन्बा मुला ।

२५ मरेन्बागदे, एनीगदे फोइथाननोन चितोःला । तिग्दा भिसम एनीगदसे परमेश्वरग्याम सजाय याडला ।

ओच्छे ताडबागदे दुख नासी करासी चितोःला । तिग्दा भिसम एनीगदसे परमेश्वरग्याम सजाय याडला ।

२६ म्हिगदेग्याम मान याडबागदे, एनीगदसे परमेश्वरग्याम सजाय याडला ।

तिग्दा भिसम एनीगदेला आखे म्हेमगदेसनोन फटटा अगमवक्तागदेदा चुहरडनोन लमुबा ।

येशूस शतरुदाएनोन माया लतोःला भिसी लोप्बा मत्ती ५ :३६-४६ ; ७ :१२

२७ “तर डाइ लोप्बा ताम ड्यान्बागदेदा डाइ भिला, एनीगदसे हराडला शतरुदेदा माया लउ, ओच्छे हराडदा हेला लबागदेदा ज्यबा व्यवहार लउ । २६ एनीगदेदा केःबागदेदा परमेश्वरसे मोलम पिन्ना भिसी परार्थना लउ । ओच्छे खालेसे एनीगदेदा आज्यबा लजी भिसम थेनीगदेदा ज्यबा तगै भिसी परमेश्वरदेन छयाम परार्थना लउ । २९ खालेसे एदा गरम्बा गिकरी तोजी भिसम अर्गुपट्टिला गरम्बाएनोन तासी पिन्ना । ओच्छे एला स्कॉट बोर्बारी छयाइबादा स्तुदमदाएनोन पिन्ना । ३० एदेन छयाम हरीबागदेदा पिन्ना, ओच्छे एसे थदेन छयाम दोःसी थाहरीगो । ३१ एनीगदेदा स्थान्दो म्हिगदसे जस्तो व्यवहार लगे भिसी म्हेन्बा

मुला, एनीगदेसनोन स्थान्दोगदेदा थेहरडनोन लउ ।”

३२ “चुदे एनीगदेदा माया लबादा जे एनीगदसे माया लजी भिसम एनीगदेदा तिग ज्यबा तला ? तिग्दा भिसम पापीगदेसनोन हराडदा माया लबागदेदा माया लमुला । ३३ ओच्छे एनीगदसे हराडदा ज्यबा लबादा जे ज्यबा लजी भिसम एनीगदेदा तिग ज्यबा तला ? तिग्दा भिसम पापीगदेसनोन थेहरडनोन लमुला । ३४ चुदे एनीगदसे दोःसी याडबा सेम लसी खालेदा छे पिन्जी भिसम एनीगदेदा तिग ज्यबा तला ? तिग्दा भिसम पापीगदसे जे जति छे पिन्बा मुला ओतेन किन्बा आश लसी पापीगदेदान छे पिन्बा मुला । ३५ तर हराडला शतरुदेदा माया लउ, जम्मादान ज्यबा लउ, दोःसी किन्बा सेम लसी छे थापिन्ना ओच्छे, एनीगदेला मान घरेन तला । एनीगदे स्वर्गरी धन्छेयाबा जम्मान भन्दा घरेन परमेश्वरला सन्तान तला । तिग्दा भिसम परमेश्वरसे बैगुनीदेन हराडला जे ग्याम च्याबा म्हिगदेदाएनोन दया लमुला । ३६ थेतबासेलमा एनीगदेला परमेश्वर आबासे दया लबा हरड एनीगदेसनोन दया लउ ।

स्थान्दोदा दोष थालउ

मत्ती ७ :१-५

३७ “स्थान्दोदा दोष लसी थाभरउ ओच्छे परमेश्वरसनोन एनीगदेदा दोष आल । म्हिगदेला निसाफ लसी थाभरउ ओच्छे परमेश्वरसनोन एनीगदेला निसाफ आल । म्हिगदेदा माफ पिन्ना ओच्छे, परमेश्वरसनोन एनीगदेदा माफ पिन्ना । ३८ म्हिगदेदा पिन्ना ओच्छे, परमेश्वरसनोन एनीगदेदा पिन्ना । परमेश्वरसे मी छुइसी छुइसी पिन्ना ओच्छे जुन दप्पा स्हेस एनीगदसे स्थान्दोगदेदा पिन्ना, थेनोन दप्पा स्हेस एनीगदसे याडला ।”

३९ येशूस थेनीगदेदा उखानग्याम चुहरड भिसी सुडजी, “तिग मी आमराडबा म्हेस मी आमराडबा म्हिदान डेयाब लखम्ला ? चुदे थेसे डेयाब लजी भिसम थे न्हीनोन व्हाडरी ताइला । १९० ओच्छे खजिबे चेला हराडला गुरु भन्दा घरेन आत, तर थेसे लोप्सी जिन्माहेन्से गुरुहरडबान तला ।”

४१ "स्थान्दोला गोरी सः भरबा मराडबासं हराडला गोरी मुइ भरबा तिग्दा आमराडबा? ४२ हराडला गोरी भरबा मुइ आमराडबासं साहरड लसी आलदा 'खाइ, एला गोला सः तःसी पिन्ना भिसी भिसम्ला।' †कण्टी, डाच्छा हराडला गोला मुइ तःगो, ओच्छे जे एस आलला गोरी भरबा सः तःबारी सम्ला।

ज्यबा दोडला रोदेन आज्यबा दोडला रो

मती ७ :१६-२० ; १२ :३३-३४

४३ "ज्यबा दोडरी आज्यबा रो आरो ओच्छे आज्यबा दोडरी ज्यबा रो आरो। ४४ जम्मान दोड थरी रोबा रो अन्धार डोसला। पुजुला दोडग्याम अज्जीर आथु ओच्छे पोलाडला दोडग्यामएनोन अडगुर आथु। ४५ तिग्दा भिसम ज्यबा सेम मुबा म्हिला सम न्हडग्याम ज्यवान ताम थोन्मुला ओच्छे नडबा सेम मुबा म्हिला सेम न्हडग्याम नडवान ताम थोन्मुला। थतबासेलमा म्हिला सेम न्हडरी जे मुला थनोन थला सुडग्याम पाडला।"

बुदधि मुबा म्हिदेन मुर्स म्हिसे स्होबा दिम

मती ७ :२४-२७

४६ "डाइ कुल्बा ताम आडयान्सम तिग्दा डादा 'परमु, परमु' जे भिबा? ४७ डा मुबा ग्लारी सबा म्हिसे डाइ पाडबा ताम डयान्ना ओच्छे डाइ कुल्बा अन्धार गे लला। थ साहरडबा म्हि हिन्ना भिबा ताम डाइ एनीगदेदा पाडला। थ म्हिसे ४८ हराडला दिम स्होबा धुइरी जग नुप्ना स्वसी स्होजी। ओच्छे नाम, माल समा थ दिमरी टजी। तसेनोन थ दिम आफुनी, तिग्दा भिसम थ दिमला जग नुप्ना स्वसी स्होबा मुबा। ४९ तर जुन म्हिसे डाइ पाडबा ताम थःसी थ अन्धार गे आल थ म्हि चा जग नुप्ना आख्यना दिम स्होबा म्हि हरडबा हिन्ना। थतबासेलमा नाम, माल बादी सबा धुइरी थ दिमरी टसी थ दिम फुप्सी ल्हानान नोक्सान तजी।"

येशूस कप्तानला नोकरदा सग्ना लबा

मती ८ :२-१३

१ चुहरड सुडसी जिन्माहेन्से येशू कफर्नहुम भिबा ग्लारी फप्जी। २ थरी रामी कप्तान गिकला नोकर आखग्ना सिबारीन छ्याइबा मुबा। थसे थ नोकरदा ल्हानान माया लमुबा। ३ थतबासेलमा थसे हराडला नोकरदा सग्ना लगे भिसी येशूदा फप्सउ भिसी डयाइबाला लागिरी यहूदी गन्बागदेदा पुइजी। तिग्दा भिसम थसे येशूला बाररी थःबा मुबा। ४ जमाहेन्से थनीगदे येशू मुबा ग्लारी स्वसी बिन्ती लबान, "थ हराडला दया याडतोःबा साल्ला म्हि हिन्ना। ५ तिग्दा भिसम थसे यहाड यहूदी य्हुलदा माया लमुला, ओच्छे थसेन यहूदीगदे हरुप तबा दिम स्हासी पिन्बा हिन्ना" भिसी भिजी।

६ जमाहेन्से येशू थनीगदेदेन छ्याम फप्जी। येशू कप्तानला दिम डामरी धोमा, कप्तानसे हराडला हरोगदेदा चुहरड भिउ भिसी येशू मुबा ग्लारी पुइजी, "परमु हराडसे दुख थालउ। तिग्दा भिसम हराड डाला दिमरी फप्सबाधोनाला डा आरो। ७ डाएनोन हराड मुबा ग्लारी सबाधोनाला आम्हन्नी। थतबासेलमा हराडसे डाला नोकर सग्ने भिसी सुड जे सुडसेनोन थ सग्ना। ८ तिग्दा भिसम डाएनोन डाला हाकिमला तहरी चिबा म्हि हिन्ना। डाला तहरीनोन सिपाहीगदे मुला। डाइ कोइदा निउ भिमा निमुला, कोइदा सउ भिमा समुला। ओच्छे डाला नोकरदा डाइ चुहरड लउ भिमा थसे थहरडनोन लमुला" भिसी भिजी।

९ थला चुहरडबा ताम थःसी येशू उदेक तजी, ओच्छे म्हिला हुलपट्टि दोःसी, "एनीगदेसे डाला ताम डयान्गो, इसराएल य्हुत्साला म्हिगदे न्हडरीनोन डाइ चुहरडबा घरेन विश्वास मुबा म्हि आस्यानी" भिसी सुडजी। १० जमाहेन्से कप्तानसे येशू मुबा ग्लारी पुइबा म्हिगदे दोःसी दिमरी निमा, थ नोकर सग्नी जिन्बा मराडजी।

††६ :४२ "हराडला गोरी मुइ भरबा भिबादेन आलला गोरी मुबा सः" भिबा तामदा गरीक बाइबलरी "हराडला मीरी मुबा मूदादा वास्ता आलना हराडला आलला मीरी मुबा धुतु तःसी पिन्ना" भिसी भिर्बा मुला।

येशूस हरम्बो सिबा मिरडम्हेमला
झादा सिबाग्याम सोना लबा

११ न्हडगरदड येशू नाइन भिबा शहररी फेमा हराडला चलागदेदेन म्हेला हुलएनोन येशूदेन छ्याम निजी। १२ ओच्छे येशू शहररी धोबारीन छ्याइमा सिबा म्हे भवान मुबा। थे सिबा म्हे हरम्बो सिबा मिरडम्हेमला गिक जेन झा मुबा। ओच्छे शहरला म्हेगदेएनोन थेदेन छ्याम मुबा। १३ थे मिरडम्हेमदा मराडसी परमुदा समहेनसेन दया रे:जी। ओच्छे थेदा “ए थाकरागो” भिसी सुडजी। १४ जमाहेनसे येशू सिबाला डामरी फेप्सी सिबादा थुर्जी। चुहरड लसी थुर्मेछ्याम सिबा पुडबा म्हेगदे थन तजी। जमाहेनसे येशूस सिबा म्हेदा “कोला, रे:गो” भिसी सुडजी। १५ जमाहेनसे सिबा म्हे रे:सी ताम पाडबारी छ्याइजी। ओच्छे येशूस थेदा थेला आमादा जिम्मा पिन्जी।

१६ चु मराडसी जम्मान म्हेगदे लोडसी परमेश्वरदा जयजयकार लबान चुहरड भिजी, “म्हेडला गुडरी घरेन अगमवक्ता गिक फेप्सबा मुला। ओच्छे परमेश्वरसे हराडला म्हेदा दया लबा मुला।” १७ जमाहेनसे येशूस लबा गेला बारी यहुदियाला जम्मान ग्लारीदेन डाम डामला जम्मान जिल्लारी थे:जी।

बप्तिस्मा पिन्बा यूहन्नासे हराडला
चेला न्हीदा येशू मुबा ग्लारी पुडबा

मत्ती ११ :२-१९

१५ यूहन्नाला चलागदेसे येशूस लबा जम्मान गे हराडला गुरु यूहन्नादा पाडजी। जमाहेनसे यूहन्नासे हराडला चेला न्हीदा डयोइसी, ११ “डन्से फेप्सला भिसी आश लसी चिबा थार्बा पिन्बा ग्ले हराडनोन हिन्ना कि स्थान्दो खालेदा भरान्तो:बा हिन्ना?” भिसी येशू मुबा ग्लारी डयोइबारी पुडजी। १२ जमाहेनसे थेनीगदे येशू मुबा ग्लारी निसी, “डन्से फेप्सला भिसी आश लसी चिबा थार्बा पिन्बा ग्ले हराडनोन हिन्ना कि स्थान्दो खालेदा भरान्तो:बा हिन्ना?” भिसी डयोइबारी बप्तिस्मा पिन्बा यूहन्नासे डन्दा हराड मुबा ग्लारी पुडखबा हिन्ना भिसी भिजी।

१३ थे धुडरी येशूस रोगसे स्याप्वा ल्हानान म्हेगदेदेन म्हेडसे स्याप्वा म्हेगदेदा खम्ना

लबान मुबा। ओच्छे मी आमराडबा ल्हानान म्हेगदेला मी मराडना लजी। १२ जमाहेनसे यूहन्नाला चलागदेदा येशूस चुहरड भिसी सुडजी, “एनीगदेसे जुन जुन ताम मराडबादेन थे:बा मुला, थेनोन ताम यूहन्ना मुबा ग्लारी निसी पाडगो। मी आमराडबागदेला मी मराडना लबा मुला, कुज्यादेन कोर खबा म्हेगदेदा खम्ना लबा मुला, नाव्यड आथे:बागदेदा थे:ना लबा मुला, सिबागदेदा सोना लबा मुला, ओच्छे पराडबागदेदा परमेश्वरला यहुत्साला समाचार थे:ना लबान मुला। १३ जुन म्हेसे शडका आलना विश्वास लला थे म्हेसे परमेश्वरग्याम मोलम याडला।”

१४ यूहन्नाला चलागदे दो:सी निमाहेनसे येशूस यूहन्नाला बारी म्हेला हुलदा चुहरड भिसी सुडबारी छ्याइजी, “एनीगदे तोडतोडबा ग्लारी तिग च्याबारी निबा मुबा? तिग लाबासे य्हाडबा मा दोड च्याबारी निबा हिन्ना? १५ ओच्छे एनीगदे तिग च्याबारी थोन्बा मुबा? ज्यबा ज्यबा क्वान क्वान्बा म्हेदा च्याबारी? च्यागो, थेहरडबा ज्यबा ज्यबा क्वान क्वान्बादेन मोजमजा लबा म्हे मी ग्लेखाडरी जे चिबा मुला। १६ एनीगदे तिग च्याबारी निमुबा? तिग अगमवक्तादा च्याबारी निबा आहिन? हिन्ना, डाइ पाडला एनीगदेसे स्थान्दो अगमवक्तागदे भन्दा घरेन म्हे गिकदा मराडबा मुला। १७ थे अगमवक्ता थेनोन हिन्ना, थेला बारी परमेश्वरला बचनरी चुहरडबा भिरबा मुला,

“च्यागो, डाइ डाला समाचार भोर्बा म्हेदा एला डच्छे डच्छे पुडखला।

थेसे एला लागिरी ग्याम स्होला”। १८

१९ “थेतबासलमा च्यागो, दान्दधोना न्हा कोलागदे न्हडरी यूहन्ना भन्दा घरेन म्हे खाले आरे। तसेनोन परमेश्वरला यहुत्सारी जुन म्हे जजा मुला थे म्हे यूहन्ना भन्दा घरेन म्हे तला।”

२० ओच्छे तिरो दुडबा म्हेगदेदेन स्थान्दो म्हेगदेसे यूहन्नाला ताम थे:सी, “परमेश्वरसे कुल्बा ताम ठीक हिन्ना” भिसी थेग्याम बप्तिस्मा किन्बा मुबा। २१ तर फरिसीगदेदेन यहुदी धर्मगुरुगदेसे चा परमेश्वरसे कुल्बा ताम गे आखेल्बा ताम हिन्ना भिसी यूहन्नाग्याम बप्तिस्मा आकिन्बा मुबा। २२ येशूस थेनीगदेदा

चुहरङ्ग भिसी सुङ्गी, “थहरङ्गवा म्हिगदेदा डाइ तिगदेन छयाम दौजब लसे? थनीगदे साहरङ्गवा मुला भिसम, ३२ बजाररी चिबा कोलागदे हरङ्गवा मुला। थनीगदे हराङ्ग हराङ्ग न्हङ्गरी चुहरङ्ग भिसी कल लमुला, ‘डन्स एनीगदेला लागिरी बांसुरी हराप्सी पिन्जी, तर एनीगदे आस्थनी।

ओच्छे डन्स दुखला व्हाइ गोजी, तर एनीगदे आकरानी?”

३३ तिगे चबा थुङ्गबादेन अङ्गुरला निङ्गुएनोन आथुङ्गवा बप्तिस्मा पिन्बा ग्रहन्ना खमा एनीगदेस थंदा म्हडसे स्याप्वा म्हि” भिसी भिबा मुबा। ३४ परमेश्वरस पुइखबा म्हि चा चबा थुङ्गवा लसी भरजी। थतबासेलमा म्हिगदेस डावा ‘च्यागो, ल्हानान चबा स्हेदेन ल्हानान निङ्गु कासी इय्होइसी भरबा, तिरो दुइबादेन पापीगदेला हरो’ भिसी भिसुला! ३५ तर परमेश्वरग्याम बुद्धि याङ्गवागदेस जे परमेश्वरला बुद्धि ठीक हिन्ना भिसी था याङ्गवा मुला।”

येशू फरिसीला दिमरी फप्वा

३६ फरिसीगदे न्हङ्गला गिकसे येशूदा सोल छुयाइबारी इयोइजी। ओच्छे थला दिमरी फप्सी येशू सोल छुयाइबारी धन्छुयाजी। ३७ थ शहररी मुबा पापी मिरडम्हेम गिकस फरिसीला दिमरी येशू सोल छुयाइबारी फप्खजी भिबा थःसी सिङ्गमररला बातलरी अत्तर भसी येशू मुबा ग्तारी खजी। ३८ थ येशूला ग्यापग्याम खसी येशूला डामरी राप्सी कराजी, ओच्छे थला मीख्नीसे येशूला स्थाप भम्जी। जमाहेन्से थंस हराङ्गला करास येशूला स्थाप फ्यासी च्याक लसी ३९ येशूला स्थापरी अत्तर फोर्बारी छुयाइजी। ३९ चुहरङ्ग लबा मराङ्गी येशूदा इयोइबा फरिसीस “चु म्हि अगमवक्ता हिन्सम थंदा थुर्बा मिरडम्हेम साहरङ्गवा मिरडम्हेमे भिसी डाससेला मुबा। तिगदा भिसम चु पापीस्या हिन्ना” भिसी हराङ्गला सेम न्हङ्गरी म्हन्जी।

४० थसे सेमरी चुहरङ्गवा ताम म्हन्वा था याङ्गी येशूस फरिसीदा “सिमान डाइ एदा ताम गिक पाङ्गतोःबा मुला” भिसी सुङ्गमा, थंस “सुङ्गो गुरु” भिसी भिजी। ४१ “च्यागो, म्हि

न्हीसे साहू गिकदेन छयाम छे किन्बा मुबा गिकसे ग्यार्जा डा ओच्छे स्थान्दोसे बागल न्हीसे च्युइ टाङ्गला किन्बा मुबा। ४२ थ न्हीसेन छे फाआखम्बासे लमा साहूसे थ न्हीदान माफ पिन्जी। थतबासेलमा, लु, पाङ्गो थ न्ही न्हङ्गरी खजिबासे चा साहूदा ल्हाना माया लला” भिसी इयोइमा, ४३ “ल्हाना माफ याङ्गबासे” भिसी सिमानसे भिमा, “एस ठीक भिजी” भिसी येशूस थंदा सुङ्गी।

४४ ओच्छे थ मिरडम्हेमपट्टि दोःसी येशूस सिमानदा चुहरङ्ग सुङ्गी, “चुदा च्यागो, डा एला दिमरी खमा एस डावा काङ्ग खरुबारी क्युइएनोन आपिन्नी तर चुसे मी डाला काङ्ग मीख्नीसे खरुसी हराङ्गला करास फ्यासी पिन्जी। ४५ एस डावा च्याक लसी फ्याआफुल्नी, तर चुसे मी खमाहेन्सेन डाला काङ्गरी च्याक लबाला लबान मुला। ४६ ओच्छे एस डाला थोबारी छुयुगु फोर्सी आपिन्नी। तर चुसे मी डाला काङ्गरी अत्तर फोर्सी पिन्जी। ४७ थतबासेलमा एस डाला ताम इयान्गो, चुसे ल्हानान पाप लसेनोन माफ याङ्गी जिन्बा मुला। तिगदा भिसम चु मिरडम्हेमेसे ल्हानान मान लबा मुला। तर जुन म्हिदा जजाकी जे माफ लला, थंस जजाकी जे मान लला।”

४८ ओच्छे येशूस थ मिरडम्हेमदा “एला पाप माफ तबा मुला” भिसी सुङ्गी।

४९ थरी चबारी चिबा म्हिगदेस चु ताम थःसी, “पाप माफ लबा चु म्हि खाल हिन्ना?” भिसी हराङ्ग हराङ्ग न्हङ्गरी भिबारी छुयाइजी। ५० ओच्छे येशूस थ मिरडम्हेमदा “एला विश्वाससे लमा एस थार्बा याङ्गवा मुला, ए दुक्क तसी निउ” भिसी सुङ्गी।

येशूस परमेश्वरला य्हल्साला समाचार थःना लबा

५१ जमाहेन्से येशू शहर शहरदेन नाम्सा नाम्सा तसी परमेश्वरला य्हल्साला समाचार थःना लबान फप्जी। थला च्युक न्ही चलागदेएनोन थदेन छुयामनोन मुबा। २ ओच्छे येशूस म्हडसे स्याप्वादेन रोगग्याम खम्ना लबा कोइ कोइ मिरडम्हेमगदेएनोन येशूदेन छुयाम मुबा, थनीगदे न्हङ्गरी मरियम

३३७ :३६ स्थाप च्याक लबा चा यहूदीला ठिम अन्छार य्हाङ्गसे फ्या लबा हरङ्गबान हिन्ना।

३७ :३७ मती २६ :७ ; मर्कु १४ :३ ; यूह १२ :३

मगदलिनी भिबा मिरड्म्हेमला ल्हुइग्याम येशूस गोर निस म्हड ताप्रा मुबा। ३ओच्छे सुसन्नादेन हरोद ग्लेला दिमरी गे लबा म्हिगद न्हडला सुजास भिबा मुल म्हिला मिरड योअन्नाएनोन येशूदेन छ्याम मुबा। ओच्छे थनीगददेन स्थान्दा मिरड्म्हेमगदसे हराडलान टाडगास येशूदा हरो लमुबा। ४

ब्लु दवबाला उखान

मत्ती १३ :१-९ ; मर्कूस ४ :१-९

१जमाहेन्से नाम्सा नाम्साग्याम म्हिला हुल खसी येशू मुबा ग्लारी पोप तजी। ओच्छे येशूस थनीगदेदा उखान गिक चुहरड् भिसी सुड्जी, २“च्यागो, ब्लु दवबा म्हि गिक ब्लु दवबारी मरजी। थे म्हिसे ब्लु दवमा कोइ ब्लु ग्यामरी परब तजी। थे ब्लु म्हिसे नाड्जी ओच्छे चरागदे खसी चजी। ३कोइ ब्लु चा युडबाला घहरड् मुबा सरी परब तजी, ओच्छे फुड्मेछ्याम सिजी। तिग्दा भिसम थे स सर्वा मुबा। ४कोइ ब्लु चा पुजु झाडरी परब तजी। ओच्छे थे ब्लु पुजुदेन छ्याम छ्यामनोन ल्हेसी निसेनोन पुजु दोडला हापस लमा थे दोडरी तिगे आरोनी। ५तर कोइ ब्लु चा ज्यबा सरी परब तजी, ओच्छे थे दोडरी दोब्वर, तेब्वर, चौबरधाना राजी।” चुदे सुड्माहेन्से येशूस थरी मुबा म्हिगददा “जुन म्हिदा ड्यान्बा सम मुला, थसे ड्यान्सी घोड।”

ब्लु दवबा उखानना अर्थ

मत्ती १३ :१०-२३ ; मर्कूस ४ :१०-२०

१जमाहेन्से चेलागदेस येशूदा चु उखानना अर्थ तिग भिसी ड्याड्जी। १०येशूस थनीगदेदा चुहरड् भिसी सुड्जी, “डाइ एनीगदेदा म्हिसे था आयाड्बा परमेश्वरला य्हुल्साला ताम घोखम्बा ज्ञान बुदधि पिन्वा मुला। तर स्थान्दोगदेदा चा उखानग्याम पाड्बा मुला। थेतबासलमा

थनीगदेसे च्यावाम च्याला तर आमराड्, ड्यान्बाम ड्यान्बा मुला तर आघो।” ४

११“च्यागो, चु उखानना अर्थ चुनोन हिन्ना, चु ब्लु भिबा चा परमेश्वरला बचन हिन्ना। १२ग्यामला कुनीरीक्यार परब तबा ब्लुला अर्थ चा जुन म्हिसे परमेश्वरला बचन ड्यान्बाम ड्यान्ना तर सेमरी थान्वारी चा आखम्मुला।

तिग्दा भिसम थनीगदेसे विश्वास लसी थाबा थायाड्गो भिसी शैतान खसी थनीगदेला समग्याम परमेश्वरला बचन ब्यन्सी भोर्मुला। १३थहरड् लसीन युडबाला घहरड्री परब तबा ब्लुला अर्थ चा थनीगदेसे परमेश्वरला बचन ज्यबा म्हन्सी विश्वास मी लला। तर थनीगदेला विश्वासला टा आरबास लमा तिगे धिन लिच्छा थनीगदेदा तबा दुखसे लमा थनीगदेसे विश्वास लबा ख्ताला। १४ओच्छे पुजु झाड् न्हडरी परब तबा ब्लुला अर्थ चा थनीगदेसे जम्बुलिडरी मराड्बा धन सम्पत्तिदेन मोजमजा, ओच्छे थनीगदेदा तबा धन्दा सुदासे लमा विश्वासरी कोड्सी चिआखम्बास लमा थनीगदेला विश्वासग्याम तिगे आरो। १५तर ज्यबा सरी परब तबा ब्लुला अर्थ चा जुन म्हिसे परमेश्वरला बचन ड्यान्सी हराडला ज्यबा समहेन्सेन विश्वास लला। ओच्छे थेला विश्वासग्याम गोल्से गोल्से ज्यबा रोगदे रोबान निला।

नाड्सलला अर्थ

मर्कूस ४ :२१-२५

१६“खालेसे नाड्सल मरासी फामसे घर्सी आथान, ओच्छे खाट धिरीएनोन छुम्सी आथान। तर दिम न्हडरी खबा म्हिगददा य्हाल तगे भिसी नोबा ग्लारी थान्ना। १७ल्हसेनोन आमराड्बा स्हे तिगे आरो। ओच्छे छुम्सी थान्सेनोन आघाबा स्हे तिगे आरो। १८जुन म्हिसे डाइ लोप्रा तामदा सम लसी ड्यान्ना, थदा डाइ अझ घोना लला। तर डाइ लोप्रा ताम आड्यान्बादा चा थसे जुन घोबा मुला थे तामएनोन म्हाना लला।” ८

येशूला आम्रादेन आलेगदे

मत्ती १२ :४६-५० ; मर्कूस ३ :३१-३५

१९थे धुडरी येशूला आम्रादेन आलेगदे येशूदा स्याप्वारी येशू मुबा ग्लारी खजी। तर येशूला क्युर्सिन म्हिला हुल मुबासे लमा थनीगदेसे येशूदा स्याप्वारी आखम्नी। २०जमाहेन्से थरी मुबा खाले म्हिसे “हराडदा स्याप्वारी हराडला आम्रादेन आलेगदे मड्ग्यार मरान्सी चिबा मुला” भिमा, २१“च्यागो, जुन म्हिसे परमेश्वरला बचन ड्यान्सी परमेश्वरसे कुल्बा

ताम ड्यान्ना थनोन डाला आमादेन आलेगदे हिन्ना” भिसी येशूस थनीगदे जम्मादान सुड्जी।

येशूस लाबालुडसर म्हाना लबा

मत्ती ८ :२३-२७ ; मर्कुस ४ :३५-४१

२२ तिरकुनु येशू हराडला चलागदेदेन छुयाम दौंगारी कर:माहेन्स “तु, य्हाड समुन्दरला क्याम्सडपट्टि निड” भिसी चलागदेदा सुड्जी। जमाहेन्स येशू हराडला चलागदेदेन छुयाम क्याम्सड फप्ती। २३ थनीगदे फप्चान लबा धुइरी येशू दौंगारीन छुप निजी। जमाहेन्स समुन्दररी घरेन लाबालुडसर खजी, लाबालुडसरस लसी समुन्दररी छाल रे:जी, छालस लमा दौंगा डुबव तबारी छुयाड्जी, जमाहेन्स थनीगदेदा आपत विपत तजी। २४ जमाहेन्स चलागदे येशूला डामरी खसी येशूदा छिडबान, “शुरु, य्हाड सिबारी छुयाड्जी” भिसी भिजी। चलागदेला चुहरडबा ताम थ:सी येशू म्हड्सी लाबालुडसरदा बड्जी। बड्मैछुयाम लाबालुडसर म्हासी शान्त तजी। २५ येशूस थनीगदेदा “खाड, एनीगदेला विश्वास” भिसी सुड्मा, थनीगदे लोड्सी उदेक म्हन्वान हराड हराड न्हडरी “चु खाल? लाबालुडसरसनोन थस कुल्बा ताम ड्यान्बा चीम” भिसी ताम लजी।

येशूस म्हिला ल्हुइग्याम म्हड ताप्बा

मत्ती ८ :२८-३४ ; मर्कुस ५ :१-२०

२६ येशू हराडला चलागदेदेन छुयाम गालील अञ्चलला क्याम्सडपट्टि गेरासनस भिबा ग्लारी धोखजी। २७ येशू दौंगार्याम फप्मैछुयाम थ शहररी मुबा म्हडस स्याप्बा म्हि गिक येशूदा स्याप्बारी खजी। थ क्वान आकवानान भरबा ल्हानान तसी जिन्बा मुबा। ओच्छे थ दिमरी आचिना धुसारीक्यार चिबा मुबा। २८ थस येशूदा मराड्मैछुयाम किरडबान येशूला डाच्छापट्टि स्तुप तसी, “जम्मान भन्दा घरेन परमेश्वरला झा येशू हराडसे डादा तिग लबा सम मुला? डादा दुख थापिन्गो” भिसी बिन्ती लजी। २९ तिगदा भिसम येशूस थ म्हडदा थ म्हिला ल्हुइग्याम थोन्सी निउ भिसी कुल्बा मुबा। थदा थ म्हडस ल्हानान रम

चुडबा मुबा। थ म्हिदा या काडरी च्याल्दासे खीसी सरुड्सी चिसैनोन म्हडला शक्तिस लमा थस च्याल्दा फराटफेरट टाड्सी थ हिररीक्यार यार्मुबा।

३० येशूस थदा “एला मिन तिग?” भिसी ड्याइमा, “डा हल हिन्ना” भिसी भिजी। तिगदा भिसम थ म्हिला ल्हुइरी ल्हानान म्हड मुबा। ३१ ओच्छे म्हडगदेस “डन्दा ल्हानान नुप्वा व्हाडरी ॥१॥थापुडगो” भिसी येशूदेन छुयाम बिन्ती लजी।

३२ थ ग्लाला डामला गडरी दवला बथान छुबान मुबा। थतबासलमा थ म्हडगदेस डन्दा थ दवागदे न्हडरी वाडपुड्गो भिसी बिन्ती लमा थनीगदेदा येशूस “निउ” भिसी सुड्जी। ३३ जमाहेन्स थ म्हडगदे थ म्हिला ल्हुइग्याम थोन्सी दवागदे न्हडरी वाड्माहेन्स थरी मुबा जम्मान दवागदे गड्ग्याम समुन्दररी छुयाड्सी सिजी।

३४ चुहरड तबा मराड्सी दवा छुबा म्हिगदे यार्जी। ओच्छे नाम्सा नाम्सादेन शहर शहररी निसी थनीगदेस मराड्बा जम्मान ताम थ:ना लजी। ३५ थनीगदेस पाड्बा ताम थ:सी ल्हानान म्हिगदे च्याबारी येशू मुबा ग्लारी खमा, थनीगदेस डाच्छा म्हडस स्याप्सी म्यासी भरबा म्हि खम्सी क्वान क्वान्सी येशूला डामरी चिबा मराड्जी। चु मराड्सी थनीगदे लोड्जी। ३६ थ म्हडस स्याप्बा म्हि साहरड लसी खम्जी भिसी मराड्बा म्हिगदेस थरी च्याबारी सबा म्हिगदेदा पाड्जी। ३७ जमाहेन्स गेरासनस भिबा नाम्साला क्यारमारला म्हिगदेस येशूदा “डनी मुबा ग्लार्याम फप्गो” भिसी बिन्ती लजी। तिगदा भिसम थनीगदे ल्हानान लोड्सी उदेक तबा मुबा। थतबासलमा येशू थ ग्लार्याम दौंगारी कर:सी फप्बारी छुयाइमा, ३८ येशूस म्हड ताप्सी खम्ना लबा म्हिस “डाएनोन हराडदेन छुयाम निबा” भिसी येशूदेन छुयाम बिन्ती लमा येशूस थदा, ३९ “ए हराडला दिमरी निउ ओच्छे परमेश्वरसे एला लागिरी साहरड्बा गे लबा मुला, थ ताम जम्मादान थ:ना लउ” भिसी सुड्जी। जमाहेन्स थ म्हि निसी येशूस हराडला लागिरी लबा गेला बाररी शहरला जम्मान ग्लारी थ:ना लबान भरजी।

॥८:३१ चु पदरी “ल्हानान नुप्वा व्हाड” भिबा चा म्हड म्हड चिबा ग्ला हिन्ना। चु ताम (रोमी १० :७ ; उन्बा ९ :१, २, ११ ; ११ :७ ; १७ :८ ; २० :१, ३) पदरी एनोन मुला।

याइरसला झामेदेन का निबा बेथासे
स्याप्वा मिरडम्हेम खम्बा

मत्ती ९:१८-२६; मर्कूस ५:२१-४३

१० जमाहेन्स येशू दोःसी फखमाहेन्स
मिहला हलस येशूदा फ्याफुल्जी। तिग्दा भिसम
थनीगद येशू फखला भिसी भ्रान्सी चिमुबा।
११ थनान धुइरी याइरस भिबा यहूदीगद हरूप
तबा दिमला नेता येशू मुबा ग्लारी खसी येशूला
स्थापरी फ्या लवान, “डाला दिमरी फखउ”
भिसी बिन्ती लजी। १२ तिग्दा भिसम थला गिक
जेन मुबा च्युक न्ही दिडला झाम सिबारीन
छयाइबा मुबा। जमाहेन्स येशू फखान लबा
धुइरी म्हिगदस तोर हुइ मार हुइ लबारी
छयाइजी। १३ थरी का निबा बेथास स्याप्सी
च्युक न्ही दिड तबा मिरडम्हेम गिक मुबा।
थस ह्राडला जम्मान सम्पत्ति खर्च लसी मन
लसेनोन थेदा सालेस खम्ना लआखम्बा मुबा।
१४ थतबासेलमा थ येशूला ग्यापग्याम खसी
येशूला क्वान्ना जोरी थुर्जी। थस येशूला क्वान
थुर्मेछयाम थला का निबा बेथा म्हाजी।

१५ जमाहेन्स येशूस “डादा सालेस थुर्जी”
भिसी सुडमा, जम्मासेन “डाइ थुर्वा आहिन”
भिसी भिजी। तर पतरुसस चा “गुरु, ह्राडदा
म्हिगदस तोर हुइ मार हुइ लवान मुला” भिसी
भिजी। १६ तर येशूस “आहिन, डादा सालेस
थुर्वा मुला, तिग्दा भिसम डाग्याम डाला
शक्ति थान्सी निबा डाइ था याइजी” भिसी
सुडजी। १७ जमाहेन्स थ मिरडम्हेमस ह्राड
लासी चिबारी आतनम भिसी फितफित धर्बान
येशूला डाच्छापट्टि खसी फ्या लवान येशूदा
तिग्दा थुर्जी ओच्छे थुर्मेछयाम ह्राड साहरड
लसी खम्जी भिबा ताम जम्मान म्हिगदला
डाच्छापट्टि पाइजी। १८ ओच्छे येशूस थ
मिरडम्हेमदा “झाम, एला विश्वाससे लमा ए
खम्बा मुला, ए ढुकक तसी निउ” भिसी सुडजी।

१९ येशूस ताम लवान लबा धुइरी याइरसला
दिमग्याम म्हि गिक खसी याइरसदा “ह्राडला
झाम सिसी जिन्जी। दाहेन्स गुरुदा दुख
थापिन्ना” भिसी भिजी। २० तर येशूस याइरसदा
“थालोडगो, एस विश्वास जे लउ, ओच्छे एला
झाम सोला” भिसी सुडजी।

२१ याइरसला दिमरी धोमाहेन्स येशूस
पतरुस, याकूब, यूहन्नादेन थ माइला आबादेन

आमादा बाहेक स्थान्दो खालेदान दिम न्हडरी
खआपुडनी। २२ याइरसला दिमरी पोप तबा
म्हिगद थ माइ सिजी भिसी कराबा किरडबा
लसी चिबा मुबा। येशूस थनीगददा “थाकरागो,
थ सिबा आर, म्हेसी चिबा मुला” भिसी सुडजी।
२३ येशूला ताम थःसी थनीगदस डःवान येशूदा
खिसी लजी। तिग्दा भिसम थ माइ सिसी जिन्वा
मुला भिसी थनीगददा था मुबा।

२४ तर येशूस थ माइला यारी चुडसी, “माइ,
ए रेगो” भिसी सुडमेछयाम, २५ थ माइला
आत्मा दोःसी खजी ओच्छे थ डोड रेःजी।
जमाहेन्स येशूस “चु माइदा चबा स्ह पिन्गो”
भिसी सुडजी। २६ चुमराडसी थ माइला आबादेन
आमा उदक तजी। तर येशूस थनीगददा “चु ताम
खालेदा थापाडगो” भिसी कुल्जी।

येशूस ह्राडला च्युक न्ही चेलागदेदा पुइबा

मत्ती १०:५-१५; मर्कूस ६:७-१३

१ जमाहेन्स येशूस ह्राडला च्युक न्ही
चेलागदेदा डयोइसी थनीगददा म्हडगद
ताप्रादेन रोगगद म्हाना लबा शक्तिदेन
अधिकार पिन्सी, २ परमेश्वरला खुल्साला
समाचार थःना लबारी ओच्छे आखम्बा
म्हिगददा खम्ना लबारी पुइजी। ३ ओच्छे
येशूस थनीगददा चुहरड भिसी सुडजी,
“एनीगदस ग्यामला लागिरी कडी, झोला, चबा
स्ह, टाडगा ओच्छे पोबा क्वान तिगे थाभोर्गा।
४ जुन दिमला म्हिगदस एनीगददा मान लला,
थ नाम्साग्याम थान्सी आनितधोना एनीगद थ
दिमरीन चिउ। ५ तर जुन ग्लाला म्हिगदस
एनीगददा मान आल, एनीगद थ शहरग्याम
थान्बा धुइरी दाहेन्स डन्स लतोःबा ग लसी
जिन्जी। एनीगदस तिग लतोःबा लउ भिसी
काडला धुलु खसी पिन्गो।” d

६ जमाहेन्स चेलागदे नाम्सा नाम्सारी निसी
परमेश्वरला खुल्साला समाचार थःना लवान
आखम्बा म्हिगददा खम्ना लजी।

येशूला बाररी थःसी हेरोद ग्ले अलमल तबा

मत्ती १४:१-१२; मर्कूस ६:१४-२९

७ चु जम्मान गेला बाररी थःसी गालील
अञ्चलरी शासन लबा हेरोद अलमल तजी।
तिग्दा भिसम कोइ कोइ म्हिसे येशूदा
“बपतिस्मा पिन्बा यूहन्ना सिबाग्याम सोसी

खजीम" भिसी भिबा मुबा। ८ कोइ कोइसे चा "एलिया दो:सी खजीम" भिसी भिबा मुबा। ओच्छे स्थान्दो कोइ कोइसे चा "ओन्माला अगमवक्तागदे न्हङ्गरी गिक सिबाग्याम सोसी खजीम" भिसी भिबा मुबा। ९ थंतबासलमा हरोद ग्लस "चुहरङ्गबा उदकला गे लबा म्हि खाल हिन्ना? तिग्दा भिसम यूहन्नाला थाबा मी डाइनोन आपुङ्गबा हिन्ना" भिसी भिजी। ओच्छे थंस तिरम येशूदा स्याप्वा सेम लजी।

येशूसे हजार डा म्हिगदेदा चबा स्हे पिन्बा

मत्ती १४ :३३-३१; मर्कूस
६ :३०-४४; यूहन्ना ६ :१-४

१० येशूसे परमेश्वरला यहुत्साला समाचार थे:ना लबारी पुइबा मुल चलागदे दो:सी खसी थेनीगदेसे लबा जम्मान गे येशूदा पाङ्गी। जमाहेन्से येशूसे थेनीगदेदा जे भोर्सी बेथसेदा भिबा शहररी फण्जी। ११ तर चु ताम था याङ्गी म्हिला हुल येशू मुबा ग्लारी निजी। जमाहेन्से येशूसे थेनीगदेदा सपुङ्गी। ओच्छे म्हिगदेदा परमेश्वरला यहुत्साला समाचार थे:ना लबान आखम्बा म्हिगदेदा खम्ना लजी।

१२ धिनी घल्बारी छ्याइमाहेन्से च्युक न्ही चलागदे येशू मुबा ग्लारी खसी येशूदा "म्हिगदेदा चुग्याम निपुङ्गो। तिग्दा भिसम चु ग्लारी तिगे आरं। थंतबासलमा थेनीगदे क्यारमारला नाम्सारी निसी चबा थुङ्गबादन चिबा ग्ला दिक्ना लगे" भिसी भिजी।

१३ तर येशूसे थेनीगदेदा "एनीगदेसन चुगदेदा चबा स्हे पिन्गो" भिसी सुङ्गमा, थेनीगदेसे "डन्देन छ्याम गोर डा गङ्गदेन तार्डा न्ही जे मुला। आतसम डनी निसी चु जम्मान म्हिगदेला लागिरी चबा स्हे ग्लुसी भतो:ला" भिसी भिजी।

१४ थरी हजार डा ते चा हरम्फेब जे मुबा। ओच्छे येशूसे हराङ्गला चलागदेदा "म्हिगदेदा बोगल न्हीसे च्युइला लाम लसी चिपुङ्गो" भिसी सुङ्गी।

१५ ओच्छे चलागदेसे येशूसे सुङ्गबा हरङ्गनोन लसी चिपुङ्गी। १६ जमाहेन्से येशूसे गोर डा गङ्गदेन तार्डा न्ही छ्यारी थोसी स्वर्गपट्टि स्हीसी परमेश्वरदा धन्यवाद पिन्जी। ओच्छे येशूसे गङ्गदेन तार्डा क्युइसी म्हिगदेदा भो लसी

पिन्गो भिसी चलागदेदा कुल्जी। १७ जमाहेन्से जम्मान म्हिगदेसे मरन्ना चसीनोन लेङ्गबा भराइभरुइ चलागदेसे दुइमा च्युक न्ही सोली तजी।

येशू परमेश्वरला म्हि खरीष्ट हिन्ना

मत्ती १६ :१३-१९; मर्कूस ८ :२७-२९

१८ तिरकुनु येशू गिक जेन परार्थना लसी धन्छ्याबा मुबा। थे धुइरी थला चलागदेएनोन छ्यामनोन मुबा। ओच्छे येशूसे थेनीगदेदा "म्हिगदेसे डादा खाल भिबा जीम?" भिसी डयोइमा, १९ थेनीगदेसे "हराङ्गला खालेसे बप्तिस्मा पिन्बा यूहन्ना भिबा मुला, खालेसे एलिया, ओच्छे स्थान्दोगदेसे चा ओन्माला अगमवक्तागदे न्हङ्गला गिक सिबाग्याम सोसी खजीम भिबा मुला" भिसी जोहाब पिन्जी। २० जमाहेन्से येशूसे दो:सी चलागदेदा "तर एनीगदेसे चा डा खाल भिसी म्हुन्मुला?" भिसी डयोइमा, पतरुसेसे "हराङ्ग परमेश्वरसे पुइखबा थोर्बा पिन्बा खरीष्ट हिन्ना" भिसी जोहाब पिन्जी। २

२१ जमाहेन्से येशूसे, "च्यागो, एनीगदेसे चु ताम खालेदा थोपाङ्गो" भिसी कुल्जी। २२ ओच्छे येशूसे थेनीगदेदा "परमेश्वरसे पुइखबा म्हिसे ल्हानान दुख नातो:ला। ओच्छे यहूदी गन्बागदे, परमेश्वरला मन्दिररी पूजा लबा मुल म्हिगदेदेन यहूदी धर्मगुरुगदेसे विरोध लसी साइला। तसेनोन थदा सिबाग्याम सामरमाकुनु सोना लला" भिसी सुङ्गी।

चलागदेसे नातो:बा दुख

मत्ती १६ :२४-२८; मर्कूस ८ :३४-३९

२३ जमाहेन्से येशूसे थरी मुबा जम्मान म्हिगदेदा चुहरङ्ग भिसी सुङ्गी, "खाले म्हि डाला चला दोबा सेम मुसम थसे हराङ्गला ज्याननोन माया मारब लसी हराङ्गला करुस हराङ्गसेन धिन धिननोन पुइसी डादेन छ्याम मरगे। २४ तिग्दा भिसम जुन म्हिसे हराङ्गला ज्यान जोगब लबारी म्हाइला, थे म्हिसे चा जुकजुकधोनाला जुनी आयाङ्ग। तर डाला लागिरी हराङ्गला ज्याननोन पिन्खम्बा म्हिसे चा जुकजुकधोनाला जुनी याङ्गला। २५ चुदे

९९ :८ मत्ती १६ :१४; मर्कूस ८ :२८; लूका ९ :१९

१९ :१९ मत्ती १४ :१-२; मर्कूस ६ :१४-१५; लूका ९ :७-८ १९ :२० यहू ६ :६८-६९

१९ :२३ मत्ती १० :३८; लूका १४ :२७ १९ :२४ मत्ती १० :३९; लूका १७ :३३; यहू १२ :२५

साले म्हिसे जम्बुलिङ्गनोन यारी किन्सी थैला ज्याननोन निजी भिसम तिग ज्यबा तला? २६ ओच्छे साले म्हि डादेन डाला तामरी प:जी भिसम परमेश्वरला स्वर्गदूतगदेदेन छयाम परमेश्वरसे पुइखबा म्हि डाला आबा परमेश्वरला य्हालदेन शक्तिरी खमा थदा हराडला भिबारी प:ला। २७ तर एनीगदेसे डाला ताम ड्यान्ना, चुरी मुबा म्हिगदे न्हडला काइ काइ म्हि चा परमेश्वरला य्हुत्सा आमराडतधोना आसि।”

येशूला स्थाल पोबा

मत्ती १७:१-८; मर्कुस ९:२-८

२६ येशूसे चु ताम सुडसी भरे:र तमा पतरुस, यूहन्नादेन याकूबदा परार्थना लबारी गडरी भासी फेप्जी। २७ थरी येशू परार्थना लवान लबा धुइरी येशूला स्थाल पोजी। ओच्छे येशूला क्वान धिनीला स्टेर हरडबान य्हाल य्हाल तजी ३० ओच्छे म्हि न्ही येशूदेन छयाम ताम लबा मराडजी। थ म्हि न्ही मोशादेन एलिया मुबा। ३१ थनीगदेला स्थाल य्हाल य्हाल तबा मुबा। ओच्छे येशू यरूशलमरी सितो:ला भिबा तामला बाररी येशूदेन छयाम ताम लवान मुबा।

३२ थ धुइरी चा पतरुस ओच्छे थदेन छयाम मुबागदे म्हर्बा मुबा। थनीगदे फातछामा येशू स्वर्गला य्हालरी ओच्छे स्थान्दो म्हि न्ही एनोन येशूदेन छयाम राप्सी चिबा मराडजी। ३३ ओच्छे थ म्हि न्ही येशू मुबागयाम दो:सी निबारी छयाइमा पतरुससे “गुरु, य्हाड चुरी मुबा ज्यबा तजीम। दाहन्से डन्से चुरी छापरी सोम स्होइ, गिक हराडला लागिरी, गिक मोशाला लागिरी ओच्छे गिक एलियाला लागिरी” भिसी भिजी। तर पतरुसदा तिग ताम पाडतो:बा थ था आरमुबा। ३४ पतरुससे चुहरड पाडना पाडनान खसु खसी थनीगदेदा घप्जी। चु मराडसी चेलागदे लोडजी। ३५ ओच्छे खसु न्हडगयाम चुहरडबा काइ थ:जी, “चु डाइ धम्बा डाला झा हिन्ना, चुसे भिबा ताम एनीगदेसे ड्यान्ना।” ३६ चु काइ थ:सी जिन्माहेन्से चेलागदेसे थरी येशूदा जे मराडजी। जमाहेन्से थनीगदे कुटिसी चिजी। ओच्छे थनीगदेसे मराडबा चु ताम थ धुइरी सालेदा आपाडनी।

येशूसे म्हडसे स्यान्वा म्हिदा खम्ना लबा

मत्ती १७:१४-१८; मर्कुस ९:१४-२७

३७ न्हडगरदड येशू हराडला चेलागदेदेन छयाम गडगयाम मार फेखबा धुइरी म्हेला हुल गिक येशूदा स्यान्वारी खजी। ३८ ओच्छे थ म्हेला हुल न्हडगयाम म्हे गिकसे किरडबान भिजी, “गुरु, डाला झादा च्यासी पिन्ना, तिगदा भिसम चु डाला गिक जेन झा हिन्ना! ३९ थदा म्हडसे घरिघरि चुडमुला, ओच्छे थ किरडसी सिबा तेबान तमुला। जमाहेन्से थला सुडगयाम बोप्या ते:बा मुला, ओच्छे थ म्हडसे लछार पछार आलतधोना थदा आख्तामुला। ४० डाइ थ म्हड ताप्सी पिन्ना भिसी हराडला चेलागदेदा भिजी, तर थनीगदेसे म्हड ताप्साखम्नी।” ४१ जमाहेन्से येशूसे थनीगदेदा “विश्वास आलबादेन नइबा सम थोबा म्हिगदे, खाइमाधोना डा एनीगदेदेन छयाम तला? खाइमाधोना डाइ एनीगदेदा नासे?” भिसी सुडजी। ओच्छे येशूसे थ म्हेदा “एला झादा चुरी भउ” भिसी सुडजी। ४२ ओच्छे थसे हराडला झादा भना भनान थला झादा थ म्हडसे चुडसी म्याडजी। तर येशूसे थ म्हडदा बडसी थ कोलादा खम्ना लसी थला आबादा पिन्जी। ४३ परमेश्वरला शक्ति मराडसी थरी मुबा म्हिगदे उदक तजी।

दो:सी येशूसे हराड खाहरड लसी सिला भिसी सुडबा

मत्ती १७:२२-२३; मर्कुस ९:३०-३२

ओच्छे थरी मुबा म्हिगदे येशूला गे मराडसी उदक तसी चिबा धुइरी येशूसे हराडला चेलागदेदा, ४४ “च्यागा, परमेश्वरसे पुइखबा म्हेदा चुडसी म्हिगदेला यारी जिम्मा पिन्ना। एनीगदेसे चु ताम खाइमे थाम्ते:गो” भिसी सुडजी। ४५ तर चेलागदेसे चु ताम आपोनी। तिगदा भिसम थनीगदेसे चु ताम घोखम्बा ज्ञान आयाडबासे लमा येशूसे तिग सुडजी भिसी म्हन्बारीनोन आखम्नी। ओच्छे थनीगदे लोडबासे लमा चु तामला अर्थ तिग भिसी येशूदा ड्याइबारी आखम्नी।

जम्मान भन्दा घरेन खाल ?

मत्ती १८ :१-२ ; मर्कूस ९ :३३-४०

४६थे धुइरी चेलागदे हराड हराड न्हडरी खाल घरेन भिसी ताम लवान मुबा । ४६थे येशूस थेनीगदला समला ताम था याड्सी कोला गिकदा हराडला डामरी भसी थेनीगददा चुहरड भिसी सुड्जी, ४८ “च्यागा, जुन म्हेस चुहरडबा कोलादा डाला मिनरी वास्ता लला, थेस डादाएनोन वास्ता लला, डादा वास्ता लबास डादा पुइखबा डाला आबादाएनोन वास्ता लला । ओच्छे एनीगदे न्हडरी जुन म्हे जम्मान भन्दा जजा मुला, थेनोन घरेन तला ।” १ ।

४९ जमाहेन्स यहन्नास, “गुरु, डन्स हराडला मिनरी म्हे गिकस म्हेड ताप्या मराड्जी । तर डन्स थदा थेहरड लआपुड्नी, तिगदा भिसम थे ड्नी हरड हराडदेन छयाम आभरमुला ।” ५० तर येशूस थेनीगददा “एनीगदेस थेहरड थालउ, तिगदा भिसम जुन म्हेस एनीगदला बिरोध आल थे म्हे एनीगदेपटटिला हिन्ना” भिसी सुड्जी ।

सामरीगदेस येशूदा चिआपुड्बा

५१ जमाहेन्स येशूस हराड स्वर्गी फेन्वा धुइ तबास लमा यरुशलमरी निनोन तोःला भिसी पक्का लजी । ५२ ओच्छे येशूस कोइ कोइ समाचार भोर्बा म्हेगददा डाच्छेन जम्मान ताम तयार लबाला लागिरी सामरियाला नाम्सा गिकरी पुड्जी । ५३ येशू यरुशलमरी फेन्वारी छयाइबा ताम था याड्सी सामरिया नाम्साला म्हेगदस येशूदा चिआपुड्नी । ५४ चु मराड्सी येशूला चेला याकूबदेन यहन्नास, “परभु, डन्स स्वर्गयाम मे ताइना लसी थेनीगददा नाश लगे भिसी भिउ भिबा हराडला सेम मुला ?” भिसी भिमा, ५५ येशू चेलागदेपटटि दोःसी थेनीगददा बड्जी । ५६ जमाहेन्स येशू हराडला चेलागदेदा भोर्सी अर्गु नाम्सापटटि फेन्वी ।

विश्वासीगदेन छयाम ततोःबा गुण

मत्ती ८ :१९-२२

५७ ओच्छे येशू हराडला चेलागदेन छयाम यरुशलमपटटि फेन्वान लबा धुइरी म्हे गिक खसी येशूदा “हराड खानडदमान फप्से डाएनोन हराडदेन छयाम निला” भिसी भिजी ।

५८ जमाहेन्स येशूस थदा “च्यागा, ल्हुन्दीगदे चिबारी ऊ मुला, ओच्छे चरागदे चिबारीनोन जड मुला, तर परमेश्वरस पुइखबा म्हेदा ब्नप्या न्हवारीनोन गला आर” भिसी सुड्जी ।

५९ ओच्छे स्थान्दो म्हे गिकदा येशूस “डादेन छयाम भरउ” भिसी सुड्जी । तर थेस “परभु, डाच्छे डाला सिबा आबादा ल्हुसी हराडदेन छयाम भरला” भिसी भिजी । ६० येशूस थदा “सिबागदेदा सिबागदे हरडबासेन ल्हुगे तर ए चा निसी परमेश्वरला खुल्साला समाचार थेःना लउ” भिसी सुड्जी ।

६१ दोःसी स्थान्दो म्हे गिक येशू मुबा ग्लारी खसी, “डाएनोन हराडदेन छयाम भरला, तर डाच्छे डा दिमरी निसी जम्मादान डा येशूदेन छयाम निजी भिसी पाड्सी खला” भिसी भिजी । ६२ थदा येशूस, “मोइबा धुइरी ग्याप दोःसी च्याबा म्हे चा परमेश्वरला खुल्सारी मे आखल” भिसी सुड्जी ।

येशूस बोगल सोमसे च्युक न्ही चेलागदेदा परमेश्वरला खुल्साला समाचार थेःना लवारी पुइबा

१ जमाहेन्स येशूस स्थान्दो बोगल सोमसे १० च्युइ चेलागदेदा धम्जी । ओच्छे हराड फेन्वारी छयाइबा नाम्सादेन शहररी हराड फेन्वा भन्दा डाच्छे थेनीगदेदा गोर न्ही न्ही लसी पुड्जी । २ पुइबा धुइरी येशूस थेनीगदेदा चुहरड भिसी सुड्जी, “च्यागा, बाली मी ल्हानान मिन्वा मुला, तर बाली दुइबा म्हेगदे ल्हाना आर । थेतबासेलमा बाली दुइबा म्हेगदे पुइखउ भिसी बालीला दोप्ता परभुदेन छयाम परार्थना लउ । ३ दाहेन्स एनीगदे निउ । डाइ एनीगदेदा फार्बागदला गुडरी ग्युला कोलादा

॥९ :५५ कोइ कोइ गरीक बाइबलरी चु ताम काप्या मुला : ओच्छे येशूस थेनीगदेदा “एनीगदेला सेम साहरडबा ततोःमुला भिसी एनीगदेस अन्न घोबा आरम । डा परमेश्वरस पुइखबा म्हे मी म्हेगदेदा साइबारी खबा आहिन, तर थेनीगदेदा थाबां पिन्वारी खबा हिन्ना” भिसी सुड्जी ।

४९ :४६ लूका २२ :२४ १९ :४८ मत्ती १० :४० ; लूका १० :१६ ; यहू १३ :२०

५९ :५४ २ राजा १ :९-१६ ५९ :६१ १ राजा १९ :२० ७० :२ मत्ती ९ :३७-३८

पुइबा हरङ् लसी पुइला। ४ ओच्छे, एनीगदसे टाङ्गा, झोला, लखम तिगै थापुइगो। ओच्छे, ग्यामरी सालेदेन छुयाम ल्हाना ताम थालउ।

५ “ओच्छे, एनीगद जुन दिमरी वाङ्ला डाच्छा थं दिमला गिहदा शान्ति तगे’ भिसी मोलम पिन्गो। ६ थं दिमरी एनीगददेन छुयाम दिक्का गिह मुसम थनीगदसे शान्ति याङ्ला। तर एनीगददेन छुयाम दिक्का गिह आरसम एनीगदसे पिन्बा मोलम एनीगददान दोःसी खला। ७ ओच्छे, थनीगदसे एनीगदेदा जस्तो चबा स्हे पिन्से चबा थुङ्वा लसी थनीन दिमरी चिउ। तिग्दा भिसम ग लबा गिहसे ज्याला याङ्तोःमुला। ओच्छे, एनीगदे दिम दिमरी वाङ्सी ज्यबा ज्यबा चबा स्हे म्हाइसी थाभरउ। ४

६ “थहरङ् लसी एनीगदे शहरगदेरी निबा धुइरी थं शहरला गिहगदसे मान लसी चबा थुङ्बारी पिन्बा स्हे चउ। १ ओच्छे, थरी आखम्बा गिहगदेदा खम्ना लउ, ‘ओच्छे, परमेश्वरला ग्हुल्सा खसी जिन्बा मुला’ भिसी थनीगदेदा पाङ्गो। १० तर खजिबै शहररी एनीगदे निमा थं शहरला गिहगदसे एनीगदेदा मान आलनी भिसम थं शहरला ग्यामरी थोन्सी, ११ ‘डन्से डन्ना काङ्गरी भेर्बा एनीगदेला नाम्साला धुतु सुत्तै एनीगदेलान नाम्सारी खर्बा मुला। तिग्दा भिसम डन्से पाङ्बा ताम एनीगदसे आङ्ग्यान्नी। तर ज्यागो, परमेश्वरला ग्हुल्सा खसी जिन्बा मुला भिबा एनीगदसे था याङ्गो’ भिसी थनीगदेदा पाङ्गो। १२ एनीगदसे डाला ताम ड्ग्यान्गो, परमेश्वरसे निसाफ लबा धिनकुनु थं शहरला गिहगदेला गति भन्दा मी सदाम ‘शहरला गिहगदेला गति नाखम्बा तला।

येशूसे विश्वास आलबा शहरला गिहगदेदा बङ्बा

मत्ती ११ : २०-२७ ; १३ : १६-१७

१३ “खोरजोनिदेन बेथसेदाला गिहगदे, एनीगदसे परमेश्वरग्याम सजाय याङ्ला। तिग्दा भिसम एनीगदेला नाम्सारी लबा हरङ्बा उदेकला गेगदे टुरोसदेन सीदोन शहररी लबा हिन्सम ओन्मान थनीगदसे बारा क्वान्सी मफरा फोर्सी हराङ् हराङ्ला पाप ख्लासी

परमेश्वरपट्टि दोःसेला मुबा १४ तर परमेश्वरसे निसाफ लबा धुइरी एनीगदेला गति भन्दा टुरोसदेन सीदोनला गिहगदेला गति नाखम्बा तला। १५ कफर्नहुमला गिहगदे, तिग एनीगदे स्वर्गरीन धोला भिसी ग्हुन्मुला? आधो! एनीगदेदा मी नर्गरी ग्याङ्ला।”

१६ येशूसे हराङ्ला चलागदेदा “एनीगदेला ताम ड्ग्यान्बास डाला तामदाएनोन ड्ग्यान्ना, एनीगदेला ताम आङ्ग्यान्बास डाला तामएनोन आङ्ग्यान। ओच्छे, डाला ताम आङ्ग्यान्बास डाला पुइखबाला तामएनोन आङ्ग्यान” भिसी सुङ्गी।

येशूसे पुइबा बोगल सोमसे च्युक
न्ही चलागदे दोःसी खबा

१७ येशूसे पुइबा बोगल सोमसे च्युइ न्ही चलागदे ताङ्बान येशू मुबा ग्लारी खसी, “परमु डन्से हराङ्ला मिनरी ग्हुङ्गदेदा कुल्मा थनीगदसे ड्ग्यान्गी” भिसी भिजी। १८ ओच्छे, येशूसे थनीगदेदा “डाइ शैतानदा स्वर्गग्याम तिप्नीङ् हरङ् लसी ताइबा मराङ्गी। १९ ओच्छे, डाइ एनीगदेदा पुखरीदेन बिच्छीदा नाङ्खी भरबादेन एनीगदेदा हराङ्ला शतरुगदेला जम्मान शक्तिदा ढाबा अधिकार पिन्बा मुला। थतबासलमा एनीगदेदा तिगै स्हेसेएनोन न्हाङ्ना लआखम। २० तसेनोन ग्हुङ्गदेदा हराङ्ला धिरी थान्ग्याङ्गी भिसी एनीगदे थाताङ्गो। तर हराङ्ला मिन स्वर्गरी भिरबा मुला भिसी एनीगदे ताङ्गो” भिसी सुङ्गी।

येशूसे पिन्बा धन्यवाद

मत्ती ११ : २५-२७ ; १३ : १६-१७

२१ थनीन धुइरी येशूथारी परमेश्वरला आत्मा फेक्खी। ओच्छे, येशू ताङ्खी, “मुदेन जम्बुलिङ्ला परमु आबा, हराङ्दा धन्यवाद मुला, तिग्दा भिसम हराङ्से ज्ञान बुदधि मुबा गिहगदेदेन सेबा घोबा गिहगदेग्याम छुम्पी थान्बा ताम तिगै आसेबा गिहगदेदा उन्सी पिन्गी। हिन्ना आबा, चुहरङ् लमान हराङ् ताङ्गी।

१७ : १२ उत्पत्ति १९ : २३-२९ “सदोम” भिबा चा शहर हिन्ना। थंदा परमेश्वरसे नाश लजी। तिग्दा भिसम थं शहररी ल्हानान नइबा गेगदे लमुबा। चु ताम, मत्ती ११ : २३-२४ ; लूका १० : १२, १७ : २९ ; रोमी ९ : २९ ; २ पतरुस २ : ६ ; यहू १ : ७ ; उन्बा ११ : ८ पदरीएनोन मुला।

१७० : ३ मत्ती १० : १६ ७७० : ७ १ कोर ९ : १४ ; १ तिमो ५ : १६

२२ “डाला आबासे डादा जम्मान स्हे जिम्मा पिन्बा मुला। ओच्छे डा खाल भिसी डाला आबादा बाहेक स्थान्दो खालेदा था आर। थहरङ् लसीन आबा खाल भिसी झादेन झासे आबादा डांसना लबा म्हिगदसे बाहेक स्थान्दो खालेदान आबा खाल हिन्ना भिसी था आर।”

२३ जमाहेन्से येशू हराङ्गला चेलागदपट्टि दोःसी थनीगदेदा जे चुहरङ् भिसी सुङ्गी, “एनीगदसे मराङ्गला मुला, चु ताम मराङ्गलागद चा परमेश्वरग्याम मोलम याङ्गला म्हिगद हिन्ना। २४ तिगदा भिसम ल्हानान अगमवक्तागददेन ग्लेगदसे एनीगदसे मराङ्गला चु तामगदे च्याबारी म्हाइमुबा। तर थनीगदसे आमराङ्गी, ओच्छे एनीगदसे थेःबा ताम थनीगदसे थेःबारी म्हाइगी, तर थेःबारी आम्प्याङ्गी।”

ज्यबा खिम्जेम

मत्ती २२ : ३४-४० ; मर्कूस १२ : २८-३४

२४ तिरकुनु यहूदी धर्मगुरु गिक येशू मुबा ग्लारी खसी येशूला सेम च्याबारी थेस “गुरु जुकजुकधोना आसिबा जुनी याङ्गबारी डाइ तिग लतोःला ?” भिसी ड्याइमा, २६ येशूसे थदा “परमेश्वरसे मोशादा पिन्बा ठिमरी तिग भिरबा मुला ? एस पढब लबा आर ?” भिसी सुङ्गी। २७ जमाहेन्से थेस येशूदा “हराङ्गला समहन्सेन, हराङ्गला पराणसे, हराङ्गला बुदधिस ओच्छे हराङ्गला शक्तिसे एस परमपरमु हराङ्गला परमेश्वरदा माया लउ। ओच्छे एस हराङ्गला खिम्जेमदा हराङ्गदा हरङ्गनोन माया लउ” भिसी भिरबा मुला। २८ भिसी भिमा, येशूसे थदा “एस ठीक भिजी दाहेन्से एस थहरङ्गनोन लउ। जमाहेन्से ए जुकजुकधोना सोला” भिसी सुङ्गी। २९ तर थे म्हिसे हराङ्गसे हराङ्गदान डा ठीक मुला भिसी उन्बाला लागिरी “थहरङ्ग भिसम डाला खिम्जेम खाल हिन्ना ?” भिसी येशूदा ड्याइगी।

३० जमाहेन्से येशूसे थदा चुहरङ् भिसी सुङ्गी, “च्यागो, म्हि गिक यरूशलेमग्याम यरीहो भिबा ग्लापट्टि निबान लमा थदा थ्हागदसे स्याप्सी लिगन्डीन लसी सिबाधोनान तोजी। ३१ ओच्छे छिन्नुङ् लिच्छा परमेश्वरला मन्दिररी पूजा लबा म्हि थग्यामसेन खजी।

तर थेसे थे थ्हागदसे तोसी सिबा तेबान तबा म्हिदा मराङ्गीनोन आमराङ्गला स्हासी निजी। ३२ थहरङ् लसीन स्थान्दो लेवी गिकएनोन थग्यामसेन खजी थेसनोन थे सिबा तेबान तबा म्हिदा मराङ्गीनोन आमराङ्गला स्हासी निजी। ३३ तर स्थान्दो सामरी थ्हेलला म्हि गिकएनोन थग्यामसेन खजी। थे सिबा तेबान तबा म्हिदा मराङ्गी थदा ल्हानान दया रेःजी। ३४ जमाहेन्से थे सिबा तेबान तबा म्हि मुबा ग्लारी निसी थेसे थे म्हिदा पोरगदरी छुयुगुदेन अङ्गुरला निङ्गु फोर्सी क्वानगनेसे सोजी। ओच्छे थेसे थे म्हिदा हराङ्गलान गधाथोरी थान्सी म्हिगद बास चिबा पाटी गिकरी भोर्सी म्हुन गिक हराङ्गसेन थे म्हिदा सयार लजी। ३५ न्हाङ्गरदङ् निबा धुङ्गी थेसे थे पाटीला धनीदा म्हुइला डबल न्ही पिन्सी थेसे ‘ज्यना लसी चुला सयार लउ, अझ खर्च ल्हानान निसम डा दोःसी खमा हराङ्गदा पिन्ना’ भिसी भिजी।”

३६ येशूसे थदा “एला बिचारी चु म्हि सोम न्हाङ्गी खजिबा चा थे थ्हासे स्याप्पा म्हिदा खिम्जेम तजी ?” भिसी ड्याइमा, ३७ थेसे येशूदा “थे थ्हागदसे तोबा म्हिदा दया लबा म्हि” भिसी भिजी।

ओच्छे येशूसे थदा “दाहेन्से निसी एसेनोन थहरङ्गनोन लउ” भिसी सुङ्गी।

येशू मार्थादेन मरियमला दिमरी फेप्पा

३८ ओच्छे येशू हराङ्गला चेलागददेन छुयाम फेप्पान लमा नाम्सा गिकरी धोजी, थे नाम्सारी मुबा मार्था भिबा मिरङ्ग्हेमसे येशूदा हराङ्गला दिमरी ड्याइगी। ३९ थे मिरङ्ग्हेमला मरियम भिबा आडा गिक मुबा, थे चा येशूला डामरी चिसी येशूला ताम ड्यान्मुबा। ४० मार्था चा येशूदा क्योङ्गबाला लागिरी चबा स्हे स्हाबा गरी कोल्सी चिबा मुबा। ओच्छे थे येशूला डामरी खसी, “परमु, चबा स्हे स्हाबारी आडासे डादा हरो आलबा हराङ्गसे मराङ्गला आर ? हराङ्गसे डादा हरो लबारी निउ भिसी थदा सुङ्गी पिन्गो” भिसी भिजी। ४१ तर येशूसे थदा “मार्था, ए ल्हानान तामरी धन्दा सुदा जे लमुला। ४२ तर तोःबा स्हे गिक जेन मुला, थेनोन स्हे मरियमसे धम्बा मुला। थेतबासलमा थग्याम चु आब्यन” भिसी सुङ्गी।

येशूस परार्थना लवारी लोप्या

मत्ती ६ :९-१३ ; ७ :७-११

११ तिरकुनु येशूस ग्ला गिकरी परार्थना लवान मुबा। येशूस परार्थना लसी जिन्माहन्स थला चला गिकस “परभु, यूहन्नास हराडला चलागदेदा परार्थना लवारी लोप्यी पिन्बा हरड लसी डन्दाएनोन परार्थना लवारी लोप्यी पिन्बा” भिसी भिमा, २ येशूस थनीगदेदा “एनीगदेसे चुहरड लसी परार्थना लउ” भिसी सुडजी,

“परमेश्वर आबा,

हराडदा जजम्मासेन मान लगे,

ओच्छे जज्मानथोरी हराडला शासन खगे।

३ डन्स धिन धिननोन चतोःवा स्हे डन्दा धिन धिननोन पिन्गो।

४ डन्ना पाप माफ लसी पिन्गो।

तिग्दा भिसम डन्सेनोन डन्दा बिरोध लसी पाप लबागदेदा माफ लबा मुला।

ओच्छे डन्दा पापरी फसब तबा ग्यामरी भुरआपुडगो।”

५ जमाहन्स येशूस हराडला चलागदेदा दोःसी चुहरड भिसी सुडजी, “एनीगदे न्हडरी खालेला हरो गिक मुला भिसी म्हन्गो। थं म्हून गुडरी थं हरो मुबा ग्लारी निसी ‘डादा गार सोम गड भउल ज्योज्यो, ६ डाला दिमरी थारडग्याम डान्बा गिक खबा मुला। दान्द डान्द छयाम चबा स्हे तिगे आर’ भिसी भिमा, ७ थला हरोस दिम न्हडग्यामसेन ‘डा मराप दुडसी कोलागदेदेन छयाम म्हसी जिन्जी। थेतबासेलमा डादा दुख थापिन्गो। दान्द डा रःसी एदा तिगे पिन्आखम’ भिसी भिजी। ८ तर डाइ एनीगदेदा पाडला, थं हरोस थंदा हरो म्हन्सी तिगे आपिन्सेनोन थस हरीबाला हरीबान लमाहन्स थं रःसी थंदा तोःतेधोना पिन्ना।

९ “थेतबासेलमा एनीगदेसे डाला ताम ड्यान्गो, हरीसम पिन्ना, म्हाडसम स्याप्ला ओच्छे मरापरी दवक दवक लसम एनीगदेला लागिरी मराप ठोडसी पिन्ना। १० तिग्दा भिसम जुन म्हिसे हरीला थंदा पिन्ना, ओच्छे जुन म्हिसे म्हाडला थस स्याप्ला ओच्छे जुन

म्हिसे मरापरी दवाक दवाक लला थंदा मराप ठोडसी पिन्ना।

११ “ओच्छे एनीगदे न्हडरी खाल्ला आबासे चा हराडला कोलास गड हरीमा युडबा, तार्डी हरीमा पुसरी, १२ ओच्छे नागाफुम हरीमा बिच्छी पिन्ना? आपिन। १३ एनीगदे पापी तसीनोन हराडला कोलागदेदा ज्यबा स्हे पिन्बारी समुला भिसम एनीगदेला स्वर्गरी मुबा परमेश्वर आबासे थंदेन छयाम हरीबागदेदा गाते ल्हाना लसी हराडला आत्मा पिन्ना।”

येशूदेन म्हडला ग्ले बालजिबुल

मत्ती १२ :२२-२९, ४३-४५ ; मर्कस ३ :२०-२७

१४ येशूस म्हडसे स्याप्पी ताइ दोबा म्हिला ल्हुडग्याम थं ताइ दोना लबा म्हड ताप्यी। जमाहन्स थं म्हिसे ताम पाडबारी छयाइबा मराडसी थरी मुबा म्हिगदे उदक तजी। १५ तर थनीगदे न्हडरी कोइ कोइसे “चु म्हिसे मी म्हडगदेला ग्ले बालजिबुलला शक्तिग्याम जे म्हडगदे ताप्या हिन्ना” भिसी भिजी। १६ ओच्छे स्थान्दो कोइ कोइसे चा येशुला सेम च्याबाला लागिरी “डन्दा स्वर्गला चिनु गिक उन्सी पिन्गो” भिसी भिजी।

१७ तर येशूस थनीगदेला सेमला ताम था याडसी थनीगदेदा “च्यागो, जुन य्हुल्साला म्हिगदे हराड हराड न्हडरी तोबा छेबा लला, थं य्हुल्सा नाश तला, ओच्छे जुन दिमला म्हिगदे हराड हराड न्हडरीन तोबा छेबा लला, थं दिमएनोन फुप्ला।” १८ थेतबासेलमा शेतानएनोन हराड हराड न्हडरी आदिक्नी भिसम साहरड लसी थला य्हुल्सा टुला? तिग्दा भिसम एनीगदेसे डादा बालजिबुलला शक्तिग्याम म्हड ताप्या मुला भिसी भिबा मुला। १९ डाइ बालजिबुलला शक्तिग्याम म्हड ताप्युला भिसम एनीगदेला चलागदेसे चा खाल्ला शक्तिग्याम म्हड ताप्या हिन्ना? थेतबासेलमा एनीगदेला गल्ती थनीगदेसेन उन्ना। २० तर डाइ परमेश्वरला शक्तिग्याम म्हड ताप्या मुला भिसम एनीगदेला गुडरी परमेश्वरला य्हुल्सा खसी जिन्बा मुला।

२१ ओच्छे भडबा म्हिसे हतियार थोसी हराडला दिम खरुडजी भिसम थला मालसामान खालेसे भोरआखम। २२ तर थं मन्दान भडबा म्हि

३१ :२ चु पदरी गरीक बाइबलरी “हराडला छानदा मान लगे” भिसी भिबा मुला। तर मुल अर्थ चा परमेश्वरदा मान तगे भिबा हिन्ना।

सजी भिसम थंदा दासी थेंसे भर लबा जम्मान हतियारगदे ब्यन्ना, ओच्छे थला जम्मान मालसामान ब्यन्सी जम्मादान भो लसी पिन्ना। २३ जुन म्हि डादेन छ्याम आदिक, थं म्हि डाला विरोधी तला। ओच्छे जुन म्हिसे डादेन छ्याम गं आल थं म्हिसे डाला विरोधी गे तला।

डाच्छा थोन्सी निबा म्हड दो:सी समाहेन्से

मत्ती १२:४३-४५

२४ “म्हड म्हिला ल्हुङ्ग्याम थोन्सी निमाहेन्से थेंसे ब्रप्रा न्हवारी तोडतोडबा ग्तारीक्यार ग्ला म्हाइसी भरला, तर थेंसे खानडएनोन ब्रप्रा न्हवा ग्ला आयाडमाहेन्से ‘डा जुन म्हिला ल्हुङ्ग्याम थोन्सी सजी थेंनोन म्हिला ल्हुङ्गरी चिबारी निड’ भिसी दो:सी निला। २५ ओच्छे थं म्हड दो:सी समा थेंसे डाच्छा हराड चिबा ग्ला साडसाडबा मराडला। २६ जमाहेन्से थं म्हड निसी हराड भन्दा नइबा अर्गु गोर निस म्हडगदे भसी थं म्हि न्हङ्गरी वाडसी चिमुला। थतबासेलमा थं म्हिला गति डाच्छाला भन्दा लिच्छाला गति झन नइबा तला।”

सुख याड्बागदे

२७ येशूसे चु ताम सुडबान लमा म्हिला हुल न्हङ्ग्याम किरडबान मिरडम्हम गिकसे “हराडदा न्हसी ड्हं खाबा आमासे परमेश्वरग्याम मोलम याड्बा मुला,” भिसी भिजी। २८ तर येशूसे “जुन म्हिसे परमेश्वरला वचन ड्यान्सी परमेश्वरसे कुल्बा अन्धार लला, थं म्हिसे परमेश्वरग्याम झन मोलम याड्ला,” भिसी सुड्जी।

म्हिगदेसे चिनु म्हाइबा

मत्ती १२:३८-४२

२९ येशूला क्युनोन म्हिला हुल तमाहेन्से येशूसे थनीगदेवा चुहरड् भिसी सुड्जी, “एनीगदे दान्दला म्हिगदे साहरड्बा नइबा म्हि! उदेकला चिनु जे म्हाइबा। तर योना अगमवक्ताला चिनु बाहेक अर्गु चिनु आउन। ३० निनवे शहरला म्हिगदला लागिरी योना चिनु तबा हरडनोन परमेश्वरसे पुइसबा म्हि दान्दला म्हिगदला लागिरी चिनु हिन्ना।

३१ निसाफ लबा धुइरी ल्होङ्ग्याम सबा ग्लेस्यासे दान्दला म्हिगदला दोष उन्ना, तिग्दा भिसम थं सोलोमन ग्लेला ज्ञान बुद्धिला ताम ड्यान्बारी ल्हानान थारड्ग्याम सबा मुबा। तर च्यागो, चुरी सोलोमन ग्ले भन्दा घरन म्हि मुसेनोन थला ताम आड्यान्नी। ३२ निसाफ लबा धुइरी निनवे शहरला म्हिगदे र:सी दान्दला म्हिगदला दोष उन्ना। तिग्दा भिसम योना अगमवक्तासे पाड्बा ताम ड्यान्सी थनीगदेसे हराड हराडला पाप खलासी परमेश्वरपट्टि दो:बा मुबा। तर च्यागो, चुरी योना अगमवक्ता भन्दा घरन म्हि गिक मुला।

ल्हुइला नाडसल

मत्ती ५:१५; ६:२२-२३

३३ “खालेसे नाडसल मरासी फामसे घप्सी आथान, ओच्छे छुम्सीनोन आथान। बरु दिम न्हङ्गरी सबा म्हिगदेवा य्हाल तगै भिसी नोबा ग्तारी थान्ना। ३४ एला मी एला ल्हुइला लागिरी नाडसल हरडबान हिन्ना। एला मी ज्यबा मुसम एसे ज्यना लसी मराडला। तर एला मी ज्यबा आरसम एसे तिगै मराडबारी आखम ओच्छे ए धोपधोपरी भरतो:ला। ३५ थतबासेलमा ए हाशियार तड, तिग्दा भिसम एला ल्हुइरी मुबा नाडसल सिसी धोपधोप थातगे। ३६ चुदे एनीगदला ल्हुइरी तिगै धोपधोप आतना जम्मान ल्हुइ य्हाल तजी भिसम नाडसलसे एनीगदेवा य्हाल तना लबा हरडनोन एनीगदला पूरान ल्हुइ य्हाल तला।”

येशूसे फरिसीदेन यहूदी धर्मगुरुगदला दोष उन्ना

मत्ती २३:१-३६; मर्कूस १२:३८-४०

३७ येशूसे चुहरड् सुड्सी जिन्माहेन्से फरिसी गिकसे येशूदा सोल छ्याड्बारी हराडला दिमरी ड्याड्जी। जमाहेन्से येशू थला दिमरी फेप्सी सोल छ्याड्बारी धन्ड्याजी। ३८ तर येशूसे छ्या आस्याल्ला ३९ सोल्ला मराड्सी थं फरिसी उदेक तजी।

३९ थं उदेक तबा मराड्सी परमुसे थंदा चुहरड् भिसी सुड्जी, “एनी फरिसीगदेसे खारदेन खार्बाला पाखापट्टि म्याप्सी चाखो स्होबा हरड लसी एनीगदेनोन म्हिदा उन्बारी चाखो दोबा स्होमुला। तर एनीगदेला सेम लोभदेन नइबा तामसे प्लिड्बा तमुला। ४० एनीगदे साहरड्बा

१११:३८ यहूदीला ठिम अन्धार या आखरुना चबा म्हिदा परमेश्वरला डाच्छा अशुद्ध भिसी म्हन्मुबा।

मूर्ख म्हि, जुनसे पाखापट्टि स्होजी, थेसेन न्हडपट्टिनोन स्होबा आहिन? ४१ एनीगदेदेन छयाम मुबा स्हगदे पराडबागदेदा पिन्ना। जमाहेन्से एनीगदला लागिरी जम्मान स्हे चोखा तला। ४२ परमेश्वरग्याम सजाय याडतो:बा फरिसीगदे, एनीगदेसे परमेश्वरदा बाबरीदेन जिरा ओच्छे अर्गु मसलाला दोडला भो च्युइला भो गिक मी पिन्मुला, तर एनीगदेसे म्हिगदेदा ठीक निसाफदेन परमेश्वरदा लतो:बा मायाला भिसम तिगे वास्ता आलमुला। तर एनीगदेसे चु गे न्हीनोन लतो:बा मुबा। ४३ परमेश्वरग्याम सजाय याडबा फरिसीगदे, एनीगदेसे यहूदीगदे हरुप तबा दिमला मुल ठिरी चिबारीदेन बजाररी स्थान्दो म्हिगदेसे मान लगै भिसी सेम लमुला। ४४ परमेश्वरग्याम सजाय याडतो:बागदे, एनीगदे म्हिगदेसे आमराडबा धुर्सा हरडबान हिन्ना। थेतबासेलमा म्हिगदेसे था आयाडना चुहरडबा धुर्साथोरी भरमुला।”

४५ ओच्छे यहूदी धर्मगुरुगदे न्हडला गिकसे यशूदा “गुरु हराडसे चुहरड सुडसी डन्नाएनोन बेडज्जत लबा मुला” भिसी भिसा, ४६ यशूस चुहरड भिसी सुडजी, “एनी धर्मगुरुगदेएनोन परमेश्वरग्याम सजाय याडतो:बा म्हिगदे हिन्ना। तिग्दा भिसम एनीगदेसे म्हिगदेदा पुइनोन आखम्बा धोइ काष्वा मुला। तर एनीगदेसे चा या जुम्बासेनोन आथुर्मुला।

४७ “परमेश्वरग्याम सजाय याडतो:बा म्हिगदे, एनीगदेसे हराडला आखे म्हेमगदेसे साइबा अगमवक्तागदेला धुर्सा स्होबा मुला। ४८ तर एनीगदेला आखे म्हेमसे तिग लमुबा थे एनीगदेला गग्यामसेन उन्बा मुला। ओच्छे थेन्ना गदेन एनीगदेला गे दिक्वा मुला। तिग्दा भिसम थेनीगदेसे अगमवक्तागदेदा साइजी, ओच्छे एनीगदेसे चा म्हिदा उन्बाला लागिरी अगमवक्तागदेला धुर्सा स्होबा मुला। ४९ थेतबासेलमा परमेश्वरसे हराडला ज्ञान बुद्धिग्याम चुहरड भिसी सुडबा मुला, ‘डाइ थेनीगदे मुबा ग्लारी अगमवक्तादेन मुल चेला पुइखला थेनीगदेसे कोइदा साइला कोइदा ल्हानान दुख पिन्ना।’ ५० थेतबासेलमा जम्बुलिङ छयामाहेन्से दान्देधोना साइबा अगमवक्तागदेला सजाय दान्देला म्हिगदेसे याडला। ५१ ओच्छे हाबिलहेन्से परमेश्वरला मन्दिर न्हडला चोखा ग्लादेन धूप मराबा

ग्लाला गुडरी साइबा जकरियाधोनाला सजाय दान्दला म्हिगदला थोबारी खला। ५२ “परमेश्वरग्याम सजाय याडतो:बा यहूदी धर्मगुरुगदे, एनीगदेदेन छयाम परमेश्वरला ज्ञान, बुद्धिला मराप ठोडबा साँचो मुला। तसेनोन एनीगदे न्हडरी आवाडनी ओच्छे न्हडरी वाडबारी म्हाइबा म्हिगदेदाएनोन वाडआपुडनी।”

५३ यशू थग्याम थोन्सी फेबारी छयाइमा यहूदी धर्मगुरुगदेदेन फरिसीगदेसे यशूदा ल्हानान बिराध लसी ल्हानान तामगदे डयोइबारी छयाइजी। ५४ यशूस जोहाब पिन्ना खानडे गल्ती स्याप्ला वा भिसी थेनीगदेसे दाउ च्यासी चिजी।

चेलागदेदा होशियार तना लबा

मती १० :२६-३३

१२ थे धुइरी थेरी ज्यासीन ज्याबारी आखम्बाधोनाला म्हिगदे पोप तबासे लमा गिकसे गिकदा नाडबारी छयाइजी, ओच्छे जम्मान मन्दा डाच्छा यशूस हराडला चेलागदेदा चुहरड भिसी सुडबारी छयाइजी, “एनीगदे फरिसीगदेला खमीरग्याम जोगब तसी चिउ। थे खमीर चा थेनीगदेसे म्हेन्बा कप्टी ताम हिन्ना। १ घर्सी आमराडबा स्हे तिगे आर, ओच्छे छुम्सी था आयाडबा स्हे तिगे आर। २ थेतबासेलमा जुन ताम एनीगदेसे धोपधोपरी पाडला थे ताम य्हाल तमा थे:ला। ओच्छे दिम न्हडरी सा ताम लसी पाडबा ताम दिमला धुरीग्याम थे:ना लला।

साल मराडसी लोडतो:बा ?

मती १० :२८-३३ ; १२ :३२

४ यशूस दो:सी चुहरड भिसी सुडजी, “डाला हरोगदे ड्यान्गो, एनीगदे हराडदा साइबा म्हि मराडसी थालोडगो। तिग्दा भिसम थेसे एनीगदेला ल्हुइदा जे साइला, तर आत्मादा चा साइबारी आखम। ५ तर एनीगदे साल्देन छयाम लोडतो:ला थे ताम ड्यान्गो, जुनदेन छयाम एनीगदेदा साइसी नर्गरी म्याडबा शक्ति मुला, थे मराडसी जे लोडगो। ६ तिग डबल न्हीरी च्युर्गन डा ग्लुबारी आखम? सन्ता। तसेनोन थे न्हडला गिकदाएनोन परमेश्वरसे आम्ले:। ७ ओच्छे एनीगदेला थोबोला कराएनोन

परमेश्वरसे झ्यासी जिन्वा मुला। थतबासेलमा एनीगदे थालोडगो। तिगदा भिसम थ ल्हानान च्युर्गनगदे भन्दा मी एनीगदे ल्हानान धरन मुला।

सहान्दोगदेदा खरीष्टला बोरी पाडबा

मत्ती १० :३२-३३

८ “डाला ताम झ्यान्गो, जुन म्हिसे डादा म्हिला ओन्छाडरी समहन्स परमु भिसी पाडला, परमेश्वरसे पुइखबा म्हिसेनान थदा परमेश्वरला दूतगदेला ओन्छाडरी चु हराडलान हिन्ना भिसी पाडला। ९ तर जुन म्हिसे म्हिगदेला ओन्छाडरी डादा डाइ थदा डोसेबा ओर भिसी भिला, डाइएनोन परमेश्वरला दूतगदेला ओन्छाडरी थदा सेवान ओर भिसी पाडला। १० च्यागो, जुन म्हिसे परमेश्वरसे पुइखबा म्हिला बिरोधरी ताम लला, थसे माफ याडला। तर परमेश्वरला आत्माला बिरोधरी ताम लबा म्हिसे साइमै माफ आयाड। ११

“म्हिगदेसे एनीगदेदा चुडसी यहूदीगदे हरूप तबा दिमला नेतादेन शासन लबा म्हिगदे ओच्छे न्यायाधीश मुबा ग्लारी बोर्बा धुइरी साहरड लसी जोहाब पिन्वा भिसी एनीगदेसे धन्दा सुर्दा थालउ। १२ तिगदा भिसम थ धुइरी साहरड लसी जोहाब पिन्तोःला भिसी एनीगदेदा परमेश्वरला आत्मासेन लोपता।”

मूर्स फ्युकपो म्हिला उखान

१३ म्हिला हुल न्हडग्याम म्हि गिकसे येशूदा “गुरु, डाला ज्योज्योदा अंश भो लसी पिन्गो भिसी सुडसी पिन्गो” भिसी भिमा, १४ येशूस थदा “एनीगदेला निसाफ लबादेन अंश भो लसी पिन्वारी डादा खात्से अधिकार पिन्वा मुला” भिसी सुडजी। १५ ओच्छे येशूस थनीगदेदा “एनीगदे हाशियार तसी लोभग्याम जोगब तसी चिउ। तिगदा भिसम म्हिदेन छुयाम जतिन धन सम्पत्ति मुसेनोन थसे म्हिदा सत्यला जुनी आपिन” भिसी सुडबान, १६ थनीगदेदा उखान गिक सुडजी, “गला गिकरी फ्युकपो म्हि गिक मुबा, थला बुरी ल्हानान बाली रोजी। १७ थ फ्युकपो म्हिस सम समरी चुहरड भिजी, ‘डादेन छुयाम बाली थान्वा गला ओर, डाइ तिग लसे?’ १८ ओच्छे थसे चुहरड भिजी,

‘दाहन्से डाइ चुहरड लला, जम्मान दुकुटीगदे फुप्सी धरन धरन स्हाला, ओच्छे जम्मान बालीदेन मालसामान थरीन थान्ना। १९ ओच्छे थसे हराडला सम न्हड न्हडरी चुहरड भिसी भिजी, ‘डाइ ल्हानान दिडधानादा छुयाबा बाली पोप लबा मुला। थतबासेलमा डा सुख शान्तिरी चबा थुडबादेन मोजमजा लसी चिला।”

२० “तर परमेश्वरसे थदा भूस, तिनी म्हनडनोन एला प्राण डाइ किन्ना, एस पोप लसी थान्वा धन सम्पत्ति खात्से चला?’ भिसी सुडजी।”

२१ चु उखान सुडसी जिन्माहन्से येशूस “हराडला लागिरी धन सम्पत्ति पोप लबा म्हिला गति चुहरडबान तला। परमेश्वरसे चुहरडबा म्हिगदेदा फ्युकपो आम्हन्मुला” भिसी सुडजी।

धन्दा सुर्दा थालउ

मत्ती ६ :२५-३४

२२ जमाहन्से येशूस हराडला चेलागदेदा चुहरड भिसी सुडजी, “थतबासेलमा एनीगदेसे डाला ताम झ्यान्गो, सोबाला लागिरी तिग चसे, तिग क्वान्से भिसी धन्दा सुर्दा थालउ।” २३ तिगदा भिसम चबा थुडबादेन क्वान्वा भन्दा एनीगदेला प्राणदेन ल्हुइ धरन हिन्ना। २४ एनीगदेसे कावागदेदा च्यागो! थनीगदेसे न्ह कमाइ लला, न्ह बाली धुइला, न्ह थनीगदेला दुकुटीन मुला। तसेनोन परमेश्वरसे थनीगदेदा चबा स्हे पिन्वान मुला। एनीगदे मी चरागदे भन्दा ल्हानान धरन मुला। २५ एनीगदे न्हडरी खात्से धन्दा सुर्दा लसी छिन्नडला लागिरी आयू काप्सम्ता? २६ चुदे जजा गे मी लआखम्मुला भिसम तिगदा एनीगदे अर्गु तामला धन्दा सुर्दा लबा?

२७ “एनीगदेसे म्हन्दोदा च्यागो, थनीगदेसे न्ह गे लला, न्ह क्वान रला। तर च्यागो, सोलोमन गलेदेन छुयाम ल्हानान धन सम्पत्ति मुसेनोन थ म्हन्दो तेएनोन जेबा ओरमुबा। २८ तिनी ल्हबान निसी न्हडगर खर्माहन्से मेरी फर्बा छेदा मी परमेश्वरसे चुहरड लसी जेना लमुला भिसम झन एनीगदेदा परमेश्वरसे गाते जेना लला? खाइ एनीगदेला विश्वास? २९ थतबासेलमा एनीगदेसे तिग चबा, तिग थुडबा भिसी धन्दा सुर्दा लसी म्हाइसी थामरउ।

१२ :१० मत्ती १२ :३२ ; मर्कु ३ :२९ १२ :११ मत्ती १० :१९-२० ; मर्कु १३ :११ ; लूका २१ :१४-१५

१२ :२७ १ राजा १० :४-७ ; २ इति ९ :३-६

३० तिग्दा भिसम परमेश्वरदा डोआसेबा जम्बुलिङ्गला म्हिगदेसे चा चुहरङ्ग लसी धन्दा सुर्दा लमुला। तर एनीगदेदा चु जम्मान स्हे तोःला भिसी परमेश्वर आबादा था मुला। ३१ थेतबासेलमा डाच्छा परमेश्वरला य्हुत्सा म्हाङ्गो। जमाहन्स परमेश्वरस एनीगदेदा चु जम्मान स्हे पिन्ना।”

हराङ्गला लागिरी स्वर्गरी
धन सम्पत्ति सोसी थान्गो

मत्ती ६ :११-११

३२ दोःसी येशूस चुहरङ्ग भिसी सुङ्गी, “डाला कोलागदे, एनीगदे थालोङ्गो! तिग्दा भिसम एनीगदेला परमेश्वर आबा ल्हानान ताङ्गी एनीगदेदा थस हराङ्गला य्हुत्सा पिन्बारी छ्याङ्गवा मुला। ३३ थेतबासेलमा एनीगदेसे हराङ्गदेन छ्याम मुबा धन सम्पत्ति चूङ्गी सबा टाङ्गगा पराङ्गबागदेदा भो लसी पिन्गो। ओच्छे खाइमे आन्होङ्गवा ढुकुटी स्होसी हराङ्गला लागिरी स्वर्गरी धन सम्पत्ति सोसी थान्गो। थरी य्होएनोन आख, बुलुङ्गसेनोन आच। ३४ तिग्दा भिसम जुन ग्लारी एनीगदेला धन सम्पत्ति मुला, एनीगदेला सेमएनोन थरीन तला।”

छोर्सी चिउ

मत्ती २४ :४२-५१; मर्कूस १३ :३२-३७

३५ दोःसी येशूस थनीगदेदा चुहरङ्ग भिसी सुङ्गी, “एनीगदे हराङ्गला क्वान क्वान्सी नाङ्गसल मरासी तयार लसी चिउ। ३६ ओच्छे एनीगदे ब्याहला भोजरी निसी सबा मालिकदा मरान्सी चिबा नोकर हरङ्गबान तउ। तिग्दा भिसम मालिक ससी मराप ढवक ढवक लमेछ्याम थनीगदेसे हराङ्गला मालिकदा मराप टोङ्गी पिन्मुला। ३७ च्यागो, थ नोकरगदे गाते ताङ्गम्याङ्गला, हराङ्गला मालिक सबा धुङ्गी थनीगदेदा छोर्सी चिबा मराङ्गी। थेतबासेलमा थस केः सीसी हराङ्गला नोकरगदेदा चबा स्हे पिन्ना। ३८ थ नोकरगदे गाते ताङ्गम्याङ्गला, मालिक म्हुन गुङ्गी अथवा स्हो तबा धुङ्गी ससेनोन हराङ्गला नोकरगदे छोर्सी चिबा मराङ्गी। ३९ तर एनीगदेसे चु तामएनोन था याङ्गो, दिमला म्हिसे य्हो सबा धुङ्ग था याङ्गसम थसे हराङ्गला दिम न्हङ्गी य्हो

वाङ्गआपुङ्ग। ४० थहरङ्ग लसीन एनीगदेएनोन होशियार तसी छोर्सी चिउ। तिग्दा भिसम परमेश्वरसे पुङ्गसबा म्हिएनोन एनीगदेसे आम्हन्बा धुङ्गी सला।

ज्यबा गे लबा नोकरदेन आज्यबा गे लबा नोकर

मत्ती २४ :४५-५१

४१ जमाहन्स पतरुससे येशूदा “परभु, चु उखान डन्ना लागिरी जे सुङ्गबा कि स्थान्दो म्हिगदेला लागिरीनोन सुङ्गबा हिन्ना?” भिसी ड्याइमा, ४२ परभुसे थदा चुहरङ्ग भिसी सुङ्गी, “दिमरी गे लबा बुद्धि मुबादेन भर्तुप्पा म्हि खाल हिन्ना? मालिकसे दिमला स्थान्दो नोकरगदेदा ठीक ठीक धुङ्गी चबा थुङ्गबा ढिवना लसी पिन्बारी जिम्मा पिन्थान्गी।” ४३ मालिक दोःसी सबा धुङ्गीनोन थसे मालिकसे कुल्सी थान्बा हरङ्ग लसी गे लबा मराङ्गी भिसम इनाम याङ्गबा नोकर थेनोन हिन्ना। ४४ च्यागो, एनीगदेसे डाला ताम ड्यान्गो, मालिकसे थहरङ्गबा नोकरदा हराङ्गला जम्मान धन सम्पत्ति जिम्मा पिन्ना। ४५ तर थ आज्यबा नोकरसे ‘डाला मालिक योनान आख’ भिसी म्हन्सी, ड्य्होङ्गबा म्हिगदेदेन छ्याम चिसी चबा थुङ्गबा लसी हराङ्गदेन छ्यामनोन गे लबा नोकरगदेदा तोबा ग्याङ्गबा लजी भिसम, ४६ थला मालिक थसे आम्हन्बा धिनदेन धुङ्गी धोखसी मालिकसे थदा ल्हानान सजाय पिन्ना। ओच्छे थदा परमेश्वरदा विश्वास आलबा म्हिगदे मुबा ग्लारी म्याङ्गला।

४७ “हराङ्गला दिमला मालिकला सेमला ताम था याङ्गीनोन सेम निबा गे आलबा नोकरसे तोबा चला। ४८ तर हराङ्गला मालिकला सेमला ताम था आयाङ्गना तोबा चबा साल्ला गे लसेनोन थ नोकरदा ल्हाना आतोः। ओच्छे जुन म्हिदा ल्हाना पिन्बा मुला थसेनोन ल्हानान पिन्तोःला। थहरङ्ग लसीन जुन म्हिदा ल्हानान जिम्मा पिन्बा मुला थेदेन छ्याम ल्हानान किन्ना।

थेम न्हङ्गी विरोध लबा

मत्ती १० :३४-३६

४९ “च्यागो, डा जम्बुलिङ्गी मे सल्कब लबारी सबा हिन्ना। बरु डाच्छान सल्कब तबा हिन्से तसेला मुबा। ५० डाइ दुसला बप्तिस्मा

किन्तोःवा मुला, थे बप्तिस्मा आकिन्तेधोना
डादा शान्ति आत। २१ तिग एनीगदसे डा
जम्बुलिङ्गरी म्हिगददेदा दिक्ना लबारी खबा
मिसी म्हन्बा? आहिन्, डा मी एनीगददेदा फेना
लबारी खबा हिन्ना। २२ दाहन्से गोर डा म्हेला
थेम हराङ् हराङ् न्हङ्गरी फेला। ओच्छ् न्हीला
बिरोधरी सोम, सोमला बिरोधरी न्ही रःला।
२३ थहरङ् लसीन आबाला बिरोधरी झा, झाला
बिरोधरी आबा, आमाला बिरोधरी झाम, झामेला
बिरोधरी आमा ओच्छ् स्युमीला बिरोधरी चाङ्,
चाङ्गला बिरोधरी स्युमी रःला।” ११

धुइ च्यासी भरतोःवा

मत्ती १६:२-३; ५:२५-२६

२४ जमाहेन्से म्हेला हुलदाएनोन येशूस
चुहरङ् मिसी सुङ्गी, “जम्बुलिङ्गला न्हुपग्याम
खसु थोन्माहेन्से ‘दाहन्से नाम खला’ मिसी
एनीगदसे भिमुला, ओच्छ् थहरङ्गोन तमुला।
२५ थहरङ् लसीन जम्बुलिङ्गला ल्होपट्टिस
लाबा खबारी छ्याइमाहेन्से ‘दाहन्से छ्प्रा
छला’ मिसी एनीगदसे भिमुला, ओच्छ्
थहरङ्गोन तमुला। २६ कर्टीगद, एनीगदसे
सदेन मुरी च्यासी तिग तबारी छ्याइबा मुला
मिबा ताम चा था याङ्मुला। तर दान्दे तिग
तबारी छ्याइबा मुला मिबा ताम चा तिगदा था
आयाङ्बा?”

२७ “डाइ लबा गे ठीक मुला कि आर” मिसी
एनीगदसे तिगदा पक्का आलबा? २८ खालेस
एदा मुद्दा युसी न्यायाधीश मुबा ग्लारी
भोर्जी भिसम, थे म्हेदन छ्याम ग्यामरीन
दिक्गो। आहिन्सम थस एदा न्यायाधीशला
डाच्छ्पट्टि राप्पुङ्गला। ओच्छ् न्यायाधीशसे
सिपाहीगददेला यारी जिम्मा पिन्ना। जमाहेन्से
सिपाहीगदसे भोर्सी झ्याल्खानरी झाङ्गला।
२९ एसे डाला ताम ड्यान्गो, एसे जम्मान
टाङ्गा आफातेधोना थग्याम थोन्बारी
आस्याङ्।”

पाप ख्लासी परमेश्वरपट्टि दोःवा

१३ थेनोन धुइरी थरी मुबा कोइ कोइ
म्हिगदसे येशूदा चुहरङ् मिसी पाङ्गी।
गालीलला म्हिगदसे परमेश्वरदा बलि फुल्बान

लमा पितातसे मिबा रोमी अञ्जलाधीशसे
थेनीगददान साङ्गी। ओच्छ् थेनीगददेला
काएनोन पशुला कादन छ्याम दोङ्गी।
२ जमाहेन्से येशूस थेनीगददेदा चुहरङ् मिसी
जोहाब पिन्गी, “थे गालीलला म्हिगदसे चुहरङ्
लसी दुख नाजी भिदमा एनीगदसे चु गालीलला
म्हिगददेदा स्थान्दोगद भन्दा ल्हानान पापी
मुला मिसी म्हन्बा? ३ आहिन्, एनीगदसे
डाला ताम ड्यान्गो, तिगदा भिसम एनीगदसे
हराङ् हराङ्गला पाप ख्लासी परमेश्वरपट्टि
आदाःनी भिसम एनीगदेएनोन थहरङ् लसीन
नाश तला। ४ थहरङ् लसीन सिलोआम मिबा
गलाला धरहरा गुर्सी सिबा च्युक भरः म्हिगदे
तिग यरुशल्लेमला स्थान्दो म्हिगदे भन्दा
पापी मुबा मिसी म्हन्बा? ५ आहिन्, डाला
ताम ड्यान्गो, तिगदा भिसम एनीगदसे हराङ्
हराङ्गला पाप ख्लासी परमेश्वरपट्टि आदाःनी
भिसम एनीगदेएनोन थहरङ् लसीन नाश तला।”

तिगे आरोबा दोङ्गला उखान

६ जमाहेन्से येशूस थेनीगददेदा उखान गिक
सुङ्गी, “म्हे गिकसे वारीरी अञ्जीरला दोङ्
सुबा मुबा। थे म्हेसे थे अञ्जीरला दोङ्गरी
अञ्जीर रोजी वा मिसी च्याबारी खमा तिगे
आस्यान्नी। ७ थेतबासतमा थस हराङ्गला वारीरी
गे लबा म्हेदा ‘डाइ अञ्जीर रोला वा मिसी
च्याबा सोम दिङ् तजी, तर दान्दधोना आरोनी।
दाहन्से चुदा थारी म्याङ्गो’ मिसी भिमा, ८ थे
गे लबा म्हेसे ‘अङ्ग तिदिङ् भरान्गो, डाइ चु
दोङ्गला क्यारक्युर ख्वसी सार युला। ९ ओते
लसीनोन आरोनी भिसम हराङ्गसे चु दोङ् थारी
म्याङ्खमला’ मिसी भिजी।”

येशूस कुबरे तबा मिरडम्हेमेदा खम्ना लबा

१० येशूस ब्रन्बा न्हबा धिनकुनु ११ यहूदीगदे
हरूप तबा दिमरी लोप्बान मुबा। १२ थरी म्हेङ्से
स्याप्सी कुबरे तबा मिरडम्हेमे गिक मुबा।
थे खाइमे सिधा तसी भरबारी आखमुबा।
थे थहरङ् तबा च्युक भरः दिङ् तबा मुबा।
१३ येशूस थे मिरडम्हेमेदा मराङ्सी हराङ्गला
डामरी ड्याइसी, “दाहन्से ए खम्नी” मिसी
सुङ्गी। १४ ओच्छ् थथारी येशूस हराङ्गला छ्या

१३:१० “ब्रन्बा न्हबा धिन” चा यहूदीगदसे परमेश्वरला लागिरी फेसी थान्बा धिन हिन्ना।

१२:२० मर्क १०:३८ ११:२३ मीका ७:६

थान्मैछ्याम थं कुबरे तबा मिरडम्हमे खम्जी। जमाहेन्स थं मिरडम्हमेस परमेश्वरला जयजयकार लबारी छ्याइजी।

१४ येशूस थं मिरडम्हमेदा ब्रतप्या न्हवा धिनकुनु खम्ना लबा मराड्सी यहूदीगदे हरुप तबा दिमला नेता बामो खसी, “मिहगदेदा गे लबा धिन साता गिकरी दुर मुनोन मुला। थतबासलमा चु दुरे न्हडरी खसी खम्ना लउ, ब्रतप्या न्हवा धिनकुनु आहिन” भिसी भिजी।^१

१५ परमुस थदा चुहरड् भिसी सुड्जी, “कप्टी, तिग एनीगदेस ब्रतप्या न्हवा धिनकुनु म्हे मुइदेन गधादा पुइसी क्युइ खाबारी आभोमुला? १६ चु अबराहामला सन्तानदा च्युक मरः दिडधाना शैतानस आख्ताबा मुबा भिसम, तिनी ब्रतप्या न्हवा धिनकुनुएनोन खम्ना लतोःबा आहिन?” १७ येशूस चुहरड् लसी जोहाव पिन्बा मराड्सी, येशूला विरोधीगदे पेःजी। तर थरी मुबा मिहगदे चा येशूस लबा उदेकला गे मराड्सी ताड्जी।

पच्छे ब्रुदेन खमीरला उखान

मत्ती १३ :३१-३३ ; मर्कूस ४ :३०-३२

१८ जमाहेन्स येशूस थनीगदेदा “परमेश्वरला यहूत्सादा डाइ तिगदेन छ्याम दाँजब लसे? परमेश्वरला यहूत्सा खाहरड्बा मुला भिसम, १९ चु चा पच्छे दापला ब्रु गिक हरड्बान हिन्ना। खाले मिहस ध्रुयानरी दवमाहेन्स थं दाप फुइसी ल्हबान निमुला। जमाहेन्स थं पच्छे दापला दोडला हाँगारी चरागदेस जड् स्हासी चिला” भिसी सुड्जी।

२० दोःसी येशूस थनीगदेदा चुहरड् भिसी सुड्जी, “परमेश्वरला यहूत्सादा डाइ तिगदेन छ्याम दाँजब लसे? २१ चु मी गेडरी युबा खमीर हरड्बान हिन्ना। थं खमीर मिरडम्हमे गिकसे फाम सोम बरारी युसी ज्योप्ला। ओच्छे थं बरा आभोतेधोना थस घप्सी थान्ना।”

साडरो मराप

मत्ती ७ :१३-१४, २१-२३ ; ८ :११-१२

२२ जमाहेन्से येशू शहर शहरदेन नाम्सा नाम्सारी फप्सी मिहगदेदा लोप्वान यरूशलेमरी फप्जी। २३ थनोन धुइरी मिह

गिकसे, “परमु, तिग थार्वा याड्बा मिहगदे ल्हाना आर?” भिसी येशूदा ड्योइमा, २४ येशूस थरी मुबा मिहगदेदा चुहरड् भिसी सुड्जी, “च्यागो, साडरो मरापग्याम वाड्बारी भड् लउ। तिगदा भिसम ल्हानान मिहगदे वाड्बारी म्हाइमुला, तसेनोन वाड्बारी आखम्मुला। २५ दिमला मालिक रेःसी मराप दुड्सी जिन्माहेन्स एनीगदेस मड्ग्यारग्याम दवक दवक लसी ‘गुरु, डन्दा मराप ठोड्सी पिन्गो’ भिसी भिमा, थस एनीगदेदा ‘एनीगदे खाल हिन्ना? ओच्छे खानड्ग्याम खबा? डाइ एनीगदेदा डोसबा आर’ भिसी भिला। २६ एनीगदेस ‘हराड् डन्देन छ्यामनोन सोल्बा छ्याइबा लबा मुबा। ओच्छे डन्ना नाम्सारीक्यार हराड्से लोप्वान मुबा’ भिसी भिमा, २७ थसे एनीगदेदा ‘एनीगदे खाल हिन्ना? डाइ डोआसनी। थतबासलमा पाप गे लबागदे, एनीगदे डा मुबा ग्लाग्याम निउ’ भिसी भिला। २८ ओच्छे एनीगदेस अबराहाम, इसहाक, याकूबदेन जम्मान अगमवक्तागदेदा परमेश्वरला यहूत्सारी मराड्मा, हराड्दा चा मड्ग्यार भ्याड्मा कराबा किरड्बा लसी स्वा करला। २९ स्यार, ल्हो, न्हप, झ्याड् जम्मान ग्लाग्यामसे मिहगदे खसी परमेश्वरला यहूत्सारी थदेन छ्यामनोन चबा थुड्बा लबारी चिला। ३० तर च्यागो, दान्दे लिच्छा मुबागदे डाच्छा तला, ओच्छे दान्दे डाच्छा मुबागदे लिच्छा तला।”^२

यरूशलेमदा मराड्सी येशूदा दुस डहम्बा

मत्ती २३ :३७-३९

३१ थनोन धुइरी कोइ कोइ फरिसीगदे येशू मुबा ग्लारी खसी, “हराड् चुग्याम थान्सी फप्पो। तिगदा भिसम हराड्दा हरोदसे साड्बारी छ्याइबा मुला” भिसी भिमा, ३२ येशूस थनीगदेदा चुहरड् भिसी सुड्जी, “एनीगदे निसी थं ल्हुन्दी हरड्बा छट्टदुदा चुहरड् भिउ, ‘तिनीदेन न्हडगर डाइ म्हाड्गदे ताप्यादेन आखम्बागदेदा खम्ना लबा गे लला, ओच्छे रनी डाला गे जिन्ना।’ ३३ ओच्छे तिनी, न्हडगर, रनीकुनुधोनारी डा यरूशलेम शहररी धोनोन

१३ :१४ परस्था २० :९-१० ; व्यव ५ :१३-१४ १३ :२७ मजन ६ :८

१३ :२८ मत्ती २२ :१३ ; २५ :३० १३ :२९ मत्ती ८ :११-१२

१३ :३० मत्ती १९ :३० ; २० :१६ ; मर्कू १० :३१

तो:ला। तिग्दा भिसम यरूशलेम शहररी बाहेक अर्गु ग्लारी अगमवक्तादा आसाइ !

यरूशलेमला म्हिगदे
मराड्सी येशूदा दुस इहम्बा

मती २३ :३७-३९

३४ “यरूशलेमला म्हिगदे, एनीगदेस अगमवक्तागदेदा साइला ओच्छे, परमश्वरस एनीगदे मुबा ग्लारी पुइखबागदेदा युडबास तोला। डाइ एनीगदेला कोलागदेदा नागा मामास हराडला कोलागदेदा म्याप्स घण्वा हरड लसी पोप लबारी म्हाइमा एनीगदेस आड्यान्नी। ३५ दाहन्स परमश्वरस एनीगदेला दिम ख्ताला। च्यागो, डाला ताम ड्यान्गो, एनीगदेस ‘परमपरमुला मिनरी फप्सबादा मोलम याडबा म्हि’ भिसी आभितेधोना डादा आमराड्।”^e

फरिसी गिकला दिमरी येशू फण्वा

१ येशू ब्रण्वा न्हा घिनकुनु
१४ फरिसीगदेला नेता गिकला दिमरी सोल छुयोइबारी फण्जी। थरी मुबा फरिसीगदेस येशूला चिवा लसी चिमुबा। २ थरी टाडबा बेथास स्याण्वा म्हि गिक येशूला डाच्छापट्टि मुबा। ३ येशूस यहूदी धर्मगुरुगदेदेन फरिसीगदेदा “ब्रण्वा न्हा घिनकुनु आसम्बा म्हिदा खम्ना लबारी तला कि आत ?” भिसी ड्याइमा, ४ थनीगदे कुटिसी चिजी। ओच्छे येशूस थ आसम्बा म्हिदा हराडला यास थुर्सी खम्ना लमाहन्स “दिमरी निउ” भिसी सुड्जी।

५ जमाहन्स येशूस थनीगदेदा “ब्रण्वा न्हा घिनकुनु एनीगदेला कोलागदे अथवा ग्लाप इनार न्हडरी ताडजी भिसम तिग एनीगदेस तुरुन्तन आत:ना चिला ?” भिसी सुड्मा, ६ थनीगदेस तिगे पाड्बारी आसम्नी।

हराडस हराडदान घरन थास्होउ

७ थरी चबा थुडबारी सबा म्हिगदेस मुल ठिगदे धम्सी चिबारी म्हाइबा मराड्सी येशूस थनीगदेदा उखान गिक सुड्जी, ८ “खालेस एनीगदेदा ब्याहरी निम्तो पिन्जी भिसम मुल ठिरी चिबारी थाम्हाइगो। तिग्दा भिसम थरी एनीगदे भन्दा घरन म्हिदाएनोन निम्तो पिन्वा

मुला तला। ९ एदेन थदा निम्तो पिन्वा म्हि खसी ‘चु ग्लारी थदा चिपुड्गो’ भिसी एदा चिबा ग्लाग्याम रे:पुडला। जमा ए पे:सी जम्मान भन्दा धिरी चितो:ला। १० थतबासलमा एस निम्तो याडबा धुडरी निसी जम्मान भन्दा धिला ग्लारी चिउ। जमाहन्स एदा निम्तो पिन्वा म्हि खसी ‘तोर धन्च्छुयागो’ भिसी मुल ठिरी चिपुडला। ११ थुडरी एदेन छुयाम चबा थुडबारी चिबागदेला ओन्च्छाडरी एस मान याडला। १२ तिग्दा भिसम जुन म्हिस हराडस हराडदान घरन स्होला थदा जम्मान भन्दा जजा स्होला ओच्छे जुन म्हिस हराडस हराडदान जजा स्होला थदा जम्मान भन्दा घरन स्होला।”^h

१२ येशूस हराडदा निम्तो पिन्वा म्हिदाएनोन चुहरड् भिसी सुड्जी, “एस चबा थुडबारी हरागदे, हराडला ज्योज्यो आलेगदे, हराडला म्हिगदेदेन फ्युक्पो सिम्जेमगदेदा जे थाड्याइगो। तिग्दा भिसम थनीगदेसोन एस हरड लसीन निम्तो पिन्सी एला गुण फाला। १३ थतबासलमा एस पराडबोगदे, कुज्यागदेदेन मी आमराडबा म्हिगदेदाएनोन ड्योइगो। १४ थहरड लजी भिसम एस मोलम याडला। तिग्दा भिसम थनीगदेस एस लबा गुण फाबारी आसम्से परमश्वरस म्हन्वा अन्धारला गे लबा म्हिगदे सिबाग्याम सोबा धुडरी परमश्वरसन एस लबा गुण फाला।”

भोजला उखान

मती २२ :१-१४

१५ येशूला ताम थे:सी येशूदेन छुयाम चबा थुडबा लबा म्हिगदे न्हडला गिकसे “परमश्वरला म्हुत्सारी चबा थुडबा लम्याड्बागदे गात ताडम्याडला” भिसी भिजी। १६ जमाहन्स येशूस थदा उखानग्याम चुहरड् भिसी सुड्जी, “म्हि गिकसे घरन भोज पिन्बारी ल्हानान म्हिगदेदा निम्तो पिन्जी। १७ भोज ठीक लसी जिन्माहन्स हराडस निम्तो पिन्वा म्हिगदेदा जम्मान ठीक तजी भिसी ड्योइबारी हराडला नोकरदा पुड्जी। १८ तर निम्तो याडबा जम्मान म्हिगदेस निउ गिक गिक लसी चुहरड् भिबारी छुयाइजी, ‘गिकसे चा डाइ बु ग्लुबा मुला थे च्याबारी नितो:ला। थतबासलमा डादा माफ लउ, डा सआम्याड्’

७३ :३५ मजन ११८ :२६ ; यर्मि २२ :५

१४ :५ मती १२ :११

१४ :१० हितो २५ :६-७

१४ :११ मती २३ :३२ ; लूका १८ :१४

मिसी भिजी। १९ ओच्छे स्थान्दोसे चा 'डाइ हल डा ग्लाप ग्लुवा मुला, तिनीन थं ग्लाप च्याबारी नितोःवा मुला। थंतबासलमा डादा माफ लउ, डा खआम्याड' भिसी भिजी। २० थहरड लसीन स्थान्दोसिनोन 'डाइ भर्सेर जे व्याह लबा मुला, थंतबासलमा डा खआम्याड' भिसी भिजी। २१ नोकरसे चु ताम हराडला मालिकदा पाड्माहन्स दिमला मालिक बोमा खसी 'ए शहरला ग्यामदेन गल्लीगदरी निसी थैरी मुबा जम्मान पूराडबो, कुज्यादेन मी आमराड्बागदेदा ड्योडसी चुरी भउ' भिसी कुलजी। २२ चुहरड लसी जिन्माहन्स नोकरसे दिमला मालिकदा 'गुरु, हराडसे कुल्बा अन्छार डाइ जम्मादान ड्योडसी भजी, तसेनोन अझ गला मुला' भिसी भिमा, २३ मालिकसे 'ए शहरला मुल ग्यामदेन गल्ली गल्लीरी निसी म्हिगदेदा कर लसी भसी खउ। तिग्दा भिसम डाला दिम नाडनोन म्हिगदे तगे! २४ चु भन्दा डाच्छा निम्तो याड्बा म्हिगदे खालैसेनोन डाला भोजला बरोड म्हाड् आम्हाड्' भिसी भिजी।"

चलासे लतोःवा गे

मती १०:३७-३८

२५ म्हिला हल येशूदेन छयाम निबान लबा धुइरी थनीगदपट्टि दोःसी येशूस चुहरड भिसी सुड्जी, २६ "चुदे डादेन छयाम भर्जी भिसम थस हराडला आबा आमा, मिरड, कोलागद, ज्योज्यो आल, नाना आडा ओच्छे हराडलान ज्यानएनोन माया मारब आलनी भिसम थं डाला चेला दोआखम। २७ जुन म्हिसे आसितधोना हराडला दुख हराडसेन नासी **डादेन छयाम आभर थं डाला चेला दोआखम। j

२८ "चुदे एनीगद न्हडरी खाले म्हिसे धरहरा स्होबा सेम लसम थस धरहरा स्होसी जिन्बाधोना गाते खर्च निला भिसी डाच्छान हिसाब लतोःला। २९ थहरड आलनी भिसम थस धरहराला जग थान्सी धरहरा स्होसी जिन्ना लबारी आखम्नी भिसम चु मराड्बा जम्मान म्हिगदेसे थेदा खिसी लसी, ३० "चु म्हिसे स्होबारोम छयाड्मुबा तर स्होसी जिन्ना लबारी चा आखम्नी" भिला।

३१ "खजिबै ग्लेसे अर्गु ग्लुत्साला ग्लेदेन छयाम लडाइ लबारी निमा हराडदेन छयाम मुबा हजार च्युइ सिपाहीगद भोर्सी हराडदेन छयाम लडाइ लबारी खबा बोगल गिक हजार सिपाहीदा दाबारी खम्ला कि आखम थं डाच्छान चिसी सल्लाह आल? ३२ लडाइ लबारी आखम्नाम भिसी था याड्माहन्स डाच्छान दिक्बाला लागिरी स्थान्दो ग्ल मुबा ग्लारी हराडला ग्ले बोन पुइला। ३३ थहरड लसी एनीगद न्हडला जुन म्हिसे डाला लागिरी जम्मान स्हे खलाआखम थं म्हि डाला चेला दोआखम।

चजा हरड तबा

मती ५:३३; मर्कू ९:५०

३४ "चजा ज्यबा स्हे हिन्ना, तर चजाला डम्बा स्हे निजी भिसम थेदा दोःसी तिग्से डम्ना लबा? ३५ थं चजा न्ह सापराला लागिरी गे खेल्बा तला न्ह सारनोन तला। जमाहन्से म्हिगदेसे थं चजा भ्याडला। जुन म्हिदा ड्यान्बा सेम मुला थेसे ड्यान्सी घाउ।"

म्हाबा ग्युला उखान

मती १८:३२-३४

१५ १ तिरकुनु तिरु दुइबा म्हिगदेदेन पापीगदे जम्मान येशूला बचन ड्यान्बारी थला डामरी खजी। २ चु मराड्सी फरिसीदेन यहूदी धर्मगुरुगदसे "चु म्हि मी पापीगददेन छयाम दिक्सी थनीगददेन छयामनोन चिसी चबा थुड्बा लबा चीम" भिसी येशूला तामगन लबारी छयाड्जी। k

३ जमाहन्से येशूस थनीगदेदा उखान गिक सुड्जी, ४ "एनीगद खाले म्हिला ग्यार्जा गिक ग्यु न्हडरी गिक म्हाजी भिसम थस बोगल बितसे च्युक कु ग्युगदेदा खलासी थं म्हाबा ग्यु आस्याप्तधोना आम्हाड? म्हाइला। ५ थं ग्यु स्याम्माहन्से ताड्सी ताड्सी थसे बमरी पुइसी दिमरी भला। ६ ओच्छे हराडला हरोगदेदेन खिमजेमगदेदा ड्योडसी एनीगदेएनोन डा हरड लसी ताड्गो। तिग्दा भिसम 'डाइ डाला म्हाबा ग्यु स्याप्जी' भिसी भिला। ७ थंतबासलमा एनीगदसे डाला

**१४:२७ "हराडला दुख हराडसेन नासी" भिबादा ग्रीक बाइबलरी चा "हराडला करुस हराडसेन पुइतोःला" भिसी भिरबा मुला।

१४:२६ मती १०:३७ १४:२७ मती १०:३८; १६:२४; मर्कू ८:३४; लूका ९:२३

१५:२ लूका ५:२९-३०

ताम ड्यान्गो, चुहरङ्क लसीन हराङ्कला पाप आख्ताना डनी परमेश्वरला डाच्छा ज्यबा दोसी हराङ्कला पाप ख्नाआतोःबा बोगल बिनसे च्युक कु म्हिगदला लागिरी भन्दा हराङ्कला पाप ख्नासी परमेश्वरपट्टि दोःबा म्हि गिकला लागिरी स्वर्गरी मुबागद ल्हानान ताङ्कला ।

म्हाबा डबलला उखान

८ दोःसी येशूस उखान गिकग्याम चुहरङ्क भिसी सुङ्गी, “खाले मिरडम्हमे गिकदेन छ्याम म्हुइला गोर च्युइ डबल मुबा। थे डबल च्युइ न्हङ्करी डबल गिक म्हाजी भिसम थेसे थे डबल आस्याप्तेधोना नाङ्कसल मरासी दिम साङ्कसिङ लसी आम्हाइ? म्हाइला। ९ ओच्छे थे म्हाबा डबल स्याम्माहेन्से थेसे हराङ्कला हरोगदेदेन खिम्जेमगदेदा ड्योइसी एनीगदेएनोन डा हरङ्क लसी ताङ्कगो। तिग्दा भिसम डाइ डाला म्हाबा डबल याङ्गी” भिसी भिला। १० थेतबासेलमा एनीगदेसे डाला ताम ड्यान्गो, थेहरङ्क लसीन खाले म्हिसे हराङ्कला पाप ख्नासी परमेश्वरपट्टि दोःजी भिसम थे पापी गिकला लागिरी परमेश्वरला दूतगदे परमेश्वरदेन छ्यामनोन ताङ्कला।”

म्हाबा झाला उखान

११ दोःसी येशूस उखान गिक सुङ्गी, “च्यागो, म्हि गिकला झा न्ही मुबा। १२ थला झा च्याङ्बासे चा आबादा ‘डाला अंश भउ आबा’ भिसी भिजी। जमाहेन्से थेसे हराङ्कला सम्पत्ति झा न्हीदान भो लसी पिन्जी।

१३ “तिगे धिन लिच्छा थे म्हिला झा च्याङ्बा हराङ्कला जम्मान सम्पत्ति भोर्सी अर्गु ख्हुत्सारी निजी। थेसे थरी मोजमजा लसी जम्मान सम्पत्ति जिन्ना लजी। १४ थला जम्मान धन सम्पत्ति जिन्वा धुइरीन थे ख्हुत्सारी ल्हानान अनिकाल तजी, ओच्छे थेसे ल्हानान दुख याङ्गी। १५ जमाहेन्से थे, थे ख्हुत्साला म्हि गिक मुबा ग्लारी ग म्हाइबारी निजी। थे म्हिसे थदा हराङ्कला दवा छबारी पुइजी। १६ थदा खालेसे चबा थुङ्बा आपिन्बासे लमा थेसे दवला दाना चसीन हराङ्कला फो मरेन्ना लबारी म्हाइजी।

१७ “जमाहेन्से थेसे हराङ्कला दिम ढन्जी। ओच्छे चुहरङ्क भिवारी छ्याइजी, ‘डाला दिमरी डाला आबाला नोकरगदेसे मरेन्ना चसीनोन लेङ्बाधोना चबा स्हे मुला। तर डा चा भिसम चुरी फोइथाननोन सिबारी छ्याइबा मुला।

१८ दाहेन्से डा आबा मुबा ग्लारी निसी, “आबा, डाइ परमेश्वरदेन हराङ्कला बिरोधरी पाप लजी। १९ दाहेन्से डा हराङ्कला झा भिबाधोनाला आर। तसेनोन हराङ्कसे डादा दया लसी हराङ्कला नोकरगदे न्हङ्कला गिक म्हेन्सी थान्गो भितोःजी” भिसी म्हेन्जी।

२० “जमाहेन्से थ आबा मुबा ग्लारी निजी। आबासे थदा थोरङ्ग्याम खवान लबा मराङ्सी थला समरी दया रेःजी। ओच्छे ताङ्गी झादा स्याप्बारी याबान निसी झादा हाप ख्वाइसी च्योक लजी। २१ ओच्छे झासे ‘आबा, डाइ परमेश्वरदेन हराङ्कला बिरोधरी पाप लबा मुला। डा दाहेन्से हराङ्कला झा भिबाधोनाला आर’ भिसी भिजी। २२ तर आबासे हराङ्कला नोकरगदेदा ड्योइसी चुहरङ्क भिजी, ‘जम्मान भन्दा ज्यबा क्वान, च्यापदेन लखम योना भसी चुदा क्वान्सी पिन्गो। २३ ओच्छे छोबा हरङ्कबा बहर भसी साइगो। तिनी ख्हाङ्कसे भोज लइ। २४ तिग्दा भिसम चु डाला झा सिबा मुबा दान्दे सोबा मुला, थे म्हाबा मुबा तर दान्दे याङ्कबा मुला।’ जमाहेन्से जम्मान ताङ्गी भोज चबारी छ्याइजी।

२५ “थे धुइरी थला थबा झा बुरी मुबा। थे बुग्याम खबा धुइरी दिमला डामरी धोखमा दिमरी व्हाइ गोबादेन स्खवान लबा थःजी। २६ जमाहेन्से थेसे नोकर गिकदा ड्योइसी, ‘चुरी तिग लबा?’ भिसी ड्योइमा, २७ नोकरसे थदा ‘हराङ्कला आले दोःसी दिमरी खबा मुला। चुहरङ्क लसी हराङ्कला झा ज्यना लसी खबासे लमा आबासे जम्मान भन्दा छोबा बहर गिक साइबा मुला’ भिसी भिजी।

२८ “चु ताम थःसी थे बोमोसे दिम न्हङ्करी वाङ्बारी आम्हाइनी। थेतबासेलमा थला आबा मङ्ग्यार खसी थदा व्हाम्बारी छ्याइजी। २९ तर थेसे आबादा ‘च्यागो, डाइ चुदे दिङ्धोना हराङ्कला नोकरसे हरङ्क लसी जम्मान गे लसी हराङ्कसे कुल्बा जम्मान तामएनोन ड्यान्जी। तसेनोन डाला हरोगदेदेन छ्याम दिक्सी चबा थुङ्कबा लबारी हराङ्कसे डादा खाइमै रा गिकधोना पिन्जी? ३० तर तिनी हराङ्कला धन सम्पत्ति बेश्यागदेदेन छ्याम भरसी जिन्ना लबा झा दोःसी खमा चा थला लागिरी छोबा बहर साइबा?’ भिसी भिमा, ३१ आबासे थदा ‘झा, ए मी सदन डांदेन छ्याम मुनोन मुला। ओच्छे डांदेन छ्याम मुबा जम्मान धन सम्पत्ति एलान हिन्ना। ३२ तिनी ख्हाङ्कसे ताङ्गी भोज लतोःबा

धिन हिन्ना। तिग्दा भिसम एला आले सिबा मुबा दान्दे सोबा मुला, म्हाबा मुबा दान्दे याड्बा मुला' भिसी भिजी।”

चलाक नाइके

११ येशूस हराड्ला चलागददा चुहरड्
१६ भिसी सुङ्जी, “ग्ला गिकरी पयुक्पो म्हे गिकला गे लबा नाइके गिक मुबा। ‘नाइकेसे हराड्ला धन सम्पत्ति नाश लजी’ भिसी म्हेगदसे थ पयुक्पो म्हेदा पाङ्जी। २ जमाहेन्से थ पयुक्पो म्हेसे हराड्ला गे लबा नाइकेदा ड्योइसी ‘म्हेगदसे एला बिरोधरी पाङ्बा ताम तिग हिन्ना? दाहेन्से जम्मान हिसाब किताब डादा घाना लउ। ओच्छे चु गे ख्लागो’ भिसी भिमा, ३ थ नाइकेसे चुहरड् भिसी म्हेन्जी, ‘दाहेन्से डादा मालिकसे गग्याम तेःबारी छ्याड्बा मुला, डा तिग लइ? खबा मोइबा लइ भिसम भड् आरे, हरीसी चबारी डादा पेःबा खमुला। ४ दाहेन्से डाइ तिग लतोःबा थ डादा था मुला, डादा मालिकसे गग्याम तेःमाहेन्से म्हेगदसे डादा मान लला भिबा ताम डाइ था याड्सी जिन्बा मुला।’ ५ जमाहेन्से थसे हराड्ला मालिकला असामीगददा गिक गिक लसी ड्योइजी। ओच्छे थसे डाच्छा खबा असामीदा ‘एदा डाला मालिकला छे गाते मुला?’ भिसी ड्योइमा, ६ थ असामीसे ‘हजार साम लिटर छ्युगु मुला’ भिसी भिमाहेन्से थ नाइकेसे ‘दाहेन्से एला तमसुकरी हजार गिकसे ग्यार्जा डा लिटर जे भिरउ’ भिसी भिजी। ७ थहरड् लसी स्थान्दोदा एनोन ‘एदा डाला मालिकला छे गाते मुला?’ भिसी ड्योइमा, थ असामीसे ‘हजार गिक बोरा ग्वा मुला’ भिसी भिमाहेन्से थ नाइकेसे ‘एला तमसुकरी ग्यार्जा भरः बोरा जे भिरउ’ भिसी भिजी।

८ “मालिकसे थ बेइमान नाइकेसे चलाक गे लबा मराङ्सी थला हर्गबढाइ लजी। तिग्दा भिसम चु जम्बुलिङला म्हेगदे हराड्ला हरो स्होबारी परमेश्वरदा डोसबा म्हेगदे भन्दा ल्हानान चलाक तमुला। ९ थेतबासेलमा एनीगदसे डाला ताम ड्यान्ना, एनीगदसे हराड्ला लागिरी जम्बुलिङला धन सम्पत्तिसे हरो स्होउ। तिग्दा भिसम एनीगदला धन सम्पत्ति जिन्सी निसैनोन थनीगदसे एनीगददा जुकजुकघोना चिबा ग्लारी मान लला।

जजाबा तामरीन विश्वास लखम्बा ततोःला

मत्ती ६ :३४

१० येशूस दोःसी चुहरड् भिसी सुङ्जी, “खालेसे जजाबा तामरी विश्वासला गे लजी भिसम थदा धरन गरीएनोन विश्वास लला। तर जजाबा तामरी विश्वासला गे आलनी भिसम थदा धरन गरीएनोन विश्वास आल। ११ थेतबासेलमा एनीगदसे जम्बुलिङला धन सम्पत्तिरी विश्वासला गे आलनी भिसम खाल्से एनीगददा सत्यला धन सम्पत्ति जिम्मा पिन्ना? १२ थहरड् लसीन स्थान्दोला धन सम्पत्तिरी विश्वासला गे आलनी भिसम एनीगददा धन सम्पत्ति खाल्से पिन्ना?

१३ “खजिबे नोकरसे मालिक न्हीला गे लबारी आखम। तिग्दा भिसम थसे गिकदा हेला लला, स्थान्दोदा माया लला, अथवा गिकसे भिबा ताम ड्यान्ना, स्थान्दोदा वास्तान आल। थहरड् लसीन एनीगदसनोन परमेश्वरदेन धन सम्पत्ति न्हीलान गे लबारी आखम।”

येशूस लोत्रा अर्गु तामगदे

मत्ती ११ :३२-३३; ५ :३८, ३२

१४ चु ताम थःसी थरी मुबा फरिसीगदसे येशुदा खिसी लजी। तिग्दा भिसम थनीगदे टाङ्गाला लिच्छा जे भरमुबा। १५ ओच्छे येशूस थनीगददा “म्हेगदला आन्डाङरी हराड्से हराड्दान डनी ज्यबा म्हे हिन्ना भिसी भरबा एनीगदेन हिन्ना। तर परमेश्वरदा एनीगदला सम साहरड्बा मुला भिसी था मुला। तिग्दा भिसम म्हेगदसे धरन भिसी म्हेन्बा तामगदे परमेश्वरला लागिरी ल्हानान नइबा खबा ताम हिन्ना। १६ “बपित्स्मा पिन्बा ग्रहन्नाला धुइघोना मोशाला ठिमदेन अगमवक्तागदसे भिरबा परमेश्वरला बचन थःना लबा मुबा। थनोन धुइहेन्से परमेश्वरला य्हुल्साला समाचार थःना लबान मुला। ओच्छे जम्मान म्हेगदे भड् लसी परमेश्वरला य्हुल्सारी वाड्बान मुला। १७ मुदेन जम्बुलिङ नाश तसेनोन परमेश्वरसे मोशाला पिन्बा ठिमरी मुबा ताम गिकनोन आम्हा।”

१८ “खाले म्हेसे हराड्ला मिरड्देन छ्याम छोडपतर लसी स्थान्दो मिरड्महेमदेन छ्याम ब्याह लजी भिसम थ चा बरेल्सी भरबा हिन्ना।

थंहरड लसी थसं ख्लाबा मिरडम्हेमेदा जुन म्हिसे ब्याह लला थएनोन बरलसी भ्रबा हिन्ना।”^०

फ्युकपो म्हिदेन लाजरस

१९ दोःसी येशूसं चुहरड भिसी सुड्जी, “गला गिकरी फ्युकपो म्हि गिक मुबा। थसं मलमलला महंगो क्वान्सी धिन धिननोन माजमजा लसी चिमुबा। २० तर थला मरापरी चा जिउ नाड पोरनोन पोर मुबा लाजरस भिबा हरीबा म्हि गिकदा भसी थान्मुबा। २१ थं फ्युकपो म्हिसे चमा ताइबा भराइभरुड चम्याडला वा भिसी च्यासी चिमुबा। नगीगदे चा खसी थला पोर ल्हेम्मुबा।

२२ “तिरकुनु थं पराडबो म्हि सिजी। जमाहेन्से थंदा स्वर्गदूतगदसे अब्राहामला डामरी भोर्सी थान्जी। ओच्छे थं फ्युकपो म्हि एनोन सिजी। २३ थं फ्युकपो म्हि नर्गरी ल्हानान दुख नासी चिबा धुइरी थसं च्यामा थारडग्याम अब्राहामला डामरी लाजरसदा मराड्जी। २४ ओच्छे थसं किरडसी ‘आबा अब्राहाम, डादा दया लसी लाजरसदा डा मुबा ग्लारी पुइखड। थला या जुम्बी क्युइरी ब्नुम्सी डाला लेरी थोपा गिक क्युइ ताइना लगै। तिगदा भिसम डा चुरी मेसं करोसी भोल्सी चिबा मुला’ भिसी भिजी।

२५ “जमाहेन्से अब्राहामसे थंदा ‘झा, एसं तिग ढन्वा आर? ए सोबा धुइरी ल्हानान सुख याड्बा मुबा, तर लाजरससं चा ल्हानान दुख याड्बा मुबा। दान्दं चा लाजरससं चुरी सुख शान्ति याड्बा मुला, एसं चा दुख नासी चितोःबा मुला। २६ एदेन छुयाम डन्ना गुडरी घरेन व्हाड मुला। थंतबासलमा क्याम्सड झ्वासम लबा सम मुसेनोन क्याम्सड झ्वासम लबारी आखम्मुला’ भिसी भिजी।

२७ “जमाहेन्से थं फ्युकपो म्हिसे थंहरड भिसम आबा अब्राहाम, डाला बिन्ती मुला, लाजरसदा डाला आबाला दिमरी पुइगो। २८ तिगदा भिसम थरी डाला आले डा मुला। थसं थनीगदेदा डा हरड लसी थाभरड भिसी पाड्गै, आहिन्सम थनीगदेएनोन चु दुख नातोःबा ग्लारी खला’ भिसी भिजी।

२९ “जमाहेन्से अब्राहामसे, थनीगदेदेन छुयाम मोशादेन अगमवक्तागदसे भिरबा परमेश्वरला बचन मुनोन मुला, एला आलेगदसे

थं बचनरी भिरबा ताम ड्यान्सम तनोन तला’ भिसी भिजी।

३० “ओच्छे थं फ्युकपो म्हिसे ‘आहिन अब्राहाम आबा, थनीगदेदा ओतसे जे आत। सिबा म्हिगद न्हडला खाले सोसी थनीगदे मुबा ग्लारी निजी भिसम थनीगदे हराड हराडला पाप ख्लासी परमेश्वरपट्टि दोःसला मुबा’ भिसी भिजी।

३१ “तर अब्राहामसे थंदा ‘मोशादेन अगमवक्तागदेला ताम आड्यान्वागदसे सिबा म्हि सोसी निसेनोन थनीगदेसं विश्वास आल’ भिसी भिजी।”

येशूसं विश्वासदेन माफ लतोःबा भिसी लोप्रा

मर्ती १८ :६-७, २१-२२ ; मर्कूस ९ :४२

१ येशूसं हराडला चलागदेदा चुहरड भिसी सुड्जी, “च्यागो, म्हिदा पापरी फसब लबा तामगदे मी खनोन समुला। तर स्थान्दोदा पापरी फसब लबा म्हिसे चा परमेश्वरग्याम सजाय याडला। २ जुन म्हिसे चु कोलागदेदा पाप लपुडला थंहरडबा म्हिदा पाप लपुडबा भन्दा खाररी हरान्दा च्योसी समुन्दररी भ्याडबान ज्यबा तला। ३ थंतबासलमा हराडला लागिरी होशियार तसी चिउ! एला आलेसं पाप लजी भिसम थंदा बडगो। ओच्छे थसं डाइ लबा पाप ख्लाला भिजी भिसम थंदा माफ लउ। ४ एला आलेसं एला बिरोधरी धिनना निसरमधोना पाप लसेनोन निसरमधोनान थसं डाइ लबा पाप ख्लाला भिजी भिसम थंदा माफ लउ।”

५ जमाहेन्से परमुला मुल चलागदसे परमुदा “परमु, डन्ना विश्वास ल्हेना लसी पिन्गा” भिसी भिजी।

६ परमुसे थनीगदेदा “एनीगदेदेन छुयाम पच्छेला ब्नु गिक तेःबा जे विश्वास मुजी भिसम चु किम्बुला दोडदा ‘ए प्योक्सी समुन्दरी निउ’ भिजी भिसम थं एनीगदेसे भिबा हरडनोन तला।

नोकरसे लतोःबा गे

७ “एनीगदे न्हडरी खालेला नोकर बु मोइसी तसे ग्यु छुसी तसे दिमरी खमा, एनीगदसे थंदा ‘चबा थुड्बा लउ’ भिसी खाइमे भिला? आभि। ८ बरु एनीगदसे थंदा ‘निउ, डाला लागिरी चबा थुड्बा तयार लउ, डाइ चसी आजिन्तेधोना

डादा क्योडसी चिउ, ओच्छे ए चउ' भिसी भिला। ११ हराडसे कुल्बा अन्धार गे लबा थे नोकरदा एस साइमे धन्यवाद पिन्ना? आपिन। १० थहरड लसीन एनीगदेदा कुल्बा जम्मान गे लसी जिन्माहन्स 'डनी मी गे आखल्बा नोकर हिन्ना। तिग्दा भिसम डन्स लतो:बा गे जे लबा हिन्ना' भिसी भिउ।"

येशूस कोर सबा म्हि च्युइदा खम्ना लबा

११ येशू यरूशलेम भिबा शहररी फेबा धुइरी सामरियादेन गालील अञ्चलग्याम तबान फेप्जी। १२ येशू नाम्सा गिकरी वाडबारी छयाइबा धुइरी कोर सबा म्हि च्युइदा स्याप्जी। थ कोर सबा म्हिगदे जजाकी क्याथाडनोन राप्सी, १३ "येशू गुरु, डन्दा दया लउ" भिसी किरड्जी।

१४ जमाहन्स येशूस थेनीगदेदा "एनीगदे परमेश्वरला मन्दिररी पूजा लबा म्हि मुबा ग्लारी निसी हराडदा उन्नो" भिसी सुड्जी। ओच्छे थेनीगदे निना निनान ग्यामरीन खम्जी। १५ थेनीगदे न्हडला गिकस हराड खम्बा था याडसी परमेश्वरदा जयजयकार लबान दो:सी खजी। १६ ओच्छे थ म्हिसे येशूदा धन्यवाद पिन्सी येशूला स्थापरी फया लजी। थ म्हि चा सामरी य्हलला मुबा।

१७ जमाहन्स येशूस "कोरग्याम खम्बा म्हि च्युइ न्हडरी चु गिक जेन हिन्ना? स्थान्दो म्हि कु चा खानड निजी? १८ परमेश्वरदा धन्यवाद पिन्बारी चु सामरी बाहक स्थान्दो खाले आतनी?" भिसी सुड्जी। १९ जमाहन्स येशूस थ सामरी य्हलला म्हिदा "दाहन्स ए र:सी निउ, एला विश्वाससे लमा एला कोर म्हाबा मुला" भिसी सुड्जी।

परमेश्वरला य्हल्सा एनीगदेला गुडरीन मुला

मत्ती २४ :२३-२८, ३७-४१

२० फारिसीगदेसे परमेश्वरला य्हल्सा साइमा खला भिसी ड्योइमा, येशूस थेनीगदेदा "परमेश्वरला य्हल्सा मराडना लसी आख। २१ खाले म्हिसे परमेश्वरला य्हल्सा चुरी मुला, थेरी मुला भिसी भिदेमा एनीगदेसे आमराड।

तिग्दा भिसम परमेश्वरला य्हल्सा एनीगदेला गुडरीन मुला" भिसी सुड्जी।

२२ जमाहन्स येशूस हराडला चेलागदेदा चुहरड भिसी सुड्जी, "एनीगदेसे तिरकुनु परमेश्वरसे पुइखबा म्हिदा च्याबा सम लला, तसेनोन एनीगदेसे आमराड। २३ म्हिगदेसे एनीगदेदा थे थेरी मुला, चुरी मुला भिसी भिला, जमा धुइरी एनीगदे थानिउ ओच्छे थेनीगदेला लिच्छा थाभरउ। २४ तिग्दा भिसम परमेश्वरसे पुइखबा म्हि तिप्नीड खबा धुइरी मुला कुनी गिकग्याम अर्गु कुनीधोना य्हाल तबा हरड तला। २५ तर डाच्छा थेसे ल्हानान दुसदेन म्हिगदेसे लबा बिरोध नातो:बा मुला।

२६ "आन्मा नोआला धुइरी तबा हरडनोन परमेश्वरसे पुइखबा म्हि दो:सी खबा धुइरीनोन तला। २७ नोआ पानी जहाजरी वाडबा धिनकुनुधोना म्हिगदे चबा थुडबादेन ब्याह लबान मुबा। थेनोन धुइरी नामदेन भाल बादी खसी जम्मान नाश लजी। २८

२९ "थहरड लसीन लोतला धुइरीनोन कोइ म्हिगदे चबा थुडबा, कोइ म्हिगदे ग्लुबा चडबा, कोइ सबा ओच्छे कोइ म्हिगदे दिम स्थाबान मुबा। २९ लोत सदोमग्याम थोन्माकुनुन मुग्याम मदेन बारूद ताइसी जम्मान नाश लजी। ३०

३० "परमेश्वरसे पुइखबा म्हि खबा धुइरीनोन थहरडनोन तला। ३१ थ धुइरी तलाथोरी मुबा म्हिगदे हराडला सामान किन्बारी मार फार्सी दिम न्हडरी थावाडगा, ओच्छे बुरी मुबागदेएनोन दिमरी दो:सी थानिउ। ३२ थहरड लसीन एनीगदेसे लोतला मिरडदा तबा ताम दन्गो। ३३ तिग्दा भिसम जुन म्हिसे हराडला ज्यान जोगब लबारी म्हाइला थ म्हिसे जुकजुकधोनाला जुनी आयाड। तर डाला लागिरी ज्याननोन पिन्सम्बा म्हिसे जुकजुकधोनाला जुनी याइला। ३४ थतबासेलमा एनीगदेसे डाला ताम ड्यान्गो, म्हुनड ग्ला गिकरीन म्हेसी चिबा म्हि न्ही न्हडरी गिकदा भोर्ला गिकदा थेरीन खलाला। ३५ ओच्छे हरान्दारी बरा स्याडसी चिबा मिरडम्हेमे न्ही न्हडरी गिकदा भोर्ला गिकदा थेरी खलाला।

१७:३४ लेवी १४:३-३२ १७:२६ उत्प ६:५-८ १७:२७ उत्प ७:६-२४

१७:२९ उत्प १८:२०-१९-२५ १७:३१ मत्ती २४:१७-१८; मर्क १३:३५-१६

३६ "थेहरङ् लसीन बुरी मुबा म्हि न्ही न्हडरी गिकदा भोर्ला, गिकदा ख्वालाला।" ††

३७ जमाहेन्स चेलागदसे येशूदा "खानङ् परमु?" भिसी ड्योइमा, येशूसे थनीगददा "जुन ग्लारी सिबा जन्तु मुला थरी गिद्दागद पाप तमुला" भिसी सुङ्जी।

हूरम्बो सिबा मिरङ्म्हेमेदेन न्यायाधीशला उखान

१जमाहेन्स येशूसे हराङ्गला चेलागददा
१८ "सदन परार्थना लसी चिगे ओच्छे खाइमे हरस थाचगे" भिसी उखान गिक सुङ्जी। २ "शहर गिकरी न्यायाधीश गिक मुबा। थस परमेश्वरदेन म्हिगदला वास्ता आलमुबा। ३ थनोन शहररी हूरम्बो सिबा मिरङ्म्हेम गिकएनोन मुबा। थ मिरङ्म्हेमे घरिघरि थ न्यायाधीश मुबा ग्लारी निसी 'डादा डाला बिरोधरी रे:बा म्हिग्याम ठीक निसाफ लसी पिन्गो' भिसी भिमुबा।

४ "तिगे धिनधोना मी थेसे थ मिरङ्म्हेमेला तामदा आङ्ग्यान्नी। तर लिच्छा थेसे, 'डा परमेश्वरदेन म्हिगदला वास्ता आलबा म्हि हिन्ना। ५ तर चु हूरम्बो सिबा मिरङ्म्हेमस डादा ल्हानान दुख पिन्बास लमा चुला ठीक निसाफ लसी पिन्तो:जी। आहिन्सम चु घरिघरि खसी डादा छेर्ना लला' भिसी समरी म्हन्जी।"

६ जमाहेन्स परमुसे चुहरङ् भिसी सुङ्जी, "च्यागो, थ आज्यबा न्यायाधीशस तिग लबा चीम, एनीगदसे था याङ्गो। ७ थेहरङ् लसीन परमेश्वरसे धिन म्हूननोन विन्ती लबा हराङ्गसे धम्बा हराङ्गला म्हिला ठीक निसाफ आत? तिग हराङ्गला म्हिदा हरो लबारी घडना लला? ८ च्यागो, परमेश्वरसे हराङ्गला म्हिला ठीक निसाफ लबारी खाइमे घडना आत। तसेनोन परमेश्वरसे पुइखबा म्हि खमा तिग चु जम्बुलिङ्गरी डादा विश्वास लबागद स्यापता?"

म्हि न्हीला परार्थना

१ हराङ्गसे हराङ्गदान डा ज्यबा म्हि हिन्ना भिसी दुक्क तसी स्थान्दोदा चा हेला लबा म्हिगददा येशूसे चुहरङ् भिसी उखान गिक सुङ्जी, १० "फरिसीदेन तिरो दुइबा म्हि परार्थना लबारी परमेश्वरला मन्दिररी निजी। ११ ओच्छे फरिसीसे चुहरङ् भिसी परार्थना लजी, 'परमेश्वर

हराङ्गदा धन्यवाद मुला, तिगदा भिसम डा स्थान्दो म्हिगदे हरङ्गबा लोभी, बेइमानी, स्थान्दोदेन छ्याम बरल्सी भरबा म्हि हरङ्गबा आहिन। ओच्छे चु तिरो दुइबा म्हि हरङ्गबाएनोन आहिन। १२ डाइ सातारी न्हीरम फाइथान चिसी परार्थना लबा मुला। ओच्छे डाइ याङ्गबा जम्मान स्हेला भो च्युइला भो गिक हराङ्गदा पिन्बा मुला।"

१३ "तर तिरो दुइबा म्हि चा थोरङ्गोन राप्सी स्वर्गपट्टि आच्याना हराङ्गला कु ठोकवान, 'परमेश्वर, डा पापीदा दया लउ' भिसी भिजी। १४ थतबासलमा एनीगदसे डाला ताम ड्यान्गो, चु तिरो दुइबा म्हि चा स्थान्दो म्हि मन्दा परमेश्वरदा सम निबा म्हि दोसी हराङ्गला दिमरी निजी। तिगदा भिसम जुन म्हिसे हराङ्गसे हराङ्गदान घरेन स्हेला थे म्हि जजा तला। तर जुन म्हिसे हराङ्गसे हराङ्गदान जजा स्हेला थे म्हि घरेन तला।" †

येशूसे कोलागददा मोलम पिन्बा

मत्ती १९ :३३-३५ ; मर्कूस १० :३३-३६

१५ म्हिगदसे हराङ्गला कोलागददा येशूसे हराङ्गला छ्या थान्सी मोलम पिन्गो भिसी येशू मुबा ग्लारी भिजी। चु मराङ्गसी चेलागदसे थनीगददा बङ्गी। १६ तर येशूसे थनीगददा ड्योइसी चुहरङ् भिसी सुङ्गी, "कोलागददा डा मुबा ग्लारी खपुङ्गो, थनीगदला ग्याम थाकागो। तिगदा भिसम परमेश्वरला य्हुल्सा चु कोलागद हरङ्गबालान हिन्ना। १७ एनीगदसे डाला ताम ड्यान्गो, जुन म्हिसे चु कोलागदसे हरङ् लसी परमेश्वरला य्हुल्सादा विश्वास आल, थे म्हि परमेश्वरला य्हुल्सारी खाइमे वाङ्गाम्याङ्।"

परमेश्वरला य्हुल्सादेन पयुक्पो म्हि

मत्ती १९ :३६-३७ ; मर्कूस १० :३७-३९

१८ यहुदी नेता गिकसे येशूदा "ज्यबा गुरु, जुकजुकधोनाला जुनी याङ्गबाला लागिरी डाइ तिग लतो:ला?" भिसी ड्योइमा, १९ येशूसे थेदा चुहरङ् भिसी सुङ्गी, "एसे डादा तिगदा ज्यबा भिबा? परमेश्वर बाहेक खाले ज्यबा आर। २० परमेश्वरसे कुल्बा ताम एदा थानोन मुला।

††१७ :३६ चु पदला ताम ल्हाना हरङ्गबा गरीक बाइबलरी भिरबा आर।

१८ :३४ मत्ती २३ :३२ ; लूका १४ :३१

म्हि थासाइगो, स्थान्दोदेन छ्याम बरेत्सी थाभरउ, य्हो थालउ, लुसीला ताम पाइसी थाभरउ ओच्छ ह्राडला आबा आमादा मान लउ।” w

२१ जमाहेन्स थस, “चु जम्मान ताम मी डाइ जत्थुगुहेन्सन लसीन चिबा मुला” भिसी भिजी। २२ चु ताम थःमाहेन्स येशूस थदा “अझ एस गे गिक लतोःबा मुला, दाहेन्स एस ह्राडदन छ्याम मुबा जम्मान धन सम्पत्ति चूडसी प्राडबोगदेदा भा लसी पिन्गो। एस स्वर्गी धन सम्पत्ति याडला, ओच्छ डादेन छ्याम भरउ” भिसी सुडजी। २३ तर चु ताम थःसी थे म्हिदा ल्हानान दुख ड्हम्जी। तिग्दा भिसम थे ल्हानान फ्युक्पो मुबा।

२४ थे म्हिला सेमरी ल्हानान दुख तबा था याडसी येशूस चुहरड भिसी सुडजी, “थेदा च्यासी फ्युक्पो म्हिदा परमेश्वरला य्हुत्सारी वाडबारी गाते गाहरो मुला। २५ तिग्दा भिसम फ्युक्पो म्हिदा परमेश्वरला य्हुत्सारी वाडबारी भन्दा ऊटदा दापला मीग्याम वाडबारी सजिलो मुला।”

२६ चु ताम थःबागदेसे येशूदा “थेहरड भिसम खाल्से थाबा याडला?” भिसी ड्योइजी।

२७ जमाहेन्स येशूस थनीगदेदा “चु गे म्हिसे लबारीन आखम्बा गे तसेनोन परमेश्वरसे लखम्बा” भिसी सुडजी।

२८ ओच्छ पतरुससे, “स्हीगो परभु, डन्से ह्राडला दिमनामनोन ख्वासी ह्राडदन छ्याम भरबा मुला” भिसी भिमा, २९ येशूस थनीगदेदा “एनीगदेसे डाला ताम ड्यान्गो, जुन म्हिसे ह्राडला दिम, मिरड, ज्याज्यो आत्त, आबा आमा, ओच्छ झा झामेदा परमेश्वरला य्हुत्साला लागिरी ख्वाला, ३० थसे दान्देन थे भन्दा ल्हाना याडला, ओच्छ लिच्छा खबा धुइरी थसे जुकजुकधानाला जुनी याडला” भिसी सुडजी।

येशूस ह्राडदा साइला भिसी सुडबा

मत्ती २० :१७-१९ ; मर्कूस १० :३२-३४

३१ येशूस ह्राडला च्युक न्ही चेलागदेदा कुनी गिकरी भोर्सी चुहरड भिसी सुडजी, “च्यागो, य्होड यरूशलमरी निबान मुला। दाहेन्स परमेश्वरसे पुइखबा म्हिला बाररी अगमवक्तागदेसे भिरबा ताम पूरा तला। ३२ थदा

अर्गु य्हुलला म्हिगदला यारी जिम्मा पिन्ना। जमाहेन्स थे म्हिगदेसे थेदा खिसी लला ओच्छ थो स्वाबान बडज्जत लला, ३३ जमाहेन्स कोरसे तोला ओच्छ साइला। तसेनोन थे सोमरमाकुनु सिबाग्याम सोला।” ३४ तर चेलागदेसे चु ताम तिगे आघानी। तिग्दा भिसम चु ताम म्हिला ज्ञान बुदधिसे घोसी घोआखम्बा तबासे लमा येशूस तिग सुडबा हिन्ना भिसी थनीगदेसे म्हेन्बारी एनोन आखम्नी।

येशूस मी आम्राडबा म्हिला मी म्राडना लबा

मत्ती २० :२९-३४ ; मर्कूस १० :४६-५२

३५ येशू यरीहो शहरला डामरी धोमा थेरी मी आम्राडबा म्हि गिक ग्यामला कुनीरी हरीसी चिमुबा। ३६ थे मी आम्राडबा म्हिसे ह्राडला डामग्याम म्हिला हुल निबान लबा थःसी, “चुरी तिग तजी?” भिसी ड्योइमा, ३७ म्हिगदेसे थेदा “नासरतला येशू चुग्यामसेन फेबान मुला” भिसी भिजी।

३८ जमाहेन्स थसे किरडबान, “दाऊद ग्लेला सन्तान येशू, डादा दया लउ” भिसी भिमा, ३९ डाच्छा भरबागदेसे थेदा कुटिसी चिउ भिसी बडजी। तर थसे झन किरडबान, “दाऊद ग्लेला सन्तान येशू, डादा दया लउ” भिसी भिजी।

४० थसे चुहरड भिबा थःसी येशू थन तसी थेदा ह्राड मुबा ग्तारी भपुडजी। ओच्छ थे डामरी खमाहेन्स, ४१ “डाइ एला लागिरी तिग लउ भिसी म्हेन्बा मुला?” भिसी ड्योइजी। जमाहेन्स थसे “परभु, डाला मी म्राडना लसी पिन्गो” भिसी भिजी।

४२ येशूस थेदा “तु, एस म्राडगे, एस विश्वास लबासे लमा एस म्राडबा मुला” भिसी सुडजी। ४३ येशूस चुहरड सुडमैछ्याम थसे म्राडजी। ओच्छ थसे परमेश्वरदा जयजयकार लबान येशूदेन छ्याम भरजी। चु म्राडबा म्हिगदेसेनोन परमेश्वरदा जयजयकार लजी।

तिरो दुइबा जखायस

१ येशू यरीहो शहरग्याम फेबान मुबा। ११ थेरी जखायस भिबा फ्युक्पो म्हि गिक मुबा। थे तिरो दुइबा म्हिगदे न्हडला मुल म्हि मुबा। ३ थसे येशूदा खाल चीम भिसी च्याबारी म्हाइजी। तर म्हिला हुलसे लमा थसे येशूदा आम्राडनी। तिग्दा भिसम थे

मेबा मुबा। ४थेतबासेलमा येशूदा च्याबारी थं डाच्छा डाच्छा यार्बान निसी अज्जीरला दोडरी करे:जी। तिग्दा भिसम येशू थंग्यामसेन फन्वारी छ्याइबा मुबा। ५थरी धोखमाहेन्से येशूस तोरपट्टि स्होसी जखायसदा “जखायस, ए योना मार फाप्सी खड! तिग्दा भिसम तिनी डा एला दिमरी चितो:बा मुला” भिसी सुड्जी।

६जमाहेन्से जखायस ताड्सी मार फाप्सी येशूदा फ्याफुल्जी। ७चु मराड्माहेन्से म्हिगदसे “चु म्हि मी पापीला दिमरी डान्बा दोसी निजी” भिसी येशूला तामगन लजी।

८तर जखायससे “परमु, दाहेन्से डाइ डाला गडसल धन सम्पत्ति पराड्बागदेदा मो लसी पिन्ना, ओच्छे डाइ खालेदा ठगब लसी किन्वा मुसम थंदा मो बिल ल्हाना दो:सी पिन्ना” भिसी भिजी।

९जमाहेन्से येशूस थंदा “तिनीहेन्से चु दिमसे थाबा याड्बा मुला। तिग्दा भिसम जखायसएनोन अबराहामला सन्तान हिन्ना। १०परमेश्वरसे पुड्सबा म्हि म्हाबागदेदा म्हाइबारीदेन थाबा पिन्वारी सबा हिन्ना” भिसी सुड्जी।

म्हरला डबलला उखान

मत्ती २५:१४-३०

११येशू यरुशलमला डामरी धोमुबा। म्हिगदसे दाहेन्से परमेश्वरला यहुत्सा यानान खबान मुला भिसी म्हेन्सी येशूला ताम ड्यान्सी चिमुबा। थेतबासेलमा येशूस थनीगददा चुहरड् भिसी उखान गिक सुड्जी, १२“खाले घरन म्हि गिक हराड्ला ग्लारी शासन लबा सेम लसी थं यहुत्साला ग्ले मुबा ग्लारी निजी। १३निबा मन्दा डाच्छा थंसे हराड्ला नोकर च्युइदा ड्योइजी। ओच्छे जम्मादान म्हरला डबल गिक गिक पिन्सी ‘डा आखतेधोना चु टाड्गासे व्यापार लउ’ भिसी कुल्जी। १४तर थंला यहुत्साला म्हिगदसे चा थंदा सेम आनिमुबा। थेतबासेलमा थं निसी जिन्माहेन्से ‘चु म्हिसे शासन लगे भिबा डन्ना सेम आरे’ भिसी ग्ले ब्लोनदा पुइजी।

१५“तर थं म्हि शासन लबा अधिकार किन्सी खजी। जमाहेन्से थंसे हराड्ला नोकरगदेदा व्यापार लसी गाते स्होजी भिसी ड्योइबारी ड्योइजी। १६ओच्छे डाच्छा सबा नोकरसे

‘भालिक, हराड्से पिन्वा डबल गिकसे डाइ डबल च्युइ स्होजी’ भिसी भिजी। १७जमाहेन्से थं म्हिसे थंदा थ्याबास! ए डाला ज्यबा नोकर हिन्ना! तिग्दा भिसम एसे डादा जजा तामरी विश्वास उन्जी। थेतबासेलमा डाइ एदा शहर च्युइरी शासन लबा अधिकार पिन्ना’ भिसी भिजी। १८ओच्छे स्हान्दा नोकरसे ‘भालिक, हराड्से पिन्वा डबल गिकसे डाइ डबल डा स्होजी’ भिसी भिजी। १९जमाहेन्से थंदाएनोन थं म्हिसे ‘ए शहर डाला मुल म्हि तला’ भिसी भिजी। २०ओच्छे स्हान्दा नोकरएनोन खसी ‘भालिक, डाइ हराड्ला म्हरला डबल रुमालरी झोर्सी थान्वा मुला, थं चुरी मुला। २१हराड् खरो म्हि भिसी डादा था मुबासे लमा डादा लोड्बा खजी, हराड्से व्यापार आलबा ग्लारी नाफा म्हाइमुला, ओच्छे तिगे आदवबा ग्लारी बाली दुइबारी म्हाइमुला’ भिसी भिजी। २२थं शासन लबा म्हिसे थंदा ‘गे आखेल्वा नोकर! एला तामग्यामसेन डाइ ए गे आखेल्वा चीम भिसी निसाफ लला। डाइ व्यापार आलबा ग्लारी नाफा म्हाइमुला ओच्छे तिगे आदवबा ग्लारी बाली दुइबारी म्हाइबा खरो म्हि भिसी एदा थानोन चीम। २३थंहरड् भिसम एसे तिग डाइ पिन्वा डबल बैकरी आथान्नी? एसे बैकरी थान्वा हिन्सम डाइ दो:सी ब्याजदेन थं डबल किन्म्याड्सला’ भिसी भिजी। २४ओच्छे थंसे थरी राप्सी चिबागददा ‘दाहेन्से थंग्याम थं म्हरला डबल ब्यन्सी गोर च्युइ डबल मुबादा पिन्ना’ भिसी भिजी। २५जमाहेन्से थनीगदसे ‘भालिक, थंदेन छ्याम मी डाच्छालान गोर च्युइ डबल मुला’ भिसी भिमा, २६थं शासन लबा म्हिसे थनीगददा ‘एनीगदसे डाला ताम ड्यान्ना, तिग्दा भिसम जुन म्हिदेन छ्याम मुला थंदा अर्गुएनोन पिन्ना। तर जुन म्हिदेन छ्याम आरे थंदेन छ्याम मुबा जजाकीएनोन थंग्याम ब्यन्ना। २७थेतबासेलमा डाइ शासन थालगे भिसी म्हेन्वा डाला शतरुगदेदा चुरी भसी डाला डाच्छापट्टि साइगो’ भिसी कुल्जी।”

येशू यरुशलमरी फन्वा

मत्ती २१:१-११; मर्कुस

११:१-११; यूहन्ना १२:१२-१९

२८चुहरड् सुड्सी जिन्माहेन्से येशू थनीगदला डाच्छा डाच्छा यरुशलमपट्टि

फेफ्जी। २९ ओच्छे बथफागेदेन बथानिया नाम्साला डामला जैतून भिबा गडरी धोसमाहन्स येशूस हराडला चेलागदे न्हडला न्हीदा पुइजी। ३० पुइबा धुइरी चुहरड् भिसी सुइजी, “एनी जजाकी क्याथाडला नाम्सारी निउ। नाम्सारी धोमाहन्स एनीगदेस दान्दधाना खाले आकरःबा गधाला कोला गिक स्याप्ता। थंदा ब्रतसी चुरी भसी खउ। ३१ ब्रतबारी छ्याइमा खालेस एनीदा ‘चुदा तिग्दा ब्रतबा’ भिसी इयाइजी भिसम, ‘चु परमुदा तोःबा मुला’ भिसी मिउ।”

३२ जमाहन्स थ चेला न्हीस नाम्सारी निजी। ओच्छे थरी थनीस येशूस सुइबा हरडनोन गधाला कोला स्याप्जी। ३३ थनीस थ गधाला कोलादा ब्रतबारी छ्याइमा थ गधाला धनीसे “एनीसे चु गधाला कोलादा तिग्दा ब्रतबा?” भिसी इयाइजी।

३४ ओच्छे चेला न्हीसे “चु परमुदा तोःबा मुला” भिसी मिजी।

३५ जमाहन्स थ चेला न्हीसे गधाला कोलादा येशू मुबा ग्लारी भसी हराडला घ तीसी येशूदा थथारी धन्छ्यापुइजी। ३६ येशू फेफ्बारी छ्याइबा धुइरी म्हिगदेसनोन ग्यामरी हराड हराडला घगदे तीजी।

३७ येशू यरूशलेम डामला जैतून भिबा गडला ग्युरारी धोसमा येशूदेन छ्याम भरबा चेलागदेस येशूस लबा उदकला गगदे ढन्सी ताडबान किरडसी चुहरड् भिसी परमेश्वरदा धन्यवाद पिन्बारी छ्याइजी,

३८ “परमपरमुला मिनरी फेफ्बबा गलेस परमेश्वरग्याम मोलम याइगे, स्वर्गरी शान्ति तगे।

ओच्छे स्वर्गरी धन्छ्याबा परमेश्वरदा मानदेन जयजयकार तगे।

३९ म्हिला हुल न्हडग्याम फरिसीगदेस येशूदा “गुरु, हराडला चेलागदेदा कुटिसी चिउ भिसी बडगो” भिसी मिजी।

४० तर येशूस थनीगदेदा “डाला ताम इयान्गो, चुगदे कुटिसी चिजी भिसम युडबागदेन किरडबारी छ्याइला” भिसी सुइजी।

यरूशलेम नाश तला भिबा
था याइसी येशू करावा

४१ यरूशलेम डामरी धोमा येशूस शहरदा हराडला डाच्छापटटि मराइसी कराबान चुहरड् भिसी सुइजी, ४२ “यरूशलेमला म्हिगदे, तिनी शान्तिला लागिरी तिग तोःला भिसी था याइबा हिन्सम तसेला, तर एनीगदेस था आयाइनी! ४३ थतबासलमा दाहन्स एनीगदेला शतरुगदे ढिकसी क्युसीन खसी एनीगदेदा गुडरी झाइला। ४४ ओच्छे थनीगदेस एनीगदेला शहरला पर्खाल फेफ्सी एनीगदेला शहरदा नाश तला। जमाहन्स एनीगदेला कोलागदेदा साइला। तिग्दा भिसम परमेश्वरसे एनीगदेदा थार्ना लबा धुइदा एनीगदेसे डोआसनी।”

येशू परमेश्वरला मन्दिररी फेफ्बा

मत्ती २१:१२-१७; मर्कूस

११:१५-१९; यूहन्ना २:१३-२२

४५ जमाहन्स येशू परमेश्वरला मन्दिररी फेफ्जी। ओच्छे परमेश्वरला मन्दिर न्हडरी चूडबागदेदा चुहरड् भिसी सुइबान ताप्जी, ४६ “च्यागो, परमेश्वरला बचनरी ‘डाला दिम परार्थना लबा दिम तला’ भिसी भिरबा मुला। तर एनीगदेस मी य्हागदे चिबा गला स्होबा मुला।”

x

४७ जमाहन्स धिन धिननोन येशूस परमेश्वरला मन्दिररी लोप्वारी छ्याइजी। थ धुइरी परमेश्वरला मन्दिररी पूजा लबा मुल म्हिगदेदेन यहूदी धर्मगुरुगदे ओच्छे थ य्हुत्साला नेतागदे ढिकसी येशूदा साइबारी म्हाइमुबा। ४८ तर थनीगदेस तिगे निउ आयाइनी। तिग्दा भिसम जम्मान म्हिगदेस सेम लसी येशूला ताम इयान्मुबा।

येशूला अधिकारला बाररी इयाइबा

मत्ती २१:२३-२७; मर्कूस ११:२७-३३

२० १ तिरकुनु येशू परमेश्वरला मन्दिररी लोप्वान मुबा ओच्छे परमेश्वरला य्हुत्साला समाचार थःना लबान मुबा। थनोन धुइरी परमेश्वरला मन्दिररी पूजा लबा मुल म्हिगदेदेन यहूदी गन्बागदे ओच्छे यहूदी धर्मगुरुगदे येशू मुबा ग्लारी खजी। २ ओच्छे थनीगदेस येशूदा “हराडसे

खानडग्याम अधिकार याडसी चु गे लबा हिन्ना? हराडदा चु अधिकार खाल्से पिन्बा हिन्ना?" भिसी डयोइमा, २येशूसे थनीगदेदा "डाइएनोन एनीगदेदा ताम गिक डयोइला, थे ताम डादा पाडगो। ४यूहन्नास पिन्बा बप्तिस्मा परमेश्वरग्याम हिन्ना कि म्हिग्याम हिन्ना?" भिसी डयोइजी। ५जमाहेन्से थनीगदे हराड हराड न्हडरी ताम लबारी छुयाइजी, "परमेश्वरग्याम भिजी भिसम थसे य्हाडदा थहरड भिसम एनीगदेस तिगदा यूहन्नादा विश्वास आलबा?" भिसी भिला। ६तर म्हिगदेग्याम भिजी भिसम म्हिगदेसे य्हाडदा बिरोध लला। तिगदा भिसम थनीगदेसे यूहन्नादा अगमवक्ता भिसी विश्वास लबा मुबा।" ७थेतबासेलमा थनीगदेसे येशूदा "खाइ, थसे चु अधिकार खानडग्याम याडजी इन्दा था आर" भिसी भिसा, ८येशूसे थनीगदेदा "थहरड भिसम डाइएनोन चु गगेदे खाल्ला अधिकारग्याम लबा हिन्ना, थे एनीगदेदा आपाड" भिसी सुडजी।

अधियाँ स्हाबा म्हिगदेला उखान

मती २१:३३-४६; मर्कूस १२:१-१२

१जमाहेन्से येशूसे म्हिगदेदा उखान गिक सुडजी, "म्हि गिकसे वारीरी अडगुर सुसी अधियाँरी पिन्सी थे ल्हानान धिनना लागिरी अर्गु य्हुल्सारी निजी। १०अडगुर मिन्बा धुइ तमाहेन्से थे फ्युकपो म्हिसे हराडला भो किन्बाला लागिरी अधियाँ लबागदे मुबा ग्लारी हराडला नोकरगदेदा पुइजी। तर थे अधियाँ लबागदेसे थदा तोबा ग्याडबा लसी तिगे आपिन्ना पुइजी। ११थे वारीला धनीसे स्हान्दो नोकर गिकदा पुइजी। थदाएनोन थे अधियाँ लबागदेसे तोसी बेइज्जत लसी थान्थान पुइखजी। १२थहरड लसीन थसे दो:सी स्हान्दो नोकरदाएनोन पुइजी थदाएनोन थे अधियाँ लबागदेसे सिबाधानान तोसी ते:जी।

१३"जमाहेन्से थे वारीला धनीसे 'दाहेन्से डाइ तिग लसे? डाइ माया लबा डाला झादान पुइतो:जी। डाला झादा मी थनीगदेसे मान लला वा?' भिसी पुइजी। १४तर थदा मराडसी अधियाँ लबागदेसे 'चु मी य्हाडला धनीला झा हिन्ना, य्हाडसे थदा साइग। जमाहेन्से थला सम्पत्ति य्हाडलान तला' भिसी हराड हराड न्हडरी

ताम लजी। १५जमाहेन्से थनीगदेसे थदा अडगुर वारीग्याम मडग्यार भोसी साइजी।"

चुहरड सुडसी जिन्माहेन्से येशूसे थनीगदेदा "दाहेन्से थे वारीला धनीसे थनीगदेदा तिग लला तला? १६थे खसी अधियाँ लबा म्हिगदेदा साइला ओच्छे थे अडगुरला वारी स्हान्दोगदेदा स्हाबारी पिन्ना।" भिसी सुडजी। चु थ:सी म्हिगदेसे "चुहरडबाम खाइमे थातगे" भिसी भिजी। १७ओच्छे येशूसे थनीगदेला लीरी स्हीसी चुहरड भिसी सुडजी, "थहरड भिसम परमेश्वरला बचनरी

'जुन युडबादा दिम स्हाबा कर्मीगदेसे गे आखेल भिसी म्याडबा मुबा

थेनोन युडबा दिमला सुर युडबा दोजी'

भिसी भिरबा चु तामला अर्थ तिग हिन्ना? १

१८थे युडबाथोरी ताइवागदे जम्मान छारछिर निला, ओच्छे थे युडबा खालेथोरी ताइजी भिसम थोरी मुबा म्हि फलातफलेत निला।"

तिरो फातो:बा कि फाआतो:बा

भिसी येशूदा डयोइबा

मती २२:१५-२२; मर्कूस १२:१३-१५

११जमाहेन्से यहूदी धर्मगुरुगदेदेन परमेश्वरला मन्दिररी पूजा लबा मुल म्हिगदेसे थे धुइरी येशूदा चुडबारी म्हाइजी। तिगदा भिसम चु उखान येशूसे थनीगदलान बिरोधरी सुडबा हिन्ना भिबा ताम थनीगदेदा था मुबा। तर थनीगदे म्हिगदे मराडसी लोडमुबा। २०थेतबासेलमा थनीगदेसे येशूदा चुडबारी दाउ च्याजी। थनीगदेसे येशूदा तामग्याम फसब लसी रोमी अञ्चलाधीशला यारी जिम्मा पिन्बारी म्हाइमुबा। थेतबासेलमा हराडसे हराडदान डा ज्यबा म्हि हिन्ना भिसी भरबा म्हिगदेदा थनीगदेसे येशू मुबा ग्लारी पुइजी। २१थे म्हिगदेसे येशू मुबा ग्लारी निसी, "गुरु, हराडसे लोप्या ताम ठीक हिन्ना। हराडसे खालेला ली स्हीसी गे आलमुला, ओच्छे हराडसे परमेश्वरला सत्य ग्याम उन्मुला भिसी इन्दा था मुला। २२थेतबासेलमा इन्से रोमी ग्याल्बो कैसरदा तिरो फाबा य्हाडला ठिम अन्छार ठीक हिन्ना कि आहिन?" भिसी डयोइजी।

२३-२४ तर येशूस थनीगदेला पापी सेम था याडसी येशूस थनीगदेदा “डान्दा डबल गिक भउ। चु डबलरी मुबा छापदेन मिन खाल्ला हिन्ना?” भिसी सुड्जा, थनीगदेस “रामी ग्याल्बा कैसरला” भिसी जोहाब पिन्जी। २५ जमाहेन्स येशूस थनीगदेदा “थहरड्क भिसम रामी ग्याल्बा कैसरला जति कैसरदा पिन्गो, परमेश्वरला जति परमेश्वरदा पिन्गो” भिसी सुड्जी। २६ थनीगदेस म्हिला आन्झाडरी येशूदा खजिबै तामग्याम फसब लसी चुड्बारी आसम्नी। ओच्छे येशूस सुड्बा तामरी थनीगदे उदक म्हन्सी कुटिसी चिजी।

सिबाग्याम सोना लबाला बाररी ड्योइबा

मत्ती २२ : २३-३३ ; मर्कूस १२ : १८-२७

२७ जमाहेन्स सिबाग्याम दोःसी आसो भिसी विश्वास लबा कोइ कोइ सदुकीगदे येशू मुबा ग्लारी खजी। २८ ओच्छे थनीगदेस येशूदा चुहरड्क भिसी ड्योइजी, “गुरु, मोशास व्हाड्दा पिन्बा ठिम अन्झार सालैला ज्योज्यासे ब्याह लसी कोलागदे आतनान सिजी भिसम ज्योज्याला लागिरी कोलागदे तगै भिसी आलेसे चाड्दा ब्याह लतोःला भिसी भिरबा मुला। २९ ग्ला गिकरी ज्योज्यो आले निस मुबा। थबासे ब्याह लजी, तर कोलागदे आतनान थ सिजी। ३० थहरड्क लसीन पाराड्सेस चाड्दा ब्याह लजी, थएनोन कोलागदे आतनान सिजी। ३१ जमाहेन्स साँजीसे चाड्दा ब्याह लजी, थएनोन कोलागदे आतनान सिजी। थहरड्क लसी जम्मासेन पालोन पालो चाड्दा ब्याह लजी। तर जम्मान कोलागदे आतनान सिजी। ३२ ओच्छे थ मिरड्म्हेमएनोन सिजी। ३३ थेतबासलमा डन्दा सुड्गो, सिबाग्याम सोना लजी भिसम थ मिरड्म्हेम खजिबाला मिरड्क तला? तिगदा भिसम थनीगदे जम्मासेन थ मिरड्म्हेमदेन छ्याम ब्याह लबा मुला।”

३४ जमाहेन्स येशूस थनीगदेदा चुहरड्क भिसी सुड्जी, “दान्देला म्हिगदेसे ब्याह लला, ओच्छे ब्याहएनोन लसी पिन्ना। ३५ तर स्वर्गरी निम्याड्सला म्हिगदे सिबाग्याम सोना लबा धुइरी ब्याह लसी आपिन ब्याहएनोन आल। ३६ ओच्छे थनीगदे साइमे आसि तिगदा भिसम थनीगदे स्वर्गदूतगदे हरड्बान तला। ओच्छे सिबाग्याम सोना लबाला सन्तान तबासे

लमा थनीगदे परमेश्वरला सन्तान हिन्ना। ३७ परमपरभुसे लुड्बा झाड्ग्याम मोशादा ‘डा अबराहामला परमेश्वर, इसहाकला परमेश्वर ओच्छे याकूबला परमेश्वर हिन्ना’ भिसी सुड्बा ताम मोशासे भिरबा मुला। चु तामग्यामसेन सिबाग्याम सोना लमुला भिसी उन्बा मुला। ३८ परमेश्वर सिबागदेला परमेश्वर आहिन, तर सोबागदेला परमेश्वर हिन्ना! थेतबासलमा परमेश्वरला लागिरी जम्मान सोबा मुला।”

३९ जमाहेन्स कोइ कोइ यहूदी धर्मगुरुगदेसे “गुरु, हराड्सेस सुड्बा ताम ठीक हिन्ना” भिसी भिजी। ४० जमाहेन्स खालैसेन येशूदा तिगै ताम ड्योइबारी आँट आलनी।

येशू खाल हिन्ना

मत्ती २२ : ४१-४६ ; मर्कूस १२ : ३५-३७

४१ जमाहेन्स येशूस थनीगदेदा चुहरड्क भिसी सुड्जी, “म्हिगदेसे साहरड्क लसी थार्बा पिन्बा खरीष्टदा दाऊद ग्लेला सन्तान भिसी भिबा? ४२-४३ तिगदा भिसम दाऊद हराड्सेन भिरबा व्हाइला किताबरी चुहरड्क भिसी भिरबा मुला, ‘परमपरभुसे डाला परभुदा डाइ एला शतरुगदेदा एला काड्क धिरी आथान्तधोना ए डाला दाहिने यापट्टि चिउ भिसी सुड्जी।’ a ४४ दाऊद ग्लेसेन खरीष्टदा परभु भिला भिसम साहरड्क लसी खरीष्ट दाऊद ग्लेला सन्तान तला?”

यहूदी धर्मगुरुगदे मराड्सी हाशियार ततोःबा

मत्ती २३ : १-३६ ; मर्कूस १२ : ३८-४०

४५ ओच्छे जम्मान म्हिगदेसे ड्यानबान लबा धुइरी येशूस हराड्कला चेलागदेदा चुहरड्क भिसी सुड्जी, ४६ “एनीगदे यहूदी धर्मगुरुगदे मराड्सी हाशियार तसी चिउ। तिगदा भिसम थनीगदे ज्यबा ज्यबा क्वान क्वान्सी कोबारी निमुला, ओच्छे बजाररीक्यार निमा म्हिगदेसे मान लगै भिसी सेम लमुला। थहरड्क लसीन यहूदीगदे हरुप तबा दिमदेन भोज चबा ग्लारीनोन मुल ठिरी चिबारी सेम लमुला। ४७ थहरड्क लसी थनीगदेसे हरम्बो सिबा मिरड्म्हेमगदेला दिमनाम ब्यन्मुला ओच्छे म्हिगदेदा उन्बाला लागिरी हरड्बा हरड्बा परार्थना लमुला। थहरड्बा म्हिगदेसे ल्हानान सजाय याड्कला।”

हरम्बा सिबा मिरडम्हेमसे पिन्बा भेटी

मर्कूस १२ : ४१-४४

१ येशूस परमेश्वरला मन्दिररी फ्युकुपो
२१ म्हिगदसे भेटी युबा ताडरी भेटी युबान
लबा मराड्जी। २ ओच्छे हरम्बा सिबा पराड्बा
मिरडम्हेमसनान डबल न्ही युबा मराड्जी। ३ चु
मराड्सी येशूस, “च्यागो, डाला ताम ड्यान्गो।
स्थान्दो म्हिगदसे भन्दा चु हरम्बा सिबा
पराड्बा मिरडम्हेमसे ल्हानान भेटी युबा मुला।
४ तिग्दा भिसम स्थान्दो म्हिगदसे हराड्देन
छयाम मुबा ल्हानान सम्पत्तियाम युजी, तर
चु हरम्बा सिबा मिरडम्हेम पराड्बा तसीनोन
हराड्देन छयाम मुबा जति जम्मान युजी” भिसी
सुड्जी।

परमेश्वरला मन्दिर नाश तला

मत्ती २४ : १-२ ; मर्कूस १३ : १-२

५ तिरकुनु चेलागदसे, “ज्यबा ज्यबा
युडबादेन म्हिगदसे फुल्बा भेटीगदयाम जेना
लसी स्हाबा चु परमेश्वरला मन्दिर गाते जेबा!”
भिसी ताम लबान मुबा। तर येशूस थनीगदेदा,
६ “तिरकुनु चुहरड्बा धुइएनोन खाल, थे धुइरी
दान्दे मराड्बा चु मन्दिरला युड्बा गिकनोन
बाँकी आचिना जम्मान फुप्ला” भिसी सुड्जी।

जम्बुलिङ नाश तबा धुइला चिनुगदे

मत्ती २४ : ३-१४ ; मर्कूस १३ : ३-१३

७ ओच्छे थनीगदसे, “गुरु, चु तामगदे
खाइमा तला ? चुहरड् तबारी छयाइजी भिसी
खाहरड्बा चिनु मराड्ला ?” भिसी ड्याइमा,
८ येशूस थनीगदेदा चुहरड् भिसी सुड्जी,
“एनीगदे होशियार तसी चिउ, सालैसे एनीगदेदा
झुक्याब थालगै। तिग्दा भिसम डाला मिन
किन्सी ‘डानोन थार्बा पिन्बा खरीष्ट हिन्ना’
भिसी ल्हानान म्हिगदे खला। ओच्छे ‘धुइ
खसी जिन्बा मुला’ भिसी भिला, तर एनीगदसे
थनीगदेला ताम थाड्यान्गो। ९ ओच्छे लडाइ
तजी भिबा ताम थेःसी एनीगदे आतेब थातउ,
तिग्दा भिसम चु जम्बुलिङ नाश तबा भन्दा
डाच्छा चु तनोन तोःला। तर थनोन धुइरी चु
जम्बुलिङ नाश आत।” १० जमाहेन्से येशूस
थनीगदेदा दोःसी चुहरड् भिसी सुड्जी, “म्हि
यहुलला विरोधरी म्हि यहुलनान ओच्छे

यहुल्ला विरोधरी यहुल्ला रेःला। ११ ओच्छे
घरेन घरेन सड्गुल खला, जम्मान ग्लारी
अनिकालेदेन देसान खला। मुरी घरेन घरेन
लोड्बा खबा चिनुगदे मराड्ला।

१२ “तर चु तबा भन्दा डाच्छा म्हिगदसे
एनीगदेदा चुड्सी दुख पिन्ना। ओच्छे
यहूदीगदे हरूप तबा दिमरी जिम्मा लसी
एनीगदेदा झ्याल्लानरी झाड्ला। ओच्छे
एनीगदसे डादा विश्वास लबासे लमा ग्लेदेन
अञ्चलाधीशगदेला डाच्छापट्टि भोर्ला। १३ थे
धुइरी एनीगदसे डाला बाररी पाड्बा मौका
याड्ला। १४ तर एनीगदसे हराड्दा जोगब
लबारी तिग पाड्तोःबा भिसी धन्दा सुर्दा
थालउ। १५ तिग्दा भिसम थे धुइरी एनीगदसे
तिग ताम पाड्तोःबा थे ताम पाड्बारी डाइ
एनीगदेदा ज्ञान बुदधि पिन्ना। जमाहेन्से
थनीगदसे एनीगदेला ताम थाबारी आखम
ओच्छे एनीगदसे पाड्बा तामला जोहाबएनोन
पिन्बारी आखम। १६ तर एनीगदेदा हराड्लान
आबा आमा, ज्योज्यो आल ओच्छे हराड्ला
म्हिगदेदेन हरोगदसेनोन चुड्सी पिन्ना।
ओच्छे एनीगदे न्हड्ला कोइ कोइदा मी
म्हिगदसे साइपुड्ला। १७ थहरड् लसीन डादा
विश्वास लबासे लमा एनीगदेदा जम्मान
म्हिगदसे हला लला। १८ तर एनीगदेला थाबाला
करा गिक सुत्ते आताइ। १९ जस्तोन दुख तसेनोन
एनीगदसे समहेन्सेन विश्वास लसी चिबासे
लमा जुकुजुकधानाला जुनी याड्ला।

येशूस यरुशलेम नाश तला भिसी सुड्बा

मत्ती २४ : १५-२१ ; मर्कूस १३ : १४-१९

२० “यरुशलेम शहरदा सिपाहीगदसे घरेब
लबा मराड्माहेन्से शहर नाश तबा धुइ खसी
जिन्जी भिसी एनीगदसे घाउ। २१ थे धुइरी
यहूदिया अञ्चलरी मुबागदे गडरीक्यार यार्गे,
शहर न्हडरी मुबागदसे शहर ख्तागै ओच्छे
नाम्सारी मुबागदे शहररी थाखगे। २२ तिग्दा
भिसम थे धिन चा परमेश्वरगयाम सजाय याड्बा
धिन हिन्ना। ओच्छे परमेश्वरला बचनरी
भिरबा जम्मान ताम पूरा तनोन तला। २३ थे
धुइरी जिउ न्हीला मिरडम्हेमेदेन कोलादा
इहे ख्वाबा आमागदेदा झन गाते ल्हानान
दुख तला! ओच्छे यहुल्ला नाड्नोन ल्हानान
दुख तला। चु यहुलला म्हिगदेदा परमेश्वरसे

ल्हानान सजाय पिन्ना। २४थे धुइरी कोइ कोइ म्हिगदेदा तरवारसे ताम्सी साइला, कोइ कोइदा चुइसी य्हुल्सा य्हुल्सारी भोर्ला। ओच्छे अर्गुं य्हुलला म्हिगदेला धुइ आजिन्तेधोना थनीगदेस यरुशलमरी रजाई लला।

येशू दोःसी फेप्सबा धुइ

मत्ती २४ :२९-३१ ; मर्कूस १३ :२४-२७

२५ “लनी धिनीदेन सारगदेरी खाइमे आमराइबा चिनुगदे मराइला। ओच्छे समुन्दर धुर्बादेन समुन्दरला छालसे लमा जम्बुलिङला जम्मान म्हिगदे लोइसी आत्तब तला। २६ जम्बुलिङरी तबारी छुयाइबा दुसला बाररी था याइसी म्हिगदे लोइसी सिबा तेबान तला। तिग्दा भिसम मुरी मुबा जम्मान शक्ति याइयोइ तला। २७ जमाहेन्से परमेश्वरसे पुइसबा म्हिदा घरेन शक्तिदेन य्हाल य्हालरी खसुरी खबान लबा मराइला। २८थेहरइ तमाहेन्से आलोडना एनीगदेसे स्वर्गपट्टि च्यागो, तिग्दा भिसम एनीगदेदा योनान थार्ना लला।”

अञ्जीरला दोइ च्यासी लोप्तोःबा ताम

मत्ती २४ :३२-३५ ; मर्कूस १३ :२८-३१

२९ जमाहेन्से येशूसे थनीगदेदा उखानग्याम चुहरइ भिसी सुइजी, “एनीगदेसे अञ्जीर दोइदेन अर्गुं दोइगदे, ३० मुबा मराइमाहेन्से दाहेन्से छेप्बा छेबा ला खबारी छुयाइजी भिसी था याइमुला। ३१थेहरइ लसीन डाइ पाइबा ताम तेबान लबा मराइमाहेन्से एनीगदेसे परमेश्वरला य्हुल्सा सबा धुइ तबारी छुयाइजी भिसी था याइगो।

३२ “च्यागो, एनीगदेसे डाला ताम ड्यान्गो, चु जम्मान ताम पूरा आततेधोना दान्देला म्हिगदे आसि। ३३ मुदेन जम्बुलिङ म्हासी निसैनोन डाला बचन साइमे आम्हा।”

येशूसे छोर्सी चिउ भिसी लोप्ता

३४ “तर एनीगदे होशियार तसी चिउ, आहिन्सम मांजमजा लसी इय्होइसी भरबादेन हराइला ल्हुइला धन्दा सुर्दासे लमा एनीगदेला सम न्होइला। ओच्छे परमेश्वरसे पुइसबा म्हि सभा एनीगदे तिवसुरीन पासोरी परब तबा

हरइ तला। ३५थेहरइ लसीन जम्बुलिङरी चिबा जम्मान म्हिगदेधोरी थे धिन सला। ३६थेतबासलमा एनीगदे थे लोडबा सबा धुइरी जोगब तबारीदेन परमेश्वरसे पुइसबा म्हिला डाच्छा राप्बारी खम्गे भिसी परार्थना लसी छोर्सी चिउ भिसी सुइजी।”

३७थे धुइरी येशूसे धिनीरी म्हिगदेदा परमेश्वरला मन्दिररी लोप्मुबा, ओच्छे म्हुन तमाहेन्से जेतून भिबा गडरी बास स्य्हुबारी फेप्मुबा। ३८ येशूला बचन ड्यान्वाला लागिरी म्हिगदे स्य्हारीन परमेश्वरला मन्दिररी खमुबा।

येशूदा साइबारी सल्लाह लबा

मत्ती २६ :१२-१४ ; मर्कूस १४ :१-२, १०-११

२२ १मिशर य्हुल्साग्याम फेसी खबा धिनीदा ढन्सी खमीर आयुना गेड चसी धइबा चाइ खबारी छुयाइमुबा। २थे धुइरी परमेश्वरला मन्दिररी पूजा लबा मुल म्हिदेन य्हूदी धर्मगुरुगदेसे येशूदा साहरइ लसी साइबा भिसी दाउ च्यासी भरमुबा। तर थनीगदे म्हिगदेदेन छुयाम लोइमुबा। ३थे धुइरी च्युक न्ही चेलागदे न्हइला य्हूदा इस्करियोत भिबा चेलाला सम न्हइरी शैतान वाइजी। ४जमाहेन्से य्हूदा इस्करियोत परमेश्वरला मन्दिररी पूजा लबा मुल म्हिदेन मन्दिरला सिपाहीगदेला हाकिम मुबा ग्तारी निसी येशूदा चुइसी थनीगदेला यारी जिम्मा लसी पिन्ना भिसी सल्लाह लजी। ५जमाहेन्से थनीगदे ताइसी य्हूदा इस्करियोतदा टाइगा पिन्ना भिसी कबुल लजी। ६जमाहेन्से य्हूदा इस्करियोतसे तला, भिसी म्हिला हुल आरबा धुइरी येशूदा चुइसी पिन्बारी दाउ च्यासी भरजी।

येशूसे भोज तयार लउ भिसी कुल्बा

मत्ती २६ :१७-२५ ; मर्कूस

१४ :१२-२१ ; य्हन्ना १३ :२१-३०

७मिशर य्हुल्साग्याम फेसी खबा धिनीदा ढन्सी धइबा चाइ खसी जिन्बा मुबा। थे चाइकुनु ग्यु बागो बलि पिन्तोःबा मुबा। ८थे धुइरी येशूसे पतरुसदेन य्हन्नादा “एनीगदे निसी य्हाइला लागिरी चाइला भोज तयार लउ” भिसी कुल्जी।

२२१ :२५ यशै १३ :१० ; इज ३२ :७ ; योए २ :३१ ; उन्बा ६ :१२-१३

२२१ :२७ दानि ७ :१३ ; उन्बा १ :७ २२१ :३७ लूका १९ :४७

१ जमाहेन्से थनीगदेस “डन्से भोज खानड तयार लउ” भिसी येशूदा डयोइमा, १० येशूसे थनीगदेदा “एनीगदे शहरी धामे छुयाम दबुडरी क्युड पुडसी निबान लबा म्हि गिकदा स्याप्ला, एनीगदे थ म्हिला लिच्छा लिच्छा निउ। ११ ओच्छे थ म्हि जुन दिमरी वाडला थ दिमला धनीदा ‘डाइ डाला चेलागदेदेन छुयाम चिसी मिशर य्हुत्साग्याम फेसी खबा धिनदा ढन्सी धड्बा चाडला भोज चबा कोठा खानड मुला ? भिसी डन्ना गुरुस डयोइबा मुला’ भिसी भिउ। १२ जमाहेन्से एनीगदेदा थस डच्छान जेना लसी थान्बा तलाथोला घरेन कोठा उन्सी पिन्ना। एनीगदेसे थरीन य्हाडला लागिरी भोज तयार लउ” भिसी कुल्जी।

१३ जमाहेन्से थनीगदे निजी ओच्छे येशूसे सुडबा हरडनोन स्याप्ली। ओच्छे थनीगदेसे थ मिशर य्हुत्साग्याम फेसी खबा धिनदा ढन्सी धड्बा चाडला भोज तयार लजी।

परभु भोज

मत्ती २६ :२६-३०; मर्कुस

१४ :२२-२६; १ कोरिन्थी ११ :२३-२५

१४ चबा धुइ तमाहेन्से येशू हराडला मुल चेलागदेदेन छुयाम सोल छुयोइबारी धन्छुयाजी। १५ जमाहेन्से येशूसे थनीगदेदा “डाइ दुख नाबा भन्दा डच्छा एनीगदेदेन छुयाम चिसी चु चाडला भोज चबा सम ल्हानान मुबा। १६ थतबासलमा एनीगदेसे डाला ताम ड्यान्गो, परमेश्वरला य्हुत्सारी चु भोजला अर्थे पूरा आततेधोना डाइ चु भोज दोःसी आच” भिसी सुडजी। १७ जमाहेन्से येशूसे खोर यारी थोसी परमेश्वरदा धन्यवाद पिन्माहेन्से “ना, चु एनीगदे जम्मासेन भो लसी थुड्यो। १८ एनीगदेसे डाला ताम ड्यान्गो, तिगदा भिसम परमेश्वरला य्हुत्सा आसतेधोना डाइ अडगुरला निडगु आथुड” भिसी सुडजी। १९ जमाहेन्से येशूसे यारी गड थोसी परमेश्वरदा धन्यवाद पिन्माहेन्से गड क्युडसी चेलागदेदा पिन्बान, “चु एनीगदेला लागिरी पिन्बा डाला ल्हुइ हिन्ना। दाहेन्से डादा ढन्सी चिबाला लागिरी एनीगदेसे चुहरडनोन लउ” भिसी सुडजी। २० थहरड लसीन गड चसी जिन्माहेन्से येशूसे खोर थोसी चेलागदेदा चुहरड भिसी सुडजी, “चु खोररी मुबा अडगुरला निडगु डाला काग्याम स्होबा छार कबुल हिन्ना। चु डाला का एनीगदेला लागिरी बगब तबा मुला।

२१ “तर च्यागो, डादा चुडसी पिन्बा म्हि डादेन छुयामनोन चिसी चबान मुला। २२ परमेश्वरसे पुडखबा म्हि मी परमेश्वरसे सुडबा अन्धार निनोन तोःला। तर परमेश्वरसे पुडखबा म्हिदा चुडसी पिन्बा म्हिसे चा परमेश्वरग्याम सजाय याडला।” २३ चु ताम थःसी चेलागदे हराड हराड न्हडरी चुहरडबा गे लबा म्हि खाल मुला तला ? भिसी ताम लजी।

खाल घरेन खाल जजा

२४ जमाहेन्से चेलागदे हराड हराड न्हडरी खाल घरेन भिसी ताम लबारी छुयाइजी। २५ चु ताम था याडसी येशूसे थनीगदेदा चुहरड भिसी सुडजी, “चु जम्बुलिडला ग्लेगदेदेन घरेन घरेन म्हिगदेसे म्हिगदेथारी शासन लमुला। ओच्छे म्हिगदेसे थनीगदेन डन्दा दया लबा ज्यबा म्हि हिन्ना भिसी भिमुला। २६ तर एनीगदे चा थहरड तबारी आत। ओच्छे एनीगदे न्हडरी जुन घरेन मुला थ जजा दोगे ओच्छे नेता दोबासे चा स्थान्दोगदेला सेवा लगे। २७ तिगदा भिसम चबारी चिबा मालिकदेन चबा पिन्बा नोकररी खजिबा चा घरेन हिन्ना ? तिग चबारी चिबा मालिक घरेन आहिन ? हिन्ना। तर डा एनीगदेला ओन्छाडरी चबा पिन्बा नोकर हरडबान मुला। २८ एनीगदे चा डादा दुख तमा हरो लबागदे हिन्ना। २९ थतबासलमा डाला आबासे डादा य्हुत्सा गिकला अधिकार पिन्बा हरड लसी डाइएनोन एनीगदेदा थ य्हुत्साला अधिकार पिन्ना। ३० जमाहेन्से एनीगदेसे डाला य्हुत्सारी टेबुल गिकरीन चबा थुडबा लला। ओच्छे इसराएलला ज्युक न्ही वंशला निसाफ लसी ठिरी चिला।”

पतरुसेसे येशूदा खाला भिसी पाड्बा ताम

मत्ती २६ :३१-३५ ; मर्कुस

१४ :२७-३१ ; य्हन्ना १३ :३६-३८

३१ जमाहेन्से येशूसे पतरुसेदा “सिमोन, सिमोन, शेतानसे एदा ग्वा य्हाप्ला हरड लसी य्हाप्लारी छुयाइबा मुला। ३२ तर एला विश्वास याडयोड थातगे भिसी डाइ एला लागिरी परार्थना लजी। ए दोःसी डादेन छुयाम खमाहेन्से एसे आलेगदेदा विश्वासरी कोडना लउ।

३३ जमाहेन्से पतरुसेसे येशूदा “परभु, डा हराडदेन छुयाम झ्यालखानरी चितोःसे

हराडदेन छ्याम सितोःसै सिबारी तयार मुला” भिसी भिजी।

३४ तर येशूस पतरुसदा “पतरुस, डाला ताम ड्यान्गो, न्हडगर स्होरी नागा कराबा मन्दा डाच्छा एस डादा डासबान आर भिसी सोमरमधाना पाडला” भिसी सुडजी।

सबारी छ्याडाबा दुसला लागिरी होशियार तउ

३५ येशूस थनीगदेदा “डाइ एनीगदेदा टाडगा, झोला, लखम आभोर्ना निउ भिसी पुइमुबा। थ धुइरी एनीगदेदा तिगे स्हला सॉचो तजी? भिसी ड्याडमा, थनीगदेस “आतनी” भिसी भिजी।

३६ जमाहेन्से येशूस थनीगदेदा चुहरङ्ग भिसी सुडजी, “तर दाहेन्से टाडगा मुबास टाडगा थोगो, झोला मुबास झोला थोगो, ओच्छे जुन म्हेदेन छ्याम तरवार आर थेसे हराडला क्वान चूडसी भिसै तरवार गिक ग्लुउ। ३७ एनीगदेसे डाला ताम ड्यान्गो, तिग्दा भिसम परमेश्वरला बचनरी थंदा अपराधोगदेदा हरडनोन लला भिसी भिरबा ताम ड्याग्याम पूरा तनोन तोःला” तिग्दा भिसम डाला बाररी भिरबा ताम पूरा तबान मुला।” ३८ जमाहेन्से येशूदा चेलागदेस “परमु, चुरी तरवार न्ही मुला” भिसी भिमा, येशूस थनीगदेदा “तजी” भिसी सुडजी।

येशूस लबा प्रार्थना

मत्ती २६ :३६-४६ ; मर्कूस १४ :३२-४२

३९ येशू सदला हरडनोन थ ग्लायाम थोन्सी जैतून भिबा गडरी फप्जी। ओच्छे थला चेलागदेएनोन लिच्छा लिच्छा निजी। ४० थ ग्लारी धोमाहेन्से येशूस थनीगदेदा “एनीगदे फसब आतबाला लागिरी प्रार्थना लसी चिउ” भिसी सुडजी। ४१ ओच्छे येशू थनीगदेग्याम जजाकी क्याथाड फप्सी पुइ जूसी चुहरङ्ग भिसी प्रार्थना लबारी छ्याडाजी। ४२ “आबा, तसम डादा चु दुसग्याम फेसी पिन्गो। तर डाइ म्हेन्वा अन्धार आहिन, हराडसे म्हेन्वा अन्धार पूरा तगे।” ४३ जमाहेन्से स्वर्ग्याम स्वर्गदूत गिक खसी येशूदा दुस नासम्बा मड पिन्जी। ४४ थ धुइरी येशूदा ल्हानान दुस तबासे लमा थेसे झन प्रार्थना लजी। थ धुइरी थला टू काला धारा हरङ्ग लसी सरी ताडबान मुबा।

४५ प्रार्थना लसी हराडला चेलागदे मुबा ग्लारी फप्समा येशूस थनीगदे दुससे लमा

लारकलुरुक तसी म्हेर्सी चिबा स्याप्जी। ४६ जमाहेन्से येशूस थनीगदेदा “तिग्दा एनीगदे म्हेर्सी चिबा? रःगो, पापरी फसब आतबाला लागिरी एनीगदेस प्रार्थना लउ” भिसी सुडजी।

येशूदा चुडबा

मत्ती २६ :४७-५६ ; मर्कूस

१४ :४३-५० ; यूहन्ना १८ :३-११

४७ येशूस चु ताम सुडबान लबा धुइरी थरी म्हेला हुल गिक खजी। थ म्हेला हुलला डाच्छा डाच्छा च्युक न्ही चेलागदे न्हडला यहूदा भिबा चेला खजी। येशूदा च्योक लबाला लागिरी थ येशूला डामरी खजी। ४८ तर येशूस थंदा “यहूदा, तिग एस परमेश्वरसे पुइखबा म्हेदा च्योक लसी फसब लबारी म्हाइबा?” भिसी सुडजी।

४९ जमाहेन्से येशूला डामरी मुबा चेलागदेसे थरी तबारी छ्याडाबा ताम था याडसी येशूदा “परमु, डन्से तरवार चलब लउ?” भिसी, ५० थनीगदे न्हडला गिकसे परमेश्वरला मन्दिररी पूजा लबा मुल म्हेला नोकरदा ताम्मा थला दाहिनेपटटिला नाब्यड च्याटटन थाजी। ५१ तर येशूस “तजी थालउ” भिसी थला नाब्यडरी थुर्सी खम्ना लजी।

५२ जमाहेन्से येशूस हराडदा चुडबारी खबा परमेश्वरला मन्दिररी पूजा लबा मुल म्हेगादेदेन मन्दिरला सिपाहीगदेला हाकिमगदेदा ओच्छे यहूदी गन्बागदेदा “एनीगदे य्होदा चुडबारी खबा हरङ्ग लसी तिग्दा कडीदेन तरवार थोसी खबा? ५३ डा धिन धिननोन एनीगदेदेन छ्यामनोन परमेश्वरला मन्दिररी मुबा। थ धुइरी एनीगदेस डादा आचुडनी। तर दाहेन्से एनीगदेला गे लबा धुइ खबा मुला ओच्छे चु धोपधोपसे शासन लबा धुइ हिन्ना” भिसी सुडजी।

पतरुससे येशूदा डोसेबा आर भिसी पाडबा

मत्ती २६ :५७-५८, ६९-७५ ; मर्कूस १४ :५३-५४,

६६-७२ ; यूहन्ना १८ :३३-३८, २५-२७

५४ जमाहेन्से थनीगदेसे येशूदा चुडसी परमेश्वरला मन्दिररी पूजा लबा मुल म्हेला दिमरी भोजी। पतरुसएनोन थारडग्यामसन येशूला लिच्छा लिच्छा निजी। ५५ थरी म्हेगादे खराडगाला गुडरी मे फुडसी दबान मुबा।

ओच्छे पतरुसएनोन थरी खसी थनीगदेदन छयामनोन चिजी। ५६थनोन धुइरी नोकरस्या गिकस पतरुसदा म दूसी चिबा मराइसी थदा “चु गिहएनोन यशूदेन छयामनोन मुबा” भिसी भिमा, ५७पतरुसस थ नोकरस्यादा “माइ, डाइ थदा डासबा आर” भिसी भिजी।

५८ओच्छे छिन्नड लिच्छा स्थान्दो म्हि गिकस पतरुसदा मराइसी, “एएनोन थनीगदेला हरो हिन्ना” भिसी भिमा, पतरुसस “डा आहिन” भिसी जोहाब पिन्जी।

५९ओस्पन घण्टा गिक लिच्छा स्थान्दो म्हि गिकसे “चु म्हिएनोन पक्कान यशूदेन छयामनोन मुबा, तिग्दा भिसम चुएनोन गालीलला हिन्ना” भिसी भिमा, ६०पतरुससे “एसे तिग भिबा, डादा था आर” भिसी भिमैछयाम नागा कराजी। ६१ओच्छे परभुसे पतरुसदा स्हीजी। जमाहेन्से “न्हडगर स्थारी नागा कराबा भन्दा डाच्छा सोमरमधोना एसे डादा डासबान आर भिला” भिसी परभुसे सुडबा ताम पतरुससे दन्जी। ६२जमाहेन्स पतरुस मडग्यार निसी घ्वाँ घ्वाँ कराजी।

येशूदा सिपाहीगदेस खिसी लसी तोबा

मत्ती २६:५९-६८; मर्कूस

१४:५५-६५; यूहन्ना १८:१९-२४

६३जमाहेन्से येशूदा चुइसी भवा म्हिगदेसे येशूदा खिसी लबान तोजी। ६४ओच्छे येशूला मी घस्सी तोबान, “तु, अगमवाणी पाङ्गो, एदा खाल्स तोजी?” भिसी भिजी। ६५ओच्छे थनीगदेस येशूदा बडबान बेइज्जत लजी।

येशूदा यहूदीगदेला सभारी भोर्बा

मत्ती २६:५९-६६; मर्कूस

१४:५५-६४; यूहन्ना १८:१९-२४

६६य्हाल तमैछयाम येशूदा यहूदी गन्बागदे हरुप तबा सभारी भोर्जी। थ सभारी परमेश्वरला मन्दिररी पूजा लबा मुल म्हिगदेदेन यहूदी धर्मगुरुगदे मुबा। ६७जमाहेन्स थनीगदेसे येशूदा “ए थार्बा पिन्बा खरीष्ट हिन्ना भिसम डन्दा पाङ्गो” भिसी भिमा, येशूस थनीगदेदा “डाइ पाङ्गसेनोन हराडनीसे विश्वास आल। ६८ओच्छे डाइ तिगे डयोइसेनोन हराडनीसे जोहाब पिन्बारी आखम। ६९तर दाहेन्से परमेश्वरसे पुइखबा म्हि शक्तिशाली परमेश्वरला दाहिनेपट्टि चिला” भिसी सुडजी।

७०जमाहेन्से थनीगदे जम्मासेन येशूदा “थहरड भिसम तिग ए परमेश्वरला डा हिन्ना?” भिसी डयोइमा, येशूस थनीगदेदा “हराडनीसे सुडबा हरडनोन डा थनोन हिन्ना” भिसी जोहाब पिन्जी।

७१येशूस चुहरड सुडमाहेन्स थनीगदेसे “थलान सुडगयाम य्हाडसे चु जम्मान ताम थःसी जिन्माहेन्स दाहेन्स य्हाडदा थला बिरोधरी अर्गु परमाण तिग्दा तोःजी” भिसी भिजी।

पिलातसेसे येशूदा डयोइबा छार्बा लबा

मत्ती २७:१-२, ११-१४; मर्कूस

१५:१-५; यूहन्ना १८:२८-३८

१जमाहेन्से यहूदीगदेलान सभाला २३ म्हिगदेसे येशूदा पिलातसे भिबा रोमी अञ्चलाधोश मुबा ग्लारी भोर्सी जिम्मा पिन्जी। २ओच्छे थनीगदेसे येशूदा दोष लबान, “चुसे हराडसे हराडदान डा थार्बा पिन्बा खरीष्ट हिन्ना भिबादेन रोमी ग्याल्बो कैसरदा तिरा फाआतोः भिसी य्हाडला य्हुल्साला म्हिगदेदा न्होडना लबा डन्से स्याप्जी” भिसी भिजी। ३थनीगदेला ताम थःसी पिलातसेसे येशूदा “तिग ए यहूदीगदेला ग्ले हिन्ना?” भिसी डयोइमा, येशूस पिलातसेदा “थ मी हराडसेन सुडबा मुला” भिसी जोहाब पिन्जी।

४जमाहेन्स पिलातसेसे परमेश्वरला मन्दिररी पूजा लबा मुल म्हिदेन थरी मुबा जम्मान म्हिगदेदा “डाइ चु गिहला तिगे गलती आस्यान्नी” भिसी भिमा, ५थनीगदेसे किरडबान, “चुसे यहूदिया अञ्चलदेन गालील अञ्चलहेन्से चुधोनाला म्हिगदेदा हराडला ताम लोप्सी न्होडना लबा मुला” भिसी भिजी।

६जमाहेन्से पिलातसेसे “चु म्हि गालीलला हिन्ना?” भिसी डयोइजी। ७येशू हेरोदसे शासन लबा अञ्चलला चीम भिसी था याङ्माहेन्से पिलातसेसे येशूदा हेरोद मुबा ग्लारी पुइजी। थ धुइरी हेरोद यरुशल्लेमरी मुबा। ८येशूदा मराडमाहेन्स हेरोद ल्हानान ताङ्जी। तिग्दा भिसम थसे येशूला बाररी थःबासे लमा ल्हानान धिनहेन्से येशूदा च्याबा सम लमुबा। ओच्छे थसे येशूस लबा तिगे उदेकला गे च्याम्याडला भिसी आश लबा मुबा। ९थतबासेलमा थसे येशूदा ल्हानान ताम डयोइजी तर येशूस तिगे जोहाब आपिन्नी। १०ओच्छे परमेश्वरला मन्दिररी पूजा लबा मुल म्हिगदेदेन यहूदी

धर्मगुरुगद किरडबान येशूदा दोष लबारी छुयाइजी। ११ जमाहेन्स हरोददन थला सिपाहीगदसे येशूदा खिसी लबान बेइज्जत लजी। ओच्छे येशूदा ग्लेसे क्वान्बा हरडबा क्वान क्वान्सी पिन्सी पिलातस मुबा ग्लारी दोःसी पुइजी। १२ डाच्छा हरोददन पिलातस आदिक्वा मुबा। तर थ धिनकुनुहन्स थन्नी दिक्की।

येशूदा सिबाला सजाय पिन्बा

मत्ती २७ :१५-२६; मर्कुस

१५ :६-१५; यूहन्ना १८ :३९-१९ :१६

१३ जमाहेन्स पिलातससे परमश्वरला मन्दिररी पूजा लबा मुल म्हिगददेन यहूदी नेतागददा ओच्छे म्हिगददा डयोइसी, १४ “एनीगदसे चुसे म्हिगददा न्होडना लजी भिसी डा मुबा ग्लारी भजी, तर डाइ एनीगददेला डाच्छापट्टिन चुदा डयोइबा छावा लमा डाइ हराडनीसे लबा दोष तिगे आस्यान्नी। १५ हरोदसे एनोन तिगे दोष आस्यान्बासे लमा चुदा य्हाड मुबा ग्लारी पुइखजी। च्यागो, साइनोन तोःबा खाल्ला गे चा चुसे तिगे लबा आरे। १६ थेतबासेलमा डाइ चुदा सजाय जे पिन्सी पुइला” भिसी भिजी। १७ यहूदीगद मिशर य्हुल्साग्याम फेसी खबा धिनदा ढन्सी धडबा चाडला धुइरी पिलातससे ड्याल्खानरी मुबा म्हि गिकदा पुइतोःमुबा। १८ तर जम्मान म्हिगदसे “चुदा साइनोन तोःला, बरु डन्ना लागिरी बारब्बादा पुइसी पिन्गो” भिसी किरडजी। १९ थ धुइरी जम्मान म्हिसे डोसबा बारब्बा भिबा आज्यबा गे लबा म्हि गिक ड्याल्खानरी थान्बा मुबा।

२० पिलातससे येशूदा पुइबा सेम लसी म्हिगददा धोना लबारी म्हाइजी। २१ तर थनीगदे जम्मानसेन, “चुदा करूसरी टांगब लसी साइगो, करूसरी साइगो!” भिसी किरडबाला किरडबान लजी। २२ दोःसी एनोन पिलातससे थनीगददा “तिगदा ? चुसे थेहरडबा आज्यबा गे तिग लबा मुला ? डाइ मी चुदा साइतोःबा दोष तिगे आस्यान्नी। थेतबासेलमा डाइ चुदा सजाय पिन्सी पुइला” भिसी भिजी। २३ तर थनीगदे झन किरडसी, “करूसरी साइनोन तोःला” भिसी

भिजी। चुहरड लसी किरडसी म्हिगदसे ढाजी। २४ जमाहेन्स पिलातससे येशूदा थनीगदसे भिबा हरडनोन लपुडजी। २५ ओच्छे आन्दोलन लसी म्हि साइबासे लमा ड्याल्खानरी झाडबा बारब्बादा पिलातससे पुइसी पिन्जी। तिगदा भिसम म्हिगदसे थदान पुइसी पिन्गो भिसी भिमुबा। तर येशूदा चा थनीगदसे पाडबा अन्धार थनीगदेला यारी जिम्मा लसी पिन्जी।

येशूदा करूसरी साइबा

मत्ती २७ :३२-४४; मर्कुस

१५ :२१-३२; यूहन्ना १९ :१७-२७

२६ जमाहेन्स थनीगदसे येशूदा थग्याम भोर्बान लमा कुरनी भिबा ग्लाला सिमोन खबान मुबा। थदा चुडसी येशूला करुस पुइपुइसी येशूला लिच्छा लिच्छा भरपुडजी। २७ ओच्छे म्हिला हुल येशूला लिच्छा लिच्छा निजी। थरी मिरडम्हेमगदेनोन कराबा किरडबा लबान मुबा। २८ तर थनीगदेपट्टि दोःसी येशूसे चुहरड भिसी सुडजी, “येरूशलमला झामगद, डाला लागिरी थाकरागो, तर हराडलान लागिरी ओच्छे हराडलान कोलागदेला लागिरी करागो। २९ तिगदा भिसम चुहरडबा धुइ एनोन खबान मुला। थ धुइरी म्हिगदसे कोला आन्हबा मिरडम्हेमदनेन ड्ह स्वाआतोःबा मिरडम्हेमगददा परमश्वरग्याम मोलम याडबा म्हि हिन्ना भिसी भिला। ३० थनान धुइरी म्हिगदसे गडगददा डनीथारी ताइगो ओच्छे डन्दा ल्हुउ भिसी भिला। ३१ दोड पिडगे मुबा धुइरीन चुगदसे चुहरड लमुला भिसम दोड सर्माहन्स झन तिग लला ?” भिसी सुडजी।

३२ थनीगदसे य्हा न्हीदा एनोन येशूदेन छुयामनोन साइबारी भोजी। ३३ जमाहेन्स थनीगदे सप्पर भिबा गडरी धोखजी। थरी थनीगदसे येशूदा करूसरी टांगब लजी। ओच्छे थ य्हा न्हीदा एनोन गिकदा येशूला दाहिनपट्टि, गिकदा देबरपट्टि लसी करूसरी टांगब लजी। ३४ थ धुइरी येशूस “आबा, चुगददा माफ लउ। तिगदा भिसम चुगदसे तिग लबान मुला थ चुगददा था आरे” भिसी सुडजी। ओच्छे सिपाहीगदसे चिट्ठा युसी येशूला क्वान हराड हराड न्हडरी भो लजी। ३

११२३ :१७ चु पदला ताम ल्हानान हरडबा गरीक बाइबलरी भिरबा आरे।

१२३ :३० होशे १० :८; उन्बा ६ :१६ १२३ :३४ भजन २२ :१८

३५ थैरी राप्सी च्यासी चिबा म्हिगदेदेन यहूदी नेतागदेसे येशूदा खिसी लबान, “चुसे स्थान्दो म्हिदा मी जोगब लजी। चु परमेश्वरसे धम्बा थाबा पिन्बा खरीष्ट हिन्सम हराडस हराडदान जोगब लगे” भिसी भिजी।।

३६ ओच्छे सिपाहीगदेसे एनोन येशूदा अडगुरला कम्बा निडगु पिन्सी खिसी लबान, ३३७ “ए यहूदीगदला ग्ले हिन्सम हराडस हराडदान जोगब लउ” भिसी भिजी।

३८ ओच्छे येशूदा “यहूदीगदला ग्ले” भिसी दोष उन्बा ताम भिरसी येशूला थाबाथारी थान्जी।

३९ येशूदेन छयामनोन करुसरी टाँगब लबा य्हो न्ही न्हडला गिकस येशूदा खिसी लबान, “ए थाबा पिन्बा खरीष्ट आहिन? लु, एसे हराडदा जोगब लउ, ओच्छे इन्दा एनोन जोगब लउ” भिसी भिजी। ४० तर स्थान्दो य्होसे थेदा बडबान चुहरड भिसी सुड्जी, “एदा परमेश्वर मराडसी लाडबा आसमुला? थेसे याडबा सजाय एसे याडबा आर? ४१ य्होडसे मी आज्यबा गे लबासे लमा ठीक सजाय नाबान मुला, तर चुसे मी थहरडबा तिगे आज्यबा गे लबा आर।”

४२ जमाहेन्से थेसे येशूदा “येशू, हराडला य्हुल्सारी फाबा धुइरी डादा एनोन दन्गो” भिसी भिजी।

४३ ओच्छे येशूसे थेदा “एसे डाला ताम ड्यान्गो, तिनीन ए डादेन छयाम स्वर्गरी तला” भिसी सुड्जी।

येशू सिबा

मत्ती २७ : ४५-५६ ; मर्कुस

१५ : ३३-४१ ; यूहन्ना १९ : २८-३०

४४ ओस्पन धिनना बाहर बजेहेन्से तीन बजधोना य्हुल्सा नाडनोन धोपधोप तजी। ४५ थे धुइरी धिनीला य्हाल म्हाजी, ओच्छे परमेश्वरला मन्दिर न्हडला पदा पख्ले न्ही तसी देजी। ४६ जमाहेन्से येशूसे किरडबान, “आबा, डाला आत्मा किन्गो” भिसी सुड्माहेन्से येशूला सा निजी।।

४७ चु मराडसी रोमी कप्तानसे परमेश्वरदा जयजयकार लबान, “चु म्हि पक्कान परमेश्वरला डाच्छा ज्यबा म्हि चीम” भिसी भिजी।

४८ चु मराडसी थैरी च्याबारी सबा जम्मान म्हिगदेदा ल्हानान दुस तसी कराबा किरडबा लबान दिमरी निजी। ४९ ओच्छे येशूदा डोसेबा म्हिगदेदेन गालीलग्याम येशूदेन छयाम छयाम सबा मिरडम्हेमगद थारडग्यामसन चु ताम च्यासी चिबा मुबा।।

येशूदा धुसारी थान्बा

मत्ती २७ : ५७-६१ ; मर्कुस

१५ : ४२-४७ ; यूहन्ना १९ : ३८-४२

५० यासेफ भिबा म्हि ज्यबादेन परमेश्वरसे कुल्बा ताम ड्यान्बा म्हि मुबा। थे यहूदी सभाला सदस्य मुबा। ५१ थेसे स्थान्दोगदेसे येशूदा साइबारी सल्लाह लबा धुइरी बिरोध लमुबा। तिगदा भिसम थेसे परमेश्वरसे शासन लबा धुइ खला भिसी भ्रान्सी चिबा मुबा। थे यहूदिया अञ्चलला अरिमाथिया भिबा नाम्साला म्हि मुबा। ५२ थे पिलातस मुबा ग्तारी निसी येशूला लास हरीजी। ५३ ओच्छे थेसे येशूला लास करुसग्याम तेःसी मलमलला क्वानसे रिन्जी। जमाहेन्से युडबाला पहरारी ठवाइसी स्थाबा धुसारी थान्जी, थे धुसारी चु मन्दा डाच्छा खालेला लास थान्बा आरेबा। ५४ थे धिन बत्पवा न्हाबा धिनना डाच्छाकुनु मुबा। थेतबासलमा बत्पवा न्हाबा धिन सवारी छुयाइमुबा। ५५ गालीलग्याम येशूदेन छयाम सबा मिरडम्हेमगदे एनोन यासेफदेन छयामनोन निजी ओच्छे येशूला लास धुसारी थान्बा च्याजी। ५६ जमाहेन्से थेनीगदे दिमरी निसी येशूला लासरी फाबांला लागिरी ज्यबा खाल्ला छुयुगुदेन अत्तर तयार लजी। तर न्हडगारदड चा यहूदीगदला ठिम अन्छार बत्पवा न्हाबा धिन धड्जी।।

येशू सिबाग्याम सोबा

मत्ती २८ : १-१० ; मर्कुस १६ : १-८ ; यूहन्ना २० : १-१०

२४ १ जमाहेन्से थे मिरडम्हेमगदे आइतवारकुनु स्थोरीन हराडसे तयार लबा ज्यबा खाल्ला छुयुगुदेन अत्तर मोर्सी येशूदा थान्बा धुसारी निजी। २ थेनीगदे थैरी धोमा धुसाला मरापरी थान्बा युडबा बिनडसी थान्बा मराडजी। ३ तर थेनीगदे धुसा न्हडरी वाडसी च्यामा थैरी येशूला लास आमराडनी।

४थेरी थनीगदे अलमल तसी चिबा धुइरी झक्झक्वा क्वान क्वान्बा म्हि न्ही थनीगदला डामरीन राप्जी। ५थे म्हि न्हीदा मराडसी मिरडम्हेमगदे लोडसी सरी रूतुप तर्जी। जमाहेन्स थ म्हि न्हीस थनीगददा चुहरड् भिसी भिजी, “एनीगदस सोबा म्हिदा तिगदा सिबागद थान्बा धुसारी म्हाइबा? ६येशू चुरी आर। थदा सिबाग्याम सोना लसी जिन्बा मुला! येशू गालीलरी मुबा धुइरी एनीगददा तिग भिसी सुड्बा मुबा थ ताम एनीगदसे दन्ना। ७परमेश्वरस पुइसबा म्हिदा पापीगदला यारी जिम्मा लला, ओच्छे करुसरी टांगब लला तसेनोन डादा सोमरमाकुनु सिबाग्याम सोना लला।” ८जमाहेन्स येशूस सुड्बा ताम थनीगदसे दन्जी।

९जमाहेन्स थ मिरडम्हेमगदे धुसारीग्याम दोःसी निसी हराडसे मराडबा जम्मान ताम च्युक गिक चलागदेदेन स्थान्दो जम्मान म्हिगददा पाड्जी। १०थे मिरडम्हेमगदे चा मरियम मगदलिनी, याकूबला आमा मरियमदेन योअन्ना मुबा। ओच्छे थनीगदेदेन छ्याम स्थान्दो मिरडम्हेमगदेएनोन मुबा। थनीगदसेन मुल चलागदेदा हराडसे मराडबा जम्मान ताम पाड्मुबा। ११तर चलागदसे “एनीगदसे तिग आतोःबा ताम लबा?” भिसी पत्याब आतनी। १२तर पतरुस चा डोड रःसी धुसारीपट्टि यार्बान निजी। थरी धोसी धुसाला मरापग्याम योइ तसी च्यामा येशूदा बरब लबा क्वान जे मराड्जी। चुहरड् तबा मराडसी थ उदेक म्हेनबान दिमपट्टि निजी।

इम्माउस नाम्सारी निबा ग्यामरी येशूदा स्याप्वा

मर्कुस १६-१२-१३

१३थेनोन धिनकुनु येशूला चलागदे न्हडला चेला न्ही यरूशलेमग्याम ओस्पन कोस सोमसे गडसल थोरडला इम्माउस भिबा नाम्सारीक्यार निबान मुबा। १४थेनीगदसे यरूशलेमरी तबा तामला बाररी हराड हराड न्हडरी ताम लबान मुबा। १५चुहरड् लसी ताम लसी भरबान लबा धुइरी येशूएनोन थनीगदेदेन छ्यामनोन फप्जी। १६तसेनोन थनीगदसे येशूदा डोआसनी। तिगदा भिसम परमेश्वरसे थनीगददा डोसना आलनी।

१७जमाहेन्स येशूस थनीगददा “एनीगदसे तिग ताम लसी भरबा?” भिसी ड्योइमा, थनीगदला ली धोपधोप लसी थन तर्जी।

१८थे न्ही न्हडला क्लेओपास भिबासे येशूदा “यरूशलेमरी कोसी खबा म्हि तसीनोन थरी तिनी न्हडगर तिग तबा मुला थ ताम था आयाड्बा चा हराड जे चीम” भिसी पाड्मा, १९येशूसएनोन थनीगददा “तिग ताम?” भिसी ड्योइजी।

जमाहेन्स थनीगदसे “नासरतला येशूला बाररी तबा ताम हराडदा था आर? थ म्हि अगमवक्ता हिन्ना। थसे लबा गेदेन लोप्वा ताम परमेश्वरदेन म्हेला आन्ड्याडरी शक्तिशाली मुबा। २०तर थदा परमेश्वरला मन्दिररी पूजा लबा मुल म्हेदेन यहूदी नेतागदसे चुदा साइगो भिसी करुसरी टांगब लपुड्जी। २१म्हाड इसराएलीगददा येशूसन पापग्याम फेला भिसी डन्से आश लमुबा। तर येशूदा साइबाएनोन तिनी सोमर तर्जी। २२-२३चुदे जे आहिन, तिनी स्थारीन डन्ना कोइ कोइ नाना आडागदे येशूदा थान्बा धुसारी निमा, थनीगदसे येशूला लास आस्यानी। थरी थनीगदसे स्वर्गदतगदेदा मराड्जी। थ स्वर्गदतगदसे “येशू सोसी जिन्बा मुला” भिसी थनीगददा पाड्बा ताम डन्दाएनोन पाड्सी उदेक तना लर्जी। २४चु ताम थःसी डन्ना कोइ कोइ हरोगदे येशूदा थान्बा धुसारी च्याबारी निजी। थनीगदसेएनोन थ मिरडम्हेमगदसे पाड्बा हरडनोन स्याप्जी, तर येशूदा भिसम आमराड्नीम।”

२५जमाहेन्स येशूस थनीगददा चुहरड् भिसी सुड्जी, “ताम आघोबा म्हि, अगमवक्तागदसे पाड्बा ताम विश्वास लबारी एनीगददा साहरड्बा गाहरो तबा? २६तिग थोर्बो पिन्बा खरीष्ट हराडला शक्तिदेन य्हालरी फेप्सबा मन्दा डाच्छा चु दुख नातोःबा आरबा?” २७ओच्छे येशूस हराडला बाररी मोशाहेन्से जम्मान अगमवक्तागदसे परमेश्वरला बचनरी भिरबा ताम थनीगददा घोना लर्जी।

२८थेनीगदे इम्माउस नाम्साला डामरी धोसमाहेन्से येशू अड्ध थग्याम क्यारनोन फेप्बारी छ्याइजी। २९तर थे चेला न्हीसे येशूदा “म्हून तबारी छ्याइजी, थतबासेलमा तिनी हराड डन्देन छ्यामनोन धन्ड्यागो” भिसी भिमाहेन्स येशू थनीगददेन छ्याम धन्ड्याबाला लागिरी दिम न्हडरी फप्जी। ३०येशू थनीगददेन छ्याम सोल छ्याइबारी धन्ड्याजी। जमाहेन्स येशूस गेड छ्यारी थोसी धन्यवाद पिन्सी गेड क्युइसी थनीगददा

पिन्जी। ३१ जमाहेन्से थनीगदेसे येशूदा डोसेजी। तर थनोन धुइरी थनीगदेसे येशूदा थरी आमराडनी। ३२ ओच्छे थनीगदेसे “येशू व्हाडदेन छयाम ग्यामरी ताम लबान परमेश्वरला बचन घाना लबा धुइरी व्हाडला संम गाते ताडबा मुबा” भिसी हराड हराड न्हडरी ताम लजी।

३३ जमाहेन्से तरुन्तन थनीगदे यरूशलमपट्टि निजी। थरी धोमा थनीगदेसे च्युक गिक चलागदेदेन छयाम पोप तसी चिबा म्हिगदेसे, ३४ “परमु सिबाग्याम सोबादेन सिमान मुबा ग्लारी फेवा ताम चा पक्कान हिन्ना चीम” भिसी ताम लसी चिबा स्यापजी। ३५ जमाहेन्से थनीसेएनोन ग्यामरी तबा तामदेन परमुसे गेड क्युडबा धुइरी थनीसे परमुदा डोसेजी भिबा ताम थरी मुबागदेदा पाडजी।

येशू चेलागदे मुबा ग्लारी फेखबा

मत्ती २८ :१६-२० ; मर्कूस १६ :१४-१८ ;

यूहन्ना २० :१९-२३ ; मुल चला १ :४-८

३६ थनीगदेसे चु ताम लबान लबा धुइरी येशू थनीगदेला डाच्छा रापजी, ओच्छे “एनीगदेदा शान्ति तगै” भिसी सुडजी।

३७ तर येशूदा मराडसी, “चु म्हड कि तिग” भिसी थनीगदे लोडसी आत्यब तजी।

३८ जमाहेन्से येशूस थनीगदेदा “एनीगदे तिगदा समरी शडका लसी लोडबा ? ३९ एनीगदेसे डाला यादेन काडरी थुसी च्यागो, डानोन हिन्ना। तिगदा भिसम म्हडला स्यादेन नखरु आत, तर डाला मी मुला” भिसी सुडजी।

४० चुहरड सुडमाहेन्से येशूस थनीगदेदा हराडला छयादेन स्थाप उन्जी। ४१ जमाहेन्से थनीगदे ताडसी उदेक तसी अझ येशूला ताम विश्वास आतनी। जमाहेन्से येशूस थनीगदेदा “एनीगदेदेन छयाम तिगै चबा स्हे मुला ?” भिसी

डयोइमा, ४२ थनीगदेसे तुम्बु गिक तार्डाला स्या येशूदा पिन्जी। ४३ थ तार्डाला स्या तासी येशूस थनीगदेलेन डाच्छापट्टि छयाडजी।

४४ जमाहेन्से येशूस थनीगदेदा “डाला बाररी परमेश्वरसे मोशादा पिन्बा ठिमरी, अगमवक्तागदेसे भिरबा किताबगदेदेन व्हाडला किताबरी भिरबा जम्मान ताम पूरा तबा मुला। चु ताम एनीगदेदेन छयाम मुबा धुइरीन डाइ एनीगदेदा पाडबा मुबा” भिसी सुडजी।

४५ जमाहेन्से येशूस थनीगदेदा परमेश्वरला बचन घोसम्बा ज्ञान पिन्जी। ४६ ओच्छे येशूस थनीगदेदा चुहरड भिसी सुडजी, “थाबा पिन्बा खरीष्टसे दुख नातोःला ओच्छे सोमरमाकुनु थ सिबाग्याम सोला, ४७ थला मिनरी हराड हराडला पाप ख्तासी परमेश्वरपट्टि दोःजी भिसम पापला दोष मेटब तला। चु ताम यरूशलमहेन्से जम्मान य्हुलला म्हिगदेदा थेःना लतोःला भिसी परमेश्वरला बचनरी भिरबा मुला। ४८ तिगदा भिसम चु जम्मान ताम मराडबा एनीगदेन हिन्ना। ४९ च्यागो, डाला आबासे पिन्ना भिसी कबुल लबा शक्ति डाइ एनीगदे मुबा ग्लारी पुडखला। थेतबासेलमा तोरग्याम शक्ति आयाडतेधाना एनीगदे चु शहररीन चिउ।”

येशू स्वर्गरी फेवा

मर्कूस १६ :१९-२० ; मुल चला १ :९-११

५० जमाहेन्से येशूस थनीगदेदा बेथानियाधाना भोजी, ओच्छे हराडला या थीसी थनीगदेदा मोलम पिन्जी। ५१ चुहरड लसी मोलम पिन्माहेन्से येशूदा थनीगदेग्याम फेसी स्वर्गरी भोजी। ५२ येशूदा फ्या लमाहेन्से थनीगदे ताडसी यरूशलमरी दोःसी निजी। ५३ ओच्छे थनीगदेसे परमेश्वरला जयजयकार लबान सदेन परमेश्वरला मन्दिररी चिजी।

यूहन्नासे भिरबा थार्बा पिन्बा समाचार

चु किताबला बाररी पाङ्गतोःमा

भिरबा म्हिः येशूला मुल चला यूहन्नासे भिरबा मुबा। चु यूहन्ना येशूसे माया लबा चला हिन्ना (यूहन्ना २१:७)। थ जब्दियाला झा ओच्छे याकूबला आले हिन्ना (मत्ती ४:२१)।

भिरबा ग्लाः एफिसस शहररी भिरबा मुबा।

भिरबा सालः आस्पन ईश्वरी संवत् ८०-९५ (विक्रम संवत् १३७-१५२) सालला गुडरी भिरबा मुबा। चु जम्मान भन्दा लिच्छा भिरबा थार्बा पिन्बा समाचार हिन्ना।

साल्दा भिरबाः यहूदी धर्म तेन्बा अर्गु य्हूलला म्हिगदला येशू खरीष्टनोन परमेश्वर हिन्ना भिसी उन्बाला लागिरी भिरबा मुबा।

चु थार्बा पिन्बा समाचाररी येशू जुकजुकधोनाला जुनी पिन्बा बचन हिन्ना। ओच्छे थ बचन म्हि दोसी जम्बुलिङरी मुबा म्हिगदला गुडरी धन्डयाजी भिसी भिरबा मुला। येशू परमेश्वरला झादेन कबुल लबा थार्बा पिन्बा ग्ले हिन्ना भिसी चु थार्बा पिन्बा समाचार पढब लबागदसे येशूदा विश्वास लगै ओच्छे थनीगदसे जुकजुकधोनाला जुनी याङ्गै भिसी भिरबा हिन्ना (यूहन्ना २०:३१)।

चु किताबरी बचनदेन येशू गिकनोन हिन्ना भिसी भिरबा मुला। चु थार्बा पिन्बा समाचारला डाच्छाला भारी येशूसे लबा उदेकला गेगदला बाररी पाङ्गबा मुला। ओच्छे येशून परमेश्वरला झादेन कबुल लबा थार्बा पिन्बा ग्ले हिन्ना भिसी पाङ्गबा मुला। डाच्छाला भारी परभुसे लबा उदेकला गेगदेग्याम तिग उन्बा मुला भिबा ताम येशूसे सुङ्गबा बचनग्यामनोन ज्यना लसी घोबारी स्वप्ता। चु भारी चा म्हिगदसे साहरङ्ग लसी येशूदा विश्वास लसी चला दोजी ओच्छे स्थान्दोसे थदा बिरोध लसी विश्वास आलनी भिबा तामला बाररी पाङ्गबा मुला। जमाहेन्से १३ अध्यायहेन्से १७ अध्याय न्हङरी येशूसे हराङ्गदा चुङ्गबाकुनु म्हुनङ्ग हराङ्गला चलागददेन छ्याम संगती लबा तामदेन हराङ्ग करुसरी सिबा भन्दा डाच्छा हराङ्गला चलागददेा हाशियार तना लबान आँट पिन्बा तामगदला बाररी भिरबा मुला। लिच्छाला अध्यायगदरी चा येशूदा चुङ्गबा तामला बाररीदेन येशूला सेम च्याबा

तामला बाररी भिरबा मुला। थहरङ्ग लसीन येशू करुसरी सिबा तामला बाररीदेन सिबाग्याम सोबा तामला बाररी ओच्छे येशू हराङ्गला चलागददे मुबा ग्लारी फख्खा तामला बाररीनोन भिरबा मुला।

यूहन्नासे जुकजुकधोनाला जुनी चा खरीष्टग्याम याङ्गमुला ओच्छे येशूदा परमेश्वर मुबा ग्लारी भारी ग्यामदेन सत्य ओच्छे जुनी हिन्ना भिसी विश्वास लसी थ मुबा ग्लारी खबागदसे जे याङ्गला भिसी लोप्पा मुला। चु थार्बा पिन्बा समाचाररी उदेकला ताम तिग मुला भिसम म्हिगददेा आत्माला ताम धोना लबाला लागिरी क्युइदेन गेङ्ग ओच्छे य्हाल, गोठालोदेन ग्यु, थहरङ्ग लसीन अङ्गुरला दोङ्गदेन रोगदे हरङ्गबा जम्मासेन घोबारी स्वप्ता उखानगदेग्याम सुङ्गबा मुला।

मुल तामगदे

बचन म्हि दोसी न्हबा १:१-१८

बप्तिस्मा पिन्बा यूहन्नादेन येशूला चलागदे १:१९-५१

येशूसे म्हिगदला गुडरी लबा गे २:१-१२:५०

येशू सिबा भन्दा डाच्छा हराङ्गला चलागददेन छ्याम लबा तामगदे १३:१-१७:२६

येशूदा करुसरी टांगब लबा १८:१-१९:४२

येशू सिबाग्याम सोसी हराङ्गला चलागददे मुबा ग्लारी फख्खा २०:१-२१:२५

यूहन्नासे भिरबा थार्बा पिन्बा समाचार

बचन म्हि दोसी न्हबा

१ जम्बुलिङ्ग स्तोबा भन्दा डाच्छान बचन भिबा मुबा, थ बचन परमेश्वरदेन छ्याम मुबा, ओच्छे बचननोन परमेश्वर मुबा। २ जम्बुलिङ्ग स्तोबा भन्दा डाच्छाहेन्सेन थ परमेश्वरदेन छ्याम मुबा।

३ परमेश्वरसे जम्मान स्हे थेनोन बचनग्याम स्होजी। परमेश्वरसे स्होबा स्हेगदे न्हङरी बचनग्याम आस्होबा स्हे तिगेनोन आरे। ४ बचनसे स्होबा जम्मान स्हेगदसे थेनोन बचनग्याम जुनी याङ्गजी। थेनोन जुनी जम्मान म्हिगदला य्हाल हिन्ना। ५ थे य्हाल धोपधोपरी य्हाल य्हाल तला, ओच्छे धोपसे थे य्हालदा खाइमे साइबारी आसम।

६ परमेश्वरसे म्हि गिक पुइखबा मुबा, थैला मिन यूहन्ना मुबा । ७ थंग्यामसेन जम्मान म्हिगदेसे थं थ्हालदा विश्वास लगै भिसी परमेश्वरसे थंदा थं थ्हालला बाररी पाङ्बाला लागिरी पुइखबा मुबा । ८ थं चा थं थ्हाल आहिन्बा मुबा । तर थं थ्हालला बाररी म्हिगदेदा घाना लबारी थं खबा मुबा ।

९ जम्मान म्हिगदेदा ज्ञान बुदधि पिन्बा सत्य थ्हाल चा जम्बुलिङ्गरी फेखबान मुबा । १० थं जम्बुलिङ्गरी मुबा, जम्बुलिङ्ग थंग्यामसेन स्होबा हिन्ना । तसेनोन जम्बुलिङ्गला म्हिगदेसे थंदा डाआसेनी । ११ थं हराङ्गलान म्हिगदे मुबा ग्लारी फेखर्जी । तर थंदा हराङ्गलान म्हिगदेसे मान आलनी । १२ तर जुन म्हिसे थंदा मान लसी थंथारी विश्वास लजी, थनीगदेदा थंसे परमेश्वरला सन्तान दोबा हक पिन्जी । १३ थनीगदे म्हिला समसे म्हन्बा अन्ध्जार खजिबै म्हिला ल्हुइग्याम न्हाबा आहिन । थनीगदे परमेश्वरसे स्होबा परमेश्वरलान कोलागदे हिन्ना ।

१४ चुनोन बचन म्हि दोसी न्ह्जी, ओच्छे दयामायादेन सत्यसे प्तिङ्गसी थं थ्हाङ्गला गुङ्गरी धन्ध्याजी । इन्से थैला घरेन थ्हालदेन शक्ति मराङ्गजी, थं थ्हालदेन शक्ति परमेश्वरला गिकजेन झाला मुबा ।

१५ यूहन्नासे थैला बाररी चुहरङ्ग भिसी किरङ्गबान पाङ्गजी, “डा भन्दा लिच्छा फेखबबा चा डा भन्दा घरेन म्हि हिन्ना । तिग्दा भिसम थं डा भन्दा डाच्छाहन्सेन मुबा । थं म्हिला बाररी डाइ डाच्छान पाङ्गबा मुबा ।”

१६ थं दयामायासे प्तिङ्गबा मुला । थतबासलमा थंग्यामसेन थ्हाङ्गसे दयामायाथारी दयामाया याङ्गबा मुला । १७ तिग्दा भिसम परमेश्वरसे थ्हाङ्गदा माशाग्याम ठिम पिन्मुबा । तर यशू खरीष्टग्याम चा दयामायादेन सत्य ताम पिन्बा मुला । १८ परमेश्वरदा सालैसेन साइमै मराङ्गबा आरे । तर परमेश्वर आबादेन छ्याम मुबा थैला गिकजेन झा परमेश्वरसेन थ्हाङ्गदा परमेश्वर आबा साहरङ्गबा मुला भिसी उन्बा मुला ।

बप्तिस्मा पिन्बा यूहन्नासे पाङ्गबा ताम

मती ३ : १-१२ ; मर्कुस १ : १-८ ; लूका ३ : १-१८

१९ यरूशलेम शहरग्याम यहूदीगदेसे परमेश्वरला मन्दिररी पूजा लबागदेदेन लेवीगदेदा यूहन्ना मुबा ग्लारी थं खाल चीम ? भिसी इयोइबारी पुइमा यूहन्नासे थनीगदेदा चुहरङ्ग भिसी पाङ्गमुबा । २० थंसे थनीगदेदा “डा थाबां पिन्बा खरीष्ट हिन्नोन आहिन” भिसी सत्य ताम पाङ्गजी ।

२१ जमाहन्से थनीगदेसे यूहन्नादा “थंहरङ्ग भिसम ए खाल हिन्ना ? तिग ए एलिया हिन्ना” भिसी इयोइजी ।

तर यूहन्नासे “डा आहिन” भिसी जोहाब पिन्जी । दोःसी थनीगदेसे “तिग ए थेनोन अगमवक्ता हिन्ना ?” भिसी इयोइमा, यूहन्नासे “डा थं अगमवक्ता एनोन आहिन” भिसी जोहाब पिन्जी । §१५

२२ जमाहन्से दोःसीनोन थनीगदेसे यूहन्नादा “ए खाल हिन्ना ? इन्दा पाङ्गगो । इन्दा चुरी पुइखबा म्हिगदेदा एला बाररी पाङ्गतोःबा मुला । थतबासलमा ए खाल हिन्ना ? इन्दा पाङ्गगो” भिसी भिमा,

२३ यूहन्नासे थनीगदेदा “यशैया अगमवक्तासे पाङ्गबा हरङ्गनोन “परमपरभु भरबाला लागिरी थैला ग्याम सोजो स्होउ” भिसी तोङ्गताङ्गबा ग्लारी किरङ्गबा म्हि गिकला काइ डानोन हिन्ना” भिसी पाङ्गजी ।

२४ थनीगदे न्हङ्गला कोइ कोइ फरिसीगदेसे २५ यूहन्नादा “ए थाबां पिन्बा खरीष्ट एनोन आहिन, एलिया एनोन आहिन, ओच्छे थं अगमवक्ता एनोन आहिन भिसम तिग्दा बप्तिस्मा पिन्बा ?” भिसी इयोइजी ।

२६ जमाहन्से यूहन्नासे थनीगदेदा “डाइ क्युइसे बप्तिस्मा पिन्बा मुला, तर एनीगदेला गुङ्गरी खाले गिक मुला थंदा एनीगदेसे डोसेबा आरे । २७ डा भन्दा लिच्छा फेखबबा चा थेनोन हिन्ना । डा थैला लखमला तुना ब्तबाधोनाला आरे” भिसी भिजी ।

§§१ : २१ चु पदरी “थं अगमवक्ता” भिमा चा ठिमला किताबरी यहूदीगदेदा पुइखला भिसी पाङ्गबा अगमवक्ताला बाररी हिन्ना ।

१९ : ६ मती ३ : १ ; मर्कुस १ : ४ ; लूका ३ : १-२

१९ : २१ व्यव १८ : १५, १८ ; मला ४ : ३

१९ : २३ यशै ४० : ३

२८ चु ताम यर्दन स्योडला क्याम्सडपट्टि बथानिया भिबा नाम्सांरी तबा मुबा, थरीन यूहन्नासे म्हिगंदेदा बप्तिस्मा पिन्बान मुबा।

परमेश्वरला झा

२९ न्हडगरदड येशू हराड मुबा ग्लारी फप्सबान लबा मराड्सी यूहन्नासे चुहरड् भिजी, “च्यागो, जम्बुलिडरी मुबा जम्मान म्हिदा पापग्याम फबा परमेश्वरसे पुइखबा ग्ले! *३०थेला बाररी डाइ डाच्छान पाड्बा मुबा, डा भन्दा लिच्छा म्हि गिक फप्सबान मुला, थ डा भन्दा शक्तिशाली मुला। तिग्दा भिसम थ डा न्हा भन्दा डाच्छाहन्सेन मुबा।” ३१थे खाल हिन्ना भिबा ताम डादा था आरबा, तर इस्राएलीगंदेसे थेदा डोसेगै भिसीन डाइ क्युइग्याम बप्तिस्मा पिन्बान खबा हिन्ना।”

३२ यूहन्नासे अझ हराडसे मराड्बा ताम चुहरड् भिसी पाड्जी, “डाइ परमेश्वरला आत्मा डुकुर हरड लसी स्वर्गग्याम फप्ससी थथारी धन्ड्याबा मराड्जी। ३३ डाइ अझ थेदा डोसेबा आरबा, तर क्युइग्याम बप्तिस्मा पिन्गो भिसी डादा पुइखबासेन, ‘एसे जुन म्हिथारी परमेश्वरला आत्मा फप्ससी धन्ड्याबा मराड्ला, थेसेन परमेश्वरला आत्माग्याम बप्तिस्मा पिन्ना’ भिसी सुड्जी। ३४ थथारी परमेश्वरला आत्मा फप्सबा डाइ मराड्बा मुला। थतबासलमा डाइ पाड्बा चु ताम सत्य हिन्ना, परमेश्वरला झा चा थनोन हिन्ना।”

येशूसे डाच्छा धम्बा चेलागंदे

३५ दोःसी न्हडगरदड यूहन्ना हराडला चेलागंदे न्हडला न्हीदेन छ्याम राप्सी चिबा मुबा। ३६ येशू फप्बान लबा मराड्सी यूहन्नासे, “च्यागो, परमेश्वरसे पुइखबा ग्ले!” भिसी पाड्जी। ३७ चु ताम थःसी यूहन्नाला चेला न्ही येशूला लिच्छा लिच्छा निजी।

३८ येशूसे फिलक दोःसी स्हीमा, थनीगदे लिच्छा लिच्छा सबान लबा मराड्सी येशूसे थनीगंदेदा “एनीगंदेसे तिग म्हाइबा?” भिसी ड्योइजी। जमाहन्से थनीगंदेसे येशूदा “गुरु हराड खानड धन्ड्यामुला?” भिसी ड्योइमा,

३९ येशूसे थनीगंदेदा “डादेन छ्याम खड, एनीगंदेसे मराड्ला” भिसी सुड्जी। जमाहन्से थनीगंदे येशूदेन छ्याम निजी, ओच्छ येशू धन्ड्याबा ग्ले मराड्जी। जमाकुनु ओस्पन ड्यसेला चार बजब तसी जिन्बासे लमा थनीगंदे येशूदेन छ्याम चिजी।

४० यूहन्नासे पाड्बा ताम थःसी येशूदेन छ्याम निबा थ चेला न्ही न्हडला गिक चा सिमान पतरुसला आले अन्दिरयासे मुबा। ४१ थसे डाच्छा हराडला ज्योज्यो सिमानदा स्याप्सी, “डन्से मसीहदा स्याप्जी,” भिसी पाड्जी। हिबरू ग्योइरी “मसीह” भिबा चा “थार्बा पिन्बा खरीष्ट” भिबा हिन्ना। ४२ थसे सिमानदा येशू मुबा ग्लारी भजी।

येशूसे सिमानदा स्हीसी, “ए योनाला झा सिमान हिन्ना, एला मिन केफास हिन्ना” भिसी सुड्जी। केफास भिबा चा ग्रीक ग्योइरी पतरुस भिबा हिन्ना।†

फिलिपदेन नथानेल

४३ न्हडगरदड येशू गालील अञ्चलरी नितोःजी भिसी फप्मा फिलिपदा स्याप्जी। ओच्छ येशूसे थेदा “डादेन छ्याम भरड” भिसी सुड्जी। ४४ फिलिपएनोन पतरुसदेन अन्दिरयासलान शहर बथसदाला मुबा। ४५ जमाहन्से फिलिप नथानेलदा हरूप तबारी निजी। ओच्छ नथानेलदा चुहरड् भिसी पाड्जी, “माशासे भिरबा ठिमदेन अगामवक्तागंदेसे जुन म्हिला बाररी पाड्बा मुबा, डन्से थ म्हिदा स्याप्बा मुला। थ योसेफला झा नासरतला येशू हिन्ना।”

४६ नथानेलसे थेदा “तिग नासरतग्यामसेनोन तिगै ज्यबा स्हे खला?” भिसी ड्योइमा, फिलिपसे थेदा “खसी च्यागो” भिसी जोहाब पिन्जी।

४७ नथानेल हराड मुबा ग्लारी सबान लबा मराड्सी येशूसे थला बाररी “तिगै लुसीला ताम आलबा पक्का इस्राएलीदा च्यागो” भिसी सुड्जी।

४८ नथानेलसे येशूदा “हराडसे डाला बाररी खाहरड लसी था याड्जी?” भिसी ड्योइमा, येशूसे थेदा “फिलिपसे एदा ड्योइबारी निबा

† २९ “परमेश्वरसे पुइखबा ग्ले” भिसी भिरबा तामदा ग्रीक बाइबलरी परमेश्वरसे पुइखबा ग्यु बोगो भिसी भिरबा मुला। चु ताम १:३६ पदरीनोन मुला।

† १:४२ “पतरुस” भिबा चा युड्बाला पहरा भिबा हिन्ना।

मन्दा डाच्छान डाइ एदा अञ्जीरला दोड टारी मराडमुबा” भिसी जोहाब पिन्जी।

१९ जमाहन्स नथानलसे येशूदा “रब्बी, हराडनोन परमेश्वरला झा इसराएलला ग्ले हिन्ना” भिसी भिजी।

२० येशूस थदा “डाइ एदा अञ्जीरला दोड टारी मराड्जी भिबास लमा एस विश्वास लबा आहिन? एस अझ चु भन्दान घरेन घरेन तामगद मराड्ला” भिसी सुड्जी। २१ दोःसी येशूस थेनीगदेदा “च्यागो, एनीगदेसे डाला ताम ड्यान्गो, एनीगदेसे स्वर्ग टोड्बादेन परमेश्वरला दूतगदे परमेश्वरसे पुड्खबा म्हिथारी फाक्सवान लबा तोर निवान लबा मराड्ला” भिसी सुड्जी।^१

काना भिबा नाम्सारी लबा ब्याह

१ सोमेरमाकुनु गालील अञ्चलला काना २ भिबा नाम्सारी ब्याह गिक मुबा। थरी येशूला आमाएनोन मुबा। २थे ब्याहरी येशूदेन येशूला चेलागदेदाएनोन निम्तो पिन्बा मुबा। ३ अडगुरला निडगु जिन्माहेन्स येशूला आमासे येशूदा “थेनीगदेदेन छ्याम अडगुरला निडगु आर” भिसी भिजी।

४ चु ताम थेःसी येशूस “चु य्हाड्ला गे आहिन। डाइ गे लबा धुइ अझ तबा आर” भिसी सुड्जी। ५ जमाहन्स येशूला आमासे नोकरगदेदा “येशूस एनीगदेदा जे लउ भिसी कुल्ला, थनोन लउ” भिसी पाड्जी।

६ ओच्छे थरी युडबा ठवाइसी स्होबा ओस्पन बागल प्तिहन्स ग्यार्जा गिक लिटर क्युइ वाडबा गोर दु युडबाला फुम्बा मुबा। थे फुम्बारी चा यहूदीगदेला टिम अन्छार चोस्यबा लबाला लागिरी क्युइ थान्मुबा। ७ येशूस थरी मुबा नोकरगदेदा “चु जम्मान फुम्बारी क्युइ प्तिड्ना लउ” भिसी कुल्ल्जी। जमाहन्से थेनीगदेसे थे जम्मान फुम्बा नाड नाड क्युइ प्तिड्ना लजी।

८ ओच्छे येशूस थेनीगदेदा “चु जजाकर भोर्सी भोजला मुल म्हिदा म्हाड्पुड्गो” भिसी कुल्ल्जी। जमाहन्से थेनीगदेसे भोर्सी मुल म्हिदा पिन्जी। ९ मुल म्हिसे म्हाड्बा धुइरी थे क्युइ अडगुरला निडगु दोसी जिन्बा मुबा। थदा थे निडगु खानडग्याम भजी भिबा ताम था आरेबा,

तर थे क्युइ युबा नोकरगदेदा चा था मुबा। जमाहन्से थे मुल म्हिसे म्हाड्छारदा ड्योइसी, १० “जम्मान म्हिसे डाच्छा अडगुरला ज्यबा निडगु पिन्मुला। ओच्छे डान्बागदे ड्योइमाहन्से तिच्छा अडगुरला आज्यबा निडगु पिन्मुला। तर एस मी दान्दे धानान ज्यबा निडगु पिन्वान मुला” भिसी भिजी।

११ येशूस लबा उदकला गेगदे न्हडरी गालील अञ्चलला काना भिबा नाम्सारी लबा उदकला गे चा जम्मान मन्दा डाच्छा लबा हिन्ना। चु उदकला चिनुग्याम येशूस हराडला शक्ति उन्जी। चु मराड्सी थला चेलागदेसे थदा विश्वास लजी।

१२ जमाहन्से येशू हराडला आमा, आले, चेलागदेदेन छ्याम कफर्नहुम भिबा शहररी फप्जी। ओच्छे तिगे धिनधाना थेनीगदे थेरीन धन्छ्याल्ल्जी।^१

येशू परमेश्वरला मन्दिररी फेबा

मत्ती २१ :२२-२३ ; मर्कुस

११ :१५-१७ ; लूका १९ :४५-४६

१३ यहूदीगदेसे मिशर य्हुत्साग्याम फेसी सबा धिनदा ढन्सी धड्बा चाड खबारी छ्याइबा मुबा। थे धुइरी येशू यरूशलेमरी फप्जी। १४ येशूस म्हिगदेदा परमेश्वरला मन्दिररी क्यु, बहर, दुकुर चूड्बा किन्बा लबादेन टेबुलरी टाडगा थान्सी टाडगा देप्सी चिबा मराड्जी। १५ जमाहन्से येशूस छोला कोर्ग स्होसी मन्दिररी मुबा ग्युगदेदेन बहरगदे जम्मानान ताप्जी, ओच्छे टाडगा देप्सी चिबागदेला टाडगागदे म्याड्सी टेबुल प्ताड प्तिड लसी पिन्जी। १६ दुकुर चूड्बागदेदा येशूस “चु जम्मान स्हे चुग्याम भोर्गा। डाला आबाला दिमदा व्यापार लबा दिम थास्होउ” भिसी सुड्जी।

१७ थे धुइरी येशूला चेलागदेसे परमेश्वरला बचनरी, “परमेश्वर! हराडला दिमला लागिरी डाइ लबा मायासे लमा डा सिबा तेवान तबा मुला” भिसी भिरबा ताम ढन्जी।^१

१८ यहूदी नेतागदेसे येशूदा “हराडदा चु गे लबाला लागिरी अधिकार मुबा हिन्सम डन्दा हराडसे तिग चिनु उन्बारी सम्ता?” भिसी भिजी।

३२ :१४ यरूशलेमरी परमेश्वरला मन्दिर गिक जे मुबा।

११ :२१ उत्प २८ :१२

१२ :१२ मत्ती ४ :३३

१२ :१३ परस्था १२ :१-२७

१२ :१७ मजन ६९ :९

१९ येशूस थनीगदेदा “एनीगदेसे चु मन्दिर फुण्गो, डाइ चु सोमररी स्होला” भिसी सुङ्गी। १२० जमाहेन्से यहूदी नेतागदेसे येशूदा “परमेश्वरला चु मन्दिर स्होबारी इन्दा बागल न्हीसे ढु दिङ लगब तजी भिसम हराङसे चा साहरङ लसी सोमररी स्होखम्ला?” भिसी डयोइजी। ११ तर येशूस जुन मन्दिरला बाररी सुङ्गबा मुबा, थ मन्दिर चा हराङ्लान ल्हुइ मुबा। २२ येशू सिबाग्याम सोमाहेन्से येशूस सुङ्गबा चु ताम चेलागदेसे ढन्जी। जमाहेन्से थनीगदेसे परमेश्वरला बचनरी भिरबा तामदेन येशूस सुङ्गबा तामरी विश्वास लजी।

२३ मिशर यहुत्साग्याम फेसी खबा धिनदा ढन्सी धङ्गबा चाङला धुइरी येशू यरूशलेमरी मुबा। थरी येशूस लबा उदेकला गे मराङ्गी ल्हानान म्हिगदेसे येशूदा विश्वास लजी। २४ तर थनीगदेसे लबा विश्वासदा येशूस पत्याब आतनी। तिगदा भिसम जम्मान म्हिगदेला समला ताम येशूदा था मुबा। २५ जम्मान म्हिगला समला ताम था मुबासे लमा साले म्हिगला बाररी येशूदा खालेसेन पाङ्गतो:बा आरबा।

निकोदेमस येशूदा स्याप्बारी निबा

३ १ फरिसीगदे न्हङला निकोदेमस भिबा म्हि गिक मुबा। थ यहूदी नेतागदे न्हङला गिक मुबा। २ थ तिरकुनु म्हुनङ येशू मुबा ग्लारी निसी येशूदा “गुरु, हराङ इन्दा लोप्बारी परमेश्वरग्याम फख्खबा हिन्ना भिबा इन्दा था मुला। तिगदा भिसम परमेश्वरसे हरो आतनी भिसम हराङसे लबा हरङ्गबा शक्तिशाली गेगद खालेसेन लबारी आखम” भिसी भिजी।

३ येशूस थदा “च्यागो, एसे डाला ताम ड्यान्गो, खाले म्हि तोरग्याम ‘आन्हतेधोना परमेश्वरला यहुत्सादा मराङ्गबारी आखम’ भिसी सुङ्गी।

४ चु ताम थ:सी निकोदेमससे येशूदा “खेप्वा दोसीनान म्हि साहरङ लसी दो:सी न्हबारी खम्ला? तिग थ दो:सी आमाला फो न्हङरी वाङ्गी न्हबारी खम्ला?” भिसी भिजी।

५ जमाहेन्से येशूस थदा चुहरङ भिसी सुङ्गी, “च्यागो, एसे डाला ताम ड्यान्गो, खाले म्हि न्युइदेन आत्माग्याम आन्हतेधोना

परमेश्वरला यहुत्सारी वाङ्गाम्याङ्ग। ६ ल्हुइग्याम न्हबा ल्हुइ हिन्ना, तर परमेश्वरला आत्माग्याम न्हबा आत्मा हिन्ना। ७ डाइ एदा तोरग्याम न्हतो:ला भिसी पाङ्गमा ए उदेक थातउ। ८ लाबा खानङपट्टि निम्हन्जी थनीनपट्टि निमुला। लाबा खबा एसे था याङ्गमुला, तर थ खानङग्याम खजी खानङपट्टि निजी भिबा एदा था आर। परमेश्वरला आत्माग्याम न्हबा म्हिगदेएनोन थहरङ्गबान तमुला।”

९ निकोदेमससे येशूदा “चु साहरङ लसी तखम्ला?” भिसी डयोइजी।

१० जमाहेन्से येशूस थदा चुहरङ भिसी सुङ्गी, “ए इसराएलीगदेला गुरु तसीनोन चु ताम आधोनी? ११ च्यागो, एसे डाला ताम ड्यान्गो, इन्से मी हराङसे मराङ्गबा तामदेन था याङ्गबा ताम जे पाङ्गमुला। तर इन्से पाङ्गबा ताम एनीगदेसे विश्वास आलमुला। १२ डाइ जम्बुलिङरी मुबा स्हेला बाररी पाङ्गमा मी एनीगदेसे विश्वास आलमुला भिसम स्वर्गला बाररी पाङ्गमा एनीगदेसे साहरङ लसी विश्वास लबारी खम्ला? १३ “स्वर्गग्याम खबा परमेश्वरसे पुइखबा म्हि बाहेक स्थान्दो खालेनोन स्वर्गरी निबा आर। १४ यहूदीगदे तोङ्तोङ्गबा ग्लारी मुबा धुइरी मोशासे पित्तलला पुखरी स्होसी सिङ्गी टोक्सी च्याबा हरङ परमेश्वरसे पुइखबा म्हिदाएनोन च्याला। १५ ओच्छे जुन जुन म्हिसे थदा विश्वास लला, थनीगदेसे जुकजुकधोनाला जुनी याङ्गला।

१६ “तिगदा भिसम परमेश्वरसे जम्बुलिङ्गदा ल्हानान माया लसी हराङ्गला गिक जेन झा पुइखजी। थदा विश्वास लबागदे खाले नाश थातगे, तर जुकजुकधोनाला जुनी याङ्गो भिसीन चुहरङ लबा हिन्ना। १७ तिगदा भिसम परमेश्वरसे हराङ्गला झादा जम्बुलिङ्गदा सजाय पिन्बारी पुइखबा आहिन। तर थग्याम जम्बुलिङ्गसे थर्बा याङ्गो भिसी पुइखबा हिन्ना। १८ जुन म्हिसे परमेश्वरला झाथोरी विश्वास लला, थेला दोष आउन। तर विश्वास आलबा म्हिगला चा डाच्छेन दोष उन्सी जिन्वा तला। तिगदा भिसम थसे परमेश्वरला झादा विश्वास आलनी। १९ दोषी साहरङ लसी तला

१३ :३ “तोरग्याम” भिबा चा गरीक बाइबल अन्धार दो:सीनोन भिबा हिन्ना। चुला अर्थ चा परमेश्वरला आत्माग्याम भिबा हिन्ना। चु ताम ३ :७ देन ३१ रीनोन मुला।

भिसम य्हाल जम्बुलिङ्गरी खसी जिन्सैनोन म्हिगदेदा य्हाल भन्दा धोपधोपनोन सम निजी। तिग्दा भिसम थनीगदेस लबा गेनोन आज्यबा मुबा। २० आज्यबा गे लबागदेस य्हालदा हेला लमुला। तिग्दा भिसम य्हालरी खमाहेन्स थनीगदेस लबा आज्यबा गे जम्मासन मराङ्गला भिसी थनीगदे य्हालरी आखबा हिन्ना। २१ तर थस लबा जम्मान गे परमेश्वरदेन छयाम गिक तसी लबा हिन्ना भिसी जम्मासेन मराङ्गो भिसी सत्य तामदा तेन्बा म्हि य्हालरी खबा हिन्ना।”

बप्तिस्मा पिन्बा यूहन्नासे
येशूला बाररी दोःसी पाङ्गबा

२२ जमाहेन्से येशू हराङ्गला चेलागदेदेन छयाम यहूदिया अञ्चलरी फेप्सी तिगे धिनना लागिरी थनीगदेदेन छयाम थरी धन्छयाबा धुङ्गरी म्हिगदेदा बप्तिस्मा पिन्बान मुबा। २३ यूहन्नासेनोन सालीम भिबा ग्गाला डामरी मुबा एनोन भिबा ग्गाली बप्तिस्मा पिन्बान मुबा। तिग्दा भिसम थरी ल्हानान क्युड मुबा, ओच्छे म्हिगदे थरी खसी बप्तिस्मा किन्बान मुबा। २४ थ धुङ्गधोना यूहन्ना झ्याल्खानरी परब तबा आरमुबा। ५

२५ थनोन धुङ्गरी यूहन्नाला चेलागदे यहूदी गिकदेन छयाम चोखा तबाला बाररी ताम लबान मुबा। २६ जमाहेन्स थनीगदे यूहन्ना मुबा ग्गाली खसी, “गुरु, यदेन क्याम्सङ्ग मुबा धुङ्गरी हराङ्गसे इन्दा म्हि गिकला बाररी सुङ्गमुबा, थ म्हि हराङ्गदेन छयामनोन मुबा। दान्द थसनोन बप्तिस्मा पिन्बान मुला, ओच्छे जम्मान म्हिगदे थ मुबा ग्गाली निबान मुला” भिसी भिजी।

२७ यूहन्नासे थनीगदेदा चुहरङ्ग भिसी जोहाब पिन्जी, “परमेश्वरसे आपिन्तधोना म्हिसे तिगे स्हे आयाङ्ग। २८ ‘डा थार्वी पिन्बा खरीष्ट आहिन, तर थे भन्दा डाच्छा पुङ्गखबा म्हि जे हिन्ना’ भिसी डाला बाररी पाङ्गबा ताम एनीगदेदान था मुला। २९ जुन म्हिदेन छयाम चाङ्गछार चिला थनोन म्हाछार हिन्ना। म्हाछारदेन छयाम राप्वा म्हि म्हाछारला काइ थःसी ल्हानान ताङ्गमुला। थहरङ्ग लसीन डाएनोन ल्हानान ताङ्गबा मुला। ३० दाहेन्से

खरीष्ट चा बढब तबान नितोःला, तर डा चा घटब तबान नितोःला।

स्वर्गियाम फेप्सबा परमेश्वरला झा

३१ “तोरगियाम फेप्सबा चा जम्मान भन्दा धरन मुला। जम्बुलिङ्गरी न्हवा म्हिगदे चा जम्बुलिङ्गलान हिन्ना, ओच्छे जम्बुलिङ्गलान ताम लमुला। तर स्वर्गियाम फेप्सबा चा जम्मान भन्दा धरन मुला। ३२ थस हराङ्गसे मराङ्गबादेन थःबा तामनोन सुङ्गमुला, तर थला ताम खालैसेन विश्वास आलमुला। ३३ जुन म्हिसे थला तामदा विश्वास लला, थस चा परमेश्वर सत्य हिन्ना भिबा तामला परमाण उन्ना। ३४ परमेश्वरसे पुङ्गखबा म्हिसे परमेश्वरलान ताम पाङ्गला। तिग्दा भिसम परमेश्वरसे थदा हराङ्गला पूरान आत्मा पिन्बा मुला। ३५ परमेश्वरसे हराङ्गला झादा माया लबा मुला, ओच्छे थदा जम्मानथोरी शासन लबा अधिकार पिन्बा मुला। ३६ थेतबासेलमा जुन म्हिसे परमेश्वरला झादा विश्वास लला थस जुकजुकधोनाला जुनी याङ्गला। तर जुन म्हिसे परमेश्वरला झासे कुल्बा ताम आङ्गियान थस जुकजुकधोनाला जुनी आयाङ्ग। बरु थस परमेश्वरगियाम खबा सजाय नातोःला।”

येशूदेन सामरी य्हलला मिरङ्गम्हेमे

४ १ यूहन्नासे भन्दा येशूस ल्हानान चेलागदे स्हाबा मुला, ओच्छे बप्तिस्माएनोन पिन्बान मुला भिसी फरिसीगदेस थःजी भिबा ताम येशूदा था मुबा। २ बप्तिस्मा पिन्बा चा चेलागदेस पिन्मुबा तर येशू हराङ्गसेन चा आहिन मुबा। ३ फरिसीगदेस थःबा ताम था याङ्गमाहेन्स येशू यहूदिया अञ्चल ख्नासी गालील अञ्चलरी दोःसी फेप्जी।

४ येशू गालील अञ्चलरी फेप्सा सामरिया अञ्चलगियाम फेप्तोःमुबा। ५ थेतबासेलमा येशू सामरिया अञ्चलला सुखार भिबा शहररी धोखजी। चु शहर चा याकूबसे हराङ्गला झा योसफदा पिन्बा बुला डामरी मुबा। ६ थरी याकूबला इनार मुबा। भरना भरना बतप्वासे लमा येशू थ इनारला कुनीरी धन्छयाबा मुबा। थ धुङ्गरी ओस्पन धिनी गङ्गसल तबा मुबा।

७थेनोन धुइरी सामरी यहूलला मिरडम्हेम गिक थे इनाररी क्युइ किन्बारी सजी। येशूस थंदा “डादा क्युइ थुडबारी भउ” भिसी सुडजी। ८येशूला चलागदे चा चबा स्हे ग्लुबारी शहररी निबा मुबा।

९सामरी यहूलला मिरडम्हेमसे येशूदा “हराड यहूदी यहूलला म्हे तसीनोन डा हरडबा सामरी यहूलला मिरडम्हेमदेन छुयाम तिग्दा क्युइ हरीबा ?” भिसी भिजी। तिग्दा भिसम यहूदीगदेस सामरीगदेन छुयाम संगतनोन आलमुबा। १०

११येशूस थंदा “एसे परमेश्वरसे पिन्बा मोलमदेन दान्दे एदेन छुयाम क्युइ हरीबा म्हेदा डोसबा हिन्सम एसे थे म्हेदेन छुयाम क्युइ हरीसला मुबा। जमाहेन्से थे म्हेसे एदा जुकजुकधोनाला जुनी याडबा क्युइ पिन्सेला मुबा” भिसी सुडजी।

१२थे मिरडम्हेमसे येशूदा “लास्सो, हराडेन छुयाम क्युइ तेबारी ताड आर, ओच्छे इनारएनोन नुत्रा मुला। हराडेसे खानडग्याम थे जुकजुकधोनाला जुनी याडबा क्युइ भला ? १२तिग्दा हराडे डन्ना म्हेम याकूब भन्दा घरेन हिन्ना ? थसन डन्दा चु इनार स्होसी पिन्बा हिन्ना। थदेन थला सन्तानसे ओच्छे थला म्हे मुडगदेसनोन चुनोन इनारला क्युइ थुडमुबा” भिसी भिजी।

१३जमाहेन्से येशूस थंदा चुहरड भिसी सुडजी, “चु क्युइ थुडबा म्हेगदेदा दोःसी क्युइ फुइला। १४तर जुन जुन म्हेसे डाइ पिन्बा क्युइ थुडला थे म्हेदा दोःसी क्युइ आफुइ। डाइ थंदा जुन क्युइ पिन्ना, थे क्युइ चा थला लागिरी जुकजुकधोनाला जुनी पिन्बा क्युइला मुहान दाला !” भिसी सुडजी।

१५थे मिरडम्हेमसे येशूदा “लास्सो, डादाएनोन थे क्युइ भउ, थहरड भिसम डादा दोःसी क्युइ आफुइ ओच्छे चुधोना क्युइ किन्बारीनोन खआतोः” भिसी भिजी।

१६जमाहेन्से येशूस थंदा “निउ, एला हरेम्बोदा ड्योइसी भउ” भिसी सुडजी।

१७थेसे “डाला हरेम्बो आर” भिसी भिजी।

तर येशूस थंदा “एसे डाला हरेम्बो आर भिसी भिबा ठीक हिन्ना। १८तिग्दा भिसम एला गोर डा हरेम्बो तसी जिन्बा मुला। दान्दे ए जुन म्हेदेन छुयाम चिबा मुला, थे

म्हे एला हरेम्बो आहिन। एसे पाडबा ताम सत्य हिन्ना” भिसी सुडजी।

१९जमाहेन्से थे मिरडम्हेमसे, “लास्सो, हराडे अगमवक्ता हिन्बा चीम भिसी डाइ था याडजी। २०डन्ना आसे म्हेमगदेसे चु गडरी परमेश्वरदा तेन्जी, तर हराडेनी यहूदीगदेसे चा परमेश्वरदा तेन्बा ग्ला यरूशलेम जे हिन्ना भिसी सुडमुला” भिसी भिजी।

२१येशूस थे मिरडम्हेमदा चुहरड भिसी सुडजी, “एसे डादा विश्वास लउ, दाहेन्से खालेनोन परमेश्वरदा तेन्बारी चु गडरीदेन यरूशलेमरी निआतोःबा धुइ खबान मुला। २२एनी सामरीगदेसे आसनान परमेश्वरदा तेन्जी, तर डनी यहूदीगदेसे चा ससी तेन्जी। तिग्दा भिसम थाबो याडबा चा यहूदीगदे न्हडग्यामनोन तला। २३तर चुहरडबा धुइएनोन खबान मुला, थे धुइ चा चुनोन हिन्ना, ससी सेमहेन्सेन परमेश्वरदा तेन्बा म्हेगदेसे चा सत्यदेन आत्माग्याम परमेश्वर आबादा तेन्मुला। परमेश्वर आबासे चुहरड लसी तेन्बा म्हेगदे म्हाइमुला। २४तिग्दा भिसम परमेश्वर आत्मा हिन्ना। थतबासलमा थंदा तेन्बागदेसे सत्यदेन आत्माग्याम तेन्तोःला।”

२५जमाहेन्से थे मिरडम्हेमसे येशूदा “थार्वी पिन्बा ग्ले फस्वला भिबा ताम डादाएनोन था मुला, थंदा थार्वी पिन्बा खरीष्ट” भिसी भिला। थे फस्वमाहेन्से थसन डन्दा जम्मान ताम धोना तला” भिसी भिजी।

२६येशूस थंदा “एदेन छुयाम ताम पाडबा म्हे, डा थेनोन हिन्ना” भिसी सुडजी।

२७थे धुइरी येशूला चलागदेएनोन थेरी धोसजी। येशू मिरडम्हेम गिकदेन छुयाम ताम लसी चिबा मराडेसी थनीगदे उदक तजी। तर “हराडेसे तिग्दा म्हाइबा ?” अथवा “हराडे थे मिरडम्हेमदेन छुयाम तिग्दा ताम लबा” भिसी खालेसेन आडयोइनी।

२८जमाहेन्से थे मिरडम्हेमे दर्वुड थेरीन खलासी नाम्सापट्टि निसी म्हेगदेदा, २९“म्हे गिकदा च्याबारी सउ, डाइ लबा जम्मान गे थेसे डादा पाडजी। थेनोन थार्वी पिन्बा खरीष्ट मी आहिन ?” भिसी भिजी। ३०चु ताम थेःसी शहरला जम्मान म्हेगदे येशूदा च्याबारी थेरी सजी।

१४:१ “यहूदीगदेसे सामरीगदेन छुयाम संगतनोन आलमुबा” भिबा चु ताम कोइ कोइ ग्रीक बाइबलरी आर।

३१ थनोन धुइरी चेलागदेसे येशूदा “रब्बी, सोल छुयाइगो” भिसी बिन्ती लजी।

३२ तर येशूस थनीगदेदा “डादेन छुयाम चबा स्हे मुला, थं ताम एनीगदेदा थानोन आर” भिसी सुइजी।

३३ थेतबासेलमा चेलागदेसे “खालैसे येशूदा सोल भसी पिन्जी कि तिग ?” भिसी हराड हराड न्हडरी ताम लजी।

३४ येशूस थनीगदेदा चुहरड भिसी सुइजी, “डादा पुइखबासे कुल्बा ताम इयान्सी थला गे पूरा लवान डाला चबा स्हे हिन्ना। ३५ एनीगदेसे ‘बाली मिन्बारी अझ ला ब्रित बाँको मुला भिसी भिमुला।’ तर एनीगदेसे डाला ताम इयान्गो, बु वारीरी च्यागो, बाली मिन्सी दुइबा धुइ तसी जिन्बा मुला। ३६ जुन म्हिसे बाली दुइवान मुला, थेस ज्यला याइवान मुला। ओच्छे जुकजुकधोनाला जुनी याइबा बाली हरुप लवान मुला। ओच्छे ब्नु दववादेन बाली दुइबा न्हीनोन ताइम्याडला। ३७ तिगदा भिसम चु ताम सत्य हिन्ना। ‘गिकस ब्नु दवला, ओच्छे स्थान्दोसे बाली दुइला।’ ३८ डाइ एनीगदेदा एनीगदेसे ब्नुनोन आदववा ग्लारी बाली दुइबारी पुइजी। स्थान्दोसे दुख लसी ब्नु दववा ग्लारी एनीगदेसे बाली दुइम्याडला मुला।”

३९ “डाइ लबा जम्मान गे थेसे डादा सुइजी” भिसी थं सामरी मिरडम्हमेस पाइबासे लमा थं नाम्साला ल्हानान सामरीगदेसे येशूदा विश्वास लजी। ४० थनीगदे येशू मुबा ग्लारी खसी येशूदा “हराड इन्देन छुयाम धन्छुयागो” भिसी बिन्ती लजी। जमाहन्से येशू थनीगदेदेन छुयाम न्हीरधोना धन्छुयाजी। ४१ येशूला ताम थं:सी झन ल्हानान सामरीगदेसे येशूदा विश्वास लजी। ४२ थनीगदेसे थं मिरडम्हमेदा “दान्दे एसे पाइबा ताम थं:सी जे इन्से विश्वास लबा आहिन, तर इन्सेन येशूला ताम थं:सी विश्वास लबा हिन्ना। ओच्छे पक्कान जम्बुलिडला जम्मान म्हिदा थाना लबा थेनोन हिन्ना भिसी इन्से था याइजी” भिसी भिजी।

येशूस हाकिमला झादा सन्ना लबा

४३ थं ग्लारी न्हीरधोना धन्छुयासी येशू गालील अञ्चलरी फन्जी। ४४ अगमवक्तादा

हराडलान नाम्सारी मान आल भिसी येशूसेन सुइबा मुबा। ४५ येशू गालील अञ्चलरी धाखमाहेन्से थं ग्लाला म्हिगदेसे येशूदा मान लजी। तिगदा भिसम मिशर य्हूत्साग्याम फेसी खबा धिनदा ढन्सी धइबा चाडला धुइरी येशूस यरुशलम शहररी लबा जम्मान उदेकला गेगद थनीगदेसे मराइबा मुबा। थं धुइरी थनीगदेएनोन यरुशलम शहररी चाड धइबारी निबा मुबा। d

४६ दा:सी येशू गालील अञ्चलला काना भिबा शहररी फन्जी। थेनोन शहररी येशूस क्युइदा अडगुरला निडगु दोना लबा मुबा। कफनेहुम शहररी चिबा हाकिम गिकला झा ल्हानान आसम्बा मुबा। ४७ येशू यहूदिया अञ्चलग्याम गालील अञ्चलरी फेखसी भिबा ताम थं:सी थं हाकिम येशू मुबा ग्लारी खजी। ओच्छे थेसे हराड फेखसी डाला झादा सन्ना लसी पिन्गो भिसी बिन्ती लजी। तिगदा भिसम थेला झा ल्हानान आसम्ना सिबारीन छुयाइबा मुबा।

४८ थेतबासेलमा येशूस थंदा “उदेकला गेदेन चिनु आमराडतेधोना एनीगदेसे खाइमे विश्वास आल” भिसी सुइजी।

४९ थं हाकिमसे येशूदा “लास्सो, डाला झा सिबा भन्दा डाच्छान हराड फेखउ” भिसी पाइजी।

५० येशूस थंदा “निउ, दाहेन्से एला झा सोला” भिसी सुइजी।

जमाहन्से येशूस सुइबा तामरी विश्वास लसी थं दिमरी निजी। ५१ ओच्छे थं ग्यामरी निबान लमा थंला नोकरगद खसी, “हराडला झा खम्जी” भिसी भिजी। ५२ जमाहन्से थंसे नोकरगदेदा “थं गात धुइहन्से खम्जी?” भिसी इयोइमा, थनीगदेसे “तिलमा धिनना एक बजेहन्से थंला छुवा म्हाजी” भिसी भिजी। ५३ चु ताम थं:माहेन्से येशूस थंदा “एला झा सोला” भिसी सुइबा धुइरीन खम्जी भिबा ताम थंसे था याइजी। थेतबासेलमा थंदेन थंला म्हेमक्योइसेन येशूदा विश्वास लजी।

५४ चु गे चा यहूदिया अञ्चलग्याम गालील अञ्चलरी फेखसी येशूस लबा अर्गु उदेकला गे हिन्ना।

येशूसे कुज्या म्हिदा सन्ना लबा

१ जमाहेन्स येहूदीगदेला चाडला धुइरी
 ५ येशू यरूशलेमरी फप्जी। २ यरूशलेम
 शहर न्हडरी निबारी ग्यु भिबा मराप मुबा।
 थं मरापला डामरी गोर डा दलान मुबा च्याइ
 गिक मुबा। थं च्याइदा हिवरू ग्योइरी बथेसदा
 भिसी भिमुबा। ३ थं दलानरी आसम्बा ल्हानान
 म्हिगदं, मी आम्राड्बा म्हि, कुज्या म्हिदंन
 काड या चलब आतबा म्हि चिमुबा। थं च्याइला
 क्युइ गाते धुइरी ल्हिङ्गला भिसी थनीगदं
 जम्मासेन च्यासी चिमुबा। ४ तिगदा भिसम
 धुइ धुइरी परमपरमुला दूत गिक मार खसी थं
 च्याइला क्युइ ल्हिङ्गसी पिन्मुबा। च्याइरी
 क्युइ ल्हिङ्गमैछ्याम जुन म्हि डाच्छा
 च्याइरी वाङ्गी थं म्हि जस्तोन आसम्बा
 मुसेनोन थं सन्मुबा।**

५ थरी बागल गिकसे च्युक भरः दिङ्घोना
 आसम्बा म्हि गिकएनोन मुबा। ६ येशूस थं थरीन
 म्हेसी चिबा मराङ्गी। ओच्छे थं ल्हानान
 दिङ्घेन्स आसम्बा चीम भिबा था याङ्गी
 येशूस थंदा “तिग एदा सन्बा सेम मुला?”
 भिसी ड्योइमा, ७ थं आसम्बा म्हिसे, “लास्सा,
 च्याइला क्युइ ल्हिङ्गबा धुइरी डादा च्याइरी
 झाङ्गी पिन्बा डाला खाले आर। थतबासेलमा
 डा च्याइरी वाङ्गारी निना निनान डा भन्दा
 डाच्छा स्प्हान्दो म्हि वाङ्गमुला” भिसी भिजी।

८ जमाहेन्स येशूस थंदा “रःगां, ओच्छे
 हराङ्गला तीबा नान्बा पुइसी भरउ” भिसी
 सुङ्गी।

९ येशूस थंहरङ्ग सुङ्गमैछ्याम थं म्हि सन्जी।
 जमाहेन्स थं हराङ्गला तीबा नान्बा पुइसी
 भरजी। जमाकुनु ब्रतप्रा न्हवा धिन मुबा।
 १० थतबासेलमा येहूदी धर्मगुरुगदसे थं म्हिदा
 “तिनी ब्रतप्रा न्हवा धिन हिन्ना, एसे तीबा
 नान्बा पुइवारी आत” भिसी भिजी।

११ जमाहेन्से थंसे “जुन म्हिसे डादा सन्ना
 लजी थंसेन डादा तीबा नान्बा पुइसी भरउ भिसी
 सुङ्गबा हिन्ना” भिसी भिजी। १२ थं म्हिगदसे
 थंदा “एदा तीबा नान्बा पुइसी भरउ भिबा म्हि
 खाल हिन्ना?” भिसी ड्योइजी। १३ तर हराङ्गदा
 सन्ना लबा म्हि खाल हिन्ना भिसी थंसे डासेबा

आरेमुबा। तिगदा भिसम थरी म्हिगदं ल्हानान
 पाप तबासे लमा म्हिला हुल न्हङ्गयाम येशू
 सुट्टक फेसी जिन्बा मुबा।

१४ लिच्छा येशूस थंदा परमेश्वरला मन्दिररी
 स्याप्सी, “च्यागां, ए सन्सी जिन्बा मुला।
 थतबासेलमा एसे दोःसी पाप थालउ, चुदं पाप
 लजी भिसम एदा चु भन्दा आज्यबा तला” भिसी
 सुङ्गी। १५ थं निसी हराङ्गदा सन्ना लबा म्हि
 येशू चीम भिसी येहूदी धर्मगुरुगददा पाङ्गी।

परमेश्वरला झाग्याम याङ्गबा जुनी

१६ येशूसे चु गे ब्रतप्रा न्हवा धिनकुनु लबासे
 लमा येहूदी धर्मगुरुगदसे येशूदा बिराध लबारी
 छ्याइजी। १७ तर येशूस “डाला आबासे सदन गे
 लमुला। ओच्छे डाइनोन सदन गे लला” भिसी
 सुङ्गी। १८ थतबासेलमा येहूदी धर्मगुरुगदसे
 झन येशूदा साइवारी म्हाइजी, तिगदा भिसम
 थंसे ठिम अन्धार ब्रतप्रा न्हवा धिनकुनु
 लबारी आतबा गे जे लबा आहिन, तर थंसे
 हराङ्गसे हराङ्गदान परमेश्वर हरङ्गवान स्होसी
 परमेश्वरदा हराङ्गला आबा भिसी सुङ्गमुबा।

१९ येशूस थनीगददा चुहरङ्ग भिसी सुङ्गी,
 “च्यागां, एनीगदसे डाला ताम ड्यान्गां,
 आबासे जुन जुन लबा मराङ्गला झासेनोन
 थनोन गे जे लला, तर झासे जे तिगे गे लबारी
 आसम। तिगदा भिसम आबासे जुन गे लला
 झासेनोन थनोन गे लला। २० तिगदा भिसम
 आबासे झादा माया लसी हराङ्गसे लबा जम्मान
 गे उन्ना। ओच्छे थंसे अझ चु भन्दान घरेन
 घरेन गे हराङ्गला झादा उन्ना। ओच्छे
 एनीगद उदेक तगे भिसी थंसे अझ चु भन्दा
 घरेन घरेन गे लला। २१ आबासे सिबागददा
 सोना लसी जुकजुकधोनाला जुनी पिन्बा
 हरङ्ग लसी झासेनोन जुन म्हिदा सेम नित्ता
 थंदा जुकजुकधोनाला जुनी पिन्ना। २२ आबासे
 खालैलान निसाफ आल। तिगदा भिसम
 जम्मादान निसाफ लबा अधिकार आबासे झादा
 पिन्बा मुला। २३ आबादा मान लबा हरङ्ग लसी
 झादाएनोन मान लगे भिसीन आबासे चुहरङ्ग
 लबा हिन्ना। तिगदा भिसम जुन म्हिसे झादा
 मान आल थंसे झादा पुइखबा आबादाएनोन मान
 आल।

**५ :४ “थं च्याइला क्युइ...थं म्हि जस्तोन आसम्बा मुसेनोन थं सन्मुबा।” चु ताम ल्हानान हरङ्गबा
 ग्रीक बाइबलरी आर।

††५ :९ येहूदीगदेला ठिम अन्धार ब्रतप्रा न्हवा धिनकुनु तिगे गे लबारी आतमुबा।

२४ “थेतबासेलमा एनीगदेसे डाला ताम ड्यान्गो, जुन म्हिसे डाला ताम ड्यान्सी डादा पुइखबादा विश्वास लला थेस जुकजुकधोनाला जुनी याडला। ओच्छे थदा दोषएनोन आल, बरु थे सिबाला तहग्याम थोन्ना। जमाहन्से थेस जुकजुकधोनाला जुनी याडला। २५ च्यागो, एनीगदेसे डाला ताम ड्यान्गो, थे धुइ खबान मुला, थे धुइ डाच्छान खसी जिन्वा मुला। थेतबासेलमा सिबागदे न्हडला जुन जुन्से परमेश्वरला झाला काइ थेःला थेनीगदे सोला। २६ तिगदा भिसम परमेश्वर आबा हराडदेन छ्यामनोन जुकजुकधोनाला जुनी मुला, थेहरड लसीन थेस हराडला डादाएनोन जुकजुकधोनाला जुनी पिन्वा अधिकार मुबा म्हि स्होबा मुला। २७ ओच्छे निसाफ लबा अधिकार थेदान पिन्वा मुला। तिगदा भिसम परमेश्वरसे पुइखबा म्हि थेनोन हिन्ना।

२५ “डाला ताम थेःसी एनीगदे उदेक थातड। तिगदा भिसम चुहरडबा धुइ खबान मुला, थे धुइरी परमेश्वरसे पुइखबा म्हिला काइ थेःसी सिबागदे जम्मान दोःसी सोला। २९ ज्यबा गे लबागदे जुकजुकधोनाला जुनी याडबारी दोःसी सोला ओच्छे आज्यबा गे लबागदे सजाय नाबाला लागिरी दोःसी सोला। १

३० “डाइ हराडसेन तिगे लबारी आखम, परमेश्वर आबासे सुडबा अन्धार निसाफ लबासे लमा डाइ लबा निसाफ ठीक तमुला। तिगदा भिसम डाइ म्हन्वा अन्धार आहिन, तर डादा पुइखबासे म्हन्वा अन्धार डाइ गे लमुला।

३१ “चुदे डाइ डाला बाररी जे पाडजी भिसम एनीगदेसे डाइ पाडबा ताम सत्य हिन्ना भिसी था आयाड। ३२ तर डाला बाररी परमेश्वर आबासेन सुडला, थेस डाला बाररी जुन ताम सुडला थे जम्मान ताम सत्य हिन्ना भिसी डादा था मुला।

३३ “एनीगदेसे ताम घोबाला लागिरी हराडला म्हिगदेदा बप्तिस्मा पिन्वा यूहन्ना मुबा ग्लारी पुडजी। ओच्छे थेस थेनीगदेदा सत्य ताम पाडजी। ३४ डाइ म्हिगदेसे डाला बाररी तिग ताम पाडमुला भिसी भर लबा आहिन, तर एनीगदेदा थाना लबाला लागिरीन डाइ चु ताम

पाडबा हिन्ना। ३५ यूहन्ना मी लुडसी य्हाल तना लबा नाडसल हरडबान मुबा, तर थेसे पिन्वा य्हालरी एनीगदे छिन्नड जे ताडबारी म्हाइजी।

३६ “तर डाला बाररी ताम पाडबा यूहन्ना भन्दाएनोन घेरन ताम चुरी मुला। तिगदा भिसम जुन गेगदे पूरा लबारी आबासे डादा पिन्वा मुला, थे गेगदे डाइ लबान मुला। चु गेसन डादा परमेश्वरसे पुइखबा हिन्ना भिसी उन्वा मुला। ३७ डादा पुइखबा आबासेनोन डाला बाररी सुडबा मुला। तर एनीगदेसे थला काइ खाइमे थेःबा आर, ओच्छे थदा मराडबाएनोन आर। ३८ थेस सुडबा बचन एनीगदेला समरी आचि। तिगदा भिसम थेस पुइखबा म्हिदा एनीगदेसे विश्वास आलनी। ३९ एनीगदेसे जुकजुकधोनाला जुनी याडला भिसी बचनरी म्हाइमुला, थे बचनसेनोन डाला बाररी पाडमुला। ४० तसेनोन जुकजुकधोनाला जुनी याडबाला लागिरी एनीगदे डा मुबा ग्लारी खबारी आम्हाइमुला।

४१ “म्हिगदेसे डादा जयजयकार लगे भिसी डाइ म्हन्वा आर। ४२ तर एनीगदे परमेश्वरदा माया आलबा खाहरडबा खाल्ला म्हि हिन्ना भिबा ताम डादा था मुला। ४३ डा हराडलान आबाला मिन किन्सी समाएनोन एनीगदेसे डादा मान आलनी। तर स्थान्दो खाले म्हि हराडलान मिन किन्सी खजी भिसम एनीगदेसे थदा मान लला। ४४ एनीगदेसे डादा खाहरड लसी विश्वास लखम्ला? एनीगदे हराड हराड न्हडरी चा गिकसम गिकदा मान लगे भिसी म्हन्वा, तर परमेश्वरग्याम जे याडबा मान चा किन्वारी आम्हाइबा।

४५ “परमेश्वर आबाला ओन्धाडरी डाइ एनीगदेला दोष उन्ना भिसी थाम्हन्गो। तर थारबा पिन्ना भिसी एनीगदेसे विश्वास आश लबा मोशाला ठिमरी मुबा तामसेन एनीगदेला दोष उन्ना। ४६ च्यागो, एनीगदेसे मोशादा विश्वास लबा हिन्सम दान्दे डादाएनोन विश्वास लसेला मुबा। तिगदा भिसम थेसे डालान बाररी भिरबा मुबा! ४७ तर मोशासे भिरबा तामनोन एनीगदेसे विश्वास लबारी आखमनी भिसम डाइ पाडबा ताम झन खाहरड लसी विश्वास लखम्ला?”

येशूस हजार डा म्हिगदेदा चबा स्हे पिन्वा

मत्ती १४ :१३-२१ ; मर्कूस

६ :३०-४४ ; लूका ९ :१०-१७

१ जमाहेन्स येशू गालील समुन्दरला
६ क्याम्सडपटटि फर्जी। थ समुन्दरदा
 तिबरियास समुन्दर भिसीनोन भिमुबा।
 २ ओच्छे ल्हानान म्हेला हुलएनोन येशूला
 लिच्छा लिच्छा निजी। तिग्दा भिसम
 आखम्बा म्हिगदेदा येशूस ल्हानान रम खम्ना
 लबा उदकला चिनुगदे थनीगदेस मराड्डी
 मुबा। ३ ओच्छे येशू गडरी फर्सी हराडला
 चलागदेदेन छयाम थरीन धन्छयाजी। ४ थ
 धुइरी यहदीगदला मिशर म्हल्सागयाम फेसी
 खबा धिनदा ढन्सी धड्बा चाडएनोन खबारी
 छयाइबा मुबा।

५ येशूस क्युरीन स्हीमा हराड मुबा
 ग्तारी ल्हानान म्हिगदे खबान लबा मराड्डी
 फिलिपदा “चु म्हिगदेदा पिन्बाला लागिरी
 म्हाडसे खानडगयामस गेड ग्तुसी भसे ?”
 भिसी सुड्जी। ६ येशूस थला सेम च्याबाला
 लागिरी थहरड भिसी सुड्बा मुबा। तिग्दा
 भिसम हराडसे तिग लबारी छयाइबा मुबा, थ
 ताम येशूदा था मुबा।

७ फिलिपस येशूदा “म्हाडसे ग्यार्जा न्ही
 म्हइला डबलस गेड ग्तुसी भसेनोन चुरी मुबा
 म्हिगदेदा जजाकर सुत्ते आथोप” भिसी भिजी। ##
 ८ येशूला चला सिमान पतरुसला आल
 अन्दरयासस येशूदा, ९ “चुरी कोला गिकदेन
 छयाम जोला गोर डा गेडदेन गोर न्ही तार्डी
 मुला। तिग चुदेसे चु जम्मान म्हिगदेदा
 छयाला ?” भिसी भिजी।

१० येशूस चलागदेदा “म्हिगदेदा चिपुड्गो”
 भिसी सुड्जी। थरी घरेन पाडग्याल मुबा, थरी
 हजार डा ते चा हरम्फेब जे मुबा। ११ जमाहेन्स
 येशूस गेड छयारी थोसी परमेश्वरदा धन्यवाद
 पिन्माहेन्स जम्मान म्हेदा भो लसी पिन्जी,
 ओच्छे तार्डीएनोन भो लसी पिन्जी। थरी मुबा
 जम्मान म्हेस मरेन्ना चजी।

१२ थनीगद जम्मासन मरेन्ना चसी
 जिन्माहेन्स येशूस हराडला चलागदेदा “लेड्बा

टगलटोगोल खेरो थानिगे, जम्मान पोप लउ”
 भिसी सुड्जी। १३ थतबासलमा थनीगदेसे चसी
 लेड्बा गोर डा जोला गेडला टगलटोगोल
 दुडमा च्युक न्ही सोली तजी।

१४ येशूस लबा चुहरड्बा उदकला गे मराड्डी
 म्हिगदेस “जम्बुलिडरी फखला भिसी बचनस
 म्हाडदा पाड्बा अगमवक्ता १११ चा पक्कान
 चुनोन चीम” भिसी भिजी। १५ थतबासलमा
 म्हिगदे खसी हराडदा जबरजस्ती गले स्हाबारी
 म्हाइबा मुला भिबा ताम था याड्डी येशू दोःसी
 हराड गिकनोन गडरी फर्जी।

येशू समुन्दरथोरी मरबा

मत्ती १४ :२२-२३ ; मर्कूस ६ :४५-५२

१६ ड्यसे तमाहेन्से येशूला चलागदे
 समुन्दरपटटि निजी। १७ ओच्छे थनीगदे दौंगारी
 करःसी समुन्दरला क्याम्सड कफर्नुम भिबा
 शहरपटटि निजी। थ धुइरी धोप तसी जिन्वा
 मुबा, तसेनोन अझ येशू थनीगदे मुबा ग्तारी
 फखबा आरमुबा। १८ घरेन लाबा खबासे लमा
 समुन्दरी छाल रेःबारी छयाइजी। १९ चलागदे
 दौंगा चलब लसी ओस्पन कोस गिकन्ही ते
 थारड धोमा, थनीगदेसे येशू समुन्दर थोथोरी
 भरसी हराडगदे मुबापटटि फखबान लबा
 मराड्जी। चु मराड्डी थनीगदे लोड्जी। २० तर
 येशूस थनीगदेदा “डानोन हिन्ना, थालोड्गो”
 भिसी सुड्जी। २१ चु ताम थःसी थनीगदे ल्हानान
 ताड्जी, ओच्छे येशूदा दौंगारी धन्छयापुड्जी।
 जमाहेन्स तुरुन्तन थनीगदे धोताःबा ग्तारी
 धोजी।

२२ ओच्छे समुन्दरला क्याम्सडपटटि मुबा
 म्हिगदेस न्हडगरदड थरी दौंगा गिक जन
 मराड्जी। डाच्छाकुनु येशू चलागदेदेन छयाम
 दौंगारी फखा आरमुबा, तर थला चलागदे
 जे निमुबा भिबा ताम थनीगदेदा था मुबा।
 २३ जमाहेन्से तिबरियास भिबा शहरगयाम अर्गु
 दौंगागदे येशूस परमेश्वरदा धन्यवाद पिन्सी
 थनीगदेदा गेड पिन्वा ग्ताला डामरी धोखजी।
 २४ थरी येशूदेन छयाम चलागदे आरबा था
 याड्डी थनीगदे दौंगागदेरी करःसी येशूदा
 म्हाइबान कफर्नुम शहररी निजी।

##६ :७ थ धुइरी धिन गिक गे लमा सिगा गिक म्हइला डबल गिक याड्मुबा।

१११६ :१४ “पाड्बा अगमवक्ता” भिबा चा यूहन्ना हिन्ना (१ :२१ स्हीगो)।

जुनी पिन्बा गेड

२४ थनीगदसे येशूदा समुन्दरला क्याम्सडपट्टि स्याम्माहन्से “गुरु, हराड चुरी खाइमा फखजी ?” भिसी इयोइजी।

२६ जमाहन्से येशूसे थनीगददा चुहरड भिसी सुडजी, “एनीगदसे डाला ताम इयान्गो, डाइ लबा उदकला गे मराडसी आहिन, तर मरन्ना गेड चम्याडबासे लमान एनीगदसे डादा म्हाइबा हिन्ना। २७ च्यागो, नाश तसी निबा चबा स्हेला लागिरी जे दुख लसी गे थालउ, तर जुकजुकधोना चिबा चबा स्हेला लागिरी दुख लसी गे लउ। चु चबा स्हे एनीगददा परमेश्वरसे पुइसबा म्हेसे पिन्ना। तिगदा भिसम चु गे लबाला लागिरीन परमेश्वर आबासे थदा धम्बा मुला।”

२८ जमाहन्से थनीगदसे येशूदा “थहरड भिसम परमेश्वरसे म्हेन्बा अन्धारला गे लबाला लागिरी इन्से तिग लतोःला ?” भिसी इयोइमा, २९ येशूसे थनीगददा “परमेश्वरसे पुइसबा म्हेदा विश्वास लउ, एनीगदसे लगे भिसी परमेश्वरसे म्हेन्बा गे चा थनोन हिन्ना” भिसी सुडजी।

३० जमाहन्से थनीगदसे येशूदा भिसी भिजी, “इन्से हराडदा विश्वास लबाला लागिरी हराडसे इन्दा साहरडबा उदकला चिनु उन्सम्ला ? हराडसे तिग लसम्ला ? ३१ म्हाडला आखे म्हेमगदसे मी तोडतोडबा ग्लारीएनोन मन्न §§चजी। चु ताम बचनरीन “परमेश्वरसे थनीगददा स्वर्गग्याम गेड पिन्जी” भिसी भिरबा मुला।”

३२ येशूसे थनीगददा चुहरड भिसी सुडजी, “च्यागो, एनीगदसे डाला ताम इयान्गो, एनीगददा स्वर्गग्याम गेड पिन्बा मोशा आहिन। तर स्वर्गग्याम सत्य गेड पिन्बा चा डाला आबा हिन्ना। ३३ तिगदा भिसम परमेश्वरसे पिन्बा गेड चा चुनोन हिन्ना, थे स्वर्गग्याम खसी जम्बुलिडला म्हेगददा जुनी पिन्मुला।”

३४ थनीगदसे येशूदा “परमु, चु गेड इन्दा सदन पिन्गो” भिसी भिजी।

३५ जमाहन्से येशूसे थनीगददा चुहरड भिसी सुडजी, “जुकजुकधोनाला जुनी पिन्बा गेड चा डानोन हिन्ना। डा मुबा ग्लारी

खबागदे खाइमे आखरेन, ओच्छे डादा विश्वास लबागदेदा खाइमे क्युड आफुड। ३६ तर डाइ एनीगददा पाडसी जिन्बा मुबा, एनीगदसे डादा मराडसेनोन विश्वास आलनी। ३७ आबासे डादा पिन्बा जति जम्मान डा मुबा ग्लारी खला, डा मुबा ग्लारी खबागदेदा डाइ तिगे लसीन आखला। ३८ डा हराडसे म्हेन्बा अन्धारला गे लबारी खबा आहिन, तर डादा पुइसबासे म्हेन्बा अन्धारला गे लबारी डा स्वर्गग्याम खबा हिन्ना। ३९ डादा पुइसबासे म्हेन्बा ताम चा थसे डादा पिन्बा म्हेगदे डायाम गिकनोन थाम्हागे, तर चु जम्बुलिडरी डा दोःसी खबा धुइरी डाइ थनीगदेदा सोना लबारी खमो भिसी हिन्ना। ४० तिगदा भिसम डाला आबासे म्हेन्बा ताम चा चुनोन हिन्ना, डादा मराडसी थदा विश्वास लबागदे जम्मासेन जुकजुकधोनाला जुनी याडगे, ओच्छे डा दोःसी खबा धुइरी डाइ थनीगदेदा सिबाग्याम सोना लला।”

४१ “स्वर्गग्याम खबा गेड डानोन हिन्ना” भिसी येशूसे सुडबासे लमा यहूदी गन्बागदसे येशूला बिरोध लसी ताम लबारी छयाइजी। ४२ थनीगदसे, “तिग चु योसेफला झा येशू आहिन ?, चुला आबा आमादा म्हाडसे डोसबा आर ?, साहरड लसी चुसे ‘डा स्वर्गग्याम खबा हिन्ना’ भिसी पाडबा” भिसी भिजी।

४३ जमाहन्से येशूसे थनीगददा चुहरड भिसी सुडजी, “एनीगदसे हराड हराड न्हडरी डाला बिरोध लसी ताम थालउ। ४४ तिगदा भिसम डादा पुइसबा आबासे डा मुबा ग्लारी खबा संम आपिन्तधोना खालेनोन डा मुबा ग्लारी खबारी आखम। डा मुबा ग्लारी खबागदे जम्मादान डा दोःसी खबा धुइरी डाइ सोना लला। ४५ अगमवक्तागदसेनोन परमेश्वरला बचनरी “परमेश्वरसेन जम्मान म्हेगदेदा लोप्ला” भिसी भिरबा मुबा। परमेश्वर आबाला ताम थेःसी थग्यामसेन लोप्ला म्हेगदे जम्मान डा मुबा ग्लारी खला। ४६ परमेश्वर आबाग्याम खबा म्हेसे जे परमेश्वरदा मराडबा मुला। तर स्प्हान्दो खालेसेन थदा मराडबा आर। ४७ थतबासेलमा एनीगदसे डाला ताम इयान्गो, जुन म्हेसे विश्वास लला थसे जुकजुकधोनाला जुनी याडबा मुला। ४८ च्यागो, जुकजुकधोनाला जुनी पिन्बा गेड डानोन हिन्ना। ४९ एनीगदेला

§§६ :३१ “मन्न” भिबा चा परमेश्वरसे स्वर्गग्याम पिन्बा गेड हिन्ना।

१६ :३१ परस्था १६ :१५, ३१ ; मजन ७८ :२४ १६ :४५ यशै ५४ :१३

आसं म्हमगदसं तोडतोडबा ग्लारी मन्न चजी, तसेनोन थनीगदे सिजी। २० तर स्वर्गग्याम खबा गेड चुनोन हिन्ना, जुन म्हिसं चु गेड चला थं खाइमै आसि। २१ स्वर्गग्याम खबा छोन्बो गेड चा डानान हिन्ना, जुन म्हिसं चु गेड चला थं खाइमै आसि। चु गेड चा डाइ जम्बुलिङला म्हिगदसं जुकजुकधोनाला जुनी याङ्गै भिसी पिन्ना। थं गेड चा डालान ल्हइ हिन्ना।”

२२ चु ताम थं:सी यहूदीगददा बोमो र:सी हराड हराड न्हडरी चुहरड भिसी ताम लबारी छ्याइजी, “चु म्हिसं खाहरड लसी हराडला ल्हइ यहाडदा चबारी पिन्सम्ता?”

२३ जमाहेन्से येशूस थनीगददा चुहरड भिसी सुङ्गी, “च्यागो, एनीगदसे डाला ताम ड्यान्गो, चुदे एनीगदसे परमेश्वरसे पुइखबा म्हिला ल्हइ आचनी भिसम, का आयुङ्गी भिसम एनीगददेन छ्याम जुकजुकधोनाला जुनी आत। २४ तर डाला ल्हइ चबा, डाला का थुङ्बा म्हिदेन छ्याम जुकजुकधोनाला जुनी तला। ओच्छे डा दो:सी खबा धुइरी डाइ थंदा सिबाग्याम सोना लला। २५ तिगदा भिसम चनोन तो:बा स्हे चा डाला ल्हइ हिन्ना ओच्छे थुङ्गोन तो:बा स्हे चा डाला का हिन्ना। २६ डाला ल्हइ चबा, डाला का थुङ्बा म्हि डादेन छ्याम तला, ओच्छे डा थंदेन छ्याम तला। २७ छोन्बो परमेश्वरसे डादा पुइखबासं लमा डा थग्यामसं सोला, थहरड लसीन डादा चबा म्हि एनोन डग्यामसनं सोला। २८ स्वर्गग्याम खबा गेड चुनोन हिन्ना। चु गेड एनीगदला आसं म्हमगदसं चबा गेड हरडबा आहिन। थनीगदसं थं गेड चजी तसेनोन थनीगद सिजी। तर चु गेड चबा म्हिगद चा खाइमै आसि।” २९ चु ताम चा येशूस कफर्नहुम भिबा शहरी यहूदीगदे हरुप तबा दिमरी म्हिगददा तोप्रा धुइरी सुङ्गा मुबा।

ल्हानान चेलागदसे येशूदा खलाबा

६० चु ताम थं:माहेन्से येशूला चेलागदे न्हडला ल्हानानसे “चुहरडबा गाहरो बचन खात्से ड्यान्सम्ता?” भिसी भिजी।

६१ तर चेलागदसे चु तामला बाररी ताम लबान मुला भिबा था याङ्गी येशूस थनीगददा चुहरड भिसी सुङ्गी, “तिग डाइ पाङ्बा तामसे लमा

एनीगदला विश्वास म्हाबा हिन्ना? ६२ थहरड भिसम एनीगदसे परमेश्वरसे पुइखबा म्हिदा स्वर्गरी दो:सी निबा मराडमा एनीगदला समरी खाहरडबा छोर्ला? ६३ जुकजुकधोनाला जुनी पिन्बा चा परमेश्वरला आत्मासन हिन्ना। चु ग चा म्हिला शक्तिसं लबारी खम्बा गे आहिन। डाइ एनीगददा पाङ्बा ताम चा परमेश्वरला आत्मासं पिन्बा जुकजुकधोनाला जुनीला बाररी हिन्ना। ६४ तर एनीगद न्हडरी गातसे मी चु ताम विश्वास लबा आर।” तिगदा भिसम खात्से विश्वास आल, खात्से हराडदा धोका पिन्ना भिबा ताम येशूदा डाच्छाहेन्सेन था मुबा। ६५ जमाहेन्से दो:सी येशूस थनीगददा “थतबासेलमान डाइ एनीगददा चु ताम पाङ्बा हिन्ना, चुदे डाला आबासे डा मुबा ग्लारी खआपुङ्गी भिसम खाले म्हि डा मुबा ग्लारी खबारी आसम” भिसी सुङ्गी। ६६ चु तामसे लमा जमाकुनुहेन्से चेलागदे न्हडला ल्हानान चेलागदे येशूदेन छ्याम भरबारी खलाजी।

६७ थतबासेलमा येशूस हराडला च्युक न्ही चेलागददा “तिग एनीगद एनोन डादा खलासी निबा हिन्ना?” भिसी सुङ्गी। ६८ जमाहेन्से सिमोन पतरुससे येशूदा भिसी भिजी, “परभु, जुकजुकधोनाला जुनी पिन्बा बचन मी हराडदेन छ्याम मुला भिसम डनी खाल मुबा ग्लारी निसं? ६९ हराड परमेश्वरसे पुइखबा परमेश्वरला म्हि हिन्ना भिबा ताम डन्से था याङ्गीन हराडदा विश्वास लबा हिन्ना।”

७० येशूस थनीगददा “एनीगदे च्युक न्हीदान डाइ धम्बा हिन्ना, तसेनोन एनीगदे न्हडला गिक चा शेतान हिन्ना” भिसी सुङ्गी। ७१ चु ताम येशूस सिमोन इस्करियोतला झा यहूदाला बाररी सुङ्गा मुबा। तिगदा भिसम च्युक न्ही चेला न्हडला तसीनोन थंसे लिच्छा येशूदा धोका पिन्बारी छ्याइबा मुबा।

यहूदीगदसे छापारी चिसी धङ्गा चाड

७१ जमाहेन्से येशू गालील अञ्चललान नाम्सा नाम्सारी फेप्जी, तर यहूदिया अञ्चलरी चा फेप्वा सम आलनी। तिगदा भिसम यहूदीगदसे येशूदा साइबारी म्हाइमुबा। २ थं धुइरी यहूदीगदसे छापारी चिसी धङ्गा

चाड *खबारी छ्याइबा मुबा। ^{१३}थतबासलमा येशूदा हराडला आलेगदसेनोन खिसी लसी चुहरङ्ग भिसी भिजी, “चु ग्ला ख्लासी हराड यहूदिया अञ्चलरी फनोन फगो, थरीनोन हराडसे लबा गेगदे हराडला चेलागदसे मराडगे। ^{१४}हराडदा जम्मासन डोसगे भिसी म्हन्बा म्हिस खाइमे लासी गे आलमुला। हराडसेनोन थहरडबान गेगदे लबा मुसम हराड खाल हिन्ना भिबा ताम जम्बुलिङला म्हिगदेदा डोसना लउ।” ^{१५}तिगदा भिसम येशूला आलेगदसेनोन येशूदा विश्वास आलमुबा।

^{१६}थतबासलमा येशूस थनीगदेदा चुहरङ्ग भिसी सुङ्गी, “डाला लागिरी धुइ तबा आरे। तर एनीगदेला लागिरी मी खजिबे धुइ मुसे ठीक मुला। ^{१७}एनीगदेदा जम्बुलिङला म्हिगदसे हेला आलमुला, तर डादा चा हेला लमुला। तिगदा भिसम थनीगदेला बानीबहार आज्यबा मुला भिसी डाइ पाङ्गमुला। ^{१८}एनीगदे चा चाड धडबारी निउ, डा दान्दे आनि। तिगदा भिसम डाला धुइ तबा आरे।” ^{१९}थहरङ्ग सुङ्गी येशू गालीलरीन धन्ड्याजी।

^{२०}तर येशूला आलेगदे चाड धडबारी निमाहन्से येशूएनोन खालेस था आयाङना लसी थरी फेजी।

^{२१}थरी यहूदी नेतागदसे येशूदा म्हाइबान, “थे म्हि खानङ मुला ?” भिसी म्हिगदेदा ड्याइजी।

^{२२}ल्हानान म्हिगदसे येशूला बोररी चुहरङ्ग भिसी ताम लबान मुबा, कोइ कोइस “थे ज्यबा म्हि हिन्ना” भिसी भिमुबा। तर कोइ कोइस चा “आहिन, थेस ल्हानान म्हिगदेदा न्हाङना लबा मुला” भिसी भिमुबा। ^{२३}तसेनोन यहूदी नेतागददेन छ्याम लोङ्गी खालेसन येशूला बोररी स्हान्दो म्हिस था याङना लसी ताम आलमुबा।

चाडला धुइरी येशूस म्हिगदेदा लोप्रा

^{२४}चाडला गुडरी परमेश्वरला मन्दररी फेसी येशूस म्हिगदेदा लोप्रा छ्याइजी। ^{२५}यहूदी नेतागदे उदेक म्हन्बान, “चुस तिगे पदब आलना चुहरङ्गबा ज्ञान बुद्धि खानङ्गयाम याङ्गी ?” भिसी भिजी।

^{२६}जमाहन्से येशूस थनीगदेदा चुहरङ्ग भिसी जोहाब पिन्जी, “डाइ डाला ताम लोप्रा आहिन, तर डादा पुइखबा परमेश्वरला ताम लोप्रा हिन्ना। ^{२७}चुदे खाले म्हिस परमेश्वरसे म्हन्बा अन्डार लबारी म्हाइजी भिसम थेस जे डाइ लोप्रा ताम परमेश्वरग्याम हिन्ना कि डालान समला ताम लोप्रा हिन्ना भिसी था याङला। ^{२८}जुन म्हिस हराडलान ताम पाङला थेस हराडदान मान लगे भिसी म्हन्मुला। तर हराडदा पुइखबादा मान लगे भिसी म्हन्बा म्हिस चा सत्य ताम पाङमुला, थेस तिगे लुसीला ताम आलमुला। ^{२९}मोशास एनीगदेदा ठिम पिन्बा मुला, तसेनोन एनीगदसे मोशास पिन्बा ठिम अन्डार गे आलनी। एनीगदसे डादा तिगदा साइबारी म्हाइबा ?”

^{३०}थरी मुबा म्हिला हुलसे येशूदा “एदा म्हडसे स्याप्रीम, खाइ एदा खालसे साइबारी म्हाइबा मुला ?” भिसी भिजी।

^{३१}जमाहन्से येशूस थनीगदेदा चुहरङ्ग भिसी सुङ्गी, “डाइ गे गिक लमा एनीगदे तिगदा उदेक म्हन्बा ? ^{३२}च्यागो, खतना लउ भिसी एनीगदेदा मोशास ठिम स्होसी पिन्बा मुला। हिन्बाम थे ठिम मोशास स्होबा आहिन, एनीगदेला आखे म्हमसेन स्होबा हिन्ना। थतबासलमा एनीगदसे ब्रप्रा न्हाबा धिनकुनुएनोन हराडला झागदेला खतना लमुला। ^{३३}य्हाडसे मोशास पिन्बा ठिम आखलाग भिसी ब्रप्रा न्हाबा धिनरीएनोन खतना लमुला भिसम डाइ चा आखम्बा म्हि गिकदा खम्ना लमा एनीगदसे तिगदा डादा बोमो लबा ? ^{३४}एनीगदसे म्हिला ली च्यासी निसाफ थालउ, तर ठीक लसी निसाफ लउ।”

तिग चुनोन खरीष्ट हिन्ना ?

^{३५}यसुशलेमग्याम खबा कोइ कोइ म्हिगदसे चुहरङ्ग भिसी भिजी, “तिग यहूदी धर्मगुरुगदसे साइबारी म्हाइबा म्हि चुनोन आहिन ? ^{३६}च्यागो, आलोङनान चुस जम्मादान लोप्यान मुला, तर चुदा थनीगदसे तिगे आपाङनी ! डन्ना नेतागदसेनोन चुनोन थार्बा पिन्बा खरीष्ट हिन्ना भिसी पक्कान था याङ्गी कि तिग ? ^{३७}चु म्हि खाहरङ्ग लसी थार्बा पिन्बा खरीष्ट हिन्ना, तिगदा भिसम चु म्हि खानङ्गयाम

^{१७} :२ चु चाड यहूदीगदसे हराडला आखे म्हमेगदे बोगल न्ही दिङधोना तोङतोङबा ग्लारी चिबा धुइदा दन्बाला लागिरी छाप्रारी चिसी धडमुबा।

सबा हिन्ना मिबा ताम ग्हाड्दा था मुला । तर खरीष्ट फप्सबा धुइरी खानङ्गयाम फप्सला मिबा ताम खालैदान था आत ।

२८ थं धुइरी परमेश्वरला मन्दिररी लोप्वान लमा येशूस धरन काइरी चुहरङ्ग भिसी सुङ्गी, “डा खानङ्गयाम सबा हिन्ना मिबादेन डा खाल हिन्ना मिबा ताम एनीगदेदा पक्कान था मुला । ज्यागा, डा हराङ्गनान सबा आहिन, तर डादा खालेस पुइसबा हिन्ना थं चा सत्य हिन्ना, एनीगदेस थंदा डोसबा आरं । २९ तर डाइ थंदा डोसबा मुला । तिग्दा भिसम थंसे पुइसबासे लमा डा थंगयाम सबा हिन्ना ।”

३० चु ताम थंसे एनीगदेसे येशूदा चुङ्बारी म्हाइजी । तर खालैसन या आझाङ्गी, तिग्दा भिसम येशूला धुइ तबा आरमुबा । ३१ थरी मुबा ल्हानान म्हाइगदेसे येशूदा विश्वास लजी । ओच्छे थनीगदेसे, “थार्वी पिन्वा खरीष्ट फप्ससी, तिग चु म्हाइस भन्दा अझ उदेकला गगदे लला ?” भिसी भिजी ।

येशूदा चुङ्बारी म्हाइबा

३२ म्हाइगदेसे येशूला बाररी सासखास सुससुस ताम लबान लबा फरिसीगदेसे थंजे । जमाहेन्से परमेश्वरला मन्दिररी पूजा लबा मुल म्हाइगदेदेन फरिसीगदेसे येशूदा चुङ्बाला लागिरी परमेश्वरला मन्दिर खरुङ्बा सिपाहीगदेदा पुइजी ।

३३ येशूस म्हाइगदेदा चुहरङ्ग भिसी सुङ्गी, “तिगे धिनधोना डा एनीगदेदेन छयामनोन तला, जमाहेन्से डादा जुन्से पुइसबा मुला, डा थं मुबा ग्लारीन नित्ता । ३४ ओच्छे एनीगदेसे डादा म्हाइला, तर आस्याप । तिग्दा भिसम डा निबा ग्लारी एनीगदे सवारी आखम ।”

३५ चु ताम थंसे यहूदी नेतागदेसे हराङ्ग हराङ्ग न्हङ्गी चुहरङ्ग भिसी भिजी, “चु म्हाइ खानङ्ग निबारी छयाम्हाइजी ? एनीगदेसे डादा आस्याप भिसी भिमुला । अर्गु ग्हुत्सारी ससा बडबड तसी चिबा यहूदीगदे मुबा ग्लारी निसी थं ग्हुत्साला गरीक ग्योइ पाङ्बा म्हाइगदेदा लाप्वारी म्हाइजी कि तिग ? ३६ एनीगदेसे डादा म्हाइला, तर आस्याप । तिग्दा भिसम डा निबा

ग्लारी एनीगदे सवारीन आखम भिसी चु म्हाइस तिग ताम पाङ्बा ?”

जुकजुकधोनाला जुनी पिन्वा क्युइ

३७ चाड जिन्वा धिनकुनु अथवा मुल धिनकुनु येशूस म्हाइगदेला डाच्छा राप्सी धरन काइरी चुहरङ्ग भिसी सुङ्गी, “चुदे खालेदा क्युइ फुइबा मुसम डा मुबा ग्लारी खसी थुङ्गी । ३८ परमेश्वरला बचनसे पाङ्बा हराङ्गनोन डादा विश्वास लबा म्हाइला सेम न्हङ्गयाम जुकजुकधोनाला जुनी पिन्वा क्युइ थोन्ना ।” ३९ चु ताम चा येशूस हराङ्गदा विश्वास लबा म्हाइगदेसे याङ्तोःबा परमेश्वरला आत्माला बाररी सुङ्बा मुबा । परमेश्वरसे थं धुइधोना हराङ्गला आत्मा पुइसबा आरमुबा । तिग्दा भिसम थं धुइधोना येशूदा करुसरी टागब लबादेन स्वर्गरी धरन ग्हाइलदेन शक्तिरी फप्वा धुइ तबा आरमुबा ।

थं खाल ?

४० येशूला ताम थंसे थरी मुबा कोइ कोइ म्हाइगदेसे “चु म्हाइ पक्कान थंनोन अगमवक्ता ‘हिन्ना’ भिसी भिजी ।”

४१ ओच्छे कोइ कोइसे “चु थार्वी पिन्वा खरीष्ट हिन्ना” भिसी भिजी । तर कोइ कोइसे चुहरङ्ग भिसी भिजी, “तिग गालील अञ्चलगयामसेनोन थार्वी पिन्वा ग्ले फप्सला ? ४२ परमेश्वरला बचनरी थार्वी पिन्वा खरीष्ट दाऊदला सन्तानगयाम दाऊदलान नाम्सा बेथलेहमगयामसेन सला भिसी पाङ्बा आर ?” ४३ चुहरङ्ग तसी येशूस लमा म्हाइगदे हराङ्ग हराङ्ग न्हङ्गीन आढिकनी । ४४ थनीगदे न्हङ्गला गाते म्हाइगदेसे येशूदा चुङ्बारी म्हाइजी । तर थनीगदे खालैसन या आझाङ्गी ।

यहूदी धर्मगुरुगदेसे विश्वास आलबा

४५ परमेश्वरला मन्दिर खरुङ्बा सिपाहीगदे दोःसी खमाहेन्से परमेश्वरला मन्दिररी पूजा लबा मुल म्हाइगदेदेन फरिसीगदेसे थनीगदेदा “खाइ, एनीगदेसे थंदा तिग्दा आभबा ?” भिसी भिजी ।

१७ : ४० “थंनोन अगमवक्ता” मिबा चा यूहन्ना हिन्ना (यूहन्ना १ : २१ स्वीगो) ।

१७ : ३७ लेवी २३ : ३६ १७ : ३८ यशै ५८ : ३१ ; जक १४ : ८ १७ : ४० व्यव १८ : ३५

१७ : ४२ २ शमू ७ : ३२ ; यर्मि २३ : ५-६ ; मीका ५ : २ ; भजन ८९ : ३-४

४६ जमाहेन्स थे सिपाहीगदस थनीगददा “थे म्हिला ताम थःसी डनी उदक तजी। थहरडबा ताम मी डन्स खाइमै थःबा आर” भिसी भिजी।

४७ जमाहेन्स फरिसीगदस थनीगददा चुहरड भिसी भिजी, “एनीगददा एनोन थस झुक्याब लजी कि तिग? ४८ तिग यहदी नतागददन फरिसीगद खातेस थदा विश्वास लबा मुला? ४९ तर परमेश्वरस मोशादा पिन्बा ठिम आसबा चु म्हगदस परमेश्वरग्याम सजाय याडला।” ५० डाच्छा म्हुनड तिरम येशूदा हरुप तबारी निबा थनीगद न्हडलान निकोदमस भिबा म्हिस चुहरड भिसी भिजी, ५१ “तिग य्हाडला ठिम अन्डार थे म्हिस लबा तामदन ग आघोनान य्हाडस थदा दोष उन्बारी तला?”

५२ तर स्थान्दोगदस थदा “एएनोन गालील अञ्चलला हिन्ना? परमेश्वरला बचन ज्यना तसी पढब लउ। जमाहेन्स एसे गालीलग्याम खाइमै खाले अगमवक्ता आस भिबा ताम था याडला” भिसी भिजी। ५३ जमाहेन्स थनीगद जम्मान हराड हराडला दिमरी निजी।

स्थान्दोदेन छ्याम बरत्सी भरबा मिरडम्हमे

१ तर येशू चा जैतून भिबा गडरी फन्जी। ८ येशू न्हडगरदड स्थारीन परमेश्वरला मन्दररी फखजी। जमाहेन्स जम्मान म्हगद येशू मुबा ग्तारी खजी। ओच्छे येशू धन्छ्यासी जम्मान म्हगददा लोप्वारी छ्याइजी।

३ यहदी धर्मगुरुगददन फरिसीगदस स्थान्दोदेन छ्याम बरत्सी चिबान लबा धुइरी स्याप्या मिरडम्हमेदा चुडसी येशू मुबा ग्तारी भजी। ओच्छे जम्मानान डाच्छा थे मिरडम्हमेदा राप्सी चिपुडजी। ४ थनीगदस येशूदा चुहरड भिसी भिजी, “गुरु, चु स्थान्दोदेन छ्याम बरत्बान लबा मिरडम्हमेदा चुडसी डन्स हराड मुबा ग्तारी भसी खबा मुला। ५ य्हाडला मोशास ठिमरी चुहरडबा मिरडम्हमेदा युडबासे तोसी साइगो भिसी कुल्बा मुला। हराडस चा चुला बाररी तिग सुडबा?” ६ तर येशूदा दोष लम्याडला कि भिसी थनीगदस चुहरड भिसी ड्योडबा मुबा।

येशूस कू तसी या जुम्बीस सरी भिरबारी छ्याइजी। ७ थनीगदस येशूदा ड्योडबाला ड्योडबान लमाहेन्स येशू राप्सी थनीगददा “जुन म्हिस खाइमै पाप लबा आर थस डाच्छा चु मिरडम्हमेदा युडबासे तोड” भिसी सुडजी। ८ जमाहेन्स येशूस दोःसी कू तसी सरी भिरजी।

९ चु ताम थःसी थरी मुबा जम्मान म्हगद घरेनहेन्स जजाघोना गिक गिक लसी थग्याम निजी। ओच्छे थरी येशूदेन छ्याम थे मिरडम्हमे जे तजी। थे मिरडम्हमे चा अझ येशूला डाच्छापटटि राप्सी चिबा मुबा। १० जमाहेन्स येशू राप्सी थे मिरडम्हमेदा चुहरड भिसी सुडजी, “खाइ, एदा दोष लबा म्हगद खानड निजी? तिग थनीगद खातेसन एदा सजाय आपिन्नी?”

११ जमाहेन्स थे मिरडम्हमेस येशूदा “परभु, खालेसन तिगे आलनी” भिसी भिमा, येशूस थदा “डाइएनोन एदा सजाय आपिन, दाहेन्स निउ, तर दोःसी पाप थालउ” भिसी सुडजी। ‡

जम्बुलिडला य्हाल

१२ दोःसीनोन येशूस म्हगददा लोप्वान, “जम्बुलिडला य्हाल डानोन हिन्ना। डादेन छ्याम भरबा गिह् खाइमै धोपधोपरी भरआतोः। तिगदा भिसम थस जुनी पिन्बा य्हाल याडला” भिसी सुडजी। †

१३ जमाहेन्स फरिसीगदस येशूदा “एस हराडलान बाररी पाडबान मुला, एस पाडबा ताम सत्य आहिन” भिसी भिजी। ‡

१४ येशूस थनीगददा चुहरड भिसी सुडजी, “डाइ डालान बाररी पाडसेनोन डाइ पाडबा ताम सत्य हिन्ना। तिगदा भिसम डा खानडग्याम खबा हिन्ना, ओच्छे खानड निबान मुला भिबा ताम डादा था मुला। तर एनीगददा चु ताम था आर। १५ एनीगदस मी म्हिला ज्ञान बुदधिग्याम निसाफ लमुला। तर डाइ मी खालेला निसाफ आल। १६ चुदे डा हराडसेन निसाफ लतोःजी भिसम डाइ लबा निसाफ चा सत्य तला। तिगदा भिसम डा गिक जे आर, तर डादा पुडखबा आबाएनोन डादेन छ्याम मुला। १७ मोशास

‡: ११ जम्मान भन्दा पुरानो ग्रीक बाइबलगदरी ७ : २३ पदहेन्स ८ : ११ पदघोनाला ताम भिरबा आर।

† ७ : २० यूह ३ : १-२ ‡ २ लेवी २० : १० ; व्यव २२ : २२-२४ † १२ मत्ती ५ : १४ ; यूह ९ : ५

‡ ३ यूह ५ : ३१

पिन्बा एनीगदेला ठिमरी म्हि न्हीसे पाडबा ताम चा सत्य तमुला भिसी भिरबा मुला। १८ हराडलान बाररी सत्य ताम पाडबा म्हि गिक चा डानोन हिन्ना, ओच्छे स्थान्दो चा डादा पुइखबा आबा हिन्ना।”

१९ चु ताम थेःसी थनीगदेस येशूदा “एला आबा खानड मुला?” भिसी डयोइमा, येशूस थनीगदेदा “एनीगदेस डादाएनोन डोसबा आर, डाला आबादाएनोन डोसबा आर। चुदे एनीगदेस डादा डोसबा हिन्सम डाला आबादाएनोन डोससला मुबा” भिसी सुडजी।

२० चु जम्मान ताम येशूस परमेश्वरला मन्दिररी भेटी युबा ताड मुबा ग्लायाम लोप्यान लबा धुइरी सुडबा मुबा। तर थनीगदे खालैसेन येशूदा आचुडनी। तिग्दा भिसम अझ येशूला धुइ तबा आरमुबा।

म्हिगदेस येशूदा डोआसबा

२१ दोःसी येशूस थनीगदेदा “डा चुग्याम निनोन निला, ओच्छे एनीगदेस डादा म्हाडला। तर एनीगदे हराडलान पापरी सिला। डा निबा ग्लारीनोन एनीगदे खबारी आखम” भिसी सुडजी।

२२ चु ताम थेःसी यहूदी नेतागदेसे “चु म्हि सिबारी म्हाडबा कि तिग? चुस मी ‘डा निबा ग्लारी एनीगदे खबारी आखम भिसी भिमुला’ भिसी हराड हराड न्हडरी ताम लजी।”

२३ जमाहेन्स येशूस थनीगदेदा “एनीगदे मारग्याम खबा हिन्ना, डा तोरग्याम खबा हिन्ना। एनीगदे चुनोन जम्बुलिडला हिन्ना, तर डा चा चु जम्बुलिडला आहिन। २४ थतबासलमा “एनीगदे हराडलान पापरी सिला” भिसी डाइ एनीगदेदा पाडसी जिन्बा मुला। चुदे एनीगदेस ‘डा थनोन हिन्ना’ भिसी डादा विश्वास आलनी भिसम एनीगदे हराडलान पापरी सिला।”

२५ जमाहेन्स थनीगदेस येशूदा “ए खाल हिन्ना?” भिसी डयोइमा, येशूस थनीगदेदा चुहरड भिसी सुडजी, “डा थनोन हिन्ना, चु ताम डाइ एनीगदेदा डाच्छान पाडबा मुला। २६ एनीगदेला बाररी डाइ पाडतोःबा तामदेन

एनीगदेला निसाफ लतोःबा ताम ल्हानान मुला। तर डादा पुइखबा चा सत्य मुला, ओच्छे थग्याम डाइ जुन ताम थेःजी थनोन ताम डाइ जम्बुलिडला म्हिगदेदा पाडबा मुला।”

२७ येशूस परमेश्वर आबाला बाररी सुडबान मुबा भिबा ताम थनीगदेस आधानी। २८ थतबासलमा येशूस थनीगदेदा चुहरड भिसी सुडजी, “एनीगदेस परमेश्वरस पुइखबा म्हिदा तार थीमाहेन्स §जे डा थनोन चीम भिबादेन डाइ डालान समग्याम ताम पाडबा आहिन्बा चीम, तर परमेश्वर आबास लोप्या अन्धार जे पाडबा चीम भिबा ताम एनीगदेस था याडला। २९ ओच्छे डादा पुइखबा डानेन छ्यामनोन मुला, थसे डादा साइमे आख्दामुला। तिग्दा भिसम डाइ सदन थेदा सेम निबा गे जे लमुला।” ३० चु ताम थेःसी ल्हानान म्हिगदेसे येशूदा विश्वास लजी।

सत्यसे पापग्याम फेला

३१ येशूस हराडदा विश्वास लबा यहूदीगदेदा चुहरड भिसी सुडजी, “एनीगदे डाइ लोप्या अन्धार भरजी भिसम एनीगदे डाला पक्का चेला दोला। ३२ ओच्छे सत्य तिग हिन्ना भिसी एनीगदेस था याडला, थनोन सत्यसे एनीगदे खालैला तहरी चिआतोः।”

३३ थनीगदेस येशूदा “डनी अबराहामला सन्तान हिन्ना, दान्दधाना डनी खालैला नोकर दोबा आर। हराडसे डन्दा स्थान्दोला तहग्याम फेला भिसी सुडबाला अर्थे चा तिग हिन्ना?” भिसी भिजी। ४

३४ जमाहेन्स येशूस थनीगदेदा चुहरड भिसी सुडजी, “च्यागो, एनीगदेस डाला ताम ड्यान्गो, पाप लबागदे जम्मान पापला तहरी तला। ३५ नोकर सदन मालिकला दिमरी आचि, तर डा चा सदन चिला। ३६ थतबासलमा परमेश्वरला झासे एनीगदेदा फेजी भिसम एनीगदे पक्कान फेला। ३७ एनीगदे अबराहामला सन्तान हिन्ना भिसी डादा था मुला। तसेनोन एनीगदेस डाइ पाडबा ताम नाबारी आखम्बासे लमा डादा साइबारी म्हाडबा मुला। ३८ डा डाला आबादेन छ्याम मुबा धुइरी डाइ जुन

१८ :२४ “डा थनोन हिन्ना” भिबा चा परमेश्वरला बचनरी परमेश्वरला मिन हिन्ना।

१९ :२६ “तोर थीमाहेन्स” भिबा चा येशूदा करसरी टांगब लबा हिन्ना।

२० :१७ व्यव १९ :१५ ; गन्ती ३५ :३० २६ :३३ मत्ती ३ :९ ; लूका ३ :५

ताम मराडमुबा, थनोन ताम डाइ एनीगदेदा पाडबा हिन्ना। तर एनीगदेस चा एनीगदेला आबागयाम तिग थःबा मुला थनोन लमुला।”

३९ थनीगदेस येशूदा “डन्ना आबा चा अबराहामनोन हिन्ना” भिसी भिमा, येशूस थनीगदेदा चुहरड भिसी सुडजी, “एनीगदे पक्कान अबराहामला सन्तान हिन्सम अबराहामस लबा हरडबा गे एनीगदेसनोन लसला मुबा। ४० तर डाइ परमेश्वरगयाम थःबा सत्य ताम एनीगदेदा पाडमा एनीगदेस चा डादा साइबारी म्हाडजी। तर अबराहामस मी चुहरडबा गे आलनी। ४१ एनीगदेला आबास जुन गे लबा मुबा, थनोन गे एनीगदेसनोन लबा मुला।”

जमाहेन्से थनीगदेस येशूदा “डनी स्थान्दोदेन छयाम बरेल्सी भरमा न्हा कोलागदे आहिन, तर परमेश्वरनोन डन्ना आबा हिन्ना” भिसी भिजी।

४२ येशूस थनीगदेदा चुहरड भिसी सुडजी, “च्यागो, एनीगदेला आबा परमेश्वरनोन हिन्सम एनीगदेस डादा माया लसला मुबा। तिगदा भिसम परमेश्वरस पुइखबास लमा डा दान्दे चुरी मुला। डा हराडला सुरसे खबा आहिन, तर परमेश्वरसन डादा पुइखबा हिन्ना। ४३ एनीगदेस तिगदा डाइ पाडबा ताम आधोबा? तिगदा भिसम एनीगदेस डाला ताम नाआखम्नी। ४४ एनीगदेला आबा शेतान हिन्ना, एनीगदेस हराडला आबास म्हन्बा अन्ध्कारनोन गे लमुला। थस मी डाच्छाहन्स म्हि साइबा मुबा, थ सत्यरी खाइमे भरबारी आखम। तिगदा भिसम थदेन छयाम सत्य भिबा मुनोन आर। थस सदन हराडला बानीबेहोर अन्ध्कार लुसीला ताम पाडमुला। थतबासलमा थ लुसीला ताम पाडबा म्हि हिन्ना, थ जम्मान लुसीला तामला आबा हिन्ना। ४५ तर एनीगदेसे डाला ताम विश्वास आलमुला। तिगदा भिसम डाइ सत्य ताम पाडमुला। ४६ एनीगदे न्हडला खाल्से डादा पापी भिसी दोष लबारी खम्ता? डाइ सत्य ताम पाडमा एनीगदेस तिगदा डादा विश्वास आलबा? ४७ परमेश्वरला म्हिगदेस परमेश्वरला ताम डयान्मुला। तर एनीगदे चा परमेश्वरला म्हि आहिन। थतबासलमा एनीगदेसे परमेश्वरला ताम आडयान्मुला।”

अबराहाम मन्दा येशू डाच्छा

४८ येशूदी नेतागदेस येशूदा “डन्से पाडबा ताम ठीक हिन्ना। ए सामरी ग्हुलला हिन्ना, एदा म्हडसे स्यान्वा मुला” भिसी भिजी।

४९ येशूस थनीगदेदा चुहरड भिसी सुडजी, “डादा म्हडसे स्यान्वा आर। डाइ डाला आबादा मान लबा मुला, तर एनीगदेस डादा पःना लमुला। ५० डाइ डादा मान लगे भिसी म्हन्बा आहिन, तर डादा मान लबादेन डाला लागिरी निसाफ लसी पिन्बा म्हि स्थान्दोन मुला। ५१ थतबासलमा च्यागो, एनीगदेस डाला ताम डयान्गो, चुदे खाले म्हिसे डाला ताम डयान्जी भिसम थे खाइमे आसि।”

५२ येशूदीगदेस येशूदा चुहरड भिसी भिजी, “एदा म्हडसे स्यान्वान हिन्ना भिसी दाहेन्से डन्दा पक्का था तजी। तिगदा भिसम अबराहामदेन अगमवक्तागदे सिजी, तर एसे चा खाले म्हिसे डाइ पाडबा ताम डयान्जी भिसम थे खाइमे आसि” भिसी भिमुला। ५३ तिग ए डन्ना म्हेम अबराहाम मन्दा धरन हिन्ना? थे सिजी, ओच्छे अगमवक्तागदे एनोन सिजी। एसे चा हराडदा खाल भिसी म्हन्बा?”

५४ येशूस थनीगदेदा चुहरड भिसी सुडजी, “डाइ हराडदा मान लगे भिसी म्हन्जी भिसम थे गे आखल्वा ताम हिन्ना। तर डादा मान पिन्बा चा डालान आबा हिन्ना, डाला आबादान एनीगदेस ग्हाडला परमेश्वर भिसी पाडमुला। ५५ तर एनीगदेस थदा डोसबा आर। डाइ चा थदा ज्यना लसी डोसबा मुला। चुदे डाइ एनोन थदा डोसबा आर भिसी भिजी भिसम डा एनोन एनीगदे हरडबान लुसीला ताम पाडबा म्हि दोला। तर डाइ थदा डोसबा मुला, ओच्छे थस सुडबा अन्ध्कारनोन डाइ गे लबा मुला। ५६ एनीगदेला म्हेम अबराहामसनोन डा सबा धिन च्याबारी ल्हानान सेम लबा मुबा। ओच्छे थस डा सबा धिन मराडसी जिन्बास लमा ताडजी।”

५७ थतबासलमा येशूदीगदेस येशूदा “एसे बोगल न्हीसे च्युइ दिड मी तबा आर भिसम खाहरड लसी एसे अबराहामदा मराडजी?” भिसी भिजी।

५८ जमाहेन्से येशूस थनीगदेदा “च्यागो, एनीगदेस डाला ताम डयान्गो, अबराहाम न्हा मन्दा डाच्छाहन्सेन ‘डा थनोन हिन्ना’ भिबा मुनोन मुबा” भिसी सुडमे छयाम, ५९ थनीगदेसे येशूदा ताबारी भिसी युडबा दुइजी। तर येशू

लासी परमेश्वरला मन्दिरला ग्यापग्याम सुट्टक थोन्सी फन्जी ।

मी आमराड्बा म्हिसे मराड्बा

१ थग्याम फन्बान लमा येशूस न्हमान मी
१ आमराड्बा म्हि गिकदा स्यापन्जी । २ येशूला
चेलागदसे येशूदा “गुरु, खाल्ला पापसे लमा चु
म्हि न्हमान काना न्हजी, चुलान पापसे लमा
कि चुला आबा आमाला पापसे लमा चुहरड् तबा
हिन्ना ?” भिसी ड्योइजी ।

३ जमाहन्से येशूस थनीगददा चुहरड् भिसी
सुड्जी, “थला पापसे लमाएनोन आहिन, थला
आबा आमाला पापसे लमाएनोन आहिन । तर
परमेश्वरला गे थग्याम मराड्गे भिसीन थ काना
तबा हिन्ना । ४ धिनी मुबा धुइरीन य्हाडसे डादा
पुइखबाला गे लतोःला । धोप तमाहन्से खालेसेन
गे लबारी आखम । ५ डा जम्बुलिडरी चितेधोना
डनोन जम्बुलिडला य्हाल हिन्ना ।” ४

६ चुहरड् सुड्माहन्से येशूस सरी थो स्वार्जी,
ओच्छ थोसे सापरा ज्योप्सी थ काना म्हिला
मीरी फोर्सी पिन्जी । ७ ओच्छ थदा चुहरड्
भिसी सुड्जी, “सिलोआम भिबा घ्योइरी निसी
ली खरुड ।” सिलोआम भिबाला अर्थ चा पुइबा
हिन्ना । ओच्छ थ, थ घ्योइरी निसी ली खरुजी ।
जमाहन्से थसे मराड्जी, ओच्छ दोःसी खजी ।
८ थला खिन्जेमगददेन थदा डाच्छा हरीसी
चिबा मराड्बा म्हिगदसे “तिग चु थ हरीबा म्हि
आहिन ?” भिसी ड्योइजी । ९ कोइ कोइ म्हिसे
थदा मराड्सी, “चु मी थनोन हरीबा म्हि हिन्ना”
भिसी भिबान मुबा । स्थान्दोगदसे चा हिन्बाम
थे हरड्बान मराड्बा चीम, तर थे म्हि “आहिन”
भिसी भिजी ।

तर थे म्हिसे “डा थनोन हिन्ना” भिसी

भिबाला भिबान मुबा ।

१० थनीगदसे थदा “दान्दे एसे खाहरड् लसी
मराड्जी ?” भिसी ड्योइजी ।

११ जमाहन्से थसे थनीगददा “येशू भिबा म्हि
गिकसे सापरा ज्योप्सी डाला मीरी फोर्सी डादा
‘सिलोआमरी निसी खरुड’ भिसी सुड्जी । ओच्छ
निसी खरुमाहन्से डाइ मराड्जी” भिसी भिजी ।
१२ थनीगदसे थदा “थे म्हि खानड मुला ?” भिसी
ड्योइमा, थसे “डादा था आर” भिसी भिजी ।

फरिसीगदसे ड्योइबा छार्बा लबा

१३ जमाहन्से थनीगदसे डाच्छा काना मुबा
म्हिदा फरिसीगद मुबा ग्लारी भोर्जी । १४ येशूस
सापरा ज्योप्सी थला मीरी फोर्सी थदा खम्ना
लबा धिन चा ब्रन्बा न्हबा धिनकुनु मुबा ।
१५ फरिसीगदसेनोन थदा “एसे खाहरड् लसी
मराड्जी ?” भिसी ड्योइमा, थसे थनीगददा
“येशूस सापरा ज्योप्सी डाला मीरी फोर्सी
पिन्जी, ओच्छ डाइ खरुमाहन्से मराड्जी”
भिसी भिजी ।

१६ फरिसीगद न्हडला कोइ कोइसे “थे म्हि
परमेश्वरग्याम खबा आहिन । तिगदा भिसम थसे
ब्रन्बा न्हबा धिनदा आधड्मुला” भिसी भिजी ।
तर स्थान्दोगदसे चा “पापी म्हिसे खाहरड्
लसी चुहरड्बा उदेकला गे लबारी खम्ना ?”
भिसी भिजी । थेतबासेलमा थनीगदे हराड् हराड्
न्हडरी आदिकनी ।

१७ थनीगदसे दोःसीनोन थे काना म्हिदा “थे
म्हिसे एला मी खम्ना लजी, दाहन्से एसे चा थे
म्हि खाल भिसी म्हन्बा मुला” भिसी ड्योइमा,
थसे “थे म्हि अगमवक्ता हिन्ना” भिसी भिजी ।

१८ यहूदी नेतागदसे थे पक्कान काना मुबा,
ओच्छ दान्दे मराड्खम्बा हिन्ना भिसी विश्वास
लबारी आखम्नी । थेतबासेलमा थनीगदसे थला
आबा आमाला ड्योइसी, १९ “चु एनीगदलान झा
हिन्ना ? तिग चु न्हमान काना न्हबा हिन्ना ?
थहरड् भिसम दान्दे चा चुसे खाहरड् लसी
मराड्जी ?” भिसी ड्योइजी ।

२० जमाहन्से थला आबा आमाले चुहरड् भिसी
भिजी, “हिन्ना, चु डन्नान झा हिन्ना, चु न्हमान
काना मुबा । २१ तर चुला मी खाल्से खम्ना लसी
मराड्खम्जी भिबा ताम डन्दा था आर । चु दिड
छुयोसी जिन्बा म्हि हिन्ना, थसे हराड्ला बाररी
हराड्सेन पाड्खम्ला । थेतबासेलमा हराड्नीसे
थदान ड्योइमा ।” २२ यहूदी नेतागददेन छुयाम
लोड्सी थनीगदसे थहरड् भिसी पाड्बा हिन्ना ।
तिगदा भिसम जुन म्हिसे येशूदा थार्बा पिन्बा
खरीष्ट हिन्ना भिसी विश्वास लला थदा
यहूदीगदे हरुप तबा दिमग्याम तेःतोःला भिसी
यहूदीगदसे डाच्छान सल्लाह लसी जिन्बा
मुबा । २३ थेतबासेलमान थला आबा आमाले
“चु दिड छुयोसी जिन्बा म्हि हिन्ना, चुदान
ड्योइमा” भिसी पाड्जी ।

२४ जमाहन्से थनीगदसे दोःसीनोन थ काना म्हिदा ड्योइसी, “एस सत्य ताम पाइसी परमेश्वरदा मानदेन जयजयकार लउ, थ येशू चा पापी हिन्ना भिसी इन्दा था मुला” भिसी भिजी ।

२५ थ म्हिसे थनीगददे “थ पापी हिन्ना कि आहिने भिबा ताम मी डादा था आर । तर डाच्छा डा काना मुबा, दान्दे डाइ मराडमुला भिबा ताम जे डादा था मुला” भिसी भिजी ।

२६ जमाहन्से थनीगदसे थदा “थ म्हिसे एदा तिग लजी ? खाहरड लसी थ म्हिसे एला मी खम्ना लजी ?” भिसी ड्योइजी ।

२७ थसे थनीगददे “डाइ हराडनीदा दोलोन पाइसी जिन्जी, तर हराडनीसे वास्तान आलनी दान्दे दोःसी तिगदा ड्योइबा, तिग हराडनीएनोन थला चेला दोबारी म्हाइबा हिन्ना ?” भिसी जोहाब पिन्जी ।

२८ थनीगदसे थदा खिसी लबान चुहरड भिजी, “ए गा थला चेला हिन्ना, इनी मी मोशाला चेला हिन्ना । २९ मोशादेन छ्याम परमेश्वरसे ताम लबा इन्दा था मुला, तर चु म्हि चा खानडग्याम खजी थ ताम इन्दाएनोन था आर ।”

३० जमाहन्से थसे थनीगददे चुहरड भिसी भिजी, “चु खाहरडबा उदेकला ताम ! येशूसे डाला मी खम्ना लजी । तर हराडनीसे चा येशू खानडग्याम फेखजी भिबा ताम इन्दा था आर । ३१ परमेश्वरसे पापी म्हिला ताम आड्यान्मुला, तर थदा मान लबादेन थसे म्हन्बा अन्धार गे लबा म्हिला जे ताम ड्यान्मुला भिसी य्हाड जम्मादान था मुला । ३२ जम्बुलिड छ्यामाहन्से दान्दधोना खाले म्हिसे न्दमान काना मुबा म्हिला मी खम्ना लजी भिबा ताम थःबा आर । ३३ चु येशू परमेश्वरग्याम फेखबा आहिन्सम येशूस चुहरडबा तिगे गे लबारी आखम्सेला मुबा ।”

३४ थनीगदसे थदा “ए पापरी न्दसी पापरीन छुर्बा म्हिसे इन्दा लोचारी म्हाइबा ?” भिसी भिजी । ओच्छे थनीगदसे थदा यहूदीगदे हरूप तबा दिमग्याम तेःजी ।

परमेश्वरदा डोआसेबा म्हि काना हरडबान हिन्ना

३५ यहूदीगदसे थ काना म्हिदा यहूदीगदे हरूप तबा दिमग्याम तेःजी भिबा ताम येशूस थःजी । ओच्छे थदेन छ्याम हरूप तसी येशूस “तिग एसे परमेश्वरसे पुइखबा म्हिदा विश्वास लला ?” भिसी ड्योइजी ।

३६ थसे येशूदा “परमु, डाइ थदा विश्वास लबारी थ खाले हिन्ना ?” भिसी भिमा,

३७ येशूस थदा “थ म्हि एसे मराडसी जिन्बा मुला, दान्दे थ म्हि एदेन छ्याम ताम लबान मुला” भिसी सुडजी ।

३८ चु ताम थःसी थसे येशूदा फ्या लबान, “परमु, डाइ विश्वास लला” भिसी जयजयकार लजी ।

३९ ओच्छे येशूस, “कानागदसे मराडगे, ओच्छे डा काना आहिने भिसी भिबा म्हिगदसे चा थामराडगे भिसी निसाफ लबाला लागिरीन डा चु जम्बुलिडरी खबा हिन्ना” भिसी सुडजी ।

४० चु ताम थःसी थरी मुबा कोइ कोइ फरिसीगदसे येशूदा “तिग इनीएनोन काना हिन्ना ?” भिसी भिजी ।

४१ जमाहन्से येशूस थनीगददे “बरु एनीगदे कानान मुबा हिन्सम पापला दोष लगब आतसेला मुबा, तर एनीगदसे ‘इन्से मराडमुला’ भिसी भिबासे लमा एनीगददे सदन पापला दोष तला” भिसी सुडजी ।

येशू ज्यबा गोठालो

१ येशूस थनीगददे चुहरड भिसी सुडजी, “च्यागो, एनीगदसे डाला ताम ड्यान्गो, ग्युला गोठरी मरापग्याम आवाडना अगुपटटिग्याम वाडबा म्हि चा य्हादेन डाका हिन्ना । २ तर ग्युगदला गोठालो चा मरापग्याम वाडमुला । ३ गोठे सरुडबा म्हिसे गोठालोदा मराप ठाडसी पिन्ना । जमाहन्से गोठालोसे ग्युगददे मिन किन्सी किन्सी ड्योइला । जमाहन्से ग्युगदसे गोठालोला काइ थःला, ओच्छे गोठालोसे ग्युगददे मडग्यार भोर्तो । ४ हराडला जम्मान ग्युगदे मडग्यार तेःसी जिन्माहन्से गोठालो डाच्छा डाच्छा भरला, ओच्छे ग्युगदे चा गोठालोला लिच्छा लिच्छा भरला । तिगदा भिसम ग्युगदसे हराडला गोठालोला काइ डोसेला । ५ डोआसेबा म्हिसे ड्योइजी भिसम ग्युगदे थ म्हिदेन छ्याम आनि । बरु थ म्हिला काइ डोआसेबासे लमा थनीगदे लोडसी यार्तो ।”

६ येशूस थनीगददे चु उखान सुडजी । तर थनीगदसे उखानना अर्थे आधोनी ।

सत्य मराप

७ थतबासेलमा दोःसीनोन येशूस थनीगददे चुहरड भिसी सुडजी, “च्यागो, एनीगदसे डाला

ताम इयान्ना, ग्युगदे वाडबा मराप डानोन हिन्ना। ८ डा मन्दा डाच्छा सबागदे चा जम्मान यह्दाने डाँका हिन्ना, तर ग्युगदेस थनीगदेला ताम आइयान्नी। ९ मराप चा डानोन हिन्ना, चुदे खाले म्हे डाग्याम न्हडरी वाड्जी भिसम थे जोगब तला। थनीगदे गाठे न्हडरी निबा मडग्यार थान्बा तला, ओच्छे पिङ पिङबा छे याड्बा पाडरी चम्याडला।

१० यह्दी मी यह्दी लबारी, साइबारी ओच्छे नाश लबारी भिसी जे समुला। तर डा मी थनीगदेस पूरान जुनी याड्गे भिसी खबा हिन्ना। ११ ज्यबा गाठालो चा डानोन हिन्ना। हराडला ग्युगदेदा जोगब लबाला लागिरी ज्यबा गाठालो चा सिबारीन तयार तमुला। १२ तर जुन म्हे ग्यु छबारी जे थान्ना ओच्छे थे साँच्चिलान गाठालो आहिन ओच्छे ग्युगदेएनोन थेला आहिन भिसम थेरड्बा म्हे फाबा खबा मराड्माहेन्से ग्युगदेदा ख्लासी याला। ओच्छे फाबासे ग्युगदेदा व्हाला, जमाहेन्से ग्युगदे ससा बडबड तला। १३ थसे ग्युगदेदा तिगे वास्ता आलना याला। तिग्दा भिसम थे टाड्गा किन्सी गे लबा म्हे जे हिन्ना।

१४-१५ “ज्यबा गाठालो चा डानोन हिन्ना। आबासे डादा, डाइ आबादा डोसेबा हरड लसी डाइ डाला ग्युगदेदा डोसेमुला, ओच्छे ग्युगदेसोनो डादा डोसेमुला। थतबासेलमा डाइ डाला ग्युगदेला लागिरी हराडला ज्यानोनो पिन्ना। १६ डाला अर्गु ग्युगदेएनोन मुला, थनीगदे चा चु गाठेला आहिन। डाइ थनीगदेदाएनोन भतोःबा मुला, थनीगदेस डाला काइ थःसी बगाल गिकनोन तला। ओच्छे थनीगदेला गाठालोएनोन गिकनोन तला।

१७ “डाइ डाला पूरण पिन्बा चा दोःसी किन्बाला लागिरी हिन्ना। थतबासेलमा डाला आबासे डादा माया लबा हिन्ना। १८ खालेसे डाग्याम डाला पूरण किन्बारी आखम, तर डाइ डालान सेमसे डाला पूरण पिन्ना। डादा डाला पूरण पिन्बा अधिकारएनोन मुला, दोःसी किन्बा अधिकारएनोन मुला। डाला आबासे डादा कुल्बा तामएनोन चुनोन हिन्ना।”

१९ चु ताम थःसी दोःसीनोन यह्दीगदे हराड हराड न्हडरी आदिकनी। २० ल्हानान म्हेगदेस येशूला बाररी, “चु म्हेडसे स्याप्सी म्याबा

मुला। एनीगदेस तिग्दा चुला ताम इयान्बा ?” भिसी हराड हराड न्हडरी पाडबान मुबा।

२१ तर स्यान्दा म्हेगदेस चा “म्हेडसे स्याप्बा म्हेस चुहरड्बा ताम लबारी आखम ! तिग म्हेडसे स्याप्बा म्हेसोनोन काना ग्हेला मी खम्ना लबारी खम्ता ?” भिसी पाडबान मुबा।

यह्दीगदेसे येशूदा विश्वास आलबा

२२ यरूशलेम शहररी परमेश्वरला मन्दिर अर्पण लबा चाड खबा मुबा। थे धुइ चा सेखरी मुबा। २३ येशू परमेश्वरला मन्दिरला सोलोमन भिबा दलानरी भरबान मुबा। २४ यह्दीगदे येशूला क्युर्सनि पोप तसी, “हराडसे डन्दा खाइमाधोना अलमल तना लसी थान्बा ? चुदे हराड थारवा पिन्बा खरीष्टनोन हिन्सम डन्दा सिधान सुड्गो” भिसी भिजो।

२५ जमाहेन्से येशूस थनीगदेदा चुहरड् भिसी सुड्जी, “डाइ डाच्छान पाडसी जिन्वा मुला, तर एनीगदेसे विश्वास आलनी। डाइ डाला आबाग्याम अधिकार याड्सी लबा गग्यामसेन डा खाल हिन्ना भिसी उन्ना। २६ तर एनीगदेसे डादा विश्वास आलनी, तिग्दा भिसम एनीगदे डाला ग्युगदे आहिन। २७ डाला ग्युगदेसे डाला काइ डोसेमुला, ओच्छे डाइएनोन थनीगदेदा डोसेमुला। थनीगदे डादेन छयाम भरमुला। २८ थनीगदे खाइमे नाश आत। तिग्दा भिसम डाइ थनीगदेदा जुकजुकधोनाला जुनी पिन्ना। ओच्छे खालेसेन थनीगदेदा डाग्याम ब्यन्सी भोबारी आखम। २९ चुगदे डादा पिन्बा डाला आबा चा जम्मान मन्दा धरेन मुला। थग्यामसे मी झन खालेसेन चुगदेदा ब्यन्सी भोबारी आखम। ३० आबादेन डा गिकनोन हिन्ना।”

३१ चु ताम थःसी यह्दी नेतागदेस दोःसीनोन येशूदा तोबारी भिसी युड्बा दुइजी। ३२ तर येशूस थनीगदेदा “आबासे कुल्बा जम्मान ज्यबा गेगदे डाइ एनीगदेला ओन्डाडरी लबा मुला। थे गेगदे न्हडला सजिबा गेला लागिरी एनीगदेसे डादा युड्बासे तोबारी म्हाइबा ?” भिसी सुड्जी।

३३ जमाहेन्से यह्दी नेतागदेस येशूदा “एसे ज्यबा गे लबासे लमा डन्से एदा युड्बासे तोबारी म्हाइबा आहिन। तर एसे परमेश्वरला बिरोध लसी ताम लबासे लमान डन्से एदा युड्बासे तोबारी छ्याइबा हिन्ना। ए म्हे तसीनोन

हराडसे हराडदान परमेश्वर स्होबा?" भिसी भिजी।^७

^{३४} येशूसे थनीगदेदा चुहरड भिसी सुड्जी, "एनीगदेला हराडलान ठिमरी 'एनीगदे ल हिन्ना' भिसी परमेश्वरसे सुड्बा ताम भिरबा आर? ^{३५} जुन म्हिगदे मुबा ग्तारी परमेश्वरला बचन खजी परमेश्वरसे थनीगदेन ल हिन्ना भिसी पाड्मा परमेश्वरला बचन न्होड्बारी आखम्नी भिसम, ^{३६} परमेश्वर आबासेन धम्सी चु जम्बुलिडरी पुइखबा म्हिसे 'डा परमेश्वरला झा हिन्ना' भिसी पाड्मा खाहरड लसी डाइ परमेश्वरला बिरोध लबा तला? ^{३७} चुदे डाइ डाला आबाला गे लबा आर भिसम डादा विश्वास लआतो:। ^{३८} तर चुदे डाइ डाला आबाला गे लसीनोन डादा विश्वास आल भिसम चु गेगदेदा मी विश्वास लउ। जमाहेन्से एनीगदेस परमेश्वर आबा डादेन छयाम डा परमेश्वर आबादेन छयाम मुला भिबा ताम पक्कान था याड्जला।" ^{३९} चु ताम थे:सी थनीगदेस दो:सीनोन येशूदा चुड्बारी म्हाइजी। तर येशू थनीगदेला याग्याम स्यार्जी।

^{४०} येशू दो:सीनोन यर्दन स्याड्जला क्याम्सड फेसी धन्डुयाजी। थ ग्तारी डाच्छा यूहन्नासे बप्तिस्मा पिन्मुबा। ^{४१} ल्हानान म्हिगदे येशू मुबा ग्तारी खजी। ओच्छे थनीगदेस, "यूहन्नासे मी तिगे उदेकला गे आलनी, तर यूहन्नासे येशूला बोररी जुन जुन ताम पाड्मुबा थ जम्मान ताम सत्य चीम" भिसी भिजी। ^{४२} ओच्छे थरी ल्हानान म्हिगदेसे येशूदा विश्वास लजी।

लाजरस सिबा

११ थथानिया भिबा नाम्सारी लाजरस भिबा म्हि गिक आखम्बा मुबा। थनोन नाम्सारी मरियमदेन थेला नाना मार्थाएनोन चिमुबा। ^२ चुनोन मरियमसे तिरम येशूला स्थापरी अत्तर फोसी हराडलान करासे फ्यामुबा। आखम्बा लाजरस चा चुनोन नाना आडाला आले मुबा। ^३ मार्थादेन मरियमसे येशूदा "परमु, हराडसे माया लबा म्हि आखम्बा मुला" भिसी समाचार पुइजी।

^४ चु समाचार थे:सी येशूसे "लाजरस आखम्बा मुला, तसेनोन थ आसि। तर चुहरड तबा

चा परमेश्वरला मानदेन जयजयकार तबाला लागिरी हिन्ना, ओच्छे चुग्यामसेन म्हिगदेसे परमेश्वरला झादाएनोन मानदेन जयजयकार लला" भिसी सुड्जी। ^५ येशूसे मार्था, मरियमदेन लाजरसदा ल्हानान माया लमुबा। ^६ तसेनोन लाजरस आखम्बा मुला भिबा ताम थे:सी येशू अझ हराड धन्डुयाबा ग्तारीन न्हीरधाना धन्डुयाजी।

^७ जमाहेन्से येशूसे हराडला चेलागदेदा "लु, दाहेन्से य्हाड दो:सीनोन यहूदिया अन्वलेरी निइ" भिसी सुड्जी।

^८ चेलागदेस येशूदा "गुरु, ओन जे हराडदा थरी यहूदीगदेसे युड्बास तोबारी म्हाइमुबा, तिग दो:सीनोन हराड थरीन फेबारी म्हाइबा?" भिसी भिजी।

^९ येशूसे थनीगदेदा चुहरड भिसी सुड्जी, "तिग धिन गिकरी च्युक न्ही घण्टा आत? धिनीरी भरबा म्हेला काड आठोक। तिगदा भिसम थेसे जम्बुलिडरी धिनीग्याम य्हाल याड्जला। ^{१०} तर म्हुनड भरबा म्हेला काड ठोकला। तिगदा भिसम म्हुनड थेदेन छयाम य्हाल आत।"

^{११} जमाहेन्से येशूसे थनीगदेदा "य्हाडला हरो लाजरस म्हेर्बा मुला। तर डा थेदा छिड्बारी थरी नितो:ला" भिसी सुड्जी।

^{१२} चेलागदेस येशूदा "परमु, थे म्हेर्बा जे हिन्सम थे खम्ला" भिसी भिजी। ^{१३} येशूसे सुड्बा चा लाजरस सिसी जिन्जी भिसी सुड्बा, तर थनीगदेस चा लाजरस म्हेर्बा जे चीम भिसी म्हेन्बा मुबा।

^{१४} थेतबासेलमा येशूसे थनीगदेदा सिधान सुड्जी, "लाजरस सिसी जिन्बा मुला। ^{१५} तर एनीगदेस विश्वास लगे भिसी डा थरी तुरुन्तन आनिबा हिन्ना। थेतबासेलमा डा ताड्बा मुला। दाहेन्से भरउ, य्हाड थे मुबा ग्तारी निइ" भिसी सुड्जी। ^{१६} जमाहेन्से येशूला चेला दिदुमसे **भिबा थोमासे स्थान्दो चेलागदेदा "लु, य्हाडएनोन गुरुदेन छयाम निइ, सितो:से गुरुदेन छयामनोन सिला" भिसी भिजी।

**११:१६ "दिदुमसे" भिबा चा जौत्या हिन्ना।

७०:३३ लेवी २४:१६

७०:३४ मज्ज ८२:६

७०:४० यूह १:२८

७१:१ लूका १०:३८-३९

११:२ यूह १२:३

सिबाग्याम सोना लबादेन जुनी पिन्बा येशू

१७ येशू बेथानिया मिबा नाम्सारी धोखमा लाजरसदा धुर्सा न्हडरी थान्बा ब्तिर तसी जिन्बा मुबा। १८ बेथानिया नाम्सा यरूशलम शहरग्याम कोस गिक ते थारड मुबा। १९ मार्थादेन मरियमला आले सिबास लमा ल्हानान यहूदीगद मार्थादेन मरियमदा सम्झब लबारी खबा मुबा। २० येशू फेखबान मुला मिबा ताम थःसी मार्था येशूदा स्याप्बारी निजी। तर मरियम चा दिमरीन चिजी।

२१ जमाहेन्से मार्थास येशूदा स्याप्सी चुहरड् मिजी, “परमु, हराड मुबा हिन्सम डाला आले आसिसला मुबा। २२ तर दान्देनोन हराडसे परमेश्वरदेन छ्याम जुन रहे हरीसैनोन परमेश्वरसे हराडदा पिन्ना मिबा ताम डादा था मुला।”

२३ येशूसे मार्थादा “एला आले दोःसी सोला” भिसी सुड्जी।

२४ मार्थास येशूदा “चु जम्बुलिङ नाश तबा धुडरी जम्मान म्हे सिबाग्याम सोमा थएनोन साला मिबा ताम डादा था मुला” भिसी मिजी।

२५ येशूसे थदा चुहरड् भिसी सुड्जी, “सिबाग्याम सोना लबादेन जुनी पिन्बा डानोन हिन्ना। डादा विश्वास लबा म्हे सिसैनोन सोला। २६ ओच्छे डादेन छ्याम भरबादेन डादा विश्वास लबा म्हे खाइमे आसि। तिग एस चु ताम विश्वास लखन्ता?” भिसी सुड्जी।

२७ मार्थास येशूदा “हिन्ना परमु, डाइ हराडदा विश्वास लेला, हराड परमेश्वरला झा जम्बुलिङरी फेखबा थावा पिन्बा खरीष्ट हिन्ना” भिसी मिजी।

२८ चुहरड् भिसी मार्था निजी, ओच्छे हराडला आडा मरियमदा सुट्कक इयोइसी, “शुरु धोखजी, एदा गुरुसे इयोइबान मुला” भिसी मिजी। २९ चु ताम थःमैछ्याम मरियम तुरुन्तन येशू मुबा ग्लारी निजी। ३० थे धुइधोना येशू नाम्सारी धोखबा आरमुबा। तर येशू मार्थास स्याप्बा ग्लारीन मुबा। ३१ थेन्ना दिमरी थेन्दा सम्झब लबारी खबा यहूदीगदसे मरियम योना योना लसी निबा मराड्जी। थे आलेला धुर्सारी कराबारी निबा हिन्ना भिसी म्हेन्सी थेनीगद मरियमला लिच्छा लिच्छा निजी।

३२ मरियम येशू मुबा ग्लारी धोमाहेन्से येशूदा फ्या लबान, “परमु, हराड चुरी मुबा हिन्सम डाला आले आसिसला मुबा” भिसी मिजी।

३३ मरियम ओच्छे थदेन छ्याम खबा जम्मान यहूदीगदे कराबा मराड्सी येशूदा ल्हानान दुख इहम्जी।

३४ जमाहेन्से येशूसे थेनीगदेदा “एनीगदसे थदा खानड थान्बा मुला?” भिसी इयोइमा, थेनीगदसे येशूदा “परमु, फेखसी स्हीगा” भिसी मिजी।

३५ थे धुडरी येशूएनोन कराजी। ३६ थेतबासलमा यहूदीगदसे “च्यागा, येशूसे थदा गाते माया लमुबा” भिसी मिजी।

३७ तर कोइ कोइ म्हेसे चा “तिग काना म्हेला मी खम्ना लबा चु म्हेसे थदा खम्ना लबारी आखम्नी?” भिसी मिजी।

येशूसे लाजरसदा सिबाग्याम सोना लबा

३८ जमाहेन्से येशू दोःसीनोन ल्हानान दुख इहम्सी धुर्सारी फेखी। थे धुर्सा चा ऊ हराड्बा मुबा। थे धुर्साला मरापरी युड्बा थान्मुबा।

३९ येशूसे थेनीगदेदा “धुर्साला मरापरी थान्बा युड्बा तेःगा” भिसी सुड्मा, सिबा म्हेला नाना मार्थास येशूदा “परमु दान्दधोना मी थे थाड् खसी जिन्तला। तिगदा भिसम थे सिबा ब्तिर तसी जिन्जी” भिसी मिजी।

४० येशूसे थदा “एसे विश्वास लजी भिसम परमेश्वरला घरेन य्हालदेन शक्ति मराड्ला भिसी डाइ एदा पाड्बा आहिन?” भिसी सुड्जी।

४१ थेनीगदसे युड्बा लेःमाहेन्से स्वर्गपट्टि स्हीसी येशूसे चुहरड् भिसी सुड्जी, “आबा, हराड्दा धन्यवाद मुला। तिगदा भिसम हराड्से डाला बिन्ती इयान्जी। ४२ हराड्से डाला ताम सदन इयान्मुला मिबा ताम डादा था मुला। तसेनोन डादा हराड्से चु जम्बुलिङरी पुइखबा हिन्ना मिबा ताम चुरी मुबा म्हेगदसे विश्वास लबारी खम्मे भिसीन डाइ हराड्दा चु ताम पाड्बा हिन्ना।”

४३ चुहरड् सुड्सी जिन्माहेन्से येशूसे घरेन काइरी “लाजरस, ए मड्ग्यार खउ” भिसी किरड्जी। ४४ जमाहेन्से सिबा लाजरस रेःसी मड्ग्यार खजी। अझन थेला थोबोहेन्से काड्धोना खीबा मुबा। येशूसे थेरी मुबा म्हेगदेदा “थदा खीबा क्वान व्जसी थदा निपुड्गो” भिसी सुड्जी।

येशूदा साइबारी म्हाइबा

मती २६:१-५; मर्कस १४:१-२; लूका २२:१-२

४५ येशूसे लबा चुहरड्बा उदेकला गे मराड्सी मरियमदा हरुप तबारी खबा ल्हानान यहूदीगदसे

येशूदा विश्वास लजी। ४६ तर थेनीगदे न्हडला कोइ कोइ चा फरिसीगदे मुबा ग्लारी निसी यशूस लबा गेला बाररी पाङ्गी।

४७ जमाहन्स परमेश्वरला मन्दिररी पूजा लबा मुल म्हिगददन फरिसीगदस जम्मान भन्दा धरन यहूदी सभाला म्हिगददा इयोइसी चुहरङ्ग भिसी भिजी, “चु म्हिंस ल्हानान उदकला गगद लेमुला। दाहन्स य्हाङ्गस तिग लइ? ४८ चु म्हिदा तिगे आलना ओहरङ्गनोन ख्ताजी भिसम जम्मान म्हिगदसे चुदा विश्वास लला। ओच्छे रोमी सिपाहीगदे खसी य्हाङ्गला परमेश्वरला मन्दिरदेन य्हाङ्गला य्हुल नाश लला।”

४९ कैयाफा भिबा म्हि परमेश्वरला मन्दिररी पूजा लबा थे दिङ्गला मुल म्हि मुबा। थेसे थेनीगदेदा चुहरङ्ग भिसी भिजी, “एनीगदेदा तिगे ताम था आर। ५० जम्मान य्हुत्सा नाश तबा भन्दा बरु जम्मान म्हिला लागिरी म्हि गिक सिबान एनीगदेला लागिरी ज्यबा तला भिसी एनीगदसे घोबा आर।”

५१ चु ताम थेसे हराङ्गला सेमग्याम पाङ्गा आहिन मुबा। तर थे परमेश्वरला मन्दिररी पूजा लबा थे दिङ्गला मुल म्हि तबासे लमा यहूदी य्हुलला लागिरी यशू सिनोन तोःला भिसी परमेश्वरला ताम पाङ्गा मुबा। ५२ ओच्छे थेसे चु ताम यहूदी य्हुलला लागिरी जे पाङ्गा आहिन मुबा। तर ससा बडबड तसी चिबा परमेश्वरला जम्मान म्हिगददाएनोन गिक स्होबाला लागिरी थेसे चु ताम पाङ्गा मुबा। ५३ थेतबासेलमा थे धिनहन्स यहूदी नेतागदसे येशूदा साइबारी सल्लाह लजी।

५४ जमाहन्स यहूदीगदला डाच्छा येशू दोःसी डाच्छाला हरङ्ग लसी आभरनी। तर थे ग्लाय्याम तोङ्गताङ्गा ग्लाला डामरी मुबा एफराइम भिबा शहररी फर्सी थेरीन चलागददेन छ्याम धन्छ्याजी।

५५ यहूदीगदे मिशर य्हुत्साग्याम फेसी खबा धिनदा ढन्सी धङ्गा चाड खबारी छ्याममुबा। थेतबासेलमा चाड खबा भन्दा डाच्छान हराङ्ग हराङ्गदा चोखो स्होबाला लागिरी नाम्सा नाम्साग्याम ल्हानान म्हिगदे यरुशलम शहररी निजी। ५६ थेनीगदसे येशूदा जम्मान ग्लारी म्हाइजी, ओच्छे थेनीगद जम्मान

परमेश्वरला मन्दिररी हरुप तबा धुइरी “एनीगदेदा खाहरङ्गा छोर्बा मुला, तिग थे चु चाङ्गी खला?” भिसी हराङ्ग हराङ्ग न्हङ्गी ताम लजी। ५७ परमेश्वरला मन्दिररी पूजा लबा मुल म्हिगददेन फरिसीगदसे चा येशूदा चुङ्गाला लागिरी थे जुन ग्लारी मुसे था याङ्गा म्हिंस “ङ्गदा पाङ्गा” भिसी कुल्बा मुबा।

येशूदा अत्तर फोर्बा

मती २६:६-१३; मर्कुस १४:३-९

१ मिशर य्हुत्साग्याम फेबा धिनदा ढन्सी धङ्गा चाड खबा भन्दा ढुर डाच्छा येशू लाजरसदा सिबाग्याम सोना लबा बेथानिया भिबा नाम्सारी धोखजी। २ येशूला लागिरी थेनीगदसे जमाकुनु इयसे थेरीन सोल स्होजी। मार्यासे चा जम्मादान क्योङ्गबान मुबा। येशूदेन छ्यामनोन चिबागदे न्हङ्गी गिक चा लाजरस मुबा। ३ थेनोन धुइरी मरियमसे जटामसी भिबा दाङ्गला टाग्याम स्होबा महंगो खल्ला ज्यबा बास्ना खबा अत्तर लिटर गडसल ते भसी येशूला स्होपरी फोर्सी हराङ्गलान करासे येशूला स्होप फ्याजी। ओच्छे दिम नाङ्गनोन थे अत्तरला बास्ना खजी। ४ तर येशूदा चुङ्गी पिन्बारी म्हाइबा चेला यहूदा इस्करियोतसे चुहरङ्ग भिसी भिजी, ५ “चु अत्तर मी ग्यार्जा सोम म्हुइला डबलरी ऎचुङ्गी थे टाङ्गा पराङ्गोगददा पिन्से तसला।” ६ तर थेसे पराङ्गोगददा वास्ता लसी चु ताम पाङ्गा आहिन मुबा। तिगदा भिसम थे य्हा मुबा, ओच्छे टाङ्गाएनोन थेदेन छ्यामनोन थान्सी थेसेन य्हा लेमुबा।

७ येशूस चुहरङ्ग भिसी सुङ्गी, “थेदा तिगे थापाङ्गा, डादा ल्हुबा धिनना लागिरी चुसे चुहरङ्ग लबा हिन्ना। ८ तिगदा भिसम पराङ्गो म्हिगदे मी एनीगददेन छ्याम सदन तला, तर डा चा एनीगददेन छ्याम सदन आत।”^h

लाजरसदा साइबारी सल्लाह लबा

१ येशू बेथानिया भिबा नाम्सारी मुला भिबा था याङ्गी ल्हानान यहूदीगदे थेरी खजी, थेनीगदे येशूदा च्याबारी जे खबा आहिन मुबा। तर येशूस सिबाग्याम सोना लबा लाजरसदाएनोन च्याबारी खबा मुबा।

†१२:५ “ग्यार्जा सोम म्हुइला डबल” चा तिदिङ्गला ज्याला मुबा।

१२:३ लूका ७:३७-३८ १२:५ व्यव १५:११

१० थेतबासेलमा परमेश्वरला मन्दिररी पूजा लबा मुल म्हिगदसे लाजरसदाएनोन साइबारी सल्लाह लजी। ११ तिगदा भिसम लाजरसदा सिबाग्याम सोना लबासे लमा ल्हानान यहूदीगदसे थनीगददा ख्तासी येशूदा विश्वास लबान मुबा।

येशू यरूशलेमरी फेवा

मत्ती २१ :१-११ ; मर्कुस ११ :१-११ ; लूका १९ :२८-४०

१२ न्हडगारदडसे मिशर यहुत्साग्याम फेवा धिनदा ढन्सी धड्बा चाडरी सबा ल्हानान म्हिगदसे येशू यरूशलेमरी फेखबान मुला भिबा ताम थःजी। १३ जमाहेन्से खजूरला हाँगागदे क्युइसी थोबान म्हिगदसे

“थला जयजयकार तगै,
परमपरमुला मिनरी फेखबासे परमेश्वरग्याम
मोलम याङ्गै

इसराएलला ग्लेदा ##परमेश्वरसे मोलम पिन्गै”
भिसी किरडबान येशूदा मान लबारी खजी। १

१४ येशूस गधाला कोला गिक स्यापजी ओच्छे
थेनोन गधाला कोलाथारी करःसी फेखजी।
परमेश्वरला बचनरीनोन चुहरड लसी भिरबा
मुला, १

१५ “सियोनना १११ म्हिगदे, एनीगदे थालोङ्गो।
च्यागो, एनीगदला ग्ले गधाला कोलाथारी
करःसी फेखबान मुला।” ११

१६ डाच्छा मी चु ताम येशूला चलागदसेनोन
आघानी। तर येशू सिबाग्याम सोसी स्वर्गरी
घरन य्हालददन शक्तिरी फेमाहेन्से जे
थेनीगदसे येशूला बाररी भिरबा जम्मान ताम
घोजी।

१७ येशूस धुसारी थान्वा लाजरसदा ड्योइसी
सिबाग्याम सोना लबा धुइरी येशूदेन छ्यामनोन
मुबा म्हिगदसे येशूस लबा गेला बाररी पाङ्सी
भरजी। १८ येशूस चुहरड्बा उदकला गे लबा
मुबा भिबा ताम थःबासे लमाएनोन म्हिगदे
येशूदा हरूप तबारी निबा मुबा। १९ थेतबासेलमा
फरिसीगदे हराड हराड न्हडरी “खाइ, य्हाडसे
तिग लखम्जी। च्यागो, जम्बुलिङ्गला जम्मान

म्हिगदे थेदेन छ्याम भरबारी छ्याइजी” भिसी
भिजी।

गरीक यहुलला म्हिगदसे येशूदा म्हाइबा

२० कोइ कोइ गरीस यहुत्साला म्हिगदे
##मिशर यहुत्साग्याम फेवा धिनदा ढन्सी
धड्बा चाडरी पूजा लबाला लागिरी यरूशलेम
शहररी सबा मुबा। २१ थनीगदे गालील
अञ्चलला बेथसेदा भिबा नाम्सारो चिबा
फिलिप मुबा ग्तारी निसी, “डनी येशूदेन छ्याम
हरूप तबा सम मुला” भिसी बिन्ती लजी।
२२ जमाहेन्से फिलिप निसी अन्दरयासदा चु
ताम पाङ्जी, ओच्छे थनीनोन निसी येशूदा
पाङ्जी।

२३ येशूस थनीगदेदा चुहरड भिसी सुङ्गी,
“दाहेन्से परमेश्वरसे पुइखवा म्हिदा मान लबा
धुइ खसी जिन्वा मुला। २४ च्यागो, एनीगदसे
डाला ताम ड्यान्गो, बु वारीरी दवबा ग्वाला
ब्लु आसिनी भिसम थे गिक जेन तला। तर थे
सिजी भिसम फुइसी थेरी ल्हानान ग्वा रोला।
२५ थेतबासेलमा जुन म्हिसे हराडला ज्यान
जोगब लबा सम लला थे म्हिसे जुकजुकधोनाला
जुनी आयाङ्। तर जुन म्हिसे जम्बुलिङ्गरी मुमा
हराडला ज्यानना वास्ता आलना डादेन छ्याम
भरला, थसे जुकजुकधोनाला जुनी सदन जोगब
लसी थान्ना। २६ खाले म्हिसे डाला लागिरी
गे लबा सम लजी भिसम थे डादेन छ्याम
भरतोःला। ओच्छे डा जुन ग्तारी चिला, डाला
गे लबा म्हिएनोन डादेन छ्यामनोन तला। खाले
म्हिसे डाला लागिरी गे लजी भिसम डाला
आबासे थला मान बढब लसी पिन्ना।

येशूस हराड सिबाला बाररी सुङ्गा

२७ येशूस चुहरड भिसी सुङ्गी, “दान्दे डादा
समरी ल्हानान दुख तबा मुला, डाइ तिग पाङ्से ?
“आबा डादा चु दुखग्याम जोगब लउ” भिसी
पाङ्बारी तला ? आत, तिगदा भिसम डा चु दुख
नाबाला लागिरीन सबा हिन्ना। २८ आबा, हराड

##१२ :१३ “इसराएलला ग्ले” भिबा चा थार्वी पिन्वा खरीष्ट भिबा हिन्ना।

१११२ :१५ “सियोन” भिबा चा यरूशलेम शहरदा पाङ्बा हिन्ना।

##१२ :२० चु म्हिगदे चा यहूदीगदसे हरडनोन परमेश्वरदा तेन्वा म्हि मुबा।

१२ :१३ मजन ११८ :२५-२६ १२ :१४ मत्ती २१ :१-११ ; मर्कुस ११ :१-११ ; लूका १९ :२८-४०

१२ :१५ जक ९ :९ १२ :२५ मत्ती १० :३९ ; १६ :२५ ; मर्कुस ८ :३५ ; लूका ९ :२४ ; १७ :३३

जम्मान भन्दा घरेन परमेश्वर हिन्ना भिबा ताम उन्गो।”

जमाहेन्से स्वर्गग्याम “डाइ डा जम्मान भन्दा घरेन परमेश्वर हिन्ना भिबा ताम उन्सी जिन्वा मुला, चु ताम डाइ अझ उन्ना” भिबा काइ खजी।

२९ चु ताम थे:सी थरी मुबा म्हिगदेसे “चु मु गुर्बा हिन्ना” भिसी भिजी। तर स्थान्दागदेसे चा “स्वर्गदूत थेदेन छुयाम ताम लबा हिन्ना” भिसी भिजी।

३० येशूसे थनीगदेदा चुहरङ्ग भिसी सुङ्गी, “स्वर्गग्याम खबा चु काइ डाला लागिरी आहिन, तर एनीगदेला लागिरी हिन्ना। ३१ दाहेन्से चु धुइ चा जम्बुलिङ्गी मुबा म्हिगदेला निसाफ लबा धुइ हिन्ना, ओच्छे चु जम्बुलिङ्गदा तहरी थान्बादा *मडग्यार म्याङ्गला। ३२ ओच्छे डादा जम्बुलिङ्गग्याम तोर थीमाहेन्से जम्मान म्हिदा डाइ डा मुबा ग्लारी भला।” ३३ येशूसे हराङ्ग साहरङ्ग लसी सिबान मुला भिबा ताम म्हिगदेसे धोगे भिसी चुहरङ्ग सुङ्गबा मुबा।

३४ जमाहेन्से म्हिगदेसे येशूदा “थार्बा पिन्बा खरीष्ट सदन सोला भिबा ताम डन्से ठिमग्याम थे:बा मुला। हराङ्गसे चा तिग्दा “परमेश्वरसे पुइखबा म्हिदा तोर थीनोन तो:ला” भिसी सुङ्गबा? परमेश्वरसे पुइखबा चु म्हि चा खाल हिन्ना?” भिसी डयोइजी। ३५

३६ येशूसे थनीगदेदा चुहरङ्ग भिसी सुङ्गी, “अझ छिन्नङ्ग य्हाल एनीगदेदेन छुयाम तला। थतबासलमा य्हाल एनीगदेदेन छुयाम मुबा धुइरीन हराङ्ग भरतो:बा ग्यामरी भरउ। आहिन्सम एनीगदेदा धोपधोपसे घप्ता, धोपधोपरी भरबा म्हिदा हराङ्ग खानङ्ग निबान मुला भिबा तामनोन था आत। ३७ य्हाल एनीगदेदेन छुयाम मुबा धुइरी एनीगदेसे थदा विश्वास लउ। थहरङ्ग लजी भिसम एनीगदे य्हालला सन्तान दोला।” चु ताम सुङ्गी जिन्माहेन्से येशू थे ग्याम फप्सी थनीगदेसे आमराङ्गबा ग्लारी धन्छुयाजी।

यहूदीगदेसे येशूदा विश्वास आलबा

३७ येशूसे यहूदीगदेदान ओन्छाङ्गी ल्हानान उदेकला गगदे लबा मुबा। तसेनोन थनीगदेसे येशूदा विश्वास आलनी। ३८ येशेया अगमवक्तासे पाङ्गबा ताम पूरा तबारीन चुहरङ्ग तबा हिन्ना। येशेया अगमवक्तासे

“परमपरमु, डन्से पाङ्गबा ताम खाल्से विश्वास लजी ?

ओच्छे हराङ्गसे लबा शक्तिशाली गे खाल्से मराङ्गी ?”

भिसी पाङ्गबा मुबा। ३९

३९ थनीगदेसे विश्वास लआखम्नी, तिग्दा भिसम येशेया अगमवक्तासे दो:सी चुहरङ्ग भिसी पाङ्गबा मुला,

४० “परमुसे थनीगदेला मी बन्द लसी पिन्बा मुला ओच्छे थनीगदेला सेम कोङ्गना लबा मुला।

आहिन्सम थनीगदेसे मराङ्गसेला मुबा,

सेमहेन्सेन घासेला मुबा,

डापट्टि दो:सेला मुबा,

ओच्छे थनीगदेदा डाइ खम्ना लसेला मुबा।” ४०

४१ येशेया अगमवक्तासे येशूला घरेन शक्ति मराङ्गी येशूला बारीन चु ताम पाङ्गबा मुबा।

४२ तसेनोन ल्हानान यहूदी नेतागदेसे येशूदा विश्वास लजी। तर फरिसीगदेसे यहूदीगदे हरुप तबा दिमरी वाङ्गबारी आपिन भिसी लोङ्गी थनीगदेसे चु ताम खालेदान आपाङ्गी।

४३ तिग्दा भिसम थनीगदेसे परमेश्वरसे भन्दा म्हिगदेसे ज्यबा भिगे भिसी म्हेन्मुबा।

येशू जम्बुलिङ्गदा सोना लबारी फप्खबा

४४ येशूसे घरेन काङ्गी चुहरङ्ग भिसी सुङ्गी, “डादा विश्वास लबा म्हिगदेसे डादा जे आहिन, तर डादा पुइखबादाएनोन विश्वास लला। ४५ ओच्छे डादा मराङ्गबा म्हिसे डादा पुइखबादाएनोन मराङ्गला। ४६ डादा विश्वास लबा म्हिगदे धोपधोपरी भरआतो:गे भिसीन डा जम्बुलिङ्गी य्हाल दोसी खबा मुला।

४७ “डाला ताम थे:सीनोन डाइ पाङ्गबा अन्छार आभरबा म्हिगदेला निसाफ आल।

*१२:३१ “जम्बुलिङ्गदा तहरी थान्बा” चा शैतान हिन्ना। यहू १४:३०, १६:३१ स्हीगो।

*१२:३४ येशूसे “परमेश्वरसे पुइखबा म्हिदा तोर थीनोन तो:ला” भिबा चा हराङ्गदा करूसरी टाँगब लसी साइला भिसी सुङ्गबा हिन्ना।

॥१२:३४ मजन ११०:४; यशै ९:१७; इज ३७:२५; दानि ७:१४

॥१२:३८ यशै ५३:१

०१२:४० यशै ६:१०

तिग्दा भिसम डा जम्बुलिङला म्हिग्दला निसाफ लबारी सबा आहिन। तर जम्बुलिङला म्हिग्ददा थाना लबारी सबा हिन्ना। ४८तर डादेन डाला तामदा विश्वास आलबा म्हिग्दला निसाफ लबारी न्यायाधीश गिक मुला। थं न्यायाधीश चा डाइ पाङ्बा तामनोन हिन्ना। थसन चु जम्बुलिङ नाश तबा धुइरी थनीगदला निसाफ लला। ४९तिग्दा भिसम चु ताम डाइ डाला समग्याम पाङ्बा आहिन, तर डादा पुइसबा आबास कुल्बा अन्धारनोन डाइ पाङ्बा हिन्ना। ५०डादा पुइसबा आबास कुल्बा ताम ड्यान्बा म्हिदा जुकजुकधोनाला जुनी पिन्ना भिबा ताम डादा था मुला। थतबासलमा आबास जुन ताम पाङ्पुङला थं ताम जे डाइ पाङ्बा मुला।”

येशूस हराङला चलागदला काङ्खरुबा

१३ १मिशर य्हुल्साग्याम फेसी सबा धिनदा ढन्सी धङ्बा चाङ्खरुबा मन्दा डाच्छान चु जम्बुलिङ रूनासी आबा मुबा ग्तारी निबा धुइ तसी जिन्जी भिबा ताम येशूस था याङ्सी जिन्बा मुबा। येशूस जम्बुलिङरी मुबा हराङला चलागददा ल्हानान माया लमुबा, ओच्छे थनीगददा लिच्छाधोनान माया लजी।

२येशू हराङला चलागददन छ्याम ड्यसेला सोल छ्याइवान मुबा। थनोन धुइरी येशूदा चुङ्सी पिन्बा सम शेतानस सिमानना झा यहूदा इस्करियोतदा खना लसी जिन्बा मुबा। ३परमेश्वरस जम्मान अधिकार हराङदा पिन्बा मुला भिबा ताम येशूदा था मुबा। ओच्छे परमेश्वरग्यामनोन खसी दोःसी परमेश्वर मुबा ग्तारी निबान मुला भिबा तामएनोन येशूदा था मुबा ४सोल छ्याइमाहन्स येशू स्हङ्जी, ओच्छे हराङस नान्बा घ क्यार थान्सी करप्सरी गम्सा सीजी। ५जमाहन्स येशूस ताङ् गिकरी क्युइ युजी, ओच्छे हराङला चलागदला काङ्खरुसी हराङस खीबा गम्सास थनीगदला काङ्खरुबा प्याजी।

६येशूस सिमान पतरुसला काङ्खरुबारी छ्याइमा सिमान पतरुसस “परभु तिग हराङस डाला काङ्खरुबारी छ्याइबा ?” भिसी भिजी।

७येशूस थंदा “डाइ तिग लबान मुला, थं ताम एस दान्द आधा। तर चु ताम एस लिच्छा घोला” भिसी सुङ्जी।

८पतरुसस येशूदा “हराङस डाला काङ्खरुबारी आत” भिसी भिमा, येशूस थंदा “डाइ एला काङ्खरुबारी भिसम ए डाला म्हि आदा” भिसी सुङ्जी।

९जमाहन्स सिमान पतरुसस येशूदा “थहरङ् भिसम परभु, डाला काङ्खरुबारी आहिन, तर डाला यादेन थोबाएनोन खरुसी पिन्गो” भिसी भिजी।

१०जमाहन्स येशूस थंदा “नुहाब लसी जिन्बा म्हिसे काङ्खरुबारी जे खरुतोःला। एनीगदद न्हङरी म्हि गिक बाहेक स्हान्दो जम्मान चोखो तसी जिन्बा मुला” भिसी सुङ्जी। ११तिग्दा भिसम हराङदा खाल्से चुङ्सी पिन्बारी छ्याइबा मुला भिबा ताम येशूदा था मुबा। थतबासलमान येशूस “एनीगदद न्हङला गिक चा चोखो तबा आर” भिसी सुङ्बा मुबा।

१२थनीगदला काङ्खरुसी जिन्माहन्से हराङला घ नान्सी येशू दोःसी धन्छ्याजी। जमाहन्स येशूस थनीगददा चुहरङ् भिसी सुङ्जी, “डाइ तिग्दा एनीगदला काङ्खरुजी भिबा ताम एनीगदस घोजी ?” १३एनीगदस डादा ‘गुरुदेन परभु’ भिसी पाङ्बा ताम सत्य हिन्ना, तिग्दा भिसम डा एनीगदला गुरुदेन परभुन हिन्ना। १४चुदे डा परभुदेन गुरु तसीनोन डाइ एनीगदला काङ्खरुजी भिसम एनीगदसनोन गिकसम गिकला काङ्खरुतोःला। १५डाइ लबा हरङनोन एनीगदसनोन लगै भिसीन डाइ चुहरङ् लसी उन्बा हिन्ना। एनीगदसनोन चुहरङ्नोन लउ। १६थतबासलमा च्यागो, एनीगदस डाला ताम ड्यान्गो, मालिक मन्दा नोकर धरेन आत ओच्छे समाचार पुइबा म्हि मन्दा समाचार भोर्बा म्हिएनोन खाइमे धरेन आत। १७चुदे एनीगदस चु ताम घोसी चुनोन अन्धार लजी भिसम एनीगदस परमेश्वरग्याम मोलम याङ्ला।

येशूस हराङदा धोका पिन्बा
चलाला बाररी सुङ्बा

मत्ती २६ : २०-२५ ; मर्कुस

१४ : १७-२१ ; लूका २२ : २१-२३

१८ “चु ताम डाइ एनीगदद जम्मान बाररी पाङ्बा आहिन, डाइ धम्बागददा डाइ ज्यना लसी डोसमुला। तर ‘डादेन छ्यामनोन गेङ् चबा म्हिसे डादा धोका पिन्ना’ भिसी परमेश्वरला बचनरी पाङ्बा ताम पूरा तबाला लागीरिन

चुहरङ्क तबा हिन्ना। १९ चु ताम तमाहन्सेनोन एनीगदेस डादा “डा थनोन हिन्ना” भिसी विश्वास लबारी खमौ भिसीन डाइ चु ताम एनीगदेदा डाच्छान पाङ्बा हिन्ना। २० थतबासलमा च्यागो, एनीगदेस डाला ताम ड्यान्गो, डाइ पुइबा म्हिगदेदा मान लबा म्हिंस डादाएनोन मान लला, ओच्छे डादा मान लबा म्हिंस डादा पुइखबादाएनोन मान लला।” ९

२१ चु ताम सुङ्सी जिन्माहन्से ल्हानान दुख इहम्सी येशूस चेलागदेदा “च्यागो, एनीगदेस डाला ताम ड्यान्गो, एनीगदे न्हङलान गिकसे डादा म्हिगदला यारी जिम्मा पिन्ना” भिसी सुङ्जी।

२२ येशूस चु ताम खाल्ला बाररी सुङ्बा हिन्ना भिबा आघोबास लमा चेलागदेसे हराङ्क हराङ्क न्हङरी गिकसेम गिकला लीरी च्याबारी छ्याइजी। २३ येशूस ल्हानान माया लबा चेला चा येशूला डामरीन चिबा मुबा। २४ जमाहन्से सिमान पतरुससे थदा “येशूस चु ताम खाल्ला बाररी सुङ्बा हिन्ना? ड्याडगो” भिसी मीला चाल लजी।

२५ थ येशूला डामरी चिबान येशूदा “परभु, थे म्हि खाल हिन्ना?” भिसी ड्याडजी।

२६ येशूस थदा “डाइ जुन म्हिदा गङ्क तुइसी पिन्ना, थे म्हि थनोन हिन्ना” भिसी सुङ्जी। ओच्छे येशूस टोगल गिक गङ्क तुइसी सिमान इस्करियोतला डा यहुदा इस्करियोतदा पिन्जी। २७ थ गङ्क किन्माहन्से यहुदा इस्करियोत न्हङरी शेतान वाङ्जी। जमाहन्से येशूस थदा “एस तिग लबारी छ्याइबा मुला, थे योनान लउ” भिसी सुङ्जी। २८ तर येशूस थदा तिगदा थहरङ्क भिसी सुङ्बा हिन्ना भिसी थरी चबारी चिबागदे खालेसन आघोनो। २९ थनीगदला टाङ्गा यहुदा इस्करियोतसे थान्बास लमा कोइ कोइसे चा येशूस थदा चाडला लागिरी तो:बा स्हेगदे ग्लुउ भिसी सुङ्जीनम भिसी म्हन्जी। ओच्छे कोइ कोइसे चा येशूस थदा पराङ्बोगदेदा तिगे पिन्गो भिसी सुङ्जीनम भिसी म्हन्जी। ३० येशूस पिन्बा गेङ्क चमाहन्से यहुदा इस्करियोत तुरुन्तन मङ्गयार निजी। थे थुइरी धोप तसी जिन्बा मुबा।

येशूस कुल्बा छार ताम

३१ यहुदा इस्करियोत मङ्गयार निमाहन्से येशूस चुहरङ्क भिसी सुङ्जी, “दाहन्से परमश्वरसे पुइखबा म्हिसे धरन मान याङ्बा मुला, ओच्छे थयाम परमश्वरसेनोन धरन मान याङ्बा मुला। ३२ चुदे परमश्वरसे पुइखबा म्हिगयाम परमश्वरसे धरन मान याङ्जी भिसम परमश्वरसेनोन हराङ्कसे पुइखबादा धरन मान पिन्ना। ओच्छे परमश्वरसे चु गे योनान लला।

३३ “कोलागदे, डा एनीगदेदन छ्याम छिन्नङ्क जे तला। एनीगदेसे डादा म्हाइला, तर दाहन्से डाइ यहुदीगदेदा पाङ्बा ताम एनीगदेदाएनोन पाङ्गला, ‘डा जुन ग्लारी निबान मुला, थरी एनीगदे खबारी आखम।’”

३४ “दाहन्से डाइ एनीगदेदा छार ताम गिक कुल्ला, एनीगदेसे गिकसेम गिकदा माया लउ। डाइ एनीगदेदा माया लबा हरङ्क लसी एनीगदेसेनोन गिकसेम गिकदा माया लउ। ३५ चुदे एनीगदेसे गिकसेम गिकदा माया लजी भिसम एनीगदे डाला चेला हिन्बा चीम भिसी जम्मासेन डोसला।”

पतरुससे येशूदा डासबा आर भिसी
पाङ्गला भिसी येशूस सुङ्बा

मत्ती २६ : ३१-३५ ; मर्कुस
१४ : २७-३१ ; लूका २२ : ३१-३४

३६ सिमान पतरुससे येशूदा “परभु, हराङ्क खानङ्क फन्बारी छ्याइबा?” भिसी ड्याडमा, येशूस थदा “डा निबा ग्लारी ए दान्दे डादेन छ्याम भरबारी आखम, तर लिच्छे चा भरला” भिसी सुङ्जी।

३७ पतरुससे येशूदा “परभु, तिगदा डा दान्देन हराङ्कदेन छ्याम भरबारी आखम? हराङ्गला लागिरी डा सिबारीनोन तयार मुला” भिसी भिजी।

३८ जमाहन्से येशूस थदा “तिग एसे डाला लागिरी हराङ्गला ज्याननोन पिन्खम्ला? च्यागो, एस डाला ताम ड्यान्गो, नागा कराबा भन्दा डाच्छान एसे डादा डोसबान आर भिसी सोमरमघाना पाङ्गला” भिसी सुङ्जी।

येशूसे चेलागदेदा सम्झब लबा

१४ येशूसे हराडला चेलागदेदा चुहरड भिसी सुड्जी, “एनीगदेस दुख थाम्हेन्ना। एनीगदेस परमेश्वरदा विश्वास लबा मुला, ओच्छे डादाएनोन विश्वास लउ। २ डाता आबाला दिमरी चिबा ग्ला ल्हानान मुला, ओच्छे डा एनीगदेला लागिरी ग्ला स्हाबारी निबान मुला। चुदे ग्ला आरबा हिन्सम डाइ एनीगदेदा चु ताम पाङ्गोन आपाङ्गसला मुबा। ३ एनीगदेला लागिरी ग्ला स्हासी जिन्माहन्से डा दोःसी खला, ओच्छे एनीगदे डादेन छयामनोन चिबाला लागिरी एनीगदेदाएनोन डा मुबा ग्लारीन भोर्ला। ४ डा निबारी छयाइबा ग्याम एनीगदेदा थानोन मुला।”

येशू सत्य, ग्याम ओच्छे जुनी हिन्ना

५ थोमासे येशूदा “परमु, हराड खानड फेन्वान मुला मिबा ताम मी डन्दा था आर भिसम हराड फेन्वा ग्याम मी इन डन्से साहरड लसी था याडस?” भिसी मिजी।

६ येशूसे चुहरड भिसी सुड्जी, “परमेश्वर मुबा ग्लारी भोर्बा ग्याम, सत्य ओच्छे जुनी डानोन हिन्ना। डाग्याम बाहक खालेनोन परमेश्वर आबा मुबा ग्लारी निबारी आखम। ७ एनीगदेस डादा डोसबा हिन्सम डाता आबादाएनोन डोससला मुबा। तर दाहन्से एनीगदेस डाता आबादा डोसला, ओच्छे एनीगदेस थंदा मराडसी जिन्बा मुला।

८ फिलिपसे येशूदा “परमु, डन्दा परमेश्वर आबा उन्सी पिन्ना, चुदे लजी भिसम तला” भिसी मिजी।

९ येशूसे थंदा चुहरड भिसी सुड्जी, “फिलिप, चुदे धिनधोना डा एनीगदेदेन छयाम चिजी, तसेनोन एसे डादा डोसबा आर? डादा मराडबा म्हिसे परमेश्वर आबादाएनोन मराडसी जिन्बा मुला। तर डादा मराडसीनोन तिग्दा एसे डन्दा परमेश्वर आबादा उन्सी पिन्ना भिसी मिबा? १० डा आबादेन छयाम गिक तबा मुला ओच्छे आबा डादेन छयाम गिक तबा मुला मिबा ताम एदा विश्वास आर? जुन ताम डाइ एनीगदेदा पाङ्गबा मुला थं ताम डाइ डाता समग्याम पाङ्गबा आहिन। तर डादेन छयाम गिक तबा आबासे हराडला गे डाग्याम लवान मुला। ११ डा आबादेन छयाम गिक तबा मुला ओच्छे आबा डादेन छयाम गिक तबा मुला मिबा

ताम विश्वास लउ। आहिन्सम डाइ लबा गेगदे च्यासीन विश्वास लउ।

१२ “च्यागो, एनीगदेसे डाता ताम ड्यान्गो, डादा विश्वास लबागदेसे डाइ लबा हरडबान ग लबारी खम्ला, ओच्छे थं भन्दा धरन धरन गेगदेएनोन लबारी खम्ला। तिग्दा भिसम डा परमेश्वर आबा मुबा ग्लारी निबान मुला। १३ एनीगदेस डादेन छयाम जुन स्हे हरीसेनोन डाग्याम परमेश्वर आबाला मान तगे भिसी डाइ एनीगदेदा पिन्ना। १४ एनीगदेसे डाता मिनरी जुन स्हे हरीसे डाइ एनीगदेदा पिन्ना।

परमेश्वरला आत्मा पुइखला भिसी लबा कबुल

१५ “चुदे एनीगदेसे डादा माया लबा मुसम डाइ कुल्बा ताम एनीगदेसे ड्यान्ना। १६ ओच्छे डाइ परमेश्वर आबादेन छयाम बिन्ती लला, डाता साटोरी परमेश्वर आबासे एनीगदेदा हरो लबा आत्मा पुइखला। थं सदन एनीगदेदेन छयाम धन्छुयाला। १७ थं आत्मासे एनीगदेदा परमेश्वरला बाररी सत्य ताम धोना लला। तर थंदा जम्बुलिडला म्हिगदेसे विश्वास आल, तिग्दा भिसम जम्बुलिडला म्हिगदेसे थंदा न्ह मराडला न्ह डोसला। तर एनीगदेसे मी थंदा डोसला, तिग्दा भिसम थं एनीगदेदेन छयामनोन मुला ओच्छे थं एनीगदे न्हडरी धन्छुयाला।

१८ “डाइ एनीगदेदा टुहुरा स्हासी आथान, डा दोःसी एनीगदे मुबा ग्लारी खला। १९ छिन्नड लिच्छा जम्बुलिडला म्हिगदेसे डादा साइमे आमराड, तर एनीगदेसे मी डादा मराडला। तिग्दा भिसम डा सोबासे लमा एनीगदेएनोन सोला। २० थं धिन खमाहन्से साहरड लसी एनीगदे डादेन छयाम गिक तसी चिबा मुला, डाएनोन एनीगदेदेन छयाम गिक तसी चिबा मुला, ओच्छे डा परमेश्वर आबादेन छयाम गिक तसी चिबा मुला मिबा ताम एनीगदेसे था याडला। २१ जुन म्हिसे डाइ कुल्बा ताम सेमरी थान्सी थं अन्छार भरला थंसे डादा माया लला। डादा माया लबा म्हिदा परमेश्वर आबासेनोन माया लला, डाइएनोन थंदा माया लला ओच्छे डा हराडनोन थं मुबा ग्लारी खला।”

२२ यहूदा इस्करियोत चा आहिन, तर स्थान्दो यहूदासे येशूदा “परमु, हराड तिग्दा डनी मुबा ग्लारी चा फेखला, तर जम्बुलिडला स्थान्दो म्हिगदे मुबा ग्लारी चा आफेख भिसी सुड्बा?” भिसी भिमा, २३ येशूसे थंदा चुहरड भिसी सुड्जी, “चुदे खालेसे डादा माया लमुला भिसम थंसे

डाइ कुल्बा तामएनोन इयान्मुला। ओच्छे थेदा डाला आबासोनोन माया लला, थहरड लसीन डादेन डाला आबा थे मुबा ग्लारी खसी थेदेन छुयामनोन चिला। २४ तर डादा माया आलबा म्हिगदेस डाइ कुल्बा तामएनोन आइयान्मुला। चु ताम डाइ एनीगदेदा डाला समग्याम पाड्बा आहिन, तर डादा पुइखबा परमेश्वर आबासन सुड्बा हिन्ना।

२५ “डा एनीगदेदेन छुयाम मुबा धुइरीन चु ताम डाइ एनीगदेदा पाड्बा मुला। २६ डाला साटारी आबास एनीगदेदा हरो लबारी पुइखबा थेला आत्मास एनीगदेदा जम्मान ताम लोप्ला ओच्छे डाइ पाड्बा जम्मान तामएनोन एनीगदेदा ढन्ना लला।

२७ “डा एनीगदेदा शान्ति पिन्सी निबान मुला। एनीगदेदा पिन्बा शान्ति चा डाला हराडलान शान्ति हिन्ना। चु शान्ति चा जम्बुलिडला म्हिगदेसे पाड्बा हरड्बा शान्ति आहिन। थेतबासलमा दुख थाम्हन्गो ओच्छे थालोड्गो।

२८ “डा चुग्याम निबान मुला, तसैनोन डा एनीगदे मुबा ग्लारी दोःसी खला’ भिसी डाइ पाड्बा ताम एनीगदेसे थेःबा मुला। एनीगदेसे डादा पक्कान माया लबा हिन्सम डा परमेश्वर आबा मुबा ग्लारी निबारी छुयाइबा मुला भिबा ताम थेःसी एनीगदे ताड्खला मुबा। तिगदा भिसम डा भन्दा मी परमेश्वर आबान घरेन हिन्ना। २९ चु ताम पूरा तमाहेन्से एनीगदेसे डादा विश्वास लगे भिसी चु ताम पूरा तबा भन्दा डाच्छान डाइ एनीगदेदा पाड्सी जिन्बा मुला। ३० दाहेन्से डाइ एनीगदेदा चु भन्दा ल्हाना ताम आपाड्। तिगदा भिसम चु जम्बुलिडदा तहरी थान्बा चा खबान मुला। तसैनोन थेदेन छुयाम डादा तिगे लबा शक्ति आरे। ३१ तर डाइ परमेश्वर आबादा माया लमुला भिबा ताम जम्बुलिडला म्हिगदेसे था याड्गै भिसीन परमेश्वर आबास कुल्बा अन्छानोन डाइ लबान मुला। दाहेन्से भरउ, य्हाड चुग्याम निइ।

येशू चा अडगुरला दोड

१५ “सौच्चलान अडगुर दोड चा डानोन हिन्ना, ओच्छे डाला आबा चा दोडदा सयार लबा म्हि हिन्ना। २थेसे डादेन छुयाम मुबा तिगे आरोबा हाँगा चा थासी म्याडला।

तर रोबा हाँगागदेदा चा अझ ल्हाना रोगै भिसी जोगदे घ्याम्सी ज्यना लसी सयार लला। ३थहरड लसीन एनीगदेला विश्वास अझ ल्हगै भिसी डाइ पाड्बा चु बचनगदेसेन एनीगदेला सम ज्यना लसी जिन्बा मुला। ४ एनीगदे डादेन छुयाम गिक तसी चिउ, डाएनोन एनीगदेदेन छुयाम गिक तसी चिला। हाँगा दोडग्याम फेजी भिसम थे हाँगारी तिगे आरो। थहरड लसीन एनीगदेएनोन डाग्याम फेसी चिजी भिसम एनीगदेसेनोन तिगे लबारी आखम।

५ “अडगुरला दोड डानोन हिन्ना, एनीगदे चा हाँगागदे हिन्ना। चुदे सालै म्हि डादेन छुयाम गिक तसी चिजी भिसम डाएनोन थेदेन छुयाम गिक तसी चिला, ओच्छे थे विश्वासेरी ल्हसी ल्हानान ज्यबा गेगदे लला। तर डाग्याम फेसी चिजी भिसम एनीगदेसे तिगे लबारी आखम। ६ डादेन छुयाम गिक तसी आचिबागदेदा चा थे हाँगागदेदा म्याड्बा हरड लसी म्याडला, ओच्छे थे खला। थहरड्बा हाँगागदेदा म्हिगदेसे हरुप लसी मेरी म्याडला, जमाहेन्से थे मफरा दाला। ७ चुदे एनीगदे डादेन छुयाम गिक तजी भिसम ओच्छे डाला बचन एनीगदेला सम न्हडरी थान्जी भिसम एनीगदेदा तोःबा स्हे हरीमा पिन्ना। ८ चुदे एनीगदेसे ल्हानान ज्यबा गेगदे लसी डाला चला दोसी उन्जी भिसम डाला आबाला मानदेन जयजयकार तला।

९ “डादा आबास माया लबा हरड लसी डाइएनोन एनीगदेदा डाच्छाहेन्सेन माया लबा मुला। थेतबासलमा एनीगदेसे डाला माया थाम्तेःगो। १० डाला आबास कुल्बा ताम इयान्बासे लमा आबाला माया सदन डादेन छुयाम मुला। थहरड लसीन एनीगदेसेनोन डाइ कुल्बा ताम इयान्जी भिसम डाला माया सदन एनीगदेदेन छुयाम तला। ११ डाला सम ताड्बा हरड लसी एनीगदेला समएनोन पूरान ताड्खमौ भिसीन डाइ एनीगदेदा चु ताम पाड्बा हिन्ना।

१२ “डाइ एनीगदेदा माया लबा हरड लसी एनीगदेसेनोन हराड हराड न्हडरी गिकसेम गिकदा माया लउ भिसी डाइ चु ताम कुल्बा मुला। १३ हरोला लागिरी हराडला ज्याननोन पिन्बा भन्दा घरेन माया अर्गु तिगेनोन आरे। १४ चुदे एनीगदेसे डाइ कुल्बा ताम इयान्जी भिसम एनीगदे डाला हरो हिन्ना। १५ दाहेन्से डाइ एनीगदेदा नोकर भिसी आपाड, तिगदा

भिसम मालिकसे तिग लवान मुला भिसी नोकरदा था आत। तर डाइ एनीगदेदा हरो भिसी पाडबा मुला, तिग्दा भिसम डाला आबास डादा सुडबा जम्मान ताम डाइ एनीगदेदा पाडसी जिन्बा मुला। १६ एनीगदेस डादा धम्बा आहिन, तर एनीगदे सदन ज्यबा म्हि दोसी ज्यबा गे लगे भिसीन डाइ एनीगदेदा धम्बा हिन्ना। थहरड लसी एनीगदेस डाला मिन किन्सी परमेश्वर आबादेन छयाम हरीजी भिसम एनीगदेस हरीबा स्ह परमेश्वर आबास पिन्ना। १७ थतबासलमा डाइ कुल्बा अन्धार एनीगदेस गिकसेम गिकदा माया लउ।

चेलागदेदा हेला लबा

१५ “चुदे एनीगदेदा जम्बुलिङ्गला म्हिगदेसे हेला लजी भिसम एनीगदेदा भन्दा डाच्छा डादा हेला लबा हिन्ना भिसी घोउ। ११ चुदे एनीगदे जम्बुलिङ्गला म्हि हिन्बा हिन्सम थनीगदेसे एनीगदेदा हराङ्गला म्हि म्हन्सी माया लसेला मुबा। तर एनीगदे चु जम्बुलिङ्गला म्हि आहिन। एनीगदेदा डाइ चु जम्बुलिङ्गयाम धम्बा हिन्ना। थतबासलमा एनीगदेदा जम्बुलिङ्गला म्हिगदेसे हेला लबा हिन्ना। २० ‘नोकर मालिक भन्दा घरेन आत’ भिसी डाइ पाडबा ताम एनीगदेसे थाम्ले:गो। थनीगदेसे डादा दुस पिन्जी भिसम एनीगदेदाएनोन दुस पिन्ना। थहरड लसीन थनीगदेसे डाइ कुल्बा ताम डयान्जी भिसम एनीगदेसे पाडबा तामएनोन डयान्ना। २१ एनीगदे डाला म्हि तबास लमा थनीगदेसे एनीगदेदा ल्हानान दुस पिन्ना। तिग्दा भिसम थनीगदेसे डादा पुइखबा परमेश्वर आबादा डोसबा ओरे। २२ चुदे डा आखबादेन डाइ थनीगदेदा आपाडबा हिन्सम थनीगदेदा पापला दोष आतसेला मुबा। तर दाहेन्से थनीगदेसे हराङ्गला पापला लागिरी तिगे निउ लबा ग्ला ओरे। २३ डादा हेला लबा म्हिसे डाला आबादाएनोन हेला लला। २४ खालेसेन लबारी आखम्बा गेगदे डाइ थनीगदेला गुडरी आलबा हिन्सम थनीगदेदा पापला दोष आतसेला मुबा। तर डाइ लबा उदेकला गेगदे मराङ्गसीनोन थनीगदेसे डादेन डाला आबादा हेला लबा मुला। २५ तर थनीगदेला हराङ्गलान ठिमरी थनीगदेसे डादा

थहरडनोन हेला लला’ भिसी भिरबा ताम पूरा तबाला लागिरीन चुहरड तबा हिन्ना। ५

२६ “डाइ आबागयाम सत्यला आत्मा एनीगदेदा हरो लबाला लागिरी पुइखला। थेखसी थसेन डाला बाररी पाडला। २७ ओच्छे एनीगदे चा डाच्छाहेन्सेन डादेन छयाम चिबास लमा एनीगदेसेनोन डाला बाररी पाडला।

१ “एनीगदेला विश्वास म्हासी थानिगे १६ भिसी डाइ एनीगदेदा जम्मान ताम पाडबा हिन्ना। २ एनीगदेदा थनीगदेसे यहूदीगदे हरुप तबा दिमगयाम ते:ला। ओच्छे एनीगदेदा साइबा म्हिगदेसे ‘डन्से परमेश्वरदा तेन्बा मुला’ भिसी म्हन्बा धुइएनोन खबान मुला। ३ थनीगदेसे एनीगदेदा थहरड लला, तिग्दा भिसम थनीगदेसे परमेश्वर आबादा डोसबा ओरे ओच्छे डादाएनोन डोसबा ओरे। ४ च्यागो, थे जम्मान ताम तबा धुइरी एनीगदेसे ‘चु जम्मान तामला बाररी डादा परभुसे डाच्छान सुडसी जिन्बा मुबा’ भिबा ताम दन्गे भिसी डाइ एनीगदेदा चु ताम पाडबान मुला। दान्देधोना डा एनीगदेदेन छयामनोन मुबास लमा चु ताम डाइ डाच्छा एनीगदेदा आपाडनी।

परमेश्वरला आत्मासे लबा गे

५ दाहेन्से डा डादा पुइखबा परमेश्वर आबा मुबा ग्लारी निबान मुला। तर एनीगदे खालेसेन डादा हराङ्ग खानङ फम्बा?’ भिसी आङ्गोइ। ६ तसेनोन डाइ चु जम्मान ताम पाडबासे लमा एनीगदेदा समरी ल्हानान सुर्दा तबा मुला। ७ तसेनोन डाइ एनीगदेदा सत्य ताम पाडबा मुला, डा चुगयाम निबान एनीगदेदा ज्यबा हिन्ना। तिग्दा भिसम डा चुगयाम आनिनी भिसम एनीगदेदा हरो लबा आत्मा एनीगदे मुबा ग्लारी आफ्ख। तर डा निजी भिसम डाइ थदा एनीगदे मुबा ग्लारी पुइखला। ८ थे फम्बामाहेन्से थसे जम्बुलिङ्गला म्हिगदेदा परमेश्वरदा सम निबा गेला बाररीदेन परमेश्वरसे लबा निसाफला बाररी, गल्ली गेला बाररी ओच्छे पापला बाररी उन्ना। ९ डादा विश्वास आलबान पाप हिन्ना भिसी थसे थनीगदेदा घोना लला। १० थसे परमेश्वरदा सम निबा गे तिग हिन्ना भिसी घोना लला। तिग्दा भिसम डा परमेश्वर आबा मुबा ग्लारी निबान मुला, ओच्छे एनीगदेसे डादा दो:सी आमराड। ११ थसे परमेश्वरसे लबा

निसाफ भिबा तिग हिन्ना भिसी एनीन थनीगदेदा घोना लला । तिगदा भिसम चु जम्बुलिङ्गदा तहरी थान्बादा परमेश्वरसे निसाफ लसी जिन्बा मुला ।

१२ “डाइ एनीगदेदा पाङ्गतोःबा ताम मी ल्हानान मुबा । तर एनीगदेस दान्द चु भन्दा ल्हाना घोबारी आखम । १३ तर थ सत्यला आत्मा फ्रस्वमाहेन्स सत्य ताम तिग हिन्ना भिसी थेसन एनीगदेदा घोना लला । थस हराङ्गला सेमग्याम एनीगदेदा तिगे ताम आसुङ्ग, थस जुन ताम थःला थनीन ताम जे एनीगदेदा सुङ्गला । ओच्छ थसन लिच्छा तसेला तामगदएनीन एनीगदेदा घोना लला । १४ थस डाला मानदेन जयजयकार लला, तिगदा भिसम थस डाइ पाङ्गबा ताम थःसी एनीगदेदा पाङ्गला । १५ परमेश्वर आबादेन छयाम मुबा जम्मान स्हे जम्मान डालान हिन्ना । थतबासेलमा डाइ पाङ्गबा जम्मान ताम सत्यला आत्मासे थःसी एनीगदेदा घोना लला भिसी पाङ्गबा हिन्ना ।”

सुर्दा म्लेःसी ताङ्ग्याङ्गला

१६ येशूस हराङ्गला चेलागदेदा “छिन्नङ्ग लिच्छा एनीगदेस डादा आमराङ्ग, तर दोःसी तिगे धिन लिच्छा मी एनीगदेस डादा मराङ्गला” भिसी सुङ्गजी ।

१७ चु ताम थःसी येशूला कोइ कोइ चेलागदेस “थस ग्हाङ्गदा छिन्नङ्ग लिच्छा एनीगदेस डादा आमराङ्ग दोःसी छिन्नङ्ग लिच्छा मी एनीगदेस डादा मराङ्गला” भिबादेन “तिगदा भिसम डा आबा मुबा ग्तारी निबान मुला” भिसी सुङ्गबाला अर्थे चा तिग हिन्ना ?” भिसी हराङ्ग हराङ्ग न्हङ्गरी ताम लजी । १८ ओच्छ थनीगदेस दोःसी, “थस छिन्नङ्ग लिच्छा” भिसी सुङ्गबा तिग हिन्ना ? थस सुङ्गबा ताम ग्हाङ्गदा था आर ?” भिसी भिजी ।

१९ थनीगदेस चु तामला बाररी डयोइबा सेम लबा मुला भिसी था याङ्गसी येशूस थनीगदेदा चुहरङ्ग भिसी सुङ्गजी, “डाइ एनीगदेदा छिन्नङ्ग लिच्छा एनीगदेस डादा आमराङ्ग भिबादेन छिन्नङ्ग लिच्छा मी एनीगदेस डादा मराङ्गला” भिसी पाङ्गबा तामला बाररी एनीगदेस हराङ्ग हराङ्ग न्हङ्गरी ताम लबा आहिन ? २० थतबासेलमा च्यागो, एनीगदेस डाला ताम ड्यान्गो, एनीगदे कराबा किरङ्गबा लला, तर जम्बुलिङ्गला म्हिगदे चा ताङ्गला । एनीगदेदा दुखदेन सुर्दा तला, तसेनीन एनीगदेला सुर्दा म्हासी दोःसी ताङ्ग्याङ्गला । २१ कोला

न्हवा धुइरी मिरङ्गमेदा ल्हानान दुख तमुला । तर कोला न्हमाहेन्स थस थ जम्मान दुख म्लेःमुला । तिगदा भिसम जम्बुलिङ्गरी कोला गिक न्हजी भिसी थ ल्हानान ताङ्गमुला । २२ थहरङ्ग लसीन एनीगदेदा दान्द दुख तबा मुला । तर डा दोःसी एनीगदेदा हरुप तबारी सभा एनीगदे समरी ल्हानान ताङ्ग्याङ्गला । ओच्छ एनीगदेला ताङ्गबा सालेसन म्हाना लबारी आखम । २३ थ धुइरी एनीगदेस डानेन छयाम तिगे ताम आङ्गयोइ । च्यागो, डाला मिनरी एनीगदेस जुन स्हे हरीला थ स्हे एनीगदेदा परमेश्वर आबासे पिन्ना । २४ दान्दघोना मी एनीगदेस डाला मिनरी तिगे हरीबा आर । हरीगो एनीगदेदा पिन्ना, ओच्छ एनीगदे पूरान ताङ्ग्याङ्गला ।

येशूस जम्बुलिङ्गला जम्मान नइबा तामदा दाबा

२५ “दान्द चा डाइ एनीगदेदा चु ताम उखानग्याम पाङ्गबा मुला, तर धुइ तमाहेन्स परमेश्वरला बाररी पाङ्गमा चा उखान आपाङ्गना डाइ एनीगदेदा परस्टन घोना लला । २६ थ धुइरी एनीगदे हराङ्गसन डाला मिनरी हरीला । तर डाइ एनीगदेला लागिरी परमेश्वर आबादेन छयाम हरीसी पिन्नातोः । २७ तिगदा भिसम परमेश्वर आबा हराङ्गसन एनीगदेदा माया लबा मुला । तिगदा भिसम एनीगदेस डादा माया लबा मुला, ओच्छ डा परमेश्वरग्याम सबा हिन्ना भिसी एनीन विश्वास लबा मुला । २८ डा परमेश्वर आबाग्यामसन चु जम्बुलिङ्गरी सबा हिन्ना, दान्द दोःसी डा चु जम्बुलिङ्गदा ख्तासी परमेश्वर आबा मुबा ग्तारी निबान मुला ।”

२९ जमाहेन्स चेलागदेस येशूदा चुहरङ्ग भिसी भिजी, “दान्द चा भिसम हराङ्गसे डन्दा उखान आसुङ्गना परस्टन घोना लजी । ३० दाहेन्से हराङ्गदा जम्मान ताम था मुला भिबा ताम डन्से था याङ्गजी । दाहेन्से सालेसे हराङ्गदा डयोइतोःबा ताम तिगे आर । थतबासेलमा हराङ्ग परमेश्वरग्याम फ्रस्वबा हिन्ना भिसी डन्से विश्वास लजी ।”

३१ येशूस थनीगदेदा चुहरङ्ग भिसी सुङ्गजी, “तिग दान्द मी एनीगदेस डादा विश्वास लबा मुला ? ३२ च्यागो, चुहरङ्गबा धुइ एनीन सबान मुला, एनीगदे ससा बडबड तसी डा गिकदा जे ख्तासी हराङ्ग हराङ्गला दिमरी निला, पाङ्गनीन तोःमा चु धुइ खसी जिन्बा मुला । तसेनीन थ

धुइरी डा गिक जे आत, तिग्दा भिसम डाला आबा सदन डादेन छुयाम मुला। ३३ एनीगदे डादेन छुयाम गिक तसी शान्ति याइसी चिबारी खमो भिसीन डाइ एनीगदेदा चु जम्मान ताम पाडबा हिन्ना। जम्बुलिङ्गरी एनीगदेदा ल्हानान दुख तला, तर एनीगदेस आँट लउ, तिग्दा भिसम डाइ जम्बुलिङ्गला जम्मान नइबा तामदा दासी जिन्बा मुला।”

येशूला परार्थना

१ चु जम्मान ताम सुइसी जिन्माहेन्से
१७ येशूसे स्वर्गपट्टि स्हीसी चुहरङ्ग भिसी परार्थना लजी, “परमेश्वर आबा, दाहेन्से धुइ तसी जिन्बा मुला। हराङ्ग गाते धरेन मुला भिसी उन्बाला लागिरी हराङ्गसे हराङ्गला डा गाते धरेन मुला भिसी उन्गो। २ हराङ्गसे थेदा पिन्बा जम्मान म्हीगदेदा थेसे जुकजुकधोनाला जुनी पिन्खमो भिसी हराङ्गसे थेदा जम्बुलिङ्गला जम्मान म्हीगदेथेरी शासन लबा अधिकार पिन्बा मुला। ३ हराङ्ग गिक जेन सत्य परमेश्वर हिन्ना भिसी डोसबादेन हराङ्गसे पुइसबा येशू खरीष्टदा डोसबान जुकजुकधोनाला जुनी याइबा हिन्ना। ४ हराङ्गसे डादा जिम्मा पिन्बा गे पूरा लसी डाइ जम्बुलिङ्गरी हराङ्गदा मान लबा मुला। ५ परमेश्वर आबा, जम्बुलिङ्ग स्हीबा भन्दा डाच्छा डा हराङ्गदेन छुयाम मुबा धुइरी गाते धरेन मानदेन जयजयकार मुबा। दाहेन्से थहरङ्ग लसीन डादा हराङ्गदेन छुयाम धरेन स्होउ।

हराङ्गला चेलागदेला लागिरी येशूसे लबा परार्थना

६ “हराङ्गसे जम्बुलिङ्गयाम डादा पिन्बा जम्मान म्हीगदेदा डाइ हराङ्ग खाल हिन्ना भिसी डोसना लबा मुला। थेनीगदे हराङ्गलान म्ही मुबा, ओच्छे हराङ्गसे डादा पिन्जी। थेनीगदे हराङ्गला बचन अन्धार भरबा मुला। ७ हराङ्गसे डादा पिन्बा जम्मान ताम हराङ्गयामसेन खबा हिन्ना भिसी दान्दे थेनीगदेसे था याइसी जिन्बा मुला। ८ तिग्दा भिसम हराङ्गसे डादा पिन्बा बचन डाइ थेनीगदेदा लोप्या मुला, ओच्छे थेनीगदे थे अन्धार भरबान मुला। डा हराङ्गयाम खबा हिन्ना भिसी थेनीगदेसे घोबा मुला, ओच्छे

डादा हराङ्गसे पुइसबा हिन्ना भिसी एनोन थेनीगदेसे विश्वास लबा मुला।

९ “डाइ थेनीगदेलान लागिरी परार्थना लबान मुला, जम्बुलिङ्गला म्हीगदला लागिरी चा आहिन। तर हराङ्गसे पिन्बा म्हीगदेलान लागिरी परार्थना लबान मुला, तिग्दा भिसम थेनीगदे हराङ्गलान हिन्ना। १० डादेन छुयाम मुबा जम्मान हराङ्गला हिन्ना, हराङ्गदेन छुयाम मुबा जम्मान डाला हिन्ना। ओच्छे थेनीगदेगयाम डाला मानदेन जयजयकार तबा मुला।

११ “दाहेन्से डा हराङ्ग मुबा ग्लारी खबान मुला। ल्हानान धिनधोना डा चु जम्बुलिङ्गरी आचि, तर चुगदे मी चु जम्बुलिङ्गरीन चिला। थेतबासेलमा डाला आबा परमपरभु परमेश्वर, हराङ्गदेन डा गिक तबा हरङ्ग लसी चुगदे एनोन गिक तबाला लागिरी हराङ्गसे डादा पिन्बा हराङ्गला मिनगयाम थेनीगदेदा जोगब लसी थान्गो। १२ डा थेनीगदेदेन छुयाम मुबा धुइरी हराङ्गसे डादा पिन्बा हराङ्गला मिनगयाम डाइ थेनीगदेदा जोगब लसी थान्जी। नाश ततो:बा म्ही बाहेक स्हान्दो खालेदान डाइ नाश तआपुङ्गो। तिग्दा भिसम परमेश्वरला बचनरी भिखा ताम पूरा तबाला लागिरीन चुहरङ्ग तबा हिन्ना। २

१३ “तर दाहेन्से डा हराङ्ग मुबा ग्लारी खबान मुला। डागयाम याइबा ताइबा थेनीगदेसे पूरान याइगे भिसीन डाइ चु ताम जम्बुलिङ्गरी मुबा धुइरीन पाइबा मुला। १४ डा हराङ्गसेन थेनीगदेदा हराङ्गला बचन लोप्यो। तर थेनीगदेदा चु जम्बुलिङ्गला म्हीगदेसे हेला लजी। तिग्दा भिसम डा चु जम्बुलिङ्गला आहिन्बा हरङ्ग थेनीगदे एनोन चु जम्बुलिङ्गला आहिन। १५ थेनीगदेदा चु जम्बुलिङ्गयाम भोगा भिसी डाइ परार्थना आल, तर थेनीगदेदा शैतानगयाम जोगब लसी थान्गो। १६ डा चु जम्बुलिङ्गला आहिन्बा हरङ्ग थेनीगदे एनोन चु जम्बुलिङ्गला आहिन। १७ थेनीगदेदा सत्य बचनगयाम हराङ्गदा तेन्बा चोखो म्ही स्होउ। तिग्दा भिसम हराङ्गला बचन सत्य मुला। १८ हराङ्गसे डादा जम्बुलिङ्गरी पुइसबा हरङ्ग लसी डाइ एनोन थेनीगदेदा जम्बुलिङ्गरी पुइबा मुला। १९ थेनीगदेसे हराङ्गसे हराङ्गदान पूरान

चोसो थान्ने भिसी डाइनोन थनीगदला लागिरी हराडसे हराडदान चोसो स्होबा मुला ।

हराडदा विश्वास लबागदे जम्मान गिक तसी चिगे भिसी येशूसे लबा प्रार्थना

२० “डाइ चुगदला लागिरी जे आहिन, तर चुगदला ताम थःसी डादा विश्वास लबा म्हिगदला लागिरीनोन प्रार्थना लला । २१ थनीगद जम्मान गिक तसी चिबारी सम्मो । परमेश्वर आबा, हराड डादेन छयाम ओच्छे डा हराडदेन छयाम गिक तबा हरड लसी थनीगदएनोन य्हाडदेन छयाम गिक तबारी सम्मो । ओच्छे डादा हराडसे पुइसबा हिन्ना भिसी जम्बुलिडला म्हिगदसे विश्वास लबारी सम्मो । २२ य्हाड गिक तबा हरड लसी थनीगदएनोन गिक तसी चिबारी सम्मो भिसी हराडसे डादा मान याडबा म्हि स्होबा हरड लसी डाइएनोन थनीगददा मान याडबा म्हि स्होबा मुला । २३ डा थनीगददेन छयाम ओच्छे हराड डादेन छयाम गिक तबा हरड लसी थनीगदएनोन प्रान गिक तबारी सम्मो । ओच्छे डादा हराडसेन पुइसबा हिन्ना भिबादेन हराडसे डादा माया लबा हरड लसी हराडसे थनीगददाएनोन माया लमुला भिसी जम्बुलिडला जम्मान म्हिगदसे था याडगे ।

२४ “परमेश्वर आबा, हराडसे जम्बुलिड स्होबा भन्दा डाच्छेहेन्सन डादा माया लसी य्हालदेन शक्ति पिन्बा मुला । चु ताम मराडबाला लागिरी हराडसे डादा पिन्बा जम्मान म्हिगद डादेन छयाम तगे भिबा डाला सेम मुला ।

२५ “ठीक निसाफ लबा परमेश्वर आबा, हराडदा जम्बुलिडला म्हिगदसे डोसेबा आर, तर डाइ हराडदा डोसेबा मुला । ओच्छे हराडसेन डादा पुइसबा हिन्ना भिसी डाला चलागदसे था याडबा मुला । २६ हराडसे डादा लबा माया थनीगददेन छयाम तगे, ओच्छे डा थनीगददेन छयाम तबारी सम्मो भिसी डाइ थनीगददा हराड साल हिन्ना भिसी डोसेना लबा मुला । अझ हराड साल हिन्ना भिसी डाइ थनीगददा सदन पाडला ।”

येशूदा चुडवा

मत्ती २६ : ४७-५६ ; मर्कूस १४ : ४३-५० ; लूका २२ : ४७-५३

१ प्रार्थना लसी जिन्माहेन्से येशू हराडला १८ चलागददेन छयाम किदरोन भिबा सोल्साला क्याम्सडपट्टि मुबा बगैचारी फेप्जी । २ थ गला येशूदा चुडसी पिन्बा यहूदाएनोन था मुबा । तिगदा भिसम येशू हराडला चलागददेन छयाम थ गलारी ल्हानान हरडबा फेप्मुबा । ३ थ धुइरी फरिसीगददेन परमेश्वरला मन्दररी पूजा लबा मुल म्हिगदसे पुइसबा परमेश्वरला मन्दर सरुडबा सिपाहीदेन रोमी सिपाहीगददा भसी यहूदा येशू मुबा गलारी धोखजी । थनीगद हतियार थोसी नाडसलदेन मेदड मरासी सबा मुबा ।

४ हराडदा तबारी छयाडबा जम्मान ताम था याडसी थनीगदला डाच्छापट्टि फेप्सी येशूसे थनीगददा “एनीगदसे साल्दा म्हाडबा ?” भिसी डयोइजी । ५ जमाहेन्से थनीगदसे “नासरतला येशूदा म्हाडबा” भिसी भिमा, येशूसे थनीगददा “डा थनोन हिन्ना” भिसी सुडजी । येशूदा चुडसी पिन्बा यहूदाएनोन थनीगददेन छयामनोन राप्सी चिबा मुबा । ६ येशूसे थनीगददा “डा थनोन हिन्ना” भिसी सुडबा थःमेछयाम थनीगद ग्यापपट्टि लेःमा जम्मान हिरलजी । ७ दोःसी येशूसे थनीगददा “एनीगदसे साल्दा म्हाडबान मुला ?” भिसी सुडमा, थनीगदसे “नासरतला येशूदा म्हाडबा” भिसी भिजी । ८ येशूसे थनीगददा “डा थनोन हिन्ना भिसी डाइ एनीगददा दोलोन पाडसी जिन्जी । थतबासलमा एनीगदसे डादान म्हाडबा हिन्सम चु म्हिगददा चा निपुडगो” भिसी सुडजी । ९ “हराडसे डादा पिन्बा म्हिगद डाइ गिकनोन नाश तपुडबा आर” भिसी येशूसे डाच्छान सुडबा ताम चुहरड लसी पूरा तजी ।

१० सिमोन पतरुसे हराडदेन छयाम मुबा तरवार तेःसी परमेश्वरला मन्दररी पूजा लबा मुल म्हिला नोकरदा ताम्मा दाहिनपट्टिला नाब्यड च्वाट्टन थान्नी । थला मिन चा माल्खस मुबा ।

११ येशूसे पतरुसदा “एला तरवार स्युबारी झाडगो । तिग परमेश्वर आबासे नापुडबा दुख डाइ थानागो ?” भिसी सुडजी ।^a

येशूदा हन्नास मुबा ग्लारी भोर्बा

१२ जमाहेन्स रोमी सिपाहीगदेदन थनीगदेला कप्तान ओच्छे यहूदीगदेस पुइबा परमेश्वरला मन्दिररी खबा जम्मान यहूदीगदेला डाच्छा लोप्या मुला। डाइ खालेस था आयाङना लसी तिगे ताम पाङ्बा आर। २१ डादा तिगदा ड्योइबा? डाइ लोप्या ताम थःबागदेदा ड्योइबा। डाइ तिग पाङ्जी, तिग लोप्यी भिबा थनीगदेदान था मुला।”

पतरुससे येशूदा डोसेबा आर
मिसी लुसीला ताम पाङ्बा

मती २६ :६९-७० ; मर्कूस
१४ :६६-६८ ; लूका २२ :५५-५७

१३ सिमोन पतरुसदेन स्थान्दो चेला गिक चा येशूदेन छुयाम छुयाम निजी। थ स्थान्दो चेलास चा परमेश्वरला मन्दिररी पूजा लबा मुल म्हिदा ज्यना लसी डोसमुबा। थतबासेलमा थ येशूदेन छुयामनोन परमेश्वरला मन्दिररी पूजा लबा मुल म्हिला दिमला खराङगारी निजी। १६ तर पतरुस चा मरापरीन राप्सी चिबा मुबा। थतबासेलमा परमेश्वरला मन्दिररी पूजा लबा मुल म्हिदा डोसेबा थ स्थान्दो चेला मङ्गयार निसी मरापरी चिबा मिरङ्ग्हेमदा पाङ्सी पतरुसदा न्हङरी भजी।

१७ जमाहेन्स मरापरी चिबा थ मिरङ्ग्हेमसे पतरुसदा “तिग एणोन थ म्हिला चेला आहिन?” भिसी भिमा, पतरुससे थदा “डा आहिन” भिसी भिजी।

१८ खड्बासे लमा थरी नोकरगदेदन पालेगदे मे दूसी चिबा मुबा। पतरुसएनोन निसी थनीगदेदेन छुयामनोन म दूबारी छुयाइजी।

परमेश्वरला मन्दिररी पूजा लबा मुल
म्हिसे येशूदा ड्योइबा छार्बा लबा

मती २६ :५९-६६ ; मर्कूस
१४ :५५-६४ ; लूका २२ :६६-७१

१९ परमेश्वरला मन्दिररी पूजा लबा मुल म्हिसे येशूदा थला चेलागदेदेन छुयाम थस लोप्या तामला बाररी ड्योइबा छार्बा लजी। २० येशूसे थदा चुहरङ्ग भिसी सुङ्गी, “डाइ

जम्मालान डाच्छा लोप्या मुला। डाइ सदन यहूदीगदे हरुप तबा दिमदेन परमेश्वरला मन्दिररी खबा जम्मान यहूदीगदेला डाच्छा लोप्या मुला। डाइ खालेस था आयाङना लसी तिगे ताम पाङ्बा आर। २१ डादा तिगदा ड्योइबा? डाइ लोप्या ताम थःबागदेदा ड्योइबा। डाइ तिग पाङ्जी, तिग लोप्यी भिबा थनीगदेदान था मुला।”

२२ येशूसे चुहरङ्ग सुङ्मा येशूला डामरी राप्सी चिबा परमेश्वरला मन्दिरला सिपाही गिकसे येशूदा तोबान, “परमेश्वरला मन्दिररी पूजा लबा मुल म्हिदेन छुयाम चुहरङ्ग लसी ताम लबारी तला?” भिसी भिजी।

२३ येशूसे थदा “डाइ पाङ्बा ताम ठीक आहिनसम आहिन भिसी पाङ्गो। चुदे डाइ पाङ्बा ताम ठीक हिन्सम तिगदा डादा तोबा?” भिसी सुङ्गी। २४ जमाहेन्से हन्नासेस येशूदा आब्तानान परमेश्वरला मन्दिररी पूजा लबा मुल म्हि कैयाफा मुबा ग्लारी पुइजी।

दोःसीनोन पतरुससे येशूदा डोसेबा
आर भिसी लुसीला ताम पाङ्बा

मती २६ :७१-७५ ; मर्कूस
१४ :६९-७२ ; लूका २२ :५८-६२

२५ सिमोन पतरुसएनोन राप्सी मे दूसी चिबा धुइरी थरी मुबा ग्लारीगदेस थदा “एणोन येशूलान चेला आहिन?” भिसी ड्योइमा, थस थनीगदेदा “आहिन, डाइ थदा डोसेबान आर” भिसी लुसीला ताम पाङ्गी। २६ पतरुससे नाब्यङ्ग थासी पिन्बा नोकरला हराङलान म्हिएनोन थरी मे दूसी चिबा मुबा। थएनोन परमेश्वरला मन्दिररी पूजा लबा मुल म्हिला नोकर मुबा। थस पतरुसदा “डाइ एदा थ म्हिदेन छुयामनोन बगैचारी मराङ्गबा आहिन?” भिसी भिमा, २७ पतरुससे दोःसीनोन आहिन, भिसी जोहाब पिन्जी। जोहाब पिन्मे छुयाम नागा कराजी।

येशूदा पिलातस मुबा ग्लारी भोर्बा

मती २७ :१-२, ११-१४ ; मर्कूस
१५ :१-५ ; लूका २३ :३-५

२८ थनीगदेस येशूदा स्थानीन कैयाफाला दिमग्याम रोमी अञ्चलाधोशला दरबाररी भोर्जी। तर हराङ्ग अशुद्ध तसी मिशर यहुल्साग्याम फेसी खबा धिनदा दन्सी धड्बा

चाडरी तिगे चबा स्हे चबारी आम्याङ्क भिसी थनीगदे चा लोङ्की दरबार न्हङ्की आवाङ्की। २९ थेतबासलमा रोमी हाकिम पिलातस मङ्गयार सखी। ओच्छे थस थनीगदेदा “एनीगदेस चु म्हिला तिग दोष स्याप्नी?” भिसी इयोइमा, ३० थनीगदेस थदा “चुद चु म्हिला दोष आस्याप्वा हिन्सम डन्स चु म्हिदा हराङ् मुबा ग्तारी आभसला” भिसी भिजी।

३१ पिलातसस थनीगदेदा “चु म्हिदा एनीगदेसेन भोगी, ओच्छे एनीगदेला हराङ्कलान ठिम अन्ड्यार चु म्हिला निसाफ लउ” भिसी भिजी।

जमाहेन्स यहूदीगदेस थदा “खाले म्हिदा साइबाला सजाय पिन्बा डन्ना लागिरी ठीक आरे” भिसी भिजी। ३२ हराङ् खाहरङ् लसी सितोःला भिसी येशूसेन सुङ्बा ताम पूरा तबाला लागिरीन चुहरङ् तबा मुबा। ८

३३ दरबार न्हङ्की निसी पिलातसस येशूदा इयोइजी, ओच्छे थस येशूदा “तिग ए यहूदीगदेला ग्ले हिन्ना?” भिसी इयोइजी।

३४ येशूस पिलातसदा “चु ताम हराङ्से हराङ्कलान समग्याम सुङ्बा हिन्ना कि स्थान्दो खाले म्हिसे हराङ्कला डाला बाररी पाङ्बासे लमा चु ताम इयोइबा हिन्ना?” भिसी सुङ्की।

३५ पिलातसस येशूदा “तिग डा यहूदी हिन्ना? एलान यहूलला म्हिगदेदेन परमेश्वरला मन्दरीरी पूजा लबा मुल म्हिगदेस एदा चुरी भवा हिन्ना। एस तिग लजी?” भिसी भिजी।

३६ येशूस पिलातसदा “डाइ शासन लबा चु जम्बुलिङ्की आहिन। चुदे डाइ चु जम्बुलिङ्की शासन लबा हिन्सम डादा यहूदीगदेला याग्याम जोगब लबारी डाला म्हिगदे थनीगदेदेन छयाम छसेला मुबा। तर डाइ शासन लबा चुरी आहिन” भिसी सुङ्की।

३७ पिलातसस येशूदा “थहरङ्क भिसम ए ग्लेनोन हिन्ना?” भिसी इयोइमा, येशूस पिलातसदा “डा ग्ले हिन्ना भिसी मी हराङ्सेन सुङ्बा मुला। डा ग्ले दोबाला लागिरी न्हवा हिन्ना, ओच्छे चुनोन सत्य ताम प्रोना लबाला लागिरी डा चु जम्बुलिङ्की सबा हिन्ना।

थेतबासलमा जुन म्हि सत्यला लिच्छा भरला थस डाला ताम इयान्ना” भिसी सुङ्की।

३८ पिलातसस येशूदा “खाहरङ्कबा सत्य ताम हिन्ना?” भिसी इयोइजी।

चु तामगद इयोइमेछयाम पिलातस मङ्गयार यहूदीगदे मुबा ग्तारी निसी चुहरङ्क भिसी भिजी, “डाइ चु म्हिला तिगे दोष आस्याप्नी। ३९ तर मिशर यहूत्साग्याम फसी सबा धिनदा दन्सी धङ्बा चाडला धुइरी डाइ एनीगदेला लागिरी म्हि गिकदा ख्लासी पिन्तोःमुबा। थेतबासलमा डाइ चु यहूदीगदेला ग्लदा ख्लासी पिन्तो भिसी एनीगदेस म्हन्बा मुला?”

४० तर थनीगदेस “चु म्हिदा आहिन, तर बारब्बादा ख्लासी पिन्तो” भिसी किरङ्बान भिजी। बारब्बासे चा आन्दोलन लसी म्हि साइबा मुबा।

येशूदा सिबाला सजाय पिन्बा

मत्ती २७ :१५-३१; मर्कूस

१५ :६-२०; लूका २३ :३३-२५

१९ जमाहेन्स पिलातसस येशूदा भोर्सी कोरस तोड भिसी रोमी सिपाहीगदेदा कुलजी। २ कोरस तोमाहेन्स सिपाहीगदेस पुजुला फटा स्हासी येशूदा थोइसी पिन्जी, ओच्छे ग्लेस क्वान्बा हरङ्बान वाला वाला पिङ्गे छोनना क्वान एनोन क्वान्सी पिन्जी। ३ ओच्छे यशूला डामरी ससी, “तास्सी यहूदीगदेला ग्ले, फ्याफुल्ला” भिसी येशूदा सिसी लबान गरम्बारी तोबारी छयाइजी।

४ पिलातस दोःसी मङ्गयार ससी थरी मुबा म्हिगदेदा “च्यागो, डाइ चु म्हिदा सजाय पिन्बा तिगे दोष आस्याप्नी। चु ताम एनीगदेदा था तगे भिसी डाइ थदा मङ्गयार भवा मुला” भिसी भिजी। ५ येशू पुजुला फेटादेन वाला वाला पिङ्गे छोनना क्वान क्वान्सीन मङ्गयार फस्तजी। जमाहेन्स पिलातसस थनीगदेदा “लु, च्यागो, चु म्हिदा!” भिसी भिजी।

६ परमेश्वरला मन्दरीरी पूजा लबा मुल म्हिगदेदेन सिपाहीगदेस येशूदा मराङ्मेछयाम “चुदा करुसरी टागब लसी साइगो, करुसरी

३८ :२८ यहूदीगदेला ठिम अन्ड्यार यहूदीगदे अर्गु यहूलला म्हिगदेला दिमरी वाङ्की भिसम अशुद्ध तमुबा।

३९ :३२ यहू ३ :१४ :१२ :३२

साइगो!" भिसी किरडबाला किरडबान लजी। जमाहेन्स पिलातससे थनीगदेदा "चु म्हिदा एनीगदसेन भोर्सी करूसरी टाँगब लउ, तिग्दा भिसम चु म्हिदा सजाय पिन्तोःबा तिगे दोष डाइ आस्यान्नी" भिसी भिजी।

७ यहुदीगदसे थदा "डन्ना ठिम गिक मुला थ ठिम अन्ड्यार चुदा साइनोन तोःला। तिग्दा भिसम चुस हराडस हराडदान परमेश्वरला झा स्हाबा मुला" भिसी भिजी।

८ चु ताम थःसी पिलातस झन लोड्जी। १ पिलातससे दोःसी दरबार न्हडरी वाडसी येशूदा "ए खानडला हिन्ना?" भिसी डयोडजी। तर येशूस थदा तिगे जोहाब आपिन्नी। १० थतबासलमा पिलातससे येशूदा "तिग ए डादेन छयाम ताम आपाड? एदा ख्लासी पिन्बा अधिकार डादा मुला, ओच्छे एदा करूसरी टाँगब लसी साइबा अधिकारएनोन डादा मुला भिसी एदा था आर?" भिसी भिजी।

११ येशूस थदा "चु अधिकार परमेश्वरसे आपिन्बा हिन्सम हराडस डादा तिगे लबारी आस्म्वसेला मुबा। थतबासलमा डादा हराडला जिम्मारी पिन्बा म्हिदा झन ल्हाना पापला दोष तला" भिसी सुडजी।

१२ चु ताम थःसी पिलातससे झन येशूदा ख्लाबारी म्हाडजी। तर यहुदीगदसे किरडबान चुहरड भिसी भिजी, "चुद हराडसे चु म्हिदा ख्लाजी भिसम हराड रोमी ग्याल्बो केसरला म्हि आहिन। जुन म्हिसे हराडसे हराडदान ग्ले हिन्ना भिसी पाडला थ म्हिसे रोमी ग्याल्बो केसरला विरोध लबा हिन्ना।"

१३ चु ताम थःसी पिलातससे येशूदा मडग्यार भजी ओच्छे पिलातस युडबा तीबा खराडगारी निसाफ लबा ठिरी किजी। थ युडबा तीबा खराडगादा हिबरू ग्याइरी गब्बथा भिसी भिमुला। १४ थ धुइरी ओस्पन धिनना बाहर बजब तसी जिन्बा मुबा। थ धिन चा मिशर यहुत्साग्याम फेसी खबा धिनदा ढन्सी धडबा चाड धडबारी तयार लबा धिन मुबा। पिलातससे यहुदीगदेदा "च्यागो, एनीगदेला ग्ले" भिसी भिजी।

१५ तर थनीगदसे "चुदा करूसरी टाँगब लसी साइबारी भोनान तोःला" भिसी किरडबाला किरडबान लजी।

जमाहेन्स पिलातससे थनीगदेदा "थहरड भिसम डाइ एनीगदेला ग्लेदा करूसरी

टाँगब लसी साइगो?" भिसी भिमा, परमेश्वरला मन्दररी पूजा लबा मुल म्हिगदसे "रोमी ग्याल्बो केसर बाहक डन्ना स्हान्दो खाले ग्ले आर" भिसी भिजी।

१६ थतबासलमा चु ताम थःसी पिलातससे येशूदा करूसरी टाँगब लसी साइगो भिसी थनीगदेदा जिम्मा लसी पिन्जी। जमाहेन्स येशूला जिम्मा सिपाहीगदसे किन्जी।

येशूदा करूसरी साइबा

मत्ती २७ :३२-४४ ; मर्कुस

१५ :२१-३२ ; लूका २३ :२६-४३

१७ येशूस हराडला करूस हराडसेन पुइसी, "खपरला ग्ला" भिबा ग्लारी फेन्जी, चु ग्लादा हिबरू ग्याइरी गलगतथा भिमुबा। १८ थरी थोमाहेन्स थनीगदसे येशूदा करूसरी टाँगब लजी, ओच्छे य्हो न्हीदाएनोन गिकदा येशूला दाहिनपटटि गिकदा दवरपटटि करूसरी टाँगब लजी। येशूदा चा गुडरी थान्जी।

१९ पिलातससे "नासरतला येशू, यहुदीगदेला ग्ले" भिसी भिरबा ताम येशूला थोबा मन्दा फिरी करूसरी टोकपुडजी। २० चु ताम ल्हानान यहुदीगदसे पढब लजी। तिग्दा भिसम येशूदा करूसरी टाँगब लसी साइबा ग्ला शहरला डामरीन मुबा। चु ताम हिबरू, ल्याटिनदेन गरीक ग्याइरी भिरबा मुबा। २१ परमेश्वरला मन्दररी पूजा लबा यहुदीगदेला मुल म्हिगदसे पिलातसदा "यहुदीगदेला ग्ले" भिसी आहिन, तर चुस डा यहुदीगदेला ग्ले हिन्ना भिजी भिसी भिरउ" भिसी भिजी।

२२ पिलातससे थनीगदेदा "डाइ जुन ताम भिरसे, भिरसी जिन्जी, तजी" भिसी भिजी।

२३ येशूदा करूसरी टाँगब लमाहेन्स सिपाहीगदसे येशूला क्वान भो ब्लि लसी हराड हराड न्हडरी भो लजी। ओच्छे थनीगदसे येशूस न्हडरी क्वान्बा क्वानएनोन किन्जी, तर थ क्वान चा आढुपना तोरहेन्स मारधोनान रासी स्हाबा मुबा। २४ थतबासलमा थनीगदसे "चु चा आढेग, तर खाल्दा परब तबा चीम चिटठा युसी च्यागे" भिसी हराड हराड न्हडरी ताम लजी। बचनरी भिरबा ताम पूरा तबाला लागिरीन चुहरड तबा मुबा। बचनरी

"थनीगदसे डाला क्वान हराड हराड न्हडरी भो लजी,

ओच्छे डाला क्वान किन्बाला लागिरी चा चिट्ठा युजी” d

मिसी भिरबा मुबा ।

थेतबासेलमा सिपाहीगदेस चु गे लजी । e

२५ येशूला आमादेन येशूला आमाला आडा ओच्छे क्लापासला मिरड मरियमदेन मरियम मगदलिनी येशूला करुसला डामरी राप्सी चिबा मुबा । २६ येशूस हराडला आमादेन हराडस माया लबा चेला डामरी राप्सी चिबा मराडसी आमादा “आमा च्यागो, दाहेन्स चु हराडला झा हिन्ना” मिसी सुडजी । २७ ओच्छे येशूस थं चेलादाएनोन “च्यागो, दाहेन्स थं एला आमा हिन्ना” मिसी सुडजी । जमाकुनुहेन्स थं चेलासे येशूला आमा मरियमदा हराडला दिमरी भोजी ।

येशू सिबा

मती २७ : ४५-५६ ; मर्कूस

१५ : ३३-४१ ; लूका २३ : ४४-४९

२५ “दाहेन्स डाइ लतोःबा गे जिन्जी” मिसी येशूस था याडसी बचनरी भिरबा जम्मान ताम पूरा तगे मिसी येशूस “डादा क्युइ फुडजी” मिसी सुडजी । २६ थरी अडगुरला कम्बा निडगु मुबा ताड गिक मुबा । थेतबासेलमा सिपाहीगदेस हिंसप भिबा दोडला हांगारी क्वानगेन खीसी थं निडगुरी ब्तुम्सी येशूदा स्वाजी । ३० अडगुरला निडगु सोल्माहेन्स येशूस “दाहेन्स डाला गे जिन्जी” मिसी थाबा कु लजी । जमाहेन्स येशूला सा निजी ।

येशूला राइरी भालासे भ्लोबा

३३ थं धिन चा मिशर यहुत्साग्याम फेसी खबा धिनदा ढन्सी धडबा चाड धडबारी तयार लबा धिन मुबा । चु धिन चा यहूदीगदेस ब्तप्रा न्हबा धिनना डाच्छाकुनु मुबा । न्हडगरदड मिशर यहुत्साग्याम फेसी खबा धिनदा ढन्सी धडबा चाड धडबा धिन परब तबासे लमा जमाकुनुला ब्तप्रा न्हबा धिन चा थेनीगदेला लागिरी मुल धिन मुबा । थेतबासेलमा थं मुल धिनकुनु करुसरी सालैलान लास आतगे मिसी यहूदीगदेस हराड हराड न्हडरी सल्लाह लजी । ओच्छे थेनीगदे पिलातस मुबा ग्लारी निसी, “सिबाला सजाय पिन्वा म्हिगदे योनान सिगे मिसी थेनीगदेला

काड क्युइसी करुसग्याम मार तेःपुडगो” मिसी बिन्ती लजी । ३२ जमाहेन्स सिपाहीगदे खसी डाच्छा येशूदेन छ्यामनोन करुसरी टांगब लबा म्हि न्हीला काड क्युइजी । ३३ येशूलाएनोन स्थाप क्युइबारी छ्याइमा थेनीगदेस येशू डाच्छान सिसी जिन्वा मराडजी । थेतबासेलमा थेनीगदेस येशूला स्थाप आक्युइनी । ३४ तर सिपाही गिकस येशूला राइरी भालासे भ्लोमा येशूला राइग्याम कादेन क्युइ थोन्जी । ३५ एनीगदेसनोन विश्वास लखम्गे मिसी चु मराडबा म्हिंस जस्तो तबा मराडबा मुबा थंहरडबान पाडबा मुला । चु ताम सत्य हिन्ना भिबा थंदा था मुला । ३६ “थला नखरु गिकनोन आक्युइ” मिसी बचनरी भिरबा ताम पूरा तबाला लागिरीन चुहरड तबा हिन्ना । ३७ दोःसी बचनना अगु ग्लारी “जुन म्हिदा थेनीगदेसे भ्लोला, थेनोन म्हिदा थेनीगदेसे च्याला” मिसी भिरबा मुला । h

येशूदा धुसारी थान्जा

मती २७ : ५७-६१ ; मर्कूस

१५ : ४२-४७ ; लूका २३ : ५०-५६

३८ यहूदीगदेदेन छ्याम लोडसी स्थान्दोसे था आयाडना येशूदा विश्वास लबा अरिमाथिया भिबा शहरला योसफ भिबा चेला गिक मुबा । थंसे पिलातसदेन छ्याम येशूला लास हरीजी, जमाहेन्स पिलातसस थंदा “तला, भोगी” मिसी भिजी । जमाहेन्स थं निसी येशूला लास करुसग्याम मार तेःसी भोजी । ३९ ओच्छे डाच्छा म्हुनड येशू मुबा ग्लारी निबा निकोदमसएनोन बोगल गिकस च्युक सोम किलो ते मूर्देन घ्युकुमारी दोडसी स्होबा ज्यबा बास्ना खबा अतर भसी खजी । ४० चुहरड लसी थेनीगदेस यहूदीगदेला टिम अन्छार येशूला लासरी थं बास्ना खबा अतर फोर्सी मलमलला क्वानरी रिलजी । ४१ येशूदा करुसरी टांगब लबा ग्लाला डामरी बगैचा गिक मुबा । थं बगैचारी सालैलान लास आथान्वा छार धुसा गिक मुबा । ४२ यहूदीगदेस ब्तप्रा न्हबा धिनना डाच्छाकुनुला धिन तबासे लमा थेनीगदेसे येशूला लास थं डामरीन मुबा धुसारी थान्जी ।

७९ : २४ भजन २२ : १८

७९ : २४ भजन २२ : १८

१९ : २८ भजन ६९ : २१

७९ : ३६ प्रस्था १२ : ४६ ; गन्ती ९ : १२ ; भजन ३४ : २०

७९ : ३७ जक १२ : १०

७९ : ३९ यूह ३ : १२

येशू धुर्सांरी आरबा

मत्ती २८ :१-८ ; मर्कूस १६ :१-८ ; लूका २४ :१-१२

१ आइतवार स्थहोरीन मरियम मग्दलिनो
२० येशूला लास थान्बा धुर्सांरी निजी । धुर्सांरी
धोर्सी च्यामा थस धुर्सांला मरापरी मुबा युड्बा
लेःसी जिन्बा मराड्जी । २ जमाहेन्स थ थग्याम
यार्बान सिमान पतरुसदन येशूस माया लबा चेला
मुबा ग्लारी निसी, “थनीगदेस व्हाडला परमुदा
धुर्सांग्याम भोर्जीम! तर खानड भोर्सी थान्जी
मिबा डन्दा था आर” भिसी भिजी ।

३ जमाहेन्स तुरुन्तन पतरुसदन थ चेला
यार्बान धुर्सांरी निजी । ४ थन्नी छ्याम छ्यामनोन
यार्सी निमा पतरुसदा ख्तासी थ स्थान्दो
चेला चा धुर्सांरी डाच्छा धोजी । ५ धुर्सांला
मरापग्याम योड तसी च्यामा थसे डाच्छा
येशूदा बेरब लबा क्वान जे मराड्जी, तर थ
धुर्सां न्हडरी आवाडनी । ६ सिमान पतरुसएनोन
थ चेलाला लिच्छा लिच्छा खसी धुर्सां न्हडरी
वाडसी च्याजी । थसेनोन थरी येशूदा बेरब
लबा मलमलला क्वान जे मराड्जी । ७ येशूला
थोबोरी बेरब लबा क्वान चा मलमलला क्वानदन
छ्याम आरबा । तर जजाकी क्याथाडपट्टि
भोर्सी पट्टयाब लसी थान्बा मुबा । ८ जमाहेन्स
पतरुस भन्दा डाच्छा धोखबा चेलाएनोन धुर्सां
न्हडरी वाडसी च्याजी । चु मराड्जमाहेन्स थस
येशू सिबाग्याम सोर्जीम भिसी विश्वास लजी ।
९ तिग्दा भिसम येशू सिबाग्याम दोःसी सोनोन
तोःला भिसी बचनरी भिरबा ताम थनीगदेस
दान्दधोना घोबा आरबा । १० जमाहेन्स थ चेला
न्ही हराडला दिमरी निजी ।

येशू मरियम मग्दलिनो मुबा ग्लारी फेखबा

मत्ती २८ :९-१० ; मर्कूस १६ :९-११

११ तर मरियम मग्दलिनो चा कराबान धुर्सांला
जामरी राप्सी चिबा मुबा । कराबान थस धुर्सां
न्हडरी योड तसी च्यामा, १२ येशूला लास
थान्बा ग्लारी तार क्वान क्वान्बा स्वर्गदूत
न्हीदा मराड्जी, गिक येशूला थोबोपट्टि गिक
स्थापपट्टि मुबा । १३ थ स्वर्गदूत न्हीसे थदा
“माइ, ए तिग्दा कराबा?” भिसी ड्योडमा, थस
थनीगदेदा “मिह्गदेसे डाला परमुदा भोर्जीम, थ

मिह्गदेसे परमुदा खानड भोर्सी थान्जी मिबा
डादा था आर” भिसी भिजी ।

१४ चुहरड भिसी थसे ग्यापट्टि च्यामा येशू
राप्सी स्थूबा मराड्जी । तर थसे येशून हिन्ना
भिसी डांआसनी ।

१५ येशूस थदा “माइ, ए तिग्दा कराबा?
एस खाल्दा म्हाइबा?” भिसी सुड्मा, थस
येशूदा बर्गेचारी म्हेन्दो क्वबा मिह् मुनम
भिसी, “ज्योज्यो, हराडस येशूदा चुग्याम भोर्बा
हिन्सम खानड थान्बा मुला डादा सुड्गो, डाइ
थदा भोर्तो” भिसी भिजी ।

१६ येशूस थदा “मरियम!” भिसी ड्योडमा,
फिलक दोःसी थसे येशूदा, हिबेरू ग्याइरी
“रब्बानी” भिसी भिजी । “रब्बानी” मिबा चा
“डाला गुरु” मिबा हिन्ना ।

१७ येशूस थदा “डादा चुड्सी थाथान्गो,
तिग्दा भिसम डा दान्दधोना आबा मुबा ग्लारी
निबा आर । तर ए डाला ज्योज्यो आले नाना
आडागदे मुबा ग्लारी निसी थनीगदेदा ‘डाला
आबादेन एनीगदेला आबा ओच्छे डाला
परमेश्वरदेन एनीगदेला परमेश्वर मुबा ग्लारी
डा निबान मुला’ भिसी पाड्सी पिन्गो” भिसी
सुड्जी ।

१८ जमाहेन्स मरियम मग्दलिनो चेलागदे
मुबा ग्लारी निसी, “डाइ परमुदा मराड्जी”
भिसी भिजी । ओच्छे येशूस थदा सुड्बा ताम
थनीगदेदाएनोन पाड्सी पिन्जी ।

येशू चेलागदे मुबा ग्लारी फेखबा

मत्ती २८ :१६-२० ; मर्कूस

१६ :१४-१८ ; लूका २४ :३६-४९

१९ थनोन धिनकुनु ड्यस येशूला चेलागदे
यहूदी नेतागदेदेन छ्याम लोड्सी मराप दुड्सी
चिबा मुबा । थ धुइरीन येशू थनीगदे मुबा ग्लारी
फेखसी थनीगदेला गुडरी राप्सी धन्छ्याजी ।
ओच्छे येशूस थनीगदेदा “एनीगदेदा शान्ति
तगे” भिसी सुड्जी । २० चुहरड सुड्माहेन्से
येशूस थनीगदेदा हराडला यादेन राइ उन्जी ।
परमुदा मराड्सी थनीगदे ल्हानान ताड्जी ।

२१ जमाहेन्स येशूस दोःसीनोन थनीगदेदा
“एनीगदेदा शान्ति तगे! डाला आबासे डादा
पुइखबा हरड लसी डाइएनोन एनीगदेदा पुइबान
मुला” भिसी सुड्जी । २२ जमाहेन्से येशूस

१२० :१ मत्ती, मर्कूसदेन लूकारी च्यामा स्थान्दो मिरड्महंम न्हीएनोन मुला, तर चु पदरी चा स्थान्दो मिरड्महंम न्हीलो मिन पाड्बा आर ।

थेनीगदेदा फू लसी चुहरङ्ग भिसी सुङ्गी, “परमेश्वरला आत्मा किन्गो। २३ जुन म्हिला पाप एनीगदेस माफ लला, थेनीगदेस माफ याङ्गला, ओच्छे जुन म्हिला पाप एनीगदेस माफ आल, थेनीगदेस माफ आयाङ्ग।”।

येशू थोमा मुबा ग्लारी फेखबा

२४ येशू फेखबा धुइरी च्युक न्ही चलागदे न्हङ्गी दिदुमस भिबा थोमा चा थेनीगदेदन छ्याम आरमुबा। २५ थेतबासलमा स्थान्दो चलागदेस थदा “डन्स परमुदा मराङ्गी” भिसी भिजी। तर थस थेनीगदेदा “येशूला यारी खिल ठोक्बाला पोर आमराङ्गथोना, ओच्छे थ पोरदेन राइला पोररी डाला या जुम्बी आझाङ्गथोना डाइ विश्वास आल” भिसी भिजी।

२६ साता गिक लिच्छाएनोन चलागदे दिमरीन मराप दुङ्गी चिबा मुबा। जमा चा थोमाएनोन थेनीगदेदन छ्यामनोन मुबा। तर येशू थेनीगदे मुबा ग्लारी फेखसी थेनीगदेला गुडरी राप्सी धन्छ्याजी, ओच्छे “एनीगदेदा शान्ति तगै!” भिसी सुङ्गी। २७ जमाहेन्स येशूस हराङ्गला छ्या उन्बान थोमादा “एला या जुम्बी चुरी थान्गो, ओच्छे डाला या च्यागो। ओच्छे एला यास डाला राइरी थुसी च्यागो। एस शङ्का थालउ, तर विश्वास लउ” भिसी सुङ्गी।

२८ थनोन धुइरी थोमास येशूदा “डाला परमुदेन परमेश्वर!” भिसी भिजी।

२९ येशूस थदा “एस डादा मराङ्गबास लमा विश्वास लबा आहिन? तर जुन म्हिस डादा आमराङ्गसेनोन विश्वास लला, थस गात ल्हानान मोलम याङ्गला” भिसी सुङ्गी।

३० येशूस हराङ्गला चलागदला डाच्छा ल्हानान उदेकला गेदेन शक्तिशाली गेगदे लबा मुबा, थ तामगदे चु किताबरी भिरबा आर। ३१ तर एनीगदेस येशू परमेश्वरला झा थार्बा पिन्वा खरीष्ट हिन्ना भिसी विश्वास लगे भिसीन चु किताब भिरबा हिन्ना। थदा विश्वास लसी एनीगदेस जुकजुकथोनाला जुनी याङ्गै।

येशू हराङ्गला चला निस मुबा ग्लारी फेखबा

१ जमाहेन्स येशू दोःसी गालील अञ्चलला तिबरियास भिबा समुन्दरला कुनीरी हराङ्गला चलागदे मुबा ग्लारी फेखजी।

चुहरङ्ग लसी येशू थेनीगदे मुबा ग्लारी फेखजी। २ थरी सिमोन पतरुस, दिदुमस भिबा थोमा, गालील अञ्चलला काना भिबा शहरला नथानलदेन जब्दियाला झा न्ही, ओच्छे स्थान्दो चला न्ही पाप तसी चिबा मुबा। ३ सिमोन पतरुसस हराङ्गला हरोगदेदा “दाहेन्स डा मी तार्डा साइबारी निला” भिसी भिमा, थला हरोगदेस “डनीएनोन एदेन छ्यामनोन निला” भिसी भिजी। जमाहेन्स थेनीगदे दौंगारी करःजी। तर थेनीगदेस म्हन गिकरी तार्डा गिकनोन चुङ्गबारी आसम्नी।^k

४ थाल तबारी छ्याइबा धुइरी येशू समुन्दरला कुनीरी राप्सी धन्छ्याबा मुबा। तर चलागदेस येशून हिन्ना भिसी डाआसनी। ५ येशूस थेनीगदेदा “कोलागदे, एनीगदेदेन छ्याम तार्डा मुला?” भिसी डयोइमा, थेनीगदेसे “आर” भिसी भिजी। ६ येशूस थेनीगदेदा “एनीगदेसे दौंगाला दाहिनेपट्टि घ्याङ्ग रोप्पो तार्डा स्याप्ला” भिसी सुङ्गी। थेनीगदेसे येशूस सुङ्गला ग्लारी घ्याङ्ग रोप्पा ल्हानान तार्डा स्याप्लासे लमा घ्याङ्गनोन छेङ्गबारी आसम्नी।^l ७ येशूस माया लबा चलासे पतरुसदा “थ मी परमु गा चीम” भिसी भिजी। “थ मी परमु गा चीम” भिबा थःसी सिमोन पतरुस हराङ्गला क्वान करप्सरी खीसी समुन्दररी वाङ्गी। तिगदा भिसम थस क्वान स्युबा मुबा। ८ तर स्थान्दो चलागदे चा दौंगारीन चिसी तार्डासे प्लिङ्गला घ्याङ्ग छेङ्गबान समुन्दरला कुनीरी खजी। समुन्दरला कुनीग्याम थेनीगदे ल्हाना थारङ्ग आरमुबा, ओस्पन ग्यार्जा गिक मिटर त जे थारङ्ग मुबा। ९ समुन्दरला कुनीरी धोखमाहेन्स थेनीगदेस मेभुप्यारी तार्डा मराङ्गी ओच्छे गेङ्गएनोन मराङ्गी।

१० येशूस थेनीगदेदा “एनीगदेस भखर चुङ्गला तार्डा जजाकी भउ” भिसी सुङ्गी।

११ जमाहेन्स सिमोन पतरुस दौंगारी करःसी घरेन घरेन तार्डासे प्लिङ्गला घ्याङ्ग छेङ्गबान पाखारी भजी। थरी ग्यार्जा गिकसे बोगल न्हीसे च्युक सोम तार्डा मुबा। ओते ल्हाना मुसैनोन घ्याङ्ग चा आदेनी। १२ येशूस थेनीगदेदा “चबारी खउ” भिसी सुङ्गी। तर चलागदे खालेसन येशूदा “हराङ्ग खाल हिन्ना?” भिसी डयोइबा सम आलनी। तिगदा भिसम येशू परमु हिन्ना भिसी थेनीगदेसे डोसेसी जिन्वा मुबा। १३ येशू फेखसी

थनीगदेदा गेडदेन तार्डी पिन्जी। १४ येशूदा सिबाग्याम सोना लमाहेन्स हराडला चेलागदे मुबा ग्लारी फखबा चु सोमरमला पालरी मुबा।

येशूदेन पतरुस

१५ थनीगदेस चसी जिन्माहेन्स येशूस सिमान पतरुसदा “यूहन्नाला झा सिमान, तिग एस डादा चुगदेस भन्दा ल्हाना माया लला ?” भिसी सुड्जी।

जमाहेन्स पतरुससे येशूदा “हिन्ना परमु, डाइ हराडदा माया लमुला भिबा ताम हराडदान था मुला” भिसी भिमा, येशूस थदा “थहरड् भिसम एस डाला ग्युला कोलागदेदा ज्यना लसी छउ” भिसी सुड्जी।

१६ येशूस दोःसी, “यूहन्नाला झा सिमान, तिग एस डादा माया लला ?” भिसी सुड्जी।

जमाहेन्से थसे येशूदा “हिन्ना परमु, डाइ हराडदा माया लमुला भिबा ताम हराडदान था मुला” भिसी भिमा, येशूस थदा “थहरड् भिसम एस डाला ग्युगदेदा ज्यना लसी च्यागो” भिसी सुड्जी।

१७ येशूस दोःसीनोन थदा “यूहन्नाला झा सिमान, तिग एस डादा माया लला ?” भिसी सुड्जी।

येशूस चुहरड् लसी सोमरमधोना “तिग एस डादा माया लला ?” भिसी सुड्बास लमा ल्हानान आज्यना इहम्सी पतरुससे येशूदा “परमु, हराडदा जम्मान ताम था मुला। डाइ हराडदा माया लमुला भिबा ताम एनोन हराडदा था मुला” भिसी भिजी।

जमाहेन्स येशूस थदा चुहरड् भिसी सुड्जी, “थहरड् भिसम एस डाला ग्युगदेदा ज्यना लसी छउ। १५ एस डाला ताम ज्यान्गो, ए म्योन मुबा धुइरी एस हराडला केः हराडसेन सीमुबा, ओच्छे

जुन ग्लारी निबा सेम लमुबा थरीन निमुबा। तर खेप्रा दोमाहेन्स एस तिगै लबारी आखम, एदा स्थान्दो गिहस केः सीसी पिन्ना ओच्छे जुन ग्लारी एदा निआम्हन थरीन एदा भोर्लो” भिसी सुड्जी। १९ चु ताम चा परमशवरदा मान लबादेन जयजयकार लबारी पतरुस खाहरड् लसी सितोःला भिसी येशूस सुड्बा हिन्ना। चु ताम सुड्सी जिन्माहेन्स येशूस पतरुसदा “ए डादेन छयाम भरउ” भिसी सुड्जी।**

येशूस माया लबा चेला

२० पतरुससे ग्याप दोःसी च्यामा येशूस माया लबा चेला लिच्छा लिच्छा खबान लबा मराड्जी। चुनोन चेलासे भोज चबा धुइरी येशूला डामरी चिसी, “परमु, हराडदा चुड्सी पिन्बा मिह खाल हिन्ना ?” भिसी ड्योडबा मुबा। २१ थदा मराड्सी पतरुससे येशूदा “चुला चा तिग तला ?” भिसी ड्योडजी।

२२ जमाहेन्स येशूस पतरुसदा “डा आखतधोना थसे डादा भरान्सी चिइ भिबा डाला सेम मुसेनोन एदा तिगदा तोःजी ? ए चा डादेन छयाम भरउ” भिसी सुड्जी। २३ थतबासलमा थ चेला आसिनम भिबा ताम स्थान्दो चेलागदेसे था याड्जी। येशूस मी थ आसि भिसी सुड्बा आरमुबा, तर “डा आखतधोना थसे डादा भरान्सी चिइ भिबा डाला सेम मुसेनोन एदा तिगदा तोःजी ?” भिसी जे सुड्बा मुबा।

२४ चुनोन चेलासे चु जम्मान ताम पाड्बा हिन्ना, ओच्छे थसेन चु ताम भिरबा हिन्ना। थसे पाड्बा तामदेन भिरबा ताम सत्य मुला भिसी डन्दा था मुला।

२५ येशूस अर्गुएनोन ल्हानान गेगदे लबा मुला। थ जम्मान गला बाररी भिरबा हिन्सम चु किताबगदे जम्बुलिङ नाडनोन आवाडसला मुबा भिसी डाइ म्हन्मुला।

§२१:१५ “ग्युला कोलागदे” भिबा चा येशूदा विश्वास लबा मिहगदे हिन्ना।

**२१:१९ ल्हाना हरडबा बाइबल विद्वानगदेसे पतरुसदा बोगल गिकस च्युइ दिङ लिच्छा थोबो ग्युरो लसी करुसरी टागब लसी साइजी भिसी पाड्बा मुला।

मुल चलागदला गे

चु किताबला बाररी पाडतो:मा

भिरबा म्हि: येशूला मुल चला पावलला हरो लूकास भिरबा मुबा (२ तिमोथी ४ :११)। थं अर्गुं य्हूलला म्हि हिन्ना। थं डाक्टर मुबा (कलस्सी ४ :१४)। थसं थार्बा पिन्बा समाचारएनोन गिक भिरबा मुबा।

भिरबा ग्ला: रोम शहररी भिरबा मुबा।

भिरबा साल: ओस्पन ईशवी संवत् ६०-७० (विकरम संवत् ११७-१२७) सालला गुडरी भिरबा मुबा। लूकास थार्बा पिन्बा समाचार भिरमाहेन्स चु किताब भिरबा मुबा। चु किताब न्ही चा भो गिकदेन भो न्ही हरड्बा मुबा।

खाल्दा भिरबा : येशूला मुल चलागदेस लबा गेगदे धोना लबाला लागिरी थियोफिलस भिबा म्हिदा भिरबा हिन्ना।

चु किताब लूकास हराडसे भिरबा “थार्बा पिन्बा समाचार” भिरसी जिन्माहेन्स भिरबा मुबा। चु किताबदा नेपाली बाइबलरी “पररित” भिसी भिरबा मुला। चु किताबरी पाडबा मुल ताम चा परभु येशूला जम्मान भन्दा डाच्छाला चलागदेसं खाहरड लसी परमेश्वरला आत्माला शक्ति याडसी थार्बा पिन्बा समाचार यरूशलेमहेन्स जम्बुलिडला कानाकुनी जम्मान ग्लारी धोना लजी भिसी पाडबा हिन्ना (मुल चला १ :८)। चु ताम यहूदीगदग्याम शुरु तसी लिच्छा जम्बुलिडला जम्मान म्हिगदला लागिरीनोन येशूदा तेन्बा ग्याम दोबा हिन्ना। चु किताबरी ख्रीष्टियानगदे रोमी सरकारदा बिरोध लबागदे आहिन, तर ख्रीष्टियानगदेस लबा विश्वासग्याम यहूदी धर्मला गे पूरा तबा हिन्ना भिबा ताम पदब लबागदेस धोगे भिसी भिरबा मुला।

चु किताबरी मुल चलागदला गे भो सोमरी भिरबा मुल।

(क) येशू स्वर्गरी फेम्माहेन्से यरूशलेम शहररी थार्बा पिन्बा समाचार थे:ना लबा।

(ख) प्यालेस्टाइन भिबा य्हुल्साला ग्ला ग्लारीनोन थार्बा पिन्बा समाचार थे:ना लजी।

(ग) अर्गुं य्हुल्साला जम्मान म्हिगदला गुडरी थार्बा पिन्बा समाचार थे:ना लजी।

थहरड लसीन यूरोपदेन अफिरकाला गुडरी मुबा घेरन समुन्दरला कानाकुनी परब तबा य्हुल्सागदेदेन रोम य्हुल्साधोनान थार्बा पिन्बा समाचार थे:जी।

चु किताबला मुल ताम चा परमेश्वरला आत्मास लबा गेला बाररी हिन्ना। परमेश्वरला आत्मा पन्तिकोसला धिनकुनु यरूशलेम शहररी मुबा विश्वासीगदला गुडरी शक्तिरी फेम्बजी। थहरड लसीन चु किताबरी मुबा तामगदग्याम मण्डलीदेन मण्डलीदा च्याबा म्हिगदेदा हरो लबा ताम ओच्छे थनीगदेदा विश्वासी कोडना लबा तामगदे उन्बा मुला। चु किताबरी भिरबा तामगदेस विश्वासीगदे खाहरड लसी भर्तो:ला भिबादेन संगतीरी थं थार्बा पिन्बा समाचारला शक्ति खाहरडबा मुबा भिसी उन्बा मुला।

मुल तामगद

येशू स्वर्गरी फेम्बा धुडला ताम ओच्छे येशूस कुल्बादेन कबुल लबा ताम १ :१-१४

यहूदाला साटोरी स्थान्दादा मुल चला स्होबारी धम्बा १ :१५-२६

यरूशलेम शहररी थार्बा पिन्बा समाचार थे:ना लबा २ :१-८ :३

यहूदियादेन सामरिया अञ्चलरी थार्बा पिन्बा समाचार थे:ना लबा ८ :४-१२ :२५

डाच्छा रोम पावल थार्बा पिन्बा समाचार थे:ना लबारी निबा १३ :१-१४ :२८

यरूशलेम शहररी चिबा सभा १५ :१-३५

न्ही रमला पालरी पावल थार्बा पिन्बा समाचार थे:ना लबारी निबा १५ :३६-१८ :२२

सोम रमला पालरी पावल थार्बा पिन्बा समाचार थे:ना लबारी निबा १८ :२३-२१ :१६

यरूशलेमदेन कैसरिया ओच्छे रोम शहररी पावलदा झ्याल्खानरी झाड्बा २१ :१७-२८ :३१

मुल चलागदला गे

परमेश्वरसे हराडला आत्मा
पिन्ना भिसी लबा कबुल

१-२ लासो, थियोफिलस, फ्याफुल्ला, डाइ
१ हराडदा येशूस गे शुरु लबाहेन्से स्वर्गरी
आभार्तधोना थसं लबादेन लोम्बा जम्मान
तामला बाररी डाच्छान भिरसी जिन्बा मुला।

११३ चु तबा भन्दा डाच्छा येशूसे परमेश्वरला आत्माग्याम हराडसे धम्बा मुल चलागदसे तिग गे लतोःला भिसी सुड्बा मुबा। ११३ येशू सिसी जिन्माहन्से हराडदा सिबाग्याम सोना लबा मुला भिबा ताम ल्हानान ग्यामसे उन्बाला लागिरी बागल न्ही धिनधाना हराडला चलागद मुबा ग्लारी फख्जी। ओच्छे थनीगददा परमेश्वरला यहुत्साला बाररी सुड्जी।

११४ तिरकुनु थनीगददेन छ्याम धन्ड्यासी सोल छ्याइबा धुइरी येशूसे थनीगददा चुहरड् भिसी कुल्जी, “एनीगद यरूशलेम शहर रूलासी खानडएनोन थानिउ। परमेश्वर आबासे हराडला आत्मा पिन्ना भिसी लबा कबुल आयाडतेधोना भरान्सी चिउ। थ कबुलला बाररी डाइ एनीगददा डाच्छान पाड्सी जिन्वा मुला। ११४ तिगदा भिसम यरूहन्नासे क्युडग्याम बप्तिस्मा पिन्जी, तर दाहन्से तिगे धिन लिच्छा एनीगदला बप्तिस्मा परमेश्वरला आत्माग्याम #तला।” P

येशू स्वर्गरी फखा

११५ थतबासलमा थनीगद पोप तसी चिबा धुइरी चलागदसे येशूदा “परमु, दान्दे हराडसे इसराएल यहुत्सादा दोःसी छार स्होबारी छ्याइबा हिन्ना?” भिसी ड्याडजी।

११६ येशूसे थनीगददा चुहरड् भिसी सुड्जी, “चु ताम परमेश्वर आबासे तोगब लबा धिनदेन धुइगदरी तनोन तला। तर थ तामगद घोबारी म्हाइबा एनीगदला गे आहिन। ११६ तर परमेश्वरला आत्मा एनीगदथारी फख्माहन्से एनीगदसे शक्ति याड्ला। जमाहन्से एनीगद यरूशलेमहन्से यहुदियादेन सामरिया अञ्चलरी, ओच्छे जम्बुलिडला कनाकुनीधोना डाला साक्षी दोला।” १

११७ येशूसे चुहरड् सुड्माहन्से थनीगदसे च्याना च्यानान येशूदा स्वर्गरी भोजी। ओच्छे येशूदा खसुसे घन्जी। जमाहन्से थनीगदसे येशूदा आम्राड्नी।

११८ थनीगदे एकोहोरो तसी मुपट्टि च्यासी चिबा धुइरी तिक्सुरीन तार क्वान क्वान्बा म्हि न्ही ११८ थनीगदला डामरी राप्जी। ११९ ओच्छे थ म्हि न्हीसे थनीगददा “गालीलला म्हिगद, तिगदा एनीगद मुपट्टि च्यासी राप्सी चिबा? एनीगद मुबाग्याम स्वर्गरी फखा चुनोन येशू दान्दे एनीगदसे खाहरड् लसी स्वर्गरी फखान लबा मराड्बा मुला। थहरड् लसीन थ दोःसी फखला” भिसी भिजी।

यहुदाला ग्लारी मतियासदा थान्बा

१२० जमाहन्से थनीगद जैतून भिबा गडग्याम यरूशलेमपट्टि दोःजी। थग्याम यरूशलेम शहररी धोबारी ओस्पन किलोमिटर गिक ते भरदोमुबा। १२१ शहररी धोमाहन्से थनीगद हराड चिबा दिमला तलाथोला कोठारी वाड्जी। थनीगद पतरुस, यरूहन्ना, याकूब, अन्दर्यास, फिलिप, थोमा, बारथोलोमाइ, मत्ती, अल्फयसला झा याकूब, हराडला यहुत्सादा माया लबा म्हि भिबा सिमोन ओच्छे याकूबला झा यहुदा मुबा। १२२ कोड कोड मिरडम्हेमगददेन येशूला आमा मरियम ओच्छे येशूला आलगदएनोन थनीगददेन छ्याम सेम गिक लसी परार्थना लबाला लबान मुबा।

१२३ तिरकुनु थरी परमु येशूदा विश्वास लबा म्हिगद ओस्पन ग्याजा गिकसे बागल गिक हरुप तबा मुबा। थ धुइरी पतरुस थनीगदला डाच्छापट्टि राप्सी चुहरड् भिबारी छ्याइजी, १२४ “ज्याज्या आते नाना आडागद, परमेश्वरला बचनरी येशूदा चुड्बा म्हिगदला नेता यहुदाला बाररी दाऊद ग्लसे डाच्छान परमेश्वरला आत्माग्याम पाड्बा मुबा। थ बचनरी मुबा ताम पूरा तनोन तोःबा मुबा। १२५ यहुदाएनोन डनीगद न्हडला गिक मुबा। डन्से हरडनोन परमुला गे लबाला लागिरी थदाएनोन धम्बा मुबा।”

१२६ ओच्छे यहुदासे आज्यबा गे लसी स्होबा टाडगासे बु गिक ग्लुजी। थ बुरी हराडनोन

१११ १-२ थियोफिलसदा डाच्छा भिरसी पुड्बा किताब चा लूकाला किताब हिन्ना (लूका १:३)।

११२ १२ परमेश्वरला आत्मा बप्तिस्माला बाररी मुल चला २:१-१३ स्होगा।

११३ १० “तार क्वान क्वान्बा म्हि न्ही” चा स्वर्गदूतगद हिन्ना।

११४ १-२ लूका १:१-४ ०१:४ लूका २४:४९; यहु १४:२६

११५ १२ मत्ती ३:११; मर्कू १:८; लूका ३:१६; यहु १:२३

११६ २८ मत्ती २८:१९; मर्कू १६:१५; लूका २४:४७-४८

११७ १९ मर्कू १६:१९; लूका २४:५०-५१

११८ १३ मत्ती १०:२-४; मर्कू ३:१६-१९; लूका ६:१४-१६

सिसी सरी हिरल्मा थला फो थिसी गरूड फो थोन्जी। ११ थ ताम यरूशलेमला जम्मान म्हिगदसे था याड्जी, ओच्छे थनीगदसे थ बुला मिन हराड्लान ग्याइरी “आसल्लदामा” भिसी थान्जी। थला अर्थ चा काला बु भिबा हिन्ना।

२० पतरुससे दोःसी चुहरड् भिसी भिजी,
“थला दिम थान्थान तगे, थरी सात्ते थाचिगे।”
ओच्छे

थस याड्बा अधिकार स्थान्दोसेन जिम्मा किन्गे”
भिसी व्हाइला किताबरी §§भिरबा मुला। ॥

२१ थतबासलमा यहूदाला ग्लारी व्हाड्देन
छयाम मुबा म्हिगदे न्हडला गिक धम्तोःबा
मुला। थ म्हि चा व्हाड् परमु यशूदेन छयाम
मुबा धुइरी सदन व्हाड्देन छयामनोन भरबा
म्हि ततोःला। २२ थ म्हि यहून्नासे बप्तिस्मा
पिन्बा धुइहेन्से परमु येशू व्हाड् मुबाग्याम
स्वर्गरी भोर्बा धुइधोना व्हाड्देन छयामनोन
मुबा म्हि ततोःला। ओच्छे थ म्हि व्हाड्देन
छयाम तसी परमु येशू सिबाग्याम सोजी भिबा
तामला साक्षी ततोःला। ॥^v

२३ जमाहेन्से थरी मुबा म्हिगदसे म्हि
न्हीला मिन पिन्जी। थ न्हीला मिन युस्तस
भिबा योसफ बारसाबासदेन मतियास मुबा।
२४ थनीगदसे चुहरड् भिसी परार्थना लजी,
“परमु, हराड्दा जम्मान म्हिला सेमला
ताम था मुला। थतबासलमा चु न्ही न्हडरी
हराड्से खाल्दा धम्बा, इन्दा उन्सी पिन्ना।
२५ ओच्छे थ म्हिसे चा यहूदासे लबा मुल
चेलाला ग लखम्गे। तिगदा भिसम यहूदा चा
थे ग ख्तासी थ जुन ग्लारी नितोःमुबा थनोन
ग्लारी निसी सिजी।” *२६ जमाहेन्से थनीगदसे
थे म्हि न्हीला मिनरी चिट्ठा युजी, थ चिट्ठा
मतियासला मिनरी परब तजी। जमाकुनुहेन्से
थेदा च्युक गिक मुल चलागददेन छयाम
झ्याजी।

परमेश्वरला आत्मा फेख्वा

१ पन्तिकोसला धिनकुनु परमु येशूदा
२ विश्वास लबा म्हिगदे जम्मान ग्ला
गिकरीन पोप तबा मुबा। ३२ थ धुइरी तिख्खुरी
स्वर्गग्याम लाबा खबा हरड्बा धरेन काइ
सजी। थ काइसे थनीगदे चिबा दिम पित्ङ्जी।
३ ओच्छे मेला ल्हाम हरड्बा व्हागदे थनीगदे
हराड् हराड्थारी भो भो तसी चिबा मराड्जी।
थ मेला ल्हाम चा ले हरड्बान मराड्मुबा।
४ जमाहेन्से थनीगदे जम्मान परमेश्वरला
आत्मासे पित्ङ्जी। ५ ओच्छे परमेश्वरला
आत्माग्याम पाड्सम्बा शक्ति याड्सी
थनीगदसे पाड्आसबा अर्गु ग्याइगदरी ताम
पाड्बारी छयाइजी

५ थ धुइरी परमेश्वरला तेन्बा यहूदीगदे
जम्बुलिङ्गला जम्मान व्हुल्साग्याम
यरूशलेमरी खसी चिबा मुबा। ६ चुहरड्बा
काइ थेःमाहेन्से थरी म्हिगदे पोप तजी।
ओच्छे परमु येशूदा विश्वास लबा म्हिगदसे
हराड् हराड्दला ग्याइरी ताम पाड्बा मराड्सी
थनीगदे उदक म्हन्जी।

७ जमाहेन्से थनीगदे उदक तसी चुहरड्
भिबारी छयाइजी, “तिग चु ताम पाड्बा
जम्मान म्हिगदे गालीलला आहिन? ८ तर
चुगदसे साहरड् लसी व्हाड् हराड् हराड्दला
ग्याइ पाड्सम्जी! ९ व्हाड् चुरी पार्थीला
म्हिगदे, मादीला म्हिगदे, एलामला म्हिगदे,
मसापाटामीयाला म्हिगदे, यहूदियाला म्हिगदे,
कापाडोकियाला म्हिगदे, पान्टसेदेन एशियारी
चिबा म्हिगदे हिन्ना। १० ओच्छे फिरगियाला
म्हिगदे, पामफिलियाला म्हिगदे, मिशरदेन
कुरनीरी परब तबा लिबियाला डाम डामला
ग्लागददेन रोमग्याम खबा ११ यहूदीदेन यहूदी
धर्म तेन्बा अर्गु व्हुलला म्हिगदे मुला। ओच्छे
करेट व्हुल्सारी चिबा म्हिगददेन अरबीला
म्हिगदेएनोन मुला, थनीगदसे मी व्हाड्दला

§§१ :२० व्हाइला किताब भिबा चा भजनसंगरह हिन्ना। “थस याड्बा अधिकार स्थान्दोसेन जिम्मा किन्गे” भिबा चा यहूदास लबा खरीष्टला ग स्थान्दा म्हिसे लगे भिबा हिन्ना।

*१ :२५ “यहूदा हराड्लान ग्लारी निसी सिजी” भिबा चा थ नर्गरी निजी भिबा हिन्ना।

†२ :४ “परमेश्वरला आत्मासे पित्ङ्जी” भिबा चा म्हिदा परमेश्वरला आत्माला शक्तिसे पूरान चलब लबा हिन्ना।

५ :११ मती २७ :३-८

५ :२० भजन ६९ :२५ ; १०९ :८

५ :२२ मती ३ :१६ ; मर्कू १ :९ ; १६ :१९ ;

लूका ३ :२१ ; २४ :५१

५२ :१ लेवी २३ :१५-२१ ; व्यव १६ :९-११

ह्राड ह्राडलान ग्योडरी परमेश्वरसे लबा घरेन गेला बारी पाडबान चीम।

१२ चुहरडबा मराडसी थनीगदे जम्मान उदेक तसी अलमल तसी गिकसे गिकदा “चु तिग तबा ?” भिसी ड्योडबा छार्बा लबारी छ्याडजी। १३ तर स्थान्दागदसे थनीगदेदा “चुगदे मी कलिलो निडगुसे ड्योडजीम” भिसी सिसी लजी।

पतरुससे म्हिला हुलदा धोना लबा

१४ जमाहेन्से पतरुस च्युक गिक चलागदेदेन छ्याम राप्सी जजाकी डाच्छा निसी घरेन काडरी चुहरड भिसी भिजी, “यहूदिया अञ्चलग्याम ज्योडखबा यहूदी हरोगदेदेन यरूशलेमरी स्थूबा जम्मान म्हिगदे चु तिग तबा हिन्ना डाइ ह्राडनीदा धोना लला। ह्राडनीसे डाला ताम ज्यना लसी ड्यान्गो। १५ ह्राडनीसे म्हन्बा हरड चुगदे ड्योडबा आर। दान्दे स्थूलो ना बजब जे तबा मुला, चु धुडरी खालेसन निडगु आथुड। १६ तर चु ताम तला भिसी योएल अगमवक्तासे पाडबा मुबा।

१७ परमेश्वरसे सुडबा मुला, लिच्छाला धिनरी डाइ जम्मान म्हिगदेथारी डाला आत्मा पुडखला, जमाहेन्से एनीगदला झा झामगदसे अगमवाणी पाडला, ओच्छ एनीगदला ठिटा कोलागदसे परमेश्वरसे उन्बा ताम मराडला, ओच्छ एनीगदला आस मम म्हमगदसे म्हाड मराडला।

१८ थ धिनकुनु नोकरगदेथारीनोन डाइ डाला आत्मा पुडखला,

ओच्छ थनीगदसे लिच्छा तसेला ताम डाच्छान पाडला।

१९ डाइ तोर मुरी उदेकला गेगदेदेन मार जम्बुलिडरी उदेकला चिनुगदे उन्ना।

चु चिनुगदे चा का, मेदेन म्युगुला मुस्तो हिन्ना।

२० परमपरमु फेखबा घरेन य्हाल य्हाल्वा धिन भन्दा डाच्छा धिनी धोपधोप तला

ओच्छ लनी का हरडबान वाला तला।

२१ ओच्छ जुन म्हिसे परमपरमुदा डादा हरो लउ भिसी भिला, थ म्हिसे थार्बा याडला।^x

२२ “इसराएलला म्हिगदे डाला ताम ड्यान्गो, परमेश्वरसे येशूग्याम ह्राडनीला गुडरी शक्तिशाली गेगदे लबान उदेकला चिनुगदे उन्बा ताम ह्राडनीदा थानोन मुला। थ चिनुगदेग्याम परमेश्वरसे नासरतला येशूदा डाइनान पुडखबा हिन्ना भिसी उन्बा मुबा। २३ परमेश्वरसे डाच्छान म्हन्बा अन्छार येशूदा ह्राडनीसे चुडजी। ओच्छ येशूदा ह्राडनीसे पापी म्हिगदला यारी जिम्मा पिन्सी करूसरी टोंगब लसी साइपुडजी। २४ तर येशूदा सिबाला शक्तिस साइबाला साइबान लबारी आसम्नी। तिगदा भिसम परमेश्वरसे येशूदा सिबाला दुखग्याम फेसी सोना लजी। २५ तिगदा भिसम दाऊद ग्लेसे येशूला बारी चुहरड भिबा मुला, ‘डाइ परमुदा सदन डाला डाच्छापट्टि मराडमुला।

थे डादेन छ्यामनोन मुला।

थेतबासेलमा डाइ तिगे तामरी धन्दा सुदा लआतो:।^a

२६ थेतबासेलमा डा समहेन्सेन ताडबा मुला, ओच्छ ताडबान डाइ समहेन्सेन डाला सुडग्याम परमुला जयजयकार लबा मुला।

ओच्छ डाला ल्हुइ सिसी निसेनोन डा दो:सी सोला भिसी डाइ परमुथारी आश लबा मुला।

२७ तिगदा भिसम ह्राडसे डाला पराणदा सिबागदे निबा ग्लारी आखला।

ओच्छ ह्राडदा जे तेन्बा म्हिला ल्हुइदा ह्राडसे नइना आल।

२८ ह्राडसे डादा डा दो:सी सोला भिबा ताम उन्बा मुला,

ओच्छ ह्राड डादेन छ्याम तसी डादा ल्हानान ताडना लला।^f

२९ “ज्याज्यो आले नाना आडागदे, डाइ य्हाडला म्हमे दाऊद ग्लेला बारी दुक्क तसी पाडला। थ सिसी ल्हुजी, ओच्छ दान्देधोना थेला धुसा मुनोन मुला। ३० दाऊद ग्ले अगमवक्ता तबासे लमा थेला ग्लारी ह्राडलान सन्तानना गिकदा परमेश्वरसे ग्ले स्थूला भिसी परमेश्वरसे कबुल लबा ताम थेदा था मुबा। ३१ परमेश्वरसे लिच्छा तिग लला भिसी दाऊदसे डाच्छान मराडमुबा। थेतबासेलमा

x २:२१ योए २:२८-३२ १२:२३ मत्ती २७:३५; मर्कू १५:२४; लूका २३:३३; यूह १९:१८

२:२४ मत्ती २८:५-६; मर्कू १६:६; लूका २४:५ ३२:२५ भजन १६:२-११

७२:३० भजन १३२:११; २ शमू ७:१२-१३

थेसे थाबां पिन्बा खरीष्ट सिबाग्याम सोला भिसी चुहरड भिसुबा, थंदा सिबागदे निबा ग्लारी आख्लानी ओच्छे थला सिबा ल्हुइ नइना आलनी।

३२ “ओच्छे चुनोन येशूदा परमेश्वरसे सिबाग्याम सोना लजी। चु तामला इनी जम्मान साक्षी मुला। ३३ परमेश्वर आबासं येशूदा धरं मान पिन्सी हराडला दाहिन छ्यापट्टि थान्जी, ओच्छे कबुल लबा अन्छार परमेश्वरसे येशूदा हराडला आत्मा पिन्जी। दान्द हराडनीसे मराडबा चु तामदेन थेबा तामगदे थनोन परमेश्वरला आत्मा परभु येशूसे इन्दा पिन्बा हिन्ना। ३४-३५ दाऊद हराडनोन स्वर्गरी आनिनी, तर थेसे चुहरड भिसी भिबा मुला,

‘परमपरभुसे डाला परभुदा चुहरड भिसी सुडबा मुला,

डाइ एला शतरुगदेदा भरेना आलतेधोना

ए डाला दाहिन यापट्टि चिउ’०

३६ “थेतबासलमा इसराएलला जम्मान म्हिगदेसे चु ताम पक्का हिन्ना भिसी था याडगै, जुन येशूदा हराडनीसे करुसरी टांगब लसी साडबा मुबा, थनोन येशूदा परमेश्वरसे परभुदेन थाबां पिन्बा खरीष्ट स्होबा मुला।”

३७ जमाहेन्स पतरुसला ताम थेसी थनीगदला समरी ल्हानान दुख तजी, ओच्छे पतरुसदेन स्हान्दो मुल चलागददा “दाहेन्स इन्स तिग लतोःला ज्योज्यो आले?” भिसी ड्याडमा,

३८ पतरुससे थनीगदेदा चुहरड भिसी जोहाब पिन्जी, “दाहेन्स एनीगदेसे हराड हराडला पाप ख्लासी परमेश्वरपट्टि दोःगो। ओच्छे पाप माफ याडबाला लागिरी एनीगदेसे येशू खरीष्टला भिनरी बप्तिस्मा किन्गो। जमाहेन्स एनीगदेसे परमेश्वरला आत्माला मोलम याडला। ३९ तिगदा भिसम परमेश्वरसे लबा चु कबुल एनीगदेदेन छ्याम एनीगदला कोलागदला लागिरी हिन्ना, ओच्छे स्हाडला परभु परमेश्वरसे ड्योडबा थारड थारड चिबा जम्मान म्हिगदला स्लागिरीनोन हिन्ना।”

४० ओच्छे पतरुससे ल्हानान तामग्याम होशियार तना लजी। ओच्छे थनीगदेदा अर्ती

पिन्बान, “दान्देल्ला नइबा म्हिगदेथोरी खबारी छ्याडबा सजायग्याम एनीगदे हराडनोन जोगब तसी चिउ” भिसी भिजी।

४१ जमाहेन्स ल्हानान म्हिगदेसे पतरुससे पाडबा तामरी विश्वास लसी बप्तिस्मा किन्जी। थनोन धिनकुनु थनीगदला गुडरी विश्वास लबा म्हिगदे ओस्पन हजार सोम ते बढब तजी।

विश्वासीगदला संगती

४२ जमाहेन्स थनीगदेसे मुल चलागदेसे लोन्बा ताम ड्यान्मुबा, संगती लमुबा, परभु भोज चमुबा, ओच्छे सम गिक तसी सदन प्रार्थना लमुबा। ४३ मुल चलागदेसे ल्हानान उदकला गगदेदेन उदकला चिनुगदे उन्जी। थेतबासलमा जम्मान म्हिगदेसे परमेश्वरदा ल्हानान मान लजी। ४४ परभुदा विश्वास लबा जम्मान म्हिगदे ग्ला गिकरीन हरुप तमुबा, ओच्छे थनीगदेदेन छ्याम मुबा स्हगदे जम्मालान हिन्ना भिसी चलब लमुबा। ४५ ओच्छे थनीगदेसे हराडदेन छ्याम मुबा सम्पत्तिदेन मालसामान चूडसी जुन जुन म्हिदा जुन जुन स्ह खोचो तबा मुला थ स्ह जम्मानान भो लसी पिन्मुबा। ४६ ओच्छे थनीगदे धिन धिननोन जम्मान सम गिक तसी परमेश्वरला मन्दिररी हरुप तमुबा। ओच्छे थनीगदे दिम दिमरी निसी परभु भोज चबादेन ज्यबा सम थासी ताडसी चबा थुडबा लमुबा। ४७ ओच्छे सदन परमेश्वरला जयजयकार लमुबा। स्हान्दो म्हिगदेसे थनीगदेदा ज्यबा म्हि भिसी भिसुबा। ओच्छे थाबां याडबा म्हिगदे धिन धिननोन परभुसे थनीगदला गुडरी बढब लसी पिन्जी।

कुज्या म्हि गिकदा खम्ना लबा

१ तिरकुनु पतरुसदेन यूहन्ना धिनना तीन
२ बजेरी परमेश्वरला मन्दिररी निबान मुबा। थे धुइ चा प्रार्थना लबा धुइ मुबा। २ परमेश्वरला मन्दिर न्हडरी वाडबा म्हिगदेदेन छ्याम टाडगा हरीगै भिसी न्हमाहेन्सन कुज्या मुबा म्हि गिकदा म्हिगदेसे सदन परमेश्वरला मन्दिररी वाडबा मरापरी भसी थान्मुबा। थे मरापदा जेबा मराप भिसी भिसुबा। ३ थ कुज्या म्हिसे पतरुसदेन यूहन्ना परमेश्वरला मन्दिर

३२:३९ “थारड थारड चिबा जम्मान म्हिगदे” भिबा चा लिच्छा लिच्छाला म्हिगदे अथवा थारड थारडला ग्ला हिन्ना।

न्हडरी वाडबारी छुयाइबा मराडसी टाडगा हरीजी। ४जमाहेन्से पतरुसदेन यूहन्नासे थं म्हिदा ज्यना लसी च्याजी, ओच्छे पतरुससे थंदा “डन्दा च्यागो” भिसी भिजी। ५थतबासलमा थनीगदसे तिगे पिन्ना वा भिसी थं कुज्या म्हिसे थनीगददा सम लसी च्याजी। ६जमाहेन्से पतरुससे “डांदेन छुयाम म्हरदेन म्हुइ आरे। तर डांदेन छुयाम तिग मुला थं डाइ एदा पिन्ना। नासरतला येशू खरीष्टला भिनरी ए रे:सी मरउ!” भिसी भिजी। ७ओच्छे थंसे थं कुज्या म्हिदा दाहिन यारी चुडसी थीजी, थोमैछुयाम थं कुज्या म्हिदा काडंदेन काडला जी जीरी मड वाडजी। ८जमाहेन्से थं कुज्या म्हि डोड रे:सी क्यारमार भरबारी छुयाइजी। ओच्छे भरबान छुयोडसी परमेश्वरला जयजयकार लबान थनीगददेन छुयाम परमेश्वरला मन्दिररी वाडजी। ९ओच्छे जम्मान म्हिगदसे थंदा भरबान लबादेन परमेश्वरला जयजयकार लबा मराडजी। १०थनीगदसे थं म्हिदा परमेश्वरला मन्दिरला जेबा भिबा मरापरी हरीसी चिबा चुनोन हिन्ना भिसी डोसेजी। ओच्छे थं खम्बा मराडसी थनीगदे ल्हानान उदेक तजी।

पतरुससे परमेश्वरला मन्दिररी लोम्बा

११थं म्हिसे पतरुसदेन यूहन्नादा चुडसी भरबा मराडसी म्हिगदे ल्हानान उदेक तसी सोलामन भिबा दलानरी याबान थनीगदे मुबा ग्लारी खजी। १२चु मराडसी पतरुससे म्हिगददा चुहरड भिसी भिजी, “इसराएलला म्हिगदे, हराडनी तिगदा चु तामरी उदेक म्हन्बा? तिग डन्से हराडलान शक्तिदेन परमेश्वरदा तेन्बासे लमा चु म्हिदा भरना लखम्बा हरड् छार्सी टवल्ल तसी डन्दा च्याबा? १३म्हाडला आसे म्हेम अब्राहाम, इसहाकदेन याकूबला परमेश्वरसे हराडला गे लबा येशूदा धरेन मान लजी। तर हराडनीसे चा चुडसी म्हिदा यारी जिम्मा पिन्जी, ओच्छे पिलातसेन येशूदा पुडबारी छुयाइमा हराडनीसे थंदा पुडबारी आत भिसी पिलातसला डाच्छापटटि भिमुबा। १४तर हराडनीसे तिगे दोष आरेबादेन परमेश्वरसे

म्हन्बा अन्छार भरबा म्हिदा चा पुडबारी आत, बरु म्हि साइबा म्हिदा चा पुडगो भिसी पाडजी। १५ओच्छे हराडनीसे जुनी पिन्बादा साडजी। तर थनोन येशूदा परमेश्वरसे सिबाग्याम सोना लजी, चु ताम मराडबा चा डनीन हिन्ना। १६येशूलान भिनना शक्तिग्याम चु म्हिसे मड याडजी। हराडनीसे मराडबादेन डोसबा चु म्हिसे येशूदा विश्वास लबासे लमा हराडनी जम्मालान डाच्छापटटि चुदा खम्ना लबा मुला।

१७“च्यागो ज्योज्यो आलेगदे, हराडनीसे लबा चु जम्मान गे आसनान लबा हिन्ना भिसी डादा था मुला। ओच्छे हराडनीला नेतागदेसनोन थंहरडनोन लजी। १८तर थार्बा पिन्बा खरीष्टसे दुख नातो:ला भिसी परमेश्वरसे डाच्छान जम्मान अगमवक्तागदेग्याम सुडबा अन्छार परमेश्वरसे चु गे पूरा लजी। १९थतबासेलमा परमेश्वरसे हराडनीला पाप माफ लबाला लागिरी हराड हराडला पाप ख्तासी परमेश्वरपटटि दा:गो। २०जमाहेन्से परमेश्वरग्याम हराडनीसे सुखला धिन याडला, थंहरड लसीन परमेश्वरसे हराडनीला लागिरी डाच्छान धम्बा थार्बा पिन्बा खरीष्ट येशूदा पुडखला। २१ओन्माहेन्सेन परमेश्वरसे हराडला अगमवक्तागदेग्याम सुडबा जम्मान स्हे दा:सी स्होबा धुइ आततधाना येशू खरीष्ट स्वर्गरी धन्डुयातो:बा मुला। २२मोशासे चुहरड भिसी पाडबा मुला,

‘एनीगदला परमपरमु परमेश्वरसे डादा पुडखबा हरड लसी

एनीगदला ज्योज्यो आलेगदे न्हडग्यामसेन

एनीगदला लागिरी अगमवक्ता गिक पुडखला।

थंसे पाडबा जम्मान ताम एनीगदसे ड्यान्तो:बा मुला। ६

२३थे अगमवक्ताला ताम आड्यान्बा खजिबै म्हिदा चा

परमेश्वरला म्हिगदेग्याम फेसी नाश लला।^h

२४“शमूएल अगमवक्ताहेन्से लिच्छा

खबा जम्मान अगमवक्तागदसे चुनोन

धिनगदला ॥बारेरी पाङ्गी। २५ हराङ्नी थनोन अगमवक्तागदेदेन परमेश्वरसे लबा थनोन कबुलला सन्तान हिन्ना। थ कबुल हराङ्नीला म्हम अवराहामदेन छ्याम परमेश्वरसे चुहरङ् मिसी लमुबा, 'एला सन्तानग्यामनोन जम्बुलिङ्गला जम्मान म्हिगदसे मालम याङ्गला।' २६ हराङ्नीदा नइबा गग्याम फसी मालम पिन्बाला लागिरी परमेश्वरसे हराङ्गला झा येशूदा डाच्छा हराङ्नी मुबा ग्लारी पुइखबा हिन्ना।"

पतरुसदेन यूहन्नादा यहूदी धर्मला अदालतरी भोबा

४ १ पतरुसदेन यूहन्ना म्हिगददेन छ्याम ताम लबान लमा परमेश्वरला मन्दिररी पूजा लबा म्हिगददेन मन्दिर च्याबा सिपाहीगदला कप्तान ओच्छे सदुकीगदे थनीगद मुबा ग्लारी खजी। २ थनीगददा बोमो खजी, तिग्दा भिसम पतरुसदेन यूहन्नासे येशू सिबाग्याम सोबा मुला, थेहरङ् लसीन स्थान्दो सिबा म्हिगदएनोन थग्याम सोला भिसी म्हिगददा लोप्यान मुबा। ३ थतबासेलमा थनीगदसे पतरुसदेन यूहन्नादा चुङ्गी, ओच्छे थ धुइरी डयसे तसी जिन्बासे लमा न्हङ्गरदङ्धोना झ्यालखानरी थान्जी। ४ तर पतरुसदेन यूहन्नासे पाङ्बा समाचार डयान्बा म्हिगद न्हङ्गरी ल्हानान म्हिगदसे विश्वास लजी। विश्वास लबा म्हिगद न्हङ्गरी ओस्पन हजार डा ते हरम्कोलागद मुबा।

५ ओच्छे न्हङ्गरदङ्ग यहूदी नेतागदे, यहूदी धर्मगुरुगददेन यहूदी गन्बागदे यरुशलमरी पाप तजी। ६ थरी परमेश्वरला मन्दिररी पूजा लबा मुल म्हि हन्नासदेन छ्याम कैयाफा, यूहन्ना, ७ अलेक्जन्डर ओच्छे मुल म्हिला स्थान्दो हराङ्गला म्हिगदएनोन मुबा। ८ जमाहन्से थनीगदसे पतरुसदेन यूहन्नादा हराङ्गला गुइरी भसी, "एनीगदसे चु ग साहरङ्गबा शक्तिदेन खाल्ला मिनग्याम लबा हिन्ना?" भिसी ड्योइजी।

९ जमाहन्से परमेश्वरला आत्मासे प्तिङ्गी पतरुससे चुहरङ् भिसी भिजी, "यहूदी

नेतागदेदेन यहूदी गन्बागदे, १ चुदे हराङ्नीसे चु कुज्या म्हिला लागिरी तिनी डन्से ज्यबा ग लबासे लमा चु म्हिदा साहरङ् लसी खम्ना लजी भिसी ड्योइबा छाबा लबा हिन्सम, १० चु ताम हराङ्नीदेन इसराएलला जम्मान म्हिगददा था तगे, हराङ्नीसे करूसरी टांगव लसी साइबादेन परमेश्वरसे सिबाग्याम सोना लबा नासरतला येशू खरीष्टला मिनरी चु म्हि हराङ्नीला ओन्छाङ्गरी खम्सी राप्बा मुला। ११ चुनोन येशूला बाररी बचनरी चुहरङ् भिसी भिखा मुला,

हराङ्नी डकर्मिगदसे गे आखल भिसी भ्याङ्बा युङ्बा चुनोन हिन्ना,

तर दान्दे चुनोन युङ्बा सुर युङ्बा दोबा मुला।' १२ ओच्छे थसे बाहेक स्थान्दो खालेसे थ्हाङ्गदा थार्बा पिन्बारी आखम, तिग्दा भिसम जम्बुलिङ्गला म्हिगदला गुइरी थ्हाङ्गदा सोना लबारी स्थान्दो खालेला मिन आर।"

१३ ओच्छे ल्हाना पदव आलबादेन तिगे तालिम आकिन्बा सोजो म्हि पतरुसदेन यूहन्नासे म्हिगददा लोप्या आँट लबा मराङ्सी यहूदी नेतागदे, यहूदी धर्मगुरुगददेन यहूदी गन्बागदे उदक म्हन्जी। जमाहन्से थनीगदसे पतरुसदेन यूहन्ना येशूदेन छ्याम चिबा चीम भिसी था याङ्गी। १४ थ कुज्या म्हि खम्सी पतरुस, यूहन्नादेन छ्याम राप्सी चिबा मराङ्गबासे लमा थनीगदसे तिगे पाङ्बारी आखम्नी। १५ थतबासेलमा थनीगदसे पतरुसदेन यूहन्नादा अदालतग्याम मङ्गयार निउ भिसी कुल्जी। ओच्छे थनीगदे हराङ् हराङ् न्हङ्गरी चुहरङ् भिसी सल्लाह लबारी छ्याइजी, १६ "दाहन्से थ्हाङ्गसे चु न्हीदा तिग लबा? तिग्दा भिसम चु न्हीसे लबा उदकला गे यरुशलमरी चिबा जम्मान म्हिगदसे था याङ्गी जिन्बा मुला। ओच्छे चु ताम थ्हाङ्गसेनोन आहिन भिबारी आखम। १७ तर चु ताम स्थान्दो म्हिगदसे थाआयाङ्गे भिसी 'दाहन्से एनीगदसे चु येशूला बाररी खाले म्हिदा तिगे थापाङ्गे' भिसी थ्हाङ्गसे चु न्हीदा पाङ्गतो:ला।"

१८ जमाहन्से थनीगदसे पतरुसदेन यूहन्नादा ड्योइसी, "च्यागो, दाहन्से एनीगदसे

१३ :२४ "चुनोन धिनगदे" भिबा चा येशू खरीष्ट डाच्छा फेखबा धिनहन्से दो:सी फेखबा धिनधोनाला ताम तखम्ला।

१४ :६ चु यूहन्ना चा येशूला चला यूहन्ना आहिन।

येशूला बाररी खालेदा तिगे थापाडगो ओच्छे, तिगे ताम थालोपगो” भिसी कुल्जी। १९ तर पतरूसदेन यूहन्नास थनीगदेदा “परमेश्वरला ताम आड्यान्ना हराडनीला ताम ड्यान्बारी परमेश्वरला डाच्छा ठीक हिन्ना कि आहिन हराडनीसन म्हन्गो। २० तिगदा भिसम डन्स मराडबादेन थःबा ताम आपाडना डनी चिनोन आसम” भिसी जोहाब पिन्जी।

२१ थनीगदेस पतरूसदेन यूहन्नादा सजाय पिन्बारी तिगे ग्याम आमराडमाहेन्स पतरूसदेन यूहन्नादा ल्हानान बड्सी पुड्जी। तिगदा भिसम थरी तबा उदेकला गेला लागिरी जम्मान म्हिगदेस परमेश्वरला जयजयकार लवान मुबा। २२ तिगदा भिसम थ उदेकला गेग्याम खम्बा म्हि बोगल न्ही दिड मन्दा ल्हाना तबा मुबा।^k

येशूदा विश्वास लबा म्हिगदेला प्रार्थना

२३ थग्याम पुडमाहेन्स पतरूसदेन यूहन्ना हराडला हरोगदे मुबा ग्लारी खजी। ओच्छे परमेश्वरला मन्दरी पूजा लबा मुल म्हिगदेदेन यहूदी गन्बागदेस पाड्बा जम्मान ताम हरोगदेदा पाड्सी पिन्जी। २४ थनीगदेस चु ताम थःमाहेन्स सेम गिक लसी परमेश्वरदेन छ्याम प्रार्थना लबारी छ्याइजी, “परमु, मु जम्बुलिडदेन समुन्दर ओच्छे थरी मुबा जम्मान स्हे हराडसेन स्हाबा हिन्ना। २५ ओच्छे हराडला गे लबा डन्ना आस म्हम दाऊदला सुडग्याम हराडला आत्मास चुहरड सुड्बा मुबा,

‘अर्गु यहुलला म्हिगदे तिगदा बोमो सबा, ओच्छे म्हिगदेस तिगदा गे आसलबा तामगदे म्हन्बा ?

२६ जम्बुलिडला ग्लेगदेदेन शासन लबागदे परमपरमुदेन थसे धम्बा थार्बा पिन्बा खरीष्टला बिराधरी

लडाइ लबाला लागिरी तयार तजी।’^m

२७ “चु सत्य ताम हिन्ना, तिगदा भिसम हराडसे धम्बा तिगे दोष आरेबा हराडला गे लबा येशूला बिराधरी हरोददेन पन्तियस पिलातस ओच्छे अर्गु यहुलला म्हिगदे,

इसराएलीगदेदेन छ्याम चुनोन शहररी हरुप तबा मुबा। २८ डाच्छान हराडला सेमसे म्हन्बादेन हराडला शक्तिस तिग लबारी म्हाइमुबा थ पूरा तबा मुला। २९ दाहेन्स परमु, थनीगदेस डन्दा लोडना लबा ताम हराडसे दन्गो, ओच्छे हराडला गे लबा म्हि डन्दा हराडला बचन म्हिगदेदा थःना लबारी भड पिन्गो। ३० ओच्छे हराडला शक्तिग्याम आखम्बा म्हिगदेदा खम्ना लमा हराडला गे लबा तिगे दोष आरेबा येशूला मिनग्याम उदेकला चिनुदेन गे तगे।’

३१ चुहरड लसी प्रार्थना लसी जिन्माहेन्स थनीगदे पोप तबा ग्ला लिगलिग तजी, ओच्छे थनीगदे जम्मान परमेश्वरला आत्मास प्तिड्जी। ३२ जमाहेन्से थनीगदे आलोडना परमेश्वरला बचन थःना लबारी छ्याइजी।

विश्वासीगदेला साक्षा सम्पत्ति

३३ चु धुडरी चा परमु येशूदा विश्वास लबा म्हिगदे न्हडला खालेसनोन हराडला धन सम्पत्ति चु डाला हिन्ना भिसी आभिमुबा। थनीगदे जम्मान सेम गिकनोन तबासे लमा थनीगदेदेन छ्याम मुबा जम्मान धन सम्पत्ति य्हाडला भिसी भिमुबा। ३४ थ मुल चलागदेसे परमेश्वरला धरन शक्ति याड्सी परमु येशू सिबाग्याम सोबा हिन्ना भिबा तामला साक्षी दोसी पाड्मुबा, ओच्छे परमेश्वरसे थनीगदे जम्मादान ल्हानान मालम पिन्जी। ३५ थनीगदेला न्हडरी खालेदान तिगे स्हेला साँचो आतमुबा, तिगदा भिसम वारी बु मुबादेन दिम मुबागदेस थ चूड्सी सबा टाडगा भसी, ३६ मुल चलागदेदा पिन्मुबा। ओच्छे जुन जुन म्हिदा साँचो तमुबा थनीगदेदा भो लसी पिन्मुबा। ३७ ओच्छे साइपरस यहुत्साला लेवी वंशला योसफ भिबा म्हिदा मुल चलागदेसे बारनावास भिसी मिन थान्मुबा (बारनावास भिबा चा आँट पिन्बाला झा हिन्ना), ३८ थसे हराडला वारी बु चूड्जी, ओच्छे टाडगा भसी मुल चलागदेदा पिन्जी।

**४ :३१ “परमेश्वरला आत्मासे प्तिड्बा” भिबा चा परमेश्वरला शक्ति याड्बा हिन्ना।

k४ :२२ मुल ३ :७-८ 1४ :२४ प्रस्था २० :११ ; नहे ९ :६ ; मजन १४६ :६

m४ :२६ मजन २ :१-२

n४ :२७ मती २७ :१-२ ; मर्कू १५ :१ ; लूका २३ :१, ७-११ ; यूह १८ :२८-२९ ०४ :३२ मुल २ :४४-४५

हननियादेन सफोरा

१तर थेरी हननिया भिबा म्हि गिक मुबा, थंदेन थला मिरड सफोरासे हराडदेन छ्याम मुबा टांगल गिक वारी चूड्जी। २थेन्नी दिक्सी वारी चूड्सी सबा टाडगाग्याम तिगे टाडगा चा हराडदेन छ्याम थान्जी। ओच्छे बाँकी टाडगा चा हननियास मुल चलागदे मुबा ग्लारी भसी जम्मान टाडगा चुदेन हिन्ना भिसी पाड्जी।

३जमाहेन्स पतरुससे थदा चुहरड भिसी भिजी, “हननिया ए शेतानना तहरी चिसी तिग्दा परमेश्वरला आत्मादेन छ्याम लुसीला ताम पाड्बा? ओच्छे हराडला वारी चूड्सी सबा टाडगा तिग्दा छुम्सी थान्बा? ४तिग थ वारी आचूडतेधोना एलान आहिन? ओच्छे चूड्सी सबा टाडगाएनोन एलान मुबा, चु टाडगा एसे जे लड म्हन्बा थेनोन लबारी खम्सेला मुबा। तर एदा चुहरडबा गे लबा सम साहरड लसी खजी? च्यागो, एसे म्हिगदेदा आहिन, तर परमेश्वरदा लुसीला ताम पाड्बा मुला। ५ चुहरडबा ताम थःमेछ्याम हननिया सरी पाप्सी सिजी। जमाहेन्स चु ताम थःबा म्हिगदे जम्मादान ल्हानान लोड्बा खजी। ६जमाहेन्स थेरी मुबा म्योन म्हिगदे रेःसी थला लास क्वानसे रिल्जी ओच्छे धुसारी भोर्सी ल्हुजी।

७ओस्पन घण्टा सोम लिच्छा चु ताम था आयाडनान हननियाला मिरड न्हडरी खजी। ८जमाहेन्स पतरुससे थदा “एनीगदेस वारी ओतेरीन चूड्बा हिन्ना? डादा पाड्गो” भिसी भिमा, थसे “लास्सा, ओतेरीन हिन्ना” भिसी भिजी।

९जमाहेन्स पतरुससे थदा “एनीगदे दिक्सी तिग्दा परमुला आत्मासे तिग लबा चीम भिसी च्याबारी म्हाड्बा? च्यागो, एला हरम्बोदा धुसारी ल्हुबागदे मरापरीन मुला, एदाएनोन थनीगदेसे मडग्यार भोर्ला” भिसी भिजी। १०थेहरड भिमैछ्याम थ पतरुसला काड डामरी पाप्सी सिजी। जमाहेन्स थला हरम्बोदा ल्हुसी सबा म्योनगदे न्हडरी समा थ सिसी जिन्मुबा, ओच्छे थनीगदेसे थदाएनोन भोर्सी थला हरम्बोला डामरी ल्हुजी। ११जमाहेन्स

जम्मान मण्डलीदेन ऩंचु ताम थःबा जम्मान म्हिगदेदा ल्हानान लोड्बा खजी।

मुल चलागदेग्याम तबा उदेकला गे

१२जमाहेन्स मुल चलागदेग्याम म्हिगदेला गुडरी उदेकला गेगदे तबारी छ्याइजी, ओच्छे थनीगदे जम्मान सोलोमनना दलानरी ऩसम गिकनोन तसी हरूप तमुबा। १३तर परमु यशूदा विश्वास आलबा स्थान्दा म्हिगदे न्हडला खालेसनोन परमु यशूदा विश्वास लबा म्हिगदेदेन छ्याम दिक्सी चिबारी मड आलनी, तसेनोन थनीगदेसे परमु यशूदा विश्वास लबा म्हिगदेला बाररी ज्यवान ताम लमुबा। १४जमाहेन्स परमुदा विश्वास लबा हरम्फोदेन मिरडम्हेमगेदला हुल झन बढब तवान निजी। १५मुल चलागदेसे लबा उदेकला गेला बाररी थःसी म्हिगदेसे आखम्बा म्हिगदेथेरी पतरुस समा थला किरपसे जे भिसै स्याप्पो भिसी आखम्बा म्हिगदेदा थनीगदेला तीबा नान्बादेन छ्यामनोन भसी ग्याम ग्यामरी थान्मुबा। १६ओच्छे यरुशलमला क्यारक्युरला शहरग्यामसेनोन ल्हानान म्हिगदेसे आखम्बा म्हिगदेदेन म्हडसे स्याप्पा म्हिगदेदाएनोन थेरी भसी खमुबा। ओच्छे थ म्हिगदे जम्मान खम्मुबा।

मुल चलागदेदा दुख पिन्बा

१७परमेश्वरला मन्दिररी पूजा लबा मुल म्हि ओच्छे थंदेन छ्याम मुबा जम्मान सदुकीगदेसे मुल चलागदेदा डाह लजी। १८ओच्छे मुल चलागदेदा चुड्सी झ्याल्खानरी झाड्जी। १९तर म्हुनड परमुला दूत गिक ससी झ्याल्खानना मराप टाड्सी थनीगदेदा मडग्यार भसी चुहरड भिसी भिजी, २०“एनीगदे निड ओच्छे परमेश्वरला मन्दिररी राप्सी चु छार जुनीला बाररी जम्मान ताम म्हिगदेदा थःना लड।”

२१स्वर्गदूतसे चुहरड भिमाहेन्से थनीगदे स्थेरीन परमेश्वरला मन्दिररी वाड्सी म्हिगदेदा लोप्यारी छ्याइजी।

थेनोन धुडरी परमेश्वरला मन्दिररी पूजा लबा मुल म्हि, थंदेन छ्याम मुबा म्हिगदे खजी, ओच्छे इसराएली नेतागदे

११५ :११ चु पदरी “मण्डली” भिबा चा परमु येशू खरीष्टदा विश्वास लबा यरुशलमला म्हिगदे हिन्ना।

११६ :१२ “सोलोमनना दलान” भिबा चा सोलोमन ग्लेसे स्थेबा दलान मुबा, चु दलान यरुशलमला मन्दिररी मुबा।

जम्मादान सभारी ड्योइजी। जमाहेन्से मुल चलागददा झ्याल्खानग्याम भबारी म्हिगदे पुइजी। २२ तर परमेश्वरला मन्दिरला सिपाहीगदे झ्याल्खानरी धोखसी च्यामा थनीगदसे थरी खालेदा आमराडनी। थतवासलमा थनीगदे दोःसी निसी चु ताम पाङ्गी। २३ “डन्से झ्याल्खानरी ताल्वा लसी थान्बादेन पालेगदे मरापरी राप्सी चिबा मराङ्गी, तर डन्से मराप ठोङ्गी च्यामा न्हडरी खालेदा आस्यानी।” २४ परमेश्वरला मन्दिरला कप्तानदेन परमेश्वरला मन्दिररी पूजा लबा मुल म्हिगदसे चु ताम थःमाहेन्से दाहेन्से तिग तला भिसी थनीगदे अलमल तजी।

२५ थनीन धुइरी थरी खाले म्हि गिक खसी, “च्यागो, हराडनीस झ्याल्खानरी झाडसी थान्बा म्हिगदे मी परमेश्वरला मन्दिररी राप्सी म्हिगदेदा लोप्यान मुला” भिसी भिजी। २६ जमाहेन्से सिपाहीगदेदेन छ्याम परमेश्वरला मन्दिरला कप्तान निसी थनीगदेदा कर आलना भजी। तिगदा भिसम म्हिगदसे थनीगदेदा युडबासे तोला भिसी थनीगदे लोडमुबा।

२७ थनीगदसे थ मुल चलागददा सभारी भसी डाच्छापट्टि राप्पुङ्गी। ओच्छे परमेश्वरला मन्दिररी पूजा लबा मुल म्हिसे मुल चलागददा चुहरङ् भिसी ड्योइजी, २८ “एनीगदेदा डन्से येशूला मिन लसी खालेदा तिगे ताम थालोप्यो भिसी कुल्मुबा। तर च्यागो, एनीगदसे लोप्या चु ताम यरूशलेम नाडनीन थःना लसी जिन्जीम, ओच्छे येशूदा साइबाला दोष एनीगदसे डन्दा लबारी म्हाइबा मुला।” p

२९ तर पतरुसदेन स्थान्दो मुल चलागदसे चुहरङ् भिसी भिजी, “डन्से म्हिगदसे कुल्वा ताम आहिन, बरु परमेश्वरसे कुल्वा ताम चा ड्यान्नान तोःमुला। ३० हराडनीसे येशूदा करुसरी टांगब लसी साइबा मुबा, तर म्हाडला आखे म्हेमला परमेश्वरसे येशूदा सिबाग्याम सोना लजी। ३१ परमेश्वरसे इसराएलीगदसे हराडला पाप खलासी परमेश्वरपट्टि दोःगे भिसी ओच्छे थनीगदला पापला दोष मेटब लबारी येशूदा शासन लबा म्हिदेन थार्बा पिन्बा म्हि स्होसी हराडला दाहिने छ्यापट्टि

थान्जी। ३२ चु जम्मान तामला साक्षी डनी मुला, थहरडनीन लसी परमेश्वरसे कुल्वा ताम ड्यान्बा म्हिगदेदा पिन्बा परमेश्वरला आत्माएनीन साक्षी मुला।”

३३ चु ताम थःमाहेन्से थनीगदेदा ल्हानान बोमो रःजी, ओच्छे मुल चलागददा साइबारी सल्लाह लबान मुबा। ३४ तर यहूदी धर्मगुरुदेन छ्याम जम्मासन मान लबा गर्मलिएल भिबा फरिसीसे सभाला डाच्छा रःसी थनीगदेदा छिन्नड मडग्यार निड भिसी भिजी। ३५ ओच्छे थस सभाला म्हिगदेदा चुहरङ् भिसी भिजी, “इसराएलीगदे हराडनीसे चु म्हिगदेदा जे लबारी छ्याइबा मुला, थरी होशियार तड। ३६ तिगदा भिसम चु मन्दा डाच्छाएनीन थुदास भिबा म्हिसे डा धरेन म्हि हिन्ना भिसी भिसुबा। ओच्छे थदेन छ्याम ओस्पन ग्यार्जा प्लि म्हिगदे भरमुबा, ओच्छे थदा साइजी। जमाहेन्से थदेन छ्याम भरबा जम्मान म्हिगदे ससा बडबड तजी, ओच्छे जम्मान गे आखेल्बा तजी। ३७ चु म्हि मन्दा लिच्छाएनीन म्हुल्साला म्हि झ्याबा धुइरी गालीलग्याम यहूदा भिबा म्हि थोन्जी, ओच्छे ल्हानान म्हिगदे थला लिच्छा भरजी, थदाएनीन साइजी। जमाहेन्से थदेन छ्याम भरबा म्हिगदे ससा बडबड तजी। ३८ दान्दला चु तामला बाररीनीन डाइ हराडनीदा पाङ्गला, चु म्हिगदेदा हराडनीसे तिगे आलना खलागो। तिगदा भिसम चुगदसे लबा चु गेदेन ताम म्हिगदग्याम हिन्सम थ हरडनीन म्हासी निला। ३९ तर चु गे परमेश्वरग्याम तबा हिन्सम हराडनीसे रोकब लबारी आखम। रोकब लबारी म्हाइजी भिसम हराडनी परमेश्वरला विरोधरी रःजीम भिबा ताम था तला।”

जमाहेन्से थनीगदसे थला ताम ड्यान्जी। ४० ओच्छे थनीगदसे मुल चलागददा न्हडरी ड्योइसी तोबा ग्याइबा लजी। ओच्छे “दोःसी खाइमे येशूला मिन किन्सी तिगे ताम थापाङ्गो” भिसी थनीगदेदा पुइजी।

४१ जमाहेन्से येशूला मिनरी बेइज्जत नाबाधोनाला तजी भिबा तामरी ताङ्गी ताङ्गी मुल चलागदे थ सभाग्याम थान्सी निजी। ४२ ओच्छे थनीगदे धिन धिननीन परमेश्वरला मन्दिरदेन दिम दिमरी निसी येशून थार्बा पिन्बा

खरीष्ट हिन्ना भिसी थार्वा पिन्बा समाचार
थे:ना लबारी आख्तानी।

चबा थुडबा मो लसी पिन्बाला
लागिरी धम्बा गोर निस म्हि

१थे धुडरी येशूदा विश्वास लबा म्हिगद
६ बढब तबान निमुबा। जमाहेन्स हिब्रू ग्याइ
पाड्बा यहूदीगदला ॥॥बिरोधरी ग्रीक ग्याइ
पाड्बा यहूदीगदस तामगन लबारी छ्याइजी।
तिगदा भिसम ग्रीक ग्याइ पाड्बा यहूदीगदला
हरम्बा सिबा मिरडम्हमेगदस धिनना
धिन तो:तधोना चबा थुडबा आयाड्मुबा।
२जमाहेन्स च्युक न्ही चलागदस येशूदा
विश्वास लबागददा इयाइसी चुहरङ् भिसी
भिजी, “परमेश्वरला बचन थे:ना लबा गे
ख्तासी चबा थुडबा पिन्बा गे लबारी इन्दा
ठोक आत। ३थतबासेलमा आलेगद, एनीगद
न्हडला परमेश्वरला आत्मादेन बुदधिस
प्लिडबा, ओच्छे जम्मासेन मान लबा गोर निस
म्हिदा धम्मा, इन्स चु गे थनीगददा जिम्मा
पिन्ना। ४तर इन्स चा परार्थना लबादेन
परमेश्वरला बचन थे:ना लबा गे लला।”

५चु ताम येशूदा विश्वास लबा जम्मान
म्हिगददा सम निजी। ओच्छे थरी मुबा
जम्मादान थे ताम ज्यबा छ्यासी थनीगदस
पूरा विश्वास मुबादेन परमेश्वरला आत्मासे
प्लिडबा स्तिफनस, फिलिप, परस्तरस, निकनोर,
तोमान, पर्मिनासदेन एन्टिओसिया भिबा
शहरला यहूदी धर्म तेन्बा निकोलाउसदा धम्जी।
६ओच्छे थे म्हिगददा मुल चलागद मुबा ग्लारी
भजी। जमाहेन्स मुल चलागदस थे म्हिगदथारी
हराडला या थान्सी परार्थना लजी।

७परमेश्वरला बचन ल्हानान ग्लारी थे:वान
निजी, ओच्छे यरुशलमेरी परमु येशूदा विश्वास
लबा म्हिगद बढब तबान निजी। परमेश्वरला
मन्दिररी पूजा लबा म्हिगदे न्हडला ल्हानान
म्हिगदसेनोन परमु येशूदा विश्वास लजी।

स्तिफनसदा चुडसी यहूदीगदे
हरूप तबा दिमरी भोर्बा

८जमाहेन्स स्तिफनस परमेश्वरला
दयामायादेन शक्तिस प्लिडसी म्हिगदला
गुडरी घरेन घरेन गेगद लसी उदकला चिनुगद
उन्बान मुबा। ९तर दान्द नोकर आहिन्बा
म्हिगद भिबा हरूप तबा दिमग्याम कोइ
कोइ म्हिगद स्तिफनस मुबा ग्लारी खसी
आतो:बा आतो:बा ताम लबारी छ्याइजी। थे
म्हिगद चा अलेकजिन्डरया, कुरनी, किलिकिया
ओच्छे एशियाला म्हिगद मुबा। १०स्तिफनससे
परमेश्वरला आत्मादेन बुदधियाम पाड्बा
तामला जाहाब थनीगद खालेसेन पिन्आखम्नी।

११जमाहेन्स थनीगदस न्हड न्हडरी
म्हिगददा थीसी घुस पिन्बान चुहरङ् भिसी
पाड्पुड्जी, “चुस परमेश्वरदेन मोशाला
बिरोध ११लसी ताम पाड्बा इन्स थे:जी।”
१२चुहरङ्बा ताम लसी थनीगदसे म्हिगद,
यहूदी गन्बागददेन यहूदी धर्मगुरुगददा थीजी।
ओच्छे थनीगदसे स्तिफनसदा चुडसी यहूदी
धर्मला अदालतरी भोर्बा।

१३जमाहेन्स थनीगदसे स्तिफनसला बिरोध
लसी लुसीला ताम पाड्बा म्हिगददा भजी।
थे म्हिगदसे चुहरङ् भिसी पाड्जी, “चु म्हिसे
परमेश्वरला मन्दिरदेन मोशाला ठिमला बिरोध
लसी ताम पाड्बारी आख्तानी। १४तिगदा भिसम
चुसे मी नासरतला येशूस परमेश्वरला चु
मन्दिरदा फुप्ला ओच्छे मोशास य्हाडदा
पिन्बा रिमठिमएनोन पोसी पिन्ना भिबा इन्स
थे:जी।”

१५जमाहेन्स यहूदी धर्मला अदालतरी चिबा
जम्मान म्हिगदसे थदा ज्यना लसी च्याजी।
ओच्छे थला ली स्वर्गदतला ली हरड्बान य्हाल
य्हाल्वा म्प्राड्जी।

स्तिफनससे म्हिगददा पाड्बा

१जमाहेन्स परमेश्वरला मन्दिररी पूजा
७ लबा मुल म्हिसे, “चु ताम सत्य हिन्ना?”
भिसी इयाइमा, स्तिफनससे चुहरङ् भिसी
भिजी, “आबागददेन ज्योज्यो आलेगद चु ताम

॥६:१ हिब्रू ग्याइ पाड्बा यहूदीगदे चा इस्राएलीगदे हिन्ना। ओच्छे ग्रीक ग्याइ पाड्बा यहूदीगदे
चा अंगु य्हुलला म्हिगदे हिन्नी।

११:११ चुरी “मोशाला बिरोध लसी” भिबा चा परमेश्वरसे मोशादा पिन्बा ठिमला बिरोधरी भिबा
हिन्ना।

ड्यान्गो। जम्मान भन्दा घरेन शक्ति मुबा परमेश्वरसे व्हाडला आसं म्हंम अबराहाम हारान भिबा नाम्सारी फन्वा भन्दा डाच्छा मेसोपोटामिया भिबा ग्लारी स्पूबा धुइरी थसं परमेश्वरदा हराडला डाच्छापट्टि मराडजी। ७३ परमेश्वरसे थदा 'ए हराडला व्हुत्सादेन हराडला म्हिगदे स्तासी डाइ उन्वा व्हुत्सारी निउ' भिसी सुडबा मुबा। १

१ "जमाहन्स थं कल्दीगदला व्हुत्साग्याम थोन्सी हारान भिबा नाम्सारी खसी चिजी। ओच्छे थला आबा सिमाहन्स परमेश्वरसे थदा थं ग्लाग्याम दान्दे हराडनी स्पूबान लबा चु शहरी भजी। ७४ परमेश्वरसे थदा थं ग्लारी निसी सम्पत्ति मी आहिन काड थान्वा ग्ला सुत्तै आपिन्नी। तर सन्तान आरसेनोन परमेश्वरसे थं ग्ला थेदेन थला सन्तानदा पिन्ना भिसी कबुल लबा मुबा। ७५ ओच्छे परमेश्वरसे थदा "एला सन्तान अर्गु व्हुत्सारी निसी चितोःवा मुला, थं ग्लाला म्हिगदसे थनीगददा घ्यबा स्तासी ग्यार्जा बिल दिडधोना थनीगदसे नाआसम्बा दुख पिन्ना" भिसी सुडजी। ७६ दोःसी परमेश्वरसे चुहरड भिसी सुडजी, थनीगदे जुन व्हुलला म्हिगदला घ्यबा दोःसी चिला डाइ थं व्हुलला म्हिगददा सजाय पिन्ना। जमाहन्स थनीगदे थं ग्लाग्याम थोन्सी चुनोन ग्लारी खसी डादा तेन्ना। १

८ "परमेश्वरसे अबराहामदेन छ्याम खतनाला कबुल लजी। हराडला झा इसहाक न्हसी भूरःर तमाकुनु अबराहामसे थला खतना लजी। इसहाकसेनोन हराडला झा याकूबला खतना लजी, थंहरड लसीन याकूबसेनोन हराडला च्युक न्ही कोलागदला खतना लजी। ओच्छे थला च्युक न्ही कोलागदे व्हाड जम्मातान आसं म्हंम दोजी। १

९ "थं आसं म्हंमगदे न्हडरी योसफ भिबादा थला ज्योज्योगदसे डाह लसी मिशर व्हुत्सारी चूडसी पिन्जी। तसेनोन थेदेन छ्याम परमेश्वर मुबा। १० योसफदा परमेश्वरसे जम्मान दुखग्याम फजी। ओच्छे परमेश्वरसे थदा

ज्यबा बुदधि पिन्बासे लमा मिशर व्हुत्साला ग्ले फारोस थदा सम निसी मान लजी। जमाहन्स थदा मिशर व्हुत्सादेन ग्लेखाडला हाकिम स्ताजी। ४

११ "तिच्छा मिशर व्हुत्सादेन कनान व्हुत्सा नाडनोन अनिकाल तसी घरेन दुख तजी, थतबासलमा व्हाडला आसं म्हंमसे चबा स्हे तिगेनोन आयाडनी। ११२ तर याकूबसे मिशर व्हुत्सारी चबा स्हे मुला भिबा ताम थं माहन्स थला झागदे व्हाडला आसं म्हंमदा थरी पुडजी। थनीगदे मिशर व्हुत्सारी निबा चु डाच्छारम मुबा। १३ ओच्छे दोःसी हरुप तमा योसफसे हराडला ज्योज्यो आलेगदेदा हराड खाल हिन्ना भिसी डोसना लजी। जमाहन्स योसफला जम्मान म्हंमला बाररी फारो ग्लेसे था याडजी। १४ जमाहन्स योसफसे हराडला आबा याकूबदेन हराडला म्हिगदेदा चुरी भसी खउ भिसी पुडजी। याकूबला हराडला म्हंमदेन हराडला म्हिगदे लसी बोगल सोमसे च्युक डा म्हि मुबा। १५ जमाहन्स याकूब हराडला जम्मान म्हिगदेदा भोर्सी मिशर व्हुत्सारी निजी, ओच्छे थं थरीन सिजी। थंहरड लसीन थला झागदे व्हाडला आसं म्हंमगदेनोन थरीन सिजी। १६ तिच्छा मिशर व्हुत्साग्याम थनीगदला सिबा ल्हुइदा शकंम भिबा ग्लारी भोर्सी धुसारी थान्जी। थं धुसा अबराहामसे हमोर भिबा ग्हीला झागदेदा टाडगा फासी ग्लुबा मुबा। ८

स्तिफनससे मोशाला बाररी पाडबा

१७ "परमेश्वरसे अबराहामदेन छ्याम लबा कबुल पूरा तबारी छ्याइबा धुइ तसी जिन्वा मुबा, थं धुइरी मिशर व्हुत्सारी व्हाडला आसं म्हंमला सन्तानगदे ल्हानान बढव तबान निजी। १८ जमाहन्स मिशर व्हुत्सारी योसफदा डोआसेबा स्पूबान्दो ग्लेसे शासन लबारी छ्याइजी। १९ थं ग्लेसे व्हाडला व्हुलला म्हिगदेदा धोका पिन्सी ल्हानान दुख पिन्जी। ओच्छे थनीगदसे व्हाडला आसं म्हंमला

७७ :२ उत्प १२ :१ ७७ :३ उत्प १२ :१ ७७ :४ उत्प ११ :३१ ; १२ :४

७७ :५ उत्प १२ :७ ; १३ :१५ ; १५ :१५ ; १७ :८ ७७ :६ उत्प १५ :१३-१४ ; परस्था ३ :१२

७७ :८ उत्प १७ :१०-१४ ; २१ :२-४ ; २५ :२६ ; २९ :३०-३५ ७७ :९ उत्प ३७ :११, २८ ; ३९ :२, २१

७७ :१० उत्प ४१ :३९-४१ ७७ :११ उत्प ४२ :१-२ ७७ :१२ उत्प ४५ :१, १६

७७ :१४ उत्प ४५ :१-१०, १७-१८ ; ४६ :२७ ७७ :१५ उत्प ४६ :१-७ ; ४९ :३३

७७ :१६ उत्प २३ :३-१६ ; ३३ :१९ ; ५० :७-१३ ; यही २४ :३२ ७७ :१८ परस्था १ :७-८

भर्खर न्हवा कोलागददा मडग्यार थान्पुड्जी।
चुहरड लसी भर्खर न्हवा जम्मान कोलागददा
सिना लजी।^{१०}

२० “थेनोन धुइरी मोशा न्हजी। थे परमेश्वरला
डाच्छापट्टि जेबा म्हि मुबा। थदा ला सोमधाना
हराडलान आबाला दिमरी सयार लसी थान्जी।
११ थदा मडग्यार भासी थान्माहेन्स फारोला
झामसे थदा भाजी, ओच्छे हराडलान झा स्हासी
सयार लसी न्हजी। १२ जमाहेन्स मोशादा
मिशरीगदला बुदधि लोप्जी, ओच्छे मोशास
पाड्बा तामदेन ग शक्तिशाली मुबा।

२३ “बोगल न्ही दिड तमाहेन्स मोशास
हराडला इसराएली ज्योज्यो आलेदेन छयाम
हरूप तबा सम लजी। १२ मिशरी गिकसे
हराडला इसराएली ज्योज्यो आले न्हडला
गिकदा अन्याय लबा मराडसी मोशास थदा
जोगब लसी थे मिशरीदा साइसी हराडला
आलेथोरी लबा अत्याचारला बदला किन्जी।
२४ डाग्यामसेन परमेश्वरसे थेनीगदेदा चु
दुसग्याम फेला भिबा ताम डाला ज्योज्यो
आलेसे घोला भिसी मोशास म्हन्बा मुबा। तर
थेनीगदेसे थे ताम आघोनी। २६ न्हडगरदड
इसराएली न्ही हराड हराड न्हडरी छेबा
बडबा लसी चिबा धुइरी मोशा सजी, ओच्छे
थेनीगदेदा दिवना लबारी म्हाइसी हरागद,
एनीगदे मी ज्योज्यो आले हिन्ना, तिगदा
हराड हराड न्हडरी छेबा ?

२७ “तर हराडला सिम्जेमदा अन्याय लबा
म्हसे थदा धुर आडसी चुहरड भिजी, ‘एदा
डन्दा शासन लबा म्हिदेन न्यायाधीश दोबारी
खात्स धम्जी ? २८ तिग तिल्मा एस थे मिशरीदा
साइबा हरडनोन डादाएनोन साइबारी म्हाइबा ?’
२९ चुहरडबा ताम थेःसी मोशा मिद्यान भिबा
म्हत्सारी यासी विदेशी दोसी चिजी। थरी थला
झा न्ही न्हजी।

३० “मिद्यान म्हत्सारी चिबा बोगल न्ही
दिड तमा मोशास सीने भिबा गडला डामरी
तोडतोडबा ग्लारी लुडबा झाडरी मे ल्हामरी
स्वर्गदूत गिक मराड्जी। ३१ चु मराडसी मोशा
उदेक तजी, ओच्छे जजाकी डामरी निसी
च्यामा परमेश्वरसे चुहरड भिसी सुड्बा थेःजी।

३२ ‘डा एला आसे म्हेमे अबराहाम, इसहाकदेन
याकबला परमेश्वर हिन्ना।’ चु थेःसी मोशा
लोड्सी फितफित धर्सी थपट्टि च्याबारीन
आखन्नी।

३३ “जमाहेन्स परमेश्वरसे मोशादा चुहरड
भिसी सुड्जी, ‘एला लखम स्युगो। तिगदा
भिसम ए राप्पा ग्ला चोखो ग्ला हिन्ना।
३४ डाइ मिशर म्हत्सारी मुबा डाला म्हिगददा
लबा अन्याय मराड्सी जिन्बा मुला, ओच्छे
थेनीगदला दुखला तामएनोन थेःसी जिन्बा
मुला। थेतबासलमा थेनीगदेदा थे अन्यायदेन
दुसग्याम फेबाला लागिरी डा मार फाप्पा
हिन्ना। दाहेन्स डाइ एदा मिशर म्हत्सारी
पुड्ला।’

३५ “चुनोन मोशादा थेनीगदेसे ‘एदा खात्से
डन्दा शासन लबा म्हिदेन न्यायाधीश स्हाजी’
भिसी पत्याब आतमुबा, थेनोन मोशादा
परमेश्वरसे लुडबा झाडला मे ल्हामरी
मराडबा स्वर्गदूतग्याम शासन लबा म्हिदेन
इसराएलीगदेदा दुसग्याम फेबा म्हि स्हासी
पुड्जी। ३६ चुनोन मोशास मिशर म्हत्सारी,
वाला भिबा समुन्दरदेन बोगल न्ही दिडधाना
तोडतोडबा ग्लारी उदेकला गेगददेन चिनुगदे
उन्बान इसराएलीगदेदा मिशर म्हत्साग्याम
फेसी भबा मुबा।^१

३७ “चुनोन मोशास इसराएलीगदेदा
‘परमेश्वरसे डादा पुड्खबा हरड लसी एनीगद
न्हडग्यामसेन एनीगदला लागिरी अगमवक्ता
गिक पुड्खला’ भिसी पाड्मुबा। ३८ चुनोन
मोशा तोडतोडबा ग्लारी म्हिगददेन छयाम
मुबा धुइरी स्वर्गदूतदेन छयाम मुबा, थेनोन
स्वर्गदूतसे सीने भिबा गडरी म्हाडला आसे
म्हमेदेन छयाम ताम पाड्मुबा, थसेन म्हाडदा
पिन्बाला लागिरी छोनो बचन याड्बा मुबा।^२

३९ “थसे कुल्बा ताम आडयान्ना म्हाडला
आसे म्हेमसे थदा ख्तासी मिशर म्हत्सारीन
दोःसी निबा सम लजी। ४० जमाहेन्स थेनीगदेसे
हारुनदा म्हाडला डाच्छे डाच्छे भरबा
तिगे लगदे स्हासी पिन्गो। तिगदा भिसम
डन्दा मिशर म्हत्साग्याम फेसी भबा चु
मोशादा तिग तगम म्हाडदा था आर’ भिसी

१७ :१९ परस्था १ :११-१३, २२ १७ :२० परस्था २ :२ १७ :२१ परस्था २ :३-१०

१७ :२३ परस्था २ :११-१५ ; १८ :३-४ १७ :३० परस्था ३ :१-१० १७ :३५ परस्था २ :१४

१७ :३६ परस्था ७ :५ ; १४ :२१ ; गन्ती १४ :३३ १७ :३७ व्यव १८ :१५, १८

१७ :३८ परस्था १९ :१-२० :१७ ; व्यव ५ :१-३३

भिजी। ०४१ जमाहेन्से थनीगदसे म्हे बहरला मूर्ति गिक स्हासी थरी बलि पिन्जी, ओच्छे हराडसे लबा गरी थनीगदे ल्हानान ताडजी। ०४२ थतबासलमा परमेश्वरसे थनीगददा ख्लाजी, ओच्छे थनीगदसे म्हन्बा हरडनोन मुरी मुबा सारगददा तेन्बारी ख्लासी पिन्जी। चु ताम अगमवक्तागदसे डाच्छान परमेश्वरला बचनरी भरबा मुबा, 'इसराएलीगद तिग एनीगदे बोगल न्ही दिडधोना तोडतोडबा ग्लारी मुबा धुइरी एनीगदसे डादा जन्तुला बलिदेन भेटोगदे पिन्जी? आपिन्नी। १' ४३ तर एनीगदसे मोलोख भिबा लला पालदेन रेफन भिबा लला सार, ओच्छे एनीगदसे तेन्बा लला मूर्तिगदे थोसी भोजी। थतबासेलमा दाहेन्से डाइ एनीगदेदा सजाय पिन्बाला लागिरी बेबिलोन भिबा ग्लायाम क्याम्सडपट्टि पुडला।'

स्तिफनससे परमेश्वर धन्ड्याबा पालला बाररी पाडबा

४४ "य्हाडला आसे म्हमे तोडतोडबा ग्लारी मुबा धुइरी थनीगददेन छ्याम परमेश्वर धन्ड्याबा पाल मुबा। थे पाल मोशासे मराडबादेन परमेश्वरसे कुल्बा अन्डार स्हाबा मुबा। ०४५ परमेश्वरसे अगुं य्हुलला म्हेगददा तेःसी थनीगदला य्हुल्सा य्हाडला आसे म्हमेदा शासन लपुडजी। थे पाल य्होशूस थनीगदला य्हुल्सा दासी किन्बा धुइरी थनीगददेन छ्यामनोन भजी। थहरड लसीन दाऊद गलेला धुइधोनान थे पाल थनीगददेन छ्यामनोन मुबा। १४६ दाऊद गलेसे परमेश्वरला दयामाया याडसी थेसे याकबला परमेश्वरला लागिरी दिम स्हाम्याङ्गो भिसी परमेश्वरदेन छ्याम बिन्ती लजी। ४४७ तर परमेश्वरला लागिरी दिम चा सोलोमन गलेसे स्होजी। १

४८ "तर म्हेसे स्हाबा दिमरी जम्मान भन्दा घरेन परमेश्वर धन्आछ्या, ओच्छे अगमवक्तागदसेनोन चुहरड पाडबा मुला। ४९ परमेश्वरसे चुहरड भिसी सुडबा मुला, 'डाला ठि स्वर्ग हिन्ना, ओच्छे जम्बुलिड डाला काड थान्बा ग्ला हिन्ना। एनीगदसे डाला लागिरी साहरडबा दिम स्हाजी?'

ओच्छे डाइ ब्रन्बा न्हा ग्ला खानड मुला? ५० तिग चु जम्मान स्हे डालान यास स्हाबा आहिन?''' ॥

५१ दोःसी स्तिफनससे चुहरड भिसी भिजी, "युडबा हरडबा सेम थाबा म्हेगदे, एनीगदसे हराडला समरी परमेश्वरदा साइमे आथान्नी। ओच्छे एनीगदला आसे म्हमेगदसे लबा हरडनोन एनीगदसेनोन परमेश्वरला आत्मासे पाडबादा सदन बिरोध लजी। ५२ एनीगदला आसे म्हमेगदसे अगमवक्तागदे न्हेडला सजिबा अगमवक्तादा चा दुख आपिन्नी तला? थनीगदसे परमेश्वरसे म्हन्बा अन्डार भरबा म्हे फखवान मुला भिसी थःना लबागदे जम्मादान साइजी। दान्दे हराडनी चा परमेश्वरसे धम्बा म्हेदा धोका पिन्बादेन साइबा म्हे दोजी। ५३ हराडनीसे स्वर्गदूतगदला याग्याम पिन्बा मोशाला ठिम मी याडजी। तर हराडनीसे थे ठिम आडयान्नी। १"

स्तिफनस सिबा

५४ स्तिफनसला चुहरडबा ताम थःसी थनीगदे बोमोसे म्लाड म्लाड तसी स्वा करबारी छ्याइजी। ५५ तर स्तिफनस चा परमेश्वरला आत्मासे प्तिडसी एकोहोरो स्वर्गपट्टि च्याजी। ओच्छे थसे परमेश्वरला घरेन य्हालरी येशूदा परमेश्वरला दाहिनेपट्टि राप्सी धन्ड्याबा मराडजी। ५६ ओच्छे थसे "च्यागो, डाइ स्वर्ग टोडबादेन परमेश्वरसे पुइखबा म्हे येशूदा परमेश्वरला दाहिनेपट्टि राप्सी धन्ड्याबा मराडबा मुला" भिसी भिजी।

१७ :४१ "सोलोमन गले" चा दाऊद गलेला झा हिन्ना।

१७ :५२ "परमेश्वरसे म्हन्बा अन्डार भरबा म्हे" चा येशू खरीष्ट हिन्ना।

१७ :४० परस्था ३२ :१ १७ :४१ परस्था ३२ :२-६ १७ :४२ आमो ५ :२५-२७

१७ :४४ परस्था २५ :९, ४० १७ :४५ यहो ३ :१४-१७ १७ :४६ २ शमू ७ :१-१६ ; १ इति १७ :१-१४

१७ :४७ १ राजा ६ :१-३८ ; २ इति ३ :१-१७ १७ :५० यशे ६६ :१-२ १७ :५१ यशे ६३ :१०

२७ तर थनीगदसे नाब्यड ख्यासी घरन काड लसी किरडसी तिकसुरीन स्तिफनसदा व्हाजी। २८ जमाहेन्से थनीगदसे युडबासे तोसी साइबाला लागिरी स्तिफनसदा शहरग्याम तेःसी भोजी। चुहरड लबा मराडबा म्हिगदसे हराड हराडला क्वान स्युसी शाऊल भिबा भ्यान म्हिदा जिम्मा लसी स्तिफनसदा युडबासे तोजी।

२९ थनीगदसे चुहरड लसी युडबासे तोबा धुइरी स्तिफनससे “परमु येशू डाला आत्मा हराडसे किन्ना” भिसी प्रार्थना लजी। ३० जमाहेन्से थसे पुइ जूसी घरन काड लसी, “परमु, चु पापला दोष थनीगददा थाखगे” भिमैछुयाम थला सा निजी।

शाऊलसे येशूदा विश्वास
लबा म्हिगददा दुस पिन्बा

१ स्तिफनसदा साइबारी शाऊलएनोन
८ दिक्बा मुबा। थनोन धिनकुनुहेन्से यरूशलेमरी मुबा मणडलीला बिरोधरी ल्हानान दुस तबारी छुयाइजी, ओच्छे मुल चलागद बाहेक थनीगद जम्मान ससा बडबड तसी यहूदियादेन सामरियाला ग्लारीक्यार यार्जी। २ जमाहेन्से परमेश्वरदा तेन्बा म्हिगदसे स्तिफनसला लासदा भोर्सी ल्हुजी, थे सिबासे लमा थनीगद ल्हानान कराबा किरडबा लजी। ३ तर शाऊलसे चा येशूदा विश्वास लबा म्हिगददा नाश लबारी छुयाइजी। ओच्छे दिम दिमरी वाडसी हरम्फब, मिरडम्हमे जम्मादान छुडबान भोर्सी झ्याल्खानरी झाडजी। ४

फिलिपसे सामरियारी थार्बा
पिन्बा समाचार थेःना लबा

५ जमाहेन्से थे ससा बडबड तसी थार्बा म्हिगदसे हराड धोतबा ग्लारी थार्बा पिन्बा समाचार थेःना लजी। ६ फिलिप चा सामरियाला शहर गिकरी निसी थार्बा पिन्बा खरीष्टला बारेरी पाडजी। ७ फिलिपसे पाडबादेन थसे लबा उदेकला चिनु मराडसी थरी मुबा म्हिगदसे थला तामदा सेम लसी डयान्जी। ८ तिग्दा भिसम थरी मुबा ल्हानान म्हिला ल्हुइग्याम घरन काड लसी किरडबान म्हड थान्सी निबारी छुयाइजी। ओच्छे थरी मुबा काड या चलब आतबादेन कुज्या म्हिगददाएनोन खम्ना लबा मुबा। ९ थतबासेलमा थे शहरला म्हिगद ल्हानान ताडजी।

जाडु उन्बा सिमोन

१ थे शहररी सिमोन भिबा म्हि गिक मुबा। थसे डाच्छेहेन्सेन थे शहररी जाडु लसी सामरियाला म्हिगददा उदेक तना लबा मुबा। ओच्छे थसे हराडसे हराडदान डा हरडबा खाले आर भिसी म्हेन्मुबा। १० थदा म्हेल्साला जजाबा म्हिहेन्से घरनधोनाला जम्मान म्हिगदसे “चु परमेश्वरला शक्ति हिन्ना” भिसी तेन्मुबा, “चुदा जम्मान भन्दा घरन शक्ति भिसुला।” ११ थे ग्लाला म्हिगदसे सिमोनसे भिबा ताम डयान्सी थेदेन छुयाम भरमुबा। तिग्दा भिसम थसे ल्हानान धुइहेन्से जाडु लसी म्हिगददा उदेक तना लबा मुबा। १२ तर थनीगदसे परमेश्वरला म्हेल्सादेन येशू खरीष्टला मिनना समाचार थेःना लबा फिलिपला तामरी विश्वास लजी। जमाहेन्से हरम्फबेदेन मिरडम्हमे जम्मासेन बप्तिस्मा किन्जी। १३ सिमोनसेनोन विश्वास लसी बप्तिस्मा किन्जी, ओच्छे थे फिलिपदेन छुयाम भरबारी छुयाइजी। ओच्छे फिलिपसे लबा घरन घरन उदेकला गेदेन चिनुगद मराडसी सिमोन उदेक तजी।

१४ सामरियाला म्हिगदसे परमेश्वरला बचनरी विश्वास लजी भिबा थेःसी यरूशलेमरी मुबा मुल चलागदसे पतरुसदेन यहून्नादा थनीगद मुबा ग्लारी पुइजी। १५ थनीगद सामरियारी धाखसी थरी मुबा विश्वासीगदसे परमेश्वरला आत्मा याडगे भिसी पतरुसदेन यहून्नासे प्रार्थना लजी। १६ तिग्दा भिसम थे धुइधोना थनीगदे न्हडला खालेथारीनोन परमेश्वरला आत्मा फखबा आरमुबा। थनीगदला बप्तिस्मा परमु येशूला मिनरी जे तबा मुबा। १७ पतरुसदेन यहून्नासे थनीगदथारी या थान्सी प्रार्थना लमाहेन्से थनीगदसे परमेश्वरला आत्मा याडजी।

१८ मुल चलागदसे या थान्ना परमेश्वरला आत्मा याडबा मराडमाहेन्से सिमोनसे थनीगददा टाडगा पिन्बारी छुयाइबान, १९ “डादाएनोन चु शक्ति पिन्ना, ओच्छे डाइ जुन म्हिथारी या थान्ना थे म्हिसे परमेश्वरला आत्मा याडगे” भिसी भिजी। २० तर पतरुससे सिमोनदा चुहरड भिसी भिजी, “एला टाडगा एदेन छुयामनोन नाश तगे। तिग्दा भिसम परमेश्वरला मोलम टाडगासे ग्लुखम्ता भिसी

एसे म्हन्जी। २१ परमेश्वरला डाच्छा एला समसे म्हन्बा ताम ठीक आरेबास लमा चु गरी एला तिगे भोदेन अधिकार आर। २२ थतबासलमा एसे म्हन्बा चु आज्यबा नडबा तामदा ख्तासी परमेश्वरपट्टि दोःसी परमेश्वरदेन छ्याम प्रार्थना लसम एला समरी म्हन्बा चुहरडबा तामदा परमेश्वरसे माफ पिन्ना तला। २३ तिगदा भिसम एला सभ डाहसे प्तिड्बादेन पापला तहरी मुला मिबा ताम डादा था मुला।”

२४ जमाहेन्से सिमानसे “हराडनीसे सुड्बा ताम डाथारी थाखगे भिसी हराडनीसेन परमेश्वरदेन छ्याम डाला लागिरी प्रार्थना लसी पिन्ना” भिसी भिजी।

२५ ओच्छे पतरुसदेन यूहन्नासे येशूसे लबा हराडसेन मराड्बा गेदेन परमुला बचनग्याम घोना लमाहेन्से सामरीगदला ल्हानान नाम्सागदरी थाबा पिन्बा समाचार थेःना लबान थेनीगदे यरूशलेमरी धोजी।

फिलिपसे इथियोपिया मिबा
सरकारी म्हिदा स्याम्बा

२६ जमाहेन्से परमुला दूत गिकसे फिलिपदा “ए रःसी ल्हापट्टि यरूशलेमग्याम गाजापट्टि निउ। थ ग्याम तोडतोडबा मुला” भिसी भिजी। २७ थतबासलमा फिलिप रःसी निजी, थसे नपुंसक गिकदा स्याम्बा थ नपुंसक इथियोपिया मिबा म्हल्साला कन्दाकी मिबा ग्लेस्याला टाडगाला गे लबा मुल म्हि मुबा। थ नपुंसक परमेश्वरदा तेन्बारी यरूशलेमरी निबा मुबा। २८ थ नपुंसक हराडला दिमपट्टि दोःसी खबान मुबा, ओच्छे थ हराडला रथरी चिसी यशेया मिबा अगमवक्तासे भिरबा किताब पढब लबान मुबा। २९ जमाहेन्से परमेश्वरला आत्मासे फिलिपदा “ए थ रथला डामरी निसी थदेन छ्याम छ्यामनोन निउ” भिसी सुड्जी।

३० फिलिप थ मुबा ग्लारी यासी निमा थसे यशेया मिबा अगमवक्तासे भिरबा किताब पढब लबान लबा थेःजी। जमाहेन्से फिलिपसे थदा “हराडसे पढब लबान लबा चु ताम घोमुला?” भिसी डयोडमा,

३१ थसे “खालेसे घोना आलतेधोना डाइ साहरड लसी घोसे?” भिसी भिजी। जमाहेन्से

थसे फिलिपदा रथरी डादेन छ्यामनोन चिउ भिसी पाड्जी। ३२ थसे पढब लबा परमेश्वरला बचनरी चुहरड भिसी भिरबा मुबा, थ साइबारी भोर्बा ग्यु हरडबान मुबा, ओच्छे ग्यु बागो हराडला करा थामा कुटिसी चिमुला,

थहरड लसीन थसेनोन तिगे आसुडना कुटिसी चिजी। x

३३ थदा अत्याचार तबा धुइरी थसे ठीक निसाफ आयाडनी।

दाहेन्से थला वंशला बाररी खालेसे पाड्ला ?

तिगदा भिसम थला जुनी जम्बुलिङ्ग्याम भोजी।

३४ जमाहेन्से थ नपुंसकसे फिलिपदा

“चु अगमवक्तासे खाल्ला बाररी पाड्बा हिन्ना? थसे हराडलान बाररी पाड्बा हिन्ना कि ख्दान्दा खाले म्हिल्ला बाररी पाड्बा हिन्ना? डादा पाड्सी पिन्ना” भिसी भिजी।

३५ जमाहेन्से फिलिपसे परमेश्वरला थनोन

बचनग्याम थदा येशूला बाररी थाबा पिन्बा

समाचार पाड्जी। ३६ ओच्छे थेनीगदे निबान

लबा धुइरी क्युड मुबा ग्लारी धोजी। जमाहेन्से

थ नपुंसकसे फिलिपदा “च्यागो, चुरी क्युड मुबा

चीम, दाहेन्से डादा बप्तिस्मा किन्बारी तिगसे

रोकब लखम्ला?” भिसी भिजी। ३७ फिलिपसे थ

नपुंसकदा “हराडसे समहेन्सेन विश्वास लसम

हराडसे किन्खम्ला” भिसी भिमा थ नपुंसकसे,

“येशू खरीष्टनोन परमेश्वरला झा हिन्ना

भिसी डाइ विश्वास लबा मुला” भिसी जोहाब

पिन्जी। ३८ जमाहेन्से थ नपुंसकसे रथ रोकब

लपुड्जी ओच्छे फिलिपदेन थ क्युइरी वाड्जी,

जमाहेन्से फिलिपसे थदा बप्तिस्मा पिन्जी।

३९ थन्नीन क्युडग्याम पाखारी थान्मेछ्याम

परमुला आत्मासे फिलिपदा भोजी, जमाहेन्से

नपुंसकसे फिलिपदा दोःसी आमराडनी, ओच्छे

थ ताडबान दिमरी निजी। ४० तर फिलिपसे हराड

अशदाद मिबा ग्लारी धोजीम मिबा था याड्जी।

ओच्छे कैसरिया मिबा ग्लारी आदोतेधोना

जम्मान शहरगदरी थाबा पिन्बा समाचार थेःना

लबान निजी।

३८:३७ चु पद ल्हाना हरडबा गरीक बाइबलरी भिरबा आर।

४८:३२ यशे ५३:१७-८

शाऊलसे येशूदा विश्वास लबा

१थेनोन धुइरी शाऊलसे अझ धाग उन्वान
१ परमुला चलागददा साइबारी परमेश्वरला मन्दिररी पूजा लबा मुल म्हि मुबा ग्लारी निसी, २परमुदा विश्वास लबा हरम्फबेदेन मिरडम्हम न्हडला जो स्याप्से सीसी यरूशलेमरी भम्पाङ्गे भिसी दमस्कस भिबा ग्लाला यहूदीगदे हरुप तबा दिमला नेतागदला लागिरी चिठी भिरसी पिन्ना भिसी चिठी हरीजी। ३जमाहेन्से शाऊल निवान लमा थे दमस्कस भिबा ग्लाला डामरी धाजी। थरी धोमा स्वर्गग्याम तिवसुरीन थला क्युर्नान य्हाल तजी। ४थे सरी हिरलजी ओच्छे थेसे “शाऊल, शाऊल, एसे डादा तिग्दा ल्हानान दुख पिन्बा?” भिबा काइ थे:जी।

५ओच्छे थेसे “परमु हराड खाल हिन्ना?” भिसी भिमा चुहरड भिबा काइ थे:जी, “डा एसे ल्हानान दुख पिन्बा येशू हिन्ना। ६दाहेन्से ए रे:सी शहररी निउ, ओच्छे एसे तिग लतो:बा थे ताम एदा उन्ना।”

७थेदेन छुयाम भिबा म्हिगदेसे थे काइ चा थे:जी, तर क्यामार च्यामा खालेदा आमराडबासे लमा थेनीगदे थोम तसी चिजी। ८जमाहेन्से शाऊल रे:सी मी टोडसी च्यामा थेसे तिगे आमराडनी, ओच्छे थेदेन छुयाम मुबागदेसे थला यारी चुडसी दमस्कस भिबा ग्लारी भार्जी। ९थेसे सोमरधाना तिगे आमराडनी, ओच्छे चबा थुडबाएनोन आलनी।

१०दमस्कस भिबा ग्लारी हननिया भिबा परमुला चला गिक मुबा। थदा म्हाडरी परभुसे “हननिया” भिसी ड्योडमा, थेसे “लास्सो परभु” भिसी भिजी।

११जमाहेन्से परभुसे थदा चुहरड भिसी सुड्जी, “ए ‘सोजो’ भिबा ग्यामपट्टि निउ, थरी यहूदाला दिमरी शाऊल भिबा टार्सेस शहररी चिबा म्हिदा म्हाडगो, च्यागो, थेसे दान्दे परार्थना लबान मुला। १२थेसे म्हाडरी हननिया भिबा म्हि गिक खसी मराडखमो भिसी हराडथारी हननियासे या थान्बा मराडबा मुला।”

१३तर हननियासे चुहरड भिसी भिजी, “परभु, चु म्हिसे मी यरूशलेमरी मुबा हराडला म्हिगदेदा गाते नडबा गे लसी दुख पिन्नी भिबा ताम डाइ ल्हानान म्हिगदेग्याम थे:बा मुला। १४चुरीनोन

हराडला मिन किन्बागदेदा सीबारी परमेश्वरला मन्दिररी पूजा लबा मुल म्हिगदेग्याम अधिकार याड्बा मुला।”

१५तर परभुसे थदा चुहरड भिसी सुड्जी, “ए निउ, तिग्दा भिसम डाइ थदा डादा तेन्बारी धम्बा मुला। थेसे अर्गु य्हालला म्हिगदे, ग्लेगदेदेन इसराएलीगदेदा डाला मिन थे:ना लला। १६दाहेन्से थेसे डाला लागिरी गाते दुख नातो:ला भिबा ताम डाइ थदा उन्ना।”

१७जमाहेन्से हननिया भिसी थे दिमरी वाड्जी। ओच्छे शाऊलथारी हराडला या न्हीनोन थान्सी चुहरड भिसी भिजी, “शाऊल आले, ए ग्यामरी खबान लबा धुइरी ए मुबा ग्लारी फखबा परभु येशूसेन डादा पुइखबा हिन्ना। एसे मराडबारी खमो ओच्छे परमेश्वरला आत्मासे प्लिडगे भिसी ए मुबा ग्लारी पुइखबा हिन्ना।” १८हननियासे थहरड भिमैछुयाम थला मीग्याम जजाबा पापरा हरड्बा ताड्जी ओच्छे थला मीसे मराडखमो। जमाहेन्से रे:सी थेसे बप्तिस्मा किन्नी। १९ओच्छे थेसे चबा स्हे चसी भड याड्जी।

शाऊलसे दमस्कसेदेन यरूशलेमरी

परमेश्वरला य्हुत्साला समाचार थे:ना लबा

शाऊल तिगे रंधोना येशूदा विश्वास लबागदेदेन छुयाम दमस्कसरी चिजी। २०ओच्छे तुरुन्तन शाऊल यहूदीगदे हरुप तबा दिमरी निसी, “येशू परमेश्वरला झा हिन्ना” भिसी पाड्बारी छुयाड्जी। २१चुहरड भिबा थे:बा म्हिगदे जम्मान उदेक म्हन्सी चुहरड भिजी, “येशूला मिन किन्बा यरूशलेमरी मुबा म्हिगदेदा नाश लबादेन चुरीनोन येशूला मिन किन्बा म्हिगदेदा सीसी परमेश्वरला मन्दिररी पूजा लबा मुल म्हिगदे मुबा ग्लारी भार्बा सेमसे खबा चुनोन म्हि आदिन?” २२तर शाऊलसे थे:ना लबा ताम झन झन शक्तिशाली तबान निजी ओच्छे येशून थार्बा पिन्बा खरीष्ट हिन्ना भिसी दमस्कसरी मुबा यहूदीगदेदा अलमल तना लजी।

२३ल्हानान रे निमाहेन्से शाऊलदा साइबारी यहूदीगदे दिक्सी सल्लाह लजी। २४तर थेनीगदेसे हराडदा साइबारी म्हाडबा ताम शाऊलसे था याड्जी। शाऊलदा साइबारी थेनीगदेसे दमस्कस शहरला मराप मरापरी धिन म्हुननोन खरुडसी चिमुबा। २५तर शाऊलदा

स्थान्दो विश्वासीगदसे म्हनडनोन छाडरी
युसी थं शहरला पर्वालंग्याम मार पुडजी। १

शाऊल यरूशलेम शहररी

२६ शाऊल यरूशलेमरी खमाहेन्से थरी मुबा
येशूला चलागददेन छ्याम द्विक्वारी म्हाइजी।
तर थनीगदसे थं येशूला चेला हिन्ना भिसी
विश्वास आतबास लमा शाऊल मराडसी
जम्मान लोडजी। २७ तर बारनावाससे मुल
चलागदे मुबा ग्लारी शाऊलदा हराडदेन
छ्यामनोन भोजी। ओच्छे शाऊलसे परमुदा
ग्यामरी मराडबादेन परभुसे सुडबा तामला
बाररी पाडजी। थहरड लसीन दमस्कसरी
आलोडनान येशूला बाररी थःना लजी भिबा
ताम बारनावाससे थनीगदेदा पाडसी पिन्जी।
२८ जमाहेन्से शाऊल यरूशलेमला जम्मान
ग्लारी थनीगदेदेन छ्याम छ्याम भरजी,
ओच्छे शाऊल आलोडनान परमुला बाररी
थःना लवान भरजी। २९ ओच्छे शाऊलदेन
गरीक ग्योइ पाडबा यहूदीगदे हराड हराड
न्हडरी आदिक्वा ताम लमुबा, तर थं गरीक
ग्योइ पाडबा यहूदीगदसे चा शाऊलदा
साइवारी म्हाइवान मुबा। ३० चु ताम था याडसी
परमुदा विश्वास लबागदसे शाऊलदा कैसरिया
भिबा शहररी भोजी, ओच्छे थग्याम टार्सेस
भिबा शहरपट्टि पुडजी।

३१ जमाहेन्से यहूदियादेन गालील ओच्छे
सामरिया भिबा ग्लारी मुबा जम्मान मण्डलीदा
शान्ति तजी। ओच्छे परमुला चलागदसे
परमेश्वरला आत्माग्याम आँट याडजी ओच्छे
मण्डलीएनोन बढब तजी। चलागदे परमेश्वरसे
कुल्बा अन्छार भरमुबा ओच्छे परमुदा
विश्वास लबा म्हिगदेएनोन ल्हानान तवान
निजी।

एनियासदेन डोरकास भिबा म्हि खम्बा

३२ पतरुस क्यारमारला नाम्सागदेरी
कोर्बान निबा धुइरी लुडडा भिबा ग्लारी मुबा
परमेश्वरला म्हिगदे मुबा ग्लारी धोखजी।
३३ पतरुससे थरी एनियास भिबा कुज्या म्हि
गिक म्हेसी चिबा स्याप्जी, थं म्हि कुज्या तबा
भरः दिड तबा मुबा। ३४ जमाहेन्से पतरुससे थं

कुज्या म्हिदा “एनियास, एदा येशू खरीष्टसे
खम्ना लला। थेतबासलमा ए रःसी हराडला
तीबा नान्बा दुइगो” भिसी भिमेछ्याम थं कुज्या
म्हि डोड रःजी। ३५ थं कुज्या म्हि खम्बा
मराडसी लुडडादेन शारोन भिबा ग्लारी चिबा
जम्मान म्हिगदसे परमुदा विश्वास लजी।

पतरुससे परार्थना लमाहेन्से डोरकास दोःसी सोबा

३६ योप्पा भिबा शहररी तबीता भिबा चेला
गिक मुबा, थदा गरीक ग्योइरी डोरकास भिमुबा।
३७ थसे सदेन पराडबागदेदा हरो लबादेन ज्यबा
गे लमुबा। ३८ पतरुस लुडडा भिबा ग्लारी
मुबा धुइरी थं तबीता आखम्ना सिजी, ओच्छे
म्हिगदसे थला लास खरूसी तलाथोला कोठा
गिकरी भोर्सी थान्जी। ३९ लुडडा भिबा ग्ला
योप्पा शहरला डामरीन तबास लमा चलागदसे
पतरुस थरी मुला भिबा ताम थःसी, “डनी मुबा
ग्लारी योना फप्खउ भिउ” भिसी म्हि न्हीदा थं
मुबा ग्लारी पुडजी।

४० जमाहेन्से पतरुस थनीगदेदेन छ्याम
निजी। थरी धोखमाहेन्से थनीगदसे पतरुसदा
तलाथोला कोठारी भोजी। जमाहेन्से थरी मुबा
हरम्बा सिबा मिरडम्हेमगदे पतरुसला डामरी
राप्सी कराबान मुबा, ओच्छे डोरकास भिबा
तबीतासे थनीगदेदेन छ्याम मुबा धुइरी राबा
क्वान उन्जी।

४१ जमाहेन्से पतरुससे थनीगदे जम्मान
मडग्यार पुडसी पुड जूसी परार्थना लजी,
ओच्छे थं लासपट्टि च्यासी, “तबीता
रःगो” भिसी भिमा, तबीतासे मी ठोडजी
ओच्छे थसे पतरुसदा मराडसी रःसी चिजी।
४२ पतरुससे तबीताला यारी चुडसी थोजी
ओच्छे परमेश्वरला म्हिगदेदेन हरम्बा सिबा
मिरडम्हेमगदेदा ड्योइसी तबीता सोजी भिसी
उन्जी।

४३ जमाहेन्से चु ताम योप्पा शहर नाडनोन
थःजी, ओच्छे ल्हानान म्हिगदसे परमुदा
विश्वास लजी। ४४ ओच्छे पतरुस ल्हानान
धिनधोना दिला गे लबा सिमोन भिबा म्हिदेन
छ्याम योप्पा शहररीन चिजी।

१९ :३६ हिब्रूग्योइरी “तबीता” ओच्छे गरीक ग्योइरी “डोरकास” भिरबा मुला। चुला अर्थ चा “तडगी”
हिन्ना।

पतरुसदेन कर्नलियस

१केसरिया भिबा ग्लारी कर्नलियस भिबा
१० म्हि गिक मुबा, थं म्हि रोमी म्हुलला
इटातिया भिबा सिपाहीला कप्तान मुबा।
२थस परमेश्वरदा तेन्मुबा, ओच्छे थदन
थला दिमला जम्मान म्हिगदस परमेश्वरसं
कुल्बा ताम ड्यान्मुबा। थस आरबागददा
ज्यबा सेमसं पिन्मुबा। ओच्छे परमेश्वरदेन
छ्याम सदन परार्थना लमुबा। ३तिरकुनु थसं
धिनना तीन बजरीक्यार परार्थना लबा धुइरी
परमेश्वरला स्वर्गदूत गिक हराड मुबा ग्लारी
खबा मराड्जी। ओच्छे स्वर्गदूतसं थदा
“कर्नलियस!” भिसी ड्योइबा थं:जी।

४जमाहेन्स कर्नलियस लोड्सी स्वर्गदूतदा
ज्यना लसी च्यासी, “परभु, सुड्गो” भिसी भिमा,
स्वर्गदूतसं थदा चुहरड् भिसी भिजी, “एस
लबा परार्थनादेन एस पराड्बोगददा दया
लसी चबा थुड्बारी पिन्बा जम्मान गे
परमेश्वरदा फुल्बा भेटी हरड्बान दोबा
मुला। ५दाहेन्स एस योप्पा भिबा शहररी
म्हिगदे पुइसी पतरुस भिबा सिमोनदा
ड्योइगो। ६थे ढिला गे लबा सिमोन भिबा
म्हिदेन छ्याम चिबा मुला, थं सिमोनना
दिम समुन्दरला कुनीरी मुला।”

७ओते पाड्माहेन्स स्वर्गदूत कर्नलियस
मुबाग्याम फेसी निजी। जमाहेन्स कर्नलियससं
हराड्दला नोकरगदे न्हड्दला नोकर न्हीदेन सदन
हराड्ददा क्याड्बा ओच्छे परमेश्वरदा तेन्बा
सिपाही गिकदा ड्योइजी। ८ओच्छे थनीगदेदा
चु जम्मान ताम पाड्सी योप्पा भिबा शहररी
पुइजी।

पतरुससं मराड्बा ताम

९न्हड्गरदड थनीगदे निबान लबा धुइरी
धिनना बाहर बजरीक्यार योप्पा शहरला डामरी
धोखमा पतरुस चा परार्थना लबारी दिमला
कौसीरी निजी। १०थे धुइरी पतरुसदा फोखरेन्जी,
ओच्छे थसं चबा स्ह चबारी म्हाइजी। तर
स्थान्दोगदसं चबा स्ह स्होबान मुबा, थनोन
धुइरी थं एकोहोरो तजी। ११जमाहेन्स थसं स्वर्ग
ठाड्बा मराड्जी ओच्छे कुनी बिनरीन खीबा
तन्ना हरड्बा स्वर्गग्याम जम्बुलिड्पट्टि
मार खबान लबा मराड्जी। १२थे तन्नारी

जम्बुलिड्दला काड् बिन मुबा ल्हानान थरीला
जन्तुदेन सरी भरबा जन्तु ओच्छे चरागदे मुबा।
१३जमाहेन्स पतरुससं चुहरड् भिबा काइ थं:जी,
“पतरुस, ए र:सी चुदा साइसी चउ।”

१४तर पतरुससं “आहिन परभु, डाइ चुहरड्बा
चबारी आतबा नइबा स्ह §खाइमे चबा आर” भिसी
भिजी।

१५दो:सीनोन पतरुससं “परमेश्वरसं चोखो
स्थासी जिन्बा स्हदा एस नइबा स्ह थाम्हेन्गो”
भिबा काइ थं:जी। १६सोमरमधोना चुहरड्बा काइ
थं:जी, ओच्छे थं तन्ना तुरुन्तन स्वर्गपट्टि
भोजी।

१७हराड्सं मराड्बा तामला अर्थ तिग मुला
तला भिसी पतरुस अलमल तसी चिमुबा। थनोन
धुइरी कर्नलियससं पुइबा म्हिगदे सिमोनना दिम
म्हाइबान निमा दिम स्याप्सी मरापरी राप्जी।
१८ओच्छे धरेन काइ लसी, “पतरुस भिबा सिमोन
चुरी धन्छ्यामुला?” भिसी ड्योइजी।

१९थे धुइरी पतरुस हराड्सं मराड्बा तामला
बाररी म्हेन्सी चिबा मुबा। थनोन धुइरी
परमेश्वरला आत्मासं पतरुसदा चुहरड् भिसी
सुड्जी, “च्यागो, एदा म्हि सोमसं म्हाइबान
मुला। २०थे तबासलमा ए र:सी धिरी निउ,
ओच्छे शड्का आलना थनीगदेदेन छ्याम निउ,
तिग्दा भिसम थनीगदेदा डाइनोन पुइखबा
हिन्ना।”

२१जमाहेन्स पतरुस थनीगदे मुबा ग्लारी
निसी, “च्यागो, एनीगदसं म्हाइबा म्हि डानोन
हिन्ना। एनीगदे चुरी तिग्दा खबा?” भिसी
ड्योइमा, २२थनीगदसं पतरुसदा “कर्नलियस
भिबा कप्तानसं डन्दा पुइखबा हिन्ना। थं ज्यबा
म्हिदेन परमेश्वरदा तेन्बा म्हि हिन्ना, ओच्छे
यहूदीगदे जम्मासन थदा मान लमुला। थला
दिमरी हराड्दा ड्योइसी हराड्सं सुड्बा ताम
ड्यान्गो भिसी परमेश्वरला स्वर्गदूतगदे गिकसे
कुल्बा मुला” भिसी भिजी।

२३थे तबासलमा थनीगदेदा न्हड्डी ड्योइसी
पतरुससं थनीगदेदा क्याड्जी।

पतरुस कर्नलियसला दिमरी निबा

न्हड्गरदड पतरुस थनीगदेदेन छ्याम निजी,
ओच्छे येशूदा विश्वास लबा योप्पा शहररी मुबा
कोइ कोइ म्हिगदेएनोन थदेन छ्याम निजी।
२४रनीदड थनीगदे कैसरिया भिबा ग्लारी धोजी।

कर्नलियससे चा हराडला म्हिगदेदेन हराडदेन छ्याम दिक्बा हरागदेदा डयोइसी थनीगदला ग्याम च्यासी चिबा मुबा। २५ पतरुस न्हडरी खमाहेन्स कर्नलियस थदेन छ्याम हरुप तजी, ओच्छ थदा पया लजी। २६ तर पतरुससे थदा थोसी, “र:गो, डाएनोन म्हि जे हिन्ना” भिसी भिजी।

२७ ओच्छे थदेन छ्याम ताम पाड्बान दिम न्हडरी वाड्जी, थरी पतरुससे ल्हानान म्हिगदे हरुप तसी चिबा मराड्जी। २८ पतरुससे थनीगदेदा चुहरड् भिसी भिजी, “डनी यहूदीगदला टिमसे अर्गु य्हूलला म्हिगदेदेन छ्याम हरुप तबारी आपिन्मुला *भिबा ताम हराडनीदा थानोन मुला, तर परमेश्वरसे डादा खजिबे म्हिदा नइबादेन गे आसेल्बा थाम्हेन्गो भिसी उन्बा मुला। २९ थेतबासेलमा हराडनीसे डयोइमेछ्याम तिगे आम्हेन्ना डा हराडनी मुबा ग्लारी सबा हिन्ना। हराडनीसे डादा चुरी तिग्दा डयोइबा हिन्ना डादा सुडगो।”

३० जमाहेन्से कर्नलियससे चुहरड् भिसी भिजी, “ब्रिनेर डाच्छा ओस्पन चुनोन धुइरी डा दिमरी तीन बजेला परार्थना लबान मुबा थ धुइरी य्हाल य्हाल्बा क्वान क्वान्बा म्हि गिक डाला डाच्छापटटि राप्जी। ३१ ओच्छे थ म्हिसे चुहरड् भिसी भिजी, ‘कर्नलियस, एसे लबा परार्थना परमेश्वरसे थ:बा मुला, थहरड् लसीन प्राडबागदेदा दया लसी चबा थुड्बा पिन्बा गे परमेश्वरसे ढन्बा मुला। ३२ थेतबासेलमा एसे योप्पा शहरी म्हि पुइसी पतरुस भिबा सिमानदा डयोइगो। थ समुन्दरला कुनीरी दिला गे लबा सिमानना दिमरी चिमुला।’ ३३ थेतबासेलमा डाइ तुरुन्तन हराड मुबा ग्लारी म्हि पुइखबा हिन्ना, दान्दे हराड डन्ना लागिरी ल्हानान दुख लसी चुरी फेखजी। दाहेन्से परमुसे हराडदा कुल्बा जम्मान ताम हराडग्याम डयान्बारी डनी जम्मान परमेश्वरला डाच्छापटटि हरुप तबा मुला।”

पतरुससे थार्वी पिन्बा समाचार थ:ना लबा

३४ जमाहेन्से पतरुससे चुहरड् भिसी पाड्बारी छ्याइजी, “चु ताम सत्य हिन्ना, परमेश्वरसे खालेला ली आच्याना जम्मादान

गिकनोन व्यवहार लमुला भिबा ताम डाइ मराड्बा मुला। ३५ तर य्हूल य्हूलला म्हिगदे न्हडला जुन म्हिसे परमेश्वरदा मान लसी थसे म्हेन्बा अन्धारला गे लला थ म्हि परमेश्वरदा सम निबा म्हि तला। ३६ ओच्छे येशू खरीष्टग्याम इसराएलीगदला गुडरी परमेश्वरसे पुइखबा शान्तिला समाचार हराडनीदा थानोन मुला। थनोन येशू जम्मालान परमु हिन्ना। ३७ यहूनासे बप्तिस्माला बाररी थ:ना लमाहेन्से गालीलहेन्से यहूदियाला जम्मान ग्लारी तबा ताम हराडनीदा थानोन मुला। ३८ खाहरड् लसी परमेश्वरसे नासतला येशूथारी हराडला आत्मादेन शक्ति पुइखजी। जमाहेन्से थसे ज्यबा गेदेन शैतानसे दुख पिन्बा जम्मान म्हिगदेदा खम्ना लबान भरुजी, तिग्दा भिसम थेदेन छ्याम परमेश्वर मुबा।

३९ “यहूदीगदला य्हुल्सादेन यरुशलेमरी येशूसे लबा जम्मान गे डन्से मराड्बा मुला। थदा म्हिगदेसे करुसरी टांगब लसी साइजी। ४० तर सोमरमाकुनु परमेश्वरसे थदा सोना लजी। थेतबासेलमा डन्से दो:सी येशूदा मराड्म्याड्जी। ४१ थदा जम्मान म्हिसे मी मराड्आम्याड्नी, तर थे सिबाग्याम सोमाहेन्से थेदेन छ्यामनोन चबा थुड्बा लसी भरबा म्हि डन्से जे मराड्जी। चुनोन ताम उन्बाला लागिरी डाच्छान परमेश्वरसे डन्दा धम्बा हिन्ना। ४२ ओच्छे थार्वी पिन्बा समाचार थ:ना लबारीदेन येशूदा सिबादेन सोबा म्हिगदला निसाफ लबाला लागिरी परमेश्वरसे धम्बा हिन्ना भिसी पाड्गो भिसी येशूसे डन्दा कुल्बा मुला। ४३ ओच्छे येशूथारी विश्वास लबागदे जम्मालान पाप येशूला मिनरी माफ याड्ला भिसी जम्मान अगमवक्तागदेसेनोन पाड्बा मुला।”

४४ पतरुससे चु ताम पाड्ना पाड्नान पतरुसला ताम थ:बा जम्मान म्हिथारी परमेश्वरला आत्मा फेखजी। ४५ अर्गु य्हूलला म्हिगदेथारीएनोन परमेश्वरला आत्मा फेखबा मराड्सी पतरुसदेन छ्याम सबा यहूदी विश्वासीगदे उदेक तजी। ४६ तिग्दा भिसम थनीगदेसे आसेबा ग्योइ पाड्सी परमेश्वरला

**१०:२५ यहूदीगदेसे चा अर्गु य्हूलला म्हिगदेदा परमेश्वरला डाच्छा नइबादेन तिगे गे आसेल्बा म्हि भिसी म्हेन्मुबा।

जयजयकार लबान लबा यहूदी विश्वासीगदसे थःजी।

जमाहेन्से पतरुससे चुहरड भिसी पाङ्गी, १७ “य्हाडसे हरङ्गोन परमेश्वरला आत्मा याडबा चु म्हिगददा दाहेन्से क्युडला बप्तिस्मा किन्बारी खात्से रोकब लबा?” १८ थतबासलमा पतरुससे थनीगददा येशू खरीष्टला मिनरी बप्तिस्मा किन्गो भिसी कुल्जी। जमाहेन्से थनीगदसे पतरुसदा तिगे धिन इन्दन छ्याम स्हूगो भिसी भिजी।

खतना लबा यहूदीगददा पतरुससे घोना लबा

१ यहूदियारी मुबा मुल चलादेन स्थान्दो आलगेदसे अर्गु य्हुलला म्हिगदसनोन परमेश्वरला बचनरी विश्वास लजी भिबा ताम थःजी। २ ओच्छे पतरुस यरुशलेमरी धोखमाहेन्से खतना लनोन तोःला भिबा यहूदी विश्वासीगदसे पतरुसदा चुहरड भिसी विरोध लजी, ३ “खतना आलबा म्हिगदला दिमरी निसी थनीगददेन छ्याम हराडसे तिग्दा चबा थुडबा लबा?”

४ जमाहेन्से पतरुससे थनीगददा मेलोसेन घोना लबारी छ्याइजी। ५ “च्यागो, डा योप्या भिबा शहररी परार्थना लमा सेम गिक तसी एकोहोरो तबा धुइरी कुनी ब्तिरी खीबा घरेन तन्ना हरडबा गिक मुय्याम मार खबान लबा तिगे स्हे डाइ मराङ्गी, थ तन्ना हरडबा स्हे डा मुबा ग्लारी खजी। ६ थरी डाइ ज्यना लसी च्यामा जम्बुलिडरी मुबा काड ब्दि मुबा ल्हानान थरीला जन्तुगददेन सरी भरबा जन्तुगदे ओच्छे चरागददा मराङ्गी। ७ जमाहेन्से पतरुस रेःगो, एसे चुगदे साइसी चउ भिबा काइ डाइ थःजी।

८ “तर डाइ आहिन परमु, चुहरडबा चबारी आतबा नडबा स्हगेदे डाइ साइमै चबा आरे” भिसी मिमा, ९ “दोःसीनोन स्वर्गय्याम परमेश्वरसे चोखो स्होसी जिन्बा स्हेदा एसे नडबा स्हे भिसी थापाडगो भिबा काइ डाइ थःजी। १० सोमरमधोना चुहरङ्गोन तजी, जमाहेन्से थ जम्मान स्हे दोःसी स्वर्गरेन भोजी।

११ “थनोन धुइरी केसरिया भिबा ग्लाय्याम डा मुबा ग्लारी पुडखबा म्हे सोम डा चिबा

दिमरी धोखजी। १२ परमेश्वरला आत्मासे डादा थनीगददेन छ्याम शडका आलना निउ भिसी सुङ्गी। ओच्छे चु ज्योज्यो आले दुएनोन डादेन छ्याम निमुबा, जमाहेन्से डनी थ ग्हेला दिम न्हङ्गी वाङ्गी।

१३ थसे इन्दा चुहरड भिसी पाङ्गी, स्वर्गदूत गिक थला दिमरी राप्सी चुहरड भिसी पाङ्गबान लबा मराङ्गी, एसे योप्या भिबा शहररी म्हे पुइसी सिमोन भिबा पतरुसदा ड्याइसी भउ। १४ थसे एदा जुन ताम पाङ्गला थ तामग्याम एदेन एला दिमला जम्मान म्हिगदसे थार्वा याडला।

१५ “डाइ पाङ्गारी छ्याइमाहेन्से, डाच्छे य्हाडथारी परमेश्वरला आत्मा फखबा हरड लसी थनीगदथारीनोन परमेश्वरला आत्मा फखजी। १६ जमाहेन्से थूहन्नासे एनीगददा क्युडग्याम बप्तिस्मा पिन्जी, तर दाहेन्से परमेश्वरला आत्माग्याम एनीगदला बप्तिस्मा तला” भिसी परमुसे सुडबा ताम डाइ दन्जी। १७ परमु येशू खरीष्टदा विश्वास लमाहेन्से परमेश्वरसे य्हाडदा मोलम पिन्जी, थनोन मोलम परमेश्वरसे थनीगददाएनोन पिन्जी भिसम परमेश्वरदा रोकब लबा डा खाल हिन्ना?”

१८ चु ताम थःमाहेन्से थनीगदसे विरोध लबा खलाजी, जमाहेन्से थनीगदसे परमेश्वरदा जयजयकार लजी, ओच्छे “दाहेन्से परमेश्वरसे अर्गु य्हुलला म्हिगददाएनोन हराड हराडला पाप खलासी परमेश्वरपट्टि दोःसी सोबा मोका पिन्बा मुला” भिसी भिजी।

एन्टिओखिया भिबा शहरला मण्डली

१९ स्तिफनसला बाररी खबा दुखसे लमा ससा बडबड तबागदसे स्थान्दोगददा आहिन, तर यहूदीगददा जे थार्वा पिन्बा समाचार थःना लबान, फोनिक भिबा ग्लादेन साइपरस भिबा ग्ला ओच्छे एन्टिओखिया भिबा शहरधोना निजी। २० तर थनीगदे न्हङ्गला कोइ कोइ चलागदे साइपरसदेन कुरेनी भिबा ग्लाला मुबा। थनीगदे एन्टिओखिया भिबा शहररी खसी अर्गु य्हुलला म्हिगददाएनोन परमु येशूला बाररी थार्वा पिन्बा समाचार थःना लजी। २१ थनीगददेन छ्याम परमुला शक्ति मुबासे लमा ल्हानान म्हिगदसे विश्वास लसी परमुला चला दोजी।

२२ चु ताम यरूशलेमरी मुबा मण्डलीसे थे:जी, जमाहेन्स थनीगदसे एन्टिओसिया भिबा शहररी बारनाबासदा पुइजी। २३ बारनाबास थरी खसी परमेश्वरसे दयामाया लबादेन मोलम पिन्बा म्राडसी ल्हानान ताडजी। ओच्छ थस थनीगद जम्मादान सदन समहेन्स परभुदा विश्वास लसी चिउ भिसी ऑट पिन्जी। २४ बारनाबास परमेश्वरला आत्मास प्तिडबादेन विश्वासरी कोडबा ज्यबा म्हि मुबा। थेतबासलमा ल्हानान म्हिगदसे परभुदा विश्वास लजी।

२५ जमाहेन्स बारनाबास शाऊलदा म्हाइबारी टार्सस भिबा शहररी निजी। २६ थेस शाऊलदा स्याप्माहेन्स एन्टिओसिया भिबा शहररी मजी। जमाहेन्स थनीगदसे तिदिडधाना मण्डलीला म्हिगददेन छ्याम स्याप्वान ल्हानान म्हिगददा परमेश्वरला बचन लोप्बारी छ्याइजी। चलागददा जम्मान भन्दा डाच्छा एन्टिओसिया भिबा शहररीन खरीष्टियान भिसी भिजी।

२७ थे धुइरी कोइ कोइ अगमवक्तागद यरूशलेमग्याम एन्टिओसिया भिबा शहररी खजी। २८ थे अगमवक्तागद न्हडला अगाबस भिबा अगमवक्ता रे:जी, ओच्छ परमेश्वरला आत्मास थदा चु जम्बुलिङ नाडनोन घरेन अनिकाल तबारी छ्याइबा मुला भिसी पाडपुइजी। चु ताम लिच्छा क्लोडियस भिबा ग्लेला पालारी पूरा लजी। २९ जमाहेन्स जम्मान चलागदसे हराड हराडसे सन्तधाना भेटी हरुप्सी यहूदिया भिबा ग्लारी चिबा विश्वासीगददा पिन्बारी पक्का लजी। ३० चुहरड लसी बारनाबासदेन शाऊलसे भेटी हरुप्सी मण्डलीदा च्याबा म्हिगद मुबा ग्लारी पुइजी।

पतरुसदा झ्याल्खानरी थान्बा

१२ १थे धुइरी हेरोद अगिरपा भिबा ग्लेसे मण्डलीला कोइ कोइ म्हिगददा चुडसी ल्हानान दुख पिन्बारी छ्याइजी। २थे ग्लेसे यूहन्नाला ज्योज्यो याकूबदा तरवारसे थासी साइपुइजी। ३चुहरड लमा यहूदीगद

ताडबा मराडसी हेरोद ग्लेसे पतरुसदा एनोन चुडपुइजी। हेरोद ग्लेसे चुहरड लबा खमीर आयुना गेड चसी धडबा चाडला ##धुइरी मुबा। ४हेरोद ग्लेसे पतरुसदा चुडसी झ्याल्खानरी झाडमाहेन्स सिपाहीगदला समूह प्ति स्हासी खरुडपुइजी। ओच्छ मिशर य्हुत्साग्याम फेसी खबा धिनदा दन्सी धडबा चाड जिन्माहेन्स थदा म्हिगदला डाच्छापट्टि भिसी झ्याइबा छाबी लबा सम लजी। d

५थेतबासलमा पतरुसदा झ्याल्खानरी झाडजी, तर मण्डलीसे पतरुसला लागिरी परमेश्वरदेन छ्याम झन परार्थना लबाला लबान लजी।

पतरुस झ्याल्खानग्याम थान्बा

६हेरोद ग्लेसे पतरुसदा म्हिगदला डाच्छापट्टि भबारी छ्याइबा धिनना डाच्छाकुनुला म्हनड, पतरुस सिपाही न्हीला गुडरी म्हसी चिबा मुबा, थदा च्याल्दा न्हीसे सीसी थान्बा मुबा। ओच्छ स्हान्दो सिपाहीगदसेनोन झ्याल्खानना मरापरी खरुडसी चिबा मुबा। ७तिक्सुरीन परभुला दूत गिक पतरुस मुबा ग्लारी खसी राप्जी, ओच्छ पतरुसदा थान्बा कोठारी य्हाल लजी। ओच्छ थे स्वर्गदूतसे पतरुसला राइरी थुसी, “ए योना रे:गो” भिसी पतरुसदा छिडजी। स्वर्गदूतसे थहरड भिमेछ्याम पतरुसला यारी सीबा च्याल्दा हरडनोन व्तसी सरी ताइजी। ८जमाहेन्स स्वर्गदूतसे थदा “एस क्वानदेन लखम क्वान्गो” भिसी भिमा थेस थहरडनोन लजी। दो:सीनोन स्वर्गदूतसे पतरुसदा “ए घ नान्सी डाला लिच्छा लिच्छा खउ” भिसी भिजी। ९स्वर्गदूतसे थहरड भिमाहेन्स पतरुस स्वर्गदूतला लिच्छा लिच्छा भखारी छ्याइजी। स्वर्गदूतसे लबा चु गे साँचिन हिन्ना भिसी पतरुसदा थानोन ओरबा। तर पतरुससे चु डाइ म्हाड मराडबान मुला भिसी म्हन्जी। १०जमाहेन्स झ्याल्खानरी खरुडसी चिबा सिपाहीला समूह न्हीदा वाइसी थनीगद शहरपट्टि निबा फाइला मरापरी धोजी, थरी

११:२१ चु हेरोद अगिरपा घरेन हेरोदला छ्याया हिन्ना। यशू न्हाबा धुइरी चा घरेन हेरोद ग्ले मुबा (मती २:१८, लूका १:५)।

११:३ “खमीर आयुना गेड चसी धडबा चाड” भिबादेन मिशर य्हुत्साग्याम फेसी खबा धिनदा दन्सी धडबा चाड भिबा गिकनोन हिन्ना।

धोमैछ्याम थं मराप हरङ्गोनो ठोङ्गो, जमाहेन्स थनीगदे थोन्सी गल्लीला ग्याम तसी निना निनान स्वर्गदूतसे पतरुसदा रूलासी निजी।

११ थं धुइरी चा तिग तजी भिबा ताम पतरुससे था याङ्गसी चुहरङ्ग भिजी, “परभुसे हराङ्गला दूत पुइखसी हरोद ग्लेला याग्यामदेन यहूदीगदेसे लबारी छ्याइबा गग्याम फबा ताम पक्का हिन्ना।”

१२ चु ताम था याङ्गमाहेन्स थं मर्कूस भिबा यूहन्नाला आमा मरियमला दिमरी निजी। थरी ल्हानान म्हिगदे हरुप तसी प्रार्थना लसी चिबा मुबा। १३ थंसे मराप दवक दवक लमाहेन्स रोदा भिबा नोकरस्या मराप ठोङ्गबारी खजी। १४ थंसे पतरुसला काइ डोससी ताङ्गबासे लमा मरापनोन आठोङ्गना न्हङ्गरी यार्बान निसी, “पतरुस मरापरी राप्सी चिबा मुला” भिसी जम्मादान भिजी।

१५ तर थरी मुबागदेसे थंदा “ए म्याोजीम” भिसी भिमा थंसे दीपि लबान चु ताम पक्का हिन्ना भिसी भिजी। जमाहेन्स थनीगदेसे “थं पतरुसदा च्याबा स्वर्गदूत मुला तला” भिसी भिजी।

१६ तर पतरुससे चा मराप दवक दवक लबाला लबान लजी। जमाहेन्स मराप ठोङ्गमा पतरुसदा मराङ्गसी थनीगदे उदेक तजी। १७ तर पतरुससे थनीगदेदा “कुटिसी चिउ” भिसी यासे चाल लजी, ओच्छे परभुसे हराङ्गदा खाहरङ्ग लसी झ्याल्खानग्याम मङ्गयार तेःजी भिबा ताम थनीगदेदा पाङ्गो। ओच्छे चु ताम याकूबदेन विश्वास लबा स्थान्दो ज्योज्यो आल नाना आङ्गगदेदाएनोन पाङ्गो पिनो भिसी पतरुस थनीगदे मुबा ग्लाग्याम अर्गु ग्लारी निजी।

१८ स्थो तमाहेन्स पतरुस खानङ्ग निजी भिसी सिपाहीगदे न्हङ्गरी ल्हानान हल्ली खल्ली तजी। १९ हरोदसे पतरुसदा म्हाइगो भिसी कुलजी। तर थनीगदेसे पतरुसदा खानङ्गएनोन आस्यानी। थंतबासेलमा सिपाहीगदेदा झ्योइबा छ्यार्बा लजी, तसेनोन तिगे जोहाब आपिन्माहेन्स थनीगदेदा साइगो भिसी कुलजी। जमाहेन्स हरोद चा यहूदियाग्याम कैसरिया भिबा ग्लारी निसी थरीन चिजी।

हरोद सिबा

२० टुरोसदेन सीदोन ग्लुलाला म्हिगदेदेन छ्याम हरोद ल्हानान बोमो खबा मुबा।

थंतबासेलमा थनीगदे दिक्सी हरोद मुबा ग्लारी खजी, ओच्छे ग्लेला गे लबा बलस्तस भिबा म्हिदा हरो स्थोसी ग्लेदेन छ्याम दिक्बाला लागिरी सल्लाह लजी। तिगदा भिसम थनीगदला चबा स्हे हरोद ग्लेला ग्लुलालाग्याम खतोःबा मुबा।

२१ तोगब लबा धिनकुनु ग्लेसे जे क्वान्बा क्वान क्वान्सी हरोद ग्ले निसाफ लबा ठिरी चिसी म्हिगदला डाच्छा भाषण लजी। २२ जमाहेन्स म्हिगदेसे “चु काइ मी लला काइ हिन्ना, म्हिला आहिन!” भिसी किरङ्गो। २३ तर परमेश्वरला मानदेन जयजयकार आलबासे लमा थनोन धुइरी स्वर्गदूत गिकसे हरोद ग्लेदा आखम्बा तना लजी, जमाहेन्स स्याउँ स्याउँ च्योलोङ्ग तसी थं सिजी।

२४ तर परमेश्वरला बचन जुन जुन ग्लारी थेःजी थरी ल्हानान विश्वासीगदे बढब तबान निजी। २५ ओच्छे बारनाबासेदेन शाऊल हराङ्गला गे जिन्ना लसी यरुशलेमग्याम दोःजी। थनीगदेदेन छ्याम मर्कूस भिबा यूहन्नाएनोन मुबा।

बारनाबासेदेन शाऊलदा धम्बा

१९३ एन्टिओखियाला मण्डलीरी मुबा अगमवक्तागदेदेन लोन्बा म्हिगदे चुनोन हिन्ना। बारनाबासे, म्ताङ्गे भिबा शिमियोन, कुरनी भिबा लुकियस, शासन लबा हरोददेन छ्याम १११ छ्यार्बा मनोन ओच्छे शाऊल, २ थनीगदे फोइथान चिसी प्रार्थना लबान परभुदा तन्बा धुइरी परमेश्वरला आत्मासे “बारनाबासेदेन शाऊलदा डाला लागिरी फेसी थान्ना, काइ थन्नीदा डाला गे लबाला लागिरी धम्बा मुला” भिसी सुङ्गो। ३ जमाहेन्स थनीगदे फोइथान चिसी थन्नीथारी हराङ्ग हराङ्गला या थान्नी प्रार्थना लसी थन्नीदा परभुला गे लबारी पुइजी।

पावल थार्बा पिन्बा समाचार थंःना लबारी डाच्छारम निबा

समुन्दरला गुडरी मुबा साइपरस भिबा ग्लारी

४ परमेश्वरला आत्मासे बारनाबासेदेन शाऊलदा पुइजी, ओच्छे थन्नी सिलुकिया

भिबा ग्लारी निजी। थें ग्लाग्याम पानी जहाजरी करे:सी साइपरसपट्टि निजी। ५ ओच्छे सलामिस भिबा ग्लारी धोखमाहन्से थन्नीस यहूदीगदे हरुप तबा दिमरी परमेश्वरला बचन थे:ना लजी। थन्नीदा हरो लबारी मर्कूस भिबा यहून्नाएनोन थन्नीदेन छुयामनोन मुबा। ७

६ जमाहन्से थनीगद साइपरस भिबा अञ्चलला §§शहर शहररी कोबान पाफोस भिबा ग्लाधोना धोखजी, थरी थनीगदेस बार-यशू भिबा जादु लबा फट्टा यहूदी अगमवक्ता गिकदा स्याप्जी। ७ थें जादु लबा म्हे साइपरस भिबा अञ्चलरी शासन लबा सर्गियस पौलुस भिबा म्हेला हरो मुबा। थें सर्गियस पौलुस बुद्धि मुबा म्हे मुबा। थेंस परमेश्वरला बचन ड्यान्बा सम लबासे लमा शाऊलदेन बारनाबासदा ड्योइजी। ८ तर जादु लबा एलुमासेस सर्गियस पौलुसेस थनीगदला ताम विश्वास थालगे भिसी शाऊलदेन बारनाबासला बिरोध लजी। एलुमास भिबा चा गरीक ग्योइरी जादु लबा म्हे भिबा हिन्ना। ९ तर शाऊल, थेंदा पावलएनोन भिसुबा, परमेश्वरला आत्मासे प्लिडसी थें एलुमासदा एकोहोरो च्याबाला च्याबान लसी चुहरड भिसी भिजी, १० “ए जम्मान ज्यबा गला शतरु, ओच्छे पापी सेमदेन नइबा सेमसे प्लिडबा शेतानना कोला, तिग एसे परभुग्याम लोप्ला सत्य तामगदेदा न्होडना लबारी आख्ता? ११ च्यागो, दाहन्से प्रभुसे एदा सजाय पिन्सी जिन्बा मुला, थेंतबासलमा छिन्डधोना ए काना तसी धिनीला म्हालएनोन आम्राड” भिसी भिजी। थेंहरड भिमिछुयाम खसु हरडबा खसी थेंला मी घप्जी, ओच्छे धोपधोप तसी थेंस तिगे आम्राडनी।

जमाहन्से खालेस यारी चुडसी ड्याब लला वा भिसी थें क्यारमार भरबारी छुयाइजी। १२ चुहरड तबा म्राडसी थें ग्लारी शासन लबा म्हेसे प्रभुदा विश्वास लजी। तिगदा भिसम प्रभुला बचनग्याम लोप्ला तामरी थें उदेक तबा मुबा।

पावलसे एन्टिओखिया भिबा शहररी थार्बा पिन्बा समाचार थे:ना लबा

१३ पावलदेन थेंला हरोगदे पाफोसग्याम पानी जहाजरी करे:सी पामफिलिया भिबा ग्लारी परब तबा पर्गा भिबा ग्लारी धोजी, ओच्छे मर्कूस भिबा यहून्ना चा थनीगदग्याम फसी यरुशलेमरी धोजी। १४ तर थनीगद चा पर्गा भिबा ग्लाग्याम पिसिदिया भिबा अञ्चलरी परब तबा एन्टिओखिया शहररी खजी, ओच्छे ब्रन्बा न्हा धिनकुनु यहूदीगदे हरुप तबा दिम न्हडरी निसी चिजी। १५ ओच्छे यहूदीगदे हरुप तबा दिमला नेतागदेस मोशाला ठिमदेन अगमवक्तागदेस भिरबा किताब पढब लमाहन्से थनीगदेदा “आलेगदे, हराडनीदेन छुयाम म्हेगदेदा अर्ती पिन्बा खाल्ला तिगे बचन मुसम सुडगो” भिसी भिजी।

१६ जमाहन्से पावल राप्सी यासे चाल लबान चुहरड भिबारी छुयाइजी, “इसराएलला डाला ज्योज्यो आलेदेन परमेश्वरदा तन्बा अर्गु म्हुलला म्हेगदे डाला ताम ड्यान्गो। १७ म्हाडला आस म्हेमगदे मिशर म्हुल्सारी चिबा धुइरी इसराएल म्हुलला परमेश्वरसे थनीगदेदा धम्सी घरेन म्हे स्होजी। जमाहन्से परमेश्वरसे हराडला शक्तिशाली छुयासे थनीगदेदा थें म्हुल्साग्याम ते:सी भजी। १८ ओच्छे तोडतोडबा ग्लारी थनीगदेस लबा आज्यबा बानीबहोर नाबान ओस्पन बागल न्ही दिडधोना परमेश्वरसे थनीगदेदा हरो लजी। १९ जमाहन्से परमेश्वरसे कनान म्हुल्साला गोर निस म्हुलला म्हेगदेदा नाश लजी। ओच्छे थें म्हुल्सा परमेश्वरसे थनीगदला अधिकारी पिन्जी। २० चु जम्मान ताम ओस्पन ग्यार्जा ब्रितसे बागल न्हीसे च्युइ दिडधोना तजी।

“जमाहन्से शमूएल अगमवक्ताला पालोधोना परमेश्वरसे न्यायाधीश पिन्जी। २१ जमाहन्से म्हेगदेसे ग्ले हरीजी, थेंतबासलमा परमेश्वरसे बन्यामीनना वंशला कोश भिबा म्हेला झा शाऊलदा बागल न्ही दिडधोना शासन लपुडजी। २२ ओच्छे परमेश्वरसे

§§१३:६ “साइपरस” भिबा अञ्चल चा समुन्दरला गुडरी मुबा ग्ला हिन्ना। बाइबलला ग्यापपट्टि मुबा नकेसारी स्होगी।

७३:५ मुल १२:३२, २५ १३:१७ परस्था १:७; १२:५१ १३:१८ गन्ती १४:३४; व्यय १:३१

१३:१९ व्यय ७:१; यहो १४:१ १३:२० न्याय २:१६; १ शमू ३:२० १३:२१ १ शमू ८:५; १०:२१

शाऊलदा ते:माहेन्से दाऊददा थेनीगदला ग्ले स्हाजी। ओच्छे परमेश्वरसे दाऊदला बाररी 'डाइ यिसे भिबा म्हिला झा दाऊददा डाला समसे म्हन्वा हरडबान म्हि स्याप्जी, थेसे डाइ म्हन्वा जम्मान ग लला' भिसी सुडजी।^k

२३ "परमेश्वरसे कबुल लबा अन्धार चुनोन म्हिला सन्तानग्याम इसराएलीगददा थारबा पिन्बाला लागिरी येशूदा भजी। २४ येशू फेखला भन्दा डाऊददा यूहन्नासे इसराएलला जम्मान म्हिगददा हराड हराडला पाप ख्लासी परमेश्वरपट्टि दो:सी बप्तिस्मा किन्गो भिसी थे:ना लजी। २५ यूहन्नासे हराडला गे जिन्ना लबारी छ्याइमा 'एनीगदसे डा खाल भिसी म्हन्वा मुला? डा थे आहिन। तर च्यागो, थे डा भन्दा लिच्छा फेखला, डा थेला लखम स्युबाधोनाला ओर' भिसी भिसुबा।^m

२६ "अब्राहामला सन्तान, डाला ज्योज्यो आलेदेन परमेश्वरसे कुल्वा ताम ड्यान्वा अर्गु यहुलला आलेगद चु थारबा याडबा समाचार य्हाडला लागिरी पुइखबा मुला। २७ तर यरूशलेमरी चिबा म्हिगददेन हराडला नेतागदसे थदा डोआसेनी, ओच्छे ब्लन्वा न्हा धिनकुनु पढब लबा अगमवक्तागदसे भिरबा बचन आघोना थदा सिबाला सजाय पिन्सी थे बचन पूरा लजी। २८ सिबाला सजाय पिन्तो:बा तिगे ताम आस्याप्सेनोन थेनीगदसे थदा साइनोन तो:ला भिसी पिलातसदा भिजी। २९ ओच्छे थेनीगदसे थेला बाररी बचनरी भिरबा अन्धार जम्मान ताम लसी जिन्माहेन्से थेनीगदसे थदा करुसग्याम मार ते:सी धुसारी थान्जी। ३० तर परमेश्वरसे थदा सिबाग्याम सोना लजी। ३१ ओच्छे गालीलग्याम यरूशलेमधोना हराडदेन छ्याम सबा म्हिगदसे थदा ल्हानान धिनधोना मराडजी, दान्द म्हिगदला लागिरी थेनीगद थेला साक्षी हिन्ना।

३२ "परमेश्वरसे य्हाडला आसे म्हमेदेन छ्याम लबा थे कबुलला समाचार डन्से हराडनीदा पाडला। ३३ परमेश्वरसे येशूदा सिबाग्याम सोना लसी थेनीगदला कोलागद

य्हाडला लागिरी थे ताम पूरा लसी पिन्जी, थेला बाररी दाऊद ग्लेसे भिरबा न्हीरमला व्हाडरी चुहरड भिसी भिरबा मुला

'ए डाला झा हिन्ना,

तिनी डा एला आबा दोजी।'^p

३४ परमेश्वरसे येशूदा खाइमे नइना आलना सिबाग्याम सोना लबाला बाररी चुहरड भिसी सुडबा मुला,

'डाइ दाऊददा पिन्ना भिसी

लबा कबुल चोखादेन सत्य मोलम एनीगददा पिन्ना।'^q

३५ ओच्छे अर्गु व्हाडरीनोन चुहरड भिबा मुला,

"परमेश्वरसे हराडदा जे तेन्वा म्हिला ल्हुइ धुसारी नइआपुड।'^r

३६ तर चु ताम दाऊदसे हराडला बाररी पाडबा आहिन। तिगदा भिसम दाऊदसे हराड सोतेधोना परमेश्वरसे म्हन्वा हरडबान गे लसी सिजी। ओच्छे थदा थेला आसे म्हमे ल्हुवा गलरीन ल्हुजी, ओच्छे थेला ल्हुइ नइसी निजी। ३७ तर परमेश्वरसे सिबाग्याम सोना लबा येशूला ल्हुइ चा आनइनी।

३८ "थेतबासेलमा ज्योज्यो आलेगदे चु येशूग्यामसेन य्हाडला पाप माफ तला भिसी डाइ पाडबा चु ताम हराडनीदा था तगे। ३९ मोशाला ठिमग्याम हराडनी परमेश्वरदा सम निबा म्हि दोबारी आखन्नी। तर येशूदा विश्वास लबागद जम्मान परमेश्वरदा सम निबा म्हि दोबा मुला। ४० थेतबासेलमा होशियार लसी स्पूगो, आहिन्सम अगमवक्तागदसे पाडबा चु ताम हराडनीथारी सला। ४१ अगमवक्तागदसे चुहरड भिसी पाडबा मुबा, 'परमेश्वरसे सुडबा तामदा हेला लबागद, उदक तसी सिउ!

एनीगदला धुडरी डाइ गे गिक लला,

थे गेला बाररी खालेसे पाडसी पिन्सेनोन

एनीगदसे खाइमे विश्वास आल।'^s

४२ पावलदेन बारनाबास यहूदीगदे हरूप तबा दिमग्याम थोन्सी निबारी छ्याइमुबा, जमा म्हिगदसे सबा साताला ब्लन्वा न्हा धिनकुनुएनोन डन्दा चु ताम लोप्सी पिन्गो

१३:२२ १ शम् १३:१४; १६:१२; भजन ८९:२० १३:२४ मर्कु १:४; लूका ३:३

१३:२५ मत्ती ३:११; मर्कु १:७; लूका ३:१६; यूह १:२०, २७

१३:२६ मत्ती २७:२२-२३; मर्कु १५:१३-१४; लूका २३:२१-२३; यूह १९:३५

१३:२९ मत्ती २७:५७-६१; मर्कु १५:४२-४७; लूका २३:५०-५६; यूह १९:३६-४२

१३:३३ भजन २:७ १३:३४ यशे ५५:३ १३:३५ भजन १६:१० १३:४१ हब १:५

मिसी थेनीगदेदा पाडबाला पाडबान लजी। १२ यहूदीगदे हरुप तबा दिमग्याम थोन्माहेन्से ल्हानान यहूदीगदेदेन यहूदी धर्म तेन्बा अर्गु यहूलला म्हिगदे पावलदेन बारनाबासला लिच्छा भरबारी छ्याइजी, जमाहेन्से पावलदेन बारनाबाससे थेनीगदेदा एनीगदे सदन परमेश्वरला दयामायारी चिड मिसी भिजी।

१४ ब्नन्बा न्हबा अर्गु धिनकुनुएनोन शहरला जम्मान हरडबा म्हिगदे परमेश्वरला बचन ड्यान्बारी पोप तजी। १५ चुदे ल्हाना म्हिला हुल मराडसी कोइ कोइ यहूदीगदेदा ल्हानान डाह तजी, ओच्छे पावलसे पाडबा तामदा विरोध लसी थेनीगदेसे पावलला बेइज्जत लजी।

१६ तर पावलदेन बारनाबास दुक्क तसी थेनीगदेदा चुहरड मिसी भिजी, “जम्मान मन्दा डाच्छा परमेश्वरला बचन एनीगदे यहूदीगदेदान थेऩा लतोऩा मुबा। तसेनोन चुदा एनीगदेसे ड्यान्बारीन आम्हाइनी। चुहरड लसी एनीगदेसे हराडसे हराडदा जुकजुकधोनाला जुनी याडबाधोनाला म्हि हिन्ना मिसी आम्हन्बासे लमा दाहेन्से डनी अर्गु यहूलला म्हिगदे मुबा ग्लारी निसी परमेश्वरला बचन थेऩा लला। १७ तिग्दा मिसम परमुसे डन्दा चुहरड मिसी कुल्बा मुला, ‘जम्बुलिडला कनाकुनीधोना थाबा याडबा समाचार धोना लबारी

ओच्छे अर्गु यहूलला म्हिगदेला गुडरी य्हाल दाबारी डाइ एनीगदेदा धम्बा मुला।”।

१८ चु ताम थेऩाहेन्से अर्गु यहूलला म्हिगदे ताडसी परमेश्वरला बचनला जयजयकार लजी, ओच्छे जुकजुकधोनाला जुनी याडबारी धम्बागदेसे परमेश्वरला बचनरी विश्वास लजी।

१९ जमाहेन्से विश्वासीगदेसे जम्मान ग्लारी परमुला बचन थेऩा लजी। २० तर पावलदेन बारनाबासला विरोध लसी यहूदीगदेसे म्हिगदेग्याम मान याडबा परमेश्वरसे कुल्बा ताम ड्यान्बा मिरडम्हेगदेदेन शहरला मुल म्हिगदेदा थीसी, पावलदेन बारनाबासदा हराडला ग्लाग्याम तेऩी। २१ थतबासेलमा पावलदेन बारनाबाससे चा थेनीगदेला विरोधरी हराडला काडला धुलु सर्सी आइकोनियन भिबा ग्लारी निजी। २२ तर एन्टिओखियारी मुबा

चलागदे चा परमेश्वरला आत्मासे प्तिडसी ल्हानान ताडजी।

पावलदेन बारनाबास आइकोनियन भिबा शहररी

१४ थेहरड लसीन बारनाबासदेन पावल आइकोनियन भिबा शहररीनोन यहूदीगदे हरुप तबा दिमरी निजी। ओच्छे थेनीगदेसे यहूदीगदे हरुप तबा दिम न्हडरी ज्यना लसी धोना लबासे लमा थरी मुबा ल्हानान यहूदीगदेदेन अर्गु यहूलला म्हिगदेसे परमु येशू खरीष्टदा विश्वास लजी। २ तर विश्वास आलबा यहूदीगदेसे चा अर्गु यहूलला म्हिगदेदा थीसी परभुरी विश्वास लबा ज्योज्यो आलेगदेला विरोध लबारी छ्याइजी। ३ तसेनोन पावलदेन बारनाबास ल्हानान धिनधोना थरीन चिजी। थेन्नीसे परभुरी विश्वास थान्सी आलोडनान ताम लजी। थेनीगदेग्याम परमुसे उदेकला चिनुगदेदेन गेगदे लसी हराडला दयामायाला बचन सत्य हिन्ना मिसी उन्जी। ४ तर थे शहरला म्हिगदे फेसी कोइ यहूदीगदेदेन छ्याम कोइ येशूला मुल चलागदेदेन छ्याम दिक्बारी छ्याइजी। ५ जमाहेन्से अर्गु यहूलला म्हिगदेदेन यहूदीगदे न्हीनोन नेतागदेदेन छ्याम दिक्सी थेनीगदेदा दुस पिन्बादेन युडबासे तोबारी म्हाइजी। ६ पावलदेन बारनाबाससे चु था याडसी लुकोनिया भिबा शहरला लुस्तरादेन डर्बी शहररी ओच्छे थे शहरला क्यारमारला जिल्ला तबान यासी निजी। ७ थरीनोन थेनीगदेसे थाबा पिन्बा समाचार थेऩा लसीन चिजी।

पावलदेन बारनाबास लुस्तरादेन डर्बी शहररी

८ लुस्तरा भिबा शहररी काड चलब आतबा म्हि गिक मुबा। थे म्हि न्हमान कुज्या मुबा, थे साइमे भरबा आरमुबा। ९ थे म्हिसे पावलसे पाडमा ड्यान्बान मुबा। ओच्छे थे म्हिसे डाएनोन खम्ला मिसी विश्वास लबा ताम था याडसी पावलसे थे म्हिदा एकोहोरो च्यासी, १० “ए काड जूसी डोड रेऩो” मिसी घरेन काडसे पाडजी। थेहरड पाडमे छ्याम थे म्हि डोड रेऩी भरबारी छ्याइजी।

११ म्हिला हुलसे पावलसे लबा चु गे मराडमाहेन्से लुकोनिया ग्याइरी किरडबान, “लगदे म्हि दोसी य्हाड मुबा ग्लारी

फाखजीम” भिसी भिजी। १२जमाहेन्से थनीगदेसे बारनाबासदा जिउस भिबा ल ओच्छे पावलदा हर्मस ल *भिसी भिवारी छ्याइजी, तिगदा भिसम पावल चा ताम पाङ्बा मुल म्हि मुबा। १३थे जिउसला मन्दिर थे शहरला डामरीन मुबा। थतबासलमा थे मन्दिररी पूजा लबा म्हिसे बहरगददेन म्हेन्दोला लुङ् भसी शहरला मरापरी खजी। जमाहेन्से मुल चेला बारनाबासदेन पावलला डाच्छापटटि थे बाहरगद बलि पिन्बारी ठीक लजी।

१४तर मुल चलागदे बारनाबासदेन पावलसे चु ताम था याङ्माहेन्से थनीगदेसे हराङ् हराङ्ला क्वान देवान म्हिला हुल न्हडरी यासी निसी किरडबान चुहरङ् भिवारी छ्याइजी। १५“म्हगदे! हराङ्नीसे तिगदा चुहरङ्बा गे लबा? डनीएनोन हराङ्नी हरेडबान दुख सुख नासी भर्बा म्हिगदे हिन्ना, ओच्छे चुहरङ्बा नडबा गगदे ख्लासी स्वर्गदेन जम्बुलिङ् ओच्छे समुन्दरदेन थरी मुबा जम्मान स्हगदे स्हाबा छान्बा परमेश्वरपटटि दोःगै भिसी हराङ्नीदा सत्य ताम पाङ्बारी डनी थार्बा पिन्बा समाचार भसी सबा हिन्ना। १६दडबो धुइरी परमेश्वरसे जम्मान म्हलला म्हिगदेदा हराङ् हराङ्ला ठिम अन्डार भरपुङ्जी, १७तसेनोन परमेश्वरसे हराङ्ला दयामायाला गे लबा आख्ताना स्वर्गग्याम नाम ताइना लसी चबा स्हगदे रोना लजी। ओच्छे ल्हानान चबा स्हगदे पिन्सी म्हिगदला सम ताङ्ना लजी। चुनोन गेगदसे परमेश्वरला साक्षी पिन्बा मुला।” १८ चुहरङ् भिसैनोन बलि थालउ भिसी थे म्हिगदेदा राकब लबारी थनीगदेदा गाहरो तजी। तसेनोन म्हिला हुलदा बलि पिन्आपुङ्नी।

१९जमाहेन्से एन्टिओखियादेन आइकोनियन भिबा शहरग्याम कोइ कोइ यहूदीगदे थरी धोखजी। थनीगदेसे म्हिगदेदा थीसी युङ्बासे तोपुङ्जी। जमाहेन्से जम्मान म्हिगदेसे युङ्बासे तोजी, ओच्छे सिजी भिसी म्हेन्सी थनीगदेसे पावलदा डुइबान शहरग्याम मङ्गयार भोजी। २०तर परमुला चलागदे खसी पावलला क्यारक्युर पोप तमा थे रेःसी शहर न्हडरी निजी। ओच्छे न्हडगरदङ्

बारनाबासदेन छ्यामनोन थे डर्बी भिबा शहररी निजी।

सिरिया भिबा ग्लाला

एन्टिओखिया शहररी दोःसी निबा

२१थन्नीसे डर्बी भिबा शहररी थार्बा पिन्बा समाचार थेःना लसी ल्हानान म्हिगददा येशूला चेला स्हाजी। जमाहेन्से थन्नी तुस्तरादेन आइकोनियन ओच्छे एन्टिओखिया भिबा शहररी दोःसी निजी। २२थन्नीसे थरी मुबा चलागदेदा आँट पिन्बान सदन विश्वासरी चिउ भिसी भिजी। ओच्छे य्हाङ् समरी ल्हानान दुख नासी परमेश्वरला म्हल्सारी वाङ्तोःला भिसी थनीगदेदा भिजी। २३जमाहेन्से बारनाबासदेन पावलसे जम्मान मण्डलीरी मण्डलीदा च्याबा म्हिगदे धम्सी थान्जी। ओच्छे फोइथान चिसी परार्थना लसी थनीगदेदा हराङ्से विश्वास लबा परमुला छ्यारी जिम्मा पिन्जी।

२४जमाहेन्से थनीगदे पिसिदिया अञ्चलग्याम पामफिलिया भिबा अञ्चलरी खजी। २५ओच्छे पर्गा भिबा शहररी परमेश्वरला बचन थेःना लसी थनीगदे अटालिया भिबा शहररी निजी।

२६थनीगदे अटालियाग्याम पानी जहाजरी करःसी एन्टिओखियारी दोःसी निजी। थनोन शहररी पावलदेन बारनाबासदा परमुदा विश्वास लबा ज्योज्या आलगादेसे परमेश्वरला दयामायारी जिम्मा पिन्सी परमेश्वरला बचन थेःना लबारी पुइबा मुबा। दान्द चु गे पावलदेन बारनाबाससे पूरा लजी। २७एन्टिओखियारी धोखमाहेन्से पावलदेन बारनाबाससे मण्डलीला जम्मान म्हिगदेदा ड्याइजी। ओच्छे परमेश्वर थन्नीदेन छ्याम तसी लबा गदेन अर्गु म्हलला म्हिगदेसेनान विश्वास लबारी सन्ता भिबा ताम थनीगदेदा पाङ्सी पिन्जी। २८जमाहेन्से थनीगदे थरी चलागदेदेन छ्याम ल्हानान धिनधोना चिजी।

यरुशलेमरी चिबा सभा

१५ यहूदियाग्याम एन्टिओखियारी सबा कोइ कोइ म्हिगदेसे येशूदा विश्वास लबा ज्योज्या आले नाना आडागदेदा “एनीगदेसे

*१४:१२ थे ग्लाला म्हिगदेसे तेन्बा मुल ल चा ‘जिउस’ भिबा ल मुबा, ओच्छे ‘हर्मस’ भिबा चा लगदेला ताम थेःना लबा ल भिसी म्हेन्मुबा।

१४:१५ प्रस्था २०:११; मजन १४६:६

मोशाला ठिम अन्धार खतना आलनी भिसम एनीगदेस थाबा आयाड" भिसी लोप्री। १२ पावलदेन बारनाबासला ताम थनीगदेदेन छयाम आदिकबास लमा थनीगदेस हराड हराडलान ताम थान्जी। थतबासलमा पावलदेन बारनाबास ओच्छ कोइ कोइ विश्वासीगदेदा चु ताम सल्लाह लबारी यरुशलमरी मुबा मुल चलागदेदेन मण्डलीदा च्याबा म्हिगदे मुबा ग्लारी पुडबाला लागिरी धम्जी।

३ जमाहेन्स मण्डलीला म्हिगदेस थनीगदेदा थ ग्याम पुडजी। थनीगदे फोनिकदेन सामरियाग्याम तबान निबा धुइरी स्याप्वा विश्वासीगदेदा अर्गु यहुलला म्हिगदेसनोन परमुदा विश्वास लजी भिबा ताम पाडजी। चु ताम थे:सी थरी मुबा विश्वासीगदे ल्हानान ताडजी। ४ थनीगदे यरुशलमरी धोखमाहेन्से थनीगदेदा मण्डलीला म्हिगदेदेन मुल चलागदे ओच्छ मण्डलीदा च्याबा म्हिगदेस मान लजी। जमाहेन्स परमेश्वरसे थनीगदेग्याम लबा जम्मान गे थरी मुबागदेदा पाडजी।

५ जमाहेन्स फरिसी समूहला कोइ कोइ विश्वासीगदे राप्सी, "अर्गु यहुलला म्हिगदेदाएनोन खतना लसी मोशाला ठिम अन्धार भरतो:ला भिसी पाडतो:ला" भिसी भिजी।

६ चु तामला बाररी सल्लाह लबाला लागिरी मुल चलागदेदेन मण्डलीदा च्याबा म्हिगदे हरुप तजी। ७ थनीगदे न्हडरी ल्हानान सल्लाह लसी जिन्माहेन्स पतरुस राप्सी थनीगदेदा चुहरड भिबारी छयाइजी, "आलेगदे, ल्हानान धुइ डाच्छा अर्गु यहुलला म्हिगदेस डाला सुडग्याम थोन्बा थाबा पिन्बा समाचार थे:सी विश्वास लगे भिसी हराडनी न्हडग्याम परमेश्वरसे डादा धम्बा ताम हराडनीदा थानोन मुला। ८ ओच्छ परमेश्वर चा जम्मान म्हिला समला ताम था याडबा परमेश्वर हिन्ना। परमेश्वरसे य्हाडदा हरडनोन अर्गु यहुलला म्हिगदेदाएनोन हराडला आत्मा पिन्सी थनीगदे डाला हिन्ना भिसी उन्बा मुला। ९ ओच्छ परमेश्वरसे य्हाडदेन थनीगदे खालेला ली आच्याना गे लसी थनीगदेस लबा

विश्वासग्याम थनीगदेला सेम साडसाड तना लजी। १० थतबासलमा तिग्दा अर्गु यहुलला विश्वासीगदेदा चु धोइ कार्प्सी परमेश्वरदा बोमो खना लबारी म्हाइबा? तिग्दा भिसम चु धोइ य्हाडला आख म्हेमसनोन पुइआखम्नी ओच्छ य्हाडसनोन पुइआखम्नी। ११ तर य्हाडसे हरडनोन थनीगदेसनोन परमु येथुला द्यामायाग्याम थाबा याडबा मुला भिसी य्हाडसे विश्वास लबा मुला।"

१२ पतरुसला चुहरडबा ताम थे:सी सभारी मुबा जम्मान म्हिगदे कुटिसी चिजी, ओच्छ अर्गु यहुलला म्हिगदेला गुडरी परमेश्वरसे थनीगदेग्याम साहरडबा उदेकला गेदेन चिनुगदे उन्बा ताम पावलदेन बारनाबाससे पाडमा थनीगदे ड्यान्सी चिजी। १३ पावलदेन बारनाबाससे पाडसी जिन्माहेन्स याकूबसे चुहरड भिसी भिजी, "ज्योज्यो आलेगदे डाला ताम ड्यान्गो, १४ परमेश्वरसे दया लसी अर्गु यहुलला म्हिगदेदा धम्सी हराडलान म्हि स्होजी। चु ताम मी सिमानसे हराडदा दोलोन पाडसी जिन्बा मुला। १५ चुनोन तामदेन छयाम अगमवक्ताला बचनएनोन दिक्मुला। परमपरमुसे सुडबा ताम अगमवक्तासे चुहरड लसी भिरबा मुला,

१६ डा दो:सी खला,

ओच्छ दाऊदला फुप्वा दिम दो:सी स्होला, थनोन फुप्वा दिमला जगथारी दो:सी दिम स्होला, १७ थहरड लसीन बाकी मुबा म्हिगदे डा मुबा ग्लारी खगे, ओच्छ अर्गु यहुलला म्हिगदेदाएनोन डाला म्हि स्होबाला लागिरी डाइ ड्योइबा मुला।

१८ चु ताम डा परमपरमुसे ल्हानान डाच्छाहेन्सेन था तना लबा मुला।"

१९ "थतबासलमा परमेश्वरपट्टि दो:बा अर्गु यहुलला म्हिगदेदा य्हाडसे दुख आपिन्गे भिसी डाइ म्हेन्बा मुला। २० तर य्हाडसे थनीगदेदा चुहरड भिसी भिरसी पुडगे, एनीगदेस मूर्तिदा फुल्वा स्हे थाचउ। ओच्छ स्थानदोदेन छयाम बरत्सी थाभरउ, ओच्छ खार च्यासी साइबा जन्तुला स्या थाचउ, ओच्छ तिगैलान का

१५:१६ चु पदरी "दिम" भिबा चा दाऊद ग्लेला यहुल्सा हिन्ना।

१५:१ लेवी १२:३

१५:१० मुल १०:१-११:१८

१५:२८ मुल २:४;१०:४४

१५:१८ आमो ९:११-१२

थाचउ।^{२१} तिग्दा भिसम डाच्छाला म्हिगदला धुइहन्सेन जम्मान शहरी मोशाला ठिमग्याम लोप्यान मुला, चु ठिम चा ब्लप्या न्हाबा धिनरी यहूदीगदे हरूप तबा दिमरी पढव लमुबा।”

अर्गु य्हुलला म्हिगदेदा भिरबा चिठी

२१ जमाहन्से मुल चलागदेदेन मण्डलीदा च्याबा म्हिगदे ओच्छे जम्मान मण्डली दिक्सी हराड न्हडला कोइ कोइ म्हिगदेदा धम्सी पावलदेन बारनाबासदा छ्यामनोन एन्टिओसियारी पुइबा ज्यबा तला भिसी म्हन्जी। ओच्छे विश्वासीगदे न्हडला मुल म्हिगदे यहूदा भिबा बारनाबासदेन सिलासदा धम्जी। २३थनीगदेदेन छ्याम चुहरड भिसी भिरबा चिठी पुइजी,

“हराडनीलान ज्योज्यो आले डनी मुल चलागदेदेन मण्डलीदा च्याबा म्हिगदेग्याम एन्टिओसियादेन सिरिया ओच्छे किलिकियारी मुबा अर्गु य्हुलला विश्वासीगदेदा फ्याफुल्ला।

२४ “डनी न्हडला कोइ कोइसे डन्से आपाडबा तामगदे हराडनीदा लोप्सी हराडनीला सम धरमर तना लसी हराडनीदा ल्हानान तामग्याम दुख पिन्बा मुला भिबा ताम डन्से थःबा मुला। २५थतबासलमा डनी जम्मान दिक्सी लबा सल्लाह अन्छार कोइ कोइ म्हिगदेदा धम्सी थनीगदेदा डन्ना सम निबा हरो बारनाबास ओच्छे पावलदेन छ्याम हराडनी मुबा ग्लारी पुइखबा ज्यबा छोजी। २६ चुगदे चुहरडबा म्हिगदे हिन्ना, चुगदेस य्हाडला परमु येशू खरीष्टला लागिरी हराडला ज्याननोन पिन्बारी छ्याइबा मुबा। २७थतबासलमा डन्से यहूदादेन सिलासदाएनोन पुइखबा मुला। थनीगदेसेनोन चु ताम हराडनीदा पाडसी पिन्ना। २८तिग्दा भिसम था ततोःबा ताम बाहेक अर्गु ल्हानान तामग्याम दुख आपिन्बा परमेश्वरला आत्मादेन डन्दा ज्यबा छोजी। २९हराडनीदा था ततोःबा ताम चा चुनोन हिन्ना, हराडनीसे मूर्तिदा

बलि पिन्बा तिगे स्हेगदे, कादेन खार च्यासी साइबा जन्तुला स्या थासोलो, ओच्छे स्हान्दोदेन छ्याम बरेल्सी थाभरउ। चुहरडबा तामगदेला संगतनोन आलनी भिसम हराडनीदा ज्यबा तला। दान्देदा चुदेन लास्सो फ्याफुल्ला।”

३०जमाहन्से पावल, बारनाबास, यहूदादेन सिलास यरूशलमग्याम एन्टिओसिया शहरी निजी। थरी थनीगदेस विश्वासीगदेदा ग्ला गिकरी ड्योइसी थनीगदेदा थ चिठी पिन्जी। ३१चिठीरी भिरबा आँट पिन्बा ताम पढव लसी एन्टिओसियाला विश्वासीगदे ल्हानान ताडजी। ३२यहूदादेन सिलास चा अगमवक्ता मुबा। थन्नीसे परमुदा विश्वास लबा ज्योज्यो आले नाना आडागदेदा बचनग्याम ल्हानान आँट पिन्सी विश्वासरी कोडना लजी। ३३थनीगदे तिगे रघोना थरी चिमाहन्से थरी मुबा आलेगदेस थनीगदेदा पुइखबागदे मुबा ग्लारी दुक्क तसी फेप्पो भिसी पुइजी। ३४तर सिलासदा चा थरीन चिबा ज्यबा छोजी। ३५तर पावलदेन बारनाबास चा म्हिगदेदा लोप्यादेन परमुला बचन थःना लबान ल्हानान म्हिगदेदेन छ्याम एन्टिओसियारी चिजी।

पावल थार्बा पिन्बा समाचार थःना लबारी न्होरमला पालरी निबा

पावलदेन बारनाबासला ताम आदिकबा

३६तिगे धिन लिच्छा पावलसे बारनाबासदा “य्हाडसे डाच्छा परमुला बचन थःना लबा शहरला विश्वासीगदेदा दोःसी स्याप्यारी निइ ओच्छे थनीगदे साहरडबा चीम च्याग” भिसी भिजी। ३७बारनाबाससे मर्कूस भिबा यहून्नादा भोर्बा सम लजी। ३८तर पावलदा चा मर्कूसदा छ्यामनोन भोर्बारी ज्यबा आच्छोर्नी, तिग्दा भिसम पामफिलियारी मुबा धुइरी मर्कूस थनीगदेग्याम फेसी निमुबा, ओच्छे थनीगदेदेन छ्याम दिक्सी गे लबा आरमुबा। ३९ चु तामरी पावलदेन बारनाबासला ताम आदिकना थन्नी फेजी। ओच्छे बारनाबाससे मर्कूसदा भोर्सी पानी जहाजरी करःसी साइपरस भिबा ग्लारी निजी।

३१५:३४ ल्हानान हरडबा गरीक बाइबलरी ३४ पद आर।

३१५:२० परस्था ३४:१५-१७; लेवी १७:१०-१६; १८:६-२३

३१५:३८ मुल १३:१३

४० तर पावलसे चा सिलासदा धम्जी, ओच्छे परमुदा विश्वास लबा आलंगदसे थन्नीदा परमेश्वरला छ्यारी जिम्मा पिन्माहेन्से थन्नी थंग्याम निजी। ४१ पावलदेन सिलास सिरियादेन किलिकियारी निसी थरी मुबा मण्डलीगदेदा विश्वासरी कोडना लबान भरजी।

पावलदेन सिलास तिमोथीदेन छ्याम हूरुप तबा
१६ १ पावल डर्बादेन लुस्तुरा शहररी एनोन खजी। थरी तिमोथी भिबा चेला गिक मुबा। थला आमा यहूदी विश्वासी मुबा, तर आबा चा गरीक मुबा। २ लुस्तुरादेन आइकोनियन शहरला ज्याज्यो आल नाना आडागदसे तिमोथीदा ज्यवा म्हि भिसी पाडमुबा। ३ पावलसे तिमोथीदा एनोन छ्यामनोन मोर्बा सेम लजी। ओच्छे थरी चिबा यहूदीगदसे लमा पावलसे थदा मोर्सी खतना लसी पिन्जी। तिग्दा भिसम थला आबा गरीक हिन्ना भिसी थनीगदेदा था मुबा। ४ जमाहेन्से थनीगदे शहर शहररी निबान यरुशलमरी मुबा मुल चलागददेन मण्डलीदा च्याबा म्हिगदसे पक्का लबा ताम ड्यान्गो भिसी पाडबान भरजी। ५ थेतबासेलमा मण्डलीगदे विश्वासरी कोडबान धिन धिननोन परमुदा विश्वास लबा म्हिगदे बढब तबान निजी।

पावल म्हेर्बा धुइरी
 माकेडोनियाला म्हिदा मराड्बा

६ परमेश्वरला आत्मासे पावल, सिलासदेन तिमोथीदा एशियारी बचन थःना लआपुडबासे लमा थनीगदे फिरगियादेन गलातियाला गलागदे तबान निजी। ७ माइसिया भिबा गलाला साँधरी धोखमाहेन्से थनीगदे बिथिनिया भिबा गलापट्टि निबारी म्हाइजी। तर येशूला आत्मासे थनीगदेदा थपट्टि निआपुडनी। ८ थेतबासेलमा माइसिया तबान थनीगदे तुरोआस भिबा गलारी निजी। ९ म्हुनड म्हेर्बा धुइरी पावलसे माकेडोनियाला म्हि गिक राप्सी थदा “माकेडोनियारी फ्रखउ ओच्छे इन्दा हरो लसी पिन्गो” भिसी बन्ती लसी चिबा मराड्जी। १० थसे चुहरड्बा मराड्माहेन्से इनी माकेडोनियारी निबारी तयार तजी। तिग्दा भिसम थ गलाला म्हिगदेदा थार्बा

पिन्बा समाचार थःना लबारी परमेश्वरसे इन्दा ड्योइजीम भिबा ताम इन्से था याडजी।

लिडिया भिबा मिरड्म्हेमेसे विश्वास लबा

११ जमाहेन्से इनी तुरोआसग्याम पानी जहाजरी करःसी सोजोन सामाथरस भिबा गलारी खजी, ओच्छे न्हडगरदड नियापोलिस भिबा गलारी धोखजी। १२ थंग्याम माकेडोनियाला धरेन शहर फिलिपीरी निजी। थ शहररी चा रोमोगदसे शासन लमुबा। थरीन इनी तिगे रधोना चिजी। १३ बतप्बा न्हबा धिनकुनु इनी शहरग्याम थान्सी स्योडला कुनीरी निजी। तिग्दा भिसम थरी परार्थना लबा गला मुला तला भिसी इन्से म्हुन्बा मुबा, थरी कोइ कोइ मिरड्म्हेमेगदे हूरुप तसी चिबा स्यापजी। थेतबासेलमा इनी एनोन थनीगदेदेन छ्याम चिसी ताम लजी। १४ थरी इन्ना ताम ड्यान्बागदे न्हडरी थिआटीरा भिबा शहररी चिबा वाला वाला पिडगे छोनना क्वान चूड्बा परमेश्वरदा तेन्बा लिडिया भिबा मिरड्म्हेमे गिक मुबा। पावलसे पाडमा ज्यना लसी ड्यान्सी धोखमो भिबा सेम परभुसे थदा पिन्बा मुबा। १५ थदेन थला दिमला जम्मान म्हेमेगदसे बत्तिस्मा किन्माहेन्से थसे “चुदे हराडनीसे डादा परमुदा विश्वास लबा म्हि म्हुन्सम डाला दिमरी फ्रखसी धन्छ्यागो” भिसी इन्दा कर लसी ड्योइजी।

पावलदेन सिलासदा ड्यात्स्वानरी झाड्बा

१६ इनी परार्थना लबा गलारी निबान मुबा, थरी इन्से म्हुडसे स्यापबा नोकर स्या गिकदा स्यापजी, थसे थ म्हुडला शक्तिग्याम म्हुदु च्यासी स्होबा ल्हानान टाडगा हराडला मालिकगदेदा पिन्मुबा। १७ ओच्छे थ नोकरस्यासे “चु म्हिगदे शक्तिशाली परमेश्वरला गे लबा म्हिगदे हिन्ना। चुगदसे एनीगदेदा थार्बा याड्बा ग्यामला बाररी पाडबान मुला” भिसी किरडबान पावलदेन छ्याम इन्ना लिच्छा लिच्छा भरजी। १८ थ नोकरस्यासे ल्हानान धिनधोना चुहरड पाडबाला पाडबान लबासे लमा पावल छर्सी थपट्टि फिलक दोःसी थ नोकरस्याला ल्हुइरी मुबा म्हुडदा चुहरड भिसी भिजी, “ए थला

१६ : १० चु किताब लूकासे भिरबा मुबा, चु धुइरी लूका एनोन पावल, तिमोथी, सिलासदेन छ्याम निबा मुबा।

लुइग्याम येशू खरीष्टला मिनरी थोन्सी निउ भिसी डाइ कुल्बा मुला।" पावलसे थंहरड् भिमेच्छायाम थं म्हड् थोन्सी निजी।

१९ थं नोकरस्याला मालिकगदसे दाहेन्से चुला कमाइ चआम्याडनम भिबा मराडसी पावलदेन सिलासदा चुडसी बजारला गुडरी मुबा नेतागद मुबा ग्लारी डुइबा छेड्बा लवान भोजी। २० ओच्छे थनीगदेदा थं शहरला हाकिमगद मुबा ग्लारी भसी चुहरड् भिसी भिजी, "चु म्हिगदे यहुदी हिन्ना, चुगदसे य्हाडला शहररी आतोःबा ताम लोप्सी डन्दा कोला लजी। २१ ओच्छे थनीगदेसे य्हाडला ठिमसे लोप्यारी आतबा ताम लोप्या मुला य्हाड रोमी म्हिगदे तबासे लमा थंसे लोप्या ताम य्हाडसे विश्वास लसी ड्यान्वारी आत।"

२२ जमाहेन्से थरी मुबा म्हिगदे पावलदेन सिलासला बिरोधरी रेःजी। थं शहरला हाकिमगदसे थनीगदेला क्वान देसी भ्याड्जी, ओच्छे थनीगदेदा तोड भिसी कुल्जी। २३ थनीगदेदा ल्हानान तोमाहेन्से ड्याल्खानरी झाडसी ड्याल्खानना हाकिमदा चु कैदीगदेदा याबारी आखम्ना लसी थान्गो भिसी कुल्जी। २४ चुहरड् भिमाहेन्से थं ड्याल्खानना हाकिमसे पावलदेन सिलासदा ड्याल्खानना न्हडला कोठारी भोर्सी ठिंगुरो लगब लसी थान्जी। २५ तर म्हन गडसलरीक्यार पावलदेन सिलास पुरार्थना लवान परमश्वरला व्हाइ गोबान मुबा, ओच्छे स्प्हान्दा कैदीगदसे चा ड्यान्वान मुबा। २६ जमाहेन्से थरी तिक्सुरीन घरेन सडगुल खसी ड्याल्खानना जग य्हाड य्हाड तसी तुरुन्तन ड्याल्खानना मरापगद ठोड्जी। ओच्छे थनीगदे जम्मान खीबा स्हेगदएनोन हरडनोन व्तजी। २७ थं ड्याल्खानना हाकिम फातच्छोर्मा ड्याल्खानना जम्मान मराप ठोड्बा मराडसी थंसे जम्मान कैदीगदे यार्जी भिसी म्हन्सी हराडसे हराडदान साइबारी तरवार स्याजी। २८ तर पावलसे थंदा "हराडसे हराडदान तिगे थालउ, तिगदा भिसम डनी जम्मान चुरीन मुला" भिसी घरेन काइसे किरड्जी।

२९ जमाहेन्से थंसे नाडसल हरीसी छुयोडवान न्हडरी खजी, थं लोडसी फितफित धर्बान पावलदेन सिलासला डाच्छापट्टि खूप तजी। ३० ओच्छे थंसे थनीगदेदा मडग्यार भसी,

"दाहेन्से डाइ थार्बा याडबारी तिग लतोःला?" भिसी डयोडजी।

३१ पावलदेन सिलाससे "परभु येशू खरीष्टदा विश्वास लउ, ओच्छे हराडदेन हराडला जम्मान म्हमगदसे थार्बा याडला" भिसी भिजी। ३२ जमाहेन्से थनीगदेसे थदेन थला दिमरी मुबा जम्मान परभुला बचन थंःना लजी। ३३ जमाकुनु म्हनडला थनोन धुइरी थंसे थनीगदेदा भोर्सी थनीगदेला पोर खरुसी पिन्गी। ओच्छे थदेन थला दिमरी मुबा जम्मानसे तुरुन्तन बप्तिस्मा किन्जी। ३४ जमाहेन्से थं ड्याल्खानना हाकिमसे पावलदेन सिलासदा हराडला दिमरी भसी सोल पिन्गी। ओच्छे थंसे परमश्वरदा विश्वास लबासे लमा थला दिमरी मुबा जम्मान म्हिगदे विश्वास लसी थदेन छुयाम ल्हानान ताड्जी।

३५ तर य्हाल तमाहेन्से शहरला हाकिमगदसे सिपाहीगदेदा "थं म्हिगदेदा पुडसी पिन्गो" भिसी कुल्जी। ३६ जमाहेन्से ड्याल्खानना हाकिमसे पावलदा "शहररी मुबा हाकिमगदसे हराडनीदा पुडसी पिन्गो भिसी पाड्बा मुला। थंतबासेलमा दाहेन्से हराडनी थोन्सी दुक्क तसी फपो" भिसी भिजी।

३७ तर पावलसे थं खबर भसी खबा सिपाहीगदेदा "डनी रोमी म्ह तना तनान थनीगदसे रोमी ठिम अन्छार डन्दा तिगे डयोइबा छार्बा आलना तासी ड्याल्खानरी झाड्जी। दान्द चा डन्दा सुटुक्क तःबारी म्हाइबा? डनी नीनान आनि। थंहरड् भिसी कुल्बा हाकिमगदेन छुयाम खसी डन्दा तःतोःला" भिसी भिजी।

३८ जमाहेन्से सिपाहीगदे हाकिमगदे मुबा ग्लारी निसी पावलसे पाड्बा ताम पाड्जी। पावलदेन सिलास रोमी म्ह चीम भिबा थंःसी थनीगदे लोड्जी। ३९ जमाहेन्से थनीगदे खसी पावलदेन सिलासदा माफ हरीजी, ओच्छे पावलदेन सिलासदा ड्याल्खानग्याम मडग्यार भोर्सी, "डन्ना शहर खतासी फपो" भिसी बिन्ती लजी। ४० ड्याल्खानग्याम थोन्माहेन्से पावलदेन सिलास लिडिया भिबा मिरड्म्हेमला दिमरी निजी। थरी परभुदा विश्वास लबा ज्योज्यो आले नाना आडागदेदेन छुयाम हरूप तसी थनीगदेदा परभुरी कोडसी चिउ भिसी आँट पिन्सी पावलदेन सिलास थंग्याम निजी।

थेसलोनिके भिबा ग्लारी परमेश्वरला
य्हुत्साला समाचार थे:ना लबा

बरिया भिबा ग्लारी परमेश्वरला
य्हुत्साला समाचार थे:ना लबा

१जमाहेन्से पावलदेन सिलास
१७ **अम्फिपोलिसदेन अपोल्लोनिया भिबा
शहरग्याम तबान थेसलोनिके भिबा शहररी
खजी। थरी यहूदीगद हरुप तबा दिम गिक
मुबा। २सदला हरड्जोन लसी पावल थनीगद
मुबा ग्लारी निजी, ओच्छे सोमरम ब्रज्वा
न्हवा धिनधाना परमेश्वरला बचनग्याम
थनीगददेन छ्याम छलफल लजी। ३थसे
परमेश्वरला बचनग्याम खरीष्टसे दुख नासी
सिबाग्याम सोनोन तोला भिसी परस्टन
उन्सी धाना लजी। “चुनोन येशू थार्षा पिन्वा
खरीष्ट हिन्ना भिसी डाइ हराड्जनीदा पाड्बान
मुला,” भिसी भिजी। ४जमाहेन्से थनीगद
न्हडला कोइ कोइ म्हिगदसे प्रभुदा विश्वास
लजी। ओच्छे परमेश्वरदा तेन्वा ल्हानान
गरीकगददेन स्थान्दोसे मान लबा ल्हानान
मिरडम्हेमगदसेनोन परभुदा विश्वास लसी
पावल, सिलासदेन छ्याम दिक्सी भर्जी।

५तर यहूदीगदसे डाह लसी ग आलना
न्होड्सी भर्बा म्हिगददा थोसी शहररी हुल
दडगा लपुड्ज्जी, ओच्छे यासन भिबा म्हिला
मराप झ्याल छ्याकच्छिक लसी पावलदेन
सिलासदा म्हिगदला डाच्छापट्टि भबारी
छ्याइजी। ६थनीगदसे पावलदेन सिलासदा
आस्याम्हाहेन्से यासनदेन स्थान्दो कोइ कोइ
ज्योज्यो आलगेददा शहररी मुबा शासन लबा
म्हिगद मुबा ग्लारी डुइबा छेड्बा लसी चुहरड्
भिसी किरड्बान भिजी, “जम्बुलिड नाड्जोन
हल्ती खल्ती तना लबा चु म्हिगदे चुरीनोन
धोखजीम। ७थ म्हिगदे यासनना डोन्वा दोबा
मुला, थनीगदे जम्मासन येशू भिबा स्थान्दान
ग्ले गिक मुला भिसी रोमी ग्याल्वा केसरला
ठिम अन्ध्वार लतो:बा गेला बिरोध लबा मुला।”
८चु थे:सी म्हिगददेन शहररी मुबा शासन लबा
म्हिगदे आत्यब तजी। ९जमाहेन्से यासन
ओच्छे थेदेन छ्याम मुबा बाँकी म्हिगददेन
छ्याम धरोटी किन्सी पुइजी।

१०म्हुन तमेच्छ्याम पावलदेन सिलासदा
विश्वासीगदसे बरिया भिबा ग्लारी पुइजी,
ओच्छे थनीगद थरी धोखमाहेन्से यहूदीगद
हरुप तबा दिमरी निजी। ११थ ग्लाला यहूदीगद
थसलोनिकेला म्हिगद भन्दा ल्हानान
फर्यालो मुबा। तिगदा भिसम थनीगदसे
परमेश्वरला बचन सेम लसी ड्यान्मुबा,
ओच्छे पावलसे पाड्मा दिक्वा चीम कि
आदिक्वा चीम भिसी सदन परमेश्वरला बचनरी
च्यामुबा। १२थतबासलमा ल्हानान म्हिगदसे
प्रभुदा विश्वास लजी। ओच्छे स्थान्दोसे
मान लबा ल्हानान गरीक मिरडम्हेमगददेन
हरम्फेगदसेनोन परभुदा विश्वास लजी। १३तर
परमेश्वरग्यामला बचन बरिया भिबा ग्लारीनोन
पावलसे थे:ना लबान मुला भिबा थेसलोनिकेला
यहूदीगदसे था याड्माहेन्से थनीगद थरीनोन
हुल दडगा लबारी म्हिगददा सुयाब लबारी
खजी। १४जमाहेन्से विश्वासीगदसे पावलदा
तुरुन्तन समुन्दरधोना सनिजी। तर सिलासदेन
तिमोथी चा थरीन चिजी। १५पावलदा सबारी
निबागदसे पावलदा एथन्से भिबा ग्लाधोना
सनिजी। थरी धोमाहेन्से पावलसे सिलासदेन
तिमोथीदा खम्तधोना याना खउ भिउ भिसी
पाड्गा भिसी कुल्जी। जमाहेन्से थदा सबागद
थग्याम बरियारी दो:सी निजी।

पावल एथेन्से भिबा ग्लारी धोबा

१६सिलासदेन तिमोथीदा पावलसे एथेन्से
भिबा ग्लारी भरान्सी चिमा थसे थ शहर
नाड्जोन लथाननोन लथान मराड्सी थदा
ल्हानान दुख ड्हम्जी। १७थतबासलमा थसे
यहूदीगद हरुप तबा दिमरी परमेश्वरदा तेन्वा
म्हिगद, यहूदीगददेन छ्याम ओच्छे बजाररी
स्याप्वा म्हिगददेन छ्याम धिन धिननोन
डयोइवा छार्षा लमुबा। १८इपिक्युरीदेन स्तोइ
भिबा धर्म तेन्वा म्हिगदसेनोन थदेन छ्याम
डयोइवा छार्षा लजी। ओच्छे थनीगद न्हडला
कोइ कोइसे “चु फतफतेसे तिग पाड्बारी
म्हाइबा हिन्ना?” भिसी भिमा, स्थान्दोगदसे
“चुसे अर्गु य्हुत्साला ल लुला बाररी पाड्बा

**१७:१ १७:१ हेन्से २०:४ पदधोना लूकासे ‘डनी’ भिसी पाड्बा आर। चु तामग्याम लूका पावल,
सिलासदेन छ्याम आर भिबा ताम था याड्खम्ला। चु धुइरी लूका चा फिलिप्पीरी चिबा मुबा।

हरडबा मुला” भिसी भिजी। तिग्दा भिसम थेंस येशूदेन छ्याम सिबागदे दोःसी सोला भिबा तामला बाररी पाडवान मुबा। १९ थतबासेलमा थेंनीगदेस पावलदा अरियोपागसरी भोर्सी चुहरड भिसी भिजी, “हराडस लोप्रा चु छार ताम खाहरडबा हिन्ना, डन्सनीन घोबारी तला ? २० तिग्दा भिसम हराडस डन्दा उदकला ताम लोप्रावनि मुला। थतबासेलमा चु खाहरडबा ताम हिन्ना थें ताम डन्दाएनीन घोबा सम मुला।” २१ दान्दे एथेंसला जम्मान म्हिगदेदेन थें ग्लारी चिबा अर्गु य्हुत्साला म्हिगदे छार छार ताम पाडबादेन ड्यान्सीन धिन निना लमुबा।

२२ थतबासेलमा पावलस अरियोपागस भिबा सभाला गुडरी राप्सी चुहरड भिसी भिजी, “एथेंसला म्हिगदे, हराडनी जम्मान तामरी धर्म लबा चीम भिसी डाइ मराड्बा मुला। २३ तिग्दा भिसम डा कोर्बान निमा हराडनीसे तेन्बा लथानगदे मराड्जी। ओच्छे ग्ला गिकला भेटी फुल्बा ग्लारी चा ‘डोआसबा लला लागिरी’ भिसी ठुवाइसी भिरसी थान्बाएनीन स्याप्जी। थतबासेलमा डाइ हराडनीस डोआसनान तेन्बा परमेश्वरला बाररी हराडनीदा पाडला।

२४ “चु जम्बुलिडदेन जम्बुलिडरी मुबा जम्मान स्हे स्होबा परमेश्वर स्वर्गदेन जम्बुलिडला परमु हिन्ना, थतबासेलमा यास स्होबा मन्दिररी परमेश्वर धन्आच्छ्या। २५ ओच्छे म्हिला याग्याम फुल्बा स्हेगदे परमेश्वरदा तोःला भिसी थाम्हेन्ना। तिग्दा भिसम परमेश्वर हराडसेन जम्मान म्हिगदेदा जुनी, सादेन तोःबा जम्मान स्हेगदे पिन्बा मुला। २६ परमेश्वरसे म्हि गिकग्याम जम्बुलिड नाडनीन चिबारी य्हुल य्हुलला म्हिगदे स्होर्जी। ओच्छे थेंनीगदे सोबा धुइदेन चिबा ग्लाएनीन तोगब लसी पिन्जी। २७ चुहरड लबा चा जम्मान य्हुलला म्हिगदेसे परमेश्वरदा आस्यात्तेधोना साम्सी म्हाइसी स्याप्रो भिबा परमेश्वरला सम मुला। तसेनीन परमेश्वर य्हाड जम्मानग्याम थारड आर। २८ तिग्दा भिसम परमेश्वर य्हाडदेन छ्यामनीन मुबासे लमा य्हाड सोबा मुला, य्हाड क्यारमार भरबा मुला ओच्छे य्हाड जम्बुलिडरी मुला। हराडनीलान व्हाइ भिरबा

म्हिगदेसेनीन ‘य्हाड पक्कान परमेश्वरला सन्तान हिन्ना’ भिसी भिबा मुला।

२९ य्हाड परमेश्वरला सन्तान तबासे लमा परमेश्वर म्हर, म्हुइदेन युडबागदला ल हरडबा हिन्ना भिसी य्हाडसे म्हेन्बारी आत। चुगदे चा म्हिला समस म्हेन्सी म्हिला सीपस स्होबा स्हे जे हिन्ना। ३० थतबासेलमा डाच्छे आसना आघोना लबा धुइला गेदा परमेश्वरस वास्ता आलनी। तर दाहेन्से परमेश्वरसे जम्मान म्हिगदेदा “हराड हराडला पापगदे ख्नासी डापट्टि दोःगा” भिसी कुल्बा मुला। ३१ तिग्दा भिसम परमेश्वर हराडसेन धम्बा म्हिग्याम खालेला ली आच्याना जम्बुलिडला निसाफ लबारी परमेश्वरसे थें धिन तोगब लसी जिन्बा मुला। ओच्छे जम्मान म्हिगदेदा चु धिन उन्बाला लागिरी येशूदा सिबाग्याम सोना लजी।”

३२ सिबाग्याम सोना लजी भिबा ताम थेंःसी थेंनीगदे न्हडला कोइ कोइसे पावलदा खिसी लजी। तर स्हान्दोगदेसे चा “हराडसे पाडबा चु ताम डन्दा दोःसी ड्यान्बा सम मुला” भिसी भिजी। ३३ जमाहेन्से पावल सभाग्याम थान्सी निजी। ३४ तर कोइ कोइ म्हिगदे थेंदेन छ्याम भरसी परमुदा विश्वास लजी। थेंनीगदे न्हडला अरियोपागस भिबा सभाला डियनुसियस भिबा म्हिदेन दामारिस भिबा मिरडम्हेम गिक मुबा ओच्छे स्हान्दोगदेसेनीन परमुदा विश्वास लजी।

पावल कोरिन्थ भिबा ग्लारी निबा

१ जमाहेन्से पावल एथेंसग्याम कोरिन्थ १८ भिबा ग्लारी निजी। २ थेंरी पावलसे पान्टस भिबा ग्लाला अकिलास भिबा यहूदी म्हि गिकदा स्याप्जी। थें म्हि तिगे धिन डाच्छे जे हराडला मिरड पिरस्क्रितादेन छ्याम इटालिया भिबा ग्लाग्याम सबा मुबा। तिग्दा भिसम क्लौडियस भिबा ग्याल्वासे जम्मान यहूदीगदेदा रोमग्याम थान्सी निउ भिसी कुल्बा मुबा। पावल थेंनीगदेदा स्याप्बारी निजी। ३ पावलदेन थेंनीगदला गे गिकनीन तबासे लमा थेंनीगदे छ्यामनीन चिजी। तिग्दा भिसम थेंनीगदेएनीन पाल स्होबा गे लमुबा। ४ बन्प्रा

११७:१९ अरियोपागस भिबा एथेंस भिबा ग्लाला गड मुबा। थें ग्लारी चा एथेंसला नेतागदे हरूप तबा ग्लाला मुबा। लिच्छे चुनीन ग्लाला मिनग्याम सभाला मिन थान्जी।

१७:२५ १ राजा ८:२७; यशै ४२:५; मुल ७:४८

न्हवा धिनदडसेन पावल यहूदीगदे हरुप तबा दिमरी निसी छलफल लमुबा, ओच्छे यहूदीदेन गरीकगदेदा घाना लबारी म्हाइमुबा।

५सिलासदेन तिमोथी माकडोनियाग्याम खबा धुइरी पावल परमेश्वरला बचन थःना लबा गे लबादेन यहूदीगदेदा यशून थार्वी पिन्वा खरीष्ट हिन्ना भिसी घाना लबा गे जे लमुबा। ६तर यहूदीगदेस पावलला बिरोध लबान तामगन लबारी छुयाइजी, जमाहेन्स पावलस हराडला वन खसी, “एनीगदे हराडलान दोषस लमा नाश तजी भिसम चुला दोष डादा लगब आत। दाहेन्स, डा अर्गु यहूलला म्हागदे मुबा ग्लारी निला” भिसी भिजी। ८

७जमाहेन्स पावल थग्याम परमेश्वरदा तेन्बा तीतस युस्तस भिबा म्हाला दिमरी निजी। थेला दिम यहूदीगदे हरुप तबा दिमला डामरीन मुबा। ८थेरी यहूदीगदे हरुप तबा दिमला नेता किरस्पसदेन थेला दिमरी मुबा जम्मान म्हागदेस परमुदा विश्वास लजी, ओच्छे कोरिन्थला म्हागदे न्हडला ल्हानान म्हागदेस पावलस पाडबा परमेश्वरला बचन ड्यान्सी विश्वास लसी बप्तिस्मा किन्जी।

९तिरेकुनु म्हुनड म्हेर्बा धुइरी म्हाडरी पावलदा परभुस चुहरड भिसी भिजी, “ए थालोडगो, तर पाडबान निउ, ओच्छे कुटिसी थचिउ। १०तिगदा भिसम डा एदेन छुयाम मुला। थेतबासलमा एदा खालेस तिगे लआखम, तिगदा भिसम चु शहररी डाला म्हागदे ल्हानान मुला।” ११थेतबासलमा परमेश्वरला बचन लोप्वान पावल दिड गिकस ला दुधोना थनीगदेदेन छुयामनोन चिजी।

१२तर असैया भिबा ग्लाला नेता गलियोनना धुइरी जम्मान यहूदीगदे टिक्सी पावलदा चुडसी अदालतरी भोजी, १३ओच्छे चुहरड भिसी भिजी, “चु म्हासे मोशाला टिमला बिरोध लसी परमेश्वरदा तेन्गो भिसी म्हागदेदा व्हाम्बान लोप्वान मुला।”

१४पावलस ताम पाडबारी छुयाइमा गलियोनस थ यहूदीगदेदा चुहरड भिसी भिजी, “यहूदीगदे, चुदे चु ताम अन्यायदेन आज्यबा गेला बाररी हिन्सम डाइ एनीगदेला ताम ड्यान्शन तोःबा मुबा। १५तर एनीगदेस पाडबा चु तामदेन मिन मोशास पिन्वा एनीगदेलान

टिमला बाररी तबासे लमा एनीगदेसेन टिक्ना लउ। चुहरडबा तामला निसाफ चा डाइ आल।” १६जमाहेन्स गलियोनस थनीगदेदा अदालतग्याम तेःजी। १७जमाहेन्स थनीगदे जम्मासन यहूदीगदे हरुप तबा दिमला सोस्थनस भिबा नेतादा चुडसी अदालत न्हडरीन तोःजी। तर गलियोनस थ तामला तिगे वास्ता आलनी।

पावल दोःसी थार्वी पिन्वा समाचार थःना लबारी ग्ला ग्लारी निबा

१८पावल कोरिन्थरी तिगे धिनघोना चिजी। जमाहेन्स विश्वासीगदेग्याम फेसी पावल पानी जहाजरी करःबारी किकिरया भिबा ग्लारी निजी। थेदेन छुयाम पिरस्क्रलादेन अकिलासएनोन मुबा। सिरिया भिबा ग्लारी निबाला लागिरी पानी जहाजरी करःबा भन्दा डाच्छा हराडसे लबा कबुल पूरा लबाला लागिरी किकिरया भिबा ग्लारी पावलसे हराडला करा भरजी। १९जमाहेन्स थनीगदे एफिसस भिबा ग्लारी धोखजी, ओच्छे पावलसे पिरस्क्रलादेन अकिलासदा थरीन खलाजी। तर हराड चा यहूदीगदे हरुप तबा दिम गिकरी वाडसी यहूदीगदेदेन छुयाम छलफल लबारी छुयाइजी। २०पावलदा यहूदीगदेस अझ तिगे धिनघोना चिउ भिसी भिमा पावलस थनीगदेला ताम आड्यान्नी। २१थनीगदेग्याम फेबा धुइरी पावलस थनीगदेदा “परमेश्वरस सम लजी भिसम डा दोःसी हराडनी मुबा ग्लारी खला” भिसी पावल पानी जहाजरी करःसी एफिससरी निजी।

२२जमाहेन्स कैसरिया शहररी धोखसी पावल यरुशलमरी निसी थरी मुबा मण्डलीला म्हागदेदेन छुयाम हरुप तजी। ओच्छे पावल एन्टिओखिया शहररी धोजी।

पावल थार्वी पिन्वा समाचार थःना लबारी सोमरमला पालरी निबा

२३पावल तिगे धिनघोना थरीन चिजी। जमाहेन्स पावल गलातियादेन फिरगियाला जम्मान ग्लागदरी निबान जम्मान चलागदेदा विश्वासी कोडना लबान भरजी।

अपोल्लोसस थाबा पिन्बा समाचार थे:ना लबा

२४ अलेक्जिन्डरया मिबा ग्लाला अपोल्लोस मिबा यहूदी गिक एफिससरी खजी। थे परमश्वरला बचन सबा घोबादन ज्यना लसी ताम पाडखम्बा म्हि मुबा। २५ थेस थाबा पिन्बा परभु येशूला बाररी थे:बा मुबा, थेतबासलमा सेमहन्स तान्डीसी परभु येशूला बाररी ज्यना लसी लोप्मुबा। तसेनोन थेदा यहून्नास पिन्बा बप्तिस्माला बाररी जे था मुबा। २६ थे दुक्क तसी यहूदीगदे हरुप तबा दिमरी पाडबारी छ्याइजी। थेस पाडमा पिरस्कलादन अकिलाससे थे:माहन्स थेनीगदेस थेदा हराडला दिमरी भोजी। ओच्छे थेदा परमश्वरला गेला बाररी ज्यना लसी घोना लसी पिन्जी।

२७ जमाहन्स अपोल्लोस असेया मिबा ग्लारी निबा सेम लजी। थेतबासलमा एफिससरी मुबा चलागदेस थेदा निबारी आँट पिन्सी, अपोल्लोसदा मान लगे भिसी चिठी गिक भिरसी पुइजी। असेयारी घोमाहन्स परभुला दयामायाग्याम विश्वास लबा म्हिगदेदा थेस ल्हानान हरो लजी। २८ तिगदा भिसम थेस परमश्वरला बचनग्याम येशून थाबा पिन्बा खरीष्ट हिन्ना भिसी म्हिगदेला ओन्डाडरी यहूदीगदेदा तिगे पाडआखम्बा तना लजी।

पावल एफिसस शहररी निबा

१९ अपोल्लोस कोरिन्थरी मुबा धुइरी पावल एशियाला गुडग्याम तबान एफिसस मिबा शहररी खजी। थेरी पावलसे कोइ कोइ चलागदेदा स्यापजी। २ जमाहन्स पावलसे थेनीगदेदा “एनीगदेस विश्वास लमाहन्स परमश्वरला आत्मा याडजी?” भिसी डयोइमा, थेनीगदेस पावलदा “परमश्वरला आत्मा मुला भिसी डन्स थे:बै आर” भिसी भिजी। ३ दो:सीनोन पावलसे थेनीगदेदा “एनीगदेस साहरडबा बप्तिस्मा किन्जी?” भिसी डयोइमा, थेनीगदेस पावलदा “यहून्नासे लोप्बा अन्धारला बप्तिस्मा किन्जी” भिसी भिजी। ४ जमाहन्स पावलसे थेनीगदेदा “यहून्नासे पिन्बा बप्तिस्मा चा हराड हराडला पाप ख्लासी परमश्वरपट्टि दो:गे भिसी पिन्बा बप्तिस्मा हिन्ना। थेस हराड मन्दा लिच्छा फखबा म्हिदा विश्वास लउ भिसी म्हिगदेदा

लोप्मुबा, थे म्हि येशू हिन्ना” भिसी पाडजी। ५ चु ताम थे:सी थेनीगदेस परभु येशूला मिनरी बप्तिस्मा किन्जी। ६ पावलसे थेनीगदेथारी या थान्माहन्स थेनीगदेथारी परमश्वरला आत्मा फखजी, जमाहन्स थेनीगदेस आसबा ग्याइदन परमश्वरग्याम खबा ताम पाडजी। ७ थेनीगदे ओस्पन च्युक न्ही ते मुबा।

८ जमाहन्स पावल दुक्क तसी यहूदीगदे हरुप तबा दिमरी वाडसी ला सोमघोना परमश्वरला यहूत्साला बाररी थेनीगदेदन छ्याम छलफल लबान म्हिगदेदा घोना लजी। ९ तर थेरी कोइ कोइ म्हिगदे अटरी तसी विश्वास आलना येशूदा विश्वास लबा म्हिगदेला ओन्डाडरी थेरी मुबा समूहला बिरोध लबारी छ्याइजी। थेतबासलमा पावल थेनीगदेग्याम फसी चलागदेदा छ्यामनोन भोसी टुरान्स मिबा ग्लाला स्कूलरी धिन धिननोन छलफल लबारी छ्याइजी। १० चु गे लबा न्ही दिड तमा एशियारी चिबा जम्मान यहूदीदन गरीकगदेसे परभुला बचन थे:जी।

एफिससरी उदेकला गे

११ थेरी परमश्वरसे पावलग्याम म्हिसे लबारी आखम्बा उदेकला गेगदे लजी। १२ पावलला ल्हइरी रुमाल तसे घ तसे थुसी आखम्बा म्हिगदे मुबा ग्लारी भोसी थेनीगदेला ल्हइरी थुमीहन्स आखम्बा म्हिगदे खम्मुबा ओच्छे थेनीगदेला ल्हइग्याम म्हड थोन्सी यामुबा।

१३ जमाहन्स डाबा स्युइबा लबा कोइ कोइ यहूदीगदे क्यारमार निसी परभु येशूला मिनग्याम म्हडसे स्याप्बागदेदा “डाइ एदा पावलसे थे:ना लबा येशूला मिनरी थोन्सी निउ भिसी कुल्बा मुला” भिसी भिजी। १४ चुहरडबा गे लबा चा परमश्वरला मन्दररी पूजा लबा यहूदी मुल म्हि स्क्वासला डा निस मुबा। १५ तर तिरकुनु चा म्हडसे थेनीगदेदा “डाइ येशूदा डोसमुला, ओच्छे पावलदाएनोन डोसेबा मुला, तर एनीगदे चा खाल हिन्ना?” भिसी डयोइजी। १६ जमाहन्स थे म्हडसे स्याप्बा म्हि छ्योडबान थेनीगदे मुबा ग्लारी खजी, ओच्छे थेनीगदे जम्मादान लछार पछार लसी तहरी थान्जी, जमाहन्स थेनीगदे लिगन्डी तसी घाइत तसी थे दिमग्याम थोन्सी यार्जी।

१७ चु ताम एफिससरी चिबा जम्मान यहूदीदेन गरीकगदेस थःसी थनीगदे जम्मान लोड्जी। ओच्छ थनीगदेस परमु येशूला मिननोन जम्मान भन्दा घरेन हिन्ना भिसी भिबारी छुयाइजी। १८ जमाहेन्स विश्वास लबा ल्हानान म्हिगदे खजी ओच्छ थनीगदे जम्मासन हराड हराडस लबा आज्यबा गेगद म्हिगदला ओन्झाडरी पाड्जी। १९ जादु लबा म्हिगदे न्हडला ल्हानान म्हिगदेस हराड हराडला जादुला किताब हरुप लसी भजी, ओच्छ जम्मान म्हिगदला ओन्झाडरी खराड्जी। थनीगदेस भबा किताबला सय लमा आस्पन बोगल न्हीस हजार च्युइ म्हुइला डवल तजी। २० चुहरड तसी परमुला शक्तिशाली बचन खानडवमान थःसी ल्हबान निजी।

२१ चुहरड तमाहेन्स पावलसे माकेडोनियादेन अखैया तबान यरुशलमेरी निबारी पक्का लजी। ओच्छ थरी थोमाहेन्से “डा रोमरीएनोन निनोन तोःला” भिसी पावलसे भिजी। २२ ओच्छ पावलसे हराडदा हरो लबा तिमोथीदेन इरास्तसदा माकेडोनियारी डाच्छा पुइजी। तर हराड चा तिगे धिनधाना एशियारीन चिजी।

एफिसस भिबा ग्लाला
म्हिगदे न्हडरी खल्लल तबा

२३ थे धुइरी थार्वी याड्बा ग्यामला बाररी थःना लबास लमा एफिससरी ल्हानान खल्लल तजी। २४ तिगदा भिसम डेमतिर्यस भिबा म्हुइला मूर्तिगदे स्होबा म्हि गिकस आर्तमिस भिबा लुला जजाबा मन्दिरगदे स्होसी गे लबागदेदा ल्हानान गे पिन्बा मुबा। २५ ओच्छ थेस थ गे लबागदेदेन अर्गु थहरडबान गे लबागदे जम्मादान गला गिकरी हरुप लसी चुहरड भिसी भिजी, “डाला हरोगदे, एनीगदेदा थानोन मुला, य्हाडदा चुनोन गग्याम ल्हानान फाइदा मुला। २६ एनीगदेस मराड्बादेन थःबा तामगदे एफिससरी जे आहिन, तर एशियाला जम्मान गलारी पावल भिबा म्हिसे म्हिला याग्याम स्होबा ल लुगदे चा तिगे आहिन भिसी ल्हानान म्हिगदेदा व्हाम्सी मोर्बा मुबा। २७ थतबासलमा य्हाडला व्यापार म्हासी निबा जे आहिन, तर आर्तमिस भिबा घरेन लुला मन्दिरएनोन गे आखल्ला तला, ओच्छ एशियाला जम्मान

गलादेन जम्बुलिड न्हडनोन घरेन मान पिन्बा लुदा तेन्बा खलाला।”

२८ चु ताम थःसी थनीगदेदा ल्हानान बामो रःजी, ओच्छ “एफिससला म्हिगदला आर्तमिसनोन घरेन हिन्ना” भिसी थनीगदे किरडबारी छुयाइजी। २९ ओच्छ शहर न्हडनोन हल्ली खल्ली तजी। जमाहेन्स थनीगदे जम्मान दिक्सी माकेडोनियाला गायसदेन अरिस्तासस भिबा पावलला हरो न्हीदा चुडसी डुइबा छेड्बा लसी रडगशाला न्हडरी भोजी। ३० पावलएनोन तिगे ताम पाड्बा सम लसी म्हिला हुल न्हडरी निबारी म्हाइजी, तर परमुदा विश्वास लबागदेस थदा निआपुड्नी। ३१ एशियाला सरकारला गे लबा कोइ कोइ मुल म्हिगदेएनोन पावलला हरो मुबा। ओच्छ थनीगदेसोनोन पावलदा रडगशाला न्हडरी थानिउ भिसी पाड्सी पिन्गो भिसी कुल्सी पुइजी।

३२ थनोन धुइरी थनीगदे न्हडरी गिकसम गिक हराड हराडला ताम लबान किरडसी हल्ली खल्ली लबान मुबा। तिगदा भिसम थरी मुबा ल्हानान म्हिगदेदा हराड तिगदा पोप तजी भिबा ताम सुत्तै था आरमुबा। ३३ जमाहेन्स म्हिला हुल न्हडग्याम कोइ कोइ म्हिगदेस अलकजन्डर भिबा म्हिदा डाच्छापट्टि भजी। थदा यहूदीगदेस तिगे ताम पाड्सी चुगदेदा धोना लसी पिन्गो भिसी भिजी। ओच्छ अलकजन्डरस हराड जोगब तबाला लागिरी याला चाल लबान तिगे पाड्बा सम लजी। ३४ तर थनीगदेस थे म्हि यहूदी चीम भिबा था याड्सी जम्मान म्हिगदे दिक्सी आस्पन घण्टा न्ही ते “एफिससला म्हिगदला आर्तमिसनोन घरेन हिन्ना” भिसी किरड्जी।

३५ जमाहेन्स शहरला हाकिमसे म्हिगदेदा कुटिसी चिना लमाहेन्स चुहरड भिसी धोना लजी, “एफिससला म्हिगदे, एफिसस शहर चा घरेन आर्तमिसला मन्दिरदेन मुग्याम ताइबा थला मूर्तिदा जोगब लसी थान्बा मुला भिबा ताम खाल्दा था आरे? ३६ चु ताम खाले म्हिसे आहिन भिसी पाड्बारी आखम भिबा हराडनीदा थानोन मुला। थतबासलमा हराडनी कुटिसी स्हूगो, ओच्छ तिगे आम्हन्ना तिगे गे लबारी आत। ३७ तिगदा भिसम हराडनीसे भबा चु म्हिगदेस य्हाडला लथान य्ही लबा

आरे, ओच्छे, य्हाडला लुदा विरोधएनोन लबा आरे। ३८ चुदे डेमतिरयसदेन थला गे लबागदेस खालेला विरोधरी उजुर लतोःबा मुसम अदालतगदे मुनोन मुला ओच्छे, न्यायाधीशगदेएनोन मुनोन मुला। थतबासलमा थनीगदेस गिकस गिकदा विरोध लबा हिन्सम मुद्दा युगे। ३९ तर चु बाहेक अर्गुन ताम पाड्बा सम मुसम थ तामला निसाफ य्हाडला ठिम अन्ड्यार गन्बागदे हरूप तसी सदन लबा सभारी दिक्ना लला। ४० तिग्दा भिसम तिनी तबा चु हुल दडगाला दोष य्हाडथारी खबारी खम्ता, चु थहरडनोन तबा हुल दडगा तिग्दा तजी भिसी य्हाडस घाना लबारी आखम।” ४१ चुदे भिसी थ हाकिमस थरी मुबा म्हिगदेदा पुडजी।

पावल माकडोनियादेन गरीस भिबा ग्लारी निबा

१थ हल्ली खल्ली म्हाहेन्से पावलसे २० परमुदा विश्वास लबागदेदा ड्योडबारी पुडजी, ओच्छे, थनीगदेदा आँट पिन्सी थनीगदेग्याम फेसी थ माकडोनिया भिबा ग्लापट्टि निजी। २माकडोनियाग्याम तबान निमा थस परमुदा विश्वास लबा थ ग्लाला म्हिगदेदा ल्हानान आँट पिन्सी थ गरीस भिबा ग्लारी निजी। ३थरी पावल ला सोमधोना चिजी। ओच्छे पानी जहाजरी करःसी सिरिया भिबा ग्लारी निबारी छुयाइमा थदा यहूदीगदेस साइबारी जाल लबा ताम था याड्सी थस भरसीन माकडोनिया तसी निबारी पक्का लजी। ४ओच्छे बरिया भिबा ग्लाला पुरस भिबा म्हिला झा सोपात्रोस, थसलोनिके भिबा ग्लाला अरिस्तार्खसदेन सिकन्दस ओच्छे, डर्बी भिबा ग्लाला गायसदेन तिमोथी ओच्छे, एशिया भिबा ग्लाला तुखिकसदेन तरोफिमसएनोन थदेन छुयाम निजी। ५ चुगदे डाच्छान तरोआस भिबा ग्लारी धोसी डन्दा ##भरान्सी चिबा मुबा। ६डनी चा मिशर य्हुल्साग्याम फेसी खबा धिनदा ढन्सी धड्बा चाड निमाहेन्से फिलिप्पी भिबा ग्लायाम पानी जहाजरी करःसी खमा डारकुनु थनीगदे मुबा ग्ला तरोआसरी धोखजी, ओच्छे थरी डनी डारधोना चिजी।

युटिकस भिबा म्हि सिबाग्याम सोबा

७साताला डाच्छाकुनु डनी परमु भोज चबारी पोप तजी, ओच्छे, पावल चा न्हडगरदडनोन

निबा सम लबास लमा थनीगदेदेन छुयाम म्हुन गडसलधोना ताम लसी चिजी। ८डनी पोप तबा दिमला तलाथोला कोठारी चा ल्हानान नाडसलगदे मुबा। ९युटिकस भिबा म्योन म्हि चा झ्यालरी चिबा मुबा। पावलसे ल्हानान धुइधोना ताम लबास लमा थदा म्हेर्बा खसी छुप निजी। थतबासलमा थ तला सोमग्यामस ताइजी, थनीगदेस थदा थोमा सिसी जिन्बा स्यापजी। १०जमाहेन्से पावल मार फापजी, ओच्छे, स्तुप तसी थदा हाप ख्वाइजी। पावलसे थरी मुबागदेदा “थालोडगो, तिग्दा भिसम चु सोबान मुला” भिसी भिजी। ११जमाहेन्से थ तलाथोरी निजी ओच्छे, गड क्युइसी जमाहेन्से य्हाल आततेधोना ताम लसी चिजी। जमाहेन्से थनीगदेग्याम पावल फेसी निजी। १२ओच्छे थनीगदेसे थ सिबाग्याम सोबा म्योन म्हिदा दिमरी भोजी। ओच्छे, थनीगदेसे ल्हानान आँट याड्जी।

पावल तरोआसग्याम मिलेटस
भिबा ग्लाधोना निबा

१३तरोआसग्याम पावल बाहेक डनी जम्मान पानी जहाजरी करःसी अस्सोस भिबा शहररी निजी। पावलसे चा अस्सोसधोना भरसी निबा सम लबास लमा थ अस्सोसधोना भरसी निजी। ओच्छे, अस्सोसग्याम चा डन्देन छुयामनोन पानी जहाजरी करःसी निबा पावलला सम मुबा। १४डनी अस्सोसरी धोखमाहेन्से पावलएनोन डन्देन छुयामनोन पानी जहाजरी करःसी डनी जम्मान छुयामनोन मितिलेन भिबा शहररी निजी। १५थग्याम डनी पानी जहाजरी निसी न्हडगरदड खियस भिबा ग्लाला डामरी धोखजी, ओच्छे, रनीदड सामोस भिबा ग्लारी धोखजी। ओच्छे, अर्गु धिनकुनु चा मिलेटस भिबा ग्लारी खजी। १६पावलसे एशियारी चिबा सम आलबासे लमा एफिससरी आवाडनान निबा सम लजी। तिग्दा भिसम पावलसे खम्तेधोना पन्तिकोसला धिनरी यरूशलेमरीन दोबारी भड लबान मुबा।

एफिससला मण्डलीदा च्याबा
म्हिगदेग्याम फेसी निबा

१७पावलसे मिलेटसग्याम एफिससरी मुबा मण्डलीला मण्डलीदा च्याबा म्हिगदेदा

इयोइबारी म्हि पुइजी। १८थेनीगदे पावल मुबा ग्लारी धोखमाहेन्स पावलसे थेनीगदेदा चुहरङ्ग भिसी भिजी, “एशियारी काङ न्हःमाकुनुहेन्स डा हराङ्नीला गुडरी साहरङ्ग लसी चिजी भिबा ताम हराङ्नीदा थानोन मुला। १९ओच्छे, यहूदीगदेस जाल लसी डादा फसब लबारी म्हाइबास लमा डादा ल्हानान दुस तजी, तसेनोन डा सोजो तसी कराबान परमुला गे लजी। २०ओच्छे हराङ्नीदा ज्यबा ताम पाङ्बा धुइरी जम्मान म्हिला ओन्च्छेडरीदेन एनीगदे जम्मालान दिम दिमरी निसी डाइ हराङ्नीदा लोप्रा धुइरी डाइ तिगै ताम बाँकी आथान्ना लोप्रा। २१यहूदीगदेदेन अर्गु य्हुलला म्हिगदेदाएनोन डाइ हराङ्ग हराङ्गला पाप ख्तासी परमेश्वरपट्टि दोःगो ओच्छे य्हाङ्गला परमु येशू खरीष्टदा विश्वास लउ भिसी पाङ्बा मुला।

२२“च्यागो, डा परमेश्वरला आत्माला करसे लमा यरूशलेमपट्टि निबान मुला, थेरी तिग तला भिबा ताम डादा था आरे। २३जम्मान शहरी डादा दुस तबादेन झ्याल्खानरी झाङ्गला भिसी परमेश्वरला आत्मास उन्बा ताम जे डादा था मुला। २४तसेनोन डाइ हराङ्गला ज्यानदा घरेन म्हन्बा आरे, तिगदा भिसम परमेश्वरला दयामायाला बाररी थारबा पिन्बा समाचार थेःना लबादेन परमु येशूस डादा पिन्बा गे जिन्ना लखमो भिबा डाला सम मुला। १५

२५“च्यागो, डाइ हराङ्नी न्हङ्गला जम्मादान परमेश्वरला य्हुत्साला समाचार थेःना लबान भरजी, दोःसी साइमै य्हाङ्ग हरूप आत भिबा डादा था मुला। २६थेतबासलमा तिनी डाइ हराङ्नीदा पाङ्गला, हराङ्नी न्हङ्गला खालै नाश तसेनोन थला दोष डादा आत। २७तिगदा भिसम एनीगदेस था याङ्गै भिसी परमेश्वरसे म्हन्बा जम्मान ताम डाइ एनीगदेदा गिकनोन बाँकी आथान्ना पाङ्बा मुला।

२८“दाहेन्से हराङ्ग हराङ्गलान लागिरी ओच्छे, परमेश्वरला आत्मास हराङ्नीदा जिम्मा पिन्बा ग्युगदला लागिरी होशियार तसी चिउ। परमेश्वरला मण्डलीदा ज्यना लसी च्याबा म्हि दोगो, तिगदा भिसम परमु येशूस थे म्हिगदेदा हराङ्गलान कासे ग्लुवा मुला। २९तिगदा भिसम डा निमाहेन्से एनीगदला

गुडरी लोङ्गबा खबा फारबागदे हरङ्गबान लुसीला ताम लोप्रा म्हिगदे खला, थेस म्हिगदेदा बाँकी आथान भिबा ताम डादा था मुला। ३०हराङ्नीलान गुडग्यामएनोन न्हाङ्गना लबा ताम पाङ्बा म्हिगदे थान्ना, थेनीगदेस परमुदा विश्वास लबागदेदा हराङ्गदेन छुयाम भोला। ३१थेतबासलमा हराङ्नी होशियार तसी स्हूगो, डाइ सोम दिङ्गाना धिन म्हुननोन करासी करासी एनीगदे जम्मादान लोप्रा ताम थाम्तःगो।

३२“दाहेन्से डाइ हराङ्नीदा परमेश्वरदेन थला दयामायाला बचनरी जिम्मा पिन्ना, थे बचनसेन हराङ्नीदा विश्वासरी कोङ्गना लला, ओच्छे परमेश्वरसे हराङ्गला लागिरी फेसी थान्बा म्हिगदेस याङ्गबा हक एनीगदेसोन याङ्गला। ३३डाइ खालै म्हिला म्हर, म्हुइदेन क्वान्ना लोम आलनी। ३४ओच्छे डाइनोन गे लसी डाला साँचो ओच्छे डादेन छुयाम मुबागदेदा साँचो तबा स्हेगदे डाइ पिन्बा हराङ्नीदा थानोन मुला। ३५हराङ्नीसोनोन डाइ हरङ्ग लसी कमजोर म्हिगदेदा हरो लगे भिसी डाइ समहेन्सेन लबा जम्मान गे हराङ्नीदा उन्बा मुला, तिगदा भिसम परमु येशूसनोन ‘किन्बागदे भन्दा पिन्बागदेस चा झन मोलम याङ्गला’ भिसी सुङ्गबा मुला। थेतबासलमा हराङ्नीसोनोन चु बचनदा ढन्सी हराङ्गसेन गे लसी आखम्बागदेदा हरो लउ।”

३६चुद पाङ्गी जिन्माहेन्स पावलसे पुइ जूसी थेनीगदेदेन छुयाम प्रार्थना लजी। ३७ओच्छे थेनीगदे जम्मान करासी पावलदा हापखाइसी च्याक लजी। ३८पावलसे दोःसी साइमै हरूप आत भिसी पाङ्बास लमा थेनीगदेदा ल्हानान दुस इहम्जी। ओच्छे थेनीगदेस पावलदा पानी जहाज मुबा ग्लोधोना सबारी निजी।

पावल यरूशलेमरी निबा

२१थेनीगदेग्याम फेसी डनी पानी जहाजरी करःसी सोजोन कोस भिबा ग्लारी खजी, ओच्छे न्हङ्गरदङ्ग रोडस भिबा ग्लारी धोखजी थग्याम पटारा भिबा ग्लारी धोखजी। २जमाहेन्से फोनिके भिबा ग्लारी निबा पानी जहाज गिक स्याप्रा ओच्छे डनी थेरीन करःसी निजी। ३साइपरस भिबा ग्ला मराङ्गमाहेन्से थे ग्लाला देबरपट्टिग्याम डनी सिरियापट्टि

निसी टुरोस भिबा ग्लारी फाप्जी। तिगदा भिसम पानी जहाजरी भवा मालसामान थरी ते:तो:बा मुबा। ४ ओच्छे परमुदा विश्वास लबागदेदा म्हाइसी स्याम्माहेन्से डनी निसरधोना थरीन चिजी। थनीन धुइरी परमुदा विश्वास लबागदेस परमेश्वरला आत्माग्याम पावलदा यरूशलेमरी थानिड भिसी भिजी। ५ थ ग्लाग्याम निबा धुइ तमाहेन्से डनी थ ग्लाग्याम थोन्जी। ओच्छे थनीगदेला कोलागदेदेन म्हमगदे क्याडसन डन्दा शहर मडग्यारधोना सबारी खजी। जमाहेन्से डनी जम्मासेन समुन्दरला कुनीरी पुइ जूसी परार्थना लजी। ६ जमाहेन्से डनी थनीगदेग्याम फेसी पानी जहाजरी कर:जी, ओच्छे थनीगदे चा हराडला दिमरी निजी।

७ टुरोसग्याम डनी समुन्दरला ग्याम तवान टोलेमाइस भिबा ग्लारी धोखजी। जमाहेन्से थरी मुबा परमुदा विश्वास लबागदेदा स्याप्सी डनी थनीगदेदेन छ्याम तिर चिजी। ८ न्हडगरदड डनी थ ग्लाग्याम थोन्सी कैसरिया भिबा शहररी धोखजी, ओच्छे डनी थार्बा पिन्बा समाचार थ:ना लबा फिलिप ॥॥॥भिबा म्हेला दिमरी वाडजी। थ फिलिप यरूशलेमरी धम्बा गोर निस न्हडला गिक मुबा। ९ थ फिलिपला ब्याह आलबा झाम बित्त मुबा। थनीगदेस परमेश्वरग्याम सबा ताम पाडमुबा।

१० डनी तिगे रधोना थरी चिबा धुइरी यहूदिया भिबा ग्लाग्याम अगावस भिबा अगमवक्ता गिक डनी मुबा ग्लारी खजी। ११ थ अगमवक्ता डनी मुबा ग्लारी खसी पावलला के: किन्सी हराडलान काड या खीजी। थस “चु के: जुन म्हेला हिन्ना थदा यरूशलेमरी यहूदीगदेस चुहरडनोन लसी खीला। ओच्छे अगु यहुलला म्हेगदला यारी जिम्मा पिन्ना भिसी परमेश्वरला आत्मास सुडबा मुला” भिसी भिजी।

१२ चु ताम थ:सी थरी मुबागदेदेन डन्से पावलदा यरूशलेमरी थोफेपाो भिसी बिन्ती लजी। १३ तर पावलसे थनीगदेदा “तिगदा एनीगदे करासी डाला सेम कराना लबा? परमु यशुला लागिरी डा झ्यालखानरी चिबा जे आहिन, तर यरूशलेमरी सिबारीनोन तयार मुला” भिसी जोहाब पिन्जी। १४ डन्से पावलला सेम दो:बारी

आखम्माहेन्से “परमुसे जुन म्हन्बा मुला थ ताम पूरा तगे” भिसी डनी कुटिसी चिजी।

१५ जमाहेन्से डनी हराड हराडला सामानगदे तयार लसी यरूशलेमपट्टि निजी। १६ डन्देन छ्याम कैसरिया भिबा ग्लाला कोइ कोइ परमुदा विश्वास लबागदेएनोन निजी। ओच्छे थनीगदेस डन्दा डाच्छेआहेन्सेन परमुदा विश्वास लबा साइपरस भिबा ग्लाला मनासान भिबा म्हेला दिमरी बास चिबाला लागिरी भजी।

पावलसे मण्डलीला मण्डलीदा
च्याबा म्हेगदेदा हरुप तबा

१७ डनी यरूशलेमरी धोखमाहेन्से थरी मुबा ज्योज्यो आले नाना आडागदे ताडसी डन्दा मान लजी। १८ ओच्छे न्हडगरदड पावल डन्देन छ्याम याकूब मुबा ग्लारी निजी। थरी जम्मान मण्डलीदा च्याबा म्हेगदे हरुप तबा मुबा। १९ थनीगदेदा लास्सो फ्याफुल्ला भिसी पाडमाहेन्से पावलसे थनीगदेदा हराडसे लबा गेग्याम अगु यहुलला म्हेगदेला गुडरी परमेश्वरसे खाहरडबा गगद लजी भिबा जम्मान ताम थनीगदेदा पाडजी।

२० चु ताम थ:माहेन्से थनीगदेस परमेश्वरला जयजयकार लजी। जमाहेन्से थनीगदेस पावलदा चुहरड भिसी भिजी, “आले, चुरीनोन झ्यासीन झ्याबारी आखम्बाधोनाला यहूदीगदेस परमेश्वरदा विश्वास लसी मोशास पिन्बा ठिम अन्ड्यार ज्यना लसी भरमुला। २१ हराडसे अगु यहुत्सारी चिबा यहूदीगदेदा एनीगदेस हराडला कोलागदेला खतना थालड। ओच्छे मोशास पिन्बा ठिम अन्ड्यार आलसे तला भिसी लोन्बा मुला रो भिबा ताम थनीगदेस थ:बा मुला। २२ दाहेन्से तिग लसे? थनीगदेस हराड चुरी फेखजी भिबा पक्कान थ:ला। २३ थतबासलमा डन्से हराडदा पाडबा अन्ड्यार लड, चुरी परमेश्वरदेन छ्याम कबुल लबा म्हे बित्त डन्देन छ्याम मुला। २४ चुगदेदा भोर्सी हराडएनोन चुगदेदेन छ्यामनोन चोख्याब तड, ओच्छे चुगदेदा तो:बा खर्च हराडसेन युसी पिन्ना। जमाहेन्से चुगदेस करा भरगे। हराडसे चुहरड लसी मोशास पिन्बा ठिम अन्ड्यार लबा मराडसी हराडला बाररी चुगदेस थ:बा जम्मान

॥२१:८ फिलिपदा चा मुल चलागदेदा हरो लबाला लागिरी धम्बा मुबा।

१२:८ मुल ६:१-७ १२:१० मुल ११:२७-२८

ताम सत्य आहिन्वा चीम भिसी था याडला ।
२४ तर डन्से सल्लाह लसी परमुदा विश्वास
लबा अर्गु य्हलला म्हिगददा हराडनीसे
मूर्तिदा बलि पिन्वा तिगे स्हेगदे, कादन खार
च्यासी साइबा जन्तुला स्या थाचउ, ओच्छे
स्थान्दोदेन छुयाम बरल्सी थाभरउ भिसी
चिठी भिरबा मुला ।”

२६ जमाहेन्से न्हडगरदड थं म्हि ब्तिदा
भोर्सी हराडदाएनोन थनीगदेदेन छुयामनोन
चोख्याब लजी, ओच्छे चोख्याब लबा धिन
खाइमा जिन्ना भिबादेन थं म्हिगदला लागिरी
बलि खाइमा फुल्वा भिसी परमेश्वरला
मन्दिररी पूजा लबा म्हिदा पाड्बारी पावल
परमेश्वरला मन्दिर न्हडरी वाड्जी ।

पावलदा चुड्बा

२७ कबुल पूरा लबा निसरे तबारी छुयाइबा
धुडरी एशियाला यहूदीगदेसे पावलदा
परमेश्वरला मन्दिररी मराडसी थरी मुबा
जम्मान म्हिगददा थीसी पावलदा चुड्जी ।
२८ थनीगदेसे किरडबान, “इसराएलला म्हिगदे
डन्दा हरो लउ। तिग्दा भिसम खानडदमान
य्हाडला य्हलला म्हिगदेदेन य्हाडला ठिम
ओच्छे चु ग्ताला बिरोध लसी लोप्सी भरबा
म्हि चुनोन हिन्ना। चुदे जे आहिन, चुसे
परमेश्वरला मन्दिररी अर्गु य्हलला म्हिगददा
भसी चु चोखो ग्लादा नइबा तना लबा मुला”
भिसी भिजी । २९ तिग्दा भिसम चु भन्दा डाच्छा
थं म्हिगदेसे एफिसस भिबा ग्लाता तरोफिमस
भिबा म्हिदा पावलदेन छुयाम मराड्बा
मुबा। थंतबासलमा पावलसे थंदा परमेश्वरला
मन्दिररी भजी भिसी थं म्हिगदेसे म्हन्जी ।

३० जमाहेन्से शहर नाडनोन हल्लती खल्लती
तसी म्हिगदे तिकशुरीन यार्बान खजी। ओच्छे
पावलदा चुड्सी डुइबा छेड्बा लसी परमेश्वरला
मन्दिरग्याम मडग्यार तेःसी तुरुन्तन मन्दिरला
मराप दुड्जी ।

३१ थनीगदेसे पावलदा साइबारी म्हाइबा
धुडरी यरूशलेम नाडनोन हल्लती खल्लती तबा
मुला भिबा ताम रोमी सिपाहीगदला हाकिमसे
थःजी। ३२ जमाहेन्से थंसे तुरुन्तन सिपाहीदेन
कप्तानगददा छुयामनोन भोर्सी यार्बान पावलदा
तोबान लबा ग्लारी खजी। पावलदा तोबागदेसे

हाकिमदेन सिपाहीगददा मराडसी पावलदा
तोबा खलाजी ।

३३ ओच्छे रोमी सिपाहीगदला हाकिम
पावलला डामरी खसी पावलदा चुड्जी। ओच्छे
चुदा च्याल्दा न्हीस खीगो भिसी कुल्जी।
जमाहेन्से थंसे चु म्हि खाल हिन्ना? चुसे
तिग लजी? भिसी ड्योइजी। ३४ तर थरी मुबा
म्हिगदे न्हडरी कोइसे तिग ताम लसी किरड्सी
हल्लती खल्लती लबासे लमा थंसे थं घटनाला
बाररी तिगे आघोनो। थंतबासलमा थंसे पावलदा
सिपाहीगदला ब्यारकरी भोर्गा भिसी कुल्जी।
३५ पावल चामरी धोमा म्हिगदेसे पावलदा
तोबारी खबासे लमा सिपाहीगदेसे थंदा पुड्सी
भोर्जी। ३६ तिग्दा भिसम म्हिला हुलसे “चुदा
साइनोन तोःला” भिसी किरड्बान लिच्छा
लिच्छा भरबा मुबा ।

म्हिला हुलदा पावलसे हराडला बाररी पाड्बा

३७ सिपाहीगदला ब्यारक न्हडरी भोर्बारी
छुयाइमा पावलसे सिपाहीगदला हाकिमदा
“हराडसे डादा ताम पाड्पुड्सम तिगे ताम
पाड्बा सेम मुला” भिसी भिमा सिपाहीगदला
हाकिमसे पावलदा चुहरड् भिसी भिजी,
“एसे गरीक ग्योइ सेमुला? ३८ डाच्छा रोमी
सरकारदा बिरोध लसी हजार ब्ति बिरोध
लबागददा तोडतोड्बा ग्लारी भोर्सी निबा
मिशरी एनोन आहिन?” ३९ तर पावलसे “डा
मी किलिकिया भिबा ग्लाता टार्सेस भिबा
शहरला यहूदी हिन्ना, डा जजाबा शहरला म्हि
आहिन। थंतबासलमा डादा चु म्हिगददा तिगे
पाड्पुड्गो” भिसी बिन्ती लजी। “जमाहेन्से
“तला” भिसी भिमाहेन्से पावल चामरी राप्सी
म्हिगददा यास चाल लजी, ओच्छे म्हिगदे
कुटिसी चिजी। जमाहेन्से थंसे हिबरू ग्योइरी
§§चुहरड् भिसी पाड्बारी छुयाइजी ।

२२ १ “डाला हरागदे हराडनीला ओन्छाडरी
डाइ डाला बाररी पाड्बारी छुयाइबा ताम
डयान्गो ।” २ पावलसे हिबरू ग्योइरी ताम पाड्बा
थःसी थनीगदे झन कुटिसी चिजी ।

३ जमाहेन्से पावलसे चुहरड् भिसी पाड्बारी
छुयाइजी, “डा किलिकिया भिबा ग्लाता टार्सेस
शहररी न्हेबा यहूदी हिन्ना। तर डा यरूशलेम
शहररी गमलिएल भिबा म्हिला कुरी छर्बा
हिन्ना। गमलिएल गुरुयामनोन डाइ य्हाडला

आसं म्हमेला ठिम अन्ध्रार लोपतोःबा जम्मान ताम लोप्ली। तिनी हराडनीसं समहेन्से परमेश्वरदा साहरड लसी तेन्बा मुला डाइनोन थहरड लसीन तेन्बा मुबा। ४ ओच्छे डाइ थाबा याडबा ग्यामरी भरबा म्हिगददा सिबाधानान तासी हंरम्फवदन मिरडम्हम न्हीदान चुडसी झ्याल्खानरी झाड्जी। ५ डाइ पाडबा चु ताम सत्य हिन्ना भिसी परमेश्वरला मन्दररी पूजा लबा मुल म्हिदन यहूदीगद हरुप तबा दिमला गन्बागदसनोन पाडखम्ला। थनीगदसेन दमस्कस भिबा ग्लारी मुबा यहूदी ज्योज्यो आलेगददा चिठी भिरसी डादा पुड्जी। थ चिठीरी परमु येशूदा विश्वास लबागद जम्मादान चुडबा अधिकार डादा पिन्बा मुबा। थतबासलमा थनीगददा खीसी यरूशलेमरी भसी सजाय पिन्बा समसे डा दमस्कसरी निबा मुबा।

६ “डा दमस्कसला डामरी धोमा ओस्पन धिनी गडसल तजी तला, थेनोन धुडरी स्वर्गग्याम तिक्खुरीन डाला क्युर्नन य्हाल खसी झ्वालड तजी। ७ डा सरी हिरलजी, ओच्छे डादा शाऊल, शाऊल, एस डादा तिगदा दुख पिन्बा?” भिबा काइ थेःनी।

८ “ओच्छे डाइ ‘परमु, हराड खाल हिन्ना?’ भिसी डयोइमा, थसं डादा ‘एस दुख पिन्बान लबा नासरतला येशू डानोन हिन्ना’ भिसी सुड्जी। ९ डादेन छ्याम मुबागदसे थ य्हाल मी मराड्जी, तर डादेन छ्याम ताम पाडबाला काइ भिसम आथेःनी।

१० “थेनोन धुडरी डाइ ‘परमु, दाहेन्से डाइ तिग लउ?’ भिसी भिमा, परभुसं डादा ‘ए रःगो ओच्छे दमस्कस शहररी निउ, एस लतोःबा जम्मान ग थरी पाडसी पिन्ना’ भिसी सुड्जी। ११ थ य्हालसे लमा डाइ तिगे आमराड्नी। थतबासलमा डादेन छ्याम मुबागदसे डादा यारी चुडसी दमस्कस शहररी भजी।

१२ “थ शहररी हननिया भिबा मोशासे पिन्बा ठिम अन्ध्रार भरबा म्हि गिक मुबा। थदा दमस्कसरी चिबा जम्मान यहूदीगदसे मान लमुबा। १३ थेनोन म्हि डा मुबा ग्लारी खसी

डाला डामरी राप्सी डादा ‘शाऊल आले, एला मी दोःसी मराड्गे’ भिसी पाडमेछ्याम डाइ मराडखम्ली, ओच्छे डाइ थदा मराड्जी।

१४ “ओच्छे थसं चुहरड भिसी भिजी, य्हाडला आसं म्हमेला परमेश्वरला सम घोबादेन परमेश्वरसं म्हन्बा अन्ध्रार भरबा म्हिदा मराड्बारी ओच्छे थसं पाडमा थेःबारी हराडदा धम्बा मुला। १५ तिगदा भिसम हराडसं थला बाररी मराड्बादेन थेःबा तामला साक्षी दोसी हराडसं जम्मान म्हिगददा थेःना लतोःबा मुला। १६ थतबासलमा दाहेन्से तिगदा भरान्से? रःगो, बप्तिस्मा किन्ना, ओच्छे थला मिनरी विश्वास लमाहेन्से हराडला पाप धाला।’

१७ “यरूशलेमरी दोःसी खमाहेन्से परमेश्वरला मन्दररी परार्थना लबा धुडरी सम गिक तसी डा एकोहोरो तजी। १८ एकोहोरो तबा धुडरी डाइ परमुदा मराड्जी, थसं डादा ‘योना लसी ए यरूशलमग्याम थोन्सी निउ। तिगदा भिसम डाला बाररी एस पाडमा थनीगदसे विश्वास आल’ भिसी सुड्जी।

१९ “तर डाइ चुहरड भिसी पाड्जी, ‘परमु, जम्मान यहूदीगद हरुप तबा दिमरी निसी हराडदा विश्वास लबागददा तोबा ग्याडबा लसी झ्याल्खानरी झाडबा ताम यहूदीगद जम्मादान था मुला। २० ओच्छे हराडला बाररी पाडबा स्तिफनसदा साइबारी डाएनोन दिक्सी डामरीन राप्सी स्तिफनसदा साइबागदला क्वान खरुड्सी चिबा मुबा।’ २१ “जमाहेन्से परभुसं डादा ‘ए निउ, तिगदा भिसम डाइ एदा अर्गु य्हुलला म्हिगद मुबा ग्लारी थारड थारडधाना पुडला’ भिसी सुड्जी।’

२२ पावलसं चुहरड पाडतेधाना थनीगदसे ड्यान्बान मुबा, ओच्छे ड्यान्ना ड्यान्नान “चुहरडबा म्हिदा मी जम्बुलिडरी थान्वारी आत। तिगदा भिसम सोबा भन्दा सिबान ज्यबा तला” भिसी थनीगदे किरड्बारी छ्याड्जी। २३ ओच्छे थनीगदे हराड हराडला क्वान स्युसी सापरा स्वाबान किरड्जी।

*२२:१४ परमेश्वरसं म्हन्बा अन्ध्रार भरबा म्हि चा येशू खरीष्ट हिन्ना। यहूदीगदसे विरोध थालगे भिसी पावलसं चुरी येशूला मिन आपाड्नी।

†२२:२२ परमेश्वरसं पावलदा अर्गु य्हुलला म्हिगद मुबा ग्लारी निउ भिसी सुड्बा ताम थेःसी यहूदीगदसे चा अर्गु य्हुलला म्हिदन यहूदीगद गिकनोन हिन्ना भिसी म्हन्सी पावल मराड्सी यहूदीगददा झन बांमो खेजी।

२४ जमाहेन्से सिपाहीगदला हाकिमसे चुहरड भिसी कुल्जी, “चु म्हिगदसे तिगदा चुदा विरोध लसी किरडबा चीम भिबा ताम था याडबाला लागिरी थंदा ब्यारक न्हडरी भसी कोरसि तोबान ड्योइबा छार्बा लउ।” २५ सिपाहीगदसे पावलदा ढिला छोस खीबारी छ्याइमा पावलसे हराडला डामरी राप्सी चिबा कप्तानदा “तिग रोमीला ठिम अन्छार तिगे दोष आरबा रोमी म्हिदा कोरसि तोबा ठीक हिन्ना?” भिसी ड्योइजी।

२६ चु ताम थे:माहेन्से कप्तान सिपाहीगदला हाकिम मुबा ग्तारी खसी, “हराडसे चु तिग लबारी छ्याइबा? चु म्हि मी रोमी म्हि चीम” भिसी भिजी।

२७ जमाहेन्से थे हाकिम खसी पावलदा “तु, डादा पाडगो, ए पक्कान रोमी म्हि हिन्ना?” भिसी ड्योइमा पावलसे “हिन्ना” भिसी भिजी। २८ ओच्छे थे हाकिमसे “डाइ ल्हानान टाडगा फासी डा चु य्हुल्साला म्हि दोबा हिन्ना” भिसी जोहाब पिन्मा, पावलसे “तर डा मी न्हमान रोमी म्हि हिन्ना” भिसी भिजी।

२९ पावलदा ड्योइबा छार्बा लबारी तयार तबागदे जम्मान थंग्याम तुरुन्तन लिच्छापट्टि ले:जी। ओच्छे पावल रोमी म्हि चीम भिबा ताम था याडसी सिपाहीगदला हाकिमएनोन लोडजी। तिगदा भिसम पावलदा खीगो भिसी थसे कुल्बा मुबा।

पावलदा यहूदीगदला अदालतरी भोर्बा

३० न्हडगरदड यहूदीगदसे तिगदा विरोध लजीम भिबा ताम घोबा सम लसी थंदा ब्वसी पिन्जी। ओच्छे परमेश्वरला मन्दररी पूजा लबा जम्मान मुल म्हिगददेन यहूदीगदला अदालतला नेतागददा पोप तउ भिसी कुल्जी। जमाहेन्से पावलदा अदालतरी भसी थनीगदला डाच्छापट्टि राप्पुडजी।

२३ १ पावलसे अदालतरी मुबागदे जम्मादान च्यासी, “ज्योज्यो आलेगदे, तिनीला धिनघोना डा परमेश्वरला डाच्छा ज्यबा समसे भरबा मुला” भिसी भिजी। २ चु ताम थे:सी परमेश्वरला मन्दररी पूजा लबा मुल म्हि हननियासे पावलला डामरी राप्सी चिबागददा थंला गरम्बारी तोउ भिसी कुल्जी। ३ जमाहेन्से पावलसे थंदा “हराडसे हराडदान ज्यबा म्हन्बा म्हि! च्यागो, एदाएनोन परमेश्वरसे सजाय

पिन्ना। ए मोशासे पिन्बा ठिम अन्छार डाला निसाफ लबारी चिसीनोन मोशाला ठिमदा ख्लासी एसे डादा तोउ भिसी कुल्बा?” भिसी भिजी।

४ पावलला डामरी राप्सी चिबागदसे पावलदा “तिग एसे परमेश्वरला मन्दररी पूजा लबा मुल म्हिला बइज्जत लबा?” भिसी भिजी।

५ पावलसे थनीगददा “डाला ज्योज्यो आलेगदे, थे परमेश्वरला मन्दररी पूजा लबा मुल म्हि हिन्ना भिबा डादा था आरबा। तिगदा भिसम ‘एसे हराडला य्हुलला नेताला बाररी नइबा ताम थापाडगो’ भिसी परमेश्वरला बचनरी भिरबा मुला” भिसी भिजी। ॥

६ तर अदालतरी सदुकीगदला समूहदेन फरिसीगदला समूह चीम भिबा था याडसी पावलसे “ज्योज्यो आलेगदे, डा फरिसीला कोला फरिसीन हिन्ना। डाइ सिबागदे दो:सी सोला भिसी आश लबासे लमा डादा चु मुद्रा तबा हिन्ना” भिसी भिजी।

७ पावलसे थेहरड भिमाहेन्से फरिसीगददेन सदुकीगदला ताम आदिकना थनीगदे फेजी। ८ तिगदा भिसम सदुकीगदसे म्हि सिबाग्याम दो:सी आसो भिबादेन स्वर्गदूत ओच्छे आत्मा भिबा तिगे आर भिसी भिमुबा। तर फरिसीगदसे चा चु जम्मान मुला भिसी विश्वास लमुबा।

१ जमाहेन्से थरी ल्हानान हल्ली खल्ली तजी। थंतबासलमा फरिसी समूहला कोइ कोइ धर्मगुरुगद राप्सी सदुकीगदला विरोध लबान, “डन्से चु म्हिला तिगे दोष आस्यान्नी। तर आत्मा अथवा स्वर्गदूतसेन चु म्हिदा चुहरड पाडबा हिन्सम तिग तजी?” भिसी भिजी। १० थरी थनीगदला ताम आदिकना छेबा बडबा तबासे लमा पावलदा थनीगदसे तोबा ग्याडबा लसी साइला भिसी सिपाहीगदला हाकिम लोडसी पावलदा थंग्याम भसी ब्यारक न्हडरी भोगी भिसी सिपाहीगददा कुल्जी।

११ जमाकुनु म्हुनड प्रभु पावलला डामरी राप्सी, “पावल एसे भड लउ। तिगदा भिसम यरूशलेम शहररी एसे डाला बाररी पाडबा हरड लसी रोमरीनोन डाला बाररी पाडतो:ला” भिसी सुडजी।

पावलदा साइबारी जाल लबा

१२ जमाहेन्से न्हडगरदड स्थोरी यहूदीगदे हरुप तसी पावलदा जाल लसी साइबारी

सल्लाह लजी। ओच्छे पावलदा आसाइतेधोना तिगे चबा थुडबा आल भिसी घरान फाजी। १३ चुहरड लसी जाल लबा म्हिगदे बागल न्ही भन्दा ल्हानान मुबा। १४ थनीगदे परमेश्वरला मन्दिररी पूजा लबा मुल म्हिगदेदन यहूदी गन्बागदे मुबा ग्लारी निसी चुहरड भिसी भिजी, “डन्स पावलदा आसाइतेधोना तिगे आच भिसी घरान फाबा मुला। १५ थतबासलमा हराडनीदेन अदालत ढिकसी सिपाहीगदला हाकिमदा चुहरड भिसी पाडगो, चुला मुद्दाला बारी अझ ज्यना लसी छिनब लतोःला भिबा स्हासी थदा तेःसी भउ। ओच्छे थे चुरी खना खनान डन्स थदा ग्यामरीन साइला।”

१६ तर पावलला कोनसे चुहरडबा जाल लबा था याडसी ब्यारक न्हडरी निसी पावलदा पाडसी पिन्जी। १७ जमाहेन्स पावलसे कप्तानगदे न्हडला गिकदा ड्योइसी, “चु म्योन म्हिदा सिपाहीगदला हाकिम मुबा ग्लारी ससी पिन्गी। तिगदा भिसम चुसे थदा पाडतोःबा ताम मुला” भिसी भिजी। १८ थतबासलमा कप्तानसे थदा सिपाहीगदला हाकिम मुबा ग्लारी भोर्सी, “झ्याल्खानरी मुबा पावलसे डादा ड्योइसी चु म्योन म्हिदा हराड मुबा ग्लारी भोर्गी भिसी पाडजी। तिगदा भिसम चुसे हराडदेन छयाम तिगे ताम पाडबा सेम मुला रो” भिसी भिजी।

१९ जमाहेन्स सिपाहीगदला हाकिमसे थे म्योन म्हिदा यारी चुडसी कुनी गिकरी भोर्सी, “एसे डादा तिग ताम पाडबारी म्हाइबा?” भिसी ड्योइजी। २० ओच्छे थे म्योन म्हिसे हाकिमदा चुहरड भिसी भिजी, “यहूदीगदेसे पावलदा बारी अझ ज्यना लसी ड्योइबा छार्बा लतोःला भिबा निहू लसी न्हडगर थदा अदालतरी भसी पिन्गी भिसी हराडदा बिन्ती लतोःला भिसी सल्लाह लबा मुला। २१ तर हराडसे थनीगदला ताम थाडयान्गी। तिगदा भिसम बागल न्ही भन्दा ल्हानान म्हिगदेसे थदा आसाइतेधोना तिगे चबा थुडबा आल भिसी घरान फासी थदा साडबारी खरुडसी चिबा मुला। दान्दे थनीगदेसे हराडसे तिग सुडबा चीम थे ताम जे भरान्सी चिबा मुला।”

२२ जमाहेन्स सिपाहीगदला हाकिमसे थे म्योन म्हिदा “एसे डादा पाडबा चु ताम स्प्हान्दो सालेदा थापाडगो” भिसी पुडजी।

पावलदा केसरिया भिबा ग्लारी पुडबा

२३ जमाहेन्स सिपाहीगदला हाकिमसे कप्तानगदे न्हडला न्हीदा ड्योइसी चुहरड भिसी भिजी, “तिनी म्हुनना नी बजरीक्यार ग्यार्जा न्ही सिपाहीगदेदन बागल सामसे च्युइ ताथारी करःबा म्हिगदे ओच्छे ग्यार्जा न्ही भाला पुडबा म्हिगदेदा केसरिया भिबा ग्लोधोना निबारी ठीक लसी थान्गी। २४ ओच्छे पावलला लागिरीनोन ता गिक ठीक लसी थदा विरोध लबा म्हिगदेग्याम जोगब लसी यहूदिया अञ्चलाधीश फिलक्स मुबा ग्लारी भोर्गी।” २५ थसे चुहरड भिसी चिठी भिरुजी,

२६ “माननीय अञ्चलाधीश फिलक्सदा क्लौडियस लुसियसग्याम फ्याफुल्ला!

२७ चु म्हिदा यहूदीगदेसे चुडसी साडबारी छ्याइबा मुबा। तर चु रोमी म्हि चीम भिसी डाइ था याडसी सिपाहीगदेदन छयाम निसी चुदा जोगब लबारी थनीगदला याग्याम फेसी भजी। २८ तिग तामरी चुदा थनीगदेसे दोष लजीम भिसी घोबाला लागिरी डाइ चुदा थनीगदला अदालतरीनोन भोर्गी। २९ थनीगदेसे हराडलान ठिमला ड्योइबा तामला बारी चुदा दोष लजीम। तर डाइ चुदा साइतोःबा अथवा झ्याल्खानरी झाडतोःबा हरडबा तिगे दोष आस्यार्नी। ३० चु म्हिदा जाल लसी साडबारी छ्याइबा ताम था याडसी डाइ चु म्हिदा तुरुन्तन हराड मुबा ग्लारी पुडखबा हिन्ना। ओच्छे चुदा विरोध लबागदेदा हराडला डाच्छापट्टि बयान पिन्गी भिसी डाइ पाडबा मुला।”

३१ जमाहेन्स सिपाहीगदला हाकिमसे कुल्बा अन्डार पावलदा सिपाहीगदेसे म्हुनडनोन एन्टिपाटिरस भिबा शहररी भोर्गी। ३२ न्हडगरदड ताथारी करःबा सिपाहीगदेदा पावलदेन छयामनोन निउ भिसी भिजी। ओच्छे भाला पुडबा सिपाहीगदे चा ब्यारकरी दोःसी खजी। ३३ केसरिया भिबा ग्लारी थोमाहेन्स थनीगदेसे केसरियाला मुल हाकिमदा चिठी पिन्जी। ओच्छे पावलदा एनोन थला डाच्छापट्टि भजी। ३४ थसे थे चिठी पढब लसी जिन्माहेन्स पावलदा ए सजिबा जिल्लाला हिन्ना भिसी ड्योइमा, पावल किलिकिया भिबा

गलाला चीम भिबा था याङ्जी। ३५थेस “एदा दोष लबागदे समाहेन्से डाइ एला मुद्दा च्याला” भिसी भिजी। ओच्छे पावलदा हेरोद ङलेस स्हाबा गलेसाङ्गी थान्गो भिसी कुल्जी।

पावलदा फेलिक्स भिबा मुल हाकिमला डाच्छापट्टि भवा

२४ १डार लिच्छा परमेश्वरला मन्दिररी पूजा लबा मुल म्हि हननियादेन कोइ कोइ यहूदी गन्बागदे तर्तुल्लस भिबा वकीलदेन छयाम थरी खजी। थनीगदेस पावलदा विरोध लबा ताम मुल हाकिम फेलिक्सदा थोना लजी। २पावलदा थरी भमाहेन्से तर्तुल्लससे थला विरोध लसी चुहरङ्ग भिबारी छयाइजी,

“माननीय फेलिक्स हराङ्गयाम डन्से ल्हानान शान्ति याङ्बा मुला। ओच्छे हराङ्गसे डन्ना य्हुलला लागिरी ल्हानान ज्यबा गेगदे लबा मुला। ३चु ताम डन्से जम्मान गलारी सदन ढन्सी हराङ्गदा ल्हानान धन्यवाद पिन्बा मुला। ४डादा हराङ्गदेन छयाम ल्हानान ताम पाङ्बा सम आर। तसेनोन दया लसी हराङ्गसे डन्ना ताम गिक डयान्गो।

५“तिग्दा भिसम चु म्हि जम्बुलिङ नाङलान यहूदीगदला गुङरी हल्ली खल्ली लबादेन खानडदमान दुख पिन्सी भरबा नासरी भिबा समूहला मुल नेता हिन्ना। ६ओच्छे चुस परमेश्वरला मन्दिरदाएनोन नइबा तना लबारी छयाइबान मुबा। थनोन धुइरी डन्से चुदा चुङ्जी। डन्ना ठिम अन्धार निसाफएनोन लसला मुबा। ७तर सिपाहीगदला हाकिम लुसियससे डनी मुबा गलारी खसी जबरजस्ती थदा डनीगयाम ब्यन्सी भोजी। ८ओच्छे चुदा विरोध लबागददा हराङ्गला डाच्छा निउ भिसी कुल्जी। ९दाहेन्से डन्से चुदा विरोध लसी पाङ्मा ठीक हिन्ना कि आहिन भिसी हराङ्गसेनोन डयाइबा छारबा लमाहेन्से था याङ्गला।” १थेदेन छयाम खबा यहूदीगदेसेनोन “चु जम्मान ताम ठीक हिन्ना” भिसी भिजी।

१०अन्वलाधीशसे पावलदा ताम पाङ्पुङ्गमाहेन्से पावलसे चुहरङ्ग भिसी पाङ्गी, “हराङ्ग ल्हानान दिङ्गहेन्से यहूदी य्हुलला मुल हाकिमदेन न्यायाधीश हिन्ना भिबा ताम डाइ था याङ्गी। थतबासलमा हराङ्गला डाच्छापट्टि डादा विरोध लबा तामला बाररी पाङ्म्याङ्गमा डा ल्हानान ताङ्गबा मुला। ११डा परमेश्वरला मन्दिररी परमेश्वरदा तेन्बारी यरूशलेमरी निबा च्युक न्ही धिन मन्दा ल्हाना तबा आर। चु ताम हराङ्गसेनोन था याङ्गखम्ता। १२ओच्छे चुगदेस डाइ खाले म्हिगदेदेन छयाम छलफल लबाएनोन स्याप्पा आर। ओच्छे परमेश्वरला मन्दिरदेन यहूदीगदे हरूप तबा दिमरी ओच्छे शहररी हुल दङ्गा लबाएनोन स्याप्पा आर। १३ओच्छे दान्दे चुगदेस डादा लबा दोषला तिगे सत्य ताम हराङ्गदा उन्बारी आसम। १४“तर चु ताम डाइ हराङ्गलान डाच्छापट्टि पाङ्गखम्ता। डा थारो याङ्गबा ग्यामरी भरसी डन्ना आखे म्हेमला परमेश्वरदा तेन्बा मुला। चुनोन थारो याङ्गबा ग्यामदा चुगदेस लुसीला ताम पाङ्गबा म्हिगदला समूह भिसी भिमुला। तर डाइएनोन थनीगदे भरबा ग्यामरीन भरसी मोशाला ठिमरी मुबा तामदेन अगमवक्तासे भिरबा किताबला जम्मान तामरी विश्वास लबान मुला। १५थनीगदेस हरङ्ग लसीन परमेश्वरसे म्हेन्बा अन्धारला गे लबा म्हिदेन परमेश्वरसे म्हेन्बा अन्धारला गे आलबा म्हि न्हीनोन सिबागयाम दाःसी सोला भिसी डाइएनोन परमेश्वरथारी आश लबा मुला। १६थतबासलमा डाइ सदन परमेश्वरदेन म्हिगदला डाच्छापट्टि ज्यबा सम थोसी भरबा मुला।

१७“ल्हानान दिङ्ग लिच्छा डा हराङ्गलान यहूदीगददा टाङ्गा पिन्सी हरो लबारीदेन परमेश्वरदा भेटी फुल्बारी यरूशलेमरी खबा मुबा। १८परमेश्वरला मन्दिररी भेटी फुल्बान लबा धुइरी चुगदेसे डादा स्याप्पा हिन्ना। थे धुइरी डाइ चोख्यार तबारी लतोःबा जम्मान गे लसी जिन्बा मुबा। चुगदेसे डादा परमेश्वरला मन्दिररी स्याप्पा डादेन छयाम खाले म्हिला हुल आरबा ओच्छे हुल दङ्गाएनोन तबा आरबा। १९तर एशिया भिबा गलागयाम खबा

३२३:३५ चु हेरोद चा घरेन हेरोद हिन्ना। चु हेरोद येशू न्हेमाहेन्से सिजी। मत्ती २ अध्यायरी स्हीगो। ३२४:८ “डन्ना ठिम अन्धार...हराङ्गला डाच्छा निउ भिसी कुल्जी।” चु ताम ल्हाना हरङ्गबा ग्रीक बाइबलरी आर।

कोइ कोइ यहूदीगदेसे डादा परमेश्वरला मन्दिररी मराडबा मुबा। चुदे डाला बिरोधरी तिगै ताम पाडतोःबा मुसम थेनीगदे चा हराड मुबा ग्तारी खसी डाला बिरोधरी उजुर लदोमुबा। २० आहिन्सम, डा यहूदी अदालतला डाच्छापट्टि राखा धुइरी डाला तिग दोष स्यापज्जी थे दोष चुरी मुबा म्हिगदेसन पाड्गे। २१ तर डाइ थेनीगदला डाच्छा किरड्डी चु ताम जे पाड्बा हिन्ना, 'सिबागदे दोःसी सोला' भिसी विश्वास लबासे लमा तिनी हराडनीला डाच्छा डादा चु मुद्रा तबान मुला।"

२२ चु तामला बाररी फलिकसदा जम्मान ताम था तबासे लमा थेस चु ताम थेःमाहेन्से पावलदा बिरोध लबागदेदा "सिपाहीगदला हाकिम लुसियस चुरी समाहेन्से डाइ एनीगदला मुद्रा छिनब लसी पिन्ना" भिबा स्होसी पुइजी। २३ जमाहेन्से फलिकससे कप्तानदा "पावलदा ज्यना लसी खरुडसी चिउ, तर थेदा ल्हानान कडाएनोन थालउ। ओच्छे थेदा तोःबा स्हगदे थेला हरागदेसे पिन्बारी समा थेला हरागदेदा रोकब थालउ" भिसी कुलजी।

फलिकसदेन दूरसिल्लाला डाच्छापट्टि पावल २४ तिगै धिन लिच्छा फलिकससे हराडला यहूदी मिरड दूरसिल्लाला छयामनोन भसी खजी, ओच्छे थेस पावलदा इयोइसी खरीष्ट येशूदा विश्वास लबा बारला ताम पावलगयाम इयान्जी। २५ पावलसे थेदा परमेश्वरदा सम निबा गे लतोःबा मुला ओच्छे हराडसे हराडदान तहरी थान्सी परमेश्वरसे लबा निसाफला बाररी पाडमा फलिकस आतब तसी पावलदा "दान्देदा ए निउ, तजी भिसम डाइ एदा इयोइला" भिसी भिजी। २६ पावलसे थेदा टाडगा पिन्ना वा भिबा आश लसी पावलदा धुइ धुइरी इयोइसी ताम लमुबा।

२७ न्ही दिड लिच्छा फलिकसला ग्तारी पर्किअस फेस्तस भिबा हाकिम खजी। ओच्छे फलिकससे यहूदीगदेदा ताडना लबाला लागिरी पावलदा इयात्स्वानरीन थान्सी निजी।

पावलला मुद्रा फेस्तससे च्याबा

२५ १ फेस्तस मुल हाकिम दोबा सोमर लिच्छा कैसरियागयाम यरुशलमेरी निजी। २ थेरी परमेश्वरला मन्दिररी पूजा लबा मुल म्हिगदेदेन यहूदी गन्बागदेसे पावलला बिरोधरी दोष लजी। ३ डन्ना लागिरी पावलदा

यरुशलमेरी पुइखसी डन्दा दया लउ भिसी बिन्ती लजी। तिगदा भिसम थेनीगदेसे पावलदा ग्यामरी खना खनान साइबारी जाल लबान मुबा। ४ तर फेस्तससे थेनीगदेदा चुहरड भिसी पाड्जी, "पावलदा कैसरियारीन इयात्स्वानरी थान्बा मुला, ओच्छे डाएनोन योनान कैसरियारी दोःसी निबा सम मुला। ५ एनीगदे न्हडला कोइ कोइ नेतागदे डादेन छयामनोन कैसरियारी भरउ, ओच्छे थे म्हिसे तिगै आज्यबा गे लबा मुसम थेरी थेला दोष उन्नो।"

६ जमाहेन्से थेनीगदे मुबा ग्तारी फेस्तस भरःर च्युइर भन्दा ल्हाना आचिना कैसरियारी दोःसी निजी। ओच्छे न्हडगरदड निसाफ लबा ठिरी चिसी पावलदा भसी खउ भिसी कुलजी। ७ पावल दोखमाहेन्से यरुशलमेगयाम खबा यहूदीगदे थेला क्युरीन रापजी। ओच्छे पावलला बिरोधरी हिन्बा आहिन्बा तामला दोष लजी। तर थेनीगदे हराडसेन पाड्मा सत्य हिन्ना भिसी उन्बारी आखम्नी।

८ जमाहेन्से पावलसे हराडला ताम पाडबान, "डाइ यहूदीगदेदा माशासे पिन्बा ठिम, परमेश्वरला मन्दिरला बिरोधरीदेन रोमी ग्याल्बो कैसरला बिरोधरी तिगै आज्यबा गे लबा आर" भिसी भिजी।

९ तर फेस्तससे यहूदीगदेदा ताडना लबाला लागिरी पावलदा "तिग ए यरुशलमेरी निसी थेरी डाला डाच्छा चु तामला बाररी निसाफ लसी पिन्गे भिसी म्हन्बा मुला?" भिसी इयोइजी।

१० तर पावलसे चुहरड भिसी भिजी, "डा रोमी ग्याल्बो कैसरसे निसाफ लबा ठिला डाच्छा राप्सी चिबान मुला। थेतबासेलमा डाला निसाफ चुरीन ततोःला। डाइ यहूदीगदेदा तिगै नइबा गे लबा आर भिबा ताम हराडदा थानोन मुला। ११ चुदे डाइ डादा साइतोःबाधोनाला गे लबा मुसम डादा साइसेनोन ठीक मुला। तर डादा यहूदीगदेसे लबा दोषला तिगै सत्य ताम उन्बारी आखम्सम डादा सालेसे थेनीगदला यारी जिम्मा पिन्बारी आम्याड। तर रोमी ग्याल्बो कैसरसेन डाला चु मुद्रा च्यासी पिन्गे भिबा डाला बिन्ती मुला।"

१२ जमाहेन्से फेस्तससे हराडदा सल्लाह पिन्बा म्हिगदेदेन छयाम सल्लाह लसी, "एसे रोमी ग्याल्बो कैसरदा बिन्ती लजी। थेतबासेलमा ए रोमी ग्याल्बो कैसर मुबा ग्तारीन नितोःला" भिसी भिजी।

अगिरपास भिबा ग्लेदेन फेस्तससे लबा सल्लाह

१३ तिगै धिन लिच्छा अगिरपास ग्लेदेन थेला आडा बरनिकी फेस्तसदा मान लबारी केसरियारी खजी। १४ थरी थनीगद ल्हानान धिन चिमाहेन्से फेस्तससे पावलला मुद्रा ग्लेदा उन्वान चुहरङ्ग भिसी भिजी, “चुरी फलिवससे झ्याल्खानरी थान्बा म्हि गिक मुला। १५ थला बाररी डा यरूशलेमरी निमा परमेश्वरला मन्दिररी पूजा लबा मुल म्हिदेन यहूदी गन्बागदसे थेला विरोधरी दोष लसी थदा सिबाला सजाय पिन्तोःला भिसी डादा पाङ्गमुबा।

१६ तर डाइ थनीगददा चुहरङ्ग भिसी भिजी, ‘दोष आस्यात्तेधोना खाले म्हिदा सिबाला सजाय पिन्बा रोमीगदला ठिम ओर। ओच्छे दोष लबा म्हिदा ओच्छाडरी दोष तबा म्हिसे हराडला बाररी ताम पाङ्ग्याडतोःला।’ १७ थेतबासलमा थनीगदे चुरी खमाहेन्से डाइ योना लसीन न्हङ्गरदङ्गनोन निसाफ लबा ठिरी चिसी थदा भसी खउ भिसी कुल्जी। १८ जमाहेन्से पावलदा दोष लबा म्हिगदसे राप्सी पावलसे लबा आज्यबा गेला दोष उन्ना भिसी डाइ म्हेन्बा मुबा। तर थनीगदसे डाइ म्हेन्बा अन्धार तिगै दोष उन्बारी आखम्नी। १९ बरु थनीगद न्हङ्गरी आदिव्बा ताम चा सिसी जिन्बा यशूला बाररीदेन थनीगदेलान धर्मला बाररी मुबा। ओच्छे पावलसे चा यशू अझ सोबान मुला भिसी पाङ्गबा मुबा। २० जमाहेन्से चु ताम तिग हिन्ना भिसी सत्य ताम था याङ्बारी डा अलमल तबासे लमा चु तामला बाररी निसाफ लबारी यरूशलेमरी निबा सेम मुला कि भिसी डाइ पावलदा ड्योइजी। २१ तर पावलसे रोमी ग्यालबोग्याम छिनब आततेधोना डादा चुरीन झ्याल्खानरी थान्ना भिसी बिन्ती लबासे लमा थदा रोमी ग्याल्बो केसर मुबा ग्लारी आपुइतेधोना चुरीन थान्ना भिसी कुल्जी।”

२२ जमाहेन्से अगिरपाससे फेस्तसदा “चु म्हिदा ताम डादाएनोन ड्यान्बा सेम मुला” भिसी भिमा फेस्तससे अगिरपासदा “थेला ताम हराडसे न्हङ्गर ड्यान्ग्याडला” भिसी भिजी।

पावलदा अगिरपास भिबा ग्लेला डाच्छा भोर्बा

२३ न्हङ्गरदङ्ग अगिरपास ग्लेदेन थेला आडा बरनिकी ओच्छे सिपाहीगदला हाकिमगदे, शहरला मुल नेतागददेन छ्यामनोन सभा दिम न्हङ्गरी वाङ्गजी, थरी म्हिगदसे थनीगददा

ल्हानान मान लजी। जमाहेन्से फेस्तससे पावलदा भसी खउ भिसी कुल्बासे लमा पावलदा थरी भजी। २४ जमाहेन्से फेस्तससे चुहरङ्ग भिसी भिजी, “ग्ले अगिरपासदेन चुरी य्हाडदेन छ्याम मुबा जम्मान ज्योज्यो आलगदे, हराडनीसे मराडबा चु म्हिदा जम्मान यहूदीगदसे किरडबान, ‘चु म्हिदा साइनोन तोःला’ भिसी यरूशलेमरीदेन चुरी डादाएनोन थसे हराडला ताम पाङ्गबा मुबा। २५ तर डाइ चुदा रोमी ग्याल्बो मुबा ग्लारी पुइबा सेम लबा मुला। २६ चुला बाररी डाइ डाला रोमी ग्याल्बादा भिसी पुइतोःबा खास ताम तिगै ओर। थेतबासलमा डाइ चुदा हराडनीला डाच्छापट्टि ओच्छे खास लसी हराड ग्ले अगिरपासला डाच्छापट्टि भवा मुला, दाहेन्से य्हाडसे चुदा ड्योइबा छार्बा लमाहेन्से डाइ भिसी पुइतोःबा ताम स्याप्ला तला। २७ तिगदा भिसम झ्याल्खानरी झाडबा म्हिदा बाररी तिगै दोष आउन्ना रोमी ग्याल्बो मुबा ग्लारी पुइबारी डादा ज्यबा आछोर्नी।”

१ जमाहेन्से अगिरपास ग्लेसे पावलदा २६ “दाहेन्से एसे हराडला बाररी ताम पाङ्ग्याडला” भिसी भिजी। ओच्छे पावलसे याला चाल लबान हराडला बाररी चुहरङ्ग भिसी ताम लबारी छ्याइजी।

२ “ग्ले अगिरपास, यहूदीगदसे डादा लबा जम्मान दोषला बाररी तिनी हराडला डाच्छापट्टि पाङ्ग्याडमा डा ल्हानान ताडबा मुला। ३ यहूदीगदला जम्मान रिमठिमदेन थनीगदे साहरडबाधोना मुला भिबा हराडदा ज्यना लसी था मुबासे लमा डाला ताम आछोर्नी ज्यना लसी ड्यान्सी पिन्गो भिबा डाला बिन्ती मुला।

४ “डाला य्हुलला गुडरीदेन यरूशलेमरीनोन डा जत्थुगुहेन्से दान्देधोना साहरङ्ग लसी भरबा मुला भिबा ताम यहूदीगददा था मुला। ५ उन्ना यहूदी धर्म तेन्बा म्हिगदे न्हङ्गला हराडसे तेन्बा ताम जे जम्मान भन्दा ठीक हिन्ना भिबा फरिसीगदला समूह न्हङ्गला डाएनोन गिक मुबा भिबा ताम थनीगददा था मुला। थेतबासलमा चु ताम पाङ्गबा सेम मुसम थनीगदसे पाङ्गखम्ला। ६ परमेश्वरसे य्हाडला आसे म्हेमदेन छ्याम लबा कबुलरी डाइ विश्वास लबासे लमा तिनी

डादा चु मुद्दा तबा मुला। ७ अगिरपास ग्ले
 य्हाडला च्युक न्ही वंशगदेसन चु कबुल
 याडबाला लागिरी धिन म्हननोन सम गिक लसी
 परमेश्वरदा तेन्बा मुला। चुनोन कबुलरी डाइ
 विश्वास लबास लमा यहूदीगदसे डादा दोष लबा
 हिन्ना। ८ परमेश्वरस सिबागददा दोःसी सोना
 लला भिबा तामरी विश्वास लबारी हराडनीदा
 तिग्दा गाहरो तबा ?

१ “हिन्बास डाइनोन स्वतधोना नासरतला
 येशूला विरोध लतोःला भिसी म्हन्बा मुबा।
 १० डाइ यरूशलमरी चुहरड लसी विरोध लजी।
 डाइ परमेश्वरला मन्दिररी पूजा लबा मुल
 म्हिगदग्याम अधिकार किन्सी परमेश्वरला
 म्हिगददा झ्याल्खानरी झाडजी। ओच्छे
 थनीगददा साइबा गरीनोन हरो लजी। ११ ओच्छे
 यहूदीगदे हरूप तबा जम्मान दिमगदरी
 थनीगददा ल्हानान रम सजाय पिन्सी
 परमेश्वरदा विरोध लउ भिसी कर लबा मुबा।
 ओच्छे थनीगददेन छ्याम ल्हानान बासो खसी
 डाइ थनीगददा अर्गु य्हुत्साला शहरगदरीनोन
 दुख पिन्जी।

पावलसे हराडसे येशूदा विश्वास
 लबाला बाररी पाडबा

१२ “चुहरड लसी परमेश्वरला मन्दिररी पूजा
 लबा मुल म्हिगदग्याम अधिकारदेन कुल्बा
 तामला चिठी याडमाहन्स डा दमस्कस भिबा
 गलापट्टि निजी। १३ अगिरपास ग्ले, डनी निबान
 लमा धिनी गुडरी डाइ स्वर्गग्याम धिनीला
 य्हाल मन्दा ल्हानान य्हाल खबा मराडजी।
 थं य्हाल डादेन डाला हरोगदला क्युसीन
 ज्वालडलड तजी। १४ ओच्छे डनी जम्मान
 सरी हिरलजी। जमाहन्स डादा हिवरू ग्योडरी
 “शाऊल, शाऊल एस डादा तिग्दा दुख पिन्बा ?
 डादेन छ्याम छेसी एसे हराडसे हराडदान दुख
 तना लबा मुला” §भिबा काइ डाइ थंजी।

१५ “जमाहन्से डाइ, “परमु, हराड खाल
 हिन्ना ? भिसी ड्योडजी।

“परमुसे डादा चुहरड भिसी सुडजी,
 ‘एस दुख पिन्बान लबा येशू डानोन
 हिन्ना।’ १६ तर रेःगो, तिग्दा भिसम डाइ
 एदा डाला गे लबा म्हिदेन डाला साक्षी
 पिन्बा म्हि स्होबाला लागिरी डा ए

मुबा ग्लारी खबा हिन्ना। एसे डाला
 बाररी मराडबा तामदेन डाइ एदा लिच्छा
 उन्बा तामगदेएनोन स्हान्दो म्हिगददा
 थंःना लतोःला। १७ ओच्छे एदा डाइ
 यहूदीगददेन अर्गु य्हुलला म्हिगद मुबा
 ग्लारी पुडबारी छ्याइबा मुला। थनीगदसे
 एदा पिन्बा दुखग्याम डाइ एदा जागब
 लला। १८ एस थनीगदला मी मराडना
 लसी थनीगददा धोपधोपग्याम य्हाल
 य्हाल मुबापट्टिदेन शेतानना शक्तिग्याम
 फेसी परमेश्वरपट्टि भतोःला। जमाहन्से
 थनीगदसे पापग्याम माफ याडला ओच्छे
 डादा विश्वास लबास लमा थनीगद
 परमेश्वरसे धम्बा म्हिगददेन छ्याम
 चिम्याडला।

१९ “थतबासेलमा अगिरपास ग्ले, डादा
 स्वर्गग्याम उन्बा ताम डाइ ड्यान्बा
 हिन्ना। २० डाइ डाच्छा दमस्कसरी,
 जमाहन्से यरूशलमरीदेन यहूदिया य्हुत्सा
 नाडनोन चिबागददा, ओच्छे अर्गु य्हुलला
 म्हिगददाएनोन हराड हराडला पाप ख्वासी
 परमेश्वरपट्टि दोःगो ओच्छे हराड हराडला
 पाप ख्वासी परमेश्वरपट्टि दोःबा अन्डारला
 गे लउ भिसी थंःना लजी। २१ डाइ चुहरड
 लसी थंःना लबास लमा यहूदीगदसे डादा
 परमेश्वरला मन्दिररी चुडसी साइबारी
 म्हाइजी। २२ तिनीधोना परमेश्वरसे डादा हरो
 लबान मुला। थतबासेलमा डा चुरी राप्सी
 य्हुत्साला जजा घरेन जम्मादान चु ताम
 पाडबान मुला। ओच्छे डाइ अगमवक्तागददेन
 मोशास पाडबा ताम पूरा तनोन तला भिबा ताम
 बाहेक अर्गु तिगे ताम पाडबा आरे। २३ थनीगदसे
 थार्बा पिन्बा खरीष्टसे दुख नानोन तोःला,
 ओच्छे सिबागदे न्हडरी थं जम्मान मन्दा
 डाच्छा सोसी हराडला य्हुलला म्हिदेन अर्गु
 य्हुलला म्हिगददा परमेश्वरला य्हुत्साला
 बाररी पाडला।”

२४ पावलसे चु ताम पाडबान लमा फेस्तसे
 “पावल ए म्योबा हिन्ना, एसे ल्हानान पढब
 लबास लमा एदा थसन म्याना लबा हिन्ना”
 भिसी घरेन काइ लसी पाडजी।

२५ तर पावलसे चुहरड भिसी भिजी,
 “जम्मासेन मान लबा फेस्तसे, डा म्योबा

§२६:१४ गरीक बाइबलरी “सुडरी काडसे छेक्मा एदान स्ह खला” भिसी भिरबा मुला। चु भिबा चा
 “डादेन छ्याम छेसी एसे हराडसे हराडदान दुख तना लबा मुला” भिबा हिन्ना।

आहिन, तर डाइ सत्य तामदेन बुद्धिला ताम जे पाड्बा मुला । २६ चु तामला बाररी अगिरपास ग्लेदाएनोन था मुबासे लमा डाइ टुकक तसी चु ताम पाड्बान मुला । डाइ पाड्बा चु जम्मान ताम ग्लेदा थानोन मुला मिबा ताम डादा पक्का था मुला । तिगदा भिसम चु ताम खालेसे आमराड्बा ग्लारी लबा आहिन ।”

२७ जमाहेन्से पावलसे चुहरड् भिसी भिजी, “अगिरपास ग्ले, तिग हराड्से अगमवक्तागदेदा विश्वास लमुला ? डादा था मुला, हराड्से विश्वास लमुला ?”

२८ जमाहेन्से अगिरपास ग्लेसे पावलदा “तिग एसे डादा चुदे योनान खरीष्टियान स्होबारी म्हाड्बा ?” भिसी भिजी ।

२९ पावलसे “योना तसे घइसी तसेनोन चु च्याल्दागदे बाहेक, हराड् जे आहिन, तर तिनी डाला ताम डयान्बागदे जम्मान डा हरड्बान तगे भिसी डाइ परमेश्वरदेन छुयाम प्रार्थना लबा मुला” भिसी जोहाब पिन्जी ।

३० जमाहेन्से ग्लेदेन हाकिम ओच्छे बरनिर्कीदेन थरी मुबा जम्मान म्हिगदे रे:सी निबारी छुयाड्जी । ३१ ओच्छे थनीगदे थ ग्लायाम थान्माहेन्से “चु म्हिसे साइनोन तो:बा अथवा झ्याल्खानरी झाड्तो:बाधोनाला तिगे गे लबा आरम” भिसी हराड् हराड् न्हडरी ताम लजी ।

३२ ओच्छे अगिरपाससे फेस्तसदा “चुसे रोमी ग्याल्बा केसरला डाच्छा हराड्ला ताम थान्बा सम आलबा हिन्सम पुइसे तसला” भिसी भिजी ।

पावल रोम यहुत्सारी थार्बा पिन्बा समाचार थे:ना लबारी निबा

१ डनी समुन्दरग्याम तबान इटालिया २७ मिबा ग्लारी नितो:ला भिसी पक्का लमाहेन्से थनीगदेसे पावलदेन स्थान्दो कोइ कोइ झ्याल्खानरी मुबा म्हिगदेदा ग्याल्बा अगस्टसला सिपाहीगदेला कप्तान युलियस मिबा म्हिता यारी जिम्मा पिन्जी । २ जमाहेन्से डनी एडरामिटनोस मिबा ग्लायाम खसी एशियारी परब तबा पानी जहाज थान्बा ग्लेगदे तबान निबा पानी जहाजरी करे:सी निजी । थरी डन्देन छुयाम माकेडोनिया अञ्चलला

थेसलोनिके मिबा ग्लाला अरिस्तार्खस मिन लबा म्हि गिकएनोन मुबा ।

३ न्हडगरदड डनी सीदोन मिबा ग्लारी धोखजी । ओच्छे युलियससे दया लसी पावलदा थला हरागदे मुबा ग्लारी निसी तो:तबा स्हेगदे किन्पुड्जी । ४ थग्याम दो:सी डनी मुबा पानी जहाज निजी, ओच्छे पानी जहाजला डाच्छापटटिग्याम लाबा खबासे लमा डनी समुन्दरला गुडरी मुबा साइपरस मिबा ग्लाला भर लसी कुनीग्याम तबान निजी । ५ जमाहेन्से किलिकियादेन पामफिलिया मिबा ग्लाला क्याम्सडपटटिला समुन्दरी धोखमाहेन्से डनी लुकिया मिबा ग्लाला माइरा मिबा शहररी धोखजी । ६ थरी कप्तान युलियससे अलेक्जिन्डरिया मिबा शहरग्याम इटालिया मिबा यहुत्सारी निबा पानी जहाज गिक स्यापजी । ओच्छे डनी थे पानी जहाजरी करे:सी निजी ।

७ ल्हानान धिनधोना दुख नासी डनी गोल्से गोल्से लसी कनीडस मिबा ग्लारी धोखजी । तर लाबासे अझ डन्दा डाच्छा निआपुड्बासे लमा करेट मिबा गडला भर लसी कुनीग्याम तबान सालमोने मिबा ग्लारी निजी । ८ ल्हानान दुखसे डनी थे ग्लाला कुनीग्याम पानी जहाज थान्बा जेबा मिबा ग्लारी खजी । थे ग्लायाम लासिया मिबा शहर डामरीन मुबा ।

९ समुन्दरग्याम निबारी ल्हानान लोड्बा खबा धुइ तबासे लमा डनी ल्हानान धिनधोना थरीन चिजी, ओच्छे फोइथान चिसी प्रार्थना लबा धिनएनोन **निसी जिन्बासे लमा पावलसे थनीगदेदा चुहरड् भिसी सल्लाह पिन्जी । १० “च्यागो हरागदे, चु समुन्दरग्याम निजी भिसम य्हाड्दा ल्हानान दुख तला । पानी जहाजदेन मालसामान जे नाश तबा आहिन, तर य्हाड्ला ज्याननोन निखम्ला मिबा ताम डाइ मराड्बा मुला” भिसी भिजी । ११ तर सिपाहीगदेला कप्तानसे पावलला तामदा भन्दा पानी जहाज चलब लबा म्हिदेन पानी जहाजला धनीला ताम जे विश्वास लजी । १२ चु ग्लारी सेखरी चिबारी गाहरो तबासे लमा जस्ता लसीन फोनिकस मिबा ग्लारी निसी खड्बा ला निना लतो:ला भिसी ल्हानान हरड्बा म्हिगदेसे थग्याम पानी जहाज चलब लतो:ला भिसी

**२७:१ “फोइथान चिसी प्रार्थना लबा धिन” चा नेपाली पातरो अन्धार आसोज लारी परब तमुबा । चु धुइरी चा जम्मान यहूदीगदला पाप माफ तबाला लागिरी परमेश्वरला मन्दिररी पूजा लबा मुले म्हिसे बलि फुल्मुबा । (परस्था २०:१०; लवी २३:२७; गन्ती २९:१७-१९; हिब्रू ९:१७)

सल्लाह पिन्जी। फोनिक्स भिबा ग्ला चा करेट भिबा गडला पानी जहाज थान्बा ग्ला हिन्ना। थं ग्ला चा ल्हो न्हुपदेन झ्याङ न्हुपपट्टि दोबा मुला।

समुन्दररी लाबालुडसर सबा

१२ ल्हो ग्याम गोल्स गोल्स लाबा खबारी छ्याइमाहेन्स थनीगदस दाहेन्स य्हाङ निसम्ता भिसी म्हन्जी, ओच्छे फाइला अङकुसी तेःसी करेट भिबा गलाला कुनीन कुनी निबारी छ्याइजी। १४ तर छिन्नङ लिच्छा थं करेट भिबा गडग्याम घरेन लाबालुडसर खजी। चुहरङ्बा लाबालुडसरदा स्यार झ्याङ लाबा भिसी भिमुबा। १५ जमाहेन्स थं लाबालुडसरसे पानी जहाजदा डाच्छापट्टि निआपुङ्नी। तसेनोन पानी जहाज चलब लबा म्हिसे खम्तेधोना डाच्छा निबारी भङ लजी, तर निबारी आखम्नी। थतबासेलमा डन्से पानी जहाज खानङ खानङ निजी थेनोन पट्टि निपुङ्नी। १६ ओच्छे क्लौडा भिबा गलाला गडला भर लसी कुनीग्याम निमा डन्से बल्ला बल्ला पानी जहाजला ग्यापपट्टि खीसी थान्बा जजाबा दौगादा जोगब लखम्जी। १७ थं दौगादा पानी जहाज न्हङरी झाङमाहेन्स पानी जहाज चलब लबागदसे पानी जहाज थान्हाङ्गे भिसी पानी जहाजला क्युर्सिन घरेन छोसे खीजी। तसेनोन सिरटिस भिबा गलाला कुनीरीक्यार मुबा बलोटे सरी क्याला भिसी थनीगद लोङ्जी। जमाहेन्स पानी जहाज चलब लबागदसे पानी जहाजला पाल तेःजी, ओच्छे पानी जहाजदा लाबाला भररी पुइजी। १८ थं लाबालुडसरसे डन्दा प्लिङ लला हरङ्नीन लबासे लमा न्हङगरदङ थनीगदसे पानी जहाजरी मुबा मालसामान भ्याङ्बारी छ्याइजी। १९ ओच्छे पानी जहाज चलब लबारी तोःबा स्हेगदएनोन रेनीदङ थनीगदसेन भ्याङ्जी। २० ल्हानान धिनधोना धिनीदेन सार तिगेनोन आमराङ्नी। ओच्छे लाबालुडसरएनोन खबाला खबान लबासे लमा डन्दा सोला भिबा आशोनोन आरेबा।

२१ ओच्छे ल्हानान धिनधोना थनीगदसे तिगे आचमाहेन्स पावल थनीगदला गुङरी राप्सी चुहरङ्ग भिसी पाङ्जी, “हरोगद, हराङ्नीसे डाला ताम ड्यान्सी करेटग्याम पानी जहाज चलब आलबा हिन्सम हराङ्नीसे चुहरङ्गबा दुख नाआतोःसला मुबा। २२ तसेनोन दाहेन्स हराङ्नी थालोङ्गो, भङ लउ। तिग्दा भिसम

हराङ्नी न्हङला खालेनोन आसि। तर पानी जहाज चा नाश तला। २३ तिग्दा भिसम डा जुन परमेश्वरला हिन्ना ओच्छे डाइ जुन परमेश्वरदा तेन्बा मुला, थनोन परमेश्वरला दूत गिक दोलो म्हनङ डा मुबा ग्लारी खजी। २४ ओच्छे थसं डादा थालोङ्गो पावल, तिग्दा भिसम ए रामी ग्याल्बो केसर मुबा ग्लारी निनोन तोःला। च्यागो, एदेन छ्याम पानी जहाजरी मुबा जम्मान म्हिगददा परमेश्वरसे सोना लला” भिसी भिजी। २५ थतबासेलमा हरोगद, हराङ्नी थालोङ्गो, भङ लउ। तिग्दा भिसम डादा परमेश्वरसे जुन ताम सुङ्बा मुला थं ताम पूरा तला भिबा तामरी डादा विश्वास मुला। २६ तसेनोन य्हाङला पानी जहाज खजिबे गङ गिकरी ठोक्तोःला।”

२७ डन्ना पानी जहाज लाबालुडसरसे लमा एडिरयास भिबा समुन्दररी याङ्योङ तबा च्युक ब्जि धिन तसी जिन्बा मुबा। जमाहेन्से म्हन गङ्सलरीक्यार पानी जहाज चलब लबागदसे य्हाङ खजिबे गलाला डामरी धोबारी छ्याइजीम भिसी म्हन्जी। २८ जमाहेन्से थनीगदसे गाते नुप्वा चीम भिसी दप्सी च्यामा बोगल गिकसे च्युक दु मिटर नुप्वा मुबा ओच्छे जजाकी क्याथाङ निसी दोःसी दप्सी च्यामा बोगल गिकसे मिटर दु नुप्वा मुबा। २९ ओच्छे पानी जहाज खानङ्गे युङ्बारी ठोक्ता भिसी लोङ्सी थनीगदसे पानी जहाजला ग्यापपट्टिग्याम गोर ब्जि फाइला अङकुसी मार पुइजी, ओच्छे य्हाल तगे भिसी परार्थेना लबारी छ्याइजी। ३० ओच्छे पानी जहाज चलब लबागद थं पानी जहाज खानासी यार्बाला लागिरी पानी जहाजला डाच्छापट्टिग्याम फाइला अङकुसी मार पुइबा स्होसी थं पानी जहाजरी मुबा दौगा समुन्दररी तेःसी जिन्बा मुबा। ३१ जमाहेन्से पावलसे सिपाहीगदला कप्तानदेन सिपाहीगददा “चु म्हिगद चुरी आचिनी भिसम हराङ्नी सोबारी आखम” भिसी भिजी। ३२ चु ताम थंःसी सिपाहीगदसे पानी जहाजरी खीसी थान्बा दौगाला छो थासी पुइजी।

३३ रमरम रिमरिम तबा धुइरी पावलसे थनीगद जम्मादान दाहेन्स सोल्बा छ्याइबा लउ भिसी बिन्ती लजी। ओच्छे पावलसे थनीगददा चुहरङ्ग भिसी भिजी, “सुर्दा लसी हराङ्नीसे सोल्बा छ्याइबा आलबा तिनी च्युक ब्जि धिन तसी जिन्बा मुला। ३४ थतबासेलमा दाहेन्स

ह्राडनीसे तिगे सोल्बा छ्योडबा लउ। ओच्छे
तिगे सोल्बा छ्योडबा लमाहेन्से ह्राडनीदा
भड खला, थालोडगो, खालेनोन आसि।”
३५ चुदे पाड्सी जिन्माहेन्से पावलसे गड दुइसी
जम्मानान ओन्ड्याडरी परमश्रवदा धन्यवाद
पिन्सी गड क्युइसी चबारी छ्योड्जी।
३६ जमाहेन्से थनीगदसेनोन ओंट याड्सी तिगे
चबा स्हेगदे चर्जी। ३७ पानी जहाजरी डनी
जम्मान लसी ग्यार्जी न्हीसे बोगल सोमसे
च्युक द्दु म्हे मुबा। ३८ थनीगदसे मरन्ना
चमाहेन्से पानी जहाज याड्ना लबारी पानी
जहाजरी मुबा ग्वाएनोन भ्याड्जी।

पानी जहाज नाश तबा

३९ थ्हाल तसेनोन थनीगदसे थ ग्ला
डोआसेनी। तर थरी थनीगदसे कुनी गिकरी
बलौटे स मराड्जी। जमाहेन्से सस्तेधोना
पानी जहाजदा थ कुनीरी भोगे भिसी थनीगदसे
सल्लाह लर्जी। ४० जमाहेन्से थनीगदसे फाइला
अडकुसीगदे तेःसी समुन्दररी भ्याड्जी,
ओच्छे पानी जहाज चलब लबा क्याबादा
खीबा छोगदएनोन बलसी समुन्दररी पुड्जी।
जमाहेन्से डाच्छापटटिला पालदा तोर खरन्सी
लाबापटटि दोःसी पिन्जी, ओच्छे पानी
जहाजदा कुनीपटटि भोर्बारी छ्योड्जी। ४१ तर
क्युइ न्हडरी मुबा बालुवाला उमरी ठोकर्जी,
ओच्छे पानी जहाजला डाच्छापटटिला जो
थरीन भासब तसी चलब लबारीन आखम्नी।
जमाहेन्से पानी जहाजला ग्यापटटिला जोरी
समुन्दरला छालसे टसी क्युइबारी छ्योड्जी।

४२ थहरड तमाहेन्से थरी मुबा झ्यात्खानरी
झाड्बा म्हेगदे समुन्दररी क्याल्सी यार्ला
भिसी म्हेन्सी सिपाहीगदसे थनीगददा साइग
भिसी सल्लाह लर्जी। ४३ तर सिपाहीगदला
कप्तानसे पावलदा जोगब लबा सेम लसी
थनीगददा थहरड लआपुड्नी। ओच्छे
क्याल्बारी खम्बागदे डाच्छा पानी
जहाजग्याम छ्योड्सी पाखारी थोन्गो भिसी
सिपाहीगदला कप्तानसे कुल्जी। ४४ ओच्छे
क्याल्बारी आखम्बागदे चा फल्याकगददेन
पानी जहाजला क्युइबा टोगलगदे चुड्सी निउ
भिसी भिजी। चुहरड लसी जम्मान ज्यना लसी
पाखारी थोन्जी।

पावल माल्टा भिबा ग्लारी धोबा

१ डनी ज्यना लसी समुन्दरला कुनीरी
२८ धोमाहेन्से थ ग्लाला मिन माल्टा चीम
भिसी डन्से थ याड्जी। २ जमा धुइरी नाम खसी
ल्हानान खड्बासे लमा थ ग्लाला म्हेगदसे
ल्हानान दया लसी म फुइसी डनी जम्मादान
मान लर्जी।

३ पावलसेनोन भम नाड सिड हरूप लसी
मेरी युजी। मला लेप्स लमा पुखरी गिक
थोन्सी थला यारी जीसीन चिजी। ४ थ ग्लाला
म्हेगदसे पावलला यारी पुखरीसे जिबा
मराड्सी, “चु म्हे पक्कान म्हे साइबा म्हे
चीम। चु म्हे समुन्दरग्यामसेम जोगब तसी
खर्जी। तर ल लुला निसाफग्याम चा स्योर
आम्याड्नी” भिसी ह्राड ह्राड न्हडरी
पाड्जी। ५ जमाहेन्से पावलसे थ पुखरीदा
मेरी खर्सी पिन्जी। तर थदा चा तिगे आतनी।
६ जमाहेन्से थरी मुबा म्हेगदसे पावलदा थ
पुखरीला बिखसे टाड्सी तिकसुरीन हिरल्सी
सिला भिसी च्याबारी छ्योड्जी। तसेनोन
ल्हानान धुइधोना थदा तिगे आतबा मराड्सी
थनीगदसे डाच्छा म्हेन्बा ताम आहिन्बा चीम
“तर चु मी ल चीम” भिसी भिजी।

७ थ ग्लाला पब्लियसे भिबा मुल म्हेला
बु वारी थ ग्लाला डामरीन मुबा। थसे डन्दा
मान लसी सोमरधोना थला दिमरी भोर्सी
क्योड्जी। ८ थ धुइरी पब्लियसला आबा मासी
तसी छ्वा खसी आखम्बा मुबा। पावल थदा
च्याबारी निजी, ओच्छे थथारी या थान्सी
प्राथेना लसी थदा खम्ना लर्जी। ९ चुहरड तबा
था याड्माहेन्से थ ग्लाला जम्मान आखम्बा
म्हेगदएनोन खर्जी, ओच्छे थनीगदएनोन
खम्जी। १० थनीगदसे डन्दा ल्हानान मान लसी
ल्हानान स्हेगदे पिन्जी। ओच्छे पानी जहाजरी
करःमाहेन्से डन्दा तोःबा अर्गु स्हेगदएनोन
पानी जहाजरी झाड्सी पिन्जी।

पावल रोमरी धोखबा

११ ला सोम लिच्छा डनी अलेक्जन्डरया
भिबा ग्लाग्याम खबा पानी जहाजरी करःजी।
चु पानी जहाज सेखरी माल्टा भिबा ग्लारीन
मुबा। थ पानी जहाजला डाच्छापटटि जौल्या
लला मूर्ति स्होसी थान्बा मुबा। १२ जमाहेन्से
सुराकुसाई भिबा शहररी धोखसी डनी सोमरधोना
थरीन चिजी। १३ थग्याम डनी कुनी कुनी तसी

रगियन भिबा ग्लारी धोखजी। न्हडगरदड ल्होग्याम लाबा खजी, ओच्छे रनीदड डनी पटिओली भिबा ग्लारी धोखजी। १४ थरी डन्से परमु येशूदा विश्वास लबा ज्योज्यो आले नाना आडागददा स्याप्जी। थनीगदसे डन्दा थरी निसरधोना चिड भिसी भिजी। चुहरड लसी डनी रोमरी निजी। १५ डनी खबान मुला भिबा ताम थैसी रोमरी मुबा विश्वासीगद डन्दा हरुप तबारी अप्पियस भिबा बजारदेन तीन पाटी भिबा शहरधोना खजी। थनीगददा मराडसी पावल ताडसी परमेश्वरदा धन्यवाद पिन्जी। १६ डनी रोमरी धोखमाहेन्से पावलदा सिपाही गिकला भररी थ गिकदा चिपुडजी।

पावलसे रोमरी थाबां पिन्बा समाचार थैना लबा

१७ थरी धोखसी सोमरे लिच्छा पावलसे रोमला यहूदी गन्बागदेदा डयोडजी। ओच्छे थनीगदे खमाहेन्से पावलसे थनीगदेदा चुहरड भिसी भिजी, “ज्योज्यो आलेगदे, डाइ य्हाडला य्हलला म्हिगदेदेन आखे म्हेमला रिमठिमला बिरोधरी तिगे गे लबा आरमुबा। तसेनोन यरूशलेमहेन्सेन झ्याल्खानरी झाडसी डादा रोमीगदला यारी जिम्मा पिन्बा मुला। १८ थनीगदसे डयोडबा छाबा लमाहेन्से डादा साइतोःबा तिगे दोष आस्याम्माहेन्से डादा पुडबा सम लमुबा। १९ तर यहूदीगदसे बिरोध लबासे लमा डाइ रोमी ग्याल्बो कैसरदा डाला ताम पाडनोन तोःबा तजी। तसेनोन डाइ डाला य्हलला म्हिगदेदा बिरोध लसी दोष लतोःबा तिगे ताम आरबा। २० थतबासलमा हराडनीदेन छुयाम हरुप तसी ताम लबारी डाइ हराडनीदा डयोडबा हिन्ना। तिगदा भिसम इसराएलीगदसे आश लबा खरीष्ट फ्रस्रजी भिसी डाइ विश्वास लबासे लमा डादा च्याल्दासे खीसी चुरी मबा हिन्ना।

२१ जमाहेन्से थनीगदेसे पावलदा चुहरड भिसी भिजी, “डन्से मी हराडला बाररी यहूदियाग्याम तिगे खबर याडबा आर। ओच्छे य्हाडला खाले यहूदी ज्योज्यो आलेगदे खसी हराडला बिरोधरी तिगे आज्यबा तामएनोन पाडबा आर। २२ तर डन्दा थै ताम हराडग्यामसेन ड्यान्बा

सम मुला। तिगदा भिसम चु समहला तंबारेरी जम्मान ग्लारी म्हिगदसे बिरोध लबा ताम जे डन्दा था मुला।”

२३ थतबासलमा पावलला ताम ड्यान्बाला लागिरी थनीगदसे धिन तोगब लजी। थ धिनकुनु ल्हानान म्हिगदे पावल मुबा ग्लारी खजी। जमाहेन्से पावलसे थनीगददा स्य्होहेन्से डयसेधोनान माशाला ठिमदेन अगमवक्तागदला किताबग्याम परमेश्वरला य्हल्लसाला बाररी जम्मान ताम धोना लसी येशूला बाररी थनीगददा विश्वास तना लबारी म्हाडजी। २४ पावलसे पाडबा तामरी कोइसे विश्वास लजी, कोइसे विश्वास आलनी। २५ जमाहेन्से थनीगदे हराड हराड न्हडरी आदिकना फसी भरबारी छुयाडमाहेन्से पावलसे थनीगदेदा चुहरड भिसी भिजी, “एनीगदला आखे म्हेमदा यशैया अगमवक्ताग्याम परमेश्वरला आत्मासे पाडमा ठीकनोन मुबा भिसी हराडला ताम जिन्ना लबान चुहरड भिबारी छुयाडजी।

२६ चु म्हिगदे मुबा ग्लारी निसी पाडगा एनीगदसे थैःबाम थैःमुला, तर खाइमै आघोमुला, च्याबाम च्यामुला, तर खाइमै आमराडमुला।

२७ तिगदा भिसम चु म्हिगदेला सम कोडबा मुला, ओच्छे थनीगदला नाब्यड आथैःमुला, ओच्छे थनीगदसे मी च्युम्बा मुला, आहिन्सेम थनीगदसे मराडसेला मुबा, ओच्छे थैःसला मुबा, ओच्छे धोसी सम दोःसला मुबा,

जमाहेन्से डाइ थनीगदेदा खम्ना लेसला मुबा। ०

२८ थतबासलमा चु ताम हराडनीदा था तगे, दाहेन्से परमेश्वरसे पिन्बा चु थाबां अर्गु य्हलला म्हिगदे मुबा ग्लारी पुडबा मुला, ओच्छे थनीगदसे चु ताम ड्यान्ना।”

२९ पावलसे चु ताम पाडसी जिन्माहेन्से यहूदीगदे हराड हराड न्हडरी ल्हानान छुलफल लबान थग्याम फेजी। ##

३० न्ही दिडधोना पावल रोमरी हराडसेन खर्च लसी चिजी, ओच्छे थै मुबा ग्लारी खबा जम्मान म्हिगदेदा मान लजी। ३१ आलोडना थैसे परमेश्वरला य्हल्लसाला समाचार थैना लजी,

##२८ :२२ चु समहला म्हिगदे भिबा चा खरीष्टदा विश्वास लबा म्हिगदे हिन्ना।

##२९ :२९ चु पदला ताम ल्हाना हराडबा गरीक बाइबलरी आर।

चुहरङ्क लसी परभु येशू खरीष्टला बारेरी लोप्पा
थदा सालेस रोक्व आलनी ।

पावलसे रोमला
विश्वासीगदेदा भिरबा चिठी
चु चिठीला बाररी पाड्तोःमा

भिरबा म्हिः येशूला मुल चला पावलसे भिरबा मुबा (रामी १:१)। चु चिठी भिरबाला लागिरी पावलदा ततियस भिबा म्हिसे हरो लबा मुबा (रामी १६:२२)।

भिरबा गला : कोरिन्थ शहररी भिरबा मुबा।
भिरबा साल: ओस्पन ईश्वी संवत ५६-५७
(विकरम संवत ११३-११४) सालरी भिरबा मुबा। चु चिठी पावल थार्बा पिन्बा समाचार थःना लबारी निबा सोमरमला पालला धुइ जिन्बारी छ्याइमा भिरबा मुबा।

खाल्दा भिरबा: रोम शहररी मुबा
विश्वासीगदेदा भिरबा मुबा।

पावल चु चिठी भिरबा धुइधोना रोम शहररी निबा आरमुबा। तर रोम शहररी मुबा विश्वासीगदेदा हरुप तसी थनीगदेदेन छ्याम तिगे धिनधोना चिसी गे लबा सम मुबा। ओच्छे थनीगदेग्याम तिगे हरो किन्सी स्पन यहुल्सारी थार्बा पिन्बा समाचार थःना लबारी निबा पावलला सम मुबा। चु चिठी थसे विश्वासीगदेसे आघोनान आतबा तामगदे घाना लबाला लागिरी भिरबा मुबा।

पावलसे रोम यहुल्साला मण्डलीदा फ्याफुल्बान थनीगदेला लागिरी थसे परार्थना लबा तामगदे उन्बा मुला। ओच्छे परमेश्वरला डाच्छे यहुदीगदे मुसेनोन अर्गु यहुलला म्हिगदे मुसेनोन पाप ख्लासी परमेश्वरदा सम निबा म्हि ततोःला भिसी पाड्बा मुला। तिगदा भिसम जम्मान म्हिगदे पापला तहरी मुला। ओच्छे हराड्दा परमेश्वरदा सम निबा म्हि स्हाबाला लागिरी येशू खरीष्टदा विश्वास लनोन तोःला भिसी पाड्बा मुला। जमाहेन्से येशूदेन छ्याम गिक तमाहेन्से याड्बा छार जुनीला बाररी पाड्बा मुला। येशूदा विश्वास लबागदे परमेश्वर मुबा ग्लारी निम्याड्त्ता ओच्छे थदा परमेश्वरला आत्मासे पापदेन कालला शक्तिग्याम फला। ओच्छे ५ अध्यायहेन्से ८ अध्यायधोनारी विश्वास लबागदेदा परमेश्वरदा सम निबा म्हिगदे स्हाबा तामला बाररीदेन परमेश्वरला आत्माला शक्तिसे लबा गेला बाररी पाड्बा मुला।

जमाहेन्से परमेश्वरसे म्हि यहुलला लागिरी म्हन्बा अन्छार यहुदीगदेदेन अर्गु यहुलला म्हिगदे खाहरड लसी खबारी खमला भिसी ड्याइबा तामला जोहाब पिन्बारी म्हाइबा मुला। यहुदीगदेसे येशूदा विश्वास आलबासे लमा अर्गु यहुलला म्हिगदेसे येशूदा विश्वास लसी परमेश्वरला दयामाया याड्गे भिबा परमेश्वरला सम मुबा।

चिठीला थुमरी स्थान्दोगदेदा माया लजी भिसम परमेश्वरदा ताडना लखमला भिसी भिरबा मुला। परमेश्वरदा तेन्बा, विश्वासीगदेसे हराड्त्ता यहुल्साला लागिरीदेन स्थान्दो म्हिगदेदा लतोःबा गेगदेला बाररीनोन भिरबा मुला।

मुल तामगदे

फ्याफुल्बानेन धन्यवादला परार्थना १:१-१७

म्हिगदेसे याड्गोन तोःबा थार्बा १:१८-३:२०

थार्बा याड्बाला लागिरी परमेश्वरसे उन्बा ग्याम ३:२१-४:२५

खरीष्टग्याम याड्बा छार जुनी ५:१-८:३९

परमेश्वरसे म्हन्बा अन्छार यहुदीगदेसे याड्बा ताम १:१-११:३६

खरीष्टदा विश्वास लबागदेला बानीबेहार १२:१-१५:१३

चिठीला थुमरी भिरबा ताम १५:१४-१६:२७

पावलसे रोमला विश्वासीगदेदा भिरबा चिठी

१ लास्सो, रोमरी मुबा जम्मान म्हिगदेदा डा पावलग्याम फ्याफुल्ता। डा येशू खरीष्टदा तेन्बा म्हिदा परमेश्वरसेन मुल चला दोबारी धम्बा हिन्ना। ओच्छे थार्बा पिन्बा समाचार थःना लबाला लागिरी धम्बा हिन्ना। २ चुनोन थार्बा पिन्बा समाचार परमेश्वरसे दडबारीन हराड्त्ता म्हिगदेदा पिन्ना भिसी अगमवक्तागदेग्याम सुड्बा मुबा। थोनोन थार्बा पिन्बा समाचार परमेश्वरला बचनरी भिरबा मुला।

३ थे थार्बा पिन्बा समाचार चा परमेश्वरला झा य्हाड्त्ता परभु येशू खरीष्टला बाररी हिन्ना। थे म्हि दोसी दाऊद गेला वंशग्याम न्हजी। ४ म्हि दोसी न्हसेनोन थे स्वर्गग्याम फख्खा मुबा, य्हाड्त्ता परभु येशू खरीष्टदा परमेश्वरला झा हिन्ना भिसी परमेश्वरला आत्माला शक्तिसे उन्बा अन्छार परमेश्वरसे थदा सिबाग्याम सोना लजी। ५ य्हाड्त्ता परभु

येशू खरीष्ट्याम परमेश्वरसे इन्दा दयामाया लसी खरीष्टला गे लबा मुल चला स्होबा मुला। जम्मान य्हलला म्हिगदसे विश्वास लगै ओच्छ थस कुल्बा ताम ड्यान्नी भिसीन डाइ खरीष्टला लागिरी चु गे लबा हिन्ना। ६थनीगद न्हडरी एनीगददाएनोन येशू खरीष्टला हराडलान म्हि स्होबारी ड्योइबा मुला।

७परमेश्वरस माया लसी हराडला म्हिगद स्होबारी ड्योइबा रोम य्हुत्साला म्हिगद, एनीगददा य्हाडला परमेश्वर आबादेन परभु येशू खरीष्टला दयामायादेन शान्ति तगै।

धन्यवादला परार्थना

५जम्मान भन्दा डाच्छा डाइ डाला परमेश्वरदा येशू खरीष्ट्याम एनीगद जम्मालान लागिरी धन्यवाद पिन्ना। तिग्दा भिसम एनीगदसे खरीष्टदा विश्वास लबा ताम जम्बुलिडला जम्मान म्हिगदसे थेःबा मुला। १डाइ सदन परार्थना लबा धुइरी एनीगददा गाते ढन्बा मुला भिबा ताम परमेश्वरदान था मुला। डाइ थनोन परमेश्वरला झाला समाचार थेःना लसी थदा समहेन्सेन तेन्बा मुला। १०परमेश्वरसे म्हन्बा अन्धार डा जस्तो लसीन एनीगद मुबा ग्लारी खबारी खम्मे भिसी डाइ परार्थना लमा सदन परमेश्वरदेन छ्याम बिन्ती लबा मुला।

११तिग्दा भिसम परमेश्वरला आत्मासे पिन्बा मोलम एनीगददा पाडसी खरीष्टथारी लबा विश्वास कोडना लबाला लागिरी एनीगददेन छ्याम हरुप तबा डादा ल्हानान सम मुला। १२ओच्छ य्हाड न्होलान विश्वासग्याम गिकसम गिकदा भड याड्गे भिबा डाला सम हिन्ना।

१३ज्योज्यो आले नाना आडागद, चु ताम एनीगददा था तगै भिसी डाइ म्हन्बा मुला। अर्गु ग्लाला म्हिगदसे हरड लसी रोमला अर्गु य्हुलला म्हिगदसेनोन विश्वास लगै भिसी डा ल्हानान रोम एनीगद मुबा ग्लारी खबा सम लजी। तर डा दान्दधोना एनीगद मुबा ग्लारी खबारी खम्बा आर। १४गरीक ११म्हि हिन्से आहिन्से, पढब लबा मुसै आरसे जम्मादान थार्बा पिन्बा समाचार थेःना लबा जिम्मा

डाला हिन्ना। १५थेतबासेलमा एनी रोमरी चिबागददाएनोन थार्बा पिन्बा समाचार थेःना लबारी डादा ल्हानान सम मुला।

थार्बा पिन्बा समाचार

१६चु थार्बा पिन्बा समाचार थेःना लबारी डा आपःमुला। तिग्दा भिसम विश्वास लबागद जम्मालान लागिरी चु थार्ना लबा परमेश्वरला शक्ति हिन्ना। डाच्छा य्हूदीगददा थार्ना लबाला लागिरी हिन्ना, थेहरड लसीन अर्गु य्हुलला म्हिगदला लागिरीनोन हिन्ना। १७चुनोन थार्बा पिन्बा समाचारसे म्हिदा परमेश्वरदा सम निबा म्हि दोबारी लोप्ता, ओच्छ विश्वासग्यामसेन डाच्छाहेन्से लिच्छाधोना परमेश्वरदा सम निबा म्हि दोबारी खम्ला। तिग्दा भिसम बचनरीनोन “जुन म्हि विश्वासग्याम परमेश्वरदा सम निबा म्हि दोबा मुला, थेसेन जुकजुकधोनाला जुनी याड्ला” भिसी भिरबा मुला। १८

म्हिसे परमेश्वरदा सम आनिबा गे लबा

१९म्हिगदसे परमेश्वरला बिरोध लसी पापदेन आज्यबा गे लबासे लमा परमेश्वर बोमो खसी थनीगदथारी स्वर्गग्याम सजाय खबा मुला। थनीगदसे लबा आज्यबा गेसे सत्य तामदा नाडसी थान्बा मुला। १९परमेश्वरला बाररी घोखम्बा ताम चा थनीगदला डाच्छान मुला। तिग्दा भिसम थे ताम परमेश्वरसे थनीगददा उन्सी जिन्बा मुला। २०म्हिसे मराडआखम्बा परमेश्वरला गुण, खाइमे आम्हबा थला शक्तिदेन बानीबहोर चु जम्बुलिड छ्यामाहेन्से परमेश्वरसे स्होबा जम्मान स्हगदग्यामसेन मराडबा मुला। थेतबासेलमा थनीगदसे तिगै निउ लबा ग्याम आर।

२१थनीगदसे परमेश्वरदा डोसेसीनोन परमेश्वरदा लतोःबा मानदेन जयजयकार आलनी ओच्छ परमेश्वरदा धन्यवादएनोन आपिन्नी। बरु थनीगदसे म्हन्बा आज्यबा तामग्यामसेन थनीगद गे आखल्बा म्हि दोजी। ओच्छ थनीगदला आज्यबा सम झन धोपधोपसे प्लिडजी। २२थनीगदसे हराडसे हराडदान बुदधि मुबा म्हि भिसी भरजी, तसेनोन

११:१४ चु पदरी “गरीक” भिबा चा थे धुइरी जम्बुलिडरी जम्मान भन्दा ज्यबा रिमठिम मुबादेन ल्हानान ताम सबा घोबा म्हि भिबा हिन्ना।

थेनीगदेलान तामसे थेनीगद मूर्ख दोषा मुला ।
२३ थेनीगदसे खाइमै नाश आतबा य्हालदेन
शक्ति मुबा परमेश्वरदा तेन्बा ख्तासी नाश
तसी निबा म्हि, जन्तु, चरागददेन सुल्सी भ्रबा
जन्तुगदला मूर्ति स्हासी तेन्जी ।

२४ थतबासलमा थेनीगदला नइबा समसे तिग
लइ म्हन्बा, थ अन्छार लसी भ्रबारी परमेश्वरसे
थेनीगददा ख्तासी पिन्जी । थेनीगदसे हराड
हराड न्हडरी ब्रत्सी पःबा खबा पाप गगद
लजी । २५ थेनीगदसे सदन जयजयकार लतोःबा
जम्मान स्हे स्हाबा परमेश्वरदा तेन्बा ख्ताजी ।
ओच्छे परमेश्वरसे स्हाबा स्हगददा चा तेन्जी ।
चुहरड लसी थेनीगदसे परमेश्वरला सत्य
तामदा लुसीला तामदेन छयाम देप्जी ।

२६ थतबासलमा परमेश्वरसे थेनीगदला
आज्यबा समसे म्हन्बा अन्छारलान पःबा
खबा गगद लबारी ख्तासी पिन्जी । ओच्छे
थेनीगदला मिरडकोलागद हरम्कोलादेन
छयाम आम्हेर्ना मिरडकोला मिरडकोलान
ब्रत्सी भ्रजी । २७ थेहरड लसीन हरम्कोलागद
मिरडकोलादेन छयाम आम्हेर्ना बैससे करोसी
हरम्कोला हरम्कोलादेन छयामनोन ब्रत्सी
भ्रजी । ओच्छे थेनीगदसे लबा आज्यबा पःबा
खबा गेला सजाय थेनीगद हराडसेन नाजी ।

२८ थेनीगदसे परमेश्वरदा तेन्बा सम
आलबास लमा परमेश्वरसे थेनीगददा
थेनीगदलान न्हाडबा समसे म्हन्बा
अन्छारलान गे लगे भिसी ख्तासी पिन्जी ।
२९ थेनीगदला सम जम्मान आज्यबा ताम,
लोभदेन बोमोसे प्लिडबा मुला । थतबासलमा
थेनीगदसे डाह लबा, म्हि साइबा, छेबा बडबा
लबा, म्हिदा झुक्याब लबा, स्हान्दोला
बारी आज्यबा म्हन्बा, म्हिला तामगन लबा,
३० ओच्छे स्हान्दोला बेइज्जत लसी भ्रबा,
परमेश्वरदा एनोन हेला लबा, डा हरडबा खाले
आर भिसी हराडसे हराडदान धरेन स्हाबा,
स्हान्दोदा मान आलबा, आबा आमासे कुल्बा
ताम आडयान्ना आज्यबा गे जे लबारी छार
छार ग्याम म्हाइबा, ३१ थेहरड लसी थेनीगद
मूर्ख दोसी लला भिबा गे एनोन आलमुला ।
चु म्हिगदे चा दया आरबा म्हि हिन्ना ।
३२ चुहरडबा गे लबा म्हिगदे परमेश्वरला ठिम
अन्छार सितोःबा मुला भिबा ताम थेनीगदेदा
थानोन मुला, तसेनोन थेनीगदसे चुहरडबा

आज्यबा गे लबा जे आहिन, चुहरडबा आज्यबा
गे लबा स्हान्दोदा एनोन भड पिन्मुला ।

परमेश्वरसे लबा निसाफ

१ थतबासलमा स्हान्दोदा दोष लबा
२ म्हिगद, एनीगद जुन मुसेनोन डाइ गल्ली
लबा आर भिसी तिगे निड लबा ग्याम आर ।
स्हान्दोदा दोष लबा तामग्यामसेन एनीगद
दोषो तबा मुला । तिगदा भिसम एनीगदसे जुन
गग्याम स्हान्दोदा दोष लबा मुला थनोन
गे एनीगदसेनोन लबा मुला । ३ चुहरडबा गे
लबा म्हिगदेदा परमेश्वरसे ठीक निसाफ लला
भिबा ताम य्हाडदा था मुला । ४ एनीगदसे
चुहरडबा आज्यबा गे लबा म्हिगदेदा दोष
लमुला । तर हराडएनोन थेहरडबान आज्यबा गे
लसी भ्रमुला । तिग परमेश्वरसे निसाफ लबा
धुडरी एनीगद चा स्योम्याडला भिसी म्हन्बा ?
५ परमेश्वरसे एनीगदेदा गाते माया लमुला,
ओच्छे हराडदेन छयाम थान्वारी गाते सम
लमुला भिबा ताम एनीगदसे पक्कान म्हन्बा
आर । परमेश्वरसे एनीगदे हराड हराडला पाप
ख्तासी हराडपट्टि दोःगे भिसी भ्रान्बा मुला ।
थतबासलमा एनीगदेदा गाते ज्यना लमुला
भिबा ताम एनीगदेदा था आर ?

६ तर एनीगदला कोडबा समदेन
परमेश्वरपट्टि दोःबारी आम्हाइबास लमा
परमेश्वरसे ठीक लसी निसाफ लबा धुडरी
एनीगदसे ल्हानान सजाय याडला । ६ तिगदा
भिसम परमेश्वरसे जम्मान म्हिदा थेनीगदसे
लबा गे अन्छार इनाम पिन्ना । ७ सम
नासी ज्यबा गे लबान परमेश्वरला धरेन
य्हालदेन मान ओच्छे जुकजुकधोनाला जुनी
याडबारी म्हाइबा म्हिगदेदा चा परमेश्वरसे
जुकजुकधोनाला जुनी पिन्ना । ८ तर स्हान्दो
म्हिगदसे हराडला जे ग्याम च्यासी सत्य
ताम अन्छार आभ्रमुला, ओच्छे पाप गे जे
लसी भ्रमुला । थेहरडबा म्हिगदेदा परमेश्वरसे
सजाय पिन्ना । ९ आज्यबा गे लबा जम्मान
म्हिगदेथारी आपत विपतदेन दुख खला ।
चुहरडबा दुख डाच्छा यहूदीगदेथारी खला,
थहरड लसीन अर्गु य्हुलला म्हिगदेथारीनोन
खला । १० तर ज्यबा गे लबा म्हिगदेदा
परमेश्वरसे ज्यबा भिसी मानदेन शान्ति
पिन्ना । चु जम्मान ताम परमेश्वरसे डाच्छा

यहूदीगदेदा पिन्ना, थहरङ्क लसीन अर्गु यहूलला म्हिगदेदा एनोन पिन्ना। ११ तिगदा भिसम परमेश्वरसे खालैलान ली च्यासी निसाफ आल।
w

१२ परमेश्वरसे मोशादा पिन्बा ठिम था आयाङ्कना पाप गे लबा अर्गु यहूलला म्हिगदे एनोन नाश तला, ओच्छे थ ठिम था याङ्कसीनोन पाप गे लबा यहूदीगदेदा एनोन थ ठिमग्यामसेन निसाफ लला। १३ तिगदा भिसम मोशाला ठिम सेसी घोसी जे परमेश्वरदा सम निबा म्हि दोबारी आखम। तर ठिम अन्छार गे लबा म्हि चा परमेश्वरदा सम निबा म्हि दोला। १४ अर्गु यहूलला म्हिगदेदेन छुयाम परमेश्वरसे मोशादा पिन्बा ठिम आर। तसेनोन थेनीगदे न्हङ्कला कोइ कोइसे हराङ्कला बनीबेहोरग्याम लबा गेगदे ठिमदेन छुयाम दिक्बासे लमा थेनीगदे हराङ्कनोन ठिम तेबान हिन्ना। १५ थेनीगदेसे लबा गे ठिमदेन छुयाम दिक्बासे लमा थेनीगदेला समरीन ठिम मुला भिसी उन्मुला। थतबासेलमा थेनीगदेला समसे साइमाम दाष उन्मुला, साइमाम भङ्क पिन्मुला। १६ चु ताम परमेश्वरसे येशू खरीष्टग्याम म्हिला समला ताम निसाफ लबा धुइरी तला। थ ताम डाइ एनीगदेदा थार्बा पिन्बा समाचार थःना लबा धुइरी पाङ्कसी जिन्बा मुला।

ठिम अन्छार भरबा जे यहूदी हिन्ना

१७ तर एनीगदे यहूदी हिन्ना भिसी परमेश्वरसे मोशादा पिन्बा ठिमला भररी भरमुला, ओच्छे डनी परमेश्वरसे धम्बा म्हि हिन्ना भिसी घमण्ड एनोन लमुला भिसम, १८ एनीगदेदा परमेश्वरला समला ताम एनोन था मुला, ओच्छे तिग ज्यबा हिन्ना भिबा ताम था मुला, तिगदा भिसम एनीगदेसे ठिमग्याम लोष्वा मुला। १९ थहरङ्क लसीन एनीगदे हराङ्कसे हराङ्कदान काना म्हिगदेला नेतादेन धोपधोपरी भरबा म्हिगदेला लागिरी यहूल हिन्ना भिसी भरमुला। २० ओच्छे मूर्ख म्हिगदेदा ज्यबा ग्याम उन्बादेन आसेबा आघोबा म्हिगदेदा लोष्मुला भिसी म्हुन्मुला। तिगदा भिसम एनीगदे ठिमग्यामसे जम्मान सत्य तामदेन बुदधि याङ्कबा मुला भिसी भरमुला। २१ चुहरङ्क लसी स्थान्दोदा लोष्वा ताम अन्छार एनीगदे चा तिगदा आभरबा? ओच्छे स्थान्दोदा चा

यहो लबारी आत भिसी पाङ्कसी भरबा, एनीगदे चा तिगदा यहो लसी भरबा? २२ एनीगदेसे स्थान्दोगदेदा चा बरत्सी भरबारी आत भिसी लोप्सी एनीगदे हराङ्कनोन चा तिगदा बरत्सी भरबा? ओच्छे मूर्तिदा तेन्बा ठीक आहिन भिसी स्थान्दोदा लोप्सी एनीगदे हराङ्कनोन चा तिगदा मन्दिरला धन सम्पत्ति यहो लबा? २३ इन्दा ठिम था मुला भिसी घमण्ड लबा म्हिसे तिगदा ठिमरी मुबा ताम अन्छार आभरना परमेश्वरदा हला लबा? २४ तिगदा भिसम बचनरी “एनी यहूदीगदेसे लमान अर्गु यहूलला म्हिगदेसे परमेश्वरला बिरोधरी ताम लसी भरबा मुला” भिसी भिरबा मुला। x

२५ ठिम अन्छार भरजी भिसम एसे ल्हुइरी लबा खतना ठीक हिन्ना। तर थ ठिम अन्छार आभरनी भिसम एसे लबा खतना आलबा तेबान हिन्ना। २६ चुदे खतना आलबा अर्गु यहूलला म्हिगदेसे थ ठिम अन्छार गे लजी भिसम परमेश्वरला डाच्छा थ खतना लबा म्हि हरङ्कबान हिन्ना। २७ ल्हुइरी खतना आलसेनोन थ ठिम अन्छार भरबा अर्गु यहूलला म्हिगदेसे एनी खतना लबादेन भिरबा ठिम मुसीनोन थ अन्छार आभरबा यहूदीगदेला दाष उन्ना। २८ तिगदा भिसम यहूदी तसी न्हजी भिदेमा पक्का यहूदी आदो। ओच्छे ल्हुइरी जे लबा खतना एनोन पक्का खतना आत। २९ तर जुन म्हिसे समहन्सेन परमेश्वरदा तेन्ना थ म्हि चा पक्का यहूदी हिन्ना। ओच्छे समरी परमेश्वरला आत्मासे लबा खतना चा पक्का खतना हिन्ना। चु चा ठिमरी भिरबा अन्छार आहिन। चुहरङ्कबा म्हिसे म्हिगदेग्याम आहिन, परमेश्वरग्याम स्याबासे याङ्कला। y

३ १ थहरङ्क भिसम यहूदी तसी तिगे फाइदा आर? ओच्छे खतना लसी तिगे याङ्कबा आर? २ जम्मान तामरी फाइदा मुला। तिगदा भिसम परमेश्वरसे जम्मान भन्दा डाच्छा यहूदीगदेदा हराङ्कला बचन जिम्मा पिन्बा मुबा। ३ चुदे थेनीगदे न्हङ्कला कोइ कोइसे परमेश्वरला बचनथारी विश्वास लबारी आखम्नी भिदेमा तिग परमेश्वर विश्वास लबारी आखम्बा परमेश्वर हिन्ना? ४ अहँ, आहिन। म्हि फटटा तसेनोन परमेश्वर चा सत्य मुला। बचनरीनोन चुहरङ्क भिसी भिरबा मुला,

“हराङ्कसे सुङ्कबा तामग्यामसेन

हराड सत्य परमेश्वर हिन्ना भिसी
 म्हिगदसे था याडला,
 ओच्छ निसाफ लबा धुइरी हराडसेन ढाला ।^४
 ५ तर चुदे य्हाडसे लबा आज्यबा गग्याम
 परमेश्वर ज्यबा मुला भिसी पाडमुला भिसम
 य्हाडसे तिग पाडसे? परमेश्वरसे य्हाडदा
 आज्यबा गला सजाय पिन्मा तिग परमेश्वरसे
 अन्याय लबा तला? डाइ म्हिसे म्हन्बा
 अन्धार पाडबा हिन्ना । ६ चु ताम हिन्नोन
 आहिन, चुदे परमेश्वरदेन छ्याम निसाफ
 लबा अधिकार आरेबा हिन्सम साहरड लसी
 परमेश्वरसे जम्बुलिङला निसाफ लबारी
 खम्ला? ७ चुदे डाइ पाडबा लुसीला तामग्याम
 परमेश्वरदा ल्हानान मान तला, ओच्छे
 परमेश्वर सत्य हिन्ना भिसी उन्ना भिसम
 तिगदा परमेश्वरसे डादा झन पापी म्हिदा हरड
 लसी निसाफ लबा? ८ ज्यबा तबारी पाप गे लसे
 तला भिबा ताम साइमे ज्यबा तला? तसैनोन
 कोइ कोइ म्हिगदसे य्हाडसे चुहरड पाडजी
 भिसी खिसी लसी दोष लबा मुला । चुहरड लसी
 दोष लबा म्हिगददा चा ठीक सजाय पिन्ना ।

पाप आलबा म्हि खाले आरे

१ दाहन्से अर्गु य्हुलला म्हिगदे भन्दा य्हाड
 यहूदीगदे चा परमेश्वरला डाच्छा ज्यबा म्हि
 हिन्ना? आहिन । यहूदीदेन अर्गु य्हुलला
 म्हिगदे जम्मान पापला तहरी मुला भिसी डाइ
 डाच्छान पाडसी जिन्बा मुला । १० बचनरीनोन
 चुहरड भिसी भिरबा मुला
 “परमेश्वरसे म्हन्बा अन्धार भरबा म्हि खाले आरे,
 गिकनोन आरे ।^१
 ११ घोबा म्हि खाले आरे,
 ओच्छे परमेश्वरदा म्हाइबा म्हि एनोन खाले आरे ।
 १२ जम्मान म्हिसे परमेश्वरदा खलाबा मुला,
 गे खेल्बा म्हि गिकनोन आरे,
 ओच्छे ज्यबा गे लबा म्हि एनोन गिकनोन आरे ।
 १३ थेनीगदला ओल्गोड आल्हुबा धुर्सा हरडबान
 मुला,
 ओच्छे स्थान्दोदा फसब लबारी थेनीगदला लेसे
 लुसीला ताम जे लमुला ।
 थेनीगदला सुडरी चा पुखरीला हरडबान बिख
 मुला ।^२

१४ थेनीगदला सुडसे के:बादेन
 आज्यबा ताम जे पाडमुला ।^३
 १५ थेनीगदे म्हि साइबारी छ्यार्बा तमुला ।^४
 १६ थेनीगदे भरबा ग्यामरी
 दुखदेन नाश जे तमुला ।
 १७ ओच्छे शान्तिला ग्यामदा
 थेनीगदसे डासबान आरे ।
 १८ थेनीगदे परमेश्वर मराडसी
 आलोडमुला ।^५
 १९ परमेश्वरसे मोशादा पिन्बा ठिमरी
 भिरबा ताम थे ठिमला तहरी चिबा म्हिगदेदा
 पाडबा ताम हिन्ना भिसी य्हाडदा था मुला ।
 थेतबासतमा जम्बुलिङला जम्मान म्हिगदे
 परमेश्वरला डाच्छा राप्तो:ला । थे धुइरी
 खालेसेन तिगे पाडबारी आखम । २० तिगदा
 भिसम थे ठिम अन्धार गे लसी खालेनोन
 परमेश्वरदा सेम निबा म्हि दोबारी आखम ।
 ठिमसे चा म्हिसे लबा पाप उन्सी पिन्बा जे
 हिन्ना ।^६

विश्वासग्यामसे जे परमेश्वरदा
 सेम निबा म्हि दोला

२१ तर दान्दे परमेश्वरसे म्हिदा साहरड
 लसी हराडदा सेम निबा म्हि स्हामुला भिबा
 ताम य्हाडसे मराडबा मुला । चु ताम ठिमदेन
 अगमवक्तागदसेनोन पाडबा मुला । तर चु चा
 ठिम अन्धार गे लसी आहिन । २२ चुहरड लसीन
 यशू खरीष्टदा विश्वास लबा जम्मान म्हिगदे
 विश्वासग्यामनोन परमेश्वरदा सेम निबा म्हि
 दोबा मुला । तिगदा भिसम परमेश्वरला डाच्छा
 जम्मान म्हि गिकनोन हिन्ना । २३ तिगदा
 भिसम जम्मान म्हिगदसे पाप लबा मुला,
 ओच्छे परमेश्वरला धरेन य्हालग्याम थारड
 तबा मुला । २४ तर परमेश्वर चा दया लबा
 परमेश्वर हिन्ना, थेसे दयामाया लसी म्हिगदेदा
 तिगे आकिन्ना ओहरडनोन हराडदा सेम निबा
 म्हि स्होबा मुला । तिगदा भिसम खरीष्ट
 येशूस जम्मान म्हिला लागिरी हराडसेन
 सजाय नासी म्हिगदेदा पापला सजायग्याम
 फेबा मुला । २५ परमेश्वरसे खरीष्टदा य्हाडला
 लागिरी बलि तबारी पुडखजी । ओच्छे खरीष्टसे
 बगब लबा का य्हाडला लागिरी हिन्ना भिबा

४ :४ मज्जन ५१ :४ ३ :१० मज्जन १४ :१-३ ; ५३ :१-३ ७३ :१३ मज्जन ५ :१ ; १४० :३

३ :१४ मज्जन १० :१७ ४ :१५ यशू ५१ :१७-८ ३ :१८ मज्जन ३६ :१

३ :२० मज्जन १४३ :२ ; गला २ :१६ ३ :२२ गला २ :१६

तामरी विश्वास लबा म्हिला पापला दोष मेटव लबा मुला। चुहरड लसी परमेश्वरसे हराडसे लबा निसाफ ठीक हिन्ना भिसी उन्बा मुला। तिग्दा भिसम खरीष्ट फखबा भन्दा डाच्छा परमेश्वरसे नासी म्हिगदला पापगददा तिगे वास्ता आलनी। २६ दान्दनोन हराड ठीक मुला भिसी उन्बाला लागिरी परमेश्वरसे चुहरड लजी। परमेश्वरसे हराड ठीक निसाफ लबादान येथुथारी विश्वास लबा म्हिगदग्याम स्थान्दो म्हिगददाएनोन हराडदा सम निबा म्हि स्होबारी सम्बा परमेश्वर हिन्ना भिसी उन्बाला लागिरी थहरड लबा हिन्ना।

२७ थहरड भिसम थ्हाडसे तिग तामला लागिरी घमण्ड लसे? घमण्ड लतो:बा तामनोन आरे। तिग्दा भिसम चु गे खजिबै ठिम अन्ध्दार भरसी तबा आहिन। तर विश्वास लबास लमान तबा हिन्ना। २८ थेतबासेलमा ठिम अन्ध्दार गे लसी आहिन। तर विश्वास लसी जे परमेश्वरदा सम निबा म्हि दोबारी सम्ता भिबा ताम थ्हाडदा था मुला। २९ तिग परमेश्वर यहूदीगदला जे परमेश्वर हिन्ना? तिग अर्गु थ्हुलला म्हिगदला चा परमेश्वर आहिन? थ अर्गु थ्हुलला म्हिगदलाएनोन परमेश्वर हिन्ना। ३० जम्मालान परमेश्वर गिकनोन हिन्ना। खतना लबा म्हि मुसे, खतना आलबा म्हि मुसे, ३१ जम्मादान परमेश्वरसे थनीगदसे लबा विश्वासग्यामसेन परमेश्वरदा सम निबा म्हि स्होबा हिन्ना। ३२ चुद थ्हाडसे विश्वासग्याम परमेश्वरदा सम निबा म्हि दोसम्ता भिसी पाडमा तिग परमेश्वरला ठिमदा चा नाश लबा हिन्ना? पक्कान आहिन, वरु थ्हाडसे थे ठिमदा पूरा लबा मुला।

अबराहामला विश्वास

४ १ दाहन्से डन्ना म्हमे अबराहामसे तिग लोप्जी भिबा ताम खाहरड लसी पाडसे? २ चुदे अबराहाम थसे लबा गग्याम परमेश्वरदा सम निबा म्हि दोबा हिन्सम घमण्ड लम्याडसेला मुबा। तर परमेश्वरला डाच्छा चा आहिन। ३ तिग्दा भिसम परमेश्वरला बचनरी चुहरड लसी भिरबा मुला, “अबराहामसे

परमेश्वरदा विश्वास लजी। थेतबासेलमा परमेश्वरसे अबराहामदा हराडदा सम निबा म्हि हिन्ना भिसी सुडजी।” ४ च्यागो, खाले म्हिसे गे लसी याडबा ज्याला चा दान आहिन, तर थे थसे याडतो:बा ज्याला हिन्ना। ५ जुन म्हिसे गथारी भर आलना पाप माफ लसी परमेश्वरदा सम निबा म्हि स्होबा परमेश्वरदा विश्वास लला, थहरडबा म्हिदा विश्वासग्यामसेन परमेश्वरसे हराडदा सम निबा म्हि हिन्ना भिसी सुडला। ६ गग्याम आहिन, तर विश्वासग्याम परमेश्वरदा सम निबा म्हि दोबा म्हिगददा दाऊद ग्लसे परमेश्वरला बचनरी चुहरड भिसी पाडबा मुला। ७ “थनीगदसे परमेश्वरग्याम गाते मोलम याडला,

थनीगदसे आज्यबा गे लसेनोन परमेश्वरसे थनीगददा माफ लबा मुला। ओच्छे थनीगदला पापला दोषएनोन मेटव लसी पिन्बा मुला।

८ थनीगदसे परमेश्वरग्याम गाते मोलम याडला, थनीगदसे लबा पापला दोष परमेश्वरसे मेटव लसी जिन्बा मुला।” ९

१ दाऊदसे पाडबा चु मोलम खतना लबा यहूदीगदला लागिरी जे हिन्ना? आहिन। तर खतना आलबा अर्गु थ्हुलला म्हिगदला लागिरीनोन हिन्ना। तिग्दा भिसम अबराहामसे परमेश्वरदा विश्वास लबास लमा परमेश्वरसे थदा हराडदा सम निबा म्हि हिन्ना भिसी सुडजी भिबा ताम थ्हाडसे पाडमुला। १० अबराहामदा परमेश्वरसे खाडमा तिगे दोष आरबा म्हि हिन्ना भिसी सुडजी? थसे ठिम अन्ध्दार खतना लबा भन्दा डाच्छा कि लिच्छा? तर खतना लबा भन्दा डाच्छान सुडबा हिन्ना। ११ लिच्छा अबराहामला खतना लजी, ओच्छे चु चा थसे लबा विश्वाससे लमा खतना तबा भन्दा डाच्छान परमेश्वरसे थदा हराडदा सम निबा म्हि भिसी सुडबाला चिनु हिन्ना। ओच्छे खतना आलसेनोन विश्वासग्याम परमेश्वरसे हराडदा सम निबा म्हि भिसी सुडबा जम्मान म्हिगदला थे आबा दोगे भिसी चुहरड तबा हिन्ना। १२ थहरड

३३:३० “खतना लबा म्हि” ओच्छे “खतना आलबा म्हि” भिबा चा यहूदी ओच्छे अर्गु थ्हुलला म्हिगदे हिन्ना।

लसी यहूदीगंदे खतना लबासे लमा आहिन, तर थनीगंदेसनोन अबराहामसे हरड लसीन खतना लबा मन्दा डाच्छा विश्वास लसी भरबासे लमान अबराहाम थनीगंदेलाएनोन आबा दोजी ।

विश्वासग्यामसे जे कबुल लबा रहे याडला

१३ अबराहामदेन थला सन्तानगंदेदा जम्बुलिङ्गला हक पिन्ना भिसी लबा कबुल चा थसे ठिम अन्च्छार गे लबासे लमा आहिन । तर थसे लबा विश्वासग्याम परमेश्वरदा सम निबा म्हे दोबासे लमा हिन्ना । १४ चुदे ठिम अन्च्छार भरबा म्हेगंदेसे थ हक याडबा हिन्सम म्हेगंदेसे लबा विश्वास गे आखेल्वा तसेला मुबा । ओच्छे परमेश्वरसे पिन्ना भिसी लबा कबुलएनोन गे आखेल्वा तसेला मुबा । १५ तिगदा भिसम ठिम अन्च्छार आभरमा परमेश्वरसे म्हेगंदेदा सजाय पिन्ना । तर ठिमनोन आरमाहेन्से थेरी आज्यबा गेनोन आत ।

१६ परमेश्वरसे लबा दयामायाथोरी भर लगे भिसी थसे लबा कबुल विश्वासग्यामसे जे याडला । चुनोन दयामायाग्यामसे अबराहामला जम्मान सन्तानसे परमेश्वरसे लबा कबुल याडला भिसी पक्का लबा मुला । चु कबुल ठिम मुबागंदेला लागिरी जे आहिन, तर अबराहामसे हरडबान विश्वास लबा म्हेगंदेला लागिरीनोन हिन्ना । तिगदा भिसम अबराहाम य्हाड जम्मालान आबा हिन्ना । १७ परमेश्वरसे अबराहामदा सुडबा ताम बचनरी चुहरड लसी भिरबा मुला, “डाइ एदा जम्मान य्हुलला म्हेगंदेला आबा स्होबा मुला ।” तिगदा भिसम परमेश्वरला डाच्छा अबराहाम य्हाड जम्मालान आबा हिन्ना । सिबागंदेदा सोना लबादेन आरबा स्हेदा बचनग्यामसेन स्होबा परमेश्वरदा अबराहामसे विश्वास लजी । ०

१८ कोला तला भिसी आशनोन आरबा धुडरी परमेश्वरसे “एला कोलागंदे मुला सार हरडनोन झ्यासीन झ्याआखम्बाधोना तला” भिसी सुडबा तामरी आश लसी विश्वास लजी । चुहरड लसी थे ल्हानान य्हुलला म्हेगंदेला आबा दोजी । १९ अबराहाम आस्पन ग्यार्जा गिक दिड तसी जिन्वा मुबा । हराड खेन्वा दोसी सिड लबा धुड तजी भिबा तामदेन हराडला मिरड

साराग्याम कोला आत भिबा ताम था याडसीनोन थला विश्वास कमजोर आतनी । १० परमेश्वरसे पिन्ना भिसी कबुल लबा तामरी थसे तिगै शडका आलना विश्वासरी झन कोडसी चिजी, ओच्छे चुनोन विश्वासग्याम थसे परमेश्वरदा मानदेन जयजयकार लजी । ११ परमेश्वरसे लबा कबुल पूरा लखम्ला भिबा ताम अबराहामदा पक्का था मुबा । १२ चुहरडबा विश्वाससे लमान परमेश्वरसे अबराहामदा “हराडदा सम निबा म्हे हिन्ना” भिसी सुडजी । १३ “परमेश्वरदा सम निबा म्हे हिन्ना” भिसी सुडबा ताम चा अबराहामला लागिरी जे भिरबा आहिन, १४ तर य्हाडला लागिरीनोन भिरबा हिन्ना । य्हाड न्हडला जुन म्हेसे य्हाडला परमु येशूदा सिबाग्याम सोना लबा परमेश्वरदा विश्वास लला, थनीगंदेदाएनोन परमेश्वरसे हराडदा सम निबा म्हे हिन्ना भिसी सुडला । १५ य्हाडला पापला दोष मेटब लबाला लागिरी येशूदा साइजी, ओच्छे य्हाडदा परमेश्वरदा सम निबा म्हे हिन्ना भिसी म्हेन्बाला लागिरी थदा सिबाग्याम सोना लजी । १

विश्वासग्याम याडबा शान्ति

५ १ थेतबासेलमा य्हाडला विश्वासग्यामसेन य्हाडदा परमेश्वरदा सम निबा म्हे दोना लबा मुला । ओच्छे य्हाडला परमु येशू खरीष्टग्यामसेन य्हाड परमेश्वरदेन छुयाम दिक्का मुला । २ खरीष्टसे य्हाडला विश्वासग्याम य्हाडदा परमेश्वरला दयामायारी भवा मुला । ओच्छे दान्दे य्हाड थेनोन दयामायारी भरबा मुला । य्हाडदा परमेश्वरसे थला हरडबान य्हालदेन शक्ति पिन्ना भिसी घरेन आश थोसी य्हाड ताडबा मुला । ३ चुदे जे आहिन, दुखरीनोन य्हाड ताडबा मुला । तिगदा भिसम य्हाडसे दुख नाजी भिसम अझन य्हाड विश्वासरी पाको म्हे दोला । ४ दुख नाखम्बा शक्तितसे य्हाडदा पाको म्हे स्होला । य्हाड पाको म्हे तमाहेन्से य्हाडदा आश खमुला । ५ य्हाडसे लबा चु आशसे य्हाडदा दुख इहम्ना आल । तिगदा भिसम य्हाडदा परमेश्वरसे हराडला आत्मा पिन्वा मुला, ओच्छे थेनोन आत्मासे य्हाडला समरी परमेश्वरला माया थान्सी पिन्वा मुला ।

६ य्हाडसे थाबा याडबाला लागिरी तिगेनोन लबारी आसम्बा धुइरी खरीष्ट य्हाड पापीगदला लागिरी परमेश्वरसे तोगब लबा धुइरी सिजी। ७ धर्म तेन्बा म्हेला लागिरी खाले म्हे चुहरड लसी आसि। तर ज्यबा गे लबा म्हेला लागिरी खाले म्हेस सिबारी म्हाइला तला। ८ तर य्हाड पापी तसेनोन खरीष्ट य्हाडला लागिरी सिसी य्हाडदा परमेश्वरसे हराडला माया उन्जी।

९ दाहेन्से खरीष्ट सिसी हराडलान काग्याम य्हाडदा परमेश्वरदा सम निबा म्हे दोना लजी। चुदे जे आहिन, परमेश्वरग्याम य्हाडसे नातोःबा सजायग्यामसेनोन य्हाडदा जोगब लला। १० य्हाड परमेश्वरला शतरु मुबा धुइरीन थेला झा खरीष्ट सिसी य्हाडदा परमेश्वरदेन छ्याम दिक्ना लजी। य्हाडदा परमेश्वरदेन छ्याम दिक्ना लबा जे आहिन, तर दाहेन्से झन परमु येशू खरीष्टला ल्हुइग्यामसे य्हाडदा थानाएनोन लला। ११ चुदे जे आहिन, तर दाहेन्से परमु येशू खरीष्टसे य्हाडदा परमेश्वरदेन छ्याम दिक्ना लसी हराडला हरो स्थाबासे लमा य्हाड परमेश्वरदेन छ्याम गिक तसी ताडबा मुला।

आदमदेन खरीष्ट

१२ जम्मान भन्दा डाच्छा आदम भिबा म्हे गिकग्याम जम्बुलिडरी पाप खजी, ओच्छे पापग्याम काल खजी। चुहरड लसीन जम्मान म्हेगदसे पाप लबासे लमा जम्मानथारी काल खजी। १३ परमेश्वरसे मोशादा टिम पिन्बा भन्दा डाच्छाहेन्सेन जम्बुलिडरी पाप मुबा। तर टिम आरबासे लमा पापला हिसाब आरमुबा। १४ तसेनोन आदमला धुइहेन्से मोशा भिबा म्हेला धुइधोनाला जम्मान म्हेगददा कालसे शासन लजी। थे म्हेगदसे लबा पाप आदमसे लबा पाप हरडबा आतसे थेनीगदे सितोःजी। आदमसे लबा गेग्याम जम्मान म्हे सिजी, ओच्छे खरीष्टसे लबा गेग्याम चा जम्मान म्हे साजी।

चुहरड लसी च्यामा, आदम लिच्छा फेखबा खरीष्ट हरडबान मुबा। १५ तर पापला सय फाबारी परमेश्वरसे य्हाडदा पिन्बा मोलमदेन आदमसे लबा पाप ल्हानान फेरक मुला। तिगदा भिसम

म्हे गिकसे लबा पापग्याम ल्हानान म्हेगदे सिजी। तर लिच्छा फेखबा येशू खरीष्टसे चा परमेश्वरला ल्हानान घरन दयामायाग्याम म्हेसे फातोःबा पापला सय फासी ल्हानान म्हेगददा सोना लजी।

१६ थहरड लसीन परमेश्वरसे ओहरडनोन पिन्बा मोलम चा म्हे गिकसे लबा पाप भन्दा फेरक मुला। म्हे गिकसे पाप लबासे लमा जम्मान म्हेगददा दोषी भिसी पाडजी, ओच्छे सजाय नातोःजी। तर ल्हानान पाप लमाहेन्से लिच्छा फेखबा ओहरडनोन याडबा मोलमग्याम परमेश्वरसे म्हेगदला पापला दोष मेटब लसी हराडदा सम निबा म्हे भिसी सुडजी। १७ म्हे गिकसे पाप लबासे लमा जम्मान म्हेगदथारी कालसे शासन लजी। तर परमेश्वरसे ल्हानान दयामाया लसी म्हे गिक येशू खरीष्टग्याम ओहरडनोन पिन्बा मोलमग्याम य्हाडदा परमेश्वरदा सम निबा म्हे हिन्ना भिसी सुडजी। थे मोलम याडबा म्हेगदे येशू खरीष्टग्याम सोला ओच्छे शासन लला।

१८ थेतबासेलमा म्हे गिकसे लबा पापग्यामसे जम्मान म्हेगदसे सजाय नातोःजी, थहरड लसीन म्हे गिकसे लबा ज्यबा गेग्यामसेन जम्मान म्हेगद परमेश्वरदा सम निबा म्हे दोसी जुकजुकधोनाला जुनी याडबारी खम्ता। १९ म्हे गिकसे परमेश्वरसे कुल्बा ताम आड्यान्बासे लमा ल्हानान म्हेगदे पापी दोजी। थहरड लसीन म्हे गिकसे परमेश्वरसे कुल्बा ताम ड्यान्बासे लमा ल्हानान म्हे परमेश्वरदा सम निबा म्हे दोजी। २० जम्मान म्हेगदसे गाते पाप लबा चीम भिसी था याडगे भिसी परमेश्वरसे टिम पिन्जी। तर जति पाप बढब तबान निजी परमेश्वरसे झन ल्हानान दयामाया लजी। २१ थे धुइरी पापसे कालग्याम म्हेगददा शासन लबा हरड लसी दान्दे परमेश्वरला दयामायासे शासन लबान मुला। थे दयामायासे य्हाडदा परमेश्वरदा सम निबा म्हे स्थासी य्हाडला परमु येशू खरीष्टग्याम जुकजुकधोनाला जुनी पिन्बान मुला।

पापग्याम सिला खरीष्टग्याम सोला

१ दाहेन्से य्हाडसे तिग पाडसे? तिग
६ परमेश्वरग्याम ल्हानान दयामाया याडगे

मिसी अझ व्हाड पापनोन लसी चिसे? २ आहिन, साइमे चुहरड लबारी आत। चुदे व्हाड पापला शक्तिग्याम फेसी जिन्जी मिसम तिगदा व्हाड दोःसी पापला तहरी चिबा सेम लबा? ३ व्हाड खरीष्ट येशूदेन छ्याम गिक तबारी बप्तिस्मा किन्जी। व्हाडसं किन्बा बप्तिस्मा चा खरीष्टदेन छ्याम गिक तसी सिबाला चिनु हिन्ना मिबा ताम एनीगदेला थानोन मुला। ४ थेतबासेलमा व्हाडएनोन खरीष्टदेन छ्यामनोन बप्तिस्माग्याम सिसी ल्हुजी। ओच्छे व्हाड छार बानीबेहोर थोसी भरबाला लागिरी शक्तिशाली परमेश्वर आवास हराडला शक्तिग्याम येशू खरीष्टदा सिबाग्याम सोना लजी। ५

५ चुदे व्हाड खरीष्टदेन छ्याम गिक तसी सिजी मिसम व्हाडएनोन थ हरड लसीन सिबाग्याम सोला। ६ व्हाडला पापसे प्लिडबा ल्हुइ नाश तगे मिसी डाच्छाला बानीबेहोरदा खरीष्टदेन छ्यामनोन करुसरी साडबा मुला। चुहरड लबा चा दाहेन्से व्हाड पापला तहरी चिआतोःगे मिसी हिन्ना मिबा ताम व्हाडदा थानोन मुला। ७ तिगदा मिसम जुन म्हि सिबा मुला थ म्हि थला पापला सजायग्याम पूरान फेसी जिन्बा मुला।

८ खरीष्टदेन छ्याम सिजी मिसम खरीष्टदेन छ्यामनोन सोला मिसी व्हाडसं विश्वास लबा मुला। ९ तिगदा मिसम व्हाडदा थानोन मुला, खरीष्ट सिसीनोन सासी जिन्बा मुला। दाहेन्से थ साइमे आसि, ओच्छे थदा कालला शक्तिसेनोन तिगे लबारी आसम। १० पूरान पापला दोष मेटव लबाला लागिरी खरीष्ट तिरम सिसी जिन्बासे लमा पापला सय फासी जिन्जी। ओच्छे परमेश्वरला लागिरीन थ सदनना लागिरी सोबा मुला। ११ थहरड लसीन एनीगदेसेनोन हराड हराडला पापला शक्तिला लागिरी सिजी मिसी म्हन्तोःमुला। तर खरीष्ट येशूग्याम परमेश्वरला लागिरी सोबा मुला मिसी म्हन्तोःमुला।

१२ थेतबासेलमा एनीगदेला पापी सेमसे जुन लड म्हन्बा थ अन्धार लआतोःगे मिसी एनीगदेसे हराडला सिसी निबा ल्हुइरी पापदा शासन लबारी थापिन्गो। १३ ओच्छे आज्यबा गे लबारी हराडला या काड पापदा जिम्मा थापिन्गो। तर सिबाग्याम सोबा म्हिगदेसे

हरड लसी हराडला पूरान ल्हुइ परमेश्वरदा पिन्गो, ओच्छे परमेश्वरदा सेम निबा गे लबाला लागिरी हराडला या काड परमेश्वरदान जिम्मा लसी पिन्गो। १४ तिगदा मिसम पाप एनीगदेथारी शासन लबा एनीगदेला मालिक आहिन, दाहेन्से एनीगदे ठिमला तहरी आर, तर परमेश्वरला दयामायाला तहरी मुला।

परमेश्वरदा सेम निबा गे लबा म्हि

१५ व्हाड ठिमला तहरी आर, तर परमेश्वरला दयामायाला तहरी मुला भिदमा तिग व्हाड पापनोन लसी चिसे? आहिन, चुहरड साइमे लबारी आत। १६ जुन्ना ताम ड्यान्सी गे लबा सेम लला एनीगदे थेलान नोकर दोला। चुदे पापला नोकर दोसी थसे कुल्बा अन्धार भरजी मिसम ए सिला, तर परमेश्वरसे कुल्बा अन्धार भरजी मिसम ए थदा सेम निबा म्हि दोला। १७ डाच्छा एनीगदे पापला नोकर दोबा मुबा। तर दान्द एनीगदेसे सेमहेन्सेन परमेश्वरला बारी लोप्या ताम अन्धार भरबा मुला। चुला लागिरी परमेश्वरदा धन्यवाद तगे। १८ एनीगदे पापग्याम फेबा मुला, ओच्छे परमेश्वरसे म्हन्बा अन्धार भरबा म्हि दोबा मुला।

१९ घोबारी आसम्बा एनीगदेला बानीबेहोरसे लमा डाइ एनीगदेसे घोबारी खम्बा ग्याइरी पाडवान मुला। तिरम आज्यबा सेम थोसी पापथारी पाप लबाला लागिरी एनीगदेसे हराडला ल्हुइ पापदा जिम्मा पिन्बा मुबा। दाहेन्से परमेश्वरसे म्हन्बा अन्धार भरबा म्हि दोबारी एनीगदेसे हराडला ल्हुइ परमेश्वरदा जिम्मा पिन्गो। २० पापला नोकर दोबा धुइरी एनीगदे परमेश्वरसे म्हन्बा अन्धार भरआतोःमुबा। २१ थ धुइरी लबा गेगदे ढन्सी एनीगदे दान्द पेःमुला, थहरडबा गग्याम एनीगदेसे तिग याडजी? थ जम्मान आज्यबा गेसे चा म्हिदा सिना लमुला। २२ दाहेन्से एनीगदेसे पापग्याम थार्बा याडबा मुला, ओच्छे परमेश्वरदा तेन्सी तिगे दोष आरबा म्हि दोबा मुला। चुग्याम एनीगदेसे जुकजुकधोनाला जुनी याडला। २३ तिगदा मिसम पापसे पिन्बा ज्याला चा काल हिन्ना, तर परमेश्वरसे ओहरडनोन पिन्बा मोलम चा व्हाडला परभु येशू खरीष्टग्याम याडबा जुकजुकधोनाला जुनी हिन्ना।

ठिमग्याम फेबा

१ज्योज्यो आले नाना आडागदे, चु ताम
७ डाइ ठिम सबा घोबा म्हिगददा पाडबान
मुला। म्हि सांतधोना जे ठिमला तहरी तमुला
भिबा ताम एनीगददाएनोन थानोन मुला।
२सांतधोना ब्याह लबा बारला ठिमला तहरी
चिबा चा, ब्याह लबा मिरडम्हम हराडला
हरम्बो सांतधोना हरम्बोला तहरी चिबा हरडबा
हिन्ना। तर चुदे थला हरम्बो सिजी भिसम थ
हरम्बोला तहरी आचि। ३चुदे हराडला हरम्बो
मुना मुनान थसे स्थान्दो हरम्फबेदेन छ्याम
ब्याह लजी भिसम बरल्सी भरबा हिन्ना। तर
थला हरम्बो सिजी भिसम थ, थ ठिमग्याम
फेबा मुला, ओच्छे स्थान्दो हरम्फबेदेन
छ्याम ब्याह लसेनोन बरल्सी भरबा आहिन।

४थहरड लसीन डाला ज्योज्यो आले
नाना आडागदे, एनीगदेएनोन खरीष्टला
लहुडग्याम ठिमला लागिरी सिसी जिन्बा मुला।
थतबासलमा परमेश्वरला लागिरी ज्यबा गे
लबारी खम्भे भिसी य्हाड सिबाग्याम सोबा
खरीष्टदेन छ्याम गिक तबा मुला। ५य्हाड
डाच्छा पापी बानीबेहोर अन्छार भरमुबा।
थ धुइरी ठिमसे य्हाडला पापी सेमदा थोसी
य्हाडदा ल्हानान पाप गेगदे लपुडजी। थनोन
गेस य्हाडथारी काल भजी। ६थहरडबा
ठिमला लागिरी य्हाड सिसी जिन्जी। चु भिबा
चा य्हाड थ ठिमग्याम फेसी जिन्बा मुला
भिबा हिन्ना। थतबासलमा दाहेन्से य्हाड
डाच्छा मिरबा ठिमला तहरी चिसी आहिन, तर
परमेश्वरला आत्मासे पिन्बा छार जुनीग्याम
तेन्बा मुला।

ठिमदेन पाप

७थहरड भिसम तिग य्हाडसे ठिमनोन पाप
हिन्ना भिसी पाडबारी तला? पक्कान आत।
तर चुदे ठिम आरबा हिन्सम पाप भिबा डादा
थानोन आतसेला मुबा। तिगदा भिसम “एसे लोभ
थालउ” भिसी ठिमसे आपाडबा हिन्सम लोभ
लबा चा पाप हिन्ना भिसी डाइ था आयाडसेला
मुबा। ८तर पापसे ठिमरी कुल्बा तामग्याम
मोका किन्सी डाला समरी ल्हानान थरीला लोभ
खना लजी। तिगदा भिसम ठिम आरसम पाप
साइमे आरबा तेबान हिन्ना। ९डाच्छा ठिम

था आरबा धुइरी डा सोबा मुबा। तर ठिम था
याडमाहेन्से डा पापग्याम सिबा तेबान तजी
ओच्छे पाप चा सोजी। १०ओच्छे जुनी पिन्ना
भिसी कबुल लबा थ ठिमसे मी डादा सिना
लजी। ११तिगदा भिसम पापसे थ ठिमसे कुल्बा
तामग्यामसेन मोका किन्सी डादा छल लसी
साइबा हरडबान हिन्ना। १२तसेनोन ठिमदेन
ठिमसे कुल्बा ताम चा तिगे दोष आरबादेन ठीक
ओच्छे ज्यबा मुला।

१३ज्यबा मुला भिबा ठिमसेन डादा साइबा
हिन्ना? पक्कान आहिन। ठिमरी मुबा ज्यबा
तामग्याम डादा साइबा पापनोन हिन्ना।
थतबासलमा ठिम अन्छार पाप गाते लोडबा
सबा मुला भिबा ताम य्हाडदा था मुला।

खरीष्ट आरसम य्हाड पापदेन छ्याम भरेःला

१४ठिम स्वर्गग्याम सबा ज्यबा ताम हिन्ना
भिबा य्हाडदा था मुला। तर डाएनोन पापला
तहरी चिबा जम्बुलिडला म्हि हिन्ना। १५डाइ
तिग लबान मुला थ डादान था आर। तिगदा
भिसम जुन गे डाइ लबारी म्हाइला थ आलमुला।
तर जुन गे डादा सेम आनिमुला थनोन गे डाइ
लमुला। १६चुहरड लसीन लबारी आम्हाइबा गे
डाइ लमुला भिसम ठिम ज्यबा मुला भिबा तामरी
डादा विश्वास मुला। १७थतबासलमा डाइ लबा
आज्यबा गे डा हराडसेन लबा आहिन। तर
डा न्हडरी चिबा पापसे लबा हिन्ना। १८तिगदा
भिसम डा जम्बुलिडलान म्हि तबासे लमा डा
न्हडरी तिगे ज्यबा ताम आर, थहरड तबा
चा डा न्हडरी मुबा जम्मान पापी बानीबेहोरसे
हिन्ना भिसी डादा था मुला। थतबासलमा जुन
गे ज्यबा मुला, थ गे डाइ लबारी म्हाइसेनोन
लबारी आखम्मुला। १९तिगदा भिसम जुन गे
ज्यबा भिसी डाइ लबारी म्हाइजी थ लबारी
आखम्मुला। तर जुन गे आज्यबा भिसी डाइ
लबारी आम्हाइनी थ गे लमुला। २०जुन गे डादा
सेम आनिमुला थनोन गे डाइ लमुला भिसम थ गे
लबा डा हराडनोन आहिन। तर डा न्हडरी चिबा
पाप हिन्ना।

२१थतबासलमा ज्यबा गे लबारी म्हाइना
म्हाइनान डाग्याम आज्यबा गे जे तमुला।
डाला लहुइरी गे लबा चा आज्यबा गे लबा
ठिम हिन्ना भिसी डाइ था याडबा मुला।
२२तिगदा भिसम डाला सेम चा परमेश्वरला

ठिमग्यामसेन ताडमुला। २३तर डादा चा डा न्हडरी मुबा अर्गुन ठिमसे गे लपुडमुला भिसी डाइ मराडबा मुला। चु शक्तिसे चा परमेश्वरदा ताडना लबारी म्हाइबा डाला सेमदा बिरोध लमुला। चुसन डादा पापला नोकर स्हासी डाथारी शासन लमुला। २४-२५ डा गाते ल्हाना दुख याडबा म्हे, पापदेन कालला शक्तिला तहरी मुबा चु ल्हुइग्याम डादा खाल्ले फेला? थेतबासलमा डाइ सेमहेन्सेन परमेश्वरला ठिमदा तेन्बारी म्हाइमुला, तर डाला पापी बानीबेहोरसे चा पापदान तेन्पुडमुला। डा खाहरडबा ताडआखम्बा म्हे, पापदेन कालला शक्तिला तहरी मुबा चु ल्हुइग्याम डादा खाल्ले फेला? परमेश्वरदा धन्यवाद तगे। येशू खरीष्ट य्हाडला परमुसेन चुग्याम य्हाडदा फेला।

परमेश्वरला आत्माग्याम याडबा जुनी

१थेतबासलमा दाहेन्से खरीष्ट येशूदेन छुयाम गिक तबा म्हेगदेदा परमेश्वरसे सजाय आपिन। २तिगदा भिसम खरीष्ट येशूग्याम जुनी पिन्बा परमेश्वरला आत्माला शक्तिसे य्हाडदा पापदेन सिबाला शक्तिग्याम थाना लबा मुला। ३म्हिला हराडलान पापी बानीबेहोरसे ठिमदा कमजोर तना लबासे लमा ठिमसे लबारी आखम्बा गे परमेश्वरसे लजी। परमेश्वरसे हराडलान डादा पापी म्हेला हरडबान ल्हुइरी पुइखसी म्हेला पापला लागिरी बलि तपुडजी। ओच्छे थेतान ल्हुइग्याम पापला शक्तिदा नाश लजी। ४चुहरड लसी पापी बानीबेहोर अन्धार भरबारी आहिन, तर परमेश्वरला आत्मासे कुल्बा अन्धार भरबा म्हे य्हाडग्याम परमेश्वरसे ठिमसे म्हेन्बा ताम पूरा तबा मुला।

५तिगदा भिसम पापी बानीबेहोर अन्धार भरबा म्हेगदेला सेम पापी बानीबेहोरदा सेम निबा तामरी तमुला। तर परमेश्वरला आत्मासे कुल्बा अन्धार भरबा म्हेगदेला सेम परमेश्वरला आत्मादा सेम निबा तामरी तमुला। ६पापी बानीबेहोर अन्धार जे भरबा सेम लबा म्हे चा सिबा म्हे हरडबान हिन्ना। तर परमेश्वरला आत्मासे म्हेन्बा अन्धार भरबा सेम लबा म्हेसे चा शान्तिदेन जुनी

याडला। ७पापी सेमला तहरी चिबा म्हेगदे परमेश्वरला शतरु हिन्ना। तिगदा भिसम थनीगदे परमेश्वरला ठिम अन्धार भरएनोन आभर ओच्छे भरबारीएनोन आखम। ८पापी समला तहरी चिबा म्हेगदेसे परमेश्वरदा ताडना लबारी आखम।

९चुदे एनीगदे न्हडरी परमेश्वरला आत्मा धन्छुयाजी भिसम एनीगदे पापी बानीबेहोररी आहिन, तर परमेश्वरला आत्मारी तला। तर खाले म्हेदेन छुयाम खरीष्टला आत्मा आरसम थ खरीष्टला म्हे तनोन आखम। १०चुदे खरीष्ट एनीगदे न्हडरी धन्छुयाजी भिसम पापसे लमा एनीगदेला ल्हुइ सिसी निसेनोन एनीगदे परमेश्वरदा सेम निबा म्हे दोबासे लमा एनीगदेला आत्मा चा सोला। ११परमेश्वरसे हराडला आत्मासे खरीष्ट येशूदा सिबाग्याम दोःसी ल्हुइरीन सोना लजी। थनोन परमेश्वरला आत्मा एनीगदे न्हडरी धन्छुयाजी भिसम एनीगदेला सिसी निबा ल्हुइदाएनोन थसे सोना लला।*

१२थेतबासलमा ज्योज्यो आले नाना आडागदे, य्हाडसे लतोःबा गे मी ल्हानान मुला, तर चु गेगदे य्हाडला पापी बानीबेहोरला तहरी चिसी लबा आहिन। १३तिगदा भिसम एनीगदे हराडलान पापी बानीबेहोरला तहरी चिजी भिसम एनीगदे सितोःला। तर चुदे परमेश्वरला आत्माला शक्तिग्याम थ पापी बानीबेहोरदा नाश लजी भिसम एनीगदे सोला। १४तिगदा भिसम परमेश्वरला आत्मासे उन्बा ग्यामरी भरबा म्हेगदे जे परमेश्वरला कोलागदे हिन्ना। १५तिगदा भिसम परमेश्वरसे एनीगदेदा थला नोकर स्हासी लोडना लबा आत्मा पिन्बा आहिन, तर परमेश्वरसे एनीगदेदा थला हराडलान कोलागदे दोबा आत्मा पिन्बा मुला। थ आत्माग्यामसे य्हाडसे थदा “आबा” भिसी पाडमुला। १६य्हाड परमेश्वरला कोलागदे हिन्ना भिसी परमेश्वरला आत्मासे य्हाडला आत्मादा घोना लबा मुला। १७य्हाड परमेश्वरला कोलागदे हिन्सम य्हाड परमेश्वरला हक याडबा म्हे हिन्ना। ओच्छे चु हक खरीष्टदेन छुयाम तसी याडला। तर थहरड लसीन खरीष्टसे नाबा दुख

*८ :९ चु पदरी परमेश्वरला आत्मादेन खरीष्टला आत्मा भिबा गिकनोन हिन्ना।

१८ :११ कोर ३ :१६ १८ :१५ मर्कू १४ :३६ ; गला ४ :६

य्हाडसेनोन नाजी भिसम खरीष्टसे याडबा मान य्हाडसेनोन याडला।

लिच्छा याडबा मान

१८ तिग्दा भिसम य्हाडसे लिच्छा याडबा सुखदेन घरेन मान दान्दे य्हाडसे नाबा दुखदेन छ्याम दाँजब लबारी आखम भिबा ताम डादा था मुला। १९ पाडनोन तोःमा, परमेश्वरसे हराडला कोलागदे उन्बा धिन च्याबारी परमेश्वरसे स्होबा जम्मान स्हेस सम लसी थ धिन भुरान्सी चिबा मुला। २० तिग्दा भिसम जम्मान स्हे गे आखेल्वा तबा मुला, थनीगदेसे म्हन्बा अन्धार चुहरङ्क तबा आहिन। तर परमेश्वरसेन थनीगदेदा थाना लबा धिनना आश लसी चुहरङ्क लबा हिन्ना। २१ तिग्दा भिसम परमेश्वरसे स्होबा स्हेगदेदाएनोन तिरकुनु नाश तवाला याग्याम फेला, ओच्छे थनीगदेसेनोन परमेश्वरला कोलागदेसे याडबा हरडबान घरेन थारबा याडला।

२२ थनीगदे जम्मासेन कोला न्हाबा बेथा याडबा मिरडम्हेमगदेसे दुख नाबा हरङ्क लसी दान्देधोनो दुख नासी चिबा मुला भिबा ताम य्हाडदा था मुला। २३ थनीगदे जे आहिन, तर परमेश्वरला आत्मा याडबा म्हिगदे य्हाडएनोन परमेश्वरला कोलागदे दोबादेन ल्हुइ पुरान पापग्याम फेबाला लागिरी समरी दुख नासी परमेश्वरला ग्याम च्यासी चिबा मुला। २४ तिग्दा भिसम य्हाड चुनोन आशग्याम थारबा मुला। आश लबा भिबा चा य्हाडसे तिगे स्हे याडबाला लागिरी भुरान्सी चिबा हिन्ना। डाच्छा याडसी जिन्बा स्हेला लागिरी खालैसेन आश आल। २५ तर चुदे य्हाडसे आमराडबा स्हेला लागिरी आश लबा हिन्सम थ आयाडतेधोनो दुख नासी भुरान्सी चितोःला।

२६ य्हाड कमजोर मुला, तर परमेश्वरला आत्मासेन य्हाडदा हरो लला। हरो लबा भिबा चा साहरङ्क लसी परार्थना लतोःला भिसी आसेबा धुडरी य्हाडसे पाडबारीन आखम्बा तामग्याम परमेश्वरला आत्मासे य्हाडला साटोरी परार्थना लला। २७ ओच्छे परमेश्वरला आत्मासे म्हन्बा ताम जम्मालान समला ताम था याडबा परमेश्वरदा था मुला। तिग्दा भिसम परमेश्वरला आत्मासे हराडला म्हिगदेला

साटोरी परमेश्वरसे म्हन्बा अन्धार परार्थना लमुला।

२८ परमेश्वरसे हराडसे म्हन्बा अन्धार धम्बा जम्मान म्हिगदेदेन थदा माया लबा म्हिगदेला लागिरी जम्मान स्हेगदेदा ज्यबा तना लमुला भिबा ताम य्हाडदा था मुला। २९ खरीष्ट जम्मान ज्योज्यो आले नाना आडागदेला ज्योज्यो दोगे भिसी जम्बुलिङ्क स्होबा भन्दा डाच्छाहेन्सेन परमेश्वरसे हराडसे डोसेबा म्हिगदेदा धम्जी। ओच्छे थनीगदेदा हराडला झा हरडबान स्होबारी पक्का लजी। ३० जुन जुन म्हिदा परमेश्वरसे डाच्छान धम्मुबा, थनीगदेदा हराडलान सन्तान दोबारी डयोइजी। डयोइमाहेन्से थनीगदेदा परमेश्वरला डाच्छा ज्यबा म्हि हिन्ना भिसी सुडजी। परमेश्वरला डाच्छा ज्यबा म्हि हिन्ना भिसी सुडमाहेन्से परमेश्वरसे थनीगदेदा हराडसे याडबा मानदेन य्हाल याडबा हकएनोन पिन्जी।

परमेश्वरला माया

३१ थहरङ्क भिसम चु तामगदेला बाररी य्हाडसे तिग पाडतोःबा? चुदे परमेश्वरनोन य्हाडपट्टि मुला भिसम य्हाडदा खाल्से ढाखम्ला? ३२ परमेश्वरसे हराडलान झादा मी बाँकी आथान्ना य्हाडला लागिरी पिन्जी भिसम तिग थसे हराडला झादेन छ्यामनोन य्हाडदा जम्मान स्हे आपिन? ३३ परमेश्वरसे धम्बा म्हिगदेला बिरोधरी खाल्से दोष उन्खम्ला? परमेश्वरसेन थनीगदेदा हराडदा सम निबा म्हि भिसी सुडबा मुला। ३४ थतबासलमा य्हाडदा सजाय पिन्ना भिसी खाल्से पाडखम्ला? तिग्दा भिसम य्हाडसे नातोःबा सजाय खरीष्ट येशूसेन नासी सिजी। थ सिबाग्याम सोसी दान्दे स्वर्गला मुल टिरी धन्छ्याबा मुला। ओच्छे य्हाडला लागिरी परमेश्वरदेन छ्याम परार्थना लबा मुला। ३५ दाहेन्से य्हाडदा दुख कष्ट, बिरोध, चआम्याडबा, क्वानआम्याडबा, आपत विपत, साइबारी म्हाइबा चु तामसे य्हाडदा खरीष्टला मायाग्याम फेबारी खम्ला? ३६ परमेश्वरला बचनरीनोन चुहरङ्क भिसी भिरबा मुला, “हराडला लागिरी डन्दा धिन धिननोन साइबा मुला,

ओच्छे इन्दा साइबारी ठीक लबा ग्युदा हरइनोन लमुला ।”^a

३७ तर चु जम्मान ताम तसैनोन य्हाइन्दा माया लबा खरीष्टग्यामसन य्हाइसं चु जम्मानथारी दाबा मुला । ३८-३९ तिगदा भिसम कालला शक्तिगद मुसे, सिसे, सासे, स्वर्गदूतगद मुसे, शासन लबागद मुसे, दान्दला तामगद मुसे, लिच्छा तसला तामगद मुसे, नर्गला शक्तिगद मुसे, मुरी मुबा शक्ति मुसे, जम्बुलिङ्गरी मुबा शक्ति मुसे, खजिबे स्हगद मुसे खरीष्ट यशूग्यामसे य्हाइन्दा परमेश्वरसे लबा मायाग्याम फेबारी आखम भिबा ताम डादा था मुला ।

परमेश्वरसे धम्बा म्हिगद

१ डा खरीष्टला म्हि तबासे लमा सत्य ताम पाइबान मुला, डाइ लुसीला ताम पाइबा आर । डाइ सत्य ताम पाइबान मुला भिबा ताम डाला सेमदा था मुला, ओच्छे डाइ लुसीला ताम पाइबा आर भिसी परमेश्वरला आत्मादा था मुला । २ डाला सेमरी ल्हानान दुखदेन सुर्दा सदन तबा मुला । ३ डा खरीष्टग्याम फेमा डाला य्हुलला ज्योज्यो आले नाना आडागदेसे थार्बा याइबा हिन्सम डा हराइला म्हिगदेला लागिरी सजाय नाबारीनोन तयार तसला मुबा । ४ थनीगद इसराएलीगद हिन्ना, थनीगदेदा परमेश्वरसे हराइलान कोलागद स्हाजी, ओच्छे थनीगदेदा अर्गु य्हुलला म्हिगदेग्याम हराइला य्हालदेन शक्ति उन्जी । थहरङ् लसीन थनीगदेदा मोलम पिन्ना भिसी कबुल लजी, ओच्छे ठिम पिन्जी । थनीगदेसे परमेश्वरदा साहरङ् लसी तेन्तोःला भिसी एनोन लोप्जी, ओच्छे परमेश्वरसे पिन्ना भिसी लबा कबुलगदे थनीगदेतान हिन्ना । ५ चुगदे अब्राहाम, इसहाकदेन याकूबला सन्तान हिन्ना । थार्बा पिन्वा खरीष्टएनोन चुनोन वंशग्याम म्हि ल्हुइ किन्सी न्हवा हिन्ना । जम्मानथारी शासन लबा परमेश्वर थार्बा पिन्वा खरीष्टनोन हिन्ना । थेला सदन जयजयकार तगे । आमिन ।

६ परमेश्वरसे इसराएलीगदेदेन छुग्याम लबा कबुल पूरा आलबा आहिन, तर थनीगदे

परमेश्वरसे कुल्बा अन्धार आभरनी । थेतबासेलमा थनीगदे जम्मान इसराएलला सन्तान तसैनोन परमेश्वरला कोलागदे आदानी । ७ ओच्छे अब्राहामला सन्तान तजी भिदमा जम्मान थेला झा झाम आत । तिगदा भिसम परमेश्वरसे अब्राहामदा सुइबा ताम बचनरी चुहरङ् लसी भिरबा मुला, “इसहाकग्याम न्हवागदेदा जे एला सन्तान भिला ।” ८ चु भिबा चा अब्राहामला जम्मान सन्तान परमेश्वरला कोलागदे आहिन । तर परमेश्वरसे लबा कबुलग्याम न्हवा कोलागदे जे अब्राहामला सन्तान हिन्ना । ९ तिगदा भिसम परमेश्वरसे अब्राहामदेन चुहरङ् लसी कबुल लबा मुबा, “तोगब लबा धुइरी डा दोःसी खला, जमा धुइरी एला मिरङ् सारासे झा गिक न्हला ।”^d

१० ओते जे आहिन, य्हाइला म्हेमे इसहाकग्याम रिबकासे जौल्या कोला न्हवा मुबा । ११ परमेश्वरसे म्हेन्वा अन्धार थेसे धम्बा ताम पूरा लबाला लागिरी थे जौल्या कोलागदे न्हवा भन्दा डाच्छान जजा कोलादा धम्जी । थनीगदेसे ज्यबा आज्यबा गे लबा भन्दा डाच्छान परमेश्वरसे थे कोलादा धम्बा मुबा । १२ चु चा म्हिगदेसे लबा गे अन्धार आहिन, तर य्हाइन्दा डयोइबा परमेश्वरसे म्हेन्वा अन्धार हिन्ना । तिगदा भिसम परमेश्वरसे रिबकादा “थेबा झा चा च्याइबा झाला नोकर दोला” भिसी सुइबा मुबा । १३ परमेश्वरला बचनरीनोन चुहरङ् लसी, “डाइ याकूबदा माया लजी, तर एसावदा चा हेला लजी” भिसी भिरबा मुला ।^f

१४ थहरङ् भिसम य्हाइसं तिग पाइतोःबा ? तिग परमेश्वरसेनोन अन्याय लला ? पक्कान आल ! १५ तिगदा भिसम परमेश्वरसे मोशादा, “जुन म्हिदा डाइ दया लबा सेम मुला, डाइ थेदा दया लला ।

ओच्छे जुन म्हिदा डाइ माया लबा सेम मुला, डाइ थेदान माया लला”

भिसी सुइबा मुला ।^g

१६ थेतबासेलमा चु दया चा न्ह य्हाइला सेमसे म्हेन्वासे लमा हिन्ना न्ह य्हाइसं गे लबारी म्हाइबासे लमा हिन्ना, तर परमेश्वरसे म्हेन्वा अन्धार हिन्ना । १७ मिशर य्हुत्साला ग्ले

१९ :८ चु पदरी “कबुल” भिबा चा पावलसे येशू खरीष्टग्याम थार्बा याइबा समाचारला बारेरी पाइबा ताम हिन्ना ।

३८ :३६ मज्जन ४४ :२२

३९ :४ परस्था ९ :४

९९ :७ उत्प २१ :१२

१०९ :९ उत्प १८ :१०

९९ :१२ उत्प २५ :२३

१९ :१३ मला १ :२-३

१९ :१५ परस्था ३३ :१९

फारोदा परमेश्वरसे “एग्याम डाला शक्ति उन्बादेन जम्बुलिङ नाङनोन डाला मिन थःना लगै भिबा समसे डाइ एदा ग्ले स्होबा हिन्ना” भिसी सुङ्बा ताम बचनरी भिरबा मुला । १८ थेतबासलमा परमेश्वरसे जुन म्हिदा दया लबा सम मुला थदा दया लला, ओच्छे जुन म्हिला सम कोङ्ना लबा सम मुला थला सम कोङ्ना लला ।

१९ एनीगदे न्हङला खालैसे डादा चुहरङ् भिसी पाङ्गला, “थेहरङ् भिसम परमेश्वरसे तिग्दा अझ दोष लबा? तिग्दा भिसम परमेश्वरसे म्हेन्बा तामदा खालैसेन विरोध लबारी आखम।” २० म्हि तसीनोन परमेश्वरदेन छ्याम जोहाब लबा ए खाल हिन्ना? तिग सापराग्याम स्होबा ताङसे हराङ्गदा स्होबा म्हिदा “तिग्दा डादा चुहरङ्गदा स्होबा?” भिसी ड्योइला। २१ तिग हराङ्गसे ज्योप्या सापराग्याम कोइ ताङ् ज्यबा खाल्ला, कोइ ताङ् आज्यबा खाल्ला स्होबा हक कुमालेदा ओर?।

२२ थेहरङ् लसीन परमेश्वरदा एनोन हराङ्गला बोमोदेन शक्ति उन्बा सम मुला। तर सजाय पिन्तोःबा म्हिगदेदा एनोन सजाय आपिन्ना अझ नासीन धन्छ्याबा मुला। २३ ओच्छे हराङ्गसे डाच्छान ड्योइबा म्हिगदेदा परमेश्वरसे हराङ्गला धरन य्हालदेन शक्ति ओच्छे ल्हानान दया उन्बाला लागिरीन चुहरङ् लसी नाबा मुबा। २४ तिग्दा भिसम परमेश्वरला म्हिगदे य्हाङ्गनोन हिन्ना। थसे यहूदीगदे न्हङ्ग्याम जे ड्योइबा आहिन, तर अर्गु य्हुलला म्हिगदे न्हङ्ग्याम एनोन ड्योइजी। २५ परमेश्वरसे सुङ्बा ताम होशे भिबा अगमवक्तासे चुहरङ् लसी भिरबा मुला, “जुन म्हिगदे ‘डाला म्हि आहिनमुबा,’ थनीगदेदा डाइ ‘डाला म्हि स्होला।’ ओच्छे जुन म्हिदा ‘डाइ माया लबा आरेबा,’ थनीगदेदा ‘डाइ माया लला।’”^k

२६ ओच्छे,
“जुन ग्लारी थनीगदेदा,
‘एनीगदे डाला म्हि आहिन’ भिसी भिमुबा,
थनोन ग्लारी थनीगदेदा,
‘छ्यानो परमेश्वरला कोलागदे’ भिसी भिला।”^l

३९ :३३ “सियोन” भिबा चा यरूशलेम शहरदा पाङ्गला हिन्ना।

१९ :१७ परस्था ९ :१६ १९ :२० यशै २९ :१६ ; ४५ : ९

१९ :२१ यर्मि १८ :१-१० ; २ तिमो २ :२०-२१ १९ :२५ होशे २ :२३ १९ :२६ होशे १ :१०

१९ :२८ यशै १० :२२-२३ १९ :२९ यशै १ :९ ०९ :३३ यशै २८ :१६

२७ इसराएलीगदेला बाररी यशैया अगमवक्तासेनोन चुहरङ् भिसी पाङ्गला मुला, “इसराएलीगदे समुन्दरला बालुवा ते मुसेनोन थनीगदे न्हङ्गला कोइ कोइसे जे थार्बा याङ्गला। २८ तिग्दा भिसम प्रभुसे हराङ्गला बचन अन्छार योनान जम्बुलिङ्गला म्हिगदेदा सजाय पिन्सी नाश लला।”^m

२९ यशैया अगमवक्तासे इसराएलीगदेला बाररी चुहरङ् भिसीनोन पाङ्गला मुला, “चुदे जम्मान भन्दा शक्तिशाली परमेश्वरसे य्हाङ्गला लागिरी सन्तान गिकनोन आख्नाबा हिन्सम य्हाङ्गएनोन सदोमदेन गमोराला म्हिगदे हरङ् लसीन नाश तसेला मुबा।”ⁿ

यहूदीगदेसे विश्वास आलबा

३० चु जम्मान तामला अर्थ चा तिग हिन्ना? चु भिबा चा अर्गु य्हुलला म्हिगदेसे परमेश्वरदा सम निबा म्हि दोबारी आम्हाइसेनोन थनीगदेदा परमेश्वरसे हराङ्गदा सम निबा म्हि स्होजी। चु जम्मान ताम थनीगदेला विश्वासग्याम तजी। ३१ तर इसराएलीगदे चा थे ठिम अन्छार भरसी परमेश्वरदा सम निबा म्हि दोबारी ल्हानान मङ् लजी तसेनोन दोआखम्नी। ३२ तिग्दा आखम्नी? तिग्दा भिसम थनीगदेसे विश्वास आलना लबा गग्याम परमेश्वरदा सम निबा म्हि दोबारी म्हाइजी। थेतबासलमा थनीगदे युङ्बारी तोइजी, ओच्छे थ युङ्बासे थनीगदेदा हिरल्ला लजी। ३३ परमेश्वरला बचनरीनोन चुहरङ् भिसी भिरबा मुला, “ज्यागा, डाइ सियोनरी थनीगदेदा तोइना लबा युङ्गला गिक थान्ना, थ युङ्बारी ल्हानान म्हिगदे तोइला ओच्छे थनीगदेदा हिरल्ला लला। तर थदा विश्वास लबा खालै म्हिगदेदा पेःना आल।”^o

१ ज्योज्यो आले नाना आडागदे,
१० परमेश्वरसे इसराएलीगदेदा थार्बा लगै भिसी डाइ समहेन्सेन म्हेन्बा मुला, ओच्छे परार्थना लबा मुला। २ थनीगदेसे परमेश्वरदा ल्हानान तेन्बारी म्हाइबा मुला भिबा ताम डाइ

पक्का लसी पाङ्खसम्ता। तर थनीगदसे तेन्बा चा ठीक ज्ञान बुदधिग्याम आहिन। ३तिगदा भिसम परमेश्वरसे थनीगददेदा हराङ्कदा सम निबा म्हि स्होला भिबा ताम था आयाङ्कना, थनीगद हराङ्कलान गंग्याम परमेश्वरदा सम निबा म्हि दोबारी म्हाङ्कनी। तर थनीगद परमेश्वरसे हराङ्कदा सम निबा म्हि स्होला भिबा तामला तहरी आचिनी। ४तिगदा भिसम खरीष्टदा विश्वास लबा म्हिगदे परमेश्वरदा सम निबा म्हि दोगे भिसी खरीष्टसेन ठिमला गे पूरा लजी।

जम्मासेन थार्बा याङ्खसम्ता

५ “ठिमरी पाङ्कबा अन्ध्रार परमेश्वरदा सम निबा म्हि दोबारी म्हाङ्कबागदे ठिम अन्ध्रारनोन भरतोःला” भिसी मोशासे भिरबा मुला। ६ तर विश्वासग्याम परमेश्वरदा सम निबा म्हि दोबा तामसे चुहरङ्क भिसी पाङ्कबा मुला, “एनीगदसे सम न्हङ्करी खाल स्वर्गरी निला?” भिसी थापाङ्कगो, चु भिबा चा खरीष्टदा मार भबारी हिन्ना। ७ ओच्छे, “ल्हानान नुष्बा व्हाङ्कधोना खाल निला?” भिसी एनीगदसे हराङ्कला सम न्हङ्करी थापाङ्कगो।” चु भिबा चा खरीष्टदा सिबाग्याम सोना लसी तोर भबारी हिन्ना। ८ तर चु बचनसे तिग पाङ्कबा मुला? “परमेश्वरला बचन एनीगददेन छ्यामनोन मुला। ओच्छे, एनीगदला समदन सुङ्करीन मुला।” इन्से थःना लबा चुनोन बचनसे म्हिगददा विश्वास लबारी ड्योइबा मुला। ९ तिगदा भिसम चुदे एसे यशूदान परमु हिन्ना भिसी पाङ्कबादेन परमेश्वरसेन थदा सिबाग्याम सोना लबा हिन्ना भिसी समहेन्सेन विश्वास लजी भिसम ए थार्ला। १० तिगदा भिसम हराङ्कला समहेन्से विश्वास लबा म्हिदा परमेश्वरसे हराङ्कदा सम निबा म्हि हिन्ना भिसी सुङ्कला, ओच्छे, येशूदा परमु हिन्ना भिसी पाङ्कबासे लमान थसे थार्बा याङ्कला। ११ परमेश्वरला बचनरीनोन “थदा विश्वास लबा म्हिगदे खालेनोन पेःआतोः” भिसी भिरबा मुला। १२ तिगदा भिसम यहूदीदेन अर्गु यहूलला म्हिगदे न्हङ्करी तिगे फरक आरे। परमु गिक जे मुला, थेनोन परमु जम्मालान

परमु हिन्ना। थेदेन छ्याम हरीबा म्हिगददा थसे ल्हानान मोलम पिन्ना। १३ तिगदा भिसम बचनरी “परमुला मिन किन्वा म्हिगदे जम्मासेन थार्बा याङ्कला” भिसी भिरबा मुला।

१४ तर परमुदा विश्वास लबान आरे भिसम म्हिगदसे खाहरङ्क लसी परमुदेन छ्याम हरीसे? परमुला बाररी थःबान आरे भिसम थनीगदसे खाहरङ्क लसी परमुदा विश्वास लसे? ओच्छे, खाले म्हिसे थनीगददा परमुला बाररी थःना लबान आरे भिसम थनीगदसे खाहरङ्क लसी था याङ्कसे? १५ ओच्छे, थःना लबा म्हिनेन आपुइना खाहरङ्क लसी थःबा? परमेश्वरला बचनरीनोन “थार्बा पिन्बा समाचार थःना लबा म्हिगदे समा गाते ल्हानान ताङ्कतोःबा ताम हिन्ना” भिसी भिरबा मुला। १६

१६ तर थनीगदे न्हङ्कला कोइ कोइ म्हि थार्बा पिन्बा समाचार अन्ध्रार आभरनी। तिगदा भिसम यशैया अगमवक्तासेन “परमु, इन्से थःना लबा तामदा खालसे विश्वास लबा मुला?” भिसी भिरबा मुला। १७ विश्वास चा थार्बा पिन्बा समाचार थःसी समुला, ओच्छे थ थार्बा पिन्बा समाचार चा खरीष्टला बाररी पाङ्कबा ताम हिन्ना।

१८ थहरङ्क भिसम डाइ एनीगददा ड्योइला, “तिग थनीगदसे थःबा आरेबा?” आहिन, थनीगदसे पक्कान थःबा मुला। तिगदा भिसम परमेश्वरला बचनरी “मुदेन स्वर्गला काइ जम्बुलिङ्क नाङ्कनोन थःबा मुला, ओच्छे, थनीगदसे परमेश्वरला बाररी पाङ्कबा ताम जम्बुलिङ्कला जम्मान ग्लारी धोबा मुला” भिसी भिरबा मुला। १९

१९ डाइ दोःसीनोन ड्योइला, “तिग इसराएलीगदसे आधोनी?” परमेश्वरसे मोशाग्याम डाच्छान थनीगददा “जुन म्हि खजिबै यहूलला आहिन मुबा, थेनोन यहूलला म्हिदा धम्सी डाइ एनीगदला समरी डाह तना लला।

ओच्छे, आधोबा मूर्ख म्हिगददा थार्ना लसी डाइ एनीगददा बोमो खना लला”

११० :१७ “ल्हानान नुष्बा व्हाङ्क” भिबा चा म्हुङ्क म्हुङ्क चिबा गला हिन्ना (लूका ८ :३१ ; उन्बा ९ :१, २, ११ ; ११ :१७ ; ११७ :८ ; २० :१, ३)।

११० :३ लेवी १८ :३

११० :६ व्यव ३० :१२

११० :८ व्यव ३० :१४

११० :११ यशै २८ :१६

११० :१३ योए २ :३२

११० :१५ यशै ५२ :१७

११० :१६ यशै ५३ :१

११० :१८ मज्जन १९ :४

मिसी सुडबा मुबा। x

२० परमेश्वरसे सुडबा ताम अझ आँट लसी यशैया अगमवक्तासे चुहरङ्क लसी भिरबा मुला,

“डादा म्हाइनीन आम्हाइबागदसे डादा स्यान्वा मुला,

ओच्छे जुन म्हेस डादा आम्हाइनी थनीगदला गुडरी डा हराङ्कनीन थान्जी” y

११ इसराएलीगदला बाररी परमेश्वरसे चुहरङ्क मिसी सुडबा मुला,

“डाला ताम आड्यान्वादेन सेम कोडबा म्हेगददा सउ’ मिसी

डाइ धिन गिक या पिन्जी।” z

यहूदीगददा परमेश्वरसे लबा दया

११ थहरङ्क भिसम डाइ एनीगददा डयोइला,

“तिग परमेश्वरसे हराङ्कला म्हेगददा खताबा हिन्ना?” पक्कान आहिन! तिगदा

भिसम खरीष्टदा विश्वास लबा डाएनीन अबराहामला वंशरी न्हा बेन्यामीनला

सन्तान इसराएली हिन्ना। १२ परमेश्वरसे डाच्छेहेन्सेन डासबा हराङ्कला म्हेगददा

खताबा आर। एलिया अगमवक्ताला बाररी परमेश्वरला बचनरी पाडबा ताम मी

एनीगददा थानोन मुला। एलिया अगमवक्तासे इसराएलीगदला बिरोधरी परमेश्वरदेन छयाम

चुहरङ्क लसी बिन्ती लबा मुबा, ३ “परमु, थनीगदसे हराङ्कला अगमवक्तागददा साइबा

मुला ओच्छे हराङ्कदा बलि फुल्बा ग्तागद फुप्सी पिन्बा मुला, सोबा चा डा जे हिन्ना,

डादाएनीन साइबारी थनीगदसे म्हाइबान मुला।” ४ तर परमेश्वरसे थदा “डाइ डाला

लागिरी हजार निस म्हेगददा जोगब लसी थान्वा मुला, थनीगदसे बाल भिबा लदा फया

लबा आर” मिसी सुड्जी। ५ थहरङ्क लसीन परमेश्वरला दयामायग्याम धम्बागदे न्हङ्कला

कोइ कोइ म्हेगदे दान्देनीन मुला। ६ चु चा दयामायग्याम तबा हिन्ना, ठिम अन्छार

लबा गेग्याम आहिन। चुदे ठिम अन्छार लबा गेग्याम तबा हिन्सम दयामाया आचिसेला

मुबा।

७ थतबासेलमा चुहरङ्क तजी, इसराएलीगदसे जुन स्हे म्हाइमुबा थ स्हे थनीगदसे आयाङ्की।

तर परमेश्वरसे धम्बागदसे जे थ स्हे याङ्की। तर आयाङ्कबागदला चा सेम कोङ्की।

८ परमेश्वरला बचनरीनीन चुहरङ्क मिसी भिरबा मुला,

“परमेश्वरसे थनीगददा तिगे ताम घोबारी आसम्बा आत्मा पिन्बा मुला,

ओच्छे मराङ्कनीन आमराङ्कबा मीदेन थःनीन आथःबा नाब्यङ्क पिन्बा मुला,

दान्देधोनाएनीन थनीगदे थहरङ्कबान मुला।” d

९ ओच्छे दाऊदसेनीन चुहरङ्क मिसी पाडबा मुला, “थनीगदला भोजएनीन थनीगदला लागिरी झूबा

वादेन फुप हरङ्कबान तगे। ओच्छे थनीगदला चबा स्हे थान्वा टेबुलरी

ठोक्सी थनीगदे हिरल्वी, थनीगदसे फातोःबा पापला सय फातोःगे।

१० थनीगदला मी काना तगे, ओच्छे थनीगदला छिकमा साइमे सोजो थतगे।” e

११ थतबासेलमा एनीगदसे डाला ताम ड्यान्वा, “तिग नाश तबारीन इसराएलीगदे

ठोक्सी हिरल्वी हिन्ना?” आहिन। तर थनीगदसे पाप लबासे लमान थनीगदसे

याङ्तोःबा थार्बा अर्गु य्हुलला म्हेगदसे याङ्की। तिगदा भिसम चु मराङ्की

इसराएलीगदसे थार्बा याङ्कबारी सेम तगे मिसीन चुहरङ्क तबा हिन्ना। १२ इसराएलीगदसे पाप

लबासे लमा अर्गु य्हुलला म्हेदेन जम्बुलिङ्कला जम्मान म्हेगदसे मोलम याङ्की। थनीगदे

परमेश्वरसे कुल्बा अन्छार भरआसम्बासे लमा अर्गु य्हुलला म्हेगदसे थार्बा याङ्की भिसम

झन इसराएलीगदसेनीन परमेश्वरसे कुल्बा ताम ड्यान्वा हिन्सम गाते त्दानान मोलम

याङ्सेला मुबा।

अर्गु जम्मान य्हुलसे थार्बा याङ्कबा

१३ दाहेन्से डाइ एनी अर्गु य्हुलला म्हेगददा चु ताम पाङ्कला, डा अर्गु य्हुलला म्हेगदला

लागिरी मुल चेला दोबासे लमा डाइ चु गे लम्याङ्की। थतबासेलमा डाला सेम त्दानान

११:१ “बेन्यामीन” भिबा म्हे चा इसराएलला च्युक न्ही कोलागदे न्हङ्कला गिक हिन्ना।

११०:१९ व्यव ३२:२१ ११०:२० यशै ६५:१ ११०:२१ यशै ६५:२ १११:१ फिलि ३:५

१११:३ १ राजा १९:१०-१४ १११:४ १ राजा १९:१८ १११:५ व्यव २९:४; यशै २९:१०

१११:१० भजन ६९:२२-२३

ताडबा मुला। १४ डाला हराडलान ऋलला म्हागदसे एनीगददा डाह लसी थनीगद न्हडला कोइ कोइ चा परमेश्वरपट्टि दोःसी थार्बा याडला वा भिबा आशसे डाइ चुहरड लबा हिन्ना। १५ तिगदा भिसम थनीगददा परमेश्वरसे खतामा जम्बुलिडला जम्मान म्हागद परमेश्वरला म्हा दोजी भिसी दोःसी थनीगददा परमेश्वरसे हराडला म्हा स्हाबा चा जम्बुलिडला जम्मान म्हागद सिबागयाम सोबा तंबान आहिन? १६ चुदे गड खराडबारी ज्याप्या बरागयाम जजाकी परमेश्वरदा फुलजी भिसम थ गड खराडबारी ज्याप्या जम्मान बरा चोसो तला। थहरड लसीन दोडला टा ज्याबा मुसम थ दोडला हांगा एनोन ज्याबा तला।

१७ थहरड लसीन दोडला हांगा क्युइसी निबा हरड लसी गाते इसराएलीगदसेनोन परमेश्वरदा खतासी निबा मुला। तर एनी अर्गु ऋलला म्हागद चा हिररी खबा जैतूनना हांगा दिमरी मुबा जैतूनना दोडरी थुइबा हरड लसी थुइबा मुला। दाहन्से एनीगद टा गिकग्यामसन शक्ति याडसी सोला। १८ थेतबासलमा एसे थ क्युइसी निबा हांगा हरडबा इसराएलीगददेन छयाम घमण्ड थालउ। चुदे घमण्डन लबा हिन्सम चु ताम ढन्गो, तिगदा भिसम ए चा हांगा जे हिन्ना, एसे टादा ताबा आहिन। तर टासे चा एदा ताबा हिन्ना। १९ तर एसे चुहरड भिसी पाडला, “डादा थुइबाला लागिरीन थ हांगागद क्युइबा मुबा।” २० एसे पाडबा ताम एनोन ठीकनोन हिन्ना, यशुदा विश्वास आलबासे लमा थनीगद क्युइबा हांगा हरडबान मुबा। तर एनीगद चा विश्वास लबासे लमा सोबा हिन्ना। थेतबासलमा एनीगदसे घमण्ड थालउ, तर परमेश्वर मराडसी लोडगो। २१ तिगदा भिसम परमेश्वरसे डाच्छाहन्सेन मुबा हांगागददा मी भ्याडजी भिसम एनीगद थुइबा हांगागददा एनोन भ्याडला।

२२ थेतबासलमा परमेश्वरसे गाते ल्हानान दया लमुला भिबादेन गाते खरो व्यवहार लमुला भिबा ताम एनीगदसे था याडसी जिन्वा मुला। थदा विश्वास आलबागददा थेसे खरो व्यवहार लजी। तर थदा विश्वास लबा एनीगददा परमेश्वरसे दया लजी। तर एनीगदसे थला दयादा म्तेःजी भिसम एनीगददा एनोन थासी भ्याडला। २३ चुदे थनीगदसे हराडला सेम दोःसी विश्वास लजी भिसम हांगादा हरड लसी थुइला। तिगदा भिसम

परमेश्वरसे थनीगददा दोःसी गिक स्हाबारी खम्ला। २४ अर्गु ऋलला म्हा एनीगद चा हिररी खबा जैतूनना दोडग्याम थासी भबा हांगा हरडबान हिन्ना। हिररी खबा जैतूनदेन दिमरी मुबा जैतून आदिकसेनोन एनीगददा दिमरी मुबा जैतून दोडला हांगारी थुइबा मुला। इसराएलीगद चा दिमरी मुबा जैतूनना हांगा हरडबान हिन्ना। थेतबासलमा थनीगददा दोःसी भसी थुइबारी परमेश्वरदा झन सजितलो तला।

जम्मानथारी परमेश्वरला दयामाया मुला

२५ ज्याज्या आले नाना आडागद, परमेश्वरला सेमला ताम एनीगदसेनोन था याडगे भिबा डाला सेम मुला। थ ताम था याडजी भिसम एनीगदसे हराडसे हराडदान घरेन म्हा आस्हो। थ ताम चा चुनोन हिन्ना, परमेश्वरला लागिरी खरीष्टदा विश्वास लबा अर्गु ऋलला म्हागद आछुयातेधोना जे इसराएलीगदला सेम कोडला। २६ जमाहन्से जम्मान इसराएली ऋलदा एनोन थार्बा लला। परमेश्वरला बचनरीनोन चुहरड भिसी भिखा मुला,

“थार्बा पिन्वा म्हा सियोनग्याम फेखला, ओच्छे याकूबग्याम पाप गेगद भ्याडला।” १

२७ “ओच्छे परमुसे थनीगदला पापला दोष मेटब लसी डाइ थनीगददेन छयाम लबा डाला कबुल पूरा लला भिसी सुडबा मुला।” ४

२८ एनी अर्गु ऋलला म्हागदला गुडरी थार्बा पिन्वा समाचार धोबाला लागिरी इसराएलीगद परमेश्वरला शतरु दोबा हिन्ना। तर थनीगदला आसे म्हेमसे लमा अझ थनीगद परमेश्वरसे धम्बा म्हा हिन्ना। ओच्छे थनीगददा परमेश्वरसे माया लमुला। २९ तिगदा भिसम परमेश्वरसे हराडसे मोलम दोःसी आकिन, ओच्छे हराडसे धम्बागददा एनोन साइमे आखला। ३० डाच्छा एनीगदसेनोन परमेश्वरसे कुल्बा ताम आडयान्मुबा। तर इसराएलीगदसे परमेश्वरसे कुल्बा ताम आडयान्बासे लमा दान्दे एनीगदसे परमेश्वरला दया याडबा हिन्ना। ३१ थहरड लसी दान्दे इसराएलीगद अटरी तसी चिबासे लमा परमेश्वरसे एनीगद अर्गु ऋलला म्हागददा दया लबा हिन्ना। एनीगददा दया लबा मराडसी तिरकुनु थनीगदसेनोन दया याडला। ३२ जम्मान म्हा

अटेरी तबासे लमा परमेश्वरसे थेनीगदेदा थेनीगदेदान पापरी खीसी थान्वा मुला। चुहरङ्क लबा चा तिरकुनु जम्मान म्हिगदेस परमेश्वरला दया याङ्गै भिसी हिन्ना।

जयजयकारला व्हाइ

३३ ओहो, परमेश्वरला दया गाते ल्हाना!
थेला ज्ञान बुद्धि गाते धरन!
ओच्छे थस पक्का लसी जिन्वा ताम खात्से थोसम्ता ?
थेला ग्याम खात्सेन मराङ्कबारी आसम !^h
३४ “तिग्दा भिसम परमुला सेमला ताम खात्से था याङ्कबा मुला ?
ओच्छे थंदा सल्लाह पिन्वा म्हि खात मुला ?”ⁱ
३५ “परमेश्वरसे छे फाबारी खात्से परमेश्वरदा छे पिन्वा मुला ?”^j
३६ तिग्दा भिसम जम्मान स्हे परमेश्वरग्याम खबा हिन्ना।
जम्मान स्हे थसेन स्होबा हिन्ना।
ओच्छे जम्मान स्हे थलान लागिरी स्होबा हिन्ना।
थेतबासेलमा सदन परमेश्वरला मानदेन जयजयकार तगै। आमन।^k

परमेश्वरदा सेम निबा बलि

१थेतबासेलमा ज्योज्यो आले नाना
१२ आडागद, एनीगदेदा परमेश्वरसे ल्हानान दया लबासे लमा परमेश्वरसे कुल्वा अन्धार भरबारी एनीगदेस हराङ्क हराङ्कला ल्हुइ परमेश्वरदा सेम निबा छान्बोदेन चोखो बलि दोसी परमेश्वरदा जिम्मा पिन्गो भिबा डाला बिन्ती मुला। एनीगदेसे परमेश्वरदा सेमहेन्सेन तेन्बाएनोन चुनोन हिन्ना। १जम्बुलिङ्कला म्हिगदेला हरङ्कबा बानोबिहार थोसी थाभरउ, बरु एनीगदेसे हराङ्कला सेम परमेश्वरपट्टि दोःसी छार म्हि दोगो। थेहरङ्क लजी भिसम जे एनीगदेसे परमेश्वरला सेमला ताम धोबारी खम्ता। ओच्छे खजिबा ताम ज्यवादेन परमेश्वरदा सेम निबा ओच्छे सत्य हिन्ना भिसी था याङ्कखम्ता।

३डाथोरी परमेश्वरला दयामाया मुबासे लमा एनीगदे जम्मादान डाला चु बिन्ती मुला, एनीगदेसे हराङ्कसे हराङ्कदान धरन थाम्हन्गो।

**१२:३ चु पदरी “विश्वास” भिबा चा परमेश्वरसे म्हिगदेदा पिन्वा शक्तिदेन मोलमगदे हिन्ना।

तर परमेश्वरसे पिन्वा विश्वास **अन्धार हराङ्क खाहरङ्कबा मुला थे भन्दा धरन दोबारी थाम्हाइगो। ४ चु चा व्हाङ्कला ल्हुइ हरङ्कबान हिन्ना। तिग्दा भिसम व्हाङ्कला ल्हुइ गिक मुसेनोन थरी या, काङ्क, ना, सुङ्क ल्हानान थरीला स्हगदे मुला। तर चु जम्मान स्हगदेस ग गिकनोन आत। ५ थेहरङ्क लसीन व्हाङ्क ल्हानान मुसेनोन खरीष्टदेन छ्याम गिक तबासे लमा व्हाङ्क ल्हुइ गिक हरङ्कबान हिन्ना, ओच्छे व्हाङ्क जम्मान हराङ्क हराङ्क न्हङ्करी या, काङ्क, ना, सुङ्क हरङ्कबान हिन्ना। ६थेतबासेलमा परमेश्वरसे दयामाया लसी व्हाङ्कदा पिन्वा थरी थरीला मोलमगदे अन्धार व्हाङ्कसे गे लइ। अगमवाणी पाङ्कबा मोलम याङ्कबा म्हिसे हराङ्कला विश्वास अन्धार पाङ्कगै, ७स्हान्बोदा हरो लबा मोलम याङ्कबा म्हिसे सेमहेन्सेन हरो लगै, स्हान्बोदा लोप्वा मोलम याङ्कबा म्हिसे ज्यना लसी लोप्पो, ८स्हान्बोदा आँट पिन्वा मोलम याङ्कबा म्हिसे आँट पिन्गो, स्हान्बोदा दान पिन्वा मोलम याङ्कबा म्हिसे सेमहेन्सेन ताङ्कसी पिन्गो, शासन लबा मोलम याङ्कबा म्हिसे ज्यना लसी शासन लगै ओच्छे दया लबा मोलम याङ्कबा म्हिसे सेमहेन्सेन ताङ्कसी दया लगै।^m

स्हान्बोदा माया लउ

१ एनीगदेसे सुङ्कसे जे आहिन सेमहेन्सेन माया लउ। ओच्छे जुन ताम आज्यबा मुला थे तामला संगतनोन थालउ। तर जुन ताम ज्यबा मुला सदन थे अन्धार भरउ। १०ज्योज्यो आले नाना आडा न्हङ्करी माया लबा हरङ्क लसी जम्मादान माया लउ। ओच्छे एनीगदेदा लबा मान भन्दा स्हान्बोदा झन ल्हाना मान लउ। ११ एनीगदे आबतेना सदन झन्सी गे लउ, ओच्छे सेमहेन्सेन परमेश्वरदा तेन्गो। १२ एनीगदेसे जुकजुकधोनाला जुनी याङ्कला भिसी लबा आशरी ताङ्गो, ओच्छे जस्तोन दुख तसेनोन नासी सदन परार्थना लसी चिउ। १३ परमेश्वरला म्हिगदेदा खोचो तबा धुङ्करी हरो लउ, ओच्छे हराङ्कला दिमरी खबा डान्बोदा ज्यना लसी क्याङ्गो।

१४ एनीगदेदा दुख पिन्वा म्हिगदेदा मोलम पिन्गो। थेनीगदेदा केःबा आहिन, बरु मोलम

पिन्गो। १५ ताडबा म्हिगदेदेन छयाम एनीगदेएनोन ताडगो, ओच्छे दुख तसी कराबा म्हिगदेदेन छयाम एनीगदेएनोन करागो। १६ जम्मान म्हिगदेदेन छयाम ढिक्सी चिउ। एनीगदेस खाइमे घमण्ड थालउ, तर सोजो म्हिगदेदेन छयाम भरउ। ओच्छे हराडसे हराडदान घरेन म्हि स्हासी थाभरउ।^{१०}

१७ खालेस आज्यबा लजी भिदमा एस थेदा आज्यबा थालउ। बरु जम्मान म्हिगदेस ज्यबा भिसी म्हेन्बा तामरी जे भरउ। १८ खम्तेधोना एनीगदे जम्मान म्हिगदेदेन छयाम ढिक्सी चिउ। १९ डाला सेम निबा हरागदे, एनीगदे हराडसे खाइमे खालेदेन छयाम बदला थाकिन्गो, तर परमेश्वरदान जिम्मा पिन्गो। तिग्दा भिसम बचनरीनोन चुहरङ्क भिसी भिरबा मुला,

“बदला किन्बा गे डाला हिन्ना,
डाइनोन थेनीगदेदा बदला किन्ना”

भिसी परमपरभुस सुड्बा मुला।^{११}

२० बरु,

“एला शतरु खरेन्बा फुड्बा मुसम
थेदा चबा थुड्बा पिन्गो

थेहरङ्क लजी भिसम एला शतरु हराडनोन
पे:ला।”^{१२}

२१ एनीगदे आज्यबा गे लबागदेदेन छयाम थाबरगो, बरु ज्यबा गे लसी थेनीगदेदा ढागो।

शासन लबागदेला तहरी चिउ

१३ १ शासन लबा म्हिगदेसे कुल्बा ताम जम्मासेन डयान्तो:मुला। तिग्दा भिसम परमेश्वरसे शासन लबा हक आपिन्नी भिसम खालेसेन शासन लबारी आखम। शासन लबा जम्मान म्हिगदेदा परमेश्वरसेन धम्बा हिन्ना। २ थेतबासेलमा शासन लबा म्हिगदेदा बिरोध लबा म्हिगदेसे परमेश्वरसे कुल्बा तामदा बिरोध लबा हिन्ना। जुन जुन म्हिसे बिरोध लला, थेसे सजाय याड्जला। ३ तिग्दा भिसम शासन लबा म्हिगदे मराडसी ज्यबा गे लबा म्हिगदे आहिन, तर आज्यबा गे लबा म्हिगदे जे लोड्मुला। तिग एनीगदे शासन लबा म्हिगदेदेन छयाम आलोडना चिबा सेम मुला? थेहरङ्क

११२:२० गरीक ग्योइरी चा “एस थेला थाबारी मे मुप्पो उम्ला” भिसी भिरबा मुला।

११२:१४ मत्ती ५:४४ ; लूका ६:२८ ११२:१६ हितो ३:७ ११२:१९ व्यव ३२:३५

११२:२० हितो २५:२१-२२ १३:७ मत्ती २२:२१; मर्कू १२:१७; लूका २०:२५

१३:९ परस्था २०:१३-१५, १७; व्यव ५:१७-१९; लेवी १९:१८

भिसम एनीगदेसे ज्यबा गे लउ। जमाहेन्से एनीगदेसे थेनीगदेग्याम स्याबास याड्जला। ४ तिग्दा भिसम शासन लबागदे परमेश्वरला गे लबा म्हिगदे हिन्ना। परमेश्वरसे एनीगदेदा ज्यबा लबारीन थेनीगदेदा धम्बा हिन्ना। एस आज्यबा गे लजी भिसम जे थेनीगदेदेन छयाम लोड्गो। तिग्दा भिसम थेनीगदेदेन छयाम सजाय पिन्बा अधिकार मुला। शासन लबा म्हिगदे चा आज्यबा गे लबा म्हिगदेदा सजाय पिन्बा परमेश्वरला गे लबा म्हिगदे हिन्ना। ५ थेतबासेलमा परमेश्वरग्याम सजाय आयाड्बारी जे आहिन, तर एनीगदेला सेमला तामला लागिरी एनीगदे शासन लबागदेला तहरी चितो:ला।

६ थेतबासेलमान एनीगदेसे तिरो फामुला। तिग्दा भिसम शासन लबा म्हिगदे चा सदन आज्यबा गेगदे लआपुड्बा परमेश्वरला गे लबा म्हिगदे हिन्ना। ७ एनीगदेसे तिग तिग लदोमुला थे पूरा लउ, तिरो फातो:बा ग्लारी तिरो फागो ओच्छे मान लतो:बा म्हिदा मान लउ।^{१३}

गिकसेम गिकदा माया लउ

८ एनीगदेसे स्हान्दोला लागिरी लतो:बा तिगे ग बाँकी थाथान्गो, तर गिकसेम गिकदा माया लबारी चा खाइमे थाख्लागो। तिग्दा भिसम हराडला सिम्जेमदा माया लबा म्हिसे चा ठिमरी मुबा जम्मान ताम पूरा लबा हिन्ना। ९ “ए स्हान्दोदेन छयाम बरल्सी थाभरउ, एस म्हि थासाइगो, एस य्हो थालउ, एस लोभ थालउ,” भिसी कुल्बा तामगदेदेन अर्गु कुल्बा जति तामगदे मुला थे जम्मान तामगदे चा “एस हराडला सिम्जेमगदेदा हराडदा हरडनोन माया लउ” भिसी कुल्बा ताम न्हडरी स्याप्ला। १० माया लबा म्हिसे हराडला सिम्जेमदा न्होडना आत। थेतबासेलमा माया लबा चा ठिम पूरा लबा हिन्ना।

११ चु जे आहिन, चु धुइ चा य्हाड म्हेर्बाग्याम रे:तो:बा धुइ हिन्ना भिबा ताम एनीगदेदा थानोन मुला। तिग्दा भिसम डाच्छा य्हाडसे विश्वास लबा धुइरी भन्दा इन दान्दे थाबा याड्बा

धुइ तसी जिन्वा मुला। १२म्हुन निसी य्हाल तबारीन छ्याइबा मुला। थेतबासलमा य्हाडसे धोपधोपरी लबा जम्मान आज्यबा गेगदे ख्लाग, ओच्छे य्हालला सेना दोसी चिइ। १३ओच्छे य्हालरी भरबा म्हि दोसी सोजा तसी गे लइ। म्हुनड हरड लसी मोजमजा लबा, ड्य्होइसी भरबा, बरल्सी भरबा, छाडा तसी भरबा, छेबा बड्बा लबा, ओच्छे डाह लबा गेगदे य्हाडसे ख्लाग। १४ तर परभु येशू खरीष्ट हरडबान दोसी भरउ, ओच्छे पापी बानीबहार अन्धार ल्हुइला लागिरी जे लइ म्हुन्बा थेत लसी थामरउ।

स्थान्दोदा दोष थालउ

१४ विश्वासरी कमजोर मुबागदेदा हराडलान ज्योज्यो आले नाना आडा म्हुन्गो। तर थेनीगदेसे म्हुन्बा तामगदेला बिरोध लबाला लागिरी आहिन। १ कोइ कोइसे चा जम्मान स्हे चबारी तमुला भिसी विश्वास लमुला, तर विश्वासरी कमजोर मुबा म्हिगदेसे चा दापट्टुप जे चमुला। २ एनी जम्मान स्हे चबागदेसे दापट्टुप जे चबागदेदा जजा थाम्हुन्गो। थहरड लसीन एनी आचबागदेसेनोन चबागदेदा दोष थालउ। तिग्दा भिसम चबा म्हिगदेदा एनोन परमेश्वरसे हराडला कोलागदे म्हुन्बा मुला। ४ स्थान्दोला नोकरदा दोष लबा ए खाल हिन्ना? थेला हराडलान मालिकसे गा नोकरसे ज्यबा गे लबा हिन्ना कि आज्यबा गे लबा हिन्ना भिसी निसाफ लला। परभुसेन हराडला म्हिगदेदा जम्मान गेरी ज्यबा तना लला। तिग्दा भिसम थेदा हरो लबा शक्ति परभुदेन छ्याम मुला।

५ कोइ कोइ म्हिसे अर्गु धिन भन्दा चु धिन ज्यबादेन मुल हिन्ना भिसी म्हुन्मुला। तर कोइ कोइसे चा जम्मान धिन ओस्पन हिन्ना। जम्मान म्हिगदेसे हराड हराडला समरी विश्वास लबा अन्धार दुवक ततो:ला। ६ खजिबे धिनदा ज्यबादेन मुल धिन हिन्ना भिसी म्हुन्बा म्हिसे परमेश्वरदा मान लबाला लागिरी म्हुन्बा हिन्ना। स्या चबा म्हिगदेसे चबा धुइरी परमेश्वरदा मान लमुला। तिग्दा भिसम थेनीगदेसे परमेश्वरदा धन्यवाद पिन्मुला। ओच्छे स्या आचबा म्हिगदेसेनोन

आचबा धुइरी परमेश्वरदा मान लमुला। तिग्दा भिसम थेनीगदेसे परमेश्वरदा धन्यवाद पिन्मुला। ७ तिग्दा भिसम य्हाड खालेनोन हराडलान लागिरी सोएनोन आसी ओच्छे सिएनोन आसि। ८ य्हाड सासे परभुला लागिरीन सोला ओच्छे सिसेनोन परभुला लागिरीन सिला। थेतबासलमा य्हाड सिसे सासे परभुलान हिन्ना। ९ थेतबासलमा खरीष्ट सिजी ओच्छे सिबाग्याम सोसी सिबादेन सोबागदे जम्मानान परभु दोजी

१० थहरड भिसम, तिग्दा एनीगदेसे हराडला ज्योज्यो आले नाना आडागदेदा दोष लबा? ओच्छे तिग्दा थेनीगदेदा जजा म्हुन्बा? तिग्दा भिसम परमेश्वरसे निसाफ लबा धुइरी य्हाड जम्मान थेला डाच्छापट्टि राप्तो:ला। ११ तिग्दा भिसम बचनरीनोन चुहरड भिसी भिरबा मुला,

“च्यागो, डाइ धरान फासी पाडला, जम्मासेन डादा फ्या लला, ओच्छे जम्मासेन डादा परमेश्वर भिसी जयजयकार लला’ भिसी परभुसे सुडबा मुला।” १२

१२ थेतबासलमा य्हाड जम्मासेन परमेश्वरदा हराड हराडला हिसाब उन्तो:ला।

स्थान्दोदा फसब थालउ

१३ थेतबासलमा य्हाडसे गिकसेम गिकदा दोष आलइ। बरु दाहेन्से हराडला ज्योज्यो आले नाना आडागदेदा न्हाडना लबा गे साइमे आलबारी पक्का लइ। १४ परभु येशूदा विश्वास लबासे लमा चु ताम डादा था मुला, खजिबे चबा स्हे हराडनोन चीबु आत। तर खाले म्हिसे खजिबे चबा स्हे चीबु हिन्ना भिसी म्हुन्जी भिसम थेला लागिरी थ चबा स्हे चीबुन तला। १५ एसे चबा स्हेसे लमा एला आलेला विश्वासदा ज्यबा आतनी भिसम एसे हराडला आलेला माया लबा ओरे। खरीष्टसे हराडला ज्याननोन पिन्सी सोना लबा एला आले एसे चबा स्हेसे लमा नाश थातगे। १६ थेतबासलमा एदा ज्यबा छोर्बा तामदा आज्यबा भिसी स्थान्दोसे बिरोध थालगे। १७ तिग्दा भिसम परमेश्वरला य्हुल्सा चा चबा थुड्बा ताम आहिन। तर चु चा परमेश्वरदा सेम

११४ :२ चु पदरी पावलसे यहूदी धर्मला ठिम अन्धार ज्यबा धिन भिसी पाड्बा मुला।

१४ :३ कल २ :१६ १४ :३० २ कोर ५ :३० १४ :११ यशै ४५ :२३

निबा म्हि दोबाला बोररी, शान्ति पिन्बाला बोररी ओच्छे ताडबा तामला बोररी हिन्ना। चु जम्मान परमेश्वरला आत्माग्याम सबा हिन्ना। १८ चुहरङ् लसी खरीष्टदा तेन्बा म्हिसे परमेश्वरदा ताडना लला, ओच्छे म्हिगदसेनोन थदा ज्यबा म्हि भिसी पाडला।

१९ थतबासेलमा य्हाडसे सदन हराड हराड न्हडरी शान्ति पिन्बा तामदेन गिकदा विश्वासरी कोडना लबा गे जे लइ। २० एसे चबा स्हेला लागिरीन परमेश्वरला गदा न्होडना थालउ। पाडनोन तोःमा जम्मान चबा स्हे चोखो मुला, तर हराडसे चबा स्हेग्याम स्थान्दोदा न्होडना लबा चा ज्यबा आहिन। २१ स्या चमा, इय्हाइबा स्हे थुडमा एला ज्योज्यो आले नाना आडाला विश्वास न्होडला भिसम एसे आचबादेन आथुडबान ज्यबा तला।

२२ एसे जुन विश्वास लबा मुला थे विश्वासदा एदेन परमेश्वर न्हडरी थान्ना। जुन म्हिसे चु ताम ठोक हिन्ना भिसी हराडला सेमरी तिगे आज्यबा आम्हन्ना पक्का लला थे म्हि ताडला। २३ तर खाले म्हिसे तिगे स्हे शडका लसी चजी भिसम थे म्हि परमेश्वरला डाच्छा दोषी तला। तिगदा भिसम विश्वास अन्धार आलबा जुन ताम तसेनोन पाप हिन्ना।

स्थान्दोदा हरो लउ

१५ य्हाड विश्वासरी कोडबा मुबागदसे विश्वासरी कमजोर मुबागददा हरो लतोःला। ओच्छे य्हाडसे हराडदा ज्यबा तबा गे जे आहिन, तर स्थान्दोदाएनोन वास्ता लतोःला। २ य्हाड जम्मासेन खरीष्टदा विश्वास लबागददा ज्यबा तगे, ओच्छे थनीगदे विश्वासरी कोडबा तगे भिसी य्हाडसे थनीगददा वास्ता लतोःला। ३ तिगदा भिसम खरीष्टसेनोन हराडदा ज्यबा तबा गे जे आलनी। परमेश्वरला बचनरीनोन “हराडदा हेला लबागदसे डादाएनोन हेला लबा मुला” भिसी भिरबा मुला। ४ तिगदा भिसम बचनरी भिरबा जम्मान तामगदे य्हाडदा लोप्याला लागिरी भिरबा मुबा, चु बचनग्यामसेन य्हाडसे लबा आश याडबाला लागिरी जस्तोन दुख तसेनोन नाबारी आँट याडला।

१५:३२ “यिश्चे” चा दाऊद गलेला आबा हिन्ना।

१५:३३ मज्जन ६९:९

१५:३३ २ शम् २२:२०; मज्जन १८:४९

१५:३३ व्यव ३२:४३

१५:३३ मज्जन ११७:३

१५:३३ यशै ११:३०

२ दुख नाखम्बा शक्तिदेन आँट पिन्बा परमेश्वरसेन एनीगदेदा खरीष्ट येशू हरडबान दोसी भरबारीदेन हराड हराड न्हडरी दिक्सी चिखम्बा सम पिन्ने। ६ ओच्छे एनीगदे जम्मान दिक्सी सुड गिक तसी य्हाडला परभु येशू खरीष्टला आबा परमेश्वरला जयजयकार लबारी खम्मे।

अर्गु य्हुलला म्हिगदला लागिरी थारबा पिन्बा समाचार

७ थतबासेलमा खरीष्टसे एनीगदेदा माया लबा हरङ् लसी परमेश्वरदा मान लबारी एनीगदसे हराड हराड न्हडरी गिकसेम गिकदा मान लउ। ८ एनीगदसे डाला ताम इयान्ना, येशू खरीष्टसे लबा गेसे परमेश्वर विश्वास लखम्बा परमेश्वर हिन्ना भिसी यहूदीगदेदा उन्बारी हिन्ना। ओच्छे येशू खरीष्टसे य्हाडला आसे म्हेमदेन छयाम लबा कबुल पूरा लजी। ९ थेहरङ् लसीन अर्गु य्हुलला म्हिगदसे परमेश्वरसे लबा दयाला लागिरी परमेश्वरला जयजयकार लगे भिसीएनोन येशू खरीष्टसे चु गे लबा हिन्ना। बचनरीनोन चुहरङ् भिसी भिरबा मुबा, “थतबासेलमा डाइ अर्गु य्हुलला म्हिगदला गुडरी हराडला जयजयकार लला, ओच्छे हराडलान जयजयकार तबा व्हाइ गोला।”

x

१० दोःसी चुहरङ् भिसीनोन भिरबा मुला, “अर्गु य्हुलला म्हिगद, परमेश्वरला म्हिगददेन छयाम ताडगो।” y

११ दोःसीनोन चुहरङ् भिसीनोन भिरबा मुला “अर्गु य्हुलला जम्मान म्हिगद,

परभुलान जयजयकार लउ,

ओच्छे जम्मान म्हिगदसे

परभुला जयजयकार लगे।” z

१२ दोःसी यशैया अगमवक्तासेनोन चुहरङ् भिसी पाडबा मुला,

“यिश्चेला वंशग्याम म्हि गिक फेखला, थेसे अर्गु य्हुलला म्हिगदथेरी शासन लला,

ओच्छे अर्गु य्हुलला म्हिगदसेनोन

थेथारी आश लला।” a

१३ आश तना लबा परमेश्वरदा विश्वास लबासे लमा थेसेन शान्ति पिन्सी एनीगदेदा पूरान

ताडना लगे। थंहरङ्क लसम एनीगदेसे लबा आश परमेश्वरला आत्माला शक्तिग्याम ल्हेबान निला।

अर्गु य्हूलला म्हिगदेला लागिरी पावलसे लबा गे

१४ ज्योज्यो आले नाना आडागदे, एनीगदे ल्हानान ज्यबा मुला, ओच्छे एनीगदेला जम्मान ज्ञान बुदधिस गिकदम गिकदा लोप्वारी स्रम्मुला भिबा ताम डादा था मुला। १५ तसेनोन परमेश्वरसे डादा दयामाया लबासे लमा एनीगदेदा ढन्ना लबाला लागिरी डाइ चु तामगदे भिरबारी आँट लबा मुला। १६ परमेश्वरसे दयामाया लसी डादा अर्गु य्हूलला म्हिगदेला गुडरी गे लबाला लागिरी खरीष्ट येशूला मुल चेला स्होर्जी। ओच्छे अर्गु य्हूलला म्हिगदे परमेश्वरला आत्मग्याम चोखो तसी परमेश्वरदा सेम निबा भेटी दोगे भिसी डाइ परमेश्वरला मन्दिररी पूजा लबा म्हि हरङ्कबा दोसी थार्बा पिन्बा समाचार थःना लजी।

१७ थतबासेलमा खरीष्ट येशूसे डाग्याम परमेश्वरला लागिरी डाइ लतोःबा गे लम्याडमा डा ल्हानान ताडबा मुला। १८ खरीष्टदा विश्वास लबा अर्गु य्हूलला म्हिगदेदा परमेश्वरसे कुल्बा अन्धार भरबा म्हि स्होबारी खरीष्टसे डाग्याम लबा तामदेन गेला बाररी जे डाइ पाडबारी भड लला। १९ डाइ परमेश्वरला आत्माला शक्तिग्याम उदेकला चिनुगदेदेन उदेकला गेगदे लजी। थंहरङ्क लसीन डाइ यरूशलेमहेन्से इल्लुरिकन भिबा य्हूल्साधोनान खरीष्टला थार्बा पिन्बा समाचार पूरान थःना लजी। २० स्थान्दोसे थान्बा जगथारी दिम स्होबा म्हिसे हरङ्क लसी स्थान्दोसे थःना लबा ग्लारी थःना लबा डाला सेम आर। थतबासेलमा खरीष्टला मिन आथःबादेन खालेसेन थःना आलबा ग्लारी जे थार्बा पिन्बा समाचार थःना लबा डादा सेम मुला। २१ बचनरीनोन चुहरङ्क लसीन भिरबा मुला, “थला बाररी जुन म्हिदा साइमे पाड्बा आर, थनीगदेसे थदा मराडला।

ओच्छे थला बाररी जुन म्हिसे साइमे थःबा आर थनीगदेसे परमेश्वरदा डोसला।”^b

पावल रोमरी निइ म्हन्बा

२२ थतबासेलमान डाइ चु ग्लागदेरी खरीष्टला समाचार थःना लसी भरबासे लमा डा ल्हानान रम एनीगदे मुबा ग्लारी खबारी म्हाइसेनोन खबारी आखम्नी। २३ तर दाहेन्से चु ग्लारीक्यार डाइ थार्बा पिन्बा समाचार थःना लसी जिन्बा मुला। ल्हानान दिडहेन्से एनीगदेदेन छयाम हरूप तबा सेम मुबासे लमा, २४ डा स्पेन भिबा य्हूल्सारी निबा धुइरी एनीगदेदेन छयाम चिसी तिगे धिनधोना संगती लबा सेम मुला। ओच्छे एनीगदेदेन छयाम तिगे धिनधोना चिमाहेन्से डा थग्याम स्पेनरी निबा धुइरी एनीगदेसे डादा हरो लला भिसी डाइ म्हन्बा मुला। २५ तर दान्दे चा डा परमेश्वरला म्हिगदेदा हरो लबारी यरूशलेम शहररी निबान मुला। २६ तिगदा भिसम माकेडोनियादेन असेया भिबा ग्लारी मुबा परमेश्वरला म्हिगदेसे ताडसी यरूशलेम शहररी मुबा परमेश्वरला म्हिगदे न्हडला पराडबागदेदा टाडगा पुइखबा मुला। २७ चु टाडगा पिन्बारी थनीगदेदा ल्हानान सेम मुबा। तर थनीगदेसे य्हूदीगदेदा पिन्बा टाडगा चा थनीगदेसे फातोःबा छे हरङ्कबान हिन्ना। तिगदा भिसम अर्गु य्हूलला म्हिगदेसे याड्बा स्वर्गला मोलम य्हूदीगदेग्यामसे याड्बा हिन्ना। २८ थतबासेलमा चु टाडगा हरूपसी थनीगदेदा भासी पिन्माहेन्से एनीगदे मुबा ग्लारी खसी डा स्पेनरी निला। २९ ओच्छे डा एनीगदे मुबा ग्लारी खमा येशू खरीष्टसे पिन्बा मोलमगदेएनोन भसी खला।

३० ज्योज्यो आले नाना आडागदे, य्हाडला परभु येशू खरीष्टदेन परमेश्वरला आत्मासे पिन्बा मायाग्याम डाला लागिरी डादेन छयामनोन परमेश्वरदेन छयाम परार्थना लसी पिन्गो भिबा डाला बिन्ती मुला। ३१ खरीष्टदा विश्वास आलबा य्हूदिया अञ्चलरी मुबा म्हिगदेग्याम जोगब तबारी खमो भिसी डाला लागिरी परमेश्वरदेन छयाम परार्थना लसी पिन्गो। ओच्छे यरूशलेमरी मुबा परमेश्वरला म्हिगदेदाएनोन डाइ हरूपसी भबा टाडगा सेम निगे भिसीएनोन परार्थना लसी पिन्गो। ३२ थंहरङ्क लसीन परमेश्वरला सेम मुसम डा एनीगदे मुबा ग्लारी ताडसी ताडसी खला।

ओच्छे डा एनीगदेदेन छ्यामनोन चिसी ब्लन्वा न्हला। ३३शान्ति पिन्बा परमेश्वर एनीगदे जम्मानदेन छ्याम तगै। आमन।

फ्याफुल्ला

१दाहेन्से डाइ मण्डलीदा हरो लबा १६ य्हाडला आडा फिबी गाते ज्यबा मुला भिसी एनीगदेदा डासेना लला। थे किकिरया भिबा ग्गलाला मण्डलीरी हरो लबा म्हि हिन्ना। २थेसे ल्हानान म्हिगदेदा हरो लबा मुला ओच्छे डादाएनोन ल्हानान हरो लबा मुला। थेतबासलमा परमेश्वरला म्हिगदेदा मान लबा हरड लसी थदाएनोन मान लउ। ओच्छे एनीगदेसे थदा तिग तोःबा थे स्हेरी सस्तेधाना हरो लउ।

३डादेन छ्यामनोन खरीष्ट येशूला गे लबा पिरस्कादेन ४थेला हेरम्बो अकिलासदा फ्याफुल्ला। ४थेनीगदेसे डादा जोगब लबाला लागिरी हराडला ज्याननोन पिन्बारी तयार तजी। डाइ थेनीगदेदा खाइमे म्तेःबारी आस्म, डाइ जे आहिन, अर्गु य्हुलला जम्मान मण्डलीगदेसेएनोन थेनीगदेदा म्तेःबारी आस्म। ५थेनीगदेला दिमरी मुबा मण्डलीदाएनोन फ्याफुल्ला।

ओच्छे एशिया अञ्चलरी जम्मान भन्दा डाच्छा खरीष्टदा विश्वास लबा डाला सम निबा हरो इपनितसदा फ्याफुल्ला। ६एनीगदेला लागिरी ल्हानान गे लसी पिन्बा मरियमदाएनोन फ्याफुल्ला मुला भिसी पाडसी पिन्गो। ७डादेन छ्यामनोन ड्याल्खानरी मुबा डाला यहूदी हरोदेन एन्ड्रोनिक्स ओच्छे युनियस आडादा फ्याफुल्ला मुला भिसी पाडसी पिन्गो। चलागदे न्हडरी थेनीगदेएनोन जम्मासेन डासबा मुल चलागदे हिन्ना। डाइ भन्दा डाच्छा थेनीगदेसे खरीष्टदा विश्वास लबा मुबा।

८ओच्छे परभुरी डाला सम निबा हरो एम्प्लीआतसदाएनोन डाइ फ्याफुल्ला मुला भिसी पाडसी पिन्गो। ९य्हाडदेन छ्यामनोन खरीष्टला लागिरी गे लबा उर्बानसदेन डाला सम निबा हरो स्तासुसदाएनोन फ्याफुल्ला मुला भिसी पाडसी पिन्गो। १०अपेल्लसदाएनोन

फ्याफुल्ला। थेसे समहेन्से खरीष्टदा लबा विश्वासला ताम उन्वा मुला। थहरड लसीन अरिस्तोबुलसला दिमरी मुबागदे जम्मादान फ्याफुल्ला। ११डाला यहूदी आले हेरोदियनदेन परभुदा विश्वास लबा नर्किससला दिमरी मुबागदे जम्मादान फ्याफुल्ला।

१२परभुला ल्हानान गे लबा तरुफना आडादेन तरुफोसादा ओच्छे परभुला लागिरी ल्हानान गे लबा डाला सम निबा आडा परसीसदा फ्याफुल्ला। १३परभुसे धम्बा रूफसदेन थेला आमादा डाइ फ्याफुल्ला मुला भिसी पाडसी पिन्गो। थेला आमास डादाएनोन हराडलान झादा हरड लसी माया लमुला। १४ओच्छे असिंकिरतस, प्लेगन, हेर्मस, पतरोबासदेन हेर्मास ओच्छे थेनीगदेदेन छ्याम मुबा जम्मान ज्योज्यो आले नाना आडागदेदाएनोन फ्याफुल्ला। १५थहरड लसीन फिलोलोगस, युलिया आडा, नरियसदेन थेला आडा, आलिम्पास ओच्छे थेनीगदेदेन छ्याम मुबा परमेश्वरला म्हिगदे जम्मादान फ्याफुल्ला। १६एनीगदे हराड हराड न्हडरी गिकसेम गिकदा समहेन्सेन माया लसी फ्याफुल्ला। डन्से समहेन्सेन माया लसी फ्याफुल्ला मुला भिसी जम्मान मण्डलीगदेसे पाडबा मुला।

१७ज्योज्यो आले नाना आडागदे, एनीगदेदा लोन्वा तामदा बिरोध लबादेन हराडसे हराडदान विश्वासी भिसी एनीगदेला विश्वासदा न्हाडना लबारी म्हाइबा म्हिगदे मराडसी होशियार तसी चिउ। थहरडबा म्हिगदेला संगतनोन थालउ भिबा डाला बिन्ती मुला। १८तिगदा भिसम थहरडबा म्हिगदेसे य्हाडला परभु येशू खरीष्टला लागिरी आहिन, तर हराडला फो न्हबाला लागिरी जे गे लमुला। ओच्छे ज्यबा ज्यबा ताम लसी सोजा म्हिगदेदा धोका पिन्मुला। १९एनीगदे परमेश्वरसे कुल्बा अन्डार भरमुला भिबा ताम जम्मादान था मुला। चु मराडसी डाएनोन ल्हानान ताडबा मुला। थहरड लसीन ज्यबा ज्यबा तामला बाररी एनीगदेसे बुदधि याडगे तर आज्यबा तामला बाररी तिगै था आतगे भिसी डाइ म्हुन्वा मुला। २०शान्ति पिन्बा परमेश्वरसे शैतानदा यानान एनीगदेला काड धिरी थान्ना। य्हाडला परभु

§§१६:३ गरीक बाइबलरी चु पददेन १ कोरिन्थी १६:१९ पदरी जे पिरस्का भिसी भिरबा मुला। अर्गु जम्मान ग्गलारी पिरस्कला भिसी भिरबा मुला। पिरस्का भिबादेन पिरस्कला भिबा म्हि गिकनोन हिन्ना।

येशू खरीष्टला दयामाया एनीगदेदेन छ्याम तगे।

२१ डादेन छ्याम गे लबा तिमोथीसे एनीगदेदा फ्याफुल्ला भिसी पाङ्बा मुला। थहरङ् लसीन डाला यहूदी आले तुकियस, यासानदेन सोसिपातराससनोन एनीगदेदा फ्याफुल्बा मुला। २२ पावलला लागिरी चु चिठी भिरसी पिन्बा प्रभुरी हराङ्नीला आले डा ततियससनोन जम्मान फ्याफुल्ला। २३ डा चिबा दिमला धनी गायसदेन थला दिमरी मुबा मण्डलीगदेसनोन फ्याफुल्ला भिसी पाङ्बा मुला। ओच्छे चु शहरला कोष अध्येक्ष इरास्तसदेन आले क्वार्टससनोन एनीगदेदा फ्याफुल्बा मुला। २४ यहाङ्गला प्रभु येशू खरीष्टला दयामाया एनीगदेदेन छ्याम तगे। आमेन।*

२५ यहाङ् जम्मानेन परमेश्वरदा मान लइ। थार्वी पिन्बा खरीष्टला बारला ताम दङ्बाहन्सेन छुम्सी थान्बा मुबा। तर दान्दे एनीगदेस चु ताम था याङ्बा मुला। चु ताम डाइ थःना लबा येशू खरीष्टला बाररी पाङ्बा तामग्यामसे एनीगदेस था याङ्बा मुला। २६ थतबासलमा दान्दे चु जम्मान तामगदे अगमवक्तासे भिरबा तामगदेग्याम था याङ्ना लमुला। ओच्छे जम्मानेन विश्वास लसी परमेश्वरसे कुल्बा ताम इयान्ने भिसी स्वाइमे म्हासी आनिबा परमेश्वरसे कुल्बा तामग्याम जम्मान यहुलला म्हिगदेस चु जम्मान ताम थःबा मुला। २७ ओच्छे जम्मान ताम था याङ्बा परमेश्वर गिक जेला येशू खरीष्टग्याम सदेन मानदेन जयजयकार तगे। आमेन।

*१६ :२४ चु पदला ताम ल्हाना हरङ्बा ग्रीक बाइबलरी भिरबा आरे।

पावलसे कोरिन्थला विश्वासीगदेदा
भिरबा डाच्छारमला चिठी

चु चिठीला बाररी पाडतो:मा

भिरबा म्हिः येशूला मुल चेला पावलसे भिरबा मुबा। चु चिठी भिरबाला लागिरी पावलदा सास्थनेस भिबा म्हिसे हरो लबा मुबा (१ कोरिन्थी १:१)।

भिरबा ग्लाः एशिया अञ्चलला एफिसस शहररी भिरबा मुबा।

भिरबा सालः ओस्पन ईश्वी संवत ५५-५६ (विक्रम संवत ११२-११३) सालरी भिरबा मुबा।

साल्दा भिरबाः कोरिन्थ शहररी मुबा विश्वासीगदेदा भिरबा मुबा।

पावलसे चु चिठी कोरिन्थला विश्वासीगदेदा डाच्छारम भिरबा मुबा। कोरिन्थ शहर चा गरीस भिबा यहुल्साला गलसाड मुबा। पावलला धुइरी कोरिन्थसे अर्गु जम्मान यहुल्सादेन छुयामएनोन दिक्सी गे लबा मुबा। थ शहररी थरी थरीला ल्हानान रिमठिमदेन धर्मगदे तेन्बा म्हिगदे मुबा। थहरड लसीन नइबा गे लबा म्हिगदेएनोन मुबा। पावलसे थ शहररी थार्बा पिन्बा समाचार थःना लमा यहूदीगदेसे भन्दा अर्गु यहुलला ल्हानान म्हिगदेसे येशूदा विश्वास लजी। ओच्छ पावलसे थरी मण्डली गिक स्हाजी।

कोरिन्थला मण्डलीरी छेबा बडबा, नइबा बानीबहोदेन स्थान्दोदेन छुयाम बरेल्सी भिरबा हरडबा नइबा तामगदे मुबा। थहरड लसीन ब्याहला बाररी, ज्ञान बुदधिला बाररी, मण्डलीला टिमला बाररीदेन परमेश्वरला आत्मासे पिन्बा मोलमला बाररी ओच्छ सिबाग्याम सोबाला बाररी इयोइबा तामगदे मुबा। चु जम्मान तामगदेला बाररी पावलदा ज्ञान बुदधि मुबासे लमा थसे चु चिठीग्याम कोरिन्थला विश्वासीगदेदा ज्यना लसी घोना लजी।

परमेश्वरसे हराडला म्हिगदेदा पिन्बा मोलमगदे न्हडरी माया चा जम्मान भन्दा ज्यबा हिन्ना भिसी १३ अध्यायरी भिरबा मुला।

मुल तामगदे

पयाफुल्बादेन धन्यवाद पिन्बा १:१-९
मण्डली न्हडरी आदिकबा १:१०-४:२१
नइबा गेगदे स्लातो:बा ५:१-६:२०
ब्याह लबाला बाररी पाडबा ७:१-७:४०
खरीष्टदा तेन्बागदेदेन मूर्तिदा तेन्बागदे ८:१-११:१

मण्डली न्हडरी परमुदा तेन्बा धुइरी था ततो:बा ताम ११:२-१४:४०

खरीष्टदेन खरीष्टदा विश्वास लबागदे सिबाग्याम सोबा १५:१-५८

यरूशलेमरी मुबा परमेश्वरला म्हिगदेला लागिरी भेटी १६:१-४

चिठीला थुमरी भिरबा ताम १६:५-२४

पावलसे कोरिन्थला विश्वासीगदेदा
भिरबा डाच्छारमला चिठी

१लास्सो, परमेश्वरसे म्हन्बा अन्धार खरीष्ट येशूला मुल चेला दोबारी धम्बा डा पावलदेन य्हाडला आले सोस्थनेसग्याम पयाफुल्ला! २चु चिठी डन्से कोरिन्थ शहररी मुबा परमेश्वरला मण्डलीला म्हिगदेदा भिरबान मुला। परमेश्वरसे एनीगदेदा हराडलान म्हिगदे दोबारी खरीष्ट येशूग्याम चोखा स्होबा मुला। थसे परमु येशू खरीष्टदा तेन्बा जम्मान ग्लारी मुबा म्हिगदेदा हराडला म्हि स्होबा हरड लसीन एनीगदेदाएनोन हराडला म्हि स्होबारी इयोइबा मुला। थनीगदेदेन य्हाडला परमु गिकनोन हिन्ना। ३य्हाडला परमेश्वर आबादेन परमु येशू खरीष्टसे एनीगदेदा दयामायादेन शान्ति पिन्बे।

पावलसे परमेश्वरदा धन्यवाद पिन्बा

४एनीगदे खरीष्ट येशूदेन छुयाम गिक तसी परमेश्वरसे एनीगदेदा दयामाया लबासे लमा डाइ एनीगदेला लागिरी सदन डाला परमेश्वरदा धन्यवाद पिन्बा मुला। ५एनीगदे खरीष्ट येशूदेन छुयाम गिक तबासे लमा एनीगदेदा परमेश्वरला बाररी ज्यना लसी ताम पाडस्वम्बा शक्तिदेन जम्मान ताम घोस्वम्बा ज्ञान बुदधि पिन्बा मुला। ६तिगदा भिसम खरीष्टला बाररी डन्से पाडमा सत्य हिन्ना

१:१ सोस्थनेस चा कोरिन्थ शहरला यहूदी नेता मुबा। थसे पावलग्याम थार्बा पिन्बा समाचार थःसी परमु येशूदा विश्वास लबा मुबा।

७:२ मुल १८:१

मिसी एनीगदेदा पक्का मुला। ७थेतबासेलमा
 व्हाडला परमु येशू खरीष्ट दोःसी फेखबा
 धुइ आततधोना भरांसी चिमा परमेश्वरदा
 तेन्बाला लागिरी एनीगदेदा तोःबा जम्मान
 मोलम याड्बा मुला। ८ओच्छे व्हाडला
 परमु येशू खरीष्ट दोःसी फेखमा एनीगदेदा
 तिगे दोष आरबा म्हे स्होबाला लागिरी
 परमेश्वरसेन लिच्छोधाना एनीगदेला विश्वास
 कोडना लला। ९परमेश्वर विश्वास लखम्बा
 परमेश्वर हिन्ना। थस हराडला झा व्हाडला
 परमु येशू खरीष्टदेन छुयाम दिक्सी सेम गिक
 तबारी एनीगदेदा ड्योडबा मुला।

मण्डली न्हडरी आदिक्बा

१०ज्योज्यो आले नाना आडागदे, दाहेन्से
 डाइ एनीगदेदा व्हाडला परमु येशू खरीष्टला
 अधिकारग्याम एनीगदे हराड हराड न्हडरी
 दिक्सी चिउ मिबा डाला बिन्ती मुला।
 ओच्छे मण्डली न्हडरी तिगे आदिक्बा ताम
 खआपुडगो। बरु एनीगदेसे लबारी म्हाडबा
 तामगदरी सेम गिक तसी चिउ। ११तिगदा भिसम
 डाला ज्योज्यो आले नाना आडागदे, एनीगदे
 हराड हराड न्हडरी कल लमुला मिबा ताम
 डादा कनोए मिबा म्हेला म्हेमगदे न्हडला
 खालेसे पाड्जी। १२एनीगदेला बाररी डाइ
 थःबा ताम चा चुनोन हिन्ना, एनीगदे हराड
 हराड न्हडरी कोइसे “डा पावलला हिन्ना,”
 कोइसे “डा अपोल्लोसला हिन्ना,” कोइसे
 “डा पतरुसला हिन्ना” ओच्छे कोइसे “डा
 खरीष्टला हिन्ना” मिसी पाड्मुला रो। d

१३तिग खरीष्ट भो लबा मुला? तिग
 एनीगदेला लागिरी डा पावल करुसरी सिबा
 हिन्ना? ओच्छे डा पावलला मिनरी एनीगदेसे
 बप्तिस्मा किन्बा हिन्ना? आहिन। १४डाइ
 किरस्पसदेन गायसदा बाहेक स्थान्दो खालेदा
 बप्तिस्मा आपिन्नी, परमेश्वरदा धन्यवाद
 तगे। १५थेतबासेलमा डाला मिनरी बप्तिस्मा
 किन्जी मिसी एनीगदे खालेसेन पाड्आम्याड।
 १६हिन्बाम, डाइ स्तिफनासला दिमला जम्मान

म्हिगदेदाएनोन बप्तिस्मा पिन्जी। चु बाहेक
 डाइ स्थान्दो खालेदा बप्तिस्मा पिन्जी कि
 आपिन्नी थं डाइ ढन्बा आरे। १७तिगदा भिसम
 बप्तिस्मा पिन्बारी आहिन, तर थार्बा पिन्बा
 समाचार थःना लबाला लागिरी खरीष्टसे डादा
 पुडबा हिन्ना। चु तामगदे डाइ हराडलान
 ज्ञान बुदधिग्याम पाड्बा आहिन। चुदे डाइ
 हराडलान ज्ञान बुदधिग्याम पाड्जी भिसम
 खरीष्ट करुसरी सिबा खरो निला।

खरीष्टनोन परमेश्वरला ज्ञानदेन शक्ति हिन्ना

१८खरीष्ट करुसरी सिबाला बारला समाचार
 नाश तबागदेसे मूर्ख ताम हिन्ना मिसी
 म्हन्मुला। तर व्हाड थार्बा याड्बागदेला
 लागिरी चा परमेश्वरला शक्ति हिन्ना।
 १९परमेश्वरला बचनरीनोन चुहरड् मिसी भिरबा
 मुला,
 “डाइ बुदधि मुबागदेला बुदधि नाश लला
 ओच्छे चलाकगदेला घाखम्बा शक्ति म्हाना
 लला।” १

२०खइ, बुदधि मुबा म्हिगदे खानड मुला?
 खइ, यहूदी धर्मगुरुगदे खानड मुला? ओच्छे
 ल्हानान ताम पाड्बा चु धुइला म्हिगदे
 खइ? च्यागो, परमेश्वरसे जम्बुलिडला
 ज्ञान बुदधिदा गे आखत्वा स्होबा मुला।
 २१जम्बुलिडला म्हिगदेसे हराडला ज्ञान
 बुदधिग्याम परमेश्वरदा डाआसे मिबा ताम
 परमेश्वरसे हराडला ज्ञान अन्हार म्हन्जी।
 बरु जम्बुलिडला म्हिगदेसे गे आखत्वा ताम
 हिन्ना मिसी म्हन्बा डन्से थःना लबा थार्बा
 पिन्बा समाचाररी विश्वास लबा म्हिगदेदा
 थार्ना लबा परमेश्वरदा ज्यबा छोर्जी।

२२च्यागो, यहूदीगदेसे चा उदकला
 चिनु उन्गो मिसी पाड्मुला। ओच्छे अर्गु
 य्हुलला म्हिगदेसे चा जम्बुलिडला ज्ञान
 बुदधि म्हाडमुला। २३तर डन्से करुसरी
 साड्बा खरीष्टला बाररी पाड्मुला। चु ताम
 यहूदीगदेला लागिरी चा छेर्ना लबा ताम दोजी,
 ओच्छे अर्गु य्हुलला म्हिगदेला लागिरी चा गे

३१:२२ चु पदरी पतरुसदा ल्हानान हरड्बा बाइबलरी केफास मिसी भिरबा मुला। पतरुस मिबादेन
 केफास मिबा म्हे गिकनोन हिन्ना।

७१:३२ मुल १८:२४

७१:३४ मुल १८:८; १९:२९; रोमी १६:२३

७१:३६ १ कोर १६:३५

७१:३९ यशै २९:३४

७१:२० अय्यूब १२:३७; यशै १९:३२; ३३:१८; ४४:२५

आसल्ला ताम दोजी। १२४ तर यहूदी हिन्से अर्गु
य्हलला म्हि हिन्से परमेश्वरसे धम्बागदला
लागिरी चा खरीष्टनोन परमेश्वरला शक्तिदेन
ज्ञान बुद्धि हिन्ना। २५ तिगदा भिसम म्हिगदसे
परमेश्वरसे लबा ताम चा मूर्ख ताम हिन्ना भिसी
म्हन्सेनोन परमेश्वरला ताम म्हिला ज्ञान बुद्धि
भन्दा घरेन मुला, ओच्छे म्हिगदसे परमेश्वर
कमजोर मुला भिसी म्हन्सेनोन परमेश्वर
म्हिला शक्ति भन्दा शक्तिशाली मुला।

२६ ज्योज्यो आले नाना आडागद, परमेश्वरसे
धम्बा धुइरी एनीगदे साहरडबा मुबा? थ ताम
दन्गो। म्हिगदसे म्हन्बा अन्धार एनीगदे
न्हडला ल्हाना हरडबा म्हि ज्ञान बुद्धि
आरबा मुबा। एनीगदे न्हडला ल्हानान म्हि
शक्तिशाली आरबा मुबा, ओच्छे य्हल्साला
घरेन म्हिला म्हमेलाएनोन आहिन मुबा।
२७ तर डा ज्ञान बुद्धि मुबा म्हि हिन्ना भिसी
म्हन्बा म्हिगदेदा पे:ना लबारी परमेश्वरसे
जम्बुलिडला म्हिगदसे मूर्ख भिसी म्हन्बा
म्हिगदेदा धम्जी। ओच्छे डनी शक्ति
मुबा म्हि हिन्ना भिसी म्हन्बागदेदा पे:ना
लबारी कमजोर म्हिगदेदा धम्जी। २८ ओच्छे
चु जम्बुलिडला म्हिगदसे घरेन म्हन्बा
म्हिगदेदा गे आसल्ला स्होबाला लागिरी
परमेश्वरसे म्हिगदसेन हेला लसी गे आसल्ला
भिसी म्हन्बा म्हिगदेदा धम्जी। २९ खालेसेन
हराडला डाच्छापट्टि घमण्ड थालगे भिसीन
परमेश्वरसे चुहरड लबा हिन्ना। ३० बरु
परमेश्वरसेन एनीगदेदा खरीष्ट यशूदेन छुयाम
गिक स्होबा मुला। परमेश्वरग्यामसेन खरीष्ट
य्हाडला ज्ञान बुद्धि दोबा मुला। थहरड लसी
खरीष्टग्यामसेन य्हाडदा परमेश्वरदा सम
निबा म्हि स्होजी ओच्छे य्हाडला पापला
सय फासी य्हाडदा चोखो स्होसी फेबा मुला।
३१ थेतबासलमा परमेश्वरला बचनरीनोन “चुदे
खाले म्हिसे डा ज्यबा म्हि हिन्ना भिसी
पाडबा सेम मुसम, थेसे परमुसे लबा गे गाते
ज्यबा मुला भिसी पाडगे” भिसी भिरबा मुला। i

परमेश्वरला आत्माग्याम याडबा ज्ञान बुद्धि

१ डाला ज्योज्यो आले नाना आडागदे,
२ परमेश्वरला बाररी पाडबारी डा एनीगदे
मुबा ग्लारी खमा डाइ डाला ज्ञान बुद्धिरी
घमण्ड लसी एनीगदेदेन छुयाम घरेन घरेन
ताम आलनी। २ तिगदा भिसम डा एनीगदेदेन
छुयाम मुबा धुइरी येशू खरीष्ट करुसरी सिबा
ताम बाहेक अर्गु तिगे ताम एनीगदेदा आपाडबा
पक्का लबा मुबा। ३ एनीगदे मुबा ग्लारी खमा
धुइरी डा कमजोर मुबा, ओच्छे लोडसी डाला
तिड धर्बा मुबा। ४ डाइ एनीगदेदेन छुयाम ताम
लबान बचनग्याम पाडमा एनीगदेदा व्हाम्बारी
डाला ज्ञान बुद्धिदेन शक्तिग्याम तिगे ताम
आपाडनी, तर डाला गेग्यामसेन परमेश्वरला
आत्माला शक्ति उन्जी। ५ एनीगदेला विश्वास
म्हिला ज्ञान बुद्धिथोरी आहिन, तर परमेश्वरला
शक्तिथोरी तगे भिसी डाइ थहरड लबा हिन्ना।

६ तसेनोन पाको म्हिगदेदा डन्से ज्ञान
बुद्धिला ताम लोप्रा मुला। तर डन्से लोप्रा
ज्ञान बुद्धिला ताम चु जम्बुलिडला म्हिगदेदेन
शासन लबागदला ज्ञान बुद्धिला ताम आहिन।
थहरडबा ज्ञान बुद्धि थोबा म्हिगदे चा नाश
तसी निला। ७ तर डन्से चा म्हिला ज्ञान
बुद्धिग्याम घोबारी आसम्बा परमेश्वरला ज्ञान
बुद्धिला बाररी थ:ना लबा मुला। चु ज्ञान बुद्धि
चा जम्बुलिड स्होबा भन्दा डाच्छान य्हाडदा
य्हालदेन शक्ति पिन्बाला लागिरी परमेश्वरसे
म्हन्बा अन्धार फेसी थान्बा मुबा। ८ चु
जम्बुलिडरी शासन लबागदे खालेसेन चु ताम
आधानी। चुदे थनीगदेसे घोबा हिन्सम य्हालदेन
शक्ति मुबा प्रमुदा करुसरी टांगव आलसेला
मुबा। ९ तर बचनरी चुहरड भिसी भिरबा मुला,
“खालेसेन साइमे आम्राडबा,
साइमे आथे:बा,
साइमे सेमरी आम्हन्बा तामगदे परमेश्वरसे
हराडदा माया लबा म्हिगदेला लागिरी
ठीक लबा मुला।” k

१० परमेश्वरसे हराडला आत्माग्यामसेन
य्हाडदा थे जम्मान ताम उन्बा मुला। तिगदा
भिसम परमेश्वरला आत्मादा जम्मान ताम था

११ :२३ यहूदीला ठिम अन्धार करुसरी टांगव लसी साइबा म्हि चा परमेश्वरग्याम सजाय याडबा म्हि
हिन्ना भिसी म्हन्मुबा (परस्था २१ :२२-२३ स्होगा)। थेतबासलमा करुसरी टांगव लसी साइबा येशू
खरीष्टग्याम साहरड लसी थोबा याडला भिसी यहूदीगदसे म्हन्मुबा।

मुला। ओच्छे म्हिसे था आयाडबा परमेश्वरला समला तामगदे एनोन परमेश्वरला आत्मादान था मुला। ११ म्हिला समला ताम थ न्हडरी मुबा हराडलान आत्मासे जे घोला, थहरड लसीन परमेश्वरला समला ताम परमेश्वरला आत्मासे जे घोला। १२ ग्हाडसे जम्बुलिडरी मुबा आत्मा याडबा आहिन, तर दाहन्से परमेश्वरसे पिन्बा जम्मान मालमगदे घोबारी खम्गे भिसी परमेश्वरसेन हराडला आत्मा ग्हाडदा पिन्बा मुला।

१३ डन्से थेःना लबा ताम म्हिला ज्ञान बुद्धिग्याम लोप्रा तामगदे आहिन, तर परमेश्वरला आत्मासे डन्दा लोप्रा तामगदे हिन्ना। थेनोन तामगदे डन्से परमेश्वरला आत्मा मुबागदेदा लोप्रा मुला। १४ तर जुन म्हिदेन परमेश्वरला आत्मा आरे थेसे परमेश्वरला आत्माला तामगदेरी विश्वास आल। तिगदा भिसम थेला लागिरी थे तामगदे चा मुर्ख ताम हिन्ना। थे जम्मान तामगदे परमेश्वरला आत्माग्यामसे जे घोबारी खम्बा तामगदे तबासे लमा थेसे घोबारी आखम। १५ परमेश्वरला आत्मा मुबा म्हिसे जम्मान स्हे ठीक मुला कि आरे भिसी च्याबारी खम्बा। तर परमेश्वरला आत्मा आरबा स्थान्दो खाले म्हिसे थदा ठीक मुला कि आरे भिसी च्याबारी आखम। १६ तिगदा भिसम बचनरी चुहरड भिसी भिरबा मुला,

“खाल्से परमुला सेम घोखम्ता ?

ओच्छे खाल्से परमुदा लोप्रारी खम्ता ?”

तर ग्हाडसे मी खरीष्टला सेम याडबा मुला।।

परमेश्वरला गे लबा म्हिगदे

१ डाला ज्योज्यो आले नाना आडागदे,
३ डा एनीगदेदेन छयाम मुबा धुडरी डाइ परमेश्वरला आत्मासे कुल्बा अन्धार भरबा म्हिगदेदेन छयाम हरड लसी एनीगदेदेन छयाम ताम लबारी आखम्नी। तर डाइ एनीगदेदेन छयाम हराडला सेमसे म्हन्बा अन्धार भरबा म्हिदेन छयाम हरड लसी ताम लजी। ओच्छे डाइ एनीगदेदेन छयाम विश्वासरी १५को आरबा म्हिगदेदा हरड लसी ताम लबा मुला। २थे धुडरी एनीगदेसे

कोडबा चबा स्हे चबारी आखम्बासे लमा डाइ एनीगदेदा डहे जे ख्वाजी। दान्दधोना एनोन एनीगदेसे चबा स्हे चबारी खम्बा आरे। ३३ अझ एनीगदे हराडला सेमसे म्हन्बा अन्धार भरबा म्हिला हरडबान बानीबहार थोसी भरबा मुला। ओच्छे एनीगदे हराड हराड न्हडरी गिकसम गिकदा डाह लबान छेबा बडबा लमुला। थतबासलमा एनीगदे अझ हराडला सेमसे म्हन्बा अन्धार भरबा स्थान्दा म्हि हरडबान मुला। ४ तिगदा भिसम एनीगदे हराड हराड न्हडरीन कोडसे “डा पावलला हिन्ना,” कोडसे “डा अपोल्लोसला हिन्ना” भिमाहन्से एनीगदे हराडला सेमसे म्हन्बा अन्धार भरबा म्हिगदे हरडबान आतनी ? भतजी।

५ अपोल्लोसदेन पावल घरेन हिन्ना ? आहिन। डनी मी परमुसे कुल्बा अन्धार गे लबा म्हि जे हिन्ना। डन्से परमेश्वरथोरी विश्वास लबाला लागिरी एनीगदेदा हरो लबा जे हिन्ना। ६ डाइ चा सूजी, ओच्छे अपोल्लोससे क्युड युजी। तर थदा परमेश्वरसेन ल्हेना लजी। ७ थतबासेलमा सूबादेन क्युड युबा म्हि तिगै आहिन, तर ल्हेना लबा परमेश्वर चा घरेन हिन्ना। ८ सूबादेन क्युड युबा म्हि तिगै फरक आरे। थन्नीसेन हराड हराडसे लबा गे अन्धारला ज्याला याडला। ९ तिगदा भिसम डनी न्ही चा परमेश्वरला गे लबा म्हि हिन्ना, एनीगदे चा परमेश्वरला बु हरडबान हिन्ना।

ओच्छे एनीगदे परमेश्वरला दिम हरडबा एनोन हिन्ना। १० परमेश्वरसे डादा पिन्बा दयामायाग्याम डाइ मुल कर्मसे हरड लसी जग थान्बा मुला। स्थान्दोगदसे चा थे जगथोरी दिम स्हाबान मुला, तर थे जगथोरी दिम स्हाबागदसे होशियार लसी स्हागे। ११ तिगदा भिसम थे जग चा येशू खरीष्टनोन हिन्ना। थे जग बाहेक स्थान्दो खालेसे अर्गु जग थान्बारी आखम। १२ चुदे खाले म्हिसे थे जगथोरी म्हर, म्हुडदेन म्हुगो खाल्ता युडबा, सिड, सा ओच्छे परालसे दिम स्हाजी भिसम, १३थे जम्मान म्हिगदेसे लबा गे परमेश्वरसे निसाफ लबा धिनकुनु था

३३ :१ चु पदरी “विश्वासरी” भिबादा ग्रीक बाइबलरी खरीष्टरी भिसी भिरबा मुला।

१२ :१६ यशै ४० :१३

३३ :२ हिवरू ५ :१२-१३

३३ :४ १ कोर १ :१२

०३ :६ मुल १६ :४-११, २४-२८

याडला। तिगदा भिसम निसाफ लबा धुइरी परमेश्वरसे मेरी युसी थनीगदसे लबा गे साहरडबा चीम भिसी च्याला। १४ चुदे थ जगथारी दिम स्होबा म्हेला गे मेरी युमा आकरोनी भिसम थ म्हेस इनाम याडला। १५ चुदे खाले म्हेला गे करोसी नाश तर्जी भिसम थस इनाम आयाड। तर थ म्हे चा मग्याम स्योर्बा हरड तसी जोगब तला।

१६ एनीगदेन परमेश्वरला मन्दिर हिन्ना, ओच्छे परमेश्वरला आत्मा एनीगदे न्हडरी धन्ड्यामुला भिबा ताम एनीगदेदा था आर? १७ चुदे खाले म्हेस परमेश्वरला मन्दिरदा नाश तर्जी भिसम परमेश्वरसेन थदा नाश लला। तिगदा भिसम परमेश्वरला मन्दिर चोखो मुला, ओच्छे थ मन्दिर चा एनीगदेन हिन्ना।

१८ खालेसेन हराडसे हराडदान धोका थापिन्ना। एनीगदे न्हडरी खाले म्हेस हराडसे हराडदान डा चु जम्बुलिडला ज्ञान बुदधि मुबा म्हे हिन्ना भिसी म्हेन्जी भिसम थ तिगे था आरबा मूर्ख म्हे हरडबा दोतोःला। जमाहेन्से थ ज्ञान बुदधि मुबा म्हे दोला। १९ तिगदा भिसम परमेश्वरला लागिरी जम्बुलिडला ज्ञान बुदधि चा मूर्ख ताम हरडदान हिन्ना। बचनरीनेन चुहरड लसी भिरबा मुला, “ज्ञान बुदधि मुबा म्हेगदसे लबा चलाक गग्यामसेन

परमेश्वरसे थनीगदेदा चुडला।”

२० दोःसी चुहरड भिसी एनीगदेन भिरबा मुला,

“ज्ञान बुदधि मुबा म्हेगदसे म्हेन्बा ताम गे आखल्बा ताम हिन्ना भिसी परमपरमुदा था मुला।”

२१ थतबासलमा खालेसेन म्हेस लबा गेरी घमण्ड थालगे। तिगदा भिसम जम्मान स्हे एनीगदेलान हिन्ना, २२ पावलदेन अपोल्लोस ओच्छे पत्सस, चु जम्बुलिड, दान्दला धुइ, लिच्छ्याला धुइ, सिसे सोसे जम्मान एनीगदेलान हिन्ना। २३ ओच्छे एनीगदे चा खरीष्टला हिन्ना, ओच्छे खरीष्ट चा परमेश्वरला हिन्ना।

खरीष्टला मुल चलागदसे नातोःबा ताम

४ १ म्हेगदसे इन्दा खरीष्टला गे लबा म्हेदेन म्हेस था आयाडबा परमेश्वरला संमला ताम घोना लबा जिम्मा याडबा म्हे

हिन्ना भिसी म्हेन्तोःला। २ चुदे जे आहिन, चुहरडबा गे लबा म्हे चा मालिकसे विश्वास लखम्बा म्हे ततोःला। ३ तर एनीगदेदेन म्हेगदला निसाफ लबा अदालतसे डाला निसाफ लसेनोन थ ताम डाला लागिरी तिगे आहिन। ओच्छे डाइ एनीगदेन हराडसे हराडदान निसाफ आल। ४ डाइ तिगे आज्यबा गे लबा मुला भिसी डदा था आर, तर चुहरड भिदमा डाला तिगे गल्ली आर भिसी पाडबारी आसम। परभुसेन डाला निसाफ लला। ५ थतबासलमा परभुसे तोगब लबा धुइ मन्दा डाच्छेन एनीगदसे खालेदान निसाफ थालउ। बरु परभु फेखबा धुइ भ्रान्सी चिउ। धोपधोपरी लबा जम्मान ताम परभुसेन थ्हालरी भसी म्हेला संमला जम्मान ताम उन्ना। थ धुइरी चा जम्मान म्हेस परमेश्वरग्याम हराड हराडला गे अन्धार याडतोःबा इनाम याडला।

६ दाहेन्से ज्योज्यो आले नाना आडागदे, चु तामग्यामसेन एनीगदसे ज्यना लसी घोखम्यो भिसी डाइ डानेन अपोल्लोसला बाररी पाडबा मुला। परमेश्वरला बचनरी भिरबा मन्दा तिगे अर्गु ताम थालउ। ओच्छे एनीगदसे कोइदा मान लबा, कोइदा मान आलबा थालउ। ७ खालेसे एनीगदेदा स्हान्दो म्हेगदे मन्दा घरेन स्हाजी? तिग एनीगदेदेन छ्याम मुबा जम्मान स्हे परमेश्वरसेन पिन्बा आहिन? परमेश्वरसे पिन्बा स्हेगदेन एनीगदेदेन छ्याम मुला भिसम दोःसी तिगदा एनीगदे हराडसेन स्होबा हरड लसी घमण्ड लबा?

८ हराडदा तोःबा जम्मान स्हे याडसी एनीगदे फ्युकपो तसी जिन्बा मुला भिसी एनीगदसे म्हेन्बा मुला। ओच्छे इनी आरसे ग्ले दोबारी खम्बा मुला भिसी एनीगदसे म्हेन्बा मुला। एनीगदसे म्हेन्बा अन्धार एनीगदे ग्लेनोन दोबा हिन्सम ज्यबा तसेला मुबा। तिगदा भिसम इन्सेनोन एनीगदेदेन छ्यामनोन शासन लबारी खम्सेला मुबा। ९ तर इनी मुल चलागदेदा सिबाला सजाय याडबा म्हेगदेदा **हरड लसी परमेश्वरसेन जम्मान मन्दा लिच्छ्यापटटि थान्बा मुला भिसी म्हेन्बा मुला। थहरड लसीन इनी चा जम्बुलिडरी स्वर्गदूतगदेदेन म्हेगदला ओन्ध्याडरी जम्मासेन मराडगे भिसी उन्बारी

**४ :९ थ धुइरी चा कोरिन्थीला ठिम अन्धार सजाय पिन्तोःबा म्हेदा जम्मान म्हेला डाच्छापटटि भसी च्यानदा चपुडमुबा।

थान्बा स्हे हरडबान म्हन्बा मुला। १० डन्से खरीष्टदा तेन्बासे लमा डनी मूर्ख म्हि हरडबान हिन्ना, तर एनीगददा चा खरीष्टसे बुद्धि मुबा म्हि स्होबा मुला। डनी कमजोर म्हि हिन्ना, एनीगददा चा भड्बा म्हि हिन्ना। ओच्छे डन्दा हेला लमुला, तर एनीगददा चा म्हिगदसे मान लमुला। ११ दान्देएनोन डनी चबा थुड्बा आयाडना फोडथानोन भरबा मुला, क्वान्बारी ज्यबा क्वान आर। ओच्छे डन्दा म्हिगदसे तोबा ग्याड्बा लबा मुला, ओच्छे डन्दा दिमनामएनोन आर। १२ चबा थुड्बादेन क्वान्बाला लागिरी डनी हराडसेन दुख लसी गे लमुला। स्थान्दोसे बेइज्जत लमा डन्से थन्दा मोलम पिन्मुला, ओच्छे दुख पिन्मा डन्से नामुला। १३ डन्दा बेइज्जत लमाएनोन डन्से थन्दा माया लसी ताम पाड्बा मुला। दान्देधोनाएनोन म्हिगददेला लागिरी डनी जम्बुलिडरी तिगे गे आखेल्ला भ्याडतोःवा स्हेदेन फोहोर हरडबान तबा मुला।

१४ चु ताम डाइ एनीगददा पेःना लबाला लागिरी भिरबा आहिन, तर एनीगददा डाइ माया लबा डालान कोलागददा हरड लसी अर्ती पिन्बारी भिरबा हिन्ना। १५ एनीगददा खरीष्टला बोररी लोप्रा म्हिगददा झ्याबारीन आखम्बाधोना मुसेनोन एनीगददेला आबा ल्हाना आर, तर गिक जे मुला। तिगदा भिसम एनीगददा थाबा पिन्बा समाचार थःना लसी खरीष्ट येशूदा डसना लबासे लमा डा एनीगददेला आबा हरडबान दोबा मुला। १६ थतबासलमा एनीगददा हरडबान दोगो भिबा डाला बिन्ती मुला। १७ थतबासलमा डाइ माया लबा तिमोथोदा एनीगददा मुबा ग्लारी पुइखबान मुला। थे खरीष्टदेन छुयाम गिक तबादेन विश्वास लखम्बा डाला झा हरडबान हिन्ना। डाइ जम्मान ग्लाला मण्डलीगदरी लोप्रा अन्धार येशू खरीष्टरी डा साहरड लसी भरबा मुला भिबा ताम थसेन एनीगददा दन्ना तला।

१८ एनीगददे न्हडरी कोइ कोइ चा डा एनीगददे मुबा ग्लारी आख भिबा म्हन्सी घमण्ड लसी

भरमुला रो, १९ तर परभुसे सम लजी भिसम डा योनान एनीगददे मुबा ग्लारी खला। ओच्छे थे घमण्ड लसी भरबा म्हिसे पाड्बासे लमा आहिन, तर थेनीगददेला शक्ति साहरडबा चीम थे च्याला। २० तिगदा भिसम परमेश्वरला य्हुत्सा ज्यबा तामग्याम जे आहिन, तर शक्तिग्याम मिराडमुला। २१ डा थरी धोखमाहन्से डाइ एनीगददा तिग लगे भिसी म्हन्बा मुला? एनीगददेला कडीसे सजाय पिन्गो कि सोजा तसी माया लउ?

बरल्बा

१ डाइ एनीगददेला गुडरी स्थान्दोदेन छुयाम बरल्सी भरमुला रो भिबा ताम थःबान मुला। ओच्छे एनीगददे न्हडला गिकसे मी हराडलान आमच्याडदा मिराड स्होबा मुला भिबा ताम डाइ थःबा मुला। चुहरड लसी मी अर्गु य्हुलला म्हिगददेनोन बरल्सी आभरमुला। २ तर एनीगददेसे मी घमण्ड लबा मुला। बरु एनीगददेसे मी दुख म्हन्तोःमुबा, ओच्छे थहरड्बा गे लबा म्हिदा एनीगददेला गुडग्याम तेःतोःमुबा। ३ डा ल्हुडरी एनीगददेन छुयाम आरसे डाला सम मी एनीगददेन छुयामनोन मुला। ओच्छे डा एनीगददेन छुयाम मुबा हरड लसीन थहरड्बा गे लबा म्हिदा डाइ निसाफ लसी जिन्बा मुला। ४ एनीगददे य्हाडला परभु येशूला भिनरी ग्ला गिकरीन हरुप तमा, डाला समएनोन एनीगददेन छुयामनोन तला, ओच्छे य्हाडला परभु येशूला शक्तिएनोन थरीन तला। ५ थे धुडरी थेला पाप लबा ल्हुड मनाश तगे भिसी एनीगददेसे थेदा शेतानना यारी जिम्मा लसी पिन्गो। ओच्छे परभु दोःसी फखसी निसाफ लबा धुडरी थेला आत्मा चा थाली।

६ एनीगददेसे घमण्ड लबा ज्यबा आहिन। ज्योप्रा बरारी जजाकी खमीर युमाहन्से ज्योप्रा जम्मान बरादा भोना लमुला भिबा ताम एनीगददेला था आर? ७ खमीर आयुना ज्योप्रा छार बरा दोबारी एनीगददेसे डाच्छाला

१४:२० “शक्तिग्याम” भिबा चा परमेश्वरला आत्मासे खरीष्टदा विश्वास लबागददेला बानीबेहोर परमेश्वरदा सम निबा स्होबा हिन्ना। जमाहन्से थे परमेश्वरसे म्हन्बा अन्धार भरबारी खमला।

१५:१ “आमच्याड” भिबा चा आबासे भवा स्थान्दो मिराड हिन्ना।

१६:५ “पाप लबा ल्हुड” भिबादा पापी बानीबेहोर भिसीएनोन धोखमला।

१७:६ “ज्योप्रा बरारी जजाकी खमीर युमाहन्से” भिबा चा जजाबा पापसे पुरान मण्डलीदा न्होडना लमुला भिबा हिन्ना।

थे आज्यबा खमीर *तेःसी भ्याङ्गो। जमाहेन्से एनीगदे खमीर आयुना ज्योप्या छार बरा हरङ्बान दोला, तिग्दा भिसम खरीष्ट चा मिशर य्हूत्साग्याम फेसी खबा धिनदा ढन्सी धङ्बा चाडरी बलि फुल्बा ग्यु बोंगो हरङ्बान दोसी य्होङ्गला लागिरी बलि तसी जिन्बा मुला। ५ थतबासलमा थ खमीर हरङ्बा आज्यबा बानीबहार थोसी आहिन, तर समरी तिगे आज्यबा ताम आथान्ना सत्य ग्यामरी भरसी खमीर आयुबा गेङ्ग हरङ्बान दोसी चाङ्ग धङ्ग।

१. डाइ डाच्छान एनीगदेदा बरत्सी भरबा म्हिगदेदेन छ्याम संगतनोन थालउ भिसी अर्गु चिठीरी भिरबा मुबा। १० तर चु जम्बुलिङ्गरी मुबा खरीष्टदा विश्वास आलना बरत्सी भरबागदे, लोभ लबागदे, य्हो लबागदेदेन मूर्तिदा तेन्बा म्हिगदेदेन छ्याम संगतनोन थालउ भिबारी म्हाइबा आहिन। थहरङ्ग भिसम एनीगदेसे चु जम्बुलिङ्गनोन खलातोःला। ११ डाइ भिरबा ताम चा चुनोन हिन्ना। डा खरीष्टदा विश्वास लबा म्हि हिन्ना भिसी सुङ्गसे चा पाङ्गसी भरबा, तर गेसे चा स्थान्दोदेन छ्याम बरत्सी भरबा, लोभ लबा, मूर्तिदा तेन्बा, म्हिला तामगन लबा, ड्य्होइसी भरबादेन य्हो लबा म्हिदेन छ्याम चा संगतनोन थालउ भिबा हिन्ना। थहरङ्गबा म्हिदेन छ्याम मी चबा थुङ्गबाएनोन थालउ। १२ खरीष्टदा विश्वास आलबा मण्डली न्हङ्गरी आरबा म्हिगदेला निसाफ लबा गे डाला आहिन। तर खरीष्टदा विश्वास लबा मण्डली न्हङ्गला म्हिगदेला निसाफ लबा गे एनीगदेला हिन्ना। १३ खरीष्टदा विश्वास आलबा मण्डली न्हङ्गरी आरबा म्हिगदेला निसाफ मी परमेश्वरसन लला। परमेश्वरला बचनरी चुहरङ्ग भिसी भिरबा मुला, “नइबा गे लबा म्हिदा एनीगदेला गुङ्ग्याम तेःगो।” १८

विश्वासी न्हङ्गरी मुद्रा

१ एनीगदे न्हङ्गरी खालेला स्थान्दो
६ विश्वासी गिकदेन छ्याम छेबा बड्बा तजी भिसम तिग्दा निसाफ लसी पिन्गो भिसी परमेश्वरला म्हि मुबा ग्लारी आनिना परमेश्वरदान विश्वास आलबा म्हिगदे मुबा ग्लारी निबा? २ परमेश्वरला म्हिगदेसे

जम्बुलिङ्गला म्हिगदेला निसाफ लला भिबा ताम एनीगदेदा था आर? चुहरङ्ग लसी एनीगदेसेन जम्बुलिङ्गला म्हिगदेला मी निसाफ लला भिसम तिग जजाबा ताम चा ढिकना लबारी आखम? ३ य्होङ्गसे स्वर्गदूतगदेलाएनोन निसाफ लला भिबा ताम एनीगदेदा था आर? थहरङ्ग भिसम तिग चु धुइला तामगदे निसाफ लबारी गाहरो मुला? ४ चुहरङ्ग लसी छेबा बड्बा तमा तिग्दा एनीगदे मण्डलीसे मान आलबा स्थान्दो म्हिगदे मुबा ग्लारी निसी निसाफ लसी पिन्गो भिसी पाङ्गबा? ५ एनीगदेदा मी पेःबा खतोःबा। तिग हराङ्गला ज्योज्यो आले नाना आङ्ग छेबा बड्बा लमा निसाफ लखम्बा बुद्धि मुबा म्हि एनीगदे न्हङ्गरी खाले आर? ६ तर एनीगदे मी विश्वासीगदे न्हङ्गरी गिकसेम गिकला बिरोध लसी परमेश्वरदा विश्वास आलबा म्हिगदेला डाच्छा निसाफ लसी पिन्गो भिसी अदालतरी निमुला।

७ एनीगदे हराङ्ग हराङ्ग न्हङ्गरी गिकसेम गिकला बिरोध लसी मुद्रा लबासे लमा एनीगदे भरःसी जिन्बा मुला। बरु मुद्रा आलना जस्तोन तसे एनीगदेसे नासी चितोःमुबा। ओच्छे ठगब लसे एनीगदेसे नासी चितोःमुबा। ८ तर एनीगदेसे मी हराङ्गलान विश्वासी ज्योज्यो आले नाना आङ्गगदेदाएनोन दुख पिन्सी ठगब लबा मुला।

१ आज्यबा गे लबा म्हिगदे परमेश्वरला य्हूत्सारी निम्याङ्गबा हक आयाङ्ग भिबा ताम एनीगदेदा था आर? एनीगदेसे हराङ्गसे हराङ्गदान धोका थापिन्गो। बरत्सी भरबा म्हिगदे, मूर्तिदा तेन्बागदे, स्थान्दोला मिरङ्गदेन छ्याम बरत्सी भरबागदे, बेश्या मिरङ्गमे हरेङ्गबा बरत्सी भरबा हरेङ्गकोलागदे ओच्छे मिरङ्गकोला मिरङ्गकोलादेन छ्याम हरेङ्गकोला हरेङ्गकोलादेन छ्यामनोन बरत्सी भरबागदे, १० य्हो लबागदे, लोभ लबागदे, ड्य्होइसी भरबागदे, म्हिला तामगन लबागदेदेन स्थान्दोला ब्यन्सी चबागदेसे परमेश्वरला य्हूत्सारी निम्याङ्गबा हक आयाङ्ग। ११ एनीगदे न्हङ्गरी कोइ कोइ डाच्छा थहरङ्गबान मुबा। तर दान्दे एनीगदेला पाप खरुसी परमेश्वरसे चोसो म्हि स्हाबा मुला। ओच्छे परभु येशु खरीष्टदेन

१५ : ७ “आज्यबा खमीर” भिबा चा पाप लबा म्हि हिन्ना।

१५ : १२ “मण्डली” भिबा चा खरीष्टदा विश्वास लबा जम्मान म्हिगदे हिन्ना।

ह्याङ्गला परमेश्वरला आत्मग्याम एनीगदेदा ह्राङ्गदा सेम निबा म्हि स्होबा मुला।

एनीगदेला ल्हुइग्याम परमेश्वरदा मान लउ

१२ एनीगदे न्हङ्गरी खालेस “डाइ जे लसे ठीक मुला” भिसी पाङ्गमुला तला, तर जम्मान तामग्याम एनीगदेदा ज्यबा आत। डाइएनोन पाङ्गस्मसला मुबा, “डाइ जे लसे तला,” तर डा खजिबे तामला नोकर आदो।

१३ एनीगदे न्हङ्गरी खालेस “चबा स्हे फोला लागिरी ओच्छे फो चबा स्हेला लागिरी हिन्ना” भिसी पाङ्गमुला। थें ताम ठीकनोन हिन्ना, तर परमेश्वरस थें न्हीदान नाश लला। म्हिला ल्हुइ बरत्सी भरबाला लागिरी आहिन, तर परमेश्वरदा तेन्बाला लागिरी हिन्ना, ओच्छे ह्याङ्गला ल्हुइ चा परमुलान हिन्ना। १४ ओच्छे परमेश्वरसे ह्राङ्गलान शक्तिग्याम परमुदा सोना लजी, ह्याङ्गदाएनोन थेलान शक्तिग्याम थेंसन सोना लला।

१५ एनीगदेला ल्हुइ खरीष्टला या काङ्ग हरङ्गबान हिन्ना भिबा ताम एनीगदेदा था आर? थेंहरङ्ग भिसम तिग डाइ खरीष्टला छुयादेन स्ह्यापदा भोर्सी बेश्यादेन छुयाम बरत्बारी तला? आत, चु तनोन आखम्बा ताम हिन्ना! १६ बेश्यादेन छुयाम बरत्बा म्हि चा बेश्यादेन छुयाम ल्हुइ गिक हरङ्गबान तला भिबा ताम एनीगदेदा था आर? तिगदा भिसम बचनरीनोन “थें न्ही ल्हुइ गिक हरङ्गबान तला” भिसी भिरबा मुला। १७ तर जुन म्हि परमुदेन छुयाम गिक तला, थें म्हि परमुदेन छुयाम आत्मारोनोन गिक तला।

१८ थेंतबासलमा खाइमै बरत्सी थाभरउ। तिगदा भिसम अर्गु पापसे भन्दा बरत्सी भरबा पापसे चा म्हिला ह्राङ्गलान ल्हुइदा ल्हानान न्होङ्गना लमुला। १९ एनीगदेला ल्हुइ परमेश्वरला आत्मा मन्दिर हिन्ना। एनीगदेसे परमेश्वरग्याम याङ्गबा आत्मा एनीगदे न्हङ्गरी धन्छुयामुला भिबा ताम एनीगदेदा था आर? थेंतबासलमा एनीगदेला ल्हुइ एनीगदेलान आहिन, २० तिगदा भिसम परमेश्वरसे एनीगदेदा सय फासी ग्लुबा हिन्ना।

थेंतबासलमा एनीगदेसे ह्राङ्गला ल्हुइग्याम परमेश्वरदा मानदेन जयजयकार लउ।

ब्याह लबाला बारोरी पाङ्गबा

१ दाहेन्स एनीगदेसे भिरबा तामगदेला ७ बारोरी डाइ पाङ्गला। म्हिसे ब्याह आलबान ज्यबा हिन्ना। २ तर ल्हानान बरत्सी भरबासे लमा जम्मान हरम्फबला ह्राङ्ग ह्राङ्गलान मिरङ्ग तगे, ओच्छे जम्मान मिरङ्गम्हेमलाएनोन ह्राङ्ग ह्राङ्गलान हरम्बो तगे। ३ हरम्बो ह्राङ्गला मिरङ्गदेन छुयाम म्हर्बा खलाबारी आत। ओच्छे मिरङ्गएनोन ह्राङ्गला हरम्बोदेन छुयाम म्हर्बा खलाबारी आत। ४ ओच्छे मिरङ्गसे ह्राङ्गला ल्हुइथोरी ह्राङ्गसेन अधिकार लआम्याङ्ग, तर हरम्बोला अधिकार तला। थेंहरङ्ग लसीन हरम्बोसेनोन ह्राङ्गला ल्हुइथोरी ह्राङ्गसेन अधिकार लआम्याङ्ग, तर मिरङ्गसे अधिकार लला। ५ मिरङ्ग हरम्बो खाइमै छुयामनोन म्हर्बा थारुलागो। सल्लाह लसी तिगे धिनना लागिरी परार्थना लबाला लागिरी छुयामनोन आम्हेसेनोन परार्थना लसी जिन्माहेन्से चा छुयामनोन म्हर्गा। आहिन्सम एनीगदेसे सेम नाबारी आखम्बासे लमा शेतानसे एनीगदेदा फसब लला। ६ चुहरङ्ग लसी लनोन तोःला भिसी डाइ एनीगदेदा कुल्बा आहिन। तर एनीगदेसे लबारी तला भिसी जे पाङ्गबा हिन्ना। ७ हिन्नाम जम्मान म्हि डा हरङ्ग लसी ब्याह आलना चिगे भिसी डाइ म्हन्बा मुला। तर जम्मान म्हिसे परमेश्वरग्याम थरी थरीला मोलम याङ्गबा मुला, कोइसे ब्याह आलना चिबा मोलम याङ्गबा मुला ओच्छे कोइसे ब्याह लसी चिबा मोलम याङ्गबा मुला।

८ दाहेन्से ब्याह आलबा म्हिगदेदेन हरम्बो सिबा मिरङ्गम्हेमगदेला लागिरी डाइ चु ताम पाङ्गबान मुला, थेंनीगदे चा डा हरङ्ग लसीन ब्याह आलना चिबान थेंनीगदेला लागिरी ज्यबा हिन्ना। ९ तर थेंनीगदेसे ह्राङ्गसे ह्राङ्गदान तहरी थान्बारी आखम्नी भिसम ब्याह लगे। तिगदा भिसम सेम नाबारी आखम्ना चिबा भन्दा बरु ब्याह लबा चा ज्यबा हिन्ना।

१० दाहेन्से डाइ ब्याह लबा म्हिगदेदा पाङ्गला, मिरङ्गसे हरम्बोदा थारुलागो। चु

३७-१ गरीक बाइबलरी चा हेरेम्कोलासे मिरङ्गकोलादा आर्थुबान ज्यबा हिन्ना भिसी पाङ्गबा मुला।

डाइ कुल्बा ताम आहिन, तर परभुसे कुल्बा ताम हिन्ना। ११तर फसी विसैनोन स्थान्दादेन छयाम ब्याह थालउ। स्थान्दादेन छयाम ब्याह लबा भन्दा मी बरु दोःसी हराडला हरम्बोदेन छयामनोन दिक्सी चिउ। ओच्छे हरम्बोसोनोन हराडला मिरडदा स्ताबारी आत।

१२तर स्थान्दा जम्मादान ॥डाइ चुहरड् भिसी पाडला, चु ताम परभुसे सुड्बा ताम आहिन। तर डाइनोन पाड्बा हिन्ना। चुदे परभुदा विश्वास लबा खाले ज्याज्या आलेला मिरडसे खरीष्टदा विश्वास लबा ओर, तसेनोन थसे हराडला हरम्बोदेन छयाम चिबा सम लजी भिसम थे म्हेसे हराडला मिरडदा थास्त्तागे। १३चुहरड् लसीन खाले मिरडम्हेमेला हरम्बोसे खरीष्टदा विश्वास आलसैनोन थसे हराडला मिरडदेन छयाम चिबा सम लजी भिसम थसे हराडला हरम्बोदा थास्त्तागे। १४तिग्दा भिसम हरम्बोसे खरीष्टदा विश्वास आलसैनोन मिरडसे विश्वास लबासे लमा हरम्बो परमेश्वरला म्हे दोखम्ता। ओच्छे मिरडसे खरीष्टदा विश्वास आलसैनोन हरम्बोसे विश्वास लबासे लमा मिरड परमेश्वरला म्हे दोखम्ता। थहरड् आतबा हिन्सम थनीगदेला कोलागदे चोखी आतसेला मुबा। तर थहरड् तबासे लमा थनीगदे मी परमेश्वरदा सम निबा मुला।

१५तर खरीष्टदा विश्वास आलबा म्हेसे चा स्ताबारी म्हाइसम स्तापुड्गो। जमाहेन्से मिरड मुसे हरम्बो मुसे थनी गिकसेम गिकला तहरी चिआताः। थेतबासलमा थनीदा खालेसेन कर लसी ग्ला गिकरी थाथान्ना। थनी चा फसी चिबान ठीक मुला, तिग्दा भिसम परमेश्वरसे य्हाडदा छेबा बड्बा लसी चिबारी आहिन, तर दिक्सी चिबाला लागिरी धम्बा हिन्ना। १६तिग खरीष्टदा विश्वास लबा मिरडम्हेमसे विश्वास आलबा हराडला हरम्बोदा थाना लखम्ता मिबा ताम एनीगदेदा था ओर? ओच्छे खरीष्टदा विश्वास लबा हरम्फेबसे विश्वास आलबा हराडला मिरडदा थाना लखम्ता मिबा ताम एनीगदेदा था ओर?

परमेश्वरसे म्हेन्बा अन्धार भउ

१७परभुसे एनीगदे जम्मादान साहरड् लसी भरगे भिसी म्हेन्बा मुला थनोन अन्धार भउ। ओच्छे एनीगदेदा डाच्छे परमेश्वरसे धम्माहेन्से साहरड् लसी भरमुबा थहरड् लसीन भउ। डाइ पाड्बा चु ताम जम्मान मणडलीगदेला लागिरी हिन्ना। १८परमेश्वरसे धम्बा भन्दा डाच्छेन खतना लसी जिन्बा मुसम थे म्हेसे दोःसी खतना आलबा म्हे दोबारी थाम्हाइगो। ओच्छे खतना आलमान परमेश्वरसे थदा धम्जी भिसैनोन थसे खतना थालउ। १९तिग्दा भिसम खतना लसे आलसे तिगे आहिन। तर परमेश्वरसे कुल्बा ताम डयान्बा चा धरेन ताम हिन्ना। २०परमेश्वरसे थनीगदेदा धम्बा धुइरी थनीगदे साहरड्बा मुबा थनोन अन्धार लसी चिगे। २१परमेश्वरसे धम्बा धुइरी ए खालेला नोकर भुसैनोन एसे धन्दा सुदा थालउ। तर ए थग्याम थोन्याडसम थान्ना। २२तिग्दा भिसम जुन म्हे परभुसे धम्बा धुइरी नोकर मुबा थदा दान्दे परभुसे थग्याम फेबा मुला। थहरड् लसीन परभुसे धम्बा धुइरी जुन म्हे खालेला नोकर दोबा ओरबा थे दान्दे खरीष्टला नोकर दोबा मुला। २३परमेश्वरसे एनीगदेदा सय फासी ग्लुबा हिन्ना। थेतबासलमा एनीगदे म्हेला नोकर थादोगो। २४ज्याज्या आले नाना आडागदे, परमेश्वरसे एनीगदेदा धम्बा धुइरी एनीगदे साहरड्बा मुबा थनोन अन्धार सदन परमेश्वरदेन छयाम चिउ।

ब्याहला बाररी डयोइबा तामगदे

२५ब्याह आतबा म्हेगदेदा परभुसे कुल्बा ताम डादेन छयाम तिगे ओर। तर परभुला दया याड्सी विश्वास लखम्बा म्हे तबासे लमा डाइ एनीगदेदा चु सल्लाह पिन्ना। २६चु धुइला दुखदा मराड्माम एनीगदे साहरड् लसी चिबा मुला थहरड् लसीन चिबा ज्यबा तला भिसी डाइ म्हेन्बा मुला। २७चुदे एसे ब्याह लसी जिन्बा मुसम हराडला मिरडदा स्ताबारी थाम्हाइगो। ओच्छे ब्याह लबा ओरसे ब्याह लबारी थाम्हाइगो। २८तर ब्याह लजी भिसै

॥७:१२ “स्थान्दा जम्मादान” मिबा चा येशूदा विश्वास लबा भन्दा डाच्छेन ब्याह लबा म्हेगदेदा पाड्बा हिन्ना।

॥७:२१ थे धुइला ‘नोकरसे चा’ गे लपुड्सीनोन तिगे आयाड्बा म्हे हिन्ना।

पाप आहिन। ब्याह आलबा मिरडकोलासे ब्याह लजी भिदमा थसे पाप लबा आहिन। तर ब्याह लबा म्हिगदसे चु जम्बुलिङ्गरी ल्हानान दुख नातोःला डाइ मी एनीगददा चु दुखग्यामसे जे जोगब लबारी म्हाइबा हिन्ना।

२९ ज्योज्यो आले नाना आडागदे, डाइ पाङ्बारी म्हाइबा ताम चा चुनोन हिन्ना। दाहन्से य्हाङ्गला परभु फेखबा धुइ ल्हाना आरबास लमा मिरड मुबागदसे मिरड आरबागदे हरङ् लसी चिउ। ३० कराबागदे आकराबा म्हिगदे हरङ् लसी चिउ आच्छे ताङ्बागदे आताङ्बा म्हिगदे हरङ् लसी चिउ। आच्छे तिगे ग्लुसी भवागदसे हराङ्गदेन छयाम तिगे आरबा हरङ् लसी चिउ। ३१ थहरङ् लसीन जम्बुलिङ्गला स्ह चलब लबा म्हिगदसे थ स्हेगददा वास्तान आलबा हरङ् लसी चिउ। तिगदा भिसम चु जम्बुलिङ्ग म्हासी निबान मुला।

३२ एनीगदे जम्मान धन्दा सुर्दा आलना चिगे भिसी डाइ म्हेन्बा मुला। ब्याह आलबा म्हिसे चा साहरङ् लसी परभुदा ताङ्गना लखम्ला भिसी समहेन्सेन परभुला लागिरी गे लमुला। ३३ तर ब्याह लबा म्हिसे चा साहरङ् लसी हराङ्गला मिरडदा ताङ्गना लखम्ला भिसी जम्बुलिङ्गला तामगदरी धन्दा सुर्दा लमुला। ३४ थहरङ् लसीन दोःसी ब्याह आलना चिबा मिरडम्हेमदेन खाइमे ब्याह आलबा मिरडकोलासे चा हराङ्गला ल्हुइदनेन आत्मा परमेश्वरलान हिन्ना भिबा तामरी जे धन्दा सुर्दा लमुला। तर ब्याह लबा मिरडम्हेमसे चा साहरङ् लसी हराङ्गला हरम्बोदा ताङ्गना लखम्ला भिसी जम्बुलिङ्गला तामरी धन्दा सुर्दा लमुला।

३५ डाइ चु ताम एनीगदला लागिरी ज्यबा तगे भिसी पाङ्बा हिन्ना। एनीगदसे चु लबारी तला, चु लबारी आत भिसी डाइ चु ताम एनीगदला लागिरी ठिम स्होसी पिन्बा आहिन। तर एनीगदे परभुरी ज्यना लसी भरबारी खमो ओच्छे जस्तान दुख तसेनोन परभुदा तेन्बारी खमो।

३६ चुदे खाले म्हिसे हराङ्गला सेम तहरी थान्बारी आखम्ना हराङ्गसे ब्याह लबारी हरीबा मिरडकोलादेन छयाम बरेलबा सेम खजी भिसम थदा ब्याह लपुङ्गो। चुहरङ् लबा पाप आहिन। ३७ थहरङ् लसीन जुन म्हिसे ब्याह लबारी हरीसी जिन्बा मिरडकोलादेन छयाम खालेसे कर लसी आहिन, तर हराङ्गलान सेमसे ब्याह आल भिसी हराङ्गसे हराङ्गदान तहरी थान्मुला भिसम थ

म्हिसेनोन ज्यबान लबा हिन्ना। ३८ थेतबासेलमा जुन म्हिसे ब्याह लला, थसे ज्यबान लबा हिन्ना। तर जुन म्हिसे ब्याह आल, थसे झन ज्यबा लबा हिन्ना।

३९ हरम्बो सोतधोना मिरड हरम्बोलान तहरी तला। तर हरम्बो सिमाहन्से थदा ब्याह लइ म्हेन्नी भिसम थसे स्हान्दोदेन छयाम ब्याह लबारी खम्ला। थ म्हि चा परभुदा विश्वास लबा म्हि ततोःला। ४० तर थ मिरडम्हेम ब्याह आलना चिजी भिसम थला लागिरी झन ताङ्गतोःबा ताम हिन्ना। चु डाइ म्हेन्बा ताम जे हिन्ना, तसेनोन परमेश्वरला आत्मा डादेन छयाम मुला भिसी डाइ म्हेन्बा मुला।

मूर्तिदा फुल्बा स्हेगद

१ दाहेन्से मूर्तिगददा फुल्बा स्हेला बाररी डाइ पाङ्गला। य्हाङ्ग जम्मानदेन छयाम ज्ञान बुदधि मुला भिबा ताम य्हाङ्ग जम्मादान था मुला। थ ज्ञान बुदधिसे चा य्हाङ्गदा घमण्डी स्होला। तर मायासे चा मण्डलीदा भङ्गना लला। २ चुदे खाले म्हिसे “डाइ जम्मान ताम सेबा मुला” भिसी म्हेन्मुला भिसम थसे जुन ताम सतोःमुबा थ ताम चा सेबान आरे। ३ तर जुन म्हिसे परमेश्वरदा माया लला परमेश्वरसे थदा डासेला।

४ थेतबासेलमा मूर्तिगददा फुल्बा चबा स्हेला बाररी च्यागे। जम्बुलिङ्गरी मुबा मूर्ति तिगे आहिन। ओच्छे परमेश्वर बाहेक स्हान्दो खाले आरे भिबा ताम य्हाङ्गदा थानोन मुला। ५ मुदेन जम्बुलिङ्गरी भिन जेला ल लु मुला तला। चुहरङ् लसी म्हिसे ल्हानान ल लुदेन परभुगदे तेन्सेनोन, ६ य्हाङ्गला लागिरी चा परमेश्वर आबा गिक जे मुला, जम्मान स्ह थसेन स्होबा हिन्ना। ओच्छे य्हाङ्ग थलान लागिरी सोबा हिन्ना। य्हाङ्गला लागिरी परभु गिक जे मुला थ चा येसू खरीष्ट हिन्ना। थग्यामसेन जम्मान स्ह स्होबा हिन्ना। ओच्छे थग्यामसेन य्हाङ्ग सोबा मुला।

७ तर जम्मान म्हिदा चु ताम था आरे। ओच्छे एनीगदे न्हङ्गला कोइ कोइ म्हिसे विश्वास लबा भन्दा डाच्छान मूर्तिदा पूजा लसी खबासे लमा दान्धोनाएनीन थहरङ् लबा चबा स्ह चमा चु चा मूर्तिदा फुल्बा स्ह हिन्ना भिसी म्हेन्मुला। ओच्छे ज्यबा आज्यबा फेबारी खम्बा थनीगदला ज्ञान कमजोर तबासे लमा थनीगदसे “डाइ पाप लजी” भिसी म्हेन्मुला।

८ चबा स्हेसे य्हाड्ढा परमेश्वरदा सेम निबा म्हि आस्हो। ओच्छे थहरड्ढा चबा स्हे चसेनोन य्हाड्ढा न्होड्ढा आल, आचसेनोन य्हाड्ढा ज्यबा तना आल।

९ तर एनीगदे होशियार तउ, एनीगदेला लागिरी जम्मान स्हे चबारी तसेनोन विश्वासरी कमजोर मुबागदसे पाप लआम्याड्ढो। १० चुदे कमजोर सम मुबागदसे एनीगदे सबा घोबा म्हिगदेदा मूर्तिला मन्दररी चबा थुड्ढा लसी चिबा मराड्ढी भिसम, तिग थनीगदसे मूर्तिला फुल्बा स्हेगदे चबा आँट आल? ११ एला ज्ञान बुदधि अन्धारला गे लबासे लमा थे विश्वासरी कमजोर मुबा ज्योज्यो आले नाना आडागदे नाश तला। तर खरीष्ट थनीगदेला लागिरीनोन सिसी जिन्बा मुला। १२ थहरड्ढा लसी एनीगदसे विश्वासरी कमजोर मुबा स्थान्दो विश्वासीगदेला सेम न्होड्ढा लबा चा खरीष्टला बिरोधरी पाप लबा हिन्ना। १३ चुदे डाइ चबा चबा स्हेसे लमा स्थान्दो विश्वासीगदे पापरी फसब तला भिसम डाइ साइमे स्या आच। चुहरड्ढा लसी स्थान्दो विश्वासीगदेदा पापरी फसब लबा डाला सम आहिन।

पावलएनोन अर्गु मुल चेलागदे हरड्ढान हिन्ना

१ डा खजिबे स्हेला तहरी आर। डा मुल चला हिन्ना। डाइ य्हाड्ढा परभु येशुदा मराड्ढा मुला। डाइ य्हाड्ढा परभुला लागिरी लबा गग्यामसेन एनीगदसे थदा विश्वास लबा हिन्ना। २ स्थान्दोगदसे डादा मुल चेला आहिन भिसेनोन एनीगदसे मी डादा मुल चेला हिन्ना भिसी म्हेन्मुला। एनीगदसे परभुदा लबा विश्वासग्यामसेन डा मुल चेला हिन्ना भिसी उन्मुला।

३ डाला अधिकारला बाररी बिरोध लसी ताम पाड्ढा म्हिगदेदा डाइ चुनोन ताम पाड्ढा, ४ तिग एनीगदेग्यामसेन चबा थुड्ढा किन्बा डन्ना हक आर? ५ तिग स्थान्दो मुल चेलागदेदेन परभुला आलेगदे ओच्छे पतरुससे हरड्ढा लसी डन्सेनोन छुयाम छुयामनोन परभुदा विश्वास लबा मिरड्ढा थोसी भरबा हक आर? ६ तिग बारनाबासदेन डाइ जे सोबाला लागिरी हराड्ढसेन गे लतो:बा हिन्ना?

७ तिग सिपाहीसे सरकारग्याम चबा थुड्ढा आयाड्ढ? याड्ढला। तिग अड्ढगुर सबा म्हिसे अड्ढगुर आच? चला। तिग म्हे मुड न्हा म्हिसे

डहे म्हुड आथुड्ढ? थुड्ढला। ८ चु ताम डाइ म्हिसे म्हेन्बा ताम अन्धार जे पाड्ढा आहिन। तर परमेश्वरसे मोशादा पिन्बा ठिमरीनोन चुहरड्ढा भिसी भिरबा मुला। ९ तिगदा भिसम परमेश्वरसे मोशादा पिन्बा ठिमरी “दाई लबा ग्लापला सुडरी बार थाक्वान्गो” भिसी भिरबा मुला। तिग परमेश्वरसे म्हेगदेला लागिरी वास्ता लबा हिन्ना? १० तिग परमेश्वरसे य्हाड्ढला लागिरीन चु ताम सुड्ढा आहिन? हिन्ना। य्हाड्ढला लागिरी चु ताम भिरबा हिन्ना। तिगदा भिसम मोड्ढा म्हेदेन दाई लबा म्हिसे हराड्ढला भो याड्ढला भिबा आशसेन गे लमुला। ११ डन्से एनीगदेदा थार्बा पिन्बा समाचार थे:ना लबा चा ब्रु दवबा हरड्ढान हिन्ना भिसम एनीगदेग्याम डन्से बाली दुड्ढा हरड्ढा लसी तिगे स्हे किन्मा उदेक म्हेन्तो:ला? १२ चुदे स्थान्दो म्हिगदेसे एनीगदेग्याम तिगे स्हे याड्ढा हक मुला भिसम डन डन्ना मी धरेन हक मुला। तर डन्से थे हक अन्धार आकिन्नी। बरु खरीष्टला थार्बा पिन्बा समाचार थे:ना लमा स्थान्दो म्हेदा विश्वास लबारी गाहरो थातगे भिसी जम्मान ताम नासी चिजी। १३ तिग परमेश्वरला मन्दररी गे लबा म्हिसे मन्दरग्यामसेन चबा स्हे चला भिबादेन बलि फुल्बा ग्लारी गे लबा म्हिसे बलि फुल्बा स्हेग्यामसेन भो किन्ना भिबा ताम एनीगदेदा था आर? १४ चुहरड्ढा लसीन थार्बा पिन्बा समाचार पाड्ढा म्हिगदसेनोन थे गग्यामसेन चबा थुड्ढा लउ भिसी परभुसे कुल्बा मुला।

१५ तर डाइ याड्ढतो:बा हक एनीगदेग्याम तिगे म्हाड्ढा आर। दान्देनोन एनीगदसे थे जम्मान ताम दिवना लगे भिसी एनोन डाइ चु ताम भिरबा आहिन। चुहरड्ढा लसी डा ताड्ढसी ताड्ढसी थार्बा पिन्बा समाचार थे:ना लबा डाला गेदा खाले म्हिसे गे आखेल्बा स्हाजी भिसम बरु डा सिबान ज्यबा तला। १६ डाइ थार्बा पिन्बा समाचार थे:ना लमा डाइ धमण्ड लतो:बा ताम आर। तिगदा भिसम चु डाइ थे:ना लतो:बान समाचार हिन्ना। चुदे डाइ थार्बा पिन्बा समाचार थे:ना आलनी भिसम डाला लागिरी चु भन्दा दुखला ताम अर्गु तिगे आर। १७ तिगदा भिसम चु गे डाइ म्हेन्बा अन्धार लजी भिसम डाइ इनाम याड्ढला। तर चु गे डाइ म्हेन्बा अन्धार आल। परमेश्वरसेन डादा चु गे लउ भिसी जिम्मा पिन्बासे लमान चु गे लबा हिन्ना। १८ थहरड्ढा भिसम डाइ याड्ढा इनाम चा तिग हिन्ना? थे इनाम चा डाइ याड्ढा हक अन्धार तिगे स्हे आकिन्ना थार्बा पिन्बा

समाचार थे:ना लबा चा डाइ याडबा इनाम हिन्ना।

१९ डा खालै म्हिला नोकर आहिन। तसेनोन ल्हानान म्हिगंदेदा डाइ खरीष्ट मुबा ग्लारी भवारी खम्गे भिसी डा जम्मान म्हिला नोकर दाजी। २० यहदीगदसे खरीष्टदा विश्वास लगे भिसी डा यहदीगद हरडबान दासी भर्जी। ओच्छे परमेश्वरसे मोशादा पिन्बा ठिमला तहरी भर्बा म्हिगंदेस खरीष्टदा विश्वास लगे भिसी डाएनोन थ ठिमला तहरी चिर्जी। २१ ओच्छे थ ठिम अन्धार आभरबा अर्गु यहलला म्हिगंदेसनोन खरीष्टदा विश्वास लगे भिसी डाएनोन थेनीगदे हरडबान दासी भर्जी। चु भिबा चा डाइ परमेश्वरला ठिमदा खलाजी भिसी पाडबा आहिन, तर डा खरीष्टला ठिम अन्धार भर्बा मुला। २२ ओच्छे विश्वासरी पाको आरबा म्हिगद विश्वासरी पाको तगे भिसी डाएनोन थेनीगदे हरडबान तसी भर्जी। चुहरड लसी जम्मान म्हिसे खरीष्टग्याम थाबा याडगे भिसी जम्मान म्हिगदला लागिरी डा जम्मान थरीला म्हि दासी भर्जी। २३ चु थाबा पिन्बा समाचारग्याम मोलम याडला भिबा आश लसीन डाइ थाबा पिन्बा समाचारला लागिरी चु जम्मान गे लबा हिन्ना।

२४ इनाम याडला भिसी छुयोडबा म्हिगद न्हडरी गिकसे जे इनाम याडला भिबा ताम एनीगददा था आर ? थतबासलमा एनीगदएनोन इनाम याडबालान लागिरी छुयोडगो। २५ तिगे खलरी भो किन्बा म्हिसे जम्मान थरीला तालिम किन्ता:ला। थेनीगदसे म्हासी निबा इनाम याडबाला लागिरी थहरड लमुला। तर म्हाडसे चा साइमे आम्हबा इनाम याडबाला लागिरी थहरड लबा मुला। २६ थतबासलमा डा हराड धोता:बा ग्लारी आधोतधोना छुयोडबारी आखला। थहरड लसी म्हाडदुडरी छुक्बा म्हिसे हरड लसी **डाइ आच्छेक। २७ तर डाइ डाला ल्हडदा दुख पिन्सी तहरी थान्ना। थहरड आलनी भिसम स्थान्दो म्हिदा थाबा पिन्बा

समाचार थे:ना लना लनान डाइ याडतो:बा इनाम आयाड।

इस्राएलीगदसे हरड लसी मूर्तिदा थातेन्गो

१ ज्योज्यो आले नाना आडागद, एनीगदसे १० चु ताम था याडगे भिसी डाइ म्हन्बा मुला। म्हाडला आखे म्हमगंदेदा मिशर यहूत्साग्याम खसुसे ग्याम उन्सी भार्जी। ओच्छे थेनीगदे जम्मान ज्यना लसी समुन्दर गुडग्याम निखम्जी। २ ओच्छे थेनीगदे जम्मान मोशाला लिच्छा भर्सी खसुदेन समुन्दररी बप्तिस्मा याडजी। ३ थेनीगदे जम्मासेन परमेश्वरला आत्मासे पिन्बा चबा स्हे चर्जी। ४ ओच्छे थेनीगददेन छुयाम छुयामनोन मुबा पहराग्याम परमेश्वरला आत्मासे पिन्बा क्युड थेनीगदे जम्मासेन थुडजी। थ पहरा खरीष्टनोन मुबा। ५ तसेनोन थेनीगदे न्हडला ल्हानान हरडबा म्हिगददेन छुयाम परमेश्वर आताडनी। ओच्छे थेनीगदे थ तोडतोडबा ग्लारीन सिर्जी। ६

६ थेनीगदसे हरडनोन म्हाडसेनोन आज्यबा सम थाथगे भिसीन म्हाडदा घोना लबाला लागिरी चु ताम तबा हिन्ना। ७ थेनीगदे न्हडला कोइ कोइसे मूर्तिदा तेन्बा हरड लसी एनीगदसे थातेन्गो। थेनीगदला बाररी बचनरीनोन चुहरड भिसी भिरबा मुला, "म्हिगदसे चबा थुडबा लबारी चिर्जी ओच्छे र:सी मात्रमत्रा लर्जी।" ८ थेनीगदे न्हडला कोइ कोइ म्हिगद बरत्सी भर्बा हरड लसी म्हाड बरत्सी भर्बारी आत। थेनीगदसे थहरडबा आज्यबा गे लबासे लमान तिररीन बोगल गिकसे हजार सोम म्हि सिर्जी। ९ थेनीगदे न्हडला कोइ कोइ म्हिगदसे परमुला †सम च्याबा हरड लसी म्हाडसे थला सम च्याबारी आत। परमुला सम च्याबासे लमा थेनीगदे पुखरीसे जीसी सिर्जी। १० थेनीगदे न्हडला कोइ कोइसे गनगन लबा हरड लसी म्हाडसे गनगन लबारी आत। गनगन लबासे लमा थेनीगददा नाश लबा दूतसे नाश लर्जी। x

**१ :२६ चु चा बक्सीड कलाडबा खल हरडबान म्हन्सी म्हाडदुडरीन म्हिदा आच्छेक भिसी घोना लबा हिन्ना। तिगदा भिसम कोरिन्थरी दिडएदडसन खल कलाडमुबा।

†१० :९ चु पदरी परमुला साटोरी खरीष्ट भिसी कोइ कोइ बाइबलरी भिरबा मुला।

१० :३ परस्था १६ :३५ १० :४ परस्था १७ :६ ; गन्ती २० :११ १० :५ गन्ती १४ :२९-३०

१० :७ परस्था ३२ :६ १० :८ गन्ती २५ :१-१८ १० :९ गन्ती २१ :५-६

१० :१० गन्ती १६ :४१-४९

११थे तामगदे द्याड्ढा घोना लबाला लागिरी थनीगदेदा तबा मुबा। थे तामगदे जिन्बारी छ्याइबा धुइरी द्याड्ढा होशियार तना लबाला लागिरी भिरबा हिन्ना।

१२थेतबासलमा जुन म्हिसे डा ठीक मुला भिसी म्हेन्ना, थे म्हि चा होशियार तसी चिगे। आहिन्सम थे म्हि हिरल्ला। १३एनीगदेदा लोभ उन्सी फसब लमा स्थान्दो म्हिगदेदा लोभरी फसब लबा हरड्ढान तला। तर परमेश्वर विश्वास लसम्बा परमेश्वर हिन्ना, तिगदा भिसम परमेश्वरसे एनीगदेला सेमसेन नाआसम्बाधोनाला लोभ उन्सी फसब लबारी आपिन। एनीगदेदा फसब लबारी लोभ उन्मा थेग्याम फेबारी परमेश्वरसेन एनीगदेदा ग्याम उन्सी पिन्ना।

१४थेतबासलमा डाला सेम निबा हरोगेदे, एनीगदेसे मूर्ति थातेन्गो। १५सेबा घोबा म्हि म्हेन्सी डाइ एनीगदेदा पाड्ढान मुला। डाइ पाड्ढा चु ताम सत्य हिन्ना कि आहिन, एनीगदेसेन पक्का लउ। १६परभु भोजला खोर थोसी द्याड्ढस परमेश्वरदा धन्यवाद पिन्सी थुड्ढा द्याड्ढा खरीष्टला कारी गिक तबा हिन्ना। ओच्छे गेड्ढा क्युइसी चमा द्याड्ढा खरीष्टला ल्हुइरी गिक तबा हिन्ना। १७गेड्ढा गिकनोन हिन्ना, थेतबासलमा द्याड्ढा ल्हानान मुसेनोन ल्हुइ चा गिकनोन हिन्ना। तिगदा भिसम द्याड्ढा जम्मानसेन गेड्ढा गिकग्यामसेन चबा मुला।

१८इस्राएलीगदेदा च्यागो, परमेश्वरदा फुल्बा स्हे चबागदे परमेश्वरदा बलि फुल्बा गलादेन छ्याम गिक तबा मुला। १९डाइ पाड्ढारी म्हाइबा तिग हिन्ना भिसम, मूर्तिदा फुल्बा स्हे तिगे आहिन, ओच्छे मूर्तिएनोन तिगेनोन आहिन। २०तर मूर्तिदा बलि फुल्बा अर्गु द्युलला म्हिगदेसे परमेश्वरदा फुल्बा आहिन, म्हेड्ढा म्हेड्ढा हिन्ना। थेतबासलमा एनीगदे म्हेड्ढा म्हेड्ढा गिक थातगे भिबा डाला सेम मुला। २१एनीगदेसे परमुदेन म्हेड्ढा म्हेड्ढा न्हीलान खोरग्याम थुड्ढारी आसम। ओच्छे परमुदेन म्हेड्ढा म्हेड्ढा न्हीलान टेबुलरी चिसीनोन चबारी आसम। २२थेहरड्ढा लजी भिसम परमुदा

डाह तला। तिग एनीगदेसे द्याड्ढा परभु मन्दा भड्ढा हिन्ना भिसी म्हेन्ना? b

एनीगदेसे जे लसे परमेश्वरदा मान तबा गे लउ

२३जम्मान ताम लम्याड्ढमुला, तर जम्मान ताम द्याड्ढला लागिरी ज्यबा आरं। जम्मान ताम लम्याड्ढमुला, तर जम्मान तामसे स्थान्दो गदेदा ज्यबा तना आल। २४एनीगदे खालेसेन हराड्ढसे हराड्ढा ज्यबा लबारी थाम्हाइगो। तर हराड्ढला खिम्जेमदा ज्यबा लबारी म्हाइगो।

२५एनीगदेला सेम आन्होड्ढाला लागिरी स्या पसलरी निसी खानड्ढग्याम म्हा हिन्ना भिसी द्योइबा छ्यार्या आलना भसी चउ। २६तिगदा भिसम परमेश्वरला बचनरी चुहरड्ढा लसी भिरबा मुला, “जम्बुलिड्ढेन जम्बुलिड्ढरी मुबा जम्मान स्हे परभुलान हिन्ना।” d

२७खरीष्टदा विश्वास आलबा खाले म्हिसे एनीगदेदा चबारी द्योइमा एनीगदेदा निबा सेम खजी भिसम हराड्ढला सेम आन्होड्ढाला लागिरी एनीगदेसे तिगे द्योइबा छ्यार्या आलना थरी चबारी पिन्बा जम्मान स्हे चउ। २८तर खाले म्हिसे एदा “चु मी बलि फुल्बा स्हे हिन्ना” भिजी भिसम थेहरड्ढा पाड्ढा म्हिदेन थला सेमला लागिरी एसे थे चबा स्हे थाचउ। २९डाइ एना लागिरी पाड्ढा आहिन, तर एदा थे ताम था याड्ढना लसी पिन्बा म्हेला सेमला लागिरी पाड्ढा हिन्ना। डाइ जे लसे तबा तामरी तिगदा स्थान्दोला सेमसे निसाफ लपुड्ढसे? ३०चुदे डाइ परमेश्वरदा धन्यवाद पिन्सी चबान मुला भिसम धन्यवाद पिन्सी चबा स्हेला लागिरी स्थान्दोसे तिगदा डादा बिरोध लबा?

३१थेतबासलमा एनीगदेसे चसे, थुड्ढसे, जे लसेनोन परमेश्वरदा मानदेन जयजयकार पिन्बाला लागिरी एनीगदेसे जम्मान गे लउ। ३२एनीगदेसे यहूदीदा तसे, अर्गु द्युलला म्हिदा तसे, परमेश्वरला मण्डली तसे खालेदान न्होड्ढना लबा गे थालउ। ३३जम्मान गेग्याम डाइ जम्मान म्हिदा ताड्ढना लबारी म्हाइबा मुला। डाइ साइमे हराड्ढा ज्यबा तगे भिसी खजिबे गे लबारी आम्हाइनी। तर थनीगदेसे

##१०:२१ चु पद अन्धार विश्वासीगदेसे परभुला भोज चमाहेन्से विश्वास आलबा म्हिदेन चबारी मूर्तिगदला मन्दिररी निबारी आत।

११०:१६ मत्ती २६:२६-२८; मर्कु १४:२२-२४; लूका २२:१९-२० ११०:१८ लेवी ७:६

११०:२० व्यव ३२:१७ ११०:२२ व्यव ३२:११ ११०:२३ १ कोर ६:१२ ११०:२६ भजन २४:१

आसेल्ला बिसी म्हन्बा? ओच्छे तिगै आरबा म्हिगदेदा पेःना लबारी म्हाइबा? दाहेन्से डाइ एनीगदेदा तिग पाडसे? तिग एनीगदेसे चुहरङ लबा ज्यबा हिन्ना बिसी पाडसे? अहँ, डाइ आपाङ्क।

२३ तिगदा बिसम डाइ जुन ताम परभुग्याम लोप्रा मुला थं ताम डाइ एनीगदेदा पाडबारी छ्याइबा मुला। परभु यशूदा चुडबाकुनु म्हुनङ थंसे गड थोजी। २४ ओच्छे परमेश्वरदा धन्यवाद पिन्सी थं गड क्युइजी। जमाहेन्से “चु एनीगदेला लागिरी डाला ल्हुइ हिन्ना। डादा ढन्सी चिबाला लागिरी एनीगदेसे चुहरङनोन लउ” बिसी सुङ्गी। २५ थहरङ लसीन भोज चसी जिन्माहेन्से परभुसे खार थोसी, “चु खोरला निङ्गु एनीगदेला लागिरी डाला काग्याम स्होबा छार कबुल हिन्ना। जुन जुन धुइरी एनीगदेसे चु थुङ्गला थं, थं धुइरी डादा ढन्बाला लागिरी सदन चुहरङ लउ” बिसी सुङ्गी। २६ चुहरङ लसी गड चबादेन अङ्गुरला निङ्गु थुङ्गबा धुइरी परभु आफ्प्रतधोना परभु य्हाङ्गला लागिरी सिजी बिसी एनीगदेसे जम्मादान थंःना लमुला।

२७ थेतबासेलमा जुन म्हिसे तिगै ताम वास्ता आलना परभुला गड चबादेन परभुला खोरग्याम थुङ्गला थंसे परभुला ल्हुइदेन कादा बेइज्जत लबासे लमा पापला दोष तला। २८ जम्मान म्हिसे डाच्छा हराडसे हराडदान ठीक मुला कि आर बिसी च्यासी जे थं गड चउ, ओच्छे खोरग्याम थुङ्गो। २९ तिगदा बिसम जुन म्हिसे परभुला ल्हुइला बाररी आपोना चबा थुङ्गबा लला, थंसे थहरङ लसी चबा थुङ्गबा लबासे लमा सजाय याङ्गला। ३० थेतबासेलमा एनीगदे न्हडरी ल्हानान कमजोरदेन आसम्बा मुला, ओच्छे कोइ कोइ मी सिसी जिन्जी। ३१ तर य्हाडसे हराडसे हराडदान ठीक मुला कि आर बिसी च्याजी बिसम य्हाडसे सजाय नाआतोः। ३२ तर निसाफ लबा धुइरी जम्बुलिङ्गला दोष स्याप्रा हरङ लसी एनीगदेला दोष थास्यापौ बिसी य्हाङ्गदा परभुसे हराङ्गला तहरी थान्ना।

३३ थेतबासेलमा ज्योज्यो आले नाना आडागदे, परभु भोज चबारी ग्ला गिकरी पोप तबा धुइरी गिकसेम गिकदा भरण्गो। ३४ खालै फोखरेन्बा मुसम थंसे दिमरीन चगै,

ओच्छे परभु भोज चबा धुइरी एनीगदे खालैसेन परमेश्वरग्याम सजाय थायाङ्गो। अर्गु तामला बाररी डा खसीन पाङ्गला।

परमेश्वरला आत्मासे पिन्बा मोलम

१२ ज्योज्यो आले नाना आडागदे, १२ परमेश्वरला आत्मासे पिन्बा मोलमला बाररी एनीगदेसे था याङ्गो बिसी डाइ म्हन्बा मुला। २ एनीगदेसे खरीष्टदा विश्वास लबा मन्दा डाच्छा तिगै म्हिसे एनीगदेदा उन्बा आज्यबा ग्यामरी भरसी तामनोन पाङ्गआसम्बा मूर्तिगदेदा तेन्जी भिबा ताम एनीगदेदा थानोन मुला। ३ परमेश्वरला आत्मासे कुल्बा अन्छार भरबा म्हिगदे खालैसेन “यशू गे आसेल्ला हिन्ना” बिसी आपाङ्क। ओच्छे परमेश्वरला आत्मासे हरो आलतधोना खालैसेन “यशून परभु हिन्ना” बिसी पाडबारी आसम भिबा ताम एनीगदेसे था याङ्गो बिसी डाइ म्हन्बा मुला। ४

४ परमेश्वरसे पिन्बा मोलम ल्हानान थरीला मुला, तर मोलम पिन्बा परमेश्वरला आत्मा चा गिक जे हिन्ना। ५ तेन्बाला लागिरी ल्हानान थरीला तामगदे मुला, तर परभु चा गिक जे मुला। ६ ओच्छे गेगदे ल्हानान थरीला मुला, तर जम्मान म्हिदा गे लसम्बा शक्ति पिन्बा चा थनोन परमेश्वर जे हिन्ना।

७ जम्मान विश्वासेदा हरो लबाला लागिरी परमेश्वरला आत्मासे य्हाङ्ग जम्मादान मोलम पिन्बा मुला। ८ परमेश्वरला आत्मासेन कोइदा बुद्धिला ताम पाडबारी, थनोन परमेश्वरला आत्मासे कोइदा ज्ञानना ताम पाडबारी मोलम पिन्बा मुला। ९ थनोन परमेश्वरला आत्मासे कोइदा विश्वास लसम्बा, कोइदा आसम्बा म्हिगदेदा खम्ना लबा मोलमगदे पिन्बा मुला। १० ओच्छे कोइदा उदेकला गे लसम्बा, कोइदा अगमवाणी पाड्गबा, कोइदा ज्यबा आज्यबा आत्मा फेसम्बा, कोइदा थरी थरीला ग्योइ पाड्गबा, कोइदा चा थनोन थरी थरीला ग्योइ जम्मादान धोना लसम्बा मोलमगदे पिन्बा मुला। ११ तर परमेश्वरला आत्मा गिकनोन हिन्ना ओच्छे चु जम्मान गेगदे थं आत्मातान हिन्ना। ओच्छे चु मोलम परमेश्वर हराडसेन म्हन्बा अन्छार गिक गिकदा पिन्ना।

लहुइ गिकरी ल्हानान स्हे मुला

१२ य्हाडला लहुइरी ल्हानान स्हे मुला। ल्हानान स्हेगदे मुसेनोन लहुइ चा गिक जे हिन्ना, खरीष्टला लहुइएनोन थहरडवान हिन्ना। १३ य्हाड यहदी हिन्से, अर्गु य्हलला म्हे हिन्से, नाकर हिन्से आहिन्से य्हाडसं गिकनोन परमश्वरला आत्माग्याम लहुइ गिकरीन बप्तिस्मा किन्वा मुला। ओच्छे य्हाड जम्मान परमश्वरला आत्मा गिकनोन याड्वा मुला।*

१४ तिगदा भिसम लहुइला स्हे गिकग्यामसे जे म्हेला लहुइ स्होबा आहिन, तर लहुइला ल्हानान स्हेगदे दिक्सी म्हेला लहुइ स्होबा हिन्ना। १५ चुदे काडसे “डा या आहिन, थतबासेलमा डा लहुइरी मुबा स्हे आहिन” भिजी भिदेमा थ लहुइला स्हे आहिन? हिन्ना। १६ ओच्छे नाब्यडसे “डा मी आहिन, थतबासेलमा डा लहुइला स्हे आहिन” भिजी भिदेमा थ लहुइला स्हे आहिन? हिन्ना। १७ चुदे लहुइरी जम्मान मीनोन मी जे मुबा हिन्सम तिगसे थ:बा? ओच्छे लहुइरी जम्मान नाब्यड जे मुबा हिन्सम तिगसे थाड नाबा? १८ तर परमश्वरसे हराडसे म्हेन्वा अन्धार य्हाडला लहुइरी जम्मान स्हे दिक्ना लसी थान्वा मुला। १९ चुदे थ जम्मान स्हे गिक जे मुबा हिन्सम लहुइनोन आदासला मुबा। २० तर लहुइरी ल्हानान स्हेगदे मुसेनोन लहुइ चा गिक जे हिन्ना।

२१ मीसे यादा “ए डादा आतो:” भिसी पाड्आखम, ओच्छे थोबासेनोन काडदा “एनीगदे डादा आतो:” भिसी पाड्आखम। २२ बरु लहुइरी मुबा कमजोर स्हेगदे झन आरना आतमुला। २३ य्हाडसे जजा म्हेन्वा लहुइला थ स्हेगदेदा झन ज्यना लसी थान्मुला। ओच्छे उन्बारी आखम्बा स्हेगदेदा झन जोगब लसी थान्मुला। २४ तर य्हाडसे उन्बारी खम्बा स्हेगदेदा चा थहरड लसी जोगब लसी थान्आतो:। बरु लहुइला कमजोर स्हेगदेदा चा मान लगे भिसी परमश्वरसे दिक्ना लसी थान्जी। २५ लहुइरी मुबा जम्मान स्हेगदे दिक्सी गिकसेम गिकला वास्ता लगे भिसीन हिन्ना। २६ चुदे लहुइला

स्हे गिकदा दुख तजी भिसम लहुइला जम्मान स्हेदा दुख तला। ओच्छे लहुइला स्हे गिकसे मान याड्जी भिसम लहुइला जम्मान स्हेगदे ताडला।

२७ एनीगदे जम्मान खरीष्टला लहुइ हिन्ना, ओच्छे एनीगदे गिक गिक खरीष्टला लहुइला स्हेगदे हिन्ना। २८ परमश्वरसेन मण्डलीरी जम्मान भन्दा डाच्छा मुल चेलागदे, जमाहन्से अगमवक्तागदे, जमाहन्से स्थान्दोदा लोप्रा म्हेगदे, ओच्छे उदेकला गे लबा म्हेगदे, आखम्बा म्हेदा खम्ना लबा मोलम याड्वा म्हेगदे, स्थान्दोदा हरो लबा म्हेगदे, जम्मान ताम दिक्ना लबा म्हेगदे, ओच्छे थरी थरीला ग्योइ पाड्वा म्हेगदेदा धम्सी थान्वा मुला।^{११}

२९ तिग जम्मान म्हेगदे मुल चेला हिन्ना? आहिन। तिग जम्मान म्हेगदे अगमवक्ता हिन्ना? आहिन। तिग जम्मान म्हेगदे स्थान्दोदा लोप्रा म्हे हिन्ना? आहिन। तिग जम्मान म्हेगदेसे उदेकला गे लला? आल। ३० तिग जम्मान म्हेगदेसे आखम्बा म्हेदा खम्ना लबा मोलम याड्वा? आयाड्। तिग जम्मान म्हेगदेसे थरी थरीला ग्योइ पाड्वा? आपाड्। तिग जम्मान म्हेगदेसे थ थरी थरीला ग्योइ जम्मादान घाना लबारी खम्ना? आखम। ३१ तर एनीगदेसे अझ घरेन घरेन मोलम याड्वा सम लउ।

माया चा जम्मान भन्दा घरेन मोलम हिन्ना

ओच्छे एनीगदेदा डाइ झन जम्मान भन्दा ज्यबा ग्याम उन्ना।

१ डाइ म्हेगदेदेन स्वर्गदूतगदेला ग्योइरी १३ ताम पाड्सेनोन स्थान्दोदा माया आलनी भिसम डा चा स्याड्देन बुप्जेल हूरड्वा जे तला। २ डाइ अगमवाणी पाड्खम्सेनोन म्हेला ज्ञान बुदधिस घोआखम्बा ताम घोसेनोन, जम्मान ज्ञान बुदधि याड्सेनोन, ओच्छे डादेन छुयाम गड्गदे ले:खम्बा विश्वास मुसेनोन डाइ स्थान्दोदा माया लआखम्नी

*१२:१३ “परमश्वरला आत्मा गिकनोन याड्वा मुला” भिबादा ग्रीक बाइबलरी आत्मा गिकनोन थुड्बारी पिन्वा मुला भिसी भिरवा मुला।

भिसम डा तिगैनीन आहिन। १३ चुदे डाइ डाला जम्मान धन सम्पत्ति स्थान्दोदा भो लसी पिन्जी, ओच्छे डाइ डाला ल्हुइनीन मरी खराडपुडसैनीन ङडाइ स्थान्दोदा माया आलनी भिसम डादा तिगै ज्यबा आत।

४ स्थान्दोदा माया लबा म्हिसे जम्मान ताम भ्रान्बारी खम्ला ओच्छे दया लला। स्थान्दोदा डाह आल, डा जे ज्यबा भिसी आपाङ् ओच्छे धरन दोसीनीन आभर। ५ स्थान्दोदा माया लबा म्हि चा हिरक्बा आरबा म्हि हरङ्बा आत मुला, हराङ्बा जे ज्यबा तगै भिसीएनीन आम्हन, स्थान्दोदेन ओच्छेर, ओच्छे हराङ्बा विरोध लबा तामलाएनीन वास्ता आल। ६ स्थान्दोदा माया लबा म्हि आज्यबा तामरी आताङ्, थे सत्य तामरी जे ताङ्गला। ७ स्थान्दोदा माया लबा म्हिसे जम्मान ताम जोगब लला, जम्मान तामएनीन विश्वास लला, ओच्छे जम्मान ताम तला भिसी आश लला, जम्मान तामरी कोङ्सी चिला।

८ माया खाइमै म्हासी आनि। तर अगमवाणी पाङ्बा खलाला, थरी थरीला ग्योइ पाङ्बा खलाला, ओच्छे ज्ञान बुदधिला तामगदे गे आखेल्बा तला। ९ य्हाङ्से पाङ्बा अगमवाणीदेन य्हाङ्गला ज्ञान बुदधि पूरा आर। १० तर जम्मान ताम पूरा तमाहन्से चा पूरा आतबा जम्मान तामगदे म्हासी निला।

११ डा जज्जा मुबा धुइरी डाइ जत्थुगुलान ताम पाङ्मुबा, ओच्छे जत्थुगुसे म्हन्बा तामनीन म्हन्मुबा, जत्थुगुसे घोबा हरङ् लसीन घोमुबा। तर म्थीन तमाहन्से डाइ जत्थुगुला जम्मान बानीबहोरगदे खलाजी। १२ दान्दे चा य्हाङ्से ज्यना लसी आमराङ्बा एनारी मराङ्बा हरङ् जे मराङ्गमुला, तर लिच्छा चा ज्यना लसी मराङ्गला। दान्दे डाइ पूरान ताम आघोसैनीन थे धुइरी चा परमेश्वरसे डाला बाररी जम्मान ताम था याङ्बा हरङ् डाइएनीन जम्मान ताम घोला।

१३ विश्वास, आशदेन माया चा खाइमै आम्हा। तर चु सोम न्हडरी धरन चा माया हिन्ना।

अगमवाणीदेन अर्गु ग्योइ

१४ १ थेतबासेलमा एनीगदेसे ल्हानान म्हाइदोबा चा माया हिन्ना। ओते जे आहिन, परमेश्वरला आत्मासे पिन्बा मोलमगदे याङ्बारीनीन ल्हानान सम लउ। ओच्छे अगमवाणी पाङ्बारी चा झन ल्हानान सम लउ। २ तिगदा भिसम अर्गु ग्योइ षपाङ्बा म्हिसे म्हिगदेदेन छुयाम आहिन, परमेश्वरदेन छुयाम ताम पाङ्गमुला। थसे परमेश्वरला आत्माला शक्तिगयाम म्हिसे था आयाङ्बा ताम पाङ्बासे लमा स्थान्दो सात्ते म्हिसे आघोमुला। ३ तर अगमवाणी पाङ्बा म्हिसे स्थान्दोगदेसे घोखम्बा ताम पाङ्गमुला। थसे पाङ्बा तामगयाम म्हिगदेसे विश्वासरी कोङ्बा आँटदेन शान्ति याङ्गला। ४ अर्गु ग्योइ पाङ्बा म्हिसे हराङ्गलान विश्वास कोङ्गना लला। तर अगमवाणी पाङ्बा म्हिसे चा मण्डलीलान विश्वास कोङ्गना लला। ५ एनीगदे जम्मासेन अर्गु ग्योइ पाङ्गै भिसी डाइ म्हन्बा मुला। तर थे मन्दा झन ल्हाना चा एनीगदेसे अगमवाणी पाङ्गै भिसी डाइ म्हन्बा मुला। मण्डलीला विश्वास कोङ्गना लबाला लागिरी अर्गु ग्योइ म्हिगदेदा घाना लसी पिन्बा म्हि खात्ते आरसम अर्गु ग्योइ पाङ्बा म्हि मन्दा अगमवाणी पाङ्बा म्हि चा धरन हिन्ना।

६ ज्योज्यो आले नाना आडागदे, चुदे डा एनीगदे मुबा ग्लारी खसी अर्गु ग्योइ जे पाङ्गी भिसम तिग एनीगदेदा ज्यबा तला? आत। तर चुदे डा एनीगदे मुबा ग्लारी खसी परमेश्वरसे उन्बा ताम, ज्ञान बुदधिला ताम, अगमवाणीदेन तिगै लोप्तोःबा ताम लोप्जी भिसम एनीगदेदा ज्यबा तला। ७ बाँसुरीदेन वीणा हराप्मा थला काइ ज्यना लसी आथोन्नी भिसम तिग हराप्जी भिसी साहरङ् लसी था याङ्बा? ८ चुदे बिगुल हराप्मा ज्यना लसी आथःनी भिसम लडाइ लबाला लागिरी साहरङ् लसी तयार तला? ९ थहरङ् लसीन एनीगदेसेनीन अर्गु ग्योइरी आघोबा ताम

१३:३ थे धुइरी म्हिदा सजाय पिन्तोःसम मेसे खराङ्मुबा।

१४:२ "अर्गु ग्योइ" भिबा चा गरीक अन्धार खाले म्हिसे आसेबा ग्योइ पाङ्खम्ला भिबा हिन्ना। (चु ताम १४:४, ५, १३, १४, १८, २२, २६, २७, २८, ३९ पदगदरीनीन मुला।)

१४:८ य्हूदीगदला ठिम अन्धार लडाइ लबाला लागिरी तयार तउ भिसी पाङ्गोःमा बिगुल हराप्मुबा।

१३:२ मत्ती १७:२०; २१:२१; मर्कु ११:२३

पाङ्जी भिसम एनीगदसे तिग पाङ्जी भिसी खाल्से था याङ्से ? एनीगदसे पाङ्बा चा तिगै गे आखल्बा तला। १० जम्बुलिङ्गी ल्हानान थरीला ग्योङ्गद मुला। थ ग्योङ्गद न्हङ्गी खाले म्हिसे आघोबा ग्योङ्ग चा गिकनोन आर। ११ चुद खाले म्हिसे पाङ्मा डाइ आघोनी भिसम थ डाला लागिरी विदेशी तला, ओच्छे थला लागिरी डा विदेशी तला। १२ थहरङ् लसीन एनीगदसेनोन परमेश्वरला आत्माग्याम याङ्बा मोलमगद याङ्बारी ल्हानान सेम लबासे लमा मण्डलीदा ल्हाना लबाला लागिरी जुन मोलमसे आँट याङ्गी भङ्ना लला थ मोलम म्हाङ्गो।

१३ थतबासलमा अर्गु ग्योङ्ग पाङ्बा म्हिसे थ ताम घोना लखम्बा शक्ति याङ्बाला लागिरी परार्थना लतोःला। १४ तिगदा भिसम डाइ अर्गु ग्योङ्गी परार्थना लमा डाला आत्माग्याम परार्थना लला। तर थ ताम डाइएनोन आघो। १५ थहरङ् भिसम डाइ तिग लसे ? डाइ आत्माग्याम परार्थना लला, तर डाइ घोबाला लागिरी सेमसेनोन परार्थना लला। ओच्छे आत्मासे परमेश्वरला जयजयकार लसी व्हाइ गोला, तर डाइ घोबाला लागिरी सेमसेनोन व्हाइ गोला। १६ चुद एसे आत्माग्याम परमेश्वरला जयजयकार लसी धन्यवाद पिन्सी परार्थना लमा स्थान्दो म्हिगदसे आघोनी भिसम खाहरङ् लसी, “आमन” भिसम्ता ? १७ एसे ज्यना लसी धन्यवाद पिन्ना तला, तर स्थान्दो म्हिसे आघोनी भिसम थला विश्वास कोङ्बा आत।

१८ डाइ परमेश्वरदा धन्यवाद पिन्ना, तिगदा भिसम एनीगदसे भन्दा झन डाइ ल्हानान सेम अर्गु ग्योङ्ग पाङ्मुला। १९ तर मण्डलीरी आघोबा ग्योङ्ग्याम हजार च्युइ ताम पाङ्बा भन्दा मी बरु डाइ हराङ्गलान सेमग्याम गोर डा ताम जे पाङ्सी स्थान्दोदा लोप्बा चा ज्यवा तला भिसी डाइ म्हन्बा मुला।

२० ज्योज्यो आले नाना आडागदे, एनीगदसे कोलागदसे म्हन्बा हरङ् लसी थाम्हन्गो। आज्यबा तामगदला लागिरी एनीगदे तिगै आसेबा कोलागदे हरङ्गबान दोगो। तर म्हन्बा धुङ्गी चा पाको म्हिसे म्हन्बा हरङ्गबान म्हन्गो। २१ बचनरीनोन परमपरमुसे चुहरङ् भिसी सुङ्बा मुला, “अर्गु ग्योङ्ग पाङ्बा म्हिगददेन विदेशीग्याम

डाइ चु म्हिगददेन छ्याम ताम पाङ्गला। तसेनोन थनीगदसे डाला ताम ड्यान्बा सेम आल।”०

२२ थतबासलमा अर्गु ग्योङ्गद पाङ्बा चा विश्वास लबा म्हिगदला लागिरी आहिन, विश्वास आलबा म्हिगदला लागिरी चिनु हिन्ना। तर अगमवाणी पाङ्बा चा विश्वास आलबा म्हिगदला लागिरी आहिन, विश्वास लबा म्हिगदला लागिरी हिन्ना।

२३ थतबासलमा एनीगदे मण्डलीरी हरुप तबा धुङ्गी अर्गु ग्योङ्ग पाङ्बा धुङ्गी विश्वास आलबा म्हिगददेन थ ताम आघोबा म्हिगद थरी खजी भिसम थनीगदसे एनीगदेदा म्याजीम भिसी भिला। २४ तर जम्मासेन अगमवाणी पाङ्गबान लबा धुङ्गी विश्वास आलबा खाले म्हिदेन घोबा सेम थोसी खबा म्हि थरी खजी भिसम जम्मासेन पाङ्बा तामग्याम थसे हराङ्गसे लबा पाप था याङ्गला ओच्छे थसे हराङ्ग ठीक मुला कि आर भिसी च्याला। २५ खालेदा था आरबा थला सेमला तामगदेएनोन था याङ्गला। जमाहेन्से खनुप तसी थसे परमेश्वरदा धन्यवाद पिन्ना, ओच्छे “पक्कान, एनीगदला गुङ्गी परमेश्वर मुला” भिसी थसे पाङ्गला।

ठीक लसी संगती लउ

२६ ज्योज्यो आले नाना आडागदे, डाइ एनीगदेदा पाङ्बारी म्हाइबा ताम चा चुनोन हिन्ना, एनीगदे हरुप तसी संगती लबा धुङ्गी कोइसे व्हाइ गोला, कोइसे बचनग्याम लोप्ता, कोइसे परमेश्वरसे उन्बा ताम घोना लला, कोइसे अर्गु ग्योङ्ग पाङ्गला, कोइसे थ ग्योङ्ग्याम पाङ्बा ताम जम्मादान घोना लला। चु जम्मान तामगदे चा मण्डलीदा भङ्ना लबारी लतोःला। २७ एनीगदे न्हङ्गी खालेसे अर्गु ग्योङ्ग पाङ्गमुला भिसम, पालो पालो लसी न्ही सोमसे जे पाङ्गो, स्थान्दो गिकसे चा थ अर्गु ग्योङ्ग जम्मादान घोना लतोःला। २८ तर थ ताम घोना लबारी थरी खाले म्हि आतनी भिसम थ ताम पाङ्बा म्हि चा मण्डलीरी कुटिसी चिगै। ओच्छे थ हराङ्गनोन परमेश्वरदेन छ्याम जे ताम लगे।

२९ अगमवाणी पाङ्बा म्हि चा न्ही सोमघोना तगे, ओच्छे स्थान्दो म्हिगदसे चा थनीगदसे पाङ्मा परमेश्वरग्याम खबा हिन्ना कि आहिन

मिसी च्यागै। ३० तर थरी मुबा म्हिगदे न्हडरी गिकदा परमेश्वरसे तिगै ताम उन्सी पाङ्गुङ्गी मिसम डाच्छा पाङ्गवान लबा म्हि चा तिगै आपाङ्गना कुटिसी चिगै। ३१ अगमवाणी पाङ्गवा एनीगदे जम्मासेन पालो पालो लसी अगमवाणी पाङ्गसम्ता, ओच्छे इयान्वा म्हिगदेस लोप्सम्ता ओच्छे जम्मासेन ऑट याङ्गला। ३२ अगमवक्तागदेस हराङ्गला सेमदा हराङ्गसेन तहरी थान्तोःला। ३३ तिगदा मिसम परमेश्वर अलमल तना लबा परमेश्वर आहिन, तर शान्ति पिन्बा परमेश्वर हिन्ना।

थहरङ्ग लसीन परमेश्वरला म्हिगदेस जम्मान मण्डलीला ठिम अन्छार, ३४ मण्डलीरी संगती लवान लबा धुइरी मिरङ्गम्हेमगदे कुटिसी चितोःला। थ धुइरी थनीगदेस ताम पाङ्गाम्याङ्ग। तर हराङ्गला ठिमसे पाङ्गवा अन्छार थनीगदे तहरी चितोःला। ३५ तिगै तामला बाररी इयोइबा सेम मुसम थनीगदेस दिमरी हराङ्ग हराङ्गला हरम्बोदेन छयाम इयोइगै। तिगदा मिसम मण्डलीरी ताम पाङ्गवा चा मिरङ्गम्हेमगदेला लागिरी पःबा सबा ताम हिन्ना।

३६ तिग परमेश्वरला बचन एनी कोरिन्थला म्हिगदेस थःना लबारी शुरु लबा हिन्ना? आहिन। तिग परमेश्वरला बचन एनीगदेस जे थःबा हिन्ना? आहिन। ३७ खाले म्हिसे हराङ्गसे हराङ्गदान अगमवक्ता अथवा परमेश्वरला आत्माग्याम मोलम याङ्गवा म्हि हिन्ना मिसी म्हन्मुला मिसम, थसे डाइ भिरबा चु ताम परभुसे कुल्वा ताम हिन्ना मिसी था याङ्गतोःला। ३८ तर खाले म्हिसे चु तामगदेदा वास्ता आलनी मिसम थला तामदाएनोन खालेसेन वास्ता आल।

३९ थेतबासलमा डाला ज्योज्यो आले नाना आडागदे, अगमवाणी पाङ्गवारी ल्हानान सेम लउ, ओच्छे अर्गु ग्योइ पाङ्गवा म्हिगदेदाएनोन थाकागो। ४० तर जम्मान गे ज्यना लसी दिक्ना लसी लतोःला।

येशू खरीष्ट सिबाग्याम सोबा

१५

१दाहन्से ज्योज्यो आले नाना आडागदे, डाइ एनीगदेदा थःना लबा थाबा पिन्बा समाचारला बाररी डाइ एनीगदेदा दोःसी पाङ्गला। थ समाचाररी विश्वास लसी एनीगदे थनोन अन्छार मखान मुला। २ चुदे डाइ थःना लबा थाबा पिन्बा समाचाररी विश्वास लबा आख्खानी मिसम जे एनीगदेस थाबा याङ्गला, आहिन्सम एनीगदेस लबा विश्वास गे आसंत्वा तला।

३ तिगदा मिसम परमेश्वरला बचन अन्छार खरीष्ट य्हाङ्गला पापला लागिरी सिजी मिसी डाइ था याङ्गवा मुल तामनोन डाइ एनीगदेदा थःना लबा मुला। ४ थदा ल्हुजी ओच्छे परमेश्वरला बचन अन्छार थ सोमरमाकुनु सिबाग्याम दोःसी सोजी। ५ ओच्छे थदा पतरुससे मराङ्गी, जमाहन्से थदा च्युक न्ही मुल चलासे मराङ्गी। ६ जमाहन्से थदा हराङ्गदा विश्वास लबा ग्यार्जा डा भन्दा ल्हाना ज्योज्यो आले नाना आडागदेसे तिवखुरीन मराङ्गी। थनीगदे न्हङ्गला ल्हाना हराङ्गवा म्हिगदे दान्दधोनाएनोन मुला, तर कोइ कोइ चा सिसी जिन्जी। ७ जमाहन्से थदा याकूबसे मराङ्गी, ओच्छे लिच्छा जम्मान मुल चलागदेसे मराङ्गी। ८ थदा जम्मान भन्दा लिच्छा चा डाइ मराङ्गी। ९ थुइरी चा डा ला आच्छयाना न्हाबा कोला हराङ्गवान मुबा। १०

१ तिगदा मिसम जम्मान मुल चलागदे डा भन्दा धरन हिन्ना, थनीगदे न्हडरी डा चा तिगेनोन आहिन। तिगदा मिसम डाइ परमेश्वरला मण्डलीदा ल्हानान दुख पिन्बासे लमा डा मुल चला मिबाधोनाला ओर। २ तर दान्द डा परमेश्वरला दयामायासे लमान मुल चला दोबा मुला। ओच्छे थसे डादा लबा दयामाया खरारी आनिनी। बरु डाइ स्थान्दो मुल चलागदेसे भन्दा ल्हानान गे लजी। तर चु जम्मान गे डाइ लबा आहिन, डादेन छयाम मुबा परमेश्वरला दयामायासेन हिन्ना। ३ थेतबासलमा डाइ थःना लसे, थनीगदेसे थःना लसे, डन्से थःना लबा ताम चा गिकनोन

१५:३ यशै ५३:५-१२ १५:४ मजन १६:८-१०; मत्ती १२:४०; मुल २:२४-३२

१५:५ मत्ती २८:३६-१७; मर्कू १६:१४; लूका २४:३४, ३६; यूह २०:१९ १५:८ मुल ९:३-६

१५:९ मुल ८:३

हिन्ना। ओच्छे थनोन तामरी एनीगदसे विश्वास लबा मुला।

व्हाड सिबाग्याम सोला

१२ डन्से चा खरीष्ट सिबाग्याम सोजी भिसी थःना लसी भरमुला भिसम एनीगदे न्हडला कोइ कोइसे चा तिगदा सिबागदे दोःसी आसो भिसी पाडबा ? १३ तर चुदे सिबागदे दोःसी आसो भिसम खरीष्ट एनोन सिबाग्याम सोबा आहिन। १४ चुदे खरीष्ट सिबाग्याम आसोबा हिन्सम डन्से थःना लबा ताम गे आखेल्बा तला, ओच्छे एनीगदसे लबा विश्वास एनोन गे आखेल्बा तला। १५ थे भन्दा एनोन डनी परमेश्वरला बाररी लुसीला ताम पाडबा म्हि दोला। तिगदा भिसम परमेश्वरसे खरीष्टदा सिबाग्याम सोना लजी भिसी डन्से परमेश्वरला बाररी थःना लबा मुला। तर च्यागो, सिबागदे दोःसी आसोबा हिन्सम परमेश्वरसे खरीष्टदा एनोन सोना आलसला मुबा। १६ सिबागदे आसोमुला भिसम परमेश्वरसेनोन खरीष्टदा सोना लबा आहिन। १७ खरीष्ट सिबाग्याम आसोबा हिन्सम एनीगदसे लबा विश्वास गे आखेल्बा तला, ओच्छे एनीगदे अझ पापरीन तला। १८ थेहरड भिसम खरीष्टदा विश्वास लसी सिबा म्हिगदे एनोन जम्मान सिबाला सिबान तजी। १९ चुदे चु जुनी मुदधोनाला लागिरी जे व्हाडदा खरीष्टग्याम ज्यबा तला भिसी आश लबा हिन्सम स्थान्दो जम्मान म्हिगदे भन्दा व्हाड चा ल्हाना दया याडतोःबा म्हि दोला।

२० तर खरीष्ट मी सिबाग्याम सोबा हिन्ना। सिबागदे न्हडग्याम खरीष्ट जम्मान भन्दा डाच्छा सोसी स्थान्दो सिबागदे एनोन सोला भिसी उन्बा मुला। २१ तिगदा भिसम म्हि गिकसे लमान जम्मान म्हि सिबा मुला। थेहरड लसीन गिकसे लमान सिबागदे एनोन दोःसी सोला। २२ आदमग्याम जम्मान म्हि सिबा मुला। थेहरड लसीन खरीष्टग्याम चा जम्मान म्हि सोला। २३ तर जम्मान म्हि हराड हराडला पालो अन्धार सिबाग्याम सोला। खरीष्ट चा सिबाग्याम जम्मान भन्दा डाच्छा सोजी। ओच्छे खरीष्ट दोःसी फखबा धुडरी चा थदा

विश्वास लबा म्हिगदे एनोन सिबाग्याम सोला। २४ जमाहेन्से चु जम्बुलिड नाश तला। थे धुडरी खरीष्टसे जम्मान अधिकारगदे, शक्तिगदे देन शासन लबागदेदा नाश लसी परमेश्वरला व्हुल्सा परमेश्वर आबादान जिम्मा पिन्ना। २५ तिगदा भिसम खरीष्टसे जम्मान शतरुगदेदा भरना लसी हराडला काड धिरी आथान्तधाना थसे शासन लतोःला। २६ जम्मान भन्दा लिच्छा चा शतरु कालदा नाश लबान मुला। २७ तिगदा भिसम बचनरी “परमेश्वरसे जम्मान स्हेगदे खरीष्टला स्थहाप धिरी थान्ना” भिसी भिरबा मुला। चु भिबा चा परमेश्वर एनोन खरीष्टला तहरी तला भिसी पाडबा आहिन। तर परमेश्वरसे जम्मान स्हेगदे थारी खरीष्टदा शासन लपुडला भिबा हिन्ना। २८ जम्मान स्हे खरीष्टला शासनरी भमाहेन्से खरीष्ट एनोन परमेश्वरला तहरी धन्ड्याला। ओच्छे जम्मान स्हे थारी परमेश्वरसेन शासन लला।

२९ सिबाग्याम दोःसी आसोबा हिन्सम सिबागदेला लागिरी बप्तिस्मा किन्बा म्हिगदेदा तिग फाइदा तला ? चुदे सिबाग्याम आसो भिसम थनीगदसे थला लागिरी तिगदा बप्तिस्मा किन्बा ? ३० ओच्छे डनी एनोन तिगदा सदन हराडला ज्यान गोजाला धारी थान्सी भरसे ? ३१ ज्योज्यो आले नाना आडागदे, एनीगदे व्हाडला परमु खरीष्ट येशूदेन छुयाम गिक तबासे लमा डा ल्हानान ताडबा मुला। थतबासे लमा डाइ समहेन्सेन चु ताम पाडला, “डा धिन धिननोन सिबारी तयार मुला।” ३२ म्हिसे म्हेन्बा अन्धार जे एफिसस शहररी डा हिर जन्तुदेन **छुयाम छेबा तामसे डादा तिग फाइदा तला ? चुदे सिबागदे दोःसी आसो भिसम म्हिगदसे पाडबा हरडनोन “व्हाड एनोन चबा थुडबा लइ, तिगदा भिसम न्हडगर मी व्हाड सिनोन सिला !” w ३३ चु तामरी एनीगदे इयुक्याब थातउ। आज्यबा म्हेला संगत लजी भिसम ज्यबा बानीबिहार एनोन न्होडला। ३४ दाहेन्से एनीगदसे ठीक ताम म्हेनो, ओच्छे पाप थातउ। तिगदा भिसम एनीगदे न्हडला गाते म्हिसे मी

११५ :२२ “आदम” चा परमेश्वरसे स्होबा जम्मान भन्दा डाच्छाला म्हि हिन्ना। आदमसे परमेश्वरसे कुल्बा ताम आड्यान्ना पापी दोजी। आदम पापी दोबासे लमा व्हाड एनोन पापी दोजी।

**१५ :३२ “हिर जन्तु” भिबा चा पावलदा एफिससरी विरोध लबा म्हिगदे हिन्ना।

परमेश्वरदा जोसेबान आर। डाइ चु ताम पाडमा एनीगदेदा पे:बा खतो:बा।

सिबाग्याम सोबा ल्हुइ

३२ तर खाले म्हेस “सिबागदे दो:सी खाहरड लसी सोला? ओच्छे सामाहेन्स थनीगदेला ल्हुइ खाहरडबा तला?” भिसी ड्योइला। ३६ मूर्ख म्हे! एस जुन स्हेला ब्नु दवला थे ब्नु आनइतधोना आफुइ। ३७ एनीगदेसे गवा तसे, अर्गु तिगैला ब्नु मुसे, थेला गेडा दवबा हिन्ना, तर दोडनोन दवबा आहिन। ३८ तर परमेश्वरसे हराडसे म्हेन्बा अन्धार थे ब्नुगदेदेन अर्गु ब्नुगदेदा जेबा ल्हुइ पिन्ना। ३९ जम्मान ल्हुइ खाल गिकलान आत। म्हेला ल्हुइ अर्गु खाल्ला, जन्तुगदेला ल्हुइ अर्गु खाल्ला, चरागदेला ल्हुइ अर्गु खाल्ला ओच्छे तार्डागदेला ल्हुइ अर्गु खाल्ला तला।

४० मुरी मुबा स्हेगदेला हराड हराडलान रुपदेन य्हाल तला ओच्छे जम्बुलिडरी मुबा स्हेगदेला एनोन हराड हराडलान रुप तला। ४१ धिनीला य्हाल अर्गुन खाल्ला तला, लनीला य्हाल अर्गु खाल्ला तला ओच्छे सारगदेला य्हाल अर्गुन खाल्ला तला। तिगदा भिसम जम्मान सारगदेला य्हाल गिकनोन आत।

४२ सिबागदे एनोन थहरड लसीन सोला। सिमाहेन्स ल्हुबा ल्हुइ चा नइसी निला, तर सिबाग्याम दो:सी सोमाहेन्स चा खाइमे आसि। ४३ सिमाहेन्स ल्हुबा य्हाडला ल्हुइ आज्यबादेन कमजार तला। ओच्छे सिबाग्याम सोमाहेन्सेला ल्हुइ जेबादेन शक्तिशाली तला। ४४ ल्हुबा धुइरी स्या काला ल्हुइरी ल्हुला, तर सोबा धुइरी थे आत्माला ल्हुइरी सोला। स्यादेन काला ल्हुइ तला भिसम आत्माला ल्हुइ एनोन तनोन तला।

४५ थेतबासेलमा बचनरीनोन, “जम्मान भन्दा डाच्छाला म्हे आदम चा सोबा म्हे दोजी” भिसी भिरबा मुला। तर लिच्छाला आदम ङाचा स्थानदोदा जुकजुकधोनाला जुनी पिन्बा आत्मा तजी। ४६ आत्माला ल्हुइ डाच्छा खबा आहिन, तर स्या काला ल्हुइ चा डाच्छा खबा हिन्ना। जमाहेन्से जे आत्माला ल्हुइ

खबा हिन्ना। ४७ डाच्छाला म्हे आदम चा जम्बुलिडला सापराग्याम स्होबा म्हे मुबा। तर थे भन्दा लिच्छाला म्हे खरीष्ट चा स्वर्गग्याम फेखबा मुबा। ४८ जम्बुलिडरी मुबा म्हेगदे चा थे सापरासे स्होबा म्हे हरडबान मुला, ओच्छे स्वर्गरी मुबा म्हेगदे चा स्वर्गग्याम फेखबा म्हे हरडबान मुला। ४९ दान्द य्हाडसे सापरासे स्होबा म्हेला रुप किन्बा हरड लसी लिच्छा चा य्हाडसे स्वर्गग्याम फेखबा म्हेला रुप किन्ब्याडला।

५० ज्योज्यो आले नाना आडागदे, डाइ पाडबारी म्हाइबा ताम चा चुनोन हिन्ना, चु स्या काला ल्हुइदा परमेश्वरला य्हुत्सारी वाडबा हक आर। ओच्छे नाश तसी निबा ल्हुइसे खाइमे आसिबा जुनी आयाड। ५१ ज्यागो, डाइ एनीगदेदा म्हेस था आयाडबा ताम गिक पाडला। य्हाड जम्मान मी आसि, तर य्हाड जम्मालान ल्हुइ पोला। ५२ य्हाडला मी चीम जे तमा छिन्नडरीन जम्मान भन्दा लिच्छोरम बिगुलला काइ थे:ला। जमाहेन्से तुरुन्तन सिबागदे दो:सी खाइमे नाश आतबा जुनी किन्सी सोला, ओच्छे य्हाडला ल्हुइ पोला। ५३ तिगदा भिसम सिबा ल्हुइ खाइमे आसिबा ततो:ला, ओच्छे चु नइसी निबा ल्हुइ दो:सी खाइमे आनइबा ततो:ला। ५४ सिबा ल्हुइ खाइमे आसिबादेन नइसी निबा ल्हुइ खाइमे आनइबा दोमाहेन्स बचनरी “कालदा एनोन दाजी” भिसी भिरबा ताम पूरा तला। ५

५५ “काल एस खानड दाबा मुला?

काल खाइ एला शक्ति?” a

५६ पापग्याम कालसे दुख पिन्बा शक्ति याडला ओच्छे ठिमग्याम पापसे शक्ति याडला। ५७ तर परमेश्वरदा धन्यवाद तगे, थेसे य्हाडदा य्हाडला प्रभु येसू खरीष्टग्याम दाना लबान मुला।

५८ थेतबासेलमा डाला सेम निबा ज्योज्यो आले नाना आडागदे, एनीगदे विश्वासरी कोडसी याडयोड आतना चिउ। ओच्छे झन्सी प्रमुला गे लउ। तिगदा भिसम एनीगदेसे दुख लसी लबा परमुला गे खाइमे खरीरी आनि भिबा ताम एनीगदेदा थानोन मुला।

१११२ :४२ “लिच्छाला आदम” भिबा चा खरीष्ट हिन्ना।

११२ :४२ उत्प २ :७

११२ :२२ १ थेस ४ :१२-१७

११२ :२४ यशे २२ :८

११२ :२२ होशे १३ :१४

यरूशलेमरी मुबा परमेश्वरला
म्हिंगदेला लागिरी भेटी

१दाहेन्स डाइ परमेश्वरला म्हिंगदेला
१६ लागिरी भेटी हरुबाला बाररी भिवान
मुला, डाइ गलातियाला मण्डलीदा पाड्बा
हरुङ् लसीन एनीगदस हरुबो। २एनीगदस
हराड्स गे लसी स्थाबा टाङ्गाग्याम साताला
शुरुला धिनकुनु सातेदडसन जजाकर भेटी
हरुप्सी थान्गो। थेहरङ् लजी भिसम डा खबा
धुइरी एनीगदस भेटी हरुप आतो:। ३ओच्छे डा
खमाहेन्स एनीगदस धम्बा म्हिंगदेदा डोसना
लबा चिठी पिन्ना। जमाहेन्स थनीगदसन
थे भेटी यरूशलेमरी भोर्सी निला। ४ओच्छे
डाएनोन निमा ज्यबा तला भिसम थनीगद
डादेन छ्यामनोन निला।

पावलसे ग्ला ग्लारी निबा सेम लबा

५ डा माकेडोनिया तसी खबा धुइरी एनीगददेन
छ्याम हरुप तबारी खला। तिग्दा भिसम दान्दे
चा डा माकेडोनिया तसी निबारी छ्याड्बा मुला।
६ एनीगददेन छ्याम डा तिगे धिनधोना चिखम्ला
तला, तजी भिसम सेर्ख भरनोन एनीगददेन छ्याम
चिखम्ला। जमाहेन्स डा जुन ग्लारी निसैनोन
एनीगदसे डादा ग्यामरी तो:बा जम्मान स्हे
दिकना लखम्ला। ७ चु पालसे चा एनीगददेन
छिन्नङ् जे हरुप तबारी खबा आहिन, परभुला
सेम तजी भिसम तिगे धिनधोना एनीगददेन
छ्यामनोन चिम्याङ्ला भिसी डाइ आश लबा
मुला। ८ तर पन्तिकोस भिबा चाडधाना डा
एफिसस शहररीन चिला। ९ डादा बिरोध लबा
म्हिंगदे ल्हानान मुसैनोन थेरी परभुला घरेन गे
लबारी डाइ ज्यबा मौका याड्बा मुला।

१० चुदे तिमोथी एनीगदे मुबा ग्लारी खजी
भिसम थेदा एनीगददेन छ्याम ज्यना लसी
चिपुङ्गो। तिग्दा भिसम थेसेनोन डाइ हरुङ्
लसीन परभुला गे लबान मुला। ११ थेतबासेलमा
थेदा खालैसन हेला थालउ। तर थे डा मुबा
ग्लारी खमा एनीगदसे थेदा ज्यना लसी पुडखउ।

तिग्दा भिसम चुरी मुबा विश्वासीगददेन डाइ
थेदा भरान्सी चिबा मुला।

१२ आले अपोल्लोसदा डाइ स्थान्दो
ज्योज्यो आलेगददेन छ्याम एनीगदे मुबा
ग्लारी निउ भिसी ल्हानान पाड्बा मुला। तर
थस दान्दे एनीगदे मुबा ग्लारी खबा सेम
आलनी, तजी भिसम थे लिच्छा एनीगदे मुबा
ग्लारी खला।

चिठीला थुमरी पाड्बा

१३ एनीगदे होशियार तसी चिउ। ओच्छे
विश्वासी कोड्सी चिउ। थेहरङ् लसी
आलोङ्ना आँट थोसी भरउ। १४ एनीगदसे जुन
जुन गे लला थे जम्मान गे मायाग्याम लउ।

१५ असैया भिबा अञ्चलला जम्मान म्हिंगदे
न्हडरी जम्मान भन्दा डाच्छा स्तिफनासदेन
थेला म्हेमगदसे विश्वास लबा हिन्ना भिबा
ताम एनीगदेदा थानोन मुला। थनीगदसे
परमेश्वरला म्हिंगदसे लबा गरी सेमहेन्सेन
हरो लबा मुला। ज्योज्यो आले नाना आडागदे,
डाला चु बिन्ती मुला, १६ थेहरङ्बा म्हिंगददेन
थेहरङ्बा गे लबा स्थान्दो म्हिंगदसे पाड्मा
ड्यान्गो। १७ स्तिफनास, फोर्टुनाटसदेन
अखाइकस खमा डा ल्हानान ताड्जी। तिग्दा
भिसम थनीगदसे एनीगदे आरबासे लमा
डादा तो:बा जम्मान स्हेगदे पिन्बा मुला।
१८ थनीगदसे एनीगदेदा हरङ्गनोन डादाएनोन
आँट पिन्बा मुला। थेतबासेलमा एनीगदसे
थेहरङ्बा म्हिंगदेदा मान लउ।

१९ एशियारी ##मुबा मण्डलीगदसे एनीगदेदा
फ्याफुल्ला भिसी पाड्बा मुला। अकिलासदेन
पिरस्का ###ओच्छे थनीगदेला दिमरी मुबा
मण्डलीसेनोन एनीगदेदा फ्याफुल्ला भिसी
पाड्बा मुला। २० चुरी मुबा जम्मान ज्योज्यो
आले नाना आडागदसे एनीगदेदा फ्याफुल्ला
भिसी पाड्बा मुला। एनीगदसेनोन हराङ् हराङ्
न्हडरी गिकसेम गिकदा सेमहेन्सेन माया लसी
फ्याफुल्लो।

##१६:१९ चु चिठी भिखा धुइरी चा चु ग्लादा एशिया भिसुबा, तर दान्दे चा चु ग्ला टर्का भिबा य्हुल्सा
हिन्ना।

###१६:१९ गरीक बाइबलरी चु पददेन १ कोरिन्थी १६:१९ पदरी जे पिरस्का भिसी भिखा मुला। अर्गु
जम्मान ग्लारी पिरस्कला भिसी भिखा मुला। पिरस्का भिबादेन पिरस्कला भिबा गिह गिकनोन
हिन्ना।

२१ डा पावल हराङ्गलान यासे फ्याफुल्ला भिसी भिरबा मुला। §§

२२ जुन म्हिसे परभुदा माया आल थेसे परमेश्वरग्याम सजाय याङ्गै। परभु, हराङ्ग फप्सुत!

२३ परभु येशूला दयामाया एनीगदेदेन छ्याम तगै।

२४ ओच्छे खरीष्ट येशूदेन छ्याम गिक तबा एनीगदे जम्मादान डाइ माया लला, आमेन।

§§१६ :२१ पावलसे स्थान्दो म्हि गिकदा पाङ्सी भिरपुङ्गी, तर चु चिठीरी मुबा जम्मान ताम पावलसे पाङ्बा अन्ध्रार भिरबा हिन्ना भिसी जम्मासन था याङ्गै भिसी चु पदला ताम चा पावल हराङ्गसन भिरबा मुबा।

पावलसे कोरिन्थला विश्वासीगदेदा
भिरबा न्हीरमला चिठी

चु चिठीला बाररी पाड्तोःमा

भिरबा म्हिः येशूला मुल चेला पावलसे भिरबा मुबा। चु चिठी भिरबाला लागिरी पावलदा तिमोथी भिबा म्हिस हरो लबा मुबा (२ कोरिन्थी १:१)।

भिरबा ग्लाः माकडोनिया भिबा अञ्चलरी भिरबा मुबा।

भिरबा सालः ओस्पन ईश्वी संवत ५५-५७ (विक्रम संवत ११२-११४) साल न्हडरी भिरबा मुबा।

साल्दा भिरबाः कोरिन्थ शहररी मुबा विश्वासीगदेदा भिरबा मुबा।

पावलसे कोरिन्थला विश्वासीगदेदा डाच्छोरमला चिठी भिरसी पुइमाहेन्से ओस्पन तिदिङ्ग लिच्छा भिरसी पुइबा चु “न्हीरमला” चिठी हिन्ना। चु चिठी भिरबा धुइरी कोरिन्थला मण्डलीदेन पावलला गुडरी आदिक्वा तामगदे मुबा। मण्डलीला कोइ कोइ म्हिस पावलदा बिरोध लसी बेइज्जत लबा मुबा। तसेनोन पावलसे एनीगदेदेन छ्याम दिक्वारी ल्हानान सेम लजी।

चु चिठीला शुरुरी पावलदेन कोरिन्थला मण्डलीला गुडरी तबा तामगदला बाररी भिरबा मुला। पावलसे कोरिन्थला मण्डलीरी मुबा हराड्दा बेइज्जत लबा कोइ कोइ म्हिगदेदा चिठीरी ल्हानान बड्डी भिरबा मुबा। चु चिठीरी भिरबा तामसे लमा म्हिगदेसे हराड् हराड्ता पाप ख्तासी परमेश्वरपट्टि दोःबादेन जम्मान तामरी दिक्वासे लमा पावल ल्हानान ताड्बा मुबा। जमाहेन्से पावलसे यरूशलमेरी मुबा मण्डलीदा समहेन्सेन हरो लउ भिसी बिनती लजी। थेहरड् लसी पावलसे हराड् खरीष्टला पक्का मुला चेला हिन्ना भिसी पाड्बा मुला। तिग्दा भिसम कोरिन्थला कोइ कोइ म्हिस हराड् चा खरीष्टला पक्का मुल चेला हिन्ना भिसी पाड्बा मुबा। ओच्छे पावल चा फट्टा मुल चेला हिन्ना भिसी दोष लबा मुबा।

मुल तामगदे

फ्याफुल्बादेन धन्यवाद पिन्वा १:१-११

पावलदेन कोरिन्थरी मुबा विश्वासीगदे १:१२-७:१६

यरूशलमेरी मुबा परमेश्वरला म्हिगदेला लागिरी भेटी ८:१-९:१५

पावलसे हराड् खरीष्टला मुल चेला हिन्ना भिसी पाड्बा १०:१-१३:१०

चिठीला शुमरी भिरबा ताम १३:११-१३

पावलसे कोरिन्थला विश्वासीगदेदा
भिरबा न्हीरमला चिठी

१लास्सो, कोरिन्थ शहररी मुबा परमेश्वरला मण्डलीदेन असेया अञ्चलरी मुबा जम्मान परमेश्वरला म्हिगदेदा परमेश्वरसे खरीष्ट येशूला मुल चेला दोबारी धम्बा डा पावलदेन व्हाड्ता आले तिमोथीग्याम फ्याफुल्ता। २व्हाड्ता परमेश्वर आबादेन परमु येशू खरीष्टग्याम एनीगदेसे दयामायादेन शान्ति याङ्गे।

दुखरी हरो लबा परमेश्वर

३व्हाड्ता ल्हानान दया लबादेन दुखरी हरो लबा व्हाड्ता परमु येशू खरीष्टला आबा परमेश्वरला जयजयकार तगे। ४परमेश्वरसेन व्हाड्ता जम्मान दुखरी हरो लबा मुला। तिग्दा भिसम दुखरी परब तबा स्थान्दो म्हिगदेदा हरो लखम्गे भिसीन थसे व्हाड्ता दुखरी हरो लबा मुला। ५खरीष्टसे नाबा हरड्बान दुख व्हाड्सेनोन ल्हानान नाबासे लमा परमेश्वरसे व्हाड्ता खरीष्टग्यामसेन ल्हानान हरो लबा मुला। ६डन्से दुख नाजी भिसम थ एनीगदेला लागिरी हरोदेन थार्बा याड्बाला लागिरी हिन्ना। डन्से दुखरी हरो याड्जी भिसम एनीगदेसेनोन दुखरी हरो याड्ता। ओच्छे डन्से दुख नाखम्बा शक्ति याड्बा हरड् लसी एनीगदेसेनोन दुख नाखम्बा शक्ति याड्ता। ७एनीगदेथोरी डन्दा पूरान विश्वास मुला। तिग्दा भिसम डन्से नाबा हरड्बा दुख एनीगदेसेनोन नाबा मुला, ओच्छे दुखरी डन्से याड्बा हरड्बान हरो एनीगदेसेनोन याड्बा मुला भिसी डन्दा था मुला।

८ज्याज्या आले नाना आडागदे, डन्से एशिया अञ्चलरी नाबा दुखला बाररी एनीगदेसेनोन था याड्गे भिसी डन्से म्हन्बा मुला। थोरी डन्दा नाबारीन आखम्बा दुख तजी,

*१:३ चु पदगदेरी “हरो लबा” भिबा चा सम्झब लबा हिन्ना।

थे दुसरे लमा सोला भिबा डन्दा आशोनो आरेबा। १ डन्से मी सिबान तजी भिसी म्हन्बा मुबा। चु तबा चा हराडसे हराडदान भर लगे भिसी आहिन, तर सिबागदेदा सोना लबा परमेश्वरथोरी भर लगे भिसी चुहरड तजीम। १० थहरडबा लोडबा खबा दुखग्याम डन्दा परमेश्वरसेन फेजी, थसे य्हाडदा फनोन फेला। ओच्छे थसे य्हाडदा सदन फेला भिसी डन्से पूरा विश्वास लबा मुला। ११ चुला लागिरी एनीगदेसे डन्दा ल्हानान परार्थना लसी पिन्ना। एनीगदेसे डन्दा लागिरी परार्थना लबासे लमा परमेश्वरसे डन्दा मोलम पिन्ना, ओच्छे ल्हानान म्हिगदेसे डन्दा लागिरी परमेश्वरदा धन्यवाद पिन्ना।

पावलसे ग्ला ग्लारी निबारी सेम पोबा

१२ चु तामला लागिरी डनी ताडबा मुला, जम्बुलिडला म्हिगदेला डच्छे जे आहिन, तर एनीगदेला डच्छे एनोन डनी परमेश्वरसे उन्बा सत्य ग्यामरी समहेन्सेन भरबा मुला भिबा ताम डन्से सेमहेन्सेन पाडखम्ला। चुहरडबा बानीबेहोर चा डन्से म्हेला ज्ञान बुदधिग्याम याडबा आहिन, परमेश्वरला दयामायाग्याम याडबा हिन्ना। १३ एनीगदेसे पढब लखम्बादेन घोबारी खम्बा तामगदे जे डन्से एनीगदेदा भिरबा मुला। थेतबासेलमा एनीगदेसे पूरान ताम घोखम्ला भिसी डाइ म्हन्बा मुला। १४ तसेनोन दान्द एनीगदेदा डन्दा बाररी जजाकर जे था मुला, लिच्छे एनीगदेसे डन्दा बाररी जम्मान ताम था याडला। ओच्छे य्हाडला प्रमु येशू फखबा धुइरी एनीगदे डन्दा लागिरी ताडम्याडबा हरड लसी डनीएनोन एनीगदेला लागिरी ताडम्याडला।

१५-१६ य्हाड जम्मान ताडम्याडला भिबा तामरी डा दुवक तबा मुला। डा माकेडोनियारी निबा धुइरी एनीगदेदेन छ्याम हरूप तबा सेम मुबा, थहरड लसीन थेग्याम दोःसी खमाएनोन एनीगदेदेन छ्याम हरूप तबा सेम मुबा। तिग्दा भिसम एनीगदेसे दोब्बर मोलम याडगे भिबा डाला सेम मुबा। ओच्छे एनीगदेग्याम फेसी डा यहूदिया अन्बलरी निमा एनीगदेसे डादा हरो लला भिसी डाइ म्हन्बा मुबा। १७ तर डा एनीगदे मुबा ग्लारी खबारी आखम्नी। तिग डाइ तिगे ताम आम्हन्ना डा एनीगदे मुबा

ग्लारी खबारी छ्याडबा भिसी म्हन्बा? तिग डा एनीगदे मुबा ग्लारी खबारी छ्याडमा खरीष्टदा डोआसेबा म्हिगदेसे हरड खाइमाम “तला” खाइमाम “आत” भिसी डाइ पाडबा हिन्ना? आहिन।

१८ तर परमेश्वर विश्वास लखम्बा परमेश्वर हिन्ना। थेतबासेलमा डाइएनोन ताम गिकदान खाइमाम “तला” खाइमाम “आत” भिसी खाइमे आपाड। १९ तिग्दा भिसम परमेश्वरला झा येशू खरीष्टला बाररी सिलास, तिमोथोदेन डाइ एनीगदेदा थेःना लबा ताम चा खाइमाम “हिन्ना” खाइमाम “आहिन” भिबा ताम आहिन्मुबा। तर परमेश्वरला झा येशू खरीष्टदेन छ्याम चा सदन “हिन्ना” भिबा ताम जे मुला। २० तिग्दा भिसम परमेश्वरसे लबा जम्मान हिन्ना भिबा कबुलगदे येशू खरीष्टग्यामसेन पूरा तबा मुला। थेतबासेलमा येशू खरीष्टग्यामसेन परमेश्वरला मानदेन जयजयकार तगे भिसी य्हाडसे थेला मिन किन्सी, “आमेन” भिमुला। २१ डन्देन एनीगदेदा खरीष्टदेन छ्याम गिक स्होसी भडबा स्होबादेन य्हाडदा धम्बा चा परमेश्वरसेन हिन्ना। २२ थहरड लसी डालान हिन्ना भिसी परमेश्वरसे य्हाडदा छापएनोन लबा मुला। ओच्छे थसे य्हाडदा जम्मान स्हे पिन्ना। तर य्हाडसे जम्मान स्हे आयाडदेधोनाला लागिरी थसे हराडला आत्मा बैनाला रूपरी य्हाडला समरी थान्सी पिन्ना मुला।

२३ डा कारिन्थ शहररी आखबा चा डाइ एनीगदेदा बडसी एनीगदेला सेम स्हु थाखगे भिसी हिन्ना। चु ताम परमेश्वरदान था मुला। २४ एनीगदेसे विश्वास लबा तामथोरी डन्से खाइमे अधिकार आत। तर एनीगदे ताडगे भिसी एनीगदेदेन छ्याम दिक्सी गे लला। तिग्दा भिसम एनीगदे विश्वासरी कोडबा मुला।

१ थेतबासेलमा एनीगदेदा सुर्दा थातगे भिसी
२ डा एनीगदे मुबा ग्लारी आखबा पक्का लजी। २ डादा ताडना लबा चा एनीगदेन हिन्ना। थेतबासेलमा डाइ एनीगदेला सेम स्हु खना लजी भिसम डादा खाल्से ताडना लबा? ३ थेतबासेलमा डा खमा ताडना लबा म्हिगदेग्याम डादा सुर्दा थातगे भिसीन डाइ थे चिठी भिरबा हिन्ना। तिग्दा भिसम डा ताडबा धुइरी एनीगदेएनोन ताडला भिबा डादा पक्का विश्वास मुला।

४ डादा सेमरी सुर्दा तबा मुबा ओच्छे सम ल्हानान स्हु खसी कराबान थं चिठी भिरबा मुबा। डाइ थं चिठी एनीगदेदा दुख तना लबारी भिरबा आहिन, तर डाइ एनीगदेदा गाते माया लबा मुला भिबा ताम एनीगदेस था याङ्गे भिसी भिरबा मुबा।

गल्ली लबागदेदा माफ लबा

५ खाले म्हेस दुख पिन्बा मुसम थंसे एनीगदे जम्मानान भन्दा डादा ल्हाना दुख पिन्बा हिन्ना। पाङ्गोन तोःमा थं ताम जस्तोन मुसेनोन दाहेन्से डादा थं भन्दा ल्हाना पाङ्गुबा सम आरे। ६ थंहरङ्गबा म्हेदा एनीगदे न्हङ्गला ल्हानान म्हेगदे टिक्सी पिन्बा सजायसे छुयोबा मुला। ७ थेतबासेलमा दाहेन्से एनीगदेसे थंदा माफ लतोःला, ओच्छे थंदा हरो लतोःला। आहिन्सम सेमरी ल्हानान दुख तसी थंदा झन सुर्दा तला। ८ थेतबासेलमा एनीगदेसे थं म्हेदा अझ सेमहेन्सेन माया लउ भिबा डाला बिन्ती मुला।

९ एनीगदेसे डाइ कुल्बा जम्मान ताम ड्यान्बा चीम कि आङ्ग्यान्बा चीम भिसी च्याबाला लागिरीन डाइ एनीगदेदा थं चिठी भिरबा मुबा। १० एनीगदेसे जुन म्हेदा माफ लबा मुला डाइएनोन थंदा माफ लला। चुदे डाइ तिगे तामरी खालेदा माफ लबा मुसम एनीगदेतान लागिरी डाइ खरीष्टला डाच्छापट्टि थंदा माफ लबा मुला। ११ शेतानसे य्हाङ्गदा फसब लआम्याङ्गे भिसीन डाइ थंहरङ्ग लबा हिन्ना। तिग्दा भिसम शेतानना जम्मान जुक्तिगदे य्हाङ्गदा था मुला।

परमुला गे लबागदे

१२ डा तरोआस भिबा शहररी खरीष्टला थार्बा पिन्बा समाचार थंःना लबारी खमा प्रमुसे डादा थंला गे लबा मौका पिन्जी। १३ तर डाइ थंरी य्हाङ्गला आले तीतसदा आस्याप्पा डाला सेमरी शान्ति आरेबा। थेतबासेलमा डा थंनीगदेग्याम फेसी माकेडोनिया भिबा अञ्चलरीक्यार निजी।

१४ तर परमेश्वरदा धन्यवाद तगे, तिग्दा भिसम थंसे य्हाङ्गदा सदन खरीष्टदेन छुयाम दाबा ग्यामरी थोला। ओच्छे डनीग्यामसेन थंसे ज्यबा बास्ना खबा हरङ्गबा खरीष्टला ज्ञान

बुद्धिला तामगदे जम्मान ग्लारी धोना लला। १५ तिग्दा भिसम थार्बा याङ्गबा म्हेगदेदेन नाश तसी निबा म्हेगदला गुडरीनोन डनी परमेश्वरला लागिरी खरीष्टग्याम ज्यबा बास्ना खबा धूप हिन्ना। १६ नाश तसी निबा म्हेगदला लागिरी चा य्हाङ्ग कालला थाङ्ग हिन्ना, ओच्छे थार्बा याङ्गबा म्हेगदला लागिरी चा सोना लबा बास्ना हिन्ना। चुहरङ्गबा गे लखम्बा म्हे खाल मुला? १७ तिग्दा भिसम डन्से स्हान्दो म्हेगदेसे हरङ्ग लसी परमेश्वरला बचन व्यापार लबा आरे। तर डन्दा परमेश्वरसेन पुइखबा हिन्ना। थेतबासेलमा परमेश्वरला आन्छाङ्गरी खरीष्टदेन छुयाम गिक तसी डन्से ज्यबा सेमसे पाङ्गला।

१ तिग दोःसी डन्से हराङ्गसे हराङ्गदान ३ घरेन स्होबारी म्हाङ्गबा हिन्ना? आहिन। तिग स्हान्दो म्हेगदेसे हरङ्ग लसी डादा मान लउ भिसी एनीगदेदा स्हान्दो म्हेसे चिठी भिरतोःला? भिरआतोः। थंहरङ्ग लसीन एनीगदेसेनोन डादा मान लउ भिसी स्हान्दो म्हेदा चिठी भिरआतोः। २ जम्मान म्हेगदेसे घोबादेन पढब लखम्बा डन्ना सेमरी भिरबा चिठी एनीगदेन हिन्ना। ३ एनीगदे खरीष्टसे भिरबा चिठी हिन्ना, ओच्छे चिठी सबा चा डनी हिन्ना। चु चिठी मसीसे भिरबा आहिन, तर छोन्बो परमेश्वरला आत्मासे भिरबा हिन्ना। ओच्छे चु युङ्गबाला पाटीरी भिरबा चिठी आहिन, तर य्हाङ्गला सेमला पाटीरी भिरबा हिन्ना। ७

४ परमेश्वरला आन्छाङ्गरी डनी खरीष्टग्याम दुक्क तबा मुला। ५ सजिबै ताम डनी हराङ्गसेन लबारी खम्ता भिसी आपाङ्ग, तर जम्मान ताम परमेश्वरग्याम लबारी खम्ता। ६ परमेश्वरसे छार कबुल लबा मुला ओच्छे डन्दा थं कबुल अन्छार गे लखम्बा म्हे स्होबा मुला। चु कबुल परमेश्वरला आत्मासे लबा कबुल हिन्ना, भिरबा ठिमसे लबा कबुल आहिन। भिरबा ठिमसे सिना लमुला, तर परमेश्वरला आत्मासे सोना लमुला।

छार कबुलग्याम सबा य्हाल

७ ठिम युङ्गबाला पाटीरी ठवाइसी भिरसी पिन्बा धुइरी परमेश्वरला य्हालदेन शक्ति

३३ :३ परमेश्वरसे इसराएलीगदेदा पिन्बा गोर च्युइ कुल्बा तामगदे युङ्गबाला पाटीरी भिरबा मुबा।

७३ :३ प्रस्था २४ :१२ ; यर्मि ३१ :३३ ; इज ११ :१९ ; ३६ :२६

सजी। थे य्हाल मोशाला लीरी परब तजी, लिच्छा थे य्हाल म्हाबान निजी। तसेनोन थे य्हालसे लमा इसराएलीगदसे मोशाला लीरी च्याबारी आखमनी। सिना लबा ठिम याड्बा धुइरी मी थहरड्बा य्हाल तजी भिसम ८ परमेश्वरला आत्मासे लबा गग्याम झन गाते य्हाल य्हाल तला। १ तिग्दा भिसम म्हिंला दोष उन्बा गे मी थहरड्बा य्हाल तजी भिसम परमेश्वरदा सम निबा म्हिं स्होबा गे झन ल्हानान य्हाल तला। १० पाङ्गनोन तोःमा छार ग्यामला य्हाल चा थे डाच्छाला य्हाल भन्दा झन उदेकला य्हाल मुबासे लमा थे डाच्छाला य्हाल म्हासी निजी। ११ छिन्नडला लागिरी खबा स्हे मी य्हालरी सजी भिसम सदनना लागिरी खबा स्हे मी झन ल्हानान य्हाल य्हाल तला।

१२ डन्से थहरड्बा आश लबासे लमान डन्से ल्हानान आँट याड्बा मुला। १३ य्हाड् मी मोशा हरड्बा आहिन, थसे थे म्हासी निबा य्हाल इसराएलीगदसे थामराङ्गे भिसी हराड्बला ली घम्बुबा। १४ तर थनीगदला सम कोड्बा मुबा, तिग्दा भिसम दान्दधोनाएनोन थनीगदसे थे डाच्छाला कबुल पढब लबा धुइरी हराड्बला सम घम्बुला। थतबासलमा थनीगदसे सत्य ताम घोबारी आखम। थे घन्बा स्हे चा खरीष्टसे जे तेःखम्ला। १५ दान्दधोनाएनोन मोशाला ठिम पढब लबा धुइरी थे घन्बा स्हेस हराड्बला सम घन्बासे लमा थनीगदसे आघोमुला।

१६ तर म्हिं परभुपट्टि दोःमेछयाम थे घन्बा स्हे थग्याम तेःला। १७ तिग्दा भिसम परभु आत्मा हिन्ना। थतबासलमा जुन म्हिंदेन छयाम परभुला आत्मा मुला थे म्हिं खालेला तहरी आत। १८ य्हाड् जम्मासेन ली आघना परभुला य्हालदेन शक्ति उन्बा मुला। परभु आत्मा हिन्ना, ओच्छे थग्याम खबा थनोन य्हालसे य्हाड्बा थे हरड्बान स्होबान झन ल्हानान य्हालरी भोर्बान मुला।

सापराला ताङ्गी मुबा सम्पत्ति

४ १ परमेश्वरसे हराड्सेन दया लसी डन्दा चु गे पिन्बासे लमा डन्से सुर्दा लआतोः। २ डन्से लतोःबा जम्मान पेःबा खबा गेगदे ख्लासी जिन्बा मुला। ओच्छे स्थान्दोदा जाल लसी फसब लबा ताम लबा आर। थहरड् लसीन

परमेश्वरला बचन लोप्या धुइरी बचनरी मुबा तिगे ताम पोबा आरे। बरु डन्से परमेश्वरला सत्य बचन म्हिगददा घोना लबान डनी खाल हिन्ना भिसी म्हिगददा उन्बा मुला। ओच्छे थनीगदसे परमेश्वरला डाच्छा डनी खाहरड्बा म्हिं हिन्ना भिसी था याड्बला। ३ चुदे डन्से थःना लबा थार्बा पिन्बा समाचार घन्बा मुसम थे नाश तसी निबा म्हिगदला लागिरी जे घन्बा मुला। ४ चु जम्बुलिङ्गी शासन लबा ल लुसे विश्वास आलबा म्हिगदला सम घन्सी पिन्बा मुला। थतबासलमा खरीष्टला घरेन मानना बाररी उन्बा थार्बा पिन्बा समाचारला य्हालदेन शक्ति थनीगदसे मराड्बा आरे। खरीष्टनोन परमेश्वरला रुप हिन्ना। ५ डन्से हराड्बलान बाररी थःना लबा आहिन, तर येशू खरीष्टनोन परभु हिन्ना भिसी थःना लबा मुला। ओच्छे येशूला लागिरी डनी एनीगदला नोकर हिन्ना भिसी थःना लबा मुला। ६ “धोपधोपरी य्हाल तउ” भिसी सुड्बा परमेश्वरसे येशू खरीष्टला स्थालग्याम तबा य्हाल परमेश्वरला घरेन मानना ज्ञान बुद्धिदा घोबारी खमो भिसी डन्ना समरी थसे य्हाल तना लजी।^८

७ दाहेन्से डन्ना समरी चु य्हाल मुला, तर डनी हराड्गनोन चा सापराला ताङ् हराड्बा हिन्ना। थतबासलमा डन्देन छयाम मुबा चु शक्ति डनी हराड्बलान आहिन, तर परमेश्वरग्यामनोन खबा हिन्ना भिबा ताम परस्टन था तला। ८ डन्से सदन हरड्बा दुख याड्बा मुला, तसेनोन डन्ना सम सिबा आरे। ओच्छे डनी तिग लबा भिसी अलमल तबा मुला, तसेनोन डन्ना सोबा आश म्हाबा आरे। ९ डन्से ल्हानान दुख याड्बा मुला, तसेनोन परमेश्वरसे डन्दा ख्लाबा आरे। डन्दा म्हिगदसे ल्हानान तोबा मुला, तसेनोन डनी नाश तसी निबा आरे। १० डन्ना चु ल्हुइग्याम येशूला हरड्बा जुनी मराड्खमो भिसी थसे सिबा धुइरी नाबा हरड्बान दुख डन्सेनोन सदन नाबा मुला। ११ तिग्दा भिसम दान्दे डनी सोतेधोना डन्ना ल्हुइग्याम येशूला जुनी मराड्गे भिसी डनी सदन येशूला लागिरी सिबारीनोन तयार मुला। १२ थहरड् लसीन डनी सितोःसैनोन डन्से एनीगदला गुड्गी खरीष्टला गे लबान मुला, तर चुग्याम एनीगदे सोबा मुला।

१३ “डाइ विश्वास लबासे लमा डाइ पाड्बा मुला” भिसी बचनरी भिरबा म्हिदेन छयाम विश्वास लबा आत्मा मुबा हरङ्गोन इन्देन छयामएनोन विश्वास लबा आत्मा मुला। थेतबासेलमा इन्से विश्वास लला ओच्छे पाड्ला। ६४ इन्दा था मुला, परभु येशूदा सिबागयाम सोना लबा परमेश्वरसे इन्दाएनोन येशूदेन छयामनोन सोना लला, ओच्छे परमेश्वरसेन इन्दा एनीगदेदेन छयाम हराड मुबा ग्लारी भोर्ला। १५ जु जम्मान ताम एनीगदेला लागिरीन तबा हिन्ना। तिग्दा भिसम जति ल्हानान म्हिगदेसे परमेश्वरला दयामाया याड्ला ओतेन म्हिगदेसे परमेश्वरला मानदेन जयजयकार लबाला लागिरी परमेश्वरदा धन्यवाद पिन्बा गे बढब तबान निस्सम्ये।

छार जुनी

१६ थेतबासेलमा इन्दा तिगे सुर्दा ओरे। इन्ना चु ल्हुइ कमजोर तसी निसैनोन इन्ना आत्मा चा धिन धिननोन छार दोबान निला। १७ इन्से दान्दे तिगे धिनना लागिरी नाबा जजाबा दुसगयामसेन इन्ना लागिरी जुकजुकधोना चिबा य्हालदेन शक्ति याड्ला। चु दुसगदे भन्दा चु य्हालदेन शक्ति चा ल्हानान घरेन मुला। १८ इन्से मराड्बा स्हेगदेदा आहिन, तर आमराड्बा स्हेगदेदा च्याबा मुला। तिग्दा भिसम मराड्बा स्हेगदे मी छिन्नडला लागिरी जे तला, तर आमराड्बा स्हेगदे मी जुकजुकधोनान चिला।

१ तिग्दा भिसम य्हाडला चु स्या काला ल्हुइ फुर्सी निबा दिम हरङ्गबान मुला। तसेनोन परमेश्वरसे य्हाडदा स्वर्गरी जुकजुकधोना चिबा ल्हुइ पिन्ना। चु ल्हुइ चा म्हिला यासे स्होबा फुर्सी निबा दिम हरङ्गबा आहिन, तर परमेश्वरसे स्होबा हिन्ना भिबा ताम य्हाडदा था मुला। २ भिनोन तोःमा चुरी य्हाड ल्हुइरी ल्हानान ब्लप्सी चिबा मुला। ओच्छे परमेश्वरसे पिन्बा ल्हुइ किन्बारी य्हाडसे ल्हानान सेम लबा मुला। ३ तिग्दा भिसम थे ल्हुइ किन्माहेन्से स्वर्गरी य्हाडला आत्मा थे ल्हुइदेन छयामनोन तला। ४ य्हाडदा चु जम्बुलिङरी सोतेधोना दुख मी तनोन तला। चु भिबा चा य्हाड सिबारीदेन य्हाडदेन छयाम मुबा चु ल्हुइ स्लाबारी म्हाइबा चा आहिन।

बरु य्हाडला चु सिबा ल्हुइ पोबाला लागिरी य्हाडसे सदन सोबा छार ल्हुइ किन्बारी म्हाइबा हिन्ना। ५ दाहेन्से चुनोन छार ल्हुइला लागिरी य्हाडदा परमेश्वरसे स्होबा हिन्ना। ओच्छे य्हाडदा थेसे हराडला आत्मा बैना पिन्सी पक्का लबा मुला।

६ इनी चु सिसी निबा ल्हुइरी मुतेधोना परभुगयाम थोरड मुसैनोन छार ल्हुइ याड्ला भिबा तामरी सदन ढुक्क मुला। ७ थेतबासेलमा इनी विश्वासगयाम भरबा मुला, इन्ना मीसे मराड्बा ताम अन्छार आहिन। ८ चु सिसी निबा ल्हुइरी चिबा भन्दा मी परमेश्वरला दिमरी परभुदेन छयामनोन चिला भिबा तामरी इनी पूरान ढुक्क मुला। ९ थेतबासेलमा इनी चुरी मुसैनोन, परभुदेन छयाम मुसैनोन इन्ना सेम चा परभुदा ताडना लबा जे हिन्ना। १० तिग्दा भिसम निसाफ लबा धुइरी य्हाड जम्मान खरीष्टला डाच्छा राप्तोःला। थे धुइरी य्हाडसे ल्हुइरी मुबा धुइरी ज्यबा आज्यबा खाहरङ्गबा गे लबा मुला, थे अन्छार य्हाडदा खरीष्टसे निसाफ लला।

खरीष्टगयाम परमेश्वरदेन छयाम दिक्बा

११ परमेश्वरदेन छयाम लोडबा भिबा तिग हिन्ना, थे ताम था याड्सी इन्से स्हान्दोगदेदाएनोन थे अन्छार भरपुङ्गमुला। परमेश्वरसे इन्दा ज्यना लसी डासबा मुला। ओच्छे इनी खाहरङ्गबा मुला भिबा ताम एनीगदेसेनोन था याड्सी जिन्बा मुला भिसी डाइ म्हन्बा मुला। १२ एनीगदेसे इन्दा मान लगे भिसी इन्से दोःसी चु ताम पाड्बा आहिन। तर समला तामदा वास्ता आलना मीसे मराड्बा तामरी घमण्ड लबा म्हिगदेदा एनीगदेसे ज्यना लसी जोहाब पिन्सम्ये, ओच्छे इन्ना बाररी था याड्सी एनीगदे ताड्सम्ये भिसी पाड्बा हिन्ना। १३ चुदे इन्ना सेम ग्लारी ओरे भिसम थे परमेश्वरला लागिरी हिन्ना, ओच्छे चुदे इन्ना सेम ग्लारी मुला भिसम थे एनीगदेला लागिरी हिन्ना। १४ इनी खरीष्टला मायाला तहरी मुला, तिग्दा भिसम य्हाड जम्मालान लागिरी खरीष्ट सिबा मुला। थेतबासेलमा जम्मान म्हि सिबा मुला भिबा ताम इन्दा पक्का विश्वास मुला। १५ खरीष्ट जम्मान म्हिला लागिरी सिजी। थेतबासेलमा दाहेन्से सोबागदे हराडला

लागिरी आहिन, तर थनीगदेला लागिरी सिबाग्याम सोबा खरीष्टला लागिरी सोतो:ला।

१६ दाहन्सें डन्सें खालैदान जम्बुलिङला म्हिगदेसें म्हन्बा हरङ् लसी म्हन्बारी आत। डाच्छा मी डन्सेनोन खरीष्टदा थ म्हिगदेसें म्हन्बा हरङ् लसीन म्हन्बा मुबा। तर दाहन्सें डन्सें खरीष्टदा थहरङ् लसी आम्हन्। १७ थतबासलमा चुदे खाले म्हि खरीष्टदेन छ्याम गिक तसी जिन्बा मुला मिसम थ छार दोसी जिन्बा मुला, पुरानो तामगदे जम्मान म्हासी जिन्बा मुला। च्यागो, थ जम्मान ताम छार दोसी जिन्बा मुला। १८ चु जम्मान ताम चा य्हाङ्दा खरीष्टग्याम हराङ्देन छ्याम दिक्ना लबा परमेश्वरग्याम तबा हिन्ना। ओच्छे परमेश्वरसें हराङ्देन छ्याम स्थान्दोदा दिक्ना लबा गे डन्दा पिन्बा मुला। १९ थनोन परमेश्वर हराङ्दनोन खरीष्टदेन छ्याम तसी जम्बुलिङला जम्मान म्हिगदेदा हराङ्देन छ्याम दिक्ना लबान मुबा। थतबासलमा परमेश्वरसें थनीगदेसें लबा पापला तिगे सय आकिन्नी। ओच्छे स्थान्दो म्हिगदेदा परमेश्वरदेन छ्याम दिक्ना लबा गे डन्दा जिम्मा पिन्बा मुला। २० थतबासलमा डनी खरीष्टला समाचार भोर्वा म्हि हिन्ना। परमेश्वर हराङ्दनोन डन्देन छ्याम तसी एनीगदेदा ड्योडबान मुला। डनीएनोन खरीष्टदेन छ्याम तसी एनीगदे परमेश्वरदेन छ्याम दिक्ना मिसी बिन्ती लला। २१ य्हाङ् खरीष्टग्याम परमेश्वरदा सेम निबा म्हि दोगे मिसी पापनोन आलबा खरीष्टदा परमेश्वरसें य्हाङ्ला जम्मान पाप काप्सी पिन्जी।

१ डनी परमेश्वरदेन छ्यामनोन गे लबा म्हि
६ तबास लमा एनीगदेदा परमेश्वरसें पिन्बा दयामाया खरो निना थालउ मिबा डन्ना बिन्ती मुला। २ तिग्दा मिसम परमेश्वरसें चुहरङ् मिसी सुड्बा मुला,
“ठीक धुडरी डाइ एसे लबा बिन्ती थे:बा मुला, ओच्छे थार्ना लता:बा धिनरी डाइ सदन हरो लजी।”
च्यागो, ठीक धुडदेन थार्ना लबा धिन चा दान्देन हिन्ना।^९

पावलला दुख

३ डन्सें लबा गेदा खालैसन बिरोध थालगै मिसी डन्सें खालैदान दुख पिन्बा गे आल। ४ तर डन्सें जम्मान तामग्याम डनी परमेश्वरला गे लबा म्हि हिन्ना मिसी उन्ना। डन्सें जम्मान दुख, गाहरो तबा ताम, आपत विपतला ताम सोजो तसी नाबा मुला। ५ डन्दा तोबा ग्याङ्बा लजी, झ्याल्खानरी झाङ्जी, बिरोध लसी म्हिगदेसें हुल दङ्गा लजी, दुख लसी गे लजी, म्हर्बारी आम्याङ्नी ओच्छे चआम्याङ्नी। ६ डन्सें ज्यबा बानीबहार, ज्ञान बुद्धि, दुख नाखम्बा शक्ति, दया, परमेश्वरला आत्मादेन सत्य माया थोसी भरबा मुला। ७ डन्सें सत्य बचनग्याम ओच्छे परमेश्वरलान शक्तिग्याम थेला गे लबा म्हि हिन्ना मिसी उन्बा मुला। नडबा तामगदेथारी दाबारीदेन जम्मान तामग्याम जोगब तबाला लागिरी थोबा हतियारगदे चा परमेश्वरदा सेम निबा बानीबहार हिन्ना। ८ खालैसें डन्दा मान लजी, खालैसें डन्दा बेडज्जत लजी। खालैसें डन्दा ज्यबा म्हि मिसी पाङ्जी, खालैसें डन्दा बिरोध लजी। ओच्छे खालैसें डन्दा लुसीला ताम पाङ्बा म्हि हिन्ना मिसी पाङ्जी। तर डन्सें सत्य ताम पाङ्बा मुला। ९ डन्दा डोआसबा म्हिदा हरङ् लसेनोन डन्दा जम्मासेन डोसबा मुला। सिबा हरङ्बान तसेनोन डनी सोबान मुला, ओच्छे तोबा ग्याङ्बा लजी तर डन्दा साइबा आर। १० डन्ना सेमरी ल्हानान दुख मुला, तसेनोन डनी सदन ताङ्बा मुला। डनी पराङ्बा मुसेनोन डन्सें ल्हानान म्हिगदेदा विश्वासरी फ्युकपो स्होला। ओच्छे तिगे आरसेनोन डन्देन छ्याम जम्मान स्ह मुला।

११ कोरिन्थला डाला हरोगदे, डन्सें एनीगदेदा जम्मान ताम घोना लसी पाङ्बा मुला, एनीगदेदा डन्ना सेमहन्सेन ल्हानान माया लबा मुला। १२ डन्सें एनीगदेदा माया लबा खूताबा आर, बरु एनीगदेसें चा डन्दा ल्हाना माया आलमुला। १३ थतबासलमा डाइ एनीगदेदा डालान कोलागदेदा हरङ् लसी पाङ्ला, एनीगदेसेनोन डन्दा सेमहन्सेन ल्हानान माया लउ।

खरीष्टदा विश्वास लबागदेदेन आलबागदे

१४ म्हे मोडबा धुइरी जुवा गिकरीन म्हेदेन ता नारब आलबा हरङ् लसी एनीगदेएनोन खरीष्टदा विश्वास आलबा म्हेगदेदेन छुयाम गिक तसी थाभरउ। तिगदा भिसम ज्यबादेन पाप खाइमे द्विकबारी आसम ओच्छे धापदेन य्हाल खाइमे गला गिकरी आत। १५ खरीष्टदेन शेतान ॥खाइमे गिक आत ओच्छे खरीष्टदा विश्वास लबागदेदेन विश्वास आलबागदेएनोन खाइमे गिक आत। १६ मूर्तिगदेदेन परमेश्वरला मन्दिर खाइमे गिक आत। तिगदा भिसम य्हाङ् चा छान्बा परमेश्वरला मन्दिर हिन्ना। परमेश्वरसेनोन चुहरङ् भिसी सुङ्बा मुला, “डादा तेन्बा म्हेगदेदेन छुयाम चिला, ओच्छे थेनीगदेदेन छुयामनोन भरला। डा थेनीगदेलेन परमेश्वर दोला, ओच्छे थेनीगदे चा डाला म्हे दोला।” १७ थेतबासलमा एनीगदे थेनीगदेग्याम फेसी खउ, ओच्छे फेसी चिउ।

नइबा स्हेगदे तिगेनोन थाथुर्गा, डाइ एनीगदेदा डालान म्हे स्होला’ भिसी परमपरभुसे सुङ्बा मुला।” १४ १५ “डा एनीगदला आबा दोला, ओच्छे एनीगदे चा डाला झा झामे दोला’ भिसी जम्मान भन्दा घरेन परमपरभुसे सुङ्बा मुला।” १५

१७ थेतबासलमा डाला सम निबा हरीगदे, ७ परमेश्वरसे य्हाङ्देन छुयाम थ कबुलगदे लबासे लमा य्हाङ्से य्हाङ्गला ल्हुइदेन आत्मादा आज्यबा तना लबा जम्मान नइबा स्हेगदेदा म्याङ्सी चोखो म्हे दोगे। ओच्छे परमेश्वरदा मान लसी तिगे दोष ओरबा म्हे दोसी भरइ।

पावल ताङ्बा

२ एनीगदेसे इन्दा सेमहेन्सेन ल्हानान माया लउ। इन्से खालेदान आज्यबा व्यवहार लबा ओर। ओच्छे इन्से खालेला विश्वास न्होङ्ना लबादेन खाले म्हेग्याम फाइदा किन्बाएनोन ओर। ३ चु ताम डाइ एनीगदेदा दोष लबारी पाङ्बा आहिन। तिगदा भिसम

एनीगदे इन्ना सेमरी मुला भिबा ताम डाइ एनीगदेदा डाच्छान पाङ्सी जिन्बा मुला। इनी एनीगदेदेन छुयामनोन सिताःसे सोताःसे तयार मुला। ४ डा एनीगदेदेन छुयाम दुक्क मुला। एनीगदेदा डोसबासे लमा डा ल्हानान ताङ्बा मुला, एनीगदेसे डादा ल्हानान तामरी आँट पिन्बा मुला। थेतबासलमा इन्से नाताःबा जम्मान दुखरीनोन डा ल्हानान ताङ्बा मुला।

५ तिगदा भिसम माकडोनियारी खसीनोन इन्से बलबा न्हआम्याङ्नी। इन्दा झन जम्मानग्याम आपत विपत तजी। इन्दा ल्हानान म्हेसे बिरोध लसी बङ्गी ओच्छे सेमरी ल्हानान लोङ्बा खजी। इतर तीतसे इनी मुबा ग्तारी खबा तामग्याम दुख तबागदे जम्मादान आँट पिन्बा परमेश्वरसे इन्दा आँट पिन्जी। ७ थे खबासे लमा जे आहिन, तर एनीगदेसे थेदा पिन्बा आँटग्याम इन्से आँट याङ्बा मुला। एनीगदेसे डादेन छुयाम हरुप तबारी ल्हानान सेम लबा मुला भिसी थेसे इन्दा पाङ्गी। ओच्छे डाच्छा डाला सेम स्हु खना लबा ताम ढन्सी एनीगदेसे ल्हानान दुख इहम्बा मुला भिबादेन डादा ल्हानान वास्ता लबा मुला भिबा तामएनोन थेसे इन्दा पाङ्गी। चु ताम थेःसी डा झन ल्हानान ताङ्बा मुला।

८ डाइ भिरबा चिठीग्याम एनीगदेदा सुर्दा तजी भिसी डाइ दुख म्हेन्बा ओर, हिन्बाम डाच्छा डादाएनोन सुर्दा तबा मुबा। थ चिठीसे एनीगदेदा छिन्नङ्गला लागिरी जे तसेनोन सुर्दा तना लजी भिबा ताम डाइ था याङ्गी। ९ एनीगदेदा सुर्दा तजी भिसी डा ताङ्बा आहिन, तर थ सुर्दाग्याम एनीगदेसे हराङ्से लबा आज्यबा गगेदे ख्तासी परमेश्वरपट्टि दोःजी भिसी ताङ्बा हिन्ना। तिगदा भिसम इनीग्याम एनीगदेदा तिगे सुर्दा थातगे भिसी एनीगदेसे परमेश्वरसे म्हेन्बा अन्छारला दुख नाजी। १० तिगदा भिसम परमेश्वरदा ढन्सी लबा सुर्दा चा परमेश्वरदा सेम निबा सुर्दा हिन्ना। चुनोन सुर्दासे थाबा याङ्गाला लागिरी म्हेदा हराङ्गला पाप ख्तासी परमेश्वरपट्टि दोःपुङ्गला। ओच्छे थे तामसे सेमरी तिगे दुख आत। तर जम्बुलिङ्गला सुर्दासे चा म्हेदा सिना

१६:१५ गरीक बाइबलरी शैतानदा बलिआल भिसी भिरबा मुला। खाइमा गिक न्ही यहूदीगदेसे शैतानदा बलिआल भिसी पाङ्मुबा। बलिआल भिबा चा ग आसलबा हिन्ना।

१६:१६ लेवी २६:१२; इज ३७:२७

१६:१७ यशै ५२:११

१६:१८ २ शम् ७:१४

१७:५ २ कोर २:३३

लला। ११ तिग्दा भिसम च्यागो, परमेश्वरग्याम सबा सुदास एनीगदेदा गाते आँट पिन्बा मुला। थ सुदास एनीगदेदा हराड तिगे दोष आरबादेन ज्यबा म्हि हिन्ना भिसी उन्बारी आँट पिन्बा मुला। थ सुदास एनीगदेला गुडरी पाप लबा म्हिगदे मराडसी बोमो खना लबा मुला। ओच्छ एनीगदेदा डादेन छयाम हरूप तबा सम पिन्ना। थहरड लसीन पापग्याम याडबा सजाय मराडसी लोडबादेन पाप गे लबा म्हिदा सजाय पिन्बा सम खना लला। चु तामग्यामसेन एनीगदे तिगे दोष आरबा म्हि हिन्ना भिसी था याडला। १२ डाइ थ चिठी दुख पिन्बा अथवा दुख याडबा म्हिदा लागिरी भिरबा आहिन। तर परमेश्वरला डाच्छा एनीगदेसे उन्दा गाते ढन्बा मुला भिबा ताम था याडबाला लागिरीन डाइ भिरबा हिन्ना। १३ थेतबासेलमा डन्से आँट याडबा मुला।

डन्से आँट जे आहिन, एनीगदेसे तीतसदा ताडना लबासे लमा डनीएनोन ल्हानान ताडबा मुला। १४ तिग्दा भिसम डाइ एनीगदेला बाररी तीतसदेन छयाम घमण्ड लसी ताम लमुबा, तसेनोन डा पेःआतोःनी। डन्से एनीगदेदा सत्य ताम पाडबा हरड लसीन तीतसदेन छयाम घमण्ड लसी पाडमाएनोन सत्य दोजी। १५ एनीगदे लोडसी तीतससे पाडबा जम्मान ताम ड्यान्सी थदा मान लजी। थ ताम ढन्सी थसे एनीगदेदा झन ल्हानान माया लबा मुला। १६ एनीगदेथारी पूरान भर लखम्बासे लमा डा एनीगदेदेन छयाम ल्हानान ताडबा मुला।

ज्यबा समसे पिन्तोःबा

१ ज्योज्यो आले नाना आडागदे, **८** माकडोनिया अञ्चलरी मुबा मण्डलीगदेदा परमेश्वरसे लबा दयामायाला बाररी डन्से एनीगदेदा पाडबा सम मुला। २ स्थान्दोसे ल्हानान दुख पिन्बा धुडरीनोन थनीगदे ल्हानान ताडबा मुबा। ओच्छे ल्हानान पराडबो तसेनोन थनीगदेसे स्थान्दोदा ज्यबा समसे दान पिन्मुबा। ३ थनीगदेसे पिन्सम्बा भन्दा ल्हानान हराडला समहन्से ताडसी ताडसी पिन्बा मुबा भिबा ताम डाइ एनीगदेदा पाडला। ४ थनीगदेसे यरूशलेमरी मुबा परमेश्वरला म्हिगदेदा हरो लबा मौका पिन्गो भिसी डन्देन छयाम घरिघरि बिन्ती लजी। ५ थनीगदेसे डन्से म्हन्नोन

आम्हन्बा ताम लजी। जम्मान भन्दा डाच्छा थनीगदेसे हराड हराडदा परमुला छयारी जिम्मा पिन्जी, ओच्छे परमेश्वरसे म्हन्बा अन्छारला गे लबाला लागिरी एनीगदेसे हराडसे हराडदान डन्ना थारी जिम्मा पिन्जी।

६ थ भटी हरुप्वा ज्यबा गे डाच्छा तीतससेन शुरु लजी। थेतबासेलमा एनीगदेला गुडरीनोन थ गे पूरा लबाला लागिरी एनीगदेदा हरो लड भिसी डन्से थदान बिन्ती लजी। ७ तर एनीगदे विश्वास लबारी, पाडबारी, ज्ञान बुद्धिरी, जम्मान तामरी आँट पिन्बारीदेन डन्दा माया लबा चु जम्मान ताम एनीगदेसे ज्यना लसी लबान मुला। थहरड लसीन पिन्बा गेएनोन एनीगदेसे ल्हानान लबान निउ।

८ चु चा डाइ एनीगदेदा लनोन तोःला भिसी कुल्बा आहिन। तर स्थान्दोगदेसे समहन्सेन हरो लबा तामग्याम एनीगदेसे स्थान्दोगदेदा लबा माया सत्य हिन्ना कि आहिन भिसी था याडबाला लागिरी डाइ चु ताम पाडबा हिन्ना। ९ य्हाडला परमु येशू खरीष्टसे लबा दयामाया एनीगदेदा थानोन मुला। थ ल्हानान फ्युकपो मुबा। तसेनोन थ एनीगदेला लागिरी पराडबो दोजी। तिग्दा भिसम हराड पराडबो दोसी एनीगदे फ्युकपो दोखम्मे भिसीन थसे चुहरड लबा हिन्ना।

१० एनीगदेला लागिरी ज्यबा तगे भिबा डाला चु सल्लाह मुला। तिग्युडमा एनीगदेसे पिन्बा गे शुरु लबा जे आहिन, तर थ गे लबारीनोन ल्हानान सम लबा मुबा। ११ दाहन्से एनीगदेसे थ गे पूरा लड। शुरु लबा धुडरी एनीगदेसे ल्हानान पिन्बा सम लबा अन्छार खम्तधोना पिन्सी पूरा लड। १२ पिन्बा सम मुसम म्हिसे हराडदेन छयाम आरबा स्हे आहिन, तर जुन स्हे हराडदेन छयाम मुला थ अन्छार पिन्मा परमेश्वर ताडला।

१३ एनीगदेदा चा गाहरो तगे, ओच्छे स्थान्दोगदेदा चा सजिलो तगे भिसी डाइ चु ताम पाडबा आहिन। तर जम्मान च्योच्यो ततोःला भिसी डाइ चु ताम पाडबा हिन्ना। १४ दान्दे एनीगदेदेन छयाम ल्हानान मुबा स्हेग्याम आरबागदेदा पिन्गो। ओच्छे लिच्छा थनीगदेदेन छयाम ल्हानान तबा धुडरी एनीगदेदा साँचो तमा थनीगदेसेनोन एनीगदेदा पिन्ना। थहरड लजी भिसम जम्मान च्योच्यो तला। १५ बचनरीनोन चुहरड लसी भिरबा मुला, “ल्हानान दुइबा म्हिदाएनोन ल्हाना आतनी,

ओच्छे च्याङ्ना दुइबा म्हिदाएनोन आच्छयोबा आतनी ।”।

तीतसदेन थेला हुरोगदे कोरिन्थरी निबा

१६तर परमेश्वरदा धन्यवाद तगे। तिग्दा भिसम थेस एनीगदेला लागिरी तीतसदाएनोन डाला हरडबान सम पिन्जी। १७तिग्दा भिसम थे डन्स पाडबास लमा जे एनीगदेदन छ्याम हरूप तबारी सबा आहिन, तर थे समहन्सेन ताङ्सी ताङ्सी हराङ्गोन एनीगदे मुबा ग्लारी सवान मुला। १८ओच्छे थाबा पिन्बा समाचार थेःना लसी भरमा जम्मान मण्डलीस मान लबा आलेदाएनोन डन्स थेदेन छ्याम पुइसवान मुला। १९चुदे जे आहिन, मण्डलीस हरूप लबा भेटी यरूशलेमरी भोर्बा धुइरी चु आलेदा डन्देन छ्यामनोन निगे भिसी धम्बा मुला। चु ज्यबा गे डन्से परमुला मानदेन जयजयकार लबाला लागिरी ओच्छे आरबागदेदा हरो लबा सम डन्दा मुला भिसी उन्बाला लागिरी लबा हिन्ना। २०ज्यबा समस पिन्बा चु भेटी यरूशलेमरी भोर्सी थेला विश्वासीगदेदा भो लसी पिन्बा धुइरी डन्दा चु भेटीला बाररी खालेसन दोष थालगै भिसी डनी हाशियार तसी गे लमुला। २१तिग्दा भिसम डन्दा परमुला डाच्छापट्टि जे आहिन, तर म्हिगदेला डाच्छापट्टिएनोन जुन ताम ज्यबा मुला थनोन ताम लबा सम मुला।

२२थेनीगदेदन छ्यामनोन डन्स स्हान्दो आले गिकदाएनोन एनीगदे मुबा ग्लारी पुइसवान मुला। डन्स ल्हानान रम च्यामा थे परमुला गे लबारी ल्हानान झन्बा मराङ्गी। ओच्छे थेस एनीगदेथारी भर लबास लमा थेस झन ल्हानान गे लबारी आँट याङ्बा मुला। २३तीतस चा डादेन छ्यामनोन दिक्सी गे लबा डाला हरो हिन्ना। थेस एनीगदेस हरो लबा गेरी डादा हरो लमुला। ओच्छे थेदेन छ्याम सबा स्हान्दो आलेगदे चा मण्डलीगदेस पुइसबा आलेगदे हिन्ना। थेनीगदेएनोन खरीष्टला मानदेन जयजयकार लबागदे हिन्ना। २४थेतबासलमा चु म्हिगदेदा एनीगदेस हराङ्गला माया उन्गो। ओच्छे डनी एनीगदे मराङ्गी तिग्दा ताङ्बा मुला थे ताम थेनीगदेदा उन्गो। तिग्दा भिसम चु ताम जम्मान गलाला मण्डलीगदेस था याङ्गै।

विश्वासीगदेस हरुष्बा भेटी

१ यरूशलेमरी मुबा परमेश्वरला म्हिगदेला लागिरी पिन्बारी छ्याइबा भेटीला बाररी डाइ एनीगदेदा भिरतोःबा ताम तिगे आंर। २तिग्दा भिसम एनीगदे सदन स्हान्दोदा हरो लबारी तयार मुला भिबा ताम डादा था मुला। एनीगदे असेया अञ्चलरी मुबागदे तिग्युडमाहन्सेन स्हान्दोदा हरो लबारी तयार तबास लमा डा ताङ्बा ताम माकेडोनिया अञ्चलला म्हिगदेदा पाडबा मुबा। चु ताम थेःसी माकेडोनियाला ल्हानान म्हिसे स्हान्दोदा हरो लबा आँट याङ्गी। ३तर डनी एनीगदेला जुन गेला बाररी थेःसी ताङ्बा मुला। थे ताङ्बा ताम खेरोरी थानिगे भिसी डाइ आलेगदेदा पाडबा अन्धार एनीगदे भेटी पिन्बारी तयार तसी चिउ। डाइ आलेगदेदा एनीगदे मुबा ग्लारी पुइसवान मुला। ४चुदे माकेडोनिया अञ्चलला खाले म्हि डादेन छ्याम सबा धुइरी एनीगदे तयार आरबा स्याप्जी भिसम डनी पेःतोःला। ओच्छे एनीगदेएनोन ल्हानान पेःतोःला। तिग्दा भिसम डन्स एनीगदेथारी ल्हानान भर लबा मुला। ५थेतबासलमा एनीगदेस पिन्ना भिसी कबुल लबा भेटी डा सबा भन्दा डाच्छान दिक्ना लबाला लागिरी डाइ आलेगदेदा एनीगदे मुबा ग्लारी पुइसवान ज्यबा तला भिसी म्हन्जी। ओच्छे चु भेटी खालेला करकापस आहिन, तर हराङ्गलान समग्याम पिन्बा भेटी तगे।

ल्हानान दवबासे ल्हानान बाली दुइला

६तर च्याङ्ना दवबा म्हिसे च्याङ्गान बाली दुइला, ओच्छे ल्हाना दवबा म्हिसे ल्हानान बाली दुइला भिबा ताम एनीगदेस थाम्लेःगो। ७ओच्छे जम्मान म्हिसे हराङ्गला समसे म्हन्बा अन्धार पिन्गो। पिन्ना आम्हन्सम खालेला करकापरी तसी थापिन्गो। तिग्दा भिसम समहन्सेन ताङ्गी पिन्बा म्हिदा परमेश्वरसे माया लमुला। ८परमेश्वरसे एनीगदेदा जम्मान स्हे तोःबा भन्दा ल्हानान पिन्ना। जमाहन्से एनीगदेदन छ्याम सदन ल्हानान स्हेगदे तला, ओच्छे एनीगदेस ज्यबा गेला लागिरी स्हान्दोगदेदा पिन्बारी खम्ला। ९बचनरीनोन चुहरङ्ग भिसी भिरबा मुला,

“थेस सेमहेन्सेन ताडसी पराडबोगदेदा पिन्ना । ओच्छे थेस लबा ज्यबा गे जुकजुकधोनान चिला ।”
1

१० खेती लबा म्हिदा परमेश्वरसेन दवबारी व्तुदेन चबारी चबा स्हे पिन्ना, थेसन एनीगदेदा व्तु पिन्ना ओच्छे फुइना लसी ल्हेना लला । एनीगदेस लबा थे ज्यबा गरी परमेश्वरसे मोलम पिन्बासे लमा स्हान्दोगदेदा हरो लबारी खम्ता । ११ एनीगदेस ज्यबा सेमसे पिन्खम्गे भिसी परमेश्वरसे एनीगदेदा जम्मान स्हेरी मोलम पिन्ना । ओच्छे एनीगदेसे पिन्बा भेटी इन्से अर्गु मण्डलीगदेदा पिन्मा थेनीगदेसे परमेश्वरदा धन्यवाद पिन्ना । १२ एनीगदेसे पिन्बा भेटीग्याम परमेश्वरला म्हिगदेला खौंचो जे टारेब तबा आहिन । तर एनीगदेसे पिन्बा भेटीसे लमा थेनीगदेसे परमेश्वरदा ल्हानान धन्यवाद पिन्ना । १३ एनीगदेसे लबा थे ज्यबा गेग्याम एनीगदेसे हराड खाहरडबा म्हे हिन्ना भिसी उन्बा मुला । एनीगदेसे खरीष्टला थारबा पिन्बा समाचारदा विश्वास लसी कुल्बा ताम ड्यान्बासे लमा, एनीगदेसे हराडदेन छुयाम मुबा स्हेगदे सेमहेन्सेन ताडसी थेनीगदेदेन स्हान्दोदा पिन्बा ताम मराडबासे लमा म्हिगदेसे परमेश्वरला मानदेन जयजयकार लला । १४ परमेश्वरसे एनीगदेदा ल्हानान दयामाया लबासे लमा थेनीगदेसे एनीगदेदा ल्हानान माया लसी एनीगदेला लागिरी परार्थना लला । १५ पाडसी पाडबारी आखम्बा मोलम ऽपिन्बाला लागिरी परमेश्वरदा धन्यवाद तगे ।

पावलसे हराडला गे जोगब लबा

१० एनीगदे न्हडला कोइ कोइसे डा एनीगदेदेन छुयाम चिमा चा सोजो तसी ताम लमुला, ओच्छे एनीगदेग्याम फेसी निमाहेन्से चा बडमुला भिसी पाडमुला । दाहेन्से खरीष्टसे पिन्बा सेमदेन दयाग्याम एनीगदेदा डा पावलला बिन्ती मुला । २ जुन म्हिगदेसे इन्दा जम्बुलिडला आज्यबा बानीबेहार थोबा म्हे हिन्ना भिसी म्हेन्बा मुला, थे म्हिगदेदा डा एनीगदे मुबा ग्लारी सबा धुइरी डाइ बडआतो:गे । ३ हिन्ना, दान्दे

म्हाड जम्बुलिडरी मुला, तसेनोन खरीष्टदा डोआसेबा म्हिगदेसे हरड लसी म्हाडसे लडाइ आल । ४ इन्से लडाइरी थोबा हतियारगदे चा स्हान्दो म्हिगदेसे थोबा हतियार हरडबा आहिन । तर इन्से थोबा हतियार चा शेतानना शक्तिदेन इन्ना गुडरी मुबा लुसीला तामगदेदा नाश लखम्बा परमेश्वरला शक्ति हिन्ना । ५ घमण्ड लसी परमेश्वरला ज्ञान बुदधिला विरोध लबा जम्मान तामगदेदा इन्से नाश लबा मुला । ओच्छे जम्मान म्हेन्बा तामगदेदा खरीष्टसे कुल्बा ताम ड्यान्गे भिसी इन्से तहरी थान्बा मुला । ६ एनीगदे पूरान कुल्बा ताम अन्छार भस्माहेन्से कुल्बा ताम अन्छार आभरबागदे जम्मादान सजाय पिन्बारी इनी तयार मुला ।

७ एनीगदेसे हराडसे मराडबा स्हेगदेदा जे च्यामुला । एनीगदे न्हडला खालेसे डा खरीष्टला म्हे हिन्ना भिसी पूरान विश्वास लबा मुला भिसम थेसे इनीएनोन खरीष्टला म्हे हिन्ना भिसी घोतो:ला । ८ इन्से याडबा अधिकारला बाररी डाइ ल्हानान घमण्ड लसी पाडबा मुसेनोन डा पे:आतो: । तिगदा भिसम चु अधिकार एनीगदेदा न्होडना लबाला लागिरी आहिन, तर एनीगदेदा विश्वासरी कोडबा स्होबाला लागिरीन परभुसे पिन्बा हिन्ना । ९ डाइ एनीगदेदा भिरबा चिठीगदे एनीगदेदा लोडना लबाला लागिरी भिरबा हिन्ना भिसी थाम्हेन्गे । १० तिगदा भिसम कोइ कोइसे “पावलसे चिठीगदे भिरबा धुइरी चा इन्दा बडसी भिरमुला । तर म्हाडदेन छुयाम हरुप तबा धुइरी चा कमजोर तमुला, ओच्छे थेसे पाडमा तिगे गे आखल्बा तमुला” भिसी पाडमुला । ११ थहरडबा म्हिगदेसे इन्से चिठीरी जुन ताम भिरबा मुला, थेनोन अन्छार एनीगदेदेन छुयाम हरुप तमाएनोन लला भिबा ताम घोतो:ला ।

१२ कोइ कोइ म्हिसे हराडसे हराडदान घरेन म्हे भिसी म्हेन्मुला, थेहरडबा म्हिगदेदेन छुयाम इनी हराडसे हराडदान दाजब लसी च्याबा सेम आर । तर थेनीगदेसे हराडसे हराडदान घरेन स्होसी हराड हराड न्हडरी दाजब लसी च्याजी भिसम थेनीगदे तिगे

१९ :१५ चु पदरी मोलम भिबा चा ल्हानान हरडबा बाइबल विद्वानगदेसे खरीष्ट हिन्ना भिसी पाडबा मुला ।

आघावा मूर्ख म्हि दोला। १३तर परमेश्वरसे पिन्बा अधिकारला बाररी जे डन्से घरेन दोसी ताम पाडला। परमेश्वरसे पिन्बा गेला बाररी भन्दा अर्गु खजिबे तामला बाररी डन्से घरेन दोसी ताम आल। थहरङ लसी घरेन दोसी लबा गे एनीगदे मुबा ग्लारीनोन धोखबा मुला। १४एनीगदे मुबा ग्लारी खनोन आखबा म्हिस हुरङ लसी डन्से मुबा आरबा तामगदरी ताङ्सी भरबा आर। तिगदा भिसम जम्मान भन्दा डाच्छा खरीष्टला थार्बा पिन्बा समाचार भसी एनीगदे मुबा ग्लारी खबा म्हि डनीन हिन्ना। १५स्थान्दोगदेस लबा गदा डन्से लबा हिन्ना भिसी ताङ्सी आभर, तर डनी हराडसन लबा गेरी जे ताङ्गला। एनीगदेला विश्वास ल्हवान निमा एनीगदेला गुडरी डन्से लबा गे इन बढब तबान निला भिबा डन्दा आश मुला। १६चुहरङ लसी डन्से लबा गे एनीगदेला गुडरी बढब तबान निजी भिसम डन्से एनीगदेग्याम अर्गु यहुत्सारीनोन थार्बा पिन्बा समाचार थेःना लबारी खम्ता। थहरङ तजी भिसम डन्से स्थान्दोगदेस डाच्छान गे लबा ग्लारी निबा सम आल। तिगदा भिसम स्थान्दोगदेस लबा गदा डन्से लबा हिन्ना भिसी ताङ्सी भरबा सम आर। १७तर बचनरीनोन चुहरङ भिसी भिरबा मुला, “जुन म्हिदा ताङ्बा सम मुला थं म्हि परमुला बाररी ताङ्गै।” १८तिगदा भिसम खालेस डा ज्यबा म्हि हिन्ना भिदमा थं ज्यबा म्हि आत। तर जुन म्हिदा परभुस ज्यबा म्हि हिन्ना भिसी सुडला, थनोन ज्यबा म्हि तला।

पावलदेन लुसीला ताम पाडबा मुल चेला

११ १डाइ मूर्ख ताम लसेनोन एनीगदेसे नाला भिबा डाइ आश लबा मुला। एनीगदेसे डादा नासी पिन्गो या। २परमेश्वरसे एनीगदेदा लबा हरङ्बान वास्ता डाइएनोन लबा मुला। तिगदा भिसम आबास झामेदा म्हाच्छारला यारी जिम्मा पिन्बारी कबुल लबा हरङ लसी डाइ एनीगदेदाएनोन चाखो मिरङ्कोलादा हरङ लसी खरीष्टला छ्यारी जिम्मा पिन्बा सम लसी कबुल लबा मुला। ३तर शैतानसे पुखरीला रुप किन्सी हव्वादा फसब लबा हरङ लसी खालेस एनीगदेला खरीष्टदा तेन्बा चाखो सम

न्होडना लला वा भिसी डा लोडबा मुला। ०४ तिगदा भिसम चुदे खाले म्हि खसी एनीगदेदा डन्से पाडबा येशुला बाररी भन्दा स्थान्दो येशुला बाररी पाङ्गी भिसम एनीगदेस सम लसी ड्यान्बा चीम। आच्छ एनीगदेदा डाच्छा पाडबा परमेश्वरला आत्मादेन थार्बा पिन्बा समाचारला बाररी भन्दा स्थान्दो आत्मादेन समाचारला बाररी पाङ्गी भिसम थं ताम एनीगदेस तुरुन्तन विश्वास लबा चीम। ५थं जम्मान भन्दा घरेन मुल चेला दोबा स्होबा म्हिगदे भन्दा डा तिगे तामरी जजा मुला भिसी म्हन्बा आर। ६डा ज्यना लसी ताम पाङ्बारी आसबा म्हि तसेनोन डादेन छयाम ज्ञान बुद्धि चा मुला। चु जम्मान ताम डन्से डाच्छान एनीगदेदा ज्यना लसी घोना लसी उन्बा मुला।

७एनीगदेदा घरेन स्होबाला लागिरी डा जजा दोसी एनीगदेग्याम तिगे आकिन्ना परमेश्वरला समाचार थेःना लमा तिग डाइ पाप लबा हिन्ना? ८डाइ एनीगदेदा हरो लबाला लागिरी अर्गु मण्डलीगदेग्याम टाङ्गा किन्ना अर्गु मण्डलीगदेदा डाइ ठगब लबा हरङ्बान तजी। ९एनीगदेदेन छयाम चिमा डादा खौचो तबा धुइरी डाइ एनीगदेदा दुख आपिन्नी। डादा खौचो तबा धुइरी जम्मान स्हगदे माकेडानियाग्यामसेन आलेगदेस भसी पिन्मुबा। दान्दोनोन एनीगदेदा दुख पिन्बा सम आर। चु तामला लागिरी डाइ एनीगदेदा डाच्छाएनोन दुख आपिन्नी, दाहन्सेनोन डाइ एनीगदेदा दुख आपिन। १०अखेया अञ्चलरी डाइ ताङ्सी पाडबा चु तामदा थापाङ्गो भिसी खालेसेन पाङ्बारी आखम। तिगदा भिसम डाला समरी खरीष्टला सत्य बचन मुला। ११डाइ तिगदा चुहरङ लबा हिन्ना? तिग डाइ एनीगदेदा माया आलबासे लमा हिन्ना? डाइ एनीगदेदा माया लमुला भिबा ताम परमेश्वरदान था मुला।

१२तर डन्से लबा हरङ्बान गे **लबा मुला भिसी ताङ्बारी म्हाइबा थं जम्मान भन्दा घरेन मुल चेला दोबा स्होबा म्हिगदेदा ताङ्सी भरबा मोका आपिन्बाला लागिरी डाइ दान्द जुन गे लबान मुला थं गे सदन लला। १३तिगदा भिसम थहरङ्बा म्हिगदे खरीष्टला मुल चेला दोबा स्हासी स्थान्दोदा छल लसी भरबा फट्टा

**११:१२ “डन्से लबा हरङ्बान गे” भिबा चा पावलसे तिगे टाङ्गा आकिन्ना लबा गे हिन्ना (२ कोर ११:७-९ स्हीगो), तर घरेन मुल चेला दोबा स्होबागदेस चा टाङ्गा किन्सी गे लमुबा।

चेलागदे हिन्ना। १४ चु तिगे उदेक म्हन्तोःबा ताम आहिन। तिगदा भिसम शेतानसेनोन म्हिदा फसब लबाला लागिरी य्हाल य्हाल्बा स्वर्गदूत हरडबान दोसी खमुला। १५ थतबासलमा शेतानना नोकरगदेएनोन परमेश्वरदा सम निबागदे हरडबान दोसी भुरजी भिदमा तिगे उदेक म्हन्तोःबा ताम आर। परमेश्वरस निसाफ लबा धुइरी थनीगदस हराडस लबा आज्यबा गला सजाय नातोःला।

पावलसे नाबा दुखगदे

१६ डाइ दोःसीनोन पाडला, डादा खालेसन मूर्ख थाम्हन्नो। चुदे एनीगदस डादा मूर्ख म्हन्बा मुसम मूर्खन म्हन्सी डाइ पाडमा विश्वास लउ। जमाहेन्स डाइएनोन तिगे तामरी जजाकर भिसै ताडम्याडला। १७ हिन्ना, ताडबा तामला बाररी डाइ मूर्खसे हरड लसीन ताम लबान मुला। चु ताम चा डादा परमुसे कुल्बासे लमा पाडबा आहिन। १८ ल्हानान म्हिगदे जम्बुलिडला तामगदेथारी ताडबास लमा डाइएनोन ताडला। १९ एनीगदे मी ल्हानान ज्ञान बुद्धि मुबा म्हि दोजीम। ओच्छे मूर्ख म्हिगदस पाडमाएनोन ताडसी ताडसी नाबा चीम। २० चुदे खाले म्हिसे एनीगददा नोकर स्हासेनोन, ठगब लसेनोन, व्यन्सेनोन, एनीगददा धाक उन्सेनोन ओच्छे, गूर्म्बारीन तोसेनोन एनीगदस थं जम्मान नाबा चीम। २१ एनीगददा स्हान्दागदस लबा हरडबान डन्स लआखम्नी भिसी डा पःतोःबा हिन्ना? आहिन।

तर खाले म्हि तिगे तामरी ताडबा मुसम डाइएनोन थं तामरी ताडला। हिन्ना, डाइ मूर्ख म्हिसे हरड लसीन ताम लबान मुला। २२ तिग थनीगद हिबूरू हिन्ना? डाएनोन हिबूरू हिन्ना। तिग थनीगद इसराएली हिन्ना? डाएनोन इसराएली हिन्ना। तिग थनीगद अब्राहामला सन्तान हिन्ना? डाएनोन अब्राहामला सन्तान हिन्ना। २३ तिग थनीगदे खरीष्टला गे लबा म्हिगदे हिन्ना? म्योबा म्हिसे हरड लसीन डाइ चु तामगदे पाडबान मुला। थनीगद भन्दा मी डा झन ज्यना लसी खरीष्टला गे लबा म्हि हिन्ना। थनीगदसे भन्दा डाइ ल्हानान दुख लसी गे लजी।

ओच्छे थनीगदे भन्दा डा ल्हानान रम झ्याल्लानरी परब तजी। थनीगददा भन्दा डादा कोरसिनोन ल्हानान तोजी। ओच्छे गाते रम मी डा सिला हरडनोन तजी। १२४ डादा यहूदीगदस डारमधोना चुडसी तोजी। थनीगदस डादा डारम डारमधोना बोगल गिकस च्युक कुरमधोना कोरस तोजी। १२५ सामरमधोना डादा कडीस तोजी। तिरम युडबासेनोन तोजी। सामरमधोना डा करःबा पानी जहाजएनोन न्हाडजी। ओच्छे धिन गिक म्हुन गिक डा समुन्दररीन विजी। १२

२६ खरीष्टला समाचार थःना लसी भरमा डा स्योडरी परब तसी, ओच्छे य्हागदेग्याम, हराडलान म्हि यहूदीगदेग्याम, अर्गु य्हुलला म्हिगदेग्याम, शहररीनोन, तोडतोडबा ग्लारीक्यार निमाएनोन, समुन्दरग्याम भरमाएनोन, लुसीला ताम पाडसी भरबा आलेगदेग्याम दुख नातोःजी। २७ डा गाते रम मी म्हर्बारी आम्याडनी तसेनोन आप्नेना दुख लसी गे लजी, गाते रम चबा थुडबा आयाडना फोइथाननोन चितोःजी ओच्छे क्वान आरबासे लमा खडबा नासीनोन चितोःजी। २८ ओते जे आहिन, मणडलीगदला बाररीनोन डादा धिन धिननोन सुदी तमुबा। २९ खाले म्हि विश्वासरी कमजोर तबा मराडजी भिसम डाएनोन कमजोर तबा हरडनोन छोर्मुला, ओच्छे खाले म्हि पापरी फसब तबा मराडजी भिसम डादा संमरी ल्हानान दुख तमुला।

३० चुदे डा ताडनोन तोःजी भिसम डाला कमजोर तामगदे उन्मा ताडला। ३१ डाइ पाडबा तामगदे लुसीला ताम आहिन भिबा परभु येशूला आबा य्हाडला परमेश्वरदान था मुला। थंदा य्हाडसे सदन जयजयकार लतोःला। ३२ दमस्कस भिबा शहररी मुबा धुइरी अरितस भिबा ग्लेला हाकिमसे डादा चुडबाला लागिरी गला ग्लारी सिपाहीगदे थान्मुबा। ३३ तर डादा सदुनरी झाडसी पर्खालला झ्यालग्याम मार पुडबासे लमा डा थं ग्लेला यारी परब आतनी।

पावलसे मराडबा म्हाड

१ तिगे फाइदा आरसेनोन डा ताडला।
१२ ओच्छे डादा परमुसे उन्बा तामदेन डाइ

मराडबा म्हाडला बोररी एनीगदेदा पाडला। २च्युक ब्रित दिड डाच्छाला ताम हिन्ना, खरीष्टदा विश्वास लबा म्हे गिकदा स्वर्गला जम्मान भन्दा घरेन ग्लाधोनान भोजी। थं म्हेदा †डाइ डोसबा मुला, तर थंदा ल्हुइरी सोच्चिन भोर्बा हिन्ना कि आहिन थं ताम डादा था आर, परमेश्वरदान था मुला। ३डाइ दोःसी पाडला, स्वर्गधोनान भोर्बा थं म्हेदा डाइ डोसबा मुला। तर ल्हुइरीन भोर्बा हिन्ना कि आहिन, थं ताम डादा था आर, परमेश्वरदान था मुला। ४थंदा स्वर्गरी थोसी भोजी, थरी थंस म्हेस पाडआसम्बा घरेन घरेन ताम थंजी, थंहरडबा ताम म्हेदा पाडआपुडमुला। ५थंहरडबा म्हेला बोररी डा ताडला, डा हराडलान बोररी चा आताड। तर डा चा डाला कमजोर ताम उन्बा धुइरी जे ताडला। ६डाइ ताडसीन भरबा सेम लसेनोन डा मूर्ख म्हे चा आदो। तिग्दा भिसम डाइ सत्य ताम पाडबा मुला। डाइ लबा गे मराडबादेन डाला बोररी थंबा भन्दा ल्हाना घरेन म्हे भिसी खालेसन थाम्हेनो मिबा डाला सेम मुला।

७डाइ परभुसे उन्बा म्हाड मराडजी भिसी घरेन दोसी थाभरगे भिसी डाला ल्हुइरी पुत्रुसे म्तोबा हरडबान स्हेर पिन्जी। थस शैतानना दूतसे हरड लसी डादा धुइ धुइरी ताडसी थाभरगे भिसी दुख पिन्मुला। ८“डादा चु दुखग्याम फसी पिन्गो” भिसी डाइ परभुदा सोमरमधाना बिन्ती लजी। ९तर परभुसे डादा “डाइ एदा ल्हानान दयामाया लबा मुला, ए कमजोर मुबा धुइरी डाला शक्ति एग्याम उन्बा मुला” भिसी सुडजी। थंतबासलमा डा कमजोर मुबा धुइरी डा झन ल्हानान ताडबा मुला। तिग्दा भिसम थं धुइरी परमेश्वरसे खरीष्टला शक्ति डोग्याम उन्बा मुला। १०थंतबासलमा खरीष्टला लागिरी कमजोर तसेनोन, डादा बेइज्जत लसेनोन, बिरोध लसेनोन, स्थान्दोसे दुख पिन्सेनोन, ओच्छे आपत विपत तसेनोन डा ताडला। तिग्दा भिसम कमजोर तबा धुइरी डा झन भडबा तला।

कोरिन्थला म्हेगदेला लागिरी पावलसे सुर्दा लबा

११डा मूर्ख हरडबा दोबा मुला, डादा मूर्ख हरडबान स्होबा चा एनीगदेन हिन्ना। एनीगदेस डाला बोररी ज्यबा ताम लतोःमुबा। पाडनोन तोःमा डा तिगैनोन आहिन, तर थं जम्मान भन्दा

घरेन मुल चेला दोबा स्होबा म्हेगदे भन्दा डा जजा आहिन। १२डाइ एनीगदेला गुडरी जम्मान दुख नावान शक्तिशाली चिनुगदेदेन उदेकला गगदे लसी डा पक्कान मुल चेला हिन्ना भिसी एनीगदेदा उन्बा मुला। १३खजिबा तामला बोररी एनीगदे अर्गु मण्डलीगदे भन्दा जजा तजी ? चु ताम जे हिन्ना, डाइ अर्गु मण्डलीगदेरी लबा गे गिक चा एनीगदेला लागिरी आलनी। थं गे चा तिग हिन्ना भिसम डाइ एनीगदेग्याम टाडगा आकिन्नी। चु डाला गलती हिन्ना, चुला लागिरी डादा माफ लउ।

१४डा दोःसीनोन एनीगदे मुबा ग्लारी खबारी छयाडबा मुला। दान्द समा डा एनीगदे मुबा ग्लारी खबा सोमरेम तला। तर एनीगदेसे डाला लागिरी तिगे खर्च लआतोः। डाइ एनीगदेला सम्पत्ति म्हाडबा आहिन, डाइ मी एनीगदेदा चा म्हाडबा हिन्ना। तिग्दा भिसम आबा आमासे कोलागदेग्याम आकिन, तर आबा आमासे चा कोलागदेला लागिरी सोसी थान्ना। १५डादेन छयाम मुबा जम्मान स्हेगदे डाइ एनीगदेदा ताडसी ताडसी पिन्ना। ओच्छे एनीगदेला लागिरी डा सिबारीनोन तयार मुला। डाइ एनीगदेदा समहेन्सेन ल्हानान माया लबा मुला भिसम तिग्दा एनीगदेसे चा डादा जजाकर जे माया लबा ?

१६एनीगदेसे डाला लागिरी तिगे खर्च लआतोःनी, चु ताम एनीगदेदान था मुला। तर डा बाढो तसी डाइ एनीगदेदा फसब लजी भिसी खालेसे पाडमुला। १७तिग डाइ पुइखबा म्हेगदेग्याम एनीगदेदा फसब लसी डाइ तिगे स्हे किन्बा मुला ? १८डाइ तीतसदा एनीगदे मुबा ग्लारी निउ भिसी पुइखजी, ओच्छे थंदेन छयाम डाइ स्थान्दो आलदा एनोन पुइखबा मुबा। तीतससेनोन एनीगदेग्याम तिगे स्हे आकिन्नी। थंदेन डा सेम गिक तसी गे गिकनोन लबा मुला।

१९चु जम्मान ताम डन्से हराडदान जोगब लबाला लागिरी पाडबा हिन्ना भिसी एनीगदेसे म्हेन्मुला तला। चु जम्मान ताम परमेश्वरला डाच्छा खरीष्टदेन छयाम गिक तसी डन्से पाडबान मुला। डन्ना सेम निबा हुरोगदे, डन्से चु जम्मान गे लबा चा एनीगदेदा विश्वासरी काडबा स्होबाला लागिरीन हिन्ना। २०तिग्दा भिसम डा थरी खबा धुइरी डाइ म्हेन्बा अन्धार एनीगदेदा आस्याप, ओच्छे एनीगदेसेनोन

†१२ :२ चुरी चा पावलसे “थं म्हे” भिसी हराडसे हराडदान पाडबा हिन्ना।

हराडसे म्हन्वा अन्ध्रर डादा आस्याप वा भिसी डा लोडबा मुला। एनीगदे हराड हराड न्हडरी छेबा बडबा लबा, डाह लबा, बोमो लबा, हराडला जे फाइदा च्याबा, स्थान्दोदा बडबा, म्हिला तामगन लबा, हराडसे हराडदान डा हरडबा खाले आर भिसी म्हन्वागदे ओच्छे अलमल तना लबा म्हिगदे स्यापता वा भिसी डा लोडबा मुला। ११ डा एनीगदे मुबा ग्तारी दोःसी खमा डादा डाला परमेश्वरसे एनीगदेला डाच्छे जजा स्होला भिसी डा लोडबा मुला। ओच्छे डाइ ल्हानान म्हिगदेला लागिरी सुर्दा लतोःला। तिगदा भिसम डाच्छे नडबा गे लबादेन स्थान्दोदेन छ्याम बरत्सी भरबा ओच्छे समरी जे लड म्हन्वा थेनोन लसी पाप लबा म्हिगदेसे हराडला पाप ख्तासी परमेश्वरपट्टि दोःबा आर तला।

पावलसे अझ होशियार तना लबा

१३ १ डा दोःसीनोन एनीगदे मुबा ग्तारी खला, दान्दे खमा सोमरम तला। बचनरी चुहरड भिसी भिरबा ताम ढन्गो, “खाले म्हिदा सजाय पिन्बाला लागिरी थसे लबा गे मराडबा म्हि न्ही सोमसे पाडबाग्यामसेन सजाय पिन्तोःबा कि पिन्आतोःबा भिसी था याडला।” १२ न्हीरमला पालरी डा एनीगदेदेन छ्याम मुबा धुइरी डाइ एनीगदेदा होशियार तना लबा मुबा। दान्दे डा एनीगदेदेन छ्याम आरबा धुइरीनोन डाइ एनीगदेदा होशियार तना लबान मुला। डा दोःसी एनीगदे मुबा ग्तारी खमा डाच्छे डाच्छे पाप लबागदेदेन स्थान्दोगदे खालेदान डाइ आख्या। ३ थ धुइरी खरीष्ट डादेन छ्याम गिक तसी डाग्याम ताम पाडबा चीम कि आपाडबा चीम भिसी एनीगदेसे च्याबारी म्हाडबा ताम था याडला। एनीगदेला गुडरी गे लमा खरीष्ट साइमे कमजोर आत, तर शक्तिशाली तला। ४ तिगदा भिसम खरीष्ट कमजोर तसी करुसरी सिजी। तर परमेश्वरला शक्तिसे थेदा सोना लजी। थहरड लसीन डनीएनोन खरीष्ट हरडनोन कमजोर तबा मुला। तर एनीगदेला गुडरी गे लबाला लागिरी परमेश्वरसेन हराडला शक्तिग्याम डन्दा खरीष्टदेन छ्याम सोना लला।

५ एनीगदेसे पक्का विश्वास लबा मुला कि आर भिसी हराडसे हराडदान च्यागो।

चुहरड लसी च्यामा येशू खरीष्ट एनीगदेदेन छ्याम आस्यापनी भिसम एनीगदेसे पक्का विश्वास लबा आरबा चीम भिसी था याडला। ६ ओच्छे डन्से पक्का विश्वास लबा मुला भिबा तामएनोन एनीगदेसे था याडला भिसी डाइ आश लबा मुला। ७ एनीगदेसे आज्यबा गे थालगे भिसी डन्से परमेश्वरदेन छ्याम परार्थना लबान मुला। डनी चा ज्यबा म्हि हिन्ना भिसी उन्बाला लागिरी डन्से चुहरड लसी परार्थना लबा आहिन। तर एनीगदेसे डनी पक्का मुल चेतला आहिन भिसी म्हन्सैनोन एनीगदेसे चा ठीक ठीक गे जे लखम्मे भिसी डन्से परार्थना लबा हिन्ना। ८ तिगदा भिसम डनी सत्य तामला बिरोध लसी गे आल, तर सत्य तामला लागिरी जे गे लला। ९ डनी कमजोर तसेनोन एनीगदे चा भडबा तजी भिसम डनी ताडला। ओच्छे एनीगदे डन विश्वासरी पूरान पाको म्हि दोगे भिसी डन्से परार्थना लबा मुला। १० डा एनीगदे मुबा ग्तारी खमा परभुसे डादा पिन्बा अधिकारग्याम डाइ एनीगदेदा बडआतोःगे भिसीन डा एनीगदेदेन छ्याम आरबा धुइरी चु चिठी भिरबान मुला। एनीगदेदा न्हाडना लबाला लागिरी आहिन, तर एनीगदेदा विश्वासरी कोडबा स्होबाला लागिरीन थ अधिकार परभुसे डादा पिन्बा हिन्ना।

चिठीला थुमरी पाडबा ताम

११ ज्योज्यो आले नाना आडागदे, दाहेन्से डादा विदा पिन्गो। एनीगदे समहेन्सेन ज्यबा म्हि दोबारी म्हाडगो, ओच्छे गिकसेम गिकदा ऑट पिन्सी हराड हराड न्हडरी दिक्सी चिउ भिबा डाला बिन्ती मुला। जमाहेन्से शान्तिदेन माया पिन्बा परमेश्वर एनीगदेदेन छ्याम धन्छ्याला। १२ ओच्छे गिकसेम गिकदा समहेन्सेन माया लसी फ्याफुल्गो। १३-१४ परमेश्वरला चुरी मुबा जम्मान म्हिगदेसे एनीगदेदा फ्याफुल्वा मुला। परभु येशू खरीष्टला दयामायादेन परमेश्वरला माया ओच्छे परमेश्वरला आत्माला संगती एनीगदे जम्मानदेन छ्याम तगे।

पावलसे गलातीयाला
विश्वासीगंददा भिरबा चिठी
चु चिठीला बाररी पाड्तोःमा

भिरबा म्हिः येशूला मुल चला पावलसे भिरबा मुबा (गलाती १:१)।

भिरबा ग्लाः एन्टिओखिया शहररी भिरबा मुबा।

भिरबा सालः ओस्पन ईश्वी संवत् ४८-५७ (विक्रम संवत् १०५-११४) सालला गुडरी भिरबा मुबा।

साल्दा भिरबाः गलातीया अञ्चलला ग्ला ग्लारी मुबा मण्डलीगंददा भिरबा मुबा (गलाती १:२)।

येशूला बाररी थार्बा पिन्बा समाचार थःना लबारी छ्याइमाहेन्से अर्गु य्हूलला म्हिगंदसे येशूदा विश्वास लजी। ओच्छे खरीष्टदा पक्का विश्वास लबा म्हि दोबारी परमेश्वरसे मोशादा पिन्बा ठिम अन्धार भरतोःला कि भरआतोः भिबा तामगंद थोन्जी। पावलसे मोशादा पिन्बा ठिम अन्धार भरआतोः भिसी पाड्जी, तिगदा भिसम खरीष्टसे पिन्बा जुकजुकधोनाला जुनीला मुल जग चा विश्वास हिन्ना। विश्वासग्यामसेन जम्मान म्हिगंद परमेश्वरदा सम निबा म्हि दोला। तर एशियारी परब तबा रोम य्हूल्साला गलातीया अञ्चलरी मुबा मण्डलीगंदरी कोइ कोइ म्हिगंद खबा मुबा। पावलसे लाप्या ताम थारान थनीगंदसे मोशादा पिन्बा ठिम अन्धार आभरनी भिसम खालेनोन परमेश्वरदा सम निबा म्हि दोबारी आखम भिसी पाड्जी।

पावलसे लुसीला तामरी विश्वास लबा गलातीयाला म्हिगंददा सत्य विश्वासरी दोःसी भबाला लागिरी चु चिठी भिरबा मुबा। पावलसे हराड खरीष्टला मुल चला हिन्ना भिबा ताम उन्बाला लागिरी ओच्छे मुल चलागंदेला अधिकारला बाररी ज्यना लसी धोना लबाला लागिरी चु चिठी भिरबा हिन्ना। ओच्छे पावलसे हराडदा म्हिसे मुल चला स्होबा आहिन, तर परमेश्वरसेन मुल चला स्होबा हिन्ना भिसी पाड्बा मुला। ओच्छे हराडसे थःना लबा थार्बा पिन्बा समाचार चा अर्गु य्हूलला म्हिगंदेला लागिरी हिन्ना भिसी पाड्बा मुला। थहरड लसीन विश्वासग्यामसे जे म्हि य्हूल परमेश्वरदा सम निबा म्हि दोला

भिसी पाड्बा मुला। पावलसे लिच्छापटटिला अध्यायगंदरी चा य्हाडसे स्थान्दोगंददा माया लजी भिसम विश्वास लबा अन्धारला बानीबहार मराडला, ओच्छे खरीष्टदा विश्वास लमाहेन्से स्थान्दोदा माया लबारी खम्ला भिसी पाड्बा मुला।

मुल तामगंद

फ्याफुल्बादेन थार्बा पिन्बा समाचार गिक जे मुला १:१-१०

पावलदा परमेश्वरसेन मुल चला स्होबा १:११-२:२१

परमेश्वरला दयामायाला समाचार ३:१-४:३१ खरीष्टसे पापला तहग्याम फेबादेन खरीष्टदा विश्वास लबागंदेला बानीबहार ५:१-६:१० चिठीला थुमरी भिरबा ताम ६:११-१८

पावलसे गलातीयाला
विश्वासीगंददा भिरबा चिठी

१लास्सो डा पावल साले म्हिगंदसे धम्सी ओच्छे खालेसे स्होसी मुल चला दोबा आहिन। तर येशू खरीष्टदा सिबाग्याम सोना लबा परमेश्वर आबादेन येशू खरीष्टसे डादा मुल चला स्होबा हिन्ना। २चुरी डादेन छ्याम मुबा जम्मान ज्याज्यो आलेगंदेन डाग्याम गलातिया अञ्चलरी मुबा मण्डलीगंददा फ्याफुल्ला!

३एनीगंददा परमेश्वर आबादेन य्हाडला परभु येशू खरीष्टग्याम दयामायादेन शान्ति तगे। ४य्हाडदा चु जम्बुलिडला आज्यबा बानीबहारग्याम फेबारी परमेश्वर आबासे म्हन्बा अन्धार परभु येशू खरीष्ट य्हाडला पापला लागिरी सिजी। ५थतबासलमा परमेश्वरदा सदन मानदेन जयजयकार तगे। आमन।

थार्बा पिन्बा समाचार चु भन्दा अर्गु आरे

६एनीगंदे मराडसी डा उदेक तबा मुला, तिगदा भिसम खरीष्टला दयामायाग्याम एनीगंदेदा ड्योडबा परमेश्वरदा एनीगंदेसे चुदे यानान म्तेःसी अर्गु समाचार डयान्सी भरमुला। ७च्यागो, थार्बा पिन्बा समाचार चा चु भन्दा अर्गु आरे। तर कोइ कोइ म्हिसे चा एनीगंदेदा अलमल तना लसी खरीष्टला समाचारदा न्होडना लबारी म्हाडबा मुला। ८ओच्छे डन्से एनीगंदेदा थःना लबा थार्बा पिन्बा

समाचारदा उल्लो स्होसी लोप्रागदे चा, डनी तसे स्वर्गदूतनोन तसे थं नाश तगै। १ एनीगदसे विश्वास लबा थार्बा पिन्बा समाचारदा उल्लो स्होसी पाड्बा म्हि चा नाशनोन तला। दान्दे डाइ पाड्बा चु ताम एनीगददा डाइ डाच्छा एनोन पाड्बा मुला। १० तिग चुहरङ् लसी डाइ म्हिदा ताड्ना लबारी म्हाइबा हिन्ना? डाइ मी परमेश्वरदा ताड्ना लबारी म्हाइबा हिन्ना। तिग डादा म्हिगदसे मान लगे भिसी डाइ म्हन्बा हिन्ना? चुदे डाइ चुहरङ् म्हन्बा हिन्सम, डा खरीष्टला ग लबा म्हिनेन आहिन।

परमेश्वरसे पावलदा धम्बा

११ ज्योज्यो आले नाना आडागदे, डाइ एनीगददा थःना लबा थार्बा पिन्बा समाचार म्हिगदसे स्होसी पाड्बा ताम आहिन भिबा एनीगदसे था याङ्गै भिसी डाइ म्हन्बा मुला। १२ तिगदा भिसम डादा चु खाले म्हिसे उन्बा एनोन आहिन, खाले म्हिसे पिन्बा एनोन आहिन। तर येशू खरीष्ट हराडसन डादा चु उन्बा हिन्ना।

१३ डाच्छा यहूदी धर्म तेन्बा धुइरी डाला बानीबहोर साहरड्बा मुबा भिसी एनीगददा थानोन मुला। थं धुइरी डाइ परमेश्वरला मण्डलीदा ल्हानान दुख पिन्सी थंदा नाश लबारी म्हाइजी। १४ थं धुइरी यहूदी धर्म तेन्बा डा च्याच्योला म्हिगद न्हडरी जम्मान भन्दा सबा घोबा डानोन मुबा। डाइ आख म्हेमला रिमठिम ल्हानान तेन्मुबा। १५ तर डा न्हबा भन्दा डाच्छान डादा दयामाया लसी धम्बा परमेश्वरसेन, १६ डाइ अर्गु यहूतला म्हिगददा थार्बा पिन्बा समाचार थःना लबारी सम्मो भिसी थंदा हराडलान डा डादा डोसेना लबा ज्यबा छोजी। थं धुइरी डाइ खाले म्हिदेन छुयाम ड्योडबा छार्बा लसी आभरनी। १७ ओच्छे डा यरूशलेम शहररी डा भन्दा डाच्छाला मुल चलागददा हरूप तबारीनोन आनिनी, बरु तुरुत्तन अरब यहूत्सारी निजी। जमाहेन्से दमस्कस भिबा ग्लारीन दोःसी खजी।

१८ ओच्छे डा सोम दिङ लिच्छा जे यरूशलेमरी पतरुसदा हरूप तबारी निजी।

थरी डा थंदेन छुयाम साता न्हीधोना चिजी। १९ डाइ थरी परमुला आले याकूबदा बाहेक स्हान्दो खाले मुल चलागददा आस्याप्नी। २० डाइ एनीगददा भिरबा चु ताम सत्य हिन्ना, डाइ लुसीला ताम पाड्बा आर भिबा परमेश्वरदान था मुला। २१ जमाहेन्से डा सिरियादेन किलिकिया भिबा ग्लारी निजी। २२ थं धुइधोना खरीष्टदा विश्वास लबा यहूदिया अञ्चलरी मुबा म्हिगदसे डादा डोआसबा, २३ “डाच्छा यहूडदा ल्हानान दुख पिन्सी यहूडसे लबा विश्वासदा नाश लबारी म्हाइबा म्हि हराडसेन दान्दे थनोन विश्वासला बाररी पाड्सी भरमुला” भिबा ताम जे थनीगदसे थःबा मुबा। २४ डाइ थंहरड्बा गे खतासी परमेश्वरदा विश्वास लबासे लमा थनीगदसे परमेश्वरला जयजयकार लजी।

पावलदेन मुल चलागदे

१ च्युक बिल दिङ लिच्छा दोःसी डा २ बारनाबासदेन छुयाम तीतसदा भोर्सी यरूशलेम शहररी निजी। ३ डादा परमेश्वरसे उन्बा अन्धार डा थरी निजी। ओच्छे डाइ लबा गे खरो थानिगै भिसी डाइ अर्गु यहूतला म्हिगददा थःना लबा थार्बा पिन्बा समाचारनोन थला सबा घोबा मण्डलीदा च्याबा म्हिगददा कुनी गिकरी भोर्सी पाड्जी। ४ तर डादेन छुयाम निबा तीतसदा गरीक यहूतला म्हि तसेनोन खतना लतोःला भिसी खालेसेन आपाड्नी। ५ तसेनोन लुसीला ताम लोप्रा गाते ज्योज्यो आलगदे मण्डलीरी खसी खतना लतोःला भिसी डनी खरीष्ट येशूदेन छुयाम गिक तबासे लमा ठिमला तहग्याम फेबा तामला चिवा लजी। ओच्छे डाच्छाला ठिमला तहरी थान्वारी म्हाइजी। ६ तर थार्बा पिन्बा समाचारला सत्य ताम एनीगदसे थाम्लेःगै भिसी डन्से थनीगदला तामदा वास्तान आलनी।

६ थनीगदे सबा घोबा मण्डलीदा च्याबा म्हिगदे तसेनोन डाइ पाड्बा तामदा आहिन भिसी आपाड्नी। ओच्छे थनीगदे सबा घोबान मुसेनोन डादेन थनीगदे न्हडरी तिगे फरक आर। तिगदा भिसम परमेश्वरसे खालेला ली च्यासी गे आलमुला। ७ तर परमेश्वरसे

११ :३ मुल ८ :३ ; २२ :४-५ ; २६ :९-११ १२ :४ मुल २२ :३

१३ :६ मुल ९ :३-६ ; २२ :६-१० ; २६ :३३-३८ १४ :६ मुल ९ :२६-३०

१५ :३ मुल ११ :३० ; १५ :२ १६ :६ व्यव १० :१७

यहूदीगदेला गुडरी पतरुसदा थाबा पिन्बा समाचार थःना लबा गे जिम्मा पिन्बा हरङ लसी डादाएनोन परमेश्वरसे अर्गु यहूलला म्हिगदेला गुडरी थाबा पिन्बा समाचार थःना लबा गे जिम्मा पिन्जी भिबा ताम थनीगदेसे था याङ्जी। ८ साहरङ लसी परमेश्वरसे मुल चेला पतरुसग्याम यहूदीगदेला गुडरी गे लजी थेहरङ लसीन डग्यामसनेन परमेश्वरसे अर्गु यहूलला म्हिगदेला गुडरी गे लजी। ९ मण्डलीला मण्डलीदा च्याबा म्हिगदे याकूब, पतरुसदेन यहून्नासे डाथारी परमेश्वरला दयामाया मुला भिसी था याङ्जी। थेतबासेलमा थनीगदेसे बारनाबासदेन डादा मान लसी संगती लबारी जिम्मा पिन्जी। जमाहेन्से डनी चा अर्गु यहूलला म्हिगदेला गुडरी गे लबा थनीगदे चा यहूदीगदेला गुडरी गे लबा तामरी पक्का लजी। १० साँचोरी परब तबा पराडबोगदेदा हरो लतोःला भिबा ताम चा थनीगदेसेनोन लजी। चु गे चा डादाएनोन लबा सेम मुबा।

पावलसे पतरुसला गलती उन्बा

११ तर पतरुस एन्टिओखिया भिबा ग्लारी थोसमाहेन्से डाइ थेदा जम्मालान डाच्छा बिरोध लजी। तिगदा भिसम थसे लबा गे गलती मुबा। १२ थे याकूबसे पुइखबा म्हिगदे थोसबा भन्दा डाच्छा चा अर्गु यहूलला म्हिगदेदेन छ्यामनोन चिसी चबा थुडबा लमुबा। तर याकूबसे पुइखबा म्हिगदे थोसमाहेन्से अर्गु यहूलला म्हिगदेदेन छ्याम आचिनो। तिगदा भिसम सतना लबा म्हिगदे मराङ्सी थ लोङ्मुबा। १३ जमाहेन्से अर्गु यहूदीगदेसेनोन थसे हरङ्नेनोन लजी। थनीगदेला चुहरङ्बा बानीबहार मराङ्सी बारनाबासएनोन थनीगदे हरङ्बान दोबारी म्हाइजी। १४ तर डाइ थनीगदेदा थाबा पिन्बा समाचार अन्डार सत्यरी भ्रबा आम्राङ्नी। थेतबासेलमा थनीगदे जम्मालान डाच्छा डाइ पतरुसदा “हराङ यहूदी तसीनोन अर्गु यहूलला म्हिगदे हरङ लसी भरमुला भिसम साहरङ लसी अर्गु यहूलला म्हिगदेदा चा यहूदी हरङ लसी भरउ भिसी पाङ्खम्ला” भिसी पाङ्जी।

१५ हिन्बाम य्हाङ् अर्गु यहूलला पापी म्हिगदे हरङ्बा आतना न्हमान यहूदी हिन्ना। १६ य्हाङ् यहूदीगदेएनोन परमेश्वरदा सेम निबा म्हि दोबा

य्हाङ्ला ठिम अन्डार गे लसी आहिन। तर येशू खरीष्टदा विश्वास लबासे लमान परमेश्वरदा सेम निबा म्हि दोबा हिन्ना भिबा ताम य्हाङ्दा था मुला। य्हाङ्सेनोन परमेश्वरदा सेम निबा म्हि दोबाला लागिरी येशू खरीष्टदा विश्वास लजी। तिगदा भिसम ठिम अन्डार गे लबासे लमा आहिन, तर खरीष्टदा लबा विश्वासग्याम परमेश्वरदा सेम निबा म्हि दोखम्मे भिसी हिन्ना। थेतबासेलमा ठिम अन्डार गे लसी खालेनोन परमेश्वरदा सेम निबा म्हि दोबारी आखम। १७ चुदे य्हाङ् खरीष्टदेन छ्याम गिक तसी परमेश्वरदा सेम निबा म्हि दोबारी म्हाइमा खालेसे य्हाङ्दाएनोन पापीन पाङ्जी भिसम तिग खरीष्टसे य्हाङ्दा पाप लपुङ्बा हिन्ना? पक्कान आहिन। १८ तिगदा भिसम हराङ्सेन फुग्बा स्हे दोःसी हराङ्सेन स्होजी भिसम हराङ्से हराङ्दान अपराधी स्होबा हिन्ना। १९ थेतबासेलमा परमेश्वरला लागिरी सोखम्मे भिसी परमेश्वरसे मोशादा पिन्बा ठिमग्याम ठिमला लागिरी डा सिबा मुला। २० डादा खरीष्टदेन छ्यामनोन करुसरी साइबा मुला। थेतबासेलमा दाहेन्से सोबा डा आहिन, खरीष्ट डादेन छ्याम तसी सोबा मुला। दान्दे सोबा चु ल्हुइ चा परमेश्वरला झादा विश्वास लसी सोबा हिन्ना। थसे डादा माया लसी हराङ्ला ज्याननोन डाता लागिरी पिन्जी। २१ डाइ परमेश्वरला दयामायादा हेला लबारी आखम। तिगदा भिसम परमेश्वरसे मोशादा पिन्बा ठिमग्याम म्हि परमेश्वरदा सेम निबा दोबारी खम्बा हिन्सम खरीष्ट सिबा चा तिगे गे आतनी।

विश्वासग्याम याङ्बा मोलम

१ गलातियारी मुबा मूर्ख म्हिगदे, एनीगदेदा
२ खालेसे मोहनी लजी? येशू खरीष्ट करुसरी सिजी भिबा ताम एनीगदेलान ओन्ड्राङ्री घोना लसी पाङ्ना पाङ्नान साहरङ्बा आघोबा? २ थेहरङ लसी एनीगदेसे याङ्बा परमेश्वरला आत्मा परमेश्वरसे मोशादा पिन्बा ठिम अन्डार गे लसी याङ्बा कि थाबा पिन्बा समाचार थःसी विश्वास लबासे लमा याङ्बा हिन्ना? डादा पाङ्गो। ३ एनीगदे साहरङ्बा मूर्ख, परमेश्वरला आत्माग्याम शुरु तसी दान्दे गग्याम पूरा तबारी म्हाइबा? ४ तिग एनीगदेसे

नाबा दुस खेरो निबा हिन्ना? पक्कान आहिन। २थेतबासेलमा परमेश्वरसे एनीगदेदा हराडला आत्मा पिन्बा मुला, ओच्छे एनीगदेला गुडरी उदेकला गेगंदे लबा मुला। तिग चु जम्मान परमेश्वरसे मोशादा पिन्बा ठिम अन्धार एनीगदसे गे लबासे लमा तबा हिन्ना, कि थार्बा पिन्बा समाचार थे:सी विश्वास लबासे लमा तबा हिन्ना?

६अब्राहामला विश्वासदा च्यागो, “थेसे परमेश्वरदा विश्वास लबा मुबा। ओच्छे परमेश्वरसे थेदा सेम निबा म्हि हिन्ना भिसी सुड्जी।” ७थेतबासेलमा जुन जुन म्हिसे परमेश्वरदा विश्वास लला, थनीगदेन अब्राहामला सन्तान हिन्ना भिसी एनीगदसे घोड। ८डाच्छान परमेश्वरला बचनरी अर्गु य्हुलला म्हिगदेएनोन विश्वासग्यामसेन परमेश्वरदा सेम निबा म्हि दोला भिसी भिरबा मुबा। थेतबासेलमा दडबोरीन परमेश्वरसे अब्राहामदा “एग्यामसे जम्मान य्हुलला म्हिगदसे मोलम याडला” भिसी ज्यबा समाचार थे:ना लबा मुबा। ९थेतबासेलमा खरीष्टदा विश्वास लबागदसे विश्वास लबा अब्राहामसे हरड लसीन मोलम याडला मुला।

१०तर परमेश्वरसे मोशादा पिन्बा ठिमथोरी जे भर लसी चिबागदसे सजाय याडला। तिगदा भिसम परमेश्वरला बचनरी “परमेश्वरसे मोशादा पिन्बा ठिमरी मुबा जम्मान ताम आड्यान्बा म्हिगदसे सजाय याडला” भिसी भिरबा मुला। ११थेतबासेलमा परमेश्वरसे मोशादा पिन्बा ठिमथोरी जे भर लबा म्हि चा खालेनोन परमेश्वरदा सेम निबा म्हि दोबारी आखम भिबा ताम परस्टन मुला। तिगदा भिसम “विश्वासग्यामसे जे परमेश्वरदा सेम निबा म्हि दोसी सोख्मला” भिसी बचनरी भिरबा मुला। १२तर विश्वासग्याम लबा गे परमेश्वरसे मोशादा पिन्बा ठिमसे लबारी आखम। बरु परमेश्वरला बचनरी चुहरड भिसी भिरबा मुला, “जुन म्हिसे थे ठिम अन्धार गे लला, थे, थे ठिम अन्धारनोन भरला।” १३परमेश्वरसे मोशादा पिन्बा ठिम अन्धार य्हाडसे याडतो:बा सजाय खरीष्टसेन नाजी, ओच्छे सय फासी य्हाडदा थे सजायग्याम फेजी। तिगदा भिसम

“परमेश्वरग्याम सजाय याडबादा जे करुसरी च्योसी साडला” भिसी परमेश्वरला बचनरी भिरबा मुला। १४थेतबासेलमा अब्राहामसे याडबा परमेश्वरला मोलम अर्गु य्हुलला म्हिगदसेनोन याडगे भिसी खरीष्ट यशूस पापला सय फासी य्हाडदा पापग्याम फेजी। ओच्छे परमेश्वरसे हराडला आत्मा पिन्ना भिसी लबा कबुल य्हाडसे विश्वासग्याम याडला।

परमेश्वरसे लबा कबुल

१५च्यागो ज्योज्यो आले नाना आडागदे, डाइ एनीगदेदा म्हि न्हीला गुडरी लबा कबुलला बारी पाडला, थनीसे कबुल लसी कागजरी सही छाप लमाहेन्से थरी भिरबा ताम लिच्छा घटबट लबारी आखम, आहिन भिबारी आखम। १६परमेश्वरसे अब्राहामदा सन्तान पिन्ना भिसी कबुल लबा मुबा। थेदा ल्हानान सन्तान पिन्ना भिसी आहिन, तर गिक जे पिन्ना भिसी कबुल लबा मुबा। थे सन्तान गिक भिबा चा खरीष्टनोन हिन्ना। १७डाइ पाडबा ताम चा चुनोन हिन्ना, परमेश्वरसे डाच्छान लबा कबुलदा ग्यार्जा ब्जिसे बोगल गिकसे च्युइ दिड लिच्छा मोशादा पिन्बा ठिमसे थाबारी आखम, थहरड लसी थाबारी खम्बा हिन्सम परमेश्वरसे लबा कबुल भ्याडसेला मुबा। १८चुदे मोशादा पिन्बा ठिम तेन्सी य्हाडसे परमेश्वरला सन्तान दोबा हक याडबा हिन्सम, थे हक परमेश्वरसे लबा कबुलग्याम याडबा आतसेला मुबा। तर परमेश्वरसे लबा कबुल अन्धार थे हक अब्राहामदा पिन्सी जिन्बा मुबा। १९थहरड भिसम दाहेन्से परमेश्वरसे मोशादा पिन्बा ठिम तिगदा तो:जी? तिगदा भिसम म्हिगदसे लबा पाप गेगंदे उन्बाला लागिरी ओच्छे परमेश्वरसे अब्राहामदा सन्तान पिन्ना भिसी लबा कबुल पूरा आततेधोनाला लागिरी जे हिन्ना। चु ठिम म्हिगदेदा परमेश्वरदेन छ्याम दिक्ना लबाला लागिरी स्वर्गदूतगदेग्याम म्हि गिकसे स्होबा हिन्ना। २०परमेश्वर गिक जे मुबासे लमा गिकला लागिरी अर्गु दिक्ना लबा म्हि खाले आतो:।

७३ :६ उत्प १५ :६ ; रोमी ४ :३ ७३ :७ रोमी ४ :१६ ७३ :८ उत्प १२ :३

७३ :१० व्यव २:७ :२६ ७३ :११ हब २ :४ ७३ :१२ लेवी १८ :५ ७३ :१३ व्यव २१ :२३

७३ :१६ उत्प १२ :७ ७३ :१७ परस्था १२ :४० ७३ :१८ रोमी ४ :१४

परमेश्वरसे मोशादा पिन्वा ठिमला गे

२१ थहरङ्ग भिसम परमेश्वरला ठिम तिग परमेश्वरसे लबा कबुलला विरोधरी मुला ? आर। चुद म्हिगदसे थाबा याङ्गे भिसी थं ठिम पिन्वा हिन्सम ठिमग्यामसेन म्हिगद परमेश्वरदा सेम निबा म्हि दोसला मुबा। २२ तर परमेश्वरला बचनेस चुहरङ्ग भिसी पाङ्बा मुला, जम्बुलिङ्गला जम्मान म्हि पापला तहरी मुला। थतबासलमा जुन म्हिसे येशू खरीष्टदा विश्वास लला, थसे परमेश्वरसे पिन्वा भिसी लबा कबुल विश्वासग्यामसेन याङ्गला।

२३ तर खरीष्टदा विश्वास लबा धुइ सबा मन्दा डाच्छा य्हाङ्ग मोशादा पिन्वा ठिमला तहरी मुबा, ओच्छे विश्वास आलतेधोना य्हाङ्गदा थं ठिमसेन खीसी थान्वा मुबा। २४ विश्वासग्यामसेन परमेश्वरदा सेम निबा म्हि दोगे भिसी मोशादा पिन्वा ठिमसे य्हाङ्गदा तोप्यान खरीष्ट मुबा ग्लाधोना निबा ग्याम उन्वा जिम्मा पिन्वा मुबा। २५ तर विश्वास खसी जिन्बासे लमा दाहन्से य्हाङ्ग मोशादा पिन्वा ठिमला तहरी चिआतोः।

२६ तिगदा भिसम खरीष्ट येशूदा लबा विश्वासग्यामसेन एनीगदे जम्मान परमेश्वरला सन्तान दोबा हिन्ना। २७ थहरङ्ग लसीन एनीगदे न्हङ्गला जुन म्हि खरीष्टदेन छयाम गिक तसी बन्तिस्मा किन्वा मुला, थनीगदे जम्मान खरीष्ट हरङ्गबान दोबा मुला। २८ थतबासलमा यहूदी तसे, गरीक तसे, नोकर तसे, नोकर आहिन्से, हरम्फब तसे, मिरङ्ग्म तसे खरीष्ट येशूदेन छयाम एनीगदे जम्मान गिकनोन हिन्ना। २९ एनीगदे खरीष्टला हिन्सम अबराहामला सन्तान हिन्ना, ओच्छे परमेश्वरसे पिन्वा भिसी कबुल लबा सम्पत्तिला हकएनोन याङ्गला मुला।^१

१ डाइ पाङ्बा चा चुनोन हिन्ना, खाले **४** म्हिसे हराङ्गला आबा आमाला जम्मान धन सम्पत्ति याङ्गला हक मुसेनोन जजा मुतेधोना थं नोकर हरङ्गबान हिन्ना। २ ओच्छे थं धरन आततेधोना आबासे च्याबारी जिम्मा पिन्वा म्हिला तहरी चिसी पाङ्बा ताम ड्यान्तोः मुला। ३ खरीष्ट फेखबा मन्दा डाच्छा य्हाङ्ग जम्मान थहरङ्गबान मुबा। ओच्छे जम्मान म्हिगदे कोलागदे हरङ्गबान

मुबा। थं धुइरी जम्मान म्हिगदे जम्बुलिङ्गरी मुबा आत्माला शक्तिगदेला तहरी मुबा। ४ तर धुइ ठीक तमाहन्से परमेश्वरसे हराङ्गलान झादा पुइखजी। थं मिरङ्ग्मेला कोखग्याम न्हसी यहूदी ठिमला तहरी धन्छुयाजी। ५ य्हाङ्गदा ठिमला तहग्याम सय फासी फेबाला लागिरी ओच्छे हराङ्गलान कोलागदे स्होबाला लागिरी परमेश्वरसे थदा पुइखबा हिन्ना। ६ दाहन्से य्हाङ्ग परमेश्वरला सन्तान दोबा मुला। थतबासलमा परमेश्वरसे हराङ्गलान झाला आत्मा य्हाङ्गला समरी पुइखबा मुला। थनोन आत्मासे य्हाङ्गदा सेमहन्सेन “परमेश्वर आबा” भिसी पाङ्गपुङ्गमुला। ७ थतबासलमा परमेश्वरसे एनीगदेदा नोकर आहिन, तर हराङ्गलान कोलागदे स्होबा मुला। ओच्छे एनीगदेसे याङ्गतोः बा हकएनोन याङ्गला मुला।

पावलसे गालीलला म्हिगदेदा वास्ता लबा

८ परमेश्वरदा डोसेबा मन्दा डाच्छा एनीगदेसे मुनोन आरबा ल लुदा तेन्मुबा। ओच्छे थलान तहरी चिमुबा। ९ तर एनीगदेसे परमेश्वरदा डोसेबा मन्दा एनोन परमेश्वरसे एनीगदेदा डोसेबा मुला। थहरङ्ग भिसम दोःसी एनीगदे तिगदा जम्बुलिङ्गरी मुबा थहरङ्गबा गे आखल्ला कमजोर आत्माला नोकर दोसी भरबा ?^{१०} एनीगदेसे चा यहूदीगदेसे धङ्गबा धिन, ला, धुइदेन दिङ्गदा तेन्सी परमेश्वरदा ताङ्गना लबारी म्हाइबा मुला। ११ थतबासलमा डाइ एनीगदेला लागिरी लबा गे खरोरीन निजीम भिसी डादा सुदा तबा मुला।

१२ ज्याज्या आले नाना आडागदे, एनीगदे एनोन डा हरङ्गबान दोगा भिबा डाला बिन्ती मुला। तिगदा भिसम डा एनोन एनीगदे हरङ्गबान मुबा। एनीगदेसे डादा तिगे आज्यबा लबा आर। १३ जम्मान मन्दा डाच्छा डाइ एनीगदेदा थाबा पिन्वा समाचार थःना लबा धुइरी डा आखम्बा मुबा भिबा एनीगदेदा थानोन मुला। १४ थं धुइरी डा आखम्बासे लमा एनीगदेदा ल्हानान गाहरो तबा मुबा। तसेनोन एनीगदेसे डादा हला आलनी। बरु परमेश्वरला दूतदेन खरीष्ट येशूदा हरङ्ग लसी एनीगदेसे डादा मान लजी। १५ थं धुइरी एनीगदे गाते ताङ्गला मुबा, तबा हिन्सम एनीगदेसे हराङ्गला मीनोन तेःसी पिन्तोःसे डादा पिन्बारी तयार

मुबा भिबा ताम डादा था मुला। तर दान्दे चा एनीगदेदा तिग तजी? १६ तिग दान्दे डाइ सत्य ताम पाङ्गमा चा डा एनीगदेला शतरु दोबा हिन्ना?

१७ स्थान्दो म्हिगदेसनोन एनीगदेदा वास्ता लमुला। तर ज्यबा समसे वास्ता लबा आहिन। थनीगदेसे एनीगदेदा डाइ लोन्बा ताम ख्लासी हराङ्गला लिच्छा भ्रबा म्हि स्होबारी म्हाइबा हिन्ना। १८ डा एनीगदेदेन छ्याम मुबा धुइरी जे झन्सी गे लबा आहिन, तर डा आरसे सदन गे लसी चिबा चा ज्यबा ताम हिन्ना। १९ डाला कोलागदे, एनीगदे खरीष्ट हरङ्गबान आदोतेधोना डादा कोला न्हबारी छ्याइबा मिरङ्ग्हेमदा तबा हरङ्गबान दुख तबा मुला। २० दान्दे डा एनीगदेदेन छ्यामनोन चिसी चु भन्दा अर्गुन ताम लम्याङ्गबा हिन्सम गाते ज्यबा तसेला मुबा। तर पाङ्गनोन तोःमा डाइ एनीगदेला लागिरी तिग लतोःबा थे डादा था आरे।

हागारदेन सारा

२१ परमेश्वरसे मोशादा पिन्बा ठिमला तहरी चिबारी म्हाइबागदेसे डादा पाङ्गो, ठिमसे तिग भिमुला थे ताम एनीगदेदा था आरे? २२ तिगदा भिसम चुहरङ्ग भिसी भिरबा मुला, अबराहामला झा न्ही मुबा, गिक चा नोकरस्याग्याम न्हवा ओच्छे गिक चा हराङ्गलान मिरङ्ग्याम न्हवा मुबा। थला हराङ्गलान मिरङ्ग चा नोकर आहिन्मुबा। ०२३ नोकरस्याग्याम न्हवा झा चा समसे म्हन्बा अन्धार न्हवा मुबा। तर नोकर आहिन्बा हराङ्गलान मिरङ्ग्याम न्हवा झा चा परमेश्वरसे पिन्ना भिसी लबा कबुल अन्धार न्हवा मुबा। २४ चु मिरङ्ग्हेम न्हीनोन परमेश्वरसे लबा कबुलगदे हरङ्गबा हिन्ना। चु कबुलगदे तिग हिन्ना भिबा ताम चु मिरङ्ग्हेम न्हीग्यामसेन मराङ्गबा मुला। मिरङ्ग्हेम गिक चा हागार हिन्ना। थे चा परमेश्वरसे सीने भिबा गङ्गरी मोशादा पिन्बा ठिम हरङ्गबान हिन्ना। थे ठिमला नोकरगदे चा थेलान कोलागदे हिन्ना।

२५ अरब य्हुल्साला सीने भिबा गङ्ग चा हागार भिबा नोकरस्या हरङ्गबान हिन्ना। ओच्छे परमेश्वरसे मोशादा पिन्बा ठिमदा तेन्बा दान्दला यरूशलेमदेन ठिमला लिच्छा भ्रबा जम्मान म्हिगदे थे नोकरस्याला सन्तान हरङ्गबान हिन्ना। २६ तर स्थान्दो मिरङ्ग्हेम

सारा चा स्वर्गला यरूशलेम हरङ्गबान हिन्ना। थे सालैला नोकर आहिन, थे चा य्हाङ्गला आमा हिन्ना। २७ तिगदा भिसम बचनरी चुहरङ्ग भिसी भिरबा मुला,

“कोलागदे आतबा मिरङ्ग्हेम,

ए ताङ्गो।

ओच्छे कोला न्हवा बथानोन था आयाङ्गबा मिरङ्ग्हेम,

ए समहन्सन ताङ्गसी किरङ्गो।

तिगदा भिसम कोला तबा मिरङ्ग्हेमला भन्दा कोला आतबा

मिरङ्ग्हेमला कोलागदे ल्हानान तला।” p

२६ ज्योज्यो आले नाना आडागदे, य्हाङ्गएनोन अबराहामदेन साराला झा इसहाक हरङ्गबान परमेश्वरसे लबा कबुल अन्धार न्हवा सन्तान हिन्ना। २७ तर थे धुइरी समसे म्हन्बा अन्धार न्हवा झासे परमेश्वरला आत्मासे म्हन्बा अन्धार न्हवा झादा दुख पिन्मुबा, दान्देनोन थे हरङ्गबान मुला। ०२८ तर बचनरी तिग भिसी भिरबा मुला? “थे नोकरस्यादेन थेला झादा दिमग्याम तेःगो। तिगदा भिसम नोकर आहिन्बा हराङ्गलान मिरङ्ग्याम न्हवा झासे याङ्गबा हक नोकरस्याला झासे आयाङ्ग” भिसी भिरबा आरे? ०२९ थेतबासलमा ज्योज्यो आले नाना आडागदे, य्हाङ्ग नोकरस्याला सन्तान आहिन, तर नोकर आहिन्बा मिरङ्ग्हेमला सन्तान हिन्ना।

खरीष्टसे ठिमला तहग्याम फेबा

१ य्हाङ्गदा ठिमला तहग्याम खरीष्टसे फेबा हिन्ना। थेतबासलमा भङ्गबा तसी चिउ, ओच्छे दोःसी थे ठिमला नोकर दोबारी थाम्हाङ्गो।

२ च्यागो, डा पावलसेन एनीगदेदा चु ताम पाङ्गबा मुला, एनीगदे खतना लबा ठिम तेन्बा हिन्सम एनीगदेला लागिरी खरीष्टला तिगो गे आरे। ३ डाइ दोःसी एनीगदेदा पाङ्गला, खतना लतोःला भिसी पाङ्गबा म्हिगदे जम्मासेन परमेश्वरसे मोशादा पिन्बा ठिम पूरान तेन्तोःला। ४ मोशादा पिन्बा ठिम तेन्सी परमेश्वरदा सम निबा म्हि दोबारी म्हाइबा एनीगदे खरीष्टग्याम थोरङ्ग तबा मुला। ओच्छे परमेश्वरला दयामायाग्याम एनोन थोरङ्ग तबा मुला। ५ तर डन्से लबा आश चा विश्वासग्याम

सदन परमेश्वरदा सेम निबा म्हि दोबा हिन्ना । थं आश चा परमेश्वरला आत्माग्यामसेन याडला भिसी व्हाडसे भरान्सी चिबा मुला । ६तिग्दा भिसम खरीष्ट येशूदा विश्वास लमाहेन्से खतना लसे आलसे तिगे आहिन । तर गिकसम गिकदा माया लसी विश्वासला गे लबा चा मुल ताम हिन्ना ।

७हिन्बाम एनीगदे ज्यबा ग्यामरी भ्रबान मुबा । तर दान्द चा खाल्से एनीगदेदा सत्य ग्याम ख्तासी भ्रबारी कर लजी । ८चुहरङ्क लपुङ्बा चा एनीगदेदा ड्योडबा परमेश्वरसे आहिन । ९चु लुसीला ताम चा जजाकी खमीर हरङ्बान हिन्ना । जजाकी खमीर युसे ज्योष्वा जम्मान ब्रादा भोना लला । १०एनीगदेसे डाला ताम बाहेक स्थान्दो म्हिला ताम आडयान भिसी डाइ परभुरी विश्वास लबा मुला । एनीगदेदा अलमल लसी आतोःबा ग्यामरी भ्रपुङ्बा जुन म्हि मुसे थेसे परमेश्वरग्याम खबा सजाय नातोःला । ११ज्योज्यो आले नाना आडागदे, डाइ अझ खतना लनोन तोःला भिसी पाडसी भ्रसम तिग्दा चुहरङ्क लसी दुख नातोःसेला । खतना लबा ताम सत्य हिन्सम खरीष्ट येशू करुसरी सिबा ताम पाडमा खालेसेन विरोध आलसे मुबा । १२एनीगदेदा सत्य ग्याम ख्तापुङ्बागदेसे मी तिग्दा खतना जे लसे, बरु थनीगदेसे मी ल्हुइला स्हेनोन थासे तसेला ।

१३ज्योज्यो आले नाना आडागदे, ठिमला तहग्याम थाबांला लागिरीन एनीगदेदा ड्योडबा हिन्ना । थेतबासेलमा थाबां याडसीनोन पापी बानीबहोर अन्धार गे थालउ । तर माया लसी गिकसम गिकदा हरो लउ । १४तिग्दा भिसम परमेश्वरसे मोशादा पिन्बा जम्मान ठिम “एसे हराडला खिम्जेमदा हराडदा हरङ्गनोन माया लउ” भिसी सुड्बा बचन गिकरीन पूरा तबा मुला ।

१५तर एनीगदे हराड हराड न्हडरी जन्तुगदे हरङ्क लसी छेबा बडबादेन खराष्वा लबा मुला भिसम होशियार तसी चिउ । आहिन्सम एनीगदे हराड हराडग्यामनोन नाश तसी निला ।

परमेश्वरला आत्माग्याम याडबा जुनी

१६थेतबासेलमा एनीगदेसे डाला ताम ड्यान्गो, एनीगदे परमेश्वरला आत्मासे कुल्बा

अन्धार भरउ । तर पापी बानीबहोरग्याम जे लइ म्हन्बा थेनोन लसी थाभरउ । १७तिग्दा भिसम पापी बानीबहोरदा परमेश्वरला आत्मासे ओच्छ परमेश्वरला आत्मादा पापी बानीबहोरसे विरोध लला । एनीगदेसे जुन गे लबारी म्हाइला थं गे लआपुङ्बाला लागिरी थन्नी न्हडरी गिकसम गिकला विरोध लला । १८तर चुदे एनीगदे परमेश्वरला आत्मासे कुल्बा अन्धार भ्रजी भिसम दाहेन्से एनीगदे ठिमला तहरी आर ।

१९पापी बानीबहोरग्याम लबा गगदे चुनोन हिन्ना : बरुत्सी भ्रबा, नइबा ताम म्हन्बा, समरी जे लइ म्हन्बा थेनोन लबा, २०मूर्तिगदेदा पूजा लबा, तन्तरमन्तर लबा, शतरु स्होबा, छेबा बड्बा लबा, डाह लबा, बामो लबा, हराडला जे ग्याम च्याबा, फेना लबा, हराड हराडला समूह स्होसी भ्रबा, २१डाह लबा, ड्योडसी भ्रबा, मोजमजा लबादेन चुहरङ्बान अर्गु पाप गेगदे लबा । डाइ चुहरङ्बा गे लबा म्हिगदेदा परमेश्वरला ख्दुल्सारी वाडआम्याड भिसी डाच्छाएनोन पाड्बा मुबा, दान्दनोन पाड्बान मुला ।

२२तर परमेश्वरला आत्मासे व्हाडदा माया लबारी, ताडना लबारी, दिक्सी चिबारी, नाबारी, दया लबारी, स्थान्दोदा ज्यबा लबारी, विश्वासला गे लबारी, २३सोजो दोबारी, हराडसे हराडदान तहरी थान्बारी हरो लला । चु तामगदेदा विरोध लबा खजिबे ठिम आर । २४तर जुन म्हिगदे खरीष्ट येशूला हिन्ना, थनीगदेसे चा पापी बानीबहोरग्याम थोन्बा जम्मान पापी समगदे करुसरी टांगव लसी जिन्बा मुला । २५व्हाड परमेश्वरला आत्माग्याम सोबासे लमा परमेश्वरला आत्मासे कुल्बा अन्धारनोन भरइ । २६व्हाड घमण्ड लसी गिकसे गिकदा बामो खना लबादेन ईस थान्बा म्हि दोबारी आत ।

गिकसम गिकदा हरो लउ

१ज्योज्यो आले नाना आडागदे, चुदे खाले ६ म्हिसे आज्यबा गे लबा स्यापजी भिसम एनीगदे परमेश्वरला आत्माग्याम पाको दोबागदेसे थेदा ज्यना लसी घोना लउ । तर एनीगदे हराडएनोन फसब आतबारी होशियार तसी चिउ । २दुखरी गिकसम गिकदा हरो लउ । चुहरङ्क लसी एनीगदेसे खरीष्टसे लोष्वा ठिम

पूरा लला। ३तिगदा भिसम तिगे गे आसंल्वा म्हिसे डा हराड्बा खालै आर भिसी म्हन्जी भिसम थस हराड्से हराड्दान धोका पिन्बा हिन्ना। ४जम्मासन हराड् हराड्से लबा गे ठीक मुला कि आर थ हराड् हराड्सेन च्यागो। हराड्से लबा गे ठीक मुसम ताड्गो। तर स्प्हान्दोसे भन्दा डाइ ज्यबा गे लजी भिसी घमण्ड थालउ। ५तिगदा भिसम जम्मासन हराड्दला गे हराड् हराड्सेन लतोःला।

६हराड्दा परमेश्वरला बचन लोप्सी पिन्बा म्हिगदेदा हराड्देन छ्याम मुबा ज्यबा स्प्हगदे पिन्गो।

७थेतबासलमा खालैसे हराड्से हराड्दान धोका थापिन्गो। परमेश्वरदा खालैसेन ठट्टा लबारी आत। तिगदा भिसम म्हिसे जे सूला थेनोन रोला। ८जुन म्हि हराड्दला पापी बानीबेहोर अन्धार भरला, थे थेनोन पापी बानीबेहोरसे लमा नाश तला। तर जुन म्हि परमेश्वरला आत्मासे कुल्बा अन्धार भरला, थस परमेश्वरला आत्माग्यामसेन जुकजुकधोनाला जुनी याड्दला। ९दाहेन्से य्हाड् ज्यबा गे लबारी भलप्वारी आत। तिगदा भिसम आभ्तपना ज्यबा गे लजी भिसम य्हाड्से ठीक धुइरी बाली दुइम्याड्दला। १०थेतबासलमा मौका याड्बा धुइरी चा य्हाड्से जम्मान म्हिदा ज्यबा लतोःला। अझ खरीष्टदा विश्वास लबागदेला म्हेमदा चा य्हाड्से ज्यबा लनोन तोःला।

छार जुनी

११ च्यागो, चु ताम एनीगदेसे था याड्गे भिसी डाइ हराड्दान यासे घरेन घरेन हिगीरी भिरबा मुला।

१२ च्यागो, डा चा ज्यबा म्हि हिन्ना भिसी म्हिगदेदा उन्बारी म्हाइबागदेसे जे एनीगदेदा खतना लनोन तोःला भिसी कर लमुला। खरीष्टला करुसेसे जे थानी लला भिबा तामरी विश्वास लबासे लमा स्प्हान्दो म्हिगदेग्याम दुख नाआतोःगे भिसी थनीगदे जागब तबाला लागिरी जे चु ताम पाड्बा हिन्ना। १३जुन म्हिगदेसे एनीगदेदा खतना लतोःला भिसी पाड्मुला थनीगदे हराड्सेनोन ठिमरी पाड्बा अन्धार गे आलमुला। तर घमण्ड लबारी जे एनीगदेसे खतना लगे भिसी थनीगदेसे म्हन्मुला। १४तर डा चा अर्गु तामरी घमण्ड आल, प्रभु येशू खरीष्ट करुसरी सिबा तामरी जे घमण्ड लला। तिगदा भिसम प्रभु येशू खरीष्ट करुसरी सिबासे लमा डाला लागिरी जम्बुलिङ्ग्याम खबा जम्मान तामगदे सिसी जिन्बा मुला, ओच्छे डाएनोन जम्बुलिङ्गला लागिरी सिसी जिन्बा मुला। १५खतना लसे आलसे तिगे आहिन, तर परमेश्वरसे छार म्हि स्प्होबा चा मुल ताम हिन्ना। १६चु ठिम अन्धार भरबागदे जम्मान परमेश्वरला म्हिगदेदा दयादेन शान्त तला। दाहेन्से थनीगदे जम्मान परमेश्वरला म्हिगदे हिन्ना। १७दाहेन्से चु तामला लागिरी डाइ खालैग्यामसेन दुख नाआतोःगे। तिगदा भिसम डा येशूला गे लबा म्हि हिन्ना भिसी उन्बाला लागिरी डाला ल्हुइ नाड् डामनोन डाम मुला। १८ज्योज्यो आल नाना आडागदे, एनीगदेला आत्मादेन छ्याम य्हाड्दला प्रभु येशू खरीष्टला दयामाया तगे। आमन।

पावलसे एफिससला
विश्वासीगदेदा भिरबा चिठी
चु चिठीला बाररी पाडतो:मा

भिरबा म्हि: येशूला मुल चला पावलसे भिरबा मुबा (एफिसी १:१)।

भिरबा ग्ला: रोम शहरला झ्याल्खानग्याम भिरबा मुबा।

भिरबा साल: ओस्पन ईशवी संवत् ६१-६३ (विक्रम संवत् ११८-१२०) सालला गुडरी भिरबा मुबा।

साल्दा भिरबा: एफिसस शहरी मुबा मण्डलीदेन थला डाम डामला ग्लारी मुबा मण्डलीगदेदा भिरबा मुबा।

चु चिठीरी जम्मान भन्दा डाच्छा परमेश्वरसे म्हन्वा अन्धारला खरीष्टदा जम्मान स्हेला मुल स्हासी जम्मान स्हे खरीष्टला तहरी थान्जी भिसी भिरबा मुला (एफिसी १:१-१०)। चु चिठी चा परमेश्वरला म्हिगदे खरीष्टदेन छ्याम गिक तसी परमेश्वरसे म्हन्वा अन्धार सांगे भिसी भिरबा हिन्ना।

चु चिठीला डाच्छाला अध्यायरी साहरड लसी य्हाड खरीष्टदेन छ्याम गिक तजी भिबा तामला बाररी पाडबा मुला। परमेश्वर आबासे हराडला म्हिगदेदा धम्सी हराडला झा येशू खरीष्टग्याम थनीगदला पापला दोष मटब लसी पापग्याम फेजी, ओच्छे परमेश्वरसे हराडसे लबा घरेन कबुल हराडला आत्मा बैना पिन्सी पक्का लजी। लिच्छापटटिला अध्यायरी चा पावलसे चु चिठी पदब लबागदेदा खरीष्टदेन छ्याम गिक तबा अन्धारला बानीबेहोर उन्गो भिसी बिन्ती लबा मुला।

परमेश्वरला म्हिगदे खरीष्टदेन छ्याम गिक तबा तामगदे उन्बाला लागिरी पावलसे चुहरडबा तामगदे पाडबा मुला। मण्डली चा खरीष्टला ल्हुइ हरडबान हिन्ना, मण्डलीला थोबा चा खरीष्ट हिन्ना। ओच्छे मण्डली दिम हरडबान हिन्ना, थे दिमला सुर युडबा चा खरीष्ट हिन्ना। थेहरड लसी मण्डली चाड्छार हरडबान हिन्ना, ओच्छे म्हाछार चा खरीष्ट हिन्ना। चु चिठीरी पावलसे बलि, माफ, दयामायादेन चोसो ओच्छे खरीष्टला मायाला बाररी घरेन घरेन ताम भिरबा मुला।

मुल तामगदे

पयाफुल्बा १:१-२

खरीष्टदेन खरीष्टदा विश्वास लबागदे १:३-

३:२१

खरीष्टदेन छ्याम मुबा छार जुनी ४:१-६:२०

चिठीला थुमरी भिरबा तामगदे ६:२१-२४

पावलसे एफिससला
विश्वासीगदेदा भिरबा चिठी

१लास्सो, एफिससरी मुबा जम्मान परमेश्वरला म्हिगदेदा डा पावलग्याम पयाफुल्ता! डा परमेश्वरसे खरीष्ट येशूला गे लबाला लागिरी धम्बा मुल चला हिन्ना। एनीगदे, खरीष्ट येशूदा सदन विश्वास लसी चिबागदेदा, ँय्हाडला परमेश्वर आबादेन परभु येशू खरीष्टग्याम दयामायादेन शान्ति तगे।

खरीष्टग्याम याडबा मोलम

३य्हाडला परभु येशू खरीष्टला आबा परमेश्वरला जयजयकार तगे। तिगदा भिसम खरीष्टदेन छ्याम गिक तबासे लमा परमेश्वरसे य्हाडदा स्वर्गला जम्मान मोलम पिन्वा मुला। थे मोलमगदे चा चुनोन हिन्ना। ४चोसोदेन तिगे दोष आरबा म्हि स्हाबाला लागिरी परमेश्वरसे खरीष्टदेन छ्याम गिक स्हासी चु जम्बुलिड स्हाबा भन्दा डाच्छान धम्बा हिन्ना। ५परमेश्वरसे य्हाडदा माया लसी येशू खरीष्टग्याम थेसे हराडला समसे म्हन्वा हरडबान कोलागदे स्हाबारी य्हाडदा डाच्छाहेन्सेन धम्बा मुबा। ६परमेश्वरसे हराडला समहेन्से माया लबा झाग्याम य्हाडदा ल्हानान दया लसी मोलम पिन्वा मुला। थेतबासेलमा य्हाडसे परमेश्वरला जयजयकार लतो:ला। ७-८परमेश्वरसे य्हाडदा ल्हानान दयामाया लबासे लमा य्हाडसे खरीष्टग्याम थोबा याडबा मुला। थेनोन खरीष्टला कासे य्हाडला पापला सय फासी य्हाडदा पापग्याम फेबा मुला। ९-१०चुहरड लसीन परमेश्वरसे हराडला पूरा ज्ञान बुदधिग्याम थला समला ताम य्हाडदा घोना लबा मुला। थला समला ताम चा धुइ तमाहेन्से हराडसे म्हन्वा अन्धारला स्वर्गदेन

जम्बुलिङ्गरी मुबा जम्मान स्हेगदे खरीष्टसे ग्ला गिकरी पाप लसी शासन लबा हिन्ना। चु चा थसे म्हन्बा अन्धार डाच्छाहन्से खरीष्ट येशूग्याम स्होसी थान्बा ताम हिन्ना।

११ थतबासलमा परमेश्वरसे हराडसे म्हन्बा अन्धार जम्मान ताम पूरा लबा मुला। थहरड लसीन य्हाडदाएनोन खरीष्टदेन छ्याम गिक स्होसी थला म्हि स्होबा मुला। १२ खरीष्ट येशूथारी डाच्छाहन्सेन आश लबा डनी यहूदीगदेदा परमेश्वरसे थला य्हालदेन शक्तिला जयजयकार लगे भिसी धम्बा मुला।

१३ थहरड लसीन एनीगदेसनोन थार्बा पिन्बा समाचार सत्य बचन थःसी खरीष्ट येशूदा विश्वास लजी। थतबासलमा एनीगदेदा डालान हिन्ना भिसी परमेश्वरसे हराडला आत्मासे छाप लबा मुला। चुनोन आत्मा परमेश्वरसे हराडला म्हिदा पिन्ना भिसी लबा कबुल हिन्ना। १४ य्हाड परमेश्वरला म्हिसे याडतोःबा हकदेन पापग्याम पूरान फेला भिबा ताम उन्बाला लागिरी परमेश्वरसे थला आत्मा बैना पिन्बा मुला। थतबासलमा य्हाडसे परमेश्वरला य्हालदेन शक्तिला जयजयकार लतोःला।

पावलसे एफिससरी मुबा
विश्वासीगदेला लागिरी लबा प्रार्थना

१४-१६ थतबासलमा एनीगदेसे परभु येशूदा विश्वास लबा मुला भिबादेन परमेश्वरला म्हिगदेदा माया लबा मुला भिबा ताम थःसी डाइ एनीगदेला लागिरी सदन परमेश्वरदा धन्यवाद पिन्बान चुहरड लसी प्रार्थना लबा मुला। १७ परभु येशू खरीष्टला परमेश्वर य्हाडसे मान लतोःबा परमेश्वर आबासे एनीगदेदा हराडला आत्मा पिन्ना। थनोन आत्माग्याम परमेश्वरदा डोसबा ज्ञान याडसी थला बाररी अझ घोसम्नौ। १८ थहरड लसीन परमेश्वरला य्हाल याडबाला लागिरी एनीगदेला सेम छोसी एनीगदेदा तिग आश उन्सी डयोडबा मुबा थ घोसम्नौ। ओच्छे थसे हराडला म्हिगदेन कबुल लमा पिन्ना भिबा मोलम गाते घरेन गाते ल्हाना मुला थ था याडगौ। १९ ओच्छे य्हाड विश्वास लबागदेला लागिरी गे लबा परमेश्वरला शक्ति गाते घरेन मुला थ एनीगदेसे घोसम्नौ भिसीएनोन डाइ

प्रार्थना लबा मुला। २० थनोन शक्तिग्याम परमेश्वरसे खरीष्ट येशूदा सिबाग्याम सोना लसी स्वर्गरी हराडला दाहिने छ्यापटटि मुल ठिरी चिपुङ्गी। २१ ओच्छे परमेश्वरसे खरीष्ट येशूदा जम्बुलिङ्गदेन मुरी मुबा जम्मान शासन लबागद, अधिकार मुबागद, शक्ति मुबागद, ग्लगददेन जम्मान मिनथारी शासन लबा अधिकार पिन्जी। दान्देलो धुइरी जे आहिन, तर लिच्छा खबा धुइरीनोन चु जम्मानथारी थदा शासन लबा अधिकार पिन्बा मुला। २२ थहरड लसीन परमेश्वरसे जम्मान स्हेगदे खरीष्टला स्थाप धिरी थान्सी मण्डलीला लागिरी खरीष्ट येशूदा जम्मान स्हेला थोबा स्होजी। २३ मण्डली चा खरीष्टला ल्हुइ हिन्ना। थग्यामसे मण्डली पूरा तमुला। ओच्छे जम्मान स्हेगदे पूरा तना लबाएनोन थनोन हिन्ना। y

य्हाडदा परमेश्वरसे दया लसी सोना लजी

१ एनीगदे हराडलान पापग्याम सिबा
२ धुइरी परमेश्वरसे एनीगदेदा सोना लजी।
२ थ धुइरी एनीगदे जम्बुलिङ्गला आज्यबा ठिमला लिच्छा भरमुबा ओच्छे म्हडगदेला य्हुल्सारी शासन लबा शैतानसे कुल्बा ताम डयान्सी भरमुबा। दान्दोनोन परमेश्वरसे कुल्बा ताम आडयान्बागदेदा थसे हराडला तहरी थान्बा मुला। ३ डाच्छा मी य्हाड जम्मान थनीगदे हरडबान समरी ल्हुइला लागिरी जे लइ म्हन्बा थनोन लसी भरबा म्हि हिन्ना। य्हाडला थहरडबा बानीबहोर अन्धार मी स्थान्दागदेसे हरडनोन य्हाडसेनोन परमेश्वरग्याम सजाय याडतोःबा मुबा। ४ तर य्हाडला परमेश्वर ल्हानान दया लबा परमेश्वर हिन्ना। ओच्छे य्हाडदा ल्हानान माया लबा मुला। ५ थतबासलमान य्हाड पापरी सिसैनोन परमेश्वरसे खरीष्ट येशूदेन छ्यामनोन सोना लजी। एनीगदेसे याडबा थार्बाएनोन थनोन परमेश्वरला दयामायासे हिन्ना। ६ खरीष्ट येशूदेन छ्याम गिक स्होबासे लमा परमेश्वरसे य्हाडदा येशू खरीष्टदेन छ्याम सोना लसी स्वर्गरी थदेन छ्यामनोन चिपुङ्गी। ७ परमेश्वरसे चुहरडबा गे लसी लिच्छाला धुइला लागिरी थला घरेन दयामाया उन्बा मुला। येशू खरीष्टसे य्हाडला लागिरी

जम्मान गे लबासे लमा य्हाडसे चु दयामाय्या याडबा मुला। ८ तिगदा भिसम परमेश्वरला दयामाय्याग्याम य्हाडला विश्वाससे लमान य्हाडसे थाबा याडबा हिन्ना। चु चा एनीगदसे लबा गग्याम आहिन, तर परमेश्वरसे पिन्बा मोलमग्याम हिन्ना। ९ म्हिसे लबा गग्याम थाबा याडबा हिन्सम म्हि घमण्डी दोसला मुबा। १० तिगदा भिसम य्हाडसे ज्यबा गे लगे भिसी परमेश्वरसे य्हाडदा येशू खरीष्टग्याम छार म्हि स्तोबा हिन्ना। थेस म्हन्बा अन्छार भुरगे भिसीन परमेश्वरसे य्हाडदा डाच्छाहेन्सन स्तोबा मुबा।

येशू खरीष्टरी जम्मान गिक हिन्ना

११ थेतबासेलमा एनीगदसे चु ताम थास्ते:गो, डाच्छा ल्हुइरी खतना लबा यहूदीगदसे घमण्ड लसी एनीगददा खतना आलबा अर्गु य्हुलला म्हि भिसी भिबा मुबा। १२ थे धुइरी एनीगद खरीष्टग्याम थारड मुबा। ओच्छे इसराएलीगदसे याडबा हकग्यामएनोन थारड मुबा। थहरड लसीन परमेश्वरसे हराडला म्हिगददा पिन्ना भिसी लबा कबुलगदरीनोन एनीगदला तिगे हक आरबा मुबा। थेतबासेलमा एनीगद जम्बुलिडरी आश आरबादेन परमेश्वरदा डोआसबा म्हि मुबा। १३ तर दान्द एनीगद खरीष्ट येशूदेन छयाम गिक तबा मुला। डाच्छा एनीगद परमेश्वरग्याम थारड मुबा दान्द खरीष्ट येशूसे बगब लबा काग्याम एनीगददा परमेश्वरला डामरी म्बा मुला।

१४ य्हाडदा शान्ति पिन्बा येशू खरीष्टनोन हिन्ना। तिगदा भिसम डाच्छा य्हाडला गुडरी यहूदीदेन अर्गु य्हुलला म्हि भिसी फबारी पर्खाल हरडबा शतरु मुबा। थेस थे पर्खाल हरडबा शतरुदा नाश लसी य्हाडदा गिकनोन स्तोजी। १५ ओच्छे येशू खरीष्टसे यहूदीगददेन अर्गु य्हुलला म्हिगददा टिकना लबादेन हराडग्याम छार म्हि स्तोबारी हराडलान ल्हुइ पिन्सी यहूदीगदला ठिमदेन ठिमसे कुल्बा तामगदे नाश लजी। १६ थहरड लसीन येशू खरीष्ट हराडनोन करुसरी सिसी य्हाड न्हडरी गिकसे स्पहान्दोदा शतरु भिसी म्हन्बा तामदा नाश लजी। ओच्छे य्हाडदा गिकनोन स्तोसी परमेश्वरदेन छयाम टिकना लजी। १७ येशू खरीष्ट हराडनोन फखसी परमेश्वरग्याम

थारड मुबा एनीगदे अर्गु य्हुलला म्हिगददेन परमेश्वरला डामरी मुबा डनी यहूदीगदे जम्मादान शान्ति पिन्बा ज्यबा समाचार थे:ना लजी। १८ दान्द डनी यहूदीदेन एनी अर्गु य्हुलला म्हि, य्हाड न्हीसेन खरीष्ट येशूग्याम परमेश्वरला आत्मा गिकनोन याडसी परमेश्वर आबा मुबा ग्तारी निम्याडबा मुला।

१९ दाहेन्से एनीगदे विदेशी परदेसी आहिन। तर परमेश्वरला सन्तान हिन्ना। थेतबासेलमा परमेश्वरला म्हिगदसे याडबा हक एनीगदसेनोन याडबा मुला। २० एनीगद चा मुल चलादेन अगमवक्तागदला जगथारी स्तोबा दिम हिन्ना। थे दिमला सुर युडबा चा खरीष्ट येशून हिन्ना। २१ थेतबासेलमा थे दिम पूरा परभुग्यामसेन जोडब तसी भडबान परमेश्वरला लागिरी फेसी थान्बा चोखो मन्दिर दोबान निला। २२ थहरड लसीन खरीष्टदेन गिक तसी एनीगदएनोन डनी यहूदीगददेन छयाम परमेश्वरला मन्दिर दोबान निबा मुला। थे मन्दिररी परमेश्वर हराडला आत्माग्याम धन्छयाला।

अर्गु य्हुलला म्हिगददा पावलसे
येशू खरीष्टला समाचार थे:ना लबा

१ थेतबासेलमा डा पावल एनीगद अर्गु
३ य्हुलला म्हिदा खरीष्ट येशूला समाचार थे:ना लमा झ्याल्खानरी परब तबा हिन्ना। २ एनीगद अर्गु य्हुलला म्हिगदला लागिरी परमेश्वरसे थला दयामाय्याग्याम चु गे डादा जिम्मा पिन्बा मुला भिबा ताम एनीगदसेनोन था याडसी जिन्बा मुला। ३ परमेश्वरसे डादा थला सेमला ताम घोना लबा मुला। चु तामला बाररी एनीगदला लागिरी डाइ डाच्छान जजाकी भिरबा मुला। ४ चु ताम पढब लमाहेन्से खरीष्टला बाररी परमेश्वरला सेमरी मुबा ताम डाइ गाते घोजीम भिसी एनीगदसे घोखम्ला। ५ डाच्छा मी परमेश्वरसे हराडला सेमला ताम म्हिगददा घोना लबा आरमुबा। तर दान्द परमेश्वरसे हराडला आत्माग्याम धम्बा हराडला मुल चलादेन अगमवक्तागददा घोना लबा मुला। ६ चु ताम चा अर्गु य्हुलला म्हिगदसे परमेश्वरला थाबा पिन्बा समाचार थे:सी विश्वास लमाहेन्से यहूदीगदसे

हरङ्गनोन परमेश्वरला मोलम याङ्बा हिन्ना। थेतबासेलमा दाहेन्से थन्नी गिकनोन तबा मुला। ओच्छे परमेश्वरसे येशू खरीष्टग्याम हराङ्गला म्हिगददा पिन्ना भिसी लबा कबुल एनीगद अर्गु य्हुलला म्हिसनोन याङ्बा मुला।
b

७ ओच्छे परमेश्वरसेन दयामायादेन शक्तिग्याम थेला मोलम अन्धार डादा चु थाबा पिन्बा समाचार थेःना लबा म्हि स्होजी। ८ परमेश्वरला म्हिगद न्हङ्गरी डा जम्मान भन्दा गे आखेल्बा म्हि तसेनोन परमेश्वरसे डादा दयामाया लसी खरीष्टग्याम य्हाङ्गसे याङ्बा म्हन्बारीन आखम्बा मोलमला समाचार अर्गु य्हुलला म्हिगददा थेःना लबारी डादा धम्बा मुला। ९ जम्मान स्हे स्होबा परमेश्वरसे हराङ्गला सेमला ताम दङ्गबोहेन्सेन खालैदा उन्बा आरबा। तर दान्दे परमेश्वरसे थे ताम खाहरङ्ग लसी उन्सी पूरा लजी भिसी जम्मान म्हिदा घोना लबा गेएनोन डादा पिन्बा मुला। १० परमेश्वरला सेमला ताम चा मण्डलीग्याम हराङ्गला ज्ञान बुदधि मुरी मुबा शक्तिदेन शासन लबागददा उन्बा हिन्ना। ११ चु चा जुकजुकहेन्सेन परमेश्वरसे म्हन्बा अन्धार य्हाङ्गला परभु येशू खरीष्टग्याम पूरा लबा हिन्ना। १२ ओच्छे य्हाङ्गसे येशू खरीष्टदा विश्वास लसी थंदेन छ्याम गिक तबासे लमा परमेश्वर मुबा ग्लारी निबा भङ्ग याङ्बा मुला। १३ थेतबासेलमा एनीगदला लागिरी डाइ नाबा दुख मराङ्गसी एनीगद आत्तब थातउ। तिगदा भिसम चु मी एनीगदला लागिरी मान याङ्गबादेन ताङ्गतोःबा ताम हिन्ना।

पावलसे दोःसीएनोन एफिससला मण्डलीला लागिरी लबा परार्थना

१४-१५ थेतबासेलमान स्वर्गदेन जम्बुलिङ्गरी मुबा जम्मान य्हुलला म्हि स्होबा परमेश्वर आबादा डाइ पुइ जूसी परार्थना लबा मुला। १६ परमेश्वरसे हराङ्गला आत्माला शक्तिग्याम ल्हानान मोलम पिन्सी एनीगदला सेम खाइमै याङ्गयोङ्ग आतबा भङ्ग याङ्गो। १७ ओच्छे एनीगदसे खरीष्टदा विश्वास लबासे लमा खरीष्ट सदन एनीगदला समरी धन्छुयागै। ओच्छे एनीगद परमेश्वरला मायारी खाइमै याङ्गयोङ्ग आतना भङ्गबा तसी चिखम्गै।

१८ थहरङ्ग लसीन परमेश्वरला म्हिगद जम्मानदेन छ्याम खरीष्टला माया गाते ल्हानान मुला भिसी एनीगदसे घोखम्गै। १९ ओच्छे म्हिला ज्ञान बुदधिस घोबारी म्हाइसे घोआखम्बा खरीष्टला माया घोखम्गै। थहरङ्ग लसीन परमेश्वर खाहरङ्गबा मुला, एनीगदएनोन थहरङ्गबान दोखम्गै। चुहरङ्ग लसी डाइ एनीगदला लागिरी परार्थना लबा मुला।

२० परमेश्वरसे य्हाङ्गला गुङ्गरी हराङ्गला शक्तिग्याम गे लमुला। ओच्छे य्हाङ्गसे हरीबादेन म्हन्बा भन्दा ल्हानान पिन्मुला। २१ य्हाङ्ग खरीष्ट येशूदेन छ्याम गिक तबा म्हिगददेन मण्डलीसे हराङ्ग जम्मान भन्दा घरेन परमेश्वर हिन्ना भिसी सदन मानदेन जयजयकार लतोःला। आमेन।

खरीष्टदा विश्वास लबागदे जम्मान गिकनोन हिन्ना

४ थेतबासेलमा परमुला गे लमा ड्याल्खानरी परब तबा म्हि, डाइ एनीगददा परमेश्वरसे धम्बासे लमा थेसे कुल्बा अन्धार गे लउ भिसी बिन्ती लबा मुला। २ एनीगद खाइमै घरेन आदोना सोजो म्हि दोसी भरउ। ओच्छे गिकसे गिकला ताम नासी हराङ्ग हराङ्ग न्हङ्गरी माया लसी द्विकसी चिउ। ३ एनीगददा परमेश्वरला आत्मासे गिक स्होजी भिबा ताम अन्धार भरबारी सदन भङ्ग लउ। ४ परमेश्वरसे ड्योइबा धुइरी य्हाङ्गसे तिग याङ्गला भिसी आश लमुबा, थे आश गिकनोन हिन्ना। थहरङ्ग लसीन दाहेन्से य्हाङ्ग ल्हुइ गिकलान हिन्ना। ओच्छे य्हाङ्गसे याङ्गबा परमेश्वरला आत्माएनोन गिकनोन हिन्ना। ५ ओच्छे य्हाङ्गला परभुएनोन गिकनोन, य्हाङ्गला विश्वासएनोन गिकनोन ओच्छे य्हाङ्गसे किन्बा बप्तिस्माएनोन गिकनोन हिन्ना। ६ थेतबासेलमा दाहेन्से य्हाङ्ग जम्मानान परमेश्वर आबा गिकनोन हिन्ना। थेनोन जम्मानदेन छ्याम तसी य्हाङ्ग जम्मानग्याम गे लबा मुला। ओच्छे थेसेन जम्मानथोरी शासन लबा मुला।

७ तर खरीष्टसे हराङ्गला सेमसे म्हन्बा अन्धार य्हाङ्ग जम्मानान थरी थरीला गे लबा मोलम पिन्बा मुला। ८ थेतबासेलमा परमेश्वरला बचनरी खरीष्टला बोररी चुहरङ्ग भिसी भिरबा मुला,

“थे तोर फेप्या धुइरी थेसे हराडला शतरुदाएनोन
खीसी भोजी।

ओच्छे म्हिगदेदा मालम पिन्जी।” d

१ थहरड लसीन बचनरी तोर फेप्या भिसी
भिरबाला अर्थ तिग? चु भिबा चा खरीष्ट चु
जम्बुलिडला धिधोना फेप्या आहिन?
हिन्ना। १० थनोन जम्बुलिडला धिधोना फेप्या
जम्मानथोरी शासन लबारी स्वगरी जम्मान
भन्दा तोर फेप्या।

११ ओच्छे खरीष्टसे हराडला गे लगे भिसी
कोइ म्हिदा खरीष्टला मुल चेला दोबारी, कोइ
म्हिदा अगमवक्ता दोबारी, कोइ म्हिदा थार्बा
पिन्बा समाचार थेना लबारी, कोइ म्हिदा
मण्डलीला पास्टरदेन म्हिगदेदा लोप्या म्हि
स्होबारी धम्जी। १२ तिग्दा भिसम परमेश्वरला
जम्मान म्हिगदेसे परमेश्वरला गे ज्यना लसी
खरीष्टला ल्हुइ मण्डलीदा भङ्गना लखमो
भिसी थेसेन चुहरड लसी धम्बा हिन्ना।
१३ थेतबासलमा य्हाङसे परमेश्वरदा लबा
विश्वासरी गिक आतनी भिसम ओच्छे थेला
झा खरीष्टदा ज्यना लसी डोआसेनी भिसम
य्हाङ साइमे पाको म्हि दोबारी आसम। ओच्छे
खरीष्ट साहरडबा मुला थहरडबाएनोन दोबारी
आसम। १४ दाहेन्से य्हाङ जुन ताम थे:जी
थेनोन तामरी विश्वास लबा कोलागदे हरड
लसी आभर। तिग्दा भिसम कोइ कोइ म्हिगदेसे
य्हाङदा फसब लबारी ल्हानान थरीला लुसीला
तामदाएनोन सत्य ताम हरड लसी पाङसी
भरमुला। १५ बरु य्हाङ माया लसी सत्य ताम
पाङसी खरीष्ट हरडबान दोगे। तिग्दा भिसम
खरीष्ट चा य्हाङला थोबा हिन्ना। १६ य्हाङला
ल्हुइरी या काङ जोडव लसी ल्हुइ गिकनोन
तबा हरड खरीष्टसेनोन जम्मादान गिकनोन
स्होबा मुला। थेतबासलमा या काङ दिक्सी
हराङ हराडला गे लबा हरड लसी य्हाङएनोन
हराङ हराङ न्हडरी दिक्सी गे लजी भिसम
अझ य्हाङ न्हडरी माया ल्हवान निला। e

खरीष्टग्याम याङबा छार जुनी

१७ खरीष्ट येशूला अधिकारग्याम डाइ
पाङबा चु ताम ज्यना लसी ड्यान्गो। दाहेन्से
एनीगदे परमेश्वरदा डोआसेबा अर्गु य्हलला
म्हिगदे हरड लसी थामरु। तिग्दा भिसम

थेनीगदेसे लबा गेदेन म्हेन्बा ताम गे आसेल्बा
मुला। १८ थेनीगदेसे सत्य ताम आपोमुला
ओच्छे थेनीगदेला सेम कोङबास लमा
थेनीगदेदेन परमेश्वरला बाररी घोबा ज्ञाननोन
आर। थेतबासलमा परमेश्वरग्याम याङतो:बा
जुनी थेनीगदेसे याङबा आर। १९ थेनीगदेदा
ज्यबा तामदेन आज्यबा ताम तिगे था आर।
थेतबासलमा थेनीगदेसे सेमरी तिग लइ म्हेन्बा
थेनोन लसी पे:बा खबा गे जे लसी भरमुला।

२० तर एनीगदेसे मी खरीष्टला बाररी
लोप्या धुइरी थहरडबा ताम लोप्या आरबा।
२१ एनीगदेसे खरीष्ट येशूला सत्य ताम
थे:सी घोबा मुला भिसी डादा था मुला।
२२ थेतबासलमा एनीगदेदा न्होङना लबा
पापी सेमदेन डाच्छाला आज्यबा बानीबेहोर
खलागो। २३ ओच्छे परमेश्वरला आत्मासे
एनीगदेला सेम छार स्होगे। २४ परमेश्वरसे
एनीगदेदा हराङ हरडबान म्हि स्होसी छार
बानीबेहोर पिन्बा मुला। थेतबासलमा दाहेन्से
एनीगदेसे थे पक्का छार बानीबेहोर अन्धार
परमेश्वरदा सेम निबादेन तिगे दोष आरबा म्हि
दोगो। f

२५ थेतबासलमा जम्मासेन लुसीला ताम
पाङबा खलासी विश्वासीगदे न्हडरी सत्य
ताम जे पाङगो। तिग्दा भिसम य्हाङ ल्हुइ
गिकलान हिन्ना। २६-२७ ओच्छे बोमो खसेनोन
पाप थालउ। तिग्दा भिसम शेतानसे एनीगदेदा
पाप लपुङला। थेतबासलमा धिनी घल्वा भन्दा
डाच्छान एनीगदेला बोमो म्हागे। g

२८ खालेसे य्हा लबा मुसम दाहेन्से खलासी
हराङसेन दुस लसी गे लगे, ओच्छे आरबागदेदा
पिन्सम्बा म्हि दोगे।

२९ एनीगदे हराङ हराङ न्हडरी आज्यबा
ताम थालउ। बरु ज्यबा तामदेन स्हान्दो
म्हिला विश्वास बढव तबान निबा खाल्ला ताम
जे लउ। तिग्दा भिसम एनीगदेसे लबा तामग्याम
म्हिगदेदा ज्यबा तगे।

३० ओच्छे परमेश्वरला आत्मादा दुस
थापिन्गो। तिग्दा भिसम एनीगदे पापग्याम
फेबा धिन आखतेधोना एनीगदे परमेश्वरलान
हिन्ना भिसी परमेश्वरला आत्मासेन छाप लबा
मुला।

३१थेतबासेलमा दाहेन्से ईस थान्बा, बोमो लबा, म्हिदा बडबा हरडबा जम्मान आज्यबा ताम एनीगदसे ख्लागो। ३२बरु गिकसम गिकदा समहेन्सन दया लउ। ओच्छे परमेश्वरसे एनीगददा खरीष्ट येशूयाम माफ लबा हरड लसी एनीगदसेनोन गिकसम गिकदा माफ लउ।

परमेश्वरदा सम निबा गे जे लउ

१एनीगदे परमेश्वरसे माया लबा कोलागदे तबासे लमा परमेश्वर हरडबान दोबारी म्हाइगो। २ओच्छे खरीष्टसे य्हाडदा माया लबा हरड लसी य्हाडएनोन हराड हराड न्हडरी माया लसी दिक्सी चितोःला। तिग्दा भिसम खरीष्टसे य्हाडदा माया लसी हराडला ल्हुइनोन पिन्जी। ओच्छे थला ल्हुइ बलिदान पिन्सी परमेश्वरला लागिरी ज्यबादेन बास्ना सबा धूप दोजी।^k

३एनीगदे परमेश्वरला म्हिगदे तबासे लमा स्थान्दादेन छुयाम बरत्सी भरबा, नडबा सबा ताम ओच्छे लोभ लबा, चु जम्मान ताम म्हन्बारीनोन आत। ४ओच्छे पःबा सबा ताम, मूर्ख तामदेन म्हिदा सम आनिबा ताम थालउ। चुहरडबा ताम लबा चा ज्यबा आहिन। बरु परमेश्वरदा धन्यवाद पिन्गो। ५च्यागो, चु ताम चा एनीगददा था तनोन तोःबा ताम हिन्ना। स्थान्दादेन छुयाम बरत्सी भरबा, नडबा सबा ताम लबा, लोभ लबा म्हिसे परमेश्वरदेन खरीष्टला य्हुत्सारी तिगे हक आयाड। लोभ लबा म्हि चा मूर्तिदा परमेश्वर भिसी पूजा लबा म्हि हरडबान हिन्ना।

६एनीगददा खालैसन लुसीला ताम लोप्सी फसब थालगे। थहरडबा गे लसी परमेश्वरसे कुल्बा ताम आड्यान्बा म्हिगददा परमेश्वरसे सजाय पिन्ना। ७थेतबासेलमा एनीगदे परमेश्वरसे कुल्बा ताम आड्यान्बा थहरडबा म्हिदेन छुयाम थाभरउ। ८एनीगदे डाच्छे धोपधोपरी मुबा। तर दान्दे प्रभुदा डोसेबास लमा य्हाल य्हालरी मुला। थेतबासेलमा दाहेन्से एनीगदे धोपधोपरी भरबा म्हिगदे हरड लसी आहिन तर य्हाल य्हालरी भरबा म्हिगदे हरड लसी भरउ। ९तिग्दा भिसम य्हालरी भरबा म्हिगदसे लबा गे चा ज्यबादेन परमेश्वरदा सम निबा ओच्छे सत्य तमुला।

१०ओच्छे प्रभुदा सम निबा गे तिग हिन्ना? थं गे जे लबारी म्हाइगो। ११थेतबासेलमा धोपधोपरी भरबा म्हिगदसे लबा हरडबा गे आखल्बा गे एनीगदसे थालउ। बरु खालै म्हिसे थहरडबा गे लजी भिसम थं म्हिदा चु लबारी आतबा गे हिन्ना भिसी पाडगो। १२हिन्बाम, थं म्हिगदसे लासी लबा नडबा गला बाररी पाडबारीनोन पःबा सबा ताम हिन्ना। १३तर तिगे स्हे य्हालरी भजी भिसम थं स्हे साहरडबा चीम भिसी जम्मासेन था याडला। तिग्दा भिसम जम्मान स्हेदा मराडना लबान य्हाल हिन्ना। १४थेतबासेलमा चुहरड भिसी पाडबा मुला,

“म्हेर्बागदे छोगो,

ओच्छे सिबाग्याम रेःगो!

खरीष्टसे एनीगददा य्हाल तना लला।”

१५थेतबासेलमा एनीगदला बानीबेहोर साहरडबा मुला होस लसी भरउ। ओच्छे बुदधि आरेबा म्हिगदे हरड लसी आहिन तर बुदधि मुबा म्हि हरड तसी भरउ। १६ओच्छे एनीगदसे याडबा मौका स्योर्ना थालउ। तिग्दा भिसम दान्दला धुइ ठीक आरे। १७थेतबासेलमा मूर्ख म्हि हरड तसी थाभरउ। तर एनीगदसे तिग लगे भिसी प्रभुसे म्हन्बा मुला थं ताम घोउ। १८ओच्छे ड्य्हाइबा स्हे थुडसी ड्य्हाइसी थाभरउ। तिग्दा भिसम ड्य्हाइबा स्हेसे म्हिदा न्होडना लमुला। बरु एनीगदला सम सदन परमेश्वरला आत्मासे प्लिडगो। १९थहरड लसीन एनीगदे हराड हराड न्हडरी परमेश्वरला आत्मासे पिन्बा व्हाइ गोसी गिकसम गिकदा विश्वासरी कोडबा तना लउ। चुहरड लसी समहेन्सन व्हाइ गोबान प्रभुदा जयजयकार लउ। २०य्हाडला प्रभु येशू खरीष्टला मिनरी जम्मान स्हेला लागिरी सदन परमेश्वर आबादा धन्यवाद पिन्गो।^m

मिरड हरम्बोस लोप्तोःबा ताम

२१एनीगदसे खरीष्टदा मान लबासे लमा हराड हराड न्हडरी गिकसम गिकला तहरी चिउ।

२२प्रभुला तहरी चिबा हरड लसी मिरडम्हेमगदेएनोन हराड हराडला हरम्बोला तहरी चिउ। २३तिग्दा भिसम खरीष्ट मण्डलीला थोबो हिन्ना। थहरड

लसीन मिरडम्हमेगदला लागिरीनोन हराड हराडला हरम्बा थाबा हरडबान हिन्ना। ओच्छ हराडला ल्हुइ मण्डलीदा थाना लबाएनोन खरीष्टनोन हिन्ना। २४ थतबासलमा मण्डली खरीष्टला तहरी चिबा हरड लसी मिरडम्हमेगदएनोन हराड हराडला हरम्बोला तहरी चिउ। २५ ओच्छ खरीष्टस मण्डलीदा माया लसी हराडला ज्याननोन पिन्बा हरड लसी हरम्बगेगदसनोन हराड हराडला मिरडदा माया लउ। २६ ओच्छ खरीष्टस मण्डलीदा चोखो स्होबारी बप्तिस्माला क्युइदन हराडला बचनग्याम सरुसी धाना लबा मुला। २७ खरीष्टस मण्डलीदा य्हालदेन जेबा, दाग आरबा, आज्योम्बा, तिगे चोट आरबा, चोखोदेन तिगे दोष आरबा मण्डली स्होसी हराडदेन छुयाम भबाला लागिरीन खरीष्टस थेहरड लसी हराडला ज्याननोन पिन्बा हिन्ना। २८ थेहरड लसीन हरम्बगेगदसनोन हराड हराडला मिरडदा हराडला ल्हुइदा हरडनोन माया लदोमुला। हराडला मिरडदा माया लबागदसे जे हराडला ल्हुइदाएनोन माया लमुला। २९ तिगदा भिसम साले म्हिसेन हराडला ल्हुइदा आज्यना आलमुला। बरु ज्यबा तबारी ज्यना लसी चबा क्वान्बा लमुला। थेहरड लसीन खरीष्टसनोन हराडला ल्हुइ मण्डलीदा ज्यना लमुला। ३० तिगदा भिसम य्हाड खरीष्टला ल्हुइ तबास लमा य्हाड गिकनोन हिन्ना।

३१ “थतबासलमा म्हिसे हराडला आबा आमादा स्लासी हराडला मिरडदेन छुयाम दिक्सी चिमुला। ओच्छे थेन्नी ल्हुइ गिक हरडबान तसी चिमुला।” ३२ चु य्हाड म्हिला ज्ञानसे घोखम्बा ताम आहिन। चु ताम डाइ खरीष्टदेन मण्डलीला बाररी पाडबा हिन्ना। ३३ तर चु ताम एनीगदसेनोन लतोःबा ताम हिन्ना। थतबासलमा एनीगदे जम्मासेन हराड हराडला मिरडदा हराडदा हरडनोन माया लउ, ओच्छे मिरडम्हमेसनोन हराड हराडला हरम्बोदा मान लउ।

आबा आमादेन कोलागदसे लोप्तोःबा ताम

१ कोलागदे, एनीगदे परमुला म्हि तबासे
६ लमा, हराडला आबा आमासे कुल्बा ताम इयान्गो। तिगदा भिसम आबा आमासे कुल्बा ताम इयान्बान ज्यबा हिन्ना। ७९ “हराडला आबा आमादा मान लउ” चु चा परमेश्वरसे माशादा पिन्बा ठिम न्हडरी परमेश्वरसे कबुल लसी जम्मान भन्दा डाच्छा कुल्बा ताम हिन्ना। ८० थे कबुल चा एनीगदसे आबा आमादा मान लजी भिसम जम्बुलिडरी एनीगददा ज्यबा तसी छेहरडबा हिन्ना।

४ आबा आमागदे, एनीगदसेनोन हराडला कोलागददा बोमो खना थालउ। तर थेनीगददा तहरी थान्सी परमुला बचन लोप्बान छर्ना लउ।
५

नोकरदेन मालिकगदसे लोप्तोःबा ताम

५ नोकरगदे, एनीगदसे खरीष्टदा सेमहेन्सेन मान लबा हरड लसी जम्बुलिडरी मुबा हराडला मालिकदाएनोन मान लउ। ओच्छे थेनीगदसे कुल्बा ताम इयान्गो। ६ एनीगदसे मालिकगदला डाच्छा थेनीगददा ताडना लबारी जे गे लबा आहिन, तर खरीष्टला गे लबागदसे हरड लसी एनीगदसे सेमहेन्सेन परमेश्वरसे म्हन्बा अन्छार गे लउ। ७ ओच्छे म्हिगददा उन्बाला लागिरी आहिन, तर परमुला लागिरी हरड लसी सेमहेन्सेन ज्यना लसी गे लउ। ८ थतबासलमा एनीगदे नोकर हिन्से आहिन्से ज्यबा गे लबा म्हिसे परमुग्याम थ अन्छारलान इनाम याडला भिबा ताम एनीगददा थानोन मुला। ९

१० थेहरड लसीन मालिकगदसेनोन हराडला नोकरगददा आज्यबा व्यवहार थालउ। तिगदा भिसम एनीगदे न्हीतान मालिक स्वर्गरी मुला। थसे निसाफ लबा धुइरी सालैला ली च्यासी आल। ११

परमेश्वरसे पिन्बा हतियार

१० दाहेन्से एनीगदे परमुदेन गिक तसी थेला धरेन शक्तिग्याम भडसी चिउ। ११ ओच्छे शैतानसे एनीगददा फसब लबारी म्हाइबा जुक्तिगददा दाबारी सेनासे हरड

लसी परमेश्वरसे पिन्बा जम्मान हतियारगदे थोगो। १२ तिगदा भिसम य्हाङ् म्हिदेन लडाइ लबारी आहिन, तर जम्मान शासन लबा शक्तिगददेन लडाइ लबारी हिन्ना। थंहरङ् लसीन चु धोपधोन्बा जम्बुलिङ्गरी शासन लबा शक्तिगददेन मुरी मुबा जम्मान म्हाङ्गला आत्मागदला शक्तिदेन लडाइ लबारी हिन्ना। १३ थतबासलमा परमेश्वरसे पिन्बा जम्मान हतियारगदे एनीगदेसे सदन थाजी भिसम शैतानना सना छ्बारी खबा धिनरीनोन एनीगदे थेदेन छ्बयाम छ्बारी सल्ला। ओच्छे लडाइ दासीनोन एनीगदे मङ्गबा तसी चिसल्ला।

१४ थतबासलमा सनागदेसे करप्सरी पटी खीबा हरङ् लसी एनीगदेसे हराङ्गदा सत्यसे खीगो। ओच्छे थनीगदेसे कुरी पाता थान्बा हरङ् लसी एनीगदेसेनोन परमेश्वरदा सेम निबा बानीबहोर थोसी तयार तसी चिउ। १५ ओच्छे लखम क्वान्बा हरङ् लसी शान्ति पिन्बा थार्बा पिन्बा समाचार थोसी तयार तउ। १६ ओच्छे अर्गु ताम चा एनीगदे सदन विश्वासला ढाल थोसी चिउ। थंहरङ् लसी चिजी भिसम शैतानसे पुइखबा मला बान एनीगदेसे साइसल्ला। १७ थंहरङ् लसीन परमेश्वरसे एनीगदेदा पिन्बा थार्बादा सनागदेसे टोप कूबा हरङ् लसी सदन कूसी चिउ। ओच्छे परमेश्वरला आत्माला तरवार थोगो। थं तरवार चा परमेश्वरला बचन हिन्ना। ४

१८ थतबासलमा परमेश्वरला आत्मागयाम एनीगदेसे सदन जम्मान स्हला लागिरी प्रार्थना लउ। चुहरङ् लसीन जम्मान

परमेश्वरला म्हिगदला लागिरीनोन सदन झन्सी प्रार्थना लउ।

१९ ओच्छे डाइ ताम पाङ्बारी छ्बयाइमा तिग ताम पाङ्गतोःबा थं ताम परमेश्वरसेन लोभो। ओच्छे ग्हिसे था आयाङ्गबा थार्बा पिन्बा समाचार आलोङ्गनान स्हान्दा म्हिगददा घाना लबारी खमो भिसी डाता लागिरी प्रार्थना लसी पिन्गो। २० चुनोन थार्बा पिन्बा समाचारला लागिरी झ्यात्खानरी परब तबा डा खरीष्टला दूत हिन्ना। ओच्छे डाइ आलोङ्गनान चुला बाररी पाङ्बारी खमो भिसी प्रार्थना लसी पिन्गो।

चिठीला थुमरी भिरबा ताम

२१ परमुला गेरी विश्वास लखम्बा डन्से माया लबा आले तुखिकसदा डाइ एनीगदे मुबा ग्लारी पुइखबा मुला। ओच्छे डादा साहरङ्गबा मुला भिबादेन डाइ तिग लबान मुला भिबा जम्मान ताम थेसेन एनीगदेदा पाङ्गला। २२ ओच्छे चुरी डन्दा साहरङ्गबा मुला भिबा ताम था याङ्गसी एनीगदेसे आँट याङ्गो भिसी डाइ एनीगदे मुबा ग्लारी थंदा पुइखबा हिन्ना। २३ खरीष्टदा विश्वास लबा ज्योज्यो आले नाना आङ्ग जम्मादान य्हाङ्गला परमेश्वर आबादेन परभु येशू खरीष्टगयाम विश्वासरी कोङ्गसी मायादेन शान्ति याङ्गो। २४ थंहरङ् लसीन य्हाङ्गला परभु येशू खरीष्टदा जुकजुकघाना माया लबागददेन छ्बयाम परमेश्वरला दयामाया तगे।

पावलसे फिलिप्पीला
विश्वासीगददा भिरबा चिठी
चु चिठीला बाररी पाड्तोःमा

भिरबा म्हिः येशूला मुल चला पावलसे
भिरबा मुबा। चु चिठी भिरबाला लागिरी
पावलदा तिमोथी भिबा म्हिसे हरो लबा
मुबा (फिलिप्पी १:१)।

भिरबा ग्लाः रोम शहरला झ्याल्सानग्याम
भिरबा मुबा।

भिरबा सालः ओस्पन ईश्वी संवत् ६१-६३
(विक्रम संवत् ११८-१२०) सालला गुडरी
भिरबा मुबा।

साल्दा भिरबाः फिलिप्पी शहररी मुबा
विश्वासीगददा भिरबा मुबा। (मुल चला
१६:११-४०)

फिलिप्पी शहर चा माकेडोनिया अञ्चलला
रोम ग्हुल्साला मुल शहर मुबा। चु शहर दान्दे
यूरोपरी परब तमुला। चु चिठी भिरबा धुडरी
पावल झ्याल्सानरी मुबा। थ धुडरी फिलिप्पी
शहररी मुबा मण्डलीरी लुसीला ताम लोप्बासे
लमा पावलदा दुस डहम्बा मुबा। तर पावलला
कोडबा विश्वाससे लमा चु चिठीसे फिलिप्पीला
विश्वासीगदसे विश्वासरी आँट याङ्जी।

चु चिठी चा फिलिप्पीला विश्वासीगददा
धन्यवाद पिन्बाला लागिरी भिरबा मुबा।
थनीगदसे पावलदा खाँचा तबा धुडरी भटी
पुइसी हरो लबा मुबा। ओच्छे थनीगददाएनोन
दुस तबा धुडरी पावलसे हराङ्दनेन थनीगददा
विश्वासरी कोडना लबारीदेन आँट पिन्बाला
लागिरी चु चिठी भिरबा मुबा। हराङ् जे चबा
थुडबा लम्याङ्सम तला भिसी म्हन्बा भन्दा
साजो तसी येशूला हरडबान बानीबेहोर थोगे
भिसी पाड्बा मुला। खरीष्टदेन छुयाम गिक
तबा थनीगदला बानीबेहोर चा परमेश्वरग्याम
याड्बा मोलम हिन्ना। चु मोलम चा थनीगदसे
यहूदीगदला ठिम अन्छार भरबासे लमा याड्बा
आहिन, तर थनीगदसे लबा विश्वासग्याम
याड्बा हिन्ना भिसी पावलसे थनीगददा
दन्ना लबा मुला। ओच्छे खरीष्टदा विश्वास
लबागदसे याड्बा ताड्बा तामदेन शान्तिला
बाररी पावलसे भिरबा मुला।

चु चिठीरी खरीष्टदा विश्वास लबागदसे
याड्बा ताड्बा ताम, आँट, गिक तबादेन
समहेन्सेन गे लबा तामगदला बाररी पाड्बा
मुला। ओच्छे चु चिठीरी पावलसे फिलिप्पीला
विश्वासीगददा गाते माया लमुला भिबा ताम
उन्बा मुला।

मुल तामगदे

फ्याफुल्बादेन प्रार्थना १:१-११

पावलदा तबा तामगदे १:१२-२६

खरीष्टदेन छुयाम मुबा जुनी १:२७-१:३८

तिमोथीदेन इपाफ्रोडिटसे २:११-३०

होशियारतना लबा तामगदे ३:१-४:१

भटीला लागिरी धन्यवाद पिन्बा ४:१०-२०

चिठीला थुमरी भिरबा ताम ४:२१-२३

पावलसे फिलिप्पीला
विश्वासीगददा भिरबा चिठी

पावलसे फिलिप्पीला विश्वासीगददा फ्याफुल्बा
१लास्सो, खरीष्ट येशूदा तेन्बा डा पावलदेन
१ तिमोथीग्याम फिलिप्पीरी मुबा खरीष्ट
येशूदा विश्वास लबा परमेश्वरला म्हिगददेन
मण्डलीदा च्याबा म्हि ओच्छे मण्डलीरी हरो
लबागददा फ्याफुल्ता!a

२ ग्हाङ्गला परमेश्वर आबादेन परमु येशू
खरीष्टग्याम एनीगददा दयामायादेन शान्ति
तगे।

पावलसे लबा प्रार्थना

३ एनीगददा दन्मा डाइ डाला परमेश्वरदा
सदन धन्यवाद पिन्बा मुला। ४ डाइ प्रार्थना
लबा धुडरी सदन एनीगदला लागिरी ताड्सी
ताड्सी प्रार्थना लमुला। ५ तिगदा भिसम
थार्बा पिन्बा समाचार थःना लबाला लागिरी
डाच्छेहिन्से दान्देधोना एनीगदसे सेम गिक
लसी डादा हरो लबा मुला। ६ परमेश्वरसे
एनीगदला गुडरी शुरु लबा ज्यबा गे येशू
खरीष्ट फेखबा धुडधोनारी थेसेन पूरा लला
भिबा ताम डादा पूरा विश्वास मुला।

७ डाइ एनीगदला बाररी चुहरड्बा ताम
म्हन्बाएनोन ठीक हिन्ना। एनीगद सदन डाला
सेमरी मुला। तिगदा भिसम डा झ्याल्सानरी
मुबा धुडरीनोन ओच्छे थार्बा पिन्बा समाचार

जोगब लबारीदेन स्थान्दो म्हिगदेदा थेःना लबा चु गे न्हीरीन परमेश्वरला दयामायारी एनीगदेस सम गिक लसी डादा हरो लबा मुला। ८ डाइ खरीष्ट येशूला मायाग्यामसे एनीगदे जम्माना गाते ढन्बा मुला भिबा ताम परमेश्वरदान था मुला।

१ परमेश्वरग्याम ज्ञान बुदधि याडसी एनीगदेला माया ज्ञान ल्हेबान निगे भिसी डाइ प्रार्थना लबा मुला। १० चुहरङ् लजी भिसम एनीगदेस जम्मान भन्दा ज्यबा ताम तिग हिन्ना, थे फेबारी खम्ता। ओच्छे खरीष्ट फेखबा धुइला लागिरी एनीगदे तिगे दोष आरेबा चोखा म्हि दोला। ११ परमेश्वरदा मानदेन जयजयकार लबाला लागिरी येशू खरीष्टसे पिन्बा परमेश्वरदा सम निबा बानीबेहोरसे एनीगदेला सेम प्लिङ्गै।

पावल झ्यात्खानरी परब तबासे लमा थार्बा पिन्बा समाचार ल्हानान ग्लारी थेःबा

१२ ज्योज्यो आले नाना आडागदे, डाइ नाबा चु दुखग्याम थार्बा पिन्बा समाचार थेःना लबा गे ज्ञान ल्हानान तबा मुला भिबा ताम एनीगदेसे था याङ्गै भिसी डाइ म्हेन्बा मुला। १३ खरीष्टला बाररी थेःना लबासे लमान डा झ्यात्खानरी परब तबा हिन्ना भिसी ग्लेखाडला जम्मान सिपाहीगदेदेन अर्गु जम्मान म्हिगदेसे था याडसी जिन्बा मुला। १४ डा झ्यात्खानरी परब तबासे लमा ल्हानान विश्वासीगदे परभुरी कोड्बा मुला। ओच्छे थनीगदेसे आलोङ्गान परमेश्वरला बचन थेःना लबारी आँट याड्बा मुला।

१५ हिन्वाम कोइ कोइसे चा डाह लसी स्थान्दोसे भन्दा डाइ ज्यबा गे लबा मुला भिसी उन्वारी म्हाइमुला, तर स्थान्दोगदेसे चा ज्यबा सेमसे खरीष्टला बाररी थेःना लबा मुला। १६ थार्बा पिन्बा समाचार थेःना लबाला लागिरीन परमेश्वरसे डादा धम्बा हिन्ना भिसी था याड्बागदेसे चा माया लसी सेमहेन्सेन चु गे लबा मुला। १७ डाह लबागदेसे चा ज्यबा सेमसे आहिन। तर झ्यात्खानरी डाइ अझ ल्हानान दुख याङ्गै भिसी हराडसे हराडदान घरेन स्होबा सेमसे खरीष्टला बाररी पाड्बा हिन्ना। १८ ज्यबा सेमसे लसे आज्यबा सेमसे

लसे ठीकनोन मुला, जस्तो लसीन खरीष्टला बाररी पाड्सी भरतोःबा हिन्ना।

चु तामरी डा ल्हानान ताड्बा मुला।

१९ हिन्ना डा ताड्बला। तिग्दा भिसम एनीगदेसे लबा प्रार्थनादेन येशू खरीष्टला आत्मासेन हरो लसी चु दुखग्याम फेला भिबा ताम डादा था मुला। २० डाइ सेमहेन्सेन घरेन आश लसी चिबा मुला, डाइ लतोःबा जम्मान गरी डा साइमे पेःआतोः। तर डादेन छ्याम ल्हानान आँट मुला। ओच्छे डा सिसे सोसे सदाला हरङ् लसीन डाला चु ज्यानसे खरीष्टलान मान लला। २१ तिग्दा भिसम डा सोबा चा खरीष्टदा तेन्बाला लागिरी हिन्ना। ओच्छे सिबा चा डाला लागिरी ज्ञान ज्यबा ताम हिन्ना। २२ डाला चु ल्हुइ सोतेधोना डाइ अझ ज्यबा गे लला। तर डा सिबा कि सोबा चु न्ही न्हेडरी खजिबा चा धम्तोःबा थे ताम डादा था आरे। २३ डादा दोधार तबा मुला। चु जम्बुलिङ् रूनासी खरीष्टदेन छ्याम चिबा सेमएनोन ल्हानान मुला। तिग्दा भिसम डाला लागिरी चु ल्हानान ज्यबा ताम हिन्ना। २४ तर एनीगदेला लागिरी चा डा सोसीन चितोःबा मुला। २५ थेतबासेलमा एनीगदेदा विश्वासी ल्हेना लबारीदेन ताड्ना लबारी डा अझ सासी एनीगदे जम्मानदेन छ्याम चिला भिबा डादा पक्का था मुला। २६ दाहन्से डा दोःसी एनीगदेदेन छ्याम हरूप तमा डाग्याम खरीष्टसे लबा गे मराड्सी एनीगदे अझ खरीष्ट येशूदेन छ्याम गिक तसी ल्हानान ताड्म्याडला।

२७ मुल ताम चा चुनोन हिन्ना, जे तसेनोन एनीगदेला बानीबेहोर खरीष्टला थार्बा पिन्बा समाचार अन्डार ततोःला। थेतबासेलमा डा एनीगदेदेन छ्याम हरूप तसे आतसे थार्बा पिन्बा समाचाररी स्थान्दो म्हिगदेसे विश्वास लगै भिसी एनीगदे सेम गिक तसी टिक्सी दुख लबान गे लबा मुला भिबा ताम डाइ थेःम्याङ्गै। २८ ओच्छे बिरोध लबा म्हिगदे मराड्सी एनीगदे थालोङ्गो। चु थनीगदेला लागिरी चा नाश तबाला चिनु हिन्ना। तर एनीगदेला लागिरी चा थार्बा याड्बला भिसी मराड्बा चिनु हिन्ना। थार्बा याड्बा चा परमेश्वरग्यामनोन हिन्ना।

२९ एनीगदेदा पिन्बा मौका खरीष्टदा विश्वास लबा जे आहिन, तर खरीष्टला लागिरी दुख नाबारीनोन हिन्ना। ३० डाइ डाच्छा नाबा दुख एनीगदेस मराडबा मुबा, थं दुख डाइ दान्देनोन नाबान मुला भिसी एनीगदेस थं:बा मुला। चुनोन दुख एनीगदेसनोन नाबान मुला।^d

२ एतिग खरीष्टदन छुयाम गिक तबास लमा एनीगदेस आँट याडबा मुला? ओच्छे तिग थंला मायास एनीगदेस हरो याडबा मुला? तिग परमेश्वरला आत्मादेन छुयाम संगती लबा मुला? तिग एनीगदेस हराड हराड न्हडरी समहेन्सन दया लबा मुला? २थहरड भिसम एनीगदे जम्मान सेम गिक तसी हराड हराड न्हडरी माया लउ, ओच्छे टिक्सी छुयाम छुयामनोन गे लसी डादा ताडना लउ। ३ओच्छे हराडला जे ग्याम च्यासी गे लबादेन हराड जे घरेन भिसी थाम्हेन्गो। तर हराड भन्दा स्थान्दोदा घरेन म्हन्सी सोजो तसी चिउ। ४ एनीगदे जम्मासेन हराडदा जे ज्यबा तगे भिसी थाम्हेन्गो। तर स्थान्दोदा एनोन ज्यबा तगे भिसी म्हन्गो।

५ एनीगदेस खरीष्ट येशूला हरडबान सेम थोगा।

६ येशू खरीष्ट डाच्छे हेन्सेन परमेश्वर मुबा। तसेनोन थं परमेश्वर दोबारी आम्हाइनी।

७ बरु स्वर्गरी मुबा हराडला जम्मान स्हे ख्तासी म्हे दोसी जम्बुलिडरी केजी।

ओच्छे नोकर हरडबान दोजी।

८ थं हराडनोन म्हे दोसी फखसेनोन सोजो तसी परमेश्वरसे कुल्बा ताम इयान्सी कूरसरी सिबारीनोन तयार तजी।

९ थंतबासेलमा परमेश्वरसे थंदा जम्मान भन्दा घरेन स्हासी

जम्मान स्हेगदला भन्दा घरेन मिन थान्जी।

१० थंतबासेलमा स्वर्गदेन जम्बुलिड ओच्छे जम्बुलिड धिरी मुबा

जम्मासेन येशूदा मान लबारी पुइ जूतो:ला।

११ थंहरड लसीन परमेश्वर आबाला मानदेन जयजयकार लबाला लागिरी

जम्मासेन येशू खरीष्टनोन परभु हिन्ना भिसी पाडतो:ला।^e

नाडसलसे हरड लसी थ्हाल तना लउ

१२ डाला सेम निबा हरोगदे, डा एनीगदेदेन छुयाम मुबा धुइरी एनीगदेस डाइ पाडबा ताम इयान्मुबा। दान्दे डा एनीगदेदेन छुयाम आरमा झन डाइ पाडबा ताम इयान्बा चा घरेन ताम हिन्ना। परमेश्वर मराडसी लोडगो ओच्छे थंदा मान लसी एनीगदेस याडबा थार्या अन्छारला गे लउ। १३ तिगदा भिसम परमेश्वरसे एनीगदेदा थंसे कुल्बा ताम इयान्बा सेमदेन थंदा ताडना लबा शक्ति पिन्सी एनीगदेला गुडरी गे लबान मुला।

१४ थंतबासेलमा गनगनदेन कल आलना जम्मान गे टिक्सी लउ। १५ थंहरड लजी भिसम एनीगदे पापीदेन न्होडबा म्हेगदला गुडरी चोखोदेन तिगे दोष आरबा म्हे तसी परमेश्वरला सन्तान दोला। ओच्छे सारसे मुरी थ्हाल तना लबा हरड लसी एनीगदेसे जम्बुलिडरी थ्हाल थ्हाल तना लला। १६ एनीगदेसे थंनीगदेदा थार्या पिन्बा खरीष्टला समाचार थं:ना लजी भिसम खरीष्ट फखबा धुइरी डाइ दुख लसी लबा गे खरोरी आनिनी भिसी डा ल्हानान ताडम्याडला। १७ ओच्छे एनीगदेला विश्वासग्याम एनीगदेला ल्हुइ परमेश्वरदा फुल्बा बलि हरडबान दोबा मुला। डाला ल्हुइ एनोन एनीगदेला ल्हुइदेन छुयाम बलि हरड लसी फुल्तो:सेनोन डा ताडला। ओच्छे एनीगदे जम्मानदेन छुयाम डा समहेन्सेन ताडला। १८ थंहरड लसीन एनीगदे ताडगो, ओच्छे डादा एनोन ताडना लउ।

तिमोथीदेन इपाफरोडिटस

१९ डाइ तिमोथीदा एनीगदे मुबा ग्लारी योनान पुइखला भिसी परभु येशूथारी आश लबा मुला। चुहरड लसी थंग्याम एनीगदेला बाररी था याडसी डा ताडम्याडला। २० तिमोथीसे हरड लसी एनीगदेदा समहेन्सेन वास्ता लबा म्हे डादेन छुयाम स्थान्दो खाले आरे। २१ तिगदा भिसम स्थान्दोगदेस चा येशू खरीष्टला तामदा तिगे वास्ता आलना हराडला जे ग्याम च्यासी भरमुला। २२ तर तिमोथी साहरडबा म्हे हिन्ना भिबा ताम एनीगदेदा थानोन मुला। तिगदा भिसम झासे आबादा साहरड लसी हरो लमुला थंहरड लसीन थंसे डादा थार्या पिन्बा समाचार थं:ना लबारी हरो लबा मुला। २३ थंतबासेलमा

डादा तिग तबा चीम, थे ताम था याङ्गमैछ्याम डाइ थेदा एनीगदे मुबा ग्लारी पुइखबा सम मुला। २४ ओच्छे डाएनोन योनान खम्याङला भिसी परमुथारीन भर लबा मुला।

२५ एनीगदेस डादा हरो लबाला लागिरी पुइखबा परभुरी डाला आले, डादेन छ्याम द्विकसी परभुला गे लबा ओच्छे डादा हरो लबा खरीष्टला सिपाही इपाफरोडिटसदा एनीगदे मुबा ग्लारी पुइखनोन तोःला भिसी डाइ म्हन्बा मुला। २६ तिगदा भिसम थेसनोन एनीगदे जम्मानदेन छ्याम हरुप तबारी ल्हानान सम लबा मुला। थे आसम्बा मुला भिबा ताम एनीगदेस थेःबासे लमा थेदा ल्हानान सुर्दा तबा मुला। २७ हिन्ना, थे ल्हानान आसम्ना सिबारीन छ्याइमुबा तर परमेश्वरसे थेदा दया लजी। थेदा जे आहिन, डादाएनोन दुखथारी झन दुख थातगे भिसी परमेश्वरसे दया लजी। २८ थेतबासेलमा थेदा एनीगदे मुबा ग्लारी पुइखबारी डाइ ल्हानान सम लबा मुला। तिगदा भिसम थेदा दोःसी मराङ्गमाहेन्से एनीगदे ताङ्गला ओच्छे डाला सुर्दाएनोन म्हाला। २९ एनीगदेस थेदा परभुरी आले हरङ्गबान म्हन्सी समहेन्सेन ताङ्गसी माया लउ। चुहरङ्गबा म्हिगदेदा चा मान लनोन तोःला। ३० तिगदा भिसम एनीगदेस डादा लतोःबा हरो लबाला लागिरी हराङ्गला ज्यान्ना तिगे वास्ता आलना खरीष्टला गे लबाला लागिरी थे सिबारीन तयार तजी।

ल्हुइरी भर थालउ

३१ दाहेन्से ज्योज्यो आले नाना आडागदे, प्रभुदेन गिक तबासे लमा एनीगदे ताङ्गो। एनीगदेला लागिरी ताम गिकनोन धरिधरि भिरतोःसे डा छेर्बा आरे। तिगदा भिसम चु एनीगदेलान विश्वास जोगब लबाला लागिरी हिन्ना।

३२ नइबा गे लबा नगी म्हहरङ्गबा म्हिगदे मराङ्गसी होशियार तसी चिउ। थेनीगदेसे खतना लतोःला भिसी पाङ्गसी भरमुला। ३३ य्हाङ्गसे मी परमेश्वरदा आत्माग्याम तेन्बा मुला। ओच्छे खरीष्ट येशूदेन छ्याम गिक तसी ताङ्गबा मुला। य्हाङ्गसे लबा पक्का खतना चा चुनोन हिन्ना। थेतबासेलमा य्हाङ्ग म्हिगदेला गेथारी

भर लबा म्हि आहिन। ३४ थेहरङ्गबा म्हिगदेला गेथारी भर लबा म्हि हिन्सम स्थान्दोसे भन्दा डाइ ल्हानान भर लखम्सेला मुबा। ३५ तिगदा भिसम डा इसराएल य्हुलला बेन्यामीन वंशरी न्हा म्हे हिन्ना। न्हेसी भरःर तमाकुनु डाला खतना तबा हिन्ना। डा हिबेरुगदेलाएनोन हिबेरु हिन्ना, ओच्छे परमेश्वरसे माशादा पिन्बा ठिम ड्यान्बा फरिसीएनोन हिन्ना। ३६ यहूदी धर्मलान ताम लबा हिन्सम डाइ हराङ्गला धमेदा जोगब लबारी मण्डलीदा गात ल्हानान दुख पिन्जी। ओच्छे ठिम अन्ध्जार भरसी परमेश्वरदा सम निबा म्हि दोबा हिन्सम डा तिगे दोष आरेबा म्हि हिन्ना।^१

३७ तर थे धुइरी डाइ लबा जम्मान गेगदेदेन म्हन्बा तामगदे डाला लागिरी ज्यवान हिन्ना भिसी म्हन्बा मुबा। दान्दे थे जम्मान गदेन म्हन्बा तामगदे खरीष्टला लागिरी तिगे गे आसेल्बा चीम भिसी डाइ था याङ्गजी। ३८ चुदे जे आहिन, डाइ खरीष्ट येशूदा डाला परभु भिसी डोसबा ज्ञान बुद्धिला डाच्छा मी थे जम्मान स्हे तिगे गे आसेल्बा चीम भिसी डाइ म्हन्बा मुला। खरीष्ट येशूदा अझ ज्यना लसी डोसखमो भिसी डाइ थे जम्मान स्हेदा नइबा गे आसेल्बा स्हे म्हन्सी खरीष्टला लागिरी ख्तासी जिन्बा मुला। ३९ डा खरीष्टदेन छ्याम गिक तगे भिसी डाइ म्हन्बा मुला। ओच्छे डा परमेश्वरदा सम निबा म्हि दोबा चा डाइ ठिम ड्यान्सी डा हराङ्गनोन परमेश्वरदा सम निबा म्हि दोबा आहिन। तर खरीष्टदा विश्वास लबासे लमा परमेश्वरदा सम निबा म्हि दोबा हिन्ना। डाला विश्वासदा च्यासी परमेश्वरसे डादा हराङ्गदा सम निबा म्हि स्होबा हिन्ना। ४० डाइ खरीष्टदा पुरान डोससी थेदा सिबाग्याम सोना लबा शक्तिदा था याङ्गखमो, ओच्छे थे सिबा धुइरी थेसे नाबा हरङ्गबान दुख डाइ नाबारी खमो। ४१ थेहरङ्ग लसीन तजी भिसम सिबाग्याम दोःसी सोखमो भिसी डाइ म्हन्बा मुला।

याङ्गतोःबा स्हे याङ्गबारी भङ लउ

४२ डाइ जम्मान ताम याङ्गसी पुरान पाको म्हि दोबा मुला भिसी पाङ्गबारी छ्याइबा आहिन। तर चु जम्मान ताम याङ्गबाला लागिरी डाइ अझ

३३:२ यहूदीगदेसे अर्गु य्हुलला म्हिदा “नगी” भिसी पाङ्गमुबा तर पावलसे चुरी यहूदीगदेदा “नगी” भिसी पाङ्गबा हिन्ना। तिगदा भिसम थेनीगदेला गे आज्यबा मुबा।

भङ्ग लबान मुला। तिग्दा भिसम खरीष्ट येशूसे चुलान लागिरी डादा डाच्छान धम्बा मुला। १३ ज्योज्यो आले नाना आडागदे, चु जम्मान तामगदे याङ्गी जिन्जी भिसी डाइ म्हन्बा आरं। तर गे गिक चा डाइ लबा मुला। थ गे चा तिग हिन्ना भिसम डाच्छाला तामगदेदा म्दःसी लिच्छाला तामगदेदा जे च्यासी डा भूखान मुला। १४ परमेश्वरसे खरीष्ट येशूग्याम जुकजुकधोनाला जुनी पिन्बारी डादा डाइडावा हिन्ना। स्वर्गला चु इनाम याङ्बाला लागिरी डाइ भङ्ग लबान मुला।

१५ य्हाङ्ग आत्मारी पाको तबागदे जम्मासेन चुहरङ्गबान सेम थोतोःला। एनीगदेसे कोइ कोइ तामला बाररी चा अर्गु सेम थोबा मुसम परमेश्वरसे एनीगदेदा धोना लला। १६ ओच्छे य्हाङ्गसे जुन ताम याङ्बा मुला, थ तामरीन भरइ।

१७ ज्योज्यो आले नाना आडागदे, एनीगदेसेनोन डाइ लबा हरङ्गनोन लउ। ओच्छे डन्से लबा हरङ्गबान गे लसी भरबा म्हिगदेदा च्यासी थनीगदेसे लबा हरङ्गबान गे लउ। १८ खरीष्टसे करुसरी सिसी तिग लजी भिसी भरबा म्हिगदला बाररी डाइ एनीगदेदा ल्हानान रम पाङ्गी जिन्बा मुला। दान्देनोन डाइ डाला मी नाङ्ग मीख्नी थोसी एनीगदेदा पाङ्बा मुला। १९ थनीगदे नाश तसी म्हासी निला। तिग्दा भिसम थनीगदला ल्हुइसे तिग म्हाइबा थदान ल भिसी तन्मुला। ओच्छे पःबा खबा तामरीनोन थनीगदे ताङ्बा चीम। थनीगदला सेमएनोन चुनोन जम्बुलिङ्गला तामगदेरी जे मुला। २० तर य्हाङ्ग मी स्वर्गला म्हि हिन्ना। थार्बा पिन्बा य्हाङ्गला परमु येशू खरीष्ट स्वर्गग्याम फस्सला भिसी य्हाङ्गसे ग्याम च्यासी चिबा मुला। २१ खरीष्ट येशूसे जम्मान स्हेदा हराङ्गला तहरी भवा शक्तिग्याम य्हाङ्गला कमजोर ल्हुइदा थला हरङ्गबान य्हाल य्हाल्वादेन शक्तिशाली ल्हुइ स्होला।

४ थेतबासेलमा डाला ज्योज्यो आले नाना आडागदे, एनीगदेदा डाइ माया लसी ल्हानान ढन्बा मुला। एनीगदेसे लमान डा ल्हानान ताङ्ग्याङ्गबा मुला, ओच्छे डाइ याङ्गबा इनाम भिबान एनीगदे हिन्ना। थेतबासेलमा डाला हरोगदे, एनीगदे सदन चुहरङ्ग लसीन परभुदेन छ्याम गिक तसी चिउ।

आँट पिन्बा ताम

२ इयोदियादेन सुन्तुसे, एनीगदे परभुदेन गिक तबासे लमा हराङ्ग हराङ्ग न्हङ्गरी दिक्सी चिउ भिबा डाला बिन्ती मुला। ३ डाला विश्वास लखम्बा हरो, एदा डाइ चु ताम पाङ्गला, चु मिरङ्ग्मगदेदा एसे हरो लसी पिन्गो। तिग्दा भिसम थनीगदेसे डादेन छ्याम थार्बा पिन्बा समाचार थःना लबा गे लबा मुला। डादेन छ्याम जे आहिन, क्लेमसे भिबा म्हिदेन डाला अर्गु हरोगदेदेन छ्यामएनोन थनीगदेसे दिक्सी गे लबा मुला। परमेश्वरसे थनीगदे जम्मानान मिन जुकजुकधोनाला जुनी पिन्बारी हराङ्गला किताबरी भिरसी थान्बा मुला।

४ ओच्छे परभुदेन गिक तबासे लमा एनीगदे ताङ्गो, डाइ दोःसीनोन पाङ्गला एनीगदे सदन ताङ्गो। ५ एनीगदला सोजो बानीबहोर जम्मान म्हिगदेसे था याङ्गो। तिग्दा भिसम परभु फस्ससी जिन्बा मुला। ६ एनीगदेसे तिगे तामरी सुर्दा थालउ। तर जम्मान तामला लागिरी परार्थना लबान धन्यवाद पिन्सी परमेश्वरदेन छ्याम बिन्ती लउ। ७ म्हिसे था आयाङ्गबा परमेश्वरसे पिन्बा शान्तिसे एनीगदे जम्मानान म्हन्बा तामदेन सेमदा खरीष्ट येशूदेन छ्याम गिक स्होसी जोगब लसी थान्ना।

८ दाहन्से ज्योज्यो आले नाना आडागदे, एनीगदेसे जुन ताम सत्य मुला, जुन ताम मान याङ्गबा खाल्ला मुला, जुन ताम ठीक मुला, जुन ताम चोखो मुला, जुन ताम ताङ्गबा खाल्ला मुला, जुन ताम दिक्बा मुला ओच्छे जुन ताम जम्मादान सेम निबा खाल्ला मुला थनोन तामरी सेम लउ। ९ एनीगदेसे जुन ताम डाग्याम लोप्नी, जुन ताम डाग्याम याङ्गो, जुन ताम थःजी ओच्छे जुन ताम मराङ्गो, थनोन ताम अन्धार भरउ। चुहरङ्ग लजी भिसम शान्ति पिन्बा परमेश्वर एनीगदेदेन छ्याम तला।

भेटीला लागिरी धन्यवाद

१० एनीगदेसे ल्हानान धिन लिच्छा डादा दोःसी ढन्बासे लमा डा परभुदेन छ्याम ल्हानान ताङ्गबा मुला। डाला लागिरी एनीगदेसे ल्हानान सुर्दा लबा मुबा। तर एनीगदेसे डादा पिन्बारी मौका आयाङ्गो। ११ डादा खोचो तजी भिसी पाङ्गबा आहिन। तिग्दा भिसम जस्तोन धुइरी

सन्तोक लसी चितोःमुला भिसी डादा था मुला ।
 १२ ओच्छे खाँचो तसे आतसे खाहरङ्क लसी
 भरतोःला भिसी डादा था मुला । थहरङ्क लसीन
 चम्याङ्कसे चआम्याङ्कसे, ल्हाना मुसे च्याङ्कना
 मुसे जस्तोन धुइरी सन्तोक लसी चितोःमुला
 भिसी डादा था मुला । १३ खरीष्टस पिन्बा
 शक्तिग्यामनोन डाइ चु जम्मान ताम लबारी
 खम्ता ।

१४ तसेनोन एनीगदेसे डादा दुखरी हरो लसी
 ज्यबा लजी । १५ डाच्छा डाइ एनीगदेदा थार्षा
 पिन्बा समाचार थेःना लसी माकडोनिया भिबा
 ग्लाग्याम निबारी छ्याइमाएनोन चुहरङ्क लसी
 किन्बा पिन्बा गे लबा चा एनीगदे फिलिप्पीला
 म्हिगदे बाहेक अर्गु खजिबै मण्डली आरमुबा । थे
 ताम एनीगदेदा थानोन मुला । १६ थहरङ्क लसीन
 डा थेसलोनिके भिबा ग्लारी मुबा धुइरीनोन
 एनीगदेसे ल्हानान रेम चुहरङ्क लसीन डादा हरो
 लमुबा । १७ डाइ चु ताम पाङ्कसी एनीगदेग्याम
 भेटी किन्बारी म्हाइबा आहिन । तर एनीगदेसे
 डादा लबा हरोग्याम परमेश्वरसे मोलम पिन्गो
 भिबा डाला आश मुला ।

१८ एनीगदेसे इपाफरोडिटसदा पुइखबा
 भेटीग्याम डादा तोःतधोना छयोबा मुला । थे
 भेटी चा परमेश्वरदा सम निबा बास्ना खबा
 बलि दोबा मुला । थे मराङ्कसी परमेश्वर ल्हानान
 ताङ्कबा मुला । १९ खरीष्ट येशूग्याम डाला
 परमेश्वरसे हराङ्कला शक्तिग्याम ताङ्कसी
 ताङ्कसी एनीगदेदा तोःबा जम्मान स्हगदे थला
 सम्पत्तिग्याम पिन्ना । २० य्हाङ्कला परमेश्वर
 आबाला सदन मानदेन जयजयकार तगे । आमेन ।

चिठीला थुमरी भिरबा ताम

२१ खरीष्ट येशूदेन छ्याम गिक तसी चिबा
 परमेश्वरला जम्मान म्हिगदेदा फ्याफुल्ला ।
 चुरी डादेन छ्याम मुबा ज्योज्यो आले नाना
 आडागदेसेनोन एनीगदेदा फ्याफुल्ला मुला ।
 २२ परमेश्वरला म्हिगदेसे ओच्छे खास लसी
 रोमी ग्याल्बो कैसरला गे लबा म्हिगदेसेनोन
 एनीगदेदा फ्याफुल्ला भिसी पाङ्कबा मुला ।

२३ परभु येशू खरीष्टला दयामाया एनीगदेदेन
 छ्याम तगे ।

पावलसे कलस्सीला
विश्वासीगदेदा भिरबा चिठी
चु चिठीला बाररी पाड्तोःमा

भिरबा म्हिः येशूला मुल चेला पावलसे भिरबा मुबा। चु चिठी भिरबाला लागिरी पावलदा तिमोथी भिबा म्हिसे हरो लबा मुबा (कलस्सी १:१)।

भिरबा ग्लाः रोम शहरला झ्याल्खानग्याम भिरबा मुबा।

भिरबा सालः ओस्पन ईश्वी संवत् ६१-६३ (विक्रम संवत् ११८-१२०) सालला गुडरी भिरबा मुबा।

साल्दा भिरबाः कलस्सी शहररी मुबा विश्वासीगदेदा भिरबा मुबा।

कलस्सी भिबा शहर एफिसस भिबा शहरला स्यारपट्टि परब तबा एशिया अञ्चलला शहर गिक मुबा। चु मण्डली पावलसे शुरु लबा मण्डली चा आहिन, तसेनोन चु शहर थे बास चिबा ग्लाला डामरीन मुबासे लमा डाइ हरो लतोःला भिसी थेसे म्हन्बा मुबा। चु मण्डलीरी परभुला गे लबाला लागिरी पावलसे एफिसस शहरग्याम म्हिगदे पुइबा मुबा। कलस्सीला मण्डलीरी लुसीला ताम लोन्बा म्हिगदेसे परमेश्वरदा डोसंबाला लागिरीदेन थार्बा याड्बाला लागिरी स्थान्दा आत्मादेन शक्तिगदेदा तेन्तोःला भिसी पाड्मुबा। चु ताम पावलदाएनोन था मुबा। चु तामगद बाहक थे लुसीला ताम लोन्बा म्हिगदेसे खतना लतोःला, ओच्छे चबा थुड्बादेन अर्गु तामगदेलाएनोन ठिम अन्ध्जार लतोःला भिसी लोप्मुबा।

पावलसे कलस्सीला विश्वासीगदेदा थेहरड्बा लुसीला तामला बिरोध चा सत्य विश्वासग्याम लतोःला भिसी चिठी भिरबा मुबा। थेसे भिरबा चु चिठीला मुल ताम चा येशू खरीष्टसे पुरान थार्ना लखम्ता, ओच्छे अर्गु तामदेन ठिमसे चा म्हिगदेदा खरीष्टग्याम थारड तना लमुला। परमेश्वरसे जम्बुलिडला म्हिगदे येशूग्यामसेन स्होजी ओच्छे येशूग्यामनोन थनीगदेदा हराड मुबा ग्लारी भजी। थेतबासलमा येशू खरीष्टग्याम जे जम्बुलिडला जम्मान म्हिगदेसे थार्बा याड्बाला। ओच्छे पावलसे जम्मान विश्वासीगदेदा विश्वासी भरबाला लागिरी तोःबा जम्मान तामगदे धोना लबा मुला।

चु चिठी तुखिकस भिबा म्हिसे कलस्सी शहररी भोर्सी निबा मुबा। ओच्छे थदेन छयाम फिलमोनना नोकर आनिसिमसेएनोन निबा मुबा। थला लागिरी पावलसे फिलमोनदा चिठीएनोन भिरबा मुबा।

मुल तामगद

फ्याफुल्बादेन परार्थना १:१-१४

खरीष्ट जम्मान भन्दा धरन १:१५-२:१९

खरीष्टदेन छयाम गिक तसी याड्बा छार जुनी २:२०-४:६

चिठीला थुमरी भिरबा ताम ४:१७-१८

पावलसे कलस्सीला
विश्वासीगदेदा भिरबा चिठी

१-२लास्सो, कलस्सेरी मुबा परमेश्वरला म्हिगदेदा परमेश्वरसे हराडला समाचार थेःना लबारी धम्बा डा खरीष्ट येशूला मुल चेला पावलदेन व्हाडला आले तिमोथीग्याम फ्याफुल्ता! थेरी मुबा परमेश्वरला म्हिगदे खरीष्टदेन छयाम गिक तबा विश्वासी ज्योज्या आले नाना आडागदेदा व्हाडला परमेश्वर आबादेन खरीष्ट परभुग्याम दयामायादेन शान्ति तगे।

धन्यवादेन परार्थना

३डन्से एनीगदेला लागिरी परार्थना लबा धुइरी व्हाडला परभु येशू खरीष्टला आबा परमेश्वरदा सदन धन्यवाद पिन्बा मुला। ४तिगदा भिसम एनीगदेसे खरीष्ट येशूदा विश्वास लबा तामदेन परमेश्वरला जम्मान म्हिगदे न्हडरी माया लसी दिक्सी चिबा मुला भिबा ताम डन्से थेःबा मुला। ५परमेश्वरसे स्वर्गरी एनीगदेला लागिरी जुकजुकधोनाला जुनी थान्बा मुला भिसी एनीगदेसे आश लबा मुला। थेतबासलमा एनीगदे चुहरड लसी विश्वास लसी हराड हराड न्हडरी माया लसी दिक्सी चिबा हिन्ना। एनीगदेसे लबा आशला तामला बाररी एनीगदेसे डाच्छान थार्बा पिन्बा समाचार सत्य बचनग्याम थेःबा मुला। ६चुनोन थार्बा पिन्बा समाचार थेःसी, परमेश्वरला दयामायाला बाररी सत्य ताम ज्यना लसी धोमाकुनुहेन्से एनीगदे न्हडरी खरीष्टदा विश्वास लबा म्हिगदे बढब तबा मुला। थेहरड लसीन जम्बुलिडला जम्मान ग्लारी थार्बा पिन्बा समाचार थेःसी खरीष्टदा

विश्वास लबा म्हिगदे बढब तवान मुला। ७ चु थार्वी पिन्बा समाचार एनीगदेस डन्स माया लबा हरो इपाफरासग्यामसेन था याडसी जिन्बा मुला। थ डन्देन छ्यामनोन दिवसी गे लमुला। थतबासलमा डन्ना साटारी थस एनीगदेला गुडरीनोन समहेन्सेन खरीष्टला गे लबा विश्वास लखम्बा म्हि हिन्ना। ८ ओच्छे परमेश्वरला आत्माग्याम एनीगदेस हराड हराड न्हडरी लबा मायाला बाररी थसे डन्दा पाडबा मुला।

९ थतबासलमा चु ताम थःमाकुनुहेन्से डन्स एनीगदेला लागिरी परार्थना लबारी ख्ताबा आर। परमेश्वरला आत्मासे पिन्बा ज्ञान बुदधिग्याम एनीगदेस तिग लगे भिसी परमेश्वरसे म्हन्बा मुला, थ जम्मान ताम ज्यना लसी घोबारी ख्मौ भिसी बिन्ती लबा मुला। १० थहरड लसीन एनीगदेस परमुदा सम निबा बानीबहार थोसी सदन ज्यबा गे लखम्बौ। एनीगदेला थहरडबा गग्याम परभु ताडगे। ओच्छे परमेश्वरला बाररी झन ज्यना लसी घोखम्बौ। ११ एनीगदेदा जस्तोन दुख तसैनोन ताडसी ताडसी नाबाला लागिरी परमेश्वरला घरेन शक्ति याडसी भडसी चिड। १२ परमेश्वरसे य्हाल य्हाल्बा य्हुत्सारी चिबा हराडला म्हिगदेदा पिन्बा हक एनीगदेदाएनोन पिन्बा मुला। थतबासलमा थहरडबा हक पिन्बा परमेश्वर आबादा सदन धन्यवाद पिन्ना। १३ थनोन परमेश्वरसे य्हाडदा शेतानना धोपधोन्बा य्हुत्साग्याम फेसी हराडसेन माया लबा झा खरीष्टला य्हुत्सारी भसी थान्जी। १४ खरीष्टसेन य्हाडला पापला दोष मटब लसी य्हाडदा पापग्याम फेबा मुला।^k

जम्मान भन्दा घरेन खरीष्टनोन हिन्ना

१५ खालेसेन मराडआखम्बा परमेश्वरला रुप खरीष्टनोन हिन्ना। थ परमेश्वरसे स्होबा जम्मान स्हे भन्दा डाच्छाहेन्सेन मुबा। थतबासलमा परमेश्वरसे स्होबा जम्मान स्हे भन्दा घरेन खरीष्टनोन हिन्ना। १६ तिगदा भिसम स्वर्गदेन जम्बुलिडरी मुबा मराडखम्बा मराडआखम्बा जम्मान स्हेगदे, ग्लेगदे मुसै, य्हुत्सागदे मुसै, शासन लबागदे मुसै, अधिकार याडबागदे मुसै परमेश्वरसे खरीष्टग्याम स्होबा हिन्ना। ओच्छे परमेश्वरसे चु जम्मान

खरीष्टलान लागिरी स्होबा हिन्ना। १७ जम्मान स्हे स्होबा भन्दा डाच्छाहेन्सेन खरीष्ट मुबा। थतबासलमा जम्मान स्हेगदे खरीष्ट येशुरीन छ्याबा मुला। १८ खरीष्ट हराडला ल्हुइ मणडलीला थोबो हिन्ना। ओच्छे ल्हुइला मुल हरडबा जम्मान स्हेला मुल थनोन हिन्ना। थहरड लसीन सिबागदे न्हडग्याम जम्मान भन्दा डाच्छा सोबाएनोन खरीष्टनोन हिन्ना। थतबासलमा जम्मान स्हेगदे भन्दा घरेन खरीष्टनोन हिन्ना। १९ परमेश्वरसे म्हन्बा अन्धार परमेश्वर हराडनोन थेला झा खरीष्ट न्हडरी तसी धन्छ्याबा मुला। २० हराडला झा खरीष्ट करुसरी सिसी बगब लबा काग्यामसेन परमेश्वरसे स्वर्गदेन जम्बुलिडरी मुबा जम्मान स्हेदा शान्ति पिन्जी। ओच्छे खरीष्टग्यामसे जम्मान स्हेदा हराडलान स्होजी।^m

२१ डाच्छा एनीगदेला पापी समदेन पाप गेसे लमा एनीगदे परमेश्वरला शतरु मुबा। थतबासलमान थ धुइरी एनीगदे परमेश्वरग्याम थारड मुबा। २२ तर दान्दे परमेश्वरसे म्हन्बा अन्धार परमेश्वरला झा म्हि दोसी सिजी। चुग्यामसेन परमेश्वरसे एनीगदेदा हराडला हरोदेन तिगे दोष आरबा चोखो म्हि स्होसी हराडला डामरी भबारी हिन्ना। २३ थतबासलमा एनीगदेस लबा विश्वास आख्खलाना विश्वासरी कोडसी चिड। ओच्छे एनीगदेस थार्वी पिन्बा समाचार थःबा धुइरी याडबा आशदा थाम्नेःगो। तिगदा भिसम चु समाचार जम्बुलिडला जम्मासेन थःसी जिन्बा मुला। थतबासलमा डा पावलएनोन चुनोन समाचार थःना लबा म्हि दोबा मुला।

मणडलीला लागिरी पावलसे लबा गे

२४ दान्दे एनीगदेला लागिरी दुख नातोःसै डा ताडबा मुला। तिगदा भिसम डाइ खरीष्टसे नाबा हरडबा दुख अझ नातोःसेला मुला। थतबासलमा थेला ल्हुइ मणडलीला लागिरी डाइ नातोःबा जम्मान दुख नाला। २५ परमेश्वरसे थेला मणडलीरी गे लबा जिम्मा डादा पिन्बा मुला। डादा पिन्बा जिम्मा चा एनीगदेला लागिरी परमेश्वरला समाचार पूरान थःना लबा हिन्ना। २६ चु दडबोहेन्सेन खालेसे घोबारी आखम्बा परमेश्वरला समला ताम हिन्ना। तर दान्दे चु परमेश्वरसेन हराडला

म्हिगदेदा घोना लबा मुला। २७ म्हिसे था आयाड्बा परमेश्वरला समला ताम अर्गु य्हलला म्हिगदला लागिरी गात उदेकला मुबा भिबा ताम घोना लबारी थनीगदेदा धम्बा हिन्ना। थ परमेश्वरला समला ताम चा एनीगदला समरी मुबा खरीष्ट हिन्ना। ओच्छे एनीगदेस परमेश्वरदेन छ्यामनोन चिम्याङ्गला भिसी लबा आश हिन्ना।

२८ थतबासलमा डन्से जम्मान म्हिगदेदा खरीष्टला बारी पाड्बा मुला। ओच्छे खरीष्टदेन छ्याम गिक तबागदेदा पाको म्हि स्हासी परमेश्वरला डामरी भार्बाला लागिरी थनीगदेदा डन्ना ज्ञान बुदधिसे सन्तधोना लोप्सी होशियार तना लबा मुला। २९ चुला लागिरी डा न्हडरी मुबा खरीष्टला धरन शक्तिग्याम डाइ दुस लसी चु गे लबा हिन्ना।

१ एनीगदेदेन लाउडिकिया भिबा शहररी २ मुबा विश्वासीगदला लागिरी ओच्छे डादेन छ्याम हरुप आतबा म्हिगदला लागिरी डाइ गात दुस लसी गे लबा मुला भिबा ताम एनीगदेसे था याड्गै। २ डाइ चुहरड लसी गे लबा चा एनीगदेसे आँट याड्सी हराड हराड न्हडरी माया लसी दिक्सी चिसमौ भिसी हिन्ना। ओच्छे एनीगदेसे परमेश्वरला बचन पूरान घासी परमेश्वरला समला ताम खरीष्टदा ज्यना लसी डोसगे, घोगे भिसी एनोन हिन्ना। ३ य्हाड्दा आरनान आतबा परमेश्वरला ज्ञान बुदधि खरीष्टदेन छ्याम जे मुला। ४ थतबासलमा खालैसन एनीगदेदा लुसीला ताम लोप्सी झुक्याब लबारी थासमौ भिसी चु ताम डाइ एनीगदेदा पाड्बा हिन्ना। ५ डा ल्हुइरी एनीगदेदेन छ्याम आरसे डाला सम मी सदन एनीगदेदेन छ्यामनोन मुला। ओच्छे एनीगदला बानीबहारदेन खरीष्टदा लबा विश्वासरी एनीगदे कोड्सी चिबा मराड्सी डा ल्हानान ताड्बा मुला।

थार्बा पिन्बा खरीष्टनोन हिन्ना

६ थतबासलमा एनीगदेसे खरीष्ट येशूदा परमु भिसी विश्वास लबासे लमा सदन खरीष्टदेन छ्याम गिक तसी भरउ। ७ डाच्छा एनीगदेदा लोप्बा अन्धार विश्वासरी अझ कोड्बान निउ। थहरड लसीन खरीष्टदा लबा विश्वासरी याड्योड आतना खरीष्टदेन छ्याम गिक

तसी विश्वासरी बढब तबान निउ। ओच्छे परमेश्वरदा सदन धन्यवाद पिन्गो।

८ च्यागो, एनीगदेदा खालै म्हिसे थनीगदे हराड हराडसे म्हनसी लोप्बा गे आसलबा लुसीला ताम लोप्सी फसब थालगै। तिगदा भिसम चु जम्मान ताम जम्बुलिङ्गदेन मुरी मुबा म्हुड म्हुड, ल लुग्याम खबा ताम हिन्ना। तर खरीष्टग्याम खबा आहिन।

१ खरीष्ट म्हि दोसी फ्रक्सै थनोन परमेश्वर हिन्ना। १० एनीगदे खरीष्टरी गिक तबास लमा एनीगदेसे पूरा थार्बा याड्बा मुला। ओच्छे जम्मान शक्तिगदेदेन अधिकार याड्बागदेथारी शासन लबा एनोन खरीष्टनोन हिन्ना। ११ खरीष्ट येशूदेन छ्याम गिक तबास लमा एनीगदे सतना लबा म्हि हरड्बान दोबा मुला। तर यहदीगदला ठिम अन्धार एनीगदला ल्हुइला तिगे स्हे थासी आहिन। तर खरीष्ट येशूसे एनीगदला पापी बानीबहार भ्याड्सी सतना लबा हिन्ना। १२ तिगदा भिसम बप्तिस्मा किन्मा एनीगदे खरीष्टदेन छ्यामनोन ल्हुवा मुबा। ओच्छे परमेश्वरला शक्तिसे खरीष्टदा सिबाग्याम सोना लबा हिन्ना, थनोन शक्तिथारी विश्वास लबासे लमा एनीगदेदा एनोन खरीष्टदेन छ्यामनोन सोना लबा मुला। १३ डाच्छा एनीगदे हराड्गला पापदेन पापी बानीबहार आख्ताबास लमा एनीगदे सिबा तबान मुबा। तर दान्दे परमेश्वरसे य्हाड् जम्मालान पाप माफ लसी खरीष्टदेन छ्यामनोन सोना लबा मुला। १४ य्हाङ्गला आज्यबा गेसे लमा परमेश्वरसे माशादा पिन्बा ठिम अन्धार याड्तोःबा सजायदा परमेश्वरसे करुसरी खिल ठोक्सी नाश लजी। १५ चुहरड लसी खरीष्ट करुसरी सिसी जम्मान शक्तिगदेदेन अधिकार याड्बागदेदा भरना लजी। ओच्छे थनीगदेदा जम्मालान ओन्ध्याडरी पेःना लजी।

१६ थतबासलमा एनीगदेदा खालै म्हिसे तिग चबा थुड्बा लबा चीम, साहरड्बा साहरड्बा चाड धड्बा चीम, औसी धड्बा चीम कि धड्बा चीम ओच्छे ब्रतप्बा न्हा धिन धड्बा चीम कि धड्बा चीम भिसी दोष थालगै। १७ चु जम्मान ठिमगदे चा सत्य तामला चिनु जे हिन्ना। थ सत्य ताम भिबा चा खरीष्टनोन हिन्ना। १८ एनीगदेदा खालैसे लुसीला ताम

लोप्सी फसब थालगै। तिग्दा भिसम थहरडबा म्हिगदसे एनीगदेदा फसब लबारी य्हाड तिगै आहिन, य्हाडसे स्वर्गदूतगदेदा तेन्तोःला भिसी लोप्मुला। चु जम्मान ताम इन्दा परमेश्वरसे उन्बा हिन्ना भिसी थनीगदसे पाडसेनोन थन्ना समरी म्हन्सी लोप्बा ताम जे हिन्ना। थतबासलमा एनीगदसे थनीगदला ताम इयान्जी भिसम एनीगदसे याडतोःबा इनाम आयाड। थनीगदसे हराडला समरी म्हन्सी लोप्बा तामरी घमण्ड लसी भरमुला। तर थनीगदसे घमण्ड लतोःबा ताम तिगै आं। ११ थहरडबा म्हिगदे चा हराडला ल्हुइला थोबा हरडबा खरीष्टदेन छुयाम आचिना, फसी चिमुला। खरीष्टदेन छुयाम गिक तसी चिजी भिसम जे य्हाडला ल्हुइला जोर्नी जोर्नीरी भड वाडसी परमेश्वरसे म्हन्बा अन्छार य्हाड ल्हेबान निला।^१

२० एनीगदे खरीष्टदेन छुयामनोन सिसी जम्बुलिडदेन मुरी शासन लबा म्हड म्हडदेन ल लुग्याम फसी जिन्बा मुला। चुदे एनीगदे फसी जिन्बा हिन्सम जम्बुलिडरी चिबा हरड लसी थहरडबा ठिमदा तिग्दा ख्लाबारी आसम्बा? ओच्छे अझ तिग्दा थहरडबा ठिमला लिच्छा भरबा? २१ ओच्छे अझ तिग्दा चु लबारी आत, चु चबारी आत, चु थुबारी आत भिसी पाडसी भरबा? २२ चु जम्मान तामगदे चा य्हाडसे लना लनान म्हासी निबा ताम हिन्ना। तिग्दा भिसम चु तामगदे चा म्हिगदसे स्थान्दो म्हिदा कुल्बारीदेन लोप्बारी स्हाबा ठिम जे हिन्ना। २३ थहरडबा रिमठिम तेन्बा म्हिगदसे चा “डनी धर्म कर्म लबा सोजो म्हि हिन्ना” भिसी ल्हानान सेबा दोसी हराडला ल्हुइदा दुख पिन्मुला। तर थनीगदसे हराडला पापी सेमदा चा तहरी थान्बारी आसम्मुला।

परमेश्वरदा सेम निबा बानीबहार

३ १ एनीगदे खरीष्टदेन छुयामनोन सिबाग्याम सोबा मुला। थतबासलमा स्वर्गरी मुबा स्हगदे म्हाइगो। थेनोन स्वर्गरी परमेश्वरला दाहिन छुयापट्टि मुल ठिरी खरीष्ट धन्छुयामुला। २ एनीगदसे जम्बुलिडरी

मुबा तामगदेला बारी आहिन तर स्वर्गरी मुबा तामगदेला बारी म्हन्गो। ३ तिग्दा भिसम एनीगदे खरीष्टदेन छुयामनोन सिबा मुला। ओच्छे एनीगदला जुनी खरीष्टदेन छुयाम परमेश्वर मुबा ग्लारी थान्बा मुला। ४ ओच्छे एनीगदला जुनी खरीष्टनोन हिन्ना। थतबासलमा खरीष्ट दोःसी फसबबा धुइरी थला घरेन य्हालदेन शक्तिरी एनीगदेनोन थदेन छुयामनोन तला।

५ थतबासलमा एनीगदसे जम्बुलिडरी लबा आज्यबा बानीबहार ख्लागो। थहरडबा आज्यबा बानीबहार भिबा चा स्थान्दोदेन छुयाम बरल्सी भरबा, स्थान्दोदेन छुयाम बरल्बा सेम लबा, पापी सेम थोबा, आज्यबा ताम म्हन्बादेन लोभ लबा हिन्ना। लोभ लबा चा मूर्तिदा परमेश्वर भिसी तेन्बा हिन्ना। ६ थहरडबा गेगदसे लमान परमेश्वर थनीगदे मराडसी बोमो खबा मुला ओच्छे परमेश्वरसे कुल्बा ताम आइयान्बा ७ थहरडबा म्हिगदेदा थसे सजाय पिन्ना। ७ डाच्छा मी एनीगदेनोन थहरडबा तामला लिच्छा भरमुबा।

८ तर दाहेन्से एनीगदसे म्हिदा बोमो लबा, म्हिदा बिरोध लबा, स्थान्दोला बेइज्जत लबा, नइबा ताम लबा चु जम्मान आज्यबा ताम ख्लागो। ९ ओच्छे खालेदेन एनीगदसे लुसीला ताम थालउ। तिग्दा भिसम एनीगदसे डाच्छाला जम्मान आज्यबा बानीबहार ख्लासी जिन्बा मुला। १० दाहेन्से परमेश्वरसे एनीगदेदा छार जुनी पिन्बास लमा एनीगदसे परमेश्वरदा ज्यना लसी डोसगे भिसी अझन परमेश्वरसे एनीगदेदा हराड हरडबान स्हाबान मुला। ११ छार म्हि दामाहेन्से अर्गु य्हुलला म्हि मुसे, यहूदी मुसे, खतना लसे आलसे, पढब लबारी आससे, बानीबहार आरसे नोकर मुसे मालिक मुसे तिगै घरेन ताम आहिन। तर खरीष्टसे जम्मानथारी शासन लबादेन खरीष्ट य्हाड जम्मानदेन छुयाम तबा चा घरेन ताम हिन्ना।

१२ हराडलान म्हिगदे स्हाबारी परमेश्वरसे माया लसी एनीगदेदा धम्बा हिन्ना। थतबासलमा एनीगदे सेमहेन्सेन दया लबा, दुख नासम्बादेन घरेन म्हि आदोना सोजो म्हि

११३ :६ परमेश्वरसे कुल्बा ताम आइयान्बागदेदा भिबा ताम चा कोइ ग्रीक बाइबलरी मुला कोइ ग्रीक बाइबलरी आर।

दोसी भरउ। १३ ओच्छे एनीगदे हराड हराड न्हडरी सम नासी चिउ। खालेसे एनीगदेदा बिरोध लसम परभुसे एनीगदेदा माफ लबा हरड लसी थनीगदेदा एनोन माफ लउ। १४ चु जम्मान तामगदे भन्दा धरन चा एनीगदे न्हडरी लबा माया हिन्ना। तिग्दा भिसम जम्मान स्हेदा गिक स्हाबा चा माया हिन्ना। १५ ओच्छे खरीष्टसे पिन्बा शान्तिस एनीगदेला सम न्हडरी सदन गे लगे। चुनोन शान्तिला लागिरी परमेश्वरसे एनीगदेदा खरीष्टग्याम ल्हुइ गिक हरडबान स्होसी ड्योडबा हिन्ना। ओच्छे सदन परमेश्वरदा धन्यवाद पिन्ना। १६ एनीगदेला सम सदन खरीष्टला बचनेस प्लिङ्गी गिकसेम गिकदा हराडला जम्मान ज्ञान बुदधिस लोपो। ओच्छे परमेश्वरला आत्मासे पिन्बा व्हाइ समहेन्से गोसी परमेश्वरदा धन्यवाद पिन्ना। १७ एनीगदेसे खजिबे गेदेन ताम लसे परभु येशूला मिनग्यामसेन लउ। ओच्छे परभु येशूग्यामसेन परमेश्वर आबादा धन्यवाद पिन्ना। x

खरीष्टदा विश्वास लबागदेसे लतोःबा ताम

१८ जम्मान मिरडम्हेमगदे हराड हराडला हरम्बोला तहरी चिउ। तिग्दा भिसम चु परभुदा सम निबा ताम हिन्ना। १९ ओच्छे जम्मान हरम्फेबगदेसेनोन हराड हराडला मिरडदा आज्यबा व्यवहार आलना माया लउ। z

२० कोलागदे, एनीगदेसे हराडला आबा आमासे कुल्बा जम्मान ताम ड्यान्गो। चुहरड लसम परमेश्वर ताडला। a

२१ थहरड लसीन आबागदेसेनोन हराड हराडला कोलागदेदा बोमो खना थालउ। बोमो खना लजी भिसम थनीगदेला सम स्हु खला। b

२२ नोकरगदे, एनीगदेसे जम्बुलिङरी मुबा हराड हराडला मालिकगदेदा ताडना लबारी थनीगदेला डाच्छा जे गे लबा आहिन। तर परभुदा मान लबा हरड लसी एनीगदेला मालिकदा एनोन मान लउ। ओच्छे एनीगदेसे सदन थनीगदेसे कुल्बा ताम ड्यान्गो। ओच्छे हराडला समहेन्से गे लउ। २३ ओच्छे एनीगदेसे जुन गे लसे म्हेला लागिरी गे लबा हरड लसी आहिन, तर परभुला लागिरी गे लबा हरड

लसी समहेन्सेन झन्सी गे लउ। २४ तिग्दा भिसम परभुसे हराडला म्हेगदेदा इनाम पिन्ना भिसी लबा कबुल एनीगदेदा थानोन मुला। ओच्छे एनीगदेसे तेन्बा परभु चा खरीष्ट जे हिन्ना। २५ जुन म्हेसे आज्यबा गे लला थसे लबा आज्यबा गेला सजाय याङ्गोन याडला। तिग्दा भिसम परमेश्वरसे खालेला ली आच्याना निसाफ लला। d

१ मालिकगदे, एनीगदेसेनोन हराडला नोकरगदे न्हडरी खालेला ली आच्याना ज्यना लउ। ओच्छे एनीगदेसेनोन हराडला मालिक स्वर्गरी मुला भिबा ताम थाम्तेःगो। e

खरीष्टियानगदेसे लतोःबा ताम

२ एनीगदे सदन परमेश्वरदा धन्यवाद पिन्बान झन्सी परार्थना लसी चिउ। ३ एनीगदेसे परार्थना लबा धुइरी अझ खरीष्टला बाररी परमेश्वरला समरी मुबा ताम म्हेगदेदा थेःना लबारी परमेश्वरसेन ग्याम स्होसी पिन्गे भिसी डन्ना लागिरी परार्थना लसी पिन्गे। खरीष्टला समाचार थेःना लबासे लमान दान्दे डा झ्याल्खानरी परब तबा हिन्ना। ४ ओच्छे डाइ घोना लतोःबा चु ताम ज्यना लसी घोना लबारी खमो।

५ खरीष्टदा विश्वास आलबा म्हेदेन होस लसी ज्यबा व्यवहार लउ। ओच्छे एनीगदेसे याडबा खजिबे मौका स्यानी थालउ। ६ थतबासलमा एनीगदेसे पाडबा ताम म्हेगदेदा ड्यान्गो म्हेन्बा खाल्ला तगे। ओच्छे म्हेगदेदेन छुयाम ताम लमा साहरड लसी जोहाब पिन्तोःला भिसी घोउ।

७ डन्से माया लबा आले तुखिकसेन एनीगदेदा डाला बाररी जम्मान ताम पाडला। थ एनोन डन्देन छुयामनोन परभुला गे लबा विश्वास लखम्बा म्हे हिन्ना। ८ डाइ थदा एनीगदे मुबा ग्लारी पुइखबा चा थसे डन्ना बाररी पाडसी एनीगदेसे आँट याङ्गे भिसी हिन्ना। ९ थदेन छुयाम ओनेसिमसे एनोन खबान मुला। डन्से विश्वास लखम्बा सम निबा आले ओनेसिमसे चा एनीगदेतान म्हे हिन्ना।

१३ :३२ एफि ४ :२ १३ :३३ एफि ४ :३२ १३ :१७ एफि ५ :१९-२० १३ :१८ एफि ५ :२२ ; १ पतरु
३ :१ १३ :१९ एफि ५ :२५ ; १ पतरु ३ :७ १३ :२० एफि ६ :१ १३ :२१ एफि ६ :४
१३ :२२ एफि ६ :५-८ १३ :२५ व्यव १० :१७ ; एफि ६ :९ १४ :१ एफि ६ :९
१४ :५ एफि ५ :१६ १४ :७ मुल २० :४ ; २ तिमो ४ :१२ १४ :८ एफि ६ :२१-२२

एनीगदेदा डन्ना बाररी थेन्से जम्मान ताम पाङ्गला।ⁱ

१० डादेन छ्यामनोन झ्याल्खानरी मुबा हरो आरिस्तार्खससे एनीगदेदा फ्याफुल्ला भिसी पाङ्गला मुला। ओच्छे बारनाबासला कोन मर्कूससेनोन एनीगदेदा फ्याफुल्ला भिसी पाङ्गला मुला। मर्कूस एनीगदे मुबा ग्लारी खर्जी भिसम एनीगदेसे थदा मान लतोःला भिबा ताम था याङ्गसी जिन्बा मुला। ११ युस्तस भिबा येशूसेनोन एनीगदेदा फ्याफुल्ला भिसी पाङ्गला मुला। यहूदी विश्वासीगदे न्हङ्गला चु सोमसे जे परमेश्वरला यहुत्साला समाचार थेःना लबारी डादेन छ्याम गे लबा मुला। चु सोमसे लमान डाइ ल्हानान मङ्ग याङ्गला मुला।

१२ थेहरङ्ग लसीन परभु खरीष्ट येशूला गे लबा एनीगदेदान आले इपाफ्राससेनोन एनीगदेदा फ्याफुल्ला भिसी पाङ्गला मुला। एनीगदेसे परमेश्वरसे म्हेन्बा जम्मान ताम घोसी विश्वासी पाकोदेन दुक्क तसी चिबारी खम्गे भिसी थेसे सदन एनीगदेला लागिरी परार्थना लबा मुला। १३ थेसे लाउडिकिया भिबा शहरदेन

हिरापोलिस भिबा शहररी मुबागदेला लागिरी ओच्छे एनीगदेला लागिरी ल्हानान दुख लसी गे लबा मुला भिबा ताम डाइ मराङ्गला मुला।

१४ थेहरङ्ग लसी डन्ना सम निबा आले डाक्टर लुकादेन डेमाससेनोन एनीगदेदा फ्याफुल्ला भिसी पाङ्गला मुला। १५ लाउडिकिया भिबा शहरला विश्वासी ज्याज्या आले नाना आडागदेदेन नुम्फास भिबा मिरडम्हेमदा ओच्छे थला दिमरी मुबा मण्डलीदाएनोन डाइ फ्याफुल्ला मुला भिसी पाङ्गसी पिन्गो।

१६ चु चिठी एनीगदेसे पदब लसी जिन्माहेन्से लाउडिकिया भिबा शहररी मुबा मण्डलीदाएनोन पदब लपुङ्गो। ओच्छे लाउडिकियारी डाइ पुइबा चिठीएनोन एनीगदेसे पदब लउ। १७ ओच्छे “परभुसे एदा पिन्बा गे पूरा लनोन तोःला” भिसी अखिप्पसदा पाङ्गो।^m

१८ एनीगदे जम्मादान फ्याफुल्ला भिसी डा पावलसेन भिरबा हिन्ना। ओच्छे डा झ्याल्खानरी मुला भिबा ताम एनीगदेसे थाम्लेःगो। एनीगदेदेन छ्याम परमेश्वरला दयामाया सदन तगे।

i १: १ फिले १०-१२ j ४: १० मुल १९: २९; २७: २; फिले २४; मुल १२: १२, २५; १३: ३३; १५: ३७-३९
k ४: १२ कल १: ७; फिले २३ l ४: १४ २ तिमो ४: १०, ११; फिले २४ m ४: १७ फिले २

पावलसे थसलोनिकेला विश्वासीगदेदा
भिरबा डाच्छारमला चिठी

चु चिठीला बाररी पाडतो:मा

भिरबा म्हिः येशूला मुल चेला पावलसे भिरबा मुबा । चु चिठी भिरबाला लागिरी पावलदा सिलासदन तिमोथी भिबा म्हिःस हरो लबा मुबा (१ थसलोनिक १:१) ।

भिरबा गला : कोरिन्थ शहररी भिरबा मुबा । भिरबा साल: ओस्पन ईश्वी संवत ५० (विकरम संवत १०७) सालरी भिरबा मुबा । बाइबलला ल्हाना हरड्बा विद्वानगदस पावलसे भिरबा चिठीगद न्हडला चु जम्मान मन्दा डाच्छा भिरबा चिठी हिन्ना भिसी पाडमुला ।

साल्दा भिरबा : थसलोनिक शहररी मुबा विश्वासीगदेदा भिरबा मुबा ।

थसलोनिके भिबा शहर रोम यहुल्सारी परब तबा माकडोनिया भिबा अञ्चलला ग्लेखाड मुबा । पावल फिलिप्पी शहरग्याम चु शहररी निजी, ओच्छे थाबा पिन्बा समाचार थे:ना लसी मण्डली शुरु लजी (मुल चेला १७:१०) । तर थे शहररी यहूदीगदसे तिगे धिन लिच्छा पावलदा बिरोध लजी । यहूदी धर्म सम निबा अर्गु यहुलला म्हिगदसे पावलसे थे:ना लबा थाबा पिन्बा समाचारी विश्वास लबा मराडसी थे यहूदीगदसे पावलदा बिरोध लजी । थे यहूदीगदसे ल्हानान बिरोध लबास लमा पावल थसलोनिक शहरग्याम बरिया भिबा शहररी निजी । लिच्छा पावल कोरिन्थ शहरग्याम घोसमा थेदेन छुयामनोन परमुला गे लबा तिमोथीग्याम थसलोनिक शहररी मुबा मण्डलीला बाररी थे:जी ।

चु डाच्छारमला चिठी पावलसे थसलोनिक शहररी मुबा विश्वास लबा म्हिगदेदा आँट पिन्बारीदेन तिगे ताम लोप्बाला लागिरी भिरबा मुबा । ओच्छे थनीगदसे लबा विश्वासदेन मायाला बाररी थे:सी पावलसे परमेश्वरदा धन्यवाद पिन्जी । पावलसे हराड थनीगदेदेन छुयाम मुबा धुइरी हराड साहरड लसी चिबा मुबा थे ताम ढन्ना लबा मुला ।

जमाहेन्से पावलसे खरीष्ट दो:सी फेखबाला बाररी मण्डली न्हडरी थोन्बा तामगदेला जोहाब चुहरड लसी पिन्बा मुला । तिग खरीष्ट दो:सी फेखबा मन्दा डाच्छान

सिबा विश्वासीगदसे खरीष्ट दो:सी फेखमा याड्बा जुकजुकघोनाला जुनी याड्ला ? खरीष्ट दो:सी खाइमा फेखला ? चुनोन धुइरी पावलसे थनीगदेदा खरीष्ट दो:सी फेखला भिसी मरान्सी चिमा तिगे तामरी आकोल्ला कुटिसी खरीष्टला गे लबान निड भिसी पाड्बा मुला ।

मुल तामगद

फयाफुल्बा १:१

पावलसे परमेश्वरदा धन्यवाद पिन्बादेन जयजयकार लबा १:२-१०

थसलोनिकेरी पावलसे लबा गे २:१-३:१३

खरीष्टदा विश्वास लबागदेला बानीबेहोर ४:१-१२

खरीष्ट दो:सी फेखबाला बाररी घोना लबा

४:१३-५:११

चिठीला थुमरी भिरबा ताम ५:१२-२८

पावलसे थसलोनिकेला विश्वासीगदेदा
भिरबा डाच्छारमला चिठी

१ लास्सो थसलोनिकेरी मुबा जम्मान १ विश्वासीगदेदा डा पावलदेन सिलास ओच्छे तिमोथीग्याम फयाफुल्ला ! एनीगदे जम्मासेन परमेश्वर आबादेन परमु येशू खरीष्टग्याम दयामायादेन शान्ति याडगे ।¹¹

थसलोनिकेला म्हिगदसे लबा विश्वास

२ ङन्से परार्थना लबा धुइरी सदन एनीगदेदा ढन्सी परमेश्वरदा धन्यवाद पिन्बा मुला । ३ एनीगदसे विश्वास लमाहेन्से गाते ज्यबा गे लबा मुला । हराड हराड न्हडरी गिकसम गिकदा माया लसी गाते दुख लसी गे लबा मुला । ओच्छे य्हाडला परमु येशू खरीष्ट फेखला भिसी एनीगदसे लबा आश साहरड्बा कोड्बा मुला । चु जम्मान ताम ङन्से य्हाडला परमेश्वर आबाला डाच्छा ढन्बा मुला ।

४ ज्योज्यो आले नाना आडा, परमेश्वरसे माया लसी एनीगदेदा धम्बा मुबा भिसी ङन्दा था मुला । ५ ओच्छे ङन्से एनीगदेदा थे:ना लबा परमेश्वरला यहुल्साला समाचार ताम जे आहिन । तर परमेश्वरला आत्मादेन शक्तिग्याम ङन्सेनोन समहेन्से घोसी विश्वास लबा सत्य ताम मुबा । ओच्छे ङनी एनीगदेदेन छुयाम चिबा धुइरी एनीगदेला

लागिरी डनी साहरडबा मुबा मिबा ताम एनीगदेदा थानोन मुला। ६ एनीगदे परभु येशूदेन डनी हरडबान दोबा मुला। तिगदा भिसम म्हिगदसे जस्तोन दुख पिन्सेनोन एनीगदे परमेश्वरला आत्माग्याम ताडसी ताडसी परमेश्वरला बचनरी विश्वास लजी। ७ थतबासलमा एनीगदे मांकडोनियादेन असेया मिबा अञ्चलरी मुबा जम्मान विश्वासीगदला गुडरी ज्यबा म्हि दोबा मुला। ८ तिगदा भिसम एनीगदेग्याम परमेश्वरला बचन मांकडोनियादेन असेया मिबा अञ्चलरी जे थेःना लबा आहिन। तर एनीगदेसे परमेश्वरदा विश्वास लबा ताम जम्मान ग्लारी थेःबा मुला। थतबासलमा दाहेन्से डन्से पाडतोःबा अर्गु ताम तिगै आरे। ९ तिगदा भिसम डनी एनीगदे मुबा ग्लारी समा एनीगदेसे डन्दा साहरड लसी मान लबा मुला। ओच्छे छोनोदेन सत्य परमेश्वरला गे लबारी मूर्तिगदेदा तेन्बा ख्लासी एनीगदे परमेश्वरपट्टि दोःजी मिबा ताम म्हिगदसेन पाडला। १० थहरड लसीन एनीगदेसे परमेश्वरला झा येशू स्वर्गग्याम फखला भिसी भरान्सी चिबा मुला। थदा परमेश्वरसेन सिबाग्याम सोना लबा मुबा। ओच्छे थसेन य्हाडदा पापला सजायग्याम थाना लला मिबा तामएनोन थनीगदेसेन पाडला।

पावलसे थसलानिके मिबा ग्लारी लबा गे

१ च्यागो आलेगदे, डनी एनीगदे मुबा ग्लारी
२ सबा ल्हानान ज्यबा तजी मिबा एनीगदेदा थानोन मुला। २ थहरड लसीन डाच्छा डन्से फिलिपी मिबा शहररी दुखदेन म्हिला हला नाजी मिबा तामएनोन एनीगदेदा था मुला। तर डन्दा बिरोध लबागदे ल्हानान मुसेनोन परमेश्वरला य्हुत्साला समाचार थेःना लबारी परमेश्वरसे डन्दा आँट पिन्जी। ३ तिगदा भिसम डन्से लोप्रा तामगदे लुसीला तामएनोन आहिन्बा मुबा। ओच्छे नडबा तामदेन एनीगदेदा जाल लसी लोप्रा तामएनोन आहिन्बा मुबा। ४ तर परमेश्वरसे डन्दा च्यासीन थारबा पिन्बा समाचार थेःना लबा जिम्मा डन्दा पिन्बा हिन्ना। थतबासलमा म्हिदा ताडना लबारी आहिन तर य्हाडला सेमला ताम था याडबा परमेश्वरदा ताडना लबारी म्हिगदेदा थेःना लबा हिन्ना। ५ एनीगदेदाएनोन चु ताम थानोन

मुला डन्से एनीगदेदेन छ्याम तिगै चिप्ले तामएनोन आलनी ओच्छे तिगै याडला भिसी लोभएनोन आलनी। चु ताम परमेश्वरदान था मुला।

६-७ डनी खरीष्टला मुल चेला तबासे लमा एनीगदेथारी अधिकार लखम्सला मुबा। तसेनोन डन्से एनीगदेदेन य्हुन्दा खाले म्हिगदसे डन्दा ज्यबा म्हि भिगे भिसी आम्लाडनी। तर हराडला कोलागदेदा सयार लबा आमासे हरड लसी डन्से एनीगदेदा माया लजी। ८ च्यागो आलेगदे, एनीगदेला मायासे लमा डन्से एनीगदेदा परमेश्वरला य्हुत्साला समाचार जे आहिन, तर डन्ना ज्यानएनोन एनीगदेला लागिरी पिन्बारी डनी तयार मुबा। तिगदा भिसम डन्से एनीगदेदा ल्हानान माया लमुबा। ९ ज्योज्यो आले नाना आडागदेदा थानोन मुला। डन्से परमेश्वरला य्हुत्साला समाचार थेःना लबा धुडरी खालेदा दुख आपिन्गे भिसी धिन म्हुननोन दुख लसी गे लबा मुबा।

१० विश्वासीगदेला गुडरी डन्से लबा गे परमेश्वरदा सेम निबादेन चोखो ओच्छे तिगै दोष आरेबा मुबा। चु ताम एनीगदेदेन परमेश्वरदान था मुला। ११ ओच्छे आबासे हराडला झा झामेदेन छ्याम लबा हरडबान व्यवहार लसी डन्से एनीगदेदा परमेश्वरदा सेम निबा ग्यामरी भरबाला लागिरी आँट पिन्जी मिबा ताम एनीगदेदा थानोन मुला। १२ थतबासलमा एनीगदेला चालचलन परमेश्वरसे म्हुन्बा अन्धार तगे। तिगदा भिसम परमेश्वरसे एनीगदेदा थला य्हुत्सा, शक्तिदेन य्हालरी ड्योडबा मुला।

१३ डन्से एनीगदेदा थेःना लबा बचनदा म्हिगदेला बचन आहिन तर परमेश्वरलान बचन हिन्ना भिसी विश्वास लजी। थनोन परमेश्वरला बचनसे एनीगदे न्हडरी गे लबान मुला। थतबासलमा चुलान लागिरी डन्से सदन परमेश्वरदा धन्यवाद पिन्बा मुला। १४ तिगदा भिसम एनीगदेएनोन खरीष्ट येशूदा विश्वास लबा यहूदिया अञ्चलरी मुबा परमेश्वरला मण्डलीगदे हरडबान दोबा मुला। ओच्छे यहूदिया अञ्चलरी मुबा म्हिगदसे हराडलान म्हे यहूदीगदेग्याम दुख नाबा हरड लसी एनीगदेसेनोन हराडलान म्हिगदेग्याम दुख नाबा मुला। १५ चुनोन यहूदीगदेसे परभु येशू

सुरीष्टदेन अगमवक्तागदेदा साइजी, ओच्छे
इन्दाएनोन दुख पिन्जी, ओच्छे परमेश्वरदा
बोमो खना लबादेन जम्मान म्हिगदेदा
बिरोध लबा मुला। १६ ओच्छे अर्गु य्हलला
म्हिगदेस थाबा याङ्गे भिसी थःना लबा ताम
यहूदीगदेस इन्दा थःना लआपुङ्गी। थहरङ्
लसी यहूदीगदेस पापथारी इन पाप लजी।
थेतबासलमा परमेश्वरस यहूदीगदेदा सजाय
पिन्बा मुला।

पावलसे थसलोनिकेरी मुबा म्हिगदेदा
स्याप्वारी ल्हानान सम लबा

१७ य्हाङ् ज्योज्यो आले नाना आडा न्हङरी
तिगै धिनना लागिरी फेसे य्हाङ्गला सेम फबा
आरे। थेतबासलमा दोःसी एनीगदेदेन छ्याम
हरूप तबा सेम इन्दा ल्हानान मुला। १८ एनीगदे
मुबा ग्लारी इनी खबारी म्हाइमुबा। ओच्छे
डा पावल एनीगदे मुबा ग्लारी ल्हानान रेम
खबारी म्हाइमुबा। तर इनी खबारी म्हाइमा
सदन शैतानसे ग्याम काजी। १९ य्हाङ्गला परभु
येशू सुरीष्ट फखबा धुइरी थला डाच्छा
इन्से लबा आशदेन ताङ्गतोःबा ताम एनीगदेन
आहिन? हिन्ना। २० इन्से याङ्गतोःबा मानदेन
इनी ताङ्गतोःबा ताम भिबान एनीगदे हिन्ना।

तिमोथीदा थसलोनिकेरी पुइबा

३ थेतबासलमा एनीगदेग्याम फेसी चिबारी
इन्ना समस आङ्यान्नी। ओच्छे इनी चा
एथन्स भिबा ग्लारीन चिबारी ज्यबा छोसी
थेरीन चिजी। २१ तर तिमोथीदा चा एनीगदे मुबा
ग्लारी पुइखबा मुला। तिगदा भिसम थसन
एनीगदेदा विश्वासरी कोङ्गना लबारी आँट
पिन्ना। य्हाङ्गला आले तिमोथी चा सुरीष्टला
समाचार थःना लबा इन्देन छ्यामनोन
परमेश्वरला गे लबा म्हि हिन्ना। २२ धुइला
दुखसे लमा एनीगदे खालेनोन याङ्गोङ् थातगै
भिसी इन्से म्हन्बा मुबा। य्हाङ्गला सोतेधोना दुख
मी खनोन खला भिबा ताम एनीगदेसनोन घोसी
जिन्बा मुला। ४ तिगदा भिसम इनी एनीगदेदेन
छ्याम मुबा धुइरीन य्हाङ्गसे दुख नातोःला
भिसी इन्से डाच्छान पाङ्गबा मुबा। इन्से
पाङ्गबा हरङ् तनोन तजी, थे एनीगदेदाएनोन
थानोन मुला। ५ थेतबासलमा डाइ नाआखम्ना

एनीगदेला विश्वास साहरङ्गबा चीम भिसी
घोबाला लागिरी डाइ एनीगदे मुबा ग्लारी
तिमोथीदा पुइखबा मुला। तिगदा भिसम
एनीगदेदा खाले म्हिसे लोभ उन्सी फसब लसी
इन्से लबा गेगदे गे आखलबा तना लजी वा
भिसी डा लोङ्गबा मुबा। ६ तर दान्द तिमोथी
एनीगदे मुबाग्याम इनी मुबा ग्लारी खसी
एनीगदेस परमेश्वरदा लबा विश्वासदेन हराङ्
हराङ् न्हङरी माया लसी दिक्सी चिमुला भिबा
ज्यबा समाचार इन्दा पाङ्गजी। ओच्छे इन्से
एनीगदेदेन छ्याम हरूप तबारी म्हाइबा हरङ्
एनीगदेसएनोन इन्दा ल्हानान इन्सी सदन
हरूप तबारी म्हाइबा मुला भिबा तामएनोन
पाङ्गजी। ७ थेतबासलमा ज्योज्यो आले नाना
आडा, इन्दा दुख तसी सुर्दा तबा धुइरीनोन
एनीगदेस लबा विश्वासला बारेरी थःसी इनी
ताङ्गबा मुला। ८ तिगदा भिसम एनीगदे परभुरी
कोङ्गसी चिबा मुला भिबा थःसी इनी ल्हानान
ताङ्गबा मुला

१ एनीगदेस लमा इनी परमेश्वरला डाच्छा
ल्हानान ताङ्गम्याङ्गबा मुला। चुला लागिरी
इन्से परमेश्वरदा जतिन धन्यवाद पिन्से
आछ्यो। १० एनीगदेला विश्वास अङ्ग कोङ्गना
लबा सेम लसी दोःसी एनीगदेदेन छ्याम हरूप
तम्याङ्गे भिसी इन्से धिन म्हुननोन इन्सी
परार्थना लबा मुला।

११ दाहेन्से य्हाङ्गला परमेश्वर आबादेन
परभु येशूसन इनी एनीगदे मुबा ग्लारी
खबाला लागिरी ग्याम स्हासी पिन्गे। १२ इन्से
एनीगदेदा माया लबा हरङ् लसी एनीगदेस
हराङ् हराङ् न्हङरी लबा मायादेन जम्मान
म्हिगदेदा लबा मायादा परभुसेन ल्हानान
ल्हेना लगे। १३ य्हाङ्गला परभु येशू हराङ्गला
म्हिगदेदेन छ्याम दोःसी फखबा धुइरी
परमेश्वरसेन एनीगदेला सेमरी भङ् पिन्सी
थला डाच्छापट्टि तिगै दोष आरेबादेन चोखो
म्हि स्हगे।

परमेश्वरदा सम निबा गे लउ

४ दाहेन्से एनीगदे परभु येशूला म्हि तबासे
लमा परमेश्वरदा ताङ्गना लबारी साहरङ्ग
लसी भरतोःला भिबा ताम इन्से लोप्सी जिन्बा
मुला। ओच्छे एनीगदेसे इन्से लोप्बा हरङ्गनोन

लवान मुला। थेतबासलमा ज्योज्यो आले नाना आडागदे, अझ एनीगदेसे थहरडबा ज्यबा गे लवान निउ भिबा डन्ना बिन्ती मुला। २तिगदा भिसम डन्से परभु येशूग्याम एनीगदेदा तिग तिग ताम कुल्बा मुबा थ ताम एनीगदेदा थानोन मुला। ३एनीगदे चोखो म्हि दोगे भिसी परमश्वरसे म्हन्बा मुला। थेतबासलमा एनीगदेसे स्थान्दोदेन छ्याम बरल्सी भरबा तामरी संगतनोन थालउ। ४एनीगदेसे हराडसे हराडलान ल्हुइदा तहरी थान्बारी लोपो भिसी परमश्वरसे म्हन्बा मुला। ओच्छे स्थान्दो म्हिगदेग्याम मान लबाला लागिरी एनीगदेसे हराडला ल्हुइदा चोखो थान्गो। ५ओच्छे एनीगदेसे परमश्वरदा डोआसबा म्हिगदेसे हरड लसी खाल्दमनदेन छ्याम बरल्बा सम थालउ। ६चु तामरी आज्यबा गे लसी विश्वासी ज्योज्यो आले नाना आडागदे न्हडरी खालेसे खालेदान न्होडना थालगै। च्यागो, चुहरडबा गे लजी भिसम परभुसेन सजाय पिन्ना भिसी डन्से एनीगदेदा डाच्छान घोना लसी जिन्बा मुला। ७तिगदा भिसम परमश्वरसे थ्याडदा चुहरडबा नडबा गे लबारी आहिन, तर तिगे दाष ओरबा चोखो म्हि दोसी भरबाला लागिरी ड्योडबा हिन्ना। ८थेतबासलमा जुन म्हिसे चु तामदा वास्ता आल थसे म्हिदा आहिन, तर एनीगदेदा हराडलान आत्मा पिन्बा परमश्वरदा वास्ता आलबा हिन्ना।

१विश्वास लबा ज्योज्यो आले नाना आडागदा खाहरड लसी माया लतोःला भिबा ताम डन्से एनीगदेदा पाडआतोः। तिगदा भिसम चु ताम एनीगदेदा परमश्वरसेन लोप्सी जिन्बा मुला। १०ओच्छे थेनोन अन्धार एनीगदेसे माकेडानिया भिबा अञ्चलरी मुबा जम्मान विश्वासीगदेदा ल्हानान माया लबा मुला। थेतबासलमा ज्योज्यो आले नाना आडागदे, थहरड लसीन एनीगदे हराड हराड न्हडरी अझ माया लसी चिउ भिबा डन्ना अर्ती मुला।

११डाच्छा डन्से एनीगदेदा लोप्बा तामरी ढुकक तसी हराड हराडला गे सम लसी लवान ढिकसी चिउ। १२चुहरड लसम एनीगदेदा म्हिगदेसेनोन मान लला। ओच्छे एनीगदेदा खोचो तबा धुडरी स्थान्दो म्हिला भर लआतोः।

परभु दोःसी फेखबा

१३ज्योज्यो आले नाना आडागदे, एनीगदेसे सिबा विश्वासीगदेला बाररी था याडगे भिबा डन्से म्हन्बा मुला। थेतबासलमा आशनोन ओरबा म्हिगदे हरड लसी एनीगदे सुदा थालउ। १४तिगदा भिसम येशू सिबाग्याम दोःसी सोजी भिसी थ्याडसे विश्वास लबा मुला। थहरड लसीन सिबा विश्वासीगदेदा परमश्वरसेन येशूग्याम दोःसी सोना लसी थेदेन छ्यामनोन भला भिसीएनोन थ्याडसे विश्वास लबा मुला। १५परभुसे सुडबा हरड डन्से पाडबा ताम ड्यान्गो, परभु दोःसी फेखबा धुडरी थ्याड सोबागदे तिगे लसीन सिबा विश्वासीगदे भन्दा डाच्छा तआसम। १६तिगदा भिसम परभु हराडनोन घरेन काडरी कुल्बान मुल स्वर्गदूतला काडेदेन परमश्वरला बिगुलला काडरी स्वर्गग्याम फेखला। थेनोन धुडरी खरीष्टदा विश्वास लसी सिबागदे चा डाच्छान सोला। १७जमाहेन्से थ्याड सोबागदे मुरी हरूप तबारी थेनीगदेदेन छ्यामनोन खसुरी थोसी भोर्ला। ओच्छे थ्याड सदनना लागिरी परभुदेन छ्यामनोन चिला। १८थेतबासलमा चु तामग्याम गिकसे स्थान्दोदा ओट पिन्गो।

१तर ज्योज्यो आले नाना आडागदे, चु २ ताम खाइमा तला भिसी एनीगदेला लागिरी तिगे भिरतोःबा ओर। २तिगदा भिसम परभु फेखबा धुडरी म्हुनड थ्यो खबा हरड लसी फेखला भिबा ताम एनीगदेदा थानोन मुला। ३थ धुडरी म्हिगदेसे “थ्याडदा शान्ति मुला तिगे लाडबा डाबा ओर भिसी भिला।” थेनोन धुडरी मिरडम्हेमदा कोला न्हा धुडरी बेथा याडबा हरड थेनीगदे तिकखुरीन नाश तला। जमाहेन्से थेनीगदे थहरडबा आपत विपतग्याम तिगे लसीन स्योर आम्याड। ४तर ज्योज्यो आले नाना आडागदे, एनीगदे धोपधोपरी ओर। थेतबासलमा एनीगदेला लागिरी परभु फेखबा धुडरी थ्यो खबा हरडबा आत। ५तिगदा भिसम एनीगदे जम्मान धोपधोपदेन म्हुनड भरबा म्हिला सन्तान आहिन, तर थ्यालदेन धिनीरी भरबा म्हिला सन्तान हिन्ना। ६थेतबासलमा थ्याड स्थान्दो म्हिगदे हरड लसी म्हर्बारी आत। तर होशियार तसी छ्यासी चितोःला। ७तिगदा भिसम म्हर्बागदे म्हुनडनोन म्हर्ला

ओच्छे थुङ्बागदेएनीन म्हुनङ्गोन इय्होइसी भरमुला। ८तर य्हाङ चा धिनीरी भरबा म्हिला सन्तान तबास लमा होशियार तसी भरतोःला। ओच्छे सेनासे हराङ्दा जोगब लबारी कुरी पाता थान्बा हरङ् लसी य्हाङ्सनान हराङ्दा जोगब लबाला लागिरी य्हाङ्ला विश्वासदन मायादा थोसी भरतोःला। थहरङ् लसीन य्हाङ्स पूरा थार्बा याङ्ला भिसी लबा आशदा सेनागदसे सदन टोप कूबा हरङ् लसी सदन कूतोःला। १०. तिग्दा भिसम परमेश्वरसे य्हाङ्दा सजाय पिन्बारी आहिन। तर परभु येशू खरीष्टग्याम थार्बा पिन्बारी डाच्छान धम्बा हिन्ना। १०. परभु फेख्वा धुइरी य्हाङ् सिसै सोसै परभुदेन छयामनोन सोगै भिसी परभु येशू य्हाङ्ला लागिरी सिजी। ११. थेतबासेलमा एनीगदसे दान्दे लबा हरङ्गोन गिकसे गिकदा आँट पिन्सी भङ्ना लबा ग लउ।

चिठीला थुमरी भिरबा ताम

१२. ज्योज्यो आले नाना आडागदे, एनीगदेला गुइरी दुख लसी गे लबागदेदा मान लउ भिबा इन्ना बिन्ती मुला। तिग्दा भिसम थनीगदसे परमुला लागिरी खाहरङ् लसी भरतोःला भिबा ताम एनीगदेदा लोप्ला। १३. थनीगदसे ज्यबा गे लबासे लमा थनीगदेदा मायादेन मान लउ। ओच्छे हराङ् हराङ् न्हङ्गरी दिक्सी चिउ।

१४. ज्योज्यो आले नाना आडागदे, ब्रतेगुगदेदा अर्ती पिन्बादेन हरस चबागदेदा आँट पिन्गो। ओच्छे आखम्बागदेदा हरी लबादेन जम्मातान आन्छाङ्गरी ज्यबा गे लसी उन्गो भिबा इन्ना बिन्ती मुला। १५. ओच्छे खालैसे एनीगदेदा

आज्यबा लजी भिदेमा एनीगदेसे थेदा आज्यबा थालउ। बरु गिकसे गिकदा ओच्छे जम्मान म्हिगदेदा सदन ज्यबा व्यवहार लबारी म्हाइगो। १६. सदन ताङ्सी चिउ। १७. ओच्छे सदन प्रार्थना लउ। १८. दुख सुख जस्तोन तसे धन्यवाद पिन्गो। तिग्दा भिसम खरीष्ट येशूदेन छयाम गिक तबा एनीगदसे चुहरङ्बा लगे भिसी परमेश्वरसे म्हन्बा मुला। १९. ओच्छे परमेश्वरला आत्मासे लबा गेदा रोकब थालउ। २०. खालैसे परमेश्वरग्याम पाङ्बा तामदा हेला थालउ। २१. ओच्छे जम्मान ताम सेसी घोसी जुन ताम ज्यबा मुला थनोन तामरी भङ्बा तसी चिउ। २२. ओच्छे जम्मान आज्यबा तामगदेग्याम थोरङ् तसी चिउ। २३. शान्ति पिन्बा परमेश्वरसेन एनीगदेदा पूरा चोखो तना लगे, ओच्छे य्हाङ्ला परभु येशू खरीष्ट दोःसी फेख्वा धुइरी एनीगदेला आत्मादेन सेम ओच्छे ल्हुइरी तिगे दोष आरबा तगे। २४. एनीगदेदा इयोइबा परमेश्वर विश्वास लखम्बा परमेश्वर हिन्ना। थसेन एनीगदेदा चु जम्मान ताम पूरा लसी पिन्ना। २५. थेतबासेलमा ज्योज्यो आले नाना आडागदे, एनीगदेसे इन्ना लागिरीनोन प्रार्थना लसी पिन्गो। २६. जम्मान ज्योज्यो आले नाना आडागदे हराङ् हराङ् न्हङ्गरी गिकसेम गिकदा सेमहन्सेन माया लसी फ्याफुल्गो। २७. परमुला अधिकारग्याम डाइ पाङ्बा ताम इयान्गो। एनीगदसे चु चिठी जम्मान ज्योज्यो आले नाना आडागदेदा पढब लसी थःना लउ। २८. य्हाङ्ला परभु येशू खरीष्टला दयामाया एनीगदेथारी तगे।

पावलसे थसलोनिकेला विश्वासीगदेदा
भिरबा न्हीरमला चिठी

चु चिठीला बाररी पाड्तो:मा

भिरबा म्हिः येशूला मुल चला पावलसे
भिरबा मुबा। चु चिठी भिरबाला लागिरी पावलदा
सिलासदन तिमार्था भिबा म्हिस हरो लबा मुबा
(२ थसलोनिकी १:१)।

भिरबा गला: कारिन्थ शहररी भिरबा मुबा।

भिरबा साल: आस्पन ईश्वी संवत् ५१ (विकरम
संवत् १०८) सालरी भिरबा मुबा।

साल्दा भिरबा: थसलोनिके शहररी मुबा
विश्वासीगदेदा भिरबा मुबा।

थसलोनिके शहरला मण्डली न्हडरी खरीष्ट
दो:सी फेखला भिबाला बाररी ल्हानान तामगदे
तबा मुबा। चु तामला बाररी ल्हानान ताम तबासे
लमा थसलोनिके शहरला विश्वासीगदेला गुडरी
तुसीला तामगदे थोन्जी। थनीगदे न्हडला कोड
कोडसे खरीष्ट फेखला धुइ मी डाच्छान तसी
जिन्बा मुला भिसी विश्वास लमुबा। थनीगदेला
चुहरडबा विश्वास मराडसी पावलसे थनीगदेदा
घाना लबाला लागिरी चु न्हीरमला चिठी भिरबा
मुबा। चु चिठीरी पावलसे खरीष्ट फेखला भन्दा
डाच्छा खरीष्टला बिरोध लबा नडबा गे लबा
म्हि खला, ओच्छे थस जम्मान नडबा तामगदे
लबान निला भिसी भिरबा मुला।

पावलसे चु चिठी पढब लबागदेदा जस्तोन
दुख तसैनोन हराडसे लबा विश्वास आख्ताना
कोडसी चिड। ओच्छे पावलसे हराडदेन
हराडला हरोगदेसे हरड लसी सदन ज्यबा गे
लतो:ला भिसी थनीगदेदा पाड्बा मुला।

मुल तामगदे

फयाफुल्बा १:१-२

स्याबासदेन आंट पिन्बा १:३-१२

खरीष्ट दो:सी फेखबाला बाररी घाना लबा
२:१-१७

खरीष्टदा विश्वास लबागदेला बानीबेहोर ३:१-
१५

चिठीला थुमरी भिरबा ताम ३:१६-१८

पावलसे थसलोनिकेला विश्वासीगदेदा
भिरबा न्हीरमला चिठी

१लास्सो व्हाडला परमेश्वर आबादेन परभु
१ येशू खरीष्टदा विश्वास लबा थसलोनिकेरी
मुबा जम्मान विश्वासीगदेदा डा पावलदेन
सिलास ओच्छे तिमार्थीला फयाफुल्बा!
२२ परमेश्वर आबादेन परभु येशू खरीष्टग्याम
एनीगदेदा दयामायादेन शान्ति तगे।

धन्यवाददेन परार्थना

३ आलेगदे, एनीगदेला लागिरी परमेश्वरदा
डन्से सदन धन्यवाद पिन्तो:बा मुला। तिग्दा
भिसम एनीगदेला विश्वास ल्हानान बढब तबा
मुला, ओच्छे हराड हराड न्हडरी एनीगदेला
माया बढब तबा मुला। ४ ओच्छे एनीगदे
जम्मान दुख कष्ट नासी विश्वासरी याडयोड
आतना चिबा मुला। थेतबासेलमा एनीगदेला
चुहरडबा विश्वासला बाररी डन्से परमेश्वरला
अगु मण्डलीगदेला गुडरीनोन ताडसी ताडसी
पाड्म्याडबा मुला। ५ एनीगदेसे दुख नाबासे
लमा एनीगदे परमेश्वरला व्हुल्साला म्हि
दोबा मुला। चु जम्मान तामग्याम परमेश्वरसे
खालेला ली आच्याना ठीक निसाफ लबा मुला
भिबा ताम था याडबा मुला। ६ एनीगदेदा दुख
पिन्बादा परमेश्वरसेन दुख पिन्ना, तिग्दा
भिसम परमेश्वर खालेला ली आच्याना ठीक
निसाफ लबा परमेश्वर हिन्ना। ७ परभु येशू
खरीष्ट शक्तिशाली स्वर्गदूतगदेदेन मला
ल्हामरी स्वर्गग्याम फेखला। ओच्छे दुख
नाबा डन्देन एनीगदेदा थ धुइरीन परमेश्वरसे
व्हाडदा चु दुखग्याम फेला। ८ तर परमेश्वरदा
डाआसेबागदेदेन व्हाडला परभु येशूला थाबा
पिन्बा समाचार आड्यान्बागदेदा परमेश्वरसे
सजाय पिन्ना। ९ थनीगदे परभुदेन परभुला घरेन
व्हालदेन शक्तिग्याम फेसी चितो:ला। ओच्छे
थनीगदेसे सदनना लागिरी नाश तबा सजाय
याडला। १० चु ताम चा परभु येशू फेखला
धुइरी तला। थ धुइरी परमेश्वरला जम्मान
विश्वास लबा म्हिगदेसे परभु येशूदा ल्हानान
जयजयकार लला। जमा धुइरी एनीगदेएनोन
थनीगदेदेन छ्यामनोन तला, तिग्दा भिसम
डन्से पाड्बा तामरी एनीगदेसे विश्वास लजी।

११ थेतबासेलमा व्हाडला परमेश्वरसे
एनीगदेदा डयोडबा अन्धार ज्यना लसी
भरखमो, ओच्छे एनीगदेसे लबारी म्हाडबा
ज्यबा गेदेन एनीगदेला विश्वासग्याम लबा

गे थेला शक्तिग्याम पूरा लगै भिसी डन्से परार्थना लबा मुला। १२थहरड लजी भिसम एनीगदेग्याम परभु येशूला मान तला ओच्छे परभु येशूएनोन एनीगदे मराडसी ताडला। तिग्दा भिसम एनीगदेस य्हाडला परमेश्वर आबादेन परभु येशू खरीष्टग्याम दयामाया याडबा मुला।

परमेश्वरला बचन आडयान्बा म्हि

१ज्योज्यो आले नाना आडागदे, य्हाडला २ परभु येशू खरीष्ट दोःसी फखबा धुइरी य्हाड थदन छुयामनोन हरुप तला भिबा तामला बाररी डन्से एनीगदेदा पाडबा मुला। २२खालेसे एनीगदेदा परभु फखबा धुइ तसी जिन्बा मुला भिसी पाडजी भिसम थहरडबा ताम डनीग्याम खबा ताम हिन्ना भिसी एनीगदे थालोडगो। तिग्दा भिसम थहरडबा म्हिगदेसे डन्ना मिन किन्सी तामग्याम, चिठीग्याम ओच्छे परमेश्वरला आत्माग्याम पाडबा हिन्ना भिसी एनीगदेदा फखब लबारी म्हाडमुला। तर एनीगदेस थनीगदेला ताम विश्वास थालउ भिबा डन्ना बिन्ती मुला। ३ओच्छे एनीगदेदा खालेसन तिगै ताम लसी फखब थालगे। तिग्दा भिसम पाप गे लबादेन नाश ततोःबा म्हि खसी परमेश्वरदा ल्हानान बिरोध आलतेधोना परभु फखबा धुइ आख। ४थे म्हिसे हराडसे हराडदान घरेन स्हासी म्हिगदेस परमेश्वर भिसी तेन्बा जम्मान स्हेला बिरोध लला। ओच्छे डानोन परमेश्वर हिन्ना भिसी थे परमेश्वरला मन्दररी चिला।^a

५डा एनीगदेदेन छुयाम मुबा धुइरी डाइ पाडबा ताम एनीगदेस दन्बा आर? ६थे म्हि थेला धुइ आतमान थोन्ना भिसी परमेश्वरसे दान्देधोना थेदा रोकब लसी थान्बा मुला भिबा ताम एनीगदेदा थानोन मुला। ७तिग्दा भिसम थे परमेश्वरला बचन आडयान्बा म्हिसे न्हड न्हडनोन गे लसी जिन्बा मुला। तर थेदा रोकब लसी थान्बा शक्तिसे थेदा आख्खातेधोना थेसे लबा नइबा गेगदे मराडआसम। ८थे परमेश्वरला बचन आडयान्बा म्हि थोन्ना। जमाहेन्से परभु येशू घरेन शक्तिरी फखसी थेदा फू लसीन नाश लला।^b

१परमेश्वरला बचन आडयान्बा थे म्हि शैतानना शक्ति थोसी खला। ओच्छे थेसे ल्हानान थरीला फटटा चिनुगदेदेन उदकला गेगदे लला। ९ओच्छे नाश तबागदेदा थेसे नइबा गे लसी फखब लला। तिग्दा भिसम थनीगदेदा थारबा पिन्बा सत्य ताम संम आनिनी। ११थेतबासलमा थनीगदेसे लुसीला तामरीन विश्वास लगे भिसी परमेश्वरसे थनीगदेदा अलमल तबा शक्ति गिक थनीगदे मुबा ग्लारी पुइखला। १२तिग्दा भिसम थनीगदेसे सत्य तामरी विश्वास आलना नइबा तामनोन ज्यबा भिसी म्हेन्बासे लमा परमेश्वरसे थनीगदेथोरी निसाफ लबा हिन्ना।

थारबा याडबाला लागिरी धम्बागदे

१३परभुसे माया लबा आलेगदे, एनीगदेला लागिरी डन्से सदन परमेश्वरदा धन्यवाद पिन्नोन तोःबा मुला। तिग्दा भिसम एनीगदेदा तिगै दोष आरबा म्हि स्होबारी परमेश्वरला आत्मादेन एनीगदेसे विश्वास लबा सत्य तामग्याम थारबा याडगे भिसी परमेश्वरसे एनीगदेदा डाच्छाहेन्सेन धम्बा हिन्ना। १४डन्से एनीगदेदा थःना लबा थारबा पिन्बा समाचारग्याम य्हालेदेन शक्ति पिन्बारी य्हाडला परमेश्वरसे एनीगदेदा डयोइबा हिन्ना। थेतबासलमा परमेश्वर परभु येशू खरीष्टदेन छुयाम ताडबा हरड एनीगदेदेन छुयामएनोन ताडला। १५थेतबासलमा ज्योज्यो आले नाना आडागदे, डन्से डाच्छा लोप्बा तामग्याम तसे डन्से भिरबा चिठीग्याम तसे एनीगदेसे डन्से लोप्बा ताम डयान्सी कोडसी चिउ।

१६य्हाडदा माया लबा परभु येशू खरीष्टदेन परमेश्वर आबासे थेला दयामायाग्याम य्हाडदा जुकजुकधोनाला आँटदेन ज्यबा आश पिन्बा मुला। १७थेतबासलमा परमेश्वरसेन अझ सेमरी आँट पिन्सी एनीगदेदा जम्मान ज्यबा गेदेन ज्यबा ताम लबारी सदन भड पिन्गे।

परार्थना

१ज्योज्यो आले नाना आडागदे, डन्ना ३ लागिरी परार्थना लसी पिन्गो, तिग्दा भिसम एनीगदेसे थःबा हरड परमुला बचन

अर्गु जम्मान ग्लाला म्हिगदसे योनान थःगे। ओच्छे थनीगदसेनोन एनीगदसे हरङनोन परमुला बचनदा मान लगे। २ ओच्छे परमेश्वरसे इन्दा आज्यबा म्हिदेन पापी म्हिगदग्यामसेनोन जोगब लसी पिन्गे भिसी परार्थना लसी पिन्गो। तिग्दा भिसम जम्मान म्हिगदसे मी विश्वास आल। ३ तर परमु मी विश्वास लखम्बा परमु हिन्ना। थस एनीगददा विश्वासरी कोङना लला ओच्छे शैतानग्याम जोगब लसी थान्ना। ४ इन्से कुल्बा ताम अन्धकारनोन एनीगदसे गे लबान मुला। ओच्छे थहरङ लसेन सदन गे लला भिबा ताम इन्से परमुग्यामनोन था याङ्बा मुला। ५ परमेश्वरसे एनीगददा लबा मायादेन खरीष्टसे नाबा दुख एनीगदसेनोन लबारीदेन नाबारी खम्भे भिसी परमुसेन उन्गे।

ब्लेगुगददा पाङ्बा ताम

६ ज्योज्यो आले नाना आडागदे, य्हाङला परमु येशू खरीष्टला अधिकारग्याम इन्से एनीगददा चु ताम कुल्ला। इन्से लोप्बा ताम अन्धकार आभरबादेन ब्लेगु विश्वासीगदग्याम थारङ लसी चिउ। ७ तिग्दा भिसम इन्से लबा हरङनोन लतोःला भिबा ताम एनीगददा थानोन मुला। एनीगददेन छुयाम मुबा धुइरी इनी खाइमे ब्लेगु दोसी आचिनी। ८ इन्से टाङगा आफाना खालेला तिगे आचनी, बरु एनीगददा दुख थातगे भिसी इन्से धिन म्हुननोन दुख लसी गे लजी। ९ एनीगदग्याम इन्से टाङगा किन्बा अधिकार आर भिसी आहिन, तर एनीगदसेनोन

इन्से हरङनोन लगे भिसी इन्से चुहरङ लबा हिन्ना। १० एनीगददेन छुयाम मुबा धुइरी इन्से एनीगददा “खालेस गे आलनी भिसम थस चबा थुङ्बा थालगे” भिसी पाङ्मुबा। ११ तिग्दा भिसम एनीगद न्हङरी कोइ कोइ म्हिसे ब्लेगु दोसी तिगे गे आलना म्हिसे लबा गरी ओहरङनोन या झाङ्मुला भिबा ताम इन्से थःमुला। १२ थतबासलमा थहरङ्बा म्हिगददा परमु येशू खरीष्टला अधिकारग्याम डाइ चुहरङ लसी कुल्ला। थनीगद कुटिसी हराङ हराङला गे लगे ओच्छे हराङ हराङलान यास स्हासी चउ। १३ तर ज्योज्यो आले नाना आडागदे, एनीगद चा ज्यबा लबारी खाइमे दुख थाम्हन्गो।

१४ इन्से भिरबा चु चिठीला ताम चुदे खालेस आङ्यान्नी भिसम थ म्हिदा डोससी थान्गो, ओच्छे थहरङ्बा म्हिला संगतनोन थालउ। थहरङ लसम थ हराङनोन पेःला। १५ तसेनोन थदा शतरु हरङ्बा थाम्हन्गो, तर ज्योज्यो आलेदा हरङ लसी थदा अर्ती पिन्गो।

चिठीला थुमरी भिरबा ताम

१६ य्हाङदा शान्ति पिन्बा परमुसे एनीगददा जस्तोन तसे सदन शान्ति पिन्गे। ओच्छे परमु सदन एनीगददेन छुयाम तगे।

१७ डा पावल हराङलान यास फ्याफुल्ला भिसी भिरबा मुला। ओच्छे डाला जम्मान चिठी डोसबाला लागिरी सदन डाइ चुहरङ लसी भिरबा मुला।

१८ य्हाङला परमु येशू खरीष्टला दयामाया एनीगद जम्मानदेन छुयाम तगे।

पावलसे तिमाथीदा भिरबा
डाच्छारमला चिठी

चु चिठीला बाररी पाडतो:मा

भिरबा म्हि: येशूला मुल चेला पावलसे भिरबा
मुबा (१ तिमाथी १:१)।

भिरबा गला: फिलिप्पी शहररी भिरबा मुबा।
भिरबा साल: ओस्पन ईशवी संवत ६३-६५
(विक्रम संवत १२०-१२२) सालला गुडरी
भिरबा मुबा।

साल्दा भिरबा: तिमाथी भिबा म्हिदा भिरबा
मुबा।

तिमाथी एशिया अञ्चलला विश्वास लबा
म्योन म्हि मुबा। थेला आमा यहूदी विश्वासी
मुबा ओच्छे आबा चा ग्रीक यहूलला म्हि मुबा।
थार्बा पिन्बा समाचार थे:ना लमा थे पावलदेन
छयाम छयामनोन भरमुबा ओच्छे पावलदा हरो
लमुबा। पावलसे थेदा चु डाच्छारमला चिठीरी
मुल ताम सोम भिरबा मुला।

जम्मान भन्दा डाच्छा चु चिठीरी मण्डलीरी
मुबा लुसीला ताम लोप्बागदेग्याम होशियार
तना लबा मुला। थे लुसीला ताम चा यहूदी
धर्मदेन अर्गु यहूलला म्हिगदेला समरी म्हन्बा
तामगदे दोडसी थोन्बा लुसीला तामग्याम सबा
विश्वास हिन्ना। चु विश्वासग्याम जम्बुलिङ्ग
पापस प्लिङ्गबा मुला भिसी लोप्जी। ओच्छे
म्हिसं परमेश्वरला समला ताम घोबारी खम्बा
ज्ञान बुदधि पक्का लसी आयाडतधोना, गातं चबा
स्हेगदं चबारी आख्ता ओच्छे ब्याह लबारी
आख्ता, थे धुडधोना थेसे थार्बा आयाड।

चु चिठीरी मण्डलीरी साहरङ लसी गे
लतो:ला, साहरङ लसी हरो लतो:ला,
मण्डलीदा च्याबा म्हिगदे साहरङ्बा ततो:ला
ओच्छे थेनीगदेदा हरो लबागदला बानीबेहार
साहरङ्बा ततो:ला भिसी चु जम्मान अर्तीगदे
पिन्बा मुला। थेहरङ लसीन चिठीला थुमरी
तिमाथीदा विश्वासीगदेला समूहगदेला लागिरी
तिग लतो:बा भिबा तामला बाररीदेन येशू
खरीष्टला ज्यबा गे लबा म्हि साहरङ लसी
दोबारी खम्ला भिसी सल्लाह पिन्बा मुला।

मुल तामगदे

पयाफुल्बा १:१-२

मण्डलीला बाररी लोप्बा ताम १:३-३:१६

पावलसे तिमाथीला गेला बाररी पाड्बा ४:१-
६:२१

पावलसे तिमाथीदा भिरबा
डाच्छारमला चिठी

१-२ लास्सो, विश्वासीरी डाला झा तिमाथी,
डा पावलग्याम पयाफुल्ता। डा य्हाडदा
थार्बा पिन्बा परमेश्वरदेन आश पिन्बा खरीष्ट
येशूस कुल्बा अन्धार खरीष्ट येशूला मुल
चेला हिन्ना। एस य्हाडला परमेश्वर आबादेन
परभु खरीष्ट येशूग्याम मोलमदेन दया ओच्छे
शान्ति याड्गे।^d

लुसीला ताम लोप्बागदेदा बड्गो

३ डा माकेडोनिया भिबा ग्लारी निबा धुडरी
एदा पाड्बा अन्धार लुसीला ताम लोप्बागदेदा
थहरङ थालउ भिसी कुल्बाला लागिरी ए
एफिससीन चिउ। ४ थेनीगदेदा अनुमान लसी
समरी म्हन्सी पाड्बा कथा ओच्छे आसे
म्हमला बाररी साइमे आजिन्बा तामला
लिच्छा थामरउ भिसी पाड्गो। थेहरङ्बा तामसे
चा य्हाड न्हडरी छेबा बड्बा तना लमुला,
ओच्छे विश्वासग्याम घोसम्बा परमेश्वरसे
म्हन्बा तामदा जे न्होडना लमुला। ५ चु कुल्बा
ताम चा ज्यबा समदेन समसे म्हन्बा अन्धार
ठीक गे लबारी ओच्छे ज्यबा विश्वासग्याम
सबा माया ल्हेना लबाला लागिरी हिन्ना।
६ कोइ कोइ म्हिगदे चा चु जम्मान तामगदेदा
वास्ता आलना गे आसेल्बा तामगदेरी कोल्सी
चिमुला। ७ थेनीगदे परमेश्वरसे मोशादा पिन्बा
ठिम लोप्बा म्हि दोबारीम म्हाइमुला, तर
हराडसेन पक्का लसी पाड्बा ताम हराडसेन
आधामुला।

८ चुदे सालेसे परमेश्वरसे मोशादा पिन्बा ठिम
ठीक लसी तेन्जी भिसम थे ठिम ल्हानान ज्यबा
मुला भिबा ताम य्हाडदा था मुला। ९ ओच्छे
य्हाडदा चु तामएनोन था मुला, थे ठिम ज्यबा
म्हिला लागिरी आहिन। तर थे ठिम अन्धार
आभरबागदेदेन कुल्बा ताम आड्यान्बागदे
ओच्छे परमेश्वरदा आतन्बागदे, पापीगदे,
नड्बा सम मुबागदे, परमेश्वरदा बिरोध
लबागदे, आबा आमदा साइबागदेदेन म्हि
साइबागदे, १० ओच्छे साल्दमानदेन छयाम

बुरत्सी भरबागदे, हराड हराड न्हडरीन बुरत्सी हरम्फेवगदेदेन छयाम भरबागदे, नोकर चडबा ग्लुबा लसी भरबागदे, लुसीला ताम पाडबागदेदेन लुसीला तामरी साक्षी दोसी भरबागदे ओच्छे सत्य तामदा आहिन भिसी विरोध लसी भरबागदेला लागिरी हिन्ना। ११थे सत्य ताम डादा जिम्मा पिन्बा ल्हानान ज्यबा परमेश्वरला ल्हानान घरेन थाबां पिन्बा समाचार अन्धार मुला।

पावलदा परमुला दया

१२डादा भड पिन्बा य्हाडला परमु खरीष्ट येशूदा धन्यवाद मुला, तिग्दा भिसम थेस डादा विश्वासला म्हि म्हन्सी थेला गे लबारी डादा धम्जी। १३डाइ डाच्छा परमुदा विरोध लसी बेइज्जत लजी। थे धुइरी डाइ खरीष्टदा विश्वास आलबासे लमा चु जम्मान गे आसेना आघोना लजी। थेतबासेलमा डाइ परमुग्याम दया याड्जी। १४य्हाडला परमुसे डादा ल्हानान दयामाया लजी। ओच्छे विश्वासदेन माया पिन्जी। तिग्दा भिसम खरीष्ट येशूदेन छयाम य्हाडदा गिक स्होबा हिन्ना। १५जस्तो लसीन चु जम्मासेन डयान्तो:बादेन विश्वास लतो:बा ताम हिन्ना। पापीगदेदा थाबां पिन्बारी खरीष्ट येशू जम्बुलिडरी फेक्सबा हिन्ना। ओच्छे पापीगदे न्हडरी जम्मान भन्दा पापी चा डानान हिन्ना। १६डा पापीगदे न्हडरी जम्मान भन्दा पापी तसेनोन डाता लागिरी खरीष्ट येशूसे गात दुख नाजी भिबा ताम उन्बाला लागिरी परमेश्वरसे डादा दया लजी। चुहरड लबा चा थेदा विश्वास लसी जुकजुकधोनाला जुनी याडबागदेदा उन्बाला लागिरी हिन्ना। १७खालेस मराड्आखम्बादेन खाइमै आजिन्बा ओच्छे जुकजुकधोना चिबा ग्ले परमेश्वर गिकदा जे सदन मानदेन जयजयकार तगे। आमेन।

१८डाता झा तिमोथी, डाइ एदा चु ताम कुल्बा मुला, एला बाररी परमेश्वरसे डाच्छान पाडबा अन्धार एसे आँट याडसी विश्वासला लागिरी ज्यबा लडाइ लउ। १९थे धुइरी एसे हराडला विश्वासदेन सेमसे म्हन्बा अन्धार ठीक गे लबारी थाखलागो। तिग्दा भिसम कोइ कोइ म्हिसे सेमसे म्हन्बा अन्धार ठीक गे लबारी खलाबासे लमा थेनीगदेसे हराडला

विश्वासदा नाश लबा मुला। २०थेहरड लसी नाश लबागदे न्हडरी हुमेनियसदेन अलकजेन्डर हिन्ना। थेनीगदेसे परमेश्वरदा विरोध लबा खलागे भिसी डाइ थेनीगदेदा शेतानना यारी जिम्मा पिन्बा मुला।

मण्डलीरी प्रार्थना लबा धुइरी था ततो:बा ताम

१जम्मान भन्दा मुल ताम चा एसे २जम्मालान लागिरी प्रार्थना लउ, एसे थेनीगदे जम्मालान लागिरी परमेश्वरग्याम मोलम हरीसी पिन्ना, ओच्छे परमेश्वरदा धन्यवाद पिन्ना। २ग्लेगदेदेन घरेन घरेन पदरी मुबागदे जम्मालान लागिरीनोन प्रार्थना लउ। थेहरड लजी भिसम य्हाड सदन सुख शान्तिरी दुक्क तसी परमेश्वरदा तेन्सी थेदा मान लसी चिम्याडला। ३चुहरड लबा ल्हानान ज्यबा हिन्ना, य्हाडदा थाबां पिन्बा परमेश्वरदाएनोन चुहरडबान सेम निमुला। ४तिग्दा भिसम जम्मान म्हिसे सत्यदा डोससी थाबां याडगे भिबा परमेश्वरला सेम मुला। ५तिग्दा भिसम परमेश्वर गिक जे मुला ओच्छे म्हिगदेदा परमेश्वरला डाच्छापटटि भबा म्हिएनोन गिक जे मुला। थे म्हि चा खरीष्ट येशू हिन्ना। ६येशू खरीष्टसे जम्मान म्हिगदेला पापला सय फाबारी हराडलान ल्हुइ बलिदान पिन्जी, चु ताम चा परमेश्वरसे म्हन्बा धुइरीन उन्जी। ७चुलान लागिरी डादा अर्गु य्हुलला म्हिगदेदा विश्वासदेन सत्यला बाररी लाप्वाला लागिरी थाबां पिन्बा समाचार थे:ना लबा म्हिदेन मुल चेला स्होजी। डाइ पाडबा चु ताम पूरान सत्य हिन्ना, लुसीला ताम आहिन। ८

९थेतबासेलमा संगती लबा जम्मान ग्लारी हरम्फेवगदेसे तिगे बोमोदेन कल आलना हराड हराडला तिगे दोष आरबा या थीसी प्रार्थना लगे भिसी डाइ म्हन्बा मुला।

१०थेहरड लसीन म्हिरडम्हेमेगदेएनोन ल्हाना करा स्होसी ज्योबादेन म्हर, मोती ओच्छे ल्हानान सयला क्वान क्वान्सी आहिन, तर सोजो तसी स्वाहब तबा क्वान क्वान्सी भरगे भिसी डाइ म्हन्बा मुला। ११तर जुन मिरडम्हेमेगदेसे डा परमेश्वरदा तेन्बा म्हि हिन्ना भिसी म्हन्मुला थेनीगदे चा ज्यबा गग्याम ज्योसी भरगे।

११ ओच्छे मिरडम्हेमगदे कुटिसी तहरी चिसी लोपौ। १२ मिरडम्हेमगदेस हरम्फेबगदेदा तहरी थान्बादेन परमेश्वरला बचन लोप्रा अधिकार चा डाइ आपिन, तर थनीगदे कुटीसीन चितोःला। १३ तिगदा भिसम परमेश्वरस डाच्छा आदमदा स्हासी जे हव्वादा स्हाबा हिन्ना। १४ ओच्छे डाच्छा आदमदा आहिन, तर मिरडम्हेमदा चा शेतानस पापरी फसब लबा हिन्ना। १५ तसेनोन थस ज्यना लसी विश्वास लसी परमेश्वरला मायादेन तिगे दोष आरबा म्हे दोसी परमेश्वरला डाच्छा ज्यबा तसी चिजी भिसम थदा कोला न्हा धुइरी जोगब लला। §§j

मण्डलीदा च्याबा म्हेगदे

३ १ चु सत्य ताम हिन्ना। खाले म्हेसे मण्डलीदा च्याबा गे लबारी म्हाइबा चा ज्यबा ताम हिन्ना। चु चा थेला सेमसे लबारी म्हाइबा ज्यबा गे हिन्ना। २ थतबासेलमा मण्डलीदा च्याबा म्हे चा खालेस दोष उन्बारी आखम्बा, मिरड गिक जे मुबा, हराडसे हराडदान तहरी थान्बा, जम्मासेन मान लबा, डान्बादा मान लबादेन ज्यना लसी लोप्राारी खम्बा ततोःमुला। ३ ओच्छे झि आइरक थुडसी इन्हाइसी भरबादेन छेबा बड्बा लबा आहिन, तर जम्मानदेन छुयाम दिक्वा, सोजो, टाडगाला लिच्छा आभरबादेन, ४ थस हराडला दिम परिवारदा ज्यना लसी च्यातोःला। ओच्छे थेला कोलागदेस कुल्बा ताम इयान्सी थदा मान लतोःला। ५ चुदे खाले म्हेस हराडला दिमला म्हेगदेदा तहरी थान्बारी आखम्नी भिसम थस खाहरड लसी परमेश्वरला मण्डलीदा च्याबारी खम्बा? ६ मण्डलीदा च्याबा म्हे चा भर्खर परमुदा विश्वास लबा छार म्हे तबारी आत। आहिन्सम थस हराडसे हराडदान घरेन स्हासी घमण्ड लसी भरला। ओच्छे शैतानस याड्बा सजायरी थेणोन परब तला। ७ थे खरीष्टदा विश्वास आलबा म्हेगदेला ओन्छाडरीनोन ज्यबा म्हे ततोःला, आहिन भिसम जम्मासेन

थेला तामगन लसी भरला ओच्छे शैतानना यारी परब तला। k

८ थहरड लसीन मण्डलीरी हरो लबा म्हेगदेणोन जम्मासेन मान लबा म्हे ततोःला, ओच्छे ले न्ही मुबा हरड लसी ताम पाड्बारी आत, झि आइरक थुडसी इन्हाइबादेन टाडगाला लोभ लबारी आत, ९ बरु थनीगदेस हराडला सेमसे म्हेनबा अन्छार ठीक गे लसी सत्य विश्वासदा जोगब लसी थान्तोःला। १० डाच्छा थनीगदे ठीक मुला कि आर भिसी मण्डलीस च्यागे। ओच्छे तिगे दोष आरसम थनीगदेस मण्डलीरी हरो लगे।

११ थहरड लसीन मण्डलीरी हरो लबा म्हेला मिरडम्हेमगदेणोन *स्थान्दोग्याम मान याड्बादेन खालेला तामगन आलबा ततोःला। ओच्छे हराडसे हराडदान तहरी थान्खम्बादेन जम्मान तामरी म्हेगदेसे विश्वास लखम्बा ततोःला।

१२ मण्डलीरी हरो लबा म्हेलाएणोन मिरड गिक जे ततोःला ओच्छे थसनोन हराडला कोलागदेदेन दिम परिवारदा ज्यना लसी च्याखम्तोःला। १३ तिगदा भिसम मण्डलीरी हरो लबागदेस ज्यना लसी गे लजी भिसम थनीगदेस मान याड्ला। ओच्छे थनीगदेस खरीष्ट येशूदा लबा विश्वासला बाररीनोन स्थान्दोगदेदा पाड्बारी आँट याड्ला।

म्हाडसे विश्वास लबा तामगदे गाते घरेन मुला

१४ ए मुबा ग्तारी योनान खबा सेम मुला, तसेनोन डाइ एदा चु चिठी भिरबान मुला। १५ तिगदा भिसम तिगे लसी डा खबारी घइजो भिसम चु चिठीग्यामसेन परमेश्वरला दिम म्हाडला छोन्बा परमेश्वरला मण्डलीरी खाहरड लसी गे लतोःला भिबा ताम एस था याड्ला। तिगदा भिसम परमेश्वरला मण्डली चा सत्य तामला भर ताबा थामदेन जग हिन्ना। १६ म्हाडदा था मुला कि म्हाडसे लबा विश्वास म्हेस था आयाड्बा घरेन मुला, “म्हाडसे येशूदा म्हे ल्हुइरी म्हाड्जी,

§§२ :१५ कोइ कोइ विद्वानगदेस “कोला न्हा धुइरी जोगब लला” भिबा चा न्हा कोलाग्याम थाबा याड्ला भिबा हिन्ना। चु कोला चा येशू हिन्ना।

*३ :११ “मण्डलीरी हरो लबा म्हेगदेला मिरडम्हेमगदे” भिबा चा मण्डलीरी हरो लबा मिरडम्हेमे अथवा मण्डलीरी हरो लबा म्हेला मिरडदा पाड्बा हिन्ना।

थे परमेश्वरदा सेम निबा मुला भिसी परमेश्वरला आत्मासे उन्जी ।

ओच्छे थंदा स्वर्गदूतगदसेनोन मराडजी ।

थंला बाररी य्हूत्सा य्हूत्सारी थंजी,

थंदा जम्बुलिङ्गी विश्वास लजी,

ओच्छे थं धरन य्हालदेन शक्तिरी तौर फण्जी ।”

तिमोथीदा लोप्या ताम

४ लिच्छा खबा धुडरी फट्टा आत्मादेन म्हड म्हडला ताम ड्यान्सी कोड कोड म्हिसे विश्वास लबा खाला भिसी परमेश्वरला आत्मासे परस्टन सुडबा मुला । २ चुहरडबा लुसीला ताम पाडबा म्हिगदला जालसे लमान चुहरड तला, थहरडबागदला ज्ञान बुदधि चा लोप्या फाइसे खराडसी सिबा हरडबान तला । जमाहेन्से थनीगदसे ज्यबा नडबा तिग हिन्ना थं फेवारी आखम । ३ चुहरडबा म्हिगदसे ब्याह लबारी आत भिमुला, ओच्छे गात चबा स्हगदे चा चवारी आत भिसी लोप्मुला । तर खरीष्टदा विश्वास लसी सत्य ताम घोबागदसे परमेश्वरसे स्होबा चबा स्हगदे धन्यवाद पिन्सी चवारी तला । ४ परमेश्वरसे स्होबा जम्मान स्हे ज्यबा मुबा । थतबासेलमा जम्मान स्हे चवारी तला । तर परमेश्वरदा धन्यवाद पिन्सी जे चतोःला । ५ तिगदा भिसम परमेश्वरला बचनदेन परार्थनाग्याम थं चवारी तबा चोखो स्होला ।

खरीष्ट येशूला गे लबा म्हिदेन छ्याम ततोःबा ज्यबा बानीबेहोर

६ चुदे एसे चु जम्मान तामला बाररी ज्योज्यो आले नाना आडागदेदा लोप्जी भिसम, ए भरबा ज्यबा तामदेन विश्वासला बचनरी पाको म्हि दोला, ओच्छे ए खरीष्ट येशूला गे लबा ज्यबा म्हि दोला । ७ परमेश्वरदा आतेन्बादेन टाना गा जोला ताम पाडबागदेग्याम होशियार तसी थारड चिउ, ओच्छे परमेश्वरला बचन अन्धार भरबारी मड लसी गे लउ । ८ तिगदा भिसम ल्हुइला लागिरी लबा गे तिगे धिनना लागिरी जे फाइदा तला । तर आत्माला लागिरी लबा गे चा जुन लसे फाइदा तला । तिगदा भिसम चु गेग्याम दान्देलाला जुनीदेन लिच्छाला जुनीला लागिरी कबुल लबा ताम हिन्ना । ९ चु चा समहेन्सेन ड्यान्सी विश्वास लतोःबा ताम हिन्ना । १० चुलान लागिरी य्हाडसे दुख लसी गे लबा हिन्ना । तिगदा भिसम य्हाडसे छोन्बो

परमेश्वरथारी आश लबा मुला । परमेश्वर चा जम्मान म्हिगददा थारबा पिन्बा गले हिन्ना । अझ पाडनोन तोःमा विश्वास लबा म्हिगददा थारबा पिन्बा गले हिन्ना ।

११ चुनोन ताम लोप्सी कुल्गो । १२ ए म्योन तसेनोन एदा खालेसेन हला थालगे । तर विश्वासीगदला ओन्डाडरी एला बोली बचनदेन बानीबेहोर ओच्छे एसे चोखो सेम थोसी स्हान्दोदा लबा मायादेन परमेश्वरदा लबा विश्वास उन्गो । १३ डा थरी आखतधोना एसे सेम लसी परमेश्वरला बचन पढब लसी थंःना लउ, ओच्छे बचनग्याम लोप्सी आँट पिन्बादेन अर्ती पिन्बा गे लउ । १४ एदा परमेश्वरसे पिन्बा मोलमदेन शक्तिदा ज्यना लसी चलब लउ । एसे थं मोलम मण्डलीदा च्याबा म्हिगदसे एदा मोलम पिन्बारी या थान्सी परार्थना लबादेन अगमवक्तागदसे एला बाररी पाडबा धुडरी याडबा मुबा ।

१५ एसे लबा ज्यबा गे जम्मासेन मराडबाला लागिरी एदा जिम्मा पिन्बा थं गेगदे समहेन्सेन लसी चिउ । १६ ओच्छे हराडला बाररीदेन हराडसे लोप्या तामला बाररी होशियार तसी चिउ । ओच्छे चु गे लसीन चिउ । थहरड लजी भिसम एसे लोप्या ताम ड्यान्बागददेन ए हराडएनोन थारबा ।

विश्वासीगदेदा लतोःबा बानीबेहोर

५ एसे खेप्या दोबा म्हिदा थारडगो, तर थंदा आबादा हरड लसी सम्झब लउ । ओच्छे हराड मन्दा जजागदेदा आलेदा हरड लसी व्यवहार लउ । २ थहरड लसी सुइ दोबा मिरडम्हेमगदेदा आमादा हरड लसी ओच्छे हराड मन्दा जजा मिरडम्हेमगदेदा हराडला आडादा हरड लसी ज्यबा व्यवहार लउ ।

३ साँच्चिलान, खाले आरबा हरम्बो सिबा मिरडम्हेमदा वास्ता लउ । ४ तर चुदे खाले हरम्बो सिबा मिरडम्हेमला कोलागदेदेन छ्याया छुया मुसम थनीगदसे सयार लसी हराडला आबा आमाला गुण फागे । ओच्छे थनीगदसे डाच्छा हराडलान दिमरी परमेश्वरला बचन अन्धार गे लगे । तिगदा भिसम परमेश्वरदा चुनोन ताम सेम निमुला । ५ तर साँच्चिलान, खाले आरबा हरम्बो सिबा मिरडम्हेमसे चा परमेश्वरथारी आश लसी धिन म्हूननोन परार्थना लसी चिमुला । ६ तर चुहरड आलेना थसे मोजमजा लसी भरजी भिसम थं सिबा तेबान तला ।

७ विश्वासीगददा तिगै दोष आतबाला लागिरी चु ताम थनीगददा लोपगो। ८ तर चुदे खालेस हराडला म्हिगददेन हराडला दिमला म्हेमगददा चबा क्वान्बा आपिन्नी भिसम थसे विश्वास लबा ख्नाला। ओच्छे थे विश्वास आलबा म्हिगद भन्दाएनोन गे आख्लबा तला।

१ हरम्बा सिसैनोन हरम्बो सिबा मिरडम्हेमगदला मिन भिरबा खातारी मिन भिरसी थान्बाला लागिरी बोगल सोम दिड छुयोबा ततोःला, हराडला हरम्बोला सतरी चिबा ततोःला, १० ओच्छे थसे ज्यबा गे लसी मान याडबा, कोलागद ज्यना लसी च्याबा, डोन्बोगददेन परमेश्वरला म्हिगददा ज्यना लसी क्योडबा, दुख याडबागददा हरो लबा हरडबा ज्यबा गरी सम लबा म्हे ततोःला।

११ तर छामे मिरडम्हेमेला हरम्बो सिसैनोन थेला मिन हरम्बो सिबा मिरडम्हेमगदला मिन भिरबा खातारी थाभिरउ। तिगदा भिसम थनीगदला समसे आडयान्नी भिसम थनीगदसे खरीष्टदा ख्नासी दोःसी ब्याह लला। १२ चुहरड लसी थनीगदसे डाच्छा लबा कबुल अन्धार आभरबासे लमा थनीगदसे सजाय याडला। १३ ओच्छे थनीगदे म्हेला दिम दिमरी कोसी भरबादेन ब्तगु दोसी भरबा जे आहिन, तर म्हेला तामगन लसी भरबा ओच्छे म्हेसे लबा गरी या झाडबादेन पाडबारीन आतबा ताम पाडसी भरबा तला। १४ थतबासेलमा हरम्बो सिबा छामे मिरडम्हेमसे दोःसी ब्याह लसी कोलागद तगे ओच्छे थसे हराडला दिमनाम स्होगे। तिगदा भिसम य्हाडला शतरुगदसे य्हाडदा दोष लआम्याडगे भिबा डाला सम मुला। १५ तिगदा भिसम कोइ कोइ हरम्बो सिबा छामे मिरडम्हेमगद मी डाच्छान शैतानपट्टि निसी जिन्बा मुला।

१६ चुदे खाले विश्वासी मिरडम्हेमेला हराडला म्हे न्दरी हरम्बो सिबा मिरडम्हेमे मुसम थसे हरो लगे, ओच्छे मण्डलीदा तिगे दुख थातगे। थतबासेलमा मण्डलीसे चा सौच्चिन खाले आरेबा हरम्बो सिबा मिरडम्हेमगददा हरो लबारी समौ।

१७ ल्हानान दुख लसी मण्डलीदा च्याबा म्हिगददा मान लसी थनीगददा गेला

ज्यालाएनोन याडतोःबा भन्दा ल्हानान पिन्गो, ओच्छे दुख लसी परमेश्वरला बचन थःना लबादेन लोपबा म्हेसे मी झन चु याडनोन तोःला। १८ तिगदा भिसम परमेश्वरला बचनरी

“दाई लबा गलापला सुडरी भोर थाक्वान्गो”

भिसी भिरबा मुला।

ओच्छे

“गे लमाहेन्से ज्याला याडनोन तोःला”

भिसी सुडबा मुला।।

१९ म्हे न्ही सोम साक्षी आरतेधोना मण्डलीदा च्याबा म्हेदा लबा दोष थाडयान्गो। २० स्हान्दोगदसेनोन पाप गे थालगे भिसी सदन पाप गे लसी भरबा म्हिगददा जम्मान ओन्डाडरी बडगो।

२१ परमेश्वरदेन खरीष्ट येशूला डाच्छापट्टि ओच्छे परमेश्वरसे धम्बा स्वर्गदूतगदला डाच्छापट्टि एसे खालेला ती च्यासी गे आलना जम्मादान च्योच्यो लसी चु ठिमगदे डयान्गो भिसी डाइ एदा कुल्ला। २२ खाले म्हेथारी हतार लसी या थान्सी परार्थना लसी मण्डलीला गे जिम्मा थापिन्गो। ओच्छे स्हान्दो म्हिगदला पापरी थाभरउ। ओच्छे सदन पापगयाम जोगब तसी चिउ।

२३ डाच्छा हरड क्युइ जे आहिन, तर एला फो धुइ धुइरी आखम्बासे लमा एसे जजाकर अडगुरला निडगु थुडगो।

२४ कोइ कोइ म्हेला पाप चा परस्टन मराडमुला ओच्छे थनीगदे निसाफरी परब तमुला। तर स्हान्दो गाते म्हेला पाप चा लिच्छा जे मराडमुला। २५ थहरड लसी गाते ज्यबा गेगदे डाच्छान परस्टन मराडमुला ओच्छे परस्टन आमराडबा गेगदे मुसेनोन जम्मासेन था याडला।

१ परमेश्वरला मिनदेन य्हाडसे लोपबा
६ तामदा खालेसे दोष आलबाला लागिरी जम्मान नोकरगदसे हराड हराडला मालिकला तहरी चिसी मालिकसे कुल्बा ताम डयान्तोःला भिसी म्हेन्गो। २ विश्वासी ज्योज्यो आले नाना आडा तजी भिदेमा विश्वास लबा मालिकदा विश्वास लबा नोकरगदसे मान आलबा आहिन। बरु थनीगदसे हराडला

१५:१० “परमेश्वरला म्हिगददा ज्यना लसी क्योडबा” भिबा चा यहूदीगदला ठिम अन्धार विश्वासीगदला काड खरसी मान लबा हिन्ना।

१५:३८ व्यव २५:४; मत्ती १०:१०; लूका १०:७

१५:१९ व्यव १७:६; १९:३५

मालिकदा अझ ज्यना लसी मान लगै। तिग्दा भिसम थनीगदसे लबा गेग्याम हराडलान सम निबा विश्वासीगददान फाइदा तबा हिन्ना।

सत्यला धनदेन फट्टा ताम लोप्या

चु अन्छार गे लउ भिसी थनीगददा लोप्सी आँट पिन्गो। ३ चुद खाले म्हिसे लोप्या ताम य्हाडला परभु येशू खरीष्टला सत्य बचनदेन परमेश्वरदा तन्बारी लोप्या तामदेन आदिक्नी भिसम ४ थ म्हिसे डा हरडबा खाले आर भिसी भ्रमुला, तर थसे तिगै आधोमुला। थ भिथाला ताम लबादेन ताम गिक गिकरी कल लबा रोगसे स्याप्या म्हि हिन्ना। चुहरडबा तामगदसे डह लबा, कल लबा विरोध लबादेन नइबा म्हन्बा ताम सना लमुला। ५ ओच्छे बुदधि न्होडबादेन सत्य ताम आड्यान्बा म्हिगददेन छ्याम कल लमुला, ओच्छे परमेश्वरदा तन्बा भिबा चा धन सम्पत्ति स्होबारी हिन्ना भिसी थनीगदसे म्हन्मुला।

६ हराडदेन छ्याम जुन स्हे मुला थरीन सन्तोक लसी परमेश्वरदा तन्जी भिसम थनोन जम्मान भन्दा धरन सम्पत्ति हिन्ना। ७ तिग्दा भिसम य्हाडसे चु जम्बुलिडरी न्ह तिगै भसी खजी न्ह तिगै भोसी निला। ८ तर चबादेन क्वान्वारी जे छ्यांजी भिसम य्हाड ओतरीन सन्तोक तला।

९ तर फ्युकपो दोबारी म्हाइबा म्हिगद चा थनीगदला समरी खबा आज्यबा तामदेन न्होडबा समसे लमा थनीगद फसब तला। चु जम्मान नइबा म्हन्बा तामगदसे थनीगददा नर्गरी धोना लला। १० तिग्दा भिसम जम्मान न्होडना लबा तामगदे खबान टाडगाला लिच्छा भ्रबासे लमा हिन्ना। टाडगाला लिच्छा भ्रबासे लमा कोइ कोइ म्हिसे मी विश्वास लबान ख्तासी आज्यबा ग्यामपट्टि भ्रबा मुला, ओच्छे थनीगदला सम ल्हानान दुखसे कुराबा मुला।

पावलसे तिमोथीदा कुल्बा ताम

११ तर परमेश्वरला म्हि एसे चु जम्मान आज्यबा तामगदे ख्तागो। ओच्छे जुन ताम सत्यदेन ज्यबा मुला थ तामला लिच्छा भ्रउ। थहरड लसीन परमेश्वरदा सम निबा

म्हि दोबारी, परमेश्वरदा तेन्बारी, विश्वासरी भ्रबारी, माया लबारी, सम नाबारीदेन सोजो तसी भ्रबारी भड लउ। १२ थतबासेलमा ए जुकजुकधोनाला जुनीला लागिरी विश्वासरी सदन डाच्छा बढब तउ। तिग्दा भिसम परमेश्वरसे एदा चुलान लागिरी डयोइबा मुबा। एसे थ जुकजुकधोनाला जुनीला बारी ल्हानान म्हिला ओन्छाडरी ज्यना लसी उन्बा मुला। १३ जम्मादान जुनी पिन्बा परमेश्वर ओच्छे पन्तियसे पिनातसला डाच्छा सत्य ताम सुडबा खरीष्ट येशूला डाच्छा डइ एदा कुल्ला। १४ एदा खालेसे दोष आलबाला लागिरी डइ एदा कुल्बा चु ताम य्हाडला परभु येशू खरीष्ट दोःसी आफ्खतधोना ढुकक तसी पुरान ड्यान्गो। १५ परमेश्वर जम्मादान मोलम पिन्बादेन जम्मानथोरी शासन लबा, ओच्छे ग्लेगदलाएनोन ग्ले, परभुगदलाएनोन परभु परमेश्वर हिन्ना। धुइ पूरा तमाहन्से थसेन खरीष्ट फप्खबा धुइ उन्ना। १६ खाइमे आसिबा चा थ जे हिन्ना, ओच्छे थ खाले निआखम्बा य्हालरी धन्छ्यामुला। थदा खाले म्हिसे खाइमे मराडबा आर ओच्छे मराडबारीएनोन आखम। ओच्छे थनोन परमेश्वरदा सदन मानदेन शक्ति तगै। आमन।

१७ चु जम्बुलिडला फ्युकपोगददा डा हरडबा खाले आर भिसी भ्रबारी आत भिसी कुल्गो। ओच्छे नाश तसी निबा सम्पत्तिरी आदिन, तर य्हाडदा ताडना लबारी जम्मान स्हे ल्हानान पिन्बा परमेश्वरथोरी आश लउ भिसी पाङ्गो। १८ थनीगदला टाडगा ज्यबा गरी चलब लउ भिसी पाङ्गो, ओच्छे थनीगददा स्हान्दोदा ज्यबा समसे भो लसी पिन्बा ज्यबा गरी फ्युकपो दोगो भिसी कुल्गो। १९ चुहरड लसी धन सम्पत्ति सोजी भिसम थनीगददा खबा धिनगदरी ज्यबा तला। चु थनीगदसे याडबा पक्का जुनी हिन्ना।

२० तिमोथी, एदा जुन गे जिम्मा पिन्बा मुला, थ जोगब लसी थान्गो। ओच्छे परमेश्वरदा आतेन्बा तामदेन आतोःबा तामगदे चा भिथाला ज्ञान जे हिन्ना। थतबासेलमा थहरडबा तामगदे ख्तागो। २१ चु तामगदे ड्यान्सी भ्रबा गाते म्हिगदसे विश्वास लबान ख्ताबा मुला।

एदेन छ्याम परमेश्वरला दयामाया तगै।

पावलसे तिमोथीदा भिरबा न्हीरमला चिठी
चु चिठीला बोररी पाडतो:मा

भिरबा म्हिः येशूला मुल चला पावलसे भिरबा
मुबा (२ तिमोथी १ :१)।

भिरबा गला : रोमला झ्याल्खानग्याम भिरबा
मुबा।

भिरबा सालः ओस्पन ईश्वी संवत् ६५-६७
(विक्रम संवत् १२२-१२४) सालला गुडरी
भिरबा मुबा।

साल्दा भिरबा : तिमोथी भिबा म्हिदा भिरबा
मुबा।

चु न्हीरमला चिठी पावलसे थार्बा पिन्बा
समाचार थेःना लबा हराड मन्दा च्याड्बा
तिमोथीदा जे पिन्बा सल्लाह हिन्ना। चु
चिठीला मुल ताम चा "नाबा" हिन्ना। चु चिठीरी
तिमोथीदा जस्तोन दुख तसेनोन समहेन्सेन
खरीष्ट येशूला बोररी पाड्बाला पाड्बान
तउ भिसी पाड्बा मुला। ओच्छे परमेश्वरला
थार्बा पिन्बा समाचारदेन पुरानो कबुलला सत्य
तामगदेरी कोडसी चिउ भिसी पाड्बा मुला।
थहरड लसीन दुखदेन हेला नातो:मा लोन्बा
म्हिदेन थार्बा पिन्बा समाचार थेःना लबा म्हिसे
लतो:बा जम्मान गे लसीन चिबाला लागिरी
ऑट खबा सल्लाह पिन्बा मुला।

खास लसी तिमोथीदा चु चिठीरी
"जम्बुलिडला मूर्ख तामगदेग्याम" जोगब
तबाला लागिरी होशियार तना लबा मुला।
चुहरड्बा मूर्ख तामसे झ्यान्बागदेदा फाइदा
आत, बरु न्हीडना लमुला।

चु जम्मान तामला बोररी पावलसे तिमोथीदा
हराडदेन हराडसे लबारी म्हाड्बा गेगदेला
बोररी पाड्बा मुला। पावलसे हराडलान
विश्वासला बोररी, हराडसे नाबा तामला बोररी,
हराडसे लबा मायाला बोररीदेन दुखला धुडरी
नाबा तामगदे दन्ना लबा मुला।

मुल तामगदे

फयाफुल्बा १ :१-२

स्याबासदेन ऑट पिन्बा १ :३-२ :१३

सल्लाह पिन्बादेन होशियार तना लबा २ :१४-
४ :५

पावलसे हराडलान बोररी पाड्बा ४ :६-१८

चिठीला थुमरी भिरबा ताम ४ :१९-२२

पावलसे तिमोथीदा भिरबा न्हीरमला चिठी

१-२लास्सो, परमुरी सेम निबा डाला झा
१ तिमोथीदा डा पावलग्याम फयाफुल्ला।
डादा खरीष्ट येशूसे जुकजुकधोनाला जुनी
पिन्ना भिसी लबा कबुल अन्धार परमेश्वरसे
खरीष्ट येशूला मुल चला दोबारी धम्बा हिन्ना।
एदा परमेश्वर आबादेन य्हाडला प्रभु येशू
खरीष्टग्याम मोलमदेन दया ओच्छे शान्ति
तगे।०

परमुला गे लबारी दुख थाम्हेन्गो

३डाला झा, डाइ सदन धिन म्हुन प्रार्थना
लबा धुडरी एदा दन्सी परमेश्वरदा धन्यवाद
पिन्बा मुला। डाला आखे म्हेमगदेसे तेन्बा
हरड लसी डाइ सेमहेन्सेन परमेश्वरदा तेन्बा
मुला। ४एला मीखतीला धारा दन्नाम, डादा
सदन एदेन छयाम हरुप तबा सेम खमुला,
ओच्छे एदेन छयाम हरुप तम्पाडसम डा
ल्हानान ताडसेला मुबा। ५एसे सेमहेन्सेन लबा
एला ज्यबा विश्वास डाइ दन्बा मुला। थे
विश्वास चा डाच्छा एला मम लोडसदेन आमा
युनिससेनोन लमुबा। एला ममदेन आमासे लबा
हरडबान विश्वास एसेनोन लबा मुला भिबा
तामरी डा दुक्क मुला।१

६थतबासलमा डाइ एथारी या थान्सी प्रार्थना
लमा एसे परमेश्वरग्याम याड्बा मोलमदा सदन
सोना लसी थान्गो भिसी डाइ एदा दन्ना लला।
७तिगदा भिसम परमेश्वरला आत्मासे य्हाडदा
लोड्बा खबा आत्मा पिन्बा ऑरे, तर भड,
मायादेन हराडसे हराडदान तहरी थान्खम्बा
आत्मा पिन्बा मुला।

८थतबासलमा य्हाडला प्रभुला बोररी
पाड्बारी थापे:गो, ओच्छे डा झ्याल्खानरी
मुला भिसीएनोन थापे:गो। तर परमेश्वरग्याम
शक्ति याड्सी थार्बा पिन्बा समाचार थेःना लसी
डादेन छयामनोन दुख नाबारी तयार तउ।

९ परमेश्वरसे य्हाडदा थार्ना लबा मुला।

थेसे य्हाडला गे मराडसी आहिन,

तर थेसे म्हेन्बा अन्धार हराडलान
दयामायाग्याम य्हाडदा हराडला म्हि
स्होबारी डयोड्बा हिन्ना।

चु ताम थेंसे दडबोरीन खरीष्ट येशूग्याम य्हाडदा पिन्बा मुबा ।

१० दान्दे थें दयामाया य्हाडला थार्बा पिन्बा खरीष्ट येशू फेखसी य्हाडदा उन्बा मुला ।

थेंसे कालदा नाश लसी य्हाडदा थार्बा पिन्बा समाचारग्याम जुकजुकधोनाला जुनी उन्जी ।

११ चुनोन थार्बा पिन्बा समाचार थेंना लबारीदेन लोप्वारी डादा मुल चेतला स्हासी धम्जी । १२ थेंतबासेलमा डाइ चु दुखएनोन नाबान मुला । तसेनोन डा खाइमै आपे:नी । तिग्दा भिसम डाइ खाल्दा विश्वास लबा मुला थें ताम डादा था मुला । ओच्छे जुन गे थेंसे डादा जिम्मा पिन्बा मुला थें जम्मान गे थेंसे पूरा लखम्ला । निसाफ लबा धिन आततेधोना थें गे पूरा लबारी डादा भड पिन्ना मिबा तामरी डा दुक्क मुला ।

१३ खरीष्ट येशूदेन छ्याम गिक तबा विश्वासदेन मायारी डाग्याम लोप्वारी सत्य तामगदे अन्धार एसे गे लउ । १४ एदा जिम्मा पिन्बा सत्य तामदा य्हाड न्हडरी धन्ड्याबा परमेश्वरला आत्माग्याम जोगब लसी थान्गो ।

१५ एशिया अज्वलरी मुबागदे जम्मान डाग्याम फेसी निजी मिबा एदा थानोन मुला । फेसी निबागदे न्हडला फुगेलसदेन हर्मगिनसएनोन हिन्ना ।

१६ परमुसे आनसिफरसला म्हेमदा दया लगे, तिग्दा भिसम थेंसे डाला दुखरी ल्हानान रम आँट पिन्मुबा, ओच्छे डा झ्यात्खानरी मुसेनोन डा मराडसी थें आपे:मुबा । १७ तर थें रोमरी धोखमैछ्याम डादा आस्यापेधोना थेंसे म्हाइबाला म्हाइबान लजी । १८ निसाफ लबा धुइरी थेंदा परमुसे दया लगे । थेंसे एफिसस शहररी डादा गात हरो लजी मिबा ताम एदा थानोन मुला ।

येशू खरीष्टसे कुल्बा ताम ड्यान्बा म्हि

१ थेंतबासेलमा डाला कोला, ए खरीष्ट येशूसे पिन्बा दयामायारी कोडगो । २ ओच्छे ल्हानान म्हिगदेला गुडरी एसे डाग्याम थेंबा ताम विश्वास लखम्बादेन लोप्वारी खम्बा म्हिदा जिम्मा पिन्गो ।

३ खरीष्ट येशूला ज्यबा सिपाही दोसी डन्देन छ्याम दुख नाबारी तयार तउ । ४ सिपाहीरी

भर्ना तबा म्हि खाइमै अर्गु गेरी आकोल्मुला । तिग्दा भिसम थेंला समरी हराड भन्दा थोला म्हिदा ताडना लतो:ला मिबा जे तमुला । ५ ओच्छे खलरी भो किन्सी खलला ठिम अन्धार आक्लड्बा खजिबे म्हिसे इनाम आयाड । ६ जुन म्हिसे दुख लसी खती लला थेंसेन डाच्छा रोबा बाली याडतो:ला । ७ डाइ तिग पाड्बा मुला, थें ताम म्हन्गो, तिग्दा भिसम जम्मान ताम एदा परमुसे धोना लला ।

८ दाऊद वंशग्याम फेखबा येशू खरीष्टदा ढन्गो । थें सिबागदे न्हडग्याम साबा मुला । डाइ थेंना लबा थार्बा पिन्बा समाचार चा चुनोन हिन्ना । ९ थार्बा पिन्बा चुनोन समाचार थेंना लबासे लमा डाइ दुख नाबान मुला, ओच्छे अझ अपराधीदा हरड लसी डादा च्याल्दासे खीबा मुला । तर परमेश्वरला थार्बा पिन्बा समाचारदा खाइमै च्याल्दासे खीबारी आसम । १० थेंतबासेलमा परमेश्वरसे धम्बागदेला लागिरी डाइ जम्मान दुख नाला । तिग्दा भिसम थेंनीगदेसोनोन जुकजुकधोनाला य्हालदेन शक्ति ओच्छे खरीष्ट येशूग्याम थार्बा याडगे भिसी डाइ चु दुख नाबा हिन्ना । ११ चुहरड भिसी पाड्बा चा सत्य हिन्ना,

चुदे य्हाड थेंदेन छ्यामनोन सिबा मुला भिसम थेंदेन छ्यामनोन सोला ।

१२ य्हाडसे दुख नाबारी खम्जी भिसम य्हाडसेनोन थेंदेन छ्यामनोन शासन लम्पाडला, तर य्हाडसे थेंदा विश्वास लबा ख्ताजी भिसम थेंसेनोन य्हाडदा ख्ताला । १

१३ य्हाडसे विश्वास लबा ख्तासेनोन, खरीष्ट सदन विश्वास लखम्बा तला, तिग्दा भिसम थेंसे खाइमै हराडला बचन आपो ।

परमेश्वरसे हराडला गे लबारी धम्बा म्हि

१४ चु ताम थेंनीगदेदा धोना लउ ओच्छे आतो:बा तामरी कल थालउ भिसी परमुला डाच्छा कुल्गो । चुहरड्बा तामसे खालेदा ज्यबा आत, तर ड्यान्बागदेदा न्होडना जे लला । १५ आपे:ना परमेश्वरला सत्य बचन अन्धार ज्यना लसी गे लबा म्हिसे हरड एसेनोन हराडसे हराडदान परमेश्वरदा सेम निबा म्हि दोबारी भड लउ । १६ ओच्छे परमेश्वरदा मान आतबादेन मूर्ख तामगदे ख्तागो । तिग्दा भिसम चुहरड्बा तामसे म्हिगदेदा झन परमेश्वरग्याम थारड

तना लमुला । १७ थनीगदेला ताम सइन तबा पोर हरङ्क तसी निमुला । थहरङ्कबा ताम लबा म्हिगदे न्हङ्कला हुमनियसदन फिलेतसएनोन हिन्ना । १८ सत्य ताम ख्ताबा चुनोन म्हिगदेस थनीगदे डाच्छान सिबाग्याम सोसी जिन्बा मुला भिसी पाङ्मुला । ओच्छ थनीगदेस विश्वास लबा कोइ कोइ म्हिगदेदा मी न्होङ्कना लबा मुला । १९ तर परमेश्वरस थान्बा सत्यला जग सदन कोङ्सी चिला । ओच्छ थथारी चुहरङ्कबा छाप लबा मुला, “परभुस हराङ्कला म्हिगदेदा डोसमुला,” ओच्छ, “परभुला मिन किन्बागदे पापग्याम थारङ्क चिगे ।” १८

२० पयुक्पोला दिमरी म्हरदेन म्हुइला ताङ्क जे आहिन, तर सिङ्कदेन सापुराला ताङ्कएनोन तमुला । चु ताङ्कगदे कोइ म्हिगदेदा क्योङ्काला लागिरी तला भिसम कोइ हराङ्कलान लागिरी चलब लबाला लागिरी हिन्ना । २१ खाले म्हिसे हराङ्कदा पाप गेग्याम चोसो थान्जी भिसम थे म्हि चा डोन्बोदा क्योङ्कबारी चलब लबा चोसो ताङ्क हरङ्कबान तला । तिगदा भिसम थेस हराङ्कदान चोसो थान्बासे लमा जम्मान ज्यबा गरी चलब लबाला लागिरी मालिकदा थे सम निबा तला ।

२२ थहरङ्क लसीन भ्योन मुबा धुइरी सेमरी खबा नइबा तामगदे ख्तागो, ओच्छ परमेश्वरदा सम निबा म्हि दोसी विश्वास, मायादन शान्तिरी ज्यबा समस परभुला मिन किन्बागदेदेन छ्याम भरड । २३ तर एस मूर्ख तामदेन गे आखल्बा ताम ख्तागो, तिगदा भिसम चुहरङ्कबा तामसे कल जे तमुला भिबा एदा थानोन मुला । २४ परभुला गे लबा म्हिसे चा कल लबारी आत, थे जम्मानदेन छ्याम दिक्बा, लोप्बारी खम्बा, जस्तोन दुख तसे नाबारी खम्बादेन २५ जम्मान गरी सोजो तसी हराङ्कदा बिरोध लबागदेदा घोना लसी ज्यबा ग्याम उन्बारी खम्बा म्हि ततोःला । थहरङ्क लजी भिसम परमेश्वरसे थनीगदेदा थेन्से लबा पाप ख्तासी सत्य ताम घोसी परमेश्वरपट्टि दोःबा सम पिन्ना तला, २६ जमाहेन्से होसरी खसी थनीगदे शैतानना याग्याम स्योर्ला । तिगदा भिसम शैतानसे कुल्बा अन्धार भरगे भिसी थेस थनीगदेदा सीसी थान्मुला ।

लिच्छाला धुइरी परमेश्वरदा ख्ताबा म्हिगदे

३ लिच्छाला धुइ चा ल्हानान दुसला धुइ तला भिबा ताम एस था याङ्गो । २ तिगदा भिसम जमा धुइरी म्हिगदे हराङ्कदा जे माया लबा, ओच्छ टाङ्काला लिच्छा जे भरबा, डा हरङ्कबा खाले आर भिसी भरबा, डा जे चस डा जे भरसे भिसी भरबा म्हि, स्थान्दोदा बिरोध लबा, आबा आमास पाङ्कबा ताम आङ्ग्यान्बा, गुण आम्राङ्कबादेन परमेश्वरदा आतन्बा, ३ ओच्छ दया आरबा, दिक्ना लबारी आसम्बा, तामगन लसी भरबा, हराङ्कसे हराङ्कदान तहरी आथान्बा, च्यामान लोङ्कबा खबा, ज्यबा ताम सम आनिबा, ४ धोका पिन्बा, तिगे वास्ता आलना मूर्ख गे लसी भरबा, डा हरङ्कबा खाले ओर भिसी भरबा, परमेश्वरदा ताङ्कना आलना मोजमजा लसी भरबा सम लबा, ५ परमेश्वरदा तेन्बा स्तोबा, तर परमेश्वरला शक्तिग्याम लबा गे चा आहिन भिबा चुहरङ्कबा म्हिगदेग्याम थारङ्क तसी चिउ ।

६ तिगदा भिसम थहरङ्कबा म्हिगदे न्हङ्कला कोइ कोइ चा दिम दिमरी निसी पापी सम थोबादेन पापसे नाङ्कबा कमजोर मिरङ्कम्हेमगदेदा हराङ्कला तहरी थान्मुला । ७ थे मिरङ्कम्हेमगदेसे सदन लोप्बारी मी म्हाइमुला, तर सत्य ताम तिग हिन्ना भिसी खाइमै आसमुला । ८ यान्नेसदन याम्बरेससे मोशादा बिरोध लबा हरङ्कनोन चु म्हिगदेस सत्य तामला बिरोध लमुला । चुहरङ्कबा म्हिगदेला बुदधि न्होङ्कबा मुला, ओच्छ विश्वास लबा स्हासी भरमुला । ९ तर दाहेन्से थनीगदे ल्हानान आट्ट, तिगदा भिसम थनीगदे गाते मूर्ख चीम भिबा ताम जम्मासेन मराङ्कला । ओच्छ यान्नेसदेन याम्बरेसदा साहरङ्क तमुबा थनीगदेदाएनोन थहरङ्कनोन तला ।

पावलसे तिमोथीदा कुल्बा ताम

१० तर डाइ लोप्बा ताम, डाला बानीबेहोर, डाइ लबारी छ्याइबा गे, डाला विश्वास, डाइ दुख नाखम्बा, डाला मायादेन डा विश्वासरी गाते कोङ्सी चिबा मुला भिबा ताम एसेन मराङ्कबा मुला । ११ ओच्छ डादा म्हिगदेसे पिन्बा दुखदेन डाइ नाबा दुख एसे मराङ्कबा मुला । एन्टिओखिया, आइकानियनदेन लुस्तरा भिबा ग्लारी डाइ गाते ल्हाना दुख नाजी ।

तसैनोन थे जम्मान दुखग्याम परभुसे डादा जोगब लजी। ३२ पाङ्गनोन तोःमा खरीष्ट येशूदा समहेन्सेन तेन्सी थेदेन छुयाम भरबागदे जम्मादान म्हिगदसे दुख मी पिन्नीन पिन्ना। ३३ तर पापी सम थोबा म्हिगदे स्थान्दोदा ठगब लबारी म्हाइमा थनीगदे हराङ्गनोन झन झन न्हाङ्गसी निला। ओच्छे स्थान्दोदा थोका पिन्बागदे हराङ्गसेन थोका याङ्गला। ३४ तसैनोन ए चा हराङ्गसे लोप्रा चु तामरी विश्वास लसी कोङ्गसी चिउ। तिगदा भिसम चु ताम खाल खालग्याम लोप्राजी भिबा एदा थानोन मुला। ३५ एदा जजाहेन्सेन परमेश्वरला बचन था मुला। थे बचनसे खरीष्ट येशूदा लबा विश्वासग्याम थार्बा याङ्गबाला लागिरी एदा ज्ञान बुदधि पिन्सम्ला। ३६ चु बचनरी भिरबा जम्मान ताम चा परमेश्वरला आत्माग्यामनोन खबा हिन्ना। तिगदा भिसम सत्य ताम लोप्रावी, आतोःबा तामला दोष उन्बारी, गल्ती तामगदेदा सोज्यब लबारी ओच्छे परमेश्वरसे म्हन्बा अन्धार भरबा लोप्रावी खमौ भिसी हिन्ना। ३७ थेरङ्ग लसीन परमेश्वरला म्हिगदसे जम्मान ज्यबा गेगदे लबारी खमौ भिसीन परमेश्वरला बचन पिन्बा हिन्ना।

४ खरीष्ट येशू ग्ले दोसी फेख्रमा सिबादेन सोबा जम्मालान निसाफ लला। थेतबासलमा परमेश्वरदेन येशू खरीष्टला डाच्छापट्टि डाइ एदा चु ताम कुल्ला। २ धुइ मुसे आरसे ए साइमादमान बचन थेःना लबारी तयार तउ, म्हिगदेदा अर्ती पिन्गो, बङ्गो, आँट पिन्गो, ओच्छे दुख तसै सम नाबारीदेन लोप्रावी थाख्तागो। ३ तिगदा भिसम चुहरङ्गबा धुइएनोन खबान मुला, जमा धुइरी म्हिगदसे सत्य ताम इयान्बा ख्ताला, थनीगदे हराङ्गला समसे तिग म्हन्बा थनोन अन्धार जे भरला। थेरङ्ग लसीन थनीगदसे हराङ्गदा सम निबा ताम लोप्रा म्हिगदेदा जे इयोइला। ४ ओच्छे थनीगदसे सत्य ताम इयान्बारी ख्तासी म्हिसे म्हन्सी पाङ्गबा कथागदे चा इयान्सी भरला। ५ तर एसे हराङ्गसे हराङ्गदान जम्मान तामरी

तहरी थान्गो, ओच्छे जस्तोन दुख तसै नासी थार्बा पिन्बा समाचार थेःना लबा गे लउ। थेरङ्ग लसीन एसे परमेश्वरदा तेन्बा गे पूरा लउ।

६ डाइ चा डाला ल्हुइ परमेश्वरला डाच्छा बलि फुल्सी एनीगदग्याम फेबारी छुयाइबा मुला। ७ डाइ दुख नासी लतोःबा जम्मान गे लसी जिन्बा मुला। ओच्छे डाइ विश्वासदा जोगब लसी थान्बा मुला। ८ परमेश्वरदा सम निबा म्हि हिन्ना भिसी उन्बा मुकुट याङ्गबारी जे बाँकी मुला। थे मुकुट ठीक निसाफ लबा परभुसेन थे धिनकुनु डादा कूसी पिन्ना। चु मुकुट डादा जे आहिन, तर थे दोःसी फेख्रला भिसी थेदा माया लसी थेला ग्याम च्यासी चिबागदे जम्मादान पिन्ना।

९ ए स्वतेधोना डादा हरूप तबारी योनान खउ। १० तिगदा भिसम डेमाससे जम्बुलिङ्गरी मुबा स्हेगदेदा माया लसी डादा ख्तासी थसतोनिक्की निजी। ओच्छे करसेन्स चा गलातियारी, तीतस चा दलमातियारी निजी। ११ लुका जे डादेन छुयाम मुला। ओच्छे मर्कुसदा म्हाइसी एदेन छुयामनोन भसी खउ। तिगदा भिसम थसे डादा ज्यना लसी हरो लमुला। १२ डाइ तुखिकसदा चा एफिससरी पुइबा मुला। १३ ए खबा धुइरी तरोआसरी डाइ कार्पस मुबा ग्लारी ख्तासी थान्बा घदेन किताबगदे, ओच्छे द्विरी भिरबा परमेश्वरला बचन आम्तेःना भसी खउ। १४

१५ स्थाङ्गबोला ताङ्ग स्थाबा अलक्जन्डरसे डादा ल्हानान दुख पिन्जी। थसे लबा गे अन्धार परभुसेन थेदा खी किन्ना। १६ थे म्हि मराङ्गसी एएनोन होशियार तसी चिउ। तिगदा भिसम म्हाङ्गसे थार्बा पिन्बा समाचार थेःना लमा थसे उन्दा ल्हानान बिरोध लजी।

१६ डाच्छा डादा मुद्दा तमा डाला लागिरी खालेसेन तिगे ताम पाङ्गसी आपिन्नी, तर जम्मासेन डादा ख्तासी निजी। चु तामला दोष थनीगदेदा थातगै। १७ तर परभु डादेन छुयाम तसी डादा भङ्ग पिन्जी। थेतबासलमा डाइ अर्गु ख्हुलला म्हिगदेदा थार्बा पिन्बा समाचार ज्यना लसी थेःना लखम्जी। चुहरङ्ग लसी परमेश्वरसे

३३ :११ मुल १३ :१४-२२ ; १४ :१-७, ८-२० १४ :१० कल ४ :१४ ; फिले २४ ; २ कोर ८ :२३ ; गला २ :३ ;

तीत १ :४ १४ :११ कल ४ :१४ ; फिले २४ ; मुल १२ :१२, २५ ; १३ :३३ ; १५ :३७-३९ ; कल ४ :१०

४४ :१२ मुल २० :४ ; एफि ६ :२१-२२ ; कल ४ :७-८ १४ :१३ मुल २० :६

४४ :१४ १ तिमा १ :२० ; भजन ६२ :१२ ; रोमी २ :६

डादा सिबाग्याम जोगब लजी। ३८ हिन्ना, अझ प्रभुसेन डादा जम्मान आज्यबा तामग्याम जोगब लला, ओच्छ प्रभुसेन डादा जोगब लसी थेला यहुत्सारी भोर्ला। थेला सदन मानदेन जयजयकार तगे। आमन।

चिठीला थुमरी भिरबा ताम

११ पिरस्कितादेन थेला हरम्बो अकित्तासदा ओच्छ ओनसिफरसला म्हेमेदा फ्याफुल्बा मुला

भिसी पाडसी पिन्गो। २० इरास्तस कोरिन्थरीन चिबा मुला, तर तरोफिमस चा आखम्बासे लमा डाइ थेदा मिलटसरीन खलाजी। २१ ए सम्तेधोना संखे खबा भन्दा डाच्छान खबारी भड लउ, एदा युबुलससे फ्याफुल्ता भिसी पाडबा मुला, ओच्छ पुडस, लिनस, क्लोडियादेन जम्मान आलगदसनीन फ्याफुल्ता भिसी पाडबा मुला।

२२ प्रभु एला आत्मादेन छ्याम तगे। ओच्छ एदेन छ्याम प्रभुला दयामाया तगे।

३४ :१७ “सिबाग्याम जोगब लजी” भिबादा ग्रीक बाइबलरी च्यान्ना सुडग्याम जोगब तजी भिसी भिरबा मुला।

३४ :१९ मुल १८ :२ ; २ तिमो १ :१६-१७ ३४ :२० मुल १९ :२२ ; रोमी १६ :२३ ; मुल २० :४ ; २१ :२९

पावलसे तीतसदा भिरबा चिठी चु चिठीला बाररी पाडतो:मा

भिरबा म्हि: मुल चेला पावलसे भिरबा मुबा
(तीतस १:१)।

भिरबा ग्ला: कारिन्थ शहररी भिरबा मुबा।

भिरबा साल: ओस्पन ईशवी संवत् ६३-६५
(विक्रम संवत् १२०-१२२) सालला गुडरी
भिरबा मुबा।

खाल्दा भिरबा: तीतस भिबा म्हिदा भिरबा
मुबा।

तीतस चा अर्गु म्हलला म्हि मुबा। थेसे थार्बा
पिन्बा समाचार थे:ना लबा गरी पावलदा हरो
लमुबा। पावलसे करेट भिबा शहरला मण्डलीदा
च्याबाला लागिरी तीतसदा थे शहररीन थान्जी।
चु चिठीरी गोर सोम मुल तामगदे भिरबा मुला।

जम्मान भन्दा डाच्छाला ताम चा करटला
ल्हानान म्हिगदेसे नइबा गे लबासे लमा
पावलसे तीतसदा मण्डलीदा च्याबा म्हिगदेला
बानीबेहार खाहरडबा ततो:ला भिसी घोना लबा
मुला। अर्गु ताम चा मण्डलीरी मुबा खेप्रा
सुइ दोबागदेदेन भ्यानगदे ओच्छे नोकरगदेदा
खाहरड लसी लोप्रा भिसी घोना लबा मुला।
अर्गु ताम चा पावलसे तीतसदा तिगे तामरी
ईस आथान्ना, छेबा बडबा आलना, मण्डली
न्हडरी फना लबा तामग्याम जोगब तउ
ओच्छे सांजो तसी जम्मानदेन छयाम दिक्सी
खरीष्टियान बानीबेहार अन्धार भरतो:ला
भिसी सल्लाह पिन्बा मुला।

मुल तामगदे

फ्याफुल्बा १:१-४

मण्डलीदा च्याबा म्हिला बाररी लोप्रा तामगदे
१:५-१५

मण्डलीरी मुबा जम्मान समूहगदेसे लतो:बा गे
२:१-१५

सल्लाह पिन्बादेन होशियार तना लबा ३:१-११
चिठीला थुमरी पाडबा तामगदे ३:१२-१५

पावलसे तीतसदा भिरबा चिठी

१लास्सो डा परमेश्वरला गे लबादेन
१ येशू खरीष्टला मुल चेला पावलग्याम
फ्याफुल्ला! डादा परमेश्वरसे धम्बागदेला

विश्वास ल्हेना लबादेन परमेश्वरदा खाहरड
लसी तेन्बा भिबा सत्य ताम लोप्यारी धम्बा
हिन्ना। २चु सत्य तामग्याम चा म्हाडदा
जुकजुकधोनाला जुनी याडला भिबा आश
खमुला। ओच्छे खाइमे लुसीला ताम आपाडदा
परमेश्वरसे म्हाडदा चु जुनी पिन्ना भिसी
जम्बुलिड स्हाबा भन्दा डाच्छान कबुल लसी
जिन्बा मुबा। ३ओच्छे प्रभु येशूसे ठीक धुडरी
डादा चु ज्यबा समाचार उन्जी। चुनान ज्यबा
समाचार थे:ना लबारी म्हाडदा थार्बा पिन्बा
परमेश्वरसे कुल्बा अन्धार डादा जिम्मा
पिन्जी।

४विश्वास गिकनोन तबासे लमा डाला
हराडलान डा दोबा तीतसदा परमेश्वर आबादेन
म्हाडदा थार्बा पिन्बा येशू खरीष्टग्याम
दयामायादेन शान्ति तगे।

करेट भिबा म्हलसारी तीतससे लबा गे

५डाइ कुल्बा अन्धार थेरी बाँकी मुबा गेगदे
जिन्ना लबारीदेन जम्मान ग्लारी मण्डलीदा
च्याबा म्हिगदे धम्बाला लागिरी डाइ एदा
करेट भिबा ग्लारी थान्बा हिन्ना। ६मण्डलीदा
च्याबा म्हिगदे तिगे दोष आरबादेन मिरड गिक
जे मुबा ततो:ला। ओच्छे थेला कोलागदेएनोन
विश्वास लबा ततो:ला। आज्यबा बानीबेहार
थोबादेन कुल्बा ताम आडयान्बा तबारी आत।
७तिगदा भिसम परमेश्वरला गे लबारी जिम्मा
पिन्बा म्हि तबासे लमा मण्डलीदा च्याबा म्हि
चा तिगे दोष आरबा ततो:ला। थे हराडला
सुरसे भरबा, योनान बामो खबा, झि आइरक
थुडसी ड्य्हाइसी भरबा, छेबा बडबा लबा,
धन सम्पत्तिरी लोभ लबा म्हि आहिन, ८तर
डान्बोगदेदा मान लबा, ज्यबा तामरी जे सेम
लबा, हराडसे हराडदान तहरी थान्बा ततो:ला।
ओच्छे परमेश्वरदा सेम निबा बानीबेहार थोबादेन
चोखो ओच्छे जस्तोन दुख तसेनोन नाखम्बा
म्हि ततो:ला। ९थेदा लोप्रा विश्वास लखम्बा
बचनरी थे कोडसी चितो:ला। तिगदा भिसम
थेसे घोबा सत्य ताम अन्धार थेसे स्थान्दोदा
लोप्यारी खम्भो। थेसे लोप्रा तामगदेदा बिरोध
लबा म्हिगदेला गल्ली उन्खम्तो:ला। ८

१०तिगदा भिसम ल्हानान म्हिगदे
स्थान्दोला ताम आडयान्बादेन आतो:बा
ताम पाडबा ओच्छे लुसीला ताम पाडबा

तमुला, झन स्वतना लबागदे थिहरडबा तमुला ।
 ११थतबासलमा थनीगदला सुड बन्द तना
 लतोःला । तिग्दा भिसम थनीगदसे हराडला
 फाइदला लागिरी आतोःबा ताम लोप्सी
 जम्मान म्हमगदला विश्वास न्होडना लबा
 मुला । चुहरडबा ताम चा थनीगदसे लोप्बारी
 आतमुबा । १२थनीगद न्हडला अगमवक्ता
 गिकस “करटला म्हगद सदन लुसीला
 ताम पाडबादन पशुला हरडबा बानीबिहोर
 लबा ओच्छे ल्हाना चबा ब्वेगुगदे तला”
 भिसी पाडमुबा । १३चु ताम सत्य हिन्ना ।
 थतबासलमा थनीगद विश्वासरी पाको म्हि
 दोगे भिसी थनीगददा ल्हानान बड्यो ।
 १४ओच्छे थनीगदसे सत्य तामदा रूलाबा
 म्हगदसे कुल्बा तामदन सेमरी म्हन्सी पाडबा
 यहूदीगदसे स्होसी पाडबा कथारी सम थालगै ।

१५चोखो सम मुबा म्हगदला लागिरी
 जम्मान स्हे चोखो तला । तर चोखो सम
 आरबादेन खरीष्टदा विश्वास आलबा
 म्हगदला लागिरी चा तिगे स्हेनोन चोखो
 आत । तिग्दा भिसम थनीगदला समदन
 थनीगदसे म्हन्बा तामनोन चोखो आर ।
 १६थनीगदसे परमेश्वरदा डोसबा मुला भिसी
 मी पाडमुला, तर थनीगदला गग्याम चा
 आउन्मुला । ओच्छे थनीगद परमेश्वरला
 डाच्छे नडबादेन कुल्बा ताम आडयान्बा
 म्हगद तमुला । थतबासलमा थनीगद खजिबे
 ज्यबा गे लबाधोनाला आर ।

जजा म्हिहन्से घरेन म्हिधोनादा लोप्बा ताम

२ तीतस, एस चा म्हिगददा सत्य ताम
 अन्धार साहरड लसी भरतोःला थ ताम
 जे लोप्गो । २खप्बा म्हिगददा सम नाबारी,
 जम्मानदेन छुयाम दिक्बारी, ज्ञान बुदधि थोसी
 चिबारी, ओच्छे विश्वासरी पाको दोबारी, माया
 लबारीदेन दुस तबा धुडरी नासी विसम्तोःला
 भिसी लोप्गो ।

३ चुहरड लसीन सुड दोबा मिरडम्हमगदसे
 परमेश्वरदा तेन्बा बानीबिहोर थोतोःला,
 स्हान्दोदा आतोःबा तामरी दोष थालउ,
 ओच्छे झि आडरक थुडसी ड्य्होडबारी

आत भिसी लोप्गो । थनीगदसे जुन ताम
 ज्यबा मुला थ ताम लोप्तोःला । ४सुड दोबा
 मिरडम्हमगदसे छाम मिरडम्हमगददा हराड
 हराडला हरम्बादेन कोलागददा माया लबारी,
 ५जम्मानदेन छुयाम दिक्सी हरम्बास कुल्बा
 ताम डयान्बा, दिमनाम लखम्बादेन दया लबारी
 ओच्छे हराड हराडला हरम्बाला तहरी चिबारी
 थनीगददा लोप्तोःला । चुहरड लजी भिसम
 परमेश्वरला बचनना हेला आत ।

६थहरड लसीन म्यान म्हिगददाएनोन
 हराडसे हराडदान तहरी थान्सी भरउ भिसी
 पाड्यो । ७एस लबा जम्मान गग्यामसन एला
 ज्यबा बानीबिहोर उन्गो, ओच्छे ए होशियार
 तसी सत्य ताम लोप्गो । ८लोप्बा धुडरी खालेस
 थाबारी आखम्बा सत्यदेन ठीक ताम लोप्गो ।
 थहरड लजी भिसम य्हाडदा बिरोध लबागदसे
 तिगे पाडआखम्बा थनीगद हराडनोन पेःला ।

९नोकरगददाएनोन हराड हराडला
 मालिकला तहरी चिसी जम्मान तामग्याम
 हराडला मालिकदा ताडना लउ । ओच्छे
 हराडला मालिकदा सुड थोदोःगो भिसी
 लोप्गो । १०थनीगदसे तिगे य्हा थालगै । तर
 थनीगदसे लबा जम्मान गे ज्यबादेन पूरा
 विश्वासला तगै । थहरड लसीन जम्मान तामरी
 थनीगदसे य्हाडदा थार्बा पिन्बा परमेश्वरला
 बाररी लोप्बा तामदा अझ जेना लगे ।

११तिग्दा भिसम परमेश्वरसे जम्मान
 म्हिदा थार्ना लबारी हराडला दयामाया उन्बा
 मुला । १२थ दयामायासे य्हाडदा परमेश्वरदा
 तन्आपुडबादेन जम्बुलिडला स्हगदथारी लोभ
 लबा सम रूलापुडला । ओच्छे चु जम्बुलिडरी
 हराडसे हराडदान तहरी थान्सी परमेश्वरदा
 सम निबा बानीबिहोर थाबादेन परमेश्वरदा तेन्सी
 भरबारी लोप्बा मुला । १३ओच्छे य्हाडदा
 थार्बा पिन्बा जम्मान मन्दा घरेन परमेश्वर
 येशू खरीष्ट घरेन य्हालदेन शक्तिरी दोःसी
 फेखबा धिनना य्हाडसे आश लसी चिबा मुला ।
 १४खरीष्टसे य्हाडला जम्मान पापला छे फासी
 थार्ना लबा मुला । ओच्छे हराडलान लागिरी
 ज्यबा गे लबारी झन्बा य्हुल गिकदा चोखो
 तना लबारी हराडलान ज्यान पिन्जी । d

११:१० “स्वतना लबागदे” भिबा चा यहूदी खरीष्टियानगदे हिन्ना ।

दर :१४ मजन १३० : ८ ; प्रस्था १९ : ५ ; व्यव ४ : २० ; ७ : ६ ; १४ : २ ; १ पतरु २ : ९

११ एसें चु तामगदे पूरा अधिकार लसी लोप्यां, ओच्छे पाड्बा ताम आङ्यान्नी भिसम थनीगददा बडगो। एदा खालैसन हेला थालगै।

ज्यबा गे जे लउ

१ शासन लबा म्हिगददेन सरकारी गे लबा ३ म्हिगदसे पाड्बा ताम आङ्यान्नी ओच्छे थनीगदसे कुल्बा ताम आङ्यान्नी ज्यना लसी गे लबारी विश्वासीगददा ढन्ना लसी पिन्गो। २ ओच्छे थनीगदसे खालैला बिरोध लबादेन छेबा बड्बा लसी थाभरगै। ओच्छे सोजो तसी जम्मान म्हिदेन छेयाम ज्यबा बानीबहार उन्गै।

३ तिगदा भिसम आच्छे य्हाङ्गणेन मूर्ख, पाड्बा ताम आङ्यान्ना, तिगे आधोबादेन आज्यबा म्हेन्ना, माजमजा लबा ओच्छे डाह लबा, पापी सम थोबा, स्थान्दोसे हेला लबादेन गिकसे गिकदा हेला लबा मुबा। ४ तर य्हाङ्गदा थार्बा पिन्बा परमेश्वरसे हराङ्गला दयामाया उन्मा, ५ थसे य्हाङ्गदा थार्ना लबा य्हाङ्गसे ज्यबा गे लसी आहिन, तर थेला दयासे हिन्ना। थसे य्हाङ्गदा परमेश्वरला आत्मासे खरुसी दोःसी न्हेना लसी छार जुनी पिन्बा मुला। ६ थार्बा पिन्बा येशू खरीष्टयाम परमेश्वरसे य्हाङ्गदा ताङ्गी ताङ्गी थेनोन आत्मासे प्तिङ्गना लजी। ७ तिगदा भिसम परमेश्वरला दयासे लमा य्हाङ्ग परमेश्वरदा सम निबा म्हि दाजी। ओच्छे य्हाङ्गसे आश लबा अन्छार जुकजुकधोनाला जुनी याङ्गबा हक याङ्गबा मुला। ८ चु ताम सत्य हिन्ना। थतबासलमा परमेश्वरदा विश्वास लबागदसे ज्यबा गे लउ भिसी एसे थनीगददा भङ्ग पिन्गो भिबा डाला सम मुला। तिगदा भिसम म्हिगदला लागिरी चु ताम ज्यबादेन गे खेल्वा मुला।

१ तर मूर्ख तामदेन ओन्माला ताम ओच्छे परमेश्वरसे मोशादा पिन्बा ठिमला बाररी कल लबागददेन छेबा बड्बा लबागदग्याम थारेङ्ग चिउ। तिगदा भिसम थे य्हाङ्गदा आतोःबादेन गे आखेल्वा ताम हिन्ना। १० ओच्छे छेबा बड्बा लसी फबा म्हिदा तिरम न्हीरम सम्झब लउ, सम्झब लसे आङ्यान्नी भिसम थेदेन छेयाम संगतनोन थालउ। ११ एदा चु ताम थानोन मुला, चुहरङ्गबा म्हिला इज्जत आर। ओच्छे थसे लबा पापग्यामसेन थसे हराङ्गला दोष हराङ्गसेन उन्ना।

दन्तोःबा ताम

१२ डाइ अर्तिमासदा तसे तुखिकसदा तसे ए मुबा ग्लारी पुइखला। थे खमेछेयाम ए खम्तेधोना डादा हरूप तबारी निकोपोलिस भिबा ग्लारी खउ। तिगदा भिसम डाइ सेखे भर थरीन चिबा सेम लबा मुला। १३ जेनास भिबा वकीलदेन अपोल्लोसदा ग्यामरी हरो लसी पिन्गो। तिगदा भिसम खम्तेधोना थनीगददा तोःबा स्हे याङ्गगै। १४ य्हाङ्गला म्हिगदसे आरनान आतबा स्हेगद स्थान्दोदा पिन्बाला लागिरी सदन ज्यबा गे लबारी लोप्योःला। थहरङ्ग लजी भिसम थनीगदला जुनी खरीरी आनि।

१५ चुरी डादेन छेयाम मुबागद जम्मानसेन एदा फयाफुल्ला भिसी पाड्बा मुला। इन्दा माया लबा थरी मुबा जम्मान विश्वासीगददा इन्सेनोन फयाफुल्वा मुला भिसी पाङ्गो।

एनीगद जम्मानदेन छेयाम परमेश्वरला दयामाया तगे।

पावलसे फिलेमोनदा भिरबा चिठी चु चिठीला बाररी पाडतो:मा

भिरबा म्हिः मुल चला पावलसे भिरबा मुबा । चु चिठी भिरबाला लागिरी तिमोथीस हरो लबा मुबा (फिलेमोन १:१)।

भिरबा ग्ला : रोमला झ्याल्खानग्याम भिरबा मुबा ।

भिरबा सालः ओस्पन ईशवी संवत् ६०-६२ (विक्रम संवत् ११७-११९) सालला गुडरी भिरबा मुबा ।

साल्दा भिरबा : फिलेमोन भिबा म्हिदा भिरबा मुबा ।

फिलेमोन जम्मासेन डोसेबा खरीष्टियान मुबा । थे कलस्सी शहररी मुबा मण्डलीला विश्वासी तसम्ता । थे ओनसिमस भिबा नोकरला मालिक मुबा । ओनसिमस हराडला मालिकला दिमग्याम यार्सी रोम शहररी निबा मुबा । थार्बा पिन्बा समाचार थेःना लबासे लमा थे धुइरी पावल चा झ्याल्खानरी परब तबा मुबा । थसे पावलग्यामसेन थार्बा पिन्बा समाचार थेःसी परभु येशूदा विश्वास लबा मुबा । पावलसे ओनसिमसदा फिलेमोन मुबा ग्लारी पुइवान मुबा । थेतबासेलमा ओनसिमससे तिगे गे न्हाडना लबा मुसे थदा माफ लसी पिन्गो ओच्छे थदा नोकरदा लबा हरडबा व्यवहार आहिन, तर येशूदा विश्वास लबा आलेदा लबा हरडवान व्यवहार लसी मान लउ भिसी फिलेमोनदा चु चिठी भिरबा मुबा ।

मुल तामगद

फ्याफुल्बा १-३

पावलसे फिलेमोनदा ज्यबा म्हि भिसी पाडबा

४-७

ओनसिमसला लागिरी बिनती लबा ८-२२

चिठीला थुमरी पाडबा ताम २३-२५

पावलसे फिलेमोनदा भिरबा चिठी

फिलेमोन भिबा म्हिदा पावलला चिठी

१ लास्सो, डा खरीष्ट येशूला लागिरी झ्याल्खानरी मुबा पावलदेन य्हाडला आले तिमोथीग्याम, डन्ना सम निबा हरो

डन्दा हरो लबा फिलेमोनदेन य्हाडला आडा अफिया ओच्छे डन्देन छुयाम दिक्सी गे लबा अर्खिप्सदेन एला दिमला मण्डलीदा फ्याफुल्ता । य्हाडला परमेश्वर आबादेन परभु येशू खरीष्टग्याम दयामायादेन शान्ति याडगे ।

पावलसे फिलेमोनना लागिरी प्रार्थना लबा

४ फिलेमोन आले, डाइ प्रार्थना लबा धुइरी एदा डन्मा डाइ सदन डाला परमेश्वरदा धन्यवाद पिन्मुला । ५ तिगदा भिसम परभु येशूदा एसे लबा विश्वासदेन परमेश्वरला म्हिगदेदा एसे माया लबा मुला भिबा ताम थेःमुला । ६ एला विश्वाससे खरीष्टदेन छुयाम गिक तबा य्हाडला जम्मान ज्यबा तामगद अझ घोबारी ज्ञान बुद्धि पिन्गे भिसी डाइ परमेश्वरदेन छुयाम प्रार्थना लमुला । ७ डाला आले, एला मायासे डा ल्हानान ताडसी आँट याडबा मुला । तिगदा भिसम एसे लमा परमेश्वरला म्हिगदेला सम दोःसी ताडबा मुला ।

पावलसे ओनसिमसला लागिरी पाडबा ताम

८ थेतबासेलमा एसे तिग लतोःला भिसी खरीष्टसे पिन्बा अधिकारग्याम एदा कुल्खम्बा आँट मुला, ९ तर एला माया मुबासे लमा डाइ एदा चु बिनती लबा मुला, दान्दे डा संप्बा दोसी जिन्बा पावल खरीष्ट येशूला लागिरी झ्याल्खानरी मुला । १० थेतबासेलमा परभुरी डाला डा ओनसिमसला लागिरी डाइ एदा चु बिनती लबा मुला । झ्याल्खानरी मुबा धुइरीन डा थला आबा दोबा मुला । ११ डाच्छे ओनसिमस एला लागिरी गे आसेल्बा म्हि मुबा । तर दान्दे एदेन डाला लागिरी थे गे सेल्बा म्हि तबा मुला । १२ थे डाला तिडला डोरा हिन्ना । तसेनोन डाइ थदा ए मुबा ग्लारी दोःसी पुइखबा मुला । १३ थार्बा पिन्बा समाचारला लागिरी डा झ्याल्खानरी मुबा धुइरी एला साटोरी थेसे डादा हरो लबाला लागिरी थे चुरीन मुगे भिबा डाला सम मुबा । १४ तर एदा आडयोइना डादा तिगे लइ आम्हन्नी । तिगदा भिसम डादा हरो लबा करसे आहिन, तर एलान सुरसे लगे भिबा डाला सम मुला ।

१५ ओनसिमस तिगे धिनना लागिरी एग्याम फेसी चिमुबा । थहरड तबा चा थे सदन

एदेन छ्यामनोन चिगे भिसीनोन मुला तला ।
 १६थतबासलमा दाहेन्स थे नोकर हरडबा
 आहिन, तर नोकर भन्दा घरेन हिन्ना । ओच्छे
 परभुरी सेम निबा डाला हराडलान आले हिन्ना,
 दान्द मी झन एला लागिरी थे हराडलान आले
 हिन्ना ।

१७थतबासलमा चुदे एसे डादा हराडलान
 दिक्बा हरो म्हन्मुला भिसम थेदाएनोन डादा
 हरडनोन मान लउ । १८चुदे थेसे एदा तिगे
 आज्यबा लसेनोन, अथवा थेसे तिगे फातो:बा
 मुसे थे डाला भिनरी थान्गो । १९थे छे डाइनोन
 फासी पिन्ना भिबा ताम चा डा पावलसेन
 भिरबा हिन्ना । ओच्छे एसेनोन परमुदा डोसेबा
 डायामसन हिन्ना भिबा ताम डाइ एदा
 पाङ्आतो: तला ।

२०थेतबासलमा डाला आले, डादा परमुला
 लागिरी चु गे लसी पिन्गो । स्वरीष्टदेन छ्याम
 गिक तबास लमा एसे डाला सेम दो:सी ताङ्ना

लउ । २१डाइ पाङ्बा भन्दा अझ एसे डाला
 लागिरी ल्हानान लला भिबा ताम डादा पूरा था
 तसी डाइ एदा चु भिरबा मुला ।

२२ओच्छे अर्गु ताम चा डाला लागिरीनोन
 कोठा गिक ठीक लसी थान्गो । तिग्दा भिसम
 एला परार्थनासे लमा डाएनोन ए मुबा ग्तारी
 सम्याङ्गला वा भिसी आश लबा मुला ।

चिठीला थुमरी पाङ्बा ताम

२३स्वरीष्ट येशूला लागिरी डादेन छ्यामनोन
 झ्याल्लानरी चिबा इपाफरासेसे एदा फ्याफुल्ला
 भिसी भिबा मुला । २४थेहरड लसीन डादेन
 छ्याम दिक्सी गे लबा डाला हरोगदे मर्कुस,
 अरिस्तार्खसेदेन डेमास ओच्छे लूकासेनोन
 फ्याफुल्ला भिबा मुला ।

२५परभु येशू स्वरीष्टला दयामाया एनीगदेदेन
 छ्याम तगे ।

हिवरुगदेदा भिरबा चिठी चु चिठीला बोररी पाङ्तोःमा

भिरबा म्हिः खालेदा था ओर। डाच्छा डाच्छा चु चिठी पावलस भिरबा हिन्ना भिसी बाइबल विद्वानगदस पाङ्मुबा। तर दान्द पावलस भिरबा आहिन भिसी बाइबल विद्वानगदस म्हन्मुला। थनीगदे न्हडला कोइस अपोल्लोसस, कोइस बारनाबासस, कोइस लूकास, कोइस सिलासस, कोइस चा स्थान्दो म्हिंस भिरबा हिन्ना भिसी म्हन्वा मुला। तर खाल्से भिरजी भिबा ताम परमेश्वरदा बाहेक स्थान्दो खालेदान था ओर।

भिरबा ग्लाः पक्का था ओर, तर कोइ कोइ बाइबल विद्वानगदसे रोम शहरग्याम तखम्ला भिसी पाङ्बा मुला।

भिरबा सालः ओस्पन ईश्वी संवत् ७० (विकरम संवत् १२७) साल मन्दा डाच्छा भिरबा मुबा।

खाल्दा भिरबाः येशूदा विश्वास लबा यहूदी म्हिगदेला सम्हगदेदा भिरबा मुबा।

येशूदा विश्वास लबा यहूदी म्हिगदसे ल्हानान दुखदेन बिराधला ताम नातोःबास लमा येशूदा विश्वास लबा ख्ताला वा भिसी लोङ्बा मुबा। थतबासलमा चु चिठी भिरबा म्हिंस थनीगदेदा आंट पिन्बाला लागिरी येशू खरीष्टनोन परमेश्वरला मराङ्बा रुप हिन्ना भिसी पाङ्बा मुला। चु ताम घोना लबाला लागिरी चु चिठी भिरबा म्हिंस गोर सोम सत्य तामग्याम चुहरङ् भिसी पाङ्बा मुला।

(क) येशू परमेश्वरला जुकजुकधोनाला झा हिन्ना, थसे जम्मान दुख नासी परमेश्वर आबास कुल्वा जम्मान तामगदे समहेन्सेन खाहरङ् लसी ड्यान्तोःला भिसी था याङ्जी। येशू परमेश्वरला झा तबासे लमान डाच्छाला कबुलरी पाङ्बा जम्मान अगमवक्तागदे, स्वर्गदूतदेन मोशा मन्दा घरेन हिन्ना।

(ख) परमेश्वरला झा येशू खरीष्ट चा जुकजुकधोना परमेश्वरला मन्दिररी पूजा लबा मुल म्हि हिन्ना। थे चा डाच्छाला कबुलरी पाङ्बा परमेश्वरला मन्दिररी पूजा लबा म्हि मन्दा घरेन हिन्ना भिसी पाङ्बा मुला।

(ग) येशू खरीष्टदा विश्वास लबा म्हिदा पापदेन लोङ्बा खबा ताम ओच्छे कालग्याम जोगब लला। चु तामला चिनु यहूदी धर्मला रिमठिमदेन जन्तुगदेदा बलि पिन्बा तामगदग्याम डाच्छान उन्सी जिन्वा मुबा।

चु चिठी भिरबा म्हिंस ११ अध्यायरी चु चिठी पढब लबा म्हिगदेदा इसराएली काइरनरी मिन भिरसी थान्बा कोइ कोइ मिन चलब तबा म्हिगदेस लबा विश्वासला बोररी पाङ्सी विश्वासरी सदन कोङ्सी चिउ भिसी बिन्ती लबा मुला। १२ अध्यायरी जस्तोन दुख तसेनोन आसितधोना येशूदा जे च्यासी जम्मान ताम नागो, ओच्छे विश्वासरी कोङ्सी चिउ भिसी थसे थनीगदेदा पाङ्बा मुला। चु चिठी चा सल्लाह पिन्बादेन होशियार तना लबा तामगदे भिरबान थुम्ना लबा मुला।

मुल तामगदे

येशू खरीष्ट परमेश्वरला पक्का रुप हिन्ना १:१-३

स्वर्गदूतगदे मन्दा येशू खरीष्ट घरेन हिन्ना १:४-२:१६

मोशादेन यहोशू मन्दा येशू खरीष्ट घरेन हिन्ना ३:१-४:१३

येशू खरीष्ट परमेश्वरला मन्दिररी पूजा लबा जम्मान मन्दा घरेन म्हि ४:१४-७:२६

येशू खरीष्टस लबा घरेन कबुल ८:१-९:२६

येशू खरीष्ट पापला सय फाबारी क्रूसरी सिबा १०:१-३०

विश्वास चा जम्मान मन्दा मुल ताम हिन्ना ११:१-१२:२९

परमेश्वरदा ताङ्ना लतोःबा १३:१-१९

चिठीला थुमरी लबा प्रार्थना १३:२०-२१

चिठीला थुमरी पाङ्बा ताम १३:२२-२५

हिवरुगदेदा भिरबा चिठी

येशू खरीष्ट परमेश्वरला झा

१ ओन्मा परमेश्वर अगमवक्तागदग्याम १ य्हाडला आसे म्हेमगदेदेन छ्याम ल्हानान थरीसे ल्हानान रमधोना ताम लमुबा। २ तर चु लिच्छाला धिनगदेरी परमेश्वर हराडला झाग्याम य्हाडदेन छ्याम ताम लमुला। परमेश्वरसे हराडला झा खरीष्टग्यामसेन जम्बुलिङ् स्हाजी। ओच्छे

जम्मान स्हेगदे हराडलान स्होबारी थदान धम्जी। ३परमेश्वरला घरेन य्हालदेन शक्ति खरीष्टग्याम मराडबा मुला। परमेश्वरला रुप थनोन हिन्ना। थला शक्तिशाली बचनग्यामसेन मुदेन जम्बुलिडला जम्मान स्हेगदे छयाबा मुला। ओच्छे म्हिदा पापग्याम थाना लबा ग लसी जिन्माहन्स थ स्वर्गरी शक्तिशाली परमेश्वरला दाहिन छयापट्टि मुल ठिरी धन्छयाबा मुला।

खरीष्ट स्वर्गदूतगदे भन्दा घरेन हिन्ना

१ खरीष्ट स्वर्गदूतगदे भन्दा ल्हानान घरेन हिन्ना, थहरड लसीन परमेश्वरसे स्वर्गदूतगदेला भन्दा थला मिन ज्यबा थान्जी।

२ तिगदा भिसम परमेश्वरसे येशूदा बाहेक साइमे खजिबे स्वर्गदूतगदेदा चुहरड भिसी सुडबा आरे,

“ए डाला झा हिन्ना,
तिनी डा एला आबा दोबा मुला”
ओच्छे

“डा थला आबा दोला,
थे डाला झा दोला।” ४

६ परमेश्वरसे हराडला झादा जम्बुलिडरी पुइसबा थुइरी
“जम्मान स्वर्गदूतगदेसे थेदा तेन्ने” भिसी
दोःसीनोन सुडबा मुला।

७ परमेश्वरसे स्वर्गदूतगदेला बाररी चुहरड भिसी सुडबा मुला,
“परमेश्वरसे हराडला स्वर्गदूतगदेदा लाबा
स्होजी,

ओच्छे हराडला गे लबा म्हिगदेदा चामेला ल्हाम
स्होजी।” ८

९ तर परमेश्वरसे हराडला झाता बाररी चुहरड भिसी सुडबा मुला,
“परमेश्वर हराडला य्हुल्सा सदन चिला।
ओच्छे हराडसे ठीक लसी शासन लेला।” १

१ हराडदा ठीक ताम सेम निमुला, ओच्छे
आज्यबा ताम चा च्योगेन आम्हन्मुला।

थेतबासेलमा परमेश्वर, हराडला परमेश्वरसे
हराडदा धम्बा मुला।

ओच्छे हराडला हरीगदेदा भन्दा ल्हाना मान
लसी ताडना लबा मुला।” १

१० परमेश्वरसे हराडला झादा दोःसी चुहरड भिसी सुडजी,

“परमु, हराडसेन शुरुरी जम्बुलिडला जग थान्जी।

ओच्छे हराडसे हराडलान छयासे मुदेन मुरी
मुबा जम्मान स्हेगदे स्होजी।” ६

११ थ जम्मान स्हेगदे नाश तला, तर हराड चा
सदन चिला।

थे स्हेगदे क्वान हरड भोक्टो तसी निला। १

१२ थ स्हेगदेदा हराडसे क्वान हरड लसी रिल्ला,
ओच्छे थे स्हेगदे क्वान हरडबा भोक्टो तसी निला
ओच्छे पोला,

तर हराड चा साइमे आपो।

ओच्छे हराड साइमे म्हासी आनि।”

१३ तर परमेश्वरसे येशूदा बाहेक साइमे खजिबे
स्वर्गदूतगदेदा चुहरड भिसी सुडबा आरे,

“डाइ एला शतरुगदेदा एला काड धिरी
आथान्तेधोना

ए डाला दाहिन यापट्टि मुल ठिरी चिउ।” १०

१४ थेतबासेलमा स्वर्गदूतगदे चा परमेश्वरदा
तेन्बा आत्मा जे हिन्ना। ओच्छे थारबा याडबा
म्हिगदेदा हरो लबाला लागिरी परमेश्वरसे
थेनीगदेदा पुइसबा हिन्ना।

परमेश्वरसे येशू खरीष्टग्याम
पिन्बा थारबादा थाम्लेःगो

१ थेतबासेलमा य्हाडसे जुन ताम थेःबा
२ मुला थे तामरी झन ल्हाना सम लसी
ड्यान्तोःला, आहिन्सम य्हाड थे तामग्याम
थारड तला। २ स्वर्गदूतगदेसे य्हाडला आस
म्हमेदा थेःना लबा परमेश्वरला बचनरी पक्का
अधिकार मुबा। थे ताम अन्छार आभरबा
पाप लबा म्हिगदेदा परमेश्वरसे ठीक सजाय
पिन्जी। ३ थेतबासेलमा येशू खरीष्टसे पिन्बा चु
घरेन थारबादा य्हाडसे वास्ता आलनी भिसम
झन य्हाड चा साहरड लसी सजायग्याम
स्योम्याडला? चु थारबाला बाररी डाच्छा
परभुसेन थेःना लजी। ओच्छे परभुसे थेःना
लबा ताम थेःबा म्हिगदेसे चु ताम सत्य हिन्ना
भिसी य्हाडदा धोना लजी। ४ परमेश्वरसेनोन
चिनुगदे उन्सी, ल्हानान थरीला उदेकला गेदेन
शक्तिशाली गेगदे लसी, ओच्छे हराडसे म्हन्बा

११ :२ भजन २ :१७ ; २ शम् ७ :१४ ; १ इति १७ :१३

११ :१७ भजन १०४ :४ ११ :८ भजन ४५ :६

११ :९ भजन ४५ :१७ ११ :१० भजन १०२ :२५

११ :११ भजन १०२ :२६ ; यशू २१ :६

११ :१३ भजन ११० :१

अन्ध्रार हराडला आत्माला मोलमगदे भो लसी
पिन्सी चु थार्बा चा सत्य हिन्ना भिसी पक्का
लजी।

य्हाडदा परमेश्वर मुबा ग्लारी भोर्बारी
येशू म्हि दो:सी फेस्वबा

५ परमेश्वरसे स्वर्गदूतगदेदा य्हाडसे ताम
लबा लिच्छला धुडरी शासन लबा अधिकार
पिन्बा आर। **६ परमेश्वरला बचनरी ग्ला
गिकरी चुहरड भिसी म्हि गिकसे भिरबा मुला,
“म्हि जज्रा हिन्ना, तसेनोन हराडसे तिग्दा थदा
वास्ता लमुला ?

ओच्छे म्हिला झा खाल हिन्ना, हराडसे तिग्दा
थला सुर्दा लमुला ?

७ हराडसे थदा तिगे धिनना लागिरी स्वर्गदूतगदे
भन्दा जज्रा स्होजी।

तसेनोन हराडसे थदा स्थान्दोगदेसे ल्हानान
मानदन जयजयकार लबा मुकुट कूसी
पिन्जी।

८ ओच्छे हराडसे जम्मान स्हेगदेथारी शासन लबा
अधिकार थदा पिन्बा मुला।” ॥

परमेश्वरसे जम्मान स्हे म्हिगदेला तहरी थान्मा
थला अधिकारी आरेबा स्हेगदे तिगेनोन आरबा।
तर दान्देला चु धुडरी य्हाड जम्मान स्हेगदे
म्हिला तहरी मुबा आमराडमुला। १ तर तिगे
धिनना लागिरी स्वर्गदूतगदे भन्दा जज्रा तबा
येशूदा य्हाडसे मराडबा मुला। परमेश्वरला
दयामायास लमा थ जम्मालान लागिरी सिजी।
थहरड लसी सिबास लमा थदा ल्हानान मानदन
जयजयकार लबा मुकुट कूसी पिन्जी।

१० परमेश्वरसे हराडला लागिरी जम्मान
स्हे हराडसेन स्होबा मुबा। ओच्छे हराडला
कोलागदेदा हराडसे याडबा य्हालदन शक्ति
पिन्बाला लागिरी थार्बा पिन्बा येशूदा दुख
नापुडसी पाको स्होबा चा परमेश्वरदा ज्यबा
छोर्जी, ११ तिग्दा भिसम येशूसे पापग्याम फेसी
चासो तना लबा जम्मान म्हिगदेदेन येशू
परमेश्वरलान सन्तान हिन्ना। थतबासेलमा
थेनीगदेदा आले आडा भिसी पाडबारी येशू

आप:मुला। १२ येशूसे परमेश्वरदा चुहरड भिसी
सुडजी,

“डाइ डाला आले आडागदेला गुडरी हराडसे
लबा गेला बारी पाडला,

ओच्छे मण्डलीला गुडरी डाइ हराडला
जयजयकार लला।” ०

१३ दो:सी येशूसे चुहरड भिसी सुडजी,

“डाइ परमेश्वरथारीन भर लला।”

थहरड लसी दो:सीनोन

“च्यागो, दान्द डा परमेश्वरसे डादा पिन्बा
चु कोलागदेदेन छयामनोन मुला” भिसी
सुडजी। १

१४ थ कोलागदेला ल्हुइ स्यादेन काला तबासे
लमा येशूला ल्हुइएनोन थेनीगदेला हरडबान
स्यादेन काला दोजी। ओच्छे म्हिदा नाश लबा
शक्ति थोबा शैतानदा नाश लबारी येशू हराडनोन
सिजी। १५ ओच्छे सिला वा भिसी सदन लोडसी
चिबा म्हिगदेदा येशूसे लोडबाग्याम फेजी।
१६ चुहरड लसी येशूसे स्वर्गदूतगदेला लागिरी
थहरड लबा आहिन, तर अबराहामला सन्तानना
लागिरी थहरड लबा हिन्ना भिबा ताम
य्हाडदा था मुला। १७ थतबासेलमा म्हिगदेला
पाप माफ लबाला लागिरी परमेश्वरसे पिन्बा
गेरी भर तबादेन दया मुबा परमेश्वरला मन्दिररी
पूजा लबा मुल म्हि दोतो:ला। थहरडबा
म्हि दोबाला लागिरी जम्मान तामरी येशू
हराडलान आले आडागदे हरडबान दोतो:बा
मुबा। १८ शैतानसे फसब लबारी म्हाइमा येशू
हराडसेन ल्हानान दुख नाजी। थतबासेलमा
शैतानसे फसब लबारी म्हाइबागदे जम्मादान
थसे जोगब लसेम्ला।

येशू मोशा भन्दा घरेन हिन्ना

१ थतबासेलमा परमेश्वरसे हराडलान
३ म्हिगदे स्होबाला लागिरी धम्बा ज्योज्यो
आले नाना आडागदे, य्हाडसे परमेश्वरसे
पुइखबा परमेश्वरला मन्दिररी पूजा लबा मुल
म्हि येशूदा च्यागो। २ मोशा परमेश्वरला
म्हिगदेला गुडरी गे लबाला लागिरी भर तबा
म्हि मुबा हरडनोन येशूएनोन हराडदा गे

**२:५ चु भिबा चा स्वर्गदूतगदेदा शासन लबारी आपिन्नी। तर येशूदा शासन लबा अधिकार पिन्जी
भिबा हिन्ना।

††२:१६ “अबराहामला सन्तान” भिबा चा परमेश्वरदा विश्वास लबा म्हिगदे हिन्ना।

॥२:५ भजन ८:४-६

०२:१२ भजन २२:२२

॥२:१३ येशू ८:१७-१८

०२:१६ गला ३:७; येशू ४१:५

लपुङ्गबा परमेश्वरला लागिरी भर तबा मुबा ।
 ३ दिमसे भन्दा दिम स्होबा म्हिसे मान याङ्गबा
 हरङ्ग लसी मोशासे भन्दा येथुसे झन ल्हाना
 मान याङ्गबा मुला । ४ खजिबै दिम खजिबै म्हिसे
 स्होबा तमुला । तर जम्मान स्हे स्होबा चा
 परमेश्वरनोन हिन्ना । ५ मोशा चा परमेश्वरला
 म्हिगदेदा च्याबा जम्मान तामरी भर तबा
 नोकर मुबा । थेसे परमेश्वरला म्हिगदेदा
 लिच्छा तिग तला मिबा ताम पाङ्गमुबा । ६ तर
 खरीष्ट चा दिमला भर तबा झा गिक हरङ्गबान
 परमेश्वरला दिमरी अधिकार याङ्गबा मुल झा
 हिन्ना । चुदे य्हाङ्गसे लबा आशथोरी पूरान
 भर लसी लिच्छाधोनान विश्वासरी कोङ्गसी
 चिजी भिसम य्हाङ्गएनोन परमेश्वरला दिमला
 कोलागदे दोला ।

परमेश्वरला लिच्छा भरउ

७ थेतबासेलमा परमेश्वरला आत्मासे चुहरङ्ग
 भिसी सुङ्गबा मुला,
 “तिनी एनीगदेसे परमेश्वरला काइ थःजी भिसम,
 ८ एनीगदेला आखे म्हमेसे परमेश्वरला विरोध
 लबा हरङ्ग लसी

एनीगदेसे हराङ्गला सम कोङ्गना थालउ ।
 थनीगदेसे तोङ्गतोङ्गबा ग्लारी परमेश्वरला सम
 च्यासी परमेश्वरला विरोध लबा मुबा ।
 ९ थरी एनीगदेला आखे म्हमेगदेसे बोगल न्ही
 दिङ्गधोना डाइ लबा गे मराङ्गसीनोन
 डाता सम च्यासी डादा विश्वास आलनी ।
 १० थेतबासेलमा थनीगदेदा मराङ्गसी डादा बोमो
 रःजी ।

ओच्छे ‘चु म्हिगदेसे डादा विश्वास लबा ख्ताजी,
 डाइ पाङ्गबा थनीगदेसे आङ्ग्यान्नी’ भिसी डाइ
 मिजी ।

११ डाइ बोमोला झोकरी थनीगदेदा
 ‘डाइ स्होबा ब्रप्या न्हेबा ग्लारी थनीगदे खाइमे
 वाङ्गआम्याङ्ग’ भिसी घरान फाजी ।” ९

१२ ज्याज्यो आले नाना आडागदे, होशियार
 तसी चिउ । एनीगदे न्हेङ्गरी खालेनोन विश्वास
 आलबा पापी सम थोसी छोनो परमेश्वरदा
 थारुतागो । १३ तर परमेश्वरला बचनरी “तिनी”
 मिबा धुइ मुतुधोना जम्मासेन गिकसम
 गिकदा सदन आट पिन्सीन चिउ । आहिन्सम
 पापसे फसब लसी एनीगदे न्हेङ्गरी खालेला
 सम कोङ्गना लला । १४ य्हाङ्गसे शुरुरी लबा

विश्वासरी य्हाङ्ग सोतधोना कोङ्गसी चिजी
 भिसम य्हाङ्गसे खरीष्टग्याम याङ्गबा हक
 याङ्गला । १५ बचनरी चुहरङ्ग भिसी भिरबा मुला,
 “तिनी एनीगदेसे परमेश्वरला काइ थःजी भिसम
 विरोध लबा धिनरी हरङ्ग लसी
 एनीगदेसे हराङ्गला सम कोङ्गना थालउ ।” ११

१६ परमेश्वरला काइ थःसीनोन थदा विरोध
 लबा म्हिगदे खाल मुबा ? तिग मोशासे मिशर
 य्हुत्साग्याम फसी मबा म्हिगदेन आहिन ?
 हिन्ना । १७ खाल मराङ्गसी परमेश्वर बोगल न्ही
 दिङ्गधोना बोमो खजी ? तोङ्गतोङ्गबा ग्लारी सिबा
 थ पाप लबा आन्माला म्हिगदेदा मराङ्गसी
 आहिन ? हिन्ना । १८ परमेश्वरसे डाइ स्होबा
 ब्रप्या न्हेबा ग्लारी वाङ्गआम्याङ्ग भिसी
 खालदा सुङ्गमुबा ? परमेश्वरसे कुल्बा ताम
 आङ्ग्यान्बा थनोन म्हिगदेदा सुङ्गबा आहिन ?
 हिन्ना । १९ थेतबासेलमा थनीगदेसे विश्वास
 आलबासे लमा थनीगदे ब्रप्या न्हेबा ग्लारी
 वाङ्गआम्याङ्गनी मिबा ताम य्हाङ्गसे था याङ्गबा
 मुला ।

परमेश्वरला म्हिगदेला लागिरी ब्रप्या न्हेबा ग्ला

१ य्हाङ्गदा ब्रप्या न्हेबा ग्लारी वाङ्गपुङ्गला
 ४ भिसी परमेश्वरसे कबुल लबा मुला ।
 थेतबासेलमा य्हाङ्ग होशियार तसी चिइ,
 आहिन्सम एनीगदे न्हेङ्गला खाले थ ब्रप्या
 न्हेबा ग्लारी वाङ्गआम्याङ्ग । २ तिगदा भिसम
 आन्माला म्हिगदेदा हरङ्गनोन य्हाङ्गदाएनोन
 थार्बा पिन्बा समाचार थःना लबा मुला । तर
 थनीगदेला लागिरी थ समाचार गे आखेल्बा
 तजी । तिगदा भिसम थनीगदेसे थ समाचार
 समरी थान्सी विश्वास आलनी । ३ दाहेन्से
 य्हाङ्ग विश्वास लबागदे चा थ ब्रप्या न्हेबा
 ग्लारी वाङ्गम्याङ्गला । परमेश्वरसे चुहरङ्ग
 भिसी सुङ्गबा मुला,
 “डाइ बोमोला झोकरी थनीगदेदा डाइ स्होबा
 ब्रप्या न्हेबा ग्लारी

थनीगदे खाइमे वाङ्गआम्याङ्ग’ भिसी घरान
 फाजी ।”

तसेनोन जम्बुलिङ्ग स्होमाहेन्सेन परमेश्वरसे
 लबा जम्मान गे पूरा तबान मुला । ४ तिगदा
 भिसम थेसे अर्गु ग्लारीनोन निसरला बाररी
 चुहरङ्ग भिसी सुङ्गबा मुला,

“परमेश्वरसे जम्मान गे लसी जिन्माहन्से
निसरमाकुनु ब्रह्मवा न्हजी।”^v

५ दोःसी थस चु तामला बाररी चुहरङ्ग भिसी
सुङ्गबा मुला,

“ङाइ ब्रह्मवा न्हवाला लागिरी स्होबा ग्लारी
थनीगद स्वाइमे वाङ्गाम्याङ्गी।”^w

६ तसेनोन परमेश्वरसे स्होबा थ ब्रह्मवा न्हवा
ग्लारी अञ्जन काइ काइ म्हि वाङ्गाम्याङ्गला।

ओच्छे ङाच्छान थार्बा पिन्वा समाचार
थेःसीनोन कुल्वा ताम आङ्गान्वा म्हिगद

चा थ ब्रह्मवा न्हवा ग्लारी वाङ्गाम्याङ्गनी।

७ थतबासलमा परमेश्वरसे ब्रह्मवा न्हवा ग्लारी
वाङ्गाम्याङ्गला लागिरी अर्गु धिन स्होजी। थ

धिन चा “तिनीला धिन” भिसी तोगब लजी।
परमेश्वरसे ल्हानान दिङ्ग लिच्छा दाऊद

ग्लेग्याम चुहरङ्ग भिसी सुङ्गजी,
“तिनी एनीगदसे परमेश्वरला काइ थेःजी भिसम

हराङ्गला सेम कोङ्गना थालउ।”^x
चु ताम ङाइ ङाच्छाएनोन पाङ्गसी जिन्वा मुबा।

८ चुदे यहाशूस थनीगददा ब्रह्मवा न्हवा
ग्लारी धोना लबा हिन्सम परमेश्वरसे थ

अर्गु धिनना तामनोन आतेःसेला मुबा।

९ थतबासलमा परमेश्वरसे निसरकुनु ब्रह्मवा
न्हवा हरङ्ग लसी परमेश्वरला म्हिगदला

लागिरीनोन ब्रह्मवा न्हवा ग्ला स्होबा मुला।

१० परमेश्वरसे गे लसी जिन्माहन्से ब्रह्मवा
न्हवा हरङ्ग लसी ब्रह्मवा न्हवा ग्लारी वाङ्गवा

म्हिगदसनोन गे लसी जिन्माहन्से ब्रह्मवा
न्हला। ११ परमेश्वरसे कुल्वा ताम आङ्गान्वास

लमा आन्माला म्हिगद ब्रह्मवा न्हवा ग्लारी
वाङ्गाम्याङ्गनी। तर य्हाङ्ग न्हङ्गरी स्वात्तेनोन

थेहरङ्ग आतबाला लागिरी य्हाङ्ग जम्मासेन थे
ब्रह्मवा न्हवा ग्लारी वाङ्गबारी स्वतधोना भङ्ग

लइ।

१२ परमेश्वरला छोनो बचन मी गे लसी
चिबा शक्ति हिन्ना। चु न्होलोनपट्टि धार मुबा

तरवार मन्दा छयार्बा मुला। चुसे म्हिला आत्मा,
ल्हुइ, थेला जी जीदेन नखरुला टाङ्गदेन

फेला ओच्छे म्हिला सेमला तामदेन लबारी
म्हाइबा गे ठीक मुला कि ओर भिसी च्याला।

१३ परमेश्वरसे मराङ्गआखम्बा ताम तिगेनोन

ओर। थेला ङाच्छा जम्मान ताम परस्टन
मुला। य्हाङ्गसे लबा जम्मान गेला हिसाब थदान
उन्तोःला।

परमेश्वरला मन्दररी पूजा लबा मुल म्हिगद
न्हङ्गरी येशू जम्मान मन्दा घरेन हिन्ना

१४ थतबासलमा य्हाङ्गसे लबा विश्वासरी अञ्ज
य्हाङ्ग कोङ्गसी चिइ। तिग्दा भिसम स्वर्गरी

फेन्वा परमेश्वरला झा येशून परमेश्वरला
मन्दररी पूजा लबा य्हाङ्गला मुल म्हि हिन्ना।

१५ परमेश्वरला मन्दररी पूजा लबा मुल म्हिगद
न्हङ्गला घरेन म्हि य्हाङ्गला येशूदा य्हाङ्गला

जम्मान कमजोरीगद था मुला। तिग्दा भिसम
थेदाएनोन य्हाङ्गदा हरङ्गनोन जम्मान तामरी

फसब लबारी म्हाइजी। तर थसे पाप चा आलनी।

१६ थतबासलमा य्हाङ्ग आलोङ्गना दया लबा
परमेश्वरला ठिला ङाच्छापट्टि निइ। दुख तबा

धुङ्गरी य्हाङ्गसे थरी थेला दयामायाग्याम हरो
याङ्गला।

१७ परमेश्वरला मन्दररी पूजा लबा सज्जिबै
५ मुल म्हि धम्मा म्हिगद न्हङ्गयामनोन

धम्मुला। म्हिगदला साटोरी परमेश्वरदा
फुल्लोःबा पापला बलिदेन भेटी फुल्लाला

लागिरी थदा धम्बा हिन्ना। २थ मुल म्हिसे
आसबा आघोबादन ग्याम थोर्सी भरबागददा

आच्छर्ना ज्यना लसी धोना लखम्मुला। तिग्दा
भिसम थे हराङ्गएनोन कमजोर म्हि हिन्ना।

३थतबासलमा स्हान्दो म्हिगदला पापला
लागिरी जे आहिन, तर थसे हराङ्गला पापला

लागिरीनोन बलि फुल्लोःमुला।

४ स्वात्ते म्हिसे हराङ्गला सेमसे म्हाइजी
भिदमा परमेश्वरला मन्दररी पूजा लबा मुल

म्हिसे याङ्गवा मान आयाङ्ग। तर परमेश्वरसेन
थे मान याङ्गवा म्हि स्होबारी धम्मा। थेहरङ्ग

लसीन हारुनदाएनोन थेनोन परमेश्वरसे धम्जी।

५ चुहरङ्ग लसी खरीष्टसेनोन हराङ्गनोन
परमेश्वरला मन्दररी पूजा लबा मुल म्हि

दोबारी मान आम्हाइनी। तर थदा
“ए ङाला झा हिन्ना,

ङा तिनी एला आबा दोबा मुला”

४ :८ मोशा सिमाहन्से इसराएलीगददा यहाशूसे कनान भिबा य्हुल्सारी भोर्बा गे लजी।

मिसी सुडबा परमेश्वरसेन धम्जी। २६ ओच्छे परमेश्वरसे अर्गु ग्लारीनोन चुहरड मिसी सुडबा मुला,

“ए मल्कीसेदेक हरडनोन सदनना लागिरी परमेश्वरदा तेन्बा म्हि हिन्ना”^a
७ येशू जम्बुलिडरी म्हि दासी धन्च्ययामा ल्हानान करासी हराडदा सिबाग्याम सोना लखम्बा परमेश्वरदेन छयाम परार्थना लजी। ओच्छे सोजो तसी कुल्बा ताम डयान्बासे लमा परमेश्वरसे थला परार्थना सान्जी। ८ येशू परमेश्वरला झा तसीनोन हराडसे नाबा दुखग्याम परमेश्वरसे कुल्बा ताम डयान्बारी लोप्जी। ९ येशू जम्मान तामरी पाको तमाहेन्से थ हराडसे कुल्बा ताम डयान्बा जम्मान म्हिगदला लागिरी जुकजुकधोना थार्बा पिन्बा मुहान दोजी। १० ओच्छे परमेश्वरसेन थदा मल्कीसेदेकदा हरडनोन परमेश्वरदा तेन्बा मुल म्हि दोबारी धम्जी।

विश्वास थास्लागै मिसी होशियार तना लबा

११ चु तामला बाररी एनीगदेदा डन्से पाडतोःबा ताम ल्हानान मुला। तर एनीगदेदा घोना लबारी गाहरो तबा मुला। तिगदा मिसम एनीगदेसे याना आधोमुला। १२ तिनीधोना मी एनीगदे स्हान्दोदा लोप्सम्बा म्हि ततोःमुबा। तर एनीगदेदा मी अझ परमेश्वरला बाररी जजाबा तामगदेएनोन स्हान्दो म्हिसे लोप्तोःबा मुला। थतबासलमा एनीगदे चबा स्हेला साटोरी अझ इहे थुडबा कोलागदे हरडबान मुला। १३ एनीगदे इहेला भररी जे सोबा कोलागदे हरडबा म्हिसे चा ज्यबादेन नइबा तिग हिन्ना थ ताम था आत। १४ तर चबा स्हे चबा घरेन म्हिसे चा धिन धिननोन हराडसे लबा गग्याम ज्यबादेन नइबा तिग हिन्ना थ ताम था याडला।

१ थहरड मिसम य्हाड खरीष्टला बाररी
६ डाच्छा लोप्बा तामगदे जे आतना अझ घरेन घरेन तामगदे लोप्बान पाको म्हि दोगे। अथवा नाश तना लबा गेगदे स्लासी परमेश्वरपट्टि दोःबा तामदेन परमेश्वरदा विश्वास लबा ताम य्हाडदा घरिघरि लोप्आतोः। २ ओच्छे बप्तिस्माला बाररी लोप्बा तामगदे, स्हान्दोथोरी या थान्सी

परार्थना लबा तामगदे, सिबागदे दोःसी सोला मिबा तामगदेदेन जुकजुकधोनाला सजाय याडला मिबा तामगदेला बाररीनोन एनीगदेदा दाहेन्से लोप्आतोः। ३ चुदे परमेश्वरसे सम लजी मिसम य्हाडसे घरेन घरेन तामएनोन लला।

४ तिग विश्वास स्लासी निबागदेदा दोःसी भसी परमेश्वरपट्टि दोःपुडबारी खम्ला? आखम। तिगदा मिसम जुन म्हिसे डाच्छा तिरम परमेश्वरला य्हाल याडसी स्वर्गला मोलमदेन परमेश्वरला आत्माएनोन याडबा मुला। ५ थनीगदेसे परमेश्वरला बचनएनोन था याडबा मुला ओच्छे सबा धुडला बाररी परमेश्वरसे लबा शक्तिशाली गेगदेएनोन मराडसी जिन्बा मुला। ६ थ जम्मान ताम था तसीनोन विश्वास लबा स्लासी न्होडसी निबा म्हिगदेदा दोःसी हराड हराडला पाप स्लासी परमेश्वरपट्टि दोःपुडबारी खम्नोन आखम। तिगदा मिसम थहरडबा म्हिगदेसे परमेश्वरला झादा दोःसीनोन करुसरी टागब लसी जम्मान म्हिला ओच्छाडरी येशूला बडज्जत लला।

७ ल्हानान हरड नाम ताइमाहेन्से बु भम्सी खेती लबागदेसे दवबा अन्न ल्हानान रोला। थहरडबा बु वारीसे परमेश्वरग्याम मोलम याडला। ८ तर थ बुरी पुजु दोडगदे जे फुडजी मिसम थ गे आखल्बा तला। थहरडबा बुदा परमेश्वरसे कःबारी छयाइला। लिच्छा थ पुजु दोडगदे मेरी खराडला।

९ डाला सम निबा हरोगदे, डन्से चुहरडबा ताम लसेनोन एनीगदेला बाररी चा ज्यबा ताम तला मिसी म्हेन्बा मुला। ओच्छे थार्बा याडसी एनीगदेसे ल्हानान ज्यबा स्हेगदे याडला। १० परमेश्वरसे सदन ठीक निसाफ लमुला, ओच्छे एनीगदेसे परमेश्वरला म्हिगदेदा हरो लसी परमेश्वरदा माया उन्वा मुला। अझ एनीगदेसे थहरडबा गे लबान मुला, चु ताम परमेश्वरसे खाइमे आम्तेः। ११ एनीगदे जम्मासेन हराड हराडसे लबा आश पूरान याडबाला लागिरी दुक्क तसी सोतेधोना भड लसी गे लला मिसी डन्से म्हेन्बा मुला। १२ परमेश्वरसे पिन्ना मिसी कबुल लबा स्हेगदे याडबाला लागिरी एनीगदे ब्लेगु थादोगे। ओच्छे विश्वास लसी जस्तोन

११६ :७ चु पदला बाररी उत्पत्ति ३ :१७-१८ स्हीगो

२५ :५ भजन २ :७ २५ :६ भजन ११० :४

दुस्र तसे नाबा म्हिगदे हरड तसी भरगै भिबा
डन्ना सम मुला ।

परमेश्वरसे लबा कबुल

१३ परमेश्वरसे य्हाडला म्हम अब्राहामदा
मोलम पिन्ना भिसी कबुल लमा हराड भन्दा
घरन स्य्हान्दो खाले आरबास लमा परमेश्वरसे
हराडलान मिनरी घरान फासी चुहरड भिसी
सुड्जी, १४ “डाइ एदा मोलम पिन्नान पिन्ना,
ओच्छ्थ एला सन्तान ल्हानान तला ।”
१५ परमेश्वरसे पिन्ना भिसी कबुल लबा मोलम
आयाडतधोना अब्राहामसे भ्रान्सी चिबासे
लमा थ मोलम याड्जी ।

१६ खाले म्हसे तिगे ताम पक्का लतोःजी
भिसम थसे हराड भन्दा घरन्ना मिनरी घरान
फामुला, ओच्छ्थ आदिक्वा तामगदे घरान फासी
दिकना लमुला । १७ परमेश्वरसे पिन्ना भिसी
कबुल लबा मोलम याड्बा म्हिगदेदा हराडसे
लबा कबुल खाइमै आपोमुला भिबा ताम उन्बा
सम लजी । थतबासलमा परमेश्वरसे घरान
फासी थ कबुल पक्का लजी । १८ परमेश्वरसे
य्हाडदेन छ्याम कबुलएनोन लबा मुला,
घरानएनोन फाबा मुला । चु ताम न्ही चा खाइमै
आपोमुला । ओच्छ्थ परमेश्वरसे खाइमै लुसीला
ताम आलमुला । थतबासलमा जोगब तबाला
लागिरी परमेश्वरला डाच्छ्थ निबा य्हाडसे
घरन आँट याड्ला । ओच्छ्थ य्हाडसे य्हाडला
डाच्छ्थपट्टि थान्सी पिन्बा आशएनोन
याड्ला । १९ चु आश चा य्हाडला आत्मादा
जोगब लबा पक्का सत्य ताम हिन्ना । चुनोन
आशग्याम य्हाड परमेश्वर धन्छ्थयाबा
ग्लाधोना धोला । २० य्हाडला लागिरी येशू
य्हाड भन्दा डाच्छ्थान थ ग्लारी फप्सी
धन्छ्थयासी जिन्बा मुला । ओच्छ्थ येशू सदनना
लागिरी परमेश्वरदा तेन्बा म्हि मल्कीसेदेक
हरड्बान मुल म्हि दोबा मुला ।

परमेश्वरदा तेन्बा मल्कीसेदेक

१ चु मल्कीसेदेक शालेम भिबा य्हुत्साला
७ ग्लदेन जम्मान भन्दा घरन परमेश्वरदा
तेन्बा म्हि मुबा । अब्राहाम गोर ब्लि
ग्लदेन लडाइ लसी दासी दाःसी खबा धुइरी
मल्कीसेदेकसे स्याप्सी मोलम पिन्जी ।
२ अब्राहामसे ग्लेगदेदा दासी भबा जम्मान

य्हेगदग्याम भो च्युइला भो गिक फेसी
मल्कीसेदेकदा पिन्जी । मल्कीसेदेक भिबाला
अर्थ गिक चा ठीक निसाफ लबा ग्ले हिन्ना ।
ओच्छ्थ थ शालेम य्हुत्साला ग्ले तबास लमा
मल्कीसेदेक भिबाला अर्गु अर्थ चा शान्तिला
ग्ले हिन्ना । ३ मल्कीसेदेकला आबा आमादेन
आसं म्हम खाल हिन्ना भिसी तिगे भिरसी
थान्बा आर । ओच्छ्थ थ न्हाबाने सिबा
तामला बाररीनोन तिगे भिरसी थान्बा आर ।
परमेश्वरला झा हरडनोन थएनोन सदनना
लागिरी परमेश्वरदा तेन्बा म्हि दोजी ।

४ मल्कीसेदेक गाते घरन म्हि मुबा भिबा
ताम एनीगदेदा था तला । य्हाडला म्हमे
अब्राहामसेनोन लडाइरी दासी भबा जम्मान
य्हेग्याम भो च्युइला भो गिक थेदा पिन्जी ।
५ परमेश्वरला मन्दररी पूजा लबा लेवी वंशला
म्हिगदेएनोन अब्राहामलान सन्तान तसेनोन
परमेश्वरसे मोशादा पिन्बा ठिम अन्छ्थार
हराडलान म्हिगदग्याम भो च्युइला भो गिक
किन्मुबा । ६ परमेश्वरदा तेन्बा मल्कीसेदेक
लेवी वंशला आहिन । तसेनोन थसे परमेश्वरला
मन्दररी पूजा लबा म्हिगदेला म्हमे
अब्राहामग्याम भो च्युइला भो गिक किन्जी ।
ओच्छ्थ परमेश्वरसे लबा कबुलगदे याडतोःबा
अब्राहामदा थसे मोलम पिन्जी । ७ घरन
म्हिसे जजा म्हिदा मोलम पिन्ना भिबा ताम
जम्मादान था मुला । ८ परमेश्वरला मन्दररी
पूजा लबा सिसी निबा म्हिगदसे भो च्युइला भो
गिक किन्जी । तर परमेश्वरदा तेन्बा खाइमैनोन
आसिबा मल्कीसेदेकसेनोन भो च्युइला भो गिक
किन्बा मुबा । ९ लेवीगदसे म्हिगदग्याम भो
च्युइला भो गिक किन्मुबा । तर चुहरडएनोन
पाडखम्ता, लेवीगदेला म्हमे अब्राहामसे
मल्कीसेदेकदा भो च्युइला भो गिक पिन्माहेन्से
लेवीगदसेनोन पिन्बा तला । १० तिगदा भिसम
मल्कीसेदेकसे अब्राहामदा स्याप्मा लेवी
हराडला म्हमे अब्राहामला ल्हुइरीन मुबा ।

येशू मल्कीसेदेक हरड्बान हिन्ना

११ लेवी वंशला म्हिगदसे परमेश्वरला
मन्दररी पूजा लबा गे याड्बा मुबा ।
थेतबासलमा इसराएलीगदसे परमेश्वरग्याम
ठिम याड्जी । तर परमेश्वरला मन्दररी पूजा
लबा लेवीला गे लबा ठिम अन्छ्थार खाले म्हिदा

तिगै दोष आरबा म्हि स्होबारी सन्वा हिन्सम हारूनना सन्तानना §§साटोरी मल्कीसंदेक हरड्बा परमेश्वरदा तेन्बा स्थान्दो म्हि तिग्दा खतोःजी? १२ तिग्दा भिसम परमेश्वरला मन्दिररी पूजा लबा मुल म्हि स्थान्दान खाल्ला पोमाहेन्स ठिमएनोन पोतोःला।

१३ य्हाडला परभुला बाररी चु तामगद पाड्बा मुला, थ अर्गु वंशला हिन्ना। थला वंशला खालेसं परमेश्वरदा भेटो फुल्बा ग्लारी गे लबा ओर। १४ य्हाडला परभु मी यहूदाला वंशरी न्हाब हिन्ना। यहूदाला वंशग्याम परमेश्वरला मन्दिररी पूजा लबा म्हि स्होबा तामला बाररी मोशासे तिगैनोन पाड्बा ओर भिबा ताम जम्मान था मुला।

१५ मल्कीसंदेक हरड्बान परमेश्वरदा तेन्बा स्थान्दो म्हि खसी जिन्बासे लमा दाहेन्से चु जम्मान ताम झन ज्यना लसी घोला। १६ थ य्हाडला आखे म्हेमला ठिम अन्धार स्होबा परमेश्वरदा तेन्बा म्हि आहिन। तर खाइमै नाश आतबा जुनीला शक्तिग्याम स्होबा परमेश्वरदा तेन्बा म्हि हिन्ना। १७ तिग्दा भिसम थला बाररी बचनरी चुहरड् भिसी भिरबा मुला, “मल्कीसंदेक हरड्बान ए सदनना लागिरी परमेश्वरदा तेन्बा म्हि हिन्ना।” १८ तिग्दा भिसम थ डाच्छाला ठिम चा तिगै लआखम्बादेन गे आखल्बा तबासे लमा भ्याड्बा मुला। १९ तिग्दा भिसम थ ठिमसे खजिबे स्हदा तिगै दोष आरबा स्होआखम्नी। तर दाहेन्स झन य्हाडला ज्यबा आश पिन्बा मुला। थ आशग्याम य्हाड परमेश्वरला डामरी धोखम्ता।

२० परमेश्वरसे हराडला ताम पक्का लबाला लागिरी धरान फासी चु छार ठिम शुरु लबा हिन्ना। चुहरड्बा धरान चसी परमेश्वरसे पूजा लबा स्थान्दो खजिबे म्हिगदेदा धम्बा ओर, २१ तर येशू चा परमेश्वरसे धरान फासी परमेश्वरला मन्दिररी पूजा लबा म्हि स्होबा हिन्ना। थला बाररी बचनरी चुहरड् भिसी भिरबा मुला,

“परमपरभुसे धरान फासी जिन्बा मुला,

थेस हराडला संम साइमै आपो।

ए सदनना लागिरी परमेश्वरला मन्दिररी पूजा लबा म्हि हिन्ना।”

२२ परमेश्वरसे लबा ज्यबा कबुलला जिम्मा येशूसे किन्बा मुला।

२३ ओच्छे अर्गु ताम चा डाच्छा परमेश्वरला मन्दिररी पूजा लबा म्हिगदे ल्हानान मुबा। तिग्दा भिसम थनीगद सिसी निबासे लमा सदन हराडला गे लबारी आखम्मुबा। २४ तर येशू चा जुकजुकधोनान सोसी चिबासे लमा थ सदनना लागिरी परमेश्वरला मन्दिररी पूजा लबा म्हि दोबा मुला। २५ थतबासेलमा येशूदा विश्वास लसी परमेश्वर मुबा ग्लारी सबा म्हिगदेदा थसे सदनना लागिरी थानी लबारी खम्ता। तिग्दा भिसम थनीगदेला लागिरी परमेश्वरदेन छुयाम प्रार्थना लसी पिन्बारी येशू सदन सोसी चिला।

२६ य्हाडदा तोःबा परमेश्वरदा तेन्बा मुल म्हि चुनोन येशू हिन्ना। थ पापनोन आलबादेन चोखो ओच्छे तिगै दोष आरबा मुला। थतबासेलमा परमेश्वरसे थदा पापी म्हिगदेग्याम फेसी स्वर्गला जम्मान भन्दा मुल ठिरी धन्छुयापुड्बा मुला। २७ परमेश्वरला मन्दिररी पूजा लबा अर्गु मुल म्हिगदेसे म्हिगदेला पाप माफ लबारी धिन धिननोन बलि फुल्लोःमुबा। तर येशूसे चा थहरड् लसी बलि फुल्लोःनी। तिग्दा भिसम थ हराडनोन तिरमरीन सदनना लागिरी बलि लसी जिन्बा मुला। २८ तिग्दा भिसम मोशादा पिन्बा ठिम अन्धार कमजोर म्हिगदेदा परमेश्वरला मन्दिररी पूजा लबा मुल म्हि स्होबारी धम्जी। तर परमेश्वरला झा येशूदा थ ठिम भन्दा लिच्छा परमेश्वरसे हराडसे धरान फाबा अन्धार धम्बा मुला। ओच्छे सदनना लागिरी तिगै दोष आरबा स्होबा मुला।

येशू परमेश्वरदा तेन्बा य्हाडला मुल म्हि हिन्ना

१ डन्से पाड्बा मुल तामएनोन चुनोन हिन्ना, य्हाडला जम्मान भन्दा धरेन परमेश्वरदा तेन्बा मुल म्हि स्वर्गरी परमेश्वरला दाहिनपटटि ठिरी धन्छुयाबा मुला। २ येशू परमेश्वरदा तेन्बा मुल म्हि दासी स्वर्गला जम्मान भन्दा चोखो ग्लारी गे लमुला। चु चोखो ग्ला म्हिसे स्होबा आहिन, तर परमेश्वरसे स्होबा सत्य पाल हिन्ना।

३ परमेश्वरला मन्दिररी पूजा लबा जम्मान मुल म्हिगदे परमेश्वरदा भेटोदेन बलि फुल्बाला

§§७ :११ हारूनना सन्तान चा लेवीगदे हिन्ना।

७७ :१७ भजन ११० :४

७८ :१ भजन ११० :१

लागिरी धम्बा हिन्ना । थेतबासेलमा परमेश्वरदा तेन्बा य्हाडला मुल येशूसेनोन परमेश्वरदा तिगै स्हे फुल्लोन तोःला । ४ येशू चु जम्बुलिडरी मुबा हिन्सम साइमै परमेश्वरदा तेन्बा म्हि आदोसला मुबा । तिग्दा भिसम मोशादा पिन्बा ठिम अन्ध्जार भटी फुल्बा परमेश्वरला मन्दिररी पूजा लबा लेवी वंशला म्हिग्द मी चुरी डाच्छाहिन्सेन मुबा । ५ थनीगदेस परमेश्वरला मन्दिररी पूजा लबा गे चा स्वर्गरी मुबा सत्य ताम हरड्बा जे हिन्ना, तर स्वर्गरी मुबा सत्य तामनोन चा आहिन । मोशादाएनोन परमेश्वरसे थहरड्बान लउ भिसी कुल्बा मुबा । मोशासे परमेश्वरदा तेन्बारी पाल स्होबारी छ्याइमा, “च्यागो, जम्मान ताम डाइ एदा गडरी उन्बा हरड्बान स्होउ” भिसी कुल्बा मुबा । ६ तर येशूसे परमेश्वरदा तेन्बा गे चा परमेश्वरला मन्दिररी पूजा लबा स्हान्दो मुल म्हिग्दला गे भन्दा ज्ञान घरेन मुला । थहरड् लसीन परमेश्वरदेन परमेश्वरला म्हिग्दला गुडरी येशूसे लबा छार कबुल थे पुरानो कबुल भन्दा ज्यबा मुला । तिग्दा भिसम छार कबुलरी ल्हानान ज्यबा तामगदे मुला ।

७ पुरानो कबुलरी तिगै दोष आरेबा हिन्सम थेला ग्लारी दोःसी अर्गु कबुल लनोन आतोःसला मुबा । ८ तर परमेश्वरसे हराडला म्हिग्दसे लबा गल्ली था याडसी चुहरड् भिसी सुङ्जी,

“परमपरभुसे चुहरड् भिसी सुङ्बा मुला,
डाइ इस्राएलला सन्तानदेन यहूदाला
सन्तानदेन छ्याम

छार कबुल लबा धिन खबान मुला ।^१

१ थ छार कबुल डाइ थनीगदला आखे म्हेमेगदेदेन
छ्याम लबा कबुल हरड्बा आत ।

थे धुडरी डाइ थनीगदेदा यारी चुङ्सी मिशर
य्हुत्साग्याम फेसी भबा मुबा ।

परमपरभुसे चुहरड् भिसी सुङ्बा मुला,

थनीगदे डाइ लबा कबुल अन्ध्जार आभरनी ।

थेतबासेलमा डाइ थनीगदला वास्ता आलनी ।

१० थे धिन समाहेन्से डाइ इस्राएलला
सन्तानगदेदेन छ्याम छार कबुल लला,

डाइ थे ठिम थनीगदला सेमरी भिरसी थान्ना ।

डा थनीगदला परमेश्वर दोला ओच्छे थनीगदे
डाला म्हि दोला ।

११ “परमपरभुदा डोसगो” भिसी दाहेन्से खालेसेन
हराडला सिम्जेमदा,

हराडला ज्योज्यो आले नाना आडादा
लोप्प्रातोः ।

तिग्दा भिसम जजाहेन्से घरेनधोनाला जम्मासेन
डादा डोसला ।

१२ डाइ थनीगदेस लबा नइबा गेला दोष मेटब
लला,

ओच्छे थनीगदेसे लबा पाप डाइ दोःसी साइमै
आढन ।^२

१३ चु कबुलदा “छार” भिसी सुङ्बासे लमान
परमेश्वरसे डाच्छाला कबुलदा भोक्टो स्होजी ।
थे डाच्छाला कबुल चा भोक्टो तबासे लमा
म्हासी निला ।

परमेश्वरदा तेन्बाला

लागिरी म्हिसे स्होबा चोखो ग्ला

१ पुरानो कबुलरी परमेश्वरदा तेन्बा ठिम
मुबा । ओच्छे थे ठिमरी परमेश्वरदा तेन्बा

चोखो ग्लाला बाररीनोन भिरबा मुबा । २ थे

पाल न्हडरी कोठा न्ही मुबा । डाच्छापटटिला
कोठादा चोखो ग्ला भिसी भिमुबा । थे कोठारी

चा नाडसल थान्बा ग्लादेन टेबुल मुबा । थे
टेबुलथारी चा परमेश्वरदा फुल्बा गडगदे मुबा ।

३ थे कोठा भन्दा न्हडरी अर्गु पर्दा गिक मुबा ।
थे पर्दा न्हडला कोठादा चा जम्मान भन्दा

चोखो ग्ला भिसी भिमुबा । ४ थे कोठा न्हडरी
म्हरला धूप मराबा ग्लादेन डाच्छाला कबुल

थान्बा म्हरसे मारब लबा चोखो सन्दोस मुबा ।
थे सन्दोस न्हडरी म्हरला ताडरी मन्नेदेन

म्हेन्दो सार्बा हारुनना कडी ओच्छे परमेश्वरसे
हराडला म्हिग्ददेन छ्याम लबा कबुल भिरसी

थान्बा युङ्बाला पाटीगदे मुबा । ५ परमेश्वरला
य्हालदेन शक्ति थरी मुला भिसी उन्बाला

लागिरी थे सन्दोसथारी पाप माफ लबा ग्लारी
भ्याप मुबा करुब भिबा स्वर्गदूत न्ही मुबा । थे

ग्लादा थन्नीला भ्याप्से घप्सी थान्बा मुबा ।
तर दान्देन डन्से चु ताम मेलोसेन पाड्बारी
आसम ।^३

१८ :५ परस्था २५ :४० १८ :८ यर्मि ३१ :३१-३४

१८ :३२ यर्मि ३१ :३१-३४ १९ :३ परस्था २६ :३१-३३ १९ :४ परस्था ३० :१-६ ; २५ :१०-१६ ; १६ :३३ ;

गन्ती १७ :८-१० ; व्यव १० :३-५ १९ :५ परस्था २५ :१८-२२

६ चु जम्मान स्हेगदे ठीक लसी जिन्माहेन्से परमेश्वरला मन्दिररी पूजा लबा म्हिगदे हराडसे लतोःबा गेगदे लबारी धिन धिननोन डाच्छापट्टिला चोखो ग्लारी निमुबा। १७ तर जम्मान भन्दा चोखो ग्लारी चा तिदिङ्गरी तिरम परमेश्वरला मन्दिररी पूजा लबा मुल म्हि गिक बाहेक स्हान्दो खाले आनिमुबा। थ एनोन थरी जन्तुला का आभोर्दे निआखम्मुबा। थ का थस हराडला पापदेन स्हान्दो म्हिगदेला पापला लागिरी फुल्मुबा। १८ चु जम्मान तामगदेग्याम डाच्छापट्टिला चोखो ग्ला मुतेधोना मन्दिर न्हडपट्टिला जम्मान भन्दा चोखो ग्लारी वाड्बा म्पाप आठोड् मिबा ताम परमेश्वरला आत्मासे उन्बा मुला। १९ चु ताम चा दान्देल धुइ गाते धरेन मुला भिसी उन्बा चिनु जे हिन्ना। चु तामग्याम परमेश्वरदा फुल्वा भेटोदेन बलिसे म्हेला सेम चोखो स्होबारी आखम भिसी उन्बा मुला। २० थे स्हेगदे चा चबा थुइबादेन म्हेदा चोख्याब लबा ल्हानान थरीला ठिम जे हिन्ना। थ ठिम चा परमेश्वरग्याम छार ठिम आखतेधोनाला लागिरी ल्हुइ चोखो तना लबा ठिम जे हिन्ना, सेम चोखो तना लबा ठिम आहिन।

खरीष्टला का

११ तर खरीष्ट चा परमेश्वरदा तेन्वा मुल म्हि दोसी दान्द चुरी मुबा जम्मान ज्यबा स्हेगदे पिन्बाला लागिरी फखबा मुला। थ जम्मान भन्दा धरनदेन चोखो ग्लारी फज्जी। चु ग्ला चा जम्बुलिङ्गला स्हेगदेग्याम म्हेसे स्होबा ग्ला आहिन। १२ खरीष्टसे बोगोदेन बहरला का भोर्सी आहिन, तर हराडलान का भोर्सी तिरमरीन य्हाडदा जुकजुकधोनान पापग्याम फबाला लागिरी थ जम्मान भन्दा चोखो ग्लारी फज्जी। १३ डाच्छाला ठिम अन्धार रा बोगोदेन बहरला का ओच्छे म्हे योमो खराड्बा मेफरा अशुद्ध तबा म्हेगदेदा स्वामा थेनीगदेला ल्हुइ चोखो तमुबा। १४ इन खरीष्टला काग्याम य्हाड सोसी छान्बो परमेश्वरदा तेन्ने भिसी य्हाडदा सिना लबा गे लपुड्बा नइबा सेमदा चोखो स्होबा मुला। तिगदा भिसम खरीष्ट खाइमे नाश आतबा आत्माग्याम तिगे दोष आरेबा बलि दोसी हराडसे हराडदान परमेश्वरदा फुल्जी।

१५ थेतबासलमा परमेश्वरसे जुकजुकधोना चिबा मोलमगदे पिन्ना भिसी लबा कबुल हराडसे धम्बा म्हेगदेसे याड्गै भिसी छार कबुल दिक्ना लबा चा खरीष्टनोन हिन्ना। तिगदा भिसम डाच्छा लबा पुरानो कबुलला धुइरी म्हेगदेसे लबा पापगदेग्याम फबाला लागिरीन खरीष्ट सिबा मुला।

१६ अर्गु ताम चा खाले म्हेसे हराडला सम्पत्ति बकसपतर भिरसी पिन्बा हरड्बा हिन्ना, तिगदा भिसम बकसपतर लसी पिन्बा म्हे आसितेधोना थ बकसपतरसे तिगे गे आल। १७ तिगदा भिसम बकसपतर भिरसी पिन्बा म्हे सोतेधोना बकसपतर याड्बा म्हेला तिगे अधिकार आत। थ बकसपतर भिरसी पिन्बा म्हे सिमाहेन्से जे बकसपतर याड्बा म्हेला अधिकार तला। १८ थेतबासलमा डाच्छा लबा पुरानो कबुलसेनोन का आरतेधोना तिगे गे आलमुबा। १९ मोशासे परमेश्वरसे पिन्बा जम्मान ठिमगदे म्हेगदेदा पाड्सी जिन्माहेन्से क्युइरी बोगोदेन बहरला का दोड्सी हिसपला स्याउलादेन वाला ऊनसे म्हेगदेदेन परमेश्वरसे पिन्बा ठिमला किताबरी स्वामुबा। २० ओच्छे थसे चुहरड् भिसी भिजी, “एनीगदेसे परमेश्वरसे कुल्वा ताम ड्यान्ने भिसी थसे एनीगदेदेन छ्याम लबा कबुलदा पक्का लबा चा चुनोन का हिन्ना।” २१ थहरड् लसीन मोशासे परमेश्वरला मन्दिरला चोखो ग्लादेन पूजा लबारी चलब लबा जम्मान स्हेगदरी थ का स्वाजी। २२ पाड्गोन तोःमा परमेश्वरसे मोशादा पिन्बा ठिम अन्धार जम्मान हरड्बा स्हेदा कासे चोखो तना लला, का बगब आततेधोना पापला दोष मेटव आत।

२३ थे डाच्छाला ठिमला तामगदे स्वर्गरी मुबा स्हेगदे हरड्बा जे हिन्ना। थहरड्बा स्हेगदेदा मी चोखो स्होबारी ठिम तोःजी भिसम स्वर्गरी मुबा स्हेगदेदा चोखो स्होबारी इन ज्यबा बलि लतोःला। २४ थेतबासलमा खरीष्ट म्हेसे स्होबा चोखो ग्लारी आफेनी। तिगदा भिसम थे स्वर्गरी मुबा चोखो सत्य ग्ला हरड्बा जे हिन्ना। तर दान्द थे परमेश्वरला डाच्छा य्हाडला लागिरी ताम थान्बारी स्वर्गरी फखा मुला। २५ डाच्छाला ठिम अन्धार परमेश्वरला मन्दिररी पूजा लबा मुल म्हे जन्तुला का भोर्सी

दिङ्एदडसेन चोखो ग्लारी नितोःबा मुबा। तर खरीष्ट चा हराडनोन बलि दोसी घरिघरि स्वर्गरी आफ्नी। २६ चुदे सदन फेप्तोःबा हिन्सम जम्बुलिङ् छ्यामाहेन्सेन खरीष्टसे घरिघरि दुख नातोःसला मुबा। तर जम्बुलिङ् नाश तबा धुइधोनाला लागिरी खरीष्ट तिरम फप्ससी सदनना लागिरी पापला दोष मेटब लबारी हराडनोन बलि तर्जी। २७ म्हि तिरम सिनोन तोःला, ओच्छे सिमाहेन्से परमेश्वरसे थला निसाफ लला। २८ थहरड लसीन ल्हानान म्हिला पापला दोष मेटब लबाला लागिरी खरीष्टएनोन तिरम जे बलि दोजी। खरीष्ट दोःसीनोन फप्सला, ओच्छे थ धुइरी चा म्हिगदला पापला दोष मेटब लबाला लागिरी आहिन, तर ताडसी ताडसी थला ग्याम च्यासी चिबागददा थानी लबारी फप्सला।

खरीष्ट सदनना लागिरी बलि तर्जी

१ परमेश्वरसे मोशादा पिन्बा ठिम चा १० लिच्छा खबा ज्यबा तामला चिनु जे हिन्ना। तर खरीष्टसे लबा ज्यबा तामनोन चा आहिन। तिगदा भिसम डाच्छाला ठिम अन्धार दिङ्एदडसेन खाल गिकलान बलि फुल्मुबा। तर थ बलिस चा परमेश्वर मुबा ग्लारी खबा म्हिगददा चोखो स्होबारी आखम। २ बलि फुल्सी म्हिगदे चोखो तबा हिन्सम बलि फुल्बान आख्तासला मुबा। तिगदा भिसम परमेश्वरदा तेन्बा म्हिगदे सदनना लागिरी चोखो तसला मुबा। ओच्छे थनीगदसे पापी भिसी म्हन्नातोःसला मुबा। ३ बरु थ दिङ्एदडसेन लबा बलिस म्हिगददा हराडला पाप सदन ढन्ना जे लला। ४ तिगदा भिसम बहरदेन रा बोगोगदला कासे साइमे पापला दोष मेटब लबारी आखम।

५ थतबासेलमा जम्बुलिङ्गरी फप्सबा धुइरी खरीष्टसे परमेश्वरदा चुहरड भिसी सुङ्जी, “हराडसे मेटोदेन बलिदान आम्हाडनी, तर डाला लागिरी हराडसे ल्हुइ गिक स्होजी। ६ हराड मेरी खराडसी फुल्बा बलिदेन पापला दोष मेटब तबाला लागिरी फुल्बा बलिगदेरीनोन आताडनी। ७ जमाहेन्से डाइ चुहरड भिसी भिजी, स्होगी परमेश्वर, डाला बाररी बचनरी भिरबा हरडनोन

हराडसे म्हन्बा अन्धार पूरा लबारी डा खबा मुला।” ०

८ खरीष्टसे डाच्छा चुहरड भिसी सुङ्जी, “जन्तुगदला बलिदेन अन्न बलिगदे ओच्छे बलि फुल्बा ग्लारी खराडसी पिन्बा जन्तुला बलिदेन पाप मेटब तबाला लागिरी फुल्बा बलि किन्बारी हराड आताडनी।” चु जम्मान बलिगदे चा मोशादा पिन्बा ठिम अन्धार मुसेनोन चुहरड भिसी सुङ्जी। ९ ओच्छे दोःसी खरीष्टसे चुहरड भिसी सुङ्जी, “स्होगी, हराडसे म्हन्बा ताम पूरा लबाला लागिरी डा खबा मुला।” लिच्छाला ठिमदा सदनना लागिरी थान्वारी खरीष्टसे डाच्छाला ठिमदा भ्याङ्जी। १० परमेश्वरसे म्हन्बा ताम पूरा लबारी येशू खरीष्टसे हराडलान ल्हुइ बलि फुल्जी। चुनोन बलिग्याम य्हाडदा सदनना लागिरी चोखो स्होबा मुला।

११ परमेश्वरला मन्दिररी पूजा लबा जम्मान म्हिगदसे डाच्छाला ठिम अन्धार सदन परमेश्वरला डाच्छा निसी घरिघरि खाल गिकलान बलि फुल्बा गे लमुला। तर थहरडबा बलिसे साइमे पापला दोष मेटब आतमुला। १२ तर खरीष्टसे मी पापगदला दोष सदनना लागिरी मेटब लबारी हराडलान ल्हुइदा बलि गिक स्होसी फुल्जी। ओच्छे थ परमेश्वरला दाहिने छ्यापटटि मुल ठिरी धन्ड्याजी। १३ परमेश्वरसे थला शतरुगददा थला काड धिरी आथान्तधाना थ थरीन भरान्सी धन्ड्याला। १४ तिगदा भिसम बलि गिकग्यामसेन थसे चोखो स्होबा म्हिगददा सदनना लागिरी थसे तिगे दोष आरबा स्होबा मुला।

१५ ओच्छे परमेश्वरला आत्मासेनोन चुला बाररी य्हाडदा चुहरड लसी उन्बा मुला, १६ “परमपरमुसे चुहरड भिसी सुङ्बा मुला, लिच्छाला धिनरी थनीगददेन छ्याम लबा छार कबुल चुनोन हिन्ना। डाइ थनीगदला समरी डाला ठिम भिरसी थान्ना।” १

१७ दोःसी परमपरमुसे चुहरड भिसी सुङ्बा मुला, “दाहेन्से डाइ थनीगदसे लबा पापदेन आज्यबा गेगदे साइमे आदन्।” २

१८ दाहेन्से थेनीगदेला जम्मान पाप माफ तबासे लमा दोःसी थेनीगदेला पापला लागिरी तिगै बलि फुलआतोः।

परमेश्वरला डाच्छापट्टि निउ

१९ थेतबासलमा ज्योज्यो आले नाना आडागदं, येशूला कास लमा य्हाडसे जम्मान भन्दा चोसो ग्लारी निबा आँट याडबा मुला। २० येशूसे हराडला ल्हुइ य्हाडला लागिरी बलि पिन्नी। ओच्छे पदोग्याम जम्मान भन्दा चोसो ग्लारी निबारी जुकजुकधोना सोबा छार ग्याम ठोडसी पिन्बा मुला। २१ परमेश्वरला दिमरी जम्मान अधिकार याडबा परमेश्वरदा तेन्बा य्हाडला मुल म्हि गिक मुला। २२ दाहेन्से य्हाड आज्यबा म्हन्बा तामग्याम चोसो तबादेन चोसो क्युइसे सरुसी धाबा ल्हुइ थोसी ज्यबा सेमदेन पूरा विश्वास लसी परमेश्वरला डामरी निइ। २३ य्हाडसे लबा आशरी य्हाड याडयोड आतना कोडसी चिइ। तिगदा भिसम हराडसे पिन्ना भिसी कबुल लबा परमेश्वर चा विश्वास लसम्बा परमेश्वर हिन्ना। २४ य्हाडसे गिकसम गिकदा माया लबादेन ज्यबा गे लबाला लागिरी आँट खबा खाल्ला ताम जे लइ। २५ कोइ कोइ म्हिला संगतीरी आनिबा बानी मुला। तर य्हाड चा संगतीरी निबा आख्लागे। बरु परभु दोःसी फेखबा धिन खबारी छयाइबा मुला भिबा ताम घोसी गिकसम गिकदा झन आँट पिन्ने।

२६ तिगदा भिसम सत्य ताम था याडसीनोन चुदे दोःसी पाप लबाला लबान लजी भिसम य्हाडसे लबा पापला दोष मेटव लबारी अर्गु खजिबै बलिदान आरं। २७ तर थेहरडबा पाप लबागदे चा परमेश्वरला शतरुगदेदा नाश लबा ल्हानान धरन मेदेन परमेश्वरसे पिन्बा लोडबा खबा सजाय मरान्सी चितोःबा जे मुला। २८ चुदे खाल्ले म्हिसे परमेश्वरसे मोशादा पिन्बा ठिम आडयान्ना भरबा ताम म्हि न्ही सोमसे मराडसी पाडजी भिसम थे ठिम आडयान्ना म्हिदा तिगै दया आउन्ना साइतोःबा मुबा। २९ थेहरड भिसम परमेश्वरला झादा विरोध लबा म्हिसे झन गाते ल्हाना सजाय याडला। तिगदा भिसम थेसे हराडदा पापग्याम फसी चोसो

तना लबादेन परमेश्वरसे लबा कबुलदा पूरा लबा खरीष्टला कादा गे आसल्ला स्ह स्होबा मुला, ओच्छे दयामाया पिन्बा परमेश्वरला आत्मादा विरोध लबा मुला। ३० तर चुहरड भिसी सुडबा परमेश्वरदा य्हाडसे डोसबा मुला, “बदला किन्बा गे डाला हिन्ना, डाइ थेनीगदसे लबा गे अन्छारला सजाय पिन्ना”। ओच्छे दोःसी, “परमपरभुसे हराडला म्हिगदेला ठीक निसाफ लला” भिसीएनोन सुडबा मुबा। ३१ पाप गे लबागदे छोन्बा परमेश्वरला छयारी परब तबा चा लोडबा खबा ताम हिन्ना।

३२ एनीगदसे येशू खरीष्टला बाररी लोन्बा डाच्छाला धिनगदेदा थाम्लेःगो। जमा धुइरी एनीगदसे ल्हानान दुख नातोःसे विश्वासरी कोडसी चिबा मुबा। ३३ खाइमाम एनीगदसे जम्मान म्हिला ओन्छाडरी दुखदेन हेला नाजी। ओच्छे खाइमाम एनीगदसे दुखरी परब तबागदेदा हरो लजी। ३४ एनीगदसे झ्याल्सानरी परब तबागदेदा हरो लजी। ओच्छे हराडदेन छयाम मुबा जम्मान धन सम्पत्ति ब्यन्माएनोन एनीगदसे ताडसी ताडसी नाजी। तिगदा भिसम जुकजुकधोना चिबा अझ धरन सम्पत्ति हराडदेन छयाम मुला भिबा ताम एनीगदेदा था मुबा।

३५ थेतबासलमा एनीगदसे विश्वासग्याम जुन आँट याडबा मुला थे थाख्लागे। चुग्यामसन एनीगदसे धरन इनाम याडला। ३६ परमेश्वरदा सम निबा गे लबारीदेन परमेश्वरसे पिन्ना भिसी कबुल लबा तामगदे याडबाला लागिरी मरान्सी चितोःबा मुला। ३७ तिगदा भिसम बचनरी चुहरड भिसी भिरबा मुला,

“दाहेन्से फेखबा चा फेखनोन सला,
थेसे घइना आल। y

३८ तर डाइ म्हन्बा अन्छार भरबा डाला म्हिगदे चा विश्वासग्याम सोला,
ओच्छे चुदे थेनीगदे न्हडला खाल्लेसे विश्वास लबा खलाजी भिसम
थे मराडसी डा आताड”।

३९ य्हाड चा विश्वास लबा खलासी नाश तबा म्हिगदे न्हडला आहिन, तर विश्वास लसी थारबा याडबा म्हिगदे न्हडला हिन्ना।

विश्वास

११ विश्वास लबा चा आश लबा ताम याडला भिसी दुक्क तबादेन आमराडबा तामरी पूरान भर लबा हिन्ना। २ तिगदा भिसम थनीगदसे विश्वास लबासे लमान ओन्माला म्हिगददा परमेश्वरसे हराडला म्हि स्होजी।

३ परमेश्वरसे हराडला बचनग्यामसे चु जम्बुलिङ्ग स्होजी भिबा ताम विश्वासग्याम य्हाडसे था याडबा मुला। थहरङ्ग लसी य्हाडला मीसे आमराडबा स्हगदग्यामसेन मराडबा स्हगद स्होजी। ४

५ विश्वासग्यामसेन हाबिलसे परमेश्वरदा कयिनसे भन्दा ज्यबा बलि फुल्जी। विश्वासग्यामसेन हाबिलदा परमेश्वरसे हराडदा सेम निबा म्हि स्होजी। ओच्छे थसे फुल्बा बलि परमेश्वरदा सेम निजी। थे सिसी निसैनोन थेला विश्वासग्याम थसे अझ य्हाडदा ल्हानान ताम लोप्यान मुला। ६

७ विश्वास लबासे लमान हनोक आसिनी। तर थदा छोनबान स्वर्गरी भोजी। ओच्छे थदा खालेसेन आस्यानी। तिगदा भिसम परमेश्वरसे थदा थोसी भोर्बा मुबा। थदा परमेश्वरसे थोसी भोर्बा भन्दा डाच्छा थसे परमेश्वरदा ताडना लबा ताम चुग्यामसेन था याडबा मुला। ८ विश्वास आलना खालेसेन परमेश्वरदा ताडना लबारी आखम। तिगदा भिसम परमेश्वर मुबा ग्लारी खबा म्हिसे परमेश्वर मुला भिबा तामदेन थदा म्हाइबा म्हिदा इनाम पिन्ना भिसी विश्वास लताःला।

९ विश्वासग्यामसेन नोआसे थानोन ओरबा लिच्छा तसेला आमराडबा तामला बाररी परमेश्वरसे कुल्बा अन्डार थसे धरेन पानी जहाज गिक स्होजी। ओच्छे थे पानी जहाज न्हडरी थसे हराडला म्हमगददा थान्सी जोगब लजी। चुहरङ्ग लसी थसे विश्वासग्यामसेन जम्बुलिङ्गला म्हिगदला दोष उन्जी। ओच्छे थे हराडला विश्वासग्याम परमेश्वरदा सेम निबा म्हि दोजी। १०

११ विश्वास लबासे लमा अबराहामसे परमेश्वरसे कुल्बा ताम ड्यान्जी। ओच्छे थदा

पिन्ना भिसी कबुल लबा य्हुल्सारी परमेश्वरसे थदा निज भिसी कुल्जी। तर हराङ्ग खानडपट्टि निबान मुला भिबा था आरसे थे हराडला य्हुल्सा स्लासी निजी। १२ विश्वास लबासे लमा अबराहाम परमेश्वरसे पिन्ना भिसी कबुल लबा य्हुल्सारी निसी विदेशी हरङ्ग लसी पाल फरङ्गसी चिजी। थहरङ्ग लसीन परमेश्वरसे इसहाकदेन याकूबदाएनोन थे य्हुल्सा पिन्ना भिसी कबुल लजी। ओच्छे थनीगदएनोन अबराहाम हरङ्ग लसीन चिजी। १३ तिगदा भिसम अबराहामसे परमेश्वर हराडसेन म्हन्सी जुकजुकधोना चिबा जगथोरी स्होवा शहरदा भरान्सी चिबा मुबा।

१४ विश्वासग्यामसेन दिङ्ग निसी जिन्सैनोन अबराहाम आबा दोजी। साराएनोन कोला आतबाधोनान सुइ दोसी जिन्बा मुबा। तसैनोन परमेश्वरसे पिन्ना भिसी लबा कबुलथोरी अबराहामसे पूरान विश्वास लसी चिजी। १५ अबराहाम ल्हानान खेप्रा दोबासे लमा थग्याम तिगे आशनोन ओरमुबा। तसैनोन थे म्हि गिकग्यामसेन मुला सारदेन समुन्दरला बालुवा तेनोन ड्यानोन आखम्बा सन्तान तजी। १६

१७ परमेश्वरसे पिन्ना भिसी कबुल लबा स्हगद आयाडसेनोन चु जम्मान म्हिगदसे सिबा धुइधोनाएनोन विश्वास लबा आख्तानी। तसैनोन थनीगदसे थे स्हगददा थारङ्गग्यामसेन मराडसी समरी किन्जी। ओच्छे थनीगदसे हराङ्ग चा चु जम्बुलिङ्गरी विदेशीदेन परदेशी हिन्ना भिसी म्हन्जी। १८ चुहरङ्गबा ताम लबा म्हिगदसे हराडलान य्हुल्सा म्हाइबान मुला भिबा ताम परस्टन धोना लमुला। १९ थनीगदसे डाच्छा हराडसे स्लासी खबा य्हुल्सादा ढन्सी आचिनी। चुद थे य्हुल्सादा ढन्बा हिन्सम थनीगददे दोःसी थे य्हुल्सारी निम्याडसेला मुबा। २० तर थनीगदसे चा चु भन्दान ज्यबा स्वर्गला य्हुल्सा म्हाइबा मुबा। थतबासेलमा थनीगददेला परमेश्वर हिन्ना भिसी सुडबारी परमेश्वर आपःनी। तिगदा भिसम परमेश्वरसे थनीगददेला पिन्बाला लागिरी शहर गिक स्होसी जिन्बा मुबा।

११:३ उत्प १:१; मज्ज ३३:६, ९; यूह १:३ ११:४ उत्प ४:३-१० ११:५ उत्प ५:२१-२४

११:११ उत्प ६:१३-२२ ११:१५ उत्प १२:१-५ ११:१९ उत्प ३५:२१७

११:११ उत्प १६:११-१४; २१:२ ११:१२ उत्प १५:५; २२:१७; ३२:१२

११:१३ उत्प २३:४; १ इति १९:१५; मज्ज ३९:१२

१७-१८ परमेश्वरसे अबराहामला सेम च्याबा धुइरी विश्वाससे लमान अबराहामसे हराडला झा इसहाकदा बलि फुल्बारी तयार तजी। परमेश्वरसे अबराहामदा "इसहाकग्यामसेन एला वंश बढब तला" भिसी कबुल लबा मुबा। तसेनोन अबराहामसे विश्वासग्यामसेन हराडला गिक जेन झादाएनोन बलि फुल्बारी तयार तजी। १९ तिग्दा भिसम परमेश्वरसे सिबाग्यामएनोन सोना लखम्ला मिबा अबराहामदा विश्वास मुबा। ओच्छे अबराहामसे विश्वास लबा अन्छारनोन हराडला झा इसहाकदा सिबाग्याम सोबा हरडवान दोःसी याडजी।

२० विश्वाससे लमान इसहाकसे याकूबदेन एसावदा लिच्छा तसेला तामला बाररी मोलम पिन्जी।।

२१ विश्वाससे लमान याकूबसे सिबारी छुयाइबा धुइरी योसेफला झागदेदा मोलम पिन्जी। ओच्छे कडीला भररी राप्सी याकूबसे परमेश्वरला जयजयकार लजी।।^k

२२ विश्वाससे लमान योसेफसे सिबा धुइरी इसराएलीगदसे मिशर यहुत्सा ख्लाबा तामला बाररी पाडबा मुबा। थसे थनीगदेदा लिच्छा मिशर यहुत्सा ख्लाबा धुइरी हराडला नखरुगदे तिग लतोःला मिबा तामएनोन कुल्जी।।

२३ विश्वाससे लमान मोशाता आबा आमासे थे न्हमाहेन्स ला सोमधोना छुम्सी थान्जी। थनीगदसे हराडला झा ल्हानान जबा मराडजी, ओच्छे ग्लेस कुल्बा ताम आडयान्बारीनोन आतोडनी।।^m

२४ विश्वाससे लमान मोशासे हराड घरेन तमाहेन्स फारो ग्लेला झामला झा दोबारी आडयान्नी। २५ पाप लसी छिन्नड ताडसी चिबा मन्दा मी बरु थसे परमेश्वरला म्हिगददेन छुयामनोन दुस नाबा सेम लजी। २६ मिशर

यहुत्साला जम्मान धन सम्पत्ति मन्दा बरु थसे थार्बा पिन्बा खरीष्टला लागिरी दुस नाबा चा घरेन सम्पत्ति म्हन्जी। तिग्दा भिसम थसे परमेश्वरसे पिन्बा इनामदा च्यासी चिबा मुबा। २७ विश्वाससे लमान ग्लेला बोमो मराडसी आतोडनान थसे मिशर यहुत्सा ख्लाजी। ओच्छे मराडआखम्बा परमेश्वरदाएनोन मराडबा हरड लसीन थ मडसी चिजी। २८ विश्वाससे लमान मोशासे नाश लबा स्वर्गदूतसे इसराएलीगदेला थबा झागदेदा थासाइगे भिसी बलिला का इसराएलीगदे जम्मालान मरापरी फोपुडजी। ओच्छे मिशर यहुत्साग्याम फसी खबा धिनदा दन्सी धडबा चाड धडपुडजी।।^p

२९ विश्वाससे लमान इसराएलीगदसे सरी भरबा हरड लसी वाला समुन्दररी मरसी क्याम्सडपटटि निजी। मिशर यहुत्साला म्हिगदेएनोन थनीगदे हरड लसीन निबारी छुयाइमा डुबब तसी सिजी।।^q

३० विश्वाससे लमान इसराएलीगदसे निसरधोना यरीहो शहरला पर्खाल क्युर्मा फुप्जी। ३१ विश्वाससे लमान राहाब मिबा बश्या मिरडम्हेमे परमेश्वरसे कुल्बा ताम आडयान्बा म्हिगदेदा साइबा धुइरी सोजी। तिग्दा भिसम थसे थरी चिवा लबारी निबा इसराएलीगदेदा मान लबा मुबा।।^s

३२ चु मन्दा ल्हाना डाइ तिग पाडसे? तिग्दा भिसम गिदान, बाराक, शिमशान, यिप्ता, दाऊददेन शमूएल ओच्छे स्थान्दो अगमवक्तागदेला बाररी पाडबाला लागिरी डादा धुइ ओर। ३३ विश्वाससे लमान थनीगदसे जम्मान यहुत्सागदेदा दासी शासन लजी। थनीगदसे ठीक निसाफ लसी परमेश्वरसे पिन्ना भिसी कबुल लबा तामगदेएनोन याडजी। विश्वाससे लमान थनीगदसे च्यानगदेला सुड मरुसी पिन्जी। ३४ थहरड लसीन थनीगदसे

११:१७-१८ हागारपटटिला झा मुसैनोन अबराहामसे इसहाकदा गिक जेन झा भिसी मिबा मुबा। तिग्दा भिसम इसहाक चा परमेश्वरसे कबुल लबा अन्छार न्हवा मुबा भिसम हागारपटटिला झा चा अबराहामला समसे म्हन्बा अन्छार न्हवा मुबा।

११:२३ मिशर यहुत्साला ग्लेस इसराएलीगदेला झा न्हजी भिसम साइगो भिसी कुल्बा मुबा।

११:१७-१८ उत्प २२:१-१४ ११:२० उत्प २७:२७-२९, ३९-४० ११:२१ उत्प ४७:३१-४८:२०

११:२२ उत्प ५०:२४-२५; प्रस्था १३:१९ ११:२३ प्रस्था १:२२; २:२

११:२४ प्रस्था २:१०-१२ ११:२७ प्रस्था २:१५ ११:२८ प्रस्था १२:२१-३०

११:२९ प्रस्था १४:२१-३१ ११:३० यहो ६:१२-२१ ११:३१ यहो २:१-२१; ६:२२-२५

११:३२ न्याय ६:११-३२; ४:६-५; ३१:११; १-१२:७; १३:२-१६; ३१:१ शमू १:१-२५; १:१ शमू १६:१-१

राजा २:११ ११:३३ दानि ६:१-२७

मला ल्हामदा साइजी, तरवारग्यामएनोन जोगब तजी। ओच्छे थनीगदे कमजोर मुबा, तर भडबा तजी। थनीगदे लडाइ लमा आलाडनी ओच्छे अर्गुं थुत्साला जम्मान शतरुगदेदा भरना लजी। ३३५ विश्वासस लमान मिरडम्हमगदेस हराडला म्हिगदेदा सिबाग्याम दोःसी सोबा स्यापजी। ३३६

स्थान्दोगदेस चा सिमाहेन्से अझ ज्यबा जुनी याड्बाला लागिरी मिशर थुत्साग्याम फेबा सेम आलना ल्हानान दुस नाजी। ३३६ कोइ कोइदा बेइज्जत लसी कोरिस तोजी, स्थान्दोगदेदा चा च्याल्दासे खीसी झ्याल्सानरी झाड्जी। ३३७ म्हिगदेस थनीगदेदा युडबास तोजी, आरासे क्लेजी, तरवारसे ताम्जी। ओच्छे थनीगदेसे रादेन ग्युला दि क्वान्जी। थनीगदे प्राड्बा, स्थान्दोला हेला नाबान दुस नासी क्यारमार कोसी भरतोःजी। ३३८ चु आज्यबा जम्बुलिड थनीगदेला लागिरी गे खेल्बाधोनाला आरबा। थनीगदे तोडतोडबा ग्लादेन गडगद ओच्छे ऊगदेरी क्यारमार कोसी भरतोःजी।

३३ थनीगदे जम्मासेन हराडसे लबा विश्वासला लागिरी ल्हानान मान याड्जी। तर परमेश्वरसे पिन्ना भिसी कबुल लबा स्हगदे चा आयाड्नी। ३३९ तिगदा भिसम थ्याड्देन छ्याम जे थनीगदे तिगे दोष आरबा म्हि दागे भिसीन परमेश्वरसे थ्याड्दला लागिरी डाच्छान ज्यबा स्ह स्हासी थान्बा मुबा।

परमेश्वरला तहरी चिड

१२ थ्याड्दला क्युसीन चुदे ल्हाना विश्वास लबा म्हिगदे मुबास लमा थ्याड्द ग्यामरी कोल्ना लबा ल्हानान स्हगदेदेन थ्याड्द सजिलोसे कोल्ना लबा पापगदेदा थ्याड्दसे म्याड्गे। ओच्छे थ्याड् धोतोःबा ग्लाधोना आधोतेधोना दुक्क तसी भरड। २ थ्याड्दला विश्वास शुरु लबादेन पूरा लबा येशूदा च्यासी भरड। लिच्छा याड्बा ताड्बा तामला लागिरी थस बेइज्जत तसे तिगे वास्ता आलना करुसरी दुस नाजी। दान्द थ परमेश्वरला दाहिन छ्यापट्टिला मुल ठिरी

धन्ड्याबा मुला। ३३ एनीगदेदा सुर्दा आतबादेन सदन विश्वासरी चिबाला लागिरी पापीगदेसे बेइज्जत लमा नाबा येशूदा च्यागो।

३४ एनीगदे पापला शक्तिगदेदेन छ्याम छ्मा सिबाधोना मी तबा आर। ३५ परमेश्वरसे एनीगदेदा हराडला झागदेदा हरड लसी बचनरी चुहरड लसी अर्ती पिन्बा ताम म्तेःजी ?

“डाला झा, परमपरमुस लबा तहरी भरड।

ओच्छे थस बड्मा दुस थाम्हन्गो।

३६ तिगदा भिसम जुन म्हिदा परमपरमुसे माया लला थदा हराडला तहरी थान्मुला।

ओच्छे हराडलान कोलागदे भिसी म्हन्बा जम्मादान थस सजाय पिन्मुला।” ३६

३७ एनीगदेसे नाबा सजाय चा आबाला तहरी चिबा हिन्ना भिसी म्हन्गो। एनीगदेसे नाबा सजायग्यामसे परमेश्वरसे एनीगदेदा हराडलान कोलागदेदा हरड लसी व्यवहार लबा मुला भिबा ताम उन्बा मुला। हराडला आबाग्याम तोबा ग्याड्बा आनाबा कोलागदे खाले मुला ? आर। ३७ चुदे जम्मान कोलागदेसे नाबा सजाय एनीगदेसे चा आनानी भिसम एनीगदे हराडलान आबाला कोलागदे आहिन, तर स्थान्दोदेन छ्याम बरेल्सी न्हा कोलागदे हिन्ना। ३८ चु जे आहिन, थ्याड् म्हिला मी आबासे हराडला कोलागदेदा तहरी थान्मुला, ओच्छे कोलागदेसे आबादा मान लमुबा। थतबासलमा झन थ्याड्से थ्याड्दला आत्माला आबा परमेश्वरला तहरी चितोःला। थहरड लजी भिसम थ्याड्से जुकजुकधानाला जुनी याड्दला।

३९ थ्याड् म्हिला आबासे चा थ्याड्ददा तिगे धिनना लागिरी थन्से ठीक भिसी म्हन्बा अन्धार तहरी थान्मुला। तर परमेश्वर आबासे सदनना लागिरी थ्याड्ददा ज्यबा तगे ओच्छे हराड हरडबान तिगे दोष आरबा दोबाला लागिरी तहरी थान्मुला। ४० सजाय याड्बा धुडरी थ्याड्ददा सुख आहिन, तर ल्हाना दुस तमुला। तर थ्याड् तहरी चिसी पाको दोबागदे परमेश्वरदा सेम निबादेन ज्यबा बानीबेहार मुबा म्हि दोला।

४१ थतबासलमा एनीगदेला घेबा यागदे थोगो। ओच्छे कमजोर काड्गदे भड्बा तना लड।

१११:३४ दानि ३:१-३० १११:३५ १ राजा १७:१७-२४ ; २ राजा ४:२५-३७

१११:३६ १ राजा २२:२६-२७ ; २ इति १८:२५-२६ ; यर्मि २०:२ ; ३७:१५ ; ३८:६

१११:३७ २ इति २४:२१ ११२:२ मज्जन ११०:१ ११२:६ अय्युब ५:१७ ; हितो ३:११-१२

७३३ एनीगदे सोजो ग्यामरी भरउ। जमाहेन्से कमजोर म्हिगदे आहिरल, तर थेनीगदे ज्याना लसी भरखम्ला।^c

परमेश्वरदा थाख्तागो भिसी पाड्बा

१४ जम्मान म्हिगदेदन छ्याम दिक्सी चिबारीदेन परमेश्वरला डाच्छा तिगे दोष आरबा म्हि दोबारी भड लउ। तिगदा भिसम परमेश्वरला डाच्छा तिगे दोष मुसम खालेसेन परमपरमुदा मराड्बारी आखम। १५ ज्यागो, खालेनोन परमेश्वरला दयामाया आयाड्बा म्हि थादोगे। आज्यबा समग्याम खालेदान छ्वा बड्बा तना थालगे, ओच्छे ल्हानान म्हिदा न्हाड्ना थालगे। १६ खालेसेन आज्यबा बानीबहोर थाथोगे। ओच्छे एसाव हरड्बान परमेश्वरसे कुल्बा ताम आड्यान्वा म्हि थादोगो। थेस छ्वाक गिक चबाला लागिरी थेबा झासे याड्तो:बा अधिकारदान चूड्जी। ७७ एनीगदेदा थानोन मुला, लिच्छा थेस हराड्ना आबाग्याम मोलम किन्बारी म्हाड्जी। ओच्छे करासी करासी हराड्से डाच्छा चूड्बा अधिकार दो:सी किन्बारी म्हाड्जी। तर थेस आयाड्नी। तिगदा भिसम थेस हराड्से लबा आज्यबा गे ख्ताबा मौकान आयाड्नी।^c

१८ एनीगदे इसराएलीगदे हरड् लसी थुर्बारी खम्बा सीने भिबा गड्री खबा आर। थरी मला ल्हाम थोन्वा मुबा, म्ताड् म्ताड्बा खसुसेन प्रन्वा मुबा, ओच्छे लाबालुड्सर खबा मुबा। १९ इसराएलीगदेसे बिगुलला घरेन काइदेन परमेश्वरसे सुड्बा बचनएनोन थे:बा मुबा। चुहरड्बा काइ थे:माहेन्से थेनीगदेसे दाहेन्से दो:सी खाइमे थे:आतो:गे भिसी बिन्ती लबा मुबा। २० तिगदा भिसम थेनीगदेदा “चुदे सजिबै जन्तुसे चु गड् थुर्जी भिसैनोन थेदा युड्बासे तोसी साइगो” भिसी कुल्बा ताम थेनीगदेसे नाबारी आखम्नी। २१ मोशाएनोन थे ताम

मराड्सी ल्हानान लोड्बा मुबा। थेतबासेलमा, “डा लोड्सी फितफित धर्बा मुला” भिसी मोशासेनोन पाड्बा मुबा।^b

२२ तर एनीगदे मी सियान गड्री खबा मुला। ओच्छे झ्यासीन झ्याबारी आखम्बाधानाला स्वर्गदूतगदे ताड्सी पोप तसी छ्वान्वा परमेश्वरला स्वर्गला यरूशलेम शहररी खबा मुला। २३ एनीगदे स्वर्गरी मिन भिरसी जिन्वा डाच्छा न्हा परमेश्वरला कोलागदेला खभारी खबा मुला। ओच्छे एनीगदे जम्मान म्हिदा निसाफ लबा परमेश्वर मुबा ग्लारीदेन परमेश्वरला डाच्छा ज्याबा म्हिगदेला आत्मा मुबा ग्लारीनोन खबा मुला। २४ एनीगदे येशू मुबा ग्लारी खबा मुला। येशूसे चा एनीगदेदा परमेश्वरदेन छ्याम दिक्ना लबाला लागिरी छ्वा कबुल स्होबा मुला। ओच्छे एनीगदे हाबिलला कासे भिन्दा अझ ज्याबा ताम लोन्वा का स्वाबा ग्लारी खबा मुला।^d

२५ होशियार तसी चिउ, एनीगदेसे हराड्देन छ्याम ताम पाड्बा परमेश्वरला ताम ड्यान्वारी थाख्तागो। तिगदा भिसम चु जम्बुलिड्ना म्हि मोशासे कुल्बा ताम इसराएलीगदेसे आड्यान्मा सजायग्याम स्योरआम्याड्नी। झन य्हाड्से स्वर्गग्याम कुल्बा परमेश्वरला ताम आड्यान्नी भिसम य्हाड् साहरड् लसी स्योर्सम्ला? २६ परमेश्वरसे सीने गड्री ताम लमा जम्बुलिड्नीन य्हाड्जी। तर दान्द परमेश्वरसे चुहरड् भिसी कबुल लबा मुला, “दाहेन्से अझ तिरम जम्बुलिड् जे आहिन, तर डाइ स्वर्गन य्हाड्ना लला।” २७ चु “अझ तिरम” भिबा तामग्याम जम्बुलिड्री मुबा जम्मान स्हेगदे नाश तला भिबा हिन्ना। चु भिबा चा आय्हाड्बा स्हेगदे चा नाश आत।

२८ थेतबासेलमा आय्हाड्बा य्हुत्सा य्हाड्से याड्बासे लमा परमेश्वरदा धन्यवाद पिन्ने। थहरड् लसीन परमेश्वरदा सेम निबा गे लसी थेदा सदन मान लवान जयजयकार लइ। २९ तिगदा

३२:२३ “डाच्छा न्हा परमेश्वरला कोलागदे” भिबा चा परमेश्वरदा डाच्छान विश्वास लबा म्हिगदे हिन्ना।

११२:२४ हाबिलला काग्याम सजाय याड्जी भिसम येशूला काग्याम जम्मान म्हिसे पापला माफ याड्जी (उत्प ४:११-१२ स्होगो)।

११२:१२ यशे ३५:३

७२:३३ हितो ४:२६ ७२:३६ उत्प २५:२९-३४ ७२:३७ उत्प २७:३०-४० १२:१८ परस्था

१९:१६-२२; २०:१८-२१; व्यव ४:११-१२; ५:२२-२७ ७२:२० परस्था १९:१२-१३

११२:२१ व्यव ९:१९ १२:२४ उत्प ४:१० १२:२५ परस्था २०:२२ १२:२६ हागगे २:६

भिसम य्हाङ्गला परमेश्वर नाश लबा मे हरङ्गबान मुला।।

परमेश्वरदा ताङ्गना लबा गे

१३ गिकसम गिकदा ज्योज्यो आले नाना आङ्गदा हरङ्गनोन सदन माया लउ। २ डाआसबा डोन्बागदेदा मान लबारी थाख्तागो। चुहरङ्ग लसी डोन्बादा मान लमा कोइ कोइस था आयाङ्गना स्वर्गदूतदाएनोन मान लबा मुबा। ३ हराङ्गएनोन ड्याल्खानरी मुबा हरङ्गबान म्हन्सी ड्याल्खानरी मुबागदेदा वास्ता लउ। ओच्छे हराङ्गलान ल्हुडरी दुख याङ्गबा हरङ्गबान म्हन्सी दुख याङ्गबागदेदाएनोन वास्ता लउ।

४ ब्याह चा जम्मान म्हिला ओन्छाङ्गरी ज्यबा ततोःला। ओच्छे मिरङ्ग हरेम्बो न्हङ्गरी साइमे आज्यबा तबारी आत। तिग्दा भिसम आज्यबा बानीबेहोर थोसी स्थान्दोला मिरङ्ग हरेम्बोदेन छुयाम बरल्सी भर्बागदेदा परमेश्वरस सजाय पिन्ना।

५ एनीगदे धन सम्पत्तिला लिच्छा थाभरउ, हराङ्गदेन छुयाम जुन स्हे मुला थेरीन ताङ्गसी चिउ। तिग्दा भिसम परमेश्वरसे चुहरङ्ग भिसी सुङ्गबा मुला,

“डाइ एदा तिगे लसीन आख्ता,
डाइ एदा साइमे थारङ्ग आथान।” ॥

६ थतबासलमा य्हाङ्ग दुक्क तसी पाङ्गे,
“परभुसेन डादा हरो लबा मुला,
थतबासलमा डा साइमे आलाङ्ग।

तिग डादा म्हिस तिगे लबारी खम्ता ? आखम।” ०

७ एनीगदेदा परमेश्वरला बचनग्याम लोप्रा मण्डलीदा च्याबा म्हिगदेदा दन्ना। थनीगदेला गाते ज्यबा बानीबेहोर मुबा थे घोउ। ओच्छे एनीगदेसनोन थनीगदेस लबा हरङ्गबान विश्वास लउ। ८ येशू खरीष्ट मी तिल्मा, तिनी ओच्छे सदन गिकनोन मुला। ९ एनीगदेदा था आरेबा खजिबे छार तामगदेसे एनीगदेदा सत्य तामग्याम थाफेगे। चबा थुङ्गबाला ठिमसे आहिन, तर परमेश्वरला दयामायासे समदा भङ्गना लबा चा ज्यबा हिन्ना। चबा थुङ्गबाला

ठिम अन्छार भरसी आत्माला लागिरी तिगे फाइदा आर।

१० यहुदीगदेला चोखो ग्तारी पूजा लबा म्हिगदेदा य्हाङ्गला बलि फुल्बा ग्तारी तिगे चबा अधिकार आर। ११ डाच्छाला ठिम अन्छार परमेश्वरला मन्दररी पूजा लबा मुल म्हिस पापला लागिरी बलि फुल्बा जन्तुला का पाल न्हङ्गला जम्मान भन्दा चोखो ग्तारी भोर्सी निमुबा। तर थे जन्तु चा शहरग्याम मङ्गयार भोर्सी खराङ्गमुला। १२ थतबासलमा येशूसेनोन हराङ्गलान काग्याम म्हिगदेदा पापग्याम फोसी चोखो स्दोबाला लागिरी शहरला मङ्गयार निसी सिजो। १३ थतबासलमा य्हाङ्गएनोन शहरला मङ्गयार येशू मुबा ग्तारी निसी थेसे नाबा हरङ्गबान बेङ्गजत नागे। १४ तिग्दा भिसम चु जम्बुलिङ्गरी सदन चिबाला लागिरी य्हाङ्गला शहर आर। तर य्हाङ्गसे मी लिच्छा खबा शहरला ग्याम च्यासी चिबा मुला।

१५ थतबासलमा य्हाङ्गसे येशूग्याम परमेश्वरदा सदन जयजयकारला बलि फुल्गे। चु थेला मिन किन्बागदेला सुङ्ग्याम फुल्बा बलि हिन्ना। १६ गिकसम गिकदा ज्यबा लबारीदेन हरो लबारी थाख्तागो। तिग्दा भिसम परमेश्वरदा सम निबा बलि चुनोन हिन्ना।

१७ एनीगदेसे हराङ्गला मण्डलीदा च्याबा म्हिगदेसे कुल्बा ताम ड्यान्सी थनीगदेला तहरी चिउ। थनीगदेला गे चा एनीगदेला आत्मादा वास्ता लबा हिन्ना। ओच्छे थनीगदेसे एनीगदेला लागिरी लबा गेला हिसाब परमेश्वरदा उन्तोःला। एनीगदेसे थनीगदेला ताम ड्यान्जी भिसी थनीगदेसे ताङ्गसी ताङ्गसी हराङ्गला गे लता। तर थहरङ्ग आलसम थनीगदेसे दुख इहम्ता, ओच्छे एनीगदेला लागिरी तिगे ज्यबा आत।

१८ डन्ना लागिरी सदन परार्थना लउ। डन्से म्हन्बा अन्छार डन्से तिगे गल्ती लबा आर भिबा ताम डन्दा पक्का मुला। तिग्दा भिसम सदन ज्यबा गे लबा डन्ना सम मुला। १९ डा दोःसी एनीगदे मुबा ग्तारी योनान खखम्मे भिसी

१३:१० तिग्दा भिसम थनीगदेसे डाच्छाला ठिम अन्छार पूजा लबा तामथोरी भर लमुबा। ओच्छे थनीगदेसे परभु येशूथोरी चा भर आलमुबा। य्हाङ्गला लागिरी बलि फुल्बा ग्ता चा यशूला करुस हिन्ना।

१२ :२९ व्यव ४ :२४

१३ :२ उत्प १८ :१-८ ; १९ :१-३

१३ :२ व्यव ३१ :६, ८ ; यहो १ :२

१३ :६ मजन ११८ :६

१३ :११ लेवी १६ :२७

एनीगदेसे डाला लागिरी परार्थना लसी पिन्गो
भिबा डाला बिन्ती मुला।

परार्थना

२० शान्तिला परमेश्वरसे जम्मान
ग्युगदला मुल गोठाला व्हाडला परभु
येशूदा सिबाग्याम सोना लजी। ओच्छे थला
काग्याम जुकजुकधोना चिबा कबुल पूरा लजी।
२१ एनीगदेसे परमेश्वरसे म्हन्बा गे लबाला
लागिरी परभु येशूग्याम एनीगदेदा जम्मान
ज्यबा तामगदेसे प्लिडना तगै। ओच्छे
परमेश्वरदा सेम निबा गेगदे लबारी खमौ भिसी
येशू खरीष्टग्याम एनीगदेला सेमरी गे लगे।
येशू खरीष्टला सदन मानदेन जयजयकार तगै।
आमेन।

२२ ज्योज्यो आले नाना आडागदे, एनीगदेदा
डाला चु बिन्ती मुला, एनीगदेदा आट पिन्बा
चु ताम आच्छेर्ना ड्यान्गो। डाइ एनीगदेदा
ल्हाना ताम भिरबा आर। २३ व्हाडला आले
तिमोथीएनोन ड्याल्खानग्याम थान्सी जिन्बा
मुला भिबा ताम डाइ एनीगदेदा पाडला। थ
यानान खजी भिसम डा थदेन छयामनोन एनीगदे
मुबा ग्लारी खला। २४ एनीगदेला जम्मान
मणडलीदा ज्याबा म्हिगदेदेन परमेश्वरला
जम्मान म्हिगदेदा फ्याफुल्ला। इटालिया
व्हुल्साला विश्वासीगदेसनोन एनीगदेदा
फ्याफुल्ला भिसी पाडबा मुला। २५ एनीगदे
जम्मानदेन छयाम परमेश्वरला दयामाया तगै।
आमेन।

याकूबसे भिरबा चिठी

चु चिठीला बोररी पाडतो:मा

भिरबा म्हि: येशूला आले याकूबसे भिरबा मुबा
(याकूब १:१, मत्ती १३:२५, मर्कूस ६:३)।

भिरबा गला: यरूशलम शहररी भिरबा मुबा।

भिरबा साल: आस्पन ईश्वी संवत ६०
(विक्रम संवत ११७) सालरीक्यार भिरबा
मुबा। तर कोइ कोइ बाइबल विद्वानगदसे
ईश्वी संवत ५० (विक्रम संवत १०७) साल
भन्दा डाच्छा भिरबा मुबा भिसी पाड्बा
मुला। थेतबासलमा चु चिठी छार कबुलला
जम्मान भन्दा डाच्छा भिरबा किताब
तखम्ला।

खाल्दा भिरबा: जम्बुलिडला गला ग्लारी
ससा बडबड तसी चिबा येशूदा विश्वास
लबा यहूदी म्हिगदेदा भिरबा मुबा।

चु चिठीरी विश्वास लबागदे खाहरड लसी
भरतो:ला भिसी विश्वास लबागदेदा तो:बा ज्ञान
बुदधिदेन मण्डलीदा च्याबा म्हिला बोररी अर्ती
पिन्बा मुला। चु अर्ती पिन्मा याकूबसे थरी
थरीला उखानगदे पाड्बा मुला। ओच्छे विश्वास
लबागदेस थोतो:बा बानीबहारला बोररी चुहरड
भिसी भिरबा मुला। फ्युकपोदेन पराड्बा भिसी
खालेला ली च्यासी गे थालउ, ज्यबा व्यवहार
लउ, खालेदा लेबाफेबा थालउ, डाह थालउ,
खालेदा बिरोध थालउ, म्हिला तामगन थालउ,
घमण्ड थालउ, जस्तोन दुख तसे नागो ओच्छे
प्रार्थना लउ।

चु चिठीरी विश्वास लबा जे आहिन, तर
विश्वास लबा अन्छारला गेएनोन लतो:ला
भिसी पाड्बा मुला।

मुल तामगदे

फयाफुल्बा १:१

विश्वासदेन ज्ञान बुदधि १:२-५

फ्युकपोदेन पराड्बा १:९-११

दुख नाबादेन सम च्याबा १:१२-१५

बचन ड्यान्सी थे अन्छारला गे लउ १:१९-२७

ली च्यासी गे थालउ २:१-१३

विश्वास अन्छारला गे २:१४-२६

सुड तहरी थान्गो ३:१-१५

जम्बुलिडला स्हेगदेदेन विश्वास लबागदे
४:१-५:६

चिठीला थुमरी भिरबा तामदेन अर्गु अर्तीगदे
५:७-२०

याकूबसे भिरबा चिठी

१ लास्सो, परमेश्वरदेन परभु येशू खरीष्टला गे
लबा डा याकूबग्याम जम्बुलिडला गला ग्लारी
ससा बडबड तसी चिबा खरीष्टदा विश्वास लबा
च्युक न्ही वंशला म्हिगदेदा **फयाफुल्बा। ७

विश्वासदेन बुदधि

२ डाला ज्योज्यो आले नाना आडागदे,
एनीगदेथोरी थरी थरीला आपत विपत खमा चु
ताडतो:बा ताम हिन्ना भिसी म्हन्गो। ३ तिगदा
भिसम चुहरड्बा दुख नामाहेन्स एनीगदेला
विश्वासग्याम अझ एनीगदेस घरेन घरेन दुख
नाखम्ला भिबा ताम एनीगदेदा थानोन मुला।
४ थेतबासलमा एनीगदेथोरी खबा जम्मान दुख
पूरान नागो। चुहरड लजी भिसम एनीगदे
जस्तोन दुख तसेनोन नाखम्बा पाको म्हि
दोला।

५ तर चुदे एनीगदे न्हडरी खालेदा ज्ञान बुदधि
आंसम थस आछर्ना पिन्बा परमेश्वरदेन छ्याम
हरीगो। ओच्छे परमेश्वरसे थदा पिन्ना। ६ तर
थे म्हिस तिगे शडका आलना परमेश्वरग्याम
याडला भिबा विश्वास लसी हरीगे। शडका
लबा म्हि चा लाबास रे:ना लबा समुन्दरला
छाल हरडबान हिन्ना। ७ थहरड्बा शडका लबा
म्हिस चा परमपरभुग्याम तिगे स्हे याडला
भिसी थाम्हन्गो। ८ तिगदा भिसम थहरड्बा सम
क्लाड्बा म्हिस चा लबारी म्हाड्बा सजिबै गे
पूरा लबारी आसम।

पराड्बादेन फ्युकपो

९ पराड्बा ज्योज्यो आले नाना आडागदे,
एनीगदे ताडगो। तिगदा भिसम परमेश्वरसे
एनीगदेदा घरेन म्हि स्होबा मुला। १० ओच्छे
फ्युकपो ज्योज्यो आले नाना आडागदेएनोन
ताडगो, तिगदा भिसम एनीगदेला धन सम्पत्ति
परमेश्वरला डाच्छा तिगे आहिन। तिगदा

**१:१ "च्युक न्ही वंशला म्हिगदे" भिबा चा यहूदी हिन्ना। तर याकूबसे पाड्बा चु ताम चा यहूदीगदेला
लागिरी जे आहिन, खरीष्टदा विश्वास लबा जम्मान म्हिगदेला लागिरी हिन्ना।

७१:१ मत्ती १३:२५ ; मर्कू ६:३ ; मुल १५:१३ ; गला १:१९

भिसम फ्युकपो म्हि चा हिरला म्हेंदो हरडनोन सम्सी निला। ११ तिगदा भिसम खरेडो तमा धिनीसे करोसी म्हेंदोला दोड स्याडसी निला। ओच्छे ओते जेबा म्हेंदो ताडसी नाश तला। थहरड लसीन फ्युकपो म्हि एनोन हराडला गरी कोल्ना कोल्नान नाश तला।

१२ जस्तोन दुख तसेनोन नासी चिखम्बा म्हि चा परमेश्वरग्याम मोलम याडबा म्हि हिन्ना। थहरडबा दुख नासी जिन्माहेन्स थस जुकजुकधोनाला जुनी याडबा इनाम याडला। थ इनाम चा परमेश्वरसे हराडदा माया लबा म्हिगदेदा पिन्ना भिसी कबुल लबा मुला।

१३ परमेश्वरसे खाले म्हिला सम च्यामा, थ म्हि फसब तजी भिसम थसे डादा परमेश्वरसे फसब लजी भिसी थापाडगे। तिगदा भिसम परमेश्वर हराडएनोन आज्यबा तामरी फसब आत। ओच्छे म्हिदाएनोन आज्यबा तामरी फसब आल। १४ तर जम्मान म्हि हराडलान आज्यबा समसे लोभ उन्सी फसब तमुला। १५ हराडलान आज्यबा समसे लमा पाप थोन्ना। ओच्छे थ पाप पुरान बढब तमाहेन्स नाश लला।

१६ थतबासेलमा डाला सम निबा ज्योज्यो आले नाना आडागदे, एनीगदेसे हराडसे हराडदान धोका थापिन्ना। १७ व्हाडसे याडबा जम्मान ज्यबादेन चोखो मोलमगदे चा मुला लनी धिनी स्होबा व्हाडला परमेश्वर आबाग्यामसन खमुला। ओच्छे धरिधरि पासी चिबा किरप हरड लसी परमेश्वर खाइमे आपो। १८ परमेश्वरसे हराडलान समसे सत्य बचनग्याम व्हाडदा हराडला म्हि स्होजी। तिगदा भिसम परमेश्वरसे स्होबा जम्मान स्हेगदे न्हडरी व्हाडदा चा थस हराडलान लागिरी धम्जी।

परमेश्वरला बचन ड्यान्सी थ अन्धारला गे लउ

१९ थतबासेलमा सम निबा डाला ज्योज्यो आले नाना आडागदे, एनीगदेसे हराडला ताम पाडबा भन्दा डाच्छा ज्यना लसी ड्यान्ना। ओच्छे योना बोमो थासउ भिबा ताम एनीगदे जम्मासन घोउ। २० तिगदा भिसम म्हिला बोमोस परमेश्वरसे म्हन्वा अन्धारला गे खाइमे लबारी आखम। २१ थतबासेलमा थहरडबा जम्मान आज्यबा बानीबेहोरदेन नडबा ताम खलागो। ओच्छे परमेश्वरसे एनीगदेला समरी

थान्बा बचनदा सोजो तसी सदन थोसी भरउ। चुनोन बचनरी एनीगदेदा थाना लबा शक्ति मुला।

२२ एनीगदेसे चु बचन ड्यान्बा जे आहिन, बचन अन्धार गे एनोन लउ। तर बचन ड्यान्सी जे हराडसे हराडदान धोका थापिन्ना। २३ खाले म्हिस बचन चा ड्यान्सी बचन अन्धार गे आलनी भिसम थ म्हि चा एनारी ली च्याबा म्हि हरडबान हिन्ना। २४ थस एना च्यातेधोना जे हराडला ली चुहरडबा मुला भिसी था याडमुला। तर एना च्यासी निमाहेन्स थस हराड खाहरडबा मुला भिबा ताम तुरुन्तन म्लेःला। २५ तर जुन म्हिसे थाना लबा परमेश्वरला ठिम अन्धार सम लसी ड्यान्सी भरला, थस परमेश्वरला बचन आम्तेःना गे एनोन लला। थहरडबा म्हिदा चा हराडसे लबा जम्मान गरी परमेश्वरसे मोलम पिन्ना।

२६ चुदे खालेसे हराडसे हराडदान डा परमेश्वरदा तेन्बा म्हि हिन्ना भिसी भिला, तर हराडला सुड चा तहरी आथान्नी भिसम थस हराडसे हराडदान धोका पिन्बा हिन्ना। थतबासेलमा थस परमेश्वरदा तेन्बा ताम तिगे गे आसेल्बा तला। २७ परमेश्वर आबादा सम निबा चोखोदेन सत्य तेन्बा ताम चा दुखरी परब तबा हरम्बो सिबा मिरडम्हेमगदेदा हरो लबादेन टुहुरा कोलागदेदा सयार लबा ओच्छे जम्बुलिडला जम्मान आज्यबा तामगदे खलाबा हिन्ना।

ली च्यासी गे थालउ

१ डाला ज्योज्यो आले नाना आडागदे,
२ एनीगदेसे व्हाडला जम्मान भन्दा घरेन व्हालदेन शक्ति मुबा परभु येशू खरीष्टदा विश्वास लबासे लमा एनीगदेसे खालेला ली च्यासी गे थालउ। ३ चुदे एनीगदे हरुप तसी परार्थना लबा ग्तारी ज्यबा ज्यबा क्वानदेन म्हरला च्याप क्वान्बा फ्युकपो म्हिदेन भाकटा भोक्टो क्वान क्वान्बा पराडबो म्हि खबा धुडरी ३ एनीगदेसे ज्यबा ज्यबा क्वान क्वान्बा फ्युकपो म्हिदा चा मान लसी, “तोर ठिरीन धन्ड्युयागो” भिबा, तर पराडबो म्हिदा चा “थरीन राप्सी चिसे चिउ, सरीन चिसे चिउ” भिसी पाडजी भिसम, ४ एनीगदेसे हराड हराड न्हडरीन ली च्यासी गे लबा आहिन? एनीगदेसे

चुहरडबा गे लमाहेन्से तिग एनीगदे पापी सम थासी निसाफ लबा म्हि आदोनी ?

५ डाला सम निबा ज्योज्यो आले नाना आडागदे ड्यान्गो, तिग परमेश्वरसे जम्बुलिडला पराडबोगदेदा विश्वासरी पयुक्पा दोना लसी हराडला म्हत्सारी वाडम्याडबा हक पिन्बारी धम्बा आहिन ? चुनोन म्हत्सा परमेश्वरसे हराडदा माया लबागदेदा पिन्ना भिसी कबुल लबा आहिन ? ६ तर एनीगदेसे पराडबोगदेदा हेला लमुला । तिग पयुक्पागदेसे एनीगदेदा एनोन दुख आपिन्मुला ? थनोन पयुक्पागदेसे एनीगदेदा अदालतरी आभोर्मुला ? ७ तिग येशू खरीष्टला मिन लसी एनीगदेदा थान्बा मिनना बेइज्जत लबा थनोन पयुक्पागदे आहिन ?

८ चुदे एनीगदेसे “हराडला खिम्जेमगदेदा हराडदा हरडनोन माया लउ” भिसी बचनरी भिरबा परमेश्वरला म्हत्साला मुल ठिम अन्धार पक्कान भरजी भिसम एनीगदेसे ज्यबा गे लबा हिन्ना । ९ तर एनीगदेसे पराडबादेन पयुक्पोला ली च्यासी गे लजी भिसम एनीगदेसे पाप लबा हिन्ना । ओच्छे परमेश्वरला ठिमसेनोन एनीगदेला दोष उन्ना । १० तिगदा भिसम खाले म्हिसे परमेश्वरला ठिम न्हडरी मुबा ताम गिक जे आड्यान्सेनोन ठिमरी मुबा जम्मान तामला दोष थथारी खला । ११ तिगदा भिसम “स्थान्दोदेन छ्याम बरत्सी थामरउ” भिसी सुडबा परमेश्वरसेन “म्हि एनोन थासाडगो” भिसी सुडबा हिन्ना । थतबासलमा स्थान्दोदेन छ्याम बरत्सी आभरसेनोन म्हि चा साइजी भिसम एनीगदे परमेश्वरला जम्मान ठिम आड्यान्बा म्हि दोला । १२ थतबासलमा एनीगदेसे चु ताम ढन्गो, एनीगदेसे पाडबा तामदेन एनीगदेसे लबा गग्याम फबा ठिमसेन एनीगदेला निसाफ लला । १३ तिगदा भिसम स्थान्दोदा दया आलबा म्हिदा परमेश्वरसेनोन निसाफ लबा धुइरी थदा दया आल । तर स्थान्दोदा दया लबा म्हिदा परमेश्वरसेनोन दया लला ओच्छे परमेश्वरसे निसाफ लबा धुइरी थ लोड्आतोः ।

विश्वास अन्धारला गे

१४ च्यागो, डाला ज्योज्यो आले नाना आडागदे, खाले म्हिसे “डाइ विश्वास लबा मुला” भिसी पाडला, तर गे चा आलसम थसे लबा विश्वासला तिग गे ? तिग थहरडबा विश्वाससे थदा थाना लला ? १५ चुदे खाले ज्योज्यो आले नाना आडादा चबादेन क्वान्बा तिगे आर । १६ तर एनीगदे न्हडला खालेसे थदा “ढुक्क तसी निउ ओच्छे ज्यबा चबा क्वान्बा लउ” भिसी थला ल्हुइदा तोःबा स्हे चा आपिन्नी भिसम एनीगदेसे पाडबा तामला तिग गे ? १७ थतबासलमा विश्वास जे लसी आत । तर विश्वास अन्धारला गे एनोन लतोःला । चुदे विश्वास अन्धार गे आलनी भिसम थहरडबा विश्वास सिबा हरडबा हिन्ना ।

१८ तर खाले म्हिसे “एसे विश्वास लमुला, डाइ गे लमुला” भिजी भिसम थदा डाइ पाडला, “लु, दाहेन्से एसे गे आलना एला विश्वास उन्गो । डाइ गे लसी डाला विश्वास एदा उन्ना ।” १९ एनीगदेसे परमेश्वर गिक जेन मुला भिसी विश्वास लमुला । थे ज्यबान ताम हिन्ना । थहरडबा ताम मी म्हड म्हडसेनोन विश्वास लमुला । तर परमेश्वर मराडमाहेन्से थनीगदे यार्मुला ।

२० म्सेगदे, विश्वास अन्धारला गे आलनी भिसम थहरडबा विश्वास तिगे गे आखेल्बा तमुला भिसी एनीगदेदा उन्तोःला ? २१ य्हाडला म्हम अबराहाम एनोन विश्वास अन्धारला गग्यामसेन परमेश्वरदा सम निबा म्हि दोबा मुबा भिबा ताम एनीगदेदा था आर ? परमेश्वरसे कुल्बा अन्धारला थसे हराडलान झा इसहाकदा बलि फुल्बारी बलि फुल्बा ग्लाथारी थान्जी । २२ अबराहामसे विश्वासदेन छ्याम छ्यामसेनोन गे एनोन लजी । ओच्छे गग्यामसेन थला विश्वास पूरा तबा ताम एनीगदेसे मराडबा मुला । २३ “अबराहामसे परमेश्वरदा विश्वास लबासे लमा परमेश्वरसे थदा हराडदा सम निबा म्हि हिन्ना भिसी सुडजी” भिसी परमेश्वरला बचनरी भिरबा ताम पूरा तबा मुबा । ओच्छे अबराहाम परमेश्वरला हरो एनोन दोजी । २४ थतबासलमा च्यागो, परमेश्वरदा सम निबा

२२ :८ लेवी १९ :१८ १२ :११ परस्थी २० :१३-१४ ; व्यव ५ :१७-१८ २२ :२१ उत्प २२ :१-१४

१२ :२३ उत्प १५ :६ ; २ इति २० :७ ; यशै ४१ :८

म्ह् दोबारी व्हाडसे विश्वास जे आहिन, तर विश्वासदेन छयाम छयाम गेणोन लदोमुला ।

२५ थंहरड लसीन राहाब भिबा बेश्याएनोन थला गग्यामसेन परमेश्वरदा सेम निबा म्ह् दाजी भिबा ताम एनीगददा थानोन मुला । तिगदा भिसम थस थरी चिवा लबारी खबा यहदीगददा क्याडजी । ओच्छे थ ग्लाता म्ह्गदग्याम जागब लसी अर्गु ग्यामसे पुडजी । २६ आत्मा आरमाहेन्स म्ह् सिबा हिन्ना, थंहरड लसीन विश्वास अन्धारला गे आलनी भिसम थला विश्वासएनोन सिबा हिन्ना ।

सुड तहरी थानो

१ डाला ज्योज्यो आले नाना आडागदे, एनीगदे न्हडरी ल्हानान स्हान्दोदा लोप्रा म्ह् थादोगो । तिगदा भिसम परमेश्वरसे व्हाड स्हान्दोदा लोप्रा म्ह्ला निसाफ लबा धुडरी व्हाडला ल्हानान ताम म्हाडला भिबा ताम व्हाडदा थानोन मुला । २ व्हाड जम्मासेन ल्हानान गल्ली लमुला । तर जुन म्हसे हाशियार लसी ताम पाडला थे चा पाको म्ह् दोला । ओच्छे हराडसे हराडदान तहरी थान्बारी खम्ला ।

३ चुदे तागदेदा तहरी थान्बाला लागिरी थनीगदला सुडरी लगाम क्वान्जी भिसम थे घरेन मुसेनोन व्हाडसे थदा भोगे म्हन्बा ग्लारी भोबारी खम्ला । ४ च्यागो, पानी जहाजगदएनोन गाते घरेन मुला, ओच्छे थे लाबाला तोडसे भरमुला । तसेनोन थे चलब लबा म्हसे सिडला जजाबा क्याबाला भररी हराडदा भोगे म्हन्बा ग्लारी भोखम्मुला । ५ थंहरड लसीन व्हाडला लेणोन ल्हडला जजाबा स्हे हिन्ना, तसेनोन थस घरेन घरेन ताम लमुला ।

च्यागो, मेला जजाबा फिलिडगो गिकसेन घरेन घरेन हिर करोसी नाश लमुला । ६ थेतबासेलमा व्हाडला लेणोन मे हरेडदान हिन्ना । तिगदा भिसम चु व्हाडला ल्हडला जम्मान भन्दा नडबा गे लपुडबा स्हे हिन्ना । चुसे व्हाडला पूरान जुनी न्होडना लसी नर्गला मेरी झाडमुला । ओच्छे थे हराडएनोन नर्गला मेसे करोसी नाश तमुला ।

७ म्हसे जम्मान खाल्ला जन्तुगदे, जम्मान खाल्ला चराचुरुडगीदेन सरी भरबा

जन्तुगदे ओच्छे समुन्दरला जन्तुगदेदा तहरी थान्खम्मुला ओच्छे तहरी थान्बारी मुला । ८ तर लेदा चा खालेसेन तहरी थान्बारी आसम । तिगदा भिसम ले पापदेन लोडबा खबा बिखसे प्लिडबा कुटिरी आचिबा स्हे हिन्ना ।

९ चुनोन लेसे व्हाडसे परमु परमेश्वर आबाला जयजयकार लमुला भिसम चुनोन लेसे परमेश्वरसे हराडलान रुपरी स्होबा म्ह्दाएनोन के:मुला । १० चु सुडग्यामसेन मोलमएनोन पिन्मुला, म्ह्दाएनोन के:मुला । तर डाला ज्योज्यो आले नाना आडागदे, चु चा व्हाडसे लबारी आतबा ताम हिन्ना । ११ तिग मुहान गिकग्यामसेन कम्बादेन डम्बा क्युड प्योला? १२ डाला ज्योज्यो आले नाना आडागदे, तिग अज्जीरला दोडरी जेतून रोला? ओच्छे अडगुरला दोडरी अज्जीर रोला? थेतबासेलमा कम्बा क्युड प्योबा मुहानग्यामसेन खाइमे डम्बा क्युड आप्यो ।

थरी न्हीला ज्ञान बुदधि

१३ एनीगदे न्हडरी ज्ञान बुदधि मुबादेन ताम घोबा म्ह् खाल मुला? थस हराडला ज्यबा बानीबहारग्याम बुदधि मुबा सोजो म्ह् तसी ज्यबा गे लसी उन्ने । १४ तर चुदे एनीगदला सेमरी डाहदेन ईख थान्सी हराडला जे ग्याम च्याजी भिसम एनीगदसे बुदधि मुला भिसी घमण्ड थालउ । चुहरड लसी हराडसे हराडदान बुदधि मुला भिसी भरबा चा सत्य तामदा विरोध लसी हराडसे हराडदान फटटा स्होबा हिन्ना । १५ चुहरडबा ज्ञान बुदधि चा परमेश्वरग्याम खबा ज्ञान बुदधि आहिन । तर जम्बुलिडला आज्यबा तामदेन म्हला सेमग्याम ओच्छे शेतानग्याम खबा हिन्ना । १६ तिगदा भिसम जुन ग्लारी डाहदेन ईख थान्सी हराडला जे ग्याम च्याला, थरी खाइमे दिक्सी चिआसम । थरी जम्मान पाप गे जे तला ।

१७ तर परमेश्वरग्याम खबा ज्ञान बुदधिला मुल ताम चा चोखो हिन्ना । ओच्छे शान्ति भबा, जम्मानदेन छयाम दिक्सी चिखम्बा, सोजो, दयासे प्लिडबा, जम्मान गे ज्यबा लबा, खालेला ली च्यासी गे आलबादेन खालेदा चिप्ल ताम आलबा तमुला । १८ शान्ति भबागदेसे शान्तिरीन चिसी म्ह्गदला ओन्धारला गे लबान निला ।

जम्बुलिङ्गला स्हेगदेदा माया लबा

स्थान्दोदा दोष थालउ

४ एनीगदे न्हडरी छेबा बडबा तिग तामसे तना लबा हिन्ना? एनीगदेसे हराड हराड जे माजमजा लइ भिसी म्हन्बा लोभ समसे लमान आहिन? २ एनीगदेसे जुन स्हे म्हाइमुला थ आयाडमुला। थतबासलमा एनीगदेसे म्हे साइमुला। एनीगदेसे ल्हानान लोभ लमुला, तर आयाडमुला। थतबासलमा एनीगदे हराड हराड न्हडरीन छेबा बडबा लमुला। एनीगदेसे जुन स्हे म्हाइमुला थ स्हे एनीगदेदेन छुयाम आरे। तिगदा भिसम एनीगदेसे परमेश्वरदेन छुयाम आहरीमुला। ३ हरीसेनोन एनीगदेसे आयाडमुला। तिगदा भिसम एनीगदेसे माजमजा लबाला लागिरी आज्यबा सेम थोसी हरीमुला।

४ विश्वास आरेबा म्हेगदे, जम्बुलिङ्गला जम्मान स्हेदा माया लबा चा परमेश्वरदेन शतरु स्हेदा भिबा ताम एनीगदेदा था आरे? च्यागो, जुन म्हेसे जम्बुलिङ्गला जम्मान स्हेदा माया लला थसे हराडसे हराडदान परमेश्वरला शतरु स्हेला। ५ तिग बचनरी चुहरड भिसी भिरबा ताम एनीगदेसे गे आसेलबा ताम भिसी म्हन्बा? “परमेश्वरसे य्हाड न्हडरी थान्बा आत्मा चा ल्हानान डाहसे फ्लिडबा मुला।” ६ तर परमेश्वरसे थहरडबा डाह लबा आत्मागयाम फेबारी झन ल्हाना दयामाया लमुला। थतबासलमा परमेश्वरला बचनरी चुहरड भिसी भिरबा मुला, “परमेश्वरसे घमण्डीगदेदा विरोध लला, तर सोजो म्हेगदेदा चा दयामाया लला।” ७

७ थतबासलमा एनीगदे सदन परमेश्वरला तहरी चिउ, ओच्छे शैतानदा विरोध लउ। जमाहेन्से थ एनीगदे मुबा ग्लायाम याली। ८ एनीगदे परमेश्वरला डामरी खउ, ओच्छे परमेश्वरएनोन एनीगदेला डामरी फेखला। थतबासलमा पापीगदे, आज्यबा गे लबा या चोखो स्होउ। ओच्छे सेम न्ही मुबा म्हेगदे, एनीगदेला सेम चोखो स्होउ। १ एनीगदे दुख ड्हम्पी कराबा किरडबा लउ। एनीगदे ताडसी ड्यःबा मन्दा कराबा किरडबा लसी चिउ। १० एनीगदे परभुला डाच्छा सोजो म्हे दोगो, ओच्छे थसेन एनीगदेदा घरेन म्हे स्होला।

११ ज्योज्यो आले नाना आडागदे, एनीगदेसे गिकसेम गिकदा विरोध लसी आज्यबा ताम थापाडगो। तिगदा भिसम जुन म्हेसे हराडला ज्योज्यो आले नाना आडादा विरोध लसी दोष लला थसे परमेश्वरला ठिमदा विरोध लसी दोष लबा हिन्ना। चुदे एसे परमेश्वरला ठिमला दोष उन्जो भिसम ए ठिम अन्धार भरबा म्हे आहिन। तर ठिमला निसाफ लबा म्हे हिन्ना। १२ च्यागो, ठिम स्हेबादेन निसाफ लबा मी परमेश्वर जे हिन्ना। थदेन छुयाम जे नाश लबादेन थाना लबा शक्ति मुला। तर हराडला खिम्जेमगदेदा दोष लबा एनीगदे चा खाल हिन्ना?

परमेश्वरसे म्हन्बा अन्धार भरउ

१३ “तिनी न्हडगरनोन य्हाड शहर गिकरी निसी थरीन तिदिड चिसी व्यापार लला। ओच्छे धन सम्पत्ति स्होला” भिसी पाडबा म्हेगदे डाला ताम डयान्गो। १४ न्हडगर तिग तला भिबा ताम एनीगदेदा तिगेनोन था आरे। एनीगदेला जुनी तिग हिन्ना भिबा तामएनोन था आरे। च्यागो, एनीगदेला जुनी मी लडबु हरडबान हिन्ना। थ छिन्नडरीन थान्मुला छिन्नडरीन म्हामुला। १५ चुहरड भिबा मन्दा मी एनीगदेसे “चुदे परमेश्वरला सेम मुसम य्हाड सोसी चुहरड लला थहरड लला” भिसी पाडतोःमुबा। १६ तर दान्दे एनीगदे ल्हानान घमण्ड लसी धाक उन्मुला। चुहरड लसी धाक उन्बा चा पाप हिन्ना। १७ खालेसे ज्यबा लतोःला भिसी था याडसीनोन ज्यबा आलनी भिसम थसे पाप लबा हिन्ना।

फ्युकपो म्हेदा पाडबा ताम

१ फ्युकपो म्हेगदे, एनीगदेसे डाला ताम डयान्गो, एनीगदेथोरी खबारी छुयाइबा दुखला लागिरी कराबा किरडबा लसी चिउ। २ एनीगदेला धन सम्पत्ति नइबा मुला ओच्छे क्वानगदे बुलुडसे चसी जिन्बा मुला। ३ ओच्छे एनीगदेला म्हेर म्हुडरी खिया खबा मुला। थनोन खियासे एनीगदेला दोष उन्ना। ओच्छे थनोन खियासे एनीगदेला ल्हुइ मेसे हरड लसी करोसी नाश लला। तसेनोन परमेश्वरसे निसाफ

लबा चु धिनरी एनीगदसे ल्हानान धन सम्पत्ति सोसी थान्बा मुला। ४ एनीगदसे हराडला बुरी गे लबा म्हिगददा पिन्तोःबा ज्यालाएनोन पिन्बा आर। च्यागो, थनीगददा पिन्तोःबा ज्यालासन किरडसी एनीगददा विरोध लला। जम्मान भन्दा शक्तिशाली परमेश्वरसे बुरी गे लबागद कराबा किरडबा लबा थःसी जिन्बा मुला। ७ एनीगदसे जम्बुलिडरी ल्हानान माजमजा लसी चिबा मुबा, एनीगदसे हराडसे हराडदान साइबाला लागिरी थान्बा जन्तु हरड लसी छोनो लसी थान्बा मुला। ६ एनीगददा विरोध आलबादेन तिगे दोष आरबा म्हिगददा एनीगदसे दोष उन्सी साइजी।

जस्तोन दुख तसे नागो

७ थेतबासेलमा ज्योज्यो आले नाना आडागदे, परमु फेखबा धुइ आततेधोना भरान्सी चिउ। च्यागो, खती लबा म्हिसे ज्यबा बाली याडला भिबा आश लसी सेखदन बर्खला नाम आखतेधोना भरान्सी चिमुला। ८ एनीगदएनोन थहरड लसीन भरान्सी विश्वासरी काडसी चिउ। तिगदा भिसम परमु फेखबा धुइ खसी जिन्बा मुला। ९ ज्योज्यो आले नाना आडागदे, एनीगद हराड हराड न्हडरी दोष थालउ। परमेश्वरसेनोन एनीगदला दोष उन्सी निसाफ आल। तर च्यागो, निसाफ लबा चा मरापरीन मुला।

१० ज्योज्यो आले नाना आडागदे, एनीगदथारी खबा दुख नासी चिबारी परमुला मिनग्याम ताम पाडबा अगमवक्तागदसे नाबा दुखदा ढन्गो। ११ थनीगदसे जम्मान दुख नाखम्बास लमा व्हाडसे थनीगददा मान लमुला। ओच्छे अय्यूबसेनोन जम्मान दुख नाखम्जी भिबा तामला बाररी एनीगदसे थःबा मुला। थहरड लसीन परमुसे लिच्छा अय्यूबदा दोःसी जम्मान स्हे पिन्जी भिबा ताम एनीगददा थानोन मुला। परमुसे ल्हानान माया उन्सी दया लमुला। ८

१२ डाला ज्योज्यो आले नाना आडागदे, जम्मान भन्दा धरेन ताम चा एनीगदसे स्वर्ग,

जम्बुलिडदेन अर्गु तिगे स्हेला मिन किन्सी खाइमे धरान थाफागो। बरु “हिन्ना” भिसम “हिन्ना” भिउ “आहिन” भिसम “आहिन” भिउ। थहरड लजी भिसम परमेश्वरला डाच्छा एनीगदला तिगे दोष आत। ८

विश्वासला परार्थना

१३ एनीगद न्हडरी खालेदा दुख तबा मुसम थसे परार्थना लउ। ओच्छे खाले ताडबा मुसम थसे परमेश्वरदा जयजयकार तबा व्हाइ गोउ। १४ थहरड लसीन एनीगद न्हडरी खाले आखम्बा मुसम थसे मण्डलीदा च्याबा म्हिगददा डयोइगो। ओच्छे मण्डलीदा च्याबा म्हिगदसे थ म्हिदा परमुला मिनरी छयुगु फोर्सी परार्थना लगे। ७५ विश्वास लसी लबा परार्थनासे आखम्बा म्हिदा खम्ना लला। ओच्छे परमुसे थदा पूरान खम्ना लला। चुदे थसे पापनोन लबा मुसे माफ याडला। १६ थेतबासेलमा एनीगदे हराड हराडसे लबा पापगदे गिकसेम गिकदा पाडगो। ओच्छे एनीगदे खम्बाला लागिरी गिकसेम गिकदा परार्थना लउ। च्यागो, परमेश्वरसे म्हन्बा अन्धार भरबा म्हिसे लबा परार्थना शक्तिशाली तमुला, ओच्छे थग्याम उदेकला गे तमुला।

१७ एलियाएनोन व्हाड हरडबान म्हि मुबा। थसे नाम थाखगे भिसी समहेन्सेन परार्थना लमा सोम दिडसे ला दुधोना जम्बुलिडरी नाम आखनी। १८ दोःसी थसे नाम खगे भिसी परार्थना लजी। जमाहेन्से नाम खसी बाली नाती ज्यबा तजी। १६

१९ डाला ज्योज्यो आले नाना आडागदे, एनीगद न्हडरी खाले म्हिसे सत्य ग्याम ख्दासी निमा खालेसे थदा दोःसी भजी भिसम, २० थसे चु ताम थाम्लेःगे, जुन म्हिसे आज्यबा ग्यामरी भरबा पापी म्हिदा दोःसी भला थसे थदा सिबाग्याम जोगब लला, ओच्छे ल्हानान पापगदला पापला दोष मेटब तला। ८

७५ :४ व्यव २४ :१४-१५

७५ :११ अय्यूब १ :२१-२२ ; २ :१० ; मजन १०३ :८

७५ :१२ मत्ती ५ :३४-३७

७५ :१४ मर्कू ६ :१३

७५ :१७ १ राजा १७ :१ ; १८ :१

७५ :१८ १ राजा १८ :४२-४५

७५ :२० हितो १० :१२ ; १ पतरू ४ :८

पतरुससे भिरबा डाच्छोरमला चिठी
चु चिठीला बाररी पाडतो:मा

भिरबा म्हि: येशूला मुल चला पतरुससे भिरबा मुबा (१ पतरुस १:५)। चु चिठी भिरबाला लागिरी पतरुसदा सिलाससे हरो लबा मुबा (१ पतरुस ५:१२)।

भिरबा ग्ला: चु चिठी “बबिलोन” शहरग्याम भिरबा मुबा भिसी पाडबा मुला (१ पतरुस ५:१३)। बाइबलला ल्हानान विद्वानगदसे बबिलोन शहर भिबा चा रोम शहर हिन्ना भिसी पाडमुला।

भिरबा साल: ओस्पन ईशवी संवत ६०-६४ (विकरम संवत ११७-१२१) सालला गुडरी भिरबा मुबा।

साल्दा भिरबा: एशिया अञ्चलला न्हूपपटटिला ग्लारीक्यार ससा बडबड तसी चिबा येशूदा विश्वास लबागदेदा भिरबा मुबा।

चु चिठीरी विश्वास लबागदेदा “परमेश्वरसे धम्बा म्हिगदे” भिसी पाडबा मुला। चु चिठी भिरबा चा चु चिठी पढब लबागदेस आँट याडगै भिसी हिन्ना। तिगदा भिसम खरीष्टदा विश्वास लबास लमा थनीगद दुख नासी चिबा मुबा। चुहरड लसी आँट पिन्मा पतरुससे थनीगदेदा येशू खरीष्टला बाररी थाबा पिन्बा समाचार, येशू सिबादेन सिबाग्याम साबा ताम ओच्छे येशू दो:सी फस्वला भिबा कबुल दन्ना लबा मुला। थनीगदेस याडबा दुख चा थनीगदेस लबा विश्वासदा काडबा स्थाबा ताम हिन्ना। ओच्छे थनीगदेस खरीष्ट फस्वला धिनरी इनाम याडला भिसी दुक्क तसी थ दुख नातो:ला भिसी पाडबा मुला।

पतरुससे चु चिठी पढब लबागदेदा दुखला धुइरी आँट पिन्बान खरीष्टला म्हिगदे हरडबान दोसी भरउ भिसी बिन्ती लबा मुला।

मुल तामगदे

फयाफुल्बा १:१-२

साइमे आसिबा आश १:३-१२

तिगे दोष आरबा म्हि दोगा १:१३-२:१०

दुखला धुइरी खरीष्टदा विश्वास लबागदेस लतो:बा गे २:११-४:१९

खरीष्टदा विश्वास लबागदे सोजो तसी लतो:बा गे ५:१-११
चिठीला थुमरी भिरबा ताम ५:१२-१४

पतरुससे भिरबा डाच्छोरमला चिठी

१ लासो, पान्टस, गलातियादेन कापाडोकिया ओच्छे एशियादेन बिथिनिया भिबा ग्लारी क्यार यासी ससा बडबड तसी परदेशी दोसी चिबा परमेश्वरसे धम्बा म्हिगदेदा डा येशू खरीष्टला मुल चला पतरुसग्याम फयाफुल्ता।

२ परमेश्वर आबास डाच्छोहेन्सेन म्हन्बा अन्धार थला आत्मासे एनीगदेदा हराडलान म्हि स्थाबारी धम्बा मुला। थतबासलमा एनीगदेस येशू खरीष्टसे कुल्बा ताम ज्यानौ भिसी एनीगदेदा थला काग्याम तिगे दोष आरबा म्हि स्थाबा मुला।

एनीगदेदेन छ्याम परमेश्वरला दयामायादेन शान्ति ल्हानान तगे।

साइमे आसिबा आश

३ य्हाडला परभु येशू खरीष्टला आबा परमेश्वरला जयजयकार तगे। तिगदा भिसम परमेश्वरसे येशू खरीष्टदा सिबाग्याम सोना लसी य्हाडदा ल्हानान दया लबास लमा य्हाडसे छार जुनी याडबा मुला। दान्द य्हाडदेन छ्याम साइमे आसिबा आश मुला। ४ थहरड लसीन एनीगदेला लागिरी परमेश्वर आबास साइमे नाश आतबा, म्हासी आनिबा, न्हाडसी आनिबा मोलमगद स्वर्गरी ठोक लसी थान्बा मुला। ५ ओच्छे एनीगदेस लबा विश्वासग्याम परमेश्वरला शक्तसे एनीगदेदा थाना लबाला लागिरी जोगब लसी थान्ना। चु ताम चा एनीगदेसे परमेश्वरसे निसाफ लबा धुइरी मराडला।

६ दान्द एनीगदेसे तिगे धिनना लागिरी ल्हानान थरीला दुख नातो:से जमा धुइरी एनीगदे ताडला। ७ एनीगदेसे चुहरड लसी दुख नाबा चा एनीगदेस लबा विश्वास सत्य हिन्ना भिसी उबाला लागिरी हिन्ना। नाश तसी निबा म्हरदा मी म्हर हिन्ना कि आहिन भिसी था याडबाला लागिरी मरी खराडमुला भिसम एनीगदेला विश्वास मी थ म्हर भन्दा

††१:१ पान्टस, गलातियादेन कापाडोकिया ओच्छे एशियादेन बिथिनिया भिबा ग्लागदे डाच्छो रोम म्हल्सारी परब तमुबा। तर दान्द चा चु जम्मान ग्लागदे टर्की भिबा म्हल्सारी परब तमुला।

घरन हिन्ना। थहरडबा विश्वाससे लमा येशू खरीष्ट दोःसी फख्खमा एनीगदे उदेक तला। जमा धुइरी एनीगदेस थदेन छुयामनोन मानदेन इज्जत याडला, ओच्छे एनीगदेदा ज्यबा म्हे भिसी पाडला।

८ एनीगदेस येशू खरीष्टदा आमराइसेनोन माया लबा मुला। दान्द एनीगदेस थदा आमराइसेनोन विश्वास लबा मुला। ओच्छे एनीगदे गाते ताडला भिबा तामदेन एनीगदेस परमेश्वरदा गाते मानदेन जयजयकार लला भिबा ताम खालैसन पाडबारी आसम। ९ एनीगदेस लबा विश्वासग्याम याडबा इनाम चा एनीगदे थार्बा हिन्ना।

१० परमेश्वरसे एनीगदेदा लबा दयामायाला बाररी अगमवक्तागदेसे डाच्छान पाडसी जिन्बा मुबा। ओच्छे एनीगदेसे याडबा चु थार्बाला बाररी थनीगदेसे ल्हानान इयोइबा छार्बा लमुबा। ११ थ अगमवक्तागदेसे चु खाहरड लसी तला, खाइमा तला भिसी इयोइबा छार्बा लमुबा। थतबासेलमा थनीगदेदा खरीष्टला आत्मासे डाच्छा थार्बा पिन्बा खरीष्टसे दुख नातोःला, ओच्छे थसे दोःसी ल्हानान मान याडला भिबा ताम डाच्छान पाडसी जिन्बा मुबा। १२ अगमवक्तागदेसे थ धुइरी पाडबा ताम हराडला लागिरी आहिन, तर एनीगदेलान लागिरी पाडबा हिन्ना भिसी परमेश्वरसे थनीगदेदा धोना लमुबा। चु ताम स्वर्गग्याम पुइखबा परमेश्वरला आत्माग्याम पाडबागदेसे दान्द एनीगदेदा थार्बा पिन्बा समाचार थःना लबा मुला। चु ताम स्वर्गदूतगदेसेनोन च्याबारी ल्हानान सम लमुला।

तिगे दोष आरबा म्हे दोगो

१३ थतबासेलमा एनीगदेसे हराडला समदा तहरी थान्सी तयार तउ। ओच्छे सोजो तसी येशू खरीष्ट दोःसी फख्खमा धुइरी एनीगदेदा गाते दयामाया लला भिबा तामरी पूरान आश लसी चिउ। १४ एनीगदे कुल्बा ताम इयान्बा कोलागदे तबासे लमा एनीगदेसे डाच्छा आसेना आधोना हराडला समसे म्हाइबा जम्मान आज्यबा तामगदे ख्तागो। १५ एनीगदेदा धम्बा परमेश्वर

तिगे दोष आरबा परमेश्वर हिन्ना। थतबासेलमा एनीगदेला जम्मान तामगदेएनोन परमेश्वरला डाच्छा तिगे दोष आरबा ततोःला। १६ तिगदा भिसम परमेश्वरला बचनरी चुहरड भिसी भिरबा मुला, “एनीगदे तिगे दोष आरबा म्हे दोगो, तिगदा भिसम डा तिगे दोष आरबा परमेश्वर हिन्ना।”।

१७ खालैलान ली च्यासी आहिन, तर म्हेसे लबा गे अन्छार निसाफ लबा परमेश्वरदा एनीगदेसे आबा भिसी परार्थना लबासे लमा जम्बुलिडरी परदेशी दोसी चितधोना एनीगदे परमेश्वर मराइसी लोडगो। १८ तिगदा भिसम आखे म्हेमहेन्स तेन्सी खबा गे आखेल्बा रिमठिमग्याम एनीगदेदा फेबाला लागिरी परमेश्वरसे गाते ल्हानान पापला सय फाजी भिबा ताम एनीगदेदा थानोन मुला। थ सय चा नाश तसी निबा म्हेर म्हुइग्याम फाबा सय हरडबा आहिन। १९ तर ग्लुसीन ग्लुबारी आखम्बा खरीष्टला काग्याम एनीगदेला पापला सय फासी एनीगदेदा थार्बा लबा हिन्ना। खरीष्ट बलि पिन्बा तिगे दोषदेन दाग आरबा ग्यु बोगो हरडबान दोजी। २० चुला लागिरी परमेश्वरसे खरीष्टदा जम्बुलिड स्होबा मन्दा डाच्छान धम्बा मुबा। तर चु लिच्छाला धुइरी ११ एनीगदेलान लागिरी खरीष्ट फख्खजी।

२१ खरीष्ट येशूग्यामसन एनीगदेसे परमेश्वरदा विश्वास लबा हिन्ना। थनोन परमेश्वरसे खरीष्ट येशूदा सिबाग्याम सोना लसी जम्मान मन्दा घरन मान पिन्जी। थतबासेलमान एनीगदेसे परमेश्वरथारी विश्वासदेन आश लमुला।

२२ दाहेन्से एनीगदेसे सत्य ताम इयान्सी हराडला सम चोखो स्होबा मुला। थतबासेलमा एनीगदेसे हराडला ज्योज्या आले नाना आडादा चोखो माया लमुला। ओच्छे गिकसेम गिकदाएनोन समहेन्सेन चोखो माया लउ। २३ तिगदा भिसम एनीगदेसे खाइमे नाश आतबादेन छोन्बो परमेश्वरला बचनग्याम नाश तसी निबा आहिन, तर नाश आतबा छार जुनी याडबा मुला। २४ तिगदा भिसम परमेश्वरला बचनरी चुहरड भिसी भिरबा मुला,

३१:११ चु पदरी “खरीष्टला आत्मा” पाडबा चा परमेश्वरला आत्मा भिबा हिन्ना।

११:२० “लिच्छाला धुइ” भिबा चा डाच्छा खरीष्ट फख्खमाहेन्से दोःसी फख्खमा धुइधोनादा पाडबा हिन्ना।

१:१६ लेवी ११:४४-४५:१९:२

“जम्मान म्हिगदे छे हरडबान हिन्ना,
ओच्छे थनीगदेलो मानदेन जेबा हिररी सब
छेला म्हन्दो हरडबा हिन्ना।
छे हरला ओच्छे म्हन्दो ताडला।
२५ तर परमुला बचन जुकजुकधोनान चिला।”
दान्दे एनीगदेदा थःना लबा थार्वी पिन्बा समाचार
चु बचननोन हिन्ना।

२ थतबासलमा एनीगदेस जम्मान आज्यबा
र ताम, छल लबा, समरी पाप ताम थान्बा, डाह
लबादेन स्हान्दोला तामगन लबा चु जम्मान
ताम स्लागो। २ लैनू कोलास इहं थुडबारी
म्हाइबा हरड लसी एनीगदेस चा परमेश्वरला
सत्य बचनदा म्हाइगो। तिगदा भिसम चु
बचनग्यामसेन एनीगदे हराडसे याडबा थार्वी
ल्हेबान निला। ३ परमुसे गाते ल्हाना दया लबा
मुला भिबा ताम एनीगदेसे था याडसी जिन्बा
मुला।^k

४ एनीगदे येशू मुबा ग्लारी सबान मुला, थ
चा छोनो युडबा हिन्ना। थदा म्हिगदेस
गे आखेल्बा युडबा म्याडबा हरड लसी
म्याडमुबा। तर परमेश्वरसे थदा धम्सी
ग्लुसीन ग्लुबारी आखम्बा युडबा स्होजी।
५ एनीगदेएनोन छोनो युडबा हरडबान हिन्ना,
परमेश्वरसे एनीगदेदा हराडला मन्दिर स्होबा
मुला। परमेश्वरला लागिरी फेसी थान्बा पूजा
लबा म्हिगदे दोःसी येशू खरीष्टग्याम एनीगदे
परमेश्वरदा सम निबा आत्माला बलि फुल्बा
म्हि दोबा मुला। ६ तिगदा भिसम परमेश्वरला
बचनरी चुहरड भिसी भिरबा मुला,
“च्यागो, डाइ ग्लुसीन ग्लुबारी आखम्बा सुर
युडबा धम्सी

सियोन §§भिबा ग्लारी थान्बा मुला।

जुन म्हिसे थदा विश्वास लला

थे म्हि साइमै पेःआतोः।”^l

७ थतबासलमा विश्वास लबागदेलो लागिरी
येशू खरीष्ट ग्लुसीन ग्लुबारी आखम्बा युडबा
दोजी। तर विश्वास आलबागदेलो लागिरी चा
बचनरी भिरबा चु ताम दिक्मुला,
“जुन युडबा दिम स्होबा म्हिगदेसे गे आखेल्बा
युडबा भिसी म्याडजी,
थेनोन युडबा चा दिमला सुर युडबा दोजी।”^m

§§२ :६ “सियोन” भिबा चा यरुशलम हिन्ना।

११:२५ यशै ४०:६-८ १२:३ भजन ३४:८ १२:६ यशै २८:१६ ११२:७ भजन ११८:२२

१२:८ यशै ८:१४-१५ ०२:९ परस्था १९:५-६; यशै ४३:२०-२१; व्यव ४:२०; ७:६; १४:२; तीत

२:१४; यशै ९:२ १२:१० होश २:२३

८ ओच्छे

“म्हिगदेदा तोडबा युडबा चुनोन हिन्ना।

ल्हानान म्हिगदे तोडसी पाप्ता।”

परमेश्वरसे कुल्बा तामरी विश्वास आलबासे
लमान थनीगदे पाप्ता। थनीगदे चुहरड तबा चा
परमेश्वरसे म्हन्बा अन्धारनोन हिन्ना।ⁿ

९ तर एनीगदेदा धोपधोपग्याम हराडला
उदेकला य्हालरी भबा परमेश्वरसे थला उदेकला
गे स्हान्दो म्हिगदेदा पाड्बाला लागिरी
एनीगदेदा थसे धम्बा म्हि, जम्मानथारी शासन
लबा परमेश्वरला मन्दिररी पूजा लबा म्हि,
ओच्छे परमेश्वरला लागिरी जे फेसी थान्बा
य्हुलदेन हराडलान सन्तान स्होजी।^o

१० डाच्छा एनीगदे परमेश्वरला सन्तान
आहिन्मुबा।

तर दान्दे एनीगदे परमेश्वरला सन्तान दोबा मुला।

डाच्छा एनीगदेसे दया आयाडमुबा।

तर दान्दे एनीगदेसे दया याडबा मुला।^p

परमेश्वरदा तेन्बा म्हि

११ डाला सम निबा हरोगदे, एनीगदे चु
जम्बुलिडला लागिरी विदेशीदेन परदेशी
हिन्ना। थतबासलमा एनीगदेदा न्होडना
लबारी, समसे लबारी म्हाइबा आज्यबा गगदे
थालउ भिबा डाला बिन्ती मुला। १२ ओच्छे
खरीष्टदा विश्वास आलबा म्हिगदेलो
गुडरी एनीगदेलो बानीबहार ज्यबा तगे।
तिगदा भिसम खालेसे एनीगदेदा बिरोध लसी
आज्यबा ताम पाडसेनोन एनीगदेसे लबा
ज्यबा गगदे थनीगदेसे मराडला। चुहरड लजी
भिसम खरीष्ट निसाफ लबारी फेखबा धुडरी
थनीगदेसे एनीगदेलो ज्यबा बानीबहार मराडसी
परमेश्वरला मानदेन जयजयकार लला।

शासन लबागदेदेन मालिकगदेलो तहरी चिउ

१३ म्हिगदेसे य्हुल्सा चलब लबारी स्होबा
रिमठिम मुसेनोन जम्मान भन्दा घरेन गले
मुसेनोन परमुला लागिरी एनीगदे थनीगदेलो
तहरी चिउ। १४ थहरड लसीन य्हुल्सा चलब
लबा म्हिगदेलो तहरीनोन चिउ। तिगदा भिसम
आज्यबा गे लबागदेदा सजाय पिन्बारीदेन

ज्यबा गे लबागदेदा मान पिन्बारी परमेश्वरसेन थनीगदेदा धम्बा हिन्ना। १५ तिगदा भिसम एनीगदेसे लबा ज्यबा गे मराङ्गीसी मूर्ख म्हिगदेसे आघोना पाङ्बा आतो:बा तामगदे ख्तागे भिसी परमेश्वरसे म्हन्बा मुला। १६ थतबासेलमा एनीगदे खालैला नोकर तबा हरङ् लसी थाभरउ, तिगदा भिसम परमेश्वरसे एनीगदेदा थानी लबा मुला। तर परमेश्वरसे थानी लजी भिदेमा आज्यबा गे चा थालउ। बरु परमेश्वरदा तेन्बा म्हिगदे हरङ् लसी भरउ। १७ ओच्छे जम्मान म्हिगदेदा मान लउ। थहरङ् लसीन येशु खरीष्टदा विश्वास लबा ज्योज्यो आले नाना आङगदेदा माया लउ। ओच्छे परमेश्वर मराङ्गीसी लोङ्गो। ग्लेदा एनोन मान लउ।*

खरीष्टसे हरङ् लसीन दुख नागो

१६ नोकरगदे, एनीगदेसे हराङ् हराङ्गला मालिकगदेदा मान लसी थनीगदेला तहरी चिउ। एनीगदेदा दया लबा मालिकगदेदा जे आहिन, तर दया आरेबा मालिकगदेदा एनोन मान लउ। १९ खालै म्हिसे हराङ्से नाआतो:बा दुख परमेश्वरसे म्हन्बा ताम ढन्सी नाजी भिसम थ मराङ्गीसी परमेश्वर ताङ्गला। २० तिगदा भिसम एनीगदेसे आज्यबा गरी दुख नासी तिग याङ्गला? तर एनीगदेसे ज्यबा गे लसीनोन दुख नाजी भिसम एनीगदे परमेश्वरला डाच्छा ज्यबा म्हि दोला। २१ चुलान लागिरी परमेश्वरसे एनीगदेदा धम्बा हिन्ना। तिगदा भिसम खरीष्टसेनोन एनीगदेला लागिरी दुख नासी उन्जी। थतबासेलमा एनीगदे एनोन खरीष्टसे उन्बा ग्यामरी भर्बारी तयार ततो:ला।

२२ “थसे तिगे पाप आलनी,
ओच्छे थसे खालैदा छल एनोन आलनी।” १
२३ म्हिगदेसे जस्तोन हेला लसेनोन खरीष्टसे थनीगदेदा हेला आलनी।
ओच्छे जस्तोन दुख पिन्सेनोन थसे खालैदा तिगे आलनी। तर थसे खालैला ली आच्याना ठीक निसाफ लबा परमेश्वरथारी भर लजी। १
२४ ग्हाङ्से पाप लबा ख्तासी परमेश्वरदा सम निबा म्हि दागे भिसी

खरीष्टसे ग्हाङ्गला जम्मान पाप हराङ्गलान ल्हुइरी पुइसी करुसरी टांगब लजी।
थनोन खरीष्टला घाउगदे ग्याम एनीगदे खम्बा मुला। ६
२५ डाच्छा एनीगदे गोठालो आरेबा ग्युगदे हरङ्गनोन ससा बङ्बङ्ग तबा मुबा।
तर दान्दे एनीगदे हराङ्गला आत्मादा वास्ता लबा गोठालो मुबा ग्लारी दो:सी खबा मुला। १।

मिरङ्गदेन हरम्बोसे लोप्तो:बा ताम

३ १ थहरङ् लसीन मिरङ्ग्मगदे, एनीगदे हराङ् हराङ्गला हरम्बोला तहरी चिउ। चुहरङ् लजी भिसम एनीगदेसे परमुला बाररी तिगे ताम आपाङ्गसेनोन एनीगदेला ज्यबा बानीबहारसे लमा परमेश्वरला बचन आङ्यान्बा हराङ् हराङ्गला हरम्बोला सम ढाला। २ तिगदा भिसम एनीगदेसे लबा मानदेन एनीगदेला चोसो बानीबहार थनीगदेसे मराङ्गला। ३ एनीगदे म्हिदा उन्बाला लागिरी म्हर म्हुइन्देन ज्यबा ज्यबा क्वान क्वान्सी करा ख्तासी ज्योसी थाभरउ। ४ बरु एनीगदेला सेमरी चा ख्तामै नाश आतबा ज्यबा शीलस्वभाव थोबादेन सोजो तसी चिउ। चु चा परमेश्वरला डाच्छा ल्हानान ज्यबा ताम हिन्ना। ५ तिगदा भिसम परमेश्वरथारी आश थान्सी परमेश्वरदा तेन्बा डाच्छा डाच्छाला मिरङ्ग्मगदे एनोन हराङ् हराङ्गला हरम्बोला तहरी चिसी चुहरङ् लसीन ज्योमुबा। ६ सारासे ख्हाहरङ् लसी हराङ्गला हरम्बो अब्राहामदा मालिक भिसी थसे कुल्बा ताम ङ्यान्मुबा। थहरङ् लसीन एनीगदेसे हराङ्गला हरम्बो मराङ्गीसी आलोङ्गना ज्यबा लजी भिसम एनीगदे सारालान झामगदे दोला। ७

७ थहरङ् लसीन हरम्बोसेनोन जम्मान म्हि सापूरला ताङ् हरेङ्गबान कमजोर मुला भिबा ताम घोउ। थतबासेलमा हराङ्गला मिरङ्गदा हराङ्ग मन्दा कमजोर म्हन्सी मान लउ। तिगदा भिसम परमेश्वरला दयामायाग्याम याङ्गबा जुनीरी थनी गिकनोन हिन्ना। थतबासेलमा प्रार्थना

*२:१७ “ग्ले” भिबा चा शासन लबा म्हि हिन्ना।

१२:२२ यशै ५३:१ १२:२३ यशै ५३:७ १२:२४ यशै ५३:५ १२:२५ यशै ५३:६

७३:१ एफि ५:२२; कल ३:१६ ७३:३ १ तिमो २:१ ७३:६ उत्प १६:१२

लमा तिगै तामसे रोकब थालगै भिसी गिकसम गिकदा ज्यबा व्यवहार लउ।^x

ज्यबा गे लमा नातोःबा दुख

८दाहेन्से एनीगदे जम्मान सेम गिक तसी चिउ। ओच्छे स्थान्दोदा तबा दुख हराडदान तबा हरडबान म्हन्ना, हराडला ज्योज्यो आले नाना आडादा हरड लसी माया लउ ओच्छे सोजो तसी चिबादेन ज्यबा बानीबहोर थोगो। १. खालेसे आज्यबा लसेनोन एनीगदेसे थनीगदेदा आज्यबा थालउ। ओच्छे कःबागदेदा एनीगदेसे थोकःगो। बरु थनीगदेदा मोलम पिन्ना। तिगदा भिसम एनीगदेसे मोलम याङ्गे भिसी परमेश्वरसे एनीगदेदा ड्योडबा हिन्ना। १०. तिगदा भिसम परमेश्वरला बचनरी चुहरड भिसी भिरबा मुला, “जुन म्हिसे हराडला ल्हुइदा माया लबादेन सुखला धिन च्याबा सेम लला थसे पाप तामदेन लुसीला ताम पाडबा खलातोःला।

११. थसे आज्यबा गे लबा खलासी ज्यबा गे लगै, ओच्छे शान्ति म्हाइसी शान्तिलान लागिरी गे लगै।

१२. तिगदा भिसम परभुसे म्हन्बा अन्धारला गे लबा म्हिदा वास्ता लसी थनीगदेला परार्थना सान्मुला। तर आज्यबा गे लबागदेदा परमपरभुसे विरोध लमुला।”^y

१३. चुदे एनीगदेसे ज्यबा गे लबा सेम मुजी भिसम एनीगदेदा खाल्से न्हाडना लला? १४. तर ज्यबा गे लमा एनीगदेसे दुख नातोःजी भिसम परमेश्वरग्याम एनीगदेसे मोलम याङ्गला। थेतबासेलमा एनीगदे खाले मराडसी लोङ्गातोः, ओच्छे सुर्दा एनीगदेसे लआतोः। १५. बरु खरीष्टदा परभु हिन्ना भिसी एला सेमहेन्सेन थेदा मान लउ। ओच्छे एनीगदेसे लबा आशला बारेरी खाले म्हिसे ड्योडजी भिसम पाडबारी सदन तयार तसी चिउ। १६. तर थनीगदेदा पाडबा धुइरी सोजो तसी थनीगदेदा मान लसी पाडगो। ओच्छे एनीगदेला सेमदा सदन चोखो थान्ना। थहरड लजी भिसम एनीगदेसे खरीष्टदा विश्वास लबासे लमा याङ्गला ज्यबा बानीबहोर

मराडसी एनीगदेदा विरोध लसी हेला लबागदे हराडनोन पःला। १७. चुदे परमेश्वरसे चुहरडबान म्हन्बा मुसम आज्यबा गे लसी दुख नाबा भन्दा मी ज्यबा गे लसी दुख नाबान ज्यबा हिन्ना।

१८. तिगदा भिसम थ्हाडला पापला लागिरी खरीष्ट तिरम सदनना लागिरी दुख नासी सिजो। थसे खाइमे पाप आलनी, तर पापीगदेदा परमेश्वर मुबा ग्तारी भोबारी सिजो। थ ल्हुइरी सिसी निसे थदा परमेश्वरसे आत्मासी सोना लजो।†

१९. थनोन आत्माला शक्तिरी खरीष्ट फर्सी च्युप्सी थान्बा आत्मागदेदा एनीगदे थार्बा पिन्बा समाचार थःना लजो। २०. थ आत्मागदे चा ओन्मा नोआ भिबा म्हिसे पानी जहाज स्होबा धुइरी हराड हराडला पाप खलासी हराड मुबा ग्तारी खला वा भिसी परमेश्वरसे मरान्सी चिबा म्हिगदे मुबा। तर थनीगदेसे परमेश्वरसे कुल्बा ताम आड्यान्नी। थेतबासेलमा पानी जहाजरी मुबा म्हि भरे जे नामदेन भालग्याम जोगब तजो। २१. थ नामदेन भाल चा बन्तिस्माला चिनु हिन्ना। चु बन्तिस्मा चा ल्हुइला सिदि भ्याडबारी नुहाब लबा हरडबा आहिन, तर थ्हाडला सेम चोखो स्होबाला लागिरी परमेश्वरसे थ्हाडदेन छ्याम लबा कबुल हिन्ना। येशू खरीष्ट सिबाग्याम सोबासे लमा बन्तिस्मा चा एनीगदे थार्बाला चिनु हिन्ना। २२. येशू खरीष्ट स्वर्गरी फर्जी, ओच्छे स्वर्गदूतगदे, शासन लबागदेदेन शक्तिगदेदा हराडला तहरी थान्सी परमेश्वरला दाहिने छ्यापटटि मुबा ठिरी धन्छ्याबा मुला।

परमेश्वरला लागिरी सोउ

४. थेतबासेलमा खरीष्टसे खहरड लसी ल्हुइरी दुख नाजो एनीगदे एनीगदे थहरडबान दुख नाबारी तयार तउ। तिगदा भिसम जुन म्हिसे ल्हुइरी दुख नाला थसे पाप लबा खलाला। २दाहेन्से थ म्हि थसे म्हन्बा आज्यबा ताम अन्धार आहिन, तर चु ल्हुइ सोतेधोना परमेश्वरसे म्हन्बा अन्धार भरला। ३डाच्छा मी एनीगदे परमेश्वरदा डोआसेबा म्हिगदे हरडबान स्थान्दोदेन छ्याम बरत्सी भरबा, सेमरी जे लइ म्हन्बा थनोन लसी भरबा,

† ३. १८ “पापीगदे” भिबा चा खरीष्टदा विरोध लसी हेला लबा म्हिगदे हिन्ना (१ पतरुस ३ : १६ स्हीगो)।

x ३ : ७ एफि ५ : २५ ; कल ३ : १९ ५३ : १२ मजन ३४ : १२-१६

y ३ : १५ मत्ती ५ : १० ; यशै ८ : १२-१३ ३३ : २० उत्प ६ : १-७ : २४

इय्हाडबा स्हे थुडसी मोजमजा लसी भरबादेन मूर्तिदा परमेश्वर भिसी ल्हानान पूजा लसी नडबा खबा गे लसी भरजी ।

४ खरीष्टदा विश्वास आलबागदे दान्दे एनीगदसे थनीगददेन छ्याम आज्यबा गे आलबा मराडसी उदक तबा मुला । ओच्छे एनीगदला बिरोध लमुला । ५ तर सोबागददेन सिबागदला निसाफ लबारी तयार तसी धन्ड्याबा परमेश्वरदा थनीगदसे हराड हराडसे लबा गेला हिसाब उन्तोःला । ६ थतबासेलमान सिबागददा थार्बा पिन्बा समाचार थेःना लबा हिन्ना । जम्बुलिडरी मुबा स्थान्दो म्हिगददा हरडनोन सिबा म्हिगददा एनोन ल्हुडरी मुबा धुडरी निसाफ लबा मुबा । तसेनोन आत्कारी परमेश्वर हरड लसीन सोगे भिसी सिबागददा एनोन थार्बा पिन्बा समाचार थेःना लबा हिन्ना ।

७ जम्मान ताम नाश तबा धुड खसी जिन्बा मुला । थेतबासेलमा एनीगदे परार्थना लबाला लागिरी हराडला सेम खीसी होशियार तसी चिउ । ८ जम्मान भन्दा घरेन ताम चा हराड हराड न्हडरी सेमहेन्सेन माया लसी दिक्सी चिबा हिन्ना । तिग्दा भिसम मायासे ल्हानान थरीला पापगदे माफ लमुला । ९ एनीगदसे हराड हराडला दिमरी खबा डोन्बोदा आछेर्ना क्याडगो ।

१० एनीगदसे परमेश्वरला दयामायाग्याम थरी थरीला मोलमगदे याडबा मुला । एनीगदसे थ मोलम अन्ड्यार गिकसेम गिकला लागिरी गे लउ । ११ चुदे खालेसे ताम पाडबा मोलम याडबा मुसम थेसे परमेश्वरसे पाडबा अन्ड्यार पाडगे, चुदे खालेसे हरो लबा मोलम याडबा मुसम थेसे परमेश्वरसे पिन्बा शक्तिग्याम हरो लगे । थेतबासेलमा जम्मान तामदेन यशू खरीष्टग्याम परमेश्वरला मानदेन जयजयकार तगे । थेदा सदन जम्मान मानदेन जयजयकार ओच्छे शक्ति तगे । आमेल ।

खरीष्टदा विश्वास लबासे लमा तबा दुख

१२ डाला सेम निबा हरोगदे, ल्हानान दुख तबा धुडरी चु साइमै आतबा ताम तजी भिसी उदक थाम्हन्गो । तिग्दा भिसम चु चा एनीगदला विश्वास खाहरडबा मुला भिसी च्याबा हिन्ना । १३ बरु खरीष्टसे नाबा दुख

य्हाडसेनोन नाम्याडजी भिसी ताडगो । तिग्दा भिसम खरीष्टला घरेन शक्ति मराडमा एनीगदे ल्हानान ताडम्याडला । १४ चुदे खरीष्टदा विश्वास लबासे लमा खालेसे एनीगदला बेडज्जत लजी भिसम एनीगदसे हराड परमेश्वरग्याम मोलम याडबा म्हि भिसी म्हन्गो । तिग्दा भिसम परमेश्वरला आत्माला घरेन य्हालदेन शक्ति एनीगददेन छ्याम तला । १५ तर म्हि साइबा, य्हा लबा, आज्यबा गे लबादेन म्हिला गरी या झाडबा म्हिगदसे नाबा हरडबा दुख एनीगदे न्हडरी खालेसेन थानागो । १६ तर खालेसे खरीष्टियान तबासे लमा दुख नामुला भिसम थापःगो । बरु खरीष्टला लागिरी दुख नाम्याडजी भिसी परमेश्वरला जयजयकार लगे । १७ तिग्दा भिसम निसाफ लबा धुड तसी जिन्बा मुला, परमेश्वरसे निसाफ लमा डाच्छा हराडलान म्हिगदला लला । चुदे य्हाडदान डाच्छा निसाफ लबारी चुला भिसम परमेश्वरला समाचार थेःसीनोन विश्वास आलबागदला गति खाहरडबा तला ? १८ परमेश्वरला बचनरी चुहरड भिसी भिरबा मुला,

“परमेश्वरला डाच्छा ज्यबा म्हिदा मी थार्ना लबारी चुहरडबा गाहरो मुला भिसम परमेश्वरदा आतन्बादेन पापी म्हिगदला गति झन खाहरडबा तला ?”^c

१९ थेतबासेलमा परमेश्वरसे म्हन्बा अन्ड्यार दुख नाबागदसे ज्यबा गे लबारी थारुलागो । ओच्छे हराडला आत्मा जम्मान स्हे स्हेबा विश्वास लखम्बा परमेश्वरदा जिम्मा पिन्गो ।

मण्डलीदा च्याबा म्हिगददेन
म्योनगदसे लोपतोःबा ताम

२ थेतबासेलमा एनीगदे न्हडला मण्डलीदा च्याबा म्हिगददा डाइ चु बिन्ती लला । तिग्दा भिसम डाएनोन खरीष्टसे नाबा दुख मराडबा मण्डलीदा च्याबा म्हि हिन्ना । थहरड लसीन खरीष्ट दोःसी फेक्समा थेसे याडबा य्हालदेन शक्ति डाइनोन याडला । २ परमेश्वरसे एनीगदला विश्वासरी खनासी पिन्बा थेला म्हिगददा गोठालोसे ग्युगददा च्याबा हरड लसी ज्यना लसी च्यागो । चु गे टाडगाला लोभदेन करसे आहिन, तर हराडला सेमहेन्से ताडसी ताडसी लउ । तिग्दा भिसम चु परमेश्वरसे म्हन्बा ताम हिन्ना । ३ एनीगददा

जिम्मा पिन्बा म्हिगदेदा एनीगदेसे हराडला तहरी थान्बारी थाम्हाइगा। तर एनीगदेसे आच्छे थनीगदेला लागिरी ज्यबा गे लसी उन्गो। ४ थहरड लजी भिसम मुल गोठालो यशू खरीष्ट फप्समा एनीगदेसे खाइमे आन्होडबा झक्झक्का मुकुट याडला।

५ थहरड लसीन भ्यान म्हिगदे गन्बागदेला तहरी चिड। ओच्छे एनीगदे जम्मान हराड हराड न्हडरी सोजो तसी गिकसेम गिकला ताम ड्यान्सी चिड। तिग्दा भिसम परमेश्वरला वचनरी चुहरड भिसी भिरबा मुला,

“परमेश्वरसे घमण्ड लबा म्हिगदेदा विरोध लमुला,

तर सोजो म्हिगदेदा दयामाया लमुला।” ६

६ थेतबासेलमा एनीगदे हराडनोन सोजो तसी परमेश्वरला घरेन शक्तिला तहरी चिड। ओच्छे धुइ तमाहेन्से परमेश्वरसे एनीगदेदा म्हिगदेला गुडरी मान याडबा म्हि स्होला। जमाहेन्से एनीगदेसे मान याडला। ७ एनीगदेला जम्मान धन्दा सुर्दा परमेश्वरथोरी थान्गो। तिग्दा भिसम परमेश्वरसेन एनीगदेदा वास्ता लला।

८ तसैनोन एनीगदे सदन होशियार तसी छोर्सी चिड। तिग्दा भिसम एनीगदेला शतरु शेतान खाल्दा स्याप्ला थदान चतोःला भिसी ड्हासी भिरबा च्यानसे हरड लसी म्हाइसी भरमुला। ९ थेतबासेलमा विश्वासरी कोडसी थ शेतानना

बिरोध लड। तिग्दा भिसम जम्बुलिड नाडलान विश्वासीगदेसेनोन एनीगदेसे नाबा हरडबान दुख नाबान मुला भिबा ताम एनीगदेदा थानोन मुला।

१० जम्मान दयामायासे पितडबा परमेश्वरसे एनीगदेदा खरीष्ट यशूदन छयाम गिक स्हासी जुकजुकधाना चिबा हराडला य्हालदेन शक्तिरी ड्याइबा मुला। एनीगदेसे तिगे धिन दुख नामाहेन्से परमेश्वरसेन एनीगदेदा पाको म्हि स्होला, ओच्छे एनीगदेला विश्वास कोडना लला। ११ जम्मान शक्तिदेन शासन सदन परमेश्वरलान हिन्ना। आमोन।

चिठीला थुमरी भिरबा ताम

१२ परमेश्वरला जम्मान सत्य दयामाया एनीगदेदा घोना लबारीदेन आँट पिन्बारी डाइ विश्वास लखम्बा आले सिलासदा चु चिठीरी जजाकी ताम भिरपुड्बा हिन्ना। परमेश्वरला चु दयामायारी एनीगदे कोडसी चिड। १३

१३ एनीगदेदा हरडनोन परमेश्वरसे धम्बा चु बेबिलान भिबा शहररी भुबा विश्वासीगदेदेन परभुरी डाला झा मर्कूससेनोन एनीगदेदा फ्याफुल्ला भिसी पाडबा मुला। १४ ओच्छे गिकसे गिकदा समहेन्से माया लसी फ्याफुल्गो। एनीगदे खरीष्टला म्हिगदे जम्मादान शान्ति तगे। १५

३३ :१३ बाइबलला ल्हानान विद्वानगदेसे “बेबिलोन शहररी” भिबा चा रोम शहररी हिन्ना भिसी म्हन्मुला।

७ :५ हितो ३ :३४ १५ :६ मत्ती २३ :१२ ; लूका १४ :११ ; १८ :१४ १६ :१२ मुल १५ :२२, ४०

१७ :१४ मुल १२ :१२, २५ ; १३ :१३ ; १५ :३७-३९ ; कल ४ :१० ; फिले २४

पतरुससे भिरबा न्हीरमला चिठी

चु चिठीला बोररी पाडतो:मा

भिरबा म्हि: येशूला मुल चला पतरुससे भिरबा मुबा (२ पतरुस १:१)।

भिरबा ग्ला: पक्का था आर, तर कोइ कोइ बाइबल विद्वानगदसे रोम शहरग्याम तखम्ला भिसी पाड्बा मुला।

भिरबा साल: ओस्पन ईशवी संवत ६५-६८ (विकरम संवत १२२-१२५) सालला गुडरी भिरबा मुबा। चु चिठी पतरुससे हराड सिसबा भन्दा डाच्छा भिरजी (२ पतरुस १:१४)।

साल्दा भिरबा: खरीष्टदा विश्वास लबा जम्बुलिङ्गला जम्मान ग्लारी ससा बडबड तसी चिबा म्हिगदेदा भिरबा मुबा।

चु चिठी भिरबा चा लुसीला ताम लोप्ला म्हिगदेसे लोप्ला तामदेन थे तामग्याम खबा आज्यबा तामगदेदा ज्यबा तना लबारी हिन्ना। थे लुसीला ताम लोप्ला म्हिगदेसे चा येशू दो:सी आफ्ख भिसी पाड्बा मुबा। तर पतरुससे थे लुसीला ताम लोप्ला म्हिगदेला ताम थाबान, “जम्मासेन हराडला पाप रूनासी परमेश्वरपट्टि दो:गे ओच्छे सालेनोन नाश थातगे भिसी परभुसे एनीगदेदा भरान्बा मुला” (२ पतरुस ३:१) भिबा परमेश्वरला सम मुबासे लमा खरीष्ट घइसी फ्खबा हिन्ना भिसी पाड्बा मुला।

मुल तामगदे

फ्याफुल्ता १:१-२

विश्वासीगदेदा इयोइबा १:३-२१

लुसीला ताम लोप्ला म्हिगदे २:१-२२

खरीष्ट दो:सी फ्खबा ताम ३:१-१८

पतरुससे भिरबा न्हीरमला चिठी

१ लतासो, येशू खरीष्टदा तेन्बा डा मुल चला सिमोन पतरुसग्याम फ्याफुल्ता। डाइ चु ताम ज्यबादेन ठीक गे लबा य्हाडला परमेश्वरदेन थाबा पिनबा येशू खरीष्टदा डन्से हरड लसीन विश्वास लबा एनीगदेदा भिरबा हिन्ना।

२ एनीगदेसे परमेश्वरदेन य्हाडला परभु येशू खरीष्टदा डोसेबासे लमा ल्हानान दयामायादेन शान्ति याड्बान निगे।

खरीष्टसे धम्बा म्हि हरड लसी भूरु

३ परमेश्वरसे हराडला घरेन शक्तिग्याम थेसे म्हन्बा अन्धारला म्हि स्होबाला लागिरी थेसे य्हाडदा तो:बा जम्मान रहे पिनबा मुला। घरेन य्हालदेन शक्ति ओच्छे ज्यबा गुणग्याम इयोइबा परमेश्वरदा य्हाडसे डोसेबासे लमा चु जम्मान रहे याड्बा हिन्ना। ४ थेहरड लसीन परमेश्वरसे पिनबा भिसी लबा ग्लुसीन आयाड्बा घरेन कबुलगदे परमेश्वरसे य्हाडदा पिनबा मुला। चु चा जम्बुलिङ्गरी मुबा नाश तसी निबा आज्यबा तामगदेग्याम थोन्सी परमेश्वरला बानीबेहोर थोसी भखाला लागिरी हिन्ना।

५ थेतबासेलमा एनीगदेसे सस्तेधोना विश्वासदेन छ्याम छ्यामनोन ज्यबा बानीबेहोर थोगो। चुदे जे आहिन, ज्यबा बानीबेहोर लबा ज्ञान बुदधि मुबा म्हि एनोन दोगो। ६ थेहरड लसीन हराडसे हराडदान तहरी थान्बा, जस्तोन दुख तसे नाखम्बादेन सदन परमेश्वरदा ढन्बा म्हि एनोन दोगो। ७ चुदे जे आहिन, अझ एनीगदे विश्वास लबा ज्योज्यो आले नाना आडागदेदा वास्ता लबादेन माया लबा म्हि दोगो। ८ चु चा एनीगदे न्हडरी आरेनान आतबा गुण हिन्ना, चुदे एनीगदेसे चु जम्मान गुणगदे थोजी भिसम एनीगदे य्हाडला परभु येशू खरीष्टला ज्ञान बुदधिरी बढब तबान निसी एनीगदेसे लबा जम्मान गगदे ज्यबादेन गे खल्बा तला। ९ तर चु गुणगदे आरेबा म्हिगदे चा थारडला ताम आमराड्बादेन काना म्हि हरडबान हिन्ना। चुहरडबा म्हिसे हराडसे लबा डाच्छाला पापला दोष परमेश्वरसे मेटब लजी भिबा तामनोन म्ले:बा मुला।

१० थेतबासेलमा ज्योज्यो आले नाना आडागदे, परमेश्वरसे एनीगदेदा धम्बा तामदा आम्ले:ना झन सदन झन्सी चिड। चुहरड लजी भिसम एनीगदेसे लबा विश्वास खाइमे आम्हा। ११ चुहरड लसी य्हाडला परभु थाबा पिनबा येशू खरीष्टला जुकजुकधोनाला य्हुल्सारी वाड्मा एनीगदेदा ल्हानान मान लला।

१२ थेतबासेलमा चु तामगदे डाइ एनीगदेदा सदन ढन्ना लला। हिन्बाम, चु जम्मान ताम एनीगदेदा था मुला। ओच्छे एनीगदेदा लोप्ला सत्य तामरीनोन एनीगदे कोडसी चिबा मुला। १३ डा सोतेधोना चु जम्मान ताम एनीगदेदा ढन्ना लबान होशियार तना लबा चा ज्यबा हिन्ना

मिसी डाइ म्हन्बा मुला। १४ तिग्दा भिसम डा योनान चु जम्बुलिङ्ग ख्लासी निबान मुला मिसी डादा य्हाङ्गला परमु येशू खरीष्टसं डाच्छान उन्बा मुला। १५ डा सिसी निसैनोन चु जम्मान ताम एनीगदसं सदन ढनौ मिसी खमतेधोना डाइ एनीगददा धोना लबा हिन्ना।

पतरुससं खरीष्टला शक्ति मराङ्गी

१६ य्हाङ्गला परमु येशू खरीष्ट धरन शक्तिरी फख्खी मिसी डन्स पाङ्गबा चु ताम चलाक म्हिसं म्हन्सी स्हाबा कथाग्याम पाङ्गबा आहिन। तर खरीष्टला धरन शक्ति डन्दन छ्यामनोन मुबास लमा डन्स चु ताम पाङ्गबा हिन्ना। १७ परमेश्वर आबास खरीष्टदा हराङ्गला य्हालदेन शक्ति ओच्छं मान पिन्जी, ओच्छं “चु डाइ सेमहेन्सं माया लबा डाला झा हिन्ना, चु मराङ्गी डा ल्हानान ताङ्गबा मुला” भिबा स्वर्गग्याम परमेश्वरला धरन काइ खजी। १८ थ चोखो गडरी डनी खरीष्टदेन छ्याम मुबा धुइरी स्वर्गग्याम खबा चु काइ डन्सन थःबा मुबा।

१९ चुहरङ्ग लसीन अगमवक्तागदसं थःना लबा परमेश्वरला बचनरी डनी ढुक्क तबा मुला। थेतबासलमा स्थारी रमरम रिमरिम आततेधोना ओच्छं एनीगदला समरी स्थोला सुकर आथान्तेधोना ॥धोपधोपरी नाङ्गसल मरासी थान्बा हरङ्ग लसी चु बचन एनीगदसं हराङ्गला समरी थान्जी भिसम ज्यबा तला। २० तर परमेश्वरला बचनरी अगमवक्तागदसं पाङ्गबा ताम चा थनीगदसं म्हन्सी धोना लबारी म्हाइबा ताम आहिन मिसी एनीगदसं धोतोःला। २१ तिग्दा भिसम अगमवक्तागदसं पाङ्गबा ताम थन्ना समरी म्हन्सी पाङ्गबा ताम आहिन। तर परमेश्वरला आत्मासं उन्बा अन्छार थनीगदसं परमेश्वरग्याम खबा ताम पाङ्गबा हिन्ना।

लुसीला ताम लोप्रा म्हिगदं

१ तर इसराएलीगदला गुडरी लुसीला ताम लोप्रा अगमवक्तागदं मुबा। थहरङ्ग लसीन एनीगदला गुडरीनोन लुसीला ताम लोप्रा म्हिगदं थोन्ना। थनीगदसं खालैदा था आतना लसी नाश लबा लुसीला ताम लोप्रा। चुदे

जे आहिन, थनीगदसं हराङ्गला पापला सय फासी थानी लबा परभुदान खलाला। ओच्छं थनीगदसं लबा गेग्यामसन थनीगदं तिक्सुरीन नाश तला। रल्हानान म्हिगदं थनीगदसं उन्बा आज्यबा ग्यामरी भरसी पःबा खबा गगदं लला। थनीगदसं लोप्रा ताम ड्यान्बा म्हिगदसं लमान सत्य ग्यामला बिरोध लला। २ लोभरी वाङ्गी थनीगदसं लुसीला ताम लोप्रा एनीगदग्याम फाइदा किन्ना। तर परमेश्वरसं थनीगदला निसाफ डाच्छान लसी जिन्बा मुला। थेतबासलमा थनीगदं नाश तनोन तला।

४ परमेश्वरसं पाप लबा स्वर्गदत्तगददाएनोन आख्तानी। ओच्छं थनीगददा नर्गरी भ्याङ्गी। तर निसाफ लबा धिनधोनाला लागिरी थनीगददा धोपधोप्रा ग्लारी खीसी थान्बा मुला। ५ दडबोरी परमेश्वरसं जम्बुलिङ्गला म्हिगददाएनोन आख्तानी। ओच्छं परमेश्वरसं कुल्बा ताम आङ्ग्यान्बागददा परमेश्वरसं नामदेन भाल बाढीग्याम नाश लजी। तर हराङ्गदा सेम निबा ताम थःना लबा नोआदेन स्थान्दो म्हि निसदा चा नामदेन भालग्याम जोगब लसी थान्जी। ६ थहरङ्ग लसीन परमेश्वरसं सदोमदेन गमोरा भिबा शहरलाएनोन दोष स्याप्सी मेग्याम नाश लजी। थेतबासलमा परमेश्वरसं कुल्बा ताम आङ्ग्यान्बा म्हिगदला गति खाहरङ्गबा तला मिसी चुग्यामसन था याङ्गला। ७ आज्यबा बानीबहार मुबा पःबा खबा गगदं लसी भरबा म्हिगदं मराङ्गी दुख नासी चिबा ज्यबा म्हि लोतदा चा परमेश्वरसं जोगब लजी। ८ थ आज्यबा म्हिगदला गुडरी चिमा थनीगदसं धिन धिननोन लबा पःबा खबा गे थःसी, मराङ्गी ज्यबा म्हि लोतला समरी ल्हानान दुख तजी। ९ चुहरङ्ग लसी हराङ्गदा तेन्बा म्हिगददा दुखग्याम खाहरङ्ग लसी जोगब लसी थान्तोःला। ओच्छं नइबा गे लबागदला निसाफ लबा धिनधोनाला लागिरी खाहरङ्ग लसी खीसी थान्तोःमुला भिबा ताम परभुदा था मुला। १० थनीगदसं चा खास लसी म्हिदा न्होङ्गना लबा पःबा खबा गगदं जे लसी भरमुला। ओच्छं परमेश्वरला अधिकारदा हेला लमुला। स्वर्गरी मुबागददा बिरोध लबारीनोन आलोङ्गमुला।

११:१९ “स्थोला सुकर आथान्तेधोना” भिबा चा परमु दोःसी आफ्खतेधोना भिबा हिन्ना।

१:१७ मती १७:१-२ ; मर्कु ९:२-७ ; लूका ९:२८-३५ १२:२ उत्प ६:१-७ ; २४

१२:६ उत्प १९:२४ १२:७ उत्प १९:१-६

चुहरडबा म्हिगदे चा मूर्खदेन घमण्डी तमुला। ११तर स्वर्गदूतगदे लुसीला ताम लाप्रागदे भन्दा ल्हानान शक्तिशालीदेन घरेन मुला। तसेनोन स्वर्गदूतगदेस परमुला डाच्छा स्वर्गरी मुबागदेदा बडसी दोष आलमुला। १२थहरडबा लुसीला ताम लाप्रा म्हिगदेस चा हराडस घोनोन आघाबा तामगदला विरोध लमुला। थनीगदे ज्ञान बुद्धि आरबा जन्तु हरडबान मुला। थतबासलमा थनीगदे सदन हराडला बानीबिहारला तहरी चिमुबा। ओच्छे थनीगदे चुडसी साइबाला लागिरी न्दबा जन्तु हरडबान मुला। थतबासलमा थनीगदे पशु हरड तसी नाश तला।

१३थनीगदेस लबा आज्यबा गेला सजाय थनीगदेसेन नातोःला। धिनगुडरीन सेमरी जे लइ म्हन्बा थनोन लबा चा ताडतोःबा ताम हिन्ना भिसी थनीगदेसे म्हन्मुला। थनीगदेस एनीगदेदेन छयाम भोज चबा धुडरीनोन एनीगदेदा फसब लइ भिसी म्हन्मुला। एनीगदेदा न्हाडना लबादेन पेःना लबा चु म्हिगदेन हिन्ना। १४थनीगदे सदन स्थान्दोदेन छयाम बरेलबा सेम जे थोसी भरमुला, ओच्छे जतिन पाप लसेनोन थनीगदेस अझ पाप लबारी आख्लामुला। थनीगदेस विश्वासरी कमजोर मुबा म्हिगदेदा फसब लमुला। थनीगदेला सेम लोभस प्लिडबा मुला। परमेश्वरग्याम सजाय याडबा चुगदेन हिन्ना। १५थनीगदेस ज्यबा ग्याम ख्लासी खानड भरइ म्हन्बा थरीन भरजी। ओच्छे थनीगदेस बओरला झा बालामसे हरड लसी टाडगाला लिच्छा भरसी आज्यबा गे लसी भरजी। १६तर बालामसे लबा चुहरडबा पापसे लमा थसे बडबा नातोःजी। ओच्छे तामनोन आपाडबा गधासे म्हिसे हरडनोन ताम पाडसी थ अगमवक्तादा मूर्ख गे लआपुडनी।

१७थहरडबा म्हिगदे खसी निबा क्युडला मुहानदेन लाबालुडसरसे फ्याडना लबा खसु हरडबान हिन्ना। थनीगदेला लागिरी परमेश्वरसे धोपधोप्रा गला स्होसी थान्बा मुला। १८थनीगदेस गे आखेल्बा घरेन घरेन ताम पाडसी भरमुला। ओच्छे भरसर आज्यबा गे ख्लाबा म्हिगदेदा ल्हुडला लागिरी समसे जे लइ म्हन्बा थनोन लम्याडला भिसी लोभ उन्सी फसब लमुला। १९थनीगदेसे म्हिगदेदा

पापग्याम फेना लला भिसी कबुल लसी भरमुला। तर कबुल लबा म्हिगदे हराडनोन पापला नोकर दोःसी भरमुला। तिग्दा भिसम जुन तामसे म्हिगदेदा तहरी थान्ना थनीगदे थनोन तामला नोकर हिन्ना। २०तर चुद खाले म्हिसे य्हाडला परमु थाबा पिन्बा यशू खरीष्टदा डोससी जम्बुलिडला नइबा तामगदेग्याम फसी जिन्सीनोन दोःसी थनोन नइबा तामरी फसब तजी भिसम थनीगदेला गति डाच्छाला भन्दा झन आज्यबा तला। २१परमेश्वरसे कुल्बा ताम अन्डार भरतोःला भिबा ताम था याडसीनोन थ ताम ख्लाबा म्हिसे मी बरु परमेश्वरदा सेम निबा म्हि दोःसी भरतोःला भिबा ताम साइमै था आयाडबा हिन्सम ज्यबा तसेला मुबा। २२थनीगदे चा “नगीसे हराडसेन रुडसी दोःसी हराडसेन चमुला” भिबादेन “दवादा जतिन नुहाब लसे दोःसी हिलोरी क्याल्मुला” भिबा सत्य उखानसे पाडबा हरडबान हिन्ना।^{११}

परमु दोःसी फखबा धिन

१ डाला सेम निबा हरोगदे, डाइ एनीगदेदा ३ भिरबा चु न्हीरमला चिठी हिन्ना, एनीगदेला समसे चोखो ताम म्हन्गे भिसी चु चिठी न्हीरीन गाते तामगदे दन्ना लबा मुला। २ओच्छे ल्हानान डाच्छा परमेश्वरला अगमवक्तागदेसे पाडबा तामदेन मुल चलागदेसे एनीगदेदा थःना लबा य्हाडला थाबा पिन्बा परमुसे कुल्बा तामदा एनीगदेसे सदन दन्गे भिसी डाइ म्हन्बा मुला।

३जम्मान भन्दा डाच्छा एनीगदेसे चु ताम धोतोःला, लिच्छाला धिनरी हराडलान समला तहरी भरबा म्हिगदे थान्ना। थ म्हिगदेसे एनीगदेसे विश्वास लबा सत्य तामदा खिसी लबान चुहरड भिसी पाडला, ०४ “खरीष्टसे डा दोःसी खला भिसी कबुल लमुबा आहिन? साइ खबा? य्हाडला आसे म्हमेनोन सिसी निजी, चु जम्बुलिड छयामाहेन्स तबा जम्मान ताम दान्दधोनानोन तबान मुला।”

५तर परमेश्वरसे बचनग्यामसेन मुदेन जम्बुलिड डाच्छान स्होबा हिन्ना, ओच्छे जम्बुलिड चा क्युडला गुडरी क्युडग्यामसेन स्होबा हिन्ना भिबा ताम था याडसीनोन थनीगदेसे वास्ता आलमुला। ०६थनोन

क्युडसे जम्बुलिङ्क डुबब लसी नाश तर्जी।
७७तर परमश्वरदा आतेन्बा म्हिगदला
निसाफ लसी सजाय पिन्बा धिनना लागिरी
थेनोन परमश्वरला बचनसे दान्दला मुदन
जम्बुलिङ्कदा मंग्याम नाश लबाला लागिरी
जोगब लसी थान्बा मुला।

८डाला सम निबा हरागद, परभुला लागिरी
धिन गिक हजार दिङ्क ते तला, हजार दिङ्क
धिन गिक तेएनोन तला भिबा ताम एनीगदसे
थाम्ते:गो। ९हराडसे लबा कबुल पूरा लबारी
परभुस घइना लला भिसी कोइ कोइ म्हिसे
पाडसेनोन परभुस घइना आल। तर जम्मासन
हराङ्कला पाप ख्लासी परमश्वरपट्टि दो:गे
ओच्छे खालैनोन नाश थातगे भिसी परभुसे
एनीगददा भरान्बा मुला।

१०तर परभु दो:सी फेख्खमा य्हो खबा हरङ्क
लसी फेख्खला। थे धुइरी मु गुडुङ्कबा हरङ्कबा
घरेन आवाज खसी मु म्हासी निला, ओच्छे मुरी
मुबा जम्मान स्हे चा मला रापसे ड्युला, ओच्छे
जम्बुलिङ्कदेन थरी मुबा जम्मान स्हे करोसी
नाश तला। ९

११चु जम्मान स्हेगदे चुहरङ्क लसी ड्युसी
निला भिबा ताम था तबासे लमा एनीगद
खाहरङ्कबा म्हि ततो:ला भिसम एनीगद
परमश्वरदा सम निबा बानीबहोर थाबादेन सदन
परमश्वरदा ढन्बा म्हि दोतो:ला। १२एनीगदसे
परमश्वरसे निसाफ लबा धिन यानान खगे
भिसी म्हेन्सी भरान्बा मुला। थे धिनरी मु मंस
करोसी नाश तला। ओच्छे मुरी मुबा जम्मान
स्हेगदे चा मला रापसे ड्युला। १३तर परभुसे

कबुल लबा अन्धार य्हाङ्क चा छार मुदेन छार
जम्बुलिङ्कला ग्याम च्यासी चिला। थे छार
जम्बुलिङ्करी जम्मान म्हिगदसे परमश्वरदा
सम निबा गे जे लला। १४

१४थतबासलमा डाला सम निबा हरागद,
एनीगद चु ताम तला भिसी भरान्सी चिबासे
लमा परमश्वरला शान्तिरी गिक तसी चिबाला
लागिरी परमश्वरला डाच्छा तिगे दागदेन दोष
आरेबा म्हि दोबारी भङ्क लउ। १५य्हाङ्कला परभु
यानान आफ्खबा चा म्हिगदसे थारवा याङ्कबा
हिन्ना भिसी म्हेन्ना। य्हाङ्कला सम निबा आले
पावलसनोन परभुसे पिन्बा ज्ञान बुदधिग्याम
एनीगददा चुनोन ताम भिरबा मुबा। १६थसे
भिरबा जम्मान चिठीरीनोन थसे चु तामगदे
भिरबा मुला। थसे भिरबा चिठीगदरी कोइ कोइ
ताम चा घोबारी गाहरो मुला। थतबासलमा
आघोबादेन तिगे तामरी टुङ्कगा आरेबा म्हिगदसे
परमश्वरला बचनरी मुबा तामदा उल्लोपाल्लो
लबा हरङ्क लसी थे तामगददाएनोन उल्लोपाल्लो
लसी हराङ्कसे हराङ्कदान नाश लबा गे लमुला।

१७थतबासलमा डाला सम निबा हरागद,
एनीगददा चु ताम डाच्छाहेन्सेन था मुबासे
लमा होशियार तसी चिउ। परमश्वरला बचन
आड्यान्बादेन तिगे तामदा वास्ता आलबा
न्होङ्कबा म्हिगदला तामरी अलमल तसी
हराङ्कसे लबा विश्वासदा थाख्लागो। १८तर
य्हाङ्कला परभु थारवा पिन्बा येशू खरीष्टला
दयामायादेन थसे पिन्बा ज्ञानरी बढब तबान
निउ। परभुदा तिनी, न्हङ्गर ओच्छे सदन
मानदेन जयजयकार तगे। आमन।

यूहन्नासे भिरबा डाच्छोरमला चिठी
चु चिठीला बाररी पाडतोःमा

भिरबा म्हिः येशूला मुल चला यूहन्नासे
भिरबा मुबा। चु यूहन्नासे थार्बा पिन्बा
समाचारएनोन भिरबा मुला।

भिरबा ग्लाः पक्का था आर, तर बाइबल
विद्वानगदसे एफिसस शहरग्याम तखमला
भिसी पाडबा मुला।

भिरबा सालः पक्का था आर, तर ल्हानान
बाइबल विद्वानगदसे ओस्पन ईश्वी संवत
१० (विक्रम संवत १४७) सालरी भिरबा
मुबा भिसी पाडबा मुला।

साल्दा भिरबाः पक्का था आर, तर ल्हाना
हरडबा बाइबल विद्वानगदसे एशिया
अञ्चलरी मुबा मण्डलीगददा भिरबा मुबा
भिसी पाडबा मुला।

चु चिठीरी मुल ताम न्ही भिरबा मुला।
ताम गिक चा चु चिठी पढब लबा म्हिगदसे
परमेश्वरदेन थला झा येशू खरीष्टदेन छयाम
सदन संगती लसी चिउ भिसी आँट पिन्बा
मुला। ओच्छे अर्गु ताम चा संगतीदा न्होडना
लबा थ लुसीला तामगद अन्धार थाभरउ भिसी
हाशियार तना लबा मुला। चु जम्बुलिडरी
चिजी भिसम नइबा तामगद सला। ओच्छे येशू
चा परमेश्वरला झा जे हिन्ना म्हि दोबारी
आखम भिबा लुसीला तामगद खानडदमान थःना
लबा मुबा। थ लुसीला ताम लोष्वा म्हिगदसे
थार्बा याडबाला लागिरी जम्बुलिडला जम्मान
तामग्याम थारड चितोःला ओच्छे ज्यबा
बानीबहार थोसी स्थान्दोदा माया लआतोः
भिसी लाम्मुबा।

चुहरड लसी लोष्वा लुसीला तामगददा
यूहन्नासे थावान येशू खरीष्ट म्हिनोन मुबा
भिसी घोना लबा मुला। ओच्छे येशूदा विश्वास
लबादेन परमेश्वरदा माया लबागद जम्मासेन
गिकसेम गिकदा माया लतोःला भिसी पाडबा
मुला।

मुल तामगद

तिगदा भिरबा १:१-४

म्हालदेन धोपधोप १:१-२:२१

परमेश्वरला कोलागददेन शैतानना कोलागद
३:१-२४

सत्यदेन फट्टा ताम ४:१-६
मायाग्याम लतोःबा गे ४:७-२१
दाबारी खम्बा विश्वास ५:१-२१

यूहन्नासे भिरबा डाच्छोरमला चिठी

जुनी पिन्बा बचन

१ डन्से एनीगददा दडबोहेन्सेन मुबा जुनी
१ पिन्बा बचनना बाररी भिरबा मुला। चु बचन
डन्से हराडसेन थःबादेन हराडलान मीसे
मराडबा हिन्ना। ओच्छे डन्से हराडलान यासे
थुसी च्याबा हिन्ना। २ थ जुनी परमेश्वरसे
डन्दा उन्जी, ओच्छे डन्से मराडजी।
ओच्छे डन्से हराडसेन मराडबा ताम पाडबा
हिन्ना। थतबासलमा एनीगददाएनोन डन्से
थ जुकजुकधोनाला जुनीला बाररी थःना
लला। परमेश्वर आबादेन छयाम मुबा थ
जुकजुकधोनाला जुनी परमेश्वर आबासेन डन्दा
उन्जी। ३ एनीगदएनोन डन्देन छयामनोन
संगती लगै भिसी डन्से मराडबादेन थःबा
जम्मान ताम एनीगददा पाडबा मुला। म्हाडला
संगती चा परमेश्वर आबादेन थला झा येशू
खरीष्टदेन छयाम मुला ४ म्हाडला सेम पूरान
ताडगे भिसी डन्से चु ताम भिरबा हिन्ना।

परमेश्वरनोन म्हाल हिन्ना

५ डन्से परमेश्वरला झा येशूग्याम थःबा
समाचारनोन एनीगददा थःना लबा मुला। थ
समाचार चुनोन हिन्ना, परमेश्वरनोन म्हाल
हिन्ना, परमेश्वरदेन छयाम धोप भिबा मुनोन
आर। ६ चुदे सुडसे चा म्हाड परमेश्वरला
संगतीरी मुला भिसी पाडसी भरबा, तर थ
अन्धार आभरना धोपधोपरीन भरजी भिसम
म्हाड सत्य ताम अन्धार आभरबा फट्टा
हिन्ना। ७ तर परमेश्वर म्हाल मुबा हरड लसी
चुदे म्हाडएनोन म्हालरी भरजी भिसम म्हाडला
गुडरी संगती तला। ओच्छे परमेश्वरला झा
येशूला कासेन म्हाडला जम्मान पाप खरुसी
धोना लला।

८ चुदे म्हाडसे डाइ पाप लवान आर भिसी
पाडजी भिसम म्हाडसे हराडसे हराडदान
धोका पिन्बा हिन्ना। ओच्छे म्हाडदेन सत्य
भिबा तनोन आत। ९ तर चुदे म्हाडसे डाइ

पाप लबा मुला भिसी परमेश्वरला डाच्छा पाङ्गी भिसम थेंस य्हाङ्गला पापला दोष मेटब लला। तिग्दा भिसम थें विश्वास लखम्बा ठीक निसाफ लबा परमेश्वर हिन्ना। थेंसन य्हाङ्गला जम्मान आज्यबा गग्याम य्हाङ्गदा फला। १० चुदे य्हाङ्गस पाप लबा आर भिसी पाङ्गी भिसम य्हाङ्गस परमेश्वरदा फटटा स्हाबा हिन्ना, ओच्छे थला बचन अन्छार य्हाङ्ग आभर।

१ डाला कोलागदे, एनीगदेस पाप थालगे २ भिसी डाइ चु ताम एनीगदेला लागिरी भिरबान मुला। तर चुदे खालैस पाप लनोन लजी भिसम य्हाङ्गला लागिरी परमेश्वरदेन छ्याम बिन्ती लसी पिन्बा परमेश्वरसे म्हन्बा अन्छार भरबा येशू खरीष्ट य्हाङ्गदेन छ्याम मुला। २ थेंनोन येशू खरीष्ट य्हाङ्गला पाप माफ लबारी सिबा हिन्ना। तर थें य्हाङ्गला लागिरी जे आहिन जम्बुलिङ्गरी मुबा जम्मान म्हिगदेला पापला लागिरी सिबा हिन्ना।

३ चुदे य्हाङ्गस परमेश्वरसे कुल्बा तामगदे ड्यान्जी भिसम चुग्यामसेन य्हाङ्गसे थदा डोसेजोम भिसी था याङ्गला। ४ जुन म्हिसे डाइ परमेश्वरदा डोसेबा मुला भिसी पाङ्गला, तर थेंस कुल्बा ताम आङ्यान्नी भिसम थें फटटा हिन्ना। थेंहरङ्गबा म्हिदेन चा सत्य भिबा तनोन आत। ५ तर जुन म्हि परमेश्वरला बचन अन्छार भरला, थेंस परमेश्वरदा समहन्सेन माया लबा तला। चुग्यामसेन य्हाङ्ग परमेश्वरदेन छ्याम मुला भिबा ताम पक्का तला। ६ परमेश्वरसे म्हन्बा अन्छार भरमुला भिबा म्हिसे खरीष्ट हरेङ्गबान दोःसी भरतोःला।

परमेश्वरसे कुल्बा छार ताम

७ डाला सम निबा हरोगदे, डाइ एनीगदेदा भिरबा चु ताम परमेश्वरसे कुल्बा छार ताम आहिन। तर डाच्छाहेन्सेन एनीगदेदा था मुबा परमेश्वरसे कुल्बा तामनोन डाइ भिरबान मुला। चु ताम एनीगदेसे डाच्छान थेंःबा बचन हिन्ना। ८ तसेनोन डाइ एनीगदेदा चु कुल्बा तामदा छार ताम म्हन्सी भिरबान मुला। चु ताम चा खरीष्टदेन छ्याम मुला, ओच्छे खरीष्टसे एनीगदेदाएनोन चु ताम मराङ्गना लबा मुला। तिग्दा भिसम धोप म्हासी निबान मुला, ओच्छे सत्य य्हाल डाच्छाहेन्सेन फेबान मुला।

१ जुन म्हिसे डा य्हालरी मुला भिसी पाङ्गला, तर थेंस जम्मान ज्योज्यो आले नाना आडागदेदा हेला लजी भिसम थें म्हि अझ धोपधोपरीन तला। १० जुन म्हिसे जम्मान ज्योज्यो आले नाना आडादा माया लला थें म्हि य्हालरी तला, ओच्छे य्हालरी चिबा म्हिसे खालेदा न्हाङ्गना आल। ११ तर जुन म्हिसे जम्मान ज्योज्यो आले नाना आडादा हेला लला, थें चा धोपधोपरी तला। थेंहरङ्गबा धोपधोपरी भरबा म्हिसे हराङ्ग खानङ्ग निबान मुला भिबा तामनोन था आत। तिग्दा भिसम धोपधोप तबासे लमा थेंस तिगे आमराङ्ग।

१२ डाला कोलागदे, खरीष्टसे लमा एनीगदेला पापला दोष मेटब तबा मुला भिसी डाइ एनीगदेदा चु ताम भिरबा मुला।

१३ आखें ममगदे, हराङ्गनीसे दङ्गबोहेन्सेन मुबा परमेश्वरदा डोसेबा मुला।

थेतबासेलमा डाइ हराङ्गनीदा चु ताम भिरबा मुला।

एनी भर्खरला म्हिगदेदाएनोन डाइ चु ताम भिरबा मुला,

एनीगदेस शैतानदा दाबा मुला।

ज्योज्यो आले नाना आडागदे, एनीगदेसे परमेश्वर आबादा डोसेबा मुला।

थेतबासेलमा डाइ एनीगदेदा चु ताम भिरबा मुला।

१४ आखें ममगदे, हराङ्गनीसे दङ्गबोहेन्सेन मुबा परमेश्वरदा डोसेबा मुला।

थेतबासेलमा डाइ हराङ्गनीदा चु ताम भिरबा मुला।

एनी भर्खरला म्हिगदेदाएनोन डाइ चु ताम भिरबा मुला,

एनीगदेला सम न्हङ्गरी परमेश्वरला बचन मुबासे लमा

एनीगदे भङ्गसी शैतानदा दाबा मुला।

जम्बुलिङ्गरी मुबा स्हेदा माया थालउ

१५ एनीगदेसे जम्बुलिङ्गदेन जम्बुलिङ्गरी मुबा स्हेगदेदा माया थालउ। जुन म्हिसे जम्बुलिङ्गदेन जम्बुलिङ्गरी मुबा स्हेगदेदा माया लला, थेंस परमेश्वरदा खाइमै माया आल। १६ तिग्दा भिसम जम्बुलिङ्गरी मुबा य्हाङ्गला समसे म्हाइबा स्हेदेन घमण्ड लबा ताम ओच्छे य्हाङ्गला मीसे मराङ्गबा नइबा

ताम चा परमेश्वर आवाग्याम खबा आहिन। चु जम्मान ताम चा जम्बुलिङ्ग्याम खबा हिन्ना। १७ म्हेला सेमसे म्हाइबा जम्बुलिङ्गदेन जम्बुलिङ्गरी मुबा जम्मान स्हे नाश तसी निला, तर परमेश्वरसे कुल्बा जम्मान ताम इयान्सी भर्बा म्हे चा खाइमे नाश आत।

सुरीष्टदा विरोध लबागदेला बाररी पाङ्बा

१६ डाला कोलागदे, चु धुइ जम्बुलिङ्ग नाश तबा धुइ हिन्ना। तिगदा भिसम सुरीष्टदा विरोध लबा म्हे खबान मुला भिबा ताम एनीगदेसे थेःबा मुला। सुरीष्टदा विरोध लबा थेहरङ्गबा म्हेगदे दान्दे ल्हानान खसी जिन्बा मुला। थतबासेलमा चुग्यामसेन य्हाङ्गसे चु जम्बुलिङ्ग नाश तबा धुइ तसी जिन्बा मुला भिसी था याङ्गबा मुला। १९ थेनीगदे य्हाङ्गला म्हे आहिन्बा चीम। थतबासेलमान थेनीगदे य्हाङ्ग्याम फेसी निजी। चुदे थेनीगदे य्हाङ्गला म्हे हिन्बा हिन्सम य्हाङ्गदेन छुयामनोन चिसेला मुबा। थेनीगदे य्हाङ्गला म्हे आहिन भिबा ताम उन्बाला लागिरी य्हाङ्ग्याम फेसी निबा हिन्ना।

२० तर एनीगदे चा सुरीष्टग्याम परमेश्वरला आत्मासे धम्बा म्हे हिन्ना। थतबासेलमा एनीगदे जम्मासेन सत्य ताम घोबा मुला। २१ एनीगदेसे सत्य ताम घोबा आर भिसी डाइ चु ताम भिरबा आहिन। तर सत्यग्याम खजिबे लुसीला ताम आख भिबा ताम एनीगदेसे घोबासे लमान डाइ एनीगदेदा चु ताम भिरबा हिन्ना।

२२ तर लुसीला ताम पाङ्गबा म्हे खाल हिन्ना? तिग यशूदा थार्बा पिन्बा सुरीष्ट आहिन भिसी पाङ्गबा म्हेनोन लुसीला ताम पाङ्गबा म्हे आहिन? हिन्ना। चुनोन सुरीष्टदा विरोध लबा म्हे हिन्ना। तिगदा भिसम थेसे परमेश्वर आबादेन थेला झादा सदन विरोध लमुला। २३ जुन म्हेसे परमेश्वरला झादा विरोध लला थेसे परमेश्वर आबादाएनोन विरोध लला। ओच्छे जुन म्हेसे परमेश्वरला झादा थार्बा पिन्बा ग्ल हिन्ना भिसी विश्वास लला थेसे परमेश्वर आबादाएनोन विश्वास लला।

२४ थतबासेलमा जुन ताम एनीगदेसे डाच्छाहेन्सेन थेःबा मुला, थे ताम एनीगदेसे हराङ्गला समरी थान्गा। चुदे एनीगदेसे डाच्छाहेन्सेन थेःबा ताम हराङ्गला समरी थान्जी भिसम एनीगदे परमेश्वर आबादेन थेला

झादेन छुयाम तला। २५ थेसे य्हाङ्गदा पिन्ना भिसी लबा कबुल चा जुकजुकधोनाला जुनी हिन्ना।

२६ चु जम्मान ताम डाइ एनीगदेदा फसब लबारी म्हाइबा म्हेगदेला बाररी भिरबा हिन्ना। २७ तर एनीगदेसे सुरीष्टग्याम परमेश्वरला आत्मा याङ्गबा मुला, थे आत्मा एनीगदेदेन छुयाम सदन धन्छुयाला। थतबासेलमा एनीगदेदा खालेसेन तिगे लोप्प्रातोः। तिगदा भिसम परमेश्वरला आत्मासेन जम्मान तामला बाररी एनीगदेदा लोप्पला। परमेश्वरला आत्मासे लोप्पबा ताम चा लुसीला ताम आहिन, सत्य ताम हिन्ना। थतबासेलमा परमेश्वरला आत्मासे एनीगदेदा लोप्पबा अन्छार एनीगदे सुरीष्टदेन छुयाम गिक तसी चिउ।

२८ डाला कोलागदे, सुरीष्ट दोःसी फेख्खा धुइरी य्हाङ्गसे आँट याङ्गसी सुरीष्टला डाच्छा य्हाङ्ग पःआतोःगे भिसी सदन सुरीष्टदेन छुयाम गिक तसी चिउ। २९ सुरीष्ट परमेश्वरसे म्हेन्बा अन्छार भर्बा परमु हिन्ना भिबा ताम एनीगदेदा थानोन मुला। चु ताम था तमाहेन्से परमेश्वरसे म्हेन्बा अन्छार गे लबा जम्मान म्हेगदेएनोन परमेश्वरलान सन्तान हिन्ना भिसी एनीगदेसे था याङ्गतोःला।

परमेश्वरला सन्तान

३ १ च्यागो, य्हाङ्गदा परमेश्वर आबासे गाते ल्हाना माया लबा मुला। परमेश्वरला मायासे लमान य्हाङ्गदा परमेश्वरला सन्तान भिसी पाङ्गबा हिन्ना, चु ताम सत्यएनोन हिन्ना। थतबासेलमा जम्बुलिङ्गला म्हेगदेसे य्हाङ्गदा डाआसबा हिन्ना, तिगदा भिसम थेनीगदेसे परमेश्वरदा डाआसनी। २९ डाला सेम निबा हरोगदे, दान्दे चा य्हाङ्ग परमेश्वरलान सन्तान हिन्ना। तर लिच्छा चा तिग तला थे ताम य्हाङ्गदा उन्बा ओरे। तर सुरीष्ट दोःसी फेख्खा धुइरी य्हाङ्गएनोन सुरीष्ट हेरङ्गबान दोला। तिगदा भिसम थे धुइरी य्हाङ्गसे सुरीष्ट खाहरङ्गबा मुला थेहरङ्गबान मराङ्गला भिबा ताम य्हाङ्गदा था मुला। ३ सुरीष्टथारी चुहरङ्गबा आश थान्बा जम्मान म्हेगदेसे सुरीष्ट खाहरङ्गबा चोखो मुला, हराङ्गदाएनोन थेहरङ्गबान चोखो थान्मुला।

४ पाप लसीन चिबागदे जम्मासेन परमेश्वरला ठिम आङ्ग्यान्बा हिन्ना। तिग्दा भिसम ठिम आङ्ग्यान्बान पाप हिन्ना। ५ म्हिग्दला पापला दोष मेटब लबाला लागिरी तिगे पाप आंरबा खरीष्ट चु जम्बुलिङ्गरी फेख्वाजी भिबा ताम एनीगददा थानोन मुला। ६ थेतबासेलमा सदन खरीष्टदन छ्याम गिक तसी चिबा म्हिग्दसे पाप आल। तर सदन पाप लसी चिबा म्हिग्दसे खरीष्टदा न्ह मराङ्गबा मुला न्ह डोसेबा मुला।

७ डाला कोलागद, एनीगदेदा खालेसेन फसब लआम्याङ्गो। जुन म्हिग्द परमेश्वरसे म्हन्बा अन्छार गे लला, थे म्हिग्द परमेश्वरसे म्हन्बा अन्छार मरबा खरीष्ट हरङ्गबान दोला। ८ तर जुन म्हिग्द सदन पाप लला, थे म्हिग्द चा शैतानना हिन्ना। तिग्दा भिसम शैतानसे चा डाच्छाहेन्सेन पाप लसीन खमुला। थेतबासेलमा शैतानना गेदा नाश लबाला लागिरी परमेश्वरला झा जम्बुलिङ्गरी फेख्वाजी हिन्ना। ९ परमेश्वरला सन्तान दोःसी न्हबा म्हिग्दसे सदन पाप लसी आचि, तिग्दा भिसम थेदन छ्याम परमेश्वरला बानीबेहोर तमुला। थेतबासेलमा थेसे सदन पाप लसी आचि, तिग्दा भिसम परमेश्वरनोन थेला आबा हिन्ना। १० जुन म्हिग्दसे परमेश्वरदा सेम निबा गेदेन स्थान्दोदा माया आल, थे चा परमेश्वरला सन्तान आहिन। थेतबासेलमा थेनीगदला गेग्यामसेन खाल परमेश्वरला सन्तान, खाल शैतानना सन्तान हिन्ना भिसी परस्टन था याङ्गबा मुला।

गिकसेम गिकदा माया लउ

११ एनीगदसे डाच्छाहेन्सेन थेःबा समाचार चा चुनोन हिन्ना, “म्हाङ्गसे गिकसेम गिकदा माया लतोःला।” १२ कयिन शैतानना सन्तान दोसी हराङ्गलान आलेदा साइजी। थेतबासेलमा म्हाङ्ग कयिन हरङ्गबा दोबारी आत। कयिनसे हराङ्गलान आलेदा तिग्दा साइजी? तिग्दा भिसम थेला आलेसे लबा गे परमेश्वरदा सेम निबा गे मुबा, तर कयिनसे लबा गे परमेश्वरदा सेम आनिबा गे मुबा।^a

१३ डाला ज्योज्यो आले नाना आडागदे, चुदे एनीगदेदा जम्बुलिङ्गला म्हिग्दसे हेला लसम उदेक थाम्हन्ना। १४ म्हाङ्गसे म्हाङ्गला ज्योज्यो आले नाना आडागदेदा माया लबासे लमा कालग्याम फसी म्हाङ्गसे छार जुनी याङ्गजी

भिबा ताम म्हाङ्गदा था मुला। तर जुन म्हिग्दसे माया आलनी थे दान्दधोना कालला तहरी मुला। १५ हराङ्गला ज्योज्यो आले नाना आडागदेदा हेला लबा म्हिग्द चा ज्यानमारा हिन्ना। थेहरङ्गबा म्हिग्दला लागिरी जुकजुकधोनाला जुनी आर भिबा ताम एनीगदेदा थानोन मुला।

१६ म्हाङ्गदा माया लसी खरीष्टसे हराङ्गला ज्याननोन पिन्बासे लमा माया तिग हिन्ना भिबा ताम म्हाङ्गसे ज्यना लसी घोबा मुला। थेतबासेलमा म्हाङ्गसेनोन हराङ्गला ज्योज्यो आले नाना आडागदेला लागिरी ज्याननोन पिन्बारी तयार ततोःला। १७ तर जुन म्हिग्दसे छ्याम जम्बुलिङ्गला धन सम्पत्ति मुला, थेसे हराङ्गला ज्योज्यो आले नाना आडागदेदा साँचो तबा मराङ्गसीनोन आपिन्नी भिसम थेहरङ्गबा म्हिग्दसे छ्याम साहरङ्ग लसी परमेश्वरला माया तला? १८ डाला कोलागदे, म्हाङ्गसे सुङ्गसे जे स्थान्दोदा माया लबा आहिन, तर म्हाङ्गसे सेमहेन्सेन माया लतोःला। थेहरङ्गबा माया चा म्हाङ्गसे लबा गेग्यामसेन मराङ्गला। १९ गुग्यामसेन म्हाङ्ग सत्यला म्हिग्द हिन्ना भिबा ताम था याङ्गला। ओच्छे म्हाङ्ग परमेश्वरला डाच्छा टुकक तसी चिखम्ला। २० तसेनोन म्हाङ्गदा हराङ्गला सेमसे मी दोष लमुला भिसम परमेश्वर मी झन म्हाङ्गला सेम भन्दा घरेन हिन्ना भिबा ताम म्हाङ्गदा था मुला। ओच्छे परमेश्वरदा जम्मान ताम था तला।

२१ डाला सेम निबा हरोगदे, म्हाङ्गला सेमसे म्हाङ्गदा दोष आलनी भिसम म्हाङ्गदा परमेश्वरला डाच्छा निबारी ल्हानान आँट याङ्गला। २२ ओच्छे म्हाङ्गसे हरीबा जम्मान म्हे परमेश्वरग्याम याङ्गला। तिग्दा भिसम म्हाङ्गसे परमेश्वरसे कुल्बा ताम ड्यान्सी परमेश्वरदा सेम निबा गे लबा मुला। २३ परमेश्वरसे कुल्बा ताम चा थेला झा येशू खरीष्टदा विश्वास लबादेन येशू खरीष्टसे कुल्बा अन्छार गिकसेम गिकदा माया लबा हिन्ना। २४ परमेश्वरसे कुल्बा ताम ड्यान्बा म्हिग्दसे परमेश्वरदेन छ्याम तला, ओच्छे थेनीगदेन छ्यामएनोन परमेश्वर तला। परमेश्वर म्हाङ्गदेन छ्याम तला भिबा ताम चा म्हाङ्गदेन छ्याम मुबा परमेश्वरला आत्माग्यामसेन म्हाङ्गसे था याङ्गबा मुला।

परमेश्वरला आत्मादा डोसेगो

१ डाला सेम निबा हरोगदे, परमेश्वरला आत्मा मुला भिसी भरबा खजिबै म्हिदा विश्वास थालउ। तर थनीगददेन छुयाम परमेश्वरला आत्मा मुला कि आंर भिसी च्यागो। तिग्दा भिसम लुसीला ताम पाडबा अगमवक्तागदे जम्बुलिङ नाडनोन खसी जिन्बा मुला। २ यशू खरीष्ट म्हिला रुपरी जम्बुलिङरी फख्खा हिन्ना भिसी पाडबा म्हिदेन छुयाम चा परमेश्वरला आत्मा तला। चुग्यामसेन एनीगदेस थहरडबा म्हिदेन छुयाम परमेश्वरला आत्मा मुला भिसी था याडला। ३ यशू परमेश्वरग्याम फख्खा हिन्ना भिबा तामदा विश्वास आलबा म्हिगददेन छुयाम परमेश्वरला आत्मा आत। तर थदेन छुयाम खरीष्टदा बिरोध लबाला आत्मा तला। थे आत्मा खाल भिबा ताम एनीगदेसे डाच्छान थेसी जिन्बा मुला। दान्दे थे आत्मा जम्बुलिङरी खसी जिन्बा मुला।

४ डाला कोलागदे, एनीगदे चा परमेश्वरला हिन्ना। थतबासेलमा एनीगदेस थे लुसीला ताम पाडबा अगमवक्तागदेदा दाबा मुला। तिग्दा भिसम एनीगदे न्हङरी मुबा परमेश्वरला आत्मा चा जम्बुलिङरी मुबा आज्यबा आत्मा भन्दा धरेन हिन्ना। ५ थनीगदे जम्बुलिङला हिन्ना। थतबासेलमा थनीगदेस जम्बुलिङला ताम जे लमुला। ओच्छे थनीगदेस पाडबा ताम जम्बुलिङरी मुबागदेस जे ड्यान्मुला। ६ तर य्हाङ मी परमेश्वरला म्हि हिन्ना। जुन म्हिस परमेश्वरदा डोसेबा मुला थेस य्हाङला ताम ड्यान्ना। ओच्छे जुन म्हि परमेश्वरला म्हि आहिन, थेस य्हाङस पाडबा ताम आड्यान। चुग्यामसेन य्हाङसे सत्य आत्मादेन फट्टा आत्मादा डोसेसम्ता।

परमेश्वरला माया

७ डाला सेम निबा हरोगदे, य्हाङसे गिकसेम गिकदा सदन माया लड। तिग्दा भिसम माया परमेश्वरग्याम खमुला। जुन म्हिसे जम्मादान माया लला, थे परमेश्वरला सन्तान हिन्ना। थतबासेलमा थेस परमेश्वरदा डोसेबा मुला। ८ तर जुन म्हिसे स्थान्दोदा माया आल, थेस परमेश्वरदा डोआस। तिग्दा

भिसम परमेश्वरनोन माया हिन्ना। ९ ओच्छे परमेश्वरसे थग्याम य्हाङसे जुनी याडगै भिसी हराङला गिक जेन झादा जम्बुलिङरी पुइखसी य्हाङदा हराङला माया उन्जी। १० चुनोन सत्य माया हिन्ना। चु य्हाङसे परमेश्वरदा लबा माया आहिन, तर परमेश्वरसे य्हाङदा लबा माया हिन्ना। थतबासेलमान थेस हराङला झा सिसी य्हाङला पाप माफ तगै भिसी हराङलान झादा जम्बुलिङरी पुइखजी।

११ डाला सेम निबा हरोगदे, परमेश्वरसे मी य्हाङदा चुहरङ लसी माया लबा मुला भिसम य्हाङसेनोन गिकसेम गिकदा माया लतोःला। १२ खालेसेन परमेश्वरदा साइमे मराडबा आंर। तर चुदे य्हाङसे गिकसेम गिकदा माया लजी भिसम परमेश्वरएनोन य्हाङ न्हङरी धन्छयाला। जमाहेन्से य्हाङसे लबा मायाएनोन परमेश्वरसे य्हाङदा लबा माया हरडबान तला।^c

१३ चुहरङ लसी य्हाङदा परमेश्वरसे हराङलान आत्मा पिन्बा मुला। थतबासेलमा य्हाङ परमेश्वरदेन छुयाम, ओच्छे परमेश्वर य्हाङदेन छुयाम मुला भिबा ताम य्हाङदा था मुला। १४ जम्बुलिङला जम्मान म्हिदा थार्ना लबारी परमेश्वर आबासे हराङलान झादा जम्बुलिङरी पुइखजी भिबा ताम डन्से मराडबा मुला। चु तामनोन डन्से स्थान्दोदा पाडबा हिन्ना। १५ जुन म्हिसे यशूदा परमेश्वरला झा हिन्ना भिसी विश्वास लला, थदेन छुयाम परमेश्वर धन्छयाला, ओच्छे थे परमेश्वरदेन छुयाम तला। १६ परमेश्वरसे य्हाङदा गाते माया लमुला भिबा ताम य्हाङदा था मुला, ओच्छे य्हाङसे थदा विश्वास लबा मुला।

परमेश्वर चा माया हिन्ना, ओच्छे जुन म्हि थे मायारी भरला, थे परमेश्वरदेन छुयाम तला, ओच्छे परमेश्वरएनोन थदेन छुयाम धन्छयाला। १७ परमेश्वरसे निसाफ लबा धुइरी य्हाङ दुक्क तसी चिबाला लागिरी य्हाङसे स्थान्दोदा लबा मायाएनोन परमेश्वरसे लबा माया हरडबान स्होबा मुला। तिग्दा भिसम खरीष्ट जस्ता मुला य्हाङएनोन चु जम्बुलिङरी थे हरडबान दोबा मुला। १८ परमेश्वरसे लबा हरडबान माया लबा म्हि साइमे आलोड। तिग्दा भिसम

थेहरडबा मायारी लोडबा भिबा तनोन आत। तर परमेश्वरसे लबा हरडबान माया आलबा म्हे चा सजाय याडला भिसी लोडला।

१९ डाच्छा परमेश्वरसेन य्हाडदा माया लबासे लमा य्हाडसेनोन परमेश्वरदा माया लबा मुला। २० चुदे खाले म्हेसे “डाइ परमेश्वरदा माया लमुला” भिसी पाडसी भरला, तर हराडला ज्योज्यो आले नाना आडादा चा हेला लमुला भिसम थे फट्टा हिन्ना। तिग्दा भिसम हराडला मीसे मराडबा ज्योज्यो आले नाना आडादा मी माया लबारी आसम्बासे आमराडबा परमेश्वरदा माया लबारी आसम। २१ जुन म्हेसे परमेश्वरदा माया लला, थेसे हराडला ज्योज्यो आले नाना आडादाएनोन माया लला। तिग्दा भिसम य्हाडदा खरीष्टसे कुल्बा ताम चुनोन हिन्ना।

परमेश्वरला झाथोरी लबा विश्वास

१ येशूदा थाबी पिनबा खरीष्ट हिन्ना भिसी विश्वास लबागदे जम्मान परमेश्वरला सन्तान हिन्ना। ओच्छे जुन म्हेसे आबादा माया लला, थे म्हेसे थेला सन्तानदाएनोन माया लला। २ चुदे य्हाडसे परमेश्वरदा माया लसी थेसे कुल्बा अन्छार भरजी भिसम चुग्यामसेन य्हाडसे परमेश्वरला कोलागदेदा माया लमुला भिबा ताम था याडला। ३ तिग्दा भिसम परमेश्वरदा माया लबा भिबा चा परमेश्वरसे कुल्बा अन्छार भरबा हिन्ना। परमेश्वरसे कुल्बा अन्छार भरबारी गाहरोएनोन आर। ४ तिग्दा भिसम परमेश्वरला जम्मान कोलागदेसे जम्बुलिड थोरी दाबारी सम्ता। य्हाडसे जम्बुलिडदा दाबा चा य्हाडला विश्वासग्यामनोन हिन्ना। ५ खालेसे जम्बुलिडथोरी दासम्ता? जुन म्हेसे येशूदा परमेश्वरला झा हिन्ना भिसी विश्वास लला, थेसे जे जम्बुलिडथोरी दासम्ता।

६ येशू खरीष्टदा क्युइदेन काग्याम उन्जी। क्युइग्यामसे **जे आहिन, काग्यामसेनोन हिन्ना। चु ताम सत्य हिन्ना भिसी परमेश्वरला आत्मासेन पाडबा मुला, तिग्दा भिसम

परमेश्वरला आत्मा सत्य हिन्ना। ७ चु तामला साक्षी सोम मुला। ८ क्युइदेन का ओच्छे परमेश्वरला आत्मासे पाडबा ताम गिकनोन हिन्ना। ९ चुदे य्हाडसे म्हेसे पाडबा ताम मी विश्वास लमुला भिसम परमेश्वरसे सुडबा ताम मी य्हाडसे इन विश्वास लनोन तोःबा हिन्ना। तिग्दा भिसम परमेश्वरसे हराडलान झा खरीष्टला बारोनोन य्हाडदा सुडबा मुला। १० थेतबासेलमा जुन म्हेसे परमेश्वरला झादा विश्वास लला, थेला हराडलान सेम न्हडरी चु जम्मान ताम था लला। तर जुन म्हेसे परमेश्वरदा विश्वास आल, थेसे परमेश्वरसे सुडबा सत्य तामदान लुसीला ताम हिन्ना भिसी म्हेन्ना। तिग्दा भिसम परमेश्वरसे हराडला झाला बाररी सुडबा तामनोन थेसे विश्वास आल। ११ य्हाडसे मराडबा ताम चा परमेश्वरसे य्हाडदा पिनबा जुकजुकधोनाला जुनी हिन्ना। थे जुकजुकधोनाला जुनी चा परमेश्वरला झादेन छयाम मुला। १२ थेतबासेलमा जुन म्हेदेन छयाम परमेश्वरला झा मुला, थेदेन छयाम जुकजुकधोनाला जुनी मुला। जुन म्हेदेन छयाम परमेश्वरला झा आर, थेदेन छयाम जुकजुकधोनाला जुनी आर।

जुकजुकधोनाला जुनी

१३ परमेश्वरला झादा विश्वास लबा म्हे एनीगदेसे जुकजुकधोनाला जुनी याडबा मुला भिबा ताम था याडगे भिसीन डाइ चु ताम भिरबा हिन्ना। १४ परमेश्वरसे म्हेन्बा अन्छार य्हाडसे जुन स्हे हरीसेनोन पूरा लला भिबा तामरी य्हाड परमेश्वरथोरी दुक्क मुला। १५ य्हाडसे जुन स्हे हरीसेनोन परमेश्वरसे पूरा लमुला भिबा ताम य्हाडदा था मुला। ओच्छे य्हाडसे परमेश्वरदेन छयाम हरीबा स्हेगदेएनोन याडसी जिन्बा मुला भिबा ताम य्हाडदा था मुला।

१६ चुदे खाले म्हेसे हराडला ज्योज्यो आले नाना आडासे सिना आलबा पाप लबा मराडजी भिसम थेला लागिरी परमेश्वरदेन छयाम परार्थना लसी पिनो। थेहरड लसी एनीगदेसे परार्थना लजी भिसम थेसे जुकजुकधोनाला जुनी

१५ : ४ चु पदरी “जम्बुलिड” भिबा चा जम्बुलिडरी मुबा जम्मान नइबा तामगदे हिन्ना।

**५ : ६ क्युइग्याम भिबा चा येशूसे किन्बा बप्तिस्मा हिन्ना, ओच्छे काग्याम भिबा चा येशू करुसरी सिबा हिन्ना।

१५ : ३ यूह १४ : १५ १५ : ११ यूह ३ : ३६

याडला। तर सिना लबा †पापएनीन मुला, थंहरडबा पाप लबा म्हिगदला लागिरी चा परार्थना लउ भिसी डगइ एनीगदे खालैदान आपाड। १७ जम्मान खाल्ता नइबा गेगदे पाप हिन्ना, तसेनीन सिना आलबा पापएनीन मुला।

१८ परमेश्वरला कोलागदे खालैसन सदन पाप आलमुला भिबा ताम य्हाडदा था मुला। तिगदा भिसम परमेश्वरला झास थदा जोगब लसी थान्ना, ओच्छे शैतानस थदा थुबारी आखम। १९ चु जम्बुलिड शैतानना यारी मुसैनीन य्हाड परमेश्वरला सन्तान हिन्ना भिबा ताम य्हाडदा

था मुला। २० परमेश्वरला झा फेखजी, ओच्छे थं सत्य परमेश्वर हिन्ना भिबा ताम घोखमौ भिसी य्हाडदा ज्ञान बुद्धि पिन्बा मुला भिबा ताम य्हाडदा था मुला। य्हाड थला झा येशू खरीष्टदन छयाम तबास लमा दान्द य्हाड सत्य परमेश्वरदन छयाम मुला। थनीन सत्य परमेश्वर जुकजुकधोनाला जुनी हिन्ना।

२१ थतबासलमा डाला कोलागदे, एनीगदेस मूर्तिदा तेन्बा ख्तागो। एनीगदेस हराडला समरी परमेश्वरदा बाहेक अर्गु तिगेदान थाथान्गो।

†५:१६ चुरी “सिना लबा” भिबा चा परमेश्वरग्याम सदन फेबा हिन्ना।

यूहन्नासे भिरबा न्हीरमला चिठी

चु चिठीला बोररी पाडतो:मा

भिरबा म्हिः मण्डलीदा च्याबा म्हिस भिरबा मुबा (२ यूहन्ना १:१)। बाइबलला ल्हाना हरड्बा विद्वानगदसे मण्डलीला ग लबा चु मण्डलीदा च्याबा म्हि चा येशूला मुल चेला यूहन्ना हिन्ना भिसी पाड्बा मुला।

भिरबा ग्लाः पक्का था आर, तर कोइ कोइ बाइबल विद्वानगदसे एफिसस शहरग्याम तखम्ला भिसी पाड्बा मुला।

भिरबा सालः ल्हाना हरड्बा बाइबल विद्वानगदसे ओस्पन ईश्वी संवत् ९० (विकरम संवत् १४७) सालरी भिरबा मुबा भिसी पाड्बा मुला।

खाल्दा भिरबाः परमेश्वरसे धम्बा मिरडम्हेमेदेन थेला कोलागदेदा भिरबा मुबा (२ यूहन्ना १:१)। थ मिरडम्हेमे खाल हिन्ना भिबा ताम खालेदा था आर। थ मिरडम्हेमे चा मण्डली गिक मुबा ओच्छे, थेला कोलागदे चा थ मण्डलीला म्हिगदे मुबा भिसी कोइ कोइ बाइबल विद्वानगदसे पाड्बा मुला।

चु चिठीरी गिकसेम गिकदा माया लउ ओच्छे, लुसीला ताम लोप्रा म्हिदेन थसे लोप्रा तामग्याम होशियार तसी चिउ भिसी पाड्बा मुला।

मुल तामगदे

फ्याफुल्बा १-३

माया चा जम्मान भन्दा मुल ताम हिन्ना ४-६

लुसीला तामग्याम जोगब तसी चिउ भिसी होशियार तना लबा ७-११

चिठीला थुमरी भिरबा ताम १२-१३

यूहन्नासे भिरबा न्हीरमला चिठी

१लास्सो परमेश्वरसे धम्बा आडा, एदेन १ एला कोलागदेदा डा मण्डलीदा च्याबा म्हिग्याम फ्याफुल्ता! डाइ एदेन एला कोलागदेदा ल्हानान माया लबा मुला। डाइ जे आहिन, सत्यदा डोसेबागदे जम्मासेन एनीगदेदा माया लबा मुला। २तिगदा भिसम थ सत्य य्हाड्देन छ्याम धन्छ्याबा मुला। चु

सत्य य्हाड्देन छ्याम दान्दे जे आहिन सदन धन्छ्याला।

३य्हाड् सत्यदेन मायारी गिक तसी चिबागदेदेन छ्याम परमेश्वर आबादेन थेला डा येशू खरीष्टग्याम मोलमदेन दया ओच्छे शान्ति तला।

खरीष्टसे कुल्बा अन्छार भरतो:ला

४य्हाड्दा परमेश्वर आबासे कुल्बा अन्छार एला कोइ कोइ डा झामगदे सत्य ग्यामरी भरबा मराड्सी डा ल्हानान ताड्जी। ५आडा, दाहेन्से डाइ एदा चु ताम पाड्ता, चु ताम चा डाइ एदा कुल्बा छार ताम आहिन। तर य्हाड्से गिकसेम गिकदा माया लतो:ला भिसी डाच्छाहेन्सेन य्हाड्दा कुल्बा ताम हिन्ना। ६परमेश्वरसे कुल्बा अन्छार भरबा भिबान गिकसेम गिकदा माया लबा हिन्ना। एसे डाच्छाहेन्सेन थेबा परमेश्वरसे कुल्बा ताम चुनोन हिन्ना। थेतबासेलमा एनीगदे जम्मासेन गिकसेम गिकदा माया लसी दिक्सी चितो:ला।

७तिगदा भिसम म्हिगदेदा फसब लबा म्हिगदे जम्बुलिडला जम्मान ग्लारी खसी जिन्बा मुला। थ म्हिगदे चा येशू खरीष्ट जम्बुलिडरी म्हिला रुपरी फेखबा हिन्ना भिसी विश्वास आलबा म्हिगदे हिन्ना। चुगदे चा छल लबादेन खरीष्टदा बिरोध लबा म्हिगदे हिन्ना। ८थेतबासेलमा एनीगदेसे दुख लसी लबा गला इनाम आस्योर्बाला लागिरी थहरड्बा म्हिगदे मराड्सी एनीगदे हराड्नेन होशियार तसी चिउ। तर हराड्से याडतो:बा इनाम पूरान याड्खम्बा म्हि दोगो।

९खरीष्टसे कुल्बा अन्छार आभरबा, तर स्थान्दोला ताम ड्यान्सी भरबा म्हिदेन छ्याम परमेश्वर आत। तर खरीष्टसे कुल्बा अन्छार भरबा म्हिदेन छ्याम परमेश्वरदेन थेला डा तला। १०चुदे खाले म्हि एनीगदे मुबा ग्लारी खसी खरीष्टसे कुल्बा अन्छारला ताम आपाड्नी भिसम एनीगदेसे हराड्ला दिमरी वाड्थापुड्गो। ओच्छे थहरड्बा म्हिदा फ्याफुल्ता। ११तिगदा भिसम थहरड्बा म्हिदा फ्याफुल्ता चा य्हाड्से थदा नड्बा गे लबारी आँट पिन्बा हिन्ना।

१२डाइ एनीगदेदा पाडतो:बा ताम मी ल्हानान मुबा। तसेनोन दान्दे डाइ जम्मान ताम चिठीरी

भिरबा आरे। तर डा एनीगंदे मुबा ग्लारी खसी
 हूरुप तसी जम्मान ताम लबा सेम मुला, थे धुइरी
 य्हाङ ल्हानान ताङ्म्याङला।

१३ थेहरङ लसीन परमेश्वरसे धम्बा एला
 आङाला डा झामगंदेसेनोन एदा फ्याफुल्ला
 भिसी पाङबा मुला।

यूहन्नासे भिरबा सोमरेमला चिठी चु चिठीला बाररी पाङ्तोःमा

भिरबा म्हिः मण्डलीदा ज्याबा म्हिसे भिरबा मुबा (३ यूहन्ना १:१)। बाइबलला ल्हाना हरङ्बा विद्वानगदसे चु मण्डलीदा ज्याबा म्हि चा यशूला मुल चला यूहन्ना हिन्ना भिसी पाङ्बा मुला।

भिरबा ग्लाः पक्का था आर, तर कोइ कोइ बाइबल विद्वानगदसे एफिसस शहरयाम तखम्ला भिसी पाङ्बा मुला।

भिरबा सालः ल्हाना हरङ्बा बाइबल विद्वानगदसे ओस्पन ईशवी संवत् ९० (विकरम संवत् १४७) सालरी भिरबा मुबा भिसी पाङ्बा मुला।

खाल्दा भिरबा : गायस भिबा म्हिदा भिरबा मुबा।

चु चिठीरी यूहन्नासे गायसदा ज्याबा म्हि भिसी पाङ्बा मुला, तिगदा भिसम थसे विश्वास लबागदेदा हरो लबा मुबा। ओच्छे यूहन्नासे डेमतिरयस भिबा म्हिग्याम होशियार तसी चिउ भिसी गायसदा पाङ्बा मुला।

मुल तामगंदे

फ्याफुल्बा १-४

गायसला बाररी पाङ्बा ज्याबा ताम ५-८

डियोतिरफसदा दोष लबा ताम ९-१०

डेमतिरयसला बाररी पाङ्बा ज्याबा ताम ११-१२

चिठीला थुमरी भिरबा ताम १३-१५

यूहन्नासे भिरबा सोमरेमला चिठी

१ लासो डाला सेम निबा हरो गायस, डा मण्डलीदा ज्याबा म्हिग्याम फ्याफुल्ला! सत्य ताम अन्छार भरबा एदा डाइ सेमहेन्सेन माया लबा मुला। २ डाला सेम निबा हरो, ए विश्वासरी ज्याबा मुला भिबा ताम डादा था मुला। थेहरङ लसीन एदा सदन ज्याबा तगे भिसी डाइ एला लागिरी परार्थना लबा मुला। ३ ए विश्वासरी कोङ्बा मुला भिबादेन सत्यरी चिबा मुला भिबा ताम मराङ्सी थग्याम खबा कोइ कोइ ज्योज्यो आलेगदसे डादा पाङ्जी। थे ताम थःसी डा ल्हानान ताङ्बा मुला। ४ थेहरङ लसी डाला कोलागदे सत्यरी भरबा मुला भिबा

ताम थःम्याङ्बा भन्दा घरेन ताङ्बा ताम डाला लागिरी अर्गु तिगै आर।

सत्य तामरी गिक तबागदेदा सेमहेन्सेन हरो लउ

५ डाला सेम निबा हरो, एसे जम्मान ज्योज्यो आले नाना आडागदला लागिरी विश्वासला गे लबा मुला। एसे डासबा ज्योज्यो आले नाना आडागदला लागिरी जे आहिन, डाआसबा ज्योज्यो आले नाना आडागदला लागिरी एनोन गे लबा मुला। ६ एसे थनीगदेदा गाते माया लसी वास्ता लजी भिबा ताम थनीगदसे मण्डलीला डाच्छा पाङ्बा मुला। थनीगदसे लबारी छ्याइबा गेरी एसे अझ हरो लसम एला गग्याम परमेश्वर ताङ्गला। ७ तिगदा भिसम थनीगदे परमुला गे लबारी भरबासे लमा परमुदा विश्वास आलबा म्हिगदेग्याम तिगै स्हे आकिन्ना खबा मुला। ८ थेतबासेलमा सत्य तामरी गिक तबाला लागिरी थनीगदेदेन छ्याम दिक्सी य्हाङ्से चुहरङ्बा गे लबा म्हिगदेदा हरो लतोःला।

९ डाइ मण्डलीला लागिरी तिगै ताम भिरबा मुबा। तर एनीगदला गुडरी मुबा हराङ्से हराङ्दान घरेन म्हन्बा डियोतिरफसस डाला तामदा वास्ता आलनी। १० डा थरी खमा थसे लबा जम्मान ताम एनीगदेदा पाङ्गला। थसे य्हाङ्गला बिरोध लसी लुसीला ताम लबा मुला। चुदे जे आहिन, थसे विश्वासी ज्योज्यो आले नाना आडागददा वास्ता आलमुला। ओच्छे वास्ता लबारी म्हाइबागदेदा एनोन मण्डलीग्याम मङ्गयार तेःमुला।

११ डाला सेम निबा हरो, ए आज्यबा तामला लिच्छा थाभरउ, तर ज्याबा तामला लिच्छा भरउ। जुन म्हिसे ज्याबा लला थ परमेश्वरला म्हि हिन्ना। तर जुन म्हिसे आज्यबा लला थसे परमेश्वरदा डासबा आर। १२ तर डेमतिरयसदा चा जम्मासेन ज्याबा म्हि हिन्ना भिसी पाङ्गमुला, चु ताम मी थसे लबा सत्य गग्यामसेन था याङ्गला। थेला बाररी स्थान्दो म्हिगदसे पाङ्बा ताम डन्सेनोन पाङ्गसम्ला। डन्से पाङ्बा ताम सत्य ताम जे तमुला भिबा ताम एनीगदेदा थानोन मुला।

१३ डाइ पाङ्तोःबा ताम मी ल्हानान मुबा। तसेनोन दान्दे डादा चिठीरी भिरबा सेम आर। १४ तर य्हाङ्ग योनान हरुप तला भिसी डाइ आश

लबा मुला, ग्हाड हूरुप तसीन जम्मान ताम
लला ।

१५ एदन छुयाम परमेश्वरला शान्ति तगै । चुरी
मुबा जम्मान हूरोगदेसनोन एदा फयाफुल्ला भिसी

पाडुबा मुला । थैरी मुबा जम्मान हूरोगदेदाएनोन
डाइ फयाफुल्ला मुला भिसी पाडुसी पिन्गो ।

यहूदासे भिरबा चिठी

चु चिठीला बोररी पाड्तोःभा

भिरबा म्हिः येशूदेन याकूबला आले यहूदासे भिरबा मुबा (यहूदा १:१, मत्ती १३:२५, मर्कूस ६:३)।

भिरबा ग्लाः पक्का था आर, तर कोइ कोइ बाइबल विद्वानगदसे यरूशलम शहरग्याम तखम्ला भिसी पाड्बा मुला।

भिरबा सालः ओस्पन ईशवी संवत ६५-७० (विकरम संवत १२२-१२७) सालला गुडरी भिरबा मुबा।

साल्दा भिरबाः येशूदा विश्वास लबा म्हिगददा भिरबा मुबा।

यहूदासे चु चिठी लुसीला ताम लोप्रा म्हिगदग्याम होशियार तना लबाला लागिरी भिरबा मुबा। थें लुसीला ताम लोप्रा म्हिगदसे हराडसे हराडदान येशूदा विश्वास लबा म्हि हिन्ना भिसी पाड्मुबा। चु चिठी पतरुससे भिरबा न्हीरमला चिठी हरडवान मुला। यहूदासे चु चिठी पढब लबागददा परमेश्वरसे हराडला म्हिगददा पिन्बा विश्वासदा जोगब लसी थान्बाला लागिरी आँट पिन्बा मुला।

मुल तामगद

फ्याफुल्बा १-२

लुसीला ताम लोप्रागदला बानीबेहोरदेन होशियार तना लबा तामगद ३-१६

विश्वासरी कोडसी चिड भिसी होशियार तना लबा १७-२३

परमेश्वरला जयजयकार लबा २४-२५

यहूदासे भिरबा चिठी

१ लासो, येशू खरीष्टदा तेन्बा डा याकूबला आले यहूदाग्याम परमेश्वरसे धम्सी माया लबागददेन येशू खरीष्टसे जोगब लसी थान्बागददा फ्याफुल्ता।^h

२ एनीगदसे परमेश्वरग्याम ल्हानान दया, शान्तिदेन माया याड्गै।

पाप लबागददा परमेश्वरसे सजाय पिन्ना

३ डाला सेम निबा हरोगद, ग्हाडदा परमेश्वरसे माया लसी थाना लबा गेला बोररी

सेमहेन्सेन भिरड म्हन्मुबा। तर परमेश्वरसे हराडला लागिरी फसी थान्बा म्हिगददा सदनना लागिरी तिरम पिन्बा विश्वासदा जोगब लसी थान्बारी चा एनीगदसे भड याड्गै भिसी डाइ चु ताम भिरनोन तोःला भिसी म्हन्जी। ४ तिगदा भिसम लुसीला ताम लोप्रा कोइ कोइ म्हिगद एनीगदला गुडरी खालेस था आयाडना लसी वाड्बा मुला। थनीगद चा परमेश्वरदा आतन्बा म्हि हिन्ना। थनीगदसे एनीगददा परमेश्वरग्याम दयामाया याड्बा गा भिसी पाप लपुड्मुला। ओच्छे, येशू खरीष्टनोन ग्हाडला प्रभुदेन मालिक हिन्ना भिसी एनीगद विश्वास आलमुला। चुहरडबा म्हिगदसे परमेश्वरग्याम सजाय याड्गला भिसी डाच्छान परमेश्वरला बचनरी भिरबा मुला।

५ डाच्छा परभुसे तिग तिग लजी भिबा ताम एनीगददा था मुसेनोन डाइ एनीगददा कोइ कोइ ताम दन्ना लला। थसे हराडला म्हि इसराएलीगददा मिशर ग्हुत्साग्याम तेःसी भजी। तसेनोन थनीगद न्हडला विश्वास आलबा म्हिगददा लिच्छा नाश लजी। ६ ओच्छे थदा पिन्बा अधिकारला वास्ता आलना हराडला ग्ला ख्लासी भरबा स्वर्गदूतगददा एनीगद निसाफ लबा धुडरी सजाय पिन्बाला लागिरी खाइमे स्योबारी आखम्ला लसी परभुसे च्याल्दास खीसी धोपधोप्रा ग्लारी थान्बा मुला। ७ थहरड लसीन सदांमदेन गमोरा भिबा शहर ओच्छे थ शहरला क्यारमारला शहरला जम्मान म्हिगददा परभुसे नाश लजी। तिगदा भिसम थनीगद स्थान्दादेन छुयाम बरत्सी भरबादेन हरम्फेब हरम्फेबेन बरत्सी नइबा गे लसी भरमुबा। थ म्हिगददा खाइमे आसिबा मग्याम सजाय पिन्सी दान्दला म्हिगददा उन्ना मुला।^j

८ थहरड लसीन म्हड मराड्बा चु लुसीला ताम लोप्रा म्हिगदसे हराडसे हराडदान पाप लपुड्मुला, ओच्छे परमेश्वरग्याम अधिकार याड्बा म्हिगददा हेला लबादेन स्वर्गरी मुबागददा खिसी लमुला। ९ मुल स्वर्गदूत मिखाएलसेनोन मोशाला लासला बोररी शैतानदेन छुयाम अधिकारला ताम लमा शैतानदा बिरोध लसी आबडना “परभुसेन एदा

बड़गै" भिसी पाङ्गबा मुबा। १९० तर चुहरङ्गबा म्हिगदसे चा हराङ्गसे घोतोःबा तामएनोन घोनोन आघोना बिरोध लसी भरमुला। तिग्दा भिसम थनीगद ज्ञान आरबा जन्तुगद हरङ्गबान मुला। थहरङ्गबा बानीबहारसे लमान थनीगद नाश तला।

११ थनीगदसे परमेश्वरग्याम घरेन सजाय याङ्गला। तिग्दा भिसम थनीगद कयिन भिबा म्हिला हरङ्गबान बानीबहार थोसी भरबा मुला। ओच्छे टाङ्गाला लागिरी बालाम भिबा म्हिसे लबा हरङ्गबान नइबा गे लसी भरबा मुला। थहरङ्ग लसीन कोरह भिबा म्हिसे हरङ्गनोन परमेश्वरग्याम अधिकार याङ्गबा तिगे दोष आरबा म्हिगददान बिरोध लसी भरबा मुला। थतबासेलमा थनीगदेएनोन थे म्हिगद हरङ्गनोन नाश तला।।

१२ चु म्हिगदे चा एनीगदसे मण्डलीरी लबा भोजगदरी बइज्जत लबागदे हिन्ना। तिग्दा भिसम थनीगदसे तिगे धन्दा सुर्दा आलना हराङ्गला जे वास्ता लसी ल्हानान चबा थुङ्गबा लमुला। थनीगदे लाबासे भार्बा नाम आरबा खसुदेन तिगे आरोबा सेखला दोङ्ग हरङ्गबान हिन्ना। थहरङ्गबा दोङ्ग चा न्हीरमघोना सिसी टाहेन्सेन नइसी गुर्मुला। १३ थनीगदे समुन्दररी रेःबा छाल हरङ्गबान हिन्ना। तिग्दा भिसम समुन्दररी छाल रेःमा बोप्य्या थोन्बा हरङ्ग लसी थनीगदला सुङ्गय्याम नइबा तामगद थोन्ना। थहरङ्ग लसीन थनीगद मुग्याम ताइसी म्हासी निबा सार हरङ्गबान मुला। थहरङ्गबा म्हिगदला लागिरी चा जुकजुकघोनाला लागिरी धोपधोन्बा ग्ला स्हासी थान्बा मुला।

१४ आदमहेन्से पुस्ता निस लिच्छाला हनोक भिबा म्हिसेनोन थहरङ्गबा म्हिगदला बाररी डाच्छान चुहरङ्ग भिसी पाङ्गबा मुबा, "च्यागो, परमपरभु झ्यासीन झ्याबारी आखम्बा हराङ्गला म्हिगददेन ःच्छय्याम फेखबान मुला। १११ थसे जम्मान म्हिगदला निसाफ लला ओच्छे परमेश्वरदा आतेन्ना पाप गे लसी परमेश्वरला बिरोध लसी नइबा ताम लबागदेदा सजाय पिन्ना। १६ गनगन लबागदे, स्थान्दोदा दोष लबागदे, नइबा सेम अन्धार गे लबागदे, घरेन

दोःसी ताम लबागदेदेन हराङ्गला फाइदाला लागिरी लुसीला ताम पाङ्गबागदे चा चुगदेन हिन्ना।"

विश्वास थाख्तागो भिसी पाङ्गबा

१७ तर डाला सेम निबा हरोगद, एनीगदसे य्हाङ्गला परभु येशू खरीष्टला मुल चलागदसे डाच्छा पाङ्गबा ताम थाम्लःगो। १८ थनीगदसे चुहरङ्ग भिसी पाङ्गमुबा, "लिच्छाला धिनरी परमेश्वरदा आतेन्बादेन समरी जे लइ म्हन्बा थेनोन अन्धार लसी भरबा म्हिगदसे खिसी लला।" १११ एनीगददा गिकसेम गिकग्याम फेना लबा म्हिगदे, म्हिला ज्ञान बुदधि अन्धार भरबा परमेश्वरला आत्मा आरबा म्हिगदे चुगदेन हिन्ना।

२० तर डाला सेम निबा हरोगदे, एनीगदे चा हराङ्गसे लबा चोखो विश्वासरी बढब तबान निउ। ओच्छे परमेश्वरला आत्माला शक्तिरी परार्थना लउ। २१ जुकजुकघोनाला जुनी याङ्गबाला लागिरी एनीगदसे य्हाङ्गला परभु येशू खरीष्टला दया भरान्सी चिउ, ओच्छे परमेश्वरला मायारी हराङ्गसे हराङ्गदान जोगब लसी थान्ना। २२ थहरङ्ग लसीन शङ्का लबा म्हिगददा एनीगदसे दया लउ। २३ स्थान्दोगददा नर्गला मग्याम तेःसी जोगब लउ, ओच्छे खाले खालेदा दया लबारी होशियार लउ, पापसे लमा न्हाङ्गबा थनीगदला बानीबहारदा बिरोध लउ।

परमेश्वरला जयजयकार लउ

२४ एनीगददा पापरी फसब तबाग्याम जोगब लबा शक्तिशाली परमेश्वरला जयजयकार तगै। थसे एनीगददा तिगे दोष आरबा म्हि स्हासी हराङ्गलान घरेन य्हालला डाच्छा ताङ्गना लसी भोर्ला। २५ य्हाङ्गला परभु येशू खरीष्टग्याम य्हाङ्गदा थाना लबा थेनोन परमेश्वर गिक जे सदन जम्मान भन्दा घरेन ओच्छे थेदा जे घरेन मानदेन जयजयकार ओच्छे शक्तिदेन अधिकार डाच्छे। हेन्से दान्दोघोना ओच्छे जुकजुकघोनान तगै। आमन।

१११:१४ ग्रीक बाइबलरी "म्हिगदे" भिसी पाङ्गबा आर। थतबासेलमा बाइबलला ल्हाना हरङ्गबा विद्वानगदसे स्वर्गदूतगद हिन्ना भिसी पाङ्गबा मुला (मती २५ :३१)।

१११:१९ दानि १० :३३, २१ ; १२ :१ ; उन्बा १२ :७ ; व्यव ३४ :६ ; जक ३ :२ ११ :११ उत्प ४ :३-८ ; गन्ती २२ :३-३५ ; १६ :३-३५ १११:१४ उत्प ५ :१८, २१-२४ १११:१८ २ पत्र ३ :३

परमेश्वरसे यूहन्नादा उन्बा ताम
चु किताबला बाररी पाइतोःमा

भिरबा म्हिः येशूला मुल चला यूहन्नासे
भिरबा मुबा। चु यूहन्नासे छार कबुलरी मुबा
किताबगद न्हडला “थार्बा पिन्बा समाचार”
दन गोर सोम चिठीगद एनोन भिरबा मुबा।

भिरबा ग्लाः समुन्दरला गुडरी मुबा पत्मास
भिबा ग्लारी भिरबा मुबा।

भिरबा सालः ओस्पन ईश्वी संवत १०-१५
(विकरम संवत १४७-१५२) सालला गुडरी
भिरबा मुबा।

साल्दा भिरबाः एशिया अञ्चलरी मुबा गोर
निस मण्डलीगददा भिरबा मुबा।

चु किताबरी मुबा जम्मान तामगदे परमेश्वरसे
यूहन्नादा उन्बा ताम हिन्ना। चु ताम मराडबा
धुडरी यूहन्नादा म्हाड हरडबान छोर्बा मुबा।
यूहन्नादा उन्बा ताम चा दुखला धिनगदला
बाररी हिन्ना। चु “दुखला धिनगद” यूहन्नाला
धुडरीन शुरु तसी जिन्बा मुबा। तिग्दा भिसम
थनीगदसे येशू खरीष्टदा हराडला परमु हिन्ना
भिसी विश्वास लबा मुबा। यूहन्नासे खास लसी
चु चिठी पढब लबागददा आशदेन आँट पिन्बाला
लागिरी ओच्छे दुखदेन आपत विपतला धुडरी
हराडसे लबा विश्वासरी याडयोड आतना
चिबाला लागिरी बिन्ती लबा मुला।

चु किताबला ल्हाना हरडबा खण्डगदरी
उन्बा तामदेन मराडबा तामगददा
चिनुगदग्याम घोना लबा मुला। चुहरडबा
चिनुगद थ धुडला विश्वासीगदसे घोबारी
खम्मुबा, तर स्प्हान्दो म्हिगददा चा घोबारी
गाहरो तमुबा। हिन्बाम ल्हानान म्हिगदसे चु
किताबला बाररी थरी थरीला तामगदे पाइमुला।
तर मुल ताम चा परस्टन मुला। थ मुल ताम
चुनोन हिन्ना, परमु खरीष्टग्याम परमेश्वरसे
शेतानदेन हराडला जम्मान शतरुगददा
सदनना लागिरी नाश लला। ओच्छे जुन धुडरी
शेतानदेन हराडला जम्मान शतरुगदथारी दाला
थ धुडरी परमेश्वरसे हराडदा विश्वास लबा
म्हिगददा छार स्वर्गदेन छार जम्बुलिङ इनाम
पिन्ना।

मुल तामगदे

शुरुला तामदेन फ्याफुल्बा १:१-८

परमेश्वरसे यूहन्नादा उन्बा ताम १:१-२०
गोर निस मण्डलीगददा भिरबा चिठी २:१-
३:२२

यूहन्नासे स्वर्ग मराडबा ४:१-११
गोर निस लाहा छाप लबा रिल्सी थान्बा
किताबला मुठा ५:१-८:५

गोर निस बिगुलगद ८:६-११:११
अजिङ्गारदेन गोर न्ही जन्तु १२:१-१३:१८
यूहन्नादा उन्बा अर्गु तामगद १४:१-१५:८
परमेश्वरला बोमास प्तिङ्गबा गोर निस खोर
१६:१-२१

परमेश्वरसे हराडला शतरुगदथारी दाबा
१७:१-२०:१०

परमेश्वरसे लबा जम्मान भन्दा लिच्छाला
निसाफ २०:११-१५

छार स्वर्ग, छार जम्बुलिङदेन छार यरुशलेम
२१:१-२२:५

खरीष्ट दोःसी योनान फप्सला २२:६-२१

परमेश्वरसे यूहन्नादा उन्बा ताम

१ चु किताबला जम्मान तामगदे येशू
खरीष्टग्याम उन्बा हिन्ना। हराडला
ग लबा म्हिगदसे योनान ततोःबा जम्मान
तामगदला बाररी घोखम्गे भिसी परमेश्वरसे
येशू खरीष्टदा चु जम्मान ताम पिन्जी।
चु ताम पाडबाला लागिरी येशू खरीष्टसे
हराडला गे लबा यूहन्ना मुबा ग्लारी स्वर्गदूत
गिक पुडखजी। २ हराडसे मराडबा जम्मान
ताम यूहन्नासे पाडबा मुला। थसे पाडबा
परमेश्वरला बचनदेन येशू खरीष्टसे उन्बा
सत्य ताम चुनोन हिन्ना। ३ चु किताब पढब
लबादेन चु किताबरी मुबा परमेश्वरग्याम पाडबा
बचन ड्यान्सी थ अन्छार भूबा जम्मान म्हि
परमेश्वरग्याम मोलम याडबा म्हि हिन्ना।
तिग्दा भिसम चु जम्मान ताम योनान तसेला
मुला।

यूहन्नासे फ्याफुल्ता भिसी पाडबा

४ एशियारी मुबा गोर निस मण्डलीदा डा
यूहन्नाग्याम फ्याफुल्ता। दान्देनोन मुला,
डाच्छाएनोन मुबा, दोःसीनोन फप्सबा
परमेश्वरग्यामदेन थला टिला डाच्छापट्टि
चिबा गोर निस आत्माग्याम एनीगददा

भिरउ। २० म्हिसे था आयाड्बा ताम एसे डाला दाहिने यारी मराड्बा गोर निस सारगदेदेन म्हरला नाडसल थान्वा स्हे निसला अर्थ चा चुनोन हिन्ना। गोर निस सारगदे चा मण्डली निसदा च्याबा म्हिगदे हिन्ना। ओच्छे म्हरला नाडसल थान्वा स्हे निस चा मण्डली निस हिन्ना।”

एफिससला मण्डली

२ १ एफिससरी मुबा मण्डलीदा च्याबा म्हिदा चु ताम भिरउ।

चु ताम यारी गोर निस सार थोबादेन गोर निस म्हरला नाडसल थान्वा स्हेला गुडग्याम भरबासे सुड्बा मुला। २ एसे लबा जम्मान गेगदे डादा था मुला। ओच्छे एसे दुख लसी गे लबादेन सेम नासी चिमुला भिबा ताम डादा था मुला। आज्यबा गे लबा म्हिगदेदा नाबारी आखम्मुला भिबा तामएनोन डादा था मुला। मुल चेला आहिन्से मुल चेला हिन्ना भिसी भरबागदेदा च्यासी थेनीगदेदा फटटा म्हि हिन्ना भिसी एसे था याड्बा मुला भिबा तामएनोन डादा था मुला। ३ ए थेन्नोन आतना डाला लागिरी दुख नासी भरान्सी चिबा मुला। ४ तर एला विरोधरी डाइ पाडतोःबा ताम गिक मुला। थे ताम चा एसे डादा डाच्छा लबा माया ख्ताबा मुला। ५ थेतबासलमा ए खानडग्याम मार ताइजी, थे ताम ढन्गा। ओच्छे एसे लबा पाप ख्तासी परमेश्वरपट्टि दोःसी डाच्छा लबा गे लउ। चुदे ए पाप ख्तासी परमेश्वरपट्टि आदोःनी भिसम डा ए मुबा ग्लारी खसी एला नाडसल थान्वा स्हे थग्याम तोःला। ६ तर एदेन छ्याम ज्यबा तामएनोन मुला, एसे डाइ हरङ् लसीन निकोलाइटसगदेला भेगदा विरोध लबा मुला। ७ जुन म्हिदा ड्यान्वा सेम मुला, थसे परमेश्वरला आत्मासे मण्डलीगदेदा

सुड्बा ताम ड्यान्सी ज्यना लसी घाउ। जुन म्हिसे ढाला थदा परमेश्वरला बर्गेचारी म्मुबा जुनी पिन्वा दोडला रो चबारी पिन्ना। x

स्मुर्नाला मण्डली

८ ओच्छे स्मुर्नारी मुबा मण्डलीदा च्याबा म्हिदा चु ताम भिरउ।

चु ताम जम्मान स्हे शुरु लबादेन जम्मान स्हे थुम्ना लबासे सुड्बा मुला, थे सिबा मुबा दोःसी सिबाग्याम सोबा मुला। १ एसे गाते दुख नाबा मुला भिबा तामदेन ए गाते पराड्बा मुला भिबा ताम डादा था मुला। तर पाडनोन तोःमा ए फ्युक्पोन मुला। यहूदी आहिन्से यहूदी हिन्ना भिसी भरबा म्हिगदेसे एदा गाते विरोध लमुला भिबा तामएनोन डादा था मुला। थेनीगदे मी शैतानना म्हिगदे हिन्ना। १० एनीगदेथोरी खबारी छ्याइबा दुख मराड्सी थातोड्गो। च्यागो, एला विश्वास च्याबाला लागिरी शैतानसे एनीगदे न्हडला कोइ कोइदा ड्याल्खानरी डाडला। तर एसे च्युइरे जे दुख नातोःला। ए सिनोन तोःसे डादा विश्वास लबा थाख्तागो। ओच्छे डाइ एदा जुकजुकधोनाला जुनी याड्बा इनाम म्पिन्ना। ११ जुन म्हिदा ड्यान्वा सेम मुला, थसे परमेश्वरला आत्मासे मण्डलीगदेदा सुड्बा ताम ड्यान्सी ज्यना लसी घाउ। जुन म्हिसे ढाला थदा आत्मादा सिना लबा कालसे तिगे लबारी आखम। z

पर्गाममला मण्डली

१२ पर्गामम भिबा ग्लारी मुबा मण्डलीदा च्याबा म्हिदा चु ताम भिरउ।

चु ताम म्हीलोनपट्टि छ्याबा धार मुबा तरवार थोबासे सुड्बा मुला। १३ ए शैतानना ठि मुबा ग्लारी चिमुला भिबा ताम डादा था

११: २० ल्हानान हरड्बा बाइबलरी चा “मण्डलीदा च्याबा म्हिगदे” भिबादा स्वर्गदूत भिसी भिरबा मुला (उन्वा २:१, ८, १२, १८; ३:१, ७, १४)।

१२: ६ निकोलाइटसगदे भिबा चा लुसीला ताम लोष्वा म्हिगदेला समूह हिन्ना।

१२: ७ “परमेश्वरला बर्गेचा” भिबा चा स्वर्गएनोन तखम्ता।

१२: १० थे धुइरी खलरी ढाबा म्हिदा इनाम चा म्हेन्दोला मुकुट पिन्मुबा।

x२: ७ उत्प २: १; उन्वा २२: २; इज २८: १३; ३१: ८

y२: ८ यशै ४४: ६; ४८: १२; उन्वा १: १७; २२: १३

z२: ११ उन्वा २०: १४; २१: ८

मुला। तसेनोन एसे डादा विश्वास लसीन चिबा मुला, ओच्छे विश्वासरी कोडबा तसी चिबा डाइ विश्वास लखम्बा एन्टिपासदा शेतानसे शासन लबा ग्लारी एनीगदेलान डाच्छा साइबा मुबा। थं धुइरीनोन एसे विश्वास लबा आख्तानी भिबा तामएनोन डादा था मुला।

१४तर एला बिरोधरी डाइ पाडतोःबा तिगे ताम मुला। तिगदा भिसम एदेन छुयाम कोइ कोइ बालामसे लोप्वा ताम अन्छार भरबा म्हिगदेएनोन मुला। थंसे इसराएलीगदेदा पापरी फसब लबाला लागिरी मूर्तिदा फुल्बा स्हेगदे चबारीदेन स्थान्दोदेन छुयाम बरत्सी भरबारी तला भिसी बालाक ग्लेदा लोप्मुबा। १५थेहरड लसीन निकोलाइटसगदेसे लोप्वा ताम अन्छार भरबा म्हिगदेएनोन एदेन छुयाम मुला। १६थेतबासेलमा हराडला पाप ख्तासी परमेश्वरपट्टि दोःगा। आहिन्सम डा ए मुबा ग्लारी योनान खला ओच्छे डाला सुडरी मुबा तरवारसे थनीगदेदेन छुयाम लडाइ लला।

१७जुन म्हिदा डयान्वा सेम मुला, थंसे परमेश्वरला आत्मासे मण्डलीगदेदा सुडबा ताम ज्यना लसी डयान्तोःला। जुन म्हिसे दाता, डाइ थंदा छुम्सी थान्वा मन्न पिन्ना। ओच्छे डाइ थंदा छार मिन भिरबा तार युडबा गिक पिन्ना, थं युडबा याडबा म्हिसे बाहेक स्थान्दो खालेसन आघो।^b

थिआटीराला मण्डली

१८थिआटीरारी मुबा मण्डलीदा च्याबा म्हिदा चु ताम भिरउ।

चु ताम मेल लहाम हरडबा मी मुबा ओच्छे झक्झक्वा कासे हरडबान स्थाप मुबा परमेश्वरला झासे सुडबा मुला। १९ एसे तिग तिग लमुला थं डादा था मुला। एसे लबा माया, एसे लबा विश्वास, एसे लबा गेदेन नाबा जम्मान ताम डादा था मुला। ओच्छे एसे डाच्छा भन्दा दान्दे ल्हानान गे लमुला भिबाएनोन डादा था मुला।

२०तर एला बिरोधरी डाइ पाडतोःबा तामएनोन मुला। एसे हराडसे हराडदान अगमवक्तास्या हिन्ना भिसी भरबा इजंबल भिबा मिरडम्हेमदा थंसे म्हेन्वा अन्छार लपुडजी। थंसे डाला गे लबा म्हिगदेदा स्थान्दोदेन छुयाम बरत्सी भरबारीदेन मूर्तिदा फुल्बा स्हेगदे चबारी तला भिसी लोप्मुला। चुहरड लसी थंसे थनीगदेदा फसब लबा मुला। २१डाइ थंदा हराडला पाप ख्तासी परमेश्वरपट्टि दोःबारी मौका पिन्जी। तर थं स्थान्दोदेन छुयाम बरत्सी भरबारी ख्तासी परमेश्वरपट्टि दोःबारी आडयान्नी। २२च्यागो, डाइ थंदा स्हु स्हेर पिन्सी थान्ना। ओच्छे थं मिरडम्हेमदेन छुयाम बरत्सी भरबागदेसे हराडसे लबा आज्यबा गे ख्तासी परमेश्वरपट्टि आदोःनी भिसम डाइ थनीगदेदा ल्हानान दुखरी थान्ना। २३डाइ थंला ताम डयान्सी भरबागदे जम्मादान नाश लला। ओच्छे जम्मान मण्डलीगदेसे जम्मालान सेमला तामदेन म्हेन्वा ताम मराडबादेन था याडबा डा थनोन हिन्ना भिसी था याडला। डाइ एनीगदे जम्मादान हराड हराडला गे अन्छारला इनाम पिन्ना।

२४तर थिआटीराला मण्डलीरी मुबा थं ताम अन्छार आभरबादेन शेतानना सेमरी मुबा ताम अन्छार आभरबा स्थान्दोगदेदा चा डाइ पाडला। डाइ एनीगदेथोरी तिगे दुख तना आल। २५तर एनीगदेदेन छुयाम जुन विश्वास मुला, डा आखतेधोना थं विश्वासरी जे कोडसी चिउ। २६जुन म्हिसे दाता ओच्छे आसितेधोना डाइ म्हेन्वा अन्छार गे लला, थंदा डाइ स्हुल स्हुलथोरी शासन लबा अधिकार पिन्ना।^d

२७जमाहेन्से थंसे फाइला कडी थोसी थनीगदेथोरी शासन लला। ओच्छे सापराला ताड थिबा हरड लसी थनीगदेला शक्ति नाश तला।

२८डाइएनोन डाला आबाग्याम चु अधिकार याडबा मुला। थनीगदेसे दाजी भिसी उन्वाला लागिरी डाइ थनीगदेदा

अ: १४ गन्ती २२ :५-७ ; ३१ :१६ ; व्यव २३ :४ ; गन्ती २५ :१-३

ब: १७ प्रस्था १६ :१४-१५ ; १६ :३३-३४ ; यूह ६ :४८-५० ; यशे ६२ :२ ; ६५ :१५

घ: २० १ राजा १६ :३१ ; २ राजा ९ :२२, ३० ङ: २६ मजन २ :८-९

स्होला सुकर पिन्ना। २९ जुन म्हिदा
इयान्वा सम मुला थेंस परमेश्वरला
आत्मासे मण्डलीदा तिग सुडबा मुला, थें
ताम इयान्सी ज्यना लसी घातोःला।

सार्डिसला मण्डली

३ १ सार्डिसरी मुबा मण्डलीदा च्याबा म्हिदा चु
ताम भिरउ।

चु ताम परमेश्वरदा तेन्बा गोर निस
आत्मादा तहरी थान्बादेन गोर निस सार
थोबासे सुडबा मुला। एला जम्मान गेगदे
डादा था मुला, ए सोबा मुला भिसी मी
पाङ्गमुला, तर ए सिबा मुला। २ थेंतबासेलमा
छोर्सी चिउ, तिग्दा भिसम एदेन छ्याम
मुबा विश्वास सिबारी छ्याइबा मुला।
थेंतबासेलमा नाश तबा भन्दा डाच्छान
जोगब लसी कोङ्ना लसी थान्गो। तिग्दा
भिसम एसे लबा गे डाइ परमेश्वरदा सेम
निबा खाल्ता आस्यान्नी। ३ एसे जुन ताम
थेंबा मुला ओच्छे लोन्वा मुला, थें ताम
दन्गो। ओच्छे थें ताम अन्ध्रार भरसी
हराङ्गला पाप ख्वासी परमेश्वरपट्टि
दोःगो। डा ए मुबा ग्लारी य्हो खबा हरङ्ग
लसी खालेस था आयाङ्गना लसी खला। तर
हाशियार तसी आचिनी भिसम एसे डा खबा
थानोन आयाङ्ग। ०

* तर सार्डिसरीनोन कोइ कोइ म्हिगदसे
चा हराङ्गला क्वान फोहार **तना लबा
आर। थेंनीगदे डादेन छ्यामनोन तार
क्वान क्वान्सी भरला। तिग्दा भिसम
थेंनीगदे डादेन छ्याम भुरबाधोनाला
मुला। ५ जुन म्हिसे दाता थेंदा चुहरङ्ग
लसी तार क्वान क्वान्सी पिन्ना। डाइ
थेंला मिन जुकजुकधोनाला जुनीला
किताबग्याम साइमै मेटव आल। डाइ
थेंदा डाला आबादेन आबाला दूतगदेला
डाच्छा चु डालान हिन्ना भिसी पाङ्गला।
६ जुन म्हिदा इयान्वा सम मुला, थेंस
परमेश्वरला आत्मासे मण्डलीगदेदा तिग

सुडबा मुला, थें ताम इयान्सी ज्यना लसी
घातोःला।

फिलाडेल्फियाला मण्डली

७ फिलाडेल्फियारी मुबा मण्डलीदा च्याबा
म्हिदा चु ताम भिरउ।

चु ताम तिगे दोष आरबादेन सत्यसे
सुडबा मुला। थेंदेन छ्याम दाऊद ग्लेला
सांचो मुला, थेंस टोङ्गबा स्ह खालेस
दुङ्गबारी आसम। ओच्छे थेंस दुङ्गबा स्ह
खालेस टोङ्गबारी आसम। १८ एसे लबा
जम्मान गेगदे डादा था मुला। च्यागो, डाइ
एला लागिरी खालेसेन दुङ्गबारी आसम्बा
मराप टोङ्गसी थान्वा मुला। एदेन छ्याम
ल्हानान भङ्ग आर भिबा ताम डादा था
मुला। तसेनोन एसे डादा विश्वास लबा
ख्वाबा आर, ए डाला बचन अन्ध्रार
भरबा मुला। १ च्यागो, शैतानना म्हिगदसे
हराङ्ग यहूदी आहिन्से यहूदी हिन्ना भिसी
लुसीला ताम पाङ्गबागदेदा डा खसी एला
काङ्गरी फया लपुङ्गला। ओच्छे डाइ एदा
माया लमुला भिबा ताम थेंनीगदेदा घोना
लला। १० एसे ल्हानान दुस नासी डाइ
कुल्बा ताम इयान्बासे लमा जम्बुलिङ्गला
जम्मान म्हिगदला विश्वास च्याबा धुइरी
तबारी छ्याइबा घेंरन दुसग्याम डाइ एदा
जोगब लला।

११ डा योनान खबान मुला। एसे दाबा
मुकुट खालेसेन व्यन्सी थाभार्गे भिसी एदेन
छ्याम मुबा ताम जोगब लसी थान्गो।
१२ जुन म्हिसे दाता, थेंदा डाइ डाला
परमेश्वरला मन्दिरला थाम स्होला,
ओच्छे थें थेंग्याम साइमै आथोन। डाइ
थेंथारी डाला परमेश्वरला मिन भिरला,
जमाहेन्से थें डाला परमेश्वरला शहरला
म्हि दोला। थें शहर डाला परमेश्वरग्याम
स्वर्गहेन्से मार खबा छार यरुशलैम
हिन्ना। ओच्छे थेंथारी डाइ डाला छार
मिनएनोन भिरला। १३ जुन म्हिदा इयान्वा

**३:४ फोहार क्वान भिबा चा पापी बानीबेहार हिन्ना। ओच्छे तार क्वान भिबा चा परमेश्वरदा सेम
निबा बानीबेहार हिन्ना।

०३ :३ मत्ती २४ :४३-४४ ; लूका १२ :३९-४० ; उन्वा १६ :१५

३ :५ पूरस्था ३२ :३२-३३ ; भजन ६९ :२८ ; उन्वा २० :१२ ; मत्ती १० :३२ ; लूका १२ :८

०३ :७ यशै २२ :२२ ; अय्यूब १२ :१४ १३ :९ यशै ४९ :२३ ; ६० :१४ ; ४३ :४

३ :१२ उन्वा २१ :२ ; यशै ६२ :२ ; ६५ :१५

सेम मुला थसे परमेश्वरला आत्मासे मण्डलीगददा सुडबा ताम इयान्सी ज्यना लसी घातोःला।

लाउडिकियाला मण्डली

१४ लाउडिकियारी मुबा मण्डलीदा च्याबा म्हिदा चु ताम भिरउ।

चु ताम परमेश्वरसे स्होबा जम्मान स्हगदथारी शासन लबा, आमन भिबादेन विश्वास लखम्बा ओच्छे सत्य ताम उन्वास सुडबा मुला। १५ एसे लबा गेगदे डादा था मुला। ए न्ह लेप्बा मुला, न्ह सिम्बा मुला। बरु ए कि सिम्बा तगे कि लेप्बा तगे भिबा डाला सेम मुला। १६ ए न्ह लेप्बा मुला न्ह सिम्बा मुला, तर दालदोल जे मुबासे लमा डाइ एदा डाला सुडग्याम थो म्याडबा हरड लसी म्याडला। १७ एसे हराडदा डा फ्युकपो मुला, डादेन छ्याम जम्मान स्ह मुला ओच्छे डादा तिगे स्हेला खॉचो आर भिसी पाडमुला, तर ए गाते दया सबाधोनाला मुला भिबा तामदेन दुख याडबा, पराडबा, कानादेन लिगन्डी मुला भिबा ताम एदा था आर। १८ थतबासलमा सदन फ्युकपो दोबाला लागिरी डाग्याम मरी खराडसी खारब लबा म्हर ग्लुउ। थहरड लसीन एदा पेःबा सबा लिगन्डी ल्हुइ घप्बाला लागिरी तार क्वान ओच्छे मी मराडबाला लागिरी मन डाग्याम ग्लुउ भिबा एदा डाला सल्लाह मुला।

१९ जुन म्हिदा डाइ माया लला, थदा डाइ बडसी तहरी थान्ना। थतबासलमा झन्सी गे लबारी सेम लउ, ओच्छे हराडला पाप ख्तासी डापटटि दोःगो। १२० च्यागो, डा सालैला दिमरी ससी इयोइमा चुदे सालै म्हिसे डाला काइ थेःसी मराप ठोड्जी भिसम डा दिम न्हडरी सला। ओच्छे थदेन छ्याम चिसी चबा थुडबा लला, थसनोन डादेन छ्यामनोन चिसी चबा थुडबा लला।

२१ डाइ दाजी, ओच्छे डाला आबादेन छ्यामनोन आबाला ठिरी चिबा हरड लसी जुन म्हिसे डाला डाइ थदा डाला ठिरी डादेन छ्यामनोन चिपुडला। २२ जुन म्हिदा इयान्बा सेम मुला, थसे परमेश्वरला आत्मासे मण्डलीगददा सुडबा ताम इयान्सी ज्यना लसी घातोःला।

यूहन्नासे स्वर्ग मराडबा

१ जमाहेन्से च्यागो, डाइ स्वर्गरी मराप गिक ठोड्बा मराड्जी। डाइ डाच्छे थेःबा बिगुलला हरडबान काइग्याम डादा चुहरड सुडबान लबा डाइ थेःजी। “ए तोर खउ, दाहेन्से तसेला तामगदे डाइ एदा उन्ना।” २ जमाहेन्से डा तिकसुरीन परमेश्वरला आत्मासे प्लिड्जी। ओच्छे स्वर्गरी म्हि गिक धन्छ्याबान लबा ठि गिक मराड्जी। ३ थेला स्थाल चा झक्झक्वा मणि हरडबान जेबा मुबा ओच्छे ठिला क्यारक्युर चा झक्झक्वा रत्न हरडबान लरक्युड मुबा। ४ थे ठिला क्यारक्युर बोगल गिकसे गोर ब्लि अर्गु ठिगदे मुबा। थेनोन ठिगदरी बोगल गिकसे ब्लि गन्बागदे चिबा मुबा। थेनीगदसे तार क्वान क्वान्बादेन थोबोरी म्हरला मुकुट कूबा मुबा। ५ थे ठिग्याम तिप्लीड हरड लसी मे थोन्बादेन गडडगुडुड मु ठेड्बा हरडबा काइ समुबा। ओच्छे थे ठिला डाच्छापटटि गोर निस मदेड लुडबा मुबा। थे मदेड चा परमेश्वरला आत्मा निस हिन्ना। ६ थे ठिला डाच्छापटटि परस्टन मराड्बा एना हरडबान समुन्दर मुबा।ⁿ

लिच्छापटटि एनोन डाच्छापटटि एनोन ल्हुइ नाडनोन मोनोन मी मुबा गोर ब्लि छोनो जन्तु थे ठिला क्युनोन मुबा। ७ थे जन्तुगदे चा गिक च्यान हरडबा, गिक म्हे बहर हरडबा, ओच्छे गिकला ली चा म्हिला हरडबा मुबा, थेहरड लसीन गिक चा फ्याडबान लबा ग्वाइ हरडबान मुबा। ८ थे गोर ब्लि छोनो जन्तुगदेलान गंगोर ढु ढु म्याप मुबा। ओच्छे

११४ :८ चु जन्तु चा जम्बुलिडला जन्तु हरडबा आहिन। तर परमेश्वरसे यूहन्नादा तिगे ताम उन्वा धुडरी मराड्बा ताम पाड्बा जन्तु हिन्ना।

१३ :१४ हितो ८ :२२ १३ :१९ हितो ३ :१२ ; हिबरू १२ :६ १४ :२ इज १ :२६-२८ ; १० :१

१४ :२ प्रस्था १९ :१६ ; उन्वा १ :४ ; ८ :२ ; ११ :१९ ; १६ :१८ ; इज १ :२३ ; जक ४ :२

१४ :६ इज १ :२२, ५ :१० ; १० :१४

थेनीगदेला भ्यापला पाखापट्टिएनोन
न्हडपट्टिएनोन मी मुबा। थेनीगदे धिन
म्हनुनोन थन आतना चुहरङ्ग भिसी व्हाइ
गोमुबा,

“जम्मान भन्दा घरेन परमपरभु परमेश्वर
चोखा, चोखा, चोखा ##मुला।

थे दान्दोनोन मुला, आच्छाएनोन मुबा ओच्छे
दो:सीनोन फप्सला 1” ०

१थे छोनो जन्तुगदेसे जुकजुकधोनान सोसी
चिबा मुल ठिरी धन्ड्याबादा जयजयकारदेन
धन्यवाद पिन्सी मान लमुबा। १०जमाहेन्से
थे बोगल गिकसे गोर ब्रित गन्बागदेसे ठिरी
धन्ड्याबा सदन सोसी चिबादा फ्या लजी।
ओच्छे थेनीगदेसे हराङ्ग हराङ्गला मुकुट ठिला
आच्छापट्टि थान्सी चुहरङ्ग भिसी व्हाइ गोजी,
११“जम्मान जयजयकार, मानदेन शक्ति
याडतो:बा डन्ना परभु परमेश्वर हराङ्ग जे
हिन्ना।

तिग्दा भिसम जम्मान स्हेगदे हराङ्गसेन स्होबा
हिन्ना।

थे जम्मान स्हे हराङ्गसे म्हन्वा अन्धारनोन तजी,
ओच्छे स्होजी 1”

गोर निस लाहा छाप लसी
रिल्सी थान्वा किताबला मुठा

५ ओच्छे डाइ ठिरी धन्ड्याबादाला दाहिने
छयारी रिल्सी थान्वा किताबला मुठा गिक
म्राङ्गी। थे किताबरी न्हीलोनपट्टि भिरबा
मुबा ओच्छे बन्द लसी गला निसरी लाहा
छाप लबा मुबा। 1२ओच्छे डाइ शक्तिशाली
स्वर्गदूत गिकदा म्राङ्गी। थस “चु रिल्सी
थान्वा किताबला मुठारी लबा लाहा छाप
बनबादेन ठाङ्गसम्बाधोनाला म्हि खाल मुला 1”
भिसी घरेन काइसे पाङ्गबान मुबा। ३तर स्वर्गरी,
जम्बुलिङ्गी ओच्छे जम्बुलिङ्गला धिरी चु
रिल्सी थान्वा किताब ब्रसी च्याबारी सम्बा
म्हि खाले आरेबा। ४थे रिल्सी थान्वा किताब
ब्रसी च्यासम्बा म्हि खालेनोन आस्यान्बासे
लमा डा ल्हानान कराजी। ५जमाहेन्से गन्बागदे

न्हङ्गला गिकसे डादा “थाकरागो, च्यागो, यहूदा
य्हलला दाऊद वंशग्याम थोन्वा च्यानसेन
दाबा मुला। चु किताबला गला निसला लाहा छाप
ब्रसी ठाङ्गबाधोनाला म्हि चा थनोन हिन्ना”
भिसी भिजी। ६जमाहेन्से साइबा थार्बा पिन्वा
ग्यु बागो ११हरङ्गबान खालेदा परमेश्वरला
ठिला गुडरी राप्सी चिबा डाइ म्राङ्गी। थला
क्युसीन गोर ब्रित जन्तुगदेदेन गन्बागदे मुबा।
थला गोर निस रुदन गोर निस मी मुबा।
चु चा जम्बुलिङ्गला जम्मान ग्लारी पुइसबा
परमेश्वरला आत्मा निस हिन्ना। 1७थे फप्सी
मुल ठिरी धन्ड्याबादाला दाहिने छयाग्याम थे
रिल्सी थान्वा किताबला मुठा किन्जी। ८थसे
थे रिल्सी थान्वा किताबला मुठा किन्माहेन्से
थे गोर ब्रित छोनो जन्तुदेन बोगल गिकसे
ब्रित गन्बागदेसे थार्बा पिन्वा ग्यु बागोदा फ्या
लजी। जम्मालान यारी वीणादेन ज्यबा बास्ना
सबा धूपसे प्लिङ्गला म्हरला पोइमो ताङ्ग मुबा।
थे ज्यबा बास्ना सबा धूप चा परमेश्वरला
म्हिगदेसे लबा परार्थना हिन्ना। ९थेनीगदेसे
चुहरङ्ग भिसी छार व्हाइ गिक गोजी,
“चु रिल्सी थान्वा किताबला मुठा किन्सी
लाहा छाप बनबादेन ठाङ्गबाधोनाला हराङ्ग जे
मुला।

तिग्दा भिसम हराङ्गदा साइबा मुबा,
ओच्छे हराङ्गला कासे जम्मान वंश, ग्योइ, म्हि,
य्हलदेन य्हलसादा
पापला सय फासी परमेश्वरला लागिरी ग्तुजी।।
१०य्हाङ्गला परमेश्वरदा तन्गे भिसी
हराङ्गसे थेनीगदेदा परमेश्वरदा पूजा लबा य्हल
गिक स्होबा मुला।

ओच्छे थेनीगदेसे जम्बुलिङ्गी शासन लला 1” ॥

११दो:सी डाइ च्यामा, परमेश्वरला ठिदेन
जन्तुगदे ओच्छे गन्बागदेला क्युसीन ल्हानान
स्वर्गदूतगदेसे व्हाइ गोबा म्राङ्गी। थेनीगदे
लाख, करोड झ्यानोन आसम्बाधोना मुबा।
१२थेनीगदेसे घरेन काइरी चुहरङ्ग भिसी व्हाइ
गोबान मुबा,

##४ :८ चुरी ‘चोखा’ भिबा चा तिगे दोष आरेबादेन जम्मान भन्दा घरेन ओच्छे थे भन्दा स्थान्दो खाले
आर। थतबासलमा जम्मानसेन थदा तन्तो:ला।

११५ :६ च्यानदेन थार्बा पिन्वा ग्यु बागो भिबा चा येशू खरीष्टदा पाङ्गबा हिन्ना।

०४ :८ इज १:१८; १०:१२; यशै ६:२-३ १५:१ इज २:९-१०; यशै २९:११

०५ :५ उत्प ४९:९; यशै ११:१, १० १५:६ यशै ५३:३; जक ४:१० १५:८ मजन १४१:२

०६ :९ मजन ३३:३; ९८:१; यशै ४२:१० ०५:१० परस्था १९:६; उन्वा १:६ ०५:११ दानि ७:१०

“जम्मालान लागिरी बलि तबा थार्षा पिन्बा ग्यु
बोगो जे

जम्मान शक्ति, धन सम्पत्तिदेन ज्ञान बुदधि,
ओच्छे भड, मान, य्हाल य्हालदेन जयजयकार
किन्सम्बाधोनाला मुला।”

१३ओच्छे स्वर्गदेन जम्बुलिङ ओच्छे
जम्बुलिङ धिरी, समुन्दरीदेन थरी मुबा
जम्मान जन्तुगदेस चुहरङ्ग भिसी व्हाइ गोवान
लबा डाइ मराङ्गी।

“ठिरी धन्छेयाबादेन थार्षा पिन्बा ग्यु बोगोदा
सदन सदन जयजयकार, मानदेन य्हाल य्हाल,
ओच्छे शक्ति तगे।”

१४जमाहेन्से थ गोर बित छोन्बो जन्तुसे
“आमेन” भिजी। ओच्छे थ गन्बागदेस चा पया
लवान जयजयकार लजी।

लाहा छाप बतबा

१जमाहेन्से डाइ थ गोर निस लाहा छाप
६ न्हडला छाप गिक थार्षा पिन्बा ग्यु बोगोसे
बतबा मराङ्गी। थेनोन धुइरी थ गोर बित
छोन्बो जन्तुगदे न्हडला गिकसे मु धुर्वा
हरङ्गवान काइरी “खउ” भिसी पाङ्गवा डाइ
मराङ्गी। २जमाहेन्से डाइ तार ता गिक
मराङ्गी। थे ताथोरी मुबा म्हिसे म्यादली गिक
थोबा मुबा। थेदा मुकुट गिक पिन्जी, ओच्छे
थे दाबाला लागिरी दाबा म्हि दोःसी थग्याम
भरुजी। w

३थार्षा पिन्बा ग्यु बोगोसे दोःसी न्हीरमला
लाहा छाप बतमा अर्गु जन्तु गिकसे “खउ”
भिसी पाङ्गवा डाइ थेःजी। ४जमाहेन्से डाइ
वाला ता गिक मराङ्गी। थे ताथोरी मुबा म्हिदा
म्हिगदे न्हडरी गिकसम गिकदा साइगे भिसी
जम्बुलिङग्याम शान्ति ब्यन्सी भोर्बा अधिकार
पिन्जी। ओच्छे थेदा घरेन तरवार गिकएनोन
पिन्जी। x

५दोःसी थार्षा पिन्बा ग्यु बोगोसे सोमेरमला
लाहा छाप बतजी। थे धुइरी डाइ अर्गु जन्तुसे
“खउ” भिसी पाङ्गवा मराङ्गी। जमाहेन्से डाइ
म्लाङ्गे ता गिक मराङ्गी। थे ताथोरी मुबा
म्हिला यारी उमाल गिक मुबा। ६डाइ थे गोर
बित छोन्बो जन्तुगदेला गुङ्ग्याम चुहरङ्ग
भिबा काइ थेःजी। “तिरला ज्यालासे ग्वा ग्लुबा

हिन्सम किलो नाङ ओच्छे जो ग्लुबा हिन्सम
किलो सोम ग्लुवारी खम्ला। तर छ्युगुला
दोङ्गदेन अङ्गुरला दोङ्गदा चा न्होङ्गना थालउ।

७ओच्छे थार्षा पिन्बा ग्यु बोगोसे बितेरमला
लाहा छाप बतजी। थे धुइरी डाइ अर्गु जन्तुसे
“खउ” भिसी पाङ्गवा मराङ्गी। ८जमाहेन्से डाइ
उर ता गिक मराङ्गी। थे ताथोरी करेःबा म्हिला
मिन चा “काल” मुबा। ओच्छे थेला लिच्छा
लिच्छा चा सिबा म्हिगदेला आत्मा चिबा ग्ला
मुबा। थेनीगदेदा लडाइ, अनिकाल, देसानदेन
जम्बुलिङला हिर जन्तुगदेग्याम जम्बुलिङला
भो बितरी भो गिकदा नाश लबा अधिकार पिन्बा
मुबा। y

९थहरङ्ग लसीन थार्षा पिन्बा ग्यु बोगोसे
डारेमला लाहा छाप बतजी। थे धुइरी
डाइ धूप मराबा ग्लाता धिरी परमेश्वरला
बचनदेन परमेश्वरला बाररी थेःना लबासे लमा
स्थान्दोसे साइबा म्हिगदेला आत्मागदे
मराङ्गी। १०ओच्छे थेनीगदेसे घरेन काइरी
किरङ्गवान, “जम्मान भन्दा घरेन ओच्छे
जम्मान भन्दा चोखोदेन सत्य परभु, हराङ्गसे
डन्दा साइबा जम्बुलिङरी मुबा म्हिगदेला
ठीक निसाफ खाइमा लसी थेनीगदेदा सजाय
पिन्ना?” भिसी भिजी। ११थेनीगदे जम्मादान
गोर गिक गिक तार क्वान पिन्जी। ओच्छे
थेनीगदेदा एनीगदेदा हरङ्ग लसी साइतोःबा
यशूदा तेन्बा एनीगदेला जम्मान हरोदेन
ज्योज्यो आले नाना आङ्गगदेदाएनोन
आसाइतेधोना भुरान्गो भिसी भिजी।

१२जमाहेन्से डाइ थार्षा पिन्बा ग्यु बोगोसे
दुरमला लाहा छाप बतबा मराङ्गी। थे धुइरी
घरेन सङ्गुल खजी। ओच्छे धिनी म्लाङ्गे
क्वान हरङ्गवान धोपधोप तजी, लेनी चा का
हरङ्गवान वाला तजी। १३लाबालुङसरसे
अञ्जीरला दोङ य्हाङ्गमा आचिप्या रोगदे
ताइबा हरङ्ग लसी मुला सारगदे जम्बुलिङरी
ताइजी। १४मु चा कागज हरङ्गनोन रिब्वान
म्हासी निजी। ओच्छे गङ्गगदेदेन समुन्दरला
गुडरी मुबा ग्लागदे चा हराङ्ग हराङ्गला
ग्लाग्याम लेःजी। १५जमाहेन्से जम्बुलिङला
ग्लेगदे, शासन लबागदे, सिपाहीला कप्तानगदे,
प्युकपो म्हिगदे, अधिकार मुबा म्हिगदे,

१६:२ जक १:८; ६:३, ६ ५६:४ जक १:८; ६:२ ५६:८ उन्वा १:१८; इज १४:२१

१६:३२ उन्वा ११:३३; १६:१८; यशे १३:३०; योए २:१०, १३; ३:१५; मत्ती २४:२९; मर्कू १३:२४-२५;

लूका २१:२५ १६:३३ यशे ३४:४ १६:३४ उन्वा १६:२०

नोकरगदेदेन अर्गु जम्मान म्हिगदे गड गडला ऊगदेदेन पहरागदरीक्यार लार्जी। ९६थनीगदेसे गडदेन पहरागदेदा चुहरङ्ग मिसी भिजी, “ठिरी धन्छ्याबादेन थार्बा पिन्बा ग्यु बांगोला बाभोग्याम इन्दा छुम्सी जोगब लउ। ९७तिगदा भिसम ठिरी धन्छ्याबादेन थार्बा पिन्बा ग्यु बांगोला निसाफ लसी घरेन सजाय पिन्बा धिन खसी जिन्बा मुला। थ धिनना दुख खात्से नाखम्ला ?” c

लाख गिकसे बांगल न्हीसे हजार ब्रिदा छाप लबा

१जमाहेन्से डाइ गोर ब्रि स्वर्गदूतगदेदा ७ जम्बुलिडरी, समुन्दररी ओच्छे सजिवे दोडरी लाबा थारुगे मिसी जम्बुलिडलापट्टि ब्रिग्यामसेन सबा लाबादा रोकब लवान जम्बुलिडला कुनी ब्रिरी राप्सी चिबा मराङ्गी। १२ओच्छे डाइ छोन्बो परमेश्वरला छाप पुइसी स्यारग्याम स्थान्दो स्वर्गदूत गिक खवान लबा मराङ्गी। थेस जम्बुलिडदेन समुन्दरदा न्हीडना लबारी परमेश्वरग्याम अधिकार याड्बा थ गोर ब्रि स्वर्गदूतगदेदा घरेन काइरी चुहरङ्ग मिसी भिजी, ३“इन्से य्हाडला परमेश्वरला गे लबा म्हिगदेला डरी छाप आलतेधाना जम्बुलिडदेन समुन्दर ओच्छे दोडगदेदा न्हीडना थालउ।” ४ओच्छे डाइ परमेश्वरला छाप लबा म्हिगदे गाते मुला मिसी पाङ्बा थःजी। जमा इस्राएलला जम्मान वंशग्याम लसी लाख गिकसे बांगल न्हीसे हजार ब्रि मुबा।

५ यहूदाला वंशग्याम च्युक न्ही हजारदा,
रूबेनना वंशग्याम च्युक न्ही हजारदा,
गादला वंशग्याम च्युक न्ही हजारदा,
६ आशर वंशग्याम च्युक न्ही हजारदा,
नप्तालीला वंशग्याम च्युक न्ही हजारदा,
मनश्शेला वंशग्याम च्युक न्ही हजारदा,
७ शिमियोनला वंशग्याम च्युक न्ही हजारदा,
लेवीला वंशग्याम च्युक न्ही हजारदा,
इस्साखारला वंशग्याम च्युक न्ही हजारदा,
८ जबूलूनना वंशग्याम च्युक न्ही हजारदा,
योसेफला वंशग्याम च्युक न्ही हजारदा
बन्यामीनला वंशग्याम च्युक न्ही हजार

म्हिदा छाप लजी।

तार क्वान क्वान्बागदेला हुल

१जमाहेन्से डाइ खाले म्हिसे झ्यासीन झ्याबारी आखम्बा म्हिला हुल गिक मराङ्गी। थनीगदे जम्मान य्हुत्सादेन वंश ओच्छे य्हुलदेन ग्योइ पाङ्बा म्हिगदे मुबा। थनीगदे तार क्वान क्वान्सी यारी खजूरला हांगा थोसी मुल ठिदेन थार्बा पिन्बा ग्यु बांगोला डाच्छापट्टि राप्सी चिबा मुबा। १०थनीगदेसे घरेन काइरी चुहरङ्ग मिसी भिजी,

“ठिरी धन्छ्याबा य्हाडला परमेश्वरदेन ग्यु बांगोग्यामसेन य्हाडसे थार्बा याडला।”

११ओच्छे ठि, गन्बागदेदेन थ गोर ब्रि छोन्बो जन्तुला क्युर्नान जम्मान स्वर्गदूतगदे राप्जी, ओच्छे ठिला डाच्छापट्टि स्तुप तसी परमेश्वरला जयजयकार लजी।

१२ “आमन! य्हाडला परमेश्वरदा सदन सदन जयजयकारदेन य्हाल य्हाल, बुदधि, धन्यवाद, मान

ओच्छे शक्तिदेन भड तगे। आमन!”

१३ गन्बागदे न्हेडला गिकसे डादा “तार क्वान क्वान्बा म्हिगदे खाल हिन्ना, ओच्छे थनीगदे खानडग्याम सबा हिन्ना ?” मिसी ड्योइजी।

१४ डाइ थदा “गुरु, थे मी हराडदान था मुला” मिसी भिमा थेस डादा चुहरङ्ग मिसी पाङ्गी, “थनीगदे चा ल्हानान दुख नासी सबा म्हिगदे हिन्ना। थनीगदेसे हराड हराडला क्वान थार्बा पिन्बा ग्यु बांगोला कासे खरुसी तार तना लबा मुला। १५थतबासलमा थनीगदे परमेश्वरला ठिला डाच्छापट्टि मुला, ओच्छे थनीगदेसे धिन म्हुननान परमेश्वरला मन्दिररी थदा तेन्मुला। ठिरी धन्छ्याबास चा थनीगदेला गुडरी धन्छ्यासी थनीगदेदा जोगब लला। १६दाहेन्से थनीगदेदा फो खरुन्बै आत, क्युइ फुइबाएनोन आत। ओच्छे थनीगदेदा धिनीला रापदेन अर्गु सजिवे स्हला रापसे आकरो। १७ तिगदा भिसम ठिला गुडरी धन्छ्याबा थार्बा पिन्बा ग्यु बांगो थनीगदेला गोठालो दोला। ओच्छे थसेन थनीगदेदा जुकजुकधोनाला जुनी पिन्बा क्युइला मुलरी भोला। ओच्छे

०६ :१५ यशै २ :१९, २१ ०६ :१६ होशै १० :८ ; लूका २३ :३० ०६ :१७ योए २ :११ ; मला ३ :२

१७ :१ यर्मि ४९ :३६ ; जक ६ :५ १७ :३ इज ९ :४-६

१७ :१४ दानि १२ :१ ; मत्ती २४ :२१ ; मर्कु १३ :१९ १७ :१६ यशै ४९ :१०

परमेश्वरसेन थनीगदला जम्मान मीस्त्री
प्यासी पिन्ना ।” j

निसरेमला लाहा छापदेन म्हरला पोइमो ताड

१थाबां पिन्वा ग्यु बागोस निसरेमला
लाहा छाप ब्रतमा स्वर्गरी ओस्पन घण्टा
गडसलधोना सुनसान तर्जी । २जमाहेन्स डाइ
परमेश्वरला डाच्छा राप्ती चिबा गोर निस
स्वर्गदूतगददा मराड्जी । ओच्छे थनीगददा
गोर निस बिगुल पिन्जी । ३ओच्छे स्प्हान्दो
स्वर्गदूत गिक म्हरला पोइमो ताड थोसी
धूप मराबा ग्लाला डामरी राप्ती । ठिला
डाच्छापट्टि मुबा म्हरला धूप मराबा ग्लारी
परमेश्वरला म्हिगदला परार्थनादेन छयामनोन
फुल्बाला लागिरी थेदा ल्हानान धूप पिन्जी ।
४स्वर्गदूतला याग्याम ज्यबा बास्ना
खबा धूपला म्युगु परमेश्वरला म्हिगदला
परार्थनादेन छयामनोन परमेश्वरला डाच्छा
तोर निजी । ५जमाहेन्स थे स्वर्गदूतसे पोइमो
ताड थोसी धूप मराबा ग्लाला म पोइमो
ताडरी युसी जम्बुलिडरी भ्याड्जी । ओच्छे
गडङ्गुडुड मु टेडसी तिप्तीड खसी सडगुल
निजी ।।

बिगुलगदे

६जमाहेन्स थे बिगुल थोबा गोर निसनोन
स्वर्गदूतगदे बिगुल हराप्पारी ठीक तर्जी ।

७जमाहेन्स जम्मान भन्दा डाच्छापट्टि
मुबा स्वर्गदूत गिकसे हराडला बिगुल हराप्पारी ।
थेनोन धुइरी का दोडबा सर्बादेन मे जम्बुलिडरी
ल्हानान ताइजी । थेतबासेलमा जम्बुलिडला भो
सोमरी भो गिक दोडगदला भो सोमरी भो गिक
ओच्छे जम्मान छेगदेणोन करोजी ।

८न्होरमला स्वर्गदूतसे हराडला बिगुल
हराप्रा धुइरी मे लुडबा घरेन गड हरडबा स्ह
गिक समुन्दररी भ्याड्जी । ओच्छे समुन्दरला
क्युइ भो सोमरी भो गिक का दोजी । ९ओच्छे
समुन्दररी मुबा जम्मान जन्तुगदे भो सोमरी भो
गिक सिजी । थेहरड लसीन पानी जहाजगदेणोन
भो सोमरी भो गिक नाश तर्जी ।

१०थेहरड लसीन सोमरेमला स्वर्गदूतसे
हराडला बिगुल हराप्पारी । थेनोन धुइरी लुडबा
मला ल्हाम हरडबान घरेन सार गिक मुग्याम
भो सोम स्योडगदला भो गिकरीदेन क्युइला
मुहानगदरी ताइजी । ११थे सारला मिन “कम्बा”
मुबा । थे सारसे भो सोम क्युइरी भो गिक कम्ना
लर्जी । थे कम्बा क्युइ थुडबा ल्हानान म्हिगद
सिजी ।

१२दोःसी ब्तिरेमला स्वर्गदूतसे हराडला
बिगुल हराप्पारी । थेनोन धुइरी धिनी, लनीदेन
सारगदला भो सोमला भो गिकरी तिगै स्हसे
तोर्जी । जमाहेन्स थनीगदला भो सोमरी भो गिक
धोप तर्जी । चुहरड लसी धिनदेन म्हनएनोन भो
सोमरी भो गिक धोपधोप तर्जी ।

१३डाइ च्याबान लमा मुरी ग्वाइ गिक
प्याडबान लबा मराड्जी । थे ग्वाइसे
किरडबान चुहरड भिसी भिजी, “दुखन दुख,
जम्बुलिडरी मुबा म्हिगददा ल्हानान दुख
तला । तिगदा भिसम दाहेन्स बिगुल हराप्पारी
बाँकी मुबा अर्गु गोर सोम स्वर्गदूतसे बिगुल
हराप्रा धुइ तसी जिन्वा मुला ।”

१४दोःसी डारमला स्वर्गदूतसे हराडला
बिगुल हराप्प्रा धुइरी डाइ मुग्याम
जम्बुलिडरी सार गिक ताइबान लबा मराड्जी ।
थे सारदा ल्हानान नुप्वा व्हाडला ११मरापला
साँचो पिन्जी । २थे सारसे ल्हानान नुप्वा
व्हाडला मराप ठोडमा थग्याम मला घरेन
साराङ्ग्याम थोन्वा हरडबान म्युगु थोन्जी ।
थे म्युगुसे लमा धिनीदेन मु धोप तना लर्जी ।
३जमाहेन्स थे म्युगु न्हङ्ग्याम त्रिरीगद
थोन्सी जम्बुलिडरी खर्जी । थे त्रिरीगददा
बिच्छीगदसे जिबा हरडबान जिबा शक्ति
पिन्जी । ४जम्बुलिडला छे स्याउलादेन
दोडगददा तिगै न्होडना थालउ । तर डारी
परमेश्वरला छाप आरवागददा जे दुख पिन्ना
भिसी थे त्रिरीगददा कुल्बा मुबा । ५थनीगददा
साइनोन चा थासाइगा, तर ला डाधोना दुख
पिन्ना भिसी थे त्रिरीगददा अधिकार पिन्जी ।
थे त्रिरीगदसे पिन्वा दुख चा म्हिदा बिच्छीसे
जीमा स्ह खबा हरडबान स्ह समुबा । ६थे

११९:१ चुपदरी “ल्हानान नुप्वा व्हाड” भिबा चा म्हड म्हड चिबा ग्ला हिन्ना (लूका ८:३१; रोमी १०:१७;
उन्वा १:२, ११; ११:१७; १७:८; २०:१, ३) ।

१७:१७ भजन २३:१; इज ३४:२३; भजन २३:२; यशै ४९:१०; २५:८ १८:३ आमो ९:१; परस्था
३०:१, ३ १८:५ लेवी १६:१२; इज १०:२; परस्था १९:१६; उन्वा ११:१९; १६:१८

१८:१० यशै १४:१२ १९:२ उत्प १९:२८ ०९:३ परस्था १०:१२-१५ १९:४ इज ९:४

धुइरी म्हिगदे सिबारी म्हाइला, तर थेनीगदे सिआम्याड। थेनीगदेसे सिबारी म्हाइला, तर काल चा थेनीगदग्याम यार्ला। १

७थे तिरीगदे लडाइ लबाला लागिरी निबारी ठीक तबा तागदे हरडबान मराडमुबा। थेनीगदला थाबारी म्हरला मुकुट हरडबा स्हे मुबा। ओच्छे थेनीगदला ली चा म्हिला ली हरडबान मुबा। ८थेनेगीगदला करा मिरडम्हमला करा हरडबान हरडबा मुबा, ओच्छे स्वा चा च्यान्ना स्वा हरडबान मुबा। ९थेनीगदला कुरी फाइला ढाल क्वान्वा मुबा। ओच्छे थेनीगदे फ्याडमा भ्यापग्याम लडाइरी ल्हानान रथदेन तागदे छुयोडमा सबा हरडबान आवाज समुबा। १०थेनीगदला मेःरी चा बिच्छीला हरडबान दुम मुबा। थेनीगदला मेःरी म्हिगदेदा ला डाधोना दुस पिन्वा शक्ति मुबा। ११थेनीगदेदा शासन लबा ग्ले चा ल्हानान नुषा व्हाडला दूत मुबा। थे दूतला मिन हिबरू ग्योइरी एबाडडोन मुबा ओच्छे ग्रीक ग्योइरी अपोलितयोन मुबा। *

१२दुस गिक निसी जिन्जी। तर च्यागो, दोःसी अन्न दुस न्ही खबारी बाँकी मुला।

१३दुरमला स्वर्गदूतसे हराडला बिगुल हराप्मा डाइ परमेश्वरला डाच्छा मुबा म्हरला धूप मराबा ग्लाला कुनी ब्रिग्याम चुहरड् मिबा काइ थेःजी। १४थे बिगुल हराप्मा दुरमला स्वर्गदूतदा चुहरड् मिबा डाइ थेःजी, “यूफरटिस मिबा घरेन स्याडरी खीसी थान्वा स्वर्गदूत ब्रिगदा ब्रिसी पिन्गो।” १५ चुनोन धुइ, चुनोन धिनकुनु, चुनोन ला, चुनोन दिडला लागिरी ठीक लसी थान्वा थे स्वर्गदूत ब्रिगदा जम्बुलिडरी मुबा म्हिगदला भो सामरी भो गिकदा साइबाला लागिरी पुइबा हिन्ना। १६थेरी ताथारी करःबा सिपाहीगदे गाते मुला मिबा तामएनोन डादा पाड्जी। थेरी ताथारी करःसी सबा सिपाहीगदे बोगल गिक करोड मुबा।

१७डाइ मराडबा तादेन ताथारी करःबा सिपाहीगदे चुहरड्बा मुबा, थेनीगदला कुरी क्वान्वा ढालगदे चा मे हरडबान वाला ओच्छे पिडगेदेन गन्धक हरडबान उर मुबा। थे तागदला थाबो च्यान्ना हरडबान मुबा।

थेनीगदला सुडग्याम मे, म्युगुदेन गन्धक थोन्मुबा। १८थेनीगदला सुडग्याम थोन्वा मे, म्युगुदेन गन्धकला आपत विपत सोमग्याम जम्बुलिडरी मुबा भो सोम न्हडला भो गिक म्हिगदे साइजी। १९तिगदा भिसम थे तागदला सुडदेन मेःरी शक्ति मुबा। थेनीगदला मेः चा बिस् मुबा पुखरीला थाबा हरडबान मुबा। ओच्छे थेनीगदेसे म्हिगदेदा मेःदेन थाबास पार तना लमुबा।

२०तर चुहरड्बा आपत विपतग्याम आसिना जोगब तबा म्हिगदेसे हराड हराडसे लबा आज्यबा गे ख्लासी परमेश्वरपट्टि आदोःनी। ओच्छे थेनीगदेसे म्हड म्हुडदेन मराड्आसम्बा, थेःआसम्बा, भरआसम्बा म्हर, म्हुइ, काँस, युडबादेन सिडग्याम स्होबा मूर्तिगदेदा तेन्वा आख्तानी। २१थेहरड लसीन थेनीगदेसे म्हि साइबा, टुनामुना लबा, स्थान्दोदेन छ्याम बरल्सी भरबादेन य्हो लबा हरडबा आज्यबा गेगदे ख्लासी परमेश्वरपट्टि आदोःनी।

रिल्सी थान्वा जजाबा

किताबला मुठा थाबा स्वर्गदूत

१जमाहन्से डाइ स्थान्दो शक्तिशाली १० स्वर्गदूत गिक स्वर्गग्याम फाप्वान लबा मराड्जी। थेसे ससुला क्वान क्वान्वा मुबा, ओच्छे थला थाबारी लरक्युड मुबा। थला ली धिनी हरडबान मुबा, ओच्छे काड चा मला ल्हाम हरडबान मुबा। २ओच्छे थला यारी ब्रिसी थान्वा जजाबा किताब मुबा। थेसे हराडला दाहिने काड समुन्दरी ओच्छे देबर काड सरी थान्सी राप्जी। ३थे स्वर्गदूत च्यान ड्हाबा हरड लसी घरेन काइरी किरड्जी। ओच्छे थेसे चुहरड् लसी किरड्मा गोर निस मु गुडुडबासे पाड्जी। ४थे थेःमेछ्याम डाइ भिरबारी छ्याइमुबा। तर स्वर्गग्याम “गोर निस मु गुडुडबासे पाड्बा ताम थाभिरउ, तर चु ताम एला समरी थान्गो” मिबा डाइ थेःजी।

५ओच्छे हराडला काड समुन्दरेदेन सरी थान्सी राप्बा थे शक्तिशाली स्वर्गदूतसे हराडला दाहिने या स्वर्गपट्टि थीजी।

*१ :११ चु मिनना अर्थ चा नाश लबा म्हि हिन्ना।

१९ :६ अय्यूब ३:२१ ; यर्मि ८:३ १९ :७ योए २:४ १९ :५ योए १:६ १९ :९ योए २:५

१९ :३३ प्रस्था ३०:३-३ १९ :२० मजन ११५:४-७; १३५:३५-१७; दानि ५:२३

७६ ओच्छे स्वर्ग, जम्बुलिङ्गदेन समुन्दर स्होबा ओच्छे थरी मुबा जम्मान स्हगदे स्होबा सदन सोसी चिबा परमेश्वरला मिनरी घरान फावान थे स्वर्गदूतसे चुहरङ्ग भिसी भिजी, “दाहेन्से आघइ, ७तर निसरमला स्वर्गदूतसे हराङ्गला विगुल हराण्वारी छ्याइबा धुइरी परमेश्वरसे हराङ्गला गे लबा अगमवक्तागदेदा सुङ्गबा म्हिसे था आयाङ्गबा ताम पूरा तला।”

८ जमाहेन्से डाइ थे:बा स्वर्गग्याम खबा थे काइसे दो:सी डादा चुहरङ्ग भिसी भिजी, “निउ! समुन्दररीदेन सरी काङ्ग थान्सी राण्वा थे स्वर्गदूतला यारी मुबा व्तसी थान्वा थे किताब किन्ना।” x

९ ओच्छे डाइ थे स्वर्गदूत मुबा ग्लारी निसी थे रिस्सी थान्वा किताबला मुठा हरीजी। जमाहेन्से थेसे डादा “ना, चु चउ! एला सुङ्गरी सुदु हरङ्गनोन केकेला। तर चु ग्लोङ्गमाहेन्से एला फो न्होङ्गना तला” भिसी भिजी। १० थे स्वर्गदूतला याग्याम डाइ थे रिस्सी थान्वा किताबला मुठा किन्सी चजी। थे चमा डाला सुङ्गरी सुदु हरङ्गनोन केकेजी, तर चसी जिन्माहेन्से कम्सी डाला फो न्होङ्गजी। ११ जमाहेन्से थेसे डादा “एसे ल्हानान म्हिगदे, ल्हानान य्हुल, ल्हानान य्हुल्सा, ल्हानान ग्याइदेन ल्हानान ग्लगदेला बाररी परमेश्वरसे उन्वा ताम दो:सी पाङ्गतो:ला” भिसी पाङ्गजी।

परमेश्वरला गे मराङ्गबा न्ही

११ जमाहेन्से डादा दण्वा स्हे हरङ्गबान ११ माला कडी गिक पिन्जी। ओच्छे थेसे डादा चुहरङ्ग भिसी भिजी, “रे:सी परमेश्वरला मन्दिरदेन थरी धूप मराबा ग्ला दण्पो। ओच्छे थरी पूजा लबा म्हि गाते चीम झ्यागो। १२ तर परमेश्वरला मन्दिरला खराङ्गगा चा थादण्पो। तिग्दा भिसम थे ग्ला चा अर्गु य्हुलला म्हिगदेदा पिन्वा मुला। थेनीगदेसे बागल न्हीसे ला न्हीधोना परमेश्वरला शहररी रजाइँ लला। २ ओच्छे डाला गे स्थान्दो म्हिदा उन्वा म्हि न्हीदा हजार गिकसे ग्याज्जा न्हीसे बागल सोम धिनधोना बोराला क्वान क्वान्सी परमेश्वरला ताम पाङ्गबा अधिकार पिन्वा।”

४ डाला गे स्थान्दो म्हिदा उन्वा न्ही चा जम्बुलिङ्ग नाङ्गनोन शासन लबा परमुला डाच्छेपटटि मुबा जैतूनना दोङ्ग न्हीदेन नाङ्गसल थान्वा ग्ला न्ही हिन्ना। ५ चुदे खाले शतरुसे थेनीगदेदा न्होङ्गना लबारी म्हाइजी भिसम थेनीगदेला सुङ्ग्याम थान्वा मसे थेनीगदेला शतरुदा नाश लला। थेतबासेलमा चुदे खाले म्हिसे थेनीगदेदा न्होङ्गना लबारी म्हाइजी भिसम थेनीगदेदा एनोन थेहरङ्ग लसीन साइला। ६ थेनीगदेसे परमेश्वरसे उन्वा ताम पाङ्गबा धुइधोना नाम थाखगे भिसी मु दुङ्गबादेन क्युइदा काधोना लबा शक्ति थेनीगदेदेन छ्याम मुला। ओच्छे थेनीगदेसे म्हन्वा धुइरी जम्बुलिङ्गरी थरी थरीला आपत विपत तना लबा शक्ति एनोन थेनीगदेदेन छ्याम मुला। a

७ थेनीगदेसे परमेश्वरसे उन्वा ताम पाङ्गसी जिन्माहेन्से ल्हानान नुण्वा व्हाङ्ग्याम थोन्सी खबा लोङ्गबा खबा जन्तुसे थेनीगदेदेन छ्याम लडाइ लसी थेनीगदेदा भरेना लसी साइला। ८ थेनीगदेला लास थेनीगदेला परमुदा करुसरी टांगब लसी साइबा ग्लाला धरेन शहरला ग्यामरीन थान्ना। थे शहर चा सदोमदेन मिशर य्हुल्सा हरङ्गबान हिन्ना। ९ जम्मान य्हुल्साला म्हिगदे, जम्मान वंशला म्हिगदे, जम्मान ग्याइ पाङ्गबा म्हिगदेदेन जम्मान य्हुलला म्हिगदेसे थेनीगदेला लास सोमरसे धिन गङ्गसालधोना च्याला। ओच्छे थेनीगदेला लास ल्हुआपुङ्ग। १० चु न्हीदा साइबा मराङ्गसी जम्बुलिङ्गला म्हिगदे ताङ्गसी हराङ्ग हराङ्ग न्हङ्गरी गिकसेम गिकदा उपहार पिन्वा किन्वा लला। तिग्दा भिसम चु अगमवक्ता न्हीसे जम्बुलिङ्गला म्हिगदेदा ल्हानान दुस पिन्वा मुबा।

११ तर सोमरसे धिन गङ्गसल तमाहेन्से जुनी पिन्वा सा परमेश्वरग्याम खसी थेनीगदे न्हङ्गरी वाङ्गजी। ओच्छे थेनीगदे सिबाग्याम सोसी डाङ्ग रे:जी, थे मराङ्गसी म्हिगदे ल्हानान लोङ्गजी। १२ जमाहेन्से थे अगमवक्ता न्हीसे स्वर्गग्याम “तोर खउ” भिबा धरेन काइ थे:जी। जमाहेन्से थेनीगदेला शतरुदेसे च्यान च्यानान थेन्नी खसु न्हङ्ग्याम तबान स्वर्गरी निजी। c

७१० :२ परस्था २० :११ ; व्यव ३२ :४० ; दानि १२ :७ ; आमो ३ :७ ११० :८ इज २ :८-३ :३

१११ :१ इज ४० :३ ; जक २ :१-२ १११ :२ लूका २१ :२४ १११ :६ १ राजा १७ :१ ; परस्था ७ :१७-१९ ;

१ शमू ४ :८ ७११ :७ दानि ७ :७, २१ ; उन्वा १३ :२-७ ; १७ :८ ७११ :८ यशे १ :९-१०

७११ :११ इज ३७ :१० ७११ :१२ २ राजा २ :११

१३ थनोन धुइरी घरेन सङ्गुल खसी शहरला भो च्युइला भो गिक दिमगदे नाश लजी। थं सङ्गुल खमा हजार निस म्हिगदे सिजी। ओच्छे आसिबा म्हिगदेस चा ल्हानान लोडसी स्वर्गरी धन्च्छयाबा परमेश्वरदा मानदेन जयजयकार लजी।†

१४ न्हीरमला आपत विपत निसी जिन्जी। तर च्यागो, सोमरमला आपत विपत योनान खला।

निसरमला विगुल

१५ ओच्छे निसरमला स्वर्गदूतसे हराडला विगुल हराप्जी। थंसे हराडला विगुल हराप्मा स्वर्गरी घरेन घरेन काइगदेरी चुहरङ्क भिसी भिबान मुबा,

“दाहेन्स जम्बुलिङ्कथोरी शासन लबा अधिकार य्हाडला परमेश्वरदेन थंसे धम्बा थार्बा पिन्वा खरीष्टलान हिन्ना।

थंसे सदनना लागिरी शासन लला।” ‡

१६ जमाहेन्से परमेश्वरला डाच्छा हराड हराडला ठिरी चिबा थं बोगल गिकसे गोर बिल गन्बागदेसे परमेश्वरदा फ्या लसी जयजयकार लजी। १७ ओच्छे थनीगदेसे चुहरङ्क भिसी भिजी, “जम्मान मन्दा घरेन परमपरभु परमेश्वर, हराड डाच्छाएनोन मुबा ओच्छे दान्देनोन मुला। हराडदा डन्ना ल्हानान धन्यवाद मुला। तिग्दा भिसम हराडसे हराडला घरेन अधिकार किन्सी

शासन लबारी छ्याइबा मुला।

१८ य्हुल य्हुलला म्हिगदेदा ल्हानान बोमो खबा मुबा,

तर दाहेन्स हराडदाएनोन बोमो खबा धुइ तबा मुला।

दाहेन्स सिबागदेला निसाफ लबा धुइएनोन तबा मुला,

ओच्छे हराडसे हराडला गे लबा अगमवक्तागदेदेन हराडला म्हिगदे,

ओच्छे हराडदा मान लबा जजा घरेन जम्मान म्हिगदेदा

इनाम पिन्वा धुइएनोन तबा मुला,

ओच्छे जम्बुलिङ्क नाश लबागदेदा नाश लबा धुइएनोन तबा मुला।” †

१९ जमाहेन्से स्वर्गरी मुबा परमेश्वरला मन्दिर ठोङ्गी। ओच्छे परमेश्वरसे लबा कबुल थान्बा सन्दोस मराङ्गी। जमाहेन्से तिप्तीङ्क खसी गडङ्गुङ्क भिसी मु ठेडबा थःजी। ओच्छे सङ्गुल निसी घरेन घरेन सर्बा ताइजी।†

यूहन्नासे मराडबा मिरडम्हेमेदेन अजिङ्गर

१ जमाहेन्से डाइ स्वर्गरी उदेकला चिनु १२ गिक मराङ्गी। ओच्छे डाइ धिनी क्वान्बादेन काङ्क धिरी लनी मुबा च्युक न्ही सारला मुकुट कूबा मिरडम्हेमे गिक मराङ्गी। २ थं मिरडम्हेमे जिउ न्हीला मुबा, ओच्छे बेथा याडबासे लमा थं किरडबान मुबा।

३ ओच्छे डाइ दोःसी स्वर्गरी उदेकला चिनु गिक मराङ्गी। च्यागो, गोर निस थोबोदेन गोर च्युइ रु मुबा वाला घरेन अजिङ्गर गिक मराङ्गी। थंसे गोर निस मुकुट कूबा मुबा।

४ थं अजिङ्गरला मेःसे मुला सारगदे भो सोम न्हडरी भो गिक सारदा पाप लसी जम्बुलिङ्करी भ्याङ्गी। ओच्छे कोला न्हमैछ्याम चतोःला भिसी थं अजिङ्गर कोला न्हबारी छ्याइबा थं मिरडम्हेमेला डामरी राप्सी चिजी। ५ थं मिरडम्हेमेसे जम्बुलिङ्कला जम्मान य्हुलला म्हिगदेदा फाइला कडीसे शासन लबा झा गिक न्हजी। थं कोलादा परमेश्वर मुबा ग्लारी थोसी भासी परमेश्वरला ठिरी थान्जी। ६ जमाहेन्से थं मिरडम्हेमे तोडताडबा ग्लारी यार्जी। थला लागिरी हजार गिकसे ग्यार्जा न्हीसे बोगल सोम धिनधानाला लागिरी चबा थुडबा लगै भिसी परमेश्वरसे थंदा ग्ला गिक ठीक लसी थान्बा मुबा।

७ ओच्छे स्वर्गरी लडाइ तजी। मिसाएलदेन थंथला दूतगदेसे थं अजिङ्गरदेन थंला दूतगदेदेन छ्याम लडाइ लजी। थंहरङ्क लसीन अजिङ्गरदेन थंला दूतगदेसेनोन लडाइ लजी। ८ तर अजिङ्गरदेन थंला दूतगदे भरेजी। जमाहेन्से थनीगदेदा चिबाला लागिरी स्वर्गरी

†११:१८ “य्हुल य्हुलला म्हिगदे” भिबा चा अर्गु य्हुलला म्हिगदे हिन्ना।

‡२:१७ “मिसाएल” भिबा चा घरेन स्वर्गदूत हिन्ना, थं चा स्प्हान्दो स्वर्गदूतगदेला कप्तान हिन्ना।

†११:१३ उन्वा ६:१२; १६:१८ १११:१५ परस्था १५:१८; दानि २:४४; ७:१४, २७

†११:१८ भजन २:५; ११०:५; ११५:१३ १११:१९ उन्वा ८:५; १६:१८-२१ १२:३ दानि ७:१७

†१२:४ दानि ८:१० १२:५ यशै ६६:७; भजन २:९ ११२:१७ दानि १०:१३, २१; १२:१; यहू ९

गला आतनी। १थे अजिङगर चा दडबोला पुखरी हिन्ना। थला मिन शैतान हिन्ना, थदा म्हडला ग्लेएनोन भिसुला। थसं जम्बुलिङला जम्मान म्हिगदंदा न्होङना लबा मुबा। थंदेन थला दूतगददान स्वर्गग्याम जम्बुलिङरी म्याङ्गी। १०जमाहेन्स डाइ स्वर्गरी घरेन काइसे चुहरङ् मिबा थःजी,

“दाहेन्स य्हाङला परमेश्वरग्याम य्हाङसे याङ्बा थाबांदेन शक्ति

ओच्छे परमेश्वरला य्हुत्सादेन थसे धम्बा थाबां पिन्वा खरीष्टला अधिकार उन्वा मुला।

तिगदा भिसम य्हाङला ज्योज्यो आले नाना आडागदंदा

धिन म्हनोनोन परमेश्वरला डाच्छापट्टि दोष उन्वा

शैतानदा स्वर्गग्याम म्याङ्बा मुला। ०

११थाबां पिन्वा ग्यु बोगोला कादेन थेनीगदसे पाङ्बा सत्य बचन तबासे लमा

थेनीगदसे थदा दाबा मुला।

ओच्छे हराङला ज्यानोनोन पिन्वारी थेनीगद तयार तबा मुबा।

१२थेतबासलमा एनीगद स्वर्गदेन स्वर्गरी मुबागद जम्मान ताङ्गो!

तर जम्बुलिङदेन समुन्दररी मुबागदंदा गाते दुख तला!

तिगदा भिसम शैतानसे हराङ ल्हाना आसो मिबा ताम था याङ्सी

थे ल्हानान बोमो खसी एनीगद मुबा ग्लारी सबा मुला।”

१३थे अजिङगरसे हराङ्दा जम्बुलिङरी म्याङ्गी मिबा ताम था याङ्सी थे झा न्हवा मिरडम्हेमदा ताप्वारी छ्याइजी।

१४तर थे मिरडम्हेमदा तोङ्तोङ्बा ग्लारी फ्याङ्सी निबाला लागिरी घरेन ग्वाइला म्याप पिन्जी। थे तोङ्तोङ्बा ग्ला चा थे मिरडम्हेमदा अजिङगरग्याम सोम दिङसे ला दुधोना ॥जोगब तसी चिबाला लागिरीदेन चबा थुङ्बा लबाला लागिरी ठीक लसी थान्वा मुबा।

१५थे मिरडम्हेमदा भाल बादीसे भोगे भिसी थे अजिङगरसे सुङ्ग्याम स्योङ् हूरङ लसी क्युइ पुङ्गी। १६तर जम्बुलिङसे हराङला

सुङ्ग आँ लसी थे अजिङगरला सुङ्ग्याम थान्वा स्योङ् ग्लोङ्सी थे मिरडम्हेमदा जोगब लजी। १७जमाहेन्स थे अजिङगर थे मिरडम्हेमदेन छ्याम झन ल्हानान बोमो खजी। ओच्छे परमेश्वरसे कुल्वा ताम इयान्बादेन येशूसे लोप्वा तामथारी विश्वास लबा थे मिरडम्हेमला अर्गु सन्तानगददेन छ्याम लडाइ लबारी भरजी। १८ओच्छे थे अजिङगर समुन्दरला कुनीरी निसी राप्जी।

समुन्दरग्याम थोन्सी सबा जन्तु

१जमाहेन्स डाइ लोङ्बा सबा जन्तु गिक १३ समुन्दरग्याम थोन्सी सबा मराङ्गी। थे जन्तुला गोर च्युइ रुदेन गोर निस थोबा मुबा,

ओच्छे थला जम्मान रुरी गोर गिक गिक मुकुट मुबा। थेहरङ लसीन थला जम्मान थोबारी परमेश्वरदा विरोध लबा आज्यबा मिन भिरबा मुबा। २थे लोङ्बा सबा जन्तु चितुवा हरङ्बान मुबा। तर थला काङ तहुमला हरङ्बान मुबा ओच्छे सुङ्ग चा च्यान्ना हरङ्बान मुबा। थे अजिङगरसे हराङला शक्तिदेन हराङला ठि ओच्छे घरेन अधिकार थे जन्तुदा पिन्जी। ३थे लोङ्बा सबा जन्तुला थोबोगद न्हङला थोबो गिकरी चा घरेन पोर तबा हरङ्बान मराङ्मुबा, थे पोरसे लमा थे सिबारी छ्याइबा मुबा, तर थे पोर खम्जी। जमाहेन्स जम्बुलिङला जम्मान म्हिगद उदक तसी थे जन्तुला लिच्छा लिच्छा भरजी। ४थे अजिङगरसे हराङला अधिकार थे लोङ्बा सबा जन्तुदा पिन्वा मराङ्सी म्हिगदसे थे अजिङगरदा तेन्जी। ओच्छे म्हिगदसे “चु जन्तु हरङ्बा अर्गु खाल मुला? चुदेन छ्याम खाल छेबारी खम्ता?” मिबान थे जन्तुदाएनोन तेन्जी।

५थे लोङ्बा सबा जन्तुदा परमेश्वरला विरोध लबा ताम पाङ्पुङ्गी। ओच्छे थदा तिग लइ म्हन्वा थेनोन लबारी बोगल न्हीसे ला न्हीधोना अधिकार पिन्जी। ६थे लोङ्बा सबा जन्तुसे परमेश्वरला विरोधरी ताम पाङ्गी। परमेश्वरला मिनदेन थे धन्छ्याबा ग्ला ओच्छे स्वर्गरी परमेश्वरदेन छ्याम चिबागदला विरोध लजी। ७थे लोङ्बा सबा जन्तुदा परमेश्वरला

११२:१४ गरीक बाइबल अन्धार सोम दिङसे ला दुधोना मिबा चा धुइ, धुइगददेन धुइ गडसल भिसी मिबा मुला।

११२:९ उत्प ३:३ ; लूका १०:३८

११२:१० अय्यूब १:९-११ ; जक ३:१

११२:१४ दानि ७:२५ ; १२:७

११२:२ दानि ७:४-६

११३:५ दानि ७:८, २५ ; ११:३६

म्ह्गददेन लडाइ लसी ढावारी खम्बा शक्ति पिन्वा मुबा। ओच्छे जम्मान वंशदेन म्ह्गद ओच्छे थरी थरीला ग्याइगददेन यह्गलगदथोरी शासन लबा अधिकार पिन्वा मुबा। ३० जम्बुलिङ्ग स्होबा भन्दा डाच्छान जुकजुकधोनाला जुनीला कितावरी मिन आरबा जम्बुलिङ्गला जम्मान म्ह्गददेस थ लोङ्गबा खबा जन्तुदा तेन्ना। थ किताव चा साइबा थार्वी पिन्वा ग्यु बोगोला मुबा।।

१ जुन म्ह्गदा ड्यान्वा सम मुला,
थेस ड्यान्सी ज्यना लसी घोउ।

१० खालै म्ह्गदा ड्याल्खानरी झाङ्तोःबा मुसम थदा ड्याल्खानरी झाङ्गनोन झाङ्गला। ओच्छे खालै म्ह्ग तरवारग्याम सितोःबा मुसम थ तरवारग्यामसेन सिला।

थेतबासेलमा परमेश्वरला म्ह्गददेन छ्याम गाते नाखम्बा शक्तिदेन विश्वास ततोःला भिबा ताम चुग्यामसेन था तला। ॥

जम्बुलिङ्ग्याम थोन्वा जन्तु

११ ओच्छे डाइ जम्बुलिङ्ग्याम थोन्सी खबा अर्गु लोङ्गबा खबा जन्तु गिकएनोन मराङ्गी। थ लोङ्गबा खबा जन्तुला ग्युला हरङ्गबान रु न्ही मुबा। तर थेस अजिङ्गरसे हरङ्ग लसी ताम पाङ्गमुबा। १२ चु लोङ्गबा खबा जन्तुसे समुन्दरग्याम थोन्वा थ डाच्छाला लोङ्गबा खबा जन्तुला लागिरी हराङ्गला अधिकारग्याम जम्बुलिङ्गला जम्मान म्ह्गददेा थ घरेन पोर म्हाबा डाच्छाला लोङ्गबा खबा जन्तुदा तेनुङ्गी। १३ जम्बुलिङ्ग्याम थोन्वा थ लोङ्गबा खबा जन्तुसे जम्मान म्ह्गला डाच्छा मुग्याम जम्बुलिङ्गरी मे ताइना लसी घरेन घरेन चिनुगदे उन्गी। १४ थेस थ समुन्दरग्याम थोन्वा लोङ्गबा खबा जन्तुला लागिरी उदकला चिनुगदेग्याम जम्बुलिङ्गला जम्मान म्ह्गददेा फसब लजी। ओच्छे तरवारसे थासी घरेन पोर तसीनोन सोबा थ लोङ्गबा खबा जन्तुदा मान लबाला लागिरी थला मूर्ति गिक स्हाउ भिसी जम्बुलिङ्ग्याम थोन्वा थ लोङ्गबा खबा जन्तुसे जम्मान म्ह्गददेा कुल्जी। १५ थ जम्बुलिङ्ग्याम थोन्वा जन्तुदा थ डाच्छा थोन्वा जन्तुला मूर्तिसे ताम पाङ्गसम्मे ओच्छे

थेला मूर्तिदा आतेन्वा म्ह्गददेा साइगै भिसी थ मूर्तिरी सा युबा अधिकार पिन्जी। १६ ओच्छे थ जम्बुलिङ्ग्याम थोन्वा जन्तुसे जजा मुसे घरेन मुसे, प्युक्पो मुसे पराङ्गो मुसे, नाकर हिन्से नाकर आहिन्से जम्मादान हराङ्ग हराङ्गला दाहिने यारी तसे डारी तसे चिनु लपुङ्गी। १७ थ चिनु आलबा म्ह्गददेस चा तिगे स्हे ग्लुबा चूङ्गबा लआम्प्याङ्गमुबा। थ चिनु चा समुन्दरग्याम थोन्वा जन्तुला मिन अथवा थेला मिनदा घोबा अङ्कहिन्ना।

१८ चु ताम घोबाला लागिरी ज्ञान बुद्धि तोःला, जुन म्ह्गदेन घोखम्बा शक्ति मुला थेस थ समुन्दरग्याम थोन्वा जन्तुला अङ्कला अर्थ घोखम्मे। तिग्दा भिसम थ अङ्क म्ह्ग गिकला मिनग्याम थोन्वा हिन्ना। थ अङ्क चा ६६६ हिन्ना।

थार्वी याङ्गबागदेस गोबा व्हाइ

१९ दोःसी डाइ च्यामा सियोन गडरी थार्वी पिन्वा ग्यु बोगो राप्सी चिबा मुबा। थदेन छ्याम लाख गिकसे बोगल न्हीसे हजार ब्रित म्ह्गददे मुबा। थ म्ह्गददेला डारी थदेन थेला आबाला मिन भिरबा मुबा। २० ओच्छे डाइ स्वर्गग्याम छ्वांगारी क्युइ ताइबा हरङ्गबादेन मु गुङ्गबा हरङ्गबान आवाज थःजी। थ आवाज चा ल्हानान वीणा भिबा बाजा हराम्पा थोन्वा आवाज हरङ्गबान थःमुबा। २१ थ लाख गिकसे बोगल न्हीसे हजार ब्रित म्ह्गददे चा मुल ठिदेन गार ब्रित छोन्वा जन्तु ओच्छे गन्बागदला डाच्छापट्टि राप्सी छार व्हाइ गिक गोजी। चु व्हाइ चा थेनीगदेस जे था याङ्गवारी खम्मुबा। तिग्दा भिसम थेनीगदेा जे सय फासी जम्बुलिङ्ग्याम तेःबा मुबा। २२ थेनीगदे खालै मिरङ्कोलागददेन छ्याम आबरल्वा कन्याकेटा दोसी चिबा मुबा। थेनीगदे थार्वी पिन्वा ग्यु बोगोस कुल्वा अन्छार भरमुबा। जम्बुलिङ्गला म्ह्गददे न्हङ्ग्याम थेनीगदेा जे सय फासी तेःबा मुबा ओच्छे परमेश्वरदेन थार्वी पिन्वा ग्यु बोगोला लागिरी जम्मान भन्दा डाच्छा फुल्वा भेटी थेनीगदेन मुबा। २३ थेनीगदेस लुसीला ताम तिगेनोन लबा आरबा, ओच्छे थेनीगदे तिगे दोष आरबा म्ह्ग मुबा। ॥

१३:१७ दानि ७:२१ १३:८ भजन ६९:२९ १३:१० यर्मि १५:२; ४३:११

१४:१ इज ९:४; उन्वा ७:३ १४:५ सप ३:३३

गोर सोम स्वर्गदूत

६जमाहेन्से डाइ मुरी फ्याडवान लबा स्थान्दो स्वर्गदूत गिकदा मराङ्गी। थं जम्बुलिङ्गी मुबा जम्मान यह्लत्साला म्हिगद, जम्मान वंशला म्हिगददेन थरी थरीला ग्याइ पाडबा म्हिगददेन यह्ल यह्लला म्हिगददा जुकजुकधोनाला जुनी पिन्बा समाचार थःना लबारी खबा मुबा। ७थस घरेन काइग्याम चुहरङ् मिसी भिजी, “परमेश्वर म्राङ्सी लाङ्गो, ओच्छे थदा मानदेन जयजयकार लउ। तिग्दा भिसम परमेश्वरसे जम्मान म्हि यह्लला निसाफ लबा धुइ तसी जिन्वा मुला। थेतबासेलमा स्वर्गदेन जम्बुलिङ् ओच्छे समुन्दरदेन क्युइला मुलगदे स्होबा परमेश्वरदा तेन्ना।”

८ओच्छे स्थान्दो स्वर्गदूत गिकएनोन थेनोन स्वर्गदूतला लिच्छा लिच्छा चुहरङ् भिवान खजी, “थ घरेन बेबितोन शहर नाश तबा मुला! हिन्ना नाश तबा मुला। थेनोन शहरसे जम्मान यह्ल यह्लला म्हिगददा स्थान्दादेन छ्याम बरत्पुङ्सी निङ्गुस इय्हाइबा हरङ्गोन तना लजी।”^x

९थे स्वर्गदूत न्हीला लिच्छा लिच्छा स्थान्दो स्वर्गदूत गिकएनोन घरेन काइरी चुहरङ् भिवान खजी, “चुदे खाले म्हिसे थं समुन्दरग्याम थोन्वा जन्तुदेन थला मूर्तिदा तेन्सी डारी अथवा यारी थला चिनु थान्जी भिसम, १०थेदाएनोन परमेश्वरसे हराङ्गला बोमाग्याम घरेन सजाय पिन्ना, थनीगददा परमेश्वरला स्वर्गदूतगददेन थार्बा पिन्वा ग्यु बोगोला डाच्छापट्टि मेदेन गन्धकरी म्याङ्सी सजाय पिन्ना। ११ओच्छे थनीगददा सजाय पिन्वा मेला म्युगु सदन तारपट्टि नित्ता। जुन जुन म्हिसे थं समुन्दरग्याम थोन्वा जन्तुदेन थला मूर्तिदा तेन्सी थला मिन मुबा चिनु थान्ना थनीगदसे धिन म्हुननोन सजाय नातोःला।”
१२परमेश्वरसे कुल्बा ताम इयान्वादेन येशूदा विश्वास लबा परमेश्वरला म्हिगदे चा साहरङ् लसी नासी विश्वास आख्ताना चितोःला भिबा ताम चुग्यामसेन था तला।

१३ओच्छे डाइ स्वर्गग्याम चुहरङ् भिबा काइ थःजी, “चु भिरसी थान्गो, दाहेन्से परमुदा विश्वास लसी सिबागदे परमेश्वरग्याम मोलम याडबागदे हिन्ना।” परमेश्वरला आत्मासे चुहरङ् भिसी सुडबा मुला, “हिन्ना, थनीगद हराङ् हराङ्से लबा गेदेन दुसग्याम फबा मुला ओच्छे थनीगदसे लबा गे अन्धारला इनाम याडला।

जम्बुलिङ्गला बाली खन्वा धुइ

१४ओच्छे डाइ परमेश्वरसे पुइखबा म्हि हरङ्गान म्हि गिक तार खसुथारी धन्ड्याबा मराङ्गी। थस म्हरला मुकुट कूबा मुबा। थला यारी छ्यार्बा हङ्गु गिक मुबा। १५जमाहेन्से परमेश्वरला मन्दिर न्हङ्ग्याम स्थान्दो स्वर्गदूत गिक खसी खसुरी धन्ड्याबादा घरेन काइसे चुहरङ् भिसी भिजी, “हराङ्गला हङ्गुसे बाली खन्गो। तिग्दा भिसम जम्बुलिङ्गला जम्मान बाली खन्वा धुइ तसी जिन्वा मुला।” १६जमाहेन्से खसुथारी धन्ड्याबासे जम्बुलिङ्गथारी हराङ्गला हङ्गु चलब लसी जम्बुलिङ्गला जम्मान बाली खन्गी।

१७थेहरङ् लसीन स्वर्गरी मुबा परमेश्वरला मन्दिर न्हङ्ग्याम स्थान्दो स्वर्गदूत गिकएनोन मङ्गयार खजी। थेदेन छ्यामएनोन छ्यार्बा हङ्गु गिक मुबा। १८जमाहेन्से मथारी अधिकार मुबा स्थान्दो स्वर्गदूत गिक धूप मराबा ग्ताग्याम थोन्गी। ओच्छे हङ्गु थोबा स्वर्गदूतला छ्यार्बा हङ्गुसे जम्बुलिङ्गला अङ्गुर थुउ, §तिग्दा भिसम जम्बुलिङ्गला अङ्गुर मिन्सी जिन्वा मुला” भिसी घरेन काइसे पाङ्गी। १९जमाहेन्से थं स्वर्गदूतसे जम्बुलिङ्गथारी हराङ्गला हङ्गु चलब लसी जम्बुलिङ्गला जम्मान अङ्गुर थुसी ग्ता गिकरी पोप लजी। ओच्छे थं अङ्गुरदा परमेश्वरसे सजाय पिन्वा कोलरी म्याङ्गी। २०थे अङ्गुरदा शहरला मङ्गयारपट्टि मुबा कोलरी म्हर्जी। थं कोलग्याम ओस्पन मिटर

११४ :१८ चु पदरी “अङ्गुर” भिबा चा परमेश्वरदा विश्वास आलबा म्हिगदे हिन्ना।

११४ :८ यशै २१ :२ ; यर्मि २१ :८ ; उन्वा १८ :२

११४ :१० यशै २१ :१७ ; उत्प १९ :२४ ; इज ३८ :२२

११४ :११ यशै ३४ :१० ११४ :१४ दानि ७ :१३

११४ :१५ योए ३ :१३

नाङ्से गडसल नुप्वा **ओच्छे ग्यार्जा सोम किलोमिटर हरेडबा काला स्योङ थान्वा मुबा ।^c

गोर निस स्वर्गदूतगदे

१५ डाइ स्वर्गरी उदेकला घरेन अर्गु चिनु गिक मराङ्जी । थरी आपत विपत गिक गिक थोसी चिबा गोर निस स्वर्गदूतगदे मुबा । चु चा जम्मान भन्दा लिच्छाला आपत विपत मुबा । तिग्दा भिसम परमेश्वरस पिन्वा जम्मान भन्दा लिच्छाला सजाय चुनोन मुबा । २.डाइ डाला डाच्छापट्टि मदेन सिसा दोडबा समुन्दर हरडबान स्हे मराङ्जी । ओच्छे समुन्दरग्याम थान्वा जन्तुदेन थला मूर्ति ओच्छे थला मिनग्याम थान्वा अडकथारी दाबागदे जम्मादान मराङ्जी । थनीगदे हराङ हराङला यारी परमेश्वरस पिन्वा वीणा थोसी थ समुन्दरला कुनीरी राप्सी चिबा मुबा । ३.थनीगदेसे चुहरङ् भिसी परमेश्वरदा तेन्वा म्हे मोशादेन थार्बा पिन्वा ग्यु बोगोला व्हाइ गोवान मुबा, “परमपरभु परमेश्वर हराङ जम्मान भन्दा घरेन हिन्ना,

हराङला गे ल्हानान घरेनदेन उदेकला मुला, ओच्छे जम्बुलिङला जम्मान य्हुलला म्हेगदथारी

सदन शासन लबा ग्ले हराङनोन हिन्ना, हराङसे लबा गेगदे सत्यदेन ठीक मुला ।^d

४ परमपरभु हराङ मराङ्सी आलोडबा म्हे खाल मुला ?

ओच्छे हराङदा मान लसी जयजयकार आलबा म्हे खाल मुला ?

तिग्दा भिसम हराङ जे जम्मान भन्दा चोखो मुला ।

जम्मान य्हुलला म्हेगदेसे हराङदा तेन्ना,

तिग्दा भिसम हराङसे ठीक निसाफ लबा जम्मासेन मराङ्बा मुला ।”^e

५ जमाहेन्से डाइ स्वर्गरी परमेश्वरला मन्दिर ठोड्बा मराङ्जी, ओच्छे मन्दिर न्हङला जम्मान भन्दा चोखो ग्लाएनोन

मराङ्जी । ६.थे मन्दिर न्हङग्याम गोर गिक गिक आपत विपत थोबा गोर निस स्वर्गदूतगदे थोन्सी खजी । थनीगदेसे सफादेन य्हाल य्हाल्वा क्वान क्वान्वा मुबा, ओच्छे कुरी म्हेरला फित्ता खीबा मुबा । ७.जमाहेन्से थ गोर खित छान्वा जन्तुगदे न्हङला गिकसे थ गोर निस स्वर्गदूतगदेदा सदन सोबा परमेश्वरला बोमासे प्तिङ्बा गोर गिक गिक म्हेरला खोर पिन्जी । ८.ओच्छे परमेश्वरला य्हालदेन शक्तिग्याम थोन्वा म्युगुस मन्दिर प्तिङ्जी । जमाहेन्से थ गोर निस स्वर्गदूतगदेसे थोबा गोर निस आपत विपत आजिन्तेधोना खालेनोन मन्दिर न्हङरी वाङ्बारी आसम्नी ।^g

परमेश्वरला बोमासे प्तिङ्बा गोर निस खोर

१६ जमाहेन्से डाइ परमेश्वरला मन्दिर न्हङग्याम घरेन काङरी थ गोर निस स्वर्गदूतगदेदा चुहरङ् भिसी कुल्वा थेःजी, “एनीगदे निउ, ओच्छे परमेश्वरला बोमासे प्तिङ्बा थ गोर निस खोर जम्बुलिङथारी ल्हूगो ।”

२.जमाहेन्से स्वर्गदूत गिक निसी हराङदेन छुयाम मुबा खोर जम्बुलिङथारी ल्हूजी । थतबासलमा थ समुन्दरग्याम थोन्वा जन्तुला चिनु थान्वादेन थला मूर्तिदा तेन्वा म्हेगददा ल्हानान स्हे खवादेन नडबा खबा पोर थोन्जी ।^h

३.ओच्छे न्हीरमला स्वर्गदूतसे हराङदेन छुयाम मुबा खोर समुन्दररी ल्हूजी । ओच्छे समुन्दरला क्युइ सिबा ग्हेला का हरडबान दोजी । थतबासलमा समुन्दररी मुबा जम्मान छोन्वा जन्तुगदे सिजी ।

४.ओच्छे सोमरमला स्वर्गदूतसे हराङदेन छुयाम मुबा खोर स्याङदेन क्युइला मुहानरी ल्हूजी । जमाहेन्से जम्मान क्युइ का दोजी ।

५.जमाहेन्से डाइ क्युइला अधिकार याङ्बा स्वर्गदूतसे चुहरङ् भिबान लबा थेःजी, “हराङ तिगे दोष आरबा परमेश्वर हिन्ना, हराङ डाच्छाएनोन मुबा, दान्देनोन मुला । हराङसे लबा निसाफ ठीक मुला । ६.हराङसे पुइखबा

**१४ :२० मिटर नाङ्से गडसल नुप्वा भिबा चा गरीक बाइबल अन्धार सहेन्से दम्मा ताला सुङधोना दामुबा ।

७४ :२० यशे ६३ :३ ; विल १ :१५ ; उन्वा १९ :१५ ७५ :३ परस्था १५ :१

७५ :४ यर्मि १० :१७ ; भजन ८६ :९ १५ :५ परस्था ३८ :२१

७५ :८ परस्था ४० :३४ ; १ राजा ८ :१-११ ; २ इति ५ :१३-१४ ; यशे ६ :४ १५ :२ परस्था ९ :१०

१६ :४ परस्था ७ :१७-२१ ; भजन ७८ :४४

अगमवक्तागदेदेन हराडदा तेन्बा म्हिगदेदा थनीगदेसे साइबासे लमा हराडसे थनीगदेदा कानोन थुङ्पुङ्सी थनीगदेसे याडतोःबा सजाय पिन्बा मुला।” ७जमाहेन्से डाइ धूप मराबा ग्लाग्याम चुहरङ् मिबा थेःजी, “परमपरभु परमेश्वर, हराड जम्मान भन्दा घरेन परमेश्वर हिन्ना, हराडसे लबा निसाफ सत्यदेन ठीक मुला।”

८जमाहेन्से बिनरमला स्वर्गदूतसे हराडदेन छ्याम मुबा खोर धिनीरी ल्हूजी। ओच्छे धिनीग्याम थोन्बा मला हरङ्बा रापस म्हिगदेदा करोना लपुङ्जी। ९मला हरङ्बा धिनीला रापसे म्हिगदे करोजी, ओच्छे थ आपत विपतगदेदा तहरी थान्बा परमेश्वरदा म्हिगदेसे केःजी। तर थनीगदे हराड हराडला पाप ख्लासी परमेश्वरपट्टि दोःसी परमेश्वरदा मानदेन जयजयकार आलनी।

१०डारमला स्वर्गदूतसे हराडदेन छ्याम मुबा खोर थ समुन्दरग्याम थोन्बा जन्तुला ११ठिथारी ल्हूजी। ओच्छे थला थुल्सा धोपधोप तजी। जमाहेन्से थनीगदेसे स्हु स्हरसे लमा स्वा करेजी। १२थनीगदेदा तबा स्हु स्हरदेन पोरसे लमा थनीगदेसे स्वर्गरी धन्छ्याबा परमेश्वरदा बिरोध लजी। तर थनीगदे हराड हराडसे लबा आज्यबा गे ख्लासी परमेश्वरपट्टि आदोःनी।

१२दुरमला स्वर्गदूतसे हराडदेन छ्याम मुबा खोर थूफरटिस मिबा घरेन स्याडरी ल्हूजी। जमाहेन्से स्यारग्याम सबा ग्लेगदेदेन थला सिपाहीगदेदा भरबारी ग्याम तगे भिसी थ स्याड सर्जी। १३जमाहेन्से डाइ अजिङ्गरदेन थ जम्बुलिङ्ग्याम थोन्बा जन्तु ओच्छे लुसीला ताम पाङ्बा अगमवक्ताला सुङ्ग्याम भाल्बा हरङ्बान गोर सोम म्हङ्गदे थोन्बा मराङ्जी। १४थ आज्यबा आत्मागदे चा उदेकला चिनुगदे उन्बा म्हङ्गदे हिन्ना। जम्मान भन्दा घरेन परमेश्वरसे निसाफ लबा धिनकुनु थे आत्मागदे परमेश्वरदेन छ्याम लडाइ लबाला लागिरी

जम्बुलिङ्गला जम्मान ग्लेगदेदा पोप लबारी निला।

१५“च्यागो, डा थो सबा हरङ् लसी खालेदा था आयाङ्ना लसी खला। जुन म्हि छोर्सी चिसी हराडला क्वान हराडदेन छ्याम थान्ना थ परमेश्वरग्याम मोलम याङ्बा म्हि हिन्ना। थहरङ् लसी हराडला क्वान जोगब लसी थान्बा म्हि तिगन्डी भरआतोः। ओच्छे म्हिगदेला डाच्छापट्टि पेःआतोः।” १६ओच्छे थ म्हङ्गदेसे जम्बुलिङ्गला जम्मान ग्लेगदेदा ग्ला गिकरी पोप लजी। थ ग्लादा हिब्रू ग्याइरी आर-मागेड्डोन १७भिमुबा।

१७ओच्छे निसरमला स्वर्गदूतसे हराडदेन छ्याम मुबा खोर लाबाथारी ल्हूजी। जमाहेन्से मन्दिरला ठिग्याम “दाहेन्से जिन्जी” मिबा घरेन काइ सजी। १८जमाहेन्से तिप्तीङ् सबादेन मु ठेङ्बा ओच्छे घरेन घरेन काइ सजी, ओच्छे घरेन सङ्गुल सजी। थहरङ्बा घरेन सङ्गुल मो जम्बुलिङ्गरी म्हि ठेङ्बा धिनहेन्से दान्दधोना खाइसे सबा आरबा। १९जमाहेन्से थ घरेन बबिलोन मिबा शहर मो सोम तसी फजी, ओच्छे जम्मान थुल्साला शहरगदे नाश तजी। परमेश्वरसे थ घरेन शहर बबिलोनला पाप ढन्जी, ओच्छे हराडला घरेन बोमोग्याम थ शहरदा सजाय पिन्जी। २०जमाहेन्से समुन्दरला गुडरी मुबा जम्मान ग्लागदेदेन जम्मान गङ्गदे म्हाजी। २१ओच्छे मुग्याम म्हिगदेथारी ओस्पन बागल न्ही किलाला सर्बा ताइबारी छ्याइजी। चुहरङ्बा सर्बा ताइसी आपत विपत तबासे लमा म्हिगदेसे परमेश्वरदा केःबारी छ्याइजी। तिगदा भिसम चु ल्हानान लोङ्बा सबा आपत विपत मुबा।

ल्हानान बेश्या गे लसी भरबा मिरङ्म्हमे

१थ गोर निस खोर थोबा गोर निस १७ स्वर्गदूतगदे न्हङ्गला गिक डा मुबा ग्लारी खसी डादा चुहरङ् मिजी, “चुरी खउ, डाइ एदा ल्हानान स्याङ्गदेला कुनीरी चिबा

११६:३० थ समुन्दरग्याम थोन्बा जन्तु चा शैतानना ग्ले हिन्ना।

११६:३५ चु पदला ताम परभु येथूसे सुङ्बा हिन्ना, (मती २४:४३-४४; लूका १२:३९-४०; उन्बा ३:३ स्हीगो)।

११६:३६ “आर-मागेड्डोन” मिबा चा मेगोड्डो मिबा गड हिन्ना। ओन्मा थ गडरी ल्हानान लडाइ तबा मुबा।

१६:३० परस्था १०:२१ १६:३२ यशै ११:१५

१६:३६ २ राजा २३:२९; न्याय ५:१९; जक १२:११ १६:३९ यशै ५१:१७

जम्मासेन डोसेबा बेश्या मिरडम्हेमसे याड्वा सजाय उन्ना। थ बेश्या मिरडम्हेम ल्हानान स्याड्गदला कुनीरी मुबा घरेन बेबिलोन शहर हिन्ना। १२जम्बुलिङ्गला ग्लेगद थ बेश्या मिरडम्हेमदेन छयाम बरेल्वा मुला। ओच्छे जम्बुलिङ्गला म्हिगद थदेन छयाम बरेल्सी अड्गुरला निड्गुस ड्ग्हाइबा हरङ्गान तबा मुला। १०

३जमाहेन्स डा परमेश्वरला आत्मासे प्लिङ्गी। ओच्छे थ आत्मारी स्वर्गदूतसे डादा तोड्तोड्बा ग्लारी भार्जी। थरी डाइ वाला जन्तुथारी ११करःबा मिरडम्हेम गिक मराङ्गी। थ जन्तुला गोर निस थाबा मुबा ओच्छे गोर च्युइ रु मुबा। थ जन्तुला जिउ नाङ्गान परमेश्वरदा विरोध लबा मिनगद भिरबा मुबा। १२थ मिरडम्हेमसे चा वाला वाला पिङ्गदेन वाला क्वान क्वान्वा मुबा। ओच्छे म्हर, रत्नदेन मोतीगदे क्वान्सी ज्योबा मुबा। थस हराङ्गला यारी म्हरला खोर गिक थाबा मुबा। थ खोर चा थस लबा नड्बा तामदेन थ स्थान्दोदेन छयाम बरेल्सी भरबा नड्बा सबा तामगदसे प्लिङ्गला मुबा। १३थ मिरडम्हेमला डोरी, “जम्बुलिङ्गला बेश्यागददेन नड्बा सबा तामगदला आमा घरेन बेबिलोन शहर” भिसी म्हेस था आयाङ्गला मिन गिक भिरबा मुबा। १४ओच्छे डाइ थ मिरडम्हेम परमेश्वरला म्हिगददेन यशूला लागिरी हराङ्गला ज्यानान पिनबा म्हिगदला का थुङ्गी ड्ग्हाइबा मराङ्गी।

थ मिरडम्हेमदा मराङ्गी डा ल्हानान उदक तजी। १५जमाहेन्स थ स्वर्गदूतसे डादा चुहरङ्ग भिजी, “ए तिग्दा उदक म्हेन्वा? थ मिरडम्हेमदेन थदा पुड्बा गोर निस थाबादेन गोर च्युइ रु मुबा जन्तुला बाररी म्हेस था आयाङ्गला ताम डाइ एदा पाङ्गला। १६एसे मराङ्गला थ जन्तु डाच्छा मुबा, तर दान्दे आरे। सदनना लागिरी नाश तबारी थ ल्हानान नुप्वा व्हाङ्गयाम तोर सवारी छयाइबा मुला। जम्बुलिङ्ग छयामाहेन्स जुकजुकधोनाला जुनीला किताबारी मिन आभिरबा जम्बुलिङ्गला

म्हिगद थ जन्तुदा मराङ्गी उदक म्हेन्वा। तिग्दा भिसम थ जन्तु डाच्छा मुबा, दान्दे सिसी जिन्वा मुला। तर थ दोःसी सोला। १७

१“चु ताम घोबारी ज्ञान बुद्धि तोःला। थ जन्तुला गोर निस थाबा चा थ मिरडम्हेम चिबा गड निस हिन्ना। १८थ गोर निस ग्लेगदएनोन हिन्ना, थनीगद न्हङ्गी गोर डा ग्लेगद नाश तसी जिन्जी, गिक चा दान्दधोना शासन लबान मुला। ओच्छे स्थान्दो गिक चा अङ्ग सबा आरे। थ खमाहेन्स ला न्ही सोमला लागिरी जे थस शासन लला। १९थ जन्तु डाच्छा सोबान मुबा, तर दान्दे सिसी जिन्वा मुला। थ जन्तु चा भरःरमला ग्ले हिन्ना। थ जन्तुएनोन गोर निस ग्लेगद न्हङ्गला ग्ले गिक हिन्ना। तसेनोन थ नाश तला।

२०“एसे मराङ्गला थ गोर च्युइ रु चा ग्ले च्युइ हिन्ना। तर थनीगदसे दान्दधोना शासन लम्याङ्गला आरे। थनीगदसे थ जन्तुदेन छयाम तिगै धिनना लागिरी शासन लम्याङ्गला। २१थ ग्लेगदला सम गिकनोन मुला। थतबासेलमा थनीगदसे हराङ्ग हराङ्गला शक्तिदेन अधिकार थ जन्तुदा जिम्मा पिन्ना। २२थनीगदसे थाबा पिन्वा ग्यु बोगोला विरोध लसी लडाइ लला। तर थाबा पिन्वा ग्यु बोगोसे थनीगदथारी ढाला। तिग्दा भिसम थ परभुगदला परभु ओच्छे ग्लेगदलाएनोन ग्ले हिन्ना। थदेन छयाम मुबागद चा थस ड्याइबागददेन धम्बागद ओच्छे थदा विश्वास लबागद हिन्ना।”

२३थ स्वर्गदूतसे डादा दोःसी चुहरङ्ग भिसी पाङ्गी, “एसे मराङ्गला थ बेश्या चिबा स्याड्गद चा य्हुल य्हुलदेन य्हुल्सा ओच्छे थरी थरीला ग्याइ पाङ्गला म्हिगद हिन्ना। २४एसे मराङ्गला गोर च्युइ रुदेन थ वाला जन्तुस थ बेश्यादा हला लला। ओच्छे थदेन छयाम मुबा जम्मान रह् ब्यन्सी थदा लिगन्डीन लसी थला स्या चला। ओच्छे थला नखरुगदे मेसे खराङ्गी नाश लला। २५तिग्दा भिसम थनीगददा परमेश्वरसे हराङ्गसे म्हेन्वा अन्धार पूरा लबा सेम पिन्वा मुबा। थतबासेलमा परमेश्वरसे सुड्बा बचन पूरा आततधोना थनीगद सेम गिकलान तसी हराङ्गसे

११७:३ वाला जन्तुदेन समुन्दरग्याम थोन्वा लोङ्गला सबा जन्तु ओस्पन तखम्ला। उन्वा १३:१ र्हीगो।

११७:३ यर्मि ५१:३३

११७:२ यशै २३:१७; यर्मि ५१:७

११७:३ उन्वा १३:३

११७:४ यर्मि ५१:७

११७:८ दानि ७:१७; उन्वा ११:७

मज्ज ६९:२८

११७:१२ दानि ७:२४

शासन लबा शक्तिदेन अधिकार थे लोडबा सब
जन्तुदा पिन्जी । १८ एस मराडबा थे मिरडम्हमे
चा जम्बुलिङ्गला ग्लेगदथारी शासन लबा घरेन
शहर हिन्ना ।”

बबिलोन शहर नाश तबा

१ जमाहेन्से डाइ स्थान्दा स्वर्गदूत गिक
१८ स्वर्गग्याम मार फाञ्चान लबा मराड्जी ।
थेदेन छ्याम घरेन अधिकार मुबा । ओच्छे थेला
म्हालदेन शक्तिसे लमा जम्बुलिङ्ग नाङ्गोन
म्हाल म्हाल तजी । २ थे स्वर्गदूतसे घरेन काइरी
चुहरङ्ग भिसी भिजी,

“थे शहर नाश तजी ! थे घरेन शहर बबिलोन नाश
तजी,

थे घरेन शहर शैतानदेन थेला दूतगदे चिबा दिम
दोबा मुला,

ओच्छे जम्मान नइबा आत्मागदेदेन चरागदे चिबा
गला दोजी । १

३ तिग्दा भिसम स्थान्दोदेन छ्याम बरेल्सी भरबा
थेला आज्यबा गेसे लमा

जम्मान म्हुलला म्हिगदे अङ्गुरला निङ्गुसे
ङ्ग्याइबा हरङ्गोन तबा मुला ।

ओच्छे जम्बुलिङ्गला ग्लेगदे थेदेन छ्याम बरेल्बा
मुला,

थेला थेहरङ्गबा बरेल्सी भरबा सेमसे लमा
जम्बुलिङ्गला व्यापारीगदे फ्युकपो दोबा
मुला ।” ॥

४ जमाहेन्से डाइ स्वर्गग्याम चुहरङ्ग भिबान
लबा अर्गु काइ थे:जी,

“डाला म्हिगदे, एनीगदे थे ग्लाग्याम थोन्सी
खउ ।

आहिन्सम थेसे लबा पापरी एनीगदे एनोन परब
तला,

ओच्छे थेसे याड्बा सजाय एनीगदेसनोन
नातो:ला । १

२ तिग्दा भिसम थेसे पापथोरी पाप लबासे लमा
थेला नइबा गेगदे स्वर्गधोनान धोबा मुला ।

ओच्छे परमेश्वरसे थेसे लबा आज्यबा गेगदे ढन्बा
मुला । २

३ थेसे एनीगदेदा तिग लबा मुला, थेदा एनोन
एनीगदेसे थेहरङ्गोन लउ ।

ओच्छे थेसे जुन गे लबा मुला एनीगदेसे थेदा थे
मन्दा दोब्बर नाड फागो ।

थेसे एनीगदेला लागिरी जुन स्हे दोडसी खोररी
ठीक लबा मुबा

थे मन्दा ल्हाना खरो स्हे एनीगदेसे थेदा पिन्गो । x
७ थेसे मोजमजा लसी जति मान याड्बा मुला,

ओतन थेदा दुसदेन सुदा पिन्गो ।

तिग्दा भिसम थेसे घमण्ड लसी सेम न्हङ्ग न्हङ्गरी
चुहरङ्ग भिसी पाङ्गमुला ।

३ ग्लस्या दोसी चिबा मुला,

डा हेरन्बा सिबा मिरडम्हमे आहिन ।

थेतबासेलमा डाइ साइमै सुदा लआतो: । १ y

८ थेतबासेलमा तिररीन थेथारी

कालदेन सुदा ओच्छे रोगदेन अनिकाल खला ।

ओच्छे थेदा मेसे खराङ्गला,

तिग्दा भिसम थेला निसाफ लबा परमपरमु
परमेश्वर

शक्तिशाली मुला ।”

१ थेदेन छ्याम बरेल्बादेन मोजमजा लसी
चिबा जम्बुलिङ्गला ग्लेगदे थेदा करोबा मेल
म्युगु मराडसी कराबा किरड्बा लला । १० थेदा

पिन्बा सजाय नाआतो:गे भिसी थेनीगदे लोडसी
थारङ्गोन राप्सी चुहरङ्ग भिजी,

“अम्मै गाते आज्यबा ताम,

परमेश्वरग्याम सजाय याड्बा घरेन शक्तिशाली
बबिलोन शहर,

एस लबा आज्यबा गेसे लमा ए छिन्नङ्गरीन नाश
तबा मुला ।” २

११ जम्बुलिङ्गला व्यापारीगदे थेला लागिरी
कराबा किरड्बा लला, तिग्दा भिसम थेनीगदेसे

लबा व्यापारला सामानगदे दो:सी खालेसेन
आग्लु । १२ म्हर, म्हुइ, रत्न, मोतीदेन

मलमलला क्वानगदे वाला वाला पिङ्गो
छोनना क्वानगदे, रेशमला क्वानगदे, वाला

क्वानगदे, जम्मान खाल्ला बास्ना खबा सिङ्ग,
हात्तीला स्वाग्याम स्होबा जम्मान स्हेगदे,

ल्हानान महङ्गो जम्मान सिङ्ग, काँसग्याम
स्होबा स्हेगदे, फाइग्याम स्होबा स्हेगदे,

ओच्छे सिङ्गामरमरग्याम स्होबा स्हेगदे,
१३ सिङ्काउती, मसला, बास्ना खबा धूप, मूर्,

तार धूप, अङ्गुरला निङ्गु, छ्युगु, बरा, ग्वा,
म्ह, मुइ, ग्युगदे, तागदे, रथगदे, नोकरगदेदेन

१८ :२ यशै १३ :२१ ; २१ :९ ; यर्मि ५० :३९ ; ५१ :८ ; उन्वा १४ :८ १८ :३ यशै २३ :१७ ; यर्मि ५१ :१७

१९ :४ यशै ४८ :२० ; यर्मि ५० :८ ; ५१ :६, ४५ १९ :५ उत्प १८ :२०-२१ ; यर्मि ५१ :९

२० :६ मज्ज १३७ :८ ; यर्मि ५० :२९ १९ :१७ यशै ४७ :१७-९ २० :१० इज २६ :१६-१७

लडाइरी भरेबा म्हिगदेदाएनोन सालेसन
आगलु।^a

१४ थं व्यापारीगदेसे थंदा चुहरङ्ग भिसी
भिजी, “बबिलोन, एला समसे म्हन्बा जम्मान
स्हेगदे एग्याम व्यन्बा मुला। ओच्छे एला धन
सम्पत्तिदेन जम्मान झक्झक्वा स्हेगदे नाश
तसी जिन्बा मुला। दोःसी एस थं जम्मान स्हे
साइमै आयाङ्। १५ थं घरेन शहररी व्यापार लसी
धनी तबा व्यापारीगदे थंदा पिन्बा घरेन सजाय
मराङ्सी लोङ्सी थारङ्गनोन राप्सी चिला।
ओच्छे चुहरङ्ग भिबान कराबा किरङ्गवा लला,^b

१६ “अम्मे गात आज्यबा ताम,
मलमलला क्वान, वाला वाला पिङ्गदेन वाला
क्वान क्वान्बा
ओच्छे म्हरेन रत्न ओच्छे मोतीगदे क्वान्सी
ज्योबा मुबा।

१७ तिग्दा भिसम छिन्नङ्गरीन एला जम्मान धन
सम्पत्ति नाश तबा मुला।”

जम्मान पानी जहाजला कप्तानदेन
पानी जहाजरी भरबा म्हिगदे ओच्छे
पानी जहाज चलब लबा म्हिगदेदेन
समुन्दरग्याम व्यापार लबा म्हिगदे
थारङ्गनोन राप्सी चिजी। १८ ओच्छे थं
घरेन शहर करोसी थोन्बा म्युगु मराङ्सी,
“चुहरङ्गवा घरेन शहर हरङ्गवा अर्गु सजिबे
शहर आरबा” भिसी किरङ्गजी। १९ थनीगदेस
हराङ्ग हराङ्गला थोबारी धुलु युसी चुहरङ्ग
भिबान किरङ्गजी,

“अम्मे गाते आज्यबा ताम,
थेरी मुबा धन सम्पत्तिग्याम पानी जहाजला
धनीगदे पयुक्पो दोबा मुबा।

तर थं शहर छिन्नङ्गरीन करोसी नाश तजी।^d

२० स्वर्गरी मुबागदे, थं नाश तबासे लमा एनीगदे
ताङ्गो!

परमेश्वरला म्हिगदे, मुल चलागदेदेन
अगमवक्तागदे,
एनीगदे जम्मान ताङ्गो।

तिग्दा भिसम थंसे एनीगदेदा अन्याय लबासे लमा
परमेश्वरसे थंदा सजाय पिन्बा मुला।”^e

२१ जमाहेन्से शक्तिशाली स्वर्गदूत गिकसे
हरान्दा हरङ्गवान घरेन युङ्गबा गिक थीसी चुहरङ्ग
भिबान थं युङ्गबा समुन्दररी म्याङ्गजी,

“थं घरेन शहर बबिलोनदाएनोन चुहरङ्ग लसीन
म्याङ्गला,

ओच्छे थंदा दोःसी साइमै आमराङ्।^f

२२ थरी वीणादेन बांसुरी ओच्छे बिगुलदेन

व्हाइ गोबागदला काइ थं:आम्याङ्।

थरी जम्मान साल्ला बुट्टा स्हेङ्गवा म्हिगदेएनोन
साइमै आस्याप।

ओच्छे थरी हरान्दा ड्यबाएनोन साइमै
थं:आम्याङ्।^g

२३ थरी साइमै नाङ्सल आमरा।

ओच्छे थरी म्हाछारदेन चाङ्छारला काइएनोन
साइमै थं:आम्याङ्।

तिग्दा भिसम एला व्यापारीगदे जम्बुलिङ्गला
घरेन घरेन म्हिगदे मुबा।

ओच्छे एला तन्त्रमन्त्रसे ष्हुल ष्हुलला
म्हिगदेदा ठगब लबा मुबा।^h

२४ थं शहररीन अगमवक्तागदे, परमेश्वरला
म्हिगदेदेन

जम्बुलिङ्गरी साइबा जम्मान म्हिगदेला का
स्याप्वा मुबा।”ⁱ

स्वर्गरी परमेश्वरला जयजयकार लबा

१९ जमाहेन्से डाइ स्वर्गरी ल्हानान म्हिगदेसे
घरेन काइरी चुहरङ्ग भिसी किरङ्गवा थं:जी,
“परमेश्वरदा जयजयकार तगे!

थोर्बा पिन्बादेन मान ओच्छे शक्ति य्हाङ्गला
परमेश्वरलान हिन्ना।

२ तिग्दा भिसम परमेश्वरसे लबा निसाफ सत्यदेन
ठीक मुला।

स्थान्दादेन छ्याम बरत्सी जम्बुलिङ्ग नाङ्लान
म्हिगदेदा न्होङ्गना लबा थं घरेन बेश्यादा
परमेश्वरसे निसाफ लबा मुला।

ओच्छे हराङ्गला गे लबागदेदा साइबासे लमा
परमेश्वरसे थंदा सजाय पिन्जी।”^j

३ थनीगदेस दोःसी घरेन काइरी चुहरङ्ग भिजी,

“परमेश्वरदा जयजयकार तगे!

थं घरेन शहर करोसी थोन्बा म्युगु सदन तोरपट्टि
निला।”^k

१८:१३ इज २७:१२, १३, २२ १८:१५ इज २७:३१, ३६ १८:१७ इज २७:२६-३० १८:१९

इज २७:३०-३४ १८:२० व्यव ३२:४३; यर्मि ५१:४८ १८:२१ यर्मि ५१:६३-६४; इज २६:२१

१८:२२ इज २६:१३; यशै २४:८ १८:२३ यर्मि ७:३४; २५:१०

१८:२४ यर्मि ५१:४९ १९:१ व्यव ३२:४३; २ राजा ९:७ १९:३ यशै ३४:१०

४ ओच्छे थं बोगल गिकसे ब्जि गन्वागदेदेन
थं गोर ब्जि छोन्बो जन्तुगदसे ठिरी धन्छुयाबा
परमेश्वरदा फ्या लवान जयजयकार लजी।
ओच्छे थनीगदसे किरडवान चुहरड् भिजी।
“आमन ! परमेश्वरदा जयजयकार तगै !”

५ थिग्याम घरेन काइरी चुहरड् भिबा थःजी,
“परमेश्वरला गे लबादेन थं मराड्सी लोड्बागद
जजा घरेन जम्मासेन
य्हाडला परमेश्वरला जयजयकार लउ।” १

६ जमाहेन्से डाइ म्हिला घरेन हुलला काइदेन
छांगाग्याम ताइबा क्युइला आवाज ओच्छे
घरेन मु गुडुड्बा हरड्बान आवाजरी चुहरड्
भिबा थःजी,
“परमेश्वरदा जयजयकार तगै !

तिग्दा भिसम जम्मान भन्दा घरेन परमपरमु
य्हाडला परमेश्वरसे शासन लबा मुला। ॥

७ य्हाड ल्हानान ताडसी परमेश्वरला मानदेन
जयजयकार लउ !

तिग्दा भिसम य्हाडदा थारबा पिन्बा ग्यु बोगोला
ब्याह लबा धिन खसी जिन्वा मुला।

ओच्छे थला चाड्छारएनोन ठीक तसी जिन्वा
मुला।

८ चाड्छारदा मलमलला य्हाल य्हाल्वा सफा
क्वान पिन्सी जिन्जी।”

थे य्हाल य्हाल्वा मलमलला सफा क्वान चा
परमेश्वरला म्हिगदसे लबा ज्यवा गे हिन्ना।

९ ओच्छे थं स्वर्गदूतसे डादा “एसं चु
ताम भिरउ, थारबा पिन्बा ग्यु बोगोला
ब्याहला भोजरी निम्तो याड्बा म्हिगद चा
परमेश्वरग्याम मोलम याड्बा म्हिगद हिन्ना”
भिसी भिजी। थंसे दोःसी डादा “परमेश्वरला
सत्य बचनगदे चुनोन हिन्ना” भिसी भिजी। ॥

१० जमाहेन्से थला काइरी फ्या लबाला
लागिरी डा स्तुप तजी। तर थंसे डादा चुहरड्
भिसी भिजी, “एसं डादा फ्या लबारी आत। डा
चा एदेन एला हरीगदेदेन छुयाम ओच्छे येशूला
सत्य बचन इयान्वा म्हिगद जम्मानदेन
छुयाम परमेश्वरला गे लबा म्हि जे हिन्ना।
थेतबासेलमा परमेश्वरदा जे फ्या लउ। तिग्दा
भिसम अगमवक्तासे पाड्बाएनोन येशूला बाररी
पाड्बा सत्य बचन हिन्ना।

तार ताथोरी करःसी निबा

११ डाइ स्वर्ग टोड्बा मराड्जी, च्यागो,
थेरी तार ता गिक मुबा। थं ताथोरी करःसी
निबा म्हिला मिन चा विश्वास लखम्बादेन
सत्य मुबा। थंसे लबा निसाफदेन लडाइ ठीक
मुला। १२ थला मी मला ल्हाम हरड्बान मुबा,
ओच्छे थला थोबारी ल्हानान मुकुट कूबा मुबा।
थला डारी मिन गिक भिरबा मुबा, थं मिन
थेदा बाहेक स्प्हान्दो खालेदान था आरेबा।
१३ थंसे कारी ब्नुम्बा क्वान क्वान्वा मुबा। थला
मिन “परमेश्वरला बचन” मुबा। १४ स्वर्गला
सनागदे मलमलला तार सफा क्वान क्वान्सी
तार तागदेथोरी करःसी थला लिच्छा लिच्छा
भरजी। १५ थला सुड्ग्याम छुयारबा तरवार
थोन्जी, ओच्छे थंसे थं तरवार थोसी य्हुल
य्हुलला म्हिगदेथोरी ढाला। थंसे फाइला कडी
थोसी थनीगदेथोरी शासन लला। ओच्छे कोलरी
अड्गुर नाड्सी म्हर्वा हरड् लसी थंसे जम्मान
भन्दा घरेन परमेश्वरला घरेन बोमोसे नाड्सी
थनीगदेदा म्हर्वा। १६ थंसे क्वान्वा क्वानदेन
काड्स्हरी “ग्लेगदेला ग्लेदेन परमुगदेला
परमु” भिसी भिरबा मुबा।

१७ जमाहेन्से डाइ धिनीरी राप्सी चिबा
स्वर्गदूत गिक मराड्जी। थंसे मुरी फ्याड्बान
लबा जम्मान चरागदेदा घरेन काइरी चुहरड्
भिसी भिजी, “परमेश्वरसे ठीक लबा घरेन भोज
चबारी पोप तउ। १८ ग्लेगदेदेन कप्तानगद
ओच्छे शक्तिशाली म्हिगद, तागदेदेन ताथोरी
करःबागद, ओच्छे नोकर हिन्से आहिन्से,
जजा, घरेन जम्मालान स्या चबारी खउ।” १

१९ जमाहेन्से डाइ थं समुन्दरग्याम थोन्वा
लोड्बा खबा जन्तुदेन जम्बुलिडला ग्लेगद
हराड् हराडला सिपाही थोसी तार ताथोरी
करःबादेन थला सिपाहीगदेदेन छुयाम लडाइ
लबाला लागिरी पोप तबा मराड्जी। २० तर थं
समुन्दरग्याम थोन्वा लोड्बा खबा जन्तुदेन
थं जन्तुला डाच्छापट्टि उदेकला गे लबा
फट्टा अगमवक्तादा चुड्जी। उदेकला गे लसी
थं फट्टा अगमवक्तासे थं जन्तुला छापदेन
थला मूर्तिदा पूजा लबा म्हिगदेदा फसब लबा
मुबा। थं न्हीदा छोन्बोन गन्धकला लुड्बा

१९:२ मजन ११५:१३ ॥ १९:६ इज १:२४ ; मजन १३:१ ; १७:१ ; १९:१

१९:१ मत्ती २२:२-३ १९:११ इज १:१ ; मजन १६:१३ ; यशै ११:४ १९:१२ दानि १०:६

१९:१५ मजन २:९ ; यशै ६३:३ ; योए ३:१३ ; उन्वा १४:२० १९:१८ इज ३९:१७-२०

मला ग्योइरी म्याङ्गी। ११ ओच्छे थे न्हीला जम्मान सिपाहीगदेदा चा ताथारी करे:बाला सुङ्गयाम थोन्वा तरवारसे साङ्गी। ओच्छे चरागदेसे थनीगदला स्या जम्मान मरन्ना चर्जी।

हजार गिक दिङ

१ जमाहेन्से डाइ ल्हानान नुप्वा व्हाङला २० साँचोदेन घरेन च्याल्दा गिक यारी थोसी स्वर्गयाम मार फाप्वान लबा स्वर्गदूत गिकदा मराङ्गी। २ थेसे अजिङ्गरदा चुङ्गी च्याल्दासे हजार गिक दिङधोनाला लागिरी खोसी थान्जी। थ अजिङ्गर चा दङ्बोला पुखरी म्हङ् म्हुङला ग्ले शैतान हिन्ना। ३ थे अजिङ्गरसे दाहेन्से य्हुल य्हुलला म्हिगदेदा फसब थालगे भिसी हजार गिक दिङधोनाला लागिरी स्वर्गदूतसे थेदा ल्हानान नुप्वा व्हाङरी म्याङ्गी थ व्हाङला मरापरी ताल्वा लसी लाहा छाप लर्जी। ओच्छे हजार गिक दिङ छुयोमाहेन्से थदा ला न्ही सामला लागिरी पुइतो:ला।

४ जमाहेन्से डाइ ठिगदेदेन ठिथारी धन्छुयाबागदे मराङ्गी। थनीगदला निसाफ लबा अधिकार पिन्वा मुबा। ओच्छे डाइ येशुला सत्य तामदेन परमेश्वरला बचन थे:ना लबासे लमा थोबो थोसी साइबागदला आत्मागदे मराङ्गी। थनीगदेसे थ समुन्दरगयाम थोन्वा लोङ्बा खबा जन्तुदेन थला मूर्तिदा आतन्वा मुबा ओच्छे डाँदेन यारी थला छापएनोन लबा आरबा। थ आत्मागदे दो:सी सोर्जी ओच्छे हजार गिक दिङधोना खरीष्टदेन छुयाम शासन लर्जी। ५ चुहरङ् लसी सिबागयाम दो:सी सोबा चा चु डाच्छा रम हिन्ना। अर्गु सिबागदे चा थे हजार गिक दिङ आच्छुयोतेधोना आसोनी। ६ डाच्छारम सिबागयाम सोबागदे चा परमेश्वरगयाम मोलम याङ्बागदेदेन हराङ्गला लागिरी फेसी थान्वा म्हिगदे हिन्ना। थनीगदेदा दो:सी कालला शक्तिस तिगे लआसम। तर थनीगदे परमेश्वरदेन खरीष्टला पूजा लबा म्हि दोला ओच्छे खरीष्टदेन छुयाम हजार गिक दिङधोना शासन लला।

सदनना लागिरी शैतान नाश तबा

७ हजार गिक दिङ छुयोमाहेन्से शैतानदा च्युप्सी थान्वा ग्लायाम पुइला। ८ जमाहेन्से शैतान जम्बुलिङ नाङ्लान गोग ओच्छे मागाग भिबा य्हुल य्हुलला म्हिगदेदा फसब लबारी निला। शैतानसे लडाइ लबाला लागिरी थ य्हुलला म्हिगदेदा ग्ला गिकरी पोप लला। थेसे पोप लबा म्हिगदे समुन्दरला बालुवा तेनोन तला। ९ थेला सनागदेसे जम्बुलिङ नाङ्लान परमेश्वरला म्हिगदेला पालगदेदेन परमेश्वरसे माया लबा शहरदा घरेब लर्जी। तर स्वर्गयाम मे ताइसी थला सना नाश तर्जी। १० य्हुल य्हुलला म्हिगदेदा फसब लबा थ शैतानदा चा गन्धकला लुङ्बा मेला घ्योइरी म्याङ्गी। थेरी डाच्छान थ लोङ्बा खबा जन्तुदेन लुसीला ताम पाङ्बा अगमवक्तादा म्याङ्बा मुबा। थेरी थनीगदेसे धिन म्हुन सदन सजाय नातो:ला।

जम्बुलिङला म्हिगदेला निसाफ

११ जमाहेन्से डाइ घरेन तार ठि गिकदेन थ ठिथारी धन्छुयाबादा मराङ्गी। ठिथारी धन्छुयाबाला डाच्छागयाम मुदेन जम्बुलिङ यार्जी ओच्छे दो:सी खानङ्एनोन आमराङ्गी। १२ डाइ घरेन जजा जम्मान सिबागदे थ ठिला डाच्छापटटि राप्सी चिबा मराङ्गी। थेरी किताबगदे ठोङ्गी थान्वा मुबा, ओच्छे अर्गु किताब गिकएनोन ठोङ्गी। थ किताबला मिन चा जुकजुकधोनाला जुनी हिन्ना। थ जम्मान किताबगदरी थनीगदेसे लबा गेला बाररी भिरबा मुबा, थ गेगदे अन्छारनोन सिबागदेला निसाफ लर्जी। १३ समुन्दरसे हराङ्गदेन छुयाम मुबा सिबागदे दो:सी पिन्जी, कालदेन सिबा म्हिगदेला आत्मा चिबा ग्लासेनोन हराङ्गदेन छुयाम मुबा सिबागदे दो:सी पिन्जी। ओच्छे थनीगदे जम्मानलान हराङ्ग हराङ्गसे लबा गे अन्छार निसाफ लर्जी। १४ जमाहेन्से कालदेन सिबा म्हिगदेला आत्मा चिबा ग्लादा मेला घ्योइरी म्याङ्गी। चु मेला घ्योइरी म्याङ्बा चा दो:सी सिबा हिन्ना। १५ जुन म्हीला मिन जुकजुकधोनाला जुनीला किताबरी आस्यापनी थदा मेला घ्योइरी म्याङ्गला।

११:२० उन्वा १३:१-१८ १२:२ उत्प ३:१ १२:४ दानि ७:१, २२

१२:८ इज ७:२; ३८:२, ९, १५ १२:११ दानि ७:१-१० १२:१४ उन्वा १:१८

परमेश्वरसे जम्मान स्हे छार स्होबा

छार यरूशलेम

१जमाहेन्से डाइ छार मुदेन छार
२१ जम्बुलिङ मराङ्गी। तिग्दा भिसम डाच्छाला मुदेन जम्बुलिङ म्हासी निबा मुबा, ओच्छे समुन्दरएनोन आरबा मुबा। १२ओच्छे डाइ परमेश्वरला शहर, छार यरूशलम परमेश्वरग्याम स्वर्गहेन्से मार खबान लबा मराङ्गी। थं यरूशलम म्हाछारला लागिरी ज्योसी थान्वा चाङ्छार हरङ्बान मुबा। १३डाइ ठिग्याम चुहरङ्ग भिबा घरेन काइ गिक थं:जी, “च्यागो, परमेश्वर म्हिगदेदेन छ्याम धन्छ्याबा मुला। परमेश्वर थनीगदेदेन छ्याम धन्छ्याला ओच्छे थनीगदे थला म्हि तला। थहरङ लसीन थं हराङनोन थनीगदेला परमेश्वर दो:सी थनीगदेदेन छ्याम धन्छ्याला। १४थसे थनीगदेला जम्मान मीस्त्री फ्यासी पिन्ना। ओच्छे थनीगदे दो:सी खाइमे आसि, सालेदान सुदा आत, सालेनोन आकरा, ओच्छे सालेदान तिगे दुखएनोन आत। तिग्दा भिसम डाच्छाला तामगदे चा जम्मान म्हासी जिन्वा मुला। १५

१ठिरी धन्छ्याबास डादा “च्यागो, डाइ जम्मान ताम छार स्होला” भिसी सुङ्गी। थसे दो:सीनोन डादा “चु ताम भिरउ, तिग्दा भिसम चु तामगदे चा विश्वास लखम्बादेन सत्य मुला” भिसी सुङ्गी।

६परमेश्वरसे डादा चुहरङ्ग भिसी सुङ्गी, “दाहेन्से जम्मान ताम पूरा तसी जिन्जी। अल्फादेन ओमगा ळानोन हिन्ना, ओच्छे शुरु लबादेन जिन्ना लबाएनोन डानोन हिन्ना। न्युइ फुइबागदेदा डाइ जुकजुकधोनाला जुनी पिन्वा क्युइला मुलग्याम आहरङनोन थुङ्बारी पिन्ना। ७जुन जुनसे ढाला थसे डाग्याम चु जम्मान हक याङ्गला। डा थला परमेश्वर दोला ओच्छे थं डाता डा दोला। ८तर लोङ्बागदे, विश्वास आलबागदे, नइबा गे लबागदे, म्हि साइबागदे, स्थान्दादेन छ्याम बरल्सी भरबागदे, टुनामुना लबागदे, मूर्तिदा तेन्बागदेदेन जम्मान लुसीला ताम पाङ्बागदे चा गन्धकदेन लुङ्बा मला घ्योइरी निता:ला। चु मला घ्योइरी निबा चा दो:सी सिबा हिन्ना।

१जमाहेन्से थं जम्मान मन्दा लिच्छाला आपत विपतसे प्तिङ्बा खोर निस थावा गोर निस स्वर्गदूतगदे न्हङला गिक खसी डादा “खउ, डाइ एदा चाङ्छार उन्ना, थं थावा पिन्वा ग्यु बांगोला मिरङ हिन्ना” भिसी भिजी। १०जमाहेन्से डा परमेश्वरला आत्मासे प्तिङ्गी। ओच्छे थं स्वर्गदूतसे डादा नोबा गडरी भोसी परमेश्वरग्याम स्वर्गहेन्से मार फाप्यान लबा परमेश्वरला शहर यरूशलम उन्जी। ११थं शहर परमेश्वरला घरेन ख्हालदेन शक्तिस प्तिङ्बा मुबा। ओच्छे थं शहर चा ल्हानान बिल्लोरदेन रत्नगदे ओच्छे स्फटिक हरङ्बान झक्झक्वा मुबा। १२थं शहरला क्युर्नान च्युक न्ही मराप थान्सी स्होबा घरेन घरेन नोबा पर्खाल मुबा। थं मरापदङसेन गोर गिक गिक स्वर्गदूत मुबा। थं मरापदङसेन इसराएलला च्युक न्ही वंशला मिन भिरबा मुबा। १३स्यारपट्टि मराप सोम, झ्याङपट्टि मराप सोम ल्होपट्टि मराप सोम, न्हुपपट्टि मराप सोम मुबा। १४थं शहरला पर्खालला जगरी ग्ला ग्लारी च्युक न्ही घरेन घरेन युङ्बा थान्वा मुबा। थं युङ्बादङसेन थावा पिन्वा ग्यु बांगोला च्युक न्ही मुल चलागदे गिक गिकला मिन भिरबा मुबा।

१५थं शहरदेन शहरला मरापगदे ओच्छे पर्खाल दप्बाला लागिरी डादेन छ्याम ताम पाङ्बा स्वर्गदूतदेन छ्याम म्हरला दप्बा स्हे गिक मुबा। १६थं शहर चारपाटे मुबा। थं शहरला लम्बाइदेन चौडाइ च्योच्यो मुबा। थसे थं दप्बा स्हेसं शहर दप्बा हजार न्हीसे ग्यार्जा प्ति किलोमिटर मुबा। थं शहरला लम्बाइ, चौडाइदेन नोबा च्योच्यो मुबा। १७स्वर्गदूतसे पर्खालएनोन दप्जी। म्हिगदेसे चलब लबा दप्बा स्हे अन्छार थं पर्खाल बांगल सोमसे मिटर डा प्ताक्वा मुबा। चु दप्बा स्हे स्वर्गदूतलाएनोन हिन्ना। १८थं पर्खाल बिल्लोरग्याम स्होबा मुबा। ओच्छे शहर चा ज्यवा म्हरग्याम स्होबा मुबा। थं शहर सफा सिसा हरङ्बान ख्हाल ख्हाल्वा मुबा। १९थं पर्खालला जगरी युवा थं घरेन घरेन युङ्बारी

१२१:१ यशै ६५:१७; ६६:२२; २ पतरु ३:१३ १२१:२ यशै ५२:१; ६१:१०; उन्वा ३:१२
 १२१:३ इज ३७:२७; लेवी २६:११-१२ १२१:४ यशै २५:८; ३५:१०; ६५:१९
 १२१:६ उन्वा १:८ १२१:६ यशै ५५:१ १२१:७ २ शमु ७:१४; मजन ८९:२६-२७
 १२१:१० इज ४०:२ १२१:१२ इज ४८:३०-३५ १२१:१५ इज ४०:३

ल्हानान थरीला महँगो रत्नगदे थान्बा मुबा। पर्सालला जगरी थान्बा थ घरेन घरेन युडबारी रत्न गिक गिक थान्बा मुबा। जम्मान भन्दा डाच्छा थान्बा युडबारी चा बिल्लौर, जमाहेन्से अर्गु युडबारी नीर, हरित रत्न, पन्ना, २० थहरड लसीन आनिक्स, लालमणि, पीतमणि, बरूज, पुष्पराज, लसुने, नीलमणि, ओच्छे जम्मान भन्दा लिच्छांला युडबारी चा कटेला थान्बा मुबा। *२१ थ शहरला च्युक न्ही मराप चा च्युक न्ही मोतीग्याम स्होबा मुबा। जम्मान मरापगदे चा माती गिक गिकग्याम स्होबा मुबा। थ शहरला ग्याम सफा सिसा हरडबान ज्यबा म्हरग्याम स्होबा मुबा।

२२ डाइ थ शहर न्हडरी मन्दिर गिकनोन आमराडनी। तिग्दा भिसम थ शहरला मन्दिर चा जम्मान भन्दा घरेन परमेश्वरदेन थार्वी पिन्बा ग्यु बोगो हराडनोन हिन्ना। २३ थ शहरदा य्हाल तना लबाला लागिरी धिनीदेन तनी आतोः। तिग्दा भिसम परमेश्वरला य्हालदेन शक्तिसन थ शहरदा य्हाल तना लमुला। थ शहरला नाडसल चा थार्वी पिन्बा ग्यु बोगो हराडनोन हिन्ना। २४ परमेश्वरला य्हालरीन य्हुल य्हुलला म्हिगदे भरला। ओच्छे जम्बुलिङ नाडलान ग्लेगदेसे हराड हराडला धन सम्पत्तिदेन मान थ शहररी भला। २५ थ शहरला मरापगदे धिनीरी खाइमे आदुङ, तिग्दा भिसम थरी म्हुन तनोन आत। २६ य्हुल य्हुलला म्हिगदेसे हराड हराडसे याडबा मानदेन ल्हानान धन सम्पत्ति थ शहररी भला। २७ तर नइबा तामगदे, आज्यबा पःबा खबा गे लबागदेदेन लुसीला ताम पाडबागदे तिगे लसीन थ शहररी वाडआम्याड। थार्वी पिन्बा ग्यु बोगोला जुकजुकधोनाला जुनीला किताबरी मिन मुबा म्हिगदे ज थ शहररी वाडम्याडला।।

जुकजुकधोनाला जुनी पिन्बा स्योड

२२ १ जमाहेन्से थ स्वर्गदूतसे डादा स्फटिक
हरडबान झकझकबा जुकजुकधोनाला

*२१:२० २१:१९-२० चु पदरी ल्हानान रत्नगदेला मिन मुला। चु पदरी पाडबारी म्हाइबा चा अर्गुन अर्गुन छानना य्हालदेन ल्हानान य्हाल य्हाल्वा ओच्छे झकझकबा मुला भिसी पाडबा हिन्ना।

†२२:१ “स्फटिक” भिबा चा सिसा हरडबान झकझकबा सफा स्ह हिन्ना।

‡२२:३ चु पदरी “आकः” भिबा चा सराप आयु भिबा हिन्ना।

†२१:२३ यशै ६०:१९-२० †२१:२४ यशै ६०:३ †२१:२६ यशै ६०:११

†२१:२७ यशै ५२:१; इज ४४:९ †२२:१ इज ४७:१; जक १४:६

†२२:२ उत्प २:९; इज ४७:१२ †२२:३ जक १४:११ †२२:५ यशै ६०:१९; दानि ७:१६

जुनी पिन्बा क्युइला स्योड उन्जी। थ स्योड परमेश्वरदेन थार्वी पिन्बा ग्यु बोगोला टिग्याम थोन्जी। २२ ओच्छे थ स्योड थ शहरला ग्यामला गुडग्याम तवान निबा मुबा। थ स्योडला कुनी न्हीरीन जुकजुकधोनाला जुनी पिन्बा दोड मुबा। थ दोडरी लाएनानदडसे थरी थरीला रो रामुबा। थरी दिङ गिकरी च्युक न्ही थरीला रो रामुबा। थ दोडला भा चा य्हुल य्हुलला म्हिगदेदा खम्ना लबा मन मुबा। २३ दाहेन्से थ शहररी मुबा खजिबे स्हदा परमेश्वरसे आकः। †

परमेश्वरदेन थार्वी पिन्बा ग्यु बोगोला ठि थ शहररीन तला, ओच्छे थला म्हिगदेसे थदा तेन्ना। ०४ थनीगदेसे परमेश्वरला स्य्हाल मराडला, ओच्छे थनीगदेला डोरी थला मिन भिखा तला। ५ थ शहररी दोःसी साइमे म्हुन आत। थनीगदेदा नाडसलदेन धिनीला य्हाल आतोः। तिग्दा भिसम परमपरभु परमेश्वरनोन थनीगदेला य्हाल दोला। ओच्छे थनीगदेसे थरी सदन शासन लला। †

६ स्वर्गदूतसे डादा चुहरड भिसी भिजी, “चु बचन विश्वास लखम्बादेन सत्य मुला। अगमवक्तागदेदा हराडला आत्मा पिन्बा परमपरभु परमेश्वरसे हराडला गे लबा म्हिगदेदा योनान तबा तामगदे उन्बाला लागिरी स्वर्गदूत पुइखबा मुला।”

येशू योनान फेखबान मुला

७ येशूसे चुहरड भिसी सुडजी, “च्यागो, डा योनान खबान मुला! चु किताबरी भिखा अगमवाणीला बचन अन्डार भरबागदे परमेश्वरग्याम मोलम याडबागदे हिन्ना।”

८ चु जम्मान ताम थःबादेन मराडबा डा यूहन्ना हिन्ना। डाइ चु जम्मान ताम थःबादेन मराडमाहेन्से डादा चु ताम उन्बा स्वर्गदूतदा फ्या लबारी डा कू तजी। ९ तर थसे डादा चुहरड भिसी भिजी, “च्यागो, एसे चुहरड लबारी आत।

डा मी एदेन एला ज्योज्यो आले अगमवक्तागदे ओच्छे चु किताबरी भिरबा ताम ड्यान्वागदे हरडबा परमेश्वरला गे लबा हरो जे हिन्ना। परमेश्वरदा जे फ्या लसी तेन्गो।”

१० जमाहेन्स थ स्वर्गदूतस डादा चुहरड भिसी भिजी, “चु किताबरी भिरबा अगमवाणीला बचन आपाङ्ना कुटिसी थाचिउ। तिग्दा भिसम चु जम्मान तामगदे तबारी छ्याइबा मुला। ११ नइबा गे लबा म्हिसे नइबान गे लसी चिगे, पःबा खबा गे लबा म्हिसे पःबा खबान गे लसी चिगे, ज्यबा गे लबा म्हिसे ज्यबा गे लसीन चिगे, ओच्छे तिगे दोष आरबा म्हिसे तिगे दोष आरबा गे लसीन चिगे।” ११

१२ यशूसे चुहरड भिसी सुङ्गी, “च्यागो, डा योनान खबान मुला! डा इनामदेन सजाय भसी खला। जमाहेन्स डाइ जम्मान म्हिगदेदा थनीगदेसे लबा गे अन्धार इनामदेन सजाय पिन्ना। १३ अल्फादेन ओमेगा, डाच्छादेन लिच्छा ओच्छे शुरु लबादेन जिन्ना लबा डानोन हिन्ना। १४

१४ “जुकजुकधोनाला जुनी पिन्बा दोडला रो चबा हक याडबारीदेन शहरला मरापगदेग्याम न्हडरी वाडम्याडगै भिसी हराड हराडला क्वान खरुबागदे १५ परमेश्वरग्याम मोलम याडबागदे हिन्ना। १६ तर नगी हरडबा म्हिगदे, टुनामुना लबागदे, स्हान्दोदेन छ्याम बरेल्सी भ्रबागदे, म्हि साइबागदे, मूर्तिदा तेन्बागदे, लुसीला ताम संम निबागदेदेन लुसीला ताम अन्धार भ्रबागदे चा शहरला मडग्यार तला।

१६ “डा येशूसे मण्डलीगदेरी मुबा जम्मादान चु तामगदे था तना लबाला लागिरी एनीगदे मुबा ग्लारी डाला दूत पुइखबा मुला। दाऊद ग्लेला मुल सन्तान डानोन हिन्ना। ओच्छे स्होला झक्झक्वा सारएनोन डानोन हिन्ना।” १७

१७ परमेश्वरला आत्मादेन चाडछारसे “फप्खउ” भिसी मिला। जुन म्हिसे थ ताम थःला थसेनोन “फप्खउ” भिसी भिगे। जुन म्हिदा क्युइ फुइला थ ससी जुकजुकधोनाला जुनी पिन्बा क्युइ आहरडनोन थुङ्गे। १८

१८ च्यागो, चु किताबरी भिरबा अगमवाणीला बचन थःबा म्हिगदेदा डाइ पाङ्गला।

चुदे खाले म्हिसे चु किताबरी भिरबा तामरी अर्गु ताम काप्जी भिसम चु किताबरी भिरबा जम्मान आपत विपतगदे परमेश्वरसे थेदा काप्सी पिन्ना। १९ ओच्छे खाले म्हिसे चु अगमवाणीला किताबरी भिरबा बचनग्याम तिगे ताम तेःजी भिसम चु किताबरी भिरबा जुकजुकधोनाला जुनी पिन्बा दोडदेन परमेश्वरला शहरग्याम थसे याडतोःबा हक परमेश्वरसे थग्याम ब्यन्ना। २०

२० चु जम्मान तामगदे उन्वादेन सुडबासे चुहरड भिसी सुडबा मुला, “हिन्ना, डा योनान खबान मुला।”

आमन, फप्खउ, परभु येशू।

२१ परमेश्वरला जम्मान म्हिगदेदेन छ्याम परभु येशूला दयामाया तगे। आमन।

१२२:१४ “हराड हराडला क्वान खरुबागदे” भिबा चा येशूदा विश्वास लसी येशूला काग्याम पापला दोष मंटब तबा म्हिगदे हिन्ना।

१२२:१६ “स्होला झक्झक्वा सारएनोन डानोन हिन्ना” भिबा चा थार्वा पिन्बा खरीष्टसे हराडलान छार धुइ शुरु लला भिबा हिन्ना।

१२२:११ दानि १२:१० १२२:१२ यशे ४०:१०; ६२:११; मज्जन २८:४; यर्मि १७:१०

१२२:१३ उन्वा १:८, १७; २:८; यशे ४४:६ १२२:१४ उत्प २:९; ३:२२

१२२:१६ यशे ११:३, १० १२२:१७ यशे ५५:१ १२२:१९ व्यव ४:२; १२:३२